



SS. D. N.
B E N E D I C T I X I V .
O P E R A
IN DUODECIM TOMOS DISTRIBUTA
T O M U S I I I .

D:VII
181

THE
LIBRARY OF THE
MUSEUM OF
COMPARATIVE ZOOLOGY
AT HARVARD UNIVERSITY
20 MAY 1951

BENEDICTI XIV.

PONT. OPT. MAX.

O L I M

PROSPERI CARD. DE LAMBERTINIS

PRIMUM ANCONITANÆ ECCLESIE EPISCOPI,
DEINDE BONONIENSIS ARCHIEPISCOPI

D E

SERVORUM DEI BEATIFICATIONE

E T

BEATORUM CANONIZATIONE

LIBER TERTIUS

EDITIO TERTIA AUCTION, ET CASTIGATIO

A D U S U M

ACADEMIE LITURGICÆ CONIMBRICENSIS.



ROMÆ, MDCCXLVIII.

EXCUDERANT NICOLAUS ET MARCUS PALEARINI

ACADEMIE LITURGICÆ CONIMBRICENSIS TYPOGRAPHI.

SUPERIORVM FACULTATE.

THE
LIBRARY OF THE
MUSEUM OF NATURAL HISTORY
NEW YORK

THE
LIBRARY OF THE
MUSEUM OF NATURAL HISTORY
NEW YORK

THE
LIBRARY OF THE
MUSEUM OF NATURAL HISTORY
NEW YORK

INDEX CAPITUM

HUIUS LIBRI TERTII.

CAP. I.	D e Testibus de auditu in causis antiquis Beatificationis & Canonizationis.	Pag. 2
II.	De Testibus singularibus in causis Beatificationis & Canonizationis.	9
III.	De sententia Congregationis sacrorum rituum, & presentis Sedis Apostolica praxi, quoad Testes de auditu in causis Beatificationis & Canonizationis super examine virtutum, aut miraculorum in specie.	15
IV.	De sententia Congregationis sacrorum rituum, & de presentis Sedis Apostolica praxi quoad Testes de auditu, cum agitur de miraculis; & quoad Testes singulares, quando agitur de virtutibus aut de miraculis in causis Beatificationis & Canonizationis.	35
V.	De numero Testium in causis Beatificationis & Canonizationis adhibendorum.	44
VI.	De qualitate Testium in causis Beatificationis & Canonizationis adhibendorum.	54
VII.	De Confessariis, & Medicis, quorum attestations excipiuntur in iudicio Beatificationis & Canonizationis, & de nonnullis aliis rebus ad Testes pertinentibus.	69
VIII.	De historiis, quam scilicet probationem constituunt in iudicio Beatificationis & Canonizationis.	78
IX.	In quo nonnulla explicantur & resolvuntur controversie ad eandem historiarum materiam pertinentes.	92
X.	In quo alie explicantur & resolvuntur controversie ad eandem historiarum materiam spectantes.	100
XI.	De Martyrio; & primum de Persecutore seu Tyranno.	117
XII.	De poena a Persecutore seu Tyranno infligenda.	131
XIII.	De causa Martyrii quoad Persecutorem seu Tyrannum.	145
	a	XIV.

INDEX CAPITUM.

XIV. De modo , quo probari potest , Persecutorem seu Tyrannum ex odio in Fidem motum fuisse ad mortem Martyri infligendam .	157
XV. De requisitis in Martyre necessariis ante Martyrium .	169
XVI. De Martyrii desiderio , ejus acceptione , spontanea ad ipsum oblatione , & fuga , urgente persecutione .	187
XVII. De provocazione Tyranni .	204
XVIII. De Martyris repugnantia , ut mortem sibi inferendam evadas ; & de necessaria Martyri patientia , atque in Fide , ac voluntate moriendi pro Fide constantia usque ad obitum , necnon in ipso obitu .	225
XIX. De causa Martyris ex parte Martyris .	241
XX. De falsis Martyribus Hæreticorum , & Schismaticorum .	256
XXI. De Virtute heroica .	273
XXII. In quo proponuntur , & explicantur nonnulla quæstiones ad heroicitatem Virtutum pertinentes .	293
XXIII. De virtutibus Theologalibus Fide , Spe , & Charitate , & heroicitate uniuscujusque ex istis .	307
XXIV. De virtutibus Cardinalibus , seu moralibus , Prudentia , Justitia , Fortitudine , Temperantia , & earum annexis , & de heroicitate uniuscujusque ex istis .	336
XXV. De Oratione , & ejusdem speciebus , & ejus necessitate in Dei Servis beatificandis & canonizandis .	377
XXVI. De mentali Oratione ; triplici vita , activa , contemplativa , & mixta ; statibus incipientium , proficientium , & perfectorum ; & aliis nonnullis ad Orationem vocalem , & mentalem pertinentibus .	386
XXVII. De Sacramentorum frequentia , Pœnitentia videlicet , & Eucharistia , in Servis Dei beatificandis & canonizandis requisita .	401
XXVIII. De Carnis , & Corporis mortificatione .	415
XXIX. De modo adhibendo in Carnis & Corporis mortificatione .	429
XXX.	

INDEX CAPITUM.

- XXX. De inquisitione super arumnis & tribulationibus Servorum Dei, de quorum Beatificatione & Canonizatione tractatur. 439
- XXXI. De nonnullis particulariter advertendis quoad dignitatum Ecclesiasticarum adeptionem in causis Servorum Dei, qui eas, dum viverent, obtinuerunt. 465
- XXXII. De nonnullis in causis Servorum Dei, qui summi Pontifices fuerunt, specialiter advertendis post adeptum summum Pontificatum, & regimen universalis Ecclesie assumptum. 481
- XXXIII. De nonnullis in causis Servorum Dei, qui fuerunt Cardinales S.R.E., ad advertendis post adeptam Cardinalatus dignitatem. 492
- XXXIV. De iis, quæ in causis Servorum Dei, qui Episcopi fuerunt, advertenda sunt post adeptam Episcopatus dignitatem. 515
- XXXV. De nonnullis advertendis in causis Servorum Dei Ecclesiasticorum in inferiori gradu constitutorum, & signanter Regularium, dum de eorum Beatificatione & Canonizatione tractatur. 545
- XXXVI. De advertendis in causis Laicorum, & præcipue eorum, qui Imperatores, Reges, aut supremi Principes fuerunt, dum de eorum virtutibus agitur in factorum rituum Congregatione, Beatificationis & Canonizationis gratia. 563
- XXXVII. De advertendis in causis Virginum, Conjugatorum, Viduarum, a quo Peregrinorum. 582
- XXXVIII. De obitu Servorum Dei, de quorum agitur Beatificatione & Canonizatione. 594
- XXXIX. De ponderandis a Fidei Promotore, & a Consultoribus sacre Congregationis, cum dubium proponitur, & disputatur de virtutum heroicitate, & signanter de peccatis, quæ aliquando occurrunt in perferenda serio vita Servorum Dei. 615
- XI. De nova iactantia & vana gloria, de qua sæpe disputandum occurrit in examine virtutum Servorum Dei. 630
- XLI. De nonnullis aliis rebus, de quibus in examine causarum Servorum Dei frequens se offert occasio disputandi; de nonnullis regulis adhibendis, ut tutum de gestis a Dei Servis feratur iudicium; & de quibusdam

INDEX CAPITUM.

quibusdam extraordinariis actionibus, quæ a speciali Dei impulsu facta asseruntur.	644
<u>XLII. De Gratia gratis data.</u>	666
<u>XLIII. De Sermone Sapientia, & de Sermone Scientia, Gratiis gratis datis.</u>	673
<u>XLIV. De Gratiis gratis datis, Fidei, sanitatum, & operationis virtutum.</u>	682
<u>XLV. De Gratia gratis data Prophetia.</u>	687
XLVI. In quo dicta in capite precedenti confirmantur; & nonnullis, quæ proponi possunt, & difficultatibus respondetur.	701
XLVII. De Gratia gratis data Prophetia, quod attinet ad causas Beatificationis & Canonizationis.	710
<u>XLVIII. De Gratia gratis data Discretionis Spirituum, Generum Linguarum, & Interpretationis Sermonum.</u>	722
XLIX. De mentis Excessu, Ecstasi, & Reptu.	731
I. De Visionibus, & Apparitionibus.	755
II. De discernendis Visionibus, & Apparitionibus.	772
III. De Visionibus, & Apparitionibus quoad causas Beatificationis & Canonizationis.	783
<u>CAP.ULT. De Revelationibus.</u>	793





DE SERVORUM DEI BEATIFICATIONE, ET BEATORUM CANONIZATIONE LIBER TERTIUS.



UM in præcedenti libro exposuerimus omnia, quæ ad signaturam Commissionis, ad non cultum, ad casum exceptum a decretis Urbani VIII., ad operum revisionem, & ad validitatem processuum pertinent; rectus ordo exposcit, ut in præsentī libro de probationibus, de Martyrio, de virtutibus, ac de gratiis gratis datis sermo instituat.

Quapropter, initio ducto a probationibus, primum sibi vindicat locum probatio, quæ fit per testes. Porro, si omnia, quæ de testibus dici possunt, hic essent inferenda, nedum transcribendi forent omnes libri Jurisconsultorum, qui de testibus scripserunt, sed etiam multa vulgaria, & quæ unicuique, qui vix jurisprudentiam e limine salutarit, nota sunt, nostrum hoc opus replerent. Quæ omnia, ut uno ictu avertantur, operæ præmium esse censemus, in præsentī tractare solum de his, quæ ut plurimum in examine causarum Beatificationis & Canonizationis contingere possunt, quod videlicet attinet ad testes, qui in eis adhibentur.

Tom. III.

A

Quia

Quia vero, ut plurimum annorum experientia cognovimus, tres potissimum sunt difficultates, quæ in examine dictarum causarum occurrunt, quarum prima est de auctoritate testium examinatorum auctoritate ordinaria, altera de testibus de auditu, ultima de testibus singularibus; prætermittam nunc prima ex dictis controversiis, utpote in secundo libro plene examinata, ad aliarum examen descendimus.

CAPUT PRIMUM.

De testibus de auditu in casibus antiquis Beatificationis & Canonizationis.

1 **C**ommunis est Auctorum sententia, ceteris potiores esse testes de visu, siue res sit de virtutibus, siue de miraculis, Innocentius in cap. Cum causam 37. de testib., & Baldus in l. Solam num. 1. vers. Innocentius autem, ubi etiam Salicet. num. 3. vers. Sed Innocentius, Sicardus num. 4. vers. Unde aliter C. de testib., & alii cumulati apud Farinacc. de testib. quest. 70. cap. 3. num. 128. ad quod etiam conferunt late tradita per Baron. de corpore, ejusque partibus, tit. de oculis num. 3. & seqq. Quam ad rem Plautus in Trucul. a. 2. sc. 6. v. 8.

Pluris est oculatus testis unus, quam auriti decem:

Qui audiunt, audita dicunt; qui vident, plane sciunt:

2 Oculorum siquidem testificatio rem facit physice evidentem testibus qui viderunt, & insimul facit moraliter in summo gradu evidentem Judicibus, qui non viderunt. Nam, cum de actionibus, ex quibus est probanda sanctitas, utpote particularibus & contingentibus, non possit dari major evidentiâ, quam vel physica, vel moralis, quemadmodum in teste qui aderat, non potuit dari evidentiâ major, quam physica, ita in Judice qui non vidit, non potest dari evidentiâ morali major, sed quæ immediate fundatur in evidentiâ physica testis qui vidit.

3 Hæc plana sunt, nec ulla quoad ea superest controversia. Controversia utique superest, an in hypothesi, in qua causæ Beatificationis & Canonizationis introducantur post lapsum multorum annorum a die obitus Servorum Dei, ita ut oculati testes deficiant, & soli reperiantur testes de auditu, probatio sufficiens in eorum dictis constitui possit tum in dubio virtutum, tum in dubio miraculorum.

4 Nonnulli adhærent opinioni quæ affirmat, ut Molphee. consil. 46. num. 75. Pignatell. consil. 241. per tot. tom. 1. & consil. 42. num. 55. tom. 4. Contelor. de Canoniz. SS. cap. 14. num. 7. & 8. Castellin. de certit. glor. SS. in append. ad cap. 6. sect. 1. num. 2. Rosa in addit. ad tractat. de Executor. litter. Apostol. cap. 1. num. 225. & seqq. de Rubeis in dissertatione typis impressa apud Mattam de Canonizat. SS. part. 4. cap. 24. num. 31. Cui etiam sententiæ Rotæ Auditores plane adhæserunt in suis relationibus, quas exarabant, cum juxta alibi dicta examen causarum Beatificationis & Canonizationis ipsis committebatur, siue ageretur de virtutibus, siue de miraculis; uti colli-

colligitur ex relatione in causa S. Cajetani *tit. de ortu, & Fide Servi Dei*, sub *init. tit. de Spe §. Reassumendo*, *tit. de Charitate in Deum*, in causa S. Joannis de Capistrano *tit. de ortu*, in causa S. Thomæ de Villanova *tit. de Charitate*, in causa S. Petri Regalati *tit. de fama, & communi opinione sanctitatis*, in causa S. Philippi Beniti *tit. pariter de fama sanctitatis*, in causa S. Andreæ Avellini *tit. de Charitate in proximum cap. 6. sub §. Hac probari*, in causa S. Hyacinthi *cap. 3. vers. Quem item*, in causa B. Gregorii X. *tit. de sanctitate sub §. Secundum est, & in examine primi miraculi*, in causa S. Elisabeth 2. part. de sanctitate vite, & in examine quarti miraculi §. *Quod & nos*, in causa S. Isidori Agricola *tit. de sanctitate vite*, in causa Servi Dei (nunc Beati) Hieronymi Æmiliani *tit. de virtutibus Theologalibus*, & passim in aliis.

5 Porro, ne aliqua oriretur difficultas quoad temporis antiquitatem necessariam, ut testes de auditu tum in virtutibus, tum in miraculis admitti possent, cum antiquum tempus nonnulli constituant in lapsu centum annorum, teste Cardinali de Laureæ in 3. lib. *sent. tom 4. disput. 20. art. 25. §. 4. nrm. 1112*. nonnulli in lapsu septuaginta annorum, ut apud Honded. *consil. 17. num. 59. lib. 1. nonnulli denique in lapsu annorum sexaginta*, juxta opinionem Rotæ, quam testatur Farinacc. *de testib. quest. 69. cap. 3. num. 125. & sicut colligitur ex decif. 644. num. 2. part. 2. recent. decif. 213. num. 8. part. 9. tom. 1. recent. & coram Seraphino decif. 75. nrm. 2. iidem Rotæ Auditores in relationibus causarum Canonizationis temporis antiquitatem constituerunt in lapsu annorum sexaginta; uti videri potest in relatione causæ S. Cajetani tit. de ortu, & Fide Servi Dei, & de Spe et fiducia in Deum in fin.*, in relatione causæ S. Petri de Alcantara §. *Primum miraculum in vita*, in relatione S. Andreæ Avellini *cap. 6.* Cumque in causa Servæ Dei Joannæ de Cruce hanc eandem opinionem secuti fuissent, delato examine relationis, ut moris erat, ad sacrorum rituum Congregationem, duo prodierunt decreta, & primum quidem die 19. Januarii 1630. *Quia in ultima præterita Congregatione habita pro causis Beatificationum de mense Septembris fuerat dilata discussio articuli circa ætatem testium ad probandum in antiquis, hodie ad relationem Illustrissimi Sanctæ Cecilie sacra Congregatio censuit, sufficere in testibus ætatem annorum sexaginta ad probandum in antiquis, reliqua vero in causa Ancilla Dei Sororis Joannæ de Cruce fuerunt dilata ad aliam Congregationem.* Alterum decretum prodit die 4. Maji eodem anno 1630. in hæc verba: *Eodem Illustrissimo Sanctæ Cecilie referente causam Ancilla Dei Joannæ de Cruce alias propositam super virtutibus, stante resolutione jam facta per hanc sacram Congregationem, quod in antiquis sufficiat in testibus ætas annorum sexaginta, eadem sacra Congregatio respondit, consistere de virtutibus in ordine ad Canonizationem.* Decreta hæc prostant in regestis pag. 23. et pag. 65.

6 Sententia hæc autem non contemnendis innititur fundamentis; quorum primum est, quod in causis Beatificationis & Canonizationis proceditur de bono & æquo, nec agitur de ullius præjudicio; uti late docuerunt iidem Rotæ Auditores in relatione causæ S. Pii V. *tit. de proces-*

suum validit. §. *Præter hæc* ; edita in *tomis posthumi annalium Bzovii pag. 1170.* Quo admisso , rejiciendi non videntur testes de auditu , in causis præsertim antiquis . Præterquamquod plena quidem probatio in his causis est necessaria , sed plenissima non requiritur , juxta ea quæ habentur in relatione causæ S. Andreæ Corsini *part. 3. num. 3. edita apud Lezanam consuli. 1.* Secundum fundamentum desumitur ex circumstantiis , & præsertim ex necessitate . Si enim propter temporis antiquitatem testes de visu reperiri non possunt , necessitas impellit ad testes de auditu : quamobrem S. Thomas *lib. 1. contra Gentiles cap. 3.* ait : *Non omnis veritatis manifestanda modus est idem ; disciplinati autem hominis est tantum de unoquoque fidem cupere tentare , quantum natura rei permittit .* Licet autem ven. mem. Cardinalis Bellarminus in suo suffragio pro Canonizatione S. Franciscæ Romanæ , (quod in Appendicibus nostris legitur) docuerit , in his causis certissima debere esse documenta ; Neque enim ad hanc excellentiam satis est , ut coram Deo Sancti sint ; sed oportet , ut certissimis documentis probetur , eos , dum viverent , vera sanctitatis gloria aliis præluxisse , & in eadem sanctitate diem extremum clausisse : non potuit tamen ab appellatione certissimorum documentorum excludere in causis antiquis testes de auditu . Nam in alio suffragio eodem loco typis impresso stetit pro Canonizatione S. Raymundi : *Quod vero ad S. Raymundum attinet , ego fretus diligentia gravissimorum Patrum , quibus hoc negotium commissum fuit , facile mihi persuadeo , de hujus viri innocentia vita , miraculorum gloria satis constare ;* atque in hoc eodem suffragio se quoque retulit ad causam jam expeditam S. Hyacinthi : *Et eo magis in hanc sententiam adducor , quod S. Hyacinthum Sanctitas vestra paucis ante annis in numerum Sanctorum retulit : et si utraque causa tum S. Raymundi tum S. Hyacinthi , propter antiquitatem , saltem in dubio virtutum , expedita fuerit per solos testes de auditu ; uti colligitur ex relatione Rotæ Auditorum in causa S. Raymundi part. 2. art. 2. vers. Hinc vero , & ex relatione in causa S. Hyacinthi cap. 3. per tot. Tertium denique fundamentum ex juris dispositione desumitur . Textus enim in cap. Licet 47. de testib. in quo propter temporis antiquitatem testes de auditu admittuntur , Licet ex quadam necessitate præter communem formam olim fueris institutum , in consanguinitatis & affinitatis gradibus computandis valere testimonium de auditu , cum propter brevem hominum vitam testes de visu deponere non valerent usque ad gradum septimum computando ; quamvis a nonnullis ita fuerit intellectus & explicatus , ut ad alios casus præter eum qui in prædicta Decretali expressus est , extendi non possit ; perinde quasi in ea aliquid statuatur exorbitans a jure communi , quemadmodum conatur ostendere Cardinalis de Lauræa in 3. sens. tom. 4. diffut. 20. art. 25. §. 4. num. 116. et seqq. ; verior nihilominus receptiorque sententia est , quia ratio , cur haberi nequeat probatio directa , generalis est , consequenter allati textus dispositionem in omnes alias causas cadere , in quibus propter brevem hominum vitam testes de visu haberi non possunt ; cum pro certo absolutoque haberi debeat ,*

beat, legem tot casus comprehendere, quot ratio complectitur, l. Neque leges. l. Non possunt ff. de legibus, l. A Titio ff. de verb. obligat. quod & pluribus prosequuntur Donell. comment. lib. 1. cap. 14. Barbozia axiom. 197. num. 3. Excobat. de purit. sanguinis quest. 9. §. 4. a num. 39. ad 43. et num. 48. quodque procedit non ratione extensionis, sed ex proprio intellectu, & ratione comprehensionis, l. Nominis 6. §. 1. ff. de verb. signific.

7 Hanc scilicet opinionem docuerunt celebriores juris Pontificii Interpretes, ita ut de ejusdem veritate nullus suppetere videatur ambigendi locus: siquidem Joannes Andreas in alleg. cap. Licet 47. num. 3. de testib. inquit: Et idem videtur in omnibus antiquis factis, de quibus testes non possunt haberi, ut valeat testimonium de auditu cum fama et adminiculis.

Abbas num. 3. Nota ibi propter brevem hominum vitam, et quod, ubi agitur de probando aliquid, quod hominis vita capere non potuit, ut puta, quia excedit tempus centum annorum, argumento l. finalis C. de sacros. eccles. admittitur testimonium de auditu auditus, quod tenet hic Joannes Andreas, et Ostiensis. Nam, licet iste textus loquatur de consanguinitate vel affinitate probanda, eadem tamen ratio est in aliis factis antiquis, de quibus testes haberi non possunt ad hoc, l. Si arbiter etc. nam lex non fundatur super impossibili.

Felin. ibi num. 1. Nota ibi propter brevem vitam hominum, quod, ubi agitur de probando aliquid, quod vita hominis capere non potest, quia forte excedit tempus centum annorum. . . admittitur testimonium de auditu auditus . . . quia, licet iste textus loquatur in casu suo, tamen eandem rationem retinet in aliis factis antiquis, ubi testes haberi non possunt etc. nam lex non fundatur super impossibili.

Ancharan. ibid. num. 1. Et ex ratione juris antiqui collige, quod in casu, quo est impossibile testimonium de visu, sufficit de auditu; et idem de omnibus factis antiquis, de quibus testes non possunt haberi, ut valeat testimonium de auditu cum fama et adminiculis.

Antonius a Butrio num. 1. Nota, quod in re antiquata admittitur testimonium de auditu, cum aliud de facili haberi non potest; sic et admittitur testimonium de fama etc. Ex quibus datur pro regula, in antiquis factis in quacunque materia talem probationem sufficere.

Ostiensis sub num. 2. Vales similiter testimonium de auditu . . . et idem videtur in antiquis factis, de quibus testes haberi non possunt, cum fama et aliis adminiculis.

Joannes de Anan. num. 1. Nota, quod in re valde antiqua admittitur testis de auditu.

Bellam. ibid. num. 2. Et idem videtur in omnibus factis antiquis, de quibus testes non possunt haberi, ut valeat testimonium de auditu cum fama et adminiculis.

Fermosin. ibid. quest. 3. num. 12. Quare infero primo, quod, etsi multi existant, testes de auditu tantum probare in his casibus expressi a canone, seu a lege . . . tamen verius dicendum est, quod in factis tam antiquis memoriam hominum encedentibus admittatur testimonium de auditu non solum in uno, ant
altero

altero casu expresso juris, verum & in aliis non expressis, nisi expresse prohibitus reperiat, ex eo, quia lex tot casus comprehendit, quot ratio amplectitur.

Layman. *ibid.* num. 1. Necessitas autem cogit, ut in quibusdam casibus admittantur testes de auditu, videlicet, si factum de quo queritur, hominum qui vivunt, etatem ac memoriam excedat.

Pirringh. *ad eund.* tit. *Decretal. de testib. sect. 3. §. 1. num. 135.* Similiter testes de auditu alieno, sive ex relatione ab aliis facta admittuntur primo, si deponatur super factis antiquis etatem & memoriam hominum, qui de facto vivunt, excedentibus. . . . & colligitur ex cap. *Licet* 47. hoc tit. qui textus licet loquatur de consanguinitate & affinitate probanda, eadem tamen ratio est in aliis factis antiquis memoriam hominum excedentibus. Quorum omnium tanti momenti Doctorum auctoritas sententiam procul dubio efficit constituitque communem, a qua consequenter in iudicando recedi nequit, ut egregie animadvertit Auctor lib. 2. de *vocat. Gentium cap. 2.* inter opera S. Prosperi (licet huic quoque cum eruditioribus Criticis abjudicet, qui Prosperi opera novissime recensuit, D. Joannes Salinas) Magna enim fortitudo est consensus, cui ad sequendam veritatem auctoritas sufficit, etiam latente ratione.

8 In cuius præterea sententiæ comprobationem animadverti posset, quod in aliis etiam casibus admittuntur testes de auditu; uti colligitur ex cap. *Præterea, de testib.*, ubi: Respondemus, quod, si testimonium conveniens de visu reddatur, vel etiam de auditu, & presumptionem violentam fama consentiens subministret, ac alia legitima adminicula suffragentur, standum est testimonio juratorum; ita ut consequenter non subsistat assumptum eorum, qui asserunt, dispositionem capituli *Licet, de consanguinit. & affinit.* esse exorbitantem a jure communi, ideoque ad alios casus præter eum, qui in Decretali expressus est, extendi non posse: multoque minus, quia a jure quoque Civili in aliquibus casibus statutum est, ut testibus de auditu deferatur; ut habetur in l. *Si arbiter, ff. de probat. Sed, cum omnium hæc est opinio, nec audisse, nec vidisse, cum id opus fieret, neque ex his audisse, qui vidissent, aut audissent, & hoc infinite similiter sursum versum acciderit, tum memoriam operis facti non extare: & in l. In summa §. idem Labeo, ff. de aqua pluvia arcen. Nec utique necesse est superesse, qui meminimus; verum esse, qui audierint eos, qui memoria tenuerint. Ex quibus antiquorum Jurisconsultorum responsis certum est desumi posse argumentum ad probandum, Constitutionem capituli *Licet* non esse Constitutionem particularem, & propterea non procedere solum in eo casu, sed & in omnibus aliis, in quibus propter antiquitatem temporis testes oculati haberi non possunt; Sane, licet sancta Ecclesia legum secularium non respuat samulatum, quæ equitatis & justitiæ vestigia imitantur, ut respondit Honorius III. in cap. *Super specula, de privileg.* Quia vero sicut leges non dedignantur sacros Canones imitari, ita & sacrorum statuta Canonum Principum Constitutionibus adjuvantur, veluti prosequitur Lucius III. in cap. *Intelleximus, de nov. oper. nunt.* Quin immo, cum deest dispositio Canonis, pro axiomate receptum est, ut ad leges Civiles confu-*

giatur,

giatur, ex statuto summi Pontificis Joannis VIII. relato apud Ivonem in 3. part. Decreti cap. 98.

9 Hucusque adducta illustrari possunt exemplis desumptis a primis, mediis, & ultimis temporibus. Apud Ruinart in *Alii. Martyr. pag. 241.* de Martyrio S. Mauricii & sex millium Sociorum Legionis Thebææ hæc habentur ex S. Eucherio in prologo suæ epistolæ ad Salvium: *Mitto ad Beatitudinem tuam nostrorum Martyrum Passionem; verebar enim, ne per incuriam tam gloriosi gesta Martyrii ab hominum memoria tempus aboleret.* Porro ab idoneis Auctoribus rei ipsius veritatem quasivi; ab his utique qui affirmabant, ab Episcopo Genavensi sancto Isaac hunc, quem retulis, *Passionis ordinem cognovisse; qui, credo, rursus hac retro a beatissimo Episcopo Theodoro viro temporis anterioris acceperat.* Item de S. Genesii Martyrio hæc alia ex S. Paulino Episcopo Nolano habentur apud eundem Ruinart pag. 473. *Sed, quoniam succedentes sibi per incertum vite tempus atates tradere hac invicem memoria mutua, quam mandare litteris, nunc oportet, eadem fidelibus scriptis in tempora secutura transmittere, ne ea qua adhuc viva recordatione rerum, ut sunt gesta, referuntur; evanescente per tempus vel tradentium vel accipientium fide, fabulosa credantur.* Rursum Augustinus Anglorum Episcopus S. Gregorio Magno supplicavit, ut ad se Reliquias mitteret S. Sixti Martyris, quæ in quadam ecclesia recondi possent, ubi corpus ejusdem S. Sixti non facis sibi noti asseruari dicebatur: petitioni autem Augustini sic a Gregorio responsum fuit, quemadmodum legitur (tom. 2. oper. lib. 11. regist. epist. colum. 1157.) *Fecimus, quod petisti; quatenus populus, qui in loco quondam Sancti Sixti Martyris corpus dixerunt venerari, quod tue Fraternitati nec verum, nec veraciter Sanctum videtur, certa sanctissimi & probatissimi Martyris beneficia suscipiens, colere incerta non debeat.* Mibi tamen videtur, quia, si corpus quod a populo cujusdam Martyris esse creditur, nullis illic miraculis coruscat, & neque aliqui de antiquioribus existunt, qui, se a parentibus Passionis ejus ordinem audisse, fateantur, ita Reliquia, quas petisti, seorsum condenda sunt, ut locus, in quo presatum corpus jacet, modis omnibus obstruatur, nec permittatur populus certum deferere, & incertum venerari. Suadent nempe hæc omnia, Martyrii probationem admissam fuisse, licet innixam testibus de auditu, & publicam venerationem dependenter (ut dicitur) ab iisdem testibus de auditu fuisse concessam.

10 Temporibus antiquioribus media tempora succedunt. Cumque ex alibi dictis, quæ fuerunt desumpta ex Bollandianis ad diem 7. Maji pag. 257. visum sit, etsi magna excitata fuerit controversia a Cardinali Reginaldo Episcopo Ottiensi in causa Canonizationis S. Stanislai Episcopi Cracoviensis propter defectum testium de visu, nihilominus causam prædictam ad suum finem & complementum fuisse perductam, nil clarius afferri posse videtur, ut probetur, in causis Canonizationis, deficientibus ob earum antiquitatem testibus de visu, momentum constitui posse in testibus de auditu. Alibi quoque visum est, a Leone X. inter Beatos relatum fuisse

Conradum

Conradum Placentinum, & a Paulo III. Guillelmum Eremitam Siculum, nunc addo a Pio IV. Gundisalvum de Amarante Ordinis Prædicatorum; nec in eorum omnium causis virtutes probatæ fuerint per testes de auditu. In causa quippe B. Conradi Dalmatius Episcopus Syracusanus testes de auditu examinaverat super sanctitate, atque adeo ope processus sic confecti Jacobus de Humana Delegatus Apostolicus Beatitatis honores Conrado indulgit; uti videri potest apud Bollandianos tom. 3. *Februarii pag. 160. & seqq.* In causa B. Guillelmi Eremitæ Siculi post elapsos ab ejus obitu centum & quinquaginta annos auctoritate summi Pontificis Pauli III. processus confectus est, in eum insertis tantummodo testibus de auditu super virtutibus, quorum ope Judex Apostolicus Delegatus constare dixit de sanctitate, & publicos ei honores decrevit; uti videri potest apud eosdem Bollandianos tom. 2. *Aprilis a pag. 380. ad pag. 395.* In causa demum B. Gundisalvi de Amarante, qui mortuus erat anno 1259. processus confectus est circa annum 1560.; & sane, quamvis in eo testes de visu super virtutibus nec adfuerint, nec adesse potuerint, Delegati nihilominus Apostolici cultum publicum eidem decreverunt; uti colligitur ex Constit. 70. Clementis X. in *Bullar. Rom. tom. 7.*, & latius prosequitur Castillo in *historia S. Dominici part. 1. lib. 2. cap. 63. pag. 305.*

II Quod si insuper addatur, expeditas fuisse causas Canonizationis SS. Hyacinthi, Raymundi, Ilidori, Elisabethæ Lusitanæ, Andreae Corsini, Philippi Benitii, Cajetani, Laurentii Justiniani, Joannis a Capistrano, Catharinæ Bononiensis, Agnetis de Monte Politiano, Peregrini Latiofi, Joannis Nepomuceni cum solis testibus de auditu, quoad virtutes, & respectively quoad Martyrium, non videtur amplius jure dubitari posse, an sufficientes testes de auditu in hypothesi, in qua propter temporis antiquitatem testes de visu haberi non potuerunt.

12 Si vero cum testibus de auditu, & de publica voce ac fama aliquis jungatur testis de visu, quotquot in causis antiquis docuerunt sufficere testes de auditu, potiori jure doceant, plenam & sufficientem desumi probationem ex teste de visu conjuncto cum testibus de auditu: testis enim de visu, licet unicus, semiplenam dicitur facere probationem, quemadmodum docent Doctores in *cap. finali, de jurejurando, & in l. Admonendi, ff. eodem*: & semiplena quidem probatio orta ex uno teste de visu evadit plena probatio, si dictum testis de visu confirmetur a contestibus de auditu. Baldus in *l. Gallus, §. Ille casus, num. 3. ff. de liberis, & posthumis*, ibique Alexander *num. 13. Jason num. 8.* qui dicunt, doctrinam Baldi in praxi servandam esse, cum nullum habeat, qui contradicat; item Vivius *commun. opin. in verb. testis unicus, num. 11. vers. testis unus*; & in præsentī Canonizationis materia Auditores Rotæ in relatione S. Felicis a Cantalicio *sic. de abstinentia & jejuniis, in fin.*, in relatione S. Andreae Corsini typis impressa apud Lezanam *consult. 1. num. 235.*, & late in relatione S. Francisci Xavierii *part. 3. de miraculis §. 3.*, & in relatione S. Ignatii *§. Primum miraculum*

lum in fin. , & §. Et licet . in secundo miraculo : quod multo magis dixerunt sibi debere vindicare locum , si testes de auditu dicant , se audivisse ab his qui viderunt ; uti desumitur ex dicta relatione §. 4. & quatuor seqq. & §. 10.

C A P U T II.

De Testibus singularibus in causis Beatificationis & Canonizationis .

1 **C**ertum est , ex testibus *conestibus* plenam absolutamque probationem desumi , ut admittunt omnes , & alibi demonstrabitur . Difficultas ergo est quoad testes singulares non singularitate *oblativa* (ut nostri loquuntur) quæ testibus admittit fidem , sed singularitate *adminiculativa* vel *cumulative* , aut *diversificativa* . Exemplum singularitatis *oblativæ* adest in testibus , qui de uno eodemque particulari actu deponunt , sed alter refert , peractum fuisse tali die & in tali loco , alius autem alio die & in alio loco : cumque dictum unius obstat dicto alterius , singularitas hæc *oblativa* admittit utrique fidem . Textus est *in can. Nihilominus* 3. *quest. 9.* ubi sic legitur : *Nihilominus quoque premiendi sunt testes , qui ad calumniam aliquid testificantur ; nec eorum voces tanquam plurium admittuntur , quos temporum quidem diversitas simul interfuisse prohibuit .* Exemplum singularitatis *adminiculativæ* seu *cumulative* desumitur ex testibus productis ad probandum actum non momentaneum , sed continuum ; puta , si quis probare vellet , Missam fuisse ab Excommunicato celebratam , & unus testis deponeret de initio Missæ , alius de medio , tertius de fine . Exemplum denique singularitatis *diversificativæ* desumitur ex testibus , qui vel deponunt de actibus diversis , quorum unus alteri non obstat , puta , si aliquis deponat de furto , alius de homicidio , alius de adulterio ; potest enim unus & idem homo esse fur , homicida , & adulter : vel si deponant de diversis actibus , sed qui ad unum quid generale determinatum referuntur , puta , si unus testis deponeret , se vidisse Titium furantem in uno loco , alius furantem in alio , & sic alii plures testarentur alia furta in aliis locis ; vel si unus testis deponeret , se in tali loco audivisse Cajum *judaizantem* , alius vero se id ipsum ab eodem audivisse diceret alio tempore & alio loco , aliique testes eodem modo de aliis locis testarentur : hæc enim testium dicta , etsi furtum aut judaismum in tali determinato dicto , aut facto non probant , referuntur nihilominus ad habitum furandi aut judaizandi , & ideo ad aliquod generale & determinatum .

2 His præmissis , ut recto ordine procedamus , quæstione redacta ad testes singulares aut singularitate *adminiculativa* , aut *diversificativa* , non primo , sed secundo modo , juxta ea quæ antea dicta sunt , communis esse videtur Scriptorum opinio , ut , si in Civilibus agatur non de probando actu particulari , sed de probanda aliqua re generali , vel de probanda aliqua re quæ ex actibus successivis coalescit , testes singulares admittantur ,

Tom. III.

B

& dictum

& dictum unius conjungatur cum dicto alterius pro integranda probatione. Ita Glossa in can. Nihilominus, v. simul. 3. quest. 9. & in l. Ob carmen, §. Si testes, v. affisit, ff. de testib. Baldus in l. 1. sub num. 14. vers. In contrarium C. de testibus, & in l. unica C. Qui num. tut. vers. Tamen isti probarent, & in l. Actor, num. 5. C. de probat. Innoc. in cap. Qualiter & quando, num. 2. de accusat. Felin. in cap. Licet ex quadam, sub num. 2. §. Secundo limita &c. de testibus, Aldobrandin. consil. 71. a num. 38. ad 43. lib. 1. Calderin. consil. 1. de testib. Geminian. consil. 117. num. 1. et seq. Bald. consil. 438. num. 7. lib. 5. Ancharan. consil. 277. num. 8. Castren. consil. 51. num. 2. vers. Non obstat, quod dicitur de singularitate lib. 2. Castiglion. consil. 21. num. 6. vers. Tamen dicti testes &c. et vers. Non obstat. &c. Alexand. consil. 92. num. 20. vers. Si ad probandam &c. Dec. consil. 650. num. 11. Cravett. consil. 73. num. 33. et seqq. Gabriel. de testib. conclus. 2. num. 23. et seqq. et num. 33. et seqq. Farin. eod. tract. quest. 64. num. 159. Gratian. tom. 4. discept. 738. num. 52. ubi: Et quamvis testes sint singulares, tamen ad probandam sevitiam sufficientes et plene probant, quia tunc agitur de probando habitu quodam hominis successivo, et tractatur de tali habitu in genere, quo casu singularitas testium admittitur, cum contraria procedant, quando ageretur de probanda certa specie et certo actu sevitiae; Rota decis. 338. num. 4. coram Celso, ubi: Minus obstat, quod testes sint singulares; quia, cum agatur de probando quid in genere, nempe non delationem habitus Clericalis resultantem ex actibus particularibus, etiam testes singulares sufficientes; decis. 150. num. 16. coram Priolo, ubi: Nec refert, quod aliqui ex testibus, ex quibus facta memorata recensentur, sint singulares; quia, cum agatur de probanda sevitia, non ex unico actu speciali, sed in pluribus in genere admittuntur testes etiam singulares, et alias inhabiles; decis. 1385. num. 2. & seqq. coram Coccino, ubi: Et hi quidem testes satis probent ... nam, licet sint singulares, et testes singulares regulariter non probent, tamen secus est in hoc casu, in quo agitur de probando in genere non delationem habitus, qua resultat ex actibus particularibus; decis. 2011. num. 57. cum duobus seqq. coram eodem Coccino; & decis. 311. num. 8. part. 1. recens. ubi: Nec obstat, quod supradicti testes Archiepiscopi sint singulares, cum unusquisque deponat de locis diversis; quia, cum agatur de probanda possessione in genere, qua resultat ex actibus particularibus, probatio per testes singulares sufficit; decis. 588. num. 25. part. 5. tom. 2. ubi: Quia etsi probentur ex testibus singularibus, nihilominus, cum non agatur de probandis illis actibus particularibus, sed id quod resultat ex illis, videlicet voluntas testatoris, bene suffragantur; decis. 314. num. 16. & seq. part. 6. ubi: Non obstat, quod aliqui ex deductis testibus sint singulares; quoniam, quando non agitur de probando certo actu speciali, sed in genere probandum est id quod resultat ex actibus specialibus, prout est filiatio, & filiationis tractatus, ad concludendam hanc generalitatem admittuntur etiam testes singulares deponentes de illis actibus, ex quibus generalitas resultat, & simul junguntur ad plenam probationem constituentem; & decis. 52. num. 7. part. 15. ubi: Tunc autem dicta testiumungi possent, quando ageretur de probando quid in genere, quod contineret in se temporis perseveran-

verantiam & diversitatem actuum; veluti, si testes velles probare jurisdictionem, servitutem, possessionem, vel simile; hoc enim casu varietas temporum & actuum non diversificat id, de quo substantialiter queritur.

3 In criminalibus quoque, si agatur de probandis moribus vel qualitatibus alicujus personæ quoad habitum vitiosum & usum delinquendi, testes singulares admittuntur & probant, licet unus de uno actu, alius de alio deponat. Caccialup. in l. Admonendi, col. 39. vers. Patet igitur ff. de jurejurando, Socc. consil. 262. lib. 2. Hippolyt. Marfil. singular. 114. Verri-cell. question. moral. tract. 8. quest. 44. sect. 10. num. 50. et seqq. Avendan. de execut. mandat. part. 2. cap. 5. num. 4. et seqq. Ricciul. de pers. in stat. reprob. lib. 1. cap. 13. num. 5. Royas de Hæreticis part. 2. assert. 6. num. 139. Gomez war. resol. tom. 3. cap. 12. num. 12. Gabriel de testib. concl. 2. num. 39. & 41. Dandinus Signaturæ Justitiæ Vocans in tractat. de suspectis de Hæresi cap. 1. sect. 5. num. 23. & seqq. ac latissime Farinacc. de testib. quest. 64. num. 223. cum duobus seqq. Idque multo magis, cum testes de diversis actibus singulariter deponentes sunt plures; ingens etenim numerus supplet singularitatem ob nimiam (ut dicitur) inverisimilitudinem, ut omnes in falsam assertionem conspirare voluerint; sicuti animadvertunt Mascard. de probat. concl. 856. num. 15. & concl. 857. num. 39. & Farinacc. de testib. num. 209. & num. 304. cum aliis apud allegatum Dandinum cap. 1. sect. 5. num. 26.

4 Quamvis autem Polydorus Ripa observat. 204. postquam admisit, genus probari non posse, cum non cadat sub sensum, & idcirco species probandas esse asserat, eas nunquam probatas dici posse per testes singulares, cum probatio descendens a testibus singularibus non sit plena, sed semiplena; adverrunt nihilominus alii, bene & sufficienter probatum esse non per genus, sed per speciem, Titium ex. gr. fuisse sūrem & hæreticum, si duo actus individui furti & hæresis fuerint probati per duos testes, licet singulares. Bordon tom. 5. cap. 19. num. 36. Grasset de nece proditor. §. 29. num. 296. Pater Ludovicus de Ameno in practic. crimin. tit. 17. §. 1. num. 3. & quidem, si aliter res se haberet, sequeretur absurditas; quia sequeretur, plura delicta sine poena remanere.

5 Alia plura collecta pro his testibus singularibus legi possunt in quest. unica apud Soufam tract. de apboris. Inquisit., ubi late ostendere conatur, majorem fidem præstandam esse dictis multorum testium singularium loco & tempore, concordantium tamen in eadem hæresis specie, quam duobus testibus contestibus & concordibus; & multo magis, quando agitur de delictis, quæ non palam sed secreto committuntur, & in quibus idcirco probatio est difficilior: ex Constitutionibus quippe Romanorum Pontificum defumitur, nonnulla crimina testibus singularibus, junctis adminiculis, probari posse. De summo Pontifice Paulo III. legitur, cum querelas Judæorum rejecisse adversus Inquisitores Lusitanos, qui in crimine Hæresis testes singulares admittebant. Pignatellus consult. 110. num. 17.

tom. 8. In probatione confidentiæ beneficiæ statuta hæc sunt a S. Pio V. *Constitut.* 85. §. 6. Bullar. tom. 2. *Testes autem de quaque re singulares singulas probare valeant præsumptiones & conjecturas; pluresque huiusmodi præsumptiones & conjectura plenam probationem faciant in prædictis.* In crimine quoque sollicitationis comprobando, quod videlicet Confessarius Pœnitentes ad turpia sollicitaverit, testes singulares nedum esse admittendos, sed plenam constituere probationem, concurrentibus præsumptionibus, indiciiis, & aliis adminiculis, decretum fuit a summo Pontifice Gregorio XV. *Constitut.* 34. §. 5. tom. 4. Bull. Rom. *Dantes etiam facultatem venerabilibus Fratribus nostris S. R. E. Cardinalibus generalibus Inquisitoribus, ne delictum tam enorme, & Ecclesiæ Dei tam perniciosum remaneat ob probationum defectum impunitum, cum difficultas sit probationis, testibus etiam singularibus, concurrentibus præsumptionibus, indiciiis, & aliis adminiculis, delictum probatum esse, arbitrio suo judicandi.*

6 Porro his cohærenter Auditores Rotæ in suis relationibus comprobatis dixerunt virtutes Servorum Dei, de quorum Beatificatione & Canonizatione agebatur, puta Charitatem, licet probatio desumeretur ex testibus singularibus, quorum alter ex. gr. deponebat de uno actu Charitatis, alius de alio, & alij de aliis. Colligitur ex relatione in causa S. Thomæ de Villanova typis impressa post Contelorum in *tract. de Canoniz. SS. pag. 474* *Ut clarius procedamus, præmittendum est unum in jure verissimum, nempe, quod, quando non agitur de probando certo actu speciali, sed in genere id quod resultat ex actibus specialibus, ad probandam istam generalitatem admittuntur testes singulares deponentes singulariter de illis actibus particularibus, ex quibus generalitas resultat.* Item ex eadem relatione pag. 518. *Ex quibus omnibus probatur immensa Charitas, qua vigilantissimus Pastor oves sibi creditas gubernabat; nam, etsi prædictæ probationes disjunctim sumptæ perfectæ non præbent quoad actus particulares, cum testes sint singulares; attamen, si simul jungantur, resultat ex illis plena probatio, quia agitur de probando id quod ex eisdem actibus particularibus elicitur, scilicet, quod mediis eximie Charitatis niebatur, ut gregem suum ad aulam Domini redneret.* Ex relatione S. Catharinæ de Ricciis part. 1. in fin. *Minus etiam testium probationem elidi existimamus, eo quia aliqui eorum sint singulares deponentes singulariter de actibus singularibus, ex quibus solis virtutibus essentia non constituitur, quoniam pro certo habuimus, quod, quando non agitur de probando certo actu speciali, sed in genere probandum est id quod resultat ex actibus specialibus, ad concludendam hanc generalitatem admittuntur etiam testes singulares deponentes de illis actibus particularibus, ex quibus habitus resultat, & simul junguntur ad plenam probationem constituendam.* Ex relatione S. Andreæ Avellini tit. de fertitudo. *Quod ex eo confirmatur, nam, si quando iniuriis afficiebatur, non iniuriis verbis respondebat, neque clamoribus, dolorem se concepsisse, ostendebat, sed quasi mutus non aperiens os suum & non habens redargutiones, animo maxime composito, sustinuit probra, contumelias, & injurias, ut affirmant testes; qui, licet tanquam singulares de particularibus actibus loquentes aliquam paterentur difficultatem, cum tamen non agatur*
de pro-

de probando hoc vel illo actu in specie, sed de tolerantia & fortitudine generaliter sumpta, visi sunt sufficere. Demum ex relatione S. Pii V. part. 1. in fin. : *Uterius etiam circa probationes animadvertendum esse, dicebamus, quod interdum, attentis qualitatibus & circumstantiis facti, habilitate testium, difficultate probationis, admittuntur testes singulares.*

7 Doctrina hæc eadem plene traditur a Riminaldo juniore *consil.* 7. num. 27. & *segg.*, & num. 132. cui Romani Auditores in dictis relationibus (uti vidimus) adhæserunt; qui & id ipsum docuerunt in hypothesi probandi ex. gr. in aliquo Dei Servo donum prophetiæ; quemadmodum defumitur ex relatione in causa S. Ludovici Bertrandi *tit. de dono prophet.* Beatum autem Ludovicum habuisse donum prophetiæ, satis ex sequentibus constabit; & licet testes sint singulares, tamen, cum non intendamus probare actus particulares prophetiæ, sed id quod resultat ex dictis actibus, scilicet donum prophetiæ, ad hoc probandum sufficiunt testes singulares. Nec dissimile fuit eorumdem Auditorum iudicium in causis Martyrum, si ageretur ex. gr. de probando odio Tyranni in Fidem; quemadmodum firmarunt in relatione de Martyrio B. Josaphat Pollocensis, ubi sic legitur: *Ternum obiectum, nempe singularitatem testibus oppositam, asserebatur non obflare, tum quia, ubi non agitur de probando certo actu speciali, sed in genere probandum est id quod resultat ex actibus specialibus, ut in casu præsentis, odium Fidei, & unionis in Schismatice causam dedisse morti Archiepiscopi Josaphat, admittuntur testes singulares deponentes de pluribus actibus particularibus, ex quibus resultat univiale &c.* Concordat Pater Ceparius in *director. Canoniz. SS. part. 2. cap. 7.* ubi hæc habet: *Denique nota, quod, quando agitur de probando aliqua re quæ habet continuationem, ut si velis probare, Canonizandum habuisse donum prophetiæ seu ecclasiæ, seu habitum Charitatis vel Fidei, & similitim, tunc non est necesse, ut testes deponant de eodem actu, seu, dum reddunt causam sui dicti, asserant eundem actum, quia multoties impossibile est invenire plures testes, qui eundem actum viderint, sed sufficit, si ex disjunctis & diversis actibus probetur habitus, qui, si simul jungantur, facient plenam probationem &c.* Ratio est, quia tunc non agitur de probando actibus particularibus, sed de probando dono verbi gratia ecclasiæ, vel prophetiæ, vel habitu Charitatis, & sic de aliis.

8 Transiitum autem ut faciamus ad miracula, opinio fuit Vincentii in *cap. Venerabili, de testib.* non solum plures testes contestes requiri in probatione miraculi, sed eosdem testes contestes testimonium reddere de omnibus miraculis a Deo patratiss intercessione ejus Servi Dei, vel Beati, de cuius Beatificatione, aut Canonizatione tractatur; ita ut in re & ad effectum, de quo agitur, non dicantur probata miracula, si duo testes ex. gr. de uno, duo testes de alio, alii duo de alio miraculo testimonium reddant. Refertur hæc opinio a Martino Laudensi in suo tractatu, quem habeo manuscriptum de *Canonizat. Sanctor.* & a Malvetio in *tract. de Canonizat. Sanctor. inter tractatus magnos.* Bellamera porro adversatur opinioni Vincentii in *comment. ad cap. 1. de Reliq. & venerat. Sanctor.* & Castellanus de

de Canonizat. Sanctior. utriusque opinionis fundamenta recenset. Sed Vincentii opinio reprobatur etiam ab Auctore tractatus de Canonizatione Sanctorum ad Cardinalem Montis Regalis in fin., & late a Contelorio de Canoniz. SS. cap. 18. num. 10. tum quia in ore duorum vel trium stat omne verbum, ut infra videbimus; tum quia impossibile esset aliquem Dei Servum inter Sanctos referre, nisi ipse, dum viveret, eosdem semper testes comites adhibuisset, qui ipsum vidissent miracula facientem; tum etiam quia, cum post obitum Beatorum Deus operari dignetur eorum intercessione miracula in diversis locis & in diversis personis, sed aliquando uno eodemque tempore, necesse foret, ut iidem testes eodem tempore essent præsentes pluribus in locis. Et quidem a Vincentii sententia semper recesserunt Rotæ Auditores in suis relationibus, & signanter in relatione causæ S. Bonaventuræ art. 4. in fin., in relatione causæ S. Raymundi art. 8. ubi sic legitur: *Ista sententia vera non est; cum sufficiat, quodlibet miraculum probari per duos testes; & in relatione S. Hyacinthi: Ista sententia impossibilis est in praxi. Eam præterea nunquam Sedes Apostolica in Canonizatione alicujus Sancti servavit.* Item, quod attinet ad probationem miraculorum per testes singulares, an miracula videlicet probata dici possint pro Beatificatione vel Canonizatione, si unus testis referat, cæcum intercessione Dei Servi, vel Beati fuisse illuminatum; aliud, ægrum fuisse in instanti sanitati restitutum; aliud, mortuum ad vitam fuisse revocatum: Jacobus Simonetta Rotæ Auditor in relatione, quam exhibuit summo Pontifici Leoni X. super vita, & miraculis S. Francisci de Paula, fuit in eo sensu, miracula utique probari per testes singulares: *Ubi agitur de aliquo probando, & non agitur de præjudicio alterius, ut, si agatur, quod ecclesia sit consecrata, vel quod aliquis sit baptizatus, statur dicto unius testis &c.* Ergo clare constat, quod idem est in probatione miraculorum, quia actus iste, inspecta sui natura, nemini præjudicat &c. & hoc fundamentum omnem tollit difficultatem. De hac eadem opinione sic locuti sunt iidem Rotæ Auditores in relatione S. Raymundi art. 8. in fin.: *Non est simpliciter rejicienda illa opinio quæ assertit, miracula per testes singulares posse probari; & in relatione S. Didaci §. Plurima alia miracula, ita subdunt: Nec obstat, quod eorundem miraculorum testes aliqui sint singulares, qui non sufficiunt ad probationem eorundem &c.* quia, licet testes singulares non plene probent, probant tamen plus, quam semiplene, cum loquamur de facto proprio; quo casu, occurrente antiquitate temporis, plene probant. Cumque sacrorum rituum Congregatio noluerit in causa S. Didaci hanc miraculorum probationem admittere, ipsi Rotæ Auditores in subsequenti relatione, quam Clementi VIII. exhibuerunt, super causa S. Hyacinthi, postquam retulerunt, in causa S. Francisci de Paula tempore Leonis X. admissam fuisse probationem miraculorum dependenter a testibus singularibus, & ab hac sententia non esse recedendum, sic pariter subdiderunt: *Et quamvis in Canonizatione S. Didaci DD. Cardinales ad eam tractandam delegati non fuerint, uti audivimus, secuti istam sententiam, id fortassis fecerunt putantes, non esse*

esse necessarium illam amplecti, cum satis multa miracula haberentur per plures testes testes legitime probata.

C A P U T III.

De sententia Congregationis sacrorum rituum, & presenti Sedis Apostolica praxi, quoad testes de auditu in causis Beatificationis & Canonizationis super examine virtutum, aut miraculorum in specie.

1 **Q**uemadmodum in superioribus pluries dictum est causas Beatificationis & Canonizationis alias esse Martyrum, alias Confessorum, nonnullas procedere per viam ordinariam non cultus, alias per viam extraordinariam casus excepti a decretis Urbani VIII., in omnibus quæri de fama virtutum & miraculorum, aut Martyrii & signorum, antequam earum fiat introductio, & etiam postquam introductæ sunt, cum instituitur iudicium de fama in genere, in omnibus denique quæri de Martyrio, aut de virtutibus in specie, & de miraculis in specie, hoc est aut de illis, quæ Beatificationem formalem præcedunt, aut de eis, quæ indultam formalem, vel æquipollentem Beatificationem subsecuta sunt; ita, ne confusionis oriatur occasio, statuendum in primis est, hic non agi de fama virtutum, Martyrii, aut miraculorum (in iudicio siquidem famæ jam in præcedenti libro visum est testes admitti de auditu, & testes singulares singularitate *admirabilis* nequaquam rejici) sed præsentem quæstionem esse de virtutibus, Martyrio, & miraculis in specie.

2 His porro præmissis, initioque ducto a virtutibus & Martyrio in specie in causis, quæ procedunt per viam non cultus, præliminaris disputatio est, an in hoc iudicio probationes debeant esse æqualis ponderis probationibus, quæ in iudicio criminali requiruntur ad infligendam reo poenam ordinariam. Contelorius quippe in *tractat. de Canonizat. SS. cap. 18. num. 25.* ait, in iure non æquiparari probationem in causa Canonizationis probationi in causa criminali, sed æquiparari diligenti probationi in causa Civili. Huic autem opinioni adversatur Scacchus de *not. & sign. sanctis. sect. 11. cap. 5. pag. 869.* Causa Beatificationis & Canonizationis revocentur ad causarum criminalium genus; cum enim ex doctrina Aristotelis ab omnibus Philosophis & Theologis recepta contrariorum sit eadem disciplina, in causis autem criminalibus de culpis & criminibus alicujus agatur, & in causis Beatificationum atque Canonizationum de virtutibus; propterea in his procedendum erit, quemadmodum & in illis, certumque quantum ad juris apices erit, has causas subicere eisdem legibus ac doctrinis, quemadmodum illas, in quibus de peccatis & criminibus agitur. Pluribus hanc eandem opinionem firmat Matta de *Canonizat. SS. part. 4. cap. 1. num. 10. & seqq.* Cum etenim causæ Canonizationis sint de majoribus, quæ in Ecclesia tractari possint, sint arduæ atque difficiles,

ciles, cautissime in eis agendum est; & una quidem ex cautelis ea esse videtur, ut probationes rigorose excipiantur, & idcirco æquiparentur probationibus in causis criminalibus, in quibus res est de imponenda reo poena ordinaria. Concordat Pater Matthæuccius *practica Theologo-Canon. ad caus. Beatificat. & Canonizat. tit. 3. cap. 5. §. 4. num. 66.* & ipse, qui tot annorum spatio interfui Congregationibus sacrarum rituum uti Fidei Promotor, & uti Congregationis Consultor, testari possum, me semper ab antiquioribus Cardinalibus & Consultoribus audivisse, in causis procedentibus per viam non cultus probationes in dubio virtutum debere esse, quantum fieri potest, æqualis ponderis probationibus in causis criminalibus.

3 Ideoque, quemadmodum in causis criminalibus testes debent esse de visu proprio, si agatur de re quæ cadat sub sensum visus; vel de proprio auditu, si agatur de re quæ cadat sub sensum auditus, juxta textum in can. *Testes 3. quæst. 9. Testes per quamcunque scripturam testimonium non ferant, sed presentes de his, quæ noverant & viderunt, veraciter testimonium proferant: nec dicant de aliis causis vel negotiis testimonium, nisi de his, quæ sub eorum præsentia acta esse noscuntur; seu quæ sensu aliquo corporeo visus, vel auditus perceperunt*, ut notat Glossa in verbis, *Noverunt, & Viderunt*; & quemadmodum in judiciis criminalibus ad inferendam reo poenam ordinariam non sufficit unus testis de visu cum aliis de auditu, ac de publica voce & fama, juxta Glossam in cap. *Veniens, v. Illorum, de testib. & attestat. ubi: Præterea hic erat unus testis idoneus. Numquid per eum, & per samam posset condemnari de tali crimine? Videtur, quod sic, quia fama cum aliis probat... sed non est verum, quia in crimine apertissima debent esse probationes... quia, ubi contra salutem hominis agitur, strictius & cautius proceditur... secus in Cavilli causa, in qua sufficit presumptio unius testis cum iuramento... pensatis negotiis cum circumstantiis personarum, & causæ*; ita in causis Beatificationis & Canonizationis procedentibus per viam non cultus, sive tractetur de virtutibus sive de Martyrio in specie, non est sufficiens illa probatio, quæ descendit ex testibus de auditu, vel ex uno teste de visu, junctis testibus de auditu; sed vera, integra & adæquata probatio constituenda est in testibus contestibus de visu; ut de virtutibus quidem late ostendit Matthæuccius in *oper. cit. tit. 5. cap. 3. §. 1. de Martyrio autem idem tit. 4. cap. 2. num. 8.* & Mattea de *Canonizat. SS. part. 4. cap. 21. num. 16. & seqq.* Præterquamquod ipse testari possum, nonnullas Beatificationum causas procedentes per viam non cultus, utpote carentes testibus de visu in dubio virtutum, me tanquam Fidei Promotore urgente pro insufficientia testium de auditu, minime felicem exitum habuisse; meque pariter urgente in causis Martyrium, opus esse, ut mors probaretur per testes de visu exprimentes omnes circumstantias, ex quibus dignosci posset, Martyrem in Fide & dilectione perseverasse usque ad obitum, Postulatores omnem operam navasse, ut ostenderent, testes de visu mortem & perseverantiam optime

optime comprobasse. Porro, quamvis in causa criminali homicidii non procedatur ad poenam ordinariam delinquentis, nisi constet de corpore delicti, hoc est de homine interfecto, juxta regulam textus in l. prima §. Item illud, ff. ad S. C. Syllan.; & de corpore quidem delicti non dicatur constare, nisi Judex sit certus de internecione, sive de homine occiso per evidenciam facti, hoc est per proprium sensum, vel per aspectum suæ Curie cum descriptione cadaveris, percussionum & vulnerum, uti docet Foller. *pract. crimin.*, v. *capias informationem*; quæ profecto adimpleri non possunt in causis Martyrum, qui Martyrii corona decorantur in regionibus longinquis & Infidelium: id tamen nec necessitati testium de visu, nec similitudini harum causarum causis criminalibus obstare posse dicendum est. In causis quippe Martyrum testes de visu de illata morte reddere debent testimonium; nec novum est, ut in causis criminalibus, si Curia non habeat potestatem inspiciendi cadaver, de delicto satis sibi constare asserat, seu de corpore delicti per testes, qui hominem mortuum viderint; quemadmodum ad rem probat Schiara *de Rom. Pontif. art. 26. num. 20.*

4 Nec enim hucusque adductis obstare valet, vel quod in hisce causis procedatur ex bono & æquo, vel quod non agatur de alicujus præjudicio, vel demum quod in jure admittatur, testes de auditu sufficere, quando testes de visu haberi non potuerint, juxta jura in superioribus allegata. Textus siquidem in cap. *Venerabili, de testib.* statuit, ut in causis Canonizationis testes examinentur super vita & miraculis cum ea diligentia, quæ solet & debet in receptione testium adhiberi, immo cum majori, quia (ut inquit Glossa) circa majora majus periculum vertitur, & ideo cautius est agendum. Et sane inter majores diligentias enumeranda est illa, ut recipiantur testes de visu & sensu proprio asserentes.

*Invenies primis ab sensibus esse creatam
Notitiam veri, neque sensus posse refelli.*

Lucret. l. 4. v. 480.

5 Parum vero urget, quod non agatur de alicujus præjudicio; quia agitur de præjudicio Ecclesiæ, uti bene adnotarunt Rotæ Auditores in relatione S. Andreæ Corsini *part. 3. §. 3. num. 230. apud Lezanam consult. 1.* ubi sic loquuntur: *Ad primum contrarium argumentum, quod non agatur de præjudicio tertii, respondetur, non agi de præjudicio hominis particularis, sed Christi & ejus Ecclesiæ, cujus interest, ne, quantum in nobis est, apponamus membrum Christo, quod verè non sit, vel apponamus loco incongruo, & deforme tur Ecclesiastica Hierarchia; unde dicitur, agi de præjudicio omnium, quia causa religionis & pietatis dicitur causa publica.* Nec item urget, quod, deficientibus testibus de visu, admittantur, saltem in antiquis, testes de auditu pro causis definiendis: nam, utcumque sit, utrum Postulatores in causis Beatificationis & Canonizationis negligentia accusari possint, necne, eo quia tempore opportuno testes de visu examinari non curarunt (in quo rerum statu non habet locum ea juris regula quæ favet testibus de auditu,

Tom. III.

C

defi-

deficientibus testibus de visu; uti bene adnotavit Farinaccius *de testib. lib. 3. tit. 7. quasi. 69. num. 53.* & in præsentī materia ait Matthæuccius *loc. cit. tit. 3. cap. 5. §. 1. num. 27. & cap. 6. num. 5.*) hoc unum certum esse videtur, eam juris regulam non esse (ut ajunt) applicabilem probationibus, quæ requiruntur in judicio criminali, cui præsens judicium de virtutibus & Martyrio in specie ex supradictis quodammodo simile est; multoque minus esse applicabilem causis non necessario definiendis, cujusmodi sunt illæ Beatificationis & Canonizationis, sicuti recte animadvertit Matta *de Canonizat. SS. pars. 4. cap. 1. num. 21.* & ad rem prosequitur Matthæuccius *loc. cit. tit. 5. cap. 3. §. 1. num. 19.* Sed, quatenus instetur, quod omnes testes de visu possint esse præmortui, et ita, quod non possit Beatus canonizari &c. annotabis, quod, si testes de visu non deposuerint, & solum adfuerint depositiones testium de auditu ab aliis, relinquatur causa, nunc non instructa requisitis.

6 Quod si dicatur, hodie etiam in processibus, qui fiunt auctoritate Apostolica super virtutibus & Martyrio in specie, examinari testes de auditu, & eorum assertiones exhiberi sacrorum rituum Congregationi, etiam si res sit de causis procedentibus per viam ordinariam non cultus, quod utique non fieret, si soli testes de visu & sensu proprio ad probationem admitterentur; iterum subdimus, certas & evidentes probationes esse necessarias, neque sufficere præsumptivas & conjecturales; uti præter supra cumulos docet Lezana *consult. 1. num. 39.* Sed in dubio virtutum & Martyrii in specie, etsi causæ procedant per viam ordinariam non cultus, absolute & simpliciter testes de auditu non rejicimus, aut quia eorum dicta, si non vim probationis, vim adminiculi habere possunt, & quidem majoris, aut minoris, majoris videlicet, si sint testes de auditu ab iis qui viderunt, minoris, si sint de auditu a testibus qui ab aliis audiverunt; aut quia in examine harum causarum aliquando contingit, ut, non obstante quacumque diligentia, testes de visu super alicujus rei probatione haberi non possint, puta, si agatur de Servo Dei in ultima senectute defuncto, de gestis vero in pueritia, vel prima juventute testes exquirantur & testimonia colligantur; aut quia agitur de alia re, quæ testibus de visu probari non potuit. In examine causæ super virtutibus Beati (nunc Sancti) Joannis Francisci Regis opposui, nullum adesse testem de visu super obitu ejusdem, etsi in exitu vitæ magnum llet causæ momentum; ut habetur in decretis generalibus alibi memorandis, & apud Scacchum *de mor. & sign. sanctit. sect. 5. cap. 6. pag. 364.* Veruntamen, cum causæ in aliis articulis esset satis instructa testibus de visu; cumque Beatus obiisset extra Domos Societatis Jesu in loco inter horrendos montes sito, & tribus tantum tuguriis constante, tresque tantum testes de visu, quod attinet ad ejus obitum, haberi potuissent, id est Socius Beati, Parochus loci, & ejus soror, de quorum morte ante initium processus plene constabat; & cum ex testibus examinatis & de visu asserentibus deprehensum quoque fuisset, eum zelo salutis animarum ad prædictum locum accessisse, ibique sacram Missionem,

nem, licet morbo oppressum, triduo fecisse, celebrando quotidie Sacrum, doctrinam Christianam explicando, concionando, Confessionesque tota die excipiendo; itemque cum præter circulares epistolas statim post ejus mortem a suis Religiosis Societatis Jesu juxta morem expeditas, ejusdem pretiosum in Domino obitum referentes, probatum esset per testes de visu, & de auditu ab iis qui viderant, ex omnibus Velauniz montibus populorum concursum ad ejus corpus visendum factum fuisse non sine omnium studio secum auferendi pulverem tumuli, vestes, & alias res, quibus usus fuerat; sacrorum rituum Congregatio, summo Pontifice approbante, censuit, satis in eo rerum statu probatum fuisse illustrem & sanctimonia plenum obitum Beati, resolutio favorabiliter dubio de virtutibus, non obstante prædicto defectu testium de visu. Quod & optime fuit animadversum ab Archiepiscopo Philippenfi Fidei Promotore in ultima sua scriptura exarata super virtutibus Ven. Servæ Dei Joannæ Franciscæ Fremiot de Chantal, ubi, opposito sibi exemplo causæ Beati Regis, in qua non aderant testes de visu quoad obitum, inquit: *Tres tantum testes, qui ejusdem mortis fuerunt presentes, tempore confessorum processuum jam præobierant. De obitu Servi Dei re vera deposuerunt solum testes de auditu, sed immediate ab ipsis videntibus, & in causa illa plures & insignes aderant testes de visu quoad actus speciales virtutum exercitos a dicto Beato viro ad ipsam extremam diem sui obitus.* Uno verbo, in causis procedentibus per viam non cultus virtutes probari debent per testes de visu. Quod si aliqui actus probentur per testes de auditu ab iis qui viderunt, vel de auditu ab his qui audiverunt; si alii testes de publica voce & fama concordent; si, posito præcedente obitu aliquorum testium de visu, non potuerint aliqua probari, nisi per testes de auditu; non idcirco causa derelinquenda est, nec insuperabilis oppositio ex prædictis hauriri poterit; eo quia videlicet, probata actuum serie in hac aut illa virtute per testes de visu, actus qui probantur per testes de auditu, adminiculi vicem subibunt: vel quoad actus qui fuerint probati per testes de visu, si testes de auditu de iisdem locuti sint; vel quoad virtutem ipsam, cujus actus alii testati sunt ex visu & sensu proprio, alii autem alios aut de auditu ab iis qui viderunt, aut de auditu ab his qui audiverunt. Et sanctitatis quidem fama tum in genere, tum in specie ex infra dicendis non parum prodest in causis Beatificationis & Canonizationis, etiam si agatur de virtutibus in specie: in quibus scilicet terminis explicari possunt nonnullæ ex supra allegatis Rotæ Auditorum relationibus.

7 Caute autem hucusque locuti sumus, cum diximus de probandis virtutibus aut Martyrio in specie in causis procedentibus per viam non cultus. Si enim sermo transferatur ad causas procedentes per viam casus excepti a decretis Urbani VIII. & causæ sint antiquæ, probationes super virtutibus aut Martyrio in specie non in testibus de visu, sed in testibus vel de auditu ab iis qui viderunt, vel de auditu ab his qui audiverunt,

erunt necessario constituendæ. Utque res fiat clarius exemplo, ponamus, in aliqua causa probatum fuisse casum exceptum dependenter ab immemorabili vel centenario tempore elapso ante annum 1634, quo decreta Urbani suam vim habere coeperunt. Juxta Sedis Apostolicæ praxim alibi relata, post declarationem casus excepti agendum est de virtutibus aut Martyrio in specie. Expediuntur itaque litteræ remissoriales pro testibus examinandis; sed nemo est qui non videat, tales examinandos post lapsum centum & amplius annorum non posse esse testes de visu. Idem dicendum est in causis procedentibus per viam casus excepti a decretis Urbani VIII. ex indultis Romanorum Pontificum, vel sacræ Congregationis, si hæc indulta ab antiquo tempore concessa fuerint, & longe post in causæ progressu opus sit probare virtutes aut Martyrium in specie. Huic autem assumpto favent observantia & praxis Sedis Apostolicæ. Post approbatum quippe casum exceptum a decretis Urbani VIII. ex vi antiquorum indultorum in causa S. Catharinæ de Bononia, sacra rituum Congregatio jussit fieri processum super virtutibus. Postulatores vero enixe institerunt, ut modus præscriberetur conficiendi processum; quibus sacra Congregatio respondit, ut *seruentur processus compulsores in Orbe coram Eminentijs. Vicario, & quod probarentur virtutes eo modo quo fieri posset, per Scriptores videlicet antiquos, & per testes de publica voce & fama*: confectoque juxta modum prædictum processu, favorabilis edita est resolutio super dubio virtutum. Item, dum munereungebar Fidei Promotoris, post declarationem casus excepti vel ex immemorabili tempore, vel ex antiquis indultis in nonnullis causis opus fuit assumere dubium de virtutibus, aut de Martyrio in specie, in causis videlicet S. Julianæ de Falconeriis, S. Peregrini Latiofi, S. Agnetis de Monte Politiano, & S. Joannis Nepomuceni: cumque in meis animadversionibus prænotaverim, non agi de causis procedentibus per viam non cultus, sed de causis antiquis procedentibus per viam casus excepti, ita ut inutile foret exquirere testes de visu super virtutibus aut Martyrio in specie, atque adeo necessario constituenda foret probatio ex testibus de auditu & Historicis, resolutiones editæ sunt: *Ita scilicet constare de virtutibus, aut Martyrio, ut tuto procedi posset ad ulteriora*. Nec alio modo res se habuit in causis hujusce generis pertractatis in sacrorum rituum Congregatione post dimissum a me Promotoris officium, & post assumptionem Archiepiscopi Philippensis sæpe a nobis cum laude commemorati ad idem officium. In causis liquidem B. Joannis Cantii, & Beatæ (nunc Sanctæ) Catharinæ Fliscæ Adurnæ post approbatum casum exceptum a decretis Urbani VIII. assumpta disputatione super virtutibus, & ingenue admittente memorato Fidei Promotore, eas probari non posse per probationes directas, hoc est per testes de visu, sed probationibus subsidiariis locum esse debere, hoc est testibus de auditu, de publica voce & fama, utque Historicis; editæ sunt resolutiones favorabiles tum quoad virtutes B. Joannis Cantii, tum pro virtutibus B. Catharinæ Fliscæ Adurnæ.

8 Ex supradictis nempe colligitur, virtutes & Martyrium in specie probari per testes de auditu in causis procedentibus per viam casus excepti; attamen, dummodo sint antiquæ, ita ut impossibile sit haberi testes de visu. Quocirca, si contingeret, ut aliqua causa procederet per viam casus excepti, & possibile esset haberi testes de visu, Martyrium & virtutes in specie testibus de visu comprobari deberent: & hoc modo comprobate sunt post declarationem casus excepti in causa S. Stanislai Novitii Societatis Jesu; comprobate quoque fuissent eodem modo, nisi earum approbatio præcelsisset declarationem casus excepti, in causa S. Aloysii Gonzagæ: & in causa Asculana Canonizationis B. Seraphini de Asculo post approbatum casum exceptum a decretis Urbani ex vi indultorum Apostolicorum juxta rescriptum editum die 19. Aprilis 1719., assumpta subinde disputatione super virtutibus, responsum fuit, de illis constare in gradu heroico ad effectum Canonizationis, uti colligitur ex decreto edito die 9. Maji 1733. per summum Pontificem approbato die 19. ejusdem mensis & anni; virtutum vero approbatio innixa fuit nedum testibus de auditu & Historicis, sed potissimum testibus de visu. Cum enim Beatus obiisset anno 1604. & super ejus sanctitate consecutus fuisset processus auctoritate ordinaria anno 1611. & auctoritate Apostolica consecutus fuisset alius processus anno 1627. in quibus plures fuerant examinati testes de visu, hinc factum est, ut non obstante declaratione casus excepti, iudicium super virtutibus nedum innixum fuerit probationibus subsidiariis, testibus videlicet de auditu & Historicis, sed etiam probationibus directis, hoc est testibus de visu. Nam quemadmodum in hac & aliis consimilibus causis cessat impossibilitas habendi testes de visu. nec adest necessitas utendi tantum testibus de auditu, sic, assumpta post declarationem casus excepti disputatione de virtutibus, eadem virtutes non per probationes subsidiarias, sed per directas comprobari debuerunt & debent. Quod etiam ex eadem ratione asserendum crederem, si, declarato casu excepto ex indultis Apostolicis paulo post obitum alicujus Servi Dei, tantum tempus elapsum non esset, ut testes de visu haberi non possent: tunc quippe, si processus conficiendus esset super virtutibus, opus certe esset earum vim constituere in testibus de visu. Sed hic casus non ita facile contingere potest, cum Sedes Apostolica cultum publicum hodie non indulgeat, nisi longe post obitum Servorum Dei, & nisi aut jam approbatis virtutibus, uti contingit in Beatificatione formali, aut præcedente probatione cultus immemorabilis, ut alibi visum est. Et vero cum praxi atque observantia hucusque exposita & vigente post decreta Urbani VIII. concordare quodammodo dici possunt ea, quæ in superioribus adducta fuerunt ex nonnullis relationibus Rotæ Auditorum. In plerisque etenim Canonizationum causis, in quibus propter antiquitatem, deficientibus testibus de visu, admiserunt in probatione virtutum aut Martyrii in specie testes de auditu, non utique præcelsisset declaratio casus excepti a decretis Urbani VIII. cum eadem de-

creta

creta tunc edita nondum essent, sed præcesserant antiqua venerationis indulta a Sede Apostolica concessa, quæ post decreta Urbani fuissent fundamentum sufficiens ad declarationem casus excepti: quo pacto res se habuit in causis SS. Hyacinthi, Raymundi, Philippi Beniti, & Elisabethæ Reginae Portugalliæ, ut ex ipsis Auditorum relationibus colligi potest.

9 Nonnullæ causæ reperiuntur post decreta Urbani VIII. introductæ, in quibus non præcessit declaratio casus excepti, & in quibus confecti fuerunt processus super virtutibus aut Martyrio in specie, nullo tamen examinato teste de visu, sed tantum examinatis testibus de auditu, præsertim ab iis qui viderunt; de quibus causis quæri potest, an propter aliquas speciales circumstantias virtutes & Martyrium probari possint per dictos testes de auditu & per alia documenta subsidiaria. Ad hanc classem pertinuit causa tunc Servi Dei, nunc Beati Hieronymi Æmiliani Fundatoris Congregationis Patrum Somaschæ. Mortuus enim est hic Beatus anno 1537. & publicus cultus eidem exhibitus fuit, scientibus & tolerantibus Ordinariis, usque ad annum 1654. At Pater Inquisitor civitatis Vicentinæ animadvertens anno 1634. decreta Urbani suum robur habere cœpisse, & in eis prohibitum fuisse publicum cultum erga Dei Servos, exceptis illis qui antea cultum immemorabilem vel centenarium obtinuissent, dubium excitavit, an, non completa centenaria ante annum 1634. permitti posset dicti cultus continuatio: & quidem (ut alibi visum fuit) summus Pontifex Innocentius Papa X. die 12. Februarii anno 1654. cultum publicum iussit amoveri, amotoque cultu, & causa Canonizationis introducta per viam non cultus, non cultus ipse approbatus est die 15. Januarii 1667. Post lapsum vero nonnullorum annorum Postulatores supplicarunt pro cultus publici redintegratione. Cumque Prosper Bottinius tunc Fidei Promotor hæc in suis animadversionibus subdidisset: *Ceterum, quia controversi non potest, quod iste cultus adeo longævus, quamvis de stricto rigore, ob non excessum temporis centum annorum ante decreta non esset reintegrabilis, non mereatur aliquam considerationem, attenta præsertim prompta obedientia, statim ac notificatum fuit præsarum decretum sel. record. Innocentii X. posset forsitan id operari ut de illo habenda sit aliqua ratio in discussione dubii super virtutibus pro supplemento probationis ob defectum testium oculatorum, cum Servus Dei obiit anno 1537. & processus auctoritate ordinaria confecti fuerint anno 1614. & auctoritate Apostolica anno 1621. quo tempore non poterant amplius reperiri testes, qui vidissent gesta Servi Dei, & forsitan etiam ad hoc conferre potest, quod agitur de Institute Religionis, cujus causa propterea rationabili aliquo arbitrio digna videtur, quod sapientissimo iudicio EE. PP. relinquatur ponderandum: referente san. mem. Clemente XI. tunc Cardinali, sacra Congregatio die 18. Aprilis 1693. sequens edidit responsum: Non esse concedendam reintegrationem, publici cultus, sed de eo habendam esse rationem in ulteriori examine causa, & præcipue in discussione dubii super virtutibus.*

10 Ad hanc eandem classem pertinet causa Canonizationis, seu Declara-

clarationis Martyrii Servorum Dei Ignatii Azevedi & triginta novem Martyrum Societatis Jesu. In hujus quippe causæ processibus nulliquod obitum Servorum Dei adsunt testes de visu. Obtentum autem fuerat per vivæ vocis oraculum Gregorii XV. ut horum Martyrum Imagines possent publice exponi in ecclesia Patrum Societatis Jesu. Sed, cum supervenissent generalia decreta Urbani VIII. remotus fuit quilibet cultus, causaque introducta per viam non cultus, sacra Congregatio die 17. Septembris 1640. responsum sequens edidit: *Conflare de paritione decretis super non cultu, Martyrium scilicet Ignatii Azevedi, & Sociorum contigit anno 1570., processus autem confecti fuerunt anno 1631. Exhibitis deinde san. mem. Clementi XI. Postulatoris precibus, ut, attenta causæ antiquitate, attentoque publico cultu spatio fere quinquaginta quinque annorum continuato, in probatione Martyrii in specie admitterentur testes de publica voce & fama, de auditu a Majoribus, & Historicis: Supplica, che si degni ordinare, che nella reassunzione e riproposizione della causa si abbia da camminare con quella specie di prove, che si ammettono nelle cause antiche de' Servi di Dio, massime di quelli che hanno avuto pubblico culto, cioè con testimonij de publica voce & fama, de auditu a Majoribus, & per Historicis, benchè in questa nostra causa non manchino testimonij de auditu a videntibus: ad relationem Prosperi Bottinii tunc Fidei Promotoris sequens editum fuit rescriptum die 8. Aprilis 1704. Facta relatione Sanctissimo de contentis in hoc supplici libello mihi remisso, mens Sanctitatis sua fuit, ut per me notificetur sacrorum rituum Congregationi, quod in propositione causa peculiarem rationem habeas de antiquitate temporis asserti Martyrii, prout juris fuerit, & prout habita fuit in aliis causis antiquis cum subsecuto effectu; attenta etiam circumstantia publici cultus per tantum tempus præstiti.*

11 Ad eandem denique classem pertinent causæ Servarum Dei Agnetis a Jesu Ordinis S. Dominici, & Joannæ Franciscæ Fremiot de Chantal, non ratione utique publici cultus per aliquod tempus iisdem Dei Ancillis præstiti, sed quia, cum exorassent Postulatores pro causarum introductione, expositum fuit sacra Congregationi non adesse testes de visu in processu ordinario, & ideo multo minus adesse posse in processu Apostolico vigore remissorialium conficiendo; at respondentibus Postulatoribus, in processu ordinario adesse testes de auditu ab iis qui viderant, & alios conlimiles examinari posse in processu Apostolico, insuper autem in eundem compelli, vel (ut ajunt) *compulsari* posse scripta Auctorum & Historicorum fide dignorum, qui egregia facinora prædictarum Servarum Dei uti testes de visu & facto proprio referebant; sacra Congregatio annuit signaturæ Commissionis, ejus responsum fuit a summo Pontifice confirmatum, expeditæque fuerunt litteræ remissoriales pro conficiendis processibus super virtutibus in specie. Quæ omnia profecto nec facta fuissent, nec fieri debuissent, si sacra Congregationis sensus esset, in causis procedentibus per viam non cultus virtutes per solos testes de visu esse probandas.

12 In animadversionibus a me factis occasione signaturæ Commissionis in causa Servæ Dei Joannæ Franciscæ Fremiot de Chantal habentur hæc verba: *Inutile videtur, hanc Commissionem signare; Et quod inutile hoc sit, deducitur ex tempore, quo mortua est hæc Serva Dei: quo stante, sicuti impossibile est, testes reperire examinandos auctoritate Apostolica, qui sint de visu Et qui deponant super virtutibus, ita inutile remanet, signare Commissionem, cum ex solis testibus de auditu procedi nequeat ad virtutum approbationem, & sine virtutum approbatione non valeat obtineri Beatificatio.* Haud urgente, si dicatur, quod testes in processu Apostolico examinandi conjungi poterunt cum testibus in processu ordinario examinatis: currit enim eadem ratio de his ac de illis; Serva etenim Dei mortua est anno 1641., quo præsupposito, non adsunt, nec adesse potuerunt in processu ordinario testes de visu qui deponant de virtutibus. Idque facit, ut eo magis crescat assumptum, quod inutile sit Commissio, quatenus ipsa signetur. Verba autem Postulatorum in responsionibus sunt, quæ sequuntur: *Vere equidem testes de visu Servæ Dei adesse non potuerunt, qui deponerent de illius virtutibus in processu auctoritate ordinaria confecto, minusque reperiri valebunt de visu, qui super eisdem deponant in alius auctoritate Apostolica conficiendis, eo quod præbuerint omnes &c. Deficientibus autem testibus juratis de visu super virtutibus, suppleant monumenta manuscripta, & etiam typis edita aliorum testium de visu Servæ Dei, virorum & mulierum omni exceptione majorum, & , quamvis non juratorum, fide tamen dignissimorum tum ob eorundem vitæ sanctimoniam, aut eximiam pietatem, tum ob nomina & titulos, quibus in Ecclesia condecorati fuerunt: inter quos recentiti fuerunt S. Franciscus Salesius, & S. Vincentius de Paulis.*

13 Contendunt itaque Postulatores, in prædictis & similibus causis, etsi procedentibus per viam non cultus, virtutes & Martyrium in specie probari posse per testes de auditu; aut quia sibi imputandum non est, si testes de visu tempore opportuno examinari non curaverint, cum publicus cultus in honorem Servorum Dei jam esset introductus, nec prævidere potuerint, ejus remotionem a subsequentibus Urbani VIII. decretis esse statuendam; aut quia sacra ipsa Congregatio, cum in his causis dixit, habendam esse rationem cultus per antiquum tempus præstiti, necnon antiquitatis causæ in discussione dubii de virtutibus, sufficienter demonstravit, se in eis non abhorreere a testibus de auditu, quando res est de virtutibus vel de Martyrio in specie; aut quia denique durum videtur, si testes de auditu rejiciantur, quando ipsi occasione signaturæ Commissionis ingenue confessi sunt, nullos in processu ordinario reperiri testes de visu de virtutibus aut de Martyrio in specie, multoque minus testes de visu de eisdem posse in processibus Apostolicis reperiri; & quando, non obstant oppositione Fidei Promotoris pro impedienda signatura Commissionis ex defectu testium de visu, signata adhuc tamen ipsa fuit Commissio, expeditæque fuerunt litteræ remissoriales, summo Pontifice annuente, prævio consilio ejusdem sacre Congregationis, & non sine magna impensa confecti fuerunt Apostolici processus super virtutibus aut Martyrio in specie.

14 Ut autem tuto decerni possit, quid in his & similibus causis sit agendum, clarum sacre Congregationis responsum nedum opportunum, sed etiam necessarium esse videtur; quod cum editum nondum sit, iudicium super prædictis causis adhuc pendet. Quod si meus, qualicumque sit, sensus exquireretur, dicerem primò, futuris temporibus insistendum esse regulæ excludenti probationem ex solis testibus de auditu descendente in dubio virtutum & Martyrii in specie in causis procedentibus per viam non cultus, dictas vero probationes admittenti in causis antiquis & procedentibus per viam casus excepti. Non solum quippe quoad has militat ut plurimum ratio, quod haberi nequeant testes de visu, sed & præcedens declaratio casus excepti, cui locus non est, nisi præcesserit processus super fama sanctitatis aut Martyrii, quæque aut cultum per sæculum & ultra continuatum aut summorum Pontificum, vel sacre Congregationis indultum publici cultus non oscitanter concessum supponit, & æquipollentem quamdam Beatificationem importat; ideoque si omnino non eximit Postulatores a subsequenti discussione virtutum aut Martyrii in specie, viam saltem aperit iudicio per subsidiarias probationes explendo. Dicerem secundò, futuris temporibus non esse in causis procedentibus per viam non cultus signandas Commissiones introductionis vel reassumptionis, nisi saltem in processu ordinario testes adsint de visu, quantum satis sit, asserentes de virtutibus aut Martyrio in specie. Dicerem tertio, in causis jam introductis, & in quibus ob præcedentem publici cultus exhibitionem & ob temporis antiquitatem aut summum Pontifex aut sacra Congregatio dixerunt, prædictorum habendam esse rationem in ulteriori examine causæ, hoc est in discussione dubii super virtutibus aut super Martyrio, Consultores sacre Congregationis ceterosque in eis causis suffragaturos serio ponderare debere, an, concurrente temporis antiquitate una cum cultu publico, licet sublato, concurrentibus testibus de auditu ab iis qui videntur, concurrentibusque Historicis, præcipue ætatis ejusdem & hæc dignis, ipsorum intellectus ex hoc toto probationum genere certus sit de virtutibus & Martyrio in specie evidentiâ & firmitate morali: si enim hoc modo certus sit, ne inania sint summorum Pontificum aut sacre Congregationis responsa, affirmans & favorabile serant pro virtutibus aut Martyrio in specie suffragium. In causa Servi Dei (nunc Beati) Hieronymi Emiliani, in qua (uti vidimus) sacra Congregatio die 19. Aprilis 1693. dixit, *Non esse concedendam reintegrationem publici cultus, sed de eo habendam esse rationem in ulteriori examine causæ, & præcipue in discussione dubii super virtutibus*; cum de virtutibus actum est, questio orta est a Congregatione antepreparatoria habita in ædibus Cardinalis de Abdua die 20. Septembris 1718. inter Consultores super sensu prædicti rescripti, utrum videlicet in eo demandatum esset, ut in causa prædicta procederetur per probationes subsidiarias, an id potius esset relictum arbitrio & prudentiæ Consultorum. Cum autem tanquam Fidei Promotor dictæ Congregatio-

ni interesset, subdidi, responsum prodiisse a sacra Congregatione ordinaria, & ideo ab ea responsi intelligentiam esse petendam: cumque, subrogato Cardinali Priolo in causæ Relatorem, mortuo interim Cardinali de Abdua, de rescripti intelligentia actum esset in Congregatione ordinaria habita die 3. Februarii 1720. responsum fuit: *Ad mentem; & mens fuit, quod unusquisque in causa suffragaturus posset, aut non posset, prout unicuique sua conscientia suggessisset, uti tam cultu quam ceteris documentis ad effectum adiuvandi defectum testium oculatorum in dubio virtutum*. Dicerem ultimò, sic rem quoque se habere debere in causis, in quibus, non obstante defectu testium de visu, sacra Congregatio annuit signaturæ Commissionis, cujus vi confecti fuerunt auctoritate Apostolica processus super virtutibus aut Martyrio in specie; dummodo tamen tum in hoc, tum in casu præcedenti non desint in processu ordinario testes de auditu ab iis qui videntur; ne videlicet in hisce tanti momenti causis rigor juris in probationibus nimis relaxetur.

15 Moveor autem ad sic opinandum, primò, quia certum est, aliquas temporibus antiquioribus propter temporis antiquitatem expeditas fuisse causas per solos testes de auditu in dubio virtutum; utque ceteras prætereamus, exemplum adest in causis SS. Bonaventuræ, Hyacinthi, Raymundi de Pennafort, Elisabeth Reginæ Portugallia, Petri Regalati & B. Gregorii X. Secundò, quia, etsi probationes virtutum aut Martyrii innitantur testibus de auditu, non idcirco asseri potest, causas Canonizationis expediri per testes de auditu, cum post approbationem virtutum superfit dubium miraculorum, in quo testes de visu proprio sunt absolute necessarii, ut in cap. seq. videbimus. Tertiò, quia nulla usque adhuc lata lex est, quæ in dubio virtutum aut miraculorum in specie arceat probationem unice descendentem a testibus de auditu ab iis qui viderunt: in praxi enim utique id receptum est post decreta Urbani VIII. & Innocentii XI. sed absonum non est recedere a praxi, concurrentibus circumstantiis suam originem & robur habentibus ab eisdem sacrae Congregationis responsis & factis. Demum quia in causa Martyrum Gorcomiensium, etsi nullus adesset testis qui certa scientia visus proprii deponeret de eorum Passione (solus enim erat Pontus Euterus, qui ab eorum consortio recedens a Fide defecerat, quique verbis Passionis historiam exposuerat) quare Petrus Franciscus de Rubeis tunc Fidei Promotor probationis insufficientiam opposuerat: cum tamen responsum esset a Postulatoribus, plures adesse testes de auditu ab iis qui viderant, & de auditu etiam a nesciis qui Dei Servos trucidaverant, nec unquam de veritate Martyrii fuisse dubitatum, & publicam de eo samam ad ea usque tempora viguisse tot testibus comprobata, ut res in comperto posita dicenda esset; sacra ipsa Congregatio die 25. Septembris 1674. rescripsit: *Consilare de Martyrio & causa Martyrit*.

16 Huic exemplo, dumungebar munere Fidei Promotoris, mihi a Postulatoribus antea dictarum causarum opposito respondere consueveram

ram, id non prodesse, cum causa Beatorum Martyrum Gorcomienfium processerit per viam casus excepti; eo quod sacra Congregatio die 3. Julii 1648. censuit in causa horum Martyrum, *doctum fuisse de casu excepto a decretis sanctissima Inquisitionis*. At ut veritati obsequamur, sciendum est, Mathiam Archiepiscopum Mecliniensem, ratum sibi permissum esse a sacro Concilio Tridentino indulgere, ut Reliquiæ horum Martyrum possent ad publicam venerationem exponi, eas utique censuisse ad publicam venerationem exponendas; uti desumitur ex ejus decreto edito die 16. Aprilis 1619. Archiepiscopus autem Salernitanus Nuntius Apostolicus in Belgio eum admonuit, suæ facultatis fines excessisse; eo quia Concilium Tridentinum sane sibi vindicat locum in Reliquiis Sanctorum aut Beatorum, minime vero in Reliquiis eorum, qui adhuc in album Beatorum aut Sanctorum relati non sunt. Id nempe colligitur ex epistola ejusdem Nuntii ad sacram Congregationem die 12. Maji 1621. Porro autem, cum in eadem epistola subdidisset, magnam in populis futuram esse commotionem, si cultus earum Reliquiarum amoveretur, sacra Congregatio die 13. Novembris 1621. dixit, posse tolerari expositionem Reliquiarum jam factam, & die 3. Julii 1648. censuit, in hac eadem Martyrum causa doctum fuisse de casu excepto a decretis Urbani VIII., sicuti paulo ante dictum est. Sed, facta relatione Innocentio X., non fuit ab eo approbatum decretum sacre Congregationis, cum ita responderit: *Sanctitas sua, improbata expositione astartarum Reliquiarum Novendecim, qui dicuntur Martyres Gorcomienses, facta precedente decreto Archiepiscopi Meclinienfis, ex causis bene visis mandavit, ad ulteriora procedi, non obstantibus decretis sanctissima Inquisitionis: Hac die 13. Julii 1649.* In causa ergo Martyrum Gorcomienfium nec doctum fuit de casu excepto, nec responsum fuit, ut haberetur ratio cultus prædicti in dubio Martyrii; sed ex historia Ponti Eutæri una cum documentis ceteris, & testibus de auditu ab iis qui viderant, utpote rem evidenter certam & exploratam constituentibus, concurrente assensu summi Pontificis, ut ad ulteriora procederetur, responsum est: *Constare de Martyrio & causa Martyrii.*

17 Post hæc jam scripta legimus doctas animadversiones supra citatas Archiepiscopi Philippenfis Fidei Promotoris super dubio virtutum in causa Ven. Servæ Dei Joannæ Franciscæ Fremiot de Chantal, in qua quoad virtutes deficiunt testes de visu proprio; & tamen (ut dictum est) signata fuit Commissio, non obstante defectu a me opposito prædictorum testimonii de visu examinerum & examinandorum. In eis autem narrantur dubitationes a Consultoribus excitatæ in præcedenti Congregatione antepreparatoria; deinde subditur, nullum constituendum esse momentum in Commissionem signata; non obstante notitia defectus testimonii de visu, cum ad signaturam Commissionis nihil aliud requiratur, quam fama virtutum & miraculorum, una cum instantiis authenticarum personarum, & exclusionem cujuscumque insuperabilis *obstaculi*, quod directe destruat virtutes.

tes. At pace tanti viri responsio hæc non evincit assumptum: si enim signatura Commissionis viam aperit ulteriori inquisitioni auctoritate Apostolica faciendæ, insuperabile *oblativum* nedom erit illud quod obstat excellentiæ & fulgori, & (ut consueto verbo utamur) relevantiæ virtutum, sed etiam illud quod obstat earum probationi. In quo proinde rerum themate sibi iterum vindicat locum id quod in superioribus dictum est, scilicet aut Commissionem non debuisse signari, aut signatam prodesse posse Postulatoribus contendentibus, satis esse in ea & similibus causis probationem desumptam ex testibus de auditu ab iis qui viderunt, una cum Historicis & Scriptoribus ætatis ejusdem.

18 Post hæc jam typis edita, cum Postulatores causæ Ven. Servæ Dei Joannæ Franciscæ Fremiot de Chantal progredi voluissent ad proponendum in sacra Congregatione dubium de virtutibus, & merito timuissent, ne defectus testium de visu in processibus tum ordinario, tum Apostolico favorabilem posset retardare resolutionem, summo Pontifici Clementi XII. supplicem libellum exhibuerunt, in quo, post expositum sanctitati suæ causæ statum, item oppositionem a me, dum Fidei Promotor eram, factam ob defectum testium de visu, eamque minime obstitisse signaturæ Commissionis introductionis causæ, institerunt ut haberetur particularis Congregatio cum interventu Secretarii Congregationis sacrorum rituum, & Fidei Promotoris, in qua stricte examinaretur, an posset in causa ad ulteriora procedi.

19 Annuit Sanctissimus petitis, uti colligitur ex decretis editis die 27. Martii & die 14. Aprilis 1734. ; sed instantibus deinde Postulatoribus, ut examen hujus articuli ad sacrorum rituum Congregationem ordinariam remitteretur, annuente Sanctitate sua huic novæ petitioni, uti desumitur ex decreto edito die 12. Januarii 1737., articuli examen ad eandem delatum est.

20 Porro Postulatores magnam vim constituerunt in attestationibus S. Francisci Salesii, & tunc Beati, nunc Sancti Vincentii a Paulo de virtutibus Servæ Dei, quarum notitiam, non perfunctorie sed diligentissimè, dum vixerant, hauserant; in nonnullis testibus examinatis in causa Canonizationis S. Francisci Salesii, qui testimonium ferentes de ejus virtutibus, virtutes quoque enarrarunt Servæ Dei, ejus discipulæ amatissimæ; in testibus de auditu a videntibus, examinatis in processu ejusdem Servæ Dei, & in narrationibus historicis de ejus vita conscripta a nonnullis feminis Religiosis, quæ assidue cum ea fuerant versatæ; hinc inferentes, dici non posse, in causa deesse testes de visu.

21 Carolus Albertus Archiepiscopus Philippensis, olim Fidei Promotor, ratione officii suas proposuit animadversiones, strenue opponendo deficientiam testium de visu judicialiter examinatorum præviis necessariis interrogatoriis: & in eo quod attinet ad memoratas attestationes & historias, dixit, eas esse probationes extrajudiciales: & in eo quod spectat ad testes

testes processus causæ S. Francisci Saleſii, ſubdidit, eos quodammodo per tranſennam, nec ullis præcedentibus particularibus interrogatoriis nonnulla dixiſſe de virtutibus Servæ Dei.

22 Verum ſacrorum rituum Congregatio ordinaria, cum reputaſet, citra ullam Poſtulatorum culpam non fuiſſe tempore & loco examinatos teſtes de viſu; præterea, urgentibus Poſtulatoribus, pro cauſæ introductione fuiſſe defectum hunc oppoſitum; & tamen neglectam fuiſſe oppoſitionem ſub certa ſpe documenta examinandi, quæ a Poſtulatoribus innuebantur, videlicet atteſtationes S. Franciſci Saleſii, & B. Vincentii a Paulo, & hiſtoricas narrationes conſcriptas a Monialibus contemporali- bus & fide dignis, ex quibus omnibus validiſſimum deſumebatur admi- niculum, præter teſtes examinatos in cauſa S. Franciſci Saleſii, pro teſti- bus de auditu, & de auditu a videntibus in cauſa Servæ Dei; cenſuit, in ea procedendum eſſe ad ulteriora: ex quo ſacræ Congregationis judicio tum Poſtulatōres, tum Conſultores normam deſumere poſſunt, quid proponendum & quid attendendum ſit, cum proponitur cauſa procedens per viam non cultus, in qua deficiant teſtes de viſu. En verba decreti.

*Gebennen. Beatificationis & Canonizationis Ven. Servæ Dei Joanne
Franciſcæ Fremiot de Chantal primæ Monialis & Superioriſſæ
Ordinis Monialium a Viſitatione S. Mariæ nuncupat.*

Propoſita per Eminentiff. & Reverendiſſ. D. Cardinalem Otthobonum in vim reſcripti S. S. D. N. Clementis Papa XII. cauſa Beatificationis & Canoniza- tionis Ven. Servæ Dei Joanne Franciſcæ Fremiot de Chantal prædictæ ſuper puncto probationum; ſacræ eadem Congregatio, auditu prius in ſcriptis & in voce R. P. D. Ludovico de Valenzibus Fidei Promotore, reſcribendum cenſuit, in caſu de quo agitur, poſſe procedi ad ulteriora, ſi Sanctiſſimo Domino noſtro viſum fuerit. Die 16. Februarii 1737.

Faſtaque deinde per me Secretarium de prædictis Sanctiſſimo Domino noſtro relatione, Sanctitas ſua benigne annuit. Die 20. ejuſdem menſis Februarii 1737.

23 Conſimile quoque prodiit decretum in cauſa Ven. Servi Dei (nunc Beati) Hieronymi Æmiliani patritii Veneti Congregationis Somaſcæ Fundatoris, de qua in hoc cod. cap. num. 14. Urgentibus enim Poſtulatoribus pro virtutum approbatione, quamvis in ea deficerent teſtes de viſu, tum propter antiquitatem cultus, licet ſublato; tum propter reſcripta ſacræ Congregationis, in quibus dictum fuit, ejuſdem cultus habendam eſſe rationem in diſcuſſione virtutum, & aliud ſpecialius ſan. mem. Benedi- cti XIII. ut in cauſa Servi Dei Hieronymi procederetur, ſicut in cauſis in quibus cultus immemorabilis fuit approbatus; tum demum quia non deerant monumenta contemporanea & aliqui teſtes de auditu a videntibus, decretum tandem prodiit his verbis: *Examinata in Congregationibus ſacrorum rituum antepreparatoria, & preparatoria, cauſa Beatificationis & Canonizationis*

nis

nis Ven. Servi Dei Hieronymi Emiliani patritii Veneti & Congregationis Somaſche Fundatoris, ſuper inſcripto dubio, An conſlet de virtutibus Theologalibus & Cardinalibus, earumque annexis in gradu heroico, in caſu & ad effectum de quo agitur, tandem die 30. Aprilis proxime præteriti coram SS. D. N. Clemente Papa XII. alia qua ſupererat Congregatio eorumdem ſacrorum rituum generalis coacta fuit, in qua Reverendiſſi. D. Cardinalis Porzia, vice & nomine Reverendiſſi. D. Cardinalis Otthoboni abſentis, huiusmodi cauſa Ponentis, ſupradictum dubium propoſuit: Sanctitas vero ſua auditis cum DD. Conſultorum, tum Reverendiſſi. DD. Cardinalium ſuffragiis, nil ea die decernere, ſed reſolutionem diſſerre exiſtimavit; ut prius tam propriis quam aliorum precibus ad Deum effuſis, in tam gravi deliberatione Spiritus Sancti lumen imploraret. Iis itaque abunde peractis, inſcripta die Divo Bartholomæo Apoſtolo ſacra, in cujus eccleſia terra Somaſche, dioceſis Mediolanen. corpus ipſius Ven. Servi Dei quieſcit, idem Sanctiſſimus Dominus noſter, accitis coram ſe R. P. Ludovico de Valentibus Fidei Promotore, & me inſcripto præſata Congregationis Secretario, ſuper propoſito dubio reſponſum affirmativum promulgari mandavit; ſcilicet, Conſtare de virtutibus ipſius Ven. Servi Dei Hieronymi Emiliani, tam Theologalibus, Fide, Spe, & Charitate, quam Cardinalibus, Prudentia, Inſtitia, Fortitudine, & Temperantia, earumque annexis in gradu heroico, in caſu & ad effectum de quo agitur. Et ita &c. Die 25. Auguſti 1737.

24 Poſt noſtram ad ſummum Pontificatum aſſumptionem, coram Nobis in Congregatione generali ſacrorum rituum propoſita eſt cauſa Ven. Servi Dei Franciſci Caraccioli die 21. Martii 1741. ſuper dubio virtutum, & pro earum probatione non aderant niſi teſtes de auditu, multis tamen formis adminiculati, & cauſa procedebat per viam non cultus. Omnes ſere Conſultores & Cardinales ſuis ſuffragiis pro earum probatione & approbatione uniforme iudicium tulerunt; Noſque ipſi poſt maturum examen die 23. Aprilis 1741. decretum edidimus, in quo declaravimus, virtutes prædictas ita eſſe probatas, ut tuto deveniri poſſet ad ulteriora, ideſt ad diſcuſſionem miraculorum. Aliud ſubinde, ut huic controverſæ finis imponeretur, eadem die edidimus generale decretum, in quo primò confirmavimus praxim admittendi probationes ſubſidiarias per teſtes de auditu, in genere tamen ſuo perfectas ſuper dubio virtutum aut Martyrii, cum agitur de cauſis procedentibus per viam cultus immemorabilis, aut caſus excepti: ſecundò, ſtatuiſmus, hoc ipſum genus probationis ſubſidiariæ admitti poſſe in cauſis procedentibus per viam non cultus in dubio virtutum aut Martyrii, ſi ſine culpa Poſtulatorum teſtes de viſu haberi non potuerunt, & ſi ex omnibus probationibus ſubſidiariis ſimul junctis moralis conſurgat certitudo virtutum aut Martyrii: tertio, in cauſis procedentibus per viam cultus immemorabilis, aut indulti Apoſtolici, duo miracula (ut antea) non ſufficere, probatis virtutibus vel Martyrio, pro impetrandæ Canonizatione, ſed quatuor eſſe neceſſaria: quarto, in cauſis procedentibus per viam non cultus, & in quibus virtutes aut Martyrium fuerunt probata

probata per probationes directas & per testes de visu, duo miracula (ut antea) sufficere pro Beatificatione, & duo alia quæ supervenerint, pro Canonizatione: quòd, in iisdem causis precedentibus per viam non cultus, si virtutes aut Martyrium probata sint per testes de auditu & probationes subsidiarias, non sufficere duo miracula pro Beatificatione, sed quatuor esse omnino necessaria, & præter hæc, alia duo quæ post indultam Beatificationem supervenerint, pro impetranda Canonizatione: ultimò, miracula semper & in quacumque causa debere probari per testes de visu, de quo etiam in capite subsequenti. Diebusque elapsis coram Nobis proposita in Congregatione generali sacrorum rituum causa super Martyrio & causa Martyrii Ignatii Azevedo & aliorum triginta novem e Societate Jesu, causa inquam procedente per viam non cultus, & in qua solæ aderant subsidiariæ probationes, iisdemque recognitis in genere suo perfectis, aliisque ponderatis circumstantiis in decreto legendis, decretum edidimus, de quo in ultimo hujus capituli paragrapho.

25 En verba decretorum.

Neapolitana Beatificationis & Canonizationis Ven. Servi Dei Francisci Caraccioli Clericorum Regularium Minorum Fundatoris.

P Reposita nuper in Congregatione generali coram SS. D. N. Benedicto Papa XIV. sub die vigesima prima Martii proxime præteriti per Reverendiss. D. Cardinalem Bellugam Relatorem deputatum causa Ven. Servi Dei Francisci Caraccioli Fundatoris Clericorum Regularium Minorum super dubio: An constet de virtutibus Theologalibus Fide, Spe, & Charitate, & Cardinalibus Prudentia, Justitia, Fortitudine, ac Temperantia, earumque annexis in gradu heroico, in casu & ad effectum &c. Sanctitas sua, perfectis relativisque omnium Consulorum, & auditis Reverendiss. Cardinalium suffragiis, tunc quidem responsum censuit differendum, ut in tam gravi re Dei etiam consilium & suis & aliorum precibus exquireret: postmodum autem celebrato hac etiam de causa sacrosancto Missæ sacrificio, accitisque coram se R. P. D. Promotore Fidei, meque infra-scripto Secretario, ejusdem sacre Congregationis sententiam approbando declaravit: virtutes prædictas ita probari, ut tuto deveniri possit ad ulteriora, nimirum ad discussionem miraculorum, in casu & ad effectum &c. Sed cum ex testibus de auditu tantum, multiformiter licet adminiculatis, fuerint probata; ut, quod virtutum probationi defuit, miraculorum eas confirmantium probatione suppleatur, ad Servi Dei Beatificationem non ante deveniendum esse censuit, quam miracula omnino quatuor probentur ex testibus de visu, atque approbentur, juxta formam infra-scripti decreti generalis eam ob rem editi hac ipsa die Dominica tertia post Pascha 23. Aprilis 1741.

DECRE-

DECRETUM GENERALE.

Cum in Congregatione generali habitis coram S. S. D. N. Benedicto Papa XIV. die vigesima prima Martii proxime præteriti, occasione agendi de virtutibus Ven. Servi Dei Francisci Caraccioli Congregationis Clericorum Regularium Minorum Fundatoris, earumque sufficienti probatione generatim etiam questum atque acriter disputatum fuerit, possent ne unquam aut deberent haberi satis probata ad effectum, de quo agitur, virtutes alicujus sine ullis testibus de visu; Sanctitas sua, perfectis Consultorum, et auditis Reverendiss. Cardinalium tunc suffragiis, reque postea secum et cum aliis etiam mature perpensa et pertractata, ad ambages quasvis certa et clara lege desuper tollendas, ita censuit distinguendum.

Ut in causis Beatorum procedentibus per viam cultus siue a Sede Apostolica indulti, siue per tempus immemorabile delati, non recedatur ab antiqua praxi admittendi virtutum aut Martyrii probationem, quam vocant subsidiariam, constata ex testibus quidem tantum de auditu quandoque a videntibus, quandoque non, sed variis tamen roboratam adminiculis, ad faciendam viro prudenti ac de re gravi iudicantis auctoritatem et fidem idoneis, ad quæ rite colligenda et seligenda sunt a Majoribus nostris littera et processus compulsiuales ordinati: cum æquum sit, et antiquitatis et cultus haberi rationem; neque negari possit, quin magnum sanctitatis argumentum sit, quod quis colatur propter sanctitatem. Tamen si etiam in Beatis, et antiquis, ubi testes de visu habeantur vel haberi possint, ex his, et non ex solis testibus de auditu, eorum virtutes aut Martyrium (quemadmodum et in variis huiusmodi causis factum est) probari debent.

Ex quadam etiam aequitate, ne interdum scilicet contingat, causas, Dei atque hominum iudicio ceteroquin promoveri dignas, ex solo testimonio de visu quandoque non culpabili defectu, jacere omnino et perpetuo derelictas; præsertim cum, neque raro, claris de celo signis et prodigiis audiret Deus huiusmodi defectu non attento, apicem suum, ut superius ascendat, invitare: possit eadem subsidiaria probatio admitti et in causis simplicium Dei Servorum per viam non cultus procedentibus: quando tamen non constiterit, primis auctoritate ordinaria processus fuisse dolo malo aut culpabili negligentia tamdiu dilatos, donec testes de visu nulli superessent; et quando etiam, comperto ejusmodi testimonii defectu, sacra tamen Congregationis consilio signata causæ fuerint Commissio, et littera remissoriales ad processus auctoritate Apostolica faciendas expeditæ, nulla cum spe testimonii de visu in ipsis audiendorum.

Atque in his causis deinde suffragium laturi ubi ex dicta probatione subsidia-
ria, omnibus simul rite et recte pensatis, talis ac tanta (ipsorum iudicio) exsur-
gat veri Martyrii, aut virtutum heroicarum moralis (ut ajunt) certitudo, qua
non impossibile quidem, sed imprudens (ipsorum pariter sententia) reddat judi-
cium de opposito; ne qua ex diversitate respondendi oriatur deinde sententiarum
ambiguitas, hac ferme formula respondeant seu rescribant: virtutes in gradu
heroico,

heroico, aut Martyrium ita probari, ut tuto procedi possit ad ulteriora, nimium
ad discussionem miraculorum, in casu & ad effectum, de quo agitur.

Sinul tamen, ne juris rigor in his causis adhiberi nedum solitus, sed & ne-
cessarius, ullo pacto relaxetur; sed quod ex humano testimonio deerit, Divino
compensetur: miracula primum quidem quacumque in causa sive Beatorum ad Ca-
nonizationem, sive Servorum Dei ad Beatificationem, nonnisi ex testibus de visu
quoad substantiam approbentur; nulla ratione habita illorum, qua in processu ex
filiis testibus de auditu depasita, & quantiscumque documentis confirmata perle-
gantur: cum nota alia subinde miracula, testibus de visu plene comprobata,
possint quotidie, si Deus voluerit, supervenire.

Deinde vero cum in causis Beatorum per viam cultus immemorabilis, aut
indulgi procedentibus, de stylo presenti sit, ut approbato jam ex testibus de auditu
(ut supra dictum est) admixculatis Martyrio aut virtutibus in gradu heroico,
ex duobus deinde miraculis ad solemnem eorum Canonizationem devertatur; in-
posterum non duo, ut hactenus, sed quatuor ad eorum Canonizationem probari de-
beant miracula, & quidem (ut dictum est) ex testibus de visu.

In causis autem simplicium Servorum Dei procedentibus per viam non cultus
servetur quidem qui jampridem invaluit mos, ut probatis ex testibus de visu vir-
tutibus, & duobus deinde miraculis ad Beatificationem procedatur. At ubi vir-
tutes aut Martyrium ex testibus de auditu (ut supra) fuerint probata; non
duo, ut hactenus, sed quatuor omnino ad Beatificationem, ac deinde duo alia post
illam facta, ut moris est, ad eorum Canonizationem ex testibus pariter de visu
debeant approbari. Atque ita servandam Sanctitas sua censuit decrevit & man-
davit hac die 23. Aprilis 1741.

*Brasilien. Beatificationis & Canonizationis seu Declarationis Martyrii
Venerabilium Servorum Dei Ignatii de Azavedo & aliorum
triginta novem e Societate Jesu.*

26 **C**UM in causa Venerabilium Dei Servorum Ignatii de Azavedo provin-
cia Brasilia Propositi, ac triginta novem aliorum e Societate Jesu
die 15. Julii 1570. dum in Brasiliam Evangelii predicandi causa a S. Francisco
Borgia missi navigarent, ante insulam Palma ab impiis Calvinistis in odium Ca-
tholica Fidei ac Sedis Apostolica variis modis occisorum, relato jampridem per
clar. mem. Cardinalem de Torres processu desuper auctoritate ordinaria confecto,
sacrorum rituum Congregatio die 20. Maji 1628. communi omnium consensu &
voto ad specialem Martyrii ejusque cause inquisitionem, absque aliis processibus in
genere, tam in Curia quam extra illam deveniri posse censuerit; reque ipsa sub-
lata de medio per clar. mem. Cardinalis de Lugo tunc sacra Theologie Professoris,
altorumque insignium Theologorum responsiones opposuione de voluntarierate Mar-
tyrii, ab extra, & non a Promotore Fidei tunc excitata, die 12. Maji ejusdem
anni 1628. litteras remissoriales expedierit ad quatuor processus in specie super
Martyrio ejusque causa, & signis seu miraculis, auctoritate Apostolica extra-
Tom. III. E Curiam

Curiam Bahia in Brasilia, & Brachara, Conimbrica, & Ebora in Lusitania faciendos; in Curia vero duos alios, unum die 15. Decembris 1640. Sanctissimi tunc Provicario clar. mem. Cardinali Sancti Hymnabrii, sive Illustrissi. DD. Octavio Corsino Archiepiscopo Tarfensi, Lelio Falconerio Episcopo Thebarum, & Joanni Baptista Alterio Episcopo Camerinenfi, atque alterum die 24. Januarii 1665. clar. mem. item Vicario Cardinali Ginetto, sive Illustrissi. DD. Jacobo Theodolo Archiepiscopo Amalphitano, Joanni Antonio Capoblanco Episcopo Syracusano, & Camillo Piazza Episcopo Dragonensi pariter subdelegatis commiserit formandos.

Ac post remotum anno 1625. cultum publicum, eo usque Servis Dei, Ordinariorum & Sedis etiam Apostolica tolerantia, exhibitum, dicto ad relationem clar. mem. Antonii Cardinalis Barberini die 15. Septembris 1640. constare de partitione decretis de non cultu; postque admissam die 13. Julii 1649. referente clar. mem. Cardinali Columna, per sacram Congregationem, signatamque manu sel. record. Innocentii Papae X. Commissionem reassumptivam causa in statu ac terminis, in quibus tunc reperiebatur, approbata die 31. Augusti 1669. ad relationem clar. mem. Sigismundi Cardinalis Ovisi validitate utriusque processus Romani, sanatisque 21. Januarii 1671. per san. mem. Clementem Papam X. defectibus quibusdam in supradictis quatuor processibus Brasiliae ac Lusitaniae; die 2. Maji subsequenti, ex indulto speciali per Oratorem Sereniss. Regis Portugalliae Comitum de Prado Marchionem de Minas impetrato, propositum a clar. mem. Cardinali Rospilisio fuerit in Congregatione preparatoria dubium de Martyrio & ejus causa, complicarum cum dubio de signis seu miraculis; auditaque postridie relatione, Pontifex, responderit, propositionem cause in Congregatione generali differendam esse, ad coadjuvandas et dilucidandas probationes.

Istis autem magnopere postea illustratis & corroboratis in altera preparatoria, quae die 28. Martii 1719. coram undecim Reverendis. Cardinalibus est habita, separatim a signis seu miraculis propositum a clar. mem. Cardinali Outhoboni fuerit dubium de Martyrio ejusque causa, cum opportunis animadversionibus SS. D. N. Benedicti Papae XIV. tunc Fidei Promotoris, qui statim deinde dandas censuit, deditque postremas animadversiones suas pro Congregatione generali; haec autem Divino consilio factum sit, ut coram ipsimet jam summo Pontifice nuper, nimirum die 4. Septembris decurrentis, fuerit habenda: propositoque in ea per Reverendis. D. Alexandrum Cardinalem Albanum dubio cum hodierno Fidei Promotore R. P. Ludovico de Valentibus antea concordato: An constet de Martyrio & causa Martyrii, in casu & ad effectum, de quo agitur, idem Sanctiss. Dominus noster, perfectis relatisque Consultorum, & auditis Reverendis. Cardinalium concordibus suffragiis, tunc quidem distulerit responsum, donec in re tam gravi prius Dei consilium suis & aliorum precibus exquireret:

Nunc denique sacrosancto Missa sacrificio in templo S. Andreae in Quirinali ad majorem aram ante Imaginem S. Francisci Borgia (ut lumen a Deo per illum imploraret, qui eorum in obitu Servorum Dei consultus, an orandum pro illis esset ac solita pro mortuis suffragia persolvenda; de Patrum sibi tunc Societati universae praeposito assistentium consilio respondit, pro quadraginta utpote Martyribus orandum

orandum non videri) celebrato; attentaque potissimum in causa hac (ultra perfectam in genere suo subsidiariam, quam vocant, Martyrii probationem) antiquitate ipsius, & circumstantia cultus publici his Dei Servis a die obitus eorum usque ad sel. record. Urbani Papa VIII. decreta exhibiti (qua duo hac in causa suffragantis san. mem. Clemens Papa XI. die 8. Aprilis 1704. peculiari rescripto prescripsit attendenda) pijs etiam Sereniss. D. Joannis V. Regis Portugalliae precibus per datas nuper Sanctitati suae litteras expressis benigne inclinatus; memorato Fidei Promotore, meque infra scripto Congregationis Secretario coram accitis, ejusdem sacrae Congregationis sententiam approbando, declaravit, in causa Venerabilium Dei Servorum Ignatii de Azavedo ac triginta novem Sociorum ejus, Martyrium & Martyrii causam ita probari, ut tuto procedi possit ad ulteriora, nimirum ad discussionem signorum seu miraculorum juxta formam decreti generalis die 23. Aprilis 1741. editi: atque ad eorum praecipue, qui Catholica Fidei quae plantanda, quae propaganda, quae defendenda causa inter barbaros Idololatrias, aut perfidos Haereticos in assiduo vitae periculo versantur, solatium non minus quam iaculum, & decus etiam insigne Nationis ac Religionis, quam praedicti Servi Dei sortiti ac professi sunt, de Sede Apostolica & de Fide Catholica optime merita, suppete quam suo largiter non sudore modo, verum etiam, ubi opus est, sanguine fortiter tueretur, praesens Declarationis decretum in lucem edi ac publicari mandavit hac die S. Matthaeo Apostolo sacra 21. Septembris 1742.

CAPUT IV.

De sententia Congregationis sacrorum rituum, & de praesenti Sedis Apostolica praxi quoad testes de auditu, cum agitur de miraculis; & quoad testes singulares, quando agitur de virtutibus aut de miraculis in causis Beatificationis & Canonizationis.

1 **A**ctum est in capite praecedenti de probatione virtutum; nunc agendum est de probatione miraculorum, & inquirendum, utrum (saltem in antiquis) probari possint per testes de auditu, vel per unum testem de visu & alios de auditu, an potius necesse sit juxta praesentem sacrae Congregationis praxim, ut per testes contestes de visu comprobentur. Jam alibi visum est, summum Pontificem Urbanum Papam II. sic respondisse Benedicto Abbati Canonizationem Beati Gurloesii live Guolgofii postulanti, uti legitur tom. 4. Galliae Christiana antiquior. edit. an. 1656. pag. 553.: Porro, quod de Beati Gurloesii celebratione, ab auctoritate nostra iudicium expetisti, non eadem potuit facilitate concedi; non enim Sanctorum quique debet canonibus admitti, nisi & testes adfuerint, qui ejus miracula visa suis oculis attestentur, & plenaria Synodi communi firmetur assensu. Quae verba sic illustrat saepe memoratus Pater Christianus Lupus (in Concilia provincialia & generalia tom. 3. pag. 569. antiquior. edit.): Per oculos testes probata miracula merito requisivit Urbanus II. Hinc duos Cardina-

les, qui in canonizandi Sancti Imperatoris Henrici miracula inquirerent ab ejusmodi testibus, Eugenius III. legavit in Germaniam. Agitur enim hic de declarando occultissimo in defectum hominem Divino judicio, quod sine Divina, que passim per miracula sua, attestatione non posse fieri, est manifestum. Miracula sunt Divina Majestatis ad nos loquela.

2. Concors est etiam sacrae Congregationis observantia, teste Cardinali de Lauria in 3. lib. sent. tom. 4. disp. 20. art. 25. §. 4. num. 1119. & seqq. cujus dicto multum deferendum est, cum plurium annorum spatio sacrorum rituum Congregationi interfuerit uti Consultor & uti Cardinalis. Sic enim præmittit: Ultima autem primi argumenti consequentia, quod multo minus possit extendi ad probanda miracula, sic probo. Primo, quia causa Ecclesiastica per Canones judicanda sunt, ex Julio I. in epistola ad Orientales: Canones autem statuunt, omnia esse probanda per testes de visu [excepta causa affinitatis & consanguinitatis] ut late patuit in §. 2. Secundo, Doctores pro testibus de auditu alieno in antiquis docent, quod, si agitur de alterius præjudicio, non sufficiunt: sed in probatione miraculi agitur de alterius præjudicio, quia de deceptione Ecclesie in re gravissima, & ex majoribus. Tertio, nullus concedit, in causa criminali admittendos esse testes de auditu: ergo neque in causa probandi miraculi; est enim gravior quam criminalis, quia hic fieret præjudicium uni personæ vel familia, in causa miraculi fieret præjudicium Ecclesie & religioni. Quarto, miraculi probatio est fundamentum decreti Canonizationis: ergo debet esse major, qua fieri potest inter homines. Antecedens probatur. Quamvis pro Canonizatione sit necessarium probare virtutes in vita, & miracula post mortem, ut sape probatum est ex Constitutionibus diversorum Pontificum; si tamen daretur casus, quod de virtutibus alicujus non haberetur notitia, quia antiquus, & nullus scripsit ejus gesta, tamen post mortem miracula patrarentur in ejus sepulcro, vel ad invocationem, aut contactum Reliquiarum illius, hac sufficerent ad canonizandum. Prima consequentia probatur: si enim adhibeantur testimonia de auditu alieno, non curatur omnimoda certitudo moralis qua haberi potest inter homines, & Ecclesia videretur tentare Deum, ut velles confirmare, seu potius assistere illi ad faciendum decretum de canonizando, non præmissa diligentia summa qua fieri potest inter homines, sed ea solum, cui potest facile subesse deceptio; quia vel postremus auditor qui deponit, vel aliquis intermedius ex precedentibus rem auditam ut incertam, narravit ut certam; vel ipse primus qui dixit, fortasse non vidit, sed, sicut regulariter accidit, ipse quoque ex rumore, vel dicto incerti auctoris scivis & dixit, & ita nullum adest solidum fundamentum, quod saltem primus viderit; vel ipse alicujus Servi Dei devotus aliqua in ejus honorem dixit, quia probabiliter accidisse tenebat: igitur nunquam admittenda est hac per auditum probatio, cujuscumque sint conditionis testes & cum quibuscumque circumstantiis. Transit deinde ad praxim hujus sacrae Congregationis num 1120. atque ita subdit: Probatur secundo ex praxi sacrae Congregationis rituum, cui tot annis inferio: nunquam enim testes de auditu admitti sunt ad probanda miracula, etiam antiqua. Vidi multum laboratum in causa B. Joannis de Capistrano pro antiquis miracu-

miraculis sic probatis, immo & cum fama & historiis, neque tamen admiffis: multum pariter in aliis tribus vel quatuor causis antiquorum miraculorum, qua per famam & per testes de auditu eorum qui viderant miracula, & quod plus est, etiam cum uno teste de visu illis adjuncto; nec tamen admiffa fuere. Quid clarius?

3 Ad rem de qua agimus, plura adhuc subduntur a Patre Matthæucio olim Consultore sacræ Congregationis in *pract. Theologo-Canon. ad causas Beatificat. & Canonizat. tit. 3. cap. 5. §. 1. num. 19. Extrema autem miraculi non probant testes de auditu alieno ex communi regula, quod de certa scientia deponere non possunt, qui actu non interfuerunt &c. & num. 20. Et procedis etiam, si versetur in antiquis: Et rursus num. 24. Nec concludentem probationem inducit testis de auditu alieno conjunctus cum teste deponente de visu super miraculo. Non enim probatio est plena, & juxta legem Divinam & Canonicam &c. Nec testis de visu facit, ut alterius probatio, qua de se non sufficit, sufficiat & reddatur semiplena; sed remanet illa de visu in suo gradu semiplena, & alia de auditu tanquam adminiculum. Quapropter non est recipienda opinio Doctorum & Canonistarum, qui scripserunt, testibus de auditu probari in antiquis miracula, cum non procedant in hujusmodi causis gravissimis secundum legem Canonicam & Divinam, nec servent stylum & praxim Apostolica Sedis, que semper in distis causis summum rigorem & maximas diligentias servavit. Me autem tanquam Fidei Promotore sæpius opponente in causis procedentibus per viam non cultus, in quibus pro virtutibus probandis afferebantur testes de auditu, probationem per testes de auditu sive proprio sive alieno non sufficere in causis Beatificationis & Canonizationis, sed probationem debere constitui in testibus de visu; responsum fuit a Postulatoribus, hæc & similia sibi vindicare locum non in probatione virtutum, sed in probatione miraculorum, tum quia, ut ipsi sibi blandiebantur, lata lex est de testibus de visu in probatione miraculorum, sive causa procedat per viam non cultus, sive per viam casus excepti, non vero in probatione virtutum, etiam si causa procedat per viam non cultus; tum quia nova miracula supervenire possunt, si antiquorum probatio deficiat, quod in virtutibus contingere non potest.*

4 Explicata questione de testibus de auditu, superest, ut verba habeantur de testibus singularibus singularitate *adminiculativa*, non adversativa, ut supra expositum est: & licet prius agendum esset de virtutibus & Martyrio, deinde de miraculis, cum tamen in antecedenti paragrapho sermo habitus sit de miraculis, eandem miraculorum materiam prosequemur, deinde transitus fiet ad virtutes & ad Martyrium.

5 Miracula in causis Beatificationis & Canonizationis perpenduntur & examinantur, si res sit de causis procedentibus per viam non cultus, ante Beatificationem; tum post Beatificationem perpenduntur & examinantur ea quæ supervenerunt, ut obtineri valeat Canonizatio: in causis autem procedentibus per viam casus excepti miracula perpenduntur & exami-

examinantur, quæ post indultam venerationem supervenerunt. Porro, quamvis dubium proponatur, an constet de miraculis, in individuo tamen assumitur examen, an hoc aut illud excefferit fines naturæ, ita ut inter miracula sit recensendum. Quapropter, cum non agatur de fama miraculorum, sed an hoc aut illud factum miraculo sit adscribendum; nec ullo modo exaggerata juris regula de conjungendis probationibus imperfectis, cum res est de probando genere, aptari possit iudicio, quod in causis Beatificationis & Canonizationis particulariter assumitur super dubio miraculorum; concors est tum Scriptorum, tum sacræ Congregationis sententia, in unoquoque miraculo requiri testes contestes, nec sufficere, si unus testis deponat de uno miraculo, alius de alio. Ita respondent antiquiores, Antonius a Butrio in cap. Cum oporteat, sub num. 20. de accusat.: Idem tenuit Vincentius... & recitat Archidiaconus. & unde dicit, quod testes non probant, si dicant talem Sanctum, & unus dicit, quia liberavit talem de arido pede, & alter, quod alterum de oculo &c. Si autem causæ se habent ad totum, quia non inferunt ut partes, sed ut causæ multiplicantes idem totum in specie, tunc non probant; ut in exemplo de miraculis, quia quolibet de per se infert unum miraculum totum. Felinus in cap. Licet ex quadam, sub num. 2. col. 810. de testib.: Et ideo, si unus testis dicit, quod talis fecit miracula, quia vidit eum sanantem cæcum, alius dicit, quod liberavit claudum; isti non probant, etiam si essent mille, quorum quilibet attestaretur de uno miraculo... quia isti actus multiplicati, de quorum quolibet constaret per duos testes, bene probarent, quem fecisse miracula; sed, ex quo nullus de illis actibus probatur plene, sed quilibet habet testem unicum, & non agitur de universali probando, sed ut habeatur certitudo de aliquibus miraculis, non possunt dici contestes. Marianus Socinus in cap. Qualiter & quando 24. sub num. 583. de accusat. Et adverte pro declaratione, quia aliud est velle probare T. homicidam S., & aliud est velle probare, quod T. sit homicidiosus, hoc est, quod in eo inest qualitas viri sanguinolenti. Item aliud est velle probare, quod Frater Bernardinus fecit tale miraculum, quia unusquisque testis debet deponere de illo, & aliud est probare, quod sit vir miraculosus, ita quod hæc qualitas faciendi miracula sit in eo; nam in prædictis casibus & similibus probatur qualitas per pluralitatem miraculorum, & quanto magis multiplicantur, tanto melius probatur, quod queritur. Ita quoque respondent recentiores, Rocca de Canonizat. SS. cap. 32. ubi agit de probatione miraculorum: Testes insuper in hanc rem tam gravem & arduam adhibendi sunt de singulis eorumdem miraculorum circumstantiis diligenter interrogati; qui, ut clariorem veritatis rerumque gestarum testificationem efficiant, contestes de una & eadem re esse debent, & plures quidem: si enim unus de re singulari, alter vero de re testetur altera, tanquam testes singulares, ut juris Peritissimis placet, nihil profecto probant. Castellinus de dilat. Canonizat. SS. pag. 94. Animadvertunt quoque, & optime, quod si unus testis deponat de uno miraculo, alius vero de alio miraculo, illorum probatio non

admit-

admittitur tanquam sufficiens, præsertim in maximo Canonizationis negotio: & ratio est, quam communiter assignant Jurisæ, quia quolibet prædictorum testimonium probatio tendit non ad unum & ad idem, sed ad diversa. Matthæucci in oper. cit. tit. 3. cap. 5. §. 2. n. 29. ubi ait, ab hac sententia recedendum non esse in negotio Canonizationis arduo, & magni ponderis. Procuratores quidem & Advocati patrocinium præstantes causis Beatificationis & Canonizationis in suis scripturis aliquando dixerunt, mitius & per leviores probationes esse procedendum, cum agitur de miraculis Beatificati ad impetrandam Canonizationem directis, quam quando agitur de miraculis pro Beatificatione obtinenda. Sed, cum ipse tanquam Fidei Promotor in meis animadversionibus differentiam prædictam minime astruendam censerim, cum sive res sit de miraculis ante, sive post Beatificationem, negotium arduum sit & magni momenti, cumque in utroque casu proponatur disputationi dubium, *An constet de miraculis*, & cum certa debeant esse documenta, ut cultui permissivo ex indulto Ecclesiæ in aliquibus locis coercito succedat cultus præceptivus ad universum orbem terrarum extensus; sacrorum rituum Congregatio a stricto miraculorum examine, etsi post indultam Beatificationem patratorum, recedere noluit, atque adeo horum miraculorum probationem semper rejecit, quoties in testibus de visu contestibus, & minime singularibus non esset constituta. Quod si in dubio miraculorum sive ante, sive post Beatificationem patratorum nonnulla afferantur miracula probata per testes testes, nonnulla probata per testes singulares, hæc utique pro causæ ornatu & majori splendore legi poterunt & in aliquo pretio haberi, sed super eis nullum editur a sacra Congregatione responsum, nisi quatenus Postulatores insistent pro eorum approbatione, tunc enim respondebitur, *Non constare*; & ideo multo minus eis inniti poterit judicium Beatificationis aut Canonizationis, ut bene indicant Pasqualig. ad Lauret. de Franchis de contro. inter Episc. & Regul. num. 1184. & seq. & Bordon. de mirac. medis. 32. a num. 14. ad num. 19. & ad rem bene subdunt Rotæ Auditores in prima relatione de miraculis S. Teresie art. 3. ubi, postquam dixerunt, non deesse graves Doctores asserentes, miracula etiam probari per testes singulares, sic habent: *Nilominus, cum haberemus plura alia miracula per plures testes comprobata, judicavimus, supradicta per singulares testes confirmata tanquam mirabilia & notatu digna, & maxime ad sanctitatis istius Servæ Dei manifestationem conducentia hic recensere, & ad alia miracula in ejusdem Virginis transitu, & post illum per Deum omnipotentem operata, & plurimum testimonio numero probata transire.*

6 Magis involuta est controversia, si de virtutibus tractetur. In dubio quippe virtutum non agitur de judicio ferendo super hoc vel illo actu, sed potius super habitu. In quo rerum themate sufficiens esse videtur probatio virtutis Charitatis, si unus testis de uno actu Charitatis, alius de alio, & sic successive testimonium ferant: licet enim probationes descen-

descent

dentes a testibus singularibus non sint nisi semiplenæ, si simul tamen jungantur & ad probationem habitus dirigantur, videntur ad gradum plenæ probationis posse elevari. At, si quoad probationes causæ Beatificationis & Canonizationis, etiam in dubio virtutum, quantum fieri potest, æquiparantur causis criminalibus in quibus proceditur ad poenam ordinariam, insufficiens erit probatio quæ constituitur in testibus singularibus. Ita porro sentiunt *Mattea de Canonizat. SS. part. 4. cap. 20. num. 17.* & *Matthæucc. in oper. cit. tit. 5. cap. 2. quest. 2. num. 33. & seqq.*, exclusa quascumque dubitatione quoad punctum causarum criminalium, cum concursus sit tum exterorum tum nostrorum opinio, testes singulares, etiam singularitate *adminiculationis*, non probare plene, sed semiplene, & ideo ad effectum vel inquirendi vel torquendi, ut adnotat *Mynfinger observat. centur. 5. observat. 33. per tot. & præsertim num. 2. & num. 4.* non autem ad effectum infligendæ poenæ ordinariæ; uti plene, discussa materia, prosequitur *Raynaldus in supplement. oper. criminal. suppl. 7. ad cap. 32. dub. 2. per tot. & signanter num. 56.* Adhæret eidem sententiæ *Pignatellus consult. 110. per tot.*, *som. 8.* & signanter *num. 19.* ubi ait, neminem ex testimonio testium singularium singularitate. non *obslativa* tanquam hæreticum damnari posse ad poenam ordinariam; & *Cardinalis Albitius in tract. de inconst. in Fidei cap. 15. num. 3. & seqq.* (relata opinione *Sousie in quest. supra alleg. in qua, uti vidimus, defendere conatur, testes singulares singularitate adminiculationis, non obslativa plene hæresim probare*) inquit, eam opinionem respectu poenæ ordinariæ nedum esse erroneam, sed omnino juri contrariam, & a sacra Congregatione sanctiss. Inquisitionis Romanæ rejectam; additque, licet in crimine Sollicitationis non possint admitti nisi testes singulares, atque adeo in bulla Gregoriana statuatur, Sacerdotes sollicitantes ex depositione testium singularium posse tradi brachio sæculari, eandem tamen ad terrorem sic statuere, nec unquam in hac parte fuisse executioni mandatam; admittit vero probationem testium singularium, cum agitur de probando actu successivo, & saltem moraliter individuo, puta, si unus testis deponeret, se vidisse Titium non Sacerdotem tali die in tali templo, aut sacrario vestibus Sacerdotalibus indutum, alius eodem die eodemque loco vidisse eundem Titium recitantem Epistolam vel Evangelium Missæ, quam celebrabat, alius vidisse eundem Titium ad idem altare eodem pariter die eodemque loco Hostiam elevantem: in hac quippe facti specie ait, testes singulares probare celebrationem factam a Titio; secus autem, si unus testis deponeret, se vidisse Titium celebrantem die Martis, alter vero die Jovis, quia tunc probata celebratio dici non posset, saltem ad effectum imponendi poenam ordinariam reierri potest. Ad rem, de qua nunc agimus, referri potest doctrina quoque *Cardinalis Cajetani ad 2. 2. D. Thome quest. 70. art. 2. Distinctis illa de testibus qui sunt singulares, vel conestis, regulariter habet locum, ut per singulares nullus damnetur. Quia tamen multi singulares testes in factis iterabilibus violentiam suspensionem inducunt,*

ut, si

ut, si unus vidis aliquem committere unum furtum, & alius vidis eundem committere aliud furtum, & sine testis omni exceptione majores, inter Religiosos quando quis existimatur alias tali vitio involutus, aut numerus multus talium consensum concurrat, si articulus non confuetur, inveniri videtur quandoque subsecuta condemnatio multorum Patrum consilio saluta: & licet hoc non sit secundum juris rigorem, ubi tamen absque tormentis proceditur non tam ad puniendum, quam ad salutem animæ & Regularis observantia favorem, tolerabile videtur, ut hac probabilitas sufficiat ad certitudinem inter eos qui mortui sunt mundo. Quia tamen reus non potest ad hujusmodi sententiam tolerandam cogi, deberet ex hujusmodi indicis per tormenta, religiosa tamen, veritas exquiri, ut sententia non feratur, nisi contra confessum vel convictum juxta sacros Canones.

7 Favet huic assumptioni praxis Congregationis sacrorum rituum. Excitata quippe a Fidei Promotore oppositione adversus probationem virtutum aut Martyrii, tanquam minime sufficientem, utpote constitutam in testibus singularibus, singularitate licet *adminiculativa*; Postulatores ipsi bene conscii, difficile futurum esse huic oppositioni in jure respondere, elenchum testium contestium quoad hos & illos actus virtutis non sine magno labore componere curarunt, vim probationis constituentes in testibus contestibus de his & illis actibus, validumque adminiculum subinde repentes in ceteris actibus comprobatis per testes singulares. Ita nimirum res se habuit in causa S. Francisci Regis super dubio virtutum, & in aliis plerisque. Nil etenim prohibet, quin, probatis pluribus actibus Charitatis ex. gr. per testes contestes hujus virtutis, probatio hæc non leve adminiculum recipiat ab aliis actibus ad eam pertinentibus, quamvis per testes singulares comprobatis.

8 Re itaque ad hos terminos redacta, relationes ipsæ Auditorum Rotæ quæ adversari videntur, congrue explicari possunt, ut sibi vindicent locum in hypothesi, in qua testes singulares testimonium reddant de actibus determinatæ virtutis, in cujus tamen probatione non desint testes contestes de aliis actibus deponentes. Sed, quia fortasse hæc explicatio apta dijudicari non poterit quoad relationes in superioribus allegatas, in quibus admittitur in puncto miraculorum probatio per testes singulares, duo adnotanda supersunt. Primum est, sere semper in relationibus, in quibus iidem Rotæ Auditores ostendere conati sunt, miracula probari sufficienter posse per testes singulares, non defuisse miracula probata per testes contestes. In relatione quippe edita in causa S. Francisci de Paula, in qua omnia adducta sunt quæ poterant adduci pro astruenda sufficientia probationis per testes singulares in dubio miraculorum, subduntur hæc verba: *Suadentur etiam, quæ dicta sunt, ex eo, quia multa miracula per contestes probantur.* Consimilia sunt ea quæ habentur in relatione S. Raymundi *art. 8.* ubi post relatam opinionem quæ exposcit testes contestes in dubio miraculorum, sic subditur: *Nos in hac causa hanc potissimum sententiam secusimus, quia, cum haberemus plura miracula probata per plures testes, non com-*

pellebamur amplecti sententiam illorum, qui dicunt, sufficere probare miracula, per testes singulares; quamvis, ut paulo antea dictum est, non sit simpliciter rejicienda illa opinio, quæ asserit, posse miracula probari per testes singulares.

9 Alterum adnotandum est, satis non esse ad rem de qua agimus, ostendere, hoc illudve dictum fuisse in Rotalibus relationibus, sed oportere, ut demonstretur, id ipsum fuisse a sacra Congregatione receptum & a summo Pontifice confirmatum, ut alibi dictum est. Paulo ante scilicet visum est, sacram Congregationem noluisse in causa S. Didaci adhærere opinioni ab Auditoribus Rotæ admisæ de sufficientia probationum per testes singulares indubio miraculorum: sed & in regestis plurima adsunt exempla positivæ reprobationis, exempla non approbationis, exempla moderationis & correctionis sacre Congregationis quoad miracula, quæ fuerant ab Auditoribus Rotæ simpliciter approbata.

10 Sic in relatione S. Caroli Rota approbaverat etiam miracula de Margarita Veruta, de Clementia Aresia, de Beatrice Crispa: at 20. Martii 1610. *Non obstantibus iis, quæ DD. Auditores Rotæ scripserunt in eorum relatione pro approbatione miraculi de Margarita Veruta &c. Congregatio censuit, miraculum prædictum non esse sufficienter probatum ita & taliter, ut dici possit miraculum. Mucantius in Act. Canoniz. fol. 114. item 12. Junii 1610. Decimum quartum miraculum in ordine &c. juxta formam DD. Auditorum Rota in 3. part. de Clementia Aresia &c. ad partem ponendum esse dixerunt &c. & decimum quintum de Beatrice Crispa &c. ad partem etiam, ut de superiori, ponendum esse dixerunt. Ibidem fol. 135. a tergo, & fol. 136. Similiter in relatione S. Felicis Rota approbaverat quinque miracula: at sacra Congregatio 13. Septembris 1625. respondit: Conflare de quatuor miraculis, prætermisso quarto regest. sacr. rit. fol. 109.*

11 Sic in relatione S. Elisabethæ Rota approbaverat etiam tertium in vita, ac tertium post mortem: at sacra Congregatio 28. Septembris 1624. respondit: *De miraculis sufficienter constare, excepto tertio in vita, ac tertio in morte, de quibus nihil affirmat sacra Congregatio (regest. fol. 79.) Similiter in relatione S. Isidori Rota approbaverat etiam septimum post mortem: at sacra Congregatio die 10. Julii 1621. miracula, quæ approbaverat, enumerans, transitu a sexto ad octavum immediate facto, septimum in ordine miraculum neque approbatum, neque reprobatum reliquit. regest. fol. 45. Item in relatione B. Gregorii X. Rota inter virtutes approbaverat etiam virginitatem: at sacra Congregatio 4. Maji 1630. respondit: Conflare de virtutibus; sed nihil ponendum esse in bulla Canonizationis de virginitate, donec aliter eadem sacra Congregatio decernat. Qua temporis limitatione ostendit, se illam non positive reprobasse, cum particula donec habeat naturam suspensivam, maxime hic, ubi sacra Congregatio supponit possibilem, ac fortasse futurum casum, in quo aliter decernens illam approbet. Sic denique in relatione S. Caroli Rota approbaverat etiam decimum miraculum: at 24. Aprilis 1610. DD. Cardinales decimum miraculum de Paula*

de Paula Angela Buttigella &c. non approbaverunt, nec reprobarerunt: in *Act. Canoniz.* fol. 126. Tametsi deinde 15. Maji, re melius declarata, approbandum censuerunt: *ibid.* fol. 130.

12 Sic in relatione S. Hyacinthi DD. Cardinales 30. Junii 1592. *Quintum in ordine miraculum* (nimirum ab Auditoribus Rotæ approbatum) reliquerunt propter scrupulum in eo exortum; sed, data deinde ac bene examinata informatione, ut eam vocant, Auditorum Rotæ, 14. Julii, *Quintum miraculum concluderunt*: in *Act. Canoniz.* apud Fratrem Severinum pag. 333. & 338. Sic in relatione S. Raymundi 15. Septembris 1599. *De miraculo factò in persona cujusdam Barcelò* (a Rota tamen approbato) amplius deliberandum decrevere: sed postmodum 4. Octobris, *Censuerunt, miraculum de Barcelò semimortuo sensum recuperante verum fuisse miraculum, & sufficienter extitisse probatum.* Penia in *Act. Canoniz.* pag. 295. Sic demum in relatione S. Caroli 30. Januarii 1610. *De signo, quod apparuit in nativitate Caroli* (ab Auditoribus Rotæ approbato) *Illustissimi Domini pro majori parte judicaverunt, non fuisse sufficienter probatum; sed postea 26. Junii, Ex hac tenus deductis de integritate, puritate, & virtutibus heroicis ipsius Caroli, & miraculis &c. approbaverunt etiam pro futura sua sanctitatis signo sive argumento splendorem ortum in ejus nativitate; de quo DD. Auditores tractant in eorum relatione in 2. part. in principio; in Act. Canoniz. fol. 96. a tergo, & 138.*

13 Sic in relatione S. Didaci Rota approbaverat ut miraculosam corporis integritatem: at in Congregatione 18. Maji 1588. *De integritate corporis etiam est pertractatum, de qua censuerunt, non esse miraculum; ceteris tamen concurrentibus, admiratione & veneratione dignam, ac in relatione Consistorii, & postmodum in Canonizatione esse referendam.* Penia in *Act. Canoniz.* pag. 147. Sic etiam in relatione S. Caroli allatum a Rota decimum quartum argumentum ex eo, quod, Deo se protegente, scelesti fidei istum incolumis evasis &c. *Illustissimi Domini dixerunt esse adpropositum, non adprobandum miraculum, sed ad ostendendam constantiam Fidei suæ, cum percussus ab oratione non discesserit*: in *Act. Canoniz.* fol. 114.

14 Sic in causa S. Andreæ Corsini, propositis 15. Novembris 1610. in Rota decem miraculis, etsi rescriptum a Rota fuerat, *Probari, primum, secundum, & decimum facta, & esse miracula: cetera in hac informatione contenta non fuerunt rejecta, sed relicta in suo esse.* Quamobrem inter relicta erat sextum de Nicolao quodam Beati Reliquiarum derisore excæcato, postea illuminato, quod, quia ab uno Petro Andreæ de Castaneo Historico gravi quidem, sed unico narrabatur, Rota duxerat, non utique rejiciendum, sed relinquendum; hoc nihilominus placuit deinde Postulatoribus sacrorum rituum Congregationi extra relationem Rotæ in adjecta Positione proponere: at sacra Congregatio 27. Junii 1625. illud similiter excipiens respondit: *Consilare de miraculis in morte, inter qua non videri enumerandam illuminationem ab Auditoribus Rota prætermittam.*

CAPUT V.

De numero testium in causis Beatificationis & Canonizationis adhibendorum.

Certum esse videtur, duos aut tres testes sufficere, qui sint contestes & de proprio sensu deponant, nec unum testem sufficere, ut aliquid probatum dici possit. Deuteronom. cap. 17. v. 6. sic legitur: *In ore duorum aut trium testium peribis, qui interficietur. Nemo occidatur, uno contra se dicente testimonium.* Et cap. 19. v. 15. *Non stabit testis unus contra aliquem, quidquid illud peccati & facinoris fuerit; sed in ore duorum aut trium stabit omne verbum.* Et Matthæi cap. 18. v. 16. *Si autem te non audierit, adhibe tecum adhuc unum vel duos, ut in ore duorum vel trium testimonium stet omne verbum.* Et Joannis cap. 8. v. 16. & 17. *Et si judico ego, judicium meum verum est, quia solus non sum, sed ego, & qui misit me, Pater; & in Lege vestra scriptum est, quia duorum hominum testimonium verum est.* Et 2. ad Cor. cap. 13. v. 1. *In ore duorum vel trium testimonium stabit omne verbum.* Et ad Hebr. cap. 10. v. 28. *Irritam quis faciens Legem Moysi, sine ulla miseratione, duobus vel tribus testibus, moritur.* Et 1. ad Timoth. cap. 5. v. 9. *Adversus Presbyterum accusationem noli recipere, nisi sub duobus aut tribus testibus.*

2 Concordant jura Ecclesiastica, & secularia. In Can. 74. inter eos, qui Apostolici dicuntur, sic statutum est: *In diffinitionem testimonii contra Episcopum Hæreticus non admittitur, sed neque Fidelis, si solus sit; in ore enim duorum aut trium testimonium confisset omne dictum: Alexander III. in cap. Cum eses, de testament. statuit, "valere testamenta, etiam quæ non sint facta ad pias causas, si facta sint non coram septem testibus, sed coram Parocho & duobus testibus, atque adeo hæc habet: Quia vero a Divina lege, & sanctorum Patrum institutis, & a generali Ecclesia consuetudine id nescitur esse alienum, cum scriptum sit, In ore duorum vel trium testimonium stet omne verbum; præscriptam consuetudinem improbamus, & testamenta, quæ Parochiani coram Presbytero suo & tribus vel duobus aliis personis idoneis in extrema secerint voluntate, firma decernimus permanere.* Et in cap. Relatum, ubi decernit valere testamenta ad pias causas, si facta sint coram duobus testibus, ait: *Quoniam scriptum est, In ore duorum vel trium testimonium stat omne verbum.* Idem Pontifex in cap. Veniens 1. de testib. inquit: *Nec unius testimonium ad condemnationem sufficiat alicujus. Et in cap. Licet, eod. tit. de testib.: Mandamus, quatenus, si inter vos, et quoscunque Indeos emerferit questio, in qualibet causa Christiani, et maxime Clerici, non minus, quam duorum vel trium virorum, qui sint probate vite & fidelis conversationis, testimonium admittatis, juxta illud Dominicum: In ore duorum vel trium testimonium stat omne verbum.* Convenit & textus Paschalis Papæ in cap. In omni negotio, eod. tit. de testib., ubi decernit, principalem personam in testem esse admittendam, cum agitur ad correctionem de peccato impediendo: *In omni negotio principalis persona dicens veritatem de re sibi nota re-*
flissime

Eliffime habenda est pro teſte . cui adhibitis uno efficiuntur duo teſtes , adhibitis duobus , efficiuntur tres . Quod patenter oſtendit Dominus , cum dicis : Si peccatoris in te frater tuus , corripere eum inter te & ipſum ſolum : quod ſi te non audieris , adhibe tecum unum vel duos teſtes , ut in ore duorum vel trium ſtet omne verbum . Idem alibi affirmat dicens : Ego ſum qui teſtimonium perhibeo de moiſo . & teſtimonium perhibeo de me Pater ; nam in Lege veſtra ſcriptum eſt , quod duorum hominum teſtimonium verum eſt . Scephatus quoque Papa V. Haſtulpho ; vel (ut Fratres Pithæi malunt) Paulinus Episcopos Forojulienſis ad Haſtulphum in can. *Admonere* 33. *queſt.* 2. ait : Nec ulla Divina , humanaque lex unius teſtimonio , etiam idoneo , quempiam condemnat vel juſtificat . Deum Conſtantine Imperator in l. *Jurizurandi* , C. de teſtib. lic decernit : Ut unius omnino teſtis reſponſio non audiat , etiamſi præclare Curia honore præfulgeat . Quocirca celebris ille cauſarum Declamator Romanus agebat : Nunquam Rome unico teſtimonio , eſſi clariffimorum virorum , fidem fuiſſe adhibitam . Et S. Hieronymus lib. 2. *adverſus Ruſinum* num. 24. tom. 2. hæc habet : *Unique teſti nec Caroni creditum eſt .*

3. Quia vero nonnullæ cauſæ ſunt , in quibus jura exigunt plures , quam duos teſtes , quemadmodum indicat Alexander Papa III. in *cis cap. Licet* 1. *de teſtib.* : *Quia , licet quædam ſint cauſæ , quæ plures quam duos exigant teſtes , nulla eſt tamen cauſa , quæ unius teſtimonio , quanvis legitimo , terminetur : & quia item nonnulli ſunt cauſarum articuli , & fortæſſe etiam quædam ſunt cauſæ quæ legitimo unius teſtimonio abſolvi poſſunt ; videndum eſt , an hæc ſubſiſtant & an ſibi poſſint locum vindicare in cauſis Beatificationis & Canonizationis , de quibus agitur .*

4. In can. *Præſul* , & in can. *Nullam* 2. *queſt.* 5. Decernitur , Præſulem damnari non poſſe , niſi adhibitis ſeptuaginta duobus teſtibus , & ſexaginta quatuor requiri ad condemnandum Presbyterum Cardinalem , & viginti ſeptem ad proſcribendum Diaconum Cardinalem . In Actis Synodi ſinœſtæ in cauſa Marcellini Papæ accuſati de crimine idololatriæ (tom. 1. *colleſt.* CC. *Hard.* col. 218.) legitur teſtes receptos fuiſſe ad exemplum *libra occidua* , quæ ſeptuaginta duos ſolidos continebat : *Hi omnes electi ſunt viri libra occidua , qui teſtimonium perhibent , ſe viſiſſe , eundem Marcellinum obverſiſſe :* item , *lutra horum ſeptuaginta duorum teſtimonia .* Addendum quod in cap. 9. Concilii Troſleiani tom. vi. part. 1. *colleſt.* CC. *Hard.* col. 531. legitur : *Apoſtolus Timotheo præcipit , in cujus perſona , ut Leo dicit , omnium Chriſti Sacerdotum numerum erudit , ut accuſatio adverſus Presbyterum non recipiatur , niſi ſub duobus vel tribus teſtibus ; & ſacrum Nicænum Concilium , neophyrum Episcopum a duobus vel tribus teſtibus redarguentem a Clero abſtinere , præcipit .* Sed , quia in hiſtoria *Sanna* duo teſtes qui idonei videbantur , & in hiſtoria *Nabura* , verum & in hiſtoria *Paſſionis Domini* duo teſtes diſſiſſe falſum teſtimonium , legitur &c. in accuſatione Presbyterorum de numero teſtium idoneorum auctoritatem legem ſequendam vidimus , ut ſeptem ſcilicet teſtes idonei ut ſupra diximus requirantur , & , ſi ratio vel cauſa coegerit , quatuordecim , vel

viginti

viginti & unus testes quarantur, ut veritas patefacta monstretur. Quocirca refert Innocentius Cironius ad tit. *Decretal. de accusat. in fin.* Clementem IV. in *epist.* 326. centum testes adhiberi voluisse in causa Episcopi Tolosani simoniz, & fratricidii accusati.

5 Verum Canones supra allati 2. *quest.* 5. explicari possunt, ut procedant, cum agitur de testibus vitæ non probatæ, qui adversus Præfulem testimonium ferunt, uti admonet Gratianus *loc. cit.* Sed hoc &c. intelligitur vel propter improbitatem quorundam, qui, cum non sint spectata vitæ & scientia, in accusationem ministrorum Dei repente profiliunt. Quorum vero vitæ adeo laudabilis est, ut in omnibus imitanda appareat, de quorum assertionem nulli dubitatio nasci poterit, eorum testimonio duorum vel trium testium quilibet iure convinci & damnari poterit. Præterea addi potest, eos Canones desumptos esse ex Concilio Romano sub Silvestro Papa, quod inter Isidori Mercatoris merces ab Eruditis recensetur (ut alibi videbimus), & ad rem bene annotavit Cabassutius in *notis. Eccles. sac.* IV. pag. 123. Præterquamquod inter cetera, quibus clar. mem. Cardinalis Norisius in *historia Donatist. part. 1. oper. tom. 4. col.* 128. & seq. Synodum illam Sinuessanā, in qua ferunt, Marcellinum Papam tanquam reum stetit, esse commentitiam probat, perpendit illud testimonium receptorum ad libram occiduam, hoc est numero septuaginta duorum; cum libra occidua tunc non constaret solidis septuaginta duobus, sed post ea tempora ad septuaginta duos solidos fuerit elevata a Constantino, & a Valentiniano confirmata. Idcirco ad alia transeundum est, ut proposito assumpto satisfiat.

6 Veteri Lege statutum fuisse, ut duobus aut tribus testibus idoneis deferretur, & negotium eorum testimonio absolveretur, desumitur ex locis veteris Testamenti supra allatis. Iisdem locis Jesum Christum Dominum nostrum aliquando usum esse, ut Hebræos convinceret, desumitur pariter ex his quæ in superioribus dicta sunt. At, cum præceptum illud veteris Legis morale non sit, sed judiciale, cessavit utique per adventum novæ Legis, & mortuum dici debet, licet non mortiferum. In quo rerum themate, licet ex institutione veteris Legis vim habere non possit, juxta doctrinam D. Thomæ 1. 2. *quest.* 104. *art.* 3. obligare tamen poterit, si fuerit renovatum ab his qui potestatem habent legem statuendi; quemadmodum in *cap. Si quis, sub tit. de homicid.* renovatur id quod jubetur in Exodo, ut videlicet, si quis per insidias occiderit proximum, ab altari evellatur & morte moriatur; & in *cap. Si rixati, de injur.* statuitur, quod item est in Exodo, ut, si homines fuerint rixati & alter alterum percussisset, qui percussit, damna & expensas in Medicos pro percussi indemnitate reficiat. Quibus præpositis, operæ pretium est examinare, an a summis Pontificibus statutum sit, ut quodcumque Ecclesiasticum negotium testimonio duorum vel trium absolvatur.

7 Alexandri III. Decretales supra citatæ in *cap. Relatum 1., & in cap. Cum ejes, de testam.* ad rem de qua agimus, dignæ utique sunt animadversione.

sione. Sed, cum Decretalis in cap. *Relatum* coercita sit ad testamenta quæ fiunt ad pias causas, licet in ea statuatur, testamentum valere conditum coram duobus testibus, ex ea profecto desumi non poterit, constitutam fuisse regulam generalem, ut omne negotium Ecclesiasticum duobus aut tribus testibus idoneis absolvi possit & debeat. Difficilior itaque est explicatio Decretalis in cap. *Cum esies*, in qua idem Pontifex testamenta coram septem testibus facta, consuetudinem scilicet Civili lege confirmatam, tanquam a Divina Lege, & a Patrum institutis, & a generali Ecclesiæ consuetudine alienam reprobatur, & sub interminatione anathematis prohibet, ne quis testamenta coram duobus testibus & Parocho facta audeat rescindere. Decretalis quippe hæc in cap. *Cum esies*, loquitur de testamentis factis etiam ad non pias causas, sicuti adnotarunt Fagnanus in cap. *Relatum*. 1. num. 4. & Barbosa num. 2. de *testam.* & Decretalis eadem juxta nonnullos sibi vindicat locum non tantum in terris pleno jure subjectis Romano Pontifici, sed etiam in terris Imperii, vel si agatur de testamentis factis ab infirmis in ultima ægritudine constitutis, quemadmodum docent Cened. in collect. 159. num. 7. & Engel. in colleg. juris Canonici lib. 3. tit. 16. num. 12. vel etiam si agatur de testamentis, quæ fiunt ab iis qui non sunt in ultima ægritudine constituti, juxta late adducta per Fagnanum in cit. cap. *Cum esies*, num. 68. & seqq.; eo quia potissimum essatum illud Divinum a summo Pontifice allegatum, quod scilicet in ore duorum vel trium stet omne verbum, nedum universum orbem comprehendit, uti docet Abbas in eod. cap. *Cum esies*, num. 4. de *testam.* sed & quæcumque testamentarias amplectitur dispositiones, quæ factæ sint sive ab his qui essent constituti in articulo mortis, sive ab his qui sani mente & corpore essent, uti profequitur Fagnanus loc. alleg.

3 At neque Decretalis in cap. *Cum esies* evincit assumptum: primò quia, etiamsi admitteretur, Alexandrum statuisse, ut ubique valerent testamenta condita coram Parocho & duobus testibus, quamvis non facta ad pias causas; hinc tamen non evinceretur, ab eo statutum fuisse, ut in omni negotio duo aut tres testes sufficere deberent: secundò quia, si idem Pontifex innixus locis antiquæ Legis & aliis supra recensitis legem generalem statuere voluisset, quamvis ad testamenta coercitam, prædictis antiquæ Legis præceptis nequaquam se conformasset; in his enim admittitur testimonium duorum aut trium, ad quod, ut dispositio alternativa impleatur, satis est alterutrum adimpleri; ipse autem duobus testibus testimonium Parochi addens, non duo, sed tria testimonia exposcit, uti bene argumentatur Covarr. tom. 1. oper. in cap. *Cum esies* 10., sub num. 2. §. *Ea vero ratio, de testament.*: tertio demum, quia Alexander eam legem tulit non pro omnibus, sed pro suis in utroque Foro subditis, ut ex inscriptione Decretalis desumitur. Voluit ergo non jura Civilia, sed Canonum consuetudinem esse observandam in terris Romanæ Ecclesiæ subjectis; & causas allegavit, quæ, quatenus necessariæ non essent, aptæ tamen sunt, juxta ea quæ

ea quæ ad rem affert Canus *de loc. Theol. lib. 6. cap. 8. pag. 195.* Ideoque non solum hodie recepta est opinio, ut in terris Imperii, sive in terris nequam Romano Pontifici in temporalibus subjectis septem testes requirantur ad validitatem testamenti, ut habent Facchin. *contro. jur. lib. 6. cap. 47. §. Ultimo*, Borell. *in summa decif. tom. 2. tit. 5. num. 7. & seqq.* Spino *spec. testam. gloss. 31. principali, sub num. 38. ad §. ultimum*; verum etiam, cum juxta statutum Urbis *cap. 42.* inter Cives Romanos, & Districtuales jus Civile servetur, vix admittitur validitas testamenti in Urbe ipsa connecti, non servatis solemnitatibus juris Civilis, si connectum sit ab eo, qui in Urbe per longum temporis spatium habitavit, sed nunquam habuit animum contrahendi in ea domicilium; juxta adducta per Rotam *decif. 312. num. 16. part. 9. recent. tom. 1.* Ab hoc quippe casu præscindendo, ad validitatem testamenti facti ad non pias causas septem testes in Urbe requiruntur: cujus rei probatio defumitur ex indulto Alexandri VII. qui, lue ingruente, concessit, ut in Urbe testamenta fieri possent coram quinque testibus; quod incongruum utique fuisset, si præsentia Parochi & duorum testium juxta regulas ordinarias satis fuisset ad validitatem testamenti; sicuti argumentatur Cardinalis de Luca *de testam. discurs. 33. num. 10.*

9 Colligitur itaque ex adductis, nullam usque adhuc legem latam esse, quæ decernat, in unoquoque negotio rem duobus testibus absolvi posse & debere; cum aliqui sint casus, in quibus amplior numerus testium requiritur, quemadmodum defumitur etiam ex *alleg. cap. Licet, de testib.* Nunc autem oportet, ut videamus, an usque adeo reprobatum sit unius testimonium, ut nullum negotium absolvi possit & debeat, si solus sit, nec alius addatur. Porro aliqui sunt in jure casus, in quibus unicum sufficit testimonium: Consecratio etenim ecclesiæ unico teste probatur *Gloss. in can. Solemnitates, de consecrat. dist. 1.* Unico testi asserenti, defunctum dedisse signa poenitentiae, creditur, *can. Qui recedunt, 26. quest. 6.* Unicus testis satis cit, ut probetur, Baptismum fuisse collatum, *can. Parvulus 119. can. Cum itaque 111. de cons. dist. 4.* ibique Glossa, & *cap. Nuper § 1. de testib.* Unius testimonio deferitur, ne matrimonium contrahatur, *cap. Super 2. de testib., & cap. Præterea 2. de sponsalib.* Dicendum est ergo, regulam quidem esse, ne unius testimonio deferatur, & cum eo solo negotium terminetur, sed eam non esse universalem & adeo absolutam, ut luas non patiatur limitationes. Specul. *in tit. de testib. num. 3.* triginta recenset limitationes, inter quas ea ponitur, cum unius testimonium utilitatem alicui affert, ac nemini præjudicium; quam & tradunt Farinaccius *de testib. quest. 63. num. 26.* & Pax Jordan. *lib. 14. tit. 18. num. 65.* item ea, cum unicus testis nemini præjudicium asserens, sed tantum alicui utilitatem, de facto proprio asserit, juxta theoreticen Castrensis in *l. Quicumque, num. 11. in fin., C. de servis fugitivis*, quam late exornant Farinacc. *cit. quest. 63. num. 225.* & Sperell. *decif. 174. num. 33.* atque etiam, cum res est de probatione alicujus facti, in quo nedum difficile, sed impossibile quod-

quodammodo est, præter unicum testem alios reperire, ut habent pariter Pax Jordan. *cit. tit. 18. num. 63.* & Anaclet. *ad tit. de testib. num. 267.* Cum igitur ex hucusque dictis aliqui sint casus, in quibus unius testimonio defertur, reliquum est, ut videamus, an in materia Beatificationis & Canonizationis plures, quam duo, testes requirantur, atque an aliquando unius testimonio deferri possit, etsi alii testes contestes desint.

10 Regula, quod ex duobus testibus legitima & sufficiens habeatur probatio, ad causas etiam Canonizationis extenditur: Castellan. de Canonizat. *SS. quest. 7. num. 105.* Contelor. Canonizat. *SS. cap. 18. num. 3. & seqq.* Bordon. *controv. moral. 13. num. 36. & meditat. 32. de miraculis num. 1.* Laureret. de Franch. de *controv. inter Episc. & Regul. tit. de cultu erga non Canonizatos quest. 4. num. 11.* ibique Pasqualig. *in addit. num. 1189.* Frances. *variar. resolut. cap. 29. num. 60.* Cardinalis de Lauræa *in 3. lib. sent. tom. 4. disput. 20. artic. 25. de miraculis §. 2. num. 1079. & duobus seqq. Matthæucc. præf. Theologo-Canon. ad caus. Beatificat. & Canonizat. tit. 4. cap. 2. num. 7. & seqq.* Sufficiens itaque & ad effectum Beatificationis & Canonizationis probatus dici poterit actus virtutis, de quo asserant duo testes contestes de visu, aut de proprio auditu, si res quam testantur, pertineat ad sensum auditus. Martyrium quoque sufficienter probatum dicendum erit, si duo testes contestes de visu id testentur, uti prosequitur Matthæucc. *loc. cit. num. 11.* Item de miraculò satis constare dicendum est pro Beatificatione aut Canonizatione, si duo testes contestes de visu testimonium reddant de duobus extremis, de morte puta & de resurrectione, de defectu panis & vini, & de ejus multiplicatione, de sanitate jam proclamata & instantanea subsequenti bona valetudine, quoties velint Postulatores probare miraculum resurrectionis mortui, aut multiplicationis panis & vini, aut miraculose sanationis. Et sane pro duorum testium sufficientia in proposito miraculorum responsum fuit ab Auditoribus Rotæ in relatione S. Francisci Xaverii 3. part. de miraculis §. *Quam probationem, & §. 2. vers. Hoc factum*, necnon in relatione S. Franciscæ Romanæ part. 3. §. *Quantum miraculum*.

11 Dictum est autem, miraculum sufficienter esse probatum, si duo extrema probata sint per duos saltem idoneos testes de visu contestes: & ideo, quicquid scripserit Molpheyus *consil. 46. num. 63. & seqq.* & quicquid indicare visus sit Pasqualig. *in addit. ad Lauret. de Franch. de controv. inter Episc. & Regul. sub num. 1191.* quibus adhæret Pignatelli. *consult. 180. num. 1. tom. 10.* si unus testis assereret de uno extremo, hoc est de statu antecessenti, alter de secundo extremo, hoc est de statu subsequenti, miraculum probatum dici non posset, cum uterque status probandus sit plene, non semiplene; sicuti ad rem prosequuntur Cardinalis de Lauræa *loc. cit. num. 1046. & duobus seqq. & Matthæucc. in oper. cit. tit. 3. cap. 5. §. 3. num. 49. & seqq.* Quo loco recte animadvertunt, idcirco probari, Missam a non promotò ad Sacerdotium fuisse celebratam, si unus testis de una

parte Missæ, alius de alia testimonium dicat, quia celebratio Missæ est una integra actio successiva constans ex pluribus partialibus actionibus, quæque propterea probata dicenda est, statim ac plures partiales actiones ad eundem locum & tempus respicientes probatæ sunt. Id vero probationi miraculi aptari non potest, cum status prior non sit idem neque per unionem, neque per aggregationem cum posteriori, nec necessario debeant eodem tempore aut die aut hora conjungi: quare efficitur, ut, qui probat secundum statum, nisi probet connexionem cum præcedenti, nihil de miraculo probet. Dicendum ne igitur erit, si duo testes contestes assererent de primo extremo, alii autem duo testes contestes de secundo, miraculum fore probatum? Affirmanter profecto respondent Contelor. de Canonizat. SS. cap. 18. num. 13. & Castellan. eod. tract. num. mibi 136. sed hæc responsio non videtur admittenda in probatione omnium miraculorum. Admitti ergo poterit in probatione miraculorum secundi generis, in quibus ex alibi dicendis non requiritur, ut fiant *in instanti*: quocirca, si duo testes assererent, se vidisse Titium mortuum tali die, duo autem alii testes assererent, se eum vidisse tali alia subsequenti die vivum, miraculosa resuscitatio probata dici posset; veluti admittit Cardinalis de Lauræa *loc. cit. num. 1098*. Sed Contelorii, & Castellani sententia recipi non poterit in probatione miraculorum tertii generis, in quibus item ex alibi dicendis probandum est, facta esse *in instanti*: in his quippe percipi nequit, quoniam alio modo status immediate præcedens & status immediate subsequens cum exclusionem cujuscumque crisis probari possint, quam per eorundem duorum testium testimonium, qui duos prædictos status testentur, ut ait Matthæucc. *loc. cit.*

12 Statuta duorum testium contestium sufficientia tum pro probandis actibus virtutis, tum pro Martyrio & miraculis comprobandis, Fidei Promotores sæpe opponere consueverunt, non plene constare, de miraculo saltem aut Martyrio, si binis testibus de visu alii testes non addantur aut de visu, aut saltem de auditu; non quia, rigoroſe loquendo, duorum testimonium non sufficiat, sed quia difficile ipsis videtur, si mors inflictæ fuisset in odium Christi, & pro Fide Christi suscepta quoque fuisset, ejus notitiam ad alios testes, saltem de auditu, qui eam testari possent, non devenisse. Eodem modo ratiocinantur, quando agitur de miraculo, cum admiratio sit comes miraculi, & comes admirationis sit fama, quæ ad aures plurimorum pervenire consuevit, quorum nonnulli, saltem de auditu, testari possunt; ita ut, si præter duos testes de visu nulli alii, saltem de auditu, testentur, hinc inferri valeat, rem patrata non habitam fuisse supernaturalem atque miraculosam. Porro, quamvis hæc oppositio non ita facile fieri possit in dubio virtutum, cum non unus, sed plures actus earundem probandi sint per testes contestes, eadem nihilominus sibi posset vindicare locum, si magna vis a Postulatoribus constitueretur in aliquo speciali actu virtutis famigerato, & ex sui indole & natura apto, ut
ad

ad aliorum notitiam deveniret; tunc quippe dici posset, dubitandum esse, si non de veritate facti, utpote a duobus testibus contestibus relata, saltem de qualitate & de magnitudine actionis, num talis habita fuerit, quo tempore a Dei Servo edita fuit.

13 Cardinalis de Lauræa, & Matthæuccius, utpote qui sacrorum rituum Congregationibus interfuerunt, difficultatem hanc agnoverunt. Quamobrem Matthæuccius, postquam approbavit *sic. 4. cap. 2. num. 7. & seqq.* Martyrium probari per duos testes contestes de visu, subdit *num. 9. & seqq.* tutius esse, si alii testes de visu, aut saltem de auditu insuper addantur; admonetque Postulatores, ut, si solos duos testes de visu pro Martyrio afferentes exhiberi possunt, doceant simul de ratione, quæ ipsos impedit, ne alios testes de visu aut de auditu habere potuerint; puta, quia alii de visu vel de auditu, qui haberi potuissent, mortui erant ante confectionem processus, aut in remotas secesserant regiones, ita ut examinari non potuerint: quæ utique in causis Martyrum contingere possunt, cum ut plurimum in terris Barbarorum Servi Dei pro Christi Fide moriantur. Item Cardinalis de Lauræa *loc. cit. num. 1083.* postquam iterum docuit, miraculum sufficienter probari per duos testes contestes de utroque extremo, subdit, melius & tutius esse, si alii testes insuper addantur, quando miracula probanda assumuntur in iudicio Beatificationis & Canonizationis, in quo exquisitiores diligentæ sunt maximopere opportune, additque, hanc esse praxim sacræ rituum Congregationis. Favet autem doctrina D. Thomæ 2. 2. *quæst. 70. art. 2. in corpore*, ubi hæc habet: *Est autem probabile, quod magis veritatem contineat dictum multorum, quam dictum unius; & ideo, cum reus sit unus qui negat, sed multi testes afferant idem cum actore, rationabiliter institutum est de jure Divino & humano, quod dicto testimonio stetur. Omnis autem multitudo in tribus comprehenditur, scilicet principio, medio, & fine &c. Ternarius quidem constituitur assertivum, cum duo testes conveniunt cum actore; & ideo requiritur binarius testimonium, vel ad maiorem certitudinem, ut sit ternarius, qui est multitudo perfecta in ipsis testibus.*

14 Dum munereungebar Fidei Promotoris, in causa S. Stanislai Kostkæ repentina sanatio Patris Andreæ Fausti Ordinis S. Benedicti inter miracula recensita est, quam tantum testati fuerant duo Sacerdotes in omnibus contestes. Suffragia porro tum Cardinalium tum Consultorum fuerant pro miraculo uniformia: at fan. mem. Clemens Papa XI., a quo me plura didicisse pro causarum Beatificationis & Canonizationis examine confessus sum & semper confitebor, antequam ad miraculi approbationem deveniret, ex rationibus supra indicatis dubitavit, an propositum miraculum approbare deberet; nec illud approbavit, nisi postquam Postulatores, alatis probationibus quas inferi voluit in Acta sacræ Congregationis, demonstrarunt, duos, aut ad summum tres Religiosos commoratos tunc fuisse in Præpositura Calisii, in qua miraculum patratum est, ita ut alii testes examinari non potuerint.

15 Postquam visum est, quid sit dicendum de probatione quæ constituitur in duobus testibus, reliquum est, ut videamus, an aliqua sint in iudicio Beatificationis & Canonizationis, quæ uno teste satis probari possint. Contingit autem aliquando, ut examini proponantur nonnulla miracula, in quibus sanati referunt, sibi ante sanationem miraculosam, vel in ipso actu sanationis Dei Servum, aut Beatum apparuisse; & quidem apparitio alio modo probari non potest, quam ejus dicto, qui sibi refert Servum Dei, aut Beatum apparuisse: Contelor. *de Canonizat. SS. cap. 18. num. 18. Castellin. de dilas. Canonizat. SS. part. 2. in respons. ad objecta, vers. Brevisser responderetur, pag. 98. Bordon. controuv. moral. 13. cap. 27. vers. Unde relationes; et in alio opere de miraculis, meditat. 32. num. 13. Ceparius direct. Canonizat. 2. part. cap. 7. Cardinalis de Lauræa in 3. lib. sent. tom. 4. disput. 20. de miraculis art. 25. §. 3. Auditores Rotæ in relatione S. Raymundi part. 2. art. 8. vers. Non tamen, in relatione S. Ignatii mirac. 6. vers. Et licet, in relatione S. Andreæ Corfini apud Lezanam consult. 1. part. 3. §. 3. sub num. 232., in relatione S. Jacobi de Marchia in quinto miraculo, in relatione S. Franciscæ Romanæ part. 3. §. Nonum miraculum, in relatione S. Caroli Borromæi 3. part. num. 4. §. Accedebat, & in prima relatione de miraculis S. Teresæ tit. de aliquibus mirabilibus, ubi: Quoties ex miraculi natura illud non potest nisi unico teste probari, ut sunt revelationes, apparitiones, & similia, tunc illo unico teste probatur, dummodo persona sit alias fide digna. Sed, cum, me Fidei Promotore, plura hujusce generis miracula examini proposita sint, & quando extrema miraculi fuerunt satis probata, doctumque fuit, rem patratam excessisse vires naturæ, sacrorum rituum Congregatio ad approbationem devenerit, nulla in miraculi approbatione facta apparitionis mentione, ita ut inducta quedam dicenda sit praxis silentio ut plurimum in ea facti speciei prætereundi apparitiones Servorum Dei, & Beatorum; superfluum mihi videtur hic immorari in examine propositæ controversiæ, quod aptius alibi assumetur, cum de ipsis apparitionibus & revelationibus, quæ Servis Dei, aut Beatis contigisse dicuntur, sermo apposite instituetur. Eæ quippe non alio modo probari possunt, quam dicto Servi Dei, aut Beati, cui divinitus contigisse dicuntur, vel Confessarii aut Rectoris spiritualis, qui eas audiverit sibi narratas a Servo Dei, seu Beato; quemadmodum bene animadvertit Daniel a Virgine Maria in secundo tomo speculi Carmelitici in vita S. Teresæ num. 2406. Cum ex natura rei alii testes dari non possint, nec ab alio, quam ab ipsomet, quem Deus similibus favoribus prosequi dignatus est, probari possint, materia subiecta facit, ut eisdem Beatis quibus contigerunt. & illorum Confessariis de auditu ab ipsis standum sit. Quod late prosequitur Tanner in Prudentia vindicata Venerabilis Patris Ludovici de Ponte tract. 1. cap. 11.*

16 Quando agitur de miraculis in iudicio Beatificationis & Canonizationis, non sufficit comprobare statum antecedentem & statum subsequentem per testes contestes, atque adeo factum ab eis relatam excedere vires

vires nature, sed etiam necesse est, ut probetur patratum fuisse intercessionem illius Servi Dei, de cuius Beatificatione aut Canonizatione agitur; sicuti bene perpendunt Rotæ Auditores in relatione causæ S. Andreæ Corsini part. 3. §. 2. num. 226. apud Lezanam consult. 1. Certum est non sufficere ad effectum Canonizationis N. probare, quod fuerit factum miraculum, sed oportet probare, quod fuerit factum ad intercessionem dicti N. Cumque intercessio probetur per invocationem, teste Castellano de Canonizat. SS. quest. 7. in fin. ubi sic legitur: *Quod autem miraculum Deus fecerit propter intercessionem Sancti, de quo canonizando agitur, probatur ex invocatione, vel voto ad illum Sanctum emissis*; quod & ex bullis Canonizationum ostenditur, in quibus, cum miracula recensentur a Deo facta intercessione ejus qui inter Sanctos refertur, habentur hæc verba, *Ad ejus invocationem nominis*; remanet, ut inquiratur, quomodo invocatio probetur.

17 Invocatio duplici modo fieri potest: vel ab eo qui sanitatem recipit, quemadmodum *Matth. 8. v. 2.* Christus sanat leprosum sic orantem: *Domine si vis, potes me mundare*; & cap. 9. v. 27. duos cæcos illuminat sic dicentes: *Miserere nostri, fili David*. Vel ab alio, qui preces fundit pro ægroto; quare *Matth. eod. cap. 8. v. 6.* Centurio Christum rogavit pro servo suo: *Domine, puer meus jacet in domo paralyticus*; & cap. 9. v. 18. Princeps supplicavit pro filia sua: *Veni, impone manum tuam super eam, & vivet*; & *Luc. 4. v. 38.* sanatur socrus Simonis: & rogaverunt illum pro ea; & *Jan. 4. v. 47.* Regulus rogabat eum, *Ut descenderet, & sanaret filium ejus*. At, si invocatio fiat ab ægroto, sive ab alio pro eo, invocatio solo dicto invocantis comprobata dicenda est: Ceparius in *director. Canoniz. 2. part. cap. 7.* Auditores Rotæ in citata relatione S. Andreæ Corsini par. 3. §. 3. num. 232. apud Lezanam consult. 1., in relatione S. Andreæ Avelini miraculo 4. §. *Et quamvis*, & in relatione S. Caroli 3. part. de miraculis §. 12. Quod vero juxta regulas sacre Congregationis exposita probatio sufficiat, late ostendunt Cardinalis de Lauræa cit. *disput. 20. art. 25. §. 3. num. 1109.* ubi sic loquitur: *Confirmatur ex praxi Ecclesia, qua in probatione invocationis admittere solet vel ipsum sanatum, vel aliquem ex parentibus, cognatis, aut amicis, quo faciente voto pro sanando, miraculum contigit, dummodo extrema, et sanatio subita plene probentur. Plures proposueram casus pro hac materia de miraculis sic probatis quoad invocationem ex tempore, quo sacra Congregationi rituum deservio, quos consulto omisi. Non enim id controversitum a Dominis Fiscalibus, etiam rigidis; & Matthæucc. in cit. oper. tit. 3. cap. 4. num. 18. hæc habet: Verum sufficit, ut super invocatione deponat solus patiens, vel alius qui pro ipso invocaverit. Invocatio quippe est usus ex illis actibus, qui ut plurimum aliter probari non possunt. In quo etiam procedit regula juris supra exposita de fide præstanda testi de facto proprio testimonium reddenti in re, quæ solo ejus dicto probari potest.*

18 Si porro, antequam conficiatur processus super miraculis, mortuus esset ille qui invocavit, sed aliæ omnes concurrerent circumstantiæ proba-

probationi & substantiæ miraculi faventes, quid agendum esset? Rursus, quomodo res se habere deberet, si miraculum contigisset in persona pueri qui Beatum invocasset, cum pueri testimonium recipi non possit? Dum munere fungibar Fidei Promotoris, non semel occurrit casus mortis ejus qui invocavit, antequam confectus fuisset processus super miraculis. At ego semper opinatus sum, in ea facti specie necesse esse, ut duo testes contestes deponerent, se audivisse invocantem, dum invocabat; vel audivisse ipsum invocantem asserentem, se Dei Servum, vel Beatum invocasse: & Postulatores quidem morem prædicto sensui gerentes, omnem lapidem moverunt, ut per duos testes contestes invocationem prædicto modo probarent. Quocirca bene inquit Matta *de Canoniz. SS. part. 4. cap. 20. num. 6.* quem sequitur Rosà *in addit. ad tract. de Executor. litter. Apostol. num. 192.* invocationem utique probari unius testimonio, si hic de facto proprio testimonium ferat; at invocationem ipsam per duos testes comprobendam esse, si hi alienum factum testentur. In casu quoque præviæ mortis invocantis, si duo testes reperiri non possent, qui (uti modo dictum est) testimonium redderent, id maxime ponderandum esset, si probaretur, eum qui invocasse dicitur, in testimonium miraculosæ sanationis votivam tabellam detulisse ad altare Beati, aut alio modo votum exsolvisse; hæc quippe facta ad suadendam invocationem sufficere posse videntur. In causa S. Caroli Borromæi, sicuti legitur in relatione Rotæ Auditorum 3. part. examini propositum fuit miraculum Joannis Baptistæ Tironi infantis, qui, invocato B. Carolo, liber evasit a flumine: & de invocatione quidem ipsa innocens infans coram Judicibus locutus est; sed, quia sufficiens hæc probatio esse non poterat, duo alii additi sunt testes qui retulerunt, se infantem audivisse, cum elata voce B. Carolum invocavit. Idemque Rotæ Auditores in relatione causæ Servi Dei (nunc Beati) Hieronymi Emiliani tit. *de virtutib. Theolog. num. 8. & 9.* ejus liberationem ab obscuro & aspero carcere impetratam a Deo per ipsius preces ad Beatissimam Virginem satis comprobata dixerunt ex dictis testium una cum antiqua tabella, quæ ad publicam facti contestationem Tarvisi fuerat appensa in templo B. Mariæ Virginis, cum inscriptione manu ipsius Hieronymi formata.

C A P U T V I.

De qualitate testium in causis Beatificationis & Canonizationis adhibendorum.

NE Hæreticorum irrisionibus sacrum Beatificationis & Canonizationis judicium exponatur, nedum plures, sed & fide digni usquequaque testes adhibendi sunt, qui de virtutibus, Martyrio, aut miraculis ferant testimonium, ut optime scripsit Dominicus Gravina *Catholic. præscript. tom. 4. continuat. 2. part. pag. 345.* ubi hæc habet: *Examinandi ergo sunt testes, non unus vel alter, sed plures & plures, & sint* conte-

contestes, & exactissime, pari passu, immo & magis & in majori numero, quam examinantur testes in sancto Officio, ut omnis aditus praeludatur Hæreticis irridendi sacras Apostheoses Sanctissimum, & omnis ambitus, avaritia, subornatio, falsa pietas, & hujusmodi ablegentur. Verba scilicet ista numerum testium respiciunt, & diligens eorum examen: nam, licet in præcedenti capite, duos testes contestes sufficere, dictum sit, nemo est qui non videat, ea, quæ ibi dicta sunt, pertinere non ad universum judicium Beatificationis & Canonizationis, sed vel ad aliquos actus virtutis, vel ad aliquod miraculum; ita ut, si ratio habeatur omnium testium qui in qualibet causa Beatificationis & Canonizationis examinantur, de magno numero testium dubitandum non sit. Si vero testes qui in magno numero examinantur, etiam sint fide usquequaque digni, quæcumque Hæreticorum calumnia cessare debebit; uti prosequitur idem Gravina cit. tom. 4. pag. 333. Quicumque ergo testes istos graves, multos, distincte examinatos in Actis Canonizationis repellit, & infirmare nititur eorum testimonium, cum ipsa natura etiam pugnat, omnia tribunalia evertit, hierarchicum ordinem pessundat, humanumque commercium tollit.

2 Non est autem hic animus diligentias enarrare, quæ a sacrorum rituum Congregatione adhibentur, ut certa sit de qualitate & fide testium. De illis siquidem actum est in superiori libro. At saltem hic repetendum esse viderur, nedum Judicibus remissorialibus, qui testes examini subjiciunt, impositum esse onus sacram Congregationem per epistolam peculiarem admonendi, an aliquid in examine deprehenderint, quod fidei testibus præstandæ adversetur, sed in hoc etiam præcipue versari diligentiam Fidei Promotoris, Consultorum, & Cardinalium sacræ Congregationis, ut perpendant, an testes examinati tales sint, ut eorum dictis credendum sit. Non est pariter hic animus omnia recensere, quæ testibus fidem detrahunt: opus enim esset integros huc traducere tractatus juris Consultorum qui de testibus scripserunt. Satis ergo erit hic adnotare, quod qui in aliis judiciis a ferendo testimonio repelluntur, multo magis arcendi sunt a testimonio in gravissimis causis Beatificationis & Canonizationis, & alia nonnulla exponere satis erit ad hanc materiam pertinentia, de quibus aliquando dubitare contingit in sacrorum rituum Congregatione.

3 Aurea est doctrina S. Thomæ 2. 2. quæst. 70. art. 3. in corpore, ubi ait: *Respondeo, dicendum, quod testimonium, sicut dictum est, non habet infallibilem certitudinem; sed probabile &c.* Redditur autem probabile, quod aliquis in veritate testificanda non sit firmus, quandoque quidem propter culpam, sicut &c. quandoque autem absque culpa, & hoc est vel ex defectu rationis, sicut patet in pueris, amentibus, & mulieribus; vel ex affectu, sicut patet de inimicis &c. Puerorum quidem & impuberum testimonium in magno pretio fuit apud Senecam contro. lib. 7. declamat. 5. ubi ait: *Nihil est puero teste certius* [utique quinquenni] nam ad eos annos pervenit ut intelligat, & non ad eos quibus fingat. At, quidquid sit de hujus Philosophi opinione, si masculus

lus

lus minor quatuordecim annis, & femina minor duodecim a testimonio ferendo repelluntur ex jure Civili l. 3. & l. 19. ff. de testib., eorum testimonium admitti non poterit in causis Beatificationis & Canonizationis, etiam si facti majores ea testarentur, quæ in pupillari ætate viderunt: *Matta de Canonizat. SS. part. 4. cap. 17. num. 10. & 11. Matthæucc. pract. Theologo-Canon. tit. 5. cap. 2. num. 13. Pignatell. consulti. 187. num. 6. & duobus segg. rom. 10.* Horum tamen Doctorum dicta explicationem pati possunt; quod videlicet sibi vindicent locum, si impubes factus adultus eâ testetur, quæ vidit in pupillari ætate, quæque ejus intelligentiam excedebant; secus autem, si factus pubes testimonium de his redderet, quæ vidit in pupillari ætate, & quæ in eadem ætate poterat perfecte cognoscere. Doctrina nimirum hæc est Joannis Andreæ in *addit. ad specul. part. 1. tit. de teste §. 7. v. Omnes, pag. 111.* ubi inquit: *Ego, salvo, quod dixi secundum Accursium, admittērem adultum in testem super his quæ impubes viderat, si talia sunt illa quæ cadere poterant in ipsorum tunc impuberum intellectum.* Cui adhæret Farinaccius *de testib. quest. 58. num. 59. & segg.*, ubi subdit: *Unde secus, si sint talia quæ in pupilli sensum & intellectum respectivè non cadunt, quia tunc tale testimonium non valet &c.*; & propterea, si adultus seu pupillus factus pubes æponat, se vidisse in pupillari ætate fabricari falsam monetam, ejus testimonium minime recipitur, quia, *etsi viderit monetam tunc fuisse fabricatam, non tamen habebat intellectum cognoscendi, an illa moneta sic fabricata esset ex falsa materia, necne: memoratamque distinctionem amplectuntur in causis de quibus agimus, Matthæuccius loc. cit. num. 13. & Pignatellus allegat. consulti. 187. num. 10. & 11. rom. 10.* Sed in praxi dubitarem an id recipiendum esset; eo quia potissimum probationes in his judiciis requisitæ ex alibi dictis æquiparari debent, quantum fieri potest, ponderi probationum, quæ in judicio criminali ad poenam ordinariam sunt necessariæ. Dictum itaque testis, qui factus pubes ea testaretur quæ vidit in pupillari ætate & quæ ejus intelligentiam tunc non excedebant, nisi aliud obstat, admitterem tanquam adminiculum augens fidem aliis testibus de eadem re vel eodem facto asserentibus. In causa S^æ Raymundi, uti videri potest in relatione Auditorum Rotæ art. 11. in *examine primi miraculi*, duo testes testimonium tulerunt de viro nobili ab insanabili lepra liberato intercessione prædicti Sancti; qui scilicet testes in adulta ætate constituti retulerunt id quod eo tempore viderant, quo erant impuberes. Rotæ autem Auditores ponderarunt, illos ea testari quæ viderant, dum essent proximi pubertati: multorum quippe est opinio, testes impuberes, cum facti sunt majores, ea utique testari posse, quæ viderunt dum essent impuberes, si tamen erant constituti in ætate proxima pubertati: *Clar. in praxi §. final. quest. 24. vers. Vidi quandoque, Cephal. consil. 98. num. 40. lib. 2. Viv. comm. opin. v. Testis esse non potest, vers. Et istud procedit, Mascard. concl. 1296. num. 1. Farinaccius quest. 58. num. 61. et 62.* Item ponderarunt, eos esse doli capaces; tum agi de his, quæ eorum capacitatem non excedebant: ad extre-

tremum

tremum vero dixerunt, eandem rem per alios testes esse comprobata. Cumque proinde vis probationis in impuberum testimoniis constituta non fuerit, dignoscitur, familia impuberum dicta solius adminiculi vicem posse obtinere.

4. De feminis etiam quæritur, an in testes admitti possint in causis Beatificationis & Canonizationis. Porro femina in criminalibus testimonium ferre non potest, per textum in *can. Mulierem* 33. *quest. 5.* ubi sic legitur: *Mulierem constat subiectam dominio viri esse, & nullam auctoritatem habere; nec docere potest, nec testis esse.* Concordat textus in *cap. Forus*, de verb. signific. ubi hæc habentur: *Testes autem considerantur conditione, natura, & vita. Conditione, si liber, non servus; nam sæpe servus metu Dominantis testimonium supprimit veritatis. Natura, si vir, non femina; nam varium & mutabile testimonium semper femina producit. Vita, si innocens, & integer actus.* Et ibidem Glossa v. *Non femina*, ubi subdit: *Hoc intellige in criminali, in quo casu mulier testis esse non potest.* Fufius autem in *cap. Quoniam*, v. *Mulieris*, de testib. & attestat. ubi sequentia leguntur: *Sic mulier admittitur in testimonium contra Ecclesiasticam personam &c.* Illud sic intelligi debet: *Ubi agitur criminaliter, non recipitur mulier ad testimonium contra aliquem; cum vero agitur civiliter, aut in modum inquisitionis seu exceptionis, tunc admittitur mulier; & rursus in cap. Tam litteris*, v. *Feminas*, de testib. & attestat. Cumque ex sæpe dictis probationes in causis Beatificationis & Canonizationis, quantum fieri potest, æquiparentur probationibus iudicii criminalis, concludendum esse videtur, feminas in rebus de quibus nunc agimus, a testimonio ferendo repelli; quemadmodum late prosequitur Castellin. de dilat. Canonizat. pag. 106. Pariter nec validum neque sufficiens erit testimonium ad effectum Beatificationis vel Canonizationis Famulorum Dei, quavis multiplex, simplicium & ignorantium hominum, præsertim vero seminarum ac muliercularum: hoc enim genus hominum, ut, duce experientia, cunctis patet, facillime hallucinatur, disjucando & appellando frequenter miracula ista facta, quæ tantum mira et rara sunt, quamvis vi et potentia naturali prodicantur. Immo aliquando difficilia non simpliciter, sed apud tale genus hominum pro miraculis habentur, et ut talia enuntiantur, confundentes sæpe, ne dicam sere semper, mira simpliciter cum vere miraculis; cum conditiones & subtilitates requisitæ ad vera miracula suis huic generi hominum prorsus ignotæ. Addo, quod consimile genus hominum, etsi valde trepidet circa veritatem alicujus facti, vel factorum de quibus interrogantur, permissi, ne dicam aliquando excecati quadam apparenti pietate, credentes, se obsequium præstare Deo, assertive deponunt quod non est apud illos vel illas ita certum, sed potius dubium; de quibus dicebat David Psalm. 91. *Vir insipiens non cognoscet, & stultus non intelliget hæc.* Ideo possum Jurisla dicere, & recte, testes in re gravi deponentes debere carere omni impedimento Canonico, omnique debere esse exceptione majores; quæ conditiones frequenter non reperiuntur in consimili genere personarum.

5. At, cum a jure Civili in l. *Ex eo*, ff. de testibus, & in l. *Qui testamen-*
Tom. III. H to §. inq.

to §. *mulier*, ff. de testam. defumatur, in omni fere negotio testimonium mulierum admitti, uti argumentatur textus quoque in *can. Ex eo* 15. *quest. 3.* Ex eo, quod prohibet lex Julia de adulteriis testimonium dicere condemnatam mulierem, colligitur etiam mulierem testimonium in iudicio dicendi jus habere: cumque mulieris testimonium non fuerit a S. Gregorio rejectum in crimine adversus Epiphanium Presbyterum, quemadmodum defumitur ex cap. *Quoniam*, de testib. Et seu mulieres, cum quibus peregrisse dicitur, seu alios, quos de causa scire aliquid senseris, huc seftimes adducere: & Clemens III. in cap. *Videtur*; Qui matrimonium accusare possunt, censeat, mulieres esse admittendas tanquam testes in causis matrimonialibus; Quod parentes, fratres, & cognati utriusque sexus in testificatione suorum ad matrimonium conjugendum vel dirimendum admittantur, tam antiqua consuetudine quam legibus approbatur: item Innocentius III. in cap. *Tam litteris* 33. de testib. commiserit Priori S. Fridiani civitatis Lucensis, ut feminas examini subijceret ad impedimentum adversus Episcopum electum probandum, bigamiae videlicet propter matrimonium olim ab eo contractum cum vidua; Quia vero super matrimonio quod idem Electus dicitur contraxisse cum vidua, testes non fuisse recepti propter appellationis obstaculum, ne laici vel femina in tali reciperentur articulo contra ipsum; Nos, ut tante irregularitatis obiectio non remaneat indiffensa, mandamus, quatenus testes, sive laicos sive feminas (duntaxat idoneos) qui ad hoc fuerint probandum industi, recipiatis legaliter & examinetis prudenter: cum denique regula generalis mulieres excludens a testimonio ferendum in iudicio criminali non procedat, si juxta tramites juris Civilis procedendum sit, uti late prosequitur Farinaccius de testib. *quest. 59. num. 23.* neque pariter sibi vindicet locum, si in Foro Canonico agitur de crimine Hæresis, læsæ majestatis, simoniæ, & aliis exceptis, sicuti defumitur ex cap. *Per tuas* 32. de simonia, & ex cap. *In Fidei*, de Hæreticis, in 6. cum aliis late cumulatis a Pirhing. in tit. *Decretal. de testib. et attestat. §. 6. num. 72.* neque quando crimen per feminas tantum probari potest, exemplo criminis Sollicitationis in sacramentali Confessione: merito inductum esse videtur, ut non solum dicta feminarum in causis Beatificationis & Canonizationis vim adminiculi habere valeant, sicuti admittit ipse quoque Castellinus pag. 108. sed etiam vim & efficaciam probationis, si tamen honestæ sint, si nullam aliam, præter sexus, exceptionem patiantur, si de facto proprio aut de proprio sensu testimonium ferant, & si deprehendantur esse firmi iudicii & sufficientis cognitionis. Quapropter Scribentes de materia Beatificationis & Canonizationis docent, feminas in hisce causis non esse ex sola ratione sexus a testimonio repellendas: Mattea de Canoniz. SS. part. 4. cap. 17. num. 12. Ceparius direct. Canoniz. part. 2. cap. 7. ubi testatur praxim Sedis Apostolicæ, Matthæucci oper. cit. tit. 5. cap. 2. num. 12. Cardinalis de Lauræa in 3. lib. sent. tom. 4. disput. 20. art. 25. §. 2. num. 1076. Pignatell. consult. 251. per totam, tom. 1. Rosa in addit. ad tract. de Execut. litter. Apostol. num. 125. Auditores Rotæ in relatione S. Ludovici Bertrandi §. *Sanatio ab hernia*.

6 Nec aliter profecto res esse potest. Ponamus enim, aliquem Dei Servum, vel Beatum fuisse a femina invocatum, & ejus intercessione sanitatem a femina ipsa fuisse miraculose receptam, cur, quæso, invocatio feminæ ejusdem testimonio probari non poterit? In judicio quippe criminali mulieris testimonium non rejicitur, cum factum aliter, quam per feminæ testimonium, probari non potest. Farinaccius *de testib. quest. 59. num. 8.* Item, ut abstineamus ab hypothesi feminæ Religiosæ in claustrali monasterio degentis, de cujus observantia Regulari occasione Beatificationis & Canonizationis agendum est, ubi tamen ex infra dicendis Monialium dicta præcipuum sibi vindicant locum; ponamus, mulierem suisfese præsentem, quando Dei Servo in odium Christi mors est inflicta, vel restitutam fuisse mulierem sanitati *in instanti* una cum virium recuperatione, vel multos Christianæ Charitatis actus a Dei Servo erga feminam exhibitos fuisse; cur, quæso, mulier ex sola sexus exceptione admitti non poterit, ut testimonium reddat in causa Martyrii, in causa miraculi, in causa virtutum, eo vel magis, si mulieris dictum confirmetur (sicut ut plurimum contingit) dictis virorum, quemadmodum in judicio criminali ponderat Farinaccius *cit. quest. 59. num. 26. et sequentibus?*

7 Seponenda itaque ea, quæ in superioribus ex Castellino adducta sunt; tum quia modo non agitur de recipiendis qualiumcunque seminarum testimoniis, sed tantum de recipiendis earum testimoniis, quæ qualitatibus polleant supra expositis; tum quia earum attestations non recipiuntur, ut judicium serant de actus heroicitate, aut de excessu facti supra vires naturæ; recipiuntur duntaxat, ut actum & factum exponant cum suis circumstantiis, atque adeo ad sacram Congregationem pertinet judicium ferre, utrum actus virtutis fuerit heroicus, necne, sive an sanatio viribus naturæ potius sit adscribenda, quam miraculo: & sane, quando de puro facto res est & de ejus circumstantiis, si femina honesta sit, si fide digna, si interrogatoriis Judicum satisfecerit, nil ob stare videtur, quin ejus testimonium in causis de quibus agimus, recipiatur.

8 Paupertas personam ut plurimum afficit, nulla ejus culpa intercedente; & ideo etiam de paupertate queritur, an testem repellat in judicio Beatificationis & Canonizationis. Porro, si pauperes sint honestæ vitæ, a testimonio serendo etiam in his causis repelli non possunt: Marta de Canonizat. SS. part. 4. cap. 17. num. 9. Rosa loc. cit. num. 125. et seqq., Matthæuccius tit. 5. cap. 2. num. 17., atque ad rem animadvertit Glossa in cap. Si qui testium de testib., v. Paupertate; ubi: *Nec est suspectus propter suam paupertatem: ut & super eod. text. adnotarunt Abbas num. 8. Puto autem, pauperem admittendum in testem; Ancharanus num. 4. Paupertas non repellit quem a testimonio, quia plerique non tam ex patrimonio, quam ex fide idonei æstimantur; Antonius a Butrio num. 8. Oppono, quod non admittatur in testem pauper, quia suspectus est Dic, quod, licet sit pauper, alias erat honesta persona: et contraria loquuntur de suspectis; Felinus num. 8. Quia pauper honesta*

nesta persona testificari potest; Barbosa num. 4. Ergo paupertas non est causa sufficiens repellendi testem a testimonio, sit. de testib. & attestat. & late docent Mascardus de probat. concl. 1357. num. 37. Gratianus discept. 277. num. 4. Farinacc. de testib. quest. 57. num. 8. & seqq. usq. ad 14. Menochius de arbitrar. cas. 65. num. 12. vers. Verius itaque, Gabriel de testib. lib. 1. concl. 18. num. 1. & num. 4. Ideoque Terentius in pborumone, a. 5. sc. 7. v. 10.

Heus quanta quanta hac mea paupertas est! tamen

Adhuc curavi unum hoc quidem, ut mi esset fides.

& Demosthenes adversus Midiam pag. 397. de Stratone quodam: Homo pauper ille quidem, & quietus, sed aliqui non improbus. Hinc Petronius in satyrico cap. 84. Nescio quomodo bona mentis soror est paupertas. Ad hæc aliis congestis, prosequuntur Fornerius lib. 3. select. cap. 1. & Desiderius Heraldus lib. 1. de auctorit. rei judic. cap. 5. Ut vero a profanis ad sacra redeamus, bonne claudus ille ex utero matris, quem ponebant quotidie ad portam Templi, quemque Petrus & Joannes, precibus Deo fulis, sanitati mirabiliter restituerunt, pauper erat & inops, cum peteret eleemosynas ab introeuntibus in Templum, ut in Actis Apostolorum cap. 3. legitur? At quis esset, qui inter miraculi testes claudum prædictum non receperat? Signum igitur evidentissimum hoc est, solam paupertatem fidem testi non adimere; seduloque idcirco investigandum est, quinam sint pauperis mores, & an spe lucri aut alicujus commodi temporalis receptæ sanitatis testimonium exhibeat. Quod quatenus in examine miraculorum, de quibus agitur, contingere posset, & Judices remissoriales pauperem spe lucri allectum inter testes admisissent, plares aliæ diligentæ supersunt, quibus dolus & fraus aperiri possent. Supersunt etenim animadversiones Fidei Promotoris, & totius sacræ Congregationis examen, uti supra dictum est; quodque speciali animadversione dignum est, falsa miracula si aliquando a pauperibus, ut sibi comparent eleemosynas, circumferuntur, ipsi ut plurimum soli sunt qui de sanitate sibi divinitus collata testimonium reddunt. Non sic autem se habet res in miraculis, quæ examinantur in judicio Beatificationis & Canonizationis. Unius quippe testimonium non sufficit; quin & sæpe plares, quam duo, testes exiguntur, Medicusque ut plurimum examini subjiciuntur: quare moraliter impossibile est, ut tot testes ad decipiendum convenient.

9 Juxta D. Thomæ divisionem supra expositam, in præsentī agendum est de affectione, quæ testes a testimonio ferendo repellit. Quia vero prædicto affectionis nomine comprehendī possunt tum amici tum inimici, ab affectione amicitiae ducemus initium. De hac loquitur Rocca de Canonizat. SS. cap. 6. En ejus verba: *Affectus item humanis cum ambitione conjunctus fuit in causa, cur ex hac vita pie decedentes tum consanguineos, tum affines, & amicos tanquam Sanctos pro suo quisque arbitrio & affectu venerarentur, patrociniumque ab eis publice imploraret. Hinc, perturbatione atque confusione suborta, ille qui a quibusdam uti Sanctus colebatur, ab aliis magno cum scandalo irride-*

irridebatur. Item conferunt adducta per Paridem de Grassis in *diart. mys.*, ubi, loquendo de impensis tunc temporis maximis pro Canonizatione Sanctorum, ait: *Dixi, hanc expensam sic amplam ideo ab Ecclesia, sive a Sede Apostolica & a Pontificibus non solum tolerari, sed etiam quodammodo præcipi, ut ex ea quasi impossibili, vel saltem dura absterreantur Principes & populi ad petendum hujusmodi Canonizationes fieri, quæ aliquando non ex meritis ejus qui canonizatur, sed ex intercessione Communitatis, aut populi, vel Principis supplicantis, qui vel affinis vel devotus illius fuerit aut sit, sicuti modo est Cardinalis de Jacobatis, qui etiam petit, Beatam Ciolellam Romanam affinem suam canonizari, petuntur*. Sed, ut clarius materia juxta casus practicos exponatur, ad ea quæ sequuntur, descendemus.

10 De Postulatore itaque, Advocato, & Procuratore causæ queritur, an in testem admitti possit in eadem causâ Beatificationis & Canonizationis, in qua est Postulator, Advocatus, aut Procurator. At propter specialem affectionem, quam erga suam causam gerere consueverunt, respondetur, in testes non esse admittendos: Matthæuccius in *cit. oper. tit. 5. cap. 2. num. 8.* Confirmatur id ipsum ex decreto sacræ Congregationis ritu-um edito die 10. Junii 1664. in causâ Papien. seu Feltren. Canonizationis B. Bernardini de Feltro Ord. Minorum Observantium S. Francisci: *Ad relationem Eminentiss. Aldobrandini loco Eminentiss. Rondinini absentis discussio dubio, an constaret de validitate processuum duorum in civitate Papiæ, alterius vero in civitate Feltri super asserta sanctitate vite, virtutibus, & miraculis compilatorum, testes esse in eis rite & recte examinatos, & jura legitime compulsata; sacra rituum Congregatio habita coram Sanctissimo declaravit, e numero testium deducendos esse tres ex quatuor Procuratoribus examinatos etiam ut testes in Feltrensi, nempe 27. 35. & 36. nullamque rationem habendam de illis, qui amonati sunt, respondisse per solum verbum Recte, seu dixerunt Articulum verum*. Dimisso tamen officio, nonnulli putant, prædicta testimonia esse admittenda, Baldus in *cap. Insiper, num. 8. de testib.* Alberic. in *l. Deserre, num. 3. vers.* Alii dicunt, *ff. de jure Fisci, Nell. de testib. num. 21. vers.* Item admittitur, *Malcard. de probas. concl. 1232. num. 8. & 9. Magon. decis. Florentin. 3. num. 3.* Alii autem dicunt, Procuratorem non esse repellendum a testimonio ferendo, etiam si adhuc sit Procurator, dummodo sit bonæ vitæ & famæ; & multo minus repellendum, si esset Clericus aut Religiosus: Monticell. in *reper., v. Procurator, fol. 57. column. 2. vers. 6.* ubi affert decisionem sexagesimam quintam coram Bellamera. Verum, utcumque hæc sint, Postulatoris, Advocati, & Procuratoris testimonium, quoad permanent in officio, non videtur esse admittendum; & quatenus, dimisso officio, examini subicerentur, si alia concurrant requisi-ia, ipsorum dicta non probationis vim, sed puri adminiculi ad summum poterunt obtinere, juxta adducta per Farinaccium *de testib. quest. 60. num. 243.*

11 De sanato per miraculum itidem queritur, an in testem pro miraculo ipso admitti possit, non quoad invocationem (de qua supra dictum est

est) sed quoad sanitatem receptam, atque ejus circumstantias. Affirmanter respondetur, ut apud Auditores Rotæ in relatione S. Francisci Xaverii §. 12. et §. 13. *de mirac. post mortem*, & in relatione S. Mariæ Magdalensæ de Pazzis §. *Sanatio ulcers putridi, et §. Inveterati doloris*. De cæco a nativitate per miraculum a Christo Domino liberato ejus parentes interrogati a Phariseis, quomodo visum recepisset, sic responderunt *Ihan. cap. 9. v. 21. Quomodo autem nunc vident, nescimus, aut quis ejus aperuit oculus, nos nescimus; ipsum interrogate, etatem habet, ipse de se loquatur*. Subsequuntur postea interrogationes Phariseorum, & responsiones sanati; ideoque S. Augustinus in *Joannem* ad rem subdit: *Qui adeptus fuerat sanitatem, idoneus erat beneficii testis*. Cumque jam supra vilum fuerit, duos testes de jure sufficere in probatione miraculi, nihil ob stare videtur, quominus miraculum probatum dici valeat, si sanati testimonium alio teste comprobatum sit, ita ut binarius testium numerus ex sanato, & alio teste sit compositus; uti ponderarunt Rotæ Auditores in relatione S. Ludovici Bertrandi §. *Sanatio ulcerosi abscessus*, §. *Miraculosa*, et in *sanatione a paralyti*, §. *Factum hoc*. Quæ tamen admitti possunt in illis casibus, in quibus juxta superius expolita miraculum duobus testibus comprobatum approbationem mereri potest; puta, si alii testes qui potuissent examinari, mortui fuissent ante confectionem processus, sive in longinquas regiones perrexissent, ita ut examinari minime potuissent. Hi enim vero sunt termini, in quibus facta est approbatio miraculi in causa S. Stanislai, quamvis duobus tantum testibus asserti, quorum alter erat ille qui sanitatem recepit, uterque autem Sacerdos, quod nempe fidem testibus adauget, juxta Glossam in *can. Monachus*, v. *Quorum*, dist. 77. Contelor. de Canoniz. SS. cap. 18. num. 17. & Pasqualig. in *addit. ad Lauret. de Franchis* num. 1184. Neque enim miraculose sanatis affectionis vitium opponi potest; cum aliud sit affectio, aliud memoria beneficii recepti, cumque inter affectiones distinguere necesse sit; aliæ quippe sunt magnæ & irregulares, aliæ vero non adeo magnæ & regulares, & a primis utique, non a secundis, testimonium infirmetur. Quocirca, licet testes in his causis examinandi a Judicibus ordinariis, vel delegatis interrogentur, an sint pie affecti erga Dei Servum, vel Beatum, & ejus exoptent Beatificationem aut Canonizationem; & licet, si affirmanter respondeant, animadverti consueverit a Fidei Promotoribus, eorum dictis fidem non esse deferendam; animadversio tamen hæc semper a sacra Congregatione rejecta fuit: præsumi siquidem nequit, testes ex eo solo pie mentis affectu rem, prout est, non esse relatueros, atque adeo unusquisque scit, exoptari a testibus qui in his causis examinantur, Beatificationem & Canonizationem Servorum Dei, & Beatorum, dummodo eorum virtutes & miracula a sancta Sede approbentur.

12 Ad hæc de consanguinitate & affinitate quaeritur, an testem repellat a testimonio reddendo: &, quod quidem attinet ad testes consan-

gui-

guineos vel affines ejus qui intercessione Servi Dei, vel Beati miraculose sanitatem recepit, eorum testimonium ratione consanguinitatis aut affinitatis rejici non poterit: ut plurimum etenim sunt præ ceteris conficii tum morbi, tum sanitatis, & modi quo sanitas ipsa habita est. Quocirca. cum modus quaereretur, quo cæcus a nativitate per miraculum a Christo Domino fuerat illuminatus, Judæi exquirere voluerunt testimonium parentum ipsius *Joan. cap. 9. vers. 18. & seq. Non crediderunt ergo Judæi de illo, quia cæcus fuisset, & vidiisset, donec vocaverunt parentes ejus qui viderat, & interrogaverunt eos, dicentes: Hic est filius vester, quem vos dicitis, quia cæcus natus est? Quomodo ergo nunc videt? Responderunt eis parentes ejus & dixerunt: Scimus, quia hic est filius noster, & quia cæcus natus est. Quod animadversum fuit a Rotæ Auditoribus in relatione S. Andreæ Corsini part. 5. §. 3. num. 268. apud Lezanam consulte. 1. Item, quod spectat ad consanguineos vel affines ejus Servi Dei, vel Beati, de cujus agitur Beatificatione aut Canonizatione, cum etiam in criminalibus consanguinitas & affinitas testem non repellant a testimonio reddendo, si tractetur de detegenda rei innocentia, si res sit de criminibus exceptis, puta læsæ majestatis Divinæ & humanæ, demum si veritas facti per solos hujusmodi testes comprobari possit; concludendum esse videtur, parentes in causa filiorum, & contra maritum in causa uxoris, & contra, si de Beatificatione aut Canonizatione tractetur, ad examen posse admitti: *Matta de Canoniz. SS. part. 4. cap. 17. num. 4. & seqq.* Sancti Laurentii Justiniani Patriarchæ Veneti vita conscripta fuit a Bernardo Justiniano ejus nepote; & ejus quidem non modica ratio habita est, cum in sacrorum rituum Congregatione anno 1598. facta fuit ad relationem Cardinalis Baronii concessio propriarum lectionum, cumque post lapsum nonnullorum annorum quaestio instituta fuit de eodem inter Sanctos referendo. Bernardus in *præfat. ejusdem vita ap. Bolland. 9. Januar. tom. 1.* dixit, se timuisse, ne sanguinis propinquitas obesset fortasse causæ Laurentii, atque adeo ne testimonium nepotis in causa patris suspectum haberetur. Prosequitur vero idem Bernardus, enarrando, sibi responsum fuisse a Francisco Tarvisano Præfecto Carthusiæ viro Angelici spiritus, Chrysostomum parentis, Basilium sororis, Ambrosium Satyri fratris, Augustinum Monicæ matris, Bernardum Gerardi fratris egregia facinora retulisse & scriptis editis illustrasse. Item Carolus Augustus Salesius Tullianus nepos S. Francisci Saleisii vitam ejus conscripsit in magno pretio habitam, cum de ejus Beatificatione actum est. At in præfatione testatur, se quoque timuisse, non defuturos, qui vitam patris a nepote conscriptam traducerent, sibi autem a viris cordatis sic fuisse responsum: *Tu vero ne formida. In simili: vide, num multi præteritis sæculis de consanguineis suis viris clarissimis & proximis cum laude scripserint? Eos in medium adducere longum nimis foret & superfluum. Atqui majorem illi apud viros probos & prudentes, a quosque lectores fidem faciunt &c. Trepidat ergo timore (subjiciebant) ubi non est timor.* Porro P. Theophilus Raynaudus *op. tom. 9. pag. 182.**

pag. 182. subdit: *Non est hæc laus aspersanda tanquam a domesticis delata. Recte enim Theologus in Gorgonia sororis laudatione admonuit, Sanctorum laudem a cognatis quoque & necessariis delatam improbandam non esse. Quæ vero dicta sunt de consanguineis & affinibus, si non potiori, saltem equali jure de domesticis etiam & familiaribus dicta censenda sunt, uti profequitur Matta cit. part. 4. cap. 17. num. 5. In Canonizatione S. Pii V. magnum profecto momentum repositum fuit in ejus vita scripta a Hieronymo Catena, qui Cardinalis Alexandrini prædicti Pontificis pronepotis fuerat a secretis, atque tum a probatissimis fontibus, quæ scripsit, hauserat, tum propriis oculis aspexerat; uti ponderant Rotæ Auditores in relatione causæ ejusdem S. Pii V. part. 1. §. Nosque; edita in fin. tom. ultim. anal. Bzovii. Oculendunt scilicet hæc omnia, consanguinitatem, affinitatem, & familiaritatem non obstat, quominus consanguinei, affines, & familiares in testes recipi possint in causis Beatificationis & Canonizationis; dummodo tamen alius non patiantur exceptiones; dummodo eorum dicta, aut scripta sinceritatem reddeant, & ea referant, quorum notitiam e veris fontibus hauserunt; & dummodo concurrant ea quæ summus Pontifex Pius II. asserit in bulla Canonizationis S. Catharinæ Senensis pag. 183. in cod. Canoniz.: *Dilatata est res usque ad tempora nostra, Nihilque hujus sacræ Virginitatis Canonizatio reservata tanquam contræanea nostra atque concivis, ut Senensis Virginitatis sanctitatis decreto Senensis hominis in Romana Sede sedentis prodiret in lucem; in qua re non inus inficias, affectum Nos aliquem sanctum & pium traxisse. Quis est enim, qui suæ urbis præconia, suæ patriæ laudes, sui generis virtutes non libenter vulgari præcuret, cum id possit rite & honeste facere &c. Neque enim fieri potest, quin Sanctorum propinquitas aliquid habeat prærogativa. Nihil tamen ob hanc causam plus minusve dicere licet, quam verum est. Nec propter cognationem, aut patriæ charitatem inter Sanctos quisquam sine meritis, sine solito examine, sine consuetis solemnitatibus referendus est. In bulla Canonizationis S. Birgittæ legitur, eam tempore mortis sibi imminente Birgherum filium & Catharinam filiam arcessisse, atque admonuisse, ut in Dei timore, & amore proximi, & sanctis operibus perseverarent. Post obitum autem matris Catharina filia & ipsa miraculis clara matris Canonizationem promovit, quemadmodum adnotavit Iustus Fontaninus Archiepiscopus Ancyranus in notis ad citatam bullam Canonizationis, & quidem, teste Pavino in relatione causæ S. Bonaventuræ part. 2. art. 4. admissum fuit dictæ filie testimonium in probatione miraculi, quod matris intercessione Deus dignatus fuerat operari. Item Bonifacius IX. admisit testimonium filia Sanctæ Birgittæ ad probanda miracula matris ejus. Sub nomine Joannis Phereponi editæ sunt anno 1703. Antuerpiæ, sive Amstelodami nonnullæ animadversiones in opera S. Augustini, quas docta & censoria virga castigavit Prætanus de ingenior. moderat. Nempe inter cetera S. Augustinus lib. 2. cap. 1. de O. d. tom. 1. oper. sic locutus est de S. Monica matre sua: *Nobiscum erat etiam mater nostra, cuius ingenium, atque in res Divinas inflammatum***

animum

animum cum antea convictu diuturno & diligenti consideratione perpexeram, tum vero in quadam disputatione non parva rei ... tanta mihi mens ejus apparuerat, ut nihil aptius vera Philosophia videretur. Accusationis ansam hinc arripit Phereponus in *Append. Augustin.* t. 12. p. 478. sic inquit: Si hac in sermone familiari matri dixisset Augustinus, vituperari sane non posset, imo forte laudaretur pietatis causa; sed hac nescio quomodo scribere sustinueris ad virum eruditum, atque edere. Hujus autem Auctoris audaciam perstringit Pritanius in opere citato lib. 3. cap. 17. ubi ostendit, hac de causa Augustinum non esse vituperandum.

13 De Religiosis denique, & Monialibus quaeritur, an in testes admitti possint, si tractetur de Beatificatione aut Canonizatione alicujus Servi vel Servæ Dei, Beati vel Beatæ, quæ ejusdem fuerint Instituti. Nam propter præsumptam affectionem, & decus quod in Religiosum Ordinem ex Alumni vel Alumnæ Beatificatione aut Canonizatione derivatur, videntur non esse admittendi, & eorum dicta probationem constituere non posse. Testes tamen Universitatis admittuntur, & probant in causa Universitatis ipsius, si deponant super re quæ non respicit ad negotium linguorum, sed tantum ad causam ejusdem Universitatis: Fermolin. in cap. Tercio loco 5. de probat. quest. 1. num. 6. Losæus de jure Universit. part. 2. cap. 1. num. 74. Menoc. de arbitrar. lib. 2. cap. 106. num. 13. & seqq., Manf. consult. 308. num. 11. tom. 4. Adden. ad Buratt. decis. 314. num. 7. in fin., Rota coram Cavalerio decis. 140. num. 3. & coram Ludovisio decis. 360. num. 8. Atque adeo instar testium de Universitate asserentium in causa Universitatis passim sumentur, testes Religiosos testimonium reddere posse in causa Beatificationis aut Canonizationis Servi Dei, vel Beati ejusdem Instituti Professoris. Ceparius in director. Canonizat. part. 2. cap. 7. sic loquitur: In his causis admittuntur etiam ad testificandum testes ex eadem Religione ut idonei; idque ex regula generali, quod testes de Universitate pro illa admittantur testimonium dicere, quando de eorum singulari commodo non agitur. . . Nec obstat suspicio affectionis: illa enim purgatur per juramentum testis. Concurrit sanctitas & perfectio Religiosorum, ex quo magis præsumitur veritatem dicere cum juramento, & sic facilius ad testificandum pro suo Religioso admittuntur. Idem late prosequuntur Contelor. de Canoniz. SS. cap. 18. num. 4. & seqq. Matta in simili tractatu part. 4. cap. 17. num. 13. Fr. Antonius a Spiritu Sancto de primatu seu principatu Elie §. 12. num. 296. Pignattell. consult. 192. num. 2. & per tot. num. 1. Rosa in addis. ad tract. de Executor. litter. Apostol. num. 123. Rotæ Auditores in relatione S. Jacobi de Marchia §. Sanatio gibbosa, in relatione S. Hyacinthi, in relatione S. Franciscæ Romanæ part. 1. art. 7., in relatione S. Teresæ tit. de mirac. in vita tit. 2. & 3., in relatione S. Catharinæ de Ricciis part. 1. ante finem, in relatione Servi Dei (nunc Beati) Hieronymi Emiliani tit. de processib. §. Neque etiam obstat.

14. Idem vero Rotæ Auditores, resumpta hac eadem quaestione in relatione causæ S. Andreæ Corsini part. 3. §. 2. num. 218. apud Lezanam consult. 1. doctrinam supra relatam sic modificati sunt: Circa primum defensionem

Num occurrat dubitare, an testes de Religione Canonizandi sint admittendi & reperiuntur, fuisse admissos in pluribus Canonizationibus, nempe S. Hyacinthi, S. Francisci, & aliis: ea ratione, quia vel hac non est causa particularis sui conventus, sed univ[er]sa Ecclesia Catholica, vel, etiam si esset, de jure possint Religiosi examinari in causa sui monasterii. . . . Verum quidem est, liberum esse iudici propter praesumptam affectionem, vel circumstantias facti aliquid minus tribuere illorum depositioni, sicut dicimus de testibus in causa sua Universitatis, qui propter praesuppositam illorum affectionem minus probant. Fidei etiam Promotores in suis animadversionibus opposuerunt testibus Religiosis, eos non esse integre fidei in causa Beatificationis aut Canonizationis sui Religiosi. Petrus Franciscus de Rubéis in causa S. Francisci Solani ita scripsit: Ipsi testes patiuntur aliquas exceptiones personales, utpote quia plurimi sunt ejusdem Religionis S. Francisci, ob nimiam affectionem honoris reducantur in suam Religionem: & in causa Servorum Dei Ignatii de Azevedo & Sociorum: Quorum sen sunt Religiosi ejusdem Societatis, in quibus ponderandus est affectus gloria in illum condigne redimendis ex accessione tot SS. Martyrum communis Institutii; non enim testes de eadem Universitate sunt idonei testes in concernentibus magnum illius honorem. Prosper Bottinius Fidei Promotor in suis animadversionibus in causa Ven. Servi Dei (nunc Sancti) Camilli de Lellis sic locutus est: Alii vero testes sunt ejusdem Religionis, ac proinde reputari possunt aliquo modo suspecti, veluti nimis affecti & interessati &c. & rursus: De testibus Universitatis, quod repellantur propter maximam affectionem, dicunt Baldus & Felinus; quodque etiam in casibus in quibus testes de Universitate admitti possunt, adhuc non sint integra fidei & omni exceptione majores, plenissime tradit Farinacius ubi, quod hac opinio est magis communiter recepta a Doct[or]ibus. Ipse quoque, dum praedicto munere functus sum, iisdem vestigiis inhaerendo, praedictam proposui difficultatem, cum in causis Servorum Dei, aut Beatorum allata vidi a Postulatoribus testimonia Religiosorum ejusdem Institutii & Religiosi Ordinis.

15 *Quid ergo in hac controversia statuendum erit? Ex alibi dicendis, quando agitur de Beatificatione alicujus Servi Dei, qui aliquod Regulare Institutum professus est, exacta Regularis disciplinae observantia probari debet. Quocirca ad hanc rem probandam testes Religiosi idonei sunt, ut indicat Bordon. de miraculis medic. 32. num. 28. In probanda autem Regula observatione, & hujus generis, qua solis Professis solent esse nota, tunc idonei omnino testes sunt. Quin immo non solum sunt idonei, sed etiam necessarii, veluti prosequitur Matthaeus in opere saepe citato tit. 5. cap. 2. num. 22. Quin etiam, quando in similibus causis omitteretur Religiosorum & Monialium respectiva examen, suspicio esset, quod data opera fuisset praeiudicium, ne imperfectiones aperirent, quas potuissent observare in eo de quo ageretur. Nam certo a nullo melius possunt sciri facta Servi Dei alicujus Ordinis, quam a Religiosis cum eodem conventibus, praesertim loquendo de iis quae egerat in Conventu & Monasterio.*

16 In causa Beati (nunc Sancti) Joannis Francisci Regis Presbyteri Societatis Jesu Judices delegati noluerunt examini subicere Patres Societatis Jesu; & Archiepiscopus quidem Viennensis, qui erat alter ex Judicibus delegatis, tum suo tum aliorum nomine rem totam aperuit in epistolis ad san. mem. Clementem XI. *Probationis vero instituenda sinceritatem & firmitatem maxime attendentes, Religiosorum Societatis Jesu testimonia, quantumvis prompta, & ob testium spectatam probitatem & doctrinam, necnon intimam dicti Patris socii quendam sui notitiam magnum apud nos pondus habitura, scientes prudentesque adhibere nobisimus, ne quam in calumniam aut reprehensionem inquisitio facta vocaretur, quasi quesiti essent qui in propria causa testarentur, & dum in negotio socium carum & venerandum spectante respondent, simul veritatem & charitatem in fidem, propriique Ordinis gloriæ servarent.* Cum autem propositum fuit dubium de virtutibus hujus Beati, ipse fungens munere Fidei Promotoris dixi, ad ulteriora non esse in causa procedendum, deficientibus testibus de vita domestica & Regulari observantia testimonium afferentibus. Incredibile porro dictu est, quam molesta fuerit hæc animadversio Postulatoribus, qui bene sciebant, sibi præclusum esse aditum Religiosos Societatis Jesu ad examen vocandi, cum coadjuvari in hisce judiciis probationes non possint. At, quia vexatio dat intellectum, ex processibus jam confectis dicta testium defumpserunt, qui partim de visu, partim ex fama publica, & auditu a Patribus ipsis Societatis Jesu retulerant, Beatum perfectissimi Religiosi partes adimplevisse, & consequenter Societatis Regulas religiosissime observasse. Allata fuit epistola encyclica octo diebus post Beati obitum a Rectore Collegii ad omnes Tolosane provincie Superiores scripta, in quam de ejus observantia Regulari amplum testimonium erat insertum: in medio positum fuit menologium Societatis, in quo non reponuntur nisi pauci & insignes viri, qui in Regularum observantia ceteris præstiterunt, & in quo descriptio non admittitur, nisi ex *Generalis* mandato, & de omnium Assistentium consilio, ubi scilicet habetur hoc elogium: *Quasi fanciullo entrò nella Compagnia, e ornissí anni ci visse coll' esempio d' ogni più rara virtù:* productæ fuerunt litteræ Patris Mutii Vitelleschi ad Provincialem, & Rectorem scriptæ, dum adhuc Beatus erat in humanis, in quibus ille cupide operat Societati multos operarios isti similes. Et quia Collegiorum Rectores, & Consultores tenentur quotannis ad Societatis *Generalem* cum magna fide scribere, quæ spectant ad Collegia, in quibus versantur, sicuti habetur *tom. 1. Instituti pag. 362. §. 10. & 20.* ut satisfieret oppositioni, opus fuit, ut litteræ prædictæ ex archivo Societatis producerentur, in quibus multa de gestis Servi Dei cum laude commemorata inventa sunt: quin immo, ne forte alia adesset epistola minime favens intentioni Postulatorum quæ ab eis non exhiberetur, mandato sacræ Congregationis plurium dierum spatio una cum Notario & testibus universum Societatis archivum ego ipse pervolvi, *Archivistas* jurejurando obstrinxi, ut omnes, quarum notitiam haberens, epistolas ad

rem facientes producerent, & sub eodem juramento adderent, se aliarum notitiam non habere, nec alias epistolas præter exhibitas & exhibendas dolo deſiſſe habere. Cumque aliæ utique inventæ fuerint litteræ præter exhibitas, ſed omnes convenirent in laudabili domeſtica converſatione Beati, & exacta ab eo habita obſervantia Regularum Societatis Jeſu, controverſiæ tandem finis impoſitus eſt.

17 Solliciti ergo ſint Poſtulatōres, ut teſtes adhibeant Religioſos, cum agitur de probanda obſervantia Regulari ejus, de cujus agitur Beatificatione: nec enim teſtibus Religioſis erit detrahenda fides ratione præſumptæ affectionis non ſolum ex rationibus ſupra ex opere Patris Ceparii deſumptis, ſed etiam ex eo, quia prædicta res alio modo probari non poteſt. Idem dicendum eſt quoad Moniales, quarum teſtimonia rejici non poſſunt tum in caſu prædicto, tum in ceteris, quæ intra clauſtra monaſterii effecta ſunt, & quæ extra per alios probari non poſſunt; uti late oſtendunt Cepar. in cit. direct. Canoniz. cap. 7. num. 2. Mattea de Canoniz. S.S. part. 4. cap. 17. num. 12. in fin., Bordon. de mirac. meditat. 32. num. 32. & ſicuti bene ponderavit ſupra memoratus Archiepiſcopus Myrenſis Fidei Promotor in ſuis animadverſionibus factis in cauſa Romana, ſeu Viennæ. Ven. Servi Dei P. Dominici a Jeſu Maria ſuper dubio ſanctitatis in genere, ubi ait: *Et licet quandoque fuerint per ſacram Congregationem admiſſi teſtes Religioſi in cauſis Servorum Dei ejusdem Ordinis, id potiſſimum contigit, ex quo agebatur de geſtis intra ſepta monaſterii, & præſertim Monialium, de quibus exteri non poterant eſſe informati, ut ſuit obſervatum in Florentina S. Maria Magdalene de Pazzi, & alijs ſimilibus.*

18 Quod ſi res ſit de factis, aut geſtis quæ ad notitiam exteriorum potuerunt devenire, ut affectionis vitium omnino avertatur, curent Poſtulatōres una cum teſtibus Religioſis alios extraneos aſſerre de iisdem aſſerentes; veluti dicunt Doctores de teſtibus Univerſitatis, qui in cauſa Univerſitatis utiliter aſſerunt, ſi in eodem dicto alij ſint conteſtes, qui non ſunt de Univerſitate: Soccin. ſen. conſil. 194. num. 2. lib. 2. Roland. conſil. 72. ſub num. 5. lib. 2. Rota coram Merlino deciſ. 407. num. 13. & 14. In cauſa Ven. Servi Dei (nunc Sancti) Camilli de Lellis tum a Bortinio, tum a me ejus ſucceſſore in officio Fidei Promotoris oppoſitum fuit in dubio virtutum, ſpecialiores & ſervidioreſ actus Charitatis erga proximum fuiſſe exercitos a Servo Dei in noſocomiis, eos vero dictis ſuorum Religioſorum eſſe comprobatos. At, cum reſponſum & oſtenſum fuerit, aliquos ex prædictis actibus dicto teſtium Religioſorum in pijs operibus ejus ſociorum inniti, alios a Religioſis ſimul, & exteris probationem habere, alios autem teſtibus tantum exteris eſſe comprobatos, de ſufficienti probatione non eſt dubitatum. Concordant alia exempla facile cumulanda aliarum cauſarum, in quibus Religioſi vel in cauſa Fundatoris ſui Ordinis, vel in cauſa alius ſui Religioſi virtutibus & miraculis conſpicui teſtimonium tulerunt. Sixtus IV. in bulla Canonizationis S. Bonaventuræ tom. 3. part. 3. Bullar.

Bullar. nov. pag. 184. §. 13. de probatione virtutum prædicti Sancti inquit : *Audiveramus quoque ab antiquioribus præfata Religionis Fratribus , & gravibus quidem viris , quod & ipsi a majoribus natu acceperant , de sanctissima vite ejus constantem famam esse .* Extant processus confecti in causa S. Francisci de Paula , qui editi fuerunt a Bollandianis *tom. 1. Aprilis pag. 120. & seqq.* , ubi plures testes ex ipso Ordine Patrum Minimorum fuerunt examinati . Itemque plus quam undecim testes de Patribus Oratorii testimonium tulerunt in causa S. Philippi Nerii . Nec ullo modo omittendum esse videtur , juxta varias causarum Canonizationis species seu status , de quibus infra , ubi Historici admittuntur ad constituendam probationem vel adminiculum , non rejici Historicos qui aliquod Regulare Institutum professi sint , si referant virtutes alicujus Servi Dei qui eidem Instituto nomen dederit ; dummodo Historici ipsi qualitatibus illis præditi sint , quæ ad fidem conciliandam sunt necessariæ , ut pariter infra dicetur . Quocirca in causa S. Hyacinthi Ordinis Prædicatorum magnum momentum repositum fuit in ejus antiqua vita conscripta a Fr. Stanislao Cracoviensi ejusdem Ordinis , ut habetur in Actis causæ editis a Fr. Severino Cracoviensi *pag. 318.* & in relatione facta in Consistorio a Cardinali Gesualdo , de qua in iisdem Actis *pag. 321.* In causa S. Raymundi de Pennafort magna ratio habita est ejus gestorum descriptorum a Fr. Nicolao Eimerico ex eodem Prædicatorum Ordine , ut habetur in relatione causæ dicti Sancti *art. 3. §. de scripturis privatis :* in causa S. Petri Regalati Ordinis Minorum S. Francisci plura desumpta fuerunt ex ejus vita conscripta a Fr. Antonio Daza ejusdem Ordinis : utque exempla prætereantur S. Peregrini Latiofi , & S. Agnetis de Monte Politiano , de quibus infra ; in approbatione virtutum B. Seraphini de Asculo Laici Prolessi Ordinem Capuccinorum S. Francisci firmum adminiculum desumptum fuit ex annalibus P. Zachariæ Boverii ex eodem Ordine .

C A P U T VII.

De Confessariis , & Medicis , quorum attestations excipiuntur in judicio Beatificationis & Canonizationis , & de nonnullis aliis rebus ad testes pertinentibus .

Sacerdos Confessarius revelare prohibetur , quæ in Confessione audivit , jure Divino , naturali , & Ecclesiastico , uti late ostendit Sotus in *4. sent. dist. 18. quæst. 4. art. 5.* Sigillum autem sacramentale omnia comprehendit , quorum detectione sacramentalis Confessio Fidelibus odiosa redderetur , uti communiter docent Theologi : & hinc fit , ut Confessarius de licentia Pœnitentis possit alteri revelare peccatum , quod ex ejus Confessione novit , juxta doctrinam D. Thomæ in *4. sent. five supplement. quæst. 11. art. 4.* De virtutibus vero , revelationibus , & similibus

libus gratiis, quas in Confessione Pœnitens manifestat, dubitatur, an sub sigillo Confessionis comprehensæ sint. Nonnulli scilicet negando respondent, cum non sint peccata, nec materia Confessionis. Alii porro rectius distinguunt: si enim aperiantur Confessario, ut integrum conscientiæ statum dignoscat, tunc utique non pertinent ad materiam Confessionis, nec ad sigillum, sed ad summum ad secretum naturale; secus autem se habet res, cum earum rerum sit in Confessione expositio ad melius declarandum peccatum, puta ingratitude erga Deum post hæc & illa dona ac beneficia ab eo recepta; Cardinalis de Lugo de Pœnit. disput. 23. sect. 3. num. 58. Leander oper. moral. part. 1. tract. 5. disput. 10. quest. 89. Cum enim ex dictis virtutes, revelationes, & similia dona Dei, per se loquendo, non sint materia sigilli sacramentalis, sed naturalis, deficientibus circumstantiis, quæ eas faciunt sub sigillo sacramentali comprehendi, post obitum Pœnitentis a Confessariis passim manifestantur: quod utique heri non posset nec deberet, si revelationes, virtutes, & alia similia dona fuissent manifestata modo supra exposito pro qualitate peccati clarius exponenda; uti bene animadvertit Giribaldus olim Pœnitentiarius Bononiensis Ecclesiæ tract. 7. de sacramen. Pœnit. cap. 18. dub. 4. num. 22.

2 His cohærenter sæpe contingit, ut in causis Beatificationis Confessarii testimonium reddant de conscientiæ puritate Servi Dei, de ejus immunitate a peccatis tum mortalibus tum venialibus, & de revelationibus, visionibus, & aliis gratiis gratis datis, quas in excipiendis Servi Dei Confessionibus cognoverunt. Et de consimilibus quidem testibus, & dictis quæritur, an admittantur & probent. Joannes Gersonius tom. 1. oper. in tract. de examine doctrinarum part. 2. considerat. 3. col. 16. inclinare videtur in sententiam, quæ hisce testibus fidem detrahit: Sunt Confessores, qui de nonnullis, quos, vel quas audiunt, verba faciunt in bonum. Oh quam pura mens, quam integra, quam sine mortali delicto! Esem talis utinam cum mei similibus! Non advertentes qui taliter agunt, se per indirectum culpæ reliquos confiteres eis, quos non ita predicant, simul & occasionem dant suis laudibus non qualitercumque, sed in Confessione mentiendi. Eset hic habendus sermo latior, præsertim in materia Canonizationis, & testificationis sumpta per Confessores: sed super his & aliis particularior erit inquisitio facienda, dum modus exemplaris, id est per narrationes exemplorum tractabitur. Gersonius porro, quæ promiserat, non adimplevit, cum tractatum subinde non inistuerit de testimoniis Confessorum in causis Canonizationum. Ipse autem, dum manereungebar Fidei Promotoris, ad cujus ministerium pertinet (ut alibi dictum est) opponere, in causis, in quibus Confessorum attestaciones producebantur, eas dicebam in nullo vel modico pretio habendas esse propter rationes ex Gersonio desumptas; in causis vero, in quibus prædictæ Confessorum attestaciones non producebantur, deficere dicebam probationis pondus, eum ex foliis dictis Confessorum conscientiæ puritas deprehendi possit. Quando postea in sacris Congregationibus suffragium meum uti Consultor pro

pro veritate exposui, semper sensi, non esse causæ imponendum silentium ex defectu examinis Confessariorum, cum Ecclesia juxta de externis, & heroicæ virtutes Servorum Dei probari possint dictis aliorum testium fide, dignorum, qui frequentiam dictorum actuum cognoverint & viderint, eodemque modo dona supra naturam probari valeant; si vero in aliqua causâ exhibita fuerunt examina Confessariorum, ea dixi maximopere utilia, ita ut examina hæc Confessariorum non inter necessaria, sed inter utilia & quæ maximopere conducunt, videantur esse recensenda.

3. Fundamentum ita sentiendi insequentibus constitutum fuit. Primum est, quod usque adhuc nulla lata lex est, quæ examen Confessariorum in hisce causis exposcat tanquam necessarium. Secundum est, quod in bulla Canonizationis S. Francisci de Assisio in nov. cod. Canoniz. Gregorius Papa IX. ita locutus est pag. 62. : *Sane, licet ejus vita tam sancta, tam strenua & præclara sibi sufficeret ad obtinendum consortium Ecclesiæ triumphantis, quia tamen militans, quæ solummodo videt in facie, non præsumit de his qui de suis Foro non sunt, auctoritate propria judicare, ut illos pro vita tantum venerandos assumat, præsertim quia nonnumquam Angelus Satana in lucis Angelum se transformas, omnipotens & misericors Deus ... vitam ejus sibi fuisse acceptam, & ipsius memoriam esse a militanti Ecclesiâ venerandam, multis & præclaris miraculis declaravit*: quocirca, si interna & occulta, nulla facta Confessariorum mentione, fuisse Deo accepta, Pontifex ait, desumendum esse a miraculis intercessione Canonizandi a Deo patratis, exclusa videtur necessitas illorum-examinis. Tertium denique est, quod tum antiquis tum recentioribus temporibus plures causæ favorabilem exitum habuerunt, in quibus Confessarii examinati non fuerunt, immo & in quibus ipse tanquam Fidei Promotor defectum eorum examinis totis viribus opposui.

4. Exclusa necessitate, opus est loqui de utilitate: de qua quidem mihi dubitandum esse non videtur, tum quia ex testimoniis Confessariorum plura desumi possunt, quæ resolutioni dubii super virtutibus, & recto de istis judicio favere valent, tum quia concors est praxis Sedis Apostolicæ Confessarios in testes admittendi. P. Ceparius cit. oper. part. 2. art. 7. num. 4. sic ait: Confessarius quoque Canonizandi admittitur ad testificandum. Sic in causa Joannis Berchmans Societatis Jesu sumus admissi tres, qui ejus Confessiones exceperamus, P. Joannes Baptista Cevottus, P. Thomas Mastutius, qui fuerant ejus Confessarii ordinarii, & ego, qui, dum essem Rector Collegii nostri Romani, singulis sex mensibus ejus Confessiones generales sex mensium audivi: in causa B. Aloysii Gonzaga fuit admissus Illustriss. Cardinalis Bellarminus, qui ejus Confessor fuerat: idemque Ven. Cardinalis nedum in suis judicialibus attestationibus, sed etiam in sermone habito anno 1608. die anniversaria tunc Beati, nunc Sancti Aloysii edito Mediolani anno 1622. ita inquit: *In tertia specie, quæ est obedientia in Charitate fundata, maxime B. Aloysii virtus apparuit; nam primum mandatis Dei & Ecclesiæ toto vite tempore ita exacte paruit, ut judicio Confessariorum, qui ejus generales Confessiones audierunt, quorum unus*

ego

ego sum, nunquam lethale crimen admisit. De utilitate pariter hujus ex-
aminis plura habentur apud Gravinam in *continuat. 2. part. Catholic. prescript.*
pag. 337. & seqq. apud Castellin. in *tract. de inquisit. miracul. in append. ge-*
neral. de stigmat. S. Catharina Senens. pag. 251. num. 4. apud Pignatell. *con-*
sult. 42. num. 49. tom. 4. Auditores quoque Rotæ in suis relationibus har-
um attestationum utilitatem admiserunt; in relatione videlicet S. Fran-
ciscæ Romanæ *part. 2. art. 7. in fin.*, in relatione Servi Dei Juliani a S. Au-
gustino *cap. 11. de Temperantia*, in relatione S. Pii V. *tit. de Temperantia*,
in relatione S. Aloyii Gonzagæ *num. 12.*, in relatione S. Teresæ *super*
virtutibus art. 7. & art. 21. §. de oratione, & contemplatione. Alibi etiam vi-
sum est, Beatum Pontificem Gregorium X. datis litteris (*quæ extant in hist.*
Petri Campi part. 2. pag. 410.) excitasse Gaufridum, qui fuerat Confessa-
rius S. Ludovici Regis Franciæ, ut sibi secreto per certum Nuntium se-
cretam Regis vitam referret: *Verum, licet de vita modo, quem, sui Redem-*
ptoris benedicta prosequendo, servabat, habuerimus in parte notitiam (agebatur
etenim de introducenda causa Canonizationis ipsius) *cupientes tamen,*
quod modus hujusmodi Nobis plenius innotescat, in his potissime qua secretius age-
bantur, devotionem tuam rogamus & hortamur attente per Apostolica tibi scripta
mandantes, quatenus satisfaciens devota sollicitudine votis nostris prædictum vi-
vendi modum in omnibus & singulis actibus & observantiis suis, nil ultra, quam
fueris, addito, sed veritatis pure servata substantia, seriatim Nobis, & secreto
sub tuo sigillo, quam citius poteris, per certum Nuntium scribere non postponas.
Velumus autem, quod apud te verbum remaneat nemini referendum.

Gregorius scilicet excitat Gaufridum, ut sibi narret ea quæ secre-
tum vivendi modum Regis respiciebant, & quorum notitiam ipse Gaufri-
dus habebat, sed extra Confessionem, licet id in allatis litteris non expri-
matur; eo prorsus modo, quo, referente Matthæo Parisio *ad ann. 1247.*
Sacerdotem quemdam Innocentio IV. Pont. Max. conjurationem in ipsum
factam aperuisse, & militem ad ejus cædem subornatum denunciassse, cum
id totum ex complicitis cujusdam moribundi sacramentali Confessione didi-
cisset, cordati viri asserunt, id factum esse, volente & permittente Pœni-
tente, quamvis a Matthæo non dicatur. Qui etenim ex Confessione sacra-
mentalī ita aliquid novit, ut alio etiam modo noverit, id revelare potest,
nulla Confessionis facta mentione, si necessitas urgeat, puta imminens Ec-
clesiæ periculum, Superioris Ecclesiastici præceptum, & similia, juxta
doctrinam D. Thomæ in *4. sent. dist. 21. quæst. 3. art. 3. et in supplement.*
quæst. 11. art. 5. ubi ait: Opinto est communior, quod illud quod homo alias scit
scire ante Confessionem sive post, non tenetur celare, quantum ad id quod scit ut
homo; potest enim dicere, Scio illud, quia vidi: tenetur tamen celare illud, in
quantum scit ut Deus; non enim potest dicere, Ego hoc audio in Confessione. Ta-
men propter scandalum vitandum debet abstinere, ne de hoc loquatur, nisi immi-
neat necessitas. Et in responsione ad quartum subdit: Non debet ita vitari pec-
catum ex una parte, quod ex alia iustitia relinquatur; veritas enim non est pro-
ppter

pter scandalum dimittenda: & ideo, quando imminet periculum iustitia & veritatis, non debet dimitti revelatio ejus, quod quis in Confessione audiuit, si aliter fiat, prepter scandalum; verumtamen scandalum, quantum in se est, evitare tenetur.

6 Quanquam, quidquid sit de prædicto S. Ludovici exemplo, alia magis apta ad rem de qua nunc agimus, non desunt. In Canonizatione siquidem S. Homoboni recepta fuit jurata attestatio Huberti, qui per viginti annos fuerat ejus Confessarius, quique heroicas ejusdem virtutes a ceteris testibus relatas confirmavit, uti colligitur ex bulla Canonizationis ipsius in Bullar. nov. tom. 3. pag. 80. Eidem namque, quam super conversationis ipsius absque fignento hypochripsis fraudulento Divinum judicium, ut dictum est, manifeste ostendere videbatur, per testimonium dilecti Filii Otherti Presbyteri Sancti Egidii Cremonensis præsentis cum Episcopo memorato, recepto ab eo firmavimus juramento. Sub cujus obtestatione videlicet juramenti ipse, qui Patrinus ejus existens per viginti annos & amplius Confessionem ejus sepe receperat, quæ de illius Sancti conversatione præmissimus, cum ipso Episcopo & aliis supradictis juratis similiter asseruit esse vera, Innocentius IV. in bulla Canonizationis S. Petri Martyris §. 3. in cit. tom. pag. 330. hæc habet: Ipse namque veritatis filius, & bonitatis alumnus, conversatione conspicuus, spectabilis fama, & opinione mirabilis miro præfulsisse nitore munditia, virginitatem integre custodisse, nec mentis habuisse nec corporis corruptelam, & nullius mortalis criminis fuisse contactum, forma suorum Confessorum assertionem monstratur. Petrus de Castro Sacerdos & Monachus antiquus monasterii Fossie novæ examinatus in causa S. Thomæ de Aquino ita testatus est, uti legitur apud Bollandianos ad diem 7. Martii tom. 1. pag. 702. In cujus sinere quidam Frater Predicator, qui fuerat longo tempore ipsius Fratris Thomæ Confessor, predicavit publice coram omnibus ibi adstantibus dicens: Ego Confessionem generalem ipsius sancti viri audivi, de quo testificor, quia inveni eum ita purum, sicut puerum quinque annorum, quia nunquam sue carnis sensit corruptelam: & concordat bulla Canonizationis ipsius tom. 3. part. 2. Bullar. nov. pag. 187. expedita a Joanne XXII. in cuius §. 4. sic habetur: Ut multi, eum in carne virginitate mansisse incorruptum, existimarent: quod ejusdem Sancti Confessor Ordinis memorati, qui longo tempore ipsius Confessionem audiverat, publice (ut ad Nos testimonio fide digno pervenit) coram omnibus die defunctionis ejusdem asseruit dicens: Ego Confessionem generalem ipsius sancti viri audivi, de quo testificor, quia ita inveni eum purum, sicut puerum quinque annorum. Postremo notum est, quantum in causa S. Catharinæ Senensis venerabili viro Raymundo Capuano ejus Confessario; in causa S. Franciscæ Romanæ Joanni Mattiotto ejus pariter Confessario; in causa S. Terefix Francisco Riberæ ejus Confessario; quinque Confessariis in causa S. Aloyfii Gonzagæ; in causa S. Camilli de Lellis Patri Pelliciono, & aliis ejusdem Confessariis; & in causa S. Catharinæ Januensis Sacerdoti ejus Confessario in favorabili resolutione dubii super virtutibus delatum sit. Nec silentio præteriri debet, cum probarentur

virtutes in causa S. Margaritæ de Cortona, magnum momentum repositum fuisse in vita scripta ab ejus Confessario. & ab aliis pariter ejusdem Confessariis approbata; uti colligitur ex documento relato in summario additionali causæ Sanctæ ejusdem Margaritæ, ubi habetur documentum ipsum his verbis: *Frater Sancta Benvignates Beata Margarita Confessor Legendam ejusdem Sancta nimis prolixam per duodecim capitula distinctam, sicut ipse ab ore Beata Margarita, & ab aliis ejusdem Confessoribus acceperat, de mandato Fratris Leonis de Castiglione Inquisitoris heretica pravitatis compilavit, quam Frater Leo prædictus Inquisitor, Frater Tarlatius Lector, Frater Philippus Custos, Frater Raynaldus etiam Custos de Castiglione, Frater Ubalduus de Colle Guardianus, Frater Paulus de Socio omnes Beata Margarita Confessores conscriptam viderunt & approbarunt.*

7 Pro eorum porro complemento, quæ in postremis hisce capitibus tractata sunt, nunc aliquid de affectione quæ provenit ab inimicitia, dicendum est. Alibi nempe visum est, non esse audiendum, qui ex vindicta & malo animo se opponeret Canonizationi. De Infidelibus autem & Hæreticis queritur, an ipsorum testimonium in causis de quibus agimus, ad probandum admitti possit; & quidem, cum sint Fidei Catholicæ inimici, negativè videtur esse respondendum, juxta textum in can. Ipsa pietas 23. *quest.* 4. *Quos enim Divina testimonia non sequuntur, pondus humani testimonii perderunt.* At, cum hæc regula non sit perpetua, sed suas patiatur limitationes; puta, si Infidelis aut Hæreticus testetur pro Catholico, ut habetur in can. Si Hæreticus, *vers.* Sin autem 2. *quest.* 7. Sin autem Orthodoxus contra Hæreticum litiges, pro Orthodoxo quidem Hæretici testimonium valeat: hinc fit, ut in causis de quibus agimus, bene & utiliter admitti possint ad probandum, juxta illud Lactantii de vera sapientia lib. 4. cap. 12. *Satis firmum testimonium est ad probandam veritatem, quod ab ipsis perhibetur inimicis.* Confert & illud S. Augustini in Psalm. 63. num. 15. tom. 4. *oper.* ubi agens de Militibus Judæis sepulcrum Christi custodientibus, ad rem nostram inquit: *Miracula facta sunt talia circa sepulcrum, ut & ipsi Milites qui custodes advenerant, testes fierent, si vellent vera nuntiare.* Ex juris Consultis autem id ipsum advertit Lezana *consult.* 3. num. 36. tom. 4. *oper.* *Veritas, quæ ab inimico pectore & ore interdum extorqueatur, gratior esse solet.* Idque ut plurimum accidit in causis Martyrum: si etenim Infideles testentur, se mortem Dei Servo inflixisse ex odio in Fidem, ab eoque atrocissima tormenta fuisse patienter tolerata, testimonium hoc multum proderit in causa Martyrii; ut monet Matheuccius in *cit. oper.* tit. 5. cap. 2. num. 18. concordatque etiam praxis sacræ Congregationis. In causa quippe Declarationis Martyrii BB. Martyrum Gorcomiensium plurimum derulit historicis dictis quatuor Calvinistarum; in causa Declarationis Martyrii B. Petri de Arbues dictis quinque sicciorum; in causa Declarationis Martyrii Venerabilium Servorum Dei Alfonsi Navarette & Sociorum, historiæ eorumdem Martyrum exaratæ a Reinerio Gisberti Fidei Catholicæ inimico editæ post controversias Fidei Ha-

Hadriani & Petri de VValenburch ; in causa Declarationis Martyrii B. Joannis de Prado , testimoniis nonnullorum qui a Fide Catholica recesserant ; & Hæreticis qui mortem inflixerant , in causa S. Fidelis de Sigmaringa . In causa demum Declarationis Martyrii B. Josaphat Pollocensis Auditores Rotæ in sua relatione , quam in eadem causa ediderunt , de nonnullis testibus Judæis & Schismaticis hæc *part. 3.* habuerunt : *Immo addabatur ab Agentibus pro Venerabili Josaphat , in casu præsentis ex depositione etiam Judæarum & Schismaticorum sufficientem resultare probationem , quia in favorem Fidei etiam Hæretici & Judæi admittuntur ad testimonium ferendum . . . & hujusmodi testes omnino supplere & probare , junctis testimoniis Christianorum , & præsumptionibus , consuluerunt Gravæss. Osasch. Afflict.*

8 Ad hæc nonnullorum opinio est , Medicos scientia pollentes miraculis adversari : quod ita sane intelligendum est , ut non ita facile sanationes referant inter miracula . Medici autem certi (ut alibi visum est) a sacrorum rituum Congregatione interrogantur , ut suum pro veritate ferant judicium super his , quæ tanquam miraculosa a Postulatoribus proponuntur : sed de his modo non loquimur . Sermo in præsentis est de Medicis qui infirmum curarunt , qui dicitur per miraculum consecutus fuisse sanitatem : & de his quidem primo queritur , an eorum examen sit utile , deinde , an necessarium . De utilitate nimirum nulla potest esse controversia ; status enim morbi ex eorum testimonio dignoscitur , sanationisque modus ex eodem quoque desumitur . Quapropter nemo non videt tum Consultores sacræ Congregationis , tum Medicos ab ea interrogatos in miraculi discussione tutius procedere posse , si Medici curæ astantes testati sint , quam si eorum testimonium deficiat . Et vero , dumungebar munere Fidei Promotoris , multa vidi miracula rejecta ex defectu dicti examinis , licet de obitu Medicorum ante processum consecutionem Postulatores docuissent . Quæ autem dicta sunt de Medicis , sibi vindicant locum etiam de Chirurgis , si morbus , de cujus miraculosa sanatione agitur , operam Chirurgi exquisiverit .

9 Hæc quoad utilitatem . Hinc porro ut transeamus ad necessitatem , Conteliorius de Canoniz. SS. cap. 18. num. 12. putat , Medicos etiam , vel Chirurgo , qui non interfuerunt miraculo , nec ipsi adfuerunt ægroto , tutum ferre posse judicium de sanatione , utrum scilicet fuerit miraculosa , necne , innixos circumstantiis facti , de quibus alii testimonium dicunt , *Matta de Canoniz. SS. part. 4. cap. 12. num. 25. & seqq.* assentitur Contelorio , si agatur de morbis chronicis & diuturnis ; secus autem si de morbis acutis . *Rosa in addit. ad tractat. de Executor. litter. Apostol. num. 235. & seqq.* in eo est sensu , sive morbus sit acutus , sive chronicus ; dummodo causa & origo morbi nota sit , & testes asserant , infirmum tali infirmitate laborasse , talibus symptomatibus fuisse vexatum , specifica remedia fuisse , sed incassum , applicata , sanationem sine crisi naturæ contigisse , postmedicos tutum judicium ferre , & ad miraculi approbationem posse deve-

deveniri; licet Medicus ipse, qui ægroto adfuit, non fuerit examinatus: & hunc sequitur Matthæuccius *in oper. cit. tit. 3. cap. 5. §. 2. num. 56. & seqq.* Postulatores ipsi Fidei Promotori requirenti examen Medici hujus respondere consueverunt, & ostendere conati sunt, qualitates morbi ex dicto testium non peritorum satis apparere; ita ut etiam sine prædicto examine, si cetera concurrant, miraculum approbari possit: & Postulatorum utique assertio comprobari potest relatione Auditorum Rotæ in causa S. Ludovici Bertrandi, *tit. Sanatio strumosa femina*, ubi sic loquuntur: *Et, quod supradictus morbus esset struma, clarum fit ex depositione eorumdem testium; qui, licet non sint in Medicina periti, bene tamen possunt de qualitate morbi deponere, cum strumarum morbus adeo sit evidens, ut neminem possit latere, ut loquitur Galenus. Quæ etiam morbi qualitas comprobatur ex eo, quod dicta Sperantia (nomen erat femine sanæ) sanitatis cupida profecta est ad Gallia Regem, quem notum est huic morbo mederi. Questio tamen sit inter Medicos, an liceat, vel possibile sit Medico absentem ægrotum per epistolas curare. Nimirum Gaspar Rejes in *jucundarum questionum Elyfio campo quest. 10.* rei hujus difficultatem ostendit, & tanquam inutile rejicit opus Medici absentis; & agit de morbis acutis; at aliquando tamen fructuosum futurum esse ejus opus existimat, si res sit de morbis chronicis. Pariter Baptista Codronchius in *tract. de Christiana, ac tuta morandi ratione lib. 1. cap. 5.* de hac eadem re agit, & ait, necessaria ad cognitionem morbi vel nunquam, vel rarissime duntaxat ex aliorum delatione, potissimum autem rusticorum, & aliorum hominum in villis vel oppidulis degentium, Medico innoscere posse; ideoque concludit, si Medicus morbum & symptomata nuntiis & litteris relata animadverterit, si ætatem ægotantis, mores, artem, antea factas occasiones, tempus morbi, corporis robur perspecta habuerit, in cognitione fortasse & curatione hujusmodi ægotantis absentis, eum non multum a scopo aberraturum; suadetque, ut in hoc rerum eventu, tutioribus levioribusque electis, periculosa remedia prætermittat. Norunt denique omnes, Medicum probum vix adduci posse, ut suum consilium præstet ad curandum morbum absentis, nisi totius rei relatio ad eum mittatur a Medico ipso, qui ægotanti adest. Porro hæc me terrent: si enim tot urgent difficultates, ut a Medico absente de morbo judicium, & de ejus curatione consilium feratur; si id vix fieri potest, Medico præsentem morbum & circumstantias litteris aperiente; quid dicendum erit in ferendo judicio de sanatione, utrum videlicet, necne inter miracula sit recensenda, nullo Medico curam morbi, & remedia administrata exponente, desumptisque probationibus ex testimoniis non peritorum, qui tum in qualitate morbi & medicamentorum exhibitorum, cum in modo sanationis facillime falli possunt? Urget quoque, quod in Medico absente, & rogato, ut ægroto absenti medentur, indicetque medicamina opportuna ad ejus sanitatem procurandam, causa esse potest necessaria: non sic autem se habet res in*

in hypothefi noſtra præſenti, tum quia cauſa Beatificationis & Canonizationis eſt voluntaria, tum quia nova ſupervenire poſſunt miracula. Itaque, concludendo, crederem, cauſiſſime procedendum eſſe in approbatione miraculorum tortii generis; in quorum claſſe ut plurimum ſanationes recententur, ſi deſit teſtimonium Medici qui ægroto adfuit: eaque in eo ſolo caſu vix admittenda eſſe exiſtimarem, ubi ceteri teſtes apti & idonei clare qualitates morbi aſſerere; ubi morbus ex eis eſſet, qui per ſe patent, & etiam a non Medicis aut Chirurgis cognosci poſſunt; ubi medicamina ab eis exprimerentur, quæ ægroto fuerunt adhibita; ubi de ſtatu antecedenti deſperato, & de ſubita ſanatione invocato prius Beato, una cum virium recuperatione teſtificarentur; ut alibi ſuſus exponemus.

10 Alia plura de teſtibus dici poſſent: verum, quia vel ea non ſunt peculiariter teſtibus in cauſis Beatificationis & Canonizationis, ſed omnibus teſtibus communia ſunt; vel, ſi prædictas cauſas reſpiciunt, nunquam, aut ſere nunquam in praxi locum habent, a nobis idcirco in præſenti omittuntur: & eo quidem libentius, cum plura jam fuerint a nobis ipſis expoſita in ſecundo libro, ubi actum fuit de *rituali* examine teſtium; alia autem alibi, cum occaſio ſe offeret, explicabuntur. Capiti tamen huic antequam finem imponamus, necelle fore exiſtimamus, tria adnotare, id eſt primum quidem pro Poſtulatoribus cauſarum, reliqua pro Conſultoribus ſacræ Congregationis. Curare nempe debent Poſtulatotes, ut in cauſis Beatificationis & Canonizationis, quas promovere contendunt, examini ſubſciantur ſive ſuper virtutibus, ſive ſuper miraculis, quantum fieri poteſt, viri Religioſi, viri nobiles, uno verbo, viri fide digni, qui nullo pacto rejici aut oppugnari poſſint. Id enim maximopere proderit ſelici cauſarum reſolutioni. Hoc ad Poſtulatotes: nunc ad Conſultores. Fidei Promotor, ſcribendo multa adnotare conſuevit quoad contradictionem inter dicta teſtium: ſed punctum hoc cum grano ſalis (ut dicitur) eſt intelligendum, & a Conſultoribus ſacræ Congregationis advertendum. Expediit enim aliquando, ut aliqua adſit diſcordia inter teſtes, non in ſubſtantialibus, ſed in accidentalibus; concordia ſiquidem in omnibus, hoc eſt tum in ſubſtantialibus, tum in accidentalibus, tantum abeſt, ut fidem conciliet, ut eam potius teſtibus minuat, juxta doctrinam D. Thomæ 2. 2. *queſt.* 70. *art.* 2. *ad ſecundum*: Si vero ſit diſcordia teſtimonii in aliquibus circumſtantiis non pertinentibus ad ſubſtantiam facti, puta, ſi tempus fuerit nubiloſum, vel ſerenum, vel ſi domus fuerit picta, aut non, aut aliquid hujusmodi, talis diſcordia non præjudicat teſtimonio, quia homines non conſueverunt circa talia multum ſollicitari, unde facile a memoria elabuntur; quoniam immo aliqua diſcordia in talibus facit teſtimonium credibilius, ut Chryſoſtomus dicit ſuper Mattheam, quia, ſi in omnibus concordarent, etiam in minimis, viderentur ex condito eundem ſermonem proferre: quod tamen prudentia Judicis relinquitur diſcernendum. Verba ſcilicet S. Joannis Chryſoſtomi ſunt, quæ ſequuntur in *hom.* 1. *pag.* 6. *tom.* 7. *oper.*: Si vero in miraculis non omnes

omnes omnia dixerunt; sed alius hac, alius illa; ne ideo turberis: nam si unus omnia dixisset, superfluous esset reliquorum numerus; sin omnes diversa, & nova scripssissent, nullum suppeteret consonantia argumentum.

11 Varietas igitur & contradictio respiciens substantialia ea est, quæ tollit fidem testibus; secus autem, si varietas & discordia sit in accidentalibus. Ita Dec. in cap. *Licet causam*, num. 59. de probation. ubi ait: *Et hoc verum est, quando est contrarietas in facto principali; secus si sit in quibusdam accessoriis.* Et in nostra Canonizationis materia Auditores Rotæ in relatione S. Franciscæ Romanæ 3. part. in sexto miraculo §. *Et quævis*, in relatione S. Catharinæ de Ricciis part. 1. §. *penult.*, in relatione S. Pii V. miraculo primo ante mortem, in relatione S. Bonaventuræ part. 2. art. 4. in fin., in relatione S. Hyacinthi tit. de miraculis, vers. *Sed levem*, & in relatione S. Andreæ Corsini num. 234. apud Lezanam consult. 1. Nec ullo modo testes dicuntur contrarii, si unus referat aliquid, quod alius non refert: Coptelor. de Canoniz. SS. cap. 18. num. 13. Francf. variar. resol. cap. 26. num. 67. Auditores Rotæ in relatione S. Andreæ Corsini part. 3. §. 3. apud Lezanam consult. 1. num. 234. vers. *Unde*, & in relatione S. Terefiæ in 6. miraculo post obitum, vers. *De quo deponunt tres testes.* Contrarii vero sunt illi testes, quorum unus affirmat id quod negatur ab alio: Caccialup. in l. *Admonendi*, num. 91. ff. de iurejurando, Petra de fideicomm. quest. 12. num. 488. in fin., Joseph Ludovic. decif. Pernf. 9. num. 14. Rota coram Coccino decif. 1714. num. 2. Demum aliquando a Postulatoribus affertur dictum alicujus testis in processu examinati, qui ipsorum intentioni adversatur; ideoque a Fidei Promotore opponitur, nihil excipi posse adversus testem, quando producens ejus examen exhibuit, juxta adducta per Farinacc. de testib. quest. 62. num. 242. & seqq. Veruntamen, utcumque id sit, quod attinet ad Postulatores; certe, quod spectat ad Consultores sacræ Congregationis, si ipsi cognoverint, testem fuisse deceptum, & ejus dicto tot aliorum testium dicta prævalere debere, nil impedit, quin his deferant, non autem illi; quemadmodum bene prosequitur Farinacc. loc. cit. num. 252. & seqq.

C A P U T V I I I.

De historiis, quam scilicet probationem constituent in judicio Beatificationis & Canonizationis.

1 **M**ateria hæc de fide historiis, & chronicis præstanda in judicio Beatificationis & Canonizationis a plerisque Auctoribus sedulo pertractatur. Petrus Franciscus de Rubeis olim Fidei Promotor dissertationem exaravit de fide historiarum, quæ est typis impressa apud Mattam de Canoniz. SS. part. 4. cap. 24. dictusque Fidei Promotor in ea dissertatione num. 21. & seqq. concludit, Judicis arbitrio esse commit-

tendum,

tendum, an, & quæ fides historiis præstanda sit, perpenſis ab eo videlicet varietate, pondere, & auctoritate librorum, & Scriptorum, inſpecta fidei qualitate ſingulis ab antiquo per Majores noſtros adhibita, conſiderata communi Sapientum voce, & cenſura cuilibet quæſita, vel adempta, vel diminuta, libratique rerum, locorum, & temporum circumſtantiis. Pignatellus *conſult.* 42. tom. 4. hanc eandem quæſtionem pertractat, & num. 29. aſſerit, in rebus antiquiſſimis viventium memoriam excedentibus fidem eſſe Hiſtoricis adhibendam, ſi his antiquitas a Majoribus adhibita fuit; & hanc quidem regulam ſibi vindicare locum etiam in cauſis Beatificationis & Canonizationis. Contelorius *de Canoniz. SS. cap. 14. num. 13. & ſeq.* idem docet, quod ſupra ex Petro Francisco de Rubeis relatum eſt. Cardinalis de Lauræa in 3. ſent. tom. 4. diſput. 20. art. 25. §. 6. latiffime oſtendit, hiſtorias nec plene nec ſemiplene probare, ſive res ſit de virtutibus ſive de miraculis, ſed aliquatenus prodeſſe poſſe, ſi ceteris juridicis probationibus addantur. Sequitur eum Matthæucc. in *practica Theologo-Canon. ad cauſas Beatificat. & Canonizat. pertractandas tit. 3. cap. 6. §. 2.*; Mattea denique *de Canoniz. SS. part. 4. cap. 24. num. 48.* inquit, non poſſe poſt decreta Urbani VIII. in quibus ſtatuitur modus & forma examinandi teſtes ſub interrogatoriis Fidei Promotoris, virtutes & miracula probari reſpectu Canonizationis per hiſtorias.

2 Ut eo autem quo decet ordine procedamus, in cauſis Beatificationis & Canonizationis, præter teſtes ad normam juris examinatos, ſæpius aſſeruntur Hiſtorici. Aſſeruntur autem, vel ad comprobandam famam ſanctitatis aut Martyrii, quando cauſe introducuntur, vel quando agitur de probanda fama ſanctitatis per proceſſum Apoſtolicum. Nec in his opus eſt immorari: cum ea quæ pertinent ad prædicta judicia, jam alibi fuerint explicata, & ea quæ ſorte fuerint ibi omiſſa, loquendo de Hiſtoricis, ſuppleri poſſint ex his quæ modo exponuntur. Frequenter autem contingit, ut in judicio ſuper miraculis, ſuper virtutibus ſingulis, & ſuper Martyrio teſtimonia proferantur Hiſtoricorum; & ad hanc facti ſpeciem pertinent ea quæ mox aſſeruntur. Porro regula generalis ſit, in nullo caſu miracula probari poſſe per ſolas hiſtorias & chronica: item virtutes & Martyrium, juxta modum mox explicandum, conſimilibus monumentis probari poſſe in cauſis procedentibus per viam caſus excepti, vel in cauſis in quibus propter temporis antiquitatem teſtes de viſu haberi non potuerunt, & locus eſt probationi ſubſidiariæ: rurfus virtutes & Martyrium nullo modo probari poſſe per hiſtorias in cauſis procedentibus per viam non cultus, & in quibus probationes directæ ſunt neceſſariæ: demum tam in his cauſis, quam univerſim quando agitur de miraculis, Hiſtoricos neceſſariis qualitatibus polientes, & concordantes cum teſtibus de viſu, vim habere validi adminiculi.

3 Quod autem in nullo caſu miracula probari poſſint per ſolas hiſtorias & chronica, facile demonſtratur. In ſuperioribus enim viſum eſt, mira-

miracula probanda esse per testes contestes de visu, ubi Historici ut plurimum sunt testes de auditu. Si vero Historicus tanquam testis de visu miraculum referret patratum intercessione Servi Dei, vel Beati, nec ipse solus, sed alius etiam Historicus simili modo rem exponeret, vim tamen probationis in his judiciis habere non possent; cum ex alibi dictis testes etiam de visu, ut probent, debeant juramento quidquid referunt firmare. Insuper si Historici de visu & adhibito juramento testarentur, quod tamen non ita facile accidit, adhuc probatio in eorum dictis constitui non posset; cum præter juramentum, necesse sit, ut testes interrogentur, & in responsionibus satisfaciant interrogatoriis fidei Promotoris: qua ex re nemo est qui non videat quam magnum derivetur in testium veracitatem præsidium.

4. Quod virtutes & Martyrium per historias & chronica probari valeant, si agatur de causis procedentibus per viam casus excepti, vel de causis antiquis in quibus propter temporis antiquitatem testes de visu haberi non potuerunt, facile dignoscitur. In causis quippe prædictis sit locus probationi subsidiariæ, & in linea probationis subsidiariæ suum sibi videntur locum vindicare debere historiæ & historica monumenta. Additum fuit in superioribus, virtutes & Martyrium in causis, de quibus modo fermo habuit est, historicis monumentis comprobari, sed juxta modum explicandum. Hunc autem modum aperientes dicimus, juxta præxim Sedis Apostolicæ testes de auditu, & de publica voce & fama Historicis jungendos esse, ut virtutes & Martyrium probata dici possint ad effectum formalis Beatificationis in causis antiquis procedentibus per viam non cultus, vel ad effectum solemnem Canonizationis in causis procedentibus per viam casus excepti. Ut enim alibi visum est, expediuntur a Sede Apostolica litteræ compulsoriales & remissoriales; compulsoriales, ut in processum inferantur historica monumenta; remissoriales, ut testes de auditu examinentur, & de publica voce & fama asserentes: ut ex Historicis, & testibus insimul ponderatis tutum ferri valeat judicium de virtutibus aut Martyrio. Magna quæstio fuit inter Socios Bollandianos, & Monachos Benedictinæ Congregationis S. Mauri, utrum in notionibus chronologicis major fides præstanda esset diplomatibus, an Historicis: & tandem conclusum fuit, ea in re majorem fidem esse adhibendam diplomatibus, quam Historicis, etsi cœvis & a mendacio alienissimis. Legi potest Pater Marquardus Herrcott tom. 1. *Genealogia diplomatica Augusta Gentis Habsburgicæ prælogum*. 1. num. 4. & 5. Porro si quæstio excitaretur, num in re de qua nunc agitur, validior probatio statuenda sit in probatis Historicis, an in probatis testibus de auditu, & de publica voce & fama, ea forte definiri posset respondendo, probatos Historicos, & probatos testes de auditu æqualem constituere probationem, dummodo testes de auditu causam scientiæ reponant in communi & continuata fama a suis Majoribus fide dignis ad ipsos transmissa. Quod si scientiæ causam constituerint in

iis quæ in historiis legerunt, uti sæpe contingit, major vis probationis stabit pro Historicis; & testes vel validi adminiculi vices, vel inferioris probationis efficaciam obtinebunt.

5 Virtutes deinde & Martyrium nullo modo probari posse per historias in causis procedentibus per viam non cultus, & in quibus probationes directæ sunt necessariæ, demonstratur. Si etenim necessariæ sunt probationes directæ, idoneæ non sunt subsidiariæ, quæ constituuntur in Historicis, juxta ea quæ supra dicta sunt, cum ageremus de miraculis.

6 Denique si Historici necessariis qualitibus polleant, & concordent cum testibus de visu, eos vim habere validi adminiculi, sive agatur de miraculis, sive de virtutibus, & Martyrio, in causis in quibus probationes directæ sunt necessariæ, admittitur ab omnibus: & sæpe praxis sacræ Congregationis, quæ, expediendo litteras remissoriales, compulsores etiam expedire consuevit; quæ ad id profunt, ut ex archivis & historiis monumenta & particule ad rem facientes extrahantur, & in processum inferantur; quod utique superfluum esset, si monumenta historica vim & efficaciam saltem adminiculi habere non deberent. Aptè quoque Melchior Canus de loc. Theolog. lib. 11. cap. 4. *Historici graves ac fide digni, quales nonnulli sine dubio & in Ecclesiasticis & in secularibus fuere, probabile argumentum Theologo suppeditant cum ad ea quæ sua sunt, corroboranda, tum ad falsas adversariorum opiniones refellendas.* Et in fine: *Historia nimirum, etsi, ut Quintilianus ait, scripta est non ad probandum, sed ad narrandum, aliquid tamen sine dubio probat, probabiliter sere: nam aliquando etiam necessarie.*

7 Attamen in Historicis legendis admittendisquæ ad vim probationis vel adminiculi singulari delectu opus est, ne aut statim fides adhibeatur, aut statim adimatur, aut nimium differatur. Nam ut idem ait Canus loc. cit. *Uterque igitur, & qui cito credit, & qui ad credendum nimium est tardus, jure reprehenditur.* Cum eo concordat Joannes Bodinus de method. histor. cap. 4. *Ut igitur ab historiis rerum veritas habeatur, singulari non modo Scriptorum delectu, sed etiam in iis legendis illud meminisse debemus, quod ab Aristotele sapienter dictum est, in historia legenda, neque nimis credulum, neque plane incredulum esse oportere; nam si omnia omnibus assentiamur, sæpe vera pro falsis habebimus.* Nonnullæ autem inveniuntur historie Sanctorum gesta referentes, scriptæ ab his qui eorum facta a veris fontibus non hauserunt, ut est apud Gevvaldum de Septemviro, sive de Elect. cap. 7. n. 2. *Scripterunt pro more suorum temporum communiter recepto, & in monasteriis constituti, atque a Foro Civili; popularique conversatione longius remoti, non quæ viderant, ac quibus coram interfuerant, sed quæ rumor & fama vulgi anceps illis suppeditabat, in commentariis suos retulerunt.* Quapropter Canus lib. 11. cap. 6. pag. 317. *afferre non dubitavit, integrius & incorruptius vitas Imperatorum ab Historicis Gentium, quam a nostris vitas Martyrum & Confessorum fuisse descriptas: Dolenter hoc dico potius, quam contumeliose, multo a Laertio severius vitas Philosophorum scriptas, quam a Christianis vitas Sanctorum, longeque*

Tom. III.

L

incor-

incompactis & integris Suetonium res Caesarum exposuisse, quam exposuerint Catholici, non res dico Imperatorum, sed Martyrum, Virginum, & Confessorum. Illi enim in probis aut Philosophis, aut Principibus nec vitia, nec suspensiones vitiorum tacent, in improbis vero etiam colores virtutum produunt. Nostri autem plerique vel affectibus inserviunt, vel de industria quoque ita multa confingunt, ut eorum me nimirum non solum pudeat, sed etiam tadeat: & Ludovicus Vives lib. 2. de causis corruptarum artium pag. 371. sic de eadem re conqueritur: Ob quam pudendum est nobis Christianis, non esse praestantissimos nostrorum Divorum Actus verius & accuratius memoria mandatos sive ad cognitionem, sive ad imitationem tantae virtutis! Hac de causa nonnulla in praesenti exponenda sunt, ut memoratus Historicorum delectus ob oculos habeatur.

8 Quatuor itaque sunt gradus Historicorum: primus scilicet eorum, qui ea, quibus interfuerunt, quaeque geri viderunt, litteris tradiderunt; qua ratione Possidius Episcopus S. Augustini vitam didicit & scripsit. Etsi Joannes Clericus homo heterodoxus tom. 12. in append. ad oper. S. Augustini pag. 621. vitam sancti Doctoris scriptam a S. Possidio insinuat, quasi in Augustini exponendis gestis aliquid gratiae dederit & amicitiae. Verum calumniam ipsam strenue repellit Joannes Salinas Canonicus Regularis Lateranensis nuper bonorum omnium mœore vita functus in praefat. ad vitam S. Doctoris scriptam a S. Possidio, quam notis illustravit. Secundus gradus est eorum, qui non viderunt ea quae narrant, sed ab iis acceperunt, qui viderunt; qua ratione S. Bonaventura composuit vitam S. Francisci, & S. Hieronymus S. Hilarionis. Tertius gradus est eorum, qui referunt ea quae non viderunt, nec audiverunt ab iis qui viderunt, sed ab iis, quibus qui viderant, narraverunt; ad quod genus multa pertinent ex iis, quae referunt Joannes Moscus in prato spirituali, S. Gregorius in dial. gis, Ven. Beda in historia Anglicana. Quartus tandem gradus est eorum, qui ex historiis conditionis & gradus modo explicati monumenta quae edunt, collegerunt. Porro Joannes Bollandus in praefat. general. in vitas SS. tom. 1. Januarii cap. 3. §. 1. post enumeratos praedictos gradus Historicorum inquit: *Ex hi quidem omnes fidem merentur, si sunt viri boni, si prudentes, si pura eorum minimeque adulterata Scripta sint; repetitque id ipsum in praefat. ad vitas SS. tom. 1. Februarii cap. 1. ubi addit, nonnullas etiam reperiri Sanctorum historias ex fama a Majoribus accepta, aut vulgaribus monumentis nec satis certis collectas, quas inquit se non respuere omnino, sed examinare & ad authenticarum historiarum calculos expendere.*

9 Primum tamen fidei & auctoritatis pondus profecto debetur Historicis, qui res scripserunt, quibus interfuerunt, vel quas ab eis qui viderant, audiverunt, dummodo Historici ipsi probi fuerint prudentesque, & ideo fide digni. Beatus Theodoretus in historia Religiosa hæc habet in praefat. histor. SS. Patrum: *Ex iis porro, quae dicenda sunt aliqua ipse vidi; quæ autem non vidi, ab iis auctoribus qui viderant, viris virtutis amantibus, dignisque habitis, qui illos viderent, & eorum doctrina fruerentur. Fide autem domini*

Euan-

Evangelica doctrina Scriptores sunt non solum Matthaeus & Iohannes primi & magni Evangelistae, qui Domini videre miracula; sed etiam Lucas & Marcus, quos qui ab initio viderant, & verbi ministri fuerant, non ea modo qua passus est & qua fecit Dominus, sed ea etiam qua assidue docuit, accurate docuerunt. Nam & Beatus ipse Lucas qui spectator non fuerat, in principio operis sui dicit, se ea narrare, de quibus certior factus sit; & nos licet audiamus eum illa non vidisse qua narrat, sed hanc doctrinam ab aliis accepisse, non minus illi & Marcus credimus, quam Matthaeo & Iohanni. Fidem enim dum narrant merentur ambo, ut ab iis edicti qui viderant. Quare nos quoque narrabimus ea, qua partim ipsi vidimus, partim iis qui viderant, eorumque vitam imitabantur, narratibus credidimus. De his autem ideo pluribus verbis disserui, ut me vera narraturum persuaderem. Hinc vero deinceps narrare incipiam. Cardinalis Baronius ad ann. 34. n. 173. sic ait: Non parum certe interest in veritate historica disquirenda, Auctorem qui res gestas scripserunt, quo vixerint tempore . . . habere rationem, potissimumque, si huiusmodi Scriptores rerum perscrutari, ac eorum aetate edictarum pietatem & virtutem cum doctrina & veritate conjungerint. Concordat Canus de locis Theolog. loc. cit. Prima lex ex hominum probitate integritateque sumitur. Qua omnino res locum habet, cum, qua narrant Historici, ea vel ipsi se vidisse testantur, vel ab his qui viderunt, accepisse . . . Magnis quippe praeclarisque virtutibus viri sanctissimi atque optimi id consequi meruerunt, ut in rebus ejusmodi, quas vel spectasse se, vel ab aliis fide dignis qui spectarint, se audisse testati sint, fides omnino illis habeatur. Adhaeret Mabillonius de stud. Monast. part. 2. cap. 8. num. 10. Hinc spectat ea triplex regula, quam Melchior Canus ibidem trahit ad judicandum inter Historicos, ut meliores a ceteris discernantur. Prima est ingenua quadam probitas, ex qua illi impotentes finit ad hominem aliquando sponte fallendum, asseverando nempe, gestum aliquod se vidisse vel intellexisse, quod tamen ipsosmet penitus lateat. Qua virtus non modo in sanctis piisque viris emicat, verum & in cunctis, qui cordis sinceritatem animique candorem juxta profiteri gloriantur . . . Secunda regula, quam affert Melchior Canus, est, Auctores potiori lumine ingenique maturitate praeditos iis omnibus praeferebant esse, in quibus dotes istae desiderantur. Enimvero satis non est nolle mentiri, sed insuper maturo judicio & exacta prudentia opus est, ut ad amissam res ponderentur, ne unquam decipi contingat, neve levi corde credatur, aut calamo excutetur, quidquid semel exaudiri in mentem venerit. His subscribit Fortunatus Scacchus de not. & sign. sanctit. sect. 11. cap. 6. pag. 877. Attendendum quoque in Historico, an sui temporis, an vero praeiteriti & antiquioris saeculi historiam scribat; plus enim auctoritatis habebit, qui sui temporis res gestas referet: nam qua aetate sunt, dum Auctor vivebat, cognoscere ipse & perquirere diligentissime potuit; qua vero illius aetate praecesserunt, non nisi aliorum vel scripto vel relatione, (quibus saepe judicium, aut sinceritas deest) perdisceit: quod argumentum latius prosequitur pag. 880. & 881. Quare S. Maruthas Episcopus Tagritensis, qui claruit circa finem saeculi 14. (tom. 1. Bibliotheca Orientalis, summo studio & eruditione collectae a docto viro Alsemano)

describens historiam Martyrum sub Sapore coronatorum, ut ei fidem conciliet, inquit pag. 183.: *Quidam sunt, qui temporibus nostris Martyrium consummarunt, quosque nos ipsi vidimus; alii vero aetatem quidem nostram antecessere, quorum tamen accuratam historiam ex ore senum Episcoporum, ac Presbyterorum summa fide dignorum accepimus, quippe qui aequales illis fuisse, rerumque ab eis gestarum spectatores. Quia vero quæri potest, quinam habendi sint pro viris, seu Historicis integris, prudentibus, & fide dignis; cum hæc qualitas etiam sit necessaria, ut, quamvis scribant, quæ viderunt, aut quæ ab his qui viderant, audiverunt, pondus auctoritatis habere valeant, respondet Canus ib. c. 6. Scriptoris autem probitas & integritas (nam hoc quæret aliquis) in his, qui olim fuerunt, licet aliquando in scriptis ipsis eluceat, sed fama, & gravi atque frequenti præteritorum hominum testimonio cognoscitur: quem sequitur Langlet in method. histor. stud. cap. 18. §. 3. ubi observat, non alia de causa magnum auctoritatis pondus sibi vindicare historias Thucydidis, Xenophontis, Cæsaris, & Sallustii, Haberi autem non poterit tanquam prædictis qualitibus pollens Historicus, qui scribit ea quæ favent Parti, cui ipse nimis addictus est; uti late prosequitur Bollandus in præfat. ad Acta Januar. cap. 3. Ad quod facit & illud S. Hieronymi in epistola ad Salvianum tom. 1. n. 4.: Ex quo colligitur, fidele esse testimonium, quod causas non habet mentiendi. Plura insuper ad hoc argumentum collecta videri possunt apud Theophilum Raynaudum oper. tom. 14. de ortu insanitum per sectionem Cæsaream pag. 246. sub num. 4. Mabillonius etiam loc. cit. num. 1. sic loquitur: In primis itaque opera pretium est, Auctoris doctes sedulo perpendere, num scilicet idoneus sit ac sincerus; quo fine & ratione ad scribendum ductus fuerit; an aliquorum factioni aut sectæ adhareat; & num. 2. notat, aliquando fieri posse, ut Auctoris non contemporalis historia præeratur historiæ contemporalis; si hic videlicet fuerit negligens, rerum inscius, assentatione aliqua, aut proprii commodi spe illectus; ille vero maturitate & prudentia ornatus, seriisque monumentis innixus suam historiam ediderit. Resumi quoque poterunt ea quæ in 2. libro cap. 41. & cap. 42. dicta sunt de fide historiarum, dum agebatur de iudicio famæ sanctitatis in genere, & alia pariter huc traduci possunt, quæ infra adducentur, cum sermo instituetur de lectionibus propriis concedendis a sacrorum rituum Congregatione in honorem Sanctorum. Concordat Andreas Bosius in introduct. ad notitiam Scriptor. Ecclesiastic. cap. 5. num. 21. Nemo Scriptores Ecclesiasticos recte leget, laudabit, resellet, interpretabitur, & in usum transferet, nisi qui noverit, quo singuli tempore, locoque, qua conditione vixerint, cui sectæ ac viti insinuatæ addicti fuerint, qua occasione, quo proposito, quo doctrinæ apparatus instructi, quo tempore, locoque sua exaraverint.*

10 Dictum est, primum fidei & auctoritatis pondus deberi Historicis, qui res scripserunt, quibus interfuerunt, vel quas ab eis qui viderant, audiverunt, dummodo tamen Historici ipsi probi fuerint prudentesque, & ideo fide digni; sed addi debet, in hoc primo fidei & auctoritatis

ritatis pondere plus primis, quam secundis esse deferendum; quemadmodum late offendit Pater Honoratus a Sancta Maria in *animadvers. super regul. & uf. Critic. dissert. 7. art. 9. pag. 612. & seqq. tom. 1.* Quod autem attinet ad alios Historicorum gradus, cum in tertio constituti fuerint, qui referunt ea, quæ non viderunt, nec audiverunt ab his qui viderunt, sed ab iis, quibus, qui viderant, narraverunt, licet de his quoque Bollandus asserat, quod fidem merentur, si sint viri boni & prudentes; nemo tamen est qui non videat, non posse eis tantum deferri, quantum diximus esse deferendum Historicis, qui vel scripserunt ea quæ viderunt, vel ea scripserunt quæ audiverunt ab his, qui viderant. Quoad ceteros vero Historicos scribentes ea quæ legerunt in præcedentium temporum historiis, eorum auctoritas penitet ab aliorum auctoritate; si etenim res, quas scribunt, hauserunt ab Historicis qui viderunt, si ab aliis, qui scripserunt, quæ audiverunt ab his qui viderant, si a ceteris, qui audiverunt ab his, qui item audiverant ab iis qui viderant, tanta erit horum Scriptorum auctoritas, quanta erit illorum, a quibus sua scripta sumpserunt. Facit ad rem celebre illud dictum Cardinalis Baronii in apparatu ad annales: *Quod in recentiore Auctore de rebus antiquis sine alienius vetustioris testimonio profertur, contemnitur*. Proinde apte subdit Fortunatus Scacchus de nos. & sign. sanctis. sect. 11. cap. 6. pag. 880. *Dices, fidem ealibus Historicis adhibendam esse, quia referunt ea quæ scripta repperunt in aliis Historicis. Ad quod respondes, fidem illis adhibendam quidem, verum non quia ipsi ita scripserunt, sed ex auctoritate vetustioris, a quo acceperunt; qui demum cuius meriti ac fama, quaque fide dignus sit, serio considerandum: qua de causa Auctor posterior anteriorem Auctorem referre debet, a quo ille acceperit; quin etiam referre loca & verba, ut, fideliter observasse doctissimum Baronium in annalibus suis, videre licet. Qui vero Acta veterum piorum virorum aliter scripserit, nullius ponderis, aut momenti censetur in re, de qua agimus. Quod debet etiam sibi vindicare locum, quamvis non unus, sed plures Historici in quarto gradu constituti in una eademque re describenda concordent, teste Cardinali Baronio ad ann. 1125. n. 12. Certe quidem non numero Historicorum veritatem historie consuevimus estimare, sed quanta fide polleat primus Auctor cujuslibet assertionis. Nam, reliquos primum sequi Auctorem, & ejus vestigiis inharere, frequentiori usu in more positum reperimus. Adde illa, quæ habentur apud Mabillonium de stud. monast. part. 2. cap. 8. num. 7. Iner relationum varietates cavendum est, ne ab uberiori duntaxat Auctorum copia alliciamur, sed potius ab ipsorum merito & gravitate; multociens enim fit, ut gravis, periculi, atque sinceri Scripseris auctoritas centum aliorum minoris fidei testimonio sit præferenda, qui nimirum absque matura discussione, ac diligenti rerum examine sibi succedentes subscripsere. Adde etiam Dominum Langlet in metod. stud. histor. cap. 19. regul. 6. Supra relatum Baronii axioma desumptum ex apparatu ad annales nonnulli sic interpretati sunt & intellexerunt, ut videlicet sibi vindicaret locum, si maxima intercedat temporum distantia inter recentiorem Auctorem, & factum*

ctum ab ipso narratum : puta , si aliquis recentior sine testimonio alicujus vetustioris aliquid referret pertinens ad Assyrios , Macedonas , aut Romanos . Ita habetur in secunda defensione Pandectarum Pisanarum lib. 2. cap. ult. At id strenue impugnatur tum ratione , tum exemplis ex eodem Cardinali Baronio depromptis in examine historiæ Pandectarum Pisanarum part. 4. cap. 7. Quocirca prædictum Baronii axioma admittendum est , quoties recentior factum narret sine testimonio vetustioris , etiamsi factum narratum ad tempora adeo remota non pertineat . Conringius in iterata dissertatione de jure coronandi tom. 1. pag. 677. inquit de Scriptoris recentioribus : *Eorum auctoritas non majorem illi narrationi fidem facit , quam ille meretur , a quo eam habent . Neque enim in assertione quadam historica probanda numerus testium recentiorum , qui antiquiorem alium non adducunt , quidquam confert ; sed ad eos semper respiciendum est , qui avari illi , quæ res factæ esse dicitur , fuisse quamproximi .* Et præclare Papirius Massonius inter Scriptores Hist. Franc. collect. ab Andrea du Chesne tom. 1. in historia calamitatum Gallia subdit pag. 109. & seq. : *Utrum autem credere antiquioribus Historicis oporteat , potius quam recentioribus , id nullam dubitationem habet , nec unquam habuit . Etenim historiæ Scriptores , qui propterea sunt temporis rerum gestarum , veriores debent videri . Nondum enim mendacis , fabulisque anilibus , quas per otium vulgus fingit , locus esse potest , quibus fidem affert apud posteros sola diuturnitas lapsusque temporis , non modò profana , sed sacra etiam inficiens .*

11 Omittimus verba facere de eo Historicorum gradu a Bollandò insuper addito , qui Sanctorum historias scribunt ex fama a Majoribus accepta : non quia , quascumque traditiones humanas respuendas esse , censeamus , etiamsi vigeant in aliquo particulari loco ; poterit enim earum usus in aliquo haberi pretio , si ipsarum examen præcedat , & si probi Auctores easdem testentur : quare Launojus ipse , qui huic probationi insensibilissimus est , in appendice ad dissert. de argumento negativo tandem concludit : *Docemur , adhibendam non esse fidem Historico narranti , quæ nec vidis , nec audivit , nec ab aliis omnino Scriptoris aequalibus vel superioribus , aut ab alio traditionis monumento accepit : sed quia ad rem de qua nunc agimus , vix prodesse possunt , ut ex infra dicendis desumetur , cum probabilitate quidem non careant , sed vim concludentis probationis non habeant ; veluti animadvertit P. Honoratus a Sancta Maria tom. 1. cit. oper. dissert. 7. pag. 619.*

12 In dubio igitur Martyrii aut virtutum in specie , si agatur de causis precedentibus per viam non cultus , & in quibus non est locus subditiæ probationi , cum probatio constituenda sit in testibus de visu contentibus , Historici probi & integri , quamvis scripserint ea quæ viderunt , vel quæ audiverunt ab his qui viderant , vim probationis habere non poterunt , sed tantum adminiculi , majoris tamen aut minoris , juxta regulam auctoritatis ipsis præstandæ ex iis quæ in superioribus dicta sunt . Scacchus de not. & sign. sanctis. sect. 11. cap. 6. pag. 882. hæc habet : *Si vero contemporanei*

ranei extiterint omnes qui ejusdem Acta conscripserunt, ex ipsis haurietur aliquod indicium sanctitatis ad eum, quem diximus, effectum, quia ex fama communi sanctitatis aliquod sumitur indicium ad effectum Beatificationis & Canonizationis alicujus. Ex diversis autem ac pluribus Historicis Catholicis Servo Dei contemporaneis, diversarum presertim gentium, provinciarum, ac nationum, indicium vehemens de fama virtutum & Actuum illius colligitur, quia fama consurgit ex diversorum dictis, qui credant, verum esse quod affirmant; quemadmodum non est dubium credidisse Historicos, qui illud etiam scripto ad posteros transmittunt. Diximus vero, ex predictis historiis aliquod sumi indicium sanctitatis, quia ex dictis spontaneis testium non citatorum, nec legitime interrogatorum non sumitur nisi indicium, ut Index procedat per modum inquisitionis in aliqua causa. Inquisitione namque innititur conjecturis & Indiciis, non vero certitudini de aliqua re. Cui quidem assumpto favet etiam praxis sacre Congregationis: passim etenim eidem a Postulatoribus exhibentur una cum testibus examinatis Historicorum relationes, quæ cum eis concordant; quas Consultores admittunt, non in linea probationis, sed in linea adminiculi.

13 Si agatur de causis procedentibus per viam casus excepti, vel in quibus propter temporis antiquitatem (juxta alibi dicta) sit locus probationi per testes de auditu, quando pariter disputatur dubium de virtutibus aut Martyrio in specie, ubi passim probationes subsidiarie admittuntur, si Historici debent vim probationis obtinere, ita ut probatio nedum in dictis testium de auditu asserentibus, sed etiam in Historicis ipsis constituenda sit; oportere videtur, ut non modo sint probi, prudentes, & fide digni, verum etiam ut referant ea, vel quæ propriis oculis viderunt, vel quæ ab iis qui viderant, audiverunt. Si etenim suppleant vicem testium de visu, infertur, debere prædictis qualitatibus esse præditos. Porro, quæcumque certior evidentia haberi possit in hoc judicio, utpote gravissimo, exposcitur; nec in rebus tanti momenti specialia multiplicari debent: speciale siquidem est, ut testes de auditu & Historici vim sufficientis probationis obtineant; cui nempe specialitati alia addenda non est, Historicos videlicet sufficienter probare, quamvis non sint contemporanei, & quamvis scripserint ea quæ non viderunt, nec ab his qui viderant, audiverunt.

14 Id comprobatur exemplis causarum Canonizationis, quæ processerunt per viam casus excepti, in quibus facta est virtutum approbatio, ex testibus de auditu & Historicis. In causa quippe S. Joannis de Capistrano post approbatum casum exceptum a decretis Urbani, cum formiter assumptum fuit dubium de virtutibus, Historici pro eis comprobandis allati fuerunt quatuor socii dicti Sancti, qui ejus vitam distincte conscripserant; Frater videlicet Nicolaus de Fara, qui in fine operis hæc habet: *Accipe itaque, Pater Sanctissime, hanc, seu qualemcumque laudationem, quam comes quondam tui itineris Nicolaus in tuorum clarissimorum gestarum memoriam* *sudis.* Fr. Hieronymus de Utino, Fr. Christophorus de Valiño, & Fr. Petrus de

trus de Sopronio, qui vitam a Fr. Christophoro conscriptam approbavit: quibus etiam additi fuerunt alii Auctores gravissimi contemporales, qui ejusdem S. Joannis magna cum laude meminerunt, Pius scilicet Papa II., S. Antoninus Archiepiscopus Florentinus, Flavius Blondus, & alii.

15 In causa S. Catharinæ de Bononia post approbatum casum exceptum, propositum similiter fuit examini dubium de virtutibus, & præter testes de auditu potissimum fundamentum constitutum fuit in ejus vita scripta a Sorore Illuminata de Bembis, quæ titulo Beatæ illustratur in Martyrologio Franciscano Arturi. Fuit autem prædicta Soror Illuminata testis de visu eorum quæ scribebat, ut ex sequentibus ejus verbis defumitur: *Al nome del nostro eterno e glorioso Iddio, e del Serafico Padre nostro S. Francesco, e della sua pianta vergine madre nostra Santa Chiara gloriosa insieme con la Beata Catarina da Bologna, per lo cui dolce amore ho preso questo voler' a scrivere, e notare quello che colli miei occhi meritai vedere negli anni miei vissi, e con lei conversata con ogni verità e certezza, tanto breve, quanto a me sarà possibile.* Additi fuerunt Azzoguidus, Savonarola, Sabatinus, & Palæotus, qui ejusdem Sanctæ vitam exacte conscripserunt intra quinquagesimum annum ab ejus obitu, & ea quidem scripserunt, quæ ab his saltem qui viderant, audiverunt; præterquamquod scriptis mandarunt ea, quæ effecta sunt in civitate Bononiæ, in qua ipsi habitabant.

16 In causa item S. Peregrini Latioli, approbato casu excepto, testes fuerunt exhibiti de auditu afferentes in dubio subinde disputato de virtutibus. Probatio autem historica innixa fuit contemporali gravissimo Auctori, Fratri videlicet Vitali de Avanziis, qui a Clemente VI. erectus in Priorem Generalem sui Ordinis Servorum, ab Innocentio VI. Nuntius Apostolicus ad Regem Hungariæ, deinde ad Sultanum Ægypti ablegatus, ab Urbano demum V. promoveri meruit ad Insulas Asculanam, & Theatinam. Cui contemporali Auctori nedum alii gravissimi Historici fuerunt additi, sed cum eo etiam concordare repertus est in fideli gestorum S. Peregrini enarratione Fr. Nicolaus de Pistorio, qui post annos triginta novem ab obitu dicti Beati vitam ipsius conscripsit.

17 In causa S. Agnetis de Monte Poliziano post approbatum casum exceptum a decretis Urbani VIII., assumpta pariter disputatione super virtutibus, præter illustria testimonia de ejus sanctitate tum S. Catharinæ Senensis, tum S. Antonini Archiepiscopi Florentini, producta fuit historia ejus vitæ conscripta a Raymundo Capuano. Sancta scilicet Agnes mortua est anno 1317., historia autem ejus vitæ conscripta fuit a Raymundo Capuano circa annum 1340. ut indicat Jacobus Echard Ordinis Prædicatorum tom. 1. *Scriptor. ejusdem Ordinis pag. 680.* atque adnotarunt Bollandiani tom. 2. *Aprilis, ad diem 20. ejusdem mensis pag. 791.* Raymundus ille Beatus a nonnullis appellatur: at, utcumque id sit, vir utique fuit eximiis animi dotibus præditus, cum ad Generalatum sui Ordinis fuerit deinde assumptus, & Confessarius fuerit S. Catharinæ Senensis, cujus etiam

etiam vitam conscripfit, quæ causæ Canonizationis ipsius non parum profuit. Quocirca Rutilius Gallicinus Profecretarius Congregationis sacrorum rituum tempore Clementis VIII. & intimus familiaris Cardinalis Gesualdi tunc ejusdem sacræ Congregationis Præfetti in relatione omnium gestorum super approbatione lectionum propriarum pro Officio tunc Beatæ, nunc Sanctæ Agnetis, inquit, eas desumptas fuisse ex vita scripta a Raymundo Capuano, de quo deinde sic loquitur: *Is fuit Capuanus ejusdem Ordinis Professor & Magister Ordinis vigesimus quartus, vir scientia & religione clarus, quo curante, Ordo Dominicanus ad observantiam Regularem anno 1389. revocatus est: de quo licet alia multa ad ejus laudem commemorari nunc possent, illud tamen hoc loco dixisse satis fuerit, quod ex tot sanctis Patribus, qui in eodem Ordine tum maxime florebant, potissimum sit ipse electus a sanctissima Virgine Catharina Senensi, cujus Confessiones audires, cujus etiam postea vitam conscripsit. Porro Historicus hic a testibus de visu, & monumentis aptis gesta Agnetis desumpsit, ut ipse testatur his verbis: Et, ut fides adhibeatur dicendis, noverit lector quicumque, quod, quidquid inferius inferretur, fuit mihi aut a videntibus ejus magnalia, & ab ipsismet audientibus fideliter & perfecte relatum, aut in scriptis inveniri per manus Notariorum Imperialium, vel Religiosorum fidelium cum testium inscriptione probatum.*

18 In causâ Beatæ (nunc Sanctæ) Julianæ de Falconeriis post approbatum casum exceptum, transitus eodem modo factus est ad discussionem virtutum. Testes itaque de auditu in processibus examinati sacræ Congregationi fuerunt exhibiti, extractumque fuit ab archivo monasterii SS. Annuntiationis Florentinæ antiquum & celebre monumentum; conscriptum decem & octo diebus post obitum Beatæ, in quo mirabile refertur prodigium in ejus morte factum. Cum enim causâ vomitus sacram recipere non posset Eucharistiam, & a Fr. Jacobo ejus Confessario impetrasset, ut eam ad se deferret, non ut reciperet, sed ut adoraret, admoda pectori sacratissima Hostia amplius visa non est, mortuæque Beata, Hostiæ signum in ejus pectore inventum est una cum signo Crucis. Quod quidem prodigium simul cum relatione ceterarum virtutum Beatæ repertum fuit in monumentis quoque Fr. Nicolai Ordinis Servorum Pistoriensis, qui ea scilicet exaravit uno & quadraginta annis post obitum Beatæ; nec alii graves defuerunt Historici eam rem comprobantes.

19 In causâ porro S. Joannis Nepomuceni, approbato casu excepto a decretis Urbani, disputatum fuit dubium de Martyrio & causâ Martyrii: quamobrem allati sunt testes de auditu, nec defuerunt Scriptores contemporanei, opus videlicet manuscriptum ex archivo Metropolitanæ ecclesiæ Pragensis. Facta autem characteris recognitione, deerat nomen Auctoris. Sed, cum ageretur de chronico libro, res memorabiles ad prædictæ Metropolitanæ Capitulum pertinentes diarii instar enarrantes; quodque notatu dignum erat, cum scriptum fuisset, vivente adhuc VVenceslao, qui Joannem vita privavit, eo quia revelare noluit sacramentalem

Confessionem Reginae uxoris dicti VVenceslai, nominis defectus a me tanquam Fidei Promotore oppositus manuscripti codicis auctoritatem non infirmavit. Joannis quoque Martyrium distincte narratum fuit ab aliis Historicis, signanter vero a VVenceslao Hallecio, qui, licet historiam typis ediderit anno 1591. & ideo non fuerit Sancto contemporaneus, eam tamen collegit ex antiquioribus & incorruptis monumentis, adhibito judicio & correctione trium illustrium virorum mandato Ferdinandi I. Imperatoris & Regis Bohemiae, ut ipse Hallecius perspicue declarat in libri dedicatione eidem Ferdinando Regi facta. Vitae demum S. Joannis conscriptae a P. Balbino Presbytero Societatis Jesu, typisque impressae anno 1670. magna habita fuit consideratio tum propter singularem ejus eruditionem & historicae antiquitatis peritiam, quam meritis laudibus prosequantur Bollandiani tom. 3. *Maji ad diem 16. pag. 668.* tum quia in prologo refert, se historiam desumpsisse ex testimoniis virorum, qui S. Joanni fuerunt contemporanei: *Ac nihil ego quidem dubitem, tanti Martyris vitam pridem conscripsam in antiquitate fuisse; ac Harersis, quae B. Joannis mortem paulo post euepsit, iisdem flammis, quibus templa & conobia omnia apud nos considerant, corripisse videntur. Quae igitur de B. Martyre afferimus, in manuscriptis plurimis ex aetate viventium hominum (quorum mihi supposita copia) tum in typis expressis codicibus reperta, & in unum summa fide & religione collecta, non tam diligentia cunctis meae, quam felicitati, quod inventa sint, adscribantur.* In superioribus quippe jam visum est, majorem quandoque auctoritatem sibi conciliare historiam non contemporaneam, quam contemporaneam, si illius Auctor vetera pervolverit monumenta, quae hujus Scriptorem latebant; quemadmodum praeter ibidem adducta ponderat Bollandus in *praefat. ad tom. 1. Februar. cap. 2.* *Habet prior quidem Scriptor antiquitatis prerogativam, in qua res inest magna, ut qua narrat, credibilia videntur; alter tamen, etsi saeculo suo ulteriore posterior, plura potest vetera documenta examinasse, & adjuncta rei gestae certius explorasse. Quam ad rem conferunt allata a Ludovico Antonio Muratorio in sua ad historicam Miscellam eleganti praefatione tom. 1. de rer. Italic. Scriptor. Nam & vetustissimus est ipse conscribitor, iisque temporibus scripsit, quibus complures historiae supererant, quarum irreparabilem interitum nos ferius nati inani querela dolemus. Sibi ergo nos deficiunt egregia Veterum monumenta, ad illos confugere jurent, qui, quanquam nonnullis post saeculis floruerint, Veterum tamen libros felicius, quam nos, terere manibus potuerunt. Itaque Miscella quoque suis bonis futurus est, tamque, ubi vetustiores historiae aia silent, aut inter se dissonant, advocare testem, atque illius ope uti, erit eruditae simulque prudentis Critici.* Praeclare quoque Abbas Venusianus Auctor vitae S. Allerii Abbatis apud Mabilonium *part. 1. fac. 71. SS. Ord. S. Benedicti pag. 729. in fine prologi* subdit: *Quia item nova scribendi tempora contemni solent, fidem dilectorum relatoribus, non scriptis lector adscribat; quia etsi isto tempore scribimus, ea, quae ab antiquis monasterii senibus sunt nobis dicta, narramus.*

20 Exceptis causis S. Joannis de Capistrano, & S. Catharinae de Bononia

nonia, reliquæ supra memoratæ examen subierunt in sacrorum rituum Congregatione, & favorabile responsum super dubio virtutum a summis Pontificibus approbatum obtinuerunt, quo tempore (ungebar munere Fidei Promotoris. Dimisso autem Promotoris officio, ipsoque (uti sæpe dictum est) delato ad Archiepiscopum Philippensem Carolum Albertum Guidobonum Cavalcinum sacri Consistorii Advocatum, actum fuit de virtutibus in causis S. Catharinæ Januensis, & B. Joannis Cantii post approbatum pariter casum exceptum; itemque in ambabus hisce causis exhibitæ fuerunt testes de auditu, quibus Historicorum auctoritas accessit. In causa quidem S. Catharinæ exhibitæ fuit ejus vita conscripta a Cataneo Marabotto ipsius Confessario, & ab Hercule Vernazza ejus discipulo decem post annos ab ejus obitu: in causa vero B. Joannis Cantii exhibitæ fuit historia excerpta ex libro Patris Petri Sgarga Societatis Jesu, & ex vita Beati scripta ab Adamo Opatovio, qui, licet non essent contemporaneæ, præ manibus tamen habuerunt antiqua scripta in pergamenæ charta, quæ summa cum diligentia conservata erant in archivo ecclesiæ Collegiatæ S. Annæ Cracoviæ. Non dissimili modo res se habuit in resolutione dubii super virtutibus Servi Dei (nunc Beati) Hieronymi Emiliani, & Francisci Caraccioli, & in resolutione dubii super Martyrio & causa Martyrii Ignatii Azevedæ, & triginta novem aliorum e Societate Jesu; licet prædictæ causæ omnes procederent per viam non cultus: cum in ipsis (ut alibi dictum est) propter temporis antiquitatem, aliasque circumstantias factus sit locus probationi subsidiariæ. Ideoque, hucusque adducta in unum colligendo, concludendum esse videtur, in causis antiquis, aut procedentibus per viam casus excepti in disputatione dubii super virtutibus præter testes de auditu ad probationem admitti Historicos; uti etiam inferitur ex indulto recitationis Officii in honorem B. Notkeri apud Bollandianos tom. 1. April. ad diem 6. pag. 603. Et quia, hujusmodi diligenti inquisitione auctoritate Apostolica per nos præhabita, centum quinquaginta quatuor uniusq; sexus fide dignorum testium, necnon duorum vetustorum librorum evidenti testimonio de vita sanctimoniam, & quamplurimis miraculis nobis legitime consistit & constat idcirco &c. Dummodo tamen Historici ipsi Servorum Dei, aut Beatorum gesta enarrantes sint fide digni, qualitatibus supra recensitis polleant, & scribant ea quæ vel viderunt, vel audiverunt ab iis qui viderant; & idcirco contemporaneæ sint, vel, si posteriores sunt tempore, historiam suam hauserint a sinceris, antiquis, & contemporaneis monumentis.

21 Nonnulla sane afferri possunt exempla Canonizationum peractarum, discussis approbatisque virtutibus per testes de auditu & Historicos minime contemporaneos, ut S. Chunegundis Imperatricis, quæ facta fuit ab Innocentio III., in qua præter testes de auditu exhibitæ fuit ejus vita conscripta centum & duodecim annis post ejus obitum; ut S. Virgilio Archiepiscopi Salisburgensis, quæ facta fuit a Gregorio IX., in qua præter testes de auditu momentum constitutum fuit in ejus vita conscripta ab

Eberardo Archiepiscopo pariter Salisburgensi post lapsum fere sex sæculorum; ut denique S. Hyacinthi, S. Raymundi, S. Ildori Agricolaë, & S. Andree Corsini, quarum nonnullæ expletæ fuerunt a Clemente VIII., aliæ ab Urbano VIII., in quibus item testibus de auditu addita fuerunt historica monumenta haud contemporanea. Veruntamen, ut mittamus, historica ipsa monumenta in omnibus prædictis causis allata potuisse a sinceris & synchronis monumentis, & constanti fama ac traditione esse collecta; vis major in eo constituenda est, quod posteriora derogant prioribus, ideoque novum non est, ut in hisce causis Beatificationis & Canonizationis exactiores vel nova lege vel consuetudine præscribantur diligentia, quæ antiquioribus temporibus ante institutionem Congregationis sacrorum rituum, vel, ea etiam instituta, ante decreta Urbani VIII. & Innocentii XI. non erant in usu. Quamobrem Postulatores, ne oleum & operam perdant, si post approbationem casus excepti causas prosequi velint, ut Canonizationem obtineant, sedulo exquirant, an adsint Historici vitam Beatorum enarrantes qualitatibus supra recensitis non destituti; quibus etiam addere poterunt subsequentium ætatum Historicos tanquam vetustiorum adminicula. Quod si Historicos primi generis non habeant, & habeant tantum secundi generis, sanum consilium mihi videtur, eos admonere, ut ab ulteriori opere desistant.

CAPUT IX.

In quo nonnulla explicantur & resolvuntur controversiæ ad eandem historiarum materiam pertinentes.

¹ **Q**Uæres primo, an ad vim probationis in iudicio Beatificationis & Canonizationis admitti debeant historiæ, seu Legendæ referentes aut virtutes heroicas aut Martyrium alicujus Servi Dei, vel Beati, quæ nunquam typis impressæ fuerint, sed eruuntur ex archivis aut ex bibliothecis. Huic autem quæsito respondendum esse videtur, licet opus sit manuscriptum, nec unquam fuerit editum, vim habere posse probationis aut adminiculi juxta regulas in superiori capite recensitas; dummodo tamen habitum fuerit a Majoribus pro genuino & integro & nequaquam vitiato, uti bene indicat Petrus Constantin. Ord. S. Benedicti part. 6. *Vindiciar. cap. 1. Relictis a Majoribus nostris libros tamdiu pro genuinis, pro integris, pro certis ipsorum scriptis haberi decet, quamdiu non constet spurios esse, adulteratos, aut incertos, statimque docet eum graviter peccare, qui receptum a Majoribus tanquam genuinum opus aliquod aut sine idonea approbatione accusat falsi, aut sine legitima causa suspectum habet.* Poterit, etiam si altum apud Majores fuerit de ejusmodi opere manuscripto silentium; non erit iccirco contemnendum. Examini igitur supponetur; fiet per Peritos juxta alibi dicta characteris recognitio, ut tempus videatur,

tur, quo Auctor scripsit; narrata in eo sedulo penduntur, ut dignoscatur, an opus auctoritatis pondus habere debeat, an genuinum sit, an apocryphum, an interpolatum. Teste namque Auctore supplementi ad opus Cardinalis Bellarmini de Scriptoribus Ecclesiasticis in præfatione: multa adhuc latent in bibliothecis manuscripta, quæ lucem mererentur: Adjeci multos Auctores hucusque incognitos, notatis eorum operibus manuscriptis, in quibus lateant bibliothecis, ut, si quando docti velint illos eruere e tenebris oblivionis, possint id facere, rescientes, ubinam gentium inveniantur; nullus etenim dubitat, quin multa etiam manuscripta opera sint longe præstantiora multis, quæ sæpius impressa sunt. Et vero, si scripta omnia rejicerentur, quæ longo temporum spatio in archivis & bibliothecis latuerunt, & quæ Eruditorum nostri temporis diligentia typis eduntur, actum esset de collectaneis veterum manuscriptorum nuper a Martene editorum; atque, ut cetera prætereamus, actum esset de illustri labore Patris Ruinart, qui in præfatione ad collectionem Actorum Martyrum § 1. num. 10. fatetur, se nonnulla Acta edere, quæ lucem nondum aspexerant: Tandem ad nostros sodales, aliosque amicos scripsi, ut, si qui essent in monasteriis aut urbibus, ubi degunt, veteres codices, diligenter scrutarentur, sicubi forte aliqua occurrerent, quæ operi a me suscepto essent profutura. Quia sane in re habere mihi videor, quod mihi gratuler, non solum ob diligentem ab amicis navatam operam, sed etiam ob ipsius opera felicem successum. Sic enim res ex animi sententia cessit, ut præter aliquot Martyrum Acta quæ nondum lucem aspexerant, nunc primum e tenebris eruta, vix unum aut alterum ex his sacris monumentis habeatur, quod ad aliquem antiquum codicem, sæpius etiam ad plures, collatum & emendatum non fuerit. Actumque esset de ingenti labore Labbei, qui in præfatione novæ bibliothecæ manuscriptorum librorum tom. 1. agens de contentis in suo opere subdit: Omnia itaque quæ hic proferuntur, aut nunquam lucem viderunt profundissimis conspulta tenebris, & cum pulvere tineisque in membranis luctantia. Sed & concordat praxis Congregationis sacrorum rituum, de qua in quæstione sequenti.

2 Quæres secundo, an auctoritate destitutum censendum sit opus referens virtutes aut Martyrium alicujus Servi Dei, vel Beati, si ignoretur, a quo scriptum sit, sive deinde opus prædictum fuerit typis impressum, sive semper manuscriptum in bibliothecis aut archivis tempore præterito delituerit. Affirmans responsio desumi videtur ex can. Sancta Romana, dist. 15. ubi Gelasius Papa I. inquit, non legi in sancta Romana Ecclesia Acta Martyrum, quod ignorentur nomina eorum qui illa conscripserunt: Sed ideo secundum auctoritatem antiquam vel consuetudinem singulari cautela in sancta Romana Ecclesia non leguntur, quia eorum qui scripsere, nomina penitus ignorantur. Porro (ut alibi visum est) eruditus Justus Fontaninus Archiepiscopus Ancyranus de antiquis. Hortæ pag. 332. decretum illud Gelasio I. adscribendum probavit, & in ejusdem operis appendice idem decretum ex antiquissimo codice Palatino bibliothecæ Vaticanæ edidit collatum cum

cum editione vulgata. Jacobus autem Petitus in notis ad Pœnitentiale Theodori Cantuariensis tom. 1. pag. 106. ait, in hoc decreto Gelasiano contradictionem apparere: cum enim in eo asserat Gelasius, neminem Catholicorum dubitare de multiplicibus Martyrum tormentis, & invicta in eis perferendis tolerantia: (Item gesta Sanctorum Martyrum), qui multiplicibus tormentorum cruciatibus, & mirabilibus confessionum triumphis irradiant.... Quis ita esse Catholicorum dubitet, & majora eos in agonibus fuisse perpassos, nec suis viribus, sed gratia Dei & adjutorio universa tolerasse? cumque postea subdat, eorum Acta non legi in sancta Romana Ecclesia, quod ignorentur nomina eorum qui ea conscripserunt; hinc infert Petitus, de manifesta contradictione non esse dubitandum. In collectione tamen codicis Herovalliani leguntur hæc verba: *Gesta sanctorum Martyrum, qui mirabilibus cruciatibus & triumphis irradiant, & a Catholicis viris conscripta sunt, omnimodis venerantur. Ea vero, quæ ab Hæreticis, vel idistis composita, vel adulterata sunt, nullatenus recipiantur; quæ in ipsis eorum dictis ab Ecclesiasticis viris sine mora deprehendi possunt: & quatenus etiam vulgatam decreti lectionem sequi velimus, quæ in hac parte fere concordat cum genuino decreto codicis Palatini existentis in bibliotheca Vaticana; Gelasius ait, se quidem venerari sanctorum Martyrum gesta, & neminem de eorum Passionibus, neminem de eorundem invicta tolerantia dubitare; sed Acta eorum in Romana Ecclesia publice non legi, cum sint anonyma; quæ utique in re nulla apparet contradictio. Verumenimvero, quod attinet ad rem de qua nunc agimus, ex hoc Gelasiano decreto minime infertur, Martyrum & Confessorum historias in nullo vel modico pretio habendas esse, si ignorentur nomina eorum qui illas conscripserunt, tum quia Gelasius non ait, minime legi in sancta Romana Ecclesia Acta Martyrum ex hac unica ratione, quod ignorentur nomina Scriptorum, sed quoniam vel ab Infidelibus composita fuerunt, vel eorum dolo fuerunt interpolata: Singularem cautela in sancta Romana Ecclesia non leguntur, quia eorum qui scripsere, nomina penitus ignorantur, & ab Infidelibus, aut dictis superflua, aut minus apta, quam rei ordo fuerit, scripta esse putantur. Sicut cuiusdam Quirici, & Julite matris ejus, sicut Georgii, aliorumque Passiones ejusmodi, quæ ab Hæreticis probantur conscriptæ. Propter quod (ut dictum est) ne vel levius subsannandi oriretur occasio, in sancta Romana Ecclesia non leguntur: tum quia, si idem Gelasius paulo post subdit, historiam S. Silvestri & in Urbe & extra Urbem passim legi, quamvis Scriptoris nomen ignoretur: Item Alti Beati Silvestri Apostolica Sedis Præfatis, licet ejus qui scripsit, nomen ignoremus; a multis tamen in Urbe Romana Catholicis legi, cognovimus, & pro antiquo usu multa hoc imitantur Ecclesia: signum evidentissimum hoc est, contemnendas omnino non esse historias Sanctorum, et si Scriptorum nomina ignorentur. Profecto, quando in sacrorum rituum Congregatione agebatur de virtutibus S. Julianæ de Falconeriis, & de Martyrio S. Joannis Nepomuceni, ipse tanquam Fidei Promotor inter cetera opposui, contemporalibus*

ralibus monumentis fidem præstandam non esse, quod Auctorum nomina ignorarentur; eademque oppositio facta est ab Archiepiscopo Philippenſi Fidei Promotore, dum in sacrorum quoque rituum Congregatione agebatur de virtutibus B. Joannis Cantii. Sed ab ipsa sacra Congregatione oppositio hæc neglecta fuit, utpote vindicata a Postulatoribus monumentorum sinceritate, atque offensa eorum gravitate, ita ut nihil suspicione dignum in eis reperiri potuerit. Novum etenim non est, a viris piis & eruditis, præteritis saltem temporibus, vitas Confessorum, & Passiones Martyrum fuisse conscriptas, minime appposito nomine Auctoris; quæ forte nunquam typis editæ fuissent, si eas edendi curam non suscepissent Socii Bollandiani, & tot alii eruditi viri, qui similibus editionibus suam operam præstiterunt. Joannes Abbas S. Arnulphi Metensis in *prologo ad historiam Translationis S. Glouesindis* (qua extat in 1. part. sac. 4. Act. SS. Ord. S. Benedicti pag. 436.) ita loquitur de scriptura anonyma: *'Nec scriptura illa, quamvis silenti feratur Auctore, viribus rerum aliquid detrahit; cum semine utique ac si raro aspersa non sterilem usibus nostris in immensum extendendam messem produxerit. Neque enim refert, quovis indicio ex quacumque cavernula gemma pulcherrima extrahatur, dummodo avaritiam mortalium usu expleat & decore.*

3 Quæres tertio, an fide Historicus carere dicendus sit, qui in vitas Sanctorum, aut Passiones Martyrum conciones quasdam inserit a se confectas, quas nedium probabile, sed etiam quodammodo certum est a Confessoribus ipsis aut Martyribus factas non fuisse. Porro hæc & similia ad encomium potius, quam ad historiam spectare posse videntur; historia autem & encomium inter se maximopere distant: quæcirca Lucianus tom. 2. *oper. de modo scribendi historiam* inquit pag. 9. *'Non angusto intervallo distincta & separata sit ab encomio historia; sed magnum bisco murum esse interpositum, & ut Musicorum voce utamur, octava duplici, id est eo quod maximum est intervallo illa a se invicem distare: siquidem encomium scribenti illa sola cura est quomodocumque laudare, & exhilarare eum, qui laudatur, & si per mendacia finem illum consequi detur, parum curaveris; historia vero ne minimum quidem, quid forte inciderit mendacium ferat, non magis quam asperam arteriam recipere quidquam in illam glutinitate delatum narranti Medicorum filii. Ignorare porro sales videntur, poetice artis, & poematum aliud esse institutum, & sua quadam præcepta; alia vero historia. Simeon Metaphrastes ingenti sane labore Sanctorum vitas collegit, quæ extant in tribus tomis Aloysii Lipomani, quinto videlicet, sexto, & septimo, ex Greca lingua in Latinam conversæ interpretibus Guillelmo Sirleto S. R. E. Cardinali, Gentiano Hervetoq. Aurelianiensi Canonico Remensi, & Francisco Zino Veronensi. De tempore autem, quo Simeon scripsit, controversia est inter Eruditos; quamquam Leo Allarius inter Græcos præteriti sæculi doctissimus composuit commentarium suum de Simeonibus, & contra veterum Scriptorum sententiam, qui volunt, Simeonem Metaphrastem nono sæculo sub Michaelē III, Impe-*

Imperatore Constantinopolitano vixisse, pluribus contendit & probat, eum floruisse ab anno 1314. ad annum 1330. Idem etiam Allatius in *diatriba de Simeonum scriptis* genuinas Sanctorum vitas a Metaphrasie conscriptas a supposititis secrevit. Centum etenim & viginti duas Sanctorum vitas esse genuinos foetus Simeonis, centum & quindecim aliorum vitas in nonnullis codicibus falso Simeonis nomen præ se ferre, & alias quadringentas quadraginta quatuor Sanctorum vitas & encomia in quibusdam codicibus manuscriptis perperam asserit Simeoni adscribi, & veros singulorum Auctores designat. Sequitur eum eruditus Pater de Graveson in *histor. Eccles. tom. 4. pag. 293.* Itemque de Simeone Metaphrasie sic loquitur Cardinalis Bellarminus de *Script. Ecclesiast. pag. 289.* Illud autem est observandum, a Metaphrasie scriptas fuisse historias de vitis Sanctorum, multis enim ex proprio ingenio, non ut res gesta fuerunt, sed ut geri potuerunt. Addit enim Metaphrasies multa colloquia sive dialogos Martyrum cum Persecutoribus, aliquas etiam conversiones astantium Paganorum in tanto numero, ut incredibiles videantur, denique miracula plurima & maxima in everfione templorum, & idolorum, & in occisione Persecutorum, quorum nulla est mentio apud veteres Historicos. Cardinalis Bellarmini iudicium sequitur Aubertus Miræus in *auctar. de Script. Ecclesiast. num. 302.* (quod extat in *Biblioth. Eccles. Alberti Fabricii*.) Metaphrasies porro scripsit vitas Sanctorum, ut diximus, easque ad mensum dies digessit, sed non integra semper fide. Nam, ut Bellarminus in catalogo notavit, multa addidit ex proprio, non ut res gesta fuerunt, sed ut geri potuerunt. Concordat Ruinart in præfatione generali ad *Acta Martyrum* §. 1. num. 8. Celebris fuit apud Græcos Simeon cognomento Metaphrasies, qui Sanctorum *Acta* undique conquesta in unum collegit; quamvis hoc in eo viri eruditi merito reprehensione dignum judicent, quod eorum nonnulla variis interpolaverit additamentis, novaque aliquos, cum vetera deficerent, proprio Marte cuderit. Demum Bellarmini iudicio plene subscribunt Baillet in dissertatione præliminari ad historias Sanctorum §. 28. & §. 29. Pro Metaphrasie vero strenue pugnat Bollandus in 1. tom. Februar. in præfat. cap. 2. ubi sic loquitur: Damus tamen aliquando utrasque (vitas) si multum discrepant, & si manuscripti antiquiores videantur, quia quæ adjecit Metaphrasies vir doctissimus, ea ex aliorum scriptis, quorum immensam copiam habebas, credi potest hausisse. Adhæret ipsi Guillelmus Cave, licet heterodoxus, in opere de *Scriptor. Ecclesiast. in faculo obscuro pag. 402.* ubi sic de Metaphrasie scribit: Jubente enim Constantino Augusto, vitas Sanctorum ante sua tempora scriptas undique conquestas, conquestas recensuit, elegantiores, tanquam lectorum conspectu dignas, calculo suo approbavit, neque ulla in re mutatas divulgavit, minus elegantes vero partim nitidiori stylo vestitas, partim nova forma & methodo dispositas in ordinem redegit ac digessit: Addendum etiam, quod Bollandus ipse in præfatione generali ad vitas Sanctorum cap. xi §. 3. in fin. nimis severum putavit Bellarmini iudicium de Metaphrasie, nec reprobativè inserta ab isto colloquia Martyrum: *Vellem mitius de viro magno vir maximus pronuntiasset. Unde constat,*

constas, eum non vetera secutum esse monumenta? Omisisse potius multa, qua non omnino probares, existimo, quam aliquid addidisse ex proprio ingenio. Retuleris tamen in suis commentariis aliquid, quod cum probatis veterum Patrum scriptis minus congruere videatur; homo erat, falli poterat. Colloquia Martyrum cum Persecutoribus unde constas habita non esse? Amplificaris ea sane ad legendium, utilitatem ac voluptatem: quis jure id reprehendas? An est quisquam, qui id non permittat Historico? Livio, ceterisque licet Ducum orationes suos ad praelium adhortantium concinnare, sacro Scriptori non licebit mysteria nostra religionis Gentilibus tradita, ipsorumque consutatas superstitiones explicatius proponere? Pro Metaphraste denique, & infertis in ejus vitas orationibus strenue itidem pugnat Pater Honoratus a Sancta Maria in animadvers. ad regul. & usum Criticæ tom. 1. differt. 2. art. 4. §. 5. & seqq. Itaque mihi sane placet monitum S. Basilii in oratione in S. Gordium Martyrem (juxta antiquam versionem tom. 1. edit. Paris. an. 1618. pag. 516.) Illorum enim qui in Fide claruerunt, historia simplex velut lucem quandam Dei cultoribus, ac virtutis iter ostendit. Et infra: Quod si reliquorum facta virorum eloquentia floribus ornantur, Sanctis tantum ad ea qua maxima gessere, demonstranda sat fuerit oratio simplex. Attamen, si aliunde suppetant veritatis & sinceritatis præsidia, nec Metaphrasti, nec aliis, qui in suis historiis conciones & orationes tanquam a Martyribus aut Confessoribus prolatas ediderunt, detrahendum auctoritatis pondus ex ea sola ratione censerem. Pompejus Trogius apud Jultinum arguit Livium ac Sallustium, quod contra legem Historiæ peccaverint, dum suis operibus plures orationes inseruerunt, quas ipsi fecerant Marte suo. Verum, non obstante Trogi censura, orationes Livii ac Sallustii non tantum sine nota, sed etiam cum Eruditorum laude imitati sunt gravissimi Historici, qui posteriori ævo scripserunt. Et Historici quidem Gentium laudantur, qui, arrepta opportunitate, conciones interponunt & hortationes, quas ad milites a Ducibus factas, pugna imminente, reserunt, absque eo quod hinc historica veritas aliquid detrimenti capiat: ut animadvertit Pater Famianus Strada lib. 2. prolus. 3. part. 2. pag. 225. Audis, opinor Benci, ac plane intelligis, quo loco, & quatenus per Ciceronem liceat, dicendo, ut se se attollas Historicus. Locorum interdum situs, & sapissime vero Ducum adhortationes, quippe qua Poetarum et schola plerumque transferuntur, canonum aliquid in historia possunt ac tubam. In ceteris autem partibus eodem tenore, hoc est temperate castisque, nec sine elegantia (qua tamen rebus tacite inserviat, nec contumaciter officiat) narrandum, ego quidem sentio, nec, dissimulare Tullium, aut quemquam dicendi Magistrum, puto.

4. Quæres quartò, an rejicienda sit historia referens gesta Confessoris aut Martyris, si in ea unus aut alter error inveniat. Porro, negativè respondendum esse, videtur, juxta monitum Cardinalis Baronii in adnotationibus ad Martyrologium Romanum ad diem 9. Octobr. Quod si, ob unum errorem vel alterum in visis Sanctorum inventum, cetera que remanent, fide carere, dixerimus, profecto omnes fere Sanctorum vitas in maximum discrimen

inducimus; cum pene in omnibus aliquid notari possit, quod corrigendum videatur, sitque Canonizarum tantummodo Scripturarum singularis prerogativa, ut in eis cuncta vera, inconcussa, certaque narrentur. Ideoque Bollandus in sepe citata præfatione generali ad vitas Sanctorum mensis Januarii cap. 3. §. 4. bene adnotavit, si hystoria scripta sit ab Hystorico fide digno, & tette oculato, etiamsi in ea reperiatur aliquis error circa loca aut tempora, non ob id sperni debere: *At loca non congruunt, aut tempora, nec quidquam simile memorant Scriptores illius temporis. Explicationem censibus adhiberi oportere, vel ex-nstionem, quasque effugium potius, quam omnino repudies, quod ab huiusmodi Auctore compositum manifeste constet...* Non mirum etiam, spectatores loci notam, aut temporis præterire rei soli intentos. Idemque antea docuerat, rejiciendam esse hystoriam, quæ repugnet omnibus earum ætatum, quibus extitisse Sancti dicuntur, Hystoricis, aut plerisque, ac maxime probatis; nequaquam vero esse rejiciendam hystoriam, quæ uni duntaxat antiquæ hystoriæ non congrueret; cum videamus, inter se se frequenter Scriptores dissentire, etiamsi res suæ ætatis, & quibus referendis ipsi interfuerunt, conscribant. Quocirca Pater Mabillonius de stud. monast. cap. 8. de studio sacra, ac profana hystoria num. 5. scite inquit: *Nec vice versa absolute proferendus erit Auctor aliquis ob aliquot hallucinationis vel passionis defectus, ob styli asperitatem, aut alium quemdam naturalem defectum, dimmodo sincerus solersque in reliquis comperiat. Argumento sint J. sephus Hebraeus, qui egregius inter Hystoricos annumeratur, quamvis identidem calams inter scribendum cæspitaris, & Herodotus Halicarnassensis, Ciceroni parens Hystoria, & Hystoricorum princeps, licet in ipso quamplurima commentitia inveniri testetur.*

5 Quæres quintò quid dicendum sit, si graves Hystorici inter se dissentiant. Ut enim sacra præscindamus, Hero-dianus Alexandrum Mammææ filium accusat, quem laudant Lampri-dius, alique; Dio facta Bruti & Cassii damnat, probat contra Plutarchus; Paterculus Scjanum extollit plerisque aliis exosum; Claudianus Rufinum proscindit Arcadii Præceptorem, quem Zosimus, Zonaras, Eutropius, & Paulus Orosius summis laudibus afficiunt. Putat igitur Pater Honoratus in opere sepe citato pag. 621. regul. 4. adhærendum esse illis, qui referunt ea quæ magis sunt verisimilia. Verum, utcunque id sit, quod spectat ad præsentem materiam, adhibendam esse crederem regulam alibi expositam, cum de testibus agebatur: vel enim discrepantia est in substantialibus: tuncque Auctorum dissensus, si sint æqualis auctoritatis, efficit, ut res narrata incerta usquequaque sit; vel discordia est in accidentalibus, quo in casu de substantia facti rationabiliter dubitari non poterit. Sic nimirum in quæstione de missione S. Mauri in Gallias ratiocinatur Ruinart in opere Gallico, cui titulus, *Apologia missionis Sancti Mauri*, cap. 8. §. 3. Ait etenim, de ea non esse dubitandum, licet de anno adventus ejus non modica sit inter Eruditos controversia. Rursus, etsi in quæstione de S. Petri Apostolorum principis Romam adventu nonnulli male seriati de eo dubitant ex dissensu Aucto-

Auctorum; Lactantius quippe asserit, S. Petrum Romam venisse, cum jam Nero imperaret, Orolius autem adventum illius refert ad exordium regni Claudii, tamen Natalis Alexander in *histor. Eccles. sæculi 1. dissert. 13. præfixit. 3. pag. 149.* opposito sibi prædicto argumento sic respondet: *Historia falsitas colligitur ex Auctorum dissensu, si in historia substantia & præcipuis capitibus dissentiant, concedo; si in circumstantiis duntaxat quibusdam recensendis, nego.* Enimvero sapissime contingit, ut constet de veritate; de modo, aut tempore non constet. Quid certius Christi morte apud Christianos? Quid tempore, quo mortem subiit, incertius, si Veterum discordes sententia audiantur? Ita, quamvis incertum esse, concederemus, quo tempore pervenerit Romam, Apostolorum Princeps, non sequitur, quod nullatenus Romam venerit, ibique Sedem fixerit suam. Petrus, etsi dissentiant nonnihil Auctores circa epocham adventus S. Petri Romam, circa ipsum adventum nullatenus dissentiant. Illa igitur dissensio non arguit historiam istam falsitatis. Et optime prosequitur Calmet in sua dissertatione de itinere Romano S. Petri tom. 8. com. pag. 543. Scripturam igitur in anno, quo Petrus Romam venit, assignando discrepantiam, Adversariis nostris nequaquam favet. Hac in re duo nobis discernenda, quorum alterum ad rem pertinet, alterum accedit. Alterum nempe, an Petrus vere se Romam contulerit, queris; alterum, quo anno eò venerit, quamdiu ibi constitit, an per hanc, an per illam urbem transferit, investigas. Veteres quidem de primo unanimes conveniunt. Dissidium vero agitari potest de secundo, quin primum vel levissime concutitur. An, quod de anno, quo Christus obiit, inter Veteres non conveniat, etiam de ejus morte ambigamus? Circumstantiarum, quæ factum ponunt, dissidium eidem potius confirmando, quam everterendo conducit. Post primam hujus Operis editionem typis impressum est eruditum opus Foggini de itinere Divi Petri Romam, ubi quæ modo dicta sunt, latissime confirmantur: Item, quemadmodum supra, cum de testibus loqueremur, dictum est, contrarios non esse testes, si unus dicit id quod ab alio non dicitur; id ipsum de Historicis antiquioribus cœtaneis, & omnibus fide dignis dicendum est; cum vel ex oblivione, vel ex alia causa potuerit unus ex his omittere, quod ab alio narratur. In cap. 5. primæ epistolæ S. Joannis leguntur hæc verba ver. 7.: *Tres sunt, qui testimonium dant in Cælo, Pater, Verbum, & Spiritus Sanctus, & hi tres unum sunt:* quibus quidem verbis nec Concilium Nicænum, nec veteres Patres, qui Arianorum hæresim impugnarunt, unquam usi sunt, Chrysostomus videlicet, Cyrillus, Hilarius, Augustinus; quin immo Richardus Simonius cap. 18. *histor. critic. nov. Testam.* testatur, se in bibliotheca Regis Christianissimi legisse septem veteres codices venerandæ antiquitatis, & quinque alios in bibliotheca Colbertina, in quibus verba prædicta desiderantur. At, cum Sancti Cyprianus, Athanasius, Fulgentius, & præter hos Tertullianus prædictis verbis porro usi sint, necnon etiam Robertus Stephanus in suo scripto edito anno 1550. testetur, ex sexdecim codicibus Græcis, quos penes se habebat, septem tantum fuisse, in quibus prædicta verba non legebantur, quæ ta-

men in aliis novem reperta sunt, cum quibus adhuc concordant codices Græci, quibus usi sunt Auctores editionis Complutensis concinnatæ studio Cardinalis Ximenii; prædictorum verborum defectus in aliis codicibus, & abstinencia nonnullorum Patrum ab usu eorumdem verborum minores obliterant, aut obstant, quin in Catholica Ecclesia ea verba habeantur tanquam verba Divinæ Scripturæ, eo vel magis, quia congruæ non desunt rationes, ob quas Patres, qui verbis prædictis uti potuerunt, usi non sunt; de quibus Pater de Gravelon in *tract. de sacra Scriptura* pag. 324. & seqq. & latissime Calmet in *dissertatione super hoc argumento composita* tom. 8. pag. 553. & seqq. In præsentī autem materia argumentum illud prosequitur Castellinus de *inquisit. mirac. in causis Martyr.* pag. 64. ubi, postquam retulit, nonnullos Historicos tradere, S. Petrum Martyrem in agone mortis positum scripsisse proprio sanguine illa verba Apostolici Symboli, *Credo in Deum*, nonnullos vero id minime tradere, ait: Regulariter & ordinarie esse usitatum apud Scriptores etiam Ecclesiasticos, ut unus, vel alter non exprimat omnia & singula gesta alicujus viri Dei; sed, quod unus omittit, alter vero refert: quod observant etiam Evangelistæ scribentes gesta Salvatoris nostri; nam quod unus omisit, alius explicavit. Edita est anno 1740. historia vitæ S. Petri Martyris a Petro Thoma Campana ex Ordine S. Dominici, in qua lib. 3. cap. 1. fuscè narratur, S. Petrum Martyrem, tunc Inquisitorem Mediolanensem, vulneribus confossum a Carino & Albertino, ipsi insensis propter zelum Catholicæ Fidei, quo Sanctus flagrabat, alta voce recitasse Symbolum Apostolorum, &, dum expiraret, protulisse verba: *In manus tuas, Domine, commendo spiritum meum*. Porro non esse dicendos Historicos inter se contrarios, si unus refert factum, quod ab alio omittitur, probat S. Hieronymus in *comment. in epist. ad Galatas* cap. 2. col. 409. tom. 7. oper. ubi de Antiocheno D. Petri Episcopatu ita loquitur: *Nec mirum esse, si Lucas hanc rem tacuerit, quem & alia multa, quæ Paulus sustinuisse se replicat, Historiographi licentia prætermiserit: & non statim est contrarium, si quod alius ob causam dignum putavit relatu, alius inter cetera dereliquit.*

C A P U T X.

In quo aliæ explicantur & resolvuntur controversiæ ad eandem historiarum materiam spectantes.

¹ **U**T ex capitis inscriptione deprehendi potest, eandem prosequimur materiam, de qua in capite antecedenti. Quæres itaque primo, an fide careat Historicus posterioris ævi, qui aliqua refert, de quibus nullum sit verbum ab antiquioribus & cœtaneis Historicis, qui probabiliter ea retulissent, si suo tempore contigissent. Salebrosa autem hæc est quæstio de vi negantis argumenti. Etenim adversus vim & efficaciam ejus pugnant Thiers in opere de hac re inscripto, Honoratus

a S. Ma-

a S. Maria de usu Critica dissert. 3. tom. 1. art. 2. & seqq. Theophilus Raynaudus operum tom. 18. fol. 345. Pater Franciscus Bonæ Spei in apologia pro Joanne Quadragesimo quarto pag. 510. num. 135. & post primam hujus Operis editionem Hieronymus Tartarottus in epistola de arte critica a num. 32. usque ad finem, tom. 21. inter opuscula collecta a Patre Calogierà. Joannes Lau-nojus contra in opusculo hac de re inscripto stat pro vi negantis argumen-ti, quem sequitur Papebrochius in propylæo mensis Maji dissert. 5. pag. 30. num. 9. ubi habet: *Quamvis in rigore dialectico non sequatur, Non est scriptum, vel dictum; ergo non est factum*: (nec enim minus fuisset a Christo suscitatus La-zarus, licet hoc Joannes, æque ac alii tres Evangelista tacuissent, tacuissent etiam Apostolorum Discipuli, & his ætate proximi omnes) recte tamen sequitur, Hoc vel illud caret congrua antiquitatis & auctoritatis testimonio; ergo, factum esse, non est prudenter credibile: sicut non esset credibilis resuscitatio Lazari in univer-sali omnium eorum silentio, qui rei gesta vel interfuissent ipsi, vel ex presentibus accepissent &c. Tanto autem sit certior & evidentior ex argumento negativo demon-stratio, quanto notitia facti, de cujus credibilitate controversatur, ad plures per-tingere, & a pluribus Scripto consignari debuisset propter insignem sui claritatem. Quæ ab ipso pariter Papebrochio resumuntur in responsione ad exhibitionem errorum sibi oppositorum a P. Sebastiano a S. Paulo art. 19. num. 4. & seqq. ubi in quæstione de Cyriaco Papa assert illud Cardinalis Baronii ad ann. 237. n. 11. Non audiendi penitus Recentiores quidam, qui post Pontianum in-troducunt Cyriacum quemdam Romanum Pontificem, cujus nulla præfusa extat mentio in serie Romanorum Pontificum... vel apud Opratum Milevitanum, vel Augustinum, aut Crescenium, aliosque indices Vaticanos, nec apud Græcos, ut Eusebium, Nicephorum, Chronographum, vel alios; adeo ut ne digna quidem sit, quæ pluribus consuetur, sententia; quippe quæ nulla penitus nitatur ratio-ne, vel testimonio Antiquorum. Alii quoque eruditione præstantes viri de negantis argumenti efficacia nequaquam dubitarunt, uti videri potest apud Patrem Guidonem Grandum dissert. Camaldul. dissert. 3. cap. 8. num. 7. & seqq. apud Saxium in dissert. apologet. SS. Corporum Gervasii, & Protasii cap. 3. apud Fr. Raymundum Missorium in suis disputationibus criticis in duas cele-berrimas epistolas SS. Firmiliani, & Cypriani cap. 1. num. 6. necnon apud Lu-dovicum Antonium Muratorium anecdot. tom. 2. cap. 21. pag. 347. ubi hæc habentur: Sed jam quosdam mihi reponentes audire videar, hanc argumentandi rationem enervatam, plumbeamque esse, quippe argumento, ut Logici appellant, negativo nil potest probari. Ita fortasse respondeant, qui Ecclesiasticam eruditio-nem neque a limine salutarum, totumque cerebrum tricus scholasticis devoverre. Nam, quantum roboris negativo argumento insit, tum luculentius hac de re Lau-nojii tractatus prodit, tum universa Eruditorum respublica quotidie experitur. Et qua pacto, amabo, tot commenta, fabulaque explodi atque exhibilari possent, quæ in posterium temporum historias irrepser, nisi Antiquorum silentium plu-rius, quam imperita audaxque Recentiorum loquacitas, penderetur? Affirmant hi ad arbitrium suum, gesta quæ a temporibus suis remotissima somniant: illi vero ne volam

ne volam quidem, vestigiumque earum rerum reliquere, relicturi sane, si illarum notitiam habuissent. Et nos affirmantium potius imperitia, quam tacentium doctrina duci sinemus?

2 Alii vero media quadam via procedentes putant, aliquando negans argumentum vi carere, aliquando vim obtinere. Distingunt itaque thesim positivam a negativa: tum in positiva docent, negans argumentum vim non habere; secus autem in negativa. Exemplo res fiet clarior. Si aliquis nempe non contemporaneus, sed remotus & recens Auctor dicat, talem rem tali tempore contigisse, hæc erit thesis positiva; quam si confirmare audeat argumento negativo, asserendo videlicet, nullum ex cœtaneis & antiquioribus Historicis aliquid referre, quod obstat facto a se recensito, in hisce circumstantiis dicitur, argumentum negativum quocumque carere robore & efficacia. Contra, si aliquis probare velit, rem a recentiori Historico narratam neutiquam veram esse, thesis erit negativa; & si Auctor eam argumento negativo confirmet, eo quia videlicet antiquiores & cœtanei de re prædicta locuti non sunt, negativum argumentum apte concludere dicitur in eadem disputatione. Sic docet eruditus P. Grandus *differt. 3. Camaldul. cap. 8. num. 9.*

3 Ceteri denique distinguunt genus argumenti pure negativi ab argumenti negativi genere, quod habeat admixtum aliquid positivi. Exemplum argumenti pure negativi est, si ex. gr. dicatur: Vocabulum extreme Unctionis nullum apud Auctorem legitur ante duodecimum sæculum: ergo Episcopi Trecentis textus in vita S. Mauri, ubi ejusmodi dictio habetur, erit procul dubio adulterinus. Argumentum autem negativum cum positivo mixtum erit, si dicatur: Nullus Auctor ante Martinum Polonum meminisse legitur Joannæ Papiſſæ, omnesque Auctores synchroni immediate post Leonem IV. ponunt Benedictum III., neutiquam vero Joannam: ergo hæc præsumpta Papiſſa merum est commentum a præfato Martino confictum. Illud enim, quod negativum est in hoc argumento, consistit in eo quod dictum est, nullum Auctorem ante Martinum meminisse Papiſſæ; illud vero, quod positivum est, consistit in eo quod ceteri Auctores immediate post Leonem IV. ponunt Benedictum III. Porro major esse dicitur vis secundi, quam primi argumenti. Ut enim primum vi & robore non careret, oporteret, singulos evoluisse Scriptores, ex quorum silentio argumentum ernitur; necnon oporteret, nos certos esse, nullum omnino ex Auctoribus, qui rem de qua agitur pertractaverint, interiisse: fieri namque potest, ut Auctor, cujus scripta ad nos usque minime devenerunt, rei alicujus mentionem fecerit, quæ tamen a ceteris fuerit prætermiſſa. Ita docet P. Mabillonius *de stud. monast. cap. 13. tom. 2. §. Quid sit plane, & seqq.*, quem laudat & sequitur Justus Fontaninus Archiepiscopus Ancyranus *in dissertat. de Corona Ferrea cap. 8. num. 4.* Legi etiam potest super commento præsumptæ Papiſſæ epistola Joannis Launoji ad Carolum Mauritium Tellerium, quæ est octava *tom. 5. oper. part. 1. pag. 563. & seqq.*

4 Porro

4 Porro usi sumus exemplo Martini Poloni, quem diximus primum fuisse, qui Joannæ Papiſſæ meminerit, ut in materia negantis argumenti uteremur exemplo, quo utuntur Auctores in superiori paragrapho allegati. Scimus enim, figmentum prædictum non a Martino Polono, sed ab Hæreticis proditum fuisse. Martini quippe Scripta foedata fuisse & adulterata, invictis argumentis ostenditur ab Echard *tom. 1. Scriptor. Ord. Præd. ad ann. 1278. pag. 361. & seq.* Extat exemplar operum Martini Poloni in bibliotheca Angelica Urbis dono eruditissimi viri Lucæ Holſtenii. Exhibet editio illa vetustissimum manuscriptum ipsi Martino Polono pæne cœtaneum, summa fide & diligentia expressum, ubi de prædicta fabula Editor loquens hæc habet in præfatione: *Martinum Polonum a Basileense Typographo eadem hac fabula adanctum esse, solido satis probatur hoc argumento, quod a nostro antiquissimo, aliisque quamplurimis; qua Suffridus Petri, & Jofias Simlerus viderunt, exemplaribus, fabella ex Lutheranorum latibulis eruta, impressisque codicibus per magnam vel inscitiam, vel imposturam inserta, plane abesse, & semper absuisse, omnium oculis videatur, & videri possit.* Additur, Marianum Scotum floruisse sæculo XI., & Martinum Polonum sæculo XIII., & a Launojo in libello de auctoritate negantis argumenti asseri, Marianum Joannæ Papiſſæ testimonium perhibuisse; ex quo inferri potest, figmentum nunquam Martino Polono uti primo Auctori esse adscribendum. At veritati ut obsequamur, quemadmodum Martinus Polonus a calumnia vindicatur, ita vindicari quoque debet Marianus Scotus, cum par utriusque sit causa. Auctor etenim præfationis operum Martini Poloni supra laudatus hæc habet de Mariano Scoto: *Marianus Lenem proximum & immediatum Antecessorem Joannæ, centesimum secundum, Benedictum vero proximum & immediatum ejusdem Joannæ Successorem centesimum tertium a S. Petro Pontifice, nullo pro Joanna numero relicto, enumerat: ex quo proinde evincitur, viciata fuisse exemplaria quoque operum Mariani Scoti Hæreticorum fraude fabulam Joannæ Papiſſæ obtrudere volentium. Marianum pluribus in locis vindicat Mabillonius & purgat; qui non ita se gessit erga Martinum Polonum, quandoquidem non vidit monumenta, quibus ille a ceteris vindicatur.*

5 Sed ut ad rem redeamus, si in adeo celebri controversia meus, qualiscumque sit, sensus exquireretur, dicerem primo, serio perpendendum esse, an re vera negotium sit redactum ad punctum argumenti negativi; tum, si constet, negotium esse ad punctum argumenti negativi redactum, dicerem secundo, non indistincte admittendam esse, nec indistincte esse rejiciendam vim argumenti negativi. Dicerem autem primo, serio perpendendum esse, an negotium sit redactum ad punctum argumenti negativi; quia aliud est, aliquem dicere, se in Auctoribus & Scriptoribus æquævis aliquam rem non legisse; aliud vero, nullum extare Auctorem æquævum qui rem retulerit, & nullum æquævum monumentum, ita ut impossibile sit, id lectum fuisse ab Auctore posteroris ævi, uti bene indicat Ma-
bil-

billonius loco supra citato . S. Hieronymus in *præfat. ad librum de Scripturis tom. 2. oper. col. 809.* fateatur, se non vidisse opera nonnullorum, qui suo tempore scribebant . S. Maximus in *præfat. ad opera S. Dionysii Areopagita*, postquam sibi opposuit, Eusebium Pamphili ea non agnovisse, subdit, multos libros ad hujus manus non devenisse . Propius vero ad rem, de qua nunc agimus, sæculo xvi. non defuerunt nonnulli audaces homines, qui tanquam apocrypham traduxerunt visionem celeberrimam S. Francisci una cum Indulgentia quæ dicitur *Portiuncula*, de qua etiam in *quarto hujus Operis libro* habebitur sermo, sub obtentu potissimum, quod altum prædictarum rerum silentium sit in operibus S. Bonaventuræ, & aliorum contemporaneorum Auctorum . Sed, cum Balutius in *miscellaneis tom. 4.* ex antiquis bibliothecis monumentum Auctoris contemporalis prædicta omnia narrantis ediderit, ex hoc facto clare desumitur, non ita facile dicendum esse, nullum ex æquævis Auctoribus hanc illamve rem referre, & ideo eam recentiorum Auctorum esse commentum; ut apte argumentatur Langlet in *method. stud. histor. cap. 19. regul. 5.* Item non desunt, qui translationem almæ Domus, in qua Verbum caro factum est, ex Galilæa factam in Liburniam inter fabulas ausi sint recensere ex defectu Auctorum contemporaliū, qui prædictam narrent translationem . De hac scilicet translatione tractabimus pariter in quarto libro hujus Operis . Interea vero adnotasse fas sit, aut non deesse contemporales Auctores, teste citato Guldone Grando *cit. dissert. 3. cap. 8. num. 12.* Cum vero & paucis post annis a sacra Domus in Italiam adventu monumenta regionis illius in qua stationem posuit, indubitata occurrant, & ipso quidem Antonino (cujus potissimum silentio patroni argumenti negativi in hac controversia utuntur) *pene sesquisæculi vetustiora*, ad quem nemo prudens pertinuisse dixerit, de re tum vulgatissima expressum testimonium suis historiis inserere; hinc, temere abuti ejus silentio contradictores ad Lauretani sacelli veritatem impugnandam, tam manifestum est: aut Fluminenses annales, in quibus tota describebatur historia, ab Historico Domus Lauretanæ Angelita vifos & perlectos, teste Antonio Salt in libro, quem inscripsit, *Sanctuarium Lauretanum*, sufficere, ne contemporalia monumenta deesse dicantur . Legi potest historica dissertatio Georgii Francisci Xaverii Marotti pro Deipara Terfactana, *part. 2. pag. 24. tom. 2. theatri historici sanctæ Domus Nazarenæ typis editi anno 1733.* & summa diligentia collecti a Petto Valerio Martorello olim Episcopo Feltrino . Nec enim urget prædictorum annalium amissio, quemadmodum legitur in *append. dicti theatri pag. 51. cit. tom. 2.* Præstanda siquidem fides est Scripturibus eximiiis, Angelitæ videlicet supra memorato, & Tursellino, qui eos in conscribenda historia Lauretana præ manibus habuerunt, & ex eis suas narrationes desumpserunt: exemplo potissimum Dionysii Halicarnassæi, qui opus composuit antiquitatum Romanarum, postquam illud spatio viginti duorum annorum præparaverat partim ex doctissimorum hominum colloquiis, partim ex laudatorum virorum commentariis, quos superiora

sæcula

secula tulerant; idem quippe Dionysius magnæ est auctoritatis, quamvis monumenta quæ viderat, postmodum deperdita sint. Quare Cardinalis Baronius in præfat. ad annal. Ecclesiast. sic loquitur de eodem Dionysio: *Ex quibus omnibus h. c. unum exemplum, ut reliqua taceam, Dionysii Halicarnassæi, quem h. moris causa nomino, satis sit in medium protulisse; qui nullo validiori argumento lectoris fidem sibi conciliasse visus est, quam asserens, complures se annos Roma versatum, ejusdemque Orbis vetera monumenta, & abdita quæque sæculo perpernatum fuisse.* Denique magnis olim animorum motibus agitabatur controversia, utrum Summa Theologica, quæ nomen præ se fert S. Thomæ Aquinatis, ab eo fuerit composita, an potius a Vincencio Bellovacensi. Joannes nempe Launojus more suo sententiæ adhærebat, quæ favet Bellovacensi, innixus sermoni Clementis VI. qui S. Thomam laudans anno 1323. ad solemnia ejusdem recens canonizati, & ejus operum indicem retexens, Theologicæ Summæ non meminit. Sed, cum eruditus ex Dominicana familia Theologus Jacobus Echard in libro de S. Thomæ Summa suo Auctori vindicata pag. 439. & seqq. clarissime demonstraverit, in eodem Clementis VI. sermone Summam S. Thomæ esse commemoratam; ex his omnibus plene evincitur, serio perpendendum esse ante omnia, an negotium sit redactum ad punctum argumenti negativi; cum aliquando fidenter asseri contingat, nullum æquævum Auctorem rem retulisse, quamvis non desint qui retulerint. Sufficere profecto hæc deberent pro re de qua nunc agitur. At, quatenus alia desiderarentur, ea non deficiunt. Post primam hujus Operis editionem typis impressa est vita B. Benedicti XI. ab eodem Dominicanæ familiæ alumno Petro Thoma Campana, a quo supra diximus, editam etiam fuisse vitam S. Petri Martyris. De prædicto B. Benedicto XI. refertur, matrem ad se accedentem, pretiosis vestibus indutam, eum noluisse ad colloquium admittere; sed pauperibus indumentis vestitam admisisse, filiali obsequantia prosecutum. Pater Echard, & Quetif tom. I. Scriptur. Ord. Præd. pag. 446. id putant fabulosum, cum nullus Auctor æquævus, nec ipse Bernardus Guidonus prædicti facti meminerint. Citatus autem Campana in vita prædicti Beati cap. I. I. ipsos redarguit, cum Taegius part. 2. amplioris chronice Ord. S. Dominici, Historicus satis accuratus & probus, testetur, sed id legisse in quodam libro Bernardi Guidonis, qui tunc erat obviis, & hodie fortasse aut deperditus est, aut latet in aliquo theatro alicujus bibliothecæ. Rursus fama erat, SS. Faustinum, & Jovitam, Patronos Brixianæ urbis, in armis aureis apparuisse ad ejusdem tutamen adversus Nicolaum Picininum Mediolanensem copiarum Præfectum, ipsam obsidentem ac maxima vi oppugnantem. Sed a plerisque dubitabatur de miraculo hujus insignis apparitionis, silentibus videlicet Historicis Brixianis æquævis, illudque narrante Elia Capreolo, qui octoginta integris annis post solutam obsidionem decessit, & fabulosa quædam suis commentariis inseruit: cum opera & studio Cardinalis Angeli Mariz Querini binæ litteræ inventæ sunt Ludovici Fuscarenæ ad S. Laurentium Justit-

nianum tunc Patriarcham Venetiarum, quæ rem totam in aperto ponerent. Etenim cum quatuordecim annis post Brixiam ab obsidione liberatam Fuscarenus ejus civitatis administrationem suscepisset sibi a Veneto Senatu demandatam, biduo post aditam provinciam rumor increbuit, consilium initum fuisse a quibusdam Religiosis viris inde asportandi Venetias corpora SS. Faultini & Jovite: ac nisi ipse Religiosos illos opportune servasset, populi ira ferroque periissent. Fuscarenus in allatis epistolis causam aperiens pii furoris, qui mentes Brixianorum incenderat, hæc habet: *Memores sunt, cum circumvallati, inclisi fame laborarent, ultima experirentur pericula, visis ab hostibus Tutores sanctissimos aureis armis Brixiam tueri: quo miraculo attonitus Nicolaus Picinus, Dux fortissimus, potiunda urbis spem perdidit, supplicii petendi, aurumque habendi aviditatem remisit. Quas ob res difficilium his corporibus carerent.* Fuscarenus epistole integræ insertæ sunt in epistola prædicti Cardinalis typis edita, & ad Patrem Cyprianum Benagiam Abbatem & Præsidem Generalem Congregationis Cassinensis data. Post quæ idem doctus Cardinalis hæc ad rem subdit: *Supereft tandem, ut una mecum fatearis, argumentum, quod negativum critica artis Magistri vocant, quoque aliqui ex ipsis haud ita raro abutuntur ad convellendam monumentorum, Ecclesiasticorum auctoritatem, facile accidere posse, ut omni ipsam auctoritate destitutum comperiat. Certe triumphare quam maxime illud videbatur in subiecta hinc epistola materia; nam veterum Scriptorum silentium eo vehementius in eandem torqueri poterat, quod plures modo suppetant commentarii Brixiana obsidionis tempore de obsidione illius rebus conscripti. At quam vanus foret ille triumphus, detecta a me Fuscarenus littera ostenderunt. Undenam, per Deum immortalem, certo divinare se posse confidet Criticorum illorum natio, præscit illis monumentis, quibus ipsi præcipiti ausu bellum indicunt, testimonia hujuscemodi olim defuisse, cum sit sacrorum lapsu, forte malo fato, aut omnino interierint, aut in tenebris adhuc deliteant?*

6 Dicerem deinde secundò, negotio redactò ad punctum argumenti negativi, non esse indistincte procedendum, nec ejus vim esse absolute admittendam vel rejiciendam; cum materia ipsa aliquando, aliquando temporum circumstantiæ ei fidem & auctoritatem conciliare possint. Joannes Diaconus trecentis post S. Gregorium Magnum annis vixit, & in ejus vita lib. 2. cap. 44. narrat. ejus precibus animam Trajani Imperatoris luifse a poenis Inferni liberatam, de quo etiam plura habentur apud Durantem in notis ad cap. 14. libri 3. revelationum S. Birgisse. Porro nec Anathasius Bibliothecarius, nec Marianus Scotus, nec Ado. nec Beda S. Gregorii studiosissimus hanc narrant historiam, eamque propterea tanquam fabulosam rejiciunt Baronius, Bellarminus, Capiucchi, Melchior Canus, aliique plures; & merito, cum Antiquorum silentium vim quoque a materia recipiat: credit enim Ecclesia, poenas Inferni esse æternas, idque efficit, ut exemptio ab hac lege, si alicui a Deo concessa dicenda sit, Ecclesiæ ipsius testimonio debeat comprobari; sicuti ad rem bene adnotavit Natalis

Ale

Alexander in *hiflor. Ecclef. fac. II. differt. 1. pag. 321.* Ab illis quoque, qui argumento negativo adverfantur, ejus efficacia admittitur in eo rerum eventu, in quo factum respiciat Universalitatem, aut coetum quemdam hominum: dicunt enim, si nonnulli ex ea Universalitate, aut coetu contemporales fcripferint, eisque occasio fe obtulerit narrandi factum, nullus autem ex eis factum retulerit, factum idem a recentiori Auctore expofitum pro commentitio facile haberi poffe. Ita Pater Honoratus a S. Maria in *cit. oper. de uf. Critic. tom. 1. differt. 3. art. 2. in fin.* Uno verbo, vis, aut inanitas argumenti negativi a circumftantiis pendere debere videtur, teftes ipfo Launojo infigni negantis argumenti defenfore in *epift. ante differt. de ancl. neg. argum. part. 1. tom. 2. oper.* Sunt tamen, qui, difficultatem in abutricis nullam effe volint, eamque, dum cominus urgentem fenimus, devorare fe putent, fi per contemptum dicant: *Negativa funt argumenta, quibus nihil concluditur. Sed, ut verum fatear, iftud fine nullo discrimine vel delectu qui faciunt, eos effe in dialecticis mediocriter institutos, quotidie experimur; neque enim canonem illum, quo, ex negativis nihil concludi, ftatuitur, aliter, quam de memoria velut de pariculo, recitant; neque, quo intelligendus modo fit, ufquam attenderunt. At enim, ut res fpectetur ex fe ipfa, nec admittenda nec rejicienda eft quavis abnutiva ratiocinatio. In iis autem, qua ex conditione facti; ex ufu, & traditione pendunt, fi quadret in omnem penitus fubjectam materiam, firmiffima judicari debet; fi non quadret, quia potefi magis aut minus quadrare, aliquando probabilitatis habet aliquid, aliquando nihil, idque fapient. Quis in discrimine regula nulla potefi certa conftitui; fed, quidquid eft, totum viri fapientis, & equanimi judicio relinquitur, ex quo recte & appofita ratiocinandi leges quilibet manant. Poftremo, ut eo magis ftatuatur, non effe indiftincte admittendam aut rejiciendam vim argumenti negativi minime omittendum videtur, opus effe, ut finis, ad quem dirigitur, dignofcatur; cum aliud fit, eo uti in materia fimpliciter hiftorica, aliud vero, eodem uti in caufis Servorum Dei, de quorum Beatificatione aut Canonizatione tractatur. Contendente enim Fidei Promotore, malum aliquod patratum fuiffe a Dei Servo producto teftimonio alicujus recentis Auctoris, filentium Antiquiorum Poftulatoribus prodeffe poterit, fi alia non defint circumftantiae eorum affumpto faventes: uti contigit in caufa B. Gregorii X. de qua in fecondo hujus Operis libro actum eft; ubi macula Beato ipfi impacta a recentibus Auctoribus nedum delata fuit fientio Antiquiorum, fed & ex pravis moribus Recentiorum qui rem narraverant, atque ex aliis circumftantiis ibidem expofitis. Simile eft illud, quod in negotio Ofii Cordubenfis contigit, quem plerique traduxerunt uti mortuum in peccato & fine poenitentia; alii vero viri docti vindicarunt oftendentes, praedicti criminis originem a corruptis & falis codicibus derivatam effe; quemadmodum videri potefi apud Cardinalem de Aguirre *tom. 2. Concilio. Hifpania differt. 2. excurf. 14.* Contra, fi Poftulatores innixi teftimonio Scriptoris non aequi aliquid magnum producant a Dei Servo patratum, & Fidei Promotor*

æquævorum silentium opponat, durum profecto esset in eo facto figere pedem: cum firmæ & stabiles esse debeant eo in iudicio probationes, & huius quidem generis non essent illæ, quæ in eo rerum eventu Postulatoribus faverent. Quam ad rem subdit Mabillon. (*in tract. de stud. monast. cap. 13. tom. 2. §. Multum igitur*) Hinc tamen non obstat, quin in similibus casibus liceat prudenter dubitare, usque dum novum aliquod lumen menti obveniat vel ad conceptum dubium proponendum, vel ad ipsum affirmative aut negative ultimo resolvendum. Præterquamquod, si ex supradictis, in causis procedentibus per viam casus excepti, aut (juxta alibi dicta) antiquitatis privilegio fruentibus, etiam si procedant per viam non cultus, in quibus locus est subsidariæ probationi Historicorum, cum agitur de virtutibus aut de Martyrio, Historici aut debent scripsisse quæ viderunt, aut saltem quæ audiverunt ab iis qui viderant; sique ex infra dicendis Historici scribentes quæ viderunt, vel quæ ab iis qui viderant, audiverunt, inter contemporaneos recensentur; nemo est qui non videat, quæstionem de vi negantis argumenti sibi utique posse vindicare locum in alio rerum eventu, at minime in eo de quo nunc agimus, quando videlicet Postulatores aliquid probare velent de virtutibus aut Martyrio auctoritate recentioris Auctoris, silentibus æquævis. Facit pro re, de qua nunc agitur, dictum Hugonis Grotii de veritate Catholica religionis tom. 3. oper. lib. 2. §. 22. Pro rerum diversitate diversa quoque esse probandi genera, alia in mathematicis, alia de affectionibus corporum, alia circa deliberationes, alia ubi facti est quæstio, in quo genere sane standum est nulla suspitione laborantibus testimoniis, quod ni admittatur, non modo omnis historia usus perit, Medicina quoque pars magna, sed & omnis, quæ inter parentes liberosque est pietas, ut quos haud aliter noscamus.

7 Quæres secundo, an probati mores, & ejus sanctitas vim ineluctabilis auctoritatis in facto historico Scriptori præstent. Respondetur, prædictas qualitates plenissime demonstrare, eum nec voluisse consulto, nec potuisse mentiri. At, his tamen minime obstantibus, quemadmodum Auctor decipi potuit, sic ejus narratio examini est subjicienda, ideoque, ut vim veræ probationis obtineat, non poterunt omitti regulæ in superiori recentitæ de fide Historicis præstantia. Ut cetera prætereantur, S. Joannes Damascenus in oratione de iis, qui in Fide dormierunt &c. tom. 1. oper. historiam paulo ante indicatam narrat de anima Trajani precibus S. Gregorii a poenis Inferni liberata, & narrationem ipsam ita concludit num. 16. Quodque hoc verum sit, atque ab omni criminatione alienum, totus Oriens Occidentisque testatur. De auctoritate autem S. Joannis Damasceni in ea re sic loquitur Cardinalis Baronius ad an. 604. num. 40. Primum quidem ab omni impostura suspitione virum sanctissimum immunem reddimus, nihilque ab ipso commentitium esse factum, vel excogitatum, constanter asserimus; sed quod ipse vere factum accepit ac credidit, hoc ipsum, quemodo audivit, scriptis suis bona fide mandavit. At in his, quæ ad rerum gestarum veritatem spectant, quam frequenter accidat, falli etiam prudentissimos, non in antiquis tantummodo, sed &

in

in his, quæ facta dicuntur in eodem loco, quo ipsi sunt, & quo vivunt, tempore, cum usus doceat, pluribus demonstrare, supervacaneum esse putamus: ob idque nihil est, ut quantavis sive sanctitatis, sive doctrinae cuiuslibet prerogativa viri, quod non factum sit unquam, ut factum afferentis, ipsi veritati præjudicium possit inferre; cum in his, quæ sunt facti, non dogmatis, potueris quisque sanctissimus atque doctissimus, Fideique orthodoxæ professor, atque defensor, aliquando falli. Porro ad rem nostram prosequitur Canus de locis Theologicis lib. 11. cit. cap. 6. pag. 321. Quamobrem, boni licet, ac minime fallaces viri, quia tamen nec Auctores eos, a quibus suos exscripsere libros, diligenter examinarunt, nec res iustis libratas ponderibus memoria prodiderunt, apud Criticos graves atque severos auctoritate carent. Ea quoque resumî poterunt, quæ lib. 2. cap. 41. dicta sunt, cum ageretur de oppositis a S. Bernardo adversus S. VVilhelmum Archiepiscopum Eboracensem, & de oppositis a S. Petro Damiano adversus B. Petrum Urseolum.

8 Quæres tertio, an auctoritate carere debeat Historicus, qui Beati vitam referens nonnulla ei miscet haud verisimilia, & sorte risu digna. Exempla aliqua habentur apud Canum lib. 11. de loc. Theol. cap. 6. ubi sic loquitur pag. 318. Equis enim credas, D. Franciscum pediculas semel excussos in se ipsum solitum esse immittere? Quod ad sanctitatem viri Scriptor pertinere putavit, equidem non puto, qui paupertatem sciam viro sanctissimo placuisse semper, sordes nunquam. Illud item quam ridiculum, Diabolum Dominico Patri nostro semel obstrepentem a Diavo esse coactum, ut lucernam haberet in manibus quoad illa absumpsi non molestiam solum, sed incredibilem dolorem etiam afferret? Non possunt huiusmodi exempla numero comprehendi; sed in his paucis pleraque alia intelligentur, quæ Divorum clarissimorum historias obscurarunt. Non autem decebas, veras Sanctorum res gestas falsis & commentitiis fabulis contaminari. Prudenter autem Bollandus in præfat. generali ad vitas Sanctorum mensis Januarii cap. 3. §. 4. notat, nonnulla aliquando videri ridicula, quæ re vera non sunt, multa item aliquando traduci tanquam incredibilia, quæ incredibilia non sunt; atque ideo rejiciendas non putat Sanctorum vitas, etiam si illis aliqua ridicula, aut improbabilia inserta sint, sed corrigendas potius & emendandas. Tillemontius in notis ad vitam S. Jacobi Minoris not. 13. tom. 1. secunda editionis pag. 631. inquit, in historiis certis nonnulla aliquando improbabilia reperiri, & hæc quidem esse dimittenda, at non alia, quæ non sunt tali nota signata; & pag. 632. addit, a modo ipso narrandi aliquando derivari apparentem quamdam inverisimilitudinem, cum videlicet narrans aliquando aliqua omittit, quæ si retulisset, inverisimilitudinis, & improbabilitatis nota cessasset; tandem concludit, Historicum illustrem ex consimilium aliquarum rerum narratione non esse deserendum, & auctoritate privandum, si aliæ concurrant circumstantiæ, quæ in reliquis fidem ejus dictis astruant. Pater Honoratus a Sancta Maria cit. tom. 1. differt. 3. art. 4. sed fufius differt. 6. art. 3. §. 2. Tillemontium, & alios ibi recensitos redarguit, eo quia aliquando ea moderatione usi sunt,

ne

110 DE SERVORUM DEI BEATIFICATIONE

ne aliquas rejicerent historias, aliquando vero ea uti noluerunt, ut alias abjicerent historias. Denique Pater Joseph Augustinus Orsi in sua erudita dissertatione apologetica pro Actis SS. Perpetuæ, Felicitatis, & Sociorum Martyrum pag. 84. bene subdit: *Fuerint etiam ab Auctore coarcto, ut fertur, & ipse in prefatione testatur SS. Martyrum Acta in litteras missa, & sera posteritati commendata, non inde tamen consequens esset, ea, qua ad visiones pertinerent, omnia esse a vidis auribus, nulloque adhibito criterio excipienda. Quam facile est enim, ut hisce in rebus & boni viri fallantur* Et aptissime Pater Touzou Ordinis Fratrum Prædicatorum in vita S. Thomæ de Aquino impressa tempore primæ editionis hujus nostri Operis, & a Nobis postmodum lecta, animadvertit lib. 3. cap. 8. prudentiam Christianam nos admonere, ne siquidem nimis creduli absque examine; Christianamque pietatem non permittere, ut in spiritum incredulitatis inconsiderate ruamus, qui facit, ut tantum falsa rejiciamus quæcumque nobis extraordinaria videntur. Scire quippe debemus, Deum aliquando manifestare merita Servorum suorum exterioribus sanctitatis indiciiis: quapropter prostant effusiones gratiarum, & Divinæ communicationes in historiis SS. Pauli, Antonii, Benedicti, Bernardi, Dominici, Francisci de Assisio, Philippi Nerii, Francisci de Sales, Catharinæ Senensis, Teresæ. Verum, utcumque hæc sint, cum præsens nostra indago (uti sæpe dictum est) coercita sit ad judicium virtutum aut Martyrii in specie in causis Canonizationis, existimarem, vim probationis obtinere debere historias vel conscriptas ab his qui viderunt, vel ab his, qui ab aliis qui viderant, audiverunt, dummodo Historici ceteris potiantur qualitatibus ad fidem sibi conciliandam necessariis, etiam si ipsis eorum historiis aliqua vere improbabilia, aliqua re vera haud verisimilia intermissa sint; hæc enim possunt abjici, reliqua autem admitti. Quæ tamen (uti dici consuevit) cum grano salis crederem esse intelligenda atque explicanda, ut videlicet sibi vindicent locum, si improbabilitates inverisimilitudinesque non essent nimis frequentes & nimis crasse: si enim essent nimis crasse nimiumque frequentes, ex eis desumi posset, Historicum, licet temporalem, & ea narrantem quæ vidit, aut quæ ab iis qui viderant, audivit, prudentia & justo rem unam ab alia discernendi judicio caruisse. Nec vero ab hac moderatione recedere potuerunt Critici severiores, teste ipso Joanne Clerico tom. 2. artis critica sect. 2. cap. 5. num. 2. *Non diffitemur posse doctum, & veri amantem virum interdum caspitare, & inde ita aut falsa quandoque, incuria aut credulitate proferre; sed, hoc rarum sit, necesse est, nec in rebus nimis aperte ind. illis aut falsis situm.*

9 Quæres quare, quinam dicendi sint Auctores contemporanei. Huetius in demonstrat. Evang. post præfat. definit. 1. docet librum genuinum esse eum, qui ab eo Auctore scriptus est, a quo scriptus esse dicitur, & eo circiter tempore, quo scriptus esse fertur; & ex hoc capite dicit, Herodoti historiam esse genuinam: librum autem coarctum seu coarctatum esse illum, qui eo circiter tempore scriptus est, quo res in eo scriptæ continge-

runt,

runt, uti est historia Thucydidis, quæ narrat ea quibus ipse interfuit, liber Xenophontis *de expeditione Cyri*, cui expeditioni idem qui scribit, interfuit. Scacchus *de not., & sign. sanctit. sect. 11. cap. 6. pag. 881.* respondet, Historicis, qui vixerunt intra quinquaginta annos ab obitu Servi Dei, aut Beati, cujus vitam referunt, pro contemporalibus habendos esse: *Enim si Historici vixerint posterioribus sæculis vel etiam ad quinquaginta annos a tempore, quo vixit Dei Servus de quo agitur, profecto indicium aliquod aut conjectura ab his sumpta alterius auctoritatis non erit, quam quæ ab Historicis sumitur, qui contemporanei fuerunt.* Tillemontius, & Baillet auctoritatem non detrahunt Historico, licet post sæculum scribenti. Launojus *in tract. de auctoritate negantis argumenti, in fin.* tempus id protrahit ad annos circiter ducentos. Pater autem Honoratus *cit. oper. tom. 1. dissert. 2. art. 5.* ingenue admittit, historicam veritatem per tres utique aut quatuor hominum ætates suum tutum posse habere progressum; at periculis tamen deceptionis & hallucinationis expositam esse, si alicujus Scriptoris intra sæculum scribentis præsidio sit destituta. Verumenimvero, utcumque hæc sint, quod attinet ad probationem virtutum aut Martyrii in specie, quarum nempe rerum examinem post approbatum casum exceptum in sacrorum rituum Congregatione assumitur, insistendum est praxi, quæ ad vim probationis non admittit nisi Historicos, qui scripserunt ea quæ viderunt, aut quæ ab iis qui viderant, audiverunt, qui in hac quidem re & ad effectum, de quo agimus, sunt Historici contemporales.

10 Quæres quintò, utrum satis sit, Historicos testari sanctitatem vitæ aut Martyrium, an potius requiratur, ut vitæ cursum, si de Confessore agatur; vel poenam & causam aliasque circumstantias ad verum Martyrium necessarias referant, si de Martyre tractetur. Facilis autem videtur huic quæsitò responsio: non enim post approbatum casum exceptum a decretis Urbani VIII. quæstio in sacrorum rituum Congregatione instituitur, an constet de fama sanctitatis aut Martyrii, sed an constet de virtutibus aut Martyrio in specie: quocirca necesse omnino videtur, ut Historici cursum vitæ, si de Confessore; & alia ad verum Martyrium spectantia, si de Martyre agatur, exponant; tum quia exempla supra relata causarum, quæ fuerunt in sacra Congregatione discussæ & resolutæ, id evincunt; tum quia nemo non videt, vetitum esse, in judicio in specie probationibus inniti, quæ tantum ad generalia respiciunt.

11 Quæres sextò, an ad probationem virtutum admitti possint, quæ a Servis Dei, seu Beatis in vitis de se & a se conscriptis referuntur. Patres puta Societatis Jesu in scriptis reddunt rationem propriæ conscientiæ suis Superioribus, quæ sub sigillo retinetur omnibus abscondita, solumque aperiunt Rectori spiritali, vel Confessario, vel ipsi Superiori, ut ex iis scilicet, quæ in annum in animabus subditorum contingunt, faciliorem & securiorem modum desumant ad hos regendos ac dirigendos in viam salutis æternæ, juxta ea quæ habentur *in primo examine generali cap. 4. §. 34. im-*

II 2 DE SERVORUM DEI BEATIFICATIONE

impressionis Romane pag. 31. & §. 35. & §. 40. pag. 23. & in Constitutionibus part. 6. cap. 1. num. 2. §. Omnibus in eadem pag. 148. & in summario Constitutionum §. 41. tom. 1. pag. 307. in impressione Pragensi, ubi sic legitur: 'Nullam debent celare tentationem, quam Praefecto rerum spiritualium, vel Confessario, vel Superiori non aperiant... nec solum defectus aperiant, sed etiam penitentias, vel mortificationes, & devotiones, ac virtutes omnes, voluntate pura optantes, ab illis dirigi, sicuti a rectitudine desisterent, nolentes suo proprio sensu duci, nisi conveniat cum iudicio illorum, quos Christi Domini nostri loco habent. Et in ordinationibus generalibus cap. 1. §. 17. tom. 2. pag. 124. dicta impressionis, & denique in instructionibus cap. 2. §. 2. tom. 2. ejusd. impressionis pag. 204. In aperienda autem conscientia finis est, status animae suae, nimirum defectus, passionis, propensiones, tentationes, virtutes ipsas & ei aperire, cui se ad maiorem Dei gloriam dirigendas tradiderunt. De consimilibus itaque relationibus, seu propriae vitae historiis actum aliquando est in sacrorum rituum Congregatione; in causa videlicet Servi Dei Alfonso Rodriguez Coadiutoris temporalis formati Societatis Jesu, qui Rationem suae conscientiae descripsit, sed ex imperio Gabrielis Alvarez sui Superioris; in causa Servi Dei Cardinalis Bellarmini, qui propriam vitam descripsit, suadente Patre Mutio Vitellescho, & Patre Andrea Eudemenio; & in causa Servi Dei Alfonso de Orofco Religiosi Professi Ordinem Eremitarum S. Augustini, qui librum quemdam suarum Confessionum exaravit suorum Superiorum, & Cardinalis Gasparis de Quiroga Inquisitoris Generalis Hispaniarum imperio. Et quidem, dum munere fungebat Fidei Promotoris, nonnullas a praedictis vitis, seu relationibus animae diversiones atque oppositiones desumpsit, & signanter iactantiae & inanis gloriae; quibus porro a Postulatoribus fastiditum est. Veruntamen praesens indago non est in eo posita, an similes propriae vitae relationes obstant sanctitati, sed an habeant vim probationis; eo quia videlicet nemo est, qui in propria causa possit pro se testimonium terre. Sancti homines, & Legis observantissimi testimonium utique de se ipsis perhibuerunt. David quippe de se ipso testatur Psal. 7. v. 4. & 5. Domine Deus meus, si feci istud, si est iniquitas in manibus meis, si reddidi retribuētibus mihi mala. Quin & Jeremias cap. 15. v. 16. & 17. Domine Deus exercituum, non sedi in consilio ludentium, & gloriatus sum a facie manuum tuarum. Et Apostolus Paulus aperte vociferatur in 1. ad Corinth. cap. 4. v. 4. Nichil enim mihi conscius sum. Et in Evangelio Joannis cap. 8. v. 13. & 14. Phariseis Christo Domino opponētib, quod pro se testimonium ferret, Dixerunt ergo ei Pharisei: Tu de te ipso testimonium perhibes; testimonium tuum non est verum. Respondit Iesus, & dixit eis: Etsi ego testimonium perhibeo de me ipso, verum est testimonium meum, quia scio unde veni, & quo vado; vos autem nescitis unde venis, aut quo vado. Haec autem hypothēsi nostrae aptari minime possunt: Christus etenim ex Deo erat, & Deus & Dei Filius; atque ideo, ut ait S. Joannes Chrysostomus hom. 42. in Joan. tom. 8. oper. Deus sibi fide dignus testis. Nec ad rem, de qua agimus, facere possunt cetera

tera

tera exempla recensita, cum sint virorum, quorum sanctitas in Divinis Scripturis admitta est. Quod etiam dicendum esset, & est de Sanctis, postquam Ecclesie judicio in album Sanctorum relati sunt: absconum quippe esset, vi probationis & auctoritatis ea privare, quæ de se ipsis retulerunt. Quæstio igitur est de his, qui adhuc canonizati non sunt, sed de quibus disputatur, an sint, necne, canonizandi; utrum videlicet, pendente Canonizationis judicio, validæ & sufficientes haberi possint probationes, quæ desumuntur ex relationibus, quas de se ipsis conscripserunt. Sulpicius Severus *dialog.* 3. de *virtutibus B. Martini* n. 5. fane testatur, se nonnulla scripsisse, quæ ab ipso Martino audiverat: *Miror autem, quemquam, qui vel tenuem sensum religionis habeat, tantum piculi velle committere, ut putet, quemquam de Martino posse mentiri: Facessat a quoquam, qui sub Deo vivit, ista suspicio. Neque enim Martinus hoc indiget, ut mendacii adferatur. Sed iam totius sermonis fidem apud te, Christe, depromimus, nos nec alia dixisse, nec alia dicturos, quam qua aut ipsi vidimus, aut qua manifestis Auctoribus, vel plerumque, ipso referente, cognovimus.* Ipsi quoque SS. Martyres tormenta scripserunt, quæ a Tyrannis passi sunt. Eiusmodi enim Acta habemus, quæ S. Perpetua de suo ipsius Martyrio conscripsit; idemque Saturnus, Flavianus, alique passim Martyres de se ipsis prætulerunt; necnon Ignatius Martyr Romanos certiores fecit epistola de his, quæ in itinere a militibus perferebat; uti bene adnotavit Ruinart *in præfat. general. ad Acta Martyr.* §. 1. *num.* 3. Quid ergo dicendum erit? Nimirum, si mea exquiratur opinio, dicerem, probationis vim & efficaciam habere debere visiones, apparitiones, revelationes, quas sibi contigisse, Servi Dei referunt, nisi desint circumstantiæ alibi referendæ, quæ requiruntur, ut visiones ipsæ, apparitiones, atque revelationes inter cælestia dona sint recensendæ. Idem quoque dicendum crederem de ceteris rebus, quæ solo Dei Servorum testimonio probari possunt, si tamen ex aliis documentis constet de eorum virtutibus heroicis, vel de eorum Martyrio: his quippe præcedentibus probationibus aliunde petitis, absconum profecto esset, si dem non præstare his, quæ Servi Dei de se ipsis retulerunt. In quo pariter rerum themate hæc omnia admitterem, quamvis relata a Servis Dei potuissent per alios testes probari, si testes mortui essent, quo tempore processus confectus est: Apostolicum siquidem de virtutibus aut Martyrio iudicium non in solis Servorum Dei de se ipsis relationibus, sed in tot aliis juratis testium depositionibus fundamentum haberet. Spectati itaque mores, continuumque & usque ad obitum protensum heroicarum virtutum exercitium auctoritatem conciliare poterunt apparitionibus & visionibus, quas Dei Servi referunt sibi obtigisse, necnon aliis rebus, quas narant de se ipsis: ex quarum proinde qualitatum defectu inter apertissima mendacia, vel sanctas Dæmonis illusiones referenda erit visio, quam Erasmus sibi factam retulit *in epist.* 1230. *ad Carolum Ursinovicum tom.* 3. *part.* 2. Erasmus quippe, si non inter Lutheranos, saltem inter malos

Catholicos locum obtinet, teste Cardinali Pallavicino in *hiflor. Concil. Trident. lib. 1. cap. 23. num. 7. & 8.* Verba autem Erasmi sunt hæc: *Putant mihi Franciscum iratum, quod eos notarim, qui calum promittunt iis qui in veste Franciscana sepeliuntur. Atqui nuper in somniis mihi post mediam noctem apparuit Beatus Franciscus vultu sereno atque amico, egitque gratias, quod ea traducerem corrigenda, quæ ipse semper fuisset detestatus, meque inter Ordinis amicos numeravit. . . Abiens dixit, dextera porrecta, Milita strenue, brevi meorum eris.* Scimus nempe, laudabile quidem esse, ut nonnulli Christiani ad sepulturam deferantur induti habitu Regulari, licet Institutum Regulare professi non fuerint, dum viverent; si id fieri mandent venerationis causa erga aliquem Sanctum, qui fuerit ejus Instituti, cujus veste sua corpora indui mandarunt. Ulterius etiam scimus, nedum paradisi portas non aperiri ei qui sic indutus sepelitur, nisi fuerint ei a Domino remissa peccata quæ in vita patravit, sed etiam forte commendabilius futurum, si ea veste induerentur sæculares, qui laudabilem in sæculo vitam duxerint; veluti observat Theophilus Raynaudus *heter. spirital. tom. 16. pag. 475.* At, hæc fuisse Erasmo revelata a S. Francisco, ex rationibus supra telatis credi non potest nec debet.

12 Quæres septimò, quid dicendum sit de scriptura authentica non ad alicujus petitionem, nec ad effectum Canonizationis exarata, sed ad perpetuam rei memoriam, si assertiones contineat testium juratorum, & de visu miraculum referentium, nec ulla sit de identitate controversia, an scilicet vim plenæ probationis habeat ad miraculum probandum: & quid pariter dicendum sit de scriptura referente antiquum miraculum manu Episcopi de visu referentis subscripta, aut ejus sigillo munita; an etiam miraculum probet? Cardinalis de Laurea *tom. 4. in 3. lib. sent. disp. 20. de mirac. art. 25. §. 6. num. 1169. & seqq.* quoad primam partem assermanter respondet, hoc est plene per eam miraculum probari; quo vero ad secundam *num. 1178. & seqq.* ait, semiplene probare, si nulla sit controversia de identitate, & juramento Episcopi munita sit. Pace autem tanti viri de assertorum ab eo soliditate maximopere dubitarem. Ut enim aliquid in judicio Beatificationis & Canonizationis vim plenæ vel semiplenæ probationis obtineat, si de probatione a testibus proveniente loquamur, ex alibi dictis oportet, ut testes auctoritate ordinaria examinentur, si Sedes Apostolica manum ad causam non apposuit, vel auctoritate Apostolica, si causa Canonizationis jam fuerit introducta; oportet, ut illi nedum sint jurati, sed etiam singillatim fuerint examinati, & quidem sub interrogatorii, si potissimum res sit de Apostolico processu; oportet, ut uniuscujusque testis dictum, prout ab eo prolatum est, sacræ Congregationi exhibeat: cumque hæc omnia in casibus propositis & resolutis a Cardinali de Laurea contigisse non præsumantur, monumenta Notarii aut Episcopi non probationis, sed ad summum adminiculi vim habere poterunt. In causa B. Gregorii X. exhibita fuit tabella sub Innocentio Papa V. an-

no 1276. confecta, in qua singillatim miracula a Deo intercessione ejusdem B. Gregorii patrata enarrabantur. Facta nimirum in ea exponebantur, testesque de iis asserentes indicabantur, & in fine tabellæ habebantur hæc verba: *Et quia non posset hac brevis charta multa ejus miracula ad plenum continere, ideo quicumque ejus miracula ad plenum noscere desiderat, ad Sacristiam hujus ecclesiæ accedat, qui sibi plenos codices miraculorum prædicti Beatissimi Papa libenter ostendat*: appensa quippe erat tabella ipsa ad sepulcrum Beati in Cathedrali ecclesiâ Aretina existens. Consimilis etiam tabella eodem anno exarata conservabatur in archivis ecclesiæ Aretinæ, in Vaticano, & Vallicellano. Itemque Joannes Molanus in libro, cui titulus, *Natales Sanctorum Belgii, sub die 10. Januarii*; Jacobus Buralius in *vitis Episcoporum Aretinorum*; Raynaldus in *annal. ad ann. 1276.* Bartholomæus Fifeus in *floribus Ecclesiæ Leodiensis* auctoritatem hujus tabellæ maximopere commendaverant; necnon ipsi Rotæ Auditores in relatione causæ B. Gregorii censuerant, approbanda quidem esse miracula quæ referebatur in tabella, atque adeo a Postulatoribus omnia adducta sunt quæ poterant adduci, ad vim probationis tabellæ ipsi conciliandam. Actum autem fuit de hujus Beati miraculis, dumungebar munere Fidei Promotoris, meque opponente, quod ea deficiebant quæ supra indicata fuerunt, ut testium dicta vim probationis in hoc judicio habere possent, nulla miraculorum in tabella descriptorum habita est in sacrorum rituum Congregatione consideratio, sed quæstio redacta fuit ad examen duorum aliorum miraculorum, quæ fuerant in processibus Apostolicis, servatis omnibus servandis, comprobata, super quibus adhuc pendet judicium. Honorius III. in cap. *Venerabili, de testib. & attestat.* refert, ad se fuisse ab Episcopo, & Abbate, quibus processum super miraculis, quæ intercessione piæ memoriæ Mauricii Abbatis a Deo patrata dicebantur, commiserat, quamdam paginam missam, *lidem autem Episcopus, & Abbas quamdam Nobis paginam transmiserunt propriorum sigillorum appensione munitam, in qua multa quadam & magna miracula continentur facta, ut dicitur, a Domino meritis dicti viri*: Paginam autem ipsam Honorius III. reprobavit ex sequenti ratione: *Quæ (sermo est de miraculis) licet probata per testes juratos & nominatos in ipsa pagina innuantur, non tamen apparet per paginam sæpe dictam, quod ipsos testes examinaverim sigillatim, & quod eos super his de quibus testificati fuerunt, ac circumstantiis cum ea interrogaverim diligentia, quæ solet & debet in testimonii receptionibus adhiberi*: mandavitque, ut testes iterum interrogarentur, & ipsorum assertiones mitterentur: *Et depositiones eorum Nobis sub sigillis vestris inclusas fideliter transmittatis, ut in ipso negotio cum diligentia & maturitate debita procedamus*: quæ scilicet verba leguntur in quinta compilatione Decretalium, quam publici juris fecit Innocentius Cironius. Non admittit ergo summus hic Pontifex testimonium dicta tantquam habentia vim probationis, licet de veritate paginæ non dubitasset, nec de Judicium jurisdictione, sed tantum de rituali examine sub interro-

gatoriis. Item in causa S. Margaritæ de Cortona sacrorum rituum Congregatio benigne annuit, ut Cardinalis ejus Relator novam faceret visitationem & recognitionem sacri corporis. Accessit itaque Cardinalis Relator anno 1724. ad civitatem Cortonæ una cum Secretario sacre Congregationis, factaque est nova visitatio; & præter ea quidem quæ ad corpus pertinebant, facta est adipis recognitio spatio longissimi temporis a corruptione servati: eaque omnia expleta fuerunt coram Cardinali Relatore, coram Secretario Congregationis, Episcopo Cortonenſi, & aliis testibus fide dignis, necnon Instrumentum ab Apostolico Notario exaratum est. Putabant autem Postulatotes, se posse miraculosam adipis incorruptionem proponere examinandam in sacrorum rituum Congregatione ope tantum dicti publici instrumenti: sed, me uti Fidei Promotore opponente, in terminis miraculorum approbandorum pro Canonizatione necesse fuisse, ut articuli exhiberentur, ut cum Fidei Promotore communicarentur, ut Fidei Promotor interrogatoria componeret, ut expedirentur litetæ remissoriales, ut sub involuero seu, ut dicitur, in *rotulo remissorialium* includerentur interrogatoria, & ut super his testes examinarentur; Postulatotes ab incepto desisterunt, servatisque servandis, processum contrui curarunt juxta morem & praxim Sedis Apostolicæ.

13 Quæres ultimo, an extrajudiciales attestaciones, quæ aliquando asseruntur pro virtutibus aut miraculis Servorum Dei, vim probationis in hisce causis habere valeant. Porro alibi visum est, prohibitum esse in decretis Urbani VIII. exquirere aut obtinere similes extrajudiciales attestaciones, statutumque pariter esse, eas non facere aliquem gradum probationis, nec inferri posse in processu sive ordinaria, sive Apostolica auctoritate fabricandos; & ea quidem omnia confirmata fuisse in decretis Ven. Innocentii XI., in quibus insuper additum est, attestaciones etiam antea obrentas, nedum in futurum obtinendas, nullum facere gradum probationis. Decreta hæc ergo non modo respiciunt futura, sed etiam præterita; licet enim de natura legis sit futura respicere, non præterita, juxta Glossam in *can. Ante triennium*, dist. 31. & in *cap. final. de Constitutionibus*, & in *l. Leges 2. C. de legibus*; id tamen non procedit, quando in eadem lege exprimitur nedum comprehensio futurorum, sed etiam præteritorum; ut probat textus in *l. 27. C. de usuris*, utque egregie adnotavit Henric. Boich. in *cap. final. sub num. 4. de Constitutionibus*. Dumungebar munere Fidei Promotoris, in examine cujusdam celeberrimæ causæ dubitatum fuit, an plenique extrajudiciales attestaciones sanctæ Romanæ Ecclesiæ Cardinalium de virtutibus heroicis cujusdam Servi Dei plene testimonium reddentium vim probationis habere deberent, præcipue vero sub obtentu, quod exaratae fuerant ante decreta Urbani VIII. Ego autem fui in ea sententia, ut non vim probationis, sed adminiculi haberent; primo, quia a jure communis descendit, ut testis sine juramento non probet; sicut habet textus in *cap. Nuper, de testib.*, & in *l. Interjurandi, C. de testib.*; deinde, quia ab eodem

eodem jure communi descendit, ut testes sine interrogatoriis examinati vim probationis non habeant; veluti late ostendunt in cap. *Cum causam*, Joannes Andreas num. 12. vers. *Et propius hoc*, Antonius a Butrio ibid. num. 17. in fin., Ancaran. num. 12. vers. *Advertendum tamen*, Abbas ibid. num. 7. in fin. tit. de testib. & attestat. Nec enim hac in re ullo fruuntur privilegio S.R.E. Cardinales, juxta textum in cap. *Cum olim* 12. de privilegiis, ubi Papa sic loquitur: *Nos vero tam per depositiones testium, quam assertiones quorundam Fratrum nostrorum liquido cognoscetes &c.* ad quem Glossa v. *Fratrum* ait: *Istis non creditur tanquam testibus, cum jurati non fuerint: quia inducti non fuerunt in testes, sed quia ipsi viderant privilegium, credit eis Papa tanquam Fratribus suis & honestis viris: sed non probationem, sed presumptionem inducunt, & coadjuvant testes inductos.* Et late ad ipsum textum prosequitur Abbas num. 6. *Secundo nota limitationem ad illud dictum, quod testibus, non testimoniis judicandum est, id est quod simplici assertioni sine juramento non est standum ... ut intelligatur de plena probatione: sed quamdam presumptionem bene inducunt assertiones bonorum virorum sine juramento.* Et licet Innocentius colligat hic ex textu, assertionibus Cardinalium credendum; tamen intelligo secundum prædictam distinctionem, ut credatur quoad presumptionem quamdam inducendam. Cum itaque tum Urbani, tum Innocentii decreta juris communis dispositiones confirmaverint, jure ac merito asseri posse videtur, attestaciones extrajudiciales a viris etiam dignitate & probitate præclaris sive editas ante decreta, sive post decreta probationis vim habere non posse, sed tantum adminiculi.

CAPUT XI.

De Martyrio; & primum de Persecutore seu Tyranno.

Postquam actum fuit de probationibus ad causas Martyrum, seu Confessorum necessariis, rectus rerum ordo exposcit: ut sermo de Martyrio instituatur. Martyr idem est ac testis Fidel, & Martyrium significat testimonium seu confessionem Fidei Divinæ: quocirca S. Augustinus lib. 22. de civit. Dei cap. 9. inquit: *Quia & ipsi Martyres hujus Fidei Martyres, id est hujus Fidei testes fuerunt, hanc Fidei testimonium perhibentes Pro ista Fide mortui sunt.* In superiori lib. 1. cap. 2. egimus de Martyrum differentia juxta antiquam Ecclesie disciplinam; & ne actum iterum agamus, ab inutili repetitione abstinemus. Nunc tantum operæ pretium esse videtur innuere, Martyrium esse voluntariam mortis perpersionem, sive tolerantiam propter Fidem Christi, vel aliam virtutis actum in Deum relatum, juxta communem Theologorum sententiam, de qua infra, cap. 13. num. 2. Martyrio ergo duæ personæ debent intervenire, hoc est Persecutor seu Tyrannus, & Martyr; & Persecutor utique seu Tyrannus debet esse persona distincta a Martyris persona, cum Persecutor seu Tyrannus poenam infligere, Martyr autem eam debeat sustinere: *hujus*

cujus glorioso agone (verba sunt S. Augustini vel alterius Auctoris in *serm.* 223. tom. 5. in append.) duo nobis precipue consideranda sunt *servitio Tortoris, ut eam detestemur; patientia Martyris, ut eam imitemur.* Colligitur id ipsum ex Joanne, 21. v. 18. ubi Christus dicit Petro: *Cum autem genueris, extendes manus tuas, & alius te cinget, & ducet quo tu non vis;* subditque Evangelista: *Hoc autem dixit significans, qua morte clarificaturus esset Deum, quia nempe a Nerone esset crucifigendus.* Concordatque illud Matthæi 10. v. 17. *Tradent enim vos in conciliis, & in synagogis suis flagellabunt vos, & ad Præsides & ad Reges ducemini propter me Tradet autem frater fratrem in mortem, & pater filium, & insurgent filii in parentes, & morte eos afficient, & eritis odio omnibus propter nomen meum. Qui autem perseveraverit usque in finem, hic salvus erit.*

2 Duo autem hic statuuntur: alterum est, ut Martyrio Persecutor seu Tyrannus interveniat; alterum, ut idem Persecutor seu Tyrannus poenam infligat. Porro adversus primum nonnulla urgent, quæ probare posse videntur, Martyrium dari posse sine Persecutore seu Tyranno. Aliqui enim Patres usurpantes propheticum oraculum Simeonis, *Tuam ipsius animam pertransibit gladius,* putarunt, Beatissimam Virginem Mariam gladio ictam, & Martyrio sublatam fuisse, uti legere est apud Isidorum *lib. de vita, & morte Sanctorum cap. 68. pag. 364.* At, utcumque hoc sit, non desunt Theologi existimantes, eam Martyrem fuisse ob internum maximum dolorem, quem in Filii sui morte sustinuit; ut Ildefonsus de Flores in *append. ad tract. de inclito agone Martyrii;* ad quod facit & illud S. Bernardi in *serm. de duodecim prerogativis B. V. Mariae num. 14. volum. 1. oper.,* ubi ait: *Tuam ergo pertransiit animam vis doloris, ut plusquam Martyrem, non immerito predicemus.* Item alii Theologi censent, posse quem esse Martyrem, licet nec actu urgeat Tyrannus, nec mors sequatur; si quis ex. gr. intenso cupiat desiderio Martyrium obtinere, juxta illud Canonis 26. *de Pœnit. dist. 1. in quo leguntur hæc verba: In Dei Servis, apud quos cogitatur, & Martyrium mente concipitur, animus ad bonum deditus, Deo Judice, coronatur. Aliud est, Martyrio animum deesse, aliud, animo defuisse Martyrium.* Dantur quoque Martyres Patientiæ, de quibus S. Gregorius *homil. 35. num. 7. in Evang. & S. Petrus Damianus lib. 6. epist. 30. inter quos profecto recenseri potest S. Pontifex Gregorius VII. qui post toleratas toto sui Pontificatus tempore maximas tribulationes, in ejus Actis apud Bollandianos tom. 6. Junii pag. 197. mortuus dicitur Martyr & Confessor.* Dantur Martyres Religionis, hoc est Claustralis observantiæ, quæ Martyrium horrore quidem mitius, sed diuturnitate efficit molestius, de quo S. Joannes Damascenus *lib. 4. de Fide cap. 15. in fine, tom. 1. oper.* Dantur Martyres Virginitatis, quæ Martyrii nomen & decus retulit apud S. Joannem Chrysostomum in *orat. de S. Thecla pag. 749. & in orat. de S. Barlaam num. 1. tom. 2. oper.,* apud S. Ambrosium *lib. 1. de Virginibus cap. 3., & apud S. Bernardum serm. 1. de Octava Pasche num. 7.* Dantur Martyres Divinæ Charitatis,

ritatis, qui igne & zelo Divini Amoris absumuntur: quod nempe Martyrium agnoscunt & laudant in Sancto Paulo S. Joannes Chrysostomus homil. 25. in epist. 2. ad Corinthios ad illa verba, *Quis infirmatur, & ego non infirmor?* in Sancto Martino S. Laurentius Justinianus in *serm. de eodem pag. 684. in fin.*; atque in Sancto Eleuchadio S. Petrus Damianus in *serm. de ipso tom. 2. pag. 18.* Dantur Martyres, qui, longa ægritudine patientissime tolerata, mortui sunt: quocirca in *vita B. Veronica de Binasco* apud Bollandum ad diem 13. *Januarii tom. 1. cap. 6. num. 8.* hæc leguntur de Justina ejusdem loca: *Ea femina post assiduas orationes audivit vocem dicentem: Soror Justina loca Martyrum inhabitat. Obstupuit vehementer illa; quamobrem magis magisque erabat dicens: O mi Domine Deus, quo merito inter Martyres locum glorie accepisse Justinam crediderim, quando nullum ipsa a Tyranno perpeffa fuerit supplicium? Vereor satis, ne vox illa Diaboli fuerit artificium. Oranti denique vox tertio repetit: Soror Justina loca Martyrum incolis: subinulitque: Nam ingentia pertulit supplicia, ægritudine dira nimis triginta annorum spatio perdurante. Inter Martyres demum recensentur, qui peste laborantibus subvenientes, attracta lue, vitam cum morte commutarunt in illo eximio officio charitatis & misericordiæ. Quare in Martyrologio Romano ad diem 28. Februarii hæc habentur: Ibidem (scilicet Alexandriæ) commemoratio Sanctorum Presbyterorum, Diaconorum, & aliorum plurimorum, qui tempore Valeriani Imperatoris, cum pestis sevilissima grassaretur, morbo laborantibus ministrantes libentissime mortem optetere, quos velut Martyres religiofa piorum, fides venerari consuevit. Apposite Carolus Delarue Presbyter & Monachus Benedictinus in notis ad tom. primum editionis omnium operum Origenis pag. 309. ita scribit: Videtur Origenes illos tantum Martyrum nomine censuisse, qui morte sua veritatem obfignant. Sed id non perpetuum esse apud Veteres observavit Swicerus. Illi enim Martyres appellant primo eos qui atrocia subiere supplicia, & quibus tamen miraculose sunt servati, ut tres juvenes in fornace Babylo-nica secundo Martyres qui fratres, & agrotos visitabant, in morbis contagiosis præsertim tertio qui Martyres in carcere visitabant quarto qui Fidem veram confitentur, & operibus bonis ac vita innocentia eam elucere faciunt quinto qui bonorum temporalium privationem patienter ferunt sexto qui morti, quam magicis artibus ad recuperandam sanitatem uti, malunt.*

3 Verum nihil est ex modo recensitis, quod obstat assumpto: & initio quidem ducto a Beatissima Virgine Maria, de ea inquit S. Ambrosius lib. 2. in Lucam num. 61. tom. 1. oper. Nec littera, nec historia docet, ex hac vita Mariam corporalis necis passione migrasse. Quod si loquamur de maximo dolore, quo affecta fuit in Passione dilectissimi filii sui D. N. Jesu Christi, doctrina est S. Thomæ, eam ob illum re vera Martyrem, proprie loquendo, dici non potuisse, sed ad summum improprie & per quamdam similitudinem. Verba S. Doctoris in 4. sent. dist. 49. quest. 5. art. 3. questunc. 2. ad quartum sunt hæc: Sicut delectationes tactus, circa quas est temperantia, præcipuum locum tenent inter omnes delectationes interiores & exteriores, ita dolores tactus omnibus

omnibus aliis doloribus preeminens : & ideo difficultati illi, qua accidit in sustinendo dolores tactus, puta, qui sunt in verberibus, & huiusmodi, debetur aurea magis, quam difficultati sustinendi interiores dolores ; pro quibus tamen aliquis non proprie dicitur Martyr, nisi secundum quamdam similitudinem : & hoc modo Hieronymus loquitur, cum in sermone de assumptione ait, Dei Genitricem Virginem, & Martyrem fuisse ex dolore de morte Filii sui. Sanctus idem Doctor id ipsum prolequitur 2. 2. *quæst.* 124. *art.* 4. *ad primum*, cui subscribit Dominicus Soto in 4. *sens. dist.* 49. *quæst.* 5. *art.* 2. pag. 1037. edit. Lovanien. an. 1573. ubi ait : Martyr, ut ait Isidorus, idem est Grace, quod testis, idemque Fidei ; & Ecclesia non recipit alios ut testes Fidei, quam eos qui mortem in ejus testimonium persulerunt. Appellavit autem eam (hoc est Mariam) Hieronymus Martyrem ob quamdam similitudinem, scilicet ob vehementissimum doloris sensum, quem in corde habuit de morte Filii ; quod quadam suis imago Martyrii. Eumque late exornant Cardinalis Capisucchius in *controv. de Martyrio* §. 3. Hurtado in *resolut. de vero Martyrio tract.* 3. *resolut.* 22. §. 4. pag. 52. Cardinalis Gottus *Theolog. tom.* 13. *quæst.* 2. *de Baptismo, dub.* 2. §. 1. *sub num.* 4. Et quidem ex defectu Persecutoris seu Tyranni Beatissimam Virginem Martyrem re vera non fuisse, ceteris allegatis, firmat Theophilus Raynaudus *oper. tom.* 18. *de Martyrio per pestem part.* 2. *cap.* 1. *man.* 4. Similiter Deipara defectu mortis a Persecutore irrogata non fuit formaliter Martyr, nec Martyrii aureolam est consecuta quamvis similitudinaria Martyr dicatur ob summos dolores Filii causa toleratos.

4. Hinc ut transeamus ad eos qui ardenti desiderio Martyrium exoptantes, licet Martyrium morte non consummaverint, inter Martyres recensentur, sane Martinus de Magistris in tractatu, quem scripsit de Martyrio *quæst.* 1. & 4. docuit, non esse de ratione perfecti Martyrii actualem & exercitam mortis voluntariam passionem. Non est enim, inquit, in potestate Martyris irrogatio mortis violentæ, cum hæc proveniat ex malitia Tyranni, & tortoris : additque, quod sequeretur, ex duobus omnino aequalibus in tolerandi proposito, si in unum Tyrannus sevirer, non autem in alium motus ex amicitia aut alia causa, unum esse Martyrem, non alterum ; ideoque esse merito æquales, sed inæquales præmio. Contrarium autem docuit S. Thomas 2. 2. *quæst.* 124. *art.* 4. ubi ait, ad perfectam rationem Martyrii requiri, ut aliquis mortem sustineat propter Christum ; auctoritates vero oppositum firmantes ab eodem explicantur, ut sint intelligendæ de Martyrio per quamdam similitudinem. Item Cardinalis Cajetanus in *commentariis* late ostendit, non sufficere ad Martyrium nudum propositum moriendi, aut electionem executionis mortis, quæ etiam includat imperium voluntatis, cum huiusmodi electio non sit actus Martyrii nisi inchoative, nec habeat perfectam rationem Martyrii ; quippe deficit actus exterior, in quo consistit ratio testimonii apud homines. Hæc porro doctrina Cajetani illustratur a Cardinali Capisucchio in *controv.* 27. *de Martyrio* §. 2. Doctrinam autem Martini improbabilem & teme-

& temerariam appellat etiam Hurtado in *resolus. de vero Martyrio resolus. 35. §. 1. & duobus seqq.* ubi ait, ardens desiderium, robustamque voluntatem, firmumque propositum sustinendi mortem pro Fide Christi, & Charitatis imperium de sufferendis tormentis usque ad sanguinis & vitæ profusionem pro tuenda Catholica veritate minime constituere vere & præcise Martyrem Catholicum, quem ut talem veneretur Ecclesia. Theophilus etiam Raynaudus *loc. cit. cap. 1. num. 7* fuscè ostendit, solam internam Martyrii voluntatem, quantumvis luculentam, non sufficere ad Martyrium presse acceptum, licet meritum possit esse æquale in eo, qui mortem pro Christo desiderat, ac in eo, cui ipsa mors infertur, juxta illud S. Paulini natali *tertio S. Felicitis* :

*Calestem nactus sine sanguine Martyr honorem,
Nam Confessor obis penas non sponte lucratus,
Acceptante Deo fidam pro sanguine mentem,
Qui cordis taciti scrutator ferre paratos
Æquiparas passus: fas habens, interna probasse,
Supplicium carnis iusta pietate remittit.
Martyrium sine cade places; (si prompta ferendi
Mensque fidesque Deo caleat) passura voluntas
Sufficit; & summi est meriti testatio voti.*

5 Res ipsa demum profundissime de more explicatur a D. Thoma in 4. sent. disput. 49. *quæst. 5. art. 3. quæstione. 2. ad tertium*: *Quidam actus sunt, qui in ipso actu habent quamdam vehementiam delectationis, vel difficultatis; & in talibus actus semper addit ad rationem meriti, vel demeriti, secundum quod in actu oportet voluntatem variari ex vehementia actus a statu, in quo prius eras. Et ideo, ceteris paribus, actu luxuriam exercens plus peccat, quam si solum in actum consentit, quia in ipso actu voluntas augetur. Similiter cum actus Martyrii maximam difficultatem habeas, voluntas Martyrii non perstringit ad illud meritum, quod actui Martyrum debetur, ratione difficultatis; quamvis possit etiam pervenire ad alterius pramium, considerata radice merendi, quia aliquis ex majore Charitate potest velle sustinere Martyrium, quam alius sustineat, unde voluntarie Martyr potest mereri sua voluntate pramium essentialiter æquale, vel majus eo, quod Martyri debetur: sed aureola debetur difficultati, quæ est in ipsa pugna Martyrii, unde aureola voluntarie tantum Martyribus non debetur. Et adhæret Vasquez in 1. 2. D. Thoma tom. 1. *quæst. 20. art. 4. disput. 76. cap. 3. sub num. 12.* ubi hæc habet: *Dico, eum qui subit re ipsa Martyrium, si cetera sint paria, non plus mereri pramii essentialis apud Deum, quam enim qui illud re ipsa consequi non potest. Dico autem, si cetera sint paria, hoc est si voluntas sit æque intensa & perseverans; nam, ut supra dicebamus, accidere solet non raro, ut opere ipso voluntas vires resumat, & intensior aut diuturnior fiat. Ceterum, quod attinet ad pramium accedentarium laureola, bene concedimus, aliquid consequi Martyrem qui re ipsa Martyrium passus est, quod non consequatur ille qui re ipsa passus non est.**

6 Alibi nempe agetur de *Aureola*, de qua loquitur D. Thomas. Interea vero adnotare fas sit pro majori confirmatione eorum quæ dicta sunt, plerisque Sanctos intensum habuisse Martyrii desiderium, attamen tanquam Confessores coli in Ecclesia, cum sanguinem pro Christo non fuderint, & intensissimum eorum desiderium suo caruerit effectu. De S. Dominico testem habemus S. Antoninum in *Summa Theolog. part. 3. tit. 31. cap. 9. de Martyribus col. 1595*. Similia leguntur de S. Francisco, & de S. Teresa. Testatur Raynaldus ex probatissimis Auctoribus ad an. 1456. num. 58. S. Joannem de Capistrano morientem maximo dolore affectum esse, quod sanguinem suum & vitam pro Christi amore non fudisset, & quod toties in bello morti expositus inter Infideles eorum semper manus evasisset. De ardentissimo desiderio S. Romualdi obtinendi Martyrium plura referuntur a B. Petro Damiano in ejus vita, ubi narrat, irer arripuisse Hungariam versus, ut illud obtinere posset cap. 39. Interea Romualdus audiens, quia Beatissimus vir Bonifacius Martyrium suscepisset, nimio desiderio bene succensus, ut pro Christo sanguinem funderet, Hungariam mox ire disposuit Deinde, licentia ab Apostolica Sede suscepta, & duobus e suis discipulis in Archiepiscopos consecratis, cum viginti quatuor Fratribus iter arripuit Ennes ergo, cum jam ipsis Pannoniarum finibus interessent, repente Romualdus languore correptus ulterius ire non potuit. Cumque diutius pateretur, si quando redire disponeret, protinus ex aegritudine convalescebat: fin autem ire ultra tentaret, tota ejus facies protinus intumescerebat, cibos quoque jam retinere, stomacho languescere, non poterat. Advocatis itaque Fratribus, ait: Perpendo nequaquam Divina voluntatis esse judicium, ut ultra progrediar; verantamen, quia intentionis vestra desiderium non ignoro, neminem vestrum redire compello. De S. Martino sic loquitur Sulpitius Severus in epistola ad Aurelium Diaconum de ejus obitu: Nam, licet ei ratio temporis non potuerit prestare Martyrium, gloria tamen Martyris non carebit, quia voto atque virtute & potuit esse Martyr & voluit Sed, quamquam ista non tulerit, implevit tamen etiam sine cruore Martyrium. De eo quoque Ecclesia sic canit: O sanctissima anima, quam etsi gladius Persecutoris non abstulit, palmam tamen Martyrii non amisit. De ardenti denique Martyrii desiderio in S. Francisco Xaverio testis est Bernardinus Rosignolius in *tract. de actionibus virtutis lib. 2. cap. 4*. Cumque nec S. Martinus, nec alii modo memorati habeant in Ecclesia cultum Martyris, uti ad rem ponderat Hurtado in *resolut. de vero Martyrio resolut. 62. §. 9*. ex eo inferitur, ad verum Martyrium non sufficere enixum ejusdem desiderium, sed eos veros esse Martyres, qui pro confessione Christi nominis capitali sententia damnati sortiter occubuerunt; velut etiam animadvertit Guyet de *sestis propriis Sanctorum lib. 2. cap. 7. quest. 7*.

7 Remanet, ut verba faciamus de ceteris Martyribus patientiæ, Claustralis observantiæ, virginitatis, & de morientibus, dum peste laborantibus subveniunt. De patientiæ scilicet Martyribus, aliisque supra recensitis plura habentur apud S. Antoninum *loc. cit.* necnon apud Rotæ Audito-

tores

tores in relatione causæ S. Aloysii Gonzagæ tit. de Fortitud. *Quod autem Aloysius Martyrii laude claruerit, probatur duplici argumento. Primo ex ipsa Religiosi Instituti observantia; Religio enim Martyrii quadam species est, & Religiosi procul dubio Martyres queunt appellari Ipsa etiam virginitas, qua floruit Aloysius, Martyrii genus est; nam, ut inquit S. Ambrosius, non ideo laudabilis virginitas, quia in Martyribus reperitur, sed quia & ipsa Martyres facit.* Sed hæc minus proprie Martyria appellantur, uti quoque libenter admittit Theophilus Raynaudus in citato tract. de Martyrio per pestem, in præfat. part. 2. pag. 407.; utque desumitur ex vita S. Anicharii Archiepiscopi Amburgensis cap. 17. apud Bollandum ad diem 3. Februarii, ubi narratur, cum tritius esset ob vitam Martyrio non consummandam, & eum discipulus consolaretur, ea potissimum ratione, quod labores ab ipso exantlati pro Ecclesia, & novissima gravis ac diuturna infirmitas pro Martyrio possent reputari, in suo nihilominus illum moerore permanisse. In eodem opere prædictus Theophilus pluribus contendit, inter veros Martyres esse recensendos, qui moriuntur, morbo contracto, dum peste laborantibus auxilium præstant; quam etiam assumptionem late prolequitur in Theologia antiqua de vera Martyrii ratione; cui, ceteris Theologis allegatis, subscribit Joannes de Andrada Septensis Ordinis SS. Trinitatis Redemptionis Captivorum in apologia pro vero & proprio Martyrio per pestem inter opera ejusdem Theophili tom. 20. At inter ceteros libros proicriptos a sacra Congregatione anno 1646. extat liber ille Theophili de Martyrio per pestem. Theophili pariter sententia pluribus impugnatur ab Hurtado de vero Martyrio resolut. 62. Cardinalis insuper de Lauræa in 3. lib. sent. part. 2. tom. 3. disput. 20. art. 5. docet, quamvis laborans in adjuvandis Fidelibus tempore pestis, & morbum & mortem ex dicta causa contrahens lato modo dici possit Martyr, Martyrem tamen stricto modo & juxta Ecclesiæ praxim appellari non posse. Concordat Ludovicus Antonius Muratorius in tract. de peste lib. 3. cap. 6. ubi sic loquitur: *Quando anche la morte accada in così eroico e santo ministero, il morire, quantunque non sia propriamente un Martirio, pure è una similitudine o specie di Martirio.* Hos sequuntur Matthæucci. in præf. Theologo-Canon. ad caus. Beatificat. & Canonizat. tit. 4. cap. 1. §. 5. Anaclet. in Theolog. moral. tract. 7. dist. 1. quæst. 6. num. 56. Frassen in Scoto Academico tom. 10. edit. Rom. tract. 1. disput. 1. art. 1. quæst. 3. §. Secunda conditio, & optime Rosignolius de æst. virtutis lib. 2. cap. 11. ubi sic loquitur: *Hoc mortis genus* (eorum videlicet qui moriuntur, dum inserviunt peste laborantibus) *quod propter incredibilem pietatem & robustam Fidem suscipiebatur, nihil a Martyrii splendore abesse videretur.* Ad rem denique de qua nunc agimus, maxime conferunt adducta per Cardinalem Capisucchium in contrav. de Martyrio §. 11. ubi docet, Christianos modo prædicto morientes posse vere & proprie Martyres appellari, si Infidelis quidem Fidei Persecutor odio in ipsam Fidem eos addiceret servitio peste laborantium, ut sic, attracta peste, occiderentur: secus autem, si iponte sua, & cha-

ritatis argumento aliquis voluntariam præstans opem peste laborantibus, in hoc charitatis officio, contracho morbo, moriatur; cum in primo casu interveniat Tyrannus seu Persecutor, qui deficit in secundo: *Peste laborantes non dicuntur attractu suo mortem aliis infligere, sed dicuntur alios infectare, & in hoc ipso, in quo alios inficiunt, nullam habent intentionem eos occidendi, immo nec etiam inficiendi, & infectio illa naturaliter contingit ex attractu vel halitu pestilentiali. Igitur mors, qua contingit ex servitio peste laborantibus præstito, non est mors ab alio illata, neque ab alio inducta ex intentione occidendi ac mortem inferendi in odium Fidei, aut alienjus Christiana virtutis. Ergo hujusmodi mors deficit ex omni parte a vera Martyrii ratione; nam Martyrii nomine intelligenda est mors & perpassio mortis ab alio illata ex intentione occidendi in odium Fidei, aut alterius virtutis Christiana. Verum quidem est, quod, si Infidelis Fidei Persecutor Christianum in odium Fidei peste laborantem servitio addiceret ex intentione illum per pestem occidendi, Christianus sic per pestem occisus dici posset Martyr; nam, prout sic, mors illa a Persecutore esset illata in odium Fidei ex intentione occidendi. Et concordat Berti, qui post primam hujus nostri Operis editionem suam conscripsit opus de Theologicis disciplinis, tom. 6. lib. 31. cap. 24. num. 2. ubi hæc habet: *Eos etiam, qui interveniendo laborantibus pestilentia, illa inficiuntur, & obeunt... Ecclesia Martyribus non accenset, quoniam illos infecti non proprie necant in Fidei odium immanitate sua, animique proposito, sed pestifero halitu afficiunt morte, quam causa naturalis infligit: Quare sententiam Theophili Raynaldi de Martyrio per pestem oppugnantem posteriores Theologi; nec defendi potest, nisi Fidei Persecutor servitio peste laborantium addiceret Christianum hominem, ut contagione attracta periret.**

8 Porro nihil urget exemplum Presbyterorum & Diaconorum, quorum fit commemoratio in Martyrologio Romano ad diem 28. Februarii; quod pluribus exponit P. Magister Aloysius Maria Lucinus olim sanctissimæ Universalis Inquisitionis Commissarius in libro, cui titulus: *Examen, & defensio decreti clara memoria Cardinalis Caroli Thoma de Tonnnon, pag. 319. & seq. edit. Rom. ann. 1729.* Nec enim ibi dicitur, eos cultu Martyrum in Ecclesia coli, sed Fidem religiosam piorum eos venerari veluti Martyres; atqui particula *veluti* similitudinem potius, quam veritatem significat. Rursus in not. ad Martyrol loc. cit. reletur a Cardinali Baronio epistola Dionysii Alexandrini scripta ad Hieracem Episcopum, in qua, loquendo de prædictis Presbyteris & Diaconibus, qui ministrantes peste laborantibus libentissime mortem oppetiere, habentur hæc verba: *Ex Patribus, qui virtute erant præstantissimi, in hunc modum mortem oppetiverunt, quorum nonnulli erant Presbyteri, alii Diaconi, quidem e populo virtutis ergo multum laudati; adeo ut istud mortis genus, quod propter incredibilem pietatem & robustam fidem suscipiebatur, nihil a Martyrii splendore abesse videretur.* Verbum nempe *videretur* improprietatem denotat ejus rei, ad quam respicit, sive sit qualitas, sive substantia, quia *videtur* idem est, ac *apparet*, non ac *est*, juxta illud Ciceronis lib. 3. de officiis, cap. 7. (Panætius) induxit eam, quæ

qua videretur esse, non qua esset, repugnantiam. Ex quibus proinde inferatur, eos omnes qui modo prædicto mortui sunt, veros Martyres non fuisse, sed instar Martyrum. Quo pariter sensu explicanda sunt ea quæ leguntur in vita S. Bernardini Senensis apud Bollandianos ad diem 20. Maji cap. 1., ubi narratur, ab eo nonnullos fuisse invitatos, ut peste laborantibus servitium præstarent, his verbis: *Quid tam magnum, atque pulchrum, quam pacis tempore ad Martyrii coronam pervenire? Si morimur, pro Christo certe morimur; qua morte & merces augetur, & omne crimen excluditur, & omnis confirmatio, & status vita Martyrio decoratur.* Quocirca in correctione a sacra Congregatione Indicis demandata, respectu libri Th. eophili Raynaudi inscripti *de Martyrio per pestem*, hæc habentur apud eundem Theophilum tom. 20. pag. 256. *Addantur hæc verba: Hæc sunt, qua pro commendanda charitate eorum, qui inter ministrandum peste contactis vitam amittunt, dicenda occurrunt. Cui charitati, qua major adversus proximum, nulla est, cum propter Deum impenditur, eximia fortitudinis & Martyrii nomen convenit: non tamen in ea acceptione, qua Patres, Doctores, & Ecclesia vocant illos, qui in pugna & certamine cum Tyranno propter Deum vitam non resistentes præsumunt, sentique magis explicite & formaliter testes, & ideo per excellentiam, sive anonomastice Martyres appellantur; qui soli cultum Martyrum in Ecclesia obtinuerunt, & Martyrum nomine in acceptione apud Ecclesiam hætenus usitata censentur. Illi privilegio hoc gaudent, ut gratiam ex opere operato consequantur, & ab omni pena reatu absolvantur: quod privilegium ad istos non ea probabilitate extendi potest quoad illos, quos neque certum est, aut extra controversiam, sed probabile tantum hoc privilegio gaudere.*

9 Anno 1591. Romæ extitit tanta annonæ caritas, atque inde contagio, ut sexaginta hominum millia perierint. Sanctus autem Aloysius Gonzaga se ægrorum servitio exposuit in nosocomiis Incurabilium, Consolationis, Lateranensis, S. Sixti, atque in alio, quod prope domum Petroniam apertum fuerat. At cujusdam amplexu & contagione, qui pestifera lue laborabat, infectus, feliciter vitam cum morte commutavit. Unicus enimvero inter Sanctos & Beatos fuit Aloysius, quem re vera constet in obsequio contagioforum obivisse; cum viginti testes in processibus examinati de ea re tulerint testimonium. Rotæ igitur Auditores in examine causæ prædicti Sancti (in relatione tit. de Fortitudine) morbum eum ab Aloysio contractum, quo postea extinctus est, dum hominem amplexaretur qui contagium spirabat, considerarunt; & exemplo desumpto ab his, qui die 28. Februarii memorantur in Martyrologio Romano, & de quibus supra locuti sumus, censuerunt, Aloysii mortem fuisse speciem quamdam Martyrii. Fufius etiam idem assumptum, congesta undique eruditione, comprobatum fuit a P. Andrea Budriolo Societatis Jesu Theologo & Canonizationis B. Aloysii diligentissimo Postulatore in suis scripturis part. 3. §. 4. ejusque mencio facta est in bulla Canonizationis, quæ est Constitutio 114. in nov. cod. Canoniz. Cumque B. Aloysius inter Sanctos

Sanctos fuerit relatus, & ritu quidem non Martyris, sed Confessoris colatur, nil clarius afferri posse videtur, ut ostendatur, vere & proprie Martyres non esse, qui servitium præstantes peste laborantibus, morbo contracto, decumbunt. Item Servus Dei (nunc Beatus) Hieronymus Æmilianus ministrans peste laborantibus, lue correptus, apud Somaſchenſes mortuus est. Rotæ itaque Auditores in relatione causæ ipsius hæc habuerunt, loquentes de virtute Fortitudinis: *Postremo, cum Martyrium sit perfectissimus actus Fortitudinis, hinc intelligimus, Hieronymo perfectissimam, non desuisse Fortitudinem, qui vitam propriam Charitatis fervore obtulit Deo in holocaustum sacrificans se ipsum in salutem proximi, dum pestilenti morbo laborantibus ministrans, eadem correptus lue, apud Somaſchenſes interiit, ut jam diximus; quam quidem mortem speciem esse Martyrii, testatur Dionysius Alexandrinus. Nihilominus de causa hujus Servi Dei actum fuit in sacrorum rituum Congregatione, neque tamen uti Martyris, sed uti Confessoris. Nec omitti potest, S. Franciscum Solanum, cum una cum socio Bonaventura in pago Montoro provincię Andaluziæ assiduam peste laborantium curam suscepisset, atque, Bonaventura morbi contagione sublato, eam intrepide persecutus esset, duplici glandula seu anthrace correptum fuisse; tum quodammodo miraculo servatum, nedum ministerium ipsum resumuisse, sed ab eo nunquam cessasse, donec, reposito in vaginam ab Angelo percutiente gladio, sevientis pestilentię ignis extinctus fuit; uti legitur in compendio vitæ, virtutum, & miraculorum, necnon Poetorum in causa Canonizationis ipsius exhibitio, cum eadem pertractaretur in sacris Consistoriis coram summo Pontifice; quod & resumitur in bulla Canonizationis, quæ est 113. in nov. cod. Canoniz. Neque tamen Postulatores unquam cogitaverunt de proponendo Martyrii articulo, quem utique proponere non omisissent, si moriens, contracta lue ex ministerio quod exhibet peste laborantibus, pro vero Martyre haberi posset; cum ex intra dicendis, qui a Deo miraculose liberatur a morte imminente, quam si subiisset, Martyr fuisset, Martyr esse non desinat, licet in pace quiescat.*

10 Hucusque responsum fuit argumentis, quibus probari posse videbatur, non esse de necessitate Martyrii, ut Persecutor seu Tyrannus interveniat. Reliquum nunc est, ut illis satisfiat, ex quibus videtur inferri posse, non esse de necessitate Martyrii, ut Persecutor seu Tyrannus poenam infligat. Plerique scilicet coluntur ut Martyres, qui suis sibi manibus mortem intulerunt; & forsitan quidem in hisce Martyriis Persecutor seu Tyrannus non desuit, cum nomine Persecutoris seu Tyranni ille etiam comprehendendi possit, qui Martyribus occasionem præbuit sibi mortem inferendi; veluti docuerunt Theophilus Raynaudus *oper. tom. 18. de Martyrio per pestem part. 2. cap. 1. num. 2. & 3. Silvius in 2. quasi. 64. art. 5. in responsione ad quintum, vers. Petes, qua ratione, pag. 425. Petes, qua ratione coluntur ut Martyres, si non sunt occisi a Persecutoribus Fidei. Respondeo, censeri occisos a Persecutoribus, quatenus illi sua persecutione fuerunt causa, ut*
in eas

in eas redigerentur angustias, morerenturque propter Fidem aut Fidei virtutem; quam volebant negare vel amittere. Lestius de justit. & jur. lib. 2. cap. 9. dubit. 6. num. 24. Gobat Theolog. experimental. cas. 18. sect. 1. num. 181. circa fin. Quia vero Persecutor ille seu Tyrannus poenam physice Martyrii non infligit, sed Martyr ipse, sibi mortem inferendo, poenam re vera sibi met intulit, argui posse videtur, non esse de necessitate Martyrii, ut Persecutor seu Tyrannus poenam infligat. Sæculo Christi tertio Apollonia Martyrium passa est, quod describitur a S. Dionysio Alexandrino in epistola ad Fabium Antiochenum apud Eusebium lib. 6. histor. Eccles. cap. 41. En verba Dionysii: Sed & admirandam illam prope jam ætatis Virginem Apolloniam tunc comprehenderunt, & maxillas quidem ejus verberantes cunctos ei dentes excusserunt. Accenso autem extra urbem rogo, minabantur, vitam se illam combusturos, nisi una cum ipsis impia verba pronuntiaret. At illa veniam deprecari pauidisper visa, atque interim dimissa celeriter in ignem insiluit & conflagravit. Eodem sæculo III. Pelagia Virgo Antiochena, ejusdem mater, & sorores se aquis dederunt, ne libidine foedarentur; natalisque dies Pelagiæ tabulis Ecclesiasticis in civitate Antiochena solemniter erat, etiam tempore S. Joannis Chrysostomi, uti colligitur ex ejus homilia 60. tom. 2. oper. pag. 585. Tum ipsam vero, tum matrem, & sorores cultum habuisse & habere, testatur Cardinalis Baronius ad an. 309. a num. 12. usq. ad num. 17. Die autem 9 Junii Sanctæ hujus Pelagiæ fit commemoratio in Martyrologio Romano. Principio sæculi IV. celebre fuit Martyrium Bernices, & Prosdoces, quæ cum matre sua Domnina comprehensæ, delusis militibus, in fluvium se se dedere præcipites; quarum festum die 4. Octobris celebratur a Græcis, & S. Joannes Chrysostomus tom. 2. oper. homil. 70. pag. 643. & seq. mortem earum refert, & laudibus extollit. Die 24. Augusti mentio habetur in Martyrologio Romano trecentorum Martyrum tempore Valeriani & Gallieni, qui, ne thura Jovi adolerent, ictu rapidissimo se iniecerunt in ignem, & inter vapores calcis in pulverem redacti sunt; ex quo candidatus ille Beatorum exercitus *Massa candida* meruit appellari. Quare Prudentius in hymno 5. de Sancto Cypriano Martyrium Sanctorum *Massæ* candidæ his versibus eleganter describit, v. 76.

*Fama refert, foveam campi in medio patere jussam,
Calce vaporifera summas prope margines refertam:
Saxa recedentia vomunt ignem, nitensque pulvis ardet.
Urere tacta potens, & mortifer ex odore status.
Appositam memorant aram foveæ stetit summa
Legē sub hac, salis aut micam, jecur & suis litarent
Christicola, aut media sponte irruerent in una fossa.
Profluere alacres cursu rapido simul trecenti.
Gurgite pulveres mersis liquor aridus voravit,
Præcipitemque globum fundo tenus implicavit imo.
Corpora candor habes, candor vehit ad superna mentes.
Candida Massa debinc dici meruit per omne sæculum.*

Utque

128 DE SERVORUM DEI BEATIFICATIONE

Utque cetera prætereantur, legitur in antiquioribus annalibus in lucem editis a Matthæo V Vestmonasteriensi; anno octingentesimo septuagesimo, cum in Scotiam venisset innumera multitudo Danorum, quorum Duces erant Hinguar & Stubba, diræ perversitatis homines, qui virgines Sanctimoniales ludibrio tradebant & constuprabant; Ebbam Collingbanmenfis coenobii Abbatissam, ut cunctis Sororibus exemplum castitatis præberet, naso sibi cum labro superiori ad dentes usque novacula præciso, horrendum de se spectaculum altantibus præbuisse universis. Abbatissæ exemplum ceteræ Moniales secutæ sunt. Cumque Dani ad monasterium accessissent, inde cum festinatione recesserunt; injectoque igne, illud cum omnibus officinis, & Sanctimonialibus concremarunt, quæ inter Martyres receptæ cultu Martyrum in Ecclesia coluntur.

11 Aditipulantur exempla e veteri Testamento desumpta. Primo quippe libro Regum cap. 31. v. 4 & 5. Saul se propria manu interemit: *Dimittis Saul ad Armigerum suum: Evagina gladium tuum, & percute me, ne forte veniant incircumcisi isti, & interficiant me illudentes mihi. Et noluit Armiger ejus; fuerat enim nimis terrore perterritus. Arripuit itaque Saul gladium, & irritis super eum. Quod cum vidisset Armiger ejus, videlicet, quod mortuus esset Saul, irritis etiam ipse super gladium suum, & mortuus est cum eo.* Samson, ut est in libro Judicum cap. 16. v. 29. & seq. detonsus, & viribus calvus, & subinde excæcatus, invocato Domino, vires recuperavit, columnasque domus evertit, & ipse una cum aliis sub ruinæ pondere mortuus est: *Et apprehendens ambas columnas, quibus innitabatur domus, alteramque earum dextera, & alteram leva tenens ait: Moriaur anima mea cum Philistinum. Concussisque fortiter columnis, cecidit domus super omnes Principes, & ceteram multitudinem qua ibi erat; multoque plures interfecit moriens, quam ante vivus occiderat.* De morte Razie hæc habentur lib. 2. Machab. cap. 14. v. 39. & seq. *Volens autem Nicanor manifestare odium quod habebat in Judæos, misit milites quingentos, ut eum (hoc est Raziam) comprehenderent... Turbis autem irruere in domum ejus, & januam disrumpere, atque ignem admoveere cupientibus, cum jam comprehenderetur, gladio se petiit, eligens nobiliter mori potius, quam subditus fieri peccatoribus, & contra natales suos indignis injuriis agi. Sed, cum per festinationem non certo ictu plagam dedisset, & turba intra ostia irrumperent, recurrens audacter ad murum præcipitavit semetipsum viriliter in turbas; quibus velociter locum dantibus casui ejus, venit per mediam cervicem: & cum adhuc spiraret, accensus animo surrexit; & cum sanguis ejus magno fluxu deflueret, & gravissimis vulneribus esset saucius, cursu turbam pertransiit, & stans supra quamdam petram præruptam, & jam exsanguis effectus, complexus intestina sua utrisque manibus projecit super turbas invocans Dominatorem vitæ ac spiritus, ut hæc illi iterum redderet: atque ita vitæ defunctus est.*

12 Verumenimvero hæcenus relata nihil urgent, cum nunc agatur de Martyrio juxta regulas ordinarias, nunc de Martyrio juxta regulas extraordinarias, quæ ex speciali instinctu Divino causam habent. S. Hieronymus

nymus tom. 6. oper. in cap. 1. Iona col. 402. collaudat mortem ab aliquo sibi sponte illatam, ne castitatis detrimentum patiat: Unde & in persecutionibus non licet propria perire manu absque eo ubi castitas periclitatur. At tutius S. Augustinus lib. 1. de civit. Dei cap. 26. tom. 7. oper. sic de sanctis prædictis feminis loquitur, quæ sibi mortem intulerunt: Sed quedam, inquit, sanctæ semina tempore persecutionis, ut insectatores sua pudicitia devitarent, in rapturum atque necaturum se fluxum projecerunt, eoque modo defunctæ sunt, earumque Martyria in Catholica Ecclesia veneratione celeberrima frequentantur. De his nihil temere audeo judicare: utrum enim Ecclesia aliquibus fide dignis testificationibus, ut earum memoriam sic honoret, Divina persuaserit auctoritas, nescio; & fieri potest, ut ita sit. Quid si enim hoc fecerunt non humanitas decepta, sed divinitus iussa, nec errantes, sed obediētes, sicut de Samsonē aliud nobis fas non est credere? Cum autem Deus jubet, sequi jubere sine ullis ambagibus intimas, quis obediētiā in crimen vocet? Quis obsequium pietatis aculeus? Idem S. Doctor quasi. 49. super libros Iudicum tom. 3. oper. col. 611. docet, non debuisse Iephthæ exemplo Abrahamæ immolare filiam: Distat itaque hoc, quod Iephthæ fecit, a factō Abrahamæ; quoniam ipse iussus obtulit filium, iste autem fecit, quod & lege vetabatur, & nullo speciali jubebatur imperio. Et quasi. 39. in Exodus tom. 3. oper. docet, ex factō Hebræorum, qui vasa aurea & argentea Egyptiorum tulerunt, non debere quemquam inde funere exemplum proximos suos modo prædicto spoliandi bonis: Hic enim Deus iussit qui noveras, quid quemque pati oporteret; nec Israelita furtum fecerunt, sed Deo jubente ministerium præbuerunt. Porro Coquæus in notis ad cit. cap. 26. lib. 1. de civit. Dei notat, S. Augustinum temperantius de prædictis Virginibus locutum fuisse, de his nihil temere audeo judicare; cum id exigeret ratio temporis, ob Circumcelliones videlicet, qui stulta Martyrii opinione passim sibi mortem inferebant. Itaque, ut Samsonis facinus, qui se ipsum cum hostibus ruina domus oppressit, a S. Doctore excusatur, eo quia id fecit, inspirante Deo; ita, Sanctæ Virgines, quarum Martyria celebrantur in Ecclesia, quæque, ne subicerentur libidini perditissimorum nebulonum, se se in flumen præcipientes dederunt, a culpa esse excusandas, neque e Martyrum catalogo esse delendas, cum id peregerint ex Divina inspiratione, idem Sanctus confirmat. S. Ambrosius lib. 3. de Virginibus cap. 7. tom. 2. Sanctarum Virginum meminit, Pelagiæ videlicet, matris, & sororum ejusdem, quæ, ne in Persecutorum manus devenirent, & pudicitia jacturam facerent, sibi mortem intulerunt: & eruditi Adnotatores ad dictum cap. 7. observant, Pelagiam, & ceteras modo memoratas esse illas, de quibus loquitur S. Augustinus. Theologi quoque uno consensu asserunt, mortes eas esse referendas ad specialem impulsu, seu Divinam inspirationem; inter quos Cardinalis Cozza in comment. historico-dogm. in libr. S. Augustini de Hæres. part. 1. cap. 1. num. 177. Gravina in continuat. 2. part. Catholicæ præscrip. tom. 4. pag. 336. Clericat. de Baptismo decr. 27. num. 12. Quocirca Sotus in 4. lib. sent. dist. 49. quasi. 5. art. 2. pag. 651. oppositis sibi

Tom. III.

R

prædi-

predictis SS. Virginum exemplis respondet, id Divino instinctu in exemplum egregia fortitudinis fecisse, ut Tyrannorum rabies admiratione vinceretur, dum viderent, pro Christo sic sexum illum fragilem mortem consemnare. Quod & late prosequitur Cardinalis Baronius in *anal. ad an. 870. num. 41.* ubi factum perpendit Ebbæ Collinghanmensis coenobii Abbatissæ a nobis supra relatæ. De Sophronia autem Romana femina narrat Eusebius, eam a marito derelictam, & in manibus Maxentii Tyranni relictam tempus petiisse, ut corpus suum decenter ornaret; at cubiculum ingressam, cum sola esset, ense se se ipsam transiixisse: at mulier hæc quidem Christiana erat, ejusque cum laude meminit Cardinalis Baronius *ad an. 309. num. 10.* non est tamen inter Sanctas relatæ; quod ex eo forte provenit, quia Ecclesia non habuit indicia, ut existimare posset, ipsam instinctu Spiritus Sancti sibi vitam ademisse; quemadmodum indicat Baillet in *dissert. general. ad vitas SS. §. 79.* Quenam autem indicia sint, quibus Ecclesia induci potest, ut hæc & alia hujusmodi speciali Spiritus Sancti impulsu facta credere possit, alibi explicabitur.

13 Quod attinet deinde ad exempla desumpta e veteri Testamento; omittendum est illud Saul, cum apertissima sit sacræ Scripturæ testificatio de eterno ejus exitio. Libro quippe primo Paralipomenon *cap. 10. v. 13.* sic legitur: *Mortuus est ergo Saul propter iniquitates suas, eo quod pravaricatus sit mandatum Domini, quod praeceperat, & non custodierit illud; sed insuper atiam Pythionissam consulnerit, nec speravit in Domino: propter quod interfecit eum, & transiulit regnum ejus ad David filium Isai.* Non ita vero se habet res, loquendo de Samson, cum ab Apostolo in *epist. ad Hebr. cap. 11. v. 32.* in album Sanctorum referatur: *Et quid adhuc ditam? Desideret enim me tempus enarrantem de Gedeon, Barac, Samson, Jephthæ, David, Samuel, & Prophetis.* Atque jam supra ex S. Augustino visum est, Samsonem sibi mortem intulisse, Deo jubente: & Sancto ipsi Augustino adhæret S. Thomas 2. 2. *quest. 64. art. 5. ad quartum*, ubi, proposita quæstione, utrum liceat se ipsum occidere, & opposito sibi sacro Samsonis, ita respondet: *Ad quartum dicendum, quod, sicut Augustinus dicit in primo de civitate Dei: nec Samson aliter excusatur, quod se ipsam cum hostibus ruina domus oppressit, nisi quod latenter Spiritus Sanctus hoc jussit, qui per illum miracula faciebat; & eandem rationem assignat de quibusdam sanctis feminis, quæ tempore persecutionis se ipsas occiderunt, quarum memoria in Ecclesia celebratur.* Demum quoad factum Razia Augustinus Calmet in *dictionar. Bibl. v. Razias*, censet, id utique in sacra Scriptura referri, sed non commendari: & S. Augustinus obliervans, Donatistas, dum sibi mortem voluntarie infligebant, se exculare consuevisse exemplo Razia; atque adeo hujus factum discutienti *epist. 204. num. 6. & 7. tom. 2. oper. col. 766.* ait, vitium ei, non virtutem, auctorem fuisse, ut gladio primum, tum vero præcipitio sibi mortem quæreret: *Qui cum esset apud suos nobilis, & militem in Judaismo professus, (quæ sibi in comparatione iustitiæ Christiana damna & stercora fuisse dicit*

dicat Apollonius), & propter hoc idem Razias Judaeorum Pater appellaretur, quid mirum est, si tanquam homini elatio superba subrepsit, ut malit manu propria periret, quam post illam in suorum adspectibus celsitudinem, sustinere indignam in hostium manibus servitutem? & tom. 9. oper. lib. 1. in Gaudentium cap. 31. col. 654. sic prosequitur: Quocirca humilitatem inier manus inimicorum non valens ferre, non plane sapientiae, sed insipientiae dedit exemplum, non Christi Martyribus, sed Domati Circumcellionibus imitandum. . . . At enim sanctarum Scripturarum auctoritate laudatus est Razias. Quomodo laudatus? Quia fuit amator civitatis. . . . Ipsum vero ejus mortem mirabiliorem, quam prudentiorem, narravit: quemadmodum facta esset, non tanquam facienda esset, Scriptura laudavit. Subscribit his D. Thomas 2. 2. quæst. 64. art. 5. ad quintum, in qua pariter quæstione Sanctus idem Doctor late ostendit, illicitum omnino esse, se ipsum occidere, cum homo non sit dominus vite sue. Quamobrem, si adit Dei præceptum, qui sibi mortem infert, non peccat; non decernit enim de se sine consensu Domini, sed agit ut instrumentum Dei, qui habet jus perfectissimi dominii in vitam, quique eam opera ipsius hominis eadem ex sua beneficentia fruētis destruere potest; quemadmodum fufe exponit Cardinalis de Lugo de justis. & jnr. disp. 10. sect. 1. num. 10. & num. 13. & late prosequitur Cardinalis Capisucchi in sape cit. controvers. de Martyrio §. 9. atque optime exornat Fr. Joannes Laurentius Berti Eremita Augustinianus in suo opere de Theologicis disciplinis, post primam nostræ Editionis typis Romanis impresso anno 1742. tom. 6. lib. 31. cap. 24. num. 2.

CAPUT XII.

De poena a Persecutore seu Tyranno infligenda.

I AD verum Martyrium constituendum duo in Persecutore requiruntur: primum, ut re ipsa mortem inferat, aut saltem ponat causam necessariam mortis; mortis, inquam, naturalis, non autem alius mortis, quæ talis habeatur in Foro externo, qualis est eorum, qui injusta excommunicatione puniuntur, quique, si invicta patientia eam toleraverint, Martyres a nonnullis minus proprie fuerunt appellati; de quibus Pater Lupus in schol. ad lib. Tertulliani de præscript. cap. 4. pag. 131. Alterum, ut id faciat ex odio in Fidem, vel in aliquam rem, quæ ad Fidem spectet. In capite itaque præsentis de primo ex prædictis requisitis agemus; aliqua autem in sequenti de secundo tractabuntur, de quo superior habebitur sermo, cum quæstio instituetur de causa, non relative ad Persecutorem seu Tyrannum, sed ad Martyrem ipsum.

2 D. Thomas 2. 2. quæst. 124. art. 4. proponit quæstionem, *Utrum mors sit de ratione Martyrii*: cui sic respondet: *Ad Martyrium ergo pertinet, ut homo testificetur Fidem, se opere ostendens omnia præsentia contemnere, ut ad*

R. 2

futura

sutura & invisibilia bona perveniat. Quamdiu autem homini remanet vita corporalis, nondum se opere ostendit corporalia cuncta despiciere. Confluxerunt enim homines & consanguineus & omnia bona possessa contemnere, & etiam dolores corporis pati, ut vitam conservent; unde & Satan contra Job induxit, Pellem pro pelle, & cuncta, qua homo habet, dabit pro anima sua, id est pro vita sua corporali: & ideo ad perfectam rationem Martyrii requiritur, quod aliquis mortem sustineat propter Christum. Similia traduntur ab eodem S. Doctore in 4. dist. 49. quest. 5. art. 3. quasiunc. 2. Sicut inest quadam pugna spiritui contra interiores concupiscentias, ita etiam inest homini quadam pugna contra passiones exterius illatas: unde, sicut perfectissima victoria, qua de concupiscentiis carnis triumphatur, scilicet Virginitati, debetur specialis corona, qua aureola dicitur, ita etiam perfectissima victoria, qua habetur de impugnacione exteriori, debetur aureola. Perfectissima autem victoria de exterioribus passionibus consideratur ex duobus. Primo ex magnitudine passionis: inter omnes autem passiones illatas exterius precipue locum mors tenet, sicut & in passionibus interioribus precipue sunt venerorum concupiscentia; & ideo, quando aliquis obtinet victoriam de morte, & ordinatis ad mortem, perfectissime vincit. Secundo perfectio victoria consideratur ex causa pugna, quando scilicet pro honestissima causa pugnatur, qua scilicet est ipse Christus. Et hac duo in Martyrio considerantur, quod est mors suscepta propter Christum.

3 Idem S. Doctor in 4. sent. loc. cit. ad 7. expresse pariter docet, Martyrem esse eum, qui accepto lethali vulnere supervivit: Dicendum, quod, si aliquis propter Fidem vulnus mortale accipiat, & supervivat, non est dubium, quod aureolam meretur: & præterea pro veris Martyribus habendos esse illos, qui carceres, exilia, ærumnas pro Christo patiuntur, dummodo continuatæ sint usque ad obitum, & ad mortem perduxerint: Si... vulnera non mortalia susceperit, & adhuc carcerem sustinens moriatur, adhuc aureolam meretur; unde & quorundam Sanctorum Martyria in Ecclesia celebrantur, qui in carcere mortui sunt, aliquibus verberibus longe ante susceptis, sicut patet de Marcello Papa &c. Si vero non continuetur usque ad mortem, non propter hoc aliquis dicitur Martyr; sicut patet de Silvestro, de quo non solemnizatur Ecclesia, sicut de Martyre, quia in pace vitam finivit, quamvis prius aliquas passiones sustinuerit. Item 2. 2. quest. 124. art. 4. ad 3. et 4.: Fortitudo principaliter consistit circa pericula mortis; circa alia autem consequenter: & ideo nec Martyrium proprie dicitur pro sola tolerantia carceris, vel exilii, vel rapina divitiarum, nisi forte secundum quod ex his sequitur mors &c. Meritum Martyrii non est post mortem, sed in ipsa voluntaria sustinentia mortis, prout scilicet aliquis voluntarie patitur inflictionem mortis. Contingit tamen quandoque, quod aliquis post mortalia vulnera pro Christo suscepta, vel quasumque alias tribulationes continuatas usque ad mortem, quas a Persecutoribus patitur pro Fide Christi, diu vivat: in quo statu actus Martyrii meritorius est, & etiam ipso eodem tempore, quo huiusmodi afflictiones patitur. Cui S. Thomæ doctrinæ cohæret communis Theologorum sententia, qui docent, Martyrem, rigoroſe loquen-

loquendo, non esse illum, qui ex odio in Fidem cruciatur quidem, non tamen occiditur, sed illum esse Martyrem, qui lethalia vulnera perpeffus, a Deo miraculose fanatus est; itemque inter Martyres esse recensendum, qui ex odio in Fidem coniectus in carcerem, aut exilio ex eadem causa multatus, moritur ex ærumnis carceris vel exilii. Sotus in 4. sent. dist. 49. qu. 5. art. 2. pag. 1037. Cardinalis Capisucchi in contrav. de Martyrio §. 4. et 5. Salmanticenses in cursu Theolog. tom. 3. tract. 9. de beatit. disp. 3. dub. 2. per tot. et signanter §. 2. Suarez in defens. Fidei Catholica lib. 6. cap. 11. num. 19. et 20. Hurtado in resolut. de vero Martyrio resolut. 35. assert. 2. §. 2. et in ultimo asserto §. 5. Theophilus Raynaudus in tract. de Martyrio per pestem part. 2. cap. 1. §. 4. et seqq. Clericat. de Baptismo dec. 27. num. 8. §. Tertius gradus, Frassen in Scoto Academico tom. 10. tract. 1. disput. 1. art. 1. qu. 3. §. Notandum tertio, Anaclet. in Theolog. moral. tract. 7. dist. 1. qu. 6. num. 52. et 53. Cardinalis Gotti Theolog. tom. 13. quest. 2. de divifione Baptismi dub. 2. num. 4. et seqq. Maurus Theolog. tom. 3. lib. 11. tract. 12. quest. 93. num. 4. et seqq. Mortem autem esse de necessitate Martyrii, passim docent Scribentes de Canonizatione, Contelorius videlicet cap. 14. num. 33. et 34. Matta part. 2. cap. 11. num. 5. Sed reliqua etiam supra recensita enarrantur a Patre Mattheuccio in pract. Theologo-Canon. ad caus. Beatification. et Canonization. tit. 4. cap. 1. §. 1. num. 46.

4 Confirmantur hæc omnia exemplis ab Ecclesiastica historia petitis. Joannes Evangelista senio confectus quievit, sed tanquam Martyr celebratur ab Ecclesia die 6. Maji propter cruciatum, quem Romæ passus est. In ferventis etenim olei dolium coniectus, Divina protegente eum Gratia, illæsus evasit. Et profecto, cum Christus Dominus Marthæ cap. 20. v. 23. dixisset, *Calicem quidem meum bibetis*, hoc est Martyrium pro me sustinebitis, uti explicant omnes, testatur S. Hieronymus tom. 7. oper. col. 155. et seq. in comment. ad dictum caput, id impletum fuisse, quando Joannes in ferventis olei dolium missus est: licet enim tunc mortuus non fuerit, quia tamen voluntarie se morti obtulit in Fidei testimonium, & causa illa erat ex se sufficiens ad mortem inferendam, nisi miraculose fuisset impedita, satis id est, ut calicem Christi dicatur bibisse, ideoque inter Martyres sit recensendus. Porro Patrum de Martyrio S. Joannis testimonia collecta legi possunt apud Tillemont. tom. 1. in histor. Eccles. sex primorum seculorum, in vita S. Joannis Evang. art. 5. & apud Hurtadum de vero Martyrio tract. 3. resolut. 22. §. 2.

5 Sancta Thecla Protomartyr a Patribus appellatur, cum prima fuerit ex feminis, quæ Martyrium pro Christo subierit; atque adeo, quando iidem Patres excellens aliquid de femina dictum volebant, eam Theclæ nomine insignibant, uti sule videri potest apud Cardinalem Baronium in not. ad Martyrol. Roman. ad diem 23. Septembris, & in annal. ad an. 47. num. 13. Fuit nempe illa ad bestias damnata; sed incolumi: evasit non sine specialis ope Divina: quod describitur a S. Ambrosio tom. 2. oper. lib. 2. de Virginitatibus

nibus cap. 3. his verbis: *Thecla doceat immolari, quæ copulam fugiens nuptialem, & sponsi furore damnata naturam etiam bestiarum Virginitatis veneratione miravit; namque parata ad seras, cum aspectus quoque declinaret virorum, ac vinalia ipsa seruo offerres leoni, fecit, ut qui impudicos detulerant oculos, pudicos referrent. Carnere erat, lingentem pedes bestiam cubitare humi, muto resuscitantem sono, quod sacrum Virginitatis corpus violare non posset. Ergo adorabat prædum suam bestia, et propria oblita natura naturam induerat, quam homines amiserant. Putant tamen nonnulli, eam te vera Martyrium morte sua consummasse: sed alii probabilius censent, ipsam divinitus a periculis mortis liberatam se in solitudinem contulisse, & ibi senio conlectam in pace quievisse; inser quos Tillemont. tom. 2. in vita S. Thecla pag. 43. & in not. 4. ad eandem, & Baillet in ejus vita ad diem 23. Septembris, ubi scite advertit, quod, si tormentorum vi mortua fuisset, ipsius nomen haberetur in Canone Missæ, in quo nimirum recensentur illi Martyres, qui per Tyrannos sunt interfecti.*

6 De S. Felice Nolano hæc habentur in Martyrologio Romano ad diem 14. Januarii: *Nola in Campania Notabilis Sancti Felicis Presbyteri, qui, ut Sanctus Paulinus Episcopus scribit, cum a Persecutoribus post tormenta in carcerem mitteretur, et occubitis ac testibus vinctus suppositus jaceret, nocte ab Angelo solutus atque eductus fuit; postmodum vero, cessante persecutione, cum vita exemplo ac doctrina multos ad Fidem Christi convertisset, clarus miraculis in pace quieuit. In vetusto quoque Occidentalis Ecclesiæ Martyrologio edito a Francisco Maria Florentino ad prædictam diem sic legitur: Nola Campanie Passio Sancti Felicis. Quapropter, quamvis in nonnullis Missalibus, & Sacramentariis Felix ipse Nolanus non uti Martyr, sed uti Confessor colatur, de quibus apud Menardum in not. ad Sacramentar. S. Gregorii; de ejus nihilominus uti Martyris cultu authentica non desunt monumenta, teste Ruinart in admonit. ad vitam et Passionem ejus inter Acta Martyr. num. 2. pag. 214. Felicem sub Martyris titulo colit Ecclesia Romana in Martyrologio, & Officiis Ecclesiasticis. Item S. Paulinus in natal. 3. de eo sic canit, uti supra dictum est:*

Celestem mantles sine sanguine Martyr honorem,

Non Confessor ebis poenas non sponte lucratus.

& natali 11. inter anecd. Ludovici Antonii Muratorii tom. 1. pag. 24.

Confessor Felix, & Presbyter, ore Magister,

Elegio Martyr, merito, officioque Sacerdos.

Nec omittendum est exemplum S. Gregorii magnæ Armeniæ Episcopi, de quo in Martyrologio Romano ad diem 30. Septembris: *quievit enim in pace, postquam invicta multis ante annis pro Christo tulerat tormenta. Colitur autem ritu Martyris in Officio, quod auctoritate Congregationis sacrorum rituum aliquibus in locis in ejus honorem recitatur, non nisi quia tormenta quæ pro Fide tulit, adeo magna adeo fæva fuerunt, ut citra miraculum Dei non potuerit ea ferre, & post ea longa annorum serie vitam*

vitam ducere; ut inferitur ex ipsis ejusdem cruciatibus, qui in antiquis Orientalis Ecclesie Martyrologiis narrantur. Martyrologiorum verba referuntur in ejus historia *Roma typis impressa* an. 1717. ab Antonio Maria Bonuccio Societatis Jesu Theologo.

7 Addi potest celebris epistola 58. S. Cypriani ad Lucium Romanum Pontificem col. 207. juxta editionem studio & labore Stephani Balutii illustratam: *Neque enim in tribus Pueris minor fuit Martyrii dignitas, quia, morte frustrata (vel ut alii legunt, Martyrio frustrati) de camino ignis incolumes exierunt, aut non consummatum Daniel exitus in suis laudibus, quia qui leonibus missus fuerat ad pradam, protectus a Domino vivit ad gloriam. In Confessoribus Christi dilata Martyria non meritum confessionis minuunt, sed magnalia Divina protectionis ostendunt. Representatum videmus in vobis, quod apud Regem sortes atque illustret Pueri predicaverunt, ipsos quidem paratos esse ardere flammis, ne Diis ejus fervirent, aut imaginem, quam fecerat, adorarent; Deum tamen quem colebant, quemque & nos colimus, potentem esse, ut eos de camino ignis eximeret, & de Regis manibus, ac de poenis presentibus liberaret.*

8 Itaque, si S. Joannes Evangelista, si S. Thecla, & alii modo recensiti Martyres fuerunt, licet in pace quieverint, eo quia videlicet tormenta pro Christo passi sunt, quæ mortem intulissent, nisi Divina omnipotentia eos miraculose liberasset; si Daniel, si Pueri Martyres fuerunt, quamvis hi e camino ignis ardentis, ille ab ore leonum fuerint divinitus servati; non videtur, obistere debere Martyrio miraculosam a tormentis liberationem, eorumque, qui ad ea sufferenda erant parati, in pace subinde quietem; uti præter supra memoratos bene advertit Guyet de festis propriis SS. lib. 2. cap. 7. quest. 9.

9 Sequuntur exempla pariter ab Ecclesiastica historia desumpta eorum, qui in carcere, aut exilio mortui sunt ex ærumnis usque ad obitum continuatis, quique etiam uti Martyres coluntur; de quibus multa habentur in libro eruditi viri Antonii Gallonii de cruciatibus SS. Martyrum, ubi memorat Martyres exilio damnatos, alios addictos operibus ædificiorum, & purificationi cloacarum, alios denique ad metalla destinatos. Scilicet de S. Marcello legitur in libro Pontificali variantibus lectionibus & notis locupletato ab Joanne Vignolio in *vita dicti Marcelli pag. 72. & 73.* quomodo contemnens atque deridens dicta & præcepta Maxentii, qui eum adigete tentabat, ut Dæmonibus sacrificaret, damnatus sit in catibulum, hoc est publicum stabulum animalium, ut eis deserviret; & quomodo tandem in servitio animalium nudus, amictus cilicio, defunctus sit. De S. Martino Papa habemus, eum captivum in Græciam fuisse deportatum, atque adeo in libro Pontificali pag. 263. & seq. sic de eo legitur: *Deinde directus est sæpe dictus Sanctissimus vir in exilium in locum, qui dicitur Chersena, & ibidem, ut Deo placuit, in pace Christi Confessor vitam finivit*: Et in fine collectionum Anastasii, quæ Sirmondus publicavit, sic habetur: *Obiit autem idem Sanctissimus vir Beatus Apostolicus Martinus Papa recens te vixit Confessor & Mar-*

& Martyr Christi Dei nostri in eadem exultatione Chersona juxta ejusdem ad Dominum Deum petitionem, quam obtulit ei cum lacrymis exiens de navo, & calcans terram illam, id est, ut in ea finiret vitam, bonum certamen certans, cursum Martyrii consummans, & bonam fidem servans. Legi potest Pagi senior ad Cardinalem Baronium ad an. 654. num. 2. Additur ab aliquibus exemplum S. Silverii Pontificis, qui in exilio ærumnis confectus, & inedia consumptus die 20. Junii diem clausit extremum, cujusque memoria sub titulo Martyris quotannis eo die celebratur ab Ecclesia: sed, cum Procopius in historia arcana cap. 1. pag. 4. tom. 2. loquens de Antonina Bellisarii uxore dicat, Fuit illi minister sceleris quidam ex samulis Eugenius nomine, qui & commissi contra Silverium piaculi facelles fuerat; Alemannus in not. ad librum prædictum obsecat, Procopium indicare, Silverium fuisse non inedia, sed ferro necatum; uti legi etiam potest apud Pagi juniorem in brevior. Rom. Pontif. tom. 1. in vita Silverii num. 6. Aliaque consimilia exempla collecta fuerunt a Guyet de fæstis propriis SS. lib. 2. cap. 7. quæst. 10. ex quibus omnibus inferitur, nedum Martyres habendos esse, qui a tormentis miraculose liberati sunt, & superstites in pace quieverunt, sed etiam eos, qui ex ærumnis usque ad obitum continuatis in carcere vel exilio mortui sunt.

10 Nec enim urgent exempla a nobis alibi relata, hoc est lib. 1. cap. 2. num. 7. exempla, inquam, eorum, qui in sacra antiquitate Martyris titulum, licet adhuc viventes, sibi arrogarunt propter tormenta, quæ pro Fide Christi pertulerant, ac si hinc inferri posset, nec mortem, nec miraculosam a morte liberationem requiri, ut quis Martyrum catalogo adscribi possit. Iterum quippe dicimus, in primæva Ecclesia Martyris nomen etiam eis fuisse attributum, qui tormentis superstites fuerant, uti præter loc. cit. adducta desumitur ex libro Tertulliani ad Martyres juxta adnotata a Pamelio, & ex S. Cypriano epist. 8. ad Martyres, & Confessores Jesu Christi, & epist. 11. col. 54 ubi ait: De hoc & ad Clerum, & ad Martyres, & Confessores litteras feci; & epist. 14. col. 59. Litteras feci, quibus Martyres, & Confessores consilio meo, quantum possem, ad Dominica præcepta revocarem; & demum epist. 30. col. 94. Illud præterea vellemus addiscere, si Martyres non propter aliud Martyres fiunt, nisi ut non sacrificantes teneant Ecclesia usque ad effusionem sanguinis sui pacem. Porro ex his & similibus sufficienter non inferitur, mortem regulariter non requiri ad Martyrem constituendum; primò, quia in ipsa sacra antiquitate nonnulli etiam, qui post tormenta gravissima superstites fuerunt, titulum Martyris constanter respuerunt. Scribit enim Eusebius lib. 5. cap. 2. & ex eo Cardinalis Baronius ad an. 179. num. 30. nonnullos pro Fidei defensione acerba tormenta perpeffos, bestiis objectos, ignito ferro exustos, vulneribus inflictis excruciatos, non tamen se ipsos Martyres prædicasse, nec cuiquam copiam fecisse sic eos appellandi, allata præ ceteris sequenti ratione: Martyrum etiam, qui jam ad Christum ex hac corporis custodia migravissent, nos non gravate in memoriam redege-

redegunt, dixeruntque „ Illi jam vere sunt Martyres, quos Christus propter
 „ Fidei confessionem ad se recipere dignatus est, & quorum Martyrium ipso præ-
 „ claro vite exitu, tanquam sigillo certissimo, obsequavit; nos autem tenes
 „ solum & abiecti Christi nominis Confessores „: Atque Fratres obsecrabam eum
 lacrymis, ut preces pro illis ardentem & obnixæ Deo suaderent; quo ipso decessu
 e vita epus, quod Deus tam benigne in illis incepisset, cumulate expletetur. Et
 quamvis, non modo libera responsa Gentilibus dando, sed etiam patientia, ma-
 gnanimitate, fidenti animi robore contra omnes cruciatus se generosus et strenuus
 palum ostendendo, omni et virtutem Martyrii perspicuis declarassent, tamen si-
 mure Dei reserti Martyrium appellationem, qua Fratres donare illos voluissent,
 abs se recipere studebant. Secundò, quia plures juxta antiquum Ecclesiæ
 morem dantur Martyrum gradus; aliique omis, unus est initiatus,
 hoc est eorum, qui post tormenta quæ passi sunt, fuerunt superstites; al-
 ter est usquequaque absolutus & perfectus, eorum scilicet, qui ob Fidem,
 vel virtutem a Fide dictatam, mortem subierunt vel in ipsi cruciatibus,
 vel postea virtute cruciatuum aut ærumnarum inflictarum; uti adnotavit
 Cardinalis de Lauræ in 3. lib. sent. tom. 3. part. 2. disput. 20. art. 4. num. 37.
 & seqq. cumque in præsentī sermo sit de ultimo gradu Martyrii, & ideo de
 Martyrio per veritatem, non per similitudinem, de Martyrio, inquam,
 non initiatus, sed consummato, unusquisque facile dignoscere poterit,
 subsistere ea quæ in hoc capite dicta sunt, non obstantibus exemplis in-
 contrariū allatis.

11 Quæres autem primò, an sicut inter Martyres recenseri debet,
 qui lethalia vulnera perpeffus, a Deo miraculose sanitatem recepit, juxta
 ea quæ in superioribus dicta sunt, ita inter Martyres recenseri debeat ille,
 qui tormentis expositus nullum dolorem nullumve cruciatum, Divina cum
 protegente Gratia, expertus est. Cardinalis Capisucchi in cit. oper-
 s. 5. docet, hunc ad summum *inchoative*, non autem *rigorose* Martyrem
 dici posse; eo quia, licet animum perfecte paratum habuerit ad mortem
 pro Christo subeundam, & mortem ipsam acceptaverit in causa mortis
 ex sui natura illativa, cum tamen cruciatus passus non sit, Martyr rigo-
 rose dici non potest: quæ etiam doctrina fuit Cardinalis Cajetani ad 2. 2.
 quest. 124. art. 4. in fin. Contrarium vero late docetur a Theophilo Ray-
 naudo tom. 18. in tract. de Martyr. per pestem part. 2. cap. 1. num. 5. & seqq.
 ubi, postquam dixit, hominem miraculose a morte liberatum inter Mar-
 tyres esse recensendum, cum per eum non steterit, quominus Christo pro
 nobis mortem passo mortem rependeret, subdit, id ipsum dicendum esse
 de illis qui tormentis expositi, Divina eos protegente Gratia, necdum li-
 beri a morte evaserunt, sed etiam poenam corporis afflictivam non subie-
 runt, quin & jucunde in tormentis, quasi in deliciis, versati sunt: Nec
 aliter senserim de plerisque, quos lethalibus vulneribus non affectus, causis ta-
 men eorum certo illativis expositos, mera Dei providentia indemnes præstitit, cu-
 jusmodi fuere permulti, qui ab immixtis in eos serti nullam subiere molestiam,

Tom. III.

S

et alii

et alii, quibus medium fornacis factum est in locum amenissimum, et quasi ventis
 roris perflante temperatum.

12 Enimvero in Actis SS. Tryphonis & Respicii apud Ruinart pag. 139.
 legitur, fuisse eorum pedes clavis fixos jussu Aquilini Præfecti, dolorem
 autem eos non sensisse: Aquilinus dixit: Deferantur clavi, & configantur pe-
 des eorum. Quid cum factum fuisset, per medium civitatis in asperitate hiemis,
 in vehementia tempestatis traherantur. Non enim eis Diabolus nocere potuit, sed
 magis ac magis confortabantur in Domino. Aquilinus dixit: Quid est? Non sen-
 titis tormenta? Sancti responderunt: Non; quia clavi non sunt fixi in pedibus no-
 stris, sed quasi in calceamentis. Item in Passione S. Theodoti Ancyrani con-
 scripta ab Auctore Nilo teste oculato tom. 4. Maji Bollandiani ad. diem 18.
 cap. 4. pag. 164. hæc habentur de illo: Postquam autem verberatus suis, &
 cunctis generis tormenta sustinuit, nihil ex plagis pati videbatur, sicut & ipse
 nobis verbis affirmabat. Illudebat enim percutientibus cum risu, velut inertia
 dissolutis, Presidemque, ut vile mancipium, alloquebatur. Cumque lassarentur
 qui eum cruciabant, ipse, velut plagis factus robustior, canebat hymnos. donec
 denique capite minutus, jussus est igne comburi. Demum ex Passione S. Basilii
 Ancyrani apud Bollandum ad diem 2. Januarii pag. 84. habetur, ipsum con-
 jectum in ardentem caminum, Divina eundem protegente Gratia, illæ-
 sum evasisse. Sed apud Bollandianos plura consimilia leguntur exempla,
 Sanctorum videlicet Trophimi, & Theophili, qui e camino ignis arden-
 tis liberati, & sine læsione egressi sunt; S. Christophori, qui stetit in me-
 dio igne, & facta est flamma tanquam ros de cælo descendens; S. Panta-
 leonis, qui fuit in ligno appensus, & ferreis laniatus ungulis, admotis
 ejus lateribus etiam lampadibus igneis, quique ope Divina liber evasisse, las-
 satis manibus licetorum, & lampadibus extinctis; SS. Martyrum Mona-
 chorum Liberati Abbatis, Bonifacii Diaconi, atque aliorum, qui Car-
 thagine in Africa passi sunt accenso & sæpius extincto igne eorum pedibus
 apposito: uti videri potest tom. 5. Julii pag. 386. tom. 6. pariter Julii pag. 148.
 & pag. 417. & tom. 3. Augusti pag. 455. & 456.

13 At, quia responderi facile posset, modo memoratos atrocissima
 quidem non sensisse tormenta, atque adeo per miraculum a tormentorum
 dolore fuisse liberatos, sed demum Martyres esse, eo quia postea violenta
 morte pro Fide Christi affecti sunt; opportunius idcirco esse videtur alio-
 rum subdere exempla, qui Martyrum catalogo adscripti sunt, licet in
 pace quieverint, postquam nedum illæsi, sed etiam sine ulla dolore. Deo
 eos Protegente, vim tormentorum evaserunt. Sidrach nimirum, Mischæ,
 & Abdenago, qui statim adorare noluerunt, jussu Nabuchodonosor in ar-
 dentem fornacem conjecti sunt. Angelus autem Domini (uti legitur Da-
 nielii cap. 3. v. 49. & 50.) descendit cum Azaria, & sociis ejus in fornacem,
 & excussit flammam ignis de fornace, & fecit medium fornacis quasi ventum
 roris flantem, & non tetigit eos, omnino ignis, neque contristavit, nec quidquam
 molestæ intulit: attamen hos S. Cyprianus epist. 58. sup. all. inter Martyres
 recen-

recensuit ; cum quo concordat Tertullianus in *scorp.* cap. 8. ubi , post re-
latam historiam dictorum trium Puerorum Hebræorum , ita concludit :
O Martyrium & sine Passione perfectum ! Satis passi , satis exusti sunt , quos
propterea Deus texit , ne potestatem ejus mentiri viderentur . Ex eodem quoque
Tertulliano S. Hieronymus in libro contra Jovinianum tom 2. col. 280. sic de
S. Joanne Evangelista loquitur : Refert autem Tertullianus , quod Roma missus
in ferventis olei dolium purior & vegetior exiverit , quam intraverit ; & ipsum
quidem S. Joannem jam supra dictum est in catalogo Martyrum recenseri ;
quocirca in Sacramentario Gallicano apud Mabillon. in *musæ Ital.* tom. 1.
pag. 294. ejus festum celebratur una cum festo S. Jacobi ejusdem fratris ,
qui jussu Herodis capite minutus est pro Christo , & uterque titulo Mar-
tyris insignitur , cum uterque calicem Domini biberit : Deus (verba sunt
Collectionis) qui Beatissimis Apostolis tuis Jacobo , & Joanni gloriam Martyrii
bibitionis tui calicis pradiixisti , ut & confirmares responsum , quam Fides pura
propter : prois patrocinii , ut digneris exaudire suffragiis . San.æ pariter
Theclæ , aliorumque exempla supra relata favent assumpto ; quibus porro
addi potest exemplum S. Theodori Martyrum catalogo adscripti , de quo
Rufinus lib. 10. *hystor. Eccles.* cap. 36. & ex eo Ruinart in *Actis Martyrum* ,
finceris , & *selectis* pag. 515. Sub Juliano scilicet Daphnis in suburbano
Antiochiæ juxta fontem Castalium litabatur Apollini , qui nulla dabat
responsa : asserentibus autem Dæmonis Sacerdotibus , silentium hoc cau-
sam habere a sepulcro Babyle Martyris , quod sano erat vicinium , Julia-
nus jussit illud auferri , & a Christianis alio asportari . Cumque hi arcem
Martyris deferentes cum exultatione canerent hymnum , Confundantur o-
mnes , qui adorant sculptilia , & qui confidunt in simulacris suis ; mandavit ille ,
ut caperentur , carceribus traderentur , & poenis atque cruciatibus affli-
gerentur . Sallustius Juliani Præfectus adolecentem Christianum Theodo-
rum nomine in carceres conjecit , atque , ut loquitur Rufinus loco cit. eum
a prima luce usque ad horam decimam tanta crudelitate , & tot mutatis carnifi-
cibus torfit , ut nulla atas simile factum meminerit . Is vero in equuleo subli-
mis , vultu sereno & læto , Psalmos cantavit ; tum monitu Sallustii ab
Imperatore Juliano tandem dimissus est . Itaque de eo memoratus Rufinus
hæc refert : Hinc Theodorum ipsi nos postmodum apud Antiochiam vidimus ,
& , cum requireremus ab eo , si sensum doloris habuisset , ex integro dicebas , se
quidem doloris parum sensisse , adstrxisse autem quemdam juvenem , qui sudanti
sibi lineo candidissimo & sudores abstergeret , & aquam frigidam frequenter in-
funderet , & ita se esse delectatum , ut tunc maestior factus sit , quando deponi de
equuleo jussus est .

14. Opponi utique posset exemplum S. Benedicti Monachi , cujus no-
men describitur in Martyrologio Romano ad diem 23. Martii , de quo vi-
delicet hæc habentur apud S. Gregorium Magnum lib. 3. *dialog.* cap. 18.
tom. 2. oper. : Frater quidam mecum est in monasterio conversatus , in Scriptura
sacra studiosissimus , qui me atate præibat , & ex multis , qua nesciebam , me

140 DE SERVORUM DEI BEATIFICATIONE

adificare consueverat. Huius itaque narratione didici, quod fuit quidam in Campania partibus intra quadragesimum Romana Urbis milliarium nomine Benedictus, & quidem etate juvenis, sed viribus grandævus, et in sanctæ conversationis regula se fortiter stringens, quem Totila Regis tempore cum Gorbi reperissent, hunc incendere cum sua cella moliti sunt; ignem namque supposuerunt: sed in circuitu arserunt omnia, cella vero illius igne comburi non potuit. Quod videntes Gorbi, magisque sapiētes, atque hunc ex suo habitaculo trahentes, non longe aspexerunt succensum clibanum, qui coquendis panibus parabatur, eumque in illo projecerunt, clibanumque clauserunt. Sed die altero ita illesus inventus est, ut non solum ejus caro ab ignibus, sed neque externa ullo modo vestimenta cremarentur. Verum hoc Benedicti exemplum libi etiam opponit Guyet de festis propriis SS. lib. 2. cap. 7. quæst. 9. Cumque, eo minime refragante, ipse persistat in opinione, ut a tormentis nihil læsi, & nihil doloris passi Martyrum catalogo adhuc sint adscribendi, ego quoque in eodem sensu persisterem; tum quia, cum certa sit Benedicti sanctitas, incertum tamen est, quo ritu colatur, utrum scilicet Martyris, an Confessoris; tum quia, quatenus ritu Confessoris coleretur, operæ pretium esset examinare, utrum id factum sit & fiat ex particulari consuetudine alicujus Ecclesiæ, an potius auctoritate sanctæ Sedis, seu Congregationis sacrorum rituum; cum novum non sit, ritum, re discussa, mutari, qui, re non discussa, irreperat. Dum munereungebar Fidei Promotoris, Prior & Beneficiarii ecclesiæ S. Juliani civitatis Ulyssiponenſis Occidentalis, qui de communi Martyrum ab antiquo tempore recitabant Officium in honorem S. Juliani, & S. Basilissæ conjugum, supplices preces exhibuerunt pro concessione lectionum particularium. Prædictorum nempe Sanctorum commemoratio fit in Martyrologio Romano ad diem 9. Januarii; & profecto, quia Basilissa, quæ in pace quieverat, multa & gravia passa fuerat, Martyris titulo, colonestata est a Cardinali Baronio in not. ad Martyrol., & a Guyet loc. cit. quæst. 8. Quia autem Basilissa nec in tormentis mortua fuerat, nec aliquid passa erat, quod esset ad mortem inductivum; die 6. Septembris 1727. responsum sane fuit pro gratia lectionum propriarum, retento Martyrum ritu, sed ita tamen, ut non solum Juliani, & Basilissæ, sed etiam Sociorum fieret mentio; de vero quippe Martyrio Juliani, & Sociorum nulla poterat esse dubitatio; porro, quamvis Basilissa Martyr re vera non fuerit, dictum tamen est, id nullo modo obſtare posse concessioni Officii sub ritu Martyrum, quum optime Juliano, & Sociis conveniret.

15 Quæres secundo, an pro Christo vulnera passus, & quidem lethalia, si Medicorum cura liber evaserit, Martyr censendus sit: item, an inter Martyres adscribi debeat, qui vulnus pro Christo non lethale quidem recepit, sed nihilominus ex incuria mortuus est. Porro, quod attinet ad primum, dicendum est, cum Martyrem non esse, uti bene respondet Soto in 4. sent. dist. 49. quæst. 5. art. 2. pag. 650. Si vero vulnus tale fuerit, ut Medicorum judicio asſimaretur lethale, nihilominus tamen aliqua exquisitissima medicina,

medicina, & diligentia evaserit, non est Martyr; quia Ecclesia nullum Medicorum iudicium, sed solam mortem tanquam sufficientem testimonium approbat Martyrii. Quod autem spectat ad secundum, vel passus vulnus non lethale potuit facile peritum advocare, quem non advocavit, & tunc Martyr non est, cum videatur mortem plus nimio appetivisse, & se interemisse; vel non potuit facile peritum advocare, tuncque, cum non teneatur tantam diligentiam adhibere, ut curetur; si moriatur, & cetera concurrant ad Martyrium requisita, e Martyrum albo deleri non poterit; quemadmodum prosequitur Soto *loc. cit.* Doctrina est etiam D. Thomæ in 4. sent. dist. 49. quest. 5. art. 3. quest. 2. ad septimum, ubi dicit, incutiam & negligentiam propriam pro vulnere curando non obstat Martyrio, nisi talis fuerit, ut culpam mortalem induceret. Ex quo fit, ut, si negligentia non sit vulnerati, sed aliorum; ille, qui moritur, Martyr dicendus sit: nullum etenim crimen commisit, & vulnus quidem pro Christo accepit, quod fuit illi mortis occasio, ipsaque mors ei fuit extrinsecus illata; quamvis vulnus non lethale infligens absolute non occiderit, neque culpam contraxerit homicidii; veluti pendit Cardinalis Capisuccius in *sap. cit. contrav. de Martyrio §. 4. in fin.* In Actis Martyrii SS. Viginti Monachorum in Laura Sanctæ Sabæ prope Hierosolimam, qui Martyrio coronati sunt sæculo Ecclesiæ 1x., apud Bollandianos ad diem 20. tom. 3. Martii cap. 6. num. 64. hæc habentus de seniore, qui vulneris curam recusavit: Fuit ex senioribus aliquis, cui cum manus dirum plane in modum gladio fuerit vulnerata, desperante de ejus curatione Medico, serramque postulante, ut eam a brachio prorsus abscinderet, conspiciens is, quantos dolores sustinerent, & quanta cum difficultate sanarentur, qui sub Chirurgi manu versabantur Patres, renuit omnino curationem: unde, putrefactis carnibus, vermiumque scatentibus multitudinē, intra non multos dies ex hoc corpusculi hujus terreni, tantisque obnoxii passimibus emigrans ergastulo in expertem doloris atque laboris sedem Christo sociandus transiit, Sanctisque appositus Martyribus vicenarium numerum adimplevit.

16 Quæres ultimo, utrum juxta præsentem Ecclesiæ disciplinam, si hodie aliqui Dei Servi per miraculum liberati a tormentis, quæ ipsi naturaliter mortem intulissent, in pace morerentur, vel alii ex ærumnis usque ad mortem continuatis & pro Christo inflictis diem clauderent extremum, Beatificationis autem & Canonizationis ipsorum causa introduceretur, Martyrum catalogo essent adscribendi, an potius inter Confessores recensendi. Soto *loc. cit.* proposita prima questione, eam relinquit iudicio Ecclesiæ definiendam: Si manifeste constaret, solo supernaturali miraculo fuisse (hominem) post tale vulnus servatum, si enim hoc evidens esset, satis habereetur pro Martyre, postquam illa tanquam mors naturalis reputaretur; quamvis neque hoc certo statuerim, sed iudicio Ecclesiæ relinquendum est. Re itaque ad Ecclesiæ iudicium redacta; quandoquidem, præmissis probationibus vulneris seu tormenti mortiferi, necnon miraculose liberationis probationibus, demonstrandum esset, atque, ut dicitur, concluderetur probandum, sic libe-

sic liberatum toto tempore, quo supervixit, Charitate nunquam cecidisse, & se in virtutibus heroicis exercuisse, ita ut mors ipsius fuerit insignis, sancta, & pretiosa in conspectu Domini; in hoc proinde rerum themate nemo est qui non videat, maximopere etiam ponderandum esse, & discutendum, utrum is in classe Confessorum, pro qua nempe omnia concurrerent requisita, an in Martyrum classe reponendus esset.

17 Difficultas hæc ipsa agnoscitur a Theologis: quocirca, ut eam evadere possint, nonnulli respondent, sic morientem in catalogo Martyrum esse describendum; eo quia, si Deus eum miraculose a morte liberavit, dicendum est quoque, ipsum in gratia confirmasse, ut apud Hurtado in *refut. de vero Martyr. resolut.* 35. *assert. ultimo §. 4.* quem sequitur Cardinalis Gotti *Theolog. tom. 13. quest. 2 de sacram. Baptis. dub. 5. §. 3. num. 20.* Item Suarez *tom. 3. in 3. part. D. Thoma quest. 69. art. 10. disput. 29. sect. 2. pag. 356.* docet, verisimile non videri, Deum privare hominem effectu gratiæ suæ propter miraculum, quod in eo vult operari, & ideo dari gratiam homini ratione tormentorum quæ patitur, atque in ea confirmari, pro ea saltem occasione, aut pro eo tempore, quo naturaliter vivere posset: idemque Auctor, ad ulteriora progrediendo, dicit, incertum quidem esse, an prædictus homo pro reliquo vitæ tempore in gratia confirmatus remaneret, pie tamen credi posse, nunquam Deum esse miraculose liberaturum Martyrem a morte, quin illum in gratia confirmet; tum quia hoc donum est valde consentaneum dignitati Martyrii; tum quia consentaneum quoque esse videtur Divinæ providentiæ, ut, postquam miraculose (ut ita dicamus) hominem revocavit a janua paradisi, atque a beatitudine, quam statim acquisivisset, ipsum in acquisito beatitudinis jure confirmet.

18 Verum tantum abest, ut ex his & similibus tollatur difficultas, ut eadem potius in ipso rei eventu augeatur. Quomodo enim Ecclesiæ constare poterit, hominem a morte per miraculum liberatum pro reliquo vitæ tempore fuisse in gratia recepta a Deo confirmatum? Nullum enim vero hujus confirmationis in Divinis oraculis, aut Ecclesiæ definitionibus extat documentum. Innititur tantum assertum Theologorum speculationibus, quæ rem probabilem utique ac verisimilem, sed certam minime efficiunt; eo vel magis, cum exempla non desint eorum, qui non sine miraculo a morte quam pro Christo passuri erant, liberati, lethalibus criminibus se postea inquinaverunt; quemadmodum desumitur ex his quæ referuntur a Procopio lib. 1. de bello Vandal. cap. 8. *Christianos Africa tam crudeliter tamque injuste nemo vexavit, quam Honoricus. Cum enim illos ad sectam Arianam compelleret, quoscunque parum ad obsequendum promptos deprehendebat, igne atisque suppliciiis excruciatos necabat. Multis linguam sancinm tenus abscidit, qui nostra etiam atate superstites Byzantii explanate loquebantur nullum capientes sensum illius pœna. Ex his duo rem habere ausi cum meretricibus sermonis usum auferunt.* Ideoque, si probatio ab actibus externis est desumenda,

menda, & si aclus externi in continuato virtutum exercitio consistere debent, hinc profecto oritur difficultas, an sic morientium causa esset introducenda, ut illi honorem Confessorum, non autem Martyrum consequerentur, habita scilicet ratione tormentorum, ut eo magis de eorum Fide, Spe, & Charitate, aliisque virtutibus in gradu heroico constaret Ecclesie.

19 Quæ dicta sunt de miraculose a morte liberatis, sibi vindicant locum etiam quoad eos, qui ex ærumnis usque ad obitum continuatis & pro Fide Christi inflictis moriuntur; ut puta in Menologio Græcorum, necnon in Romano Martyrologio *ad diem 23. mensis Julii* commemoratio fit eorum, qui in Bulgaria interfecti sunt sub Nicephoro & Stauratio Imperatoribus, quorum nonnulli carceribus & fame consumpti expirarunt. Si enim de his aut aliis simili morte morientibus agendum esset, nedum probari deberet, eos carceribus fuisse mancipatos & tortos pro Fide Christi, atque ex eadem causa carceres & ærumnas libenter acceptasse, sed in eadem pariter voluntate & virtutum exercitio perseverasse toto tempore, quo carceres & ærumnas passi sunt. Quare Postulatores cauti esse deberent & sedulo inquirere, an eis magis expediret pro eorum Beatificatione, & Canonizatione instare non uti Martyrum, sed uti Confessorum, habita nempe ratione ærumnarum, quas passi sunt pro altruendis virtutibus Fidei, Spei, & Charitatis in gradu heroico, juxta ea quæ atea dicta sunt. Porro huc recidit, quod habetur apud Guyet *de festis propriis SS. lib. 2. cap. 7. quest. 14.* ubi, proposita quæstione jam supra relata, an morientes in obsequio peste laborantium inter Martyres recenseri possint, sic inquit: *Potest denique aliquis, si in eo munere diutius persitet, labi in peccata aliqua, quæ obsequio illo non perinde, ac sanguinis effusione, deleantur. Quæ quidem omnia peculiari probatione indigent; adeo ut, quæ in aliis Martyribus ad Canonizationem sola requiritur mortis informatio, in his sufficere non videatur, sed alia quoque morum ac vite prius transacta sit adjungenda.*

20 In primo hujus Operis libro *cap. 29. Et 30.* actum est de causis Martyrum apud sanctam Sedem, & sacrorum rituum Congregationem pertractatis, in qua pariter sacra Congregatione nonnullæ adhuc pendentes Martyrum cause, Ignatii videlicet Azevedi, & triginta novem aliorum Martyrum e Societate Jesu, item Alphonfi Navarrete Ordinis Prædicatorum, Petri de Avila Ordinis Minorum S. Francisci, Petri de Zuniga Ordinis Eremitarum S. Augustini, Caroli Spinulæ Societatis Jesu &c. Rodulphi etiam Aquavivæ Societatis Jesu, aliorumque in Martyrio Sociorum, & Joannis tandem de Britto, atque Andreæ Bobolæ pariter Societatis Jesu Presbyterorum: & quidem tum in causis jam resolutis, tum etiam in causis quæ adhuc pendentes, quotquot inter Martyres recensiti fuerunt, vel de quibus petitur, ut recensantur, mortem sub ipso tormentorum pondere pro Christo passi sunt. Tantum, dum rursus, lungebar Fidei Promotoris, actum fuit de causa Beatificationis & Canonizationis

tionis Servi Dei (nunc Sancti) Josephi a Leonissa Sacerdotis Ordinis S. Francisci Capuccinorum, de quo videlicet ferebatur, nec probationes deerant ex processibus desumptæ, eum obtenta a Patre Generali suæ Religionis facultate petendi Constantinopolim, ut in ea civitate *Missionarii* officio fungeretur, ibidem ad unci supplicium a Turcarum Tyranno damnatum, ut fumo supposito moreretur, postquam triduo jejunos ab unco pendidisset, ab Angelo sub pueri specie fuisse liberatum; vulneribusque sanatis, in Italiam rediisse, cicatricibus in talo & manu dexteris ad perpetuum Martyrii testimonium apparentibus. Postulatores quippe in suis scripturis nonnulla ad Martyrium suadendum attulerunt: at, excitatis difficultatibus tumquoad facti probationem, tum quoad necessitatem probandi perseverantiam & exercitium virtutum usque ad obitum, qui multos post annos accidit, causam ejusdem Servi Dei non uti Martyris, sed uti Confessoris postea prosecuti sunt, subscripto dubio de virtutibus, quod favorabiliter resolutum fuit, uti colligitur ex decreto edito a san. mem. Clemente Papa XII. die 15. Augusti 1734. Ex quo exemplo bene insert Bertii *de Theolog. disciplin. tom. 6. lib. 31. cap. 24. nm. 2.* eos, qui in suppliciis moriuntur, esse veros Martyres; qui supervixerint, tanquam Martyres non haberi, nisi certissime constet, illos mortem divinitus evasisse, nec superatis tormentis excidisse a charitate & gratia: Josephum autem a Leonissa post unci cruciatu superstitem, adscriptum fuisse albo Beatorum, non quidem tanquam Martyrem ob non expletam consummatamque Passionem, sed tanquam Confessorem ob virtutum præstantiam. Et quatenus fas sit, post nova, antiquiora superaddere exempla, exemplum delumi potest ex S. Anthusa Virgine, quæ sub Constantino Copronymo ob cultum sanctarum Imaginum verberibus cæsa, & exilio relegata, quievit in Domino. Colitur die 27. Julii tanquam Sancta Virgo, non autem tanquam Martyr; uti videri potest *tom. 6. Julii* apud Bollandianos *pag. 447.*

21 Dices autem, si juxta antiquam Ecclesiæ disciplinam supra memoratam sic morientes catalogo Martyrum fuerunt adscripti, absonum videri posse, si in pari causa idem hodie non haberetur judicium. Verum ita opponenti reddi posse videtur responsio ex S. Augustino desumpta, & supra relata, cum ageretur de iis qui pro Christo sibi mortem intulerunt, & quos Ecclesia inter Martyres veneratur; fieri videlicet potuisse, & factum esse, ut Divina auctoritas fide dignis testificationibus innixa suaserit Ecclesiæ, eorum memoriam sic esse honorandam. Id ipsum itaque & de his dicimus, qui mortui sunt, postquam a tormentis miraculose fuerunt liberati, aut ærumnis & cruciatibus usque ad obitum continuatis vitam cum morte pro Christo commutarunt, fuisse videlicet Martyrum catalogo adscriptos, eo quia Divina auctoritas fide dignis testificationibus, sic eos esse honorandos, Ecclesiæ suavit; & id ipsum quoque dicimus hodie fieri ab Ecclesia debere, si consimiles non deessent testificationes. Sed, cum ista juxta præsentem rerum cursum non habeantur, nisi modo in superioribus

ribus indicato, hoc est per documenta continuatum virtutum exercitium usque ad obitum comprobantia, hæc sunt, quæ nobis dubitationem ingerunt, an harum causarum Postulatoribus in eo rerum eventu expejiret eas introducere & prosequi, ut Beatificandi & Canonizandi catalogo Martyrum potius, quam Confessorum adscriberentur; & eo quidem magis, quando non modicum sed magnum temporis intervallum inter tormenta aut ærumnas, & obitum Dei Servorum intercessit. Extant apud Bollandianos tom. 4. Julii Acta S. Frederici Episcopi & Martyris pag. 468. num. 42. & seqq. Percussus hic fuit in extis, & abeuntibus homicidis, viribus, quibus poterat, vulnera restrinxit; advocatoque Clero, vivens sarcophagum intravit, atque psalmodias, quæ solent cantari ad exequias mortuorum, ipse primum incepit, & resupinus aspiciens cælum, ad ea verba, *Hæc requies mea in sæculum sæculi: hic habitabo, quoniam elegi eam*, ad Superos migravit.

C A P U T XIII.

De causa Martyrii quoad Persecutorem seu Tyrannum.

Martyrem non facit poena, sed causa, ut infra demonstrabitur, cum agetur de causa Martyrii relative ad ipsum Martyrem: Causa vero nedum Martyrem, sed etiam Persecutorem seu Tyrannum respicere debet, atque adeo tum mortem infligens, tum eandem subiens moveri debent a causa, quæ sit apta & ad Martyrium sufficiens. Quando agitur de Martyrio, disputandum proponitur dubium in sacrorum rituum Congregatione, *An constet de Martyrio & causa Martyrii*; & de Martyrii quidem causa inquiritur, quænam fuerit in Tyranno, ut mortem infligeret, & quænam in Martyre; ut mortem obiret. Inter celebres Martyrum causas in sacra Congregatione pertractatas ea est Martyrum Japonensium, hoc est Servorum Dei Alfonso Navarrete Ord. Prædicatorum, Petri de Avila Ord. Minorum S. Francisci, Petri de Zuniga Ord. Eremitarum S. Augustini, Caroli Spinulæ Societ. Jesu; ac Sociorum respectively tum eorumdem Ordinum, tum etiam Sæcularium pro Fide Catholica diversis temporibus in Japonia interemptorum, uti supra dictum est. Fuit autem in hac causa disputationi propositum dubium, *An constet de Martyrio ex parte Tyranni*. Et sane post acrem disputationem editum est hoc decretum: *Proposito per Eminentiss. et Reverendiss. D. Cardinalem Azolinum Ponentem in sacrorum rituum Congregatione ordinaria seu particulari ex dispensatione Apostolica dubio, An constet de Martyrio ex parte Tyranni in casu & ad effectum, de quo agitur, in causa prædictorum Servorum Dei, eisdem sacra Congregatio, auditis votis DD. Consultorum in duabus præteritis Congregationibus die 27. Januarii 1685. Et 30. Augusti 1686. auditis pariter Reverendiss. D. Fidei Promotore in voce & in scriptis, discussoque prædicto dubio,*

T censuit,

Tom. III.

confusus, constare de Martyrio ex parte Tyranni, si Sanctissimo Domino nostro placuerit: Die 25. Januarii 1687. Et, salta de predictis Sanctissimo relatione, Sanctitas sua benigne annuit: Die 3. Februarii 1687. Nec enim Imperatoris Japonensis edictum, quo vetuit, sibi subditos habere commercium cum Portugallicis, ex aliis provenit ratione, quam quia ipsi Prædicatores & Legis Christianæ Magistros in eas oras induxerant, & secretis foverant auxiliis: ut adnotavit Cardinalis Gottus de vera Ecclesia tom. 1. cap. 3. §. 4. num. 14. & latissime comprobavit Marcellus Severolus utriusque Signaturæ Referendarius & sacre Consistorialis Aulæ Advocatus in suo elaborato juris responso, quod edidit in causa prædictorum Martyrum Japonensium: quæ porro causa usque adhuc ulteriorem progressum non habuit. Quamvis vero in aliis deinde Martyrum causis, Martyrum videlicet Brasiliensium, Rodulphi Aquaviæ & Sociorum, S. Joannis Nepomuceni, & S. Fidelis a Sigmaringa, quæ fuerunt discussæ, quo temporeungebar munere Fidei Promotoris, nullum editum fuerit decretum, Constare de Martyrio ex parte Tyranni; in omnibus tamen prædictis causis sub dubio, An constet de Martyrio & causa Martyrii, sedulo etiam pertractata est causa, quæ Persecutorem seu Tyrannum impulit ad mortem infligendam, ut videretur, an esset apta Martyrio.

2 Porro, cum Martyrium sit voluntaria mortis perperio, sive tolerantia propter Fidem Christi, vel alium virtutis actum in Deum relatum, uti tradunt Joannes Viguer *instis. Theolog. tit. de virtute Fortitudinis cap. 6. §. 1. vers. 1. Castellin. de certitud. glor. SS. cap. 8. punct. 20. §. 4. pag. 394. Rocca de Canonizat. SS. cap. 35. Henriq. Summa Theolog. moral. tom. 1. lib. 2. de Baptismi sacramento cap. 37. num. 3. & 4. Less. de justit. et jur. lib. 3. de Fortitudine dub. 3. num. 20. vers. Primo requiritur, Bordon. controver. moral. tom. 3. controver. 13. num. 32. Cardinalis de Laurea in 3. lib. sent. tom. 3. part. 3. de Fide disput. 20. art. 6. num. 61. et seqq. causa requisita ex parte Tyranni, & apta ad Martyrium debet esse odium in Fidem, vel in opus bonum, prout a Fide Christi præscriptum. Ita Henriq. cit. cap. 37. num. 4. Eadem pia causa intercedere debet ex impia, intentione Tyranni, qui minister est hujus cruenti baptismi, nempe, ut ille occidat hominem in odium aut contemptum Fidei, aut religionis, aut alterius virtutis. Benedictus Pereira in elucidat. sacre Theolog. moral. & juris utriusque lib. 2. elucidat. 23. sect. 1. num. 1464. in fin. Quinta (conditio) est, ut adsit Tyrannus, qui mortem inferat in odium Christi, vel contemptum Fidei, aut alterius virtutis: Vetricell. de Apostol. Mission. tit. 1. de Fide quest. 29. sub num. 6. Ex parte Tyranni autem requiritur, ut in odium Fidei, vel in odium talis operis boni, prout a Fide Christi præscripti & præcepti, inferat mortem, seu in odium Fidei, quatenus præcipit tale opus. Cardinalis Capisacchius controver. 27. de Martyrio §. 16. pag. 741. Enigitur ergo ad verum Martyrium in Persecutore intentio inferendi mortem propter Fidem ... in ordine scilicet ad opus, quod ex propria ratione relationem habens ad Fidem. Cardinalis de Laurea cit. disput. 20. ubi, postquam art. 6. docuit, ad Martyrium verum*

rum

rum & consummatum mortem requiri a Persecutore inflictam ob causam Fidei, seq. art. 7. num. 104. subdit: Dico secundo: *Exercitium alicujus virtutis præcepte aut consultum a Fide, quæ dici potest Fidei professio in facto, est vera causa Martyrii, si ex illo exercitio accidat per Tyrannum mors: & num. 105. Ergo exercitium cujuscunque virtutis, vel observantia legalis dictata a Fide est causa Martyrii, si propter ipsas accidit mors a Persecutore.* Gobat Theolog. experimental. tract. 2. cap. 18. sect. 1. n. 602. & seq. Alius vero necem inferat non principaliter studio &c. stimulatus odio Fidei, seu in odium Fidei &c. Etenim per odium Christi, quo vocabulo Theologi consueverunt uti in hac materia, intelligitur infestatio & persecutio Christi vel directa & immediata, ut, cum Turca dicit Christiano: Nega, Christum esse Deum, aut te Mahumeti victimam dabo: vel indirecta & mediata, quæ est, quando vita alicui eripitur ob exercitium operis boni, & aliquo tandem modo ad Fidem propugnandam, tuendam, illustrandamve tendentis, ab homine tamen inique prohibiti. Concordantque Suarez in defens. Fidei Catholica adversus Regem Angliæ lib. 6. cap. 11. per tot. Lessius de justit. & jur. lib. 3. cap. 11. rubr. 3. num. 20. vers. 1. Bordon. controv. moral. tom. 3. cit. controv. 13. num. 33. vers. Tertio dixi, Raynaud. oper. tom. 18. de Martyrio per pestem part. 2. cap. 1. num. 11. & num. 12. Hurtado in resolut. de vero Martyrio resolut. 39. per tot. Maurus Theolog. tom. 3. lib. 11. tract. 12. quest. 93. num. 8. Nec unquam de hac re fuit controversia inter Fidei Promotores, & causarum Postulatores: admittitur quippe semper fuit ab utriusque necessitas causæ in Persecutore seu Tyranno, causæ, inquam, positæ in odio adversus Fidem, aut virtutem a Fide præscriptam, ut alibi susius explicabimus; proinde solum fuit controversia, an Persecutor ab odio in Fidem motus fuerit ad Dei Servum morte plectendum, contententibus nempe Fidei Promotoribus, ab alia causâ, Postulatoribus autem excipientibus, a solo in Fidem odio ad mortem infligendam inductum fuisse.

3 Sed, ut ea, quæ hucusque dicta sunt, facilius percipiantur, nonnulla quæsitæ sunt proponenda & explananda. Quæres itaque primò, utrum de ratione Martyrii sit, ut Persecutor seu Tyrannus sit Gentilis, aut etiam possit esse Hæreticus, & fortasse Fidelis & Catholicus. Respondetur autem, Persecutorem seu Tyrannum non solum pro Martyrio esse posse Paganum, vel idolorum cultorem, sed etiam iniquum Christianum. Matthæi quippe 10. v. 18. legitur: *Ad Presides & ad Reges ducemini propter me:* deinde v. 21. *Tradet autem frater fratrem in mortem, & pater filium.* Priora liquidem verba a Patribus referuntur ad Persecutores Gentiles; postrema vel ad Seducutores hæreticos, vel ad malos improbosque Christianos: uti colligitur ex Chrysostomo homil. 34. pag. 325. edit. Cornell. ex S. Augustino in Psal. 9. num. 27. & lib. 18. de civit. Dei cap. 32. si videlicet Gentilis, aut Hæreticus mortem inferant ob odium Fidei, & Catholicus ex odio in aliquam virtutem, quæ ad Fidem reducat, & sic ex patrocínio iniquitatis: Quocirca non solum inter Martyres recensentur S. Petrus Martyr, Martyres Gorcomienses, & alii ab Hæreticis interfecti, sed etiam

Stanislaus Cracoviensis, Thomas Cantuariensis, & Joannes Nepomucenus, licet primo a Boleslao Rege Polonorum, secundo ab Henrico Anglorum Rege, tertio a Rege Germaniæ VVenceslao, qui omnes erant Catholici, mors fuerit inflicta, eo quia videlicet inflicta est ex odio in virtutem, quæ ad Fidem præctice referebatur; ut alibi explicabimus, utque ad rem animadvertit Hurtado de ver. *Martyr. resolut.* 39. ubi hæc habet: *Ad verum et proprium Martyrium non requiritur, quod Persecutor sit Infidelis, aut Hæreticus formaliter; sat est, si petat aliquod injustum, aut quod exequatur aliquid, quod sit contra Dei Legem, aut Ecclesiæ potestatem aut libertatem, pro cuius defensione a Rege Christiano & Catholico S. Thomas Cantuariensis gladiis impiorum Martyr occubuit. Hoc est omnino certum & indubisatum &c. Non existitur, quod quis sit Hæreticus, aut Infidelis, ut mortem inferat in odium Fidei, prout operans est; omnis enim peccat, si contra præcepta supernaturalia operetur contra Fidem, prout est operans, & præctice illuminans ad recte operandum, prout oportet. Ad quod etiam conferre possunt exempla aliorum plurimorum Martyrum, qui sub Henrico VIII. Angliæ Rege, & sub Elisabeth Angliæ Regina mortui sunt, quique nomen Martyrum habent apud Scriptores Ecclesiasticos, licet nunquam fuerint introductæ causæ de eorum Martyrio in sacrorum rituum Congregationem; ut habent Sanderus lib. 1. de Schismate Anglicano, Thomas Bozius de signis Ecclesiæ lib. 12. cap. 22. Cardinalis Gottus de vera Ecclesiæ tom. 1. cap. 3. §. 5.*

4 Quæres secundo, utrum de ratione Martyrii sit, ut Persecutor ipse seu Tyrannus ad necem moveatur odio in Fidem, an satis sit, si accusator Fidei inimicus per calumniam aliquod crimen opponat Dei Servo, ita ut Judex putans, crimen esse verum, mortem huic decernat, non utique ex odio in Fidem, sed opinione, se verum crimen vindicare. Respondetur, ad Martyrium sufficere, si Judex putet, se iuste procedere, dummodo crimen falso oppositum prodeat ab accusatore, qui calumniam struxerit ex odio in Fidem directe, vel oblique. Ita notabiliter prosequitur Catdinalis Capiſuechius cit. *contro.* 27. §. 16. pag. 742. his verbis: *Quoad intentionem vero, quam diximus, ex parte Persecutoris requiri ad Martyrium, animadvertendum, intentionem inferendæ mortis in odium Fidei aliquando esse in eo duntaxat, qui Tyrannum impellit ad necem inferendam; et hoc sufficit ad inducendum Martyrium: unde, si contingat, quod quis ex odio Fidei calumniatur Christianum apud Tyrannum de crimine, ob quod Tyrannus Christianum occidat, Christianus sic occisus Martyr erit, si appareat, calumniatorem in odium Christianæ Fidei Tyrannum impulsisse ad ejus mortem, etiam si Tyrannus ob prætextum delictum duntaxat, et non in odium Christianæ Fidei mortem inferat.*

5 Ad rem de qua nunc agimus, meminisse opus est, primis Ecclesiæ sæculis Christianos accusatos fuisse, quod carne humana vescerentur, & quod usquequaque illicitis impudicitis inquinati essent; quare toties in Actis Martyrum, & opusculis veterum Patrum Thyesteorum epularum, & OEdipeorum concubituum mentio recurrit: quæ omnia collecta legi possunt

possunt in tractatu Christiani Kortholti de calumniis Paganorum in veteres Christianos sparsis. Ab his vero Christiani se egregie vindicaverunt, quemadmodum colligi potest ex apologiis Iustini, Quadrati, Athenagore. Sed hæc opinio, quæ Magistratum animos semel invaserat, ita invaluit, ut non solum, si contigissent calamitates, Christianorum sceleribus adscriberentur, quapropter Tertullianus in apolog. cap. 40. inquit: *Si Tiberis ascendit in mœnia, si Nilus non ascendit in arva, si cœlum stetit, si terra movit, si fames, si lues, statim Christianos ad leonem*: verum etiam nonnulli memoratorum criminum per calumniam ab inimicis Christiani nominis accusati, tanquam eorum rei atrociter torti fuerint, qui in osculo Domini mortui Martyrum catalogo sunt adscripti. In epistola Ecclesiæ Viennensis, & Lugdunensis de Martyrio Sancti Pothini Episcopi, & aliorum plurimorum ex Eusebii historia Ecclesiastica lib. 5. cap. 1. & seqq. hæc habentur pag. 201. *Capiti sunt etiam quidam nostrorum Servi, qui Gentiles erant, quandoquidem Præfex, nos omnes requiri, palam iusserat. Qui Demonis impulsu cum tormenta reformidarent, quia Sanctos perpeti videbant, militibus ad hoc ipsum eos incitantibus, Thyestes quasdam coenas, & incestos OEdipi concubitus, & alia, qua nec proloqui nobis, nec cogitare sat est, ac ne credere quidem sustinemus, apud homines unquam gesta fuisse, adversus nos ementiti sunt. His in vulgus sparsis, omnes continuo in nos adeo efferati sunt, ut, si qui forte cognitionis causa moderati erga nos hæcenus extitissent, tunc acerbissima indignatione commoti adversus nostros infremerent. Complebatur itaque id, quod a Domino predictum fuerat his verbis: Venies tempus, cum, quicumque vos occideris, cultum offerre videbitur Deo. Exinde sanctissimi Martyres ejusmodi tormenta sustinuerunt, quæ nulla unquam oratione exprimi possint, Satana ambitiose contendente, ut ab illis quoque aliquid impie diceretur. Ideoque in eadem epistola S. Blandina tormentis affecta clamabat: Christiana sum; & nihil apud nos mali geritur: ut videlicet ejusmodi calumnias a Christianis averteret. Predictis quoque primis Ecclesiæ sæculis Christianos falso fuisse accusatos, quod essent Imperatorum inimici, colligitur ex Passione S. Victoris, in qua Martyr ita loquitur apud Ruinart in Act. Martyr. num. 7. pag. 257. Si de injuriis Cæsaris & Reipublica agitur, nunquam (inquit) Cæsari, nunquam Reipublica nocui; non honori Imperii quidquam detraxi, non ab ejus me propagatione retraxi. Quotidie pro salute Cæsaris & totius Imperii studiose sacrifico; quotidie pro statu Reipublica coram Deo meo spirituales Hostias macto. Quocirca Iustinus apolog. 1. num. 12. non dubitavit sic alloqui sui temporis Imperatores: Vobis autem adjutores omnium hominum maxime, & auxiliarii ad pacem sumus, ut hæc docemus, fieri omnino non posse, ut Deum lateat maleficus, aut atrox, aut insidiator, aut virtute præditus, ac unumquemque ad æternam sive poenam sive salutem pro meritis actionum suarum proficisci.*

6 Item Alexander Severus Imperator persecutionem in Christianos promulgatis edictis nunquam excitavit: permisit enim, esse Christianos, teste Lampridio, & imaginem Christi habuit in suo larario, ut idem Lampridius

pridius testatur, & passim ad suum palatium Christianos admittit; veluti post Eusebium refert Tillemont. *in vita Imperatoris Julii Maximini pag. 221.* Tempore etiam prædicti Imperatoris, Christiani occupaverant Romæ quemdam locum, qui publicus fuerat; cumque Popinarij dicerent, eum sibi deberi, rescripsit Alexander, melius esse, ut quomodocumque illic Deus coleretur, quam Popinariis dederetur, uti ex Lampridio refert Cardinalis Baronius, qui existimat, Callistum Pontificem eo in loco ecclesiam erexisse in honorem partus Sanctissimæ Virginis Dei Genitricis Mariæ, quæ creditur esse ecclesia adhuc Romæ existens S. Mariæ trans Tiberim. Sub Imperatore quidem Severo quinta, vel juxta alios sexta, persecutio excitata fuit adversus Christianos, de qua narrat Eusebius *lib. 6. histor. cap. 1. per omnes ubique locorum Ecclesias ab Athletis pro pietate certantibus illustrata, consecrata fuisse Martyria.* Itaque a nonnullis plures recensentur Martyres passi sub Alexandro: sed plerique alij accuratiores contendunt, eos passos fuisse sub Septimio Severo, incaute autem translatos fuisse ad Alexandei tempora, quod & ipse Severus fuerit appellatus, cum ex supra relatis constet, Alexandrum Severum Heliogabali successorem Christianis fuisse, uti ponderat Ruinart *in præfat. general. ad Act. Martyr. num. 48.* Veruntamen, utcumque hæc sint, negari non potest, aliquos Christianos Martyrii palmas consecutos fuisse sub Alexandro Severo; ceteris quippe prætermisissis, S. Callistus Papa, qui, eo imperante, vivere desit, inter Martyres recensetur in Calendario Bucheriano: at tum hic, tum alij forte passi sub Alexandro Severo, eo quidem annuente passi sunt, sed non ex ejus odio in Fidem Christianam, a qua ipse non abhorrebat; putabat nempe, se delictorum ab eis commissorum vindictam sumere deferens consiliis & suasionibus Domitii Ulpiani Christianorum hostis insensibilissimi, & aliorum Jurisconsultorum, qui falsa crimina Christianis opposcentes, ipsos morte dignos esse, asserabant; uti bene observat Cardinalis Baronius *ad an. 225. num. 4.* Perfacile namque fuit, velamento justitiæ, aliisque pretextibus honestissimis ex mille propemodum occasionibus comparatis, iis, qui prudentissimi ac pariter æquissimi haberentur, quorum apud Principem, & alios summa cum fide esset existimatio, laceßere absque etiam Christianitatis titulo ad libitum Christianos, cum præsertim Princeps pene puer esset, cui ea recta justaque videri potuissent, quæ tot virorum insignium una sententia confirmasset, ac potissimum quod Ulpianus ceteris æqui animantissimus visus ardentius ingessisset.

7 Quæres tertio, utrum de ratione Martyrii sit, ut Persecutor seu Tyrannus expresse fateatur, se mortem infligere ex odio in Fidem, an satis sit, ut, quidquid agit, agat ex odio prædicto, licet asserat, se ex alia causa moveri, quæ in se vera non est, nec aliquid habet cum Fide commune. Respondetur, satis esse ad Martyrium, si re vera Persecutor seu Tyrannus ab odio in Fidem moveatur, licet aliam causam omnino disparatam præferat, propter quam se mortem inflixisse dicat: Borell. *de Regis Catholicæ præstant. cap. 71. sub num. 29.* Lensæus *de libert. Christian. lib. 15.*

lib. 15. cap. 9. circa fin. Verricell. *de Apostol. Mission. etc.* 1. *quæst.* 30. num. 3. Theophilus Raynaudus in *cit. oper. part.* 2. cap. 1. num. 14. Et seqq. Hurtado in *resolut. de ver. Martyr. resolut.* 39. num. 3. Maurus tom. 3. *Theolog. lib.* 11. tract. 12. *quæst.* 93. num. 10. Cardinalis Capisucchi in *contro.* 27. *de Martyr. quæst.* 1. §. 16. pag. 741. ubi ait, hæc procedere, si probetur, vere ex odio in Fidem, non autem ex alia causa motum fuisse; Cardinalis Goettus *Theolog. tom.* 13. *quæst.* 2. *de divisione Baptismi dub.* 2. §. 1. num. 5. itemque *de vera Ecclesia tom.* 1. cap. 3. §. 5. num. 16. Anaclet. *Theolog. moral. tract.* 7. dist. 1. *quæst.* 6. num. 51. Et quotquot scripserunt de Anglica persecutione, ut Suarez in *defens. advers. Regem Anglia lib.* 6. cap. 11. Auctor responsionum pro Catholicis, sive is sit Cardinalis Alanus, sive alius, ad Persecutores Anglos contra libellum inscriptum, *Iustitia Britannica*, in præfatione ad lectorem num. 4. Et cap. 3. *vers. Tertio merito*, pag. 46. Auctor apologiæ Martyr. Anglican. a principio, Et per totam, typis impressa in libello inscripto: *Concertatio Ecclesiæ Catholice in Anglia*, pag. 303. Sander *de Schismate Anglicano lib.* 2. Et 3. Philopater in *respons. ad edictum Regina Elisabethæ scilicet.* 1. num. 33. 49. Et 50. Et scilicet 4. per totam.

8 Favet quoque Ecclesiæ disciplina. Nero quippe Imperator persecutionem primus movit in Christianos, teste Tertulliano in *scorpiaco cap.* 15. pag. 833. *Vitas Caesarum legimus: orientem Fidem Roma primus Nero cruciavit; Et in apolog. cap.* 5. pag. 31. *Consulite commentarios vestras: illic reperietis, primum Neronem in hanc factam, tum maxime Roma orientem, Cesariano gladio percussisse. Sed tali dedicatae damnationis nostra etiam gloriamur; qui enim scit istum, intelligere potest, non nisi grande aliquod bonum a Nerone damnatum.* Nimirum Urbis incendium contigit sub Nerone, de quo sic Tacitus 15. *annal. pag.* 276. *Sequitur clades, forte, an dolo Principis, incensum. Nam utrumque auctores prodidere. Sed omnibus, que huic Urbi per violentiam ignium acciderunt, gravior atque atrocior. Et loc. cit. Eo in tempore Nero Antii agens, non ante in Urbem regressus est, quam domus ejus, qua Palatium, & Mæcanatis hortas continuaverat, ignis propinquaret. At porro, ut populi invidiam declinaret, versit illam in Christianos, qui dirissimis tormentis cruciati fuerant. Ergo ab-lendo rumorē (prosequitur Tacitus pag. 279.) 'Nero subdidit reus, & questissimis poenis affecit, quos per flagitia invidis vulgus Christianos appellabat & pereuntibus addita ludibria, ut serarum tergis coniecti laniato canum interirent, aut crucibus affixi, aut flammandi, atque, ubi desisset dies, in usum nocturni luminis urerentur. Concordat Sulpitius Severus *sacr. histor. lib.* 2. cap. 29. *Inter ea, abundante jam Christianorum multitudine, accidit, ut Roma incendio conflagraret, Nerone apud Antium constituto. Sed opinio omnium invidiam incendii in Principem retorquebat, credebaturque Imperator gloriam innovanda Urbis quævisse. Neque ulla re Nero efficebat, quin ab ea iussu incendium putaretur. Igitur versus invidiam in Christianos, atque in innoxios, crudelissima quæstiones, quin & nova mortes excogitata, ut serarum tergis coniecti laniam canum interirent. Multi crucibus affixi, aut flamma* ussi.*

usfi. Plerique in id reservati, ut, cum defecisset dies, in usum nocturni luminis urrentur. Hoc initio in Christianos seviru coeptum. De hac etiam persecutione plura habentur in exerciziat. 9. Florentinii ad vetustius Martyrologium a se editum, ad diem 6. Maji, qua die habetur prædictorum Martyrum commemoratio his verbis, *Primi initiorum Martyrum*; & clarius id desumitur ex Martyrologio Romano, quo in præsentī utitur Ecclesia, cum ad diem 24. Junii habeantur hæc verba: *Roma commemoratio Sanctorum plurimorum Martyrum*, qui sub Nerone Imperatore de Urbis incendio per calumniam accusati, diverso mortis genere ab eodem jussi sunt sevirissime interfici; quorum alii ferarum tergis contecti laniatibus canum expositi sunt, alii crucibus affixi, alique incendio traditi, ut, ubi defecisset dies, in usum nocturni luminis deservirent. Erant hi omnes Apostolorum discipuli, & primisia Martyrum, quas Romana Ecclesia fertilis ager Martyrum ante Apostolorum necem transmisit ad Dominum. Fuerunt itaque ad mortem damnati Christiani modo memorati ex odio in Fidem & religionem, quam primus omnium Nero (uti supra dictum est) persecutus fuit, sed alia prolata per eum mortis causa, incendiū videlicet Urbis falso eis impacti: cumque, hoc minime obstante, inter Martyres recenseantur, signum evidentissimum est, eos esse Martyrum catalogo adscribendos, qui re vera ex odio in Fidem mortem subeunt, licet eam insignentes aliam causam præ se ferant.

9. Consimilia passim occurrunt in sacris historiis. Aliis quippe consulto omisiss, nemo est qui Julianum cognomento *Apostatam* inter Christianorum Persecutores non recenseat, quamvis, ut inquit S. Gregorius Nazianzenus orat. 3., sibi tantum retinuerit partes suadendi atque alliciendi, permiseritque populari turbæ, & civitatibus vim ac tyrannidem, atque hoc modo majorem concitaverit procellam, quam si apertis credibus Ecclesiam fuisset persecutus. Sub eo itaque Martyrii corona decorati fuerunt inter ceteros SS. Juveninus & Maximinus, qui nihilominus coluntur tanquam Martyres, & colebantur etiam tempore S. Joannis Chrysostomi, qui in eorum festo homiliam habuit ad populum Antiochenum, & sic incipit, tom. 2. pag. 578. *Nuper Beatus Babelas cum sribus pueris nos hic congregabas: hodie vero par Sanctorum Militum in acie exercitum Christi constituit. Nuper quadriga Martyrum, hodie biga.* Porro eorum Martyrium plene exponitur a Theodoro to histor. Eccles. lib. 3: cap. 15. ubi refert, eos a Juliano interrogatos sic respondisse: *Nos in vera pietate educati, o Imperator, & prestantissimis legibus obtemperantes, quas scilicet Constantinus, ejusque filii tulerunt, Ingemus nunc abominatione cuncta abs te repleti cernentes, & scelestis sacrificiis cibos potumque contaminari. Hac nos & domi deservimus, & nunc apud te lamentamur; hoc enim unum in tuo Imperio moleste ferimus.* Post quæ prosequitur Theodoretus: *His auditis, mitissimus ille & sapientissimus: sic enim a sui similibus appellabatur: clementia larva deposita, impietatis cultum detexit, & gravibus illos atque acerbis tormentis excruciatos hac vita privavit, immo, ut verius dicam, infelicitate illius temporis liberavit, & victoria coronas eis conciliavit.*

ciliavit. Causam vero supplicii prætexit, non pietatem, pro qua interfecti sunt, sed lingua petulantiam. Ideo enim punitos esse dixit, quod Imperatorem contumelia affecissent, atque hec ita divulgari præcepit, cum nomen atque honorem Martyrii veritatis Athletis invideret. Horum alter Juvenstinus, alter vero Maximinus vocabatur. Id ipsum pluribus prosequitur Cardinalis Baronius ad an. 362. num. 136. Similiter de Ariano Imperatore Valente sic ait S. Gregorius Nazianzenus, orat. 32. num. 14. (Valens Juliano) nihilo humanior illo fuit, immo eo etiam acerbior, quod Christi nomen ferens Pseudochristus erat, Christianisque probum ac dedecus; quibus & facere impium, & pati inglorium erat, quod ne injuriam quidem accipere viderentur, nec illustre Martyrii nomen cruciatibus accederet, verum hic quoque fucus veritati fieret, ut qui tanquam Christiani patiebantur, tanquam impii cruciatus afficerentur. Verba scilicet hæc ostendunt, Imperatorem Valentem Christianis invidisse nomen & gloriam Martyrii, & idcirco eos cruciasse prætextu falsorum criminum, licet eos vere cruciaret ob Catholicæ Fidei professionem, quemadmodum observat Pater Christianus Lupus in not. ad lib. Tertulliani de præscrip. cap. 4. pag. 129. & seq. Quæ quidem omnia palam faciunt, nequaquam obitare Martyrio, si mors re vera infligitur ex odio in Fidem, licet Persecutor, se eam infligere ex alia causa, profiteatur. Quocirca Pater Papebrochius in respons. ad P. Sebastianum a S. Paulo art. 11. §. 17. postquam num. 148. docuit, inter Martyres plerosque recenseri, qui directe propter Fidem occisi non sunt, num. 149. sic concludit: *Quod si illis id conceditur, quanto potiori jure concedatur iis, quibus mortem constat fuisse illatam a Gentilibus vere in Christianæ Fidei odium, licet hi alio prætextu id fecerint? Sic Ecclesia ut Martyres veneratur eos, quibus sub Nerone, aut Diocletiano Romæ Urbis, aut palatii Nicomediensis incendium imputatum per calumniam fuit, nec minori jure damus eundem honorem cunctis sub Juliano Apostata passis.*

10 Maria Stuarta Jacobi V. Regis Scotiæ filia, quæ, mortua Mariæ Angliæ Regina, titulos & insignia Regum Angliæ assumpsit, etsi ea Angliæ ad Elisabetham detulissent, pietate & Catholicæ religionis professione celebris & illustris, post primas nuptias celebratas cum Francisco Franciæ Delphino, eo mortuo, in Scotiam reversa, ad alia vota transiit, matrimonio contracto cum Henrico Stuarto Darlæo juvene ex Regio sanguine prognato, & religione Catholico, ipsoque per insidias & dolos necato, invita & moerens nupsit Comiti Bothuelio. Non est hic profecto locus ærumnas referendi, quas infelix Regina factiosorum hominum conspiratione in Scotia passa est, vel cum in castro Dumberum, vel cum Edemburgi in domo Tribuni, vel cum in arce lacus Levini sub arcta custodia detenta est: satisque erit commemorare, ipsam, in fugam conversis militibus qui eam ab arce lacus Levini liberatam comitabantur, cum paucis qui cum ea remanserant, ad Elisabetham Angliæ Reginam devenisse. Comiter primo excepta fuit; sed subinde variarum suspitionum & ficto-

rum etiminum specie quaesita, in Angliam interiora Trubarium abducta est, & Solopiarum Comiti in arctiorem custodiam tradita. Resque adeo progressa est, ut, secuta interea celebri conjuratione Antonii Bambeckon adversus Reginam Elisabetham, & Maria tanquam ejus particeps Hæreticorum insidiis traducta, ad ipsam, quæ mutato carcere detinebatur in castro Fadingaxa in Comitatu Northamptoniæ, quadraginta septem viri ex Consilio Reginae Elisabethæ, & ex Parlamento quod eo tempore Londini habebatur, uti Judices devenierint, qui eam tanquam ream examini subjecerunt. Ipsa autem aliquandiu respondere detrectans, eum se Reginam diceret, & soli Deo se vitæ suæ rationem reddere teneri, tandem respondens, accusationes omnes diluit, seque innocentem probavit: quod tamen iniquos Judices non absteruit, qui in eam, tanquam ream convictam, sententiam iniquissimam mortis pronuntiaverunt, quæ suæ profecto executione non caruit. Si de hujus Reginae Martyrio quaestio institueretur, quæ usque adhuc instituta non est, adversus Martyrium plana esset oppositio ex sententia desumenda, & ex ceteris quæ impie adversus eam Hæreticis debacchari sunt, & præcipue Georgius Buchananus in infami libello, cui titulus est, *Detestatio Mariae*: quem tamen Camdenus, Scriptor licet hæretodorus, in *annal. Elisabethæ Anglorum Reginae* strenue redarguit. At si vera mortis causa examinetur, cum illa constituenda sit in odio Catholicæ religionis, quæ ipsa superstite in Anglia perstitisset, si invicta perpendatur constantia, qua oblatum repulit deserendæ Catholicæ religionis conditionem; si admirabile animadvertatur robur, quo mortem sustinuit; si attestandatur, prout attendi debent, protestationes ante obitum & in obitu emissæ, se semper Catholicam vixisse, & propter Fidem Catholicam libentissime mori; si non omittantur, prout omitti non debent, evidentissimæ rationes, quibus ostenditur nedum falsitas criminum Mariae Reginae oppositorum, sed etiam iniquam mortis sententiam, specie tenus calumniâ innixam, vere processisse ex odio Catholicæ religionis, & ut hæretica dogmata in Angliæ regno immota persisterent, nihil fortasse decere ex iis quæ pro vero Martyrio sunt necessaria. Legi potest Henricus Spondanus in *annal. ad an. 1567. num. 6. & 7. ad an. 1570. num. 2. ad an. 1587. num. 2. & 3.* eum quo concordant Georgius Conarus in *vita Reginae Mariae*, Favianus Strada de *bello Belgico*, Romualdus Scotus in *notis ad libellum de supplicio & morte Mariae Stuartæ*, Antonius Herrera in *lib. de rebus gestis in Angliâ & Scotia, dum viveret Maria*, alique, qui de eodem argumento scripserunt, duobus voluminibus a Samuele Jebb collecti editique Londini anno 1725. quibus omnibus operæ pretium esse consuevis superaddere opistolam, quam Regina imminens sibi mortis conscia summo Pontifici Sixto V. scripsit, cujus authographum Gallico sermone compositum in archivo castri Sancti Angeli asservatur, quamque in Latinum sermonem conversam, nec ab ullo alio, quem sciamus, typis impressam in appendicibus exhibemus, ut quæ modo de Maria Regina exposita sunt, irrefragabili documento confirmentur.

11 Quæres quartò, utrum de ratione Martyrii sit, ut Persecutor seu Tyrannus ex odio in Fidem, vel aliquam virtutem, quæ ad Fidem referatur, expressis verbis mandet, Dei Servum occidi, an potius fati sit, ut talia verba proferat, quibus incitati satellites in necem conspirent, & Dei Servum occidant. Respondetur, hoc postremum sufficere: sic enim res se habuit in Martyrio S. Thomæ Cantuariensis. Rex quippe Henricus commotus accusationibus Episcoporum contra ipsum Thomam, quem turbatorem regni, persecutorem Episcoporum, omnium bonorum destructorem, Regisque inimicum inclamabant, in ea prorupit verba furore plena, quibus excitati satellites mortem Sancto Archiepiscopo intulerunt, teste Hereberto in Quadripartita: *Sape sepius ex ira inflammatus in funestam vocem erumpens, omnes quos nutrierat, qui familiaritatis gratia & beneficiorum collatione sibi obnoxii fuerant, maledixit, quod ipsum de uno Sacerdote non vindicarent, qui ipsum & regnum suum sic turbabat, & suis dignitatibus exauhorare & exheredare querebat.* Aliud desumi potest exemplum a Martyrio Thomæ Prioris Sancti Victoris Parisiensis, de cujus morte S. Bernardus sub persona Stephani Parisiensis hæc scribit ad Innocentium Papam II. uti legi potest in *epist.* 159. ejusdem S. Bernardi vol. 1. *oper.*: *Vir Religiosus Prior Sancti Victoris Magister Thomas in obsequio charitatis, in itinere quod indixerat pietas, in opere sancto, in Sanctorum comitatu, in Dominico die, certe in fine meo, & inter manus meas crudeliter ab impiis pro justitia excerebratus est factus obediens usque ad mortem.* Et quidem in *epist.* 158. cum ad ejus notitiam devenisset, occisorem Sedis Apostolicæ auxilium implorasse, Fera pessima, qua devoravit Joseph, canum nostrorum importunitatem non ferens, ad vestra dicitur defensionis auxilium confugisse; excusationem autem ex eo desumpsisse, quod non ipse, sed alii interfecerant, ita subdit: *Sed numquid ego, inquit, occidi eum? Non utique tu, sed tui, & propter te. An & per te, videat Deus & judicet. Si excusabilis tu es, cujus dentes arma & sagitta, cujus lingua gladius acutus, proinde nec Judæi Christi de morte culpandi sunt, quippe & ipsi manus continuere casui.*

12 Quæres quintò, an ad Martyrium satis sit, Tyrannum ad inferendam mortem moveri ex odio adversus Fidem Christi, quamvis occasione mortis desumat ex alia re, quæ ad ipsam Christi Fidem aut nihil pertineat, aut non nisi ex accidenti pertineat. Affirmando respondetur, cum actus non ab occasione, vel a causa impulsiva, sed a causa finali veram sui speciem desumat. Celebratur in Martyrologio Romano ad diem 16. *Maji* Martyrium S. Abdæ, sive Audæ Martyris, de quo nempe Theodoretus lib. 5. *hystor. Eccles. cap.* 39. narrat, ab eo fuisse destructum Pyreum, templum videlicet a Persis Igni consecratum, vocatum autem ab Islegerde Persarum Rege, & suaviter admonitum, ut Pyreum destructum reedificaret, idque facere recusantem Martyrio fuisse coronatum. Theodoretus porro Pyrei destructionem improbat: *Hic zelo immoderato impulsus, Pyreum destruxit.* Et postea: *Pyreum quidem intempestive ab Episcopo de-*

structum fuisse fateor : attamen , cum hujus templi destructio fuerit occasio mortis Abdæ Episcopi , cumque Theodoretus ipse concludat , de ejus vero Martyrio non esse dubitandum , non quia templum destruxerit , sed quia jussu noluit illud reedificare : *Quod vero eversum sanum minime inflauraverit , sed mori maluerit , quam id prestare , id equidem admiror , & coronis dignum judico : Igni enim templum extruere non minus esse censeo , quam eundem adorare ;* ideoque vera causa mortis ab idololatria , quam Tyrannus profitebatur , proindeque ab odio adversus Fidem Catholicam derivata fuerit ; unusquisque facili negotio cognoscere poterit , sufficere ad Martyrium , si Persecutor ad necem inferendam moveatur ab odio in Fidem , licet occasio mortis proveniret ex alia re , quæ ratione circumstantiarum ad Fidem non pertineret . Clarius id ipsum comprobatur ex causis BB. Josaphat Pollocensis , & Petri de Arbues : licet enim in prima Antonius Cerrus tunc Fidei Promotor strenue opposuisset , Josaphat mortem non ab odio in Fidem , sed ab inclusione in carcere cujusdam schismatici Sacerdotis derivatam fuisse ; in secunda autem Petrus Franciscus de Rubeis pariter Fidei Promotor collectis probationibus ostendere conatus esset , mortem non fuisse ex odio in Fidem Petro inflictam , sed ex eo , quia qui eum occiderunt , contendebant , non esse in regnum Aragoniæ inducendum tribunal sanctissimæ Inquisitionis una cum jure confiscandi bona delinquentium , & quia duo ex fidei odio Servum Dei prosequerantur , quod eorum patrem , & sororem , quos innocentes reputabant , carceribus Inquisitionis fecerat mancipari ; excipientibus nihilominus Postulatoribus , & per invicta argumenta demonstrantibus , odium in Fidem fuisse veram causam mortis prædictorum Dei Servorum , atque adeo , quæ a Promotoribus adducta erant , ad mortis occasionem esse referenda ; sacrorum rituum Congregatio censuit , constare de Martyrio & causa Martyrii , & uterque in Beatorum Martyrum numerum juxta alibi dicta relatus est . Denique in ecclesia Patrum S. Dominici in civitate Septempedana colitur B. Camilla Gentili , de cujus tamen cultu nullum usque adhuc judicium prolatum est vel a Sede Apostolica , vel ab Episcopo . Vitam scilicet ipsa cum morte commutavit circa annum 1486. ejusque cum laude meminerunt Michael Piò in libro , cui titulus , *De nobili progenie Patris Sancti Dominici in Italia* , fol. 250. Valerius Cancellotti in *historia ms. civitatis Septempedane* , & Joannes Baptista Cancellottus hujus filius , qui nomen dedit Societati Jesu , in *vita S. Severini Episcopi Septempedani* fol. 223. & in *vita Ven. Dei Servæ Francisce d'Alferone* fol. 39. Fertur autem Beata hæc Camilla fuisse a proprio viro interempta , cum adversus ejus præceptum sermonem habuisset cum Brandina Grassi sua genitrice . Hinc , cum a me petitum fuerit , quomodo conficiendus esset processus super ejus cultu immemorabili , ipse , quas potui & scivi , opportunas notitias præbui . Cum vero petitum subinde esset , an ea titulo Martyris decorari posset , quod , contemptis mariti minis , voluerit juxta Domini præceptum matrem honorare , caute tum dixi esse proce-

procedendum : cum etenim maritus Pierozzum Grassum Brandinæ con- sanguineum occidisset , & implacabili odio prosequens familiam Grassam uxori idcirco prohibuisset , ne cum matre loqueretur ; inferri quidem pos- se videbatur , Camillam sine sua culpa fuisse interemptam , sed de ejus Mar- tyrio maximopere poterat dubitari , cum mors nullo modo ei inflicta fuisse videatur ex odio in Fidem .

C A P U T X I V.

De modo , quo probari potest , Persecutorem seu Tyrannum ex odio in Fidem motum fuisse ad mortem Martyri infligendam .

Ostenfum fuit in capite antecedenti , necesse esse ad Martyrium , ut mors a Tyranno infligatur ex odio in Fidem : nunc autem operæ pretium esse videtur ea exponere , quæ apta sunt ad id comprobandum .

² Itaque id primò demonstrari potest ex sententia Persecutoris seu Tyranni , si mortem publica auctoritate decreverit . Præsto sunt Acta S. Ju- stini apud Ruinart. pag. 50. n. 5. , in quibus Præfectus talem sententiam pronuntiavit : *Qui Diis sacrificare , & Imperatoris edicto parere noluerunt , flagello cæsi ad capitalem poenam abducantur , quemadmodum leges præcipiunt ;* Acta S. Symphoriani Martyris apud Ruinart. pag. 71. n. 6. , in quibus Ju- dex furore succensus sic inquit : *Symphorianus publici criminis reus , qui Diis nostris sacrificare detrectans , majestatis sacrilegium perpetravit , sacris etiam alta- ribus irrogavit injurias , gladio ultore feriat , ut , dum criminis funesta refe- cantur , Deorum pariter & legum vindicetur injuria ;* Acta Proconsularia Martyrum Scillitanorum apud Ruinart. pag. 75. n. 5. , in quibus Proconsul sic loquitur : *Speratum , Narzalem , Cistinum , Veturium , Felicem , Acyl- linum , Latantium , Januariam , Generosam , Vestinam , Donatam , & Secun- dam , Christianos se esse , confitentes , & Imperatori honorem & dignitatem dare recusantes capite truncari , præcipio ;* Acta S. Maximi Martyris apud Ruinart. pag. 133. n. 2. , in quibus sic legitur : *Tunc Proconsul dedit in eum sententiam dicens : Eum , qui sacris legibus assensum noluit accommodare , ut magne Dea Diana sacrificaret , ad metum reliquorum Christianorum obrui lapidibus , præce- pit divina clementia ;* Acta SS. Luciani & Marciani apud Ruinart. pag. 143. n. 7. , in quibus Sabinus Proconsul dedit adversus eos sententiam dicens : *Quoniam Lucianus & Marcianus transgressores divinarum nostrarum legum , qui se ad Christianam vanissimam legem transfulerunt , hortati a nobis atque con- venti , ut adimplentes invictissimorum Principum præcepta sacrificarent , & sal- varentur , & contemnentes audire noluerunt , flammis exuri , præcipio ;* Acta Proconsularia S. Cypriani apud Ruinart. pag. 189. n. 4. , in quibus Galerius Maximus sententiam protulit his verbis : *Diu sacrilega mente vixisti , & plu- rimos nefaria tibi conspirationis homines aggregasti , & inimicum te Diis Romanis & sacris*

& sacris legibus constituisti, nec te pii & sacratissimi Principes Valerianus & Gallienus Augusti, & Valerianus nobilissimus Cæsar ad sceleratam caeremoniarum suarum revocare poterunt: & ideo, cum sis nequissimorum criminum auctor & signifer deprehensus, eris ipse documento his, quos scelere tuo tecum aggregasti. Sanguine tuo sancietur disciplina: Quibus dictis, decretum ex tabella recitavit: Thascium Cyprianum gladio animadverti, placet: Cyprianus autem Episcopus dixit: Deo gratias; Acta Passionis S. Petri Balsami, quæ ita habent pag. 442. n. 2. ibid. Tunc Præfes dictavit adversus eum Sententiam dicens: Petrum admodum contemnente invidiosissimum Principum iussa propter Legem Dei sui Crucifixi sententiam subire crucis, præcipio; Acta denique S. Euplii Diaconi & Martyris, in quibus legitur pag. 362. n. 3. ibid. Calvisianus intra velum interius ingrediens sententiam dictavit, & foras egressus, offerens tabellam, legit: Euplium Christianum edicta Principum contemnente, Deos blasphemantem, nec resipiscente, gladio animadverti iubeo. Ducite eum. Tunc appensum est ad collum ejus Evangelium, cum quo apprehensus fuerat, proclamante hac præcone, Euplius Christianus inimicus Deorum & Imperatorum. Porro sententia à Judice prolata adversus S. Restitutam Virginem & Martyrem extat exemplum in Actis ejusdem, quæ ex duplici manuscripto Caraccioli edidit, & Jacobus Castellinus notis illustravit, ac typis edidit Neapoli anno 1742. pag. 28. ubi etiam pag. 162. & seq. in notis morem illustrat tituli, qui circumferebatur cum noxio, in quo breviter capita criminum continebantur, ut clarius populo causa, propter quam damnatus erat, innotesceret.

3. Secundò ex ipsa disceptatione demonstratur habita inter Tyrannum, & Martyrem in Actis descripta, ex qua clare desumitur, mortem fuisse à Tyranno inflictam Martyri propter odium in Fidem Christianam, utpote cultui ex. gr. idolorum adversam. Præsto sunt Acta Passionis SS. Pionii & Sociorum Martyrum, in quibus hæc habentur apud Ruinarum pag. 126. n. 19.: Igitur post paucos dies Smyrnæ Proconsul, ut mos erat, rediit, oblatumque Pionium sic coepit audire. Quis vocaris? Respondit Pionius: Pionius. Rursum Proconsul: Sacrifica. Ille respondit: Minime. Rursum Proconsul: Cujus sceleris es? Pionius respondit: Catholica &c. Rursum Proconsul: Sacrifica ergo. Ille respondit: Ego Deum vivum adorare didici. Tum Proconsul: Omnes Deos colimus, & calum, & eos qui in eodem sunt. Quid autem æra aspicias? Sacrifica. Ille respondit: Non aspicio æra, sed Deum qui æra fecit. Rursum Proconsul: Dic, quis fecit? Ille respondit: Non licet prodi. Rursum Proconsul: Necessè est, te Jovem dicere, qui in calo est, cum quo Dii Deaque omnes sunt. Ergo sacrifica illi, qui est Deorum omnium calique Regnator. Et num. 20. Post hanc Beati Martyris fixam firmamque sententiam, Proconsul, diu habitis cum Consiliatore sermonibus, rursus ad Pionium verba convertit: Persas in propeposito, & poenitentiam nec sero testaris? Respondit ille: Minime. Rursum Proconsul: Habes liberam potestatem; quid te facere expediat, majore consilio & longa deliberatione metire. Ille respondit: Minime. Tunc Proconsul: Quoniam festinas ad mortem, vivus passurus incendium es; &

recitari

recitari iussit ex tabula: Pionium sacrilega virum mentis, qui, se Christianum esse, confessus est, ulticibus flammis iubemus incendi, ut & hominibus mesum facias, & Diis tribuas ultionem. Praesto etiam sunt, ut multa alia omnino taneur, Acta SS. Martyrum Fructuosi Episcopi, Auguriique, & Eulogii Diaconorum, in quibus eorum Passio sic describitur apud Ruinart, pag. 191. n. 2.: *Emilianus Praefes dixit: Fructuosum Episcopum, Augurium, & Eulogium inermittite. Ex officio dictum est: Adstant. Emilianus Praefes Fructuoso Episcopo dixit: Audisti, quid Imperatores praeceperunt? Fructuosus Episcopus dixit: Nescio; quid praeceperunt? Ego vero Christianus sum. Emilianus Praefes dixit: Praeceperunt, Deos coli. Fructuosus Episcopus dixit: Ego unum Deum colo, qui fecit caelum, & terram, mare, & omnia quae in eo sunt &c. Emilianus Praefes Augurio Diacono dixit: Noli verbis Fructuosi auscultare. Augurius Diaconus dixit: Ego Deum omnipotentem colo. Emilianus Praefes Eulogio Diacono dixit: Numquid & ne Fructuosum colis? Eulogius Diaconus dixit: Ego Fructuosum non colo, sed ipsum colo, quem & Fructuosus. Emilianus Praefes Fructuoso Episcopo dixit: Episcopus es? Fructuosus Episcopus dixit: Sum. Emilianus dixit: Enisti; & iussit, eos sua sententia vivos ardere. Saeculo 111. illustre fuit Martyrium S. Mercurii. Ejus Acta Auctorem habent S. Simeonem Logothetam, & Laurentium Surium interpretem addi. diem 25. Nov. 11m. 6. Praedictus Simeon florebat saeculo x. Alia Acta Passionis S. Mercurii scripta fuerunt ab Arichiso, qui Beneventi morabatur saeculo viii. Et haec postrema Acta edita fuerunt, & notis illustrata a Victoriō Giovardi, & typis Romanis impressa anno 1730. In eis autem, pag. 25. ita legitur: *Aut sacrificia Diis* (verba sunt Tyranni) *quia ad hoc adduci te praecepi; aut, si non feceris, acerrimis mortium generibus excrucietur, biethanotus* (quae vox significat morientem non morte naturali, sed violenta), *alibis in aeternum*. Ad haec autem B. Mercurius respondit: *Ego in hoc veni, non ut vincam, sed ut vincam, & coronam victoria percipiam a Domini meo Jesu Christo, qui me fecit una tecum dimicare*. Et concordant hujus ejusdem Martyris Acta caesmine descripta a Landulpho Archiepiscopo Beneventano, Scriptore saeculi xii., quae etiam dictus Giovardus edidit, & notis quoque illustravit.*

4. Tertiò ex beneficiis seu muneribus Martyri a Tyranno ante mortem oblatis, si a proposito resiliret. Passio magni Martyris Theodori exposita a S. Gregorio Nysseno tom. 2. opor. in sua oratione rei praesenti maxime pene favet. Cum enim Martyr impeterritus, minis non cessisset Tyranni: *Es scio* (verba sunt S. Gregorii pag. 10 15.) *inquunt, scito, quod, si consilium nostrum obedienter admittere volueris, potius te ex obscuro nobilem, ex humili despectuosum & inglorio honoratum efficiemus, ac tibi Pontificatus dignitatem promittimus*. In Passione quoque S. Quisiani, de qua infra (apud Ruinart pag. 439. num. 2.) Maximus Pater inquit: *Eris Sacerdos magnus Dei Tui*. Rursum S. Basilus Magnus in oratione de S. Gordio Martyre tom. 2. opor. pag. 146. mem. 5. arce Praesidis narrat, quibus utebatur, ut eum a vera religione remo-

ne removeret. Cum autem non possent eum terroribus expugnare, resque fieri non posset, mutato consilio, blanditiis aggrediebantur. Tale est enim artificium Diaboli, timidium perterrefacit, sortem extollit. Eiusmodi erant tunc quoque malefici Praefidis versutia. Nam posteaquam vidit eum minis nihil cedere, dolis ipsum atque illecebris circumvenire conatur. Pollicebatur munera, alia dabat, alia ab Imperatore tribuenda esse promittebat, locum in militia illustrem, largitionem pecuniarum, quidquid velis. Idem S. Basilus in homil. de SS. Quadragenta Martyribus tom. cit. pag. 151. num. 4. Tyrannum representat sic eos ad Fidem deferendam hortantem: *Juventutem vestram ne prodatis, neve cum morte intempestiva hujus vite jucunditatem commutetis. Nam ab re fuerit eos, qui in bellis fortiter agere consueverunt, maleficorum morte interire.* Deinde pergit Basilus: *Ad haec pollicebatur pecunias. Rursus dabat honores ab Imperatore, dignitatumque distributiones, atque sexcentis ipsos versutis expugnare nitentibus.* In Actis demum SS. Martyrum Claudii & Alterii Lysias Praeses inquit pag. 234. num. 1. *Domini nostri Imperatores jusserunt, Christianos vos sacrificare Diis, contradicentes puniri; cedentibus autem, honores & munera polliceri.* Claudius autem sic subdidit: *Munera eorum temporalia sunt; confessio vero Christi aeterna est salus.* Tunc Lysias Praeses, in equuleo eum suspendi jussit.

Quarto ex impunitate, seu liberatione Martyri a Tyranno oblata in eo rerum eventu, in quo a Fide Christi recederet. Praesto sunt Acta SS. Epipodii & Alexandri pag. 66. num. 8. ubi, interempto Epipodio Martyre, Persecutor recenti adhuc cruore resperfus, Beatiq. Alexandri sanguinem sitiens, hunc receptum ex carcere, comprehendit examine, die interposito, furori suo praecepte offerri, ut ejus supplicii non solum rabiem suam, verum etiam insatiam commoti & ferventis populi temperaret. Quem tamen etiam hinc hac percunctatione tentavit: *Adhuc in potestate tua est, ut evadas Praedecessorum exempla, videasque qua teneas: ita enim persecuti Christiani sumus, ut pane te solum arbitrer residisse. Nam praeter alias casorum catervas, etiam filitria tua collega succubuit; atque ideo tibi consulens, immortales Deo thauris decessione venerare.* Praesto sunt Acta Passionis S. Quirini Episcopi & Martyris, in quibus Amantius Praeses sic eum alloquitur pag. 439. num. 4. *Etatem tuam dolemus maculare verberibus; tamen sensum tuum optantem emendari sermonibus, & premio promissa vita corrigere: ut reliquo senectutis tua tempore juxta legum Imperialium sanctionem Deo serviens perfruaris.* Quirinus vero ita respondet: *Quid de aetate dubitas, quam Fides inviolata reddere potest omnibus suppliciis fortiozem? Nec tormentis frangitur mea confessio, nec vita praesentis delectatione corrigitur, nec timore mortis, quamvis acerba, mentis meae soliditas perturbatur.* Praesto sunt Acta Martyrii S. Nicephori, ex quibus habetur, Sappiricio a Praefide demandatum fuisse, ut vel Diis sacrificaret, vel mortem subiret, & Sappiricum quidem imminente morte perterritum sacrificasse, & temporalem mortem evasisse pag. 211. num. 6. Tunc dicunt litterae Sappiricio: *Flecte genua tua, ut caput tibi amputetur.* Dicit autem eis Sappiricus:

pricius : Quare ? Dicunt ei lictores : Quoniam nolisti Diis sacrificare, sed contempsisti editum Imperatoris propter hominem qui dicitur Christus. Hoc cum audisset miser Sapricius, respondit lictoribus dicens : Nolite me ferire ; facit enim, qua jusserunt Imperatores, & Diis sacrifico. Post hæc autem S. Nicephorus lictoribus dixit num. 8., se Christianum esse, & proinde Martyrii palma fuit decoratus. Unus autem ex lictoribus currens renunciavit Prasidi dicens : Sapricius quidem pollicetur, se Diis sacrificaturum. Est vero illic quidam alius, qui vult mori propter eum qui dicitur Christus, clamans & dicens libere, Christianus sum, & Diis vestris non sacrifico, nec obedio edictis Imperatorum. Postquam hæc auditis Praefes, in eum tulit sententiam dicens : Si non sacrificat Diis immortalibus, prout jusserunt Imperatores, jubeo, eum mori gladio. Tunc accipientes Sanctum Nicephorum eum capite truncarunt, ut Praefes jufferat. Praesto sunt Acta SS. Victoris, Alexandri, Feliciani, atque Longini Martyrum, in quibus sic sermo fit de Passione S. Victoris pag. 259. num. 10. Cumque perorasset Martyr, impiissimi Praefides rationum pondere oppressi, Adhuc, inquirunt, Victor, philosophari non definis ? Unum tibi elige, aut placare Deos, aut cum summa infelicitate deperire. Si sic, inquit, proponitis ; quod docuimus verbis, exemplo firmandum est. Deos sperno, sator Christum. Quacumque potestis, date supplicia, cumulate tormenta. Memoratu denique dignum est multorum millium Martyrum exemplum relatum apud Nicephorum histor. lib. 7. cap. 6. quorum commemoratio habetur in Martyrologio Romano ad diem 25. Decembr. Nicomedia Passio multorum millium Martyrum, qui cum in Christi natali ad dominicum convenissent, Diocletianus Imperator januas ecclesiae claudi jussit, & ignem circumcirca parari, tripudumque cum thure praeforibus poni, ac praeforem magna voce clamare, ut qui incendium vellent effugere, foras exirent & Jovi thus adolere : cumque omnes una voce respondissent, pro Christo se libentius mori, incenso igne consumpti eo die nasci meruerunt in calis, quo Christus in terris pro salute mundi nasci dignatus est. Hic autem in transitu adnotare fas sit, juxta Romanas leges poenitentiam non excusare delictum, & precipue reo jam constituto ad tribunal Judicis : uti habetur in l. Qui ea mente 65. ff. de furtis, & in l. 3. C. de Apostatis. Ad summum sera hæc poenitentia prodesse poterat, & forsitan hodie etiam potest pro poena temperanda, teste Tiraquell. de poenis temperandis caus. 28. num. 4. tom. 5. Tanta autem erat multitudo eorum qui Christo nomen dederant, ut existimatum fuerit esse necessarium, ut Christianis etiam coram Judice constitutis venia daretur, si a Fide Christi recederent : unde Plinius lib. 10. epist. 97. in fin. Trajano suadet, ut venia multitudini detur, si a Christo recedat : Ex quo facile est opinari, qua turba hominum emendari possit, si fiat poenitentiae locus. Cui Trajanus respondit : Quamvis suspectus in praeteritum fueris, veniam ex poenitentia impetres. Legi potest Jacobus Castellius in suis adnotationibus ad Acta S. Restitutæ Neapoli impressis anno 1742. pag. 102. Et, si fas est veteribus recentiora admiscere, prodesse posse videtur exemplum Thomæ Mori Martyris, licet adhuc non vindicati. Bditum fuerat a Senatu Anglo-

glicano decretum, quod Thomas approbare non poterat, de Rege videlicet capite Ecclesiæ Anglicanæ; & ex hoc, & aliis ipsi oppositis Iudex inferebat, eum decreto regni hostiliter adversari, Regis potestatem abnegare, læsæ majestatis reum esse. Cancellarius qui Moro successerat, & Nortfolciæ Dux eum compellarunt; promittentes veniam a Rege, si, ut ipsi aiebant, voluisset relinquere, & animi pertinaciam deponere. Morus autem ad hæc reposuit: *Amplissimi viri, magnas quidem ex animo huic humanitati vestrae gratias ago; Deum tamen omnipotentem enixius oro, ut in hac orthodoxya, qua sum, sententia ita me confirmet, ut usque ad mortem in ea perseverem: uti habetur in ejus vita tom. 4. part. 2. oper. Thomæ Stapletoni pag. 1046. cap. 18.*

6 Quintò, probationem mortis ex odio in Fidem illatæ firmam & luculentam esse, dicendum est, si ex Actis Martyrii concludenter, ut ajunt, ostendatur, inflictam fuisse Dei servo, eo quia Christianus erat; vel quia noluit aliquid facere, quod recessum a Fide Christiana significaret, aut aliquam rem a Fide Christiana vetitam, aut quæ ratione circumstantiarum itare non posset cum præceptis Christianæ religionis, aut religioni Christianæ detrimentum afferret; vel quia aliquid fecit cum religione Christiana concors, quod injustis Tyrannorum legibus vetitum fuerat. Exemplum eorum, quibus mors inflicta fuit, eo quia Christiani erant, refertur ab Eusebio *hisor. Eccles. lib. 4. cap. 17. pag. 177.* in qua sic describitur Martyrium SS. Ptolemæi, Lucii, & alius Anonymi: *Centurioni cuidam amico suo persuasit (sermo est de Martyrum accusatore) ut Ptolemeum comprehenderet: cumque in vincula conjiciens hoc unum interrogaret, esset ne Christianus; cumque Ptolemeus, utpote amantissimus veri, & ab omni fraude ac mendacio alienus, Christianum se confessus esset, eum Centurio custodie mancipavit, diuque in carcere afflixit, Oblatus tandem Urbicio Judici Ptolemeus id unum similiter interrogatus est, utrum esset Christianus. Ille vero, qui, per Christi doctrinam cuncta se bona consecutum esse, intelligeret, illam caelestis ac Divina virtutis institutionem iterum confessus est Cum vero Urbicius, Ptolemeum ad supplicium duci, jussisset, Lucius quidam, qui & ipse Christianus erat, adeo injustam audiens sententiam sic Urbicium allocutus est: Quid cause est, inquit, ut hominem neque adulterii, neque stupri convictum, nec homicidam, nec furem, nec raptozem, nec ullius denique sceleris reum, nonnis duntaxat Christiani vocabulum consistentem condemnaveris? Hujusmodi forma judicii non convenit temporibus Imperatoris Pii, nec Philosophi Cæsaris filii, nec Senatui Romano. Tum Urbicius nullo alio responso hominem dignatus, sic eum alloquitur: Tu quoque, inquit, Christianus esse mihi videris. Cumque Lucius, ita esse, respondisset, jussus est itidem ad supplicium duci; statimque, magnam se gratiam Urbicio debere, professus est, quippe qui hujusmodi malis Dominis liberatus, ut aiebat, ad optimum Patrem Regemque esset migraturus. Sed & tertius quidam cum accessisset, eodem supplicio condemnatus est. Conferunt etiam ea quæ habentur apud Sozomenum de Martyrio S. Simeonis Episcopi & aliorum plurimorum Sanctorum*

Aurum Martyrum in *Perfide lib. 2. histor. Eccles. cap. 9. & seqq. pag. 57.* Cum etenim senex quidam Eunuchus nomine Uithazanes, qui fuerat nutritor Regis Saporis, & Præpositus domus Regiæ, solem adorasset, licet esset Christianus, deinde poenitens facti errorem publice retractasset, Sapor ira succensus caput illi præcepit amputari. *Qui cum ad id supplicium duceretur a spiculatoribus, rogavit eos, ut paululum expectarent, quasi quidpiam Regi indicaturus esset. Vocatoque ad se Eunuchus quodam fidelissimo mandas, ut ista Saporis nuntiaret. Quanta semper benevolentia ab ineunte ætate ad hoc usque tempus erga familiam tuam, o Rex, affectus fuerim, dum parenti tuo, ac tibi, qua par erat cura ac diligentia ministrarem, nullis mihi testibus opus esse arbitror, apud te præsertim, qui rem explorare noli. Pro omnibus igitur officiis, quæ vobis grata ac jucunda aliquando præstiti, hanc mihi mercedem redde, ut ignaris non videar tanquam infidelis erga regnum tuum, aut tanquam in maleficio aliquo deprehensus, subire supplicium. Utque id palam fiat, præco clamans significet universis Uithazadem capite truncari nullius quidem flagitii in palatio compertum unquam, sed Christianum, & qui a Rege induci non potuerit, ut Deum suum negaret. Et Eunuchus quidem ista nuntiavit, & Sapor, juxta petitionem Uithazanis præconem proclamare, jussit.*

7 Exemplum aliorum, quibus mors inflicta fuit, eo quia noluerunt aliquid facere, quod significaret recessum a Fide Christiana, constitui potest in his qui a Tyranno morte affecti sunt, quia noluerunt Diis immolare, uti supra dictum est. In qua pariter classe recensendi videntur illi, quos Tyranni ad mortem condemnarunt, eo quia vesci noluerunt cibis qui fuerant Diis immolati, inter quos præcipue enituerunt Agatho, Agape, Chionia, Irene, Cassia, Philippa, & Eurychia. In Actis siquidem Passionis earum Scriba sic locutus est pag. 348. num. 3. Scito, mi Domine (alloquebatur Dulcetium Præsidem) Agathonem, Agapen, Chioniam, Irenem, Cassiam, Philippam, & Eutyebiam nolle his vesci, quæ Diis sunt immolata. Eas igitur ad tuam Amplitudinem adducendas esse, curavi. Etenim quadruplicis generis erant idolothyta: primum quidem, cum Ethnicis mensis appositi, priusquam de cibo gustarent, aliquam partem de pane vel extis projiciebant in ignem, & vinum igni inspersum Jovi libabant, juxta illud Virgillii *Æn. 4. v. 206.*

Jupiter omnipotens, cui nunc Maurusia pictis

Gens epulata soris Lenæum libas honorem.

Secundum erat, cum animal mensæ destinatum prius idolo mactabatur, idque vel verbis, & invocando nomen idoli, vel factis, animal scilicet in apertis campis jugulando, ut Dæmones, qui præesse ruribus censebantur, sparsa sanguine, quem idcirco nullo cooperiebant pulvere, vescerentur. Tertium erat, cum de animali mactato portio aliqua numini dabatur, tum residuæ partes in cibum Sacerdotum, vel offerentium cedebant, juxta illud Ovidii 12. Met. v. 154.

Sacra tulere suam: pars est data cetera mensis.

X 2

Quantum

Quantum constituebatur in his quæ Gentium religio Dæmonibus reservabatur, non ritu quidem speciali, sed generali decreto & opinione, ut erat sanguis & suffocatio, quæ Dæmonibus communi fide & assensu addebantur. Cum autem hæc omnia Christianis prohibita fuissent in Apostolicis decretis Concilii Hierosolymitani, quippe quæ essent signa & irritamenta idololatriæ, & abstinere conveniens esset ab omnibus his quæ falsæ religionis professionem redolebant, juxta illud Apostoli 1. Cor. 10. v. 20. *Noluerim vos socios fieri Dæmoniorum; non potestis calicem Domini bibere, & calicem Dæmoniorum; non potestis mensa Domini participes esse, & mensa Dæmoniorum; non solum prædicti, sed alii quoque Martyrium ex eadem causa subierunt. Quare apud S. Joannem Chrysostomum homil. in S. Lucianum tom. 2. oper. pag. 524. Martyrium extollitur S. Luciani Presbyteri Antiocheni, qui fami a Tyranno expositus, & post longam inediam ad mensam invitatus idolothytis refectam comedere recusavit; & in epistola Ecclesiæ Gothicæ Sanctus quidam Presbyter, & Sanctus Sabas cibos idolis immolatos ab Athalarico Tyranno sibi missos ad comedendum constantissime respuerunt.*

8 Quod autem attinet ad exemplum illorum, quibus mors illata est, quia aliquid facere noluerunt a Fide Christiana vetitum, celeberrimum est Martyrium S. Polycarpi Episcopi relatum in epistola Ecclesiæ Smyrnenfis, apud Ruinart. pag. 29. num. 9. In ea enim Tyrannus ait: *Debes jurare per Cæsarem, Cæsarisque fortunam &c.* Tunc Polycarpus ore semiclusus; & quasi non suo, sed alieno sermone loqueretur, clausis pane saucibus, populum qui in arena erat respexit universum, impium vel profanum, tractoque ex intimis corde suspirio, majestatem cali intuens, ait: *Tolle impius. Et cum assensus præceptor assisteret, enuntians: Jura fortunam Cæsaris, & poteris relaxari &c.* ait: *Quid me cogis jurare per Cæsarem? Aut professionem meam fortasse non nosti? Palam me Christianum dico, & quo magis irasceris, ego gaudeo. Tiesi vis Legis hujus scire rationem, diem da a quo incipies audire vel discere.* Sciendum quippe est, non licuisse Christianis jurare per fortunam, aut genium Cæsaris, quod hæc a Gentilibus pro Diis haberentur, quamvis per Cæsaris salutem eis jurare permissum esset, ut ait Tertullianus ap. log. cap. 32. pag. 63. Quocirca in Martyrio S. Potamianæ Virginis Alexandrinæ in historia Palladii ad Lausium apud Ruinart. in Act. Martyr. pag. 103. num. 2. refertur, eam sic allocutam fuisse Tyrannum: *Per caput Imperatoris, quem tu times, si statueris sic me supplicio afficere, ne jufferis me exire.* Et in Actis SS. Marciani & Nicandri Martyrum pag. 486. num. 3. postquam Præfex dixit: *Ecce pro desiderio vestro morti trademini.* Marcianus inquit: *Per salutem tibi petimus Imperatorum, ut nos citius mittas; nec enim suppliciorum formidine id te, ut facias, adjuramus, sed ut cito nostro desiderio potiamur.* Illi quoque, qui ad mortem a Tyranno damnati sunt, eo quia, cum essent Christiani & Exceptoris officio fungerentur, officium id deseruerunt, ne sententias capitales scriberentur quæ a Persecutoribus adversus reliquos Christianos proferebantur, ad hanc classem referri possunt: inter quos recensetur S. Celsianus

sius Martyr Tingianus, in cujus Actis pag. 267. habetur, graphium & codicem in terram projecisse, cum Aurelium Auricolanum audivisset sententiam mortis proferentem adversus S. Martyrem Marcellum. Quare nedum in Martyrologio Ussardi, & Galestinii, sed etiam in Martyrologio Romano sequens de eo profertur *ad diem 3. Decembris* elogium: *Tingi in Mauritania Passio Sancti Cassiani Martyris, qui Exceptoris diu gerens officium, tandem calitus inspiratus, execrabile duxit, Christianorum neci deservire; unde renuntians eidem officio, sub Christiana confessione triumphum meruit obtinere Martyris.* Reperi etiam hic posset exemplum S. Genesii, de quo lib. 1. cap. 3. *mm.* 4.

9 Exemplum pariter eorum quibus mors a Tyranno illata est, eo quia aliquid facere noluerunt, quod ratione circumstantiarum stare non poterat cum præceptis Christianæ religionis, colligi potest ex Actis Martyrii S. Maximiliani pag. 263. *mm.* 1. qui morti damnatus est, quoniam noluit militem agere: *Mihi non licet militare, quia Christianus sum.* Maximilianus quippe militiam non respuit, quasi per se mala esset; cum inter SS. Martyres multi, qui sub Imperatoribus ethnicis militabant, relati sint; Quadraginta videlicet Martyres a S. Basilio Magno in h. *multa supra citata* memorati; Arcadius, cujus obitus describitur in libro de *agnibus Martyrum*; Bonofus & Maximianus, quorum memoria celebratur in Martyrologiis Ussardi, Galestinii, & Baronii; & alii plures; sed ob occasionem peccandi, quas ipsi militantes sub Imperatoribus ethnicis frequenter experiebantur. Quocirca in Actis S. Marcelli Centurionis & Martyris pag. 265. *mm.* 1. sic legitur: *In civitate Tingiana, procurante Fortunato Praside, advenit natalis dies Imperatoris. Ibi cum omnes in conviviiis epularentur atque sacrificarent, Marcellus quidam ex Centurionibus legionis Trajana profana reputans illa convivia, rejecto etiam cingulo militari coram signis legionis, que tunc aderant, clara voce testatus est dicens: Iesu Christo Regi aeterno milito. Abiecit quoque vitem & arma, & addidit: Ex hoc militare Imperatoribus vestris desisto, & Deos vestros ligneos & lapideos adorare contemno, que sunt idola surda & muta. Si talis est conditio militantium, ut Deis & Imperatoribus Sacra facere compellantur, ecce projicio vitem & cingulum, renuntio signis, & militare recusō.* Legi potest dissertatio Patris Lupi de antiqua disciplina Christiana militum pag. 251. & seq. *rom.* 1. ubi congesta undique eruditione ostendit, Christianis licuisse militem agere etiam sub Principe ethnico; debuisse autem militiam deferere, & cingulum militare abjicere, si sacrilega Principis iussa evadere non potuissent.

10 Quod postea spectat ad mortem Martyri inflictam, eo quia aliquid facere noluit, quod Christianæ religioni detrimentum afferret, reminisci opus est, bellum sacris Codicibus indictum fuisse ab hostibus Christianæ religionis, cum animadvertissent, Divinarum Scripturarum lectiones plurimum valere ad confirmandos Fidelium animos in suo proposito; mandatumque propterea fuisse, ut ubique testarum flammis abimerentur. Editum

Etum hoc per omnes Imperii Romani provincias promulgatum multos Ecclesiæ Martyres peperit; sed præcipue in Africa, ubi complures hac occasione mortem pertulere. Idem edictum pervenit ad civitatem Tubzocensem, cui Felix Episcopus præerat; cumque ipse sacros Libros tradere constanter renuisset, ad diversa tribunalia etiam trans mare ductus, die tandem 30. Augusti apud Venusium Apuliæ urbem gladio percussus Martyrium complevit, atque adeo in Actis Passionis ipsius Persecutor sic eum alloquitur pag. 313. num. 2. *Felix Episcopo, da libros, vel membranas, quas cumque habes. Felix Episcopus dixit: Habeo, sed non do. Magnilianus Curator dixit: Prius est, quod Imperatores iusserunt, quam quid tu loqueris. Da libros, ut possint igne aduri. Felix Episcopus dixit: Melius est, me igne aduri, quam Scripturas Deificas; quia bonum est obedire Deo magis, quam hominibus. Magnilianus Curator dixit: Prius est, quod Imperatores iusserunt, quam id quod tu loqueris. Felix Episcopus dixit: Prius est præceptum Domini, quam hominum. Consimilia habentur in Martyrio Vincentii Archidiaconi, quod a vetere Poeta Prudentio peristeph. hymno 2. v. 177. describitur, in quo Dacianus Præses his verbis sanctum Martyrem compellat:*

*Si tanta callum pectoris
Prædurat obstinatio,
Pulvinar ut nostrum manus
Abomineris tangere,
Saltem latentes paginas,
Librosque opertos detege,
Quo Secta prævum seminans
Fustis cremetur ignibus.*

Martyr autem ita respondet:

*Quem tu, maligne, mysticis
Minaris ignem litteris,
Flagrabis ipse hoc iustius;
Rhomphea nam caelestium
Vindex eris voluminum,
Tanti veneni interpretem
Linguam perurens fulmine.*

II Concordant Acta Saturnini Presbyteri & Sociorum, quæ primum quidem ex sincerissimis Proconsularibus Actis sumpta in Ecclesia legebantur, deinde, cum sæculo 1v. interpolata fuissent, beneficio vetustissimorum manuscriptorum codicum emendata fuerunt a Balutio, & publici juris facta tom. 2. miscellan. Pagina quippe 57. num. 2. in eis sic legitur: *Temporibus namque Diocletiani & Maximiani bellum Diabolus Christianis indixit isto modo, ut sacrosancta Domini Testamenta Scripturasque Divinas ad exurendum peteret etc. Sed non tulit exercitus Domini Dei immane præceptum, sacrilegamque iussionem perhorruit, & mox Fidei arma corripuit, descendit in prælium non tam contra homines, quam contra Diabolum pugnaturus.*

12 Demum exemplum eorum, quibus Tyranni mortem intulerunt, eo quia aliquid fecerant cum religione Christiana concors, quod injunctis eorum legibus vetitum fuerat, habemus ex Actis SS. Saturnini, Dativi, & aliorum plurimorum Martyrum in Africa jam supra commemoratorum. In his enim SS. Martyres judicio postulati, quod sacram Synaxim contra Imperatoris præceptum egissent, sic Proconsuli responderunt. Proconsul nempe Felicem interrogavit pag. 343. n. 12. & seqq., *Si in collecta fuisset. Felix autem respondit: Quasi Christianus sine dominico esse possit, aut dominicum sine Christiano celebrari? An nescis, Satanas, in dominico Christianum, & in Christiano dominicum constituentem?* Et post alia: *Ego devota mente celebravi dominicum, collectam cum Fratribus feci, quia Christianus sum.* Cumque deinde Proconsul a Saturnino quæsisset, an interfuisset: *Tu, Saturnine, interfuisti?* Saturninus respondit: *Christianus sum.* Proconsul inquit: *Non a te quæro hoc, sed utrum egeris dominicum.* Cui respondit Saturninus: *Egi dominicum, quia Salvator est Christus.* Dominicum quippe sacra mysteria designabat, juxta illud S. Cypriani in *epist.* 63. ad *Cecilium* col. 231. *Numquid ergo d. minicum post cenam celebrare debemus?* hoc est, numquid Divinum Sacrificium celebrare post cenam debemus? quemadmodum scite explicat Cardinalis Baronius in *not. ad Martyrol. Rom. ad diem 25. Decembris.*

13 Hactenus relata desumpta sunt ex Actis sinceris Martyrum a Ruinartio collectis, eaque maximopere prodesse possunt in examine causarum, quæ in sacrorum rituum Congregatione pertractantur, & signanter, quando proponitur dubium de Martyrio & causa Martyrii. In causa Viginti sex Martyrum Japonensium Ord. B. Francisci Fratrum Discalceatorum, ut ostenderetur, mortem fuisse Dei Servis ab Imperatore Japoniæ inflictam ex odio in Fidem, inagnum momentum repositum fuit in sententia mortis ab eo lata, quæ in processum compulsorialem Maniliæ consecutum inserta erat, & de qua Rotæ Auditores in relatione causæ exhibita summo Pontifici Urbano VIII. art. 2. In causa B. Joannis de Prado magnum pariter momentum repositum fuit in contestatione ab ipso habita cum Infideli Rege Marochitano, qui ipsum propria manu interfecit, de veritate Christianæ religionis, & falsitate sectæ Mahumetanæ. In causis BB. Josaphat Pollocensis, Petri de Arbues, Fidelis a Sigmaringa magna sane diligentia ostensum fuit a Postulatoribus, mortem ipsis non ex alia causa inflictam fuisse, quam quia Catholicam religionem promovebant, Hæreses insectabantur, & ad Hæresim abjurandam populum, predicando, incitabant. In causa eorum Martyrum Japonensium, in quibus (uti dictum est) responsum fuit, constare de Martyrio ex parte Tyranni, strenui Postulatores finem persecutionis, & media, quibus persecutionis finis quærebatur, probationibus & conjecturis in aperto posuerunt, ut, mortem a Tyranno inflictam ex odio in Christianam Fidem provenisse, demonstrarent. In *moralibus* etenim finis est, qui dat esse rei & speciem actioni, & ex

& ex mediis adhibitis sepe dignoscitur, qualis fuerit finis a Persecutore seu Tyranno intentus; uti late explieant Suarez in *defens. Fidei Cathol. adversus errores Anglicanae sectae* lib. 6. cap. 10. per tot. praesertim vero a num. 4. usque ad 8. & Hurtado in *resolut. de ver. Martyr. resolut.* 39. num. 4. In quadam causa nonnullorum qui Martyrio coronati dicebantur, dum munereungebar Fidei Promotoris, memini, in magno pretio fuisse difficultatem ab Antecessoribus meis & a me ipsa excitatam, mortem scilicet non fuisse inflictam ex odio in Fidem, cum Religiosis unius Instituti fuerit a Tyranno inflicta, non autem aliis aliis Instituti; licet omnes ob Evangelii predicationem morte multandi videri potuissent, si mors ex odio in Fidem, non autem ex alia ratione causam habuisset. In universum denique nomine odii in Fidem intelligi dicitur directa & immediata Fidei infectio ad extorquendam a Fidelibus veram Fidei negationem, aut Divinae Legis violationem. Item nomine odii in Fidem intelligitur infectio alicujus ob opus ex Christi doctrina necessarium. Denum nomine odii in Fidem intelligitur infectio ob exercitium operis ex se boni, & aliquo tandem modo ad Fidem propagandam, sive tuendam, sive illustrandam tendentis, at lege humana iniqua prohibeti; uti late prosequitur Theophilus Raynaudus in saepe cit. *tractatu de Martyrio per pestem part. 2. cap. 1. num. 11.* Miserabilis quoque, infausta, & extraordinario insolitoque modo mors a Persecutoribus & Tyrannis obita, si non probationem, adminiculum saltem suppeditare poterit, ut pie credamus, ab eis Dei servos fuisse morte multatos ex odio in Fidem Catholicam, aut in aliquam rem ad Fidem relatum. Scâtes nimirum hujus generis conjecturis totus liber Lucii Caeclii Firmiani *Lactantii de mortibus Persecutorum*, ubi cap. 2. agit de morte Neronis, cap. 3. de morte Domitiani, cap. 4. de morte Decii, cap. 5. de morte Valeriani, cap. 6. de morte Aureliani, cap. 7. 17. 19. & 42. de morte Diocletiani, cap. 8. 29. & 30. de morte Maximiani Herculei, cap. 35. de morte Valerii Maximiliani, cap. denique 47. & 49. de morte Maximini.

14. In Actis S. Caesarii ad mortem damnati a Luxurio, qui potestatem acceperat ab Imperatore Trajano, legitur apud Surium 1. *Novembris pag. 4. tom. 6.*, Caesarium Luxurio dixisse: *Me quidem aqua* (sunt enim sacco inclusus una cum S. Juliano Presbytero, & in mare demersus) *qua regeneratus nunquam sumum suum ex se renatum suscipiet . . . Te vero, Luxuri, hodie comedet coluber, ut cognoscat omnis haec regio, quod vindicet Dominus sanguinem servorum suorum, & virginum* (Domitillae videlicet, Euphrosynae, & Theodotae) *quas tu ignibus concremasti.* Post demersos autem Sanctos in mare, Luxurius equo insidens, ad villam suam pransurus festinans, cum quadam praeteriret arborem, serpens lapsus est per caput ejus intet collum & tunicam, atque inde ad ventrem, lateraque ejus lacerans, usque ad cor illius penetravit. Totus igitur intumescens jacebat humi; sed tamen, priusquam animam efflaret, vidit oculis suis psallentes Angelos, & admodum honorifice corpora SS. Juliani & Caesarii ex undis exportantes.

Mortem

mortem a serpente illatam Luxurio Ado & Usuardus traduxerunt ad Acta S: Hiacynti Martyris in Portu Romano, de quo Martyrologium Romanum ad diem 26. Julii. Sed eorum lapsum refellit Joannes Marangoni in suis illustrationibus ad Acta S. Victorini Romæ editis anno 1740. pag. 45.

CAPUT XV.

De requisitis in Martyre necessariis ante Martyrium.

Martyrium dicitur Baptismus sanguinis, juxta illud Marci 10. v. 38. *Potestis bibere calicem, quem ego bibo, aut baptismo, quo ego baptizor, baptizari?* Quamvis enim Martyrium sit actus Fortitudinis & Charitatis, id nihilominus sibi vindicat locum quoad adultos: secus autem quoad infantes, qui sine Baptismo fluminis moriuntur; cum quoad hos sufficiat, occisos fuisse ex odio in Christum; ita ut dubitandum non sit in eis de vi & efficacia Martyrii, quin suppleat vices Baptismi aquæ, & quin per consequens peccatum originale quoad culpam & poenam ex opere operato deleat. In Martyrio quippe configuratur homo ad Christi Passionem & mortem per configurationem realem; at in Baptismo aquæ configuratur ad Christi Passionem & mortem per configurationem sacramentalem. Plures congeri possent ad id facientes Patrum & Theologorum auctoritates: sed satis esse poterit doctrina S. Thomæ 2. 2. quæst. 124. art. 1. ad primum ubi hæc habet: *Martyrii gloriam, quam in aliis propria voluntas meretur, illi parvuli occisi per Dei gratiam sunt affecti; nam effusio sanguinis propter Christum vicem gerit Baptismatis: unde, sicut in pueris baptizatis per gratiam baptismalem merisum Christi operatur ad gloriam obtinendam, ita & in occisis propter Christum merisum Martyrii operatur ad palmam Martyrii consequendam.* Quæ pariter doctrina ab eodem S. Doctore traditur 3. part. quæst. 66. art. 12. & in 4. sent. dist. 4. quæst. 3. art. 3. quæstiunc. 3. eandemque late exornat Cardinalis Bellarminus de sacram. Baptismi lib. 1. cap. 6. §. Probabilior sententia; & hanc communem esse & veram Theologorum sententiam, ostendit Vasquez in 3. part. D. Thoma tom. 2. quæst. 68. art. 3. disput. 153. cap. 7. §. Communis tamen &c.

2 Conferunt quoque ea quæ lib. 1. cap. 14. a nobis allata sunt de pueris ab Herode interfectis, quos diximus cultum Martyrum habere in Ecclesia. Quare inquit S. Augustinus lib. 3. de libero arbitrio cap. 23. n. 68. col. 638. tom. 1. oper. *Etiā infantes illos, qui, cum Dominus Jesus Christus necandus ab Herode quæreretur, occisi sunt, in honorem Martyrum recepti commendat Ecclesia.* Quem ceteri Patres sequuntur collecti ab erudito viro Antonio Sandino in hystor. familia sacra ex antiquis monumentis collecta, & Patavii edita anno 1734. pag. 60. & Ecclesia in Oratione festi eorundem sic loquitur: *Domine, cujus præconium Innocentes Martyres non loquendo, sed moriendo confessi sunt &c.* Nec enim cultum Martyrum omnes simul & indiscrimina-

170 DE SERVORUM DEI BEATIFICATIONE

tim habere possent, si in eorum aliquibus Martyrium ex opere operato culpam & poenam non delevisset. Dictum est omnes simul & indiscriminatim cultum Martyrum habere non posse: qui etenim octavam diem a die suæ nativitatis exceßerant, & ideo circumcisi fuerant, nec peccato originali, nec ejus poenæ obnoxii esse poterant, sive deinde Circumcisio gratiam conferret ex opere operato, juxta sententiam Scoti, cui adhereret Hugo de Sancto Victore lib. 1. de Sacramentis part. 12. cap. 2. tom. 3. sive ex opere operantis juxta doctrinam D. Thomæ 3. part. quæst. 62. art. 6. ad tertium, & quæst. 70. art. 4. per totum.

3 Ab horum porro puerorum exemplo inferunt Theologi, infantes omnes, qui pro Christo occiduntur, veros esse Martyres. Vel etenim, ut ipsi subdunt, aliquod speciale intercessit privilegium in pueris ab Herode interfectis, vel nullum; si nullum, concludunt, omnes infantes, etsi carentes usu rationis, dummodo pro Christo occidantur, esse posse Martyrii capaces: si vero privilegium intercessit, ajunt id non personis, sed causæ fuisse concessum, & ideo sibi debere vindicare locum quoad omnes, qui in eadem causâ versantur; quemadmodum fusc legi potest apud Suarez in 3. part. D. Thomæ tom. 3. disput. 29. sect. 1. pag. 344. edit. Lugdun. an. 1614. Joannes Major in cap. 2. Matthæi dub. 2. circa litteram considerat, infantes ab Herode occisos obiisse in primo Christi adventu in orbem, & idcirco specialem aliquam prærogativam obtinere potuisse, ad quam alii infantes progressu temporis, pro Christo occisi, non sunt admittendi: exemplo Principis, qui in primo ingressu in aliquam insignem urbem liberat detentos in carceribus, quod alias non præstat. Sed hæc voluntaria & gratis excogitata coarctatio beneficentiæ Christi in infantes pro Fide cæcos quolibet carere videtur fundamento. Quocirca ei præferendus videtur Vasquez, qui in 3. part. S. Thomæ tom. 2. quæst. 68. disput. 153. cap. 7. art. 3. hæc habet: Porro quamvis non tam certum sit id quod diximus de aliis infantibus pro Christo occisis, quam de illis qui hac de causa ab Herode interfecti sunt, quia pro interfectis ab Herode Ecclesia traditionem & doctrinam Patrum plenior habemus, nihilominus indubitatum apud nos esse debet, eandem rationem esse de omnibus, qui post adventum Christi propter ipsum occisi sunt. Sententias Scholasticorum pro hac re assert, & etiam Patrum, & signanter S. Bernardi serm. 66. in Cantica, cui addi potest sermo unicus ejusdem S. Bernardi in nativitate SS. Innocentium vol. 1. pag. 794. n. 2.

4 Item, ad ulteriora progrediendo, passim iidem Theologi docent, infantes etiam in maternis uteris occisos, veros esse Martyres, & gratiam sanctificantem accipere, sive ex odio in Fidem occidantur simul cum matre, sive eadem superstita. Neque enim in contrarium urget textus in can. Qui in maternis, de consecrat. dist. 4. ubi dicitur: Qui in maternis uteris sunt, ideo cum matre baptizari non possunt, quia qui natus adhuc secundum Adam non est, renasci secundum Christum non potest. Respondent quippe, textum loqui de Baptismo aquæ, non autem de Baptismo sanguinis; atque adeo ab uno

uno fieri non posse illationem ad alium, cum Baptismus aquæ consistat in ablutione, Baptismus autem sanguinis in morte, & aquæ ablutio fieri vere non possit in pueris adhuc in utero matris existentibus, mors vero iisdem, licet in maternis uteris existentibus, vere infligi possit, & infligatur. Ita Hurtado in *resolut. de vero Martyrio resolut.* 20. §. *His rejectis*, Cardinalis Capisucchi in *sape cit. contro. de Martyr. quest.* 2. §. 3. per tot., Bonacina *oper. moral. tom.* 1. *disput.* 2. *de Baptismo quest.* 1. *punct.* 1. *proposit.* 2. num. 7. late Theophilus Raynaudus *de Martyrio per festum part.* 2. cap. 2. num. 8. Vasquez *tom.* 2. in 3. *part. disput.* 153. cap. 7. Clericat. *de Baptif. decis.* 27. num. 8. & *decis.* 52. num. 3. Tantum inter infantes, & adultos hanc statuunt differentiam, ut Martyribus adultis *Aureola* competat, quæ non competit Martyribus infantibus, juxta doctrinam D. Thomæ in 4. *sent. dist.* 49. *quest.* 5. art. 3. *questiune.* 2. ad 12. ubi, postquam retulit opinionem illorum, qui docebant, Innocentibus ab Herode occisis Divina virtute acceleratum fuisse usum rationis, & ideo Martyres fuisse voluntate & actu, & *Aureola* (quæ scilicet opinio ab eodem S. Doctore perhibetur 2. 2. *quest.* 124. art. 1. *ad primum*) opinionem istam refellens sic scribit: Sed alii dicunt, quod fuerunt Martyres actu tantum, & non voluntate; quod videtur sentire Bernardus distinguens tria genera Martyrum: & secundum hoc Innocentes sicut non pertingunt ad perfectam rationem Martyrii, (in quantum scilicet Martyrium est actus virtutis & fortitudinis) sed aliquid Martyrii habent ex hoc, quod passi sunt pro Christo; ita etiam *Aureolam*, non quidem secundum perfectam rationem, sed secundum aliquam participationem, in quantum scilicet gaudens, se in obsequium Christi occisos esse, ut dictum est de pueris baptizatis, quod habebunt aliquod gaudium de innocentia, & carnis integritate.

5 Conjunctio scilicet hominis cum Deo per ejus perfectam visionem & fruitionem dicitur corona aurea, sive absolute aurea per modum nominis substantivi, sicuti corona triumphalis lauro conferta per modum nominis substantivi dicitur laurea. Porro, cum beatitudini essentiali, gaudio videlicet de conjunctione cum Deo, aliud præmium accidentale addatur, id est gaudium quoddam de operibus factis, quæ habent rationem victoriæ excellentis, juxta doctrinam D. Thomæ in 4. *sent. dist.* 49. *quest.* 5. art. 5. gaudium hoc *Aureola* dicitur, quasi parva corona: *Aureola est quoddam privilegiatum premium privilegiata victoria respondens*. Cumque privilegiata victoria tres præcipue pugnas respiciat, pugnam scilicet contra carnem, quando nimirum pugnans victoriam obtinet abstinendo a delectationibus venereis; pugnam contra mundum, cum quis a mundo persecutionem patitur pro Christo usque ad mortem; & pugnam contra Diabolum, cum aliquis hostem hunc non solum a se, sed etiam a cordibus aliorum removet, quod fit per doctrinam & prædicationem: hinc est, quod, quidquid Fridericus Spanhemius in *suis dubiis Enangelicis part.* 3. *dub.* 89. impie adversus *Aureolas* effutire ausus sit, juxta doctrinam memorati Sancti Doctoris triplex datur *Aureola*, una Virginum, alia Martyrum, tertia Doctorum,

de quibus plura collecta videri possunt apud Sotum in 4. *sent. dist. 49. quest. 5. art. 2. conclus. 1.* Theophilum Raynaudum *tom. 18. lib. de Martyrio per seipsum part. 2.* Cardinalem Capisucchium in *contro. de Martyrio quest. 2. §. 24. & plurib. segg.* Mxurum *Theolog. tom. 3. lib. 11. tract. 12. quest. 100.* Quocirca, si in infantibus pugna deest, docent Theologi, eos utique veros Martyres esse, sed *Aureolam* Martyrii non obtinere.

6 A Nobis alibi, hoc est *lib. 1. cap. 14. num. 3. & 4.* nonnulla allata sunt exempla puerorum ex odio in Fidem Christianam occisorum, qui inter Martyres recensentur. Sed alia quoque addi possunt. In Martyrologio Romano *ad diem 16. Junii* sic legitur: *Tharsi in Calicia Sanctorum Martyrum Quirici & Julitta matris ejus sub Diocletiano Imperatore, quorum Quiricus triennis puellus, cum matrem, qua ante Alexandrum Praefidem nervis durissime cedebatur, implacabili luctu lugeret, ad gradus tribunalis illius interii. Quae profecto desumpta non sunt ex Actis SS. Quirici & Julittae proscriptis a S. Gelasio Papa in can. Sancta Romana, dist. 15. sed ab aliis Actis sincerioribus, uti observat Cardinalis Baronius in not. ad dictum Martyrol. Epistola quippe Theodori Episcopi Iconii, quam Franciscus Combesius ex codice Graeco Regiae bibliothecae Parisiensis edidit anno 1660. quamvis sit labentis saeculi vi. monumentum, & SS. Quiricus & Julitta principio saeculi iv. Martyrium passi sint, meruit tamen, ut inter sincera Martyrum Acta recenseretur a Ruinartio, qui de eorum quoque memoria & cultu in utraque Ecclesia, Latina & Graeca, testimonium perhibet: cum Theodorus narrationem suam a viris fide dignis hauserit, qui eam ab aliis antiquioribus probatis viris audiverant, quemadmodum adnotarunt Tillemont *tom. 5. pag. 349. & Baillet ad diem 16. Junii, & in tabula critica ad dictum diem.* Boilandiani quoque *tom. 7. Maji ad diem 29. pag. 17.* Beati Cyrilli pueri Passionem ex codice ms. Velferi patritii Augustani evulgarunt; & *tom. 3. Julii ad diem. 12. pag. 462.* typis ediderunt Acta B. Andreae pueri a Judaeis trucidati in odium Fidei in Valle Oenana prope Oenipontum in Comitatu Tyrolensi anno 1462. una cum historia cultus eidem exhibiti. Eusebius Caesariensis juxta editionem Sirmundi *tom. 4. Bibliot. veterum PP. lib. 2. de Resurrectione pag. 18.* pluribus exponit Martyrium S. Romani, quod subiit in civitate Antiochena: & Prudentius *hymno 14. v. 671. & seq.* gloriosum canit certamen septennis circiter pueri, qui cum S. Romano passus est. Duorum puerorum illustri loco natorum, qui pro Christo mortui sunt, ex germanis Actis S. Luciani Martyris mentio habetur apud Cardinalem Baronium in *annal. ad an. 311. num. 15. & 16.* Victor de persecutione Vandalica *lib. 5. tom. 8. Bibliot. veter. PP. pag. 693.* narrat, in ea persecutione mulieres, & praecipue nobiles, contra jura naturae nudatas, cruciatas fuisse; & ceteris autem Dionysiam reliquis matronis pulchriorem unicum filium, in tenera adhuc aetate constitutum, & timore poenarum territum, auctoritate materna ita increpasse, ut in certamine confessionis spiritum Deo reddens, Martyrio fuerit coronatus: qui quidem puer Majoricus appella-*

pellabatur , & de eo plura legi possunt apud citatum Cardinale Baronium *in annal. ad an. 484. num. 82.* Idem denique Cardinalis *in annal. ad an. 925. a num. 1. usq. ad 7.* ex Raguel teste contemporaneo præclarum Pelagii pueri Martyrium , quod sæculo x. contigit , exponit . *Eodem citato lib. 1. cap. 14. num. 4.* diximus , nonnulla exempla ibi relata non undequaque prodesse , ut concludatur , infantes , qui in odium Fidei occiduntur , inter Martyres esse recensendos ; & hoc ipsum asserimus etiam de celebri exemplo modo exposito SS. Quirici & Julittæ . Licet enim Quiricus propter ætatem infans dici potuerit , Divinæ tamen Gratix auxilio , non infans , sed ut adultus haberi potuit & debuit ; etenim ex citata epistola Theodori pag. 421. num. 3. habetur , quod *accepto Prætor manu puero, blanda delinens , a fletu cobibere omnino nitebatur , genibusque impositum accipere oscula conabatur . Puer vero intentis in matrem luminibus , Prætorum abs se submovebat , ac caput avertebat ; manibusque obnitens , Prætoris faciem unguculis scalpebat ; velut denique casta turturij pullus , æmulam Sanctus Ciryus vocem pronuntiavit , eandem ipsam matris predicationem edens , ac clamans : Christianus sum . Calcibus quoque Judicis latus ptebat . Tandem eod. lib. 1. cap. 14. diximus , in ipso rei eventu expectandum esse judicium Sedis Apostolicæ , si contingeret , ut apud eam causa institueretur super Beatificatione formali , aut solemnij Canonizatione alicujus pueri interfecti in odium Fidei . Hoc ipsum nunc repetimus : cum nullum adsit exemplum præcedens hujusce rei , cui Sedes Apostolica inniti possit . Nonnulla quippe ex relatis exemplis (uti vidimus) non faciunt ad rem : nonnulla sunt antiqua , & excedunt tempora Alexandri III. qui (ut alibi visum est) novam formam induxit in causas Canonizationum : & illud Simeonis pueri Tridentini , a Judæis occisi in odium Fidei , de quo eod. lib. 1. cap. 14. num. 4. & super cujus obitu authenticus extat processus in archivo secreto castri S. Angeli de Urbe , quem Bollandiani , ceterique omnes qui de eo scripserunt , ignorarunt , non ad formalem (uti vidimus) referri potest Beatificationem , & multo minus ad solemnem Canonizationem , sed ad quamdam æquipolentem Beatificationem . Et in ipso rei eventu serio ponderandum esset , Beatificationes & Canonizationes non solum fieri , ut certos habeamus apud Deum pro nobis intercessores , sed ut etiam gloriosa eorum gesta imitari possimus , quæ porro imitationis ratio in hypothesi cessat . Vel enim imitatio respicere dicenda est infantes , vel adultos . Infantes autem respicere non potest , cum non sint consilii capaces . De adultis dici fortasse posset , eos ad Martyrium quodammodo incitari posse ex Martyrio infantum , cogitantes , si in infantili ætate constituti potuerunt mori pro Christo , potiori ratione hoc ipsum facere posse adultos . Sed , si serio res perpendatur , nulla ex cæde infantum excogitari potest imitatio in adultis ; cum libera voluntas adulti nequeat exemplum sumere ad imitandum ab infante , qui moriendo nullum elicit actum voluntatis , quo Martyrium velit & acceptet , infans autem citra periculum negandi , fructum moriendi habere*

habere possit, uti loquitur Auctor homiliz de S. Blandina, quem Eucherium esse Baronius in *Martyrol. ad diem 2. Jun.* putavit; in Biblioth. vero PP. Lugdun. Eusebius Gallicanus dicitur (tom. 6. *ejusd. Bibl. pag. 632.*).

7 Descendendo autem ad ipsos adultos, de quorum Martyrio sæpe agitur in sacrorum rituum Congregatione, doctrina Ecclesiæ est, ut Martyrium in adultis suppleat vicem Baptismi aquæ, si istum non receperint, deleatque peccatum originale, & peccata actualia quoad culpam & poenam; atque adeo in his, qui Baptismum aquæ receperunt, peccata deleat actualia quoad culpam & quoad poenam temporalem æque & æternam. Res explicatur a S. Cypriano in *prefat. ad lib. de exhortat. Martyr. col. 514.* ubi ait: *Nos tantum, qui, Domino permittente, primum Baptisma (aquæ scilicet, seu fluminis) credentibus dedimus, ad aliud quæque singulos præparemus, infirmantes & decentes, hoc esse Baptisma in gratia majus, in potestate sublimius, in honore pretiosius; Baptisma, in quo Angeli baptizant; Baptisma in quo Deus, & Christus ejus exultant; Baptisma, post quod nemo jam peccat; Baptisma, quod Fidei nostræ incrementa consummat; Baptisma, quod nos de mundo recedentes statim Deo cespulat.* In aqua Baptismo accipitur peccatorum remissio, in sanguinis Baptismo corona virtutum. Concordat S. Augustinus lib. 13. *de civit. Dei cap. 7.* (tom. 7. *oper.*) ubi hæc habet: *Quicumque, etiam non percepto regenerationis lavacro, pro Christi confessione moriuntur, tantum eis valet ad dimittenda peccata, quantum si abluerentur sacro fonte Baptismatis. Qui enim dixit, Si quis non renatus fuerit ex aqua & Spiritu Sancto, non intrabit in regnum calorum; alia sententia istos fecit exceptos, ubi non minus generaliter dixit: Qui me confessus fuerit coram hominibus, confitebor & ego eum coram Patre meo, qui in calis est; & alio loco: Qui perdidit animam suam propter me, inveniet eam.*

8 Astruitur id ipsum aliis Ecclesiæ monumentis. Antonius enim Episcopus civitatis Constantinæ in epistola, quam scripsit Arcadio, qua ipsum hortatus est, ut forti perferret animo, quæ Fidei Christianæ causa Tyrannus in persecutione Vandalica illaturus erat mala, his verbis usus est relatis a Cardinali Baronio in *annal. ad an. 437. num. 5.* *Confige fortiter pro anima tua, qua aus semper vivis, aus semper peris. Ecce dimissa sunt tibi peccata tua, & omnes iniquitates tuas Deus pro hac pugna delebit, quæcumque usque hodie committere potuisti. Et in fine num. 11. subdidit: Expectat te Ecclesia Catholica Martyrem suum, ut honorificet, sicut Stephanum suum. Vide, ne confundas nos in hoc sæculo. Vide ne humilies nos in conspectu Adversariorum. Sustinet tecum Dominus Christus. Sustinet tecum Ecclesia. Esto securissimus de corona. Non timeas penitus preterita, quæcumque committere potuisti, peccata. Porro his coherentem videmus, Ecclesiam pro Martyribus nec preces, nec Sacrificia offerre Deo, utpote quibus eos cognoscit non indigere, sed eorum opem & gratiam apud Deum implorat, juxta illud alio in loco allegatum Innocentii III. in *cap. Cum Martha, de celebrat. Missar. ubi ait: Injuriam facit Martyri, qui orat pro Martyre. Quod desumptum est ex S. Augustino (tom. 3. *oper. part. 2.*) tract. 84. in Joan. col. 709. Ideo quippe ad ipsam mensam**

mensam non sit eos (Martyres videlicet) commemoramus , quemadmodum alios qui in pace requiescunt , ut etiam pro eis oremus , sed magis , ut ipsi pro nobis , ut eorum vestigiis adheramus . Quæ profecto suffragia ab Ecclesia non omittentur , si ipsa non crederet , per Martyrium deleta fuisse quæcumque peccata quoad culpam & quoad poenam tum temporalem tum æternam , eorumque animas statim ad Dei visionem admittas esse . Sola inter Theologos remanet adhuc controversia , utrum ea a Martyrio præstentur ex opere operato , an ex opere operantis ; cum nonnulli ea adscribant actui Charitatis , juxta doctrinam D. Thomæ 3. part. quæst. 66. art. 12. ad secundum , ubi ait : Effusio sanguinis non habet rationem Baptismi , si sit sine Charitate , ex quo patet , quod Baptismus sanguinis includit Baptismum fluminis . Et rursus 2.2. quæst. 124. art. 2. ad secundum : Martyrium est actus Charitatis , ut imperantis , Fortitudinis autem , ut elicientis . At alii , videlicet Cajetanus , Sotus , Bellarminus , Suarez , alique apud la Croix tom. 2. lib. 6. part. 1. traç. 2. num. 238. docent , Martyrium justificare non stricte ex opere operato , sicuti Sacramenta , sed quasi ex opere operato , ex quodam scilicet privilegio propter imitationem Passionis Jesu Christi , qui salutem æternam promisit ei qui vitam suam propter se posuisset , quod fit , statim ac mors sustinetur pro Fidei defensione .

9 Verum , ut prædictis insignibus prærogativis Martyrium potlatur , nonnullæ dispositiones , quæ mortem præcedunt , & de quibus quidem in hoc capite agimus , sunt necessariæ , sive gratia in Martyrio conferatur ex opere operantis , sive ex privilegio & quasi ex opere operato . Loquimur scilicet de adultis , atque adeo quemadmodum in adultos Baptismus fluminis gratiam confert ex opere operato , & , ut cum fructu ab eis recipiatur , nonnullæ præviæ dispositiones requiruntur juxta Concilium Tridentinum sess. 6. de justificatione . cap. 6. ita id ipsum dicendum est de Baptismo sanguinis , hoc est de Martyrio , nonnullas videlicet præcedere debere dispositiones , ut optatus effectus haberi possit , etiam si quasi ex opere operato & ex privilegio in eo gratia conferatur , & peccata remittantur .

10 Ideoque , si adultus sit Catechumenus , oportet , ut , si possit , ante Martyrium Baptismus fluminis recipiat . Item , si adultus sit baptizatus , & peccata commiserit , oportet , ut ante Martyrium , si possit , eorum expleat confessionem Sacerdoti ; si vero non possit , ut de eis doleat ; & demum , si possit , sacram recipiat Eucharistiam . Sunt etenim hæc omnia a jure Divino præcepta constitutis in articulo mortis , neque ea solvere Martyrium potest . S. Cyprianus epist. 54. col. 172. scribit : *Idoneus esse non potest ad Martyrium , qui ab Ecclesia non armatur ad prelium ; & mens deficit , quam non recepta Eucharistia erigit & accendit* : Et paulo post : *Quomodo potest ad confessionem paratus aut idoneus inveniri , qui non prius pace accepta receperit Spiritum Patris , qui corroborans servos suos , ipse loquitur & confitetur in nobis* ? Doctrina hæc est etiam D. Thomæ in 4. lib. sent. dist. 4. quæst. 3. art. 3. ad primum , ubi ait : *Ad primum ergo dicendum , quod Baptismus sanguinis , & Baptismus*

ptissimus poenitentia habent vim eandem regenerandi cum Baptismo aqua, quia Baptismus sanguinis & poenitentia non valent ad regenerationem, nisi ei qui habet Baptismus aquae in proposito, scilicet, quando articulus necessitatis, non contemptus religionis Sacramentum excludit, ut in littera dicitur (scilicet Magistri sententiarum) & sic quodammodo agunt in vi Baptismi aqua, & in questione. 3. in corpore ait: In his, quae sacramentalia sunt, Baptismus sanguinis non supplet vicem Baptismi aqua, sicut est impressio characteris, & huiusmodi; sed in ea, quod est res tantum supplet totaliter vicem Baptismi aqua, quando articulus necessitatis Sacramentum excludit: idque etiam docet 3. part. quest. 66. art. 11. in corpore. Concordant Soto in 4. sent. dist. 15. quest. 1. art. 2. ubi in 3. conclus. inquit: Si ille, qui Martyrio expositus est, inducias habet, ut possit peccata recollere, tenetur quidem, verbi gratia, dum est in carcere. Immo, si copia suppetit Sacramentis & temporis, confiteri tenetur (si singulare est Confessionis praeceptum in articulo mortis, de quo dist. 18. disputabitur). Quod si tantum temporis non habeat, possit tamen habere dolorem in genere, ad id etiam obligatur. Nam Martyrium non aliter potest vicem Poenitentiae supplere, quam supplet vicem Baptismi: non autem huius vicem supplet, nisi, ubi ejus copia haberi non potest. Si enim sub ipsius agonis articulum offerretur Martyri Baptismus, quem remueret, res vera non esset orbi datus Martyr Pari ergo modo, si tempus habet poenitendi & Poenitentiam renuit, contemptor est & virtutis & Sacramenti, a quo adeo tunc nullus fervor Martyrii absque Poenitentia sufficit. Elius in 4. lib. sent. dist. 4. §. 21. tom. 2. pag. 98. Respondendum videtur, ex Patrum testimonio satis apparere, quod sent. ant. Martyrium per se efficax esse ad ablucanda peccata & prestandam salutem. In prius autem id liquido convincitur ex Martyrio infantum. Quocirca dicendum, Martyres non baptizatos habere quidem satis remedium ex Martyrio, ut videlicet a peccatis ablui vitam habeant; sed, quia Baptismus omnibus est in praecepto, ideo illum suscipere tenentur, si possint. Auctor tractatus de Canonizatione Sanctorum ad Cardinalem Montis Regalis cap. 4. ubi inter dispositiones ad Martyrium requirit in adultis dolorem peccatorum admittorum, & susceptionem sacramenti Poenitentiae, si fieri possit, Nam Martyrium non liberat ab obligatione praeceptorum, quorum unum est Poenitentia susceptio ante mortem. Et late prosequuntur Theophilus Raynaudus in tract. de Martyr. per pestem, oper. tom. 18. cap. 5. pag. 445. & pag. 453. Hurtado in resolut. de ver. Martyr. resolut. 30. §. 1. & §. 2. suse & optime Cardinalis Capisucchi in controuv. de Martyr. quest. 2. §. 11. & plurib. seqq. Cardinalis de Lauræa in 3. lib. sent. tom. 3. part. 2. art. 6. num. 65. & seqq. & art. ult. num. 281. & num. 286. & seqq. Cardinalis Gotti Theolog. tom. 13. quest. 2. de Baptismo. dub. 4. §. 1. Juvenin. de Sacram. disput. 2. de Baptismo. quest. 8. cap. 3. versic. Respondeo, concessa majori, Tournely de sacram. Baptis. art. 2. pag. 230. edit. Paris. an. 1727. Berti de Theolog. discipl. tom. 6. lib. 31. cap. 24. §. 3. Disputatur quidem inter Theologos, an qui peccatorum recordatur, quae commisit, & confessus non est, nec poenitentiam egit, si ea formaliter (ut ajunt) non detestetur, sed eliciat amorem Dei super omnia, tum

line

sine Confessione decedat, ex isto actu amoris Dei justificationem obtineat. Porro nonnulli censent, ad justificationem sufficere detestationem peccatorum inclusam in actu dilectionis Dei super omnia: Hadrianus *quodlibet.* 7. *quest.* 4. Vega *lib.* 6. *super Concil. Trident. cap.* 34. & *seqq.* Major *dist.* 14. *quest.* 1. Alii autem volunt, tutius & probabilius esse, ad justificationem non sufficere actum Charitatis, sed requiri actualem contritionem & detestationem peccati non confessi, & cujus quis recordatur: Soto 3. *part. relect. de Pœnit.* Verum, cum hæc disputatio procedat extra tempus, quo præceptum urget Pœnitentix, sicuti animadvertunt Cardinalis de Lugo *disput.* 5. *de Pœnit. sect.* 7. *num.* 95. & Aversa *de Pœnit. quest.* 3. *sect.* 8. hinc sit, ut, urgente præcepto confitendi & poenitendi, cum instat articulus mortis, non obstante supradicta disputatione, semper verum sit, conficium peccati mortalis non remissi, cujus recordatur, teneri ejus formaliter poenitere, si tempus suppetat; & etiam id confiteri, si habeat copiam Confessarii; ita ut ad illius justificationem non sufficiat aut actus dilectionis Dei super omnia, aut Martyrium libenter susceptum; uti præter supra allatos late prosequuntur Silvius in 3. *part. quest.* 66. *art.* 11. & *quest.* 88. *art.* 2. Gordonus *tom.* 2. *lib.* 6. *quest.* 19. *cap.* 4. Candidus *tom.* 2. *disput.* 24. *art.* 5. *dub.* 6. & *seqq.* Præposit. in 3. *part. D. Thome quest.* 68. *art.* 3. *dub.* 8. & *quest.* 86. *art.* 2. Et coherentem ad hæc, propolitis coram Nobis post prima allatos late prosequuntur Pontificatum erectis duabus Martyrum causis, Venerabilium videlicet Rodulphi Aquavivæ & Sociorum e Societate Jesu, ab Idololatriæ insularum Salfetarum occisorum in odium Fidei, & Ignatii Azevedi & triginta novem Sociorum ex eadem Societate Jesu in odium Fidei occisorum a Socia Duce piratarum; in prima, in qua jam a Nobis editum est decretum, constare videlicet de Martyrio & causa Martyrii, multum perpendimus præparationes habitas ad illud: a Rodolpho quippe & Sociis renovata fuerunt vota Religionis paulo ante Martyrium, Rodolphus, Paciecus, Berno, & Aranea Corolinum profecturi, ubi mortem subierunt, in Orinensem sedem convenerunt, ubi Confessione præmissa, primi quatuor, qui erant Sacerdotes, sacrum peregerunt; & Aranea, qui non erat Sacerdos, Confessione præmissa, sanctissima Eucharistia relictus est: & in secunda, quæ diebus proxime elapsis coram Nobis proposita est & in qua decretum quoque supra relatum edidimus, Martyrium & causam Martyrii approbans, inter actus ad Martyrium præparatorios non in modico certe fuit pretio, quod spatio quinque mensium qui mortem præcesserunt, omnes spiritualibus exercitiis S. Ignatii exultati sunt, & antequam navem conscenderent, omnes Confessionis & Communionis sacramenta receperunt, & dum prospero vento navis veheretur, continue ipsi verba miscebant de beatitudine Martyrum in cælis sanguinis pretio comparati.

II Præter hæc, alia quædam proponuntur a Theologis quæsitæ. Primum est, an qui moriturus est pro Christo, & Baptismum fluminis non recepit, nec habet commoditatem recipiendi, teneatur habere deside-

Tom. III.

Z

rium

rium eum consequendi. Eftius nempe *loc. cit.* dicit, sufficere, si non contemnat, sed non requiri, ut expetat, cum salutem expectet ab alio, eo-que excellentiore remedio: exemplo ejus, qui necessitate aliqua prohibetur ab adimplenda lege positiva aut jejunii, aut vigiliæ; non tenetur enim desiderio aspirare ad eam implendam, sed satis est, ut non contemnat; nisi forte lex talis esset, quæ remedium præscriberet necessarium ad salutem, quemadmodum est lex Baptismi extra casum Martyrii. Probabilius tamen esse videtur, in Catechumeno, qui fluminis Baptismum non recepit, nec satis habet commodi ad recipiendum, ut moriens pro Christo inter Martyres recipiatur, votum Baptismi fluminis necessario requiri, ex late adductis per Clericat. *cit. decis. 27. num. 9. de Baptif.* Secundum est, an qui conficius est alicujus peccati, nec habet copiam Confessarii, instante mortis executione ipsi pro Christo inferendæ, teneatur peccata commissâ detestari, & actum elicere contritionis. Cardinalis Bellarminus *loc. cit.* sufficere dicit attritionem, cum satis sit dispositio quæ est necessaria ad Baptismum aquæ; & sequitur eum Bonacina *oper. moral. tom. 1. disput. 2. de Baptif. quæst. 1. punct. 1. proposit. 2. num. 8.* cui adhæret Anaclet. *Theol. mor. tract. 7. dist. 1. qu. 6. num. 58.* Cardinalis autem de Lauræa *in 3. sent. par. 2. tom. 3. disput. 20. art. 9. num. 141.* dicit, id non esse certum, sed probabile: & quidem Suarez *in 3. part. D. Thomæ tom. 3. disp. 29. qu. 69. art. 10. scilicet. 3.* & post eum Maurus *Theolog. tom. 3. lib. 11. quæst. 98. num. 9.* docent, hominem qui est in peccato mortali, instante occasione seu necessitate moriendi pro Christo, debere præmittere contritionem peccatorum per formalem detestationem eorum, & dilectionem Dei super omnia, cum in re tanti momenti non teneatur relinquere medium certum pro incerto. Adhæret his Hurtado *cit. oper. resolut. 3. t. 3. ex quo scilicet ita certum non est, attritionem supra naturam sufficere cum Martyrio, sicuti certum est, eam sufficere cum sacramento Poenitentiae: atque adeo iidem admittunt, attritionem sufficere posse per accidens, sive intercedente bona fide per ignorantiam probabilem juris, aut facti; eosque sequitur Raynaudus *loc. cit. pag. 554.* Soto loco pariter *sup. alleg. in cit. conclus.* docet, hominem raptum ad Martyrium, si atrocitas mortis ejus occupat mentem, veniam apud Deum per mortem impetrare, licet sit in peccato, dummodo non sit in ejus actuali oblectatione, quam vocat *complacentiam*, aut proposito, cum prædictus homo habeat actum Charitatis, qui includit Poenitentiam, licet ea non sit formalis: & eum sequitur Cardinalis Gotti *loc. cit.* ubi ait num. 3.: *Probabile esse, aliquando sufficere contritionem virtuales inclusam in fervore dilectionis, quo quis pro Deo & Christo eligit animam suam ponere: tunc enim, si subito a Persecutore rapiatur, nec illi occurrat suorum peccatorum memoria, illo actu, quo vult ex amore Christi vitam suam prodigere, censetur virtualiter detestari, quidquid Deo & Christo displicere potest.* Veruntamen Eftius *cit. lib. 4. §. 4. pag. 203.* in medio relinquit hanc controversiam de sufficientia virtualis contritionis in eo rerum eventu:*

eventu : at Hurtado in *resolut. de ver. Martyr. resol.* 31. §. 8. virtualis contritionis sufficientiam admittit, si memoria peccatorum non occurrat.

12 Hæc autem indicasse satis sit, cum internos actus respiciant, de quibus Ecclesia non judicat. Quocirca resumentes materiam actuum externorum, qui judicio subsunt Ecclesiæ, his cohærenter quæ paulo superius ex Theologis desumptæ sunt, dicimus primò, si occasione examinis alicujus causæ in sacrorum rituum Congregatione, in qua de Martyrio & causa Martyrii alicujus Servi Dei adhuc Cathecumeni ageretur, Fidei Promotor ostenderet, eum potuisse recipere aquam Baptismi, sed non recepis-
sisse, imponendum fore causæ silentium ex rationibus supra indicatis. Prodest quoque huic assumptioni Passio SS. Montani, Lucii, & aliorum Martyrum Africanorum inter Acta sincera collecta a Ruinart. pag. 201. num. 2., in quibus sic legitur de Donatiano & Primolo Cathecumenis : *Post popularem tumultum, quem ferox vultus Præfidis in necem concitavit, postque sequentis diei acerrimam persecutionem Christianorum prævaricam apprehensi sumus Lucius, Montanus, Flavianus, Julianus, Victorius, Primus, Renus, & Donatianus Cathecumenus, qui baptizatus in carcere statim spiritum reddidit, ab aquæ Baptismo ad Martyrii coronam immaculato itinere festinans. Necnon & circa Prim. lum similis consummationis exitus contigit, nam & ipsum ante paucos dies habita confessio baptizavit. Concordat apud eundem Ruinart. Passio S. Genesii ex mimo Martyris, qui exhibens ludum Diocletiano Imperatori de mysteriis Christianæ observantiæ, in medio theatri quasi ægrotus decumbens Baptismum postulavit, tum non simulate ac fictæ, sed ex puro corde Baptismum ipsum a ministro recepit, deinde Martyrii coronam capitis obtruncatione promeruit. Item quoad Baptismum Haminis ante Martyrium, celebre est exemplum SS. Rogatiani & Donatiani Martyrum, quorum Passio est inter citata Acta pag. 247. num. 5. *Beatus autem Rogatianus, sine Baptismatis gratia se præventum esse, contristatur; sed hoc sibi ex Fide credidit esse pro Lavacro, si fratris sui Catholici osculum mereretur. Quo comperto, Beatus Donatianus pro germano his verbis fudit preces ad Dominum dicens: Domine Jesu Christe, apud quem hoc obtrinent prompta vota, quod facta, quia, ubi non potuisse impedit, sufficere creditur voluisse, cum nobis donasti eligere, tibi soli posse servasti, si famulo tuo Rogatiano pura Fides donum Baptismatis; & si contigerit, persistente Præfide, crastina die nos feriente gladio interire, sanguinis effuso fiat ei Christum sacramentum.**

13 Dicimus secundo, si occasione quoque examinis alicujus causæ in sacrorum rituum Congregatione, in qua de Martyrio ageretur, constaret, Dei Servum aliquod grave peccatum commisisse, de eo autem dolorem non habuisse, vel, habita copia Confessarii, sacramentalem Confessionem non explevisse, non posse in eadem causa ad ulteriora procedi, urgentibus rationibus supra adductis. Narrat S. Petrus Damiani *opus.* 47. cap. ult. quasdam meretrices fuisse Martyrio affectas ob repudiatos turpes amplexus Saracenorum, licet passim Christianos admisissent; subditque Theo-
philus

philus Raynaudus *cit. oper. par. 2. cap. 5. num. 25*. Martyres esse non potuisse, nisi peccatum quoque cum Christianis essent averſate: quod quinſecerint, dubitari non poteſt, cum narretur, Chriſtum eis apparuiſſe, & ad extremum certamen animaviſſe: Occurrit Paſſio quoque S. Afræ, quæ circa annum 304. e proſtibulo Martyr effecta, ſuo exemplo comprobavit, neminem a ſpe ſalutis excludi, qui fructus dignos poenitentiae, etiam poſt vitam gravioribus criminibus contaminatam, produxerit. Tyrannus itaque illi imperavit, ut Diis ſacrificaret. Afræ autem reſpondit *pag. 400. num. 1. & ſeq.*: Sufficiunt mihi peccata mea, quæ ignorans Deum geſſi; hoc autem, quod me jubet facere, nunquam factura ſum. Ad hæc Tyrannus reſpoſuit: Meretrix es, ſacrifica; quia aliena es a Deo Chriſtianorum. At Afræ ait: Dominus meus Jeſus Chriſtus dixit, ſe pro peccatoribus deſcendiſſe de celo. Nam & Evangelia ejus teſtantur, quod meretrix rigaverit lacrymis pedes ejus, & indulgentiam acceperit, & meretrices & Publicanas nunquam deſpexerit, quos etiam ſecum manducare permiſit. Tyrannus ſore dixit, ut ſi ſacrificaret, multas pecunias a peccatoribus acciperet. Afræ vero ait: Pecunias execrabiles jam nunquam accipiam; nam & quas habui, quaſi ſordes abſeci, quia non erant de bona conſcientia. Fuerant pariter cum Afræ in peccatis ſociæ Digna, Eunomia, & Eutropia, quæ ſimiliter poſt eam Martyrium ſubierunt, ut habetur in Paſſione S. Afræ inter *Acta ſincera Martyrium* collecta a Ruinart. Demum Joannes & Benedictus Monachi atque diſcipuli S. Romualdi, ſtatim ac perſenſerunt adventum Perſecutorum, confeſſionem invicem fecerunt, etſi forte levium peccatorum ſibi eſſent conſcii, & S. Crucis ſe coeperunt vexillo communire; uti legitur apud Cardinalem Baronium in *annal. ad an. 1000. num. 15*.

14 Dicimus tertio, idem judicium ſerendum eſſe de cauſa Martyris, qui ſacram Euchariftiam recipere potuiſſet ante Martyrium, & non recepiſſet. In Actis ſinceris & ſelectis SS. Perpetuæ, Felicitatis, & Sociorum *ap. Ruinart*, inter ceteras viſiones narratur, Chriſtum Dominum habitu paſtoris oves mulgentis apparuiſſe, & de caſeo, quem mulgebat, dediſſe Perpetuæ quaſi buccellam, quam ipſa accepit junctis manibus, & manducavit, tum univerſi aſtantes dixerunt: Amen. Poſt quæ, Fratribus rogantibus, utrum eſſent morituri, an ſalvi emittendi, reſpondit, Paſſionem eſſe futuram, nec ullam in ſeculo ſpem habendam. Ritus enim vero perceptionis Euchariftiæ adumbratus cernitur in buccella Perpetuæ porrecta, in ejus devota acceptione & manducatione, atque in vocibus circumſtantium acclamantibus: Amen. Quocirca Petrus Poſſinus (*loc. cit. pag. 92.*) inquit: Ego exiſtimo inde, quod in viſione adumbratus erga Perpetuam ritus fuerat Euchariftia miniſtranda, qua cum notiſſimo tunc uſu dari ſoleret iis quos certum erat brevi morituros, recte in Perpetua & ipſius fratre ita interpretati ſunt, ut ſignificatam eo viſo Confeſſorum mox ſecuturam necem arbitarentur. Quod etiam animadverterunt Bollandiani ad eadem Acta SS. Perpetuæ & Felicitatis ad diem 7. Martii *cap. 1. pag. 633. tom. 1*. Opportuna ſunt verba

verba quoque *epistola* 54. col. 171. apud S. Cyprianum : *At vero nunc non infirmis* (sermo est de illis, qui semel in persecutione lapsi, tum numero poenitentium adscripti, a novis Persecutoribus pro Christi confessione interficiendi videbantur.) *At vero nunc non infirmis, sed sanis pax necessaria est, nec morientibus, sed viventibus Communicatio a nobis danda est; ut, quos excitamus & hortamur ad praelium, non inermes & nudos relinquamus, sed protectione Sanguinis & Corporis Christi muniamus; & cum ad hoc fiat Eucharistia, ut possit decipientibus esse tutela, quos tutos esse contra Adversarium volumus, munimento Dominica saturitatis armemus. Nam quomodo dicemus, aut provocamus, eos in confessione nominis sanguinem suum fundere, si eis militaturis Christi Sanguinem denegamus? Aut quomodo ad Martyrii poculum idoneos facimus, si non eos prius ad bibendum in Ecclesia poculum Domini jure Communicationis admittimus? & paulo post: Idoneus esse non potest ad Martyrium, qui ab Ecclesia non armatur ad praelium, & mens deficit, quam non recepta Eucharistia erigit & accendit.*

15 Hic porro non inutile nec inopportuno videtur nonnulla inferre de his, quæ olim a Fidelibus præstabantur erga Dei servos in carceribus detentos & Martyrium expectantes. Fideles nempe ad carceres, in quibus hi detinebantur, conveniebant, ut eos visitarent; cumque non caute, sed aliquando incaute id fieret, S. Cyprianus *epist.* 4. col. 31. modum, qui sequitur, præscripsit: *Nam, etsi Fratres pro dilectione sua cupidi sunt ad conveniendum, & visitandum Confessores bonos, quos illustravit jam gloriosis initii Divina dignatio, tamen caute hoc, & non glomeratim, nec per multitudinem simul junctam puto esse faciendum, ne ex hoc ipsi invidia concitetur, & introeundi aditus denegetur, & dum insatiabiles totum volumus, totum perdamus. Opera potissimum Diaconorum prædictis Dei servis necessaria ad victum & vestitum ex Fidelium eleemosynis subministrabantur; quod adeo effusa liberalitate aliquando factum est, ut nonnulli vino, quod myrrha conditum Confessoribus exhibebatur, ut fortiores in tormentorum tolerantia essent, inebriati Præsidibus de Fide eos interrogantibus responsum dare non potuerint. De prædicta scilicet Diaconorum cura illustre extat documentum in fragmento historia Passionis Sanctorum Dakivi, Saturnini, & Sociorum apud Albalpinæum post observat. ad S. Optatum pag. 291. scripta a quodam Donatista, in qua Menfurius Episcopus graviter redarguitur, quod uteretur opera Cæciliani Diaconi, quem, licet per enormem calumniam, nonnulli infimulabant, quod cibos Martyribus non pararet, uti tenebatur, sed deferentes per vim averteret: Etenim hic Tyranno favior, carnifice crudelior idoneum sceleris sui ministerium Diaconum suum elegit Cæcilianum; idemque lora & flagra cum armatis ante fores carceris ponit, ut ab ingressu atque aditu cunctos, qui victum potumque in carcerem Martyribus afferebant, gravi affectu injuria propulsaret; & cadebantur a Cæciliano passim, qui ad alendos Martyres veniebant. Sittientibus intus in vinculis Confessoribus, pocula frangebantur ante carceris limina, cibi passim lacerandi canibus spargebantur. De ebie-*

ebrietate vero ejus, qui Præfidi interroganti respondere non potuit, testis est Tertullianus *de jejuniis* adv. *Psychic.* cap. 12. his verbis: *Postremo ipso tribunalis die, luce summa, condito mero tanquam antidoto premedicatum ita enervastis, ut paucis ungulis titillatus, hoc enim ebrietas sentiebat, quem Dominum confiteretur, interroganti Præsidi respondere non potuerit amplius, atque ita de hoc jam exortus, cum singultus & ructus solos haberet, in ipsa negatione digressus.* Quamobrem, ut hæc scandala amoverentur, S. Cyprianus *cit. epist. 4.* enixe commendavit, ut necessaria tantummodo Confessoribus indigentibus, non autem superflua subministrarentur. *Quantum autem ad sumptus suggerendos sive illis, qui gloriosa voce Dominum confessi in carcere sunt constituti, sive iis, qui pauperes & indigentes laborant, & tamen in Domino perseverant, peto, nihil desit; cum summula omnis, qua redacta est, illis sit apud Clericos distributa propter ejusmodi casus, ut haberent plures, unde ad necessitates & pressuras singulorum operari possint.* Et *epist. 5. col. 33.* postquam iterum dixit, subministranda esse eis quæcumque necessaria, subdidit: *Modo ut fiant ex vobis, & instruantur & discant, quid secundum Scripturarum magisterium Ecclesiastica disciplina deprecatur, humiles & modestos & quietos esse debere, ut honorem sui nominis servent, & qui gloriosi voce fuerunt, sint & moribus gloriosi, faciant se dignos, ut in omnibus Dominum promerentes ad celestem coronam laudis suæ consummatione perveniant.*

16 Temporalem Diaconorum curam sequebatur cura spiritalis Sacerdotum, qui carceres ingrediebantur, ut coram Confessoribus in illis detentis Sacrificium Deo offerrent: & hic quidem etiam saepe memoratus S. Cyprianus in *alleg. epist. 4.* prudenter admonuit, ut non semper iidem Presbyteri carcerem ingrederentur Missas celebraturi, sed, mutatis personis, alter alteri succederet ad invidiam declinandam: *Consulite ergo & providete, ut cum temperamento hoc agi tutius possit; ita ut Presbyteri quoque, qui illis apud Confessores offerunt, singuli cum singulis Diaconis per vires alternent, quia & mutatio personarum & vicissitudo convenientiam minuit invidiam.* Ad Sacerdotes præterea pertinebat, salutaribus monitis detentos in carceribus ad mortem pro Christo sèrendam præparare: & Tertullianus quidem Presbyter Carthaginienensis hoc officio forsitan functus est, cum in libro ad *Martyres* inscripto dicat pag. 190., se non cibum & potum, sed utilia quedam spiritalia eis subministrare velle: *Inter carnis alimenta, benedicti Martyres designati, qua vobis, & Domina Mater Ecclesia de uberibus suis, & singula Fratres de operibus suis propriis in carcerem subministrant, capite aliquid & a nobis, quod faciat ad spiritum quoque educandum: Carnem enim saginari, & spiritum esurire non prodest.* Tum, postquam protestatus est, se non esse dignum, ut eos alloqueretur, ait, operam suam non inutilem esse futuram, cum experientia constiterit, Gladiatores ad pugnam aliquando fuisse utiliter incitatos etiam ab illis, qui præliandi artem & robur non habebant: *Nec tantus ego sum, ut vos alloquar: veruntamen & Gladiatores perfectissimos non tantum Magistri & Præpositi sui, sed etiam idiote, & super-*

vacue

vacue quique adhortantur de longinquo, ut sepe de ipsi populo dicta suggesta profuerint. Item in Ecclesiasticis monumentis laudabilis sit commemoratio Sacerdotum Germanici, Numidici, Tertulli, qui supra expositam Martyrum spiritalem curam strenue gesserunt: de Germanico enim legitur in epistola Ecclesie Smyrnenfis de Martyrio S. Polycarpi apud Ruinart. pag. 33. *nom. 3. Fortissimus enim Germanicus eorum timiditatem tolerantia sua corrobora-
ravit; de Numidico in Clerum Carthaginiensem cooptato sic loquitur S. Cyprianus epist. 35. col. 111. Nam admonitos nos & instructos sciatis dignatione Divina, ut Numidicus Presbyter adscribatur Presbyterorum Carthageni-
suum numero, & nobiscum sedeat in Clero luce clarissima confessionis illustris, & virtutis ac Fidei honore sublimis, qui hortatu suo copiosum Martyrum numerum lapidibus & flammis necatum ante se misit; idemque S. Cyprianus epist. 37. meminit Tertulli Presbyteri, quem vocat fidelissimum & devotissimum pro sollicitudine & cura, quam Fratribus in carceribus pro Christo de-
tentis in omni obsequio operationis impertiebatur. Nec Episcopi ipsi se ab onere similia peragendi liberos esse existimarunt, eo quod Sacerdotes & in carceribus Sacra facerent, & spiritalia monita Martyribus suppeditarent; quemadmodum desumitur ex epistola Cleri Romani ad S. Cyprianum, quæ est 31. inter eas prædicti Sancti. En ejus verba col. 99. In quo
loco maxime tibi atque uberes gratias referre debemus & reddimus, quod illum carceris tenebras litteris tuis illuminasti, quod ad illos venisti, quod modo introi-
re potuisti, quod illorum animos sua fide & confessione rebnsas tuis allocutionibus litterisque recreasti, quod felicitates eorum condignis laudibus prosecutus accendi-
sti ad multo ardentiorum celestis gloria cupiditatem, quod promos impulisti, quod, ut credimus & optamus, victores suos viribus tui sermonis animasti; ut, quanquam hoc totum de Fide consuetum, & de Divina indulgentia venire vi-
deatur, tamen in Martyrio suo tibi ex aliquo debitores facti esse viderantur.*

17 Theologorum asserta, Martyrum exempla, veteris Ecclesie quoad Martyres disciplina apertissime ostendunt, in causis Martyrum inquirendum esse, si tempus illis non defuit, quomodo se ad Martyrium præpara-
raverint, & an media necessaria atque utilia ad æternam salutem adipe-
scendam adhibuerint. Etenim, quatenus ulteriora hujusce rei documen-
ta exquirantur, profecto non desunt. Martyrium Emmerami Episcopi Ratisponensis sub Theodoro Principe Bavarie contigit principio secu-
li viii. Oculi nimirum S. Episcopo radicitus evulsi, nares & aures ampu-
tatæ, manus & pedes detruncati, verenda impudenter abstracta, ser-
roque in os injecto lingua est præcisa: atque ita, corpore trunco reli-
cto, cum satellites abiissent, & ille a Vitali Presbytero ad refrigerium
aquam postulasset, Vitalisque respondisset, melius sibi videri, mortem
optare, quam recreationem; Emmeramus, collecto spiritu, ut potuit,
sic reposuit, ut est apud Cardinalem Baronium in *annal. ad an. 702. n. 3.*
*Non tibi in mentem venit, sepe me dixisse, neminem ad mortem festinare debe-
re, sed potius optare, ut differatur, ut possit piis intercessionibus faciem Domi-
ni præ-*

ni preoccupare, ut detur spatium infirmis ad agendam poenitentiam propter ea, quæ humana infirmitas perpetravit? Suffragantur exempla causarum, quæ in factorum rituum Congregatione examen subierunt. In causa enim Viginti sex Martyrum Japonensium, in causa Martyrum Gorcomiensium, in causis SS. Joannis Nepomuceni ac Fidelis de Sigmaringa, & B. Joannis de Prado, cauti Postulatores ex processibus desumpserunt probationes gestorum ab illis, ut se debitis modis ad mortem præpararent. Anteaquam quoque vitam Martyrum, & virtutes ab ipsis exercitas ante Martyrium pro felici exitu causæ, si probationes non desint, expedit exponere; licet enim nemo possit de condigno (ut dicitur) Martyrium mereri, juxta illud S. Petri Chrysologi tom. 7. *Biblioth. PP. Lugd. serm. 152. pag. 962. Attendat audier, attendat, ut intelligat, Martyrium, non consistere per meritum, sed venire per gratiam; de congruo tamen Martyrium cruentum aliquis mereri potest, si per longum usum Martyrii incruenti cruento proluserit, juxta illud S. Eucherii, sive Eusebii Gallicani (tom. 6. *Bibl. PP. Lugd. pag. 671.*) sub init. homil. de S. Romano: At vero per diuinam seruitutem, vteremque militiam, & emeritam devotionem gratiam laboribus comitari, & cooperante Retributione, munificentiam virtutibus prævenire, ac meritis invitare, quam ardua difficultas, tam gloriosa felicitas est. Exempla etiam hujusce rei a nobis allata sunt lib. 1. cap. 29. num. 2. quibus addi potest causa B. Josaphat Archiepiscopi Pollocensis: in relatione quippe Rotæ Auditorum exhibita Urbano Papæ VIII. part. 3. susce enarrantur virtutes ab eo exercitæ ante & post receptum Episcopatum, necnon alia, quæcumque ab eo facta sunt, imminente tempore mortis.*

18 Dictum est autem, expedire ad felicem exitum causæ Martyrum, sed non est dictum, esse necessarium, ut morum & virtutum ratio habeatur. In aliquo siquidem rei eventu contingere potest, ut aliquis magnis sceleribus obstrictus, si pro Fide Christi mortem subeat, Martyrum catalogo adscribi possit, uti cit. lib. 1. cap. 29. ostensum est. Porro præter exemplum S. Afræ supra memoratum, & alia S. Jacobi Intercisi, necnon Casti & Amilii, qui prius Christum negaverant, relata cit. lib. 1. in epistola Ecclesiarum Viennensis & Lugdunensis de Martyrio S. Pothini Episcopi & aliorum plurimorum, hæc habentur apud Rinart. pag. 57. n. 13. *Ceterum ingens gloria accessit Christo per eos, qui prius quidem negaverant, tunc vero confitebantur Fidem Christi præter spem atque expectationem Gentilium. Item in homil. supra cit. S. Basilii Magni de SS. Quadraginta Martyribus tom. 2. oper. refertur, unum ex eis, relicto balneo aquæ frigidæ, in balneum aquæ calidæ se injectisse, & Fidem deferuisse; Lictorem vero, statim ac vidit, illum defecisse, se ipsum in desertoris locum substituisse, & abjectis indumentis, se se cum ceteris commiscuisse, clamantem, Christianus sim, numerumque Martyrum implevisse, & alios mœstos ob socium amissum fuisse consolatum. S. Hieronymus in epist. ad Pamachium & Oceanum de erroribus Origenis tom. 1. oper. col. 529. num. 11. fateatur, Pamphilum Martyrem*

tyrem cum Origene multos errores asseruisse, sed sic eum excusat: *Quo modo, inquit, Martyrio dignus fuit? Scilicet, ut Martyrio deleteret errorem, ut unam culpam sanguinis sui effusione purgaret. Quanti in toto orbe Martyres, antequam caderentur, variis subjacere peccatis? Tertullianus in apolog. advers. Gentes, in fin. pag. 81. de Martyre sic loquitur: Pasi exoptat? ut totam Dei gratiam redimat, ut omnem veniam ab eo compensatione sanguinis sui expediat? omnia enim huic operi delicta donantur. Suffragatur S. Ambrosius lib. 1. de Poeniten. cap. 11. col. 403. tom. 2. oper. ubi hæc habet: Plurimos comperimus se denuo reformasse post lapsum, & pro nomine Dei passos. Num possumus his Martyrum consortia negare, quibus Dominus Jesus non negavit? Audemus igitur dicere, non esse his vitam redditam, quibus Christus coronam reddidit? Sicut ergo post lapsum plerisque, si patientur, corona redditur; ita, si credant, & Fides redditur. Quia Fides Dei donum est, sicut habes scriptum (Philip. 1. 29.) Quia a Deo vobis datum est, non scilicet ut credatis in eum, sed etiam ut pro illo patiamini. Numquid is, qui Dei donum habet, potest non habere indulgentiam? Non una autem, sed duplex gratia est, ut omnis qui credit, & patiatur pro Domino Jesu. Habet igitur qui credit, suam gratiam; habet autem alteram, si Fides ejus Passionibus coronetur. Neque enim priusquam pateretur Petrus, sine gratia fuit, sed ubi passus est adquisivit alteram. Huc referri possunt quæ superioris lib. 2. cap. 29. num. 2. a Nobis dicta sunt de S. Cypriano, qui sequens opinionem Agrippini Carthaginienensis Episcopi docuit, Baptismum ab Hæreticis collatum non solum illicitum, sed etiam invalidum. Ibi enim ex S. Augustino demonstravimus, probabiliter existimari posse eum ante mortem sententiam retractasse. Nunc autem addimus, eundem sanctum Doctorem lib. 1. de Baptismo contra Donatistas cap. 18. col. 94. tom. 9. oper. non omisisse, quod S. Cypriani lapsus a ceteris præciscendo, abundanter deletus dici debebat per subsequens Martyrium: Ad Martyrii coronam meruit pervenire, ut si qua in ejus lucidam mentem ex humana conditione nebula irrepserat, gloriosa serenitate fulgentis sanguinis fugaretur. Et paulo post: Quod in Catholica unitate permansit, & Charitatis ubertate compensatum est, & Passionis salce purgatum. S. Eulogius tom. 15. Bibliot. veterum PP. in suo memoriali Sanctorum alibi relato lib. 3. cap. 17. pag. 282. testatur, S. Auream exterritam minis Tyranni Mahumetani, ore Christum negasse, & deinde intrepidam & constantem Christianæ Fidei confessione de Tyranno triumphasse, & suo sanguine culpam suam eluisse; ipsamque tantquam Martyrem coli, pluribus referunt Bollandiani tom. 4. Julii pag. 651. Refert etiam Raynaldus ad an. 1333. num. 44. Stephanum Hungarum Minoritam in urbe Saray voluptate & infidiis victum ad Mahumetanos descivisse, tum flagitii poenitentem, abjurata publice superstitione, ab ardenti fornace, in qua idcirco fuerat clausus, illæsum exivisse, postea a furentibus Saracenis gladiis, hastis, securibus oppressum animam Deo reddidisse, & post mortem miraculis claruisse. Idem Raynaldus ad an. 1358. num. 7. Martyrium refert Thomæ Hungari, qui, postquam ad*

Tom. III.

A 2

Mahu-

Mahumetanos defecerat, Christi Fidem imperterritio animo confessus est, quamobrem ab Ægyptio Soldano Alexandria cæsus gloriosam Martyrii palmam promeruit una cum tribus Minoritis Nicolao, Francisco, & Petro, quorum sacra corpora, dum a carnificibus secabantur, cælesti fuerunt splendore circumfusa. Insuper P. Joseph Augustinus Orsi sæpe a Nobis cum laude commemoratus e duplici codice manuseriptorum bibliothecæ S. Marci civitatis Florentinæ edendam curavit, & notis Illustravit *Narrationem Martyrii Beati Antonii, seu Antonini de Ripolis sui Ordinis Prædicatorum*, conscriptam à Francisco Castilionensi, & Jacobo Cardinali Papiensi dictam, in qua pretiosa Antonii mors exponitur, cruciatusque, cõstantia in cruciatibus, & perseverantia in Fide sæpe referuntur; licet Antonius frequentii populo, & præsentè barbaro Rege anno 1459. calamitate defessus gloriosissimum Christi nomen, & sanctam ejus Fidem abnegasset. Denique, dum munere fungebar Fidei Promotoris, actum fuit de introducenda causa Martyrii Fr. Alipii à S. Joseph Clerici Professi Congregationem Fratrum Eremitarum Discalceatorum S. Augustini, qui, postquam Catholicæ Christianæque Fidei publicum nuntium remisisset, gloriosa ductus poenitentia sanguinem pro Christo sudit. Petierunt scilicet Postulatores causæ introductionem, at eam obtinere non potuerunt; non eo quia oppositio à me facta præteritæ defectionis à Fide aliquod pondus habuerit, sed quia alia requisita ad *signaturam Commissionis*, seu ad causam introducendam deficiebant.

19 Cohærenter ad hæc delato ad Nos post nostram assumptionem ad Pontificatum examine controversiæ à Fidei Promotore excitatæ, an in causa Ven. Servi Dei Joannis de Britto Societatis Jesu Sacerdotis ad ulteriora procedendum esset, ad discussionem videlicet dubii super Martyrio & causa Martyrii, quandoquidem in Missione Madurensi ritibus usus fuerat Illarum regionum auctoritate Sedis Apostolicæ prohibitis; Nos post audita suffragia Cardinalium sacris ritibus Præpositorum, in Congregatione habita coram Nobis respondimus, ad ulteriora esse procedendum, non solum quia fuerant à Dei Servo adhibiti, non utcuinque, sed prout à Sede Apostolica ad eam diem fuerant permissi, sed etiam quia quicumque reatus deletus censendus erat per subsequens Martyrium, ususque prohibitus retractatus per retractationem, non atramento, sed sanguine scriptum; veluti defumitur ex decreto à Nobis relato *lib. 2. cap. ult. num. 11. hujus Operis*.



CAPUT XVI.

*De Martyrii desiderio, ejus acceptione, spontanea ad ipsum oblatione,
& fuga, urgente persecutione.*

ANtequam ad mortem, & mortis causam discutiendam deveniamus, nonnulla alia in hac Martyrii materia sunt ponderanda, quæ Martyrum mortem præcedunt. Porro horum primum est, an possit aliquis Martyrium exoptare, atque a Deo petere; secundum, an de ratione Martyrii sit, ut Martyr mortem per actum voluntatis acceptet; tertium, an possit se morti offerre; quartum, quando fugere possit, aut teneatur; quintum, an Martyr possit Tyrannum provocare; sextum, an obster Martyrio, si Martyr pugnet, aut obstat morti sibi inferendæ. Nonnulla videlicet ex his in hoc capite examinabuntur, alia autem in proximo subsequen-
tibus.

2 Ducto itaque initio a Martyrii desiderio, Martyrium laudabiliter desiderari potest: inquit enim Apostolus 1. ad Timoth. cap. 3. v. 1. *Si quis Episcopatum desiderat, bonum opus desiderat;* & S. Gregorius ait, hoc fuisse dictum ab Apostolo, quo tempore ille, qui plebibus præerat, primus ad Martyrii tormenta ducebatur; eumque sequitur S. Thomas 2. 2. quæst. 185. art. 1. ad primum. Item, nisi ita res foret, Christus nos ad Martyrium non esset cohortatus: *Christus passus est pro nobis, vobis relinquens exemplum, ut sequamini vestigia ejus*, inquit S. Petrus epist. 1. cap. 2. v. 21. Atque alia hujusmodi apud Theologos passim legi possunt. Sed & historica si consulimus Ecclesiæ monumenta, Celerinus Confessor, quem S. Cyprianus epist. 22. c. l. 78. commendat, a moderatione præsertim, humilitate, & verecundia, ita scribit ad Lucianum Confessorem epist. 20. col. 70.: *Pete ut sis dignus & ego cotinari cum numero vestro.* Et rursum: *O te felicem suscipere vota tua, quæ semper desiderasti vel in terra dormiens.* Optasti pro nomine illius in carcerem mitti, quod nunc tibi consigit, sicut scripsimus est. *Det tibi Dominus secundum cor tuum.* S. Hieronymus de vita Pauli Eremitæ (tom. 2. oper. col. 2. n. 2.) inquit: *Sub Decio & Valeriano Persecutoribus, quo tempore Cornelius Roma, Cyprianus Carthagine felici ornare Martyrium pertulerunt, multas apud Ægyptum, & Thebaidem Ecclesias tempestas sæva populata est. Vix tunc Christianis eras, pro Christi nomine gladio percuti. Verum Hostis callidus tarda ad mortem supplicia conquirit, animas cupiebat jugulare, non corpora, & ut ipse, qui ab ipso passus est, Cyprianus ait, volentibus mori non permixtatur occidi.* In Actis sinceris SS. Montani, Lucii, & Sociorum, cum Flavianus in carcerem, Martyrio dilato, revocatus esset, tum ipse, tum Socii id egre tulerunt. Quare Montanus (ut est in Actis apud Ruinart. pag. 205. n. 15.) cum autem jam carnis fœx immineret, & gladius super cervicem ejus libratus penderet, expansus ille ad cælum manibus, voce clara, ita ut non tantum ad aures plebis, sed &

Gentiles quoque ipsos sonus vocis feriret, oravit rogans & deprecans, ut Flavianus, qui per suffragium populi de comitatu eorum remanserat, sequeretur die tertis. Nec alia erant vota matris Flaviani, de qua pariter in Actis n. 16. subjungitur. Harebat lateri ejus incomparabilis mater, qua præter Fidem, qua ad Patriarchas pertinebat, in hoc etiam se Abrahe filiam comprobavit, quod filium suum & optabat occidi, & quod interim remansisset, contristabatur intimo dolore. Ipse vero Flavianus his verbis matrem consolabatur: Scis, mater merito carissima, ut semper tentaverim, si confiteri contigisset, Martyrio meo frui, & frequenter catenatus videri, & sæpe differri? Si ergo contigit quod optavi, glorandum est potius, quam dolendum. Resumi etiam possunt quæ in superioribus dicta sunt de Martyribus ex desiderio: quæ omnia demonstrant, probe, merito, & laudabiliter Martyrium desiderari, & ad Deum preces fundi posse pro eo obtinendo. Etenim oppositio ex eo deducta, quod non possit Martyrium desiderari & peti, quin desideretur & petatur peccatum Tyranni, cessat, statim ac animadvertitur, nos posse a Deo petere, ut nos ipsos constituat in occasione Fidem profitendi coram Tyranno, cum id contingere possit sine ejus peccato; atque adeo posse petere, ut nos in ea occasione positos confirmet Gratiæ suæ auxilio, & efficaciter adjuvet ad Fidei veritatem non negandam; utque, si ea de causa pati oporteat, confortet & adjuvet nos ad tormenta atque ad mortem patienter & libenter sustinendam; uti bene advertit Cardinalis de Lugo de justis, & jur. tom. 1. disput. 10. sect. 1. num. 45. Eandem quæstionem pertractans Hurtado in resolut. de ver. Martyr. resolut. 38. §. unic. in fa. ait, peccatum Tyranni non cadere sub Martyris electionem, sed præsupponi; eoque præsupposito, Martyrii desiderium esse meritum. Cardinalis de Lauræa in 3. lib. sens. tom. 3. part. 2. disput. 20. art. 11. num. 192. docet, opere Martyrium pro Christi gloria, & quærere media quæ possunt ad illud conducere, non modo esse licitum, sed etiam perfectissimum opus supererogationis. Concordat cum Hurtado Estius in lib. 2. sens. dist. 23. §. 2. Huc pertinent desideria Sanctorum appetentium Martyrium, & provocantium Diabolum ad certamen. Non enim desiderant actus malos Diaboli, aut malorum hominum sive per internas suggestiones, sive per externas persecutiones, minas, terrores, tormenta sollicitantium ipsos ad peccata, sed præsupposita illorum malitia, desiderant ipsas afflictiones, quæ, ut tales, a Deo sunt, & proinde bonæ. Ad dicitur Silvius in 2. 2. D. Thomæ quæst. 59. art. 3. ad quintum, ubi sic loquitur: (Martyres) licet voluntarie patiantur comparatione ad Deum & Ecclesiam, non tamen per comparationem ad Tyrannos, seu Tyrannorum actiones, quas non cupiunt ipsos facere, quamvis præsupposita ipsorum malitia velint eas pati. Denique Christus ipse Dominus notter, exemplar Martyrum, qui testimonium reddidit sub Pontio Pilato, 1. Timoth. cap. 6. v. 13. suam voluit Passionem, licet ea quidem sine peccato crucifigentium haberi non posset.

3 Acceptio mortis per actum voluntatis mortem antecedit vel tempore, vel ratione; & idcirco de ea agimus in hoc capite. Scilicet, qua n-

vis co-

vis eodem voluntatis actu, quo quis mortem acceptat, eam acceptet ex aliqua ratione, cum tamen in illo eodem actu intelligi possint duæ rationes quodammodo distinctæ, id est altera generalis, quæ sit absolute acceptio mortis, altera specialis, quæ sit acceptio mortis Fidei defendendæ causa, quæ actui speciem tribuit, & ipsum constituit in specie Martyrii; agimus in præsentî solum de generali mortis acceptione per actum voluntatis, & quærimus, an sit de essentia Martyrii; alibi autem sermo instituetur de ratione acceptionis.

4. Putant itaque nonnulli, non requiri mortis acceptionem per ullum actum voluntatis. Et quidem, ut est in *lib. 1. cap. 47. num. 26. & plurib. seqq.* de eo, quod inter Paschalem II. contigit, & Henricum IV. Imperatorem, cum Paschalis privilegium revocasset, quod Imperatori concesserat, dicebat, se privilegium concessisse timore mortis, quam suis imminere videbat; Goffridus vero Abbas Vindocinensis & Cardinalis Tituli S. Priscæ *lib. 1. epist. 7. tom. 21. Biblioth. PP. pag. 7.* scribens ad eundem Paschalem ajebat, non debuisse privilegium concedi juribus sacris adversum, sed opportunius fuisse aliorum mortem permittere, quæ Martyrii splendore fuisset illustris, quam privilegium elargiri. Porro, quia prævidit, opponi posse, quod qui mortui fuissent, occubissent inviti, subdidit, hoc minime obstant, Martyres futuros fuisse: Si objicitur, quod inviti forsân paterentur, & idcirco eorum Passio crederetur infructuosa, quod spontanea minime videretur &c. Si aliter non possent, contra suam voluntatem mori debuissent, quia nec sic Martyrii palma frandari potuissent. Innocentes etenim Sancti, qui nec voce, nec voluntate Martyrium quasiisse leguntur, quoniam pro Domino pertulerunt, corona Martyrii non privantur. Hos sancta Ecclesia non solum Martyres esse, verum etiam Martyrum flores conficitur. Unde firmiter credendum est & nullatenus dubitandum, quod supplicium mortis pro Fide Christi homini collatum, etiam si pro carnis infirmitate noluerit, & tamen non negaverit, Martyris vindicat nomen & premium. Alibi quoque, hoc est *cit. lib. 1. cap. 2. num. 3.* allata est epistola S. Cypriani ad Tibaritanos, in qua ait, Martyrem esse illum, qui Tyrannum fugiens, & se in solitudinem recipiens, a fera vel latrone occiditur. Quibus auctoritatibus innixus Hurtado *cit. oper. tract. 5. resolut. 26. §. 1.* contendit, nullam, saltem in homine justo, requiri Martyrii acceptionem per actum voluntatis, & etiam dormientem, aut phreneticum, si a Tyranno interficiatur ex odio in Fidem, Martyrem esse, licet ante somnum, vel phrenesim de Martyrio non cogitaverit. Verum communior est, eaque retinenda Theologorum sententia, quæ in adulto Martyrii acceptionem per actum voluntatis exposcit, ut, si pro Fide Christi interficiatur, Martyr sit. Ad hoc enim facit illud Matthæi 16. v. 24. *Si quis vult post me venire, abneget semetipsum, & tollat crucem suam, & sequatur me.* Negatio liquidem sui, crucis assumptio, sequela Christi actum voluntatis exposcunt. Facit etiam ratio, quia Martyrii susceptio est actus meritorius vitæ æternæ, & idcirco debet esse voluntarius & liber.

5 De

5. De voluntate, seu de acceptione Martyrii per voluntatem quaeritur etiam, utrum debeat esse actualis, an possit esse virtualis, & etiam habitualis, & an sufficiat interpretativa. Pie enim praesumi potest, Christiannum, oblata occasione Martyrii, id pro Fide Christi fuisse subiturum, uti praesumi potest, dormientem, aut phreneticum Poenitentiam, & extremam Unctionem, urgente mortis periculo, fuisse petiturum, licet nulla praecesserit voluntas formalis ante somnum, vel phrenesim, Poenitentiae atque extremae Unctionis. Exclusa autem interpretativa, eo-quia non ita facile praesumi potest, aliquem pro Christo tormenta & mortem esse passurum, sicuti praesumi posset, eum fuisse petitarum Sacramentorum, si id facere potuisset; actualis est optima, virtualis sufficit, quae non sit retractata & influat in actum; & sufficere quoque dicendum est habitualement, puta, si quis aliquando Martyrium optasset, postea nihil de eo cogitans, sed praedicans, aut aliud quid meritorium faciens, per insidias occideretur ex odio in Fidem; hic enim utique Martyr habendus esset, & id ipsum etiam dicendum esset de eo qui dormiens occideretur, si formalem prius habuisset voluntatem Martyrium subeundi. Quibus admissis, nemo est qui non videat, non posse eum inter Martyres recenseri, qui, licet prius nihil de Martyrio cogitasset, dormiens a Tyranno ex odio in Fidem occideretur, etiam si iustus esset, cum rationes, quae probant necessitatem acceptionis Martyrii per actum voluntatis, aequale robur habeant, sive de iusto tractetur, sive de peccatore: Theophilus Raynaudus de Martyrio per pestem part. 2. cap. 3. num. 3. & 7. Bonacina oper. moral. tom. 1. disput. 1. quest. 1. punct. 1. proposit. 2. Lessius in lib. de Fortitud. cap. 4. num. 24. Maurus Theolog. tom. 3. lib. 11. quest. 95. num. 1. & num. 3. Cardinalis de Lauræa in 3. lib. sent. part. 2. tom. 3. disput. 20. art. 6. num. 76. & seq. fusc. Cardinalis Capisucchi in contrav. de Martyrio part. 1. §. 13. Cardinalis Gotti tom. 13. quest. 2. dub. 3. §. 1. Anaclet. Theolog. moral. tract. 7. disp. 3. quest. 6. num. 44. & 45. & optime Rotæ Auditores in relatione causæ B. Josaphat Polloensis part. 2. ubi scite animadvertunt, habitualement acceptionem non sufficere, si nomine habitualis ea intelligatur, quam formalis nunquam praecessit: *Acceptatio etiam mortis requiritur in Martyrio, & voluntaria ejusdem tolerantia, quia, cum sit actus virtutis, debet esse omnino voluntarius, ut inquit Dionysius Thomas, & Philosophorum est inconcussimæ axiomæ; alioquin mors poenaceretur, non Martyrium: & volitio seu acceptatio debet esse plusquam habitualis, magis interpretativa tantum, atque adeo quæ aliquando fuerat actualis & vere exercita, perseverans saltem moraliter, prout dicitur de Sacramentis, & passim per Theologos: unde fit, eos, qui dormientes occiduntur pro Christo, non esse proprie Martyres, nisi materialiter; homo quippe dormiens non est proprie voluntarius. Dum munereungebar Fidei Promotoris, proposita fuit in sacrorum rituum Congregatione antepreparatoria causâ Ven. Dei Servi Joannis Juvenalis Ancinæ Salutiarum Episcopi, & de more discutendum propositum fuit dubium de virtutibus. Postulatores itaque putabant, agi posse de Dei*

de Dei Servo non tantum uti Confessore, sed potius uti Martyre, cum occubuerit ex veneno sibi propinato a Sacerdote, quem propter scandalosam cum nonnullis Monialibus conversationem severe redarguerat. Ipse vero opposuit, Joannem Baptistam Spadam sacre Consistorialis Aulae, & Fisci, & Camerae Advocatum super praedicto facto scribentem sensisse, id non esse sufficienter probatum, ut habetur in ejus *consil.* 150. *rom.* 1. cumque etiam in meis animadversionibus addidissem, etiam si factum probatum esset, deficere probationem acceptionis Martyrii, quippe quia Dei Servus occubuerat ignorans, sibi venenum fuisse propinatum; oppositio haec suo non caruit effectu. Consultores nimirum suum tulerunt suffragium in eadem causa hujusce Servi Dei non uti Martyris, sed uti Confessoris. Quocirca fortius confirmatur sententia de necessaria Martyrii acceptione per actum voluntatis, de qua supra. Nec vero doctrinae isti Vindocinensis epistola ullum obstaculum præbere potest; quia ille nititur Martyrio Infantium qui fuerunt ab Herode occisi, cum unusquisque bene percipiat, non valere illationem ab infantibus ad adultos. Pariter, quod attinet ad epistolam S. Cypriani, vel Sanctus ipse intelligendus est & explicandus non de Martyribus stricto, sed lato modo sumptis, quemadmodum advertunt Cardinales Capisucclus, & Gotti: vel credendum, in rerum eventu à S. Cypriano ponderato præcessisse formalem acceptionem Martyrii; ita ut fugiens persecutionem aut aliquando Fidem confessus sit, aut confiteri voluerit, sed fugam arripuerit, nè se exponeret periculo negandi, sive ut aliis auxilium præstaret, ne deficerent, quemadmodum subdit Cardinalis de Lauræa.

6 Sed hæc indicasse satis sit, cum ad Forum potius internum respiciant, quam ad externum. Admisso quippe, occisum, dum somno esset correptus, ex odio in Christum, Martyrem esse posse coram Deo, si præcedentem formalem voluntatem subeundi Martyrium habuisset; difficilem nihilominus ejus causa progressum haberet, si in sacrorum rituum Congregationem introduceretur, cum hæc liquidas probationes mortis, & causæ mortis tum in Martyre, tum in Tyranno exposcat, necnon probationes perseverantiae usque in finem, ut infra videbimus: quæ quidem probationes non videntur posse reperiri in istiusmodi rerum eventu. Quocirca, ad ulteriora procedendo, quaeritur, an Martyri liceat se offerre Martyrio, & an spontanea ad ipsum oblatio obstat ejusdem merito.

7 Porro spontanea ad Martyrium oblatio juxta antiquam Ecclesiae disciplinam erat vetita. In Actis Proconsularibus S. Cypriani Episcopi & Martyris apud Ruinart. n. 1. pag. 188. sic Paternus Proconsul interrogat S. Cyprianum: *Volo ergo scire ex te, qui sint Presbyteri qui in hac civitate consistunt.* Cyprianus Episcopus respondit: *Legibus vestris bene atque utiliter consuisisti, delatores non esse. Itaque detegi & deferri a me non possunt. In vi civitatis autem suis inveniuntur.* Paternus Proconsul dixit: *Ego hodie in hoc loco exquirò.* Cyprianus dixit: *Cum disciplina prohibeat, ut quis se ultro offerat,* &
tua

tue quoque censura hoc displiceat, nec offerre se ipsi possunt, sed a te exquisiti inveniuntur. Antea id ipsum idem S. Cyprianus docuerat *epist. 83. col. 342.* *Nec quisquam vestrum aliquem tumultum Fratribus moveat, aut ultro se Gentilibus offerat; apprehensus enim & traditus loqui debet.* Hanc eandem S. Cypriani doctrinam memorat S. Augustinus *contra epistolam Gaudenii lib. 1. num. 40. col. 657. tom. 9. oper.:* *His sacris Litteris eruditus Beatus Cyprianus in confusione sua dixit, disciplinam prohibere, ne quis se offerat.* Item spontanea hæc oblatio ante SS. Cyprianum & Augustinum reprobata fuit in epistola Ecclesiæ Smyrnenfis sæpe citata de Martyrio S. Polycarpi apud Ruinart. *num. 4. pag. 28.* Tunc unus, Cointus nomine, Phrygius, superveniens sorte de patria, pronus ad patiendum voluntate, festinans, cruento Judici se securus objecit. *Sed voluntatem viciit infirmitas. Missis namque ad se feris, & ipso aspectu timore percussus, corpit nolle quod voluit, & conversus ad Diaboli voluntatem probare illud, ad quid veneras destruendum.* Hinc itaque Proconsul multis pellationibus sacrificare persuasit. Ideo non eos Fratres laudare debemus, qui se ultro offerunt, sed eos qui inventi latentes in Passione potius perseverant. Sic nos namque Evangelicus sermo confirmat, & hoc hortatur exemplo, quo videmus, cessisse ultronem, & viciisse compulsum. Demum neque Mensurio Carthaginienſi Episcopo placuit, nonnullos se Persecutoribus offerre, & dicere, se habere Scripturas sacras, quas tradere volebant: qua de causa decrevit, eos non esse Martyrum catalogo adscribendos, licet fuissent a Tyrannis interfecti; contra vero, cultum Martyrum esse illis deferendum, qui a Persecutoribus intercepti mortem potius subire voluerunt, quam sacros Codices prodere, teste S. Augustino in breviculo collationis cum Donatistis *collat. tertie diei cap. 13. col. 568. tom. 9. oper.* ubi narrat, lectas fuisse epistolas Mensurii Episcopi, in quibus habebatur, *Eos, qui se offerrent perfectionibus non comprehendens, & ultro dicerent, se habere Scripturas, quas non traderent, a quibus hoc nemo quaeserat, displicuisse Mensurio, & ab eis honorandis eum prohibuisse Christianos; lecta quoque fuisse Scripta Secundi Tisigiani ad eundem Mensurium, ubi & ipse exposuit, quæ Persecutores in Numidia egerant, & qui comprehensi, & Scripturas sacras tradere nolentes, multa mala passi, & gravissimis suppliciis excruciat, atque occisi fuerant, quos honorandos pro Martyrii corona commendaverat; uti est in historia Donatistarum Cardinalis Norſi part. 1. oper. tom. 4. pag. 18.*

8 Ab hac tamen regula pariter juxta antiquam disciplinam excepti erant illi, qui Fidem abjuraverant: ipsis enim permittebatur, ut se offerrent Tyranno, & prælium redintegrarent; ut scilicet qui pro tribunali Christi abnegaverant, eo ipso in loco illum confiterentur. Quare idem S. Cyprianus in *epist. 52. col. 149. ad Amonianum* dicit, se lapsis promiscue pacem dare noluisse, ut publica potius coram Tyrannis confessione & sanguine suo, quam habita a Sacerdotibus absolutione patratum scelus abluerent: *Nam, cum acies adhuc inter manus esset, & prælium gloriosi certaminis in persecutione ferveret, toto hortatu & pleno impetu militum vires fuerant excitanda,*

tanda, & maxime Lapforum mentes classico quodam nostræ vocis fortiter animanda, ut penitentia viam non solum precibus & lamentationibus sequerentur; sed quoniam repetendi certaminis & reparanda salutis dabatur occasio, ad confessionis potius ardorem & Martyrii gloriam nostris increpiti vocibus provocarentur. Pluraque ad id comprobandum collecta legi possunt apud Verricellum de Apostol. Mission. tit. 1. quest. 9. sect. 3. num. 29.

9 Rursus in historia Ecclesiastica non desunt aliorum exempla, qui tanquam Martyres coluntur, etiam si se Tyrannus obtulerint. De Christianis sui temporis Lucianus de morte peregrini num. 13. pag. 337. ait: *Persuaserunt enim sibi miseri in universum quidem se futuros esse immortales, & perpetuo tempore viuros: unde etiam contemnunt mortem vulgo, suaque se sponte occidendos præbent.* Justinus apolog. 2. num. 12. narrat, cum Platonis doctrina delectaretur, ac de criminibus in eos conjectis audiret; eorum innocentiam perpexisse, quod nemo libidinosus & intemperans mortem amplecti possit, ut bonis suis careat, ac non potius omnino in hac vita semper versari, & Magistratus latere conetur, nedum seipsum deferat morte multandum. Tertullianus ad Scapulam cap. 1. pag. 129. inquit: *Cum omni severità vestra concertamus etiam ultro erumpentes, magisque damnati, quam absoluti gaudemus.* S. Joannes Chrysostomus homil. in SS. Juveninum & Maximinum tom. 2. pag. 579. hanc reddit rationem, cur Julianus Apostata apertam noluerit moliri contra Christianos persecutionem: *Cum videret res nostras Martyrum morte clariores fieri), & ea causa non solum viros sed & teneros pueros virginesque innuptas: & in summa ex omni sexu & ætate quosdam pro religione ad mortem proficere omnes enim dicebat ad Martyrium, quasi ad alvearium apes, volabant.* Celebre demum est nomen Phocæ Martyris, qui, cum lictores hospitio accepisset, qui dicebant, se missos ad Phocam interficiendum, promisit, se die crastino illis Phocam ostensurum; tum, loco ad sui sepulturam præparato, ætans eis dixit: *Ego ille ipse sum* (apud Ruinart. pag. 492.). Hæc nimirum & alia hujusmodi erudite collecta legi possunt in dissertatione apologetica P. Josephi Augustini Orsi pro SS. Perpetua & Felicitate pag. 155. & seqq. quibus addi potest, in Martyrologio Romano ad diem 24. Martii fieri commemorationem SS. Martyrum Timolai, Dionysii, Pausidis, Romuli, Alexandri, alterius Alexandri, Agapii, & alterius Dionysii, de quibus in Menologio Græcorum jussu Basilii junioris Imperatoris sæculo x. conscripto legitur, eos sponte sua accessisse ad Præsidem urbis Cæsareæ, qui tunc torquebat Christianos, & coram ipso stantes, se Christianos confessos esse; ut & ex dicto Menologio adnotarunt Bollandiani in eorum vita ad diem 24. Martii pag. 478. tom. 3. Addi etiam potest, in eodem Martyrologio Romano ad diem 25. Januarii commemorationem fieri S. Projecti Episcopi & Martyris, de quo in ejus vita scripta a coætaneo apud Bollandianos ad dictam diem refertur, ipsum de loco, in quo orabat, Persecutores vocasse, qui Amarinum, sive Marinum occidentes putaverant, se occidisse Projectum, eisque dixisse: *Ecce hic est, quem queritis; facite, quod cupitis.*

Tom. III.

B b

Subdit

Subdit autem citatus Pater Orsi pag. 157. eos, qui se obtulerunt ultro Tyrannis, id fecisse ex speciali Spiritus Sancti impulsu: *Eodem Spiritu & illos actos fuisse, qui se ipse ultro Tyrannis obtulerunt, vel majori, quam debuissent, libertate utentes ad faciendum magis magisque inflammaverunt, & eorum postea, memoriam inter Sanctos Martyres semper coluit Ecclesia, pro certo tenendum est, nisi innumeros Martyres & sacris fastis expungere nostro arbitrati velimus.* Enimvero Caprasius Martyr, cujus festum in Martyrologio, annuntiatur die 20. Octobris, rabiem persecutionis declinans in spelunca latebat, nec ad aream certaminis properavit, nisi postquam postulatum a Deo signum obtinuit, quod ex lapide speluncæ limpidissima aqua manaret, ut in eodem legitur Martyrologio. At, cum de speciali Spiritus Sancti impulsu & inspiratione cogitandum sit, vel cum actus ex sui indole & natura bonus non est, quo spectant eorum exempla, qui sibi mortem intulerunt, de quibus supra actum est, vel cum circumstantiæ non adfunt, quæ actum bonum & meritorium constituere possint; omisso nunc examine impulsus & Divinæ particularis inspirationis (de qua alibi) videndum est, an aliquæ sint circumstantiæ, quæ spontaneam Martyrio oblationem bonam & laudabilem possint efficere. Hujusmodi circumstantiæ non desunt. Si enim quis, se sponte sua offerendo Martyrio, alios ad idololatriam ruentes se retrahere posse sic agendo probabiliter existimet, laudabiliter & merito se offeret; exemplo S. Romani inter Palæstinenfes Martyres recepti, de quo Eusebius Pamphili Cæsariensis Episcopus in libro de Martyribus Palæstinæ cap. 2. pag. 409. tom. 1. narrat, eum Antiochiam ingressum, cum innumerales viros simul ac mulieres una cum parvulis templa Deorum adeuntes & sacrificantes vidisset, zelo Divini cultus propius accessisse, eosque increpando objurgare coepisse, ob quam causam illico comprehensus Martyrio coronatus est. Item, si aliquis, se sponte sua ad Martyrium offerendo, exemplo suo nutantes in Fide Christianos se putet posse confirmare, pie & laudabiliter se offeret. S. Basilii Magnus in oratione de S. Gordio Martyre num. 3. ait, eum ad vasta deserta, & hominibus invia loca contendisse; tum, postquam se jejuniis, vigiliis, orationibus probe exercitatum & ad certamen instructum animadvertit, ad urbem rediisse, quo die equestre spectaculum populo parabatur in honorem Martis, cui velum Judæi & Gentiles, sed etiam Christiani qui negligenter vivebant, intereant, & stantem in eminentiori parte theatri ingenti voce exclamasse: *Invocatus sum a non querentibus me, palam apparui his, qui me non interrogabant; quibus verbis se in eum venisse locum significavit minime coactum, sed ultro se certamini exhibuisse.* Nihil demum vulgatus in Actis Martyrum, quam voces illæ ultronem: *Christianus sum: mori volo: & cetera* hujusmodi, uti bene adnotavit Balutius in notis ad cap. 11. *Auctoris de mortib. Persecutor.* (tom. 2. miscellan. pag. 371.)

10 Ex annalibus Cardinalis Baronii habemus acerrimam contra Christianos excitatam fuisse persecutionem a Rege Abdarameo Mahumetano

Cor-

Cordubæ in Hispania, multosque Martyres in ea coronatos fuisse, qui sua sponte se obtulerant Martyrio; hortante autem Recafredo Episcopo qui a Fide defecerat, coactam fuisse Synodum Episcoporum, in qua damnatum fuit Martyrium eorum qui se sponte sua obtulissent, atque adeo prohibitum fuit, ne in posterum fieret hæc oblatio; quod Concilium Conciliabulum potius *Satanicumque conventum* dicendum affirmat Cardinalis Baronius ad an. 852. num. 11. & num. 16.: *Fuit Conventus iste non in Spiritu Sancto legitime Concilium congregatum, sed consilio perfidorum iussu Regis impii hostis Christianorum collectum, in quo nec quod Deo esset placitum, tractatum vel definitum fuit, sed, Pseudoepiscoporum unanimi conspiratione facta cum Principe (Saracenorum), vetitum est Martyrium, demptusque est cultus SS. M.M. erecta perfidia, atque depressa confessio.* Et prolepto S. Eulogius Presbyter, qui postea Martyr fuit, in memoriali pro his Sanctis Cordubensibus exarato (tom. 15. *Biblioth. Patrum*) sic de spontanea Martyrum oblatione loquitur lib. 1. pag. 248.: *Sunt autem plerique Fidelium, & (heu, prob dolor!) etiam Sacerdotum, temere horum Confessorum gloriam adimere non verentes, qui iubent, eos non recipi in catalogo Sanctorum; iniustatum scilicet atque profanum afferentes huiusmodi Martyrium, quippe quos nulla violentia Præfidalis Fidem suam negare compulit, nec a cultu sanctæ piæque religionis amovit, sed propria se voluntate discrimini offerentes, ob superbiam suam (ita dicunt) quæ initium est omnis peccati, interempti suarum parricida effecti sunt: animarum.* Cumque ipse S. Eulogius S. Sebastiani, SS. Iusti & Pastoris, S. Eulaliæ Virginis Barcinonenfis, qui se sponte sua Martyrio obtulerunt, attulerit exempla, & in eod. memoriali Sanctorum ostenderit, Fidem ex silentio tunc periculis fuisse expositam, ejusque depressionem consecuturam fuisse, nisi veritatis testes suæ Fidei professionem hostibus vel nolentibus ingessissent, hostesque etiam ipsos generosa confessione provocassent, subdit pag. 250.: *Et idcirco, ut quidam Sapientium meminit, inter primas dignitates regnorum celestium sunt ponendi, qui ad Passionem venerunt non quesiti, & excellentis voti est inter tormenta proflare, ubi non est criminis latuisse. Sed in veritate crimen esse fatendum est latitare, si virtus excellentis meriti est ultro procedere; quando: Fidei nostræ confessio prædicationem exigit & testimonium postulat; causa etiam ista procul dubio apta, & sortasse necessaria dicenda erit, ut quis se possit offerre Martyrio: atque eo quidem magis, cum Martyres prædicti Cordubenses cultum Sanctorum obtineant in Martyrologio Romano, recurrentibus singulorum natalibus diebus; uti oblerat Cardinalis Baronius ad an. 852. n. 12. & prosequuntur Rotæ Auditores in relatione B. Josaphat Pollocensis part. 2. §. Ex his sequitur. De Martyribus Cordubensibus, & de scriptis S. Eulogii pro eisdem vindicandis, legi potest Mabillon. in annal. Benedic. tom. 3. pag. 11. num. 26.*

11 Præterea, si magnum aliquod malum inflat, quod per spontaneam oblationem averti possit, de merito ejusdem oblationis non videtur esse dubitandum, eamque non obflare Martyrio, dicendum erit. Rumor Ale-

xandriæ invaluit, S. Petrum Alexandrinum, qui in carcere pro Fide Christi detinebatur, ex decreto Maximini Imperatoris esse interficiendum. Christiani itaque Alexandrini, quorum numerus immensus erat, iniquo ferentes animo, suum Episcopum esse interficiendum, proprio cursu ad carceres deveniunt, ut militibus resisterent. Quamobrem Tribunus militum opportunum esse existimavit expectare, ut, nocte adveniente, populus, qui præ foribus carceris stabat, ad propria remearet. Sed, populo stationem non relinquire, Petrus tum amore Martyrii quo flagrabat, tum timore, ne sui causa Christiani cum militibus manus confererent, hominem misit ad Tribunal secreto eum admonens de modo, quo collectam frustraretur multitudinem, si videlicet a parte posteriore catceris summa nocte cum lapideis per posticum via secreta veniret, & murum eo loco perfoderet, quo se intus pulsantem audiret. Pariete sic effosso, Petrus per foramen clanculo egressus, sese militibus expectantibus exhibuit. Cum vero milites reveriti majestatem viri de eo feriendo hæsitarent, demum vix inter eos inventus est unus, qui, pretio recepto quinque solidorum aureorum, exerto gladio, Petri caput ictu valido amputavit; uti fuse refertur a Cardinali Baronio *ad an.* 310. Denique idem judicium ferendum est, quando quis se offert, ne pro eo alii Fideles ad supplicia & tormenta trahantur. S. Gregorius Nazianzenus *orat.* 3. appellat S. Marcum Episcopum Arethesium athletam voluntarium, atque ejus gesta his verbis exponit *tom. 1. oper. pag. 88.* : *Cum populum adversum se incitatum .. cerueret, primum consciscenda fugæ consilium inisit etc. At, postquam, multos sua causa duci atque abstrahi, multos etiam ob persequentium crudelitatem in antea periculo versari, intellexit, tum vero alios ob cautionem suam periclitantes negligere minime sustinuit; ac prout præstantissimum maximeque philosophicum consilium capis. Ex fuga enim redit, seseque ultro plebis arbitrio tradit, atque adversus temporis difficultatem velut aciem instruit.* Similiter S. Eulogius *lib. 2. memorial. Sancti. cap. 8. pag. 26* 1. narrat, SS. Virgines Floram & Mariam Cordubenses Martyres, quæ persecutionem fugientes se in tutiora loca receperant, postquam cognoverunt, aliis propter se persecutionem imminere, sponte sua se Tyranno obtulisse, & glorioso Martyrio coronatas fuisse.

12 Sed cum antiquiori disciplina concordant etiam nostrorum Theologorum assertiones. Non solum enim volunt, si ex signis alibi referendis constare possit, aliquem se obtulisse Martyrio ex speciali Spiritus Sancti impulsu, nullam aliam pro ejusdem oblationis defensione causam esse exquirendam, ut habent Cardinalis de Lauræa *in 3. lib. sent. part. 2. tom. 3. disp. 20. art. 11. num. 188.* & Theophilus Raynaudus *de Martyr. per pestem part. 2. cap. 5. num. 17.* verum etiam causas admittunt, ob quas aliquis se potest offerre Martyrio. S. Thomas 2. 2. *quest. 124. artic. 3.* ad primum ait: *Est enim aliquis casus, in quo Martyrium perferre non est de necessitate salutis; puta cum ex zelo Fidei, & charitate fraterna multoties leguntur Sancti Martyres sponte se obtulisse Martyrio.* Admittit itaque S. Do-

ctor,

etor, zelum Fidei, fraternamque charitatem esse causas sufficientes, ut quis laudabiliter se possit offerre Martyrio: & quidem sanctum ipsum Doctorem ceteri communiter sequuntur, nominatim vero Silvester in *Summa*, v. *Martyrium*, vers. *Et Martyrium oblatum*, Cardinalis de Lugo de *justit. & jur. tom. 1. disput. 10. sect. 1. num. 39.* Gobat *Theolog. experiment. tract. 2. cas. 18. sect. 1.* Thomas a Jesu de *procuranda omnium Gentium salute lib. 5. dub. 3. vers. Secundum*, & tanquam certum, Joannes Petrus Verhost in *comment. ad lib. 1. Machabaeorum cap. 2. pag. 86.* ubi: *Tametsi absque speciali Spiritus Sancti impulsu, aut alia gravissima causa in argumentum Divini honoris cessura nemini fas sit provocare Tyrannum, aut se ipsum ad Martyrium sponte offerre, facile tamen, immo & per sepe occurrere potest legitima ratio, quae tum excuset, tum etiam obliget non resistentem, seu non fugientem, cum peccat; Clemens Tosi in suo opere, cui titulus Il Gentilefimo confutato (vol. 2. pag. 735. & seqq.) Verricell. de Apostol. Mission. tit. 1. quest. 9. sect. 3.* ubi ipsas speciationem exprimit causas, propter quas aliquis laudabiliter & merito se potest offerre Martyrio; fusc & optime Rotæ Auditores in relatione de Martyrio B. Jolaphat part. 2. §. *Ex his sequitur*, ubi: *Ex his sequitur, Christifidelibus permissum esse sponte ac libere ex instinctu Sancti Spiritus, & dam gravis & proportionata causa concurrat, se exponere Martyrio pro Christi nomine tempore congruo sustinendo, & hujusmodi mortem patientes esse vere Martyres.* Quam assumptionem pluribus prosequuntur & optime pariter Fortunatus Scacchus in suo opere *ms. de Confessoribus, & Martyribus cap. 2.* ubi, ponderatis nonnullis exemplis aliquorum, qui se Martyrio obtulerunt, subdit: *Communis responsio Doctorum est, Spiritu Sancto impellente, tunc Dei famulos sponte se obtulisse Martyrio &c.* Ego vero stante regula Ecclesia, qua docet non licere, nisi rationabilis causa id postulet, sponte se offerre Martyrio, quae rationabilis causa debet esse major Dei gloria, & Fidei Christiana propagatio, videamque, illos Dei famulos ut Martyres ab eo usque tempore veneratos fuisse in Ecclesia, dixerim, non casu, non sponte, non temerarie, sed ad majorem Dei gloriam, ac ex necessitate aliqua Fidei profutenda illos se obtulisse Martyrio. Ad hæc resumam hic etiam posset materia Confessorum, de quibus lib. 1. cap. 2. num. 5. Verum, ut omnia demum paucis complectamur, quo rectum de spontanea oblatione feratur judicium, considerare opus est dispositionem ejus, qui se Martyrio offert, & finis attendendus est, ob quem spontaneam sui ipsius facit oblationem; veluti ad rem ratiocinatur supra allatus Verricellus de *Apostol. Mission. de Fide quest. 9. sect. 4. sub num. 43.* ubi ait: *Dispositio, inquam, ejus, qui se Martyrio offert (est advertenda); nam in delictis enatritus, carnis vitiiis irretitus, temere lapsus periculo se exponis, & hic tenet Denm, de his accipiendus Sanctus Gregorius Nazianzenus orat. 20. ubi ait: Lex Martyrii est, ne nos uliro ad certamen accedamus; hoc enim temerarii ac precipitis animi est &c.* Finis spectandus est, qui enim ultimatè & primario Martyrium intendit, illicite agit ... estque id Circumcelliones imitari: quare finis primarius debet esse Dei gloria, Fidei exaltatio, Persecutoris confusio, Infidelium conversio, Ecclē-

Ecclesie pax, Fidelium confirmatio &c. Denique effectus ultroneæ confessionis spectandi sunt; nam, si ex ea nulla Dei gloria, neque Fidei exaltatio, neque proximerum salus speratur, quod contingeret, si quis secreto absque arbitris sponte Tyrannum adiret, & interficeretur, tunc illicitum est se morti obijcere.

13 Spontaneæ oblationis, de qua hucusque locuti sumus, examen, fugæ consideratio sequitur; an videlicet, urgente persecutione generali adversus Christianos, vel particulari adversus aliquem Dei servum, teneantur isti, aut saltem fugere possint, & iram declinare, ita ut, si deinde fuerint comprehensi, & mortem pro Christo subierint, antecedens fuga nequaquam obstat, quin Martyrum catalogo adscribantur. *Libro primo cap. 2. num. 4. jam adnotavimus Tertullianum in lib. de fuga ad Fabium cap. 12. & 13. in ea fuisse sententia, ut tempore persecutionum licitum non esset fugam arripere, at particularem Tertulliani opinionem fuisse communi Ecclesiæ consensu reprobam: nunc autem operæ pretium est, fusius hæc eadem explicare. De hac scilicet re plura legi possunt apud Cardinalem Baronium ad an. 205. num. 11. & seqq. apud Suarez de Fide, Spe, & Charitate disput. 14. sect. 3. num. 10. & seqq. apud Cardinalem de Lugo de virtute Fidei disput. 14. sect. 2. num. 41. apud Cardinalem de Laueræa in 3. lib. sent. part. 2. tom. 3. disput. 20. art. 14. apud Cardinalem Petram tom. 3. pag. 127. & seqq. apud Cardinalem Gotti Theolog. tom. 10. dubit. 8. quest. 4. de actu externo Fidei §. 1. apud Maurum Theolog. tom. 3. lib. 11. quest. 97. num. 7. apud Theophilum Raynaudum in cit. oper. cap. 5. num. 9. 1. & seqq. apud Hurtadum in resolut. de vero Martyr. resolut. 29. §. 1. apud Matthæi in præf. Theologo-Can. tit. 4. cap. 1. §. 4. apud Gutierr. Canonicar. quest. lib. 2. cap. 24. num. 26.*

14 Summatim autem ea recensendo, quæ a prædictis Auctoribus fusc adducta sunt, dicimus primò, fugam per se loquendo, licitam esse. Matthæi quippe 10. v. 23. Christus dixit Apostolis: *Cum autem persequantur vos in civitate ista, fugite in aliam.* Agebatur autem de persecutione contra Fidem, cum antea mala recensuisset, quæ passuri erant in prædicatione Evangelii: *Et eritis odio omnibus propter nomen meum.* Item Christus Dominus sæpe fugit, & se subtraxit capturæ quam Judæi machinabantur, & quidem ratione Fidei quam prædicabat; uti legitur Matthæi 12. v. 15. & 16. post Joannis Baptiste necem; Joannis 8. v. 59. cum tulerunt lapides, ut jacerent in eum; Joannis 11. v. 54. postquam Lazarum suscitavit, & aliis in locis, ut Lucæ 4. & Joannis 7. v. 1. ubi dicitur ambulasse in Galilæam, non enim volebat in Judæam ambulare, quia querebant eum Judæi interficere. De Apostolis quoque legitur, eos metu Judæorum sese occultasse; atque adeo Actor. 12. habetur, Petrum carcerem & mortem ab Herode sibi paratam, Angelo ostium aperiente, evasisse, & in 2. Corinth. 11. v. 33. Paulus ut fugeret e manu Aretæ Regis, se demitti curavit per fenestram in porta. Celeberrima demum est apologia S. Athanasii (tom. 1. oper. part. 1. pag. 320.) qui cum fuga evasisset manus Syriani Ducis, & id ei in

ei in crimen verteretur a Leontio Antiocheno, Narcisso Neroniadis, & Georgio Laodicensi Arianorum antesignanis, exemplo Christi, Apostolorum, & veterum Patrum demonstravit, tempore persecutionum fugiendum esse. Ratio autem est, quia talis fuga nullo modo est negatio Fidei, sed potius est virtualis Fidei confessio: fugiens quippe, imminente persecutione, multa incommoda patitur; & qui propter Fidem patitur, Fidem proficitur. Patrum testimonia collecta videri possunt apud citatos Auctores, a quorum idcirco recitatione abstinemus.

15 Dicimus secundo, Episcopos, ceterosque animarum curam habentes vetitum esse in persecutione fugere, si gregis conjunctionem ex sua praesentia, ex fuga autem praevideant dispersionem. Probatur id ex Joannis 10 v. 11. *Bonus pastor animam suam dat pro ovibus suis. Mercenarius autem, & qui non est pastor, cuius non sunt oves propriae, videt lupum venientem, & dimittit oves, & fugit. Quare in can. Sciscitaris 7. quaest. 1. sic legitur: Si perniciosum est, praestatam in tranquillitate navim deferere, quanto magis in fluctibus? Ubi non dicimus, quod Persecutorum non fugiamus (maxime Paganorum) insidias, cum ad tempus sevinunt, & ob multitudinem delictorum nostrorum vocendi facultatem divinitus assequuntur, praesertim cum eis prodire ulterius non debeamus; & multos Prophetas, & Apostolos, ipsumque Dominum huiusmodi fugisse persecutores, luce clarius constet; sed quod praecipue nos, qui tanquam arietes ducatum gregibus praebemus, immo qui & horum Pastores sumus, Deo auctore, cum eis in periculis pro viribus persistere, pro certo conveniat, & cum tranquillitas reddita Divina fuerit pietate, sopitaque furentium infestatio, mon gregem requirere, & in unum colligere, & ejus animas, caelestis patriae pace, ac potissimum securitate predicata, sursum erigere debemus, & tandem super eorum caustela oportet nos esse sollicitos, ut si Dei iudicio praesentis temporis commoda fortassis amittunt, futura vita se sperent gaudia absque ambiguitate percipere sempiterna. Egregie porro de more res explicatur a S. Thoma 2. 2. quaest. 185. art. 5. his verbis: In qualibet obligatione praecipue attendi debet obligationis finis. Obligant autem se Episcopi ad exequendam Pastoralis officium propter subditorum salutem; & ideo ubi subditorum salus exigit personam Pastoris praesentiam, non debet Pastor personaliter suum gregem deferere, neque propter aliquod commodum temporale, neque etiam propter aliquod personale periculum imminens, cum bonus Pastor animam suam ponere teneatur pro ovibus suis. Si vero subditorum salutem possit sufficienter in absentia Pastoris per alium provideri, tunc licet Pastori vel propter aliquod commodum Ecclesiae, vel persona periculum corporaliter gregem deferere. Itaque qui praesent curae animarum, urgente persecutione, ex iustitia stare tenentur, & fugere non possunt, aut se occultare, si haec cessura sint in spirituale detrimentum subditorum; secus autem se habebit res, si ex eorum absentia nulla Divini honoris injuria, nulla subditorum subversio timeatur, expediatque, eos in aliud tempus reservari, ut praedicent videlicet, & Sacramenta ministrent iis qui post persecutionem superfuert. Servi David 2. Reg. 18. v. 3. eum rogaverunt, ut maneret in civi-*

in civitate, & ab ea non egrederetur ad prælum contra Absalom: *Quia tñ unus pro decem millibus computaris*: atque opportune subdit S. Thomas *loc. cit. in respons. ad primum*: Ille autem, qui ad evitandum periculum recedit absque detrimento gregis, non tanquam mercenarius fugit. Quocirca Petrus, Paulus, Athanasius, & alii sancti viri, qui tempore persecutionum fugerunt aut se occultarunt, veri Pastores fuerunt, non autem mercenarii, cum id fecerint, ut tempore opportuniore gregi prodesse. Consert etiam ad id epistola decima quarta S. Cypriani, quæ scripta est ad Presbyteros, & Diaconos Romæ consistentes; quam scilicet putat Baronius a S. Cypriano scriptam fuisse ad Clerum Romanum, ut isti instituti sui rationem redderet; nonnulli autem scriptam dicunt ad eos e Clero Carthaginensi, qui tunc Romæ erant: at, utcumque hæc sint, in ea epistola ipse Sanctus fugam suam, vigente persecutione, defendit, eo quia, licet absens corpore, præsens erat spiritu, & muneri suo non deerat: *Nam, sicut Domini mandata instruunt, orso statim turbationis impetu primo, cum me clamore violento frequenter populus flagitasset, non tam meam salutem, quam quietem Fratrum publicam cogitans, interim secessi, ne per inverecondam præsentiam nostram seditio, quæ coepas, plus provocaretur. Absens tamen corpore, nec spiritu, nec actu, nec monitis meis desui, quominus secundum Domini præcepta Fratribus nostris in quibus possem, mea mediocritate cõsulerem. Et quid egerim, loquuntur vobis epistola pro temporibus missa numero tredecim, quas ad vos transmissi, in quibus nec Clero cõsiliũ, nec Confessoribus exhortatio, nec extorribus, quando oportuit, oburgatio, nec universæ Fraternitati ad deprecandam Dei misericordiam allocutio & persuasio nostra desuit, quantum secundum legem Fidei, & timorem Dei, Domino suggerente nostra mediocritas potuit eniti.*

16 Adnotanda sunt autem verba modo relata S. Cypriani: *Cum me clamore violento frequenter populus flagitasset, non tam meam salutem, quam quietem Fratrum publicam cogitans, interim secessi.* Ex his enim colligitur, eo magis Præsulem fugere posse, si ipse specialiter quæritur: quare Gratianus ad can. *Adversitas* 7. quæst. 1. subdit: *Cum vero specialiter quaritur, fugias exemplo Christi, qui a facie Herodis fugit in Ægyptum; fugias exemplo Pauli, qui a Fratribus per murum submissus est in sperta.* Fugiendo quippe tempore persecutionis adversus ipsum motæ, si non extingui, saltem minui poterit odium persequentium, juxta alia verba supra relata S. Cypriani: *Inserim secessi, ne per inverecondam præsentiam nostram seditio, quæ coepas, plus provocaretur.* Quæ tamen sic intelligenda sunt, ut, quemadmodum in persecutione generali non licet Pastori gregem deferere, nisi postquam ei providerit, ne damnum spiritale patiat; sic ei, ut recedat, non permittatur, urgente speciali adversus ipsum persecutione, nisi postquam ea præmiserit, quæ ad suorum æternam salutem necessaria sunt. Quare S. Augustinus *epist. 180. modo 228. ad Honoratum oper. tom. 2. ad illa verba, Cum autem persequantur vos in civitate ista, fugite in aliam*, postquam ostendit, Paulum per fenestram effugisse, quod adessent alii, quibus Ecclesiæ minis-

ministerium poterat impleri, & Christum in Ægyptum secessisse, quando nondum Ecclesiam congregaverat, subdit col. 831. *Faciant ergo servi Christi, ministri verbi, & sacramenti ejus, quod præcepit, sive permisit. Fugiant omnino de civitate in civitatem, quando eorum quisquam specialiter a Persecutoribus quaritur, ut ab aliis, qui non ita requiruntur, non deferatur Ecclesia. De supra memorata fuga S. Cypriani, dum quærebatur ad Martyrium, ita scribit Pontius Diaconus in ejus vita (apud Ruinart pag. 182. num. 7.) Fuit vere formido illa, sed justa; formido qua Dominum timeres offendere, formido qua præceptis Dei mallet obsequi, quam sic coronari. Dicata enim in omnibus Deo mens, & sic Divinis admonitionibus mancipata, credidit se, nisi Domino latebram tunc jubenti paruisset, etiam ipsa Passione peccare.*

17 Dicimus tertio, laudabiliter etiam & meritorie privatas personas posse tempore persecutionis non recedere, & stare in loco in quo viget persecutio, si earum permanſio videlicet expediens judicetur vel utilitati proximorum, vel majori Dei gloriæ, & si personæ ipsæ tales sint, quæ sperent & probabiliter credere possint, se Fidem non esse negaturas metu tormentorum aut mortis. Quin immo nonnulli ex supra citatis Theologis censent, non modo in eo rerum eventu permanſionem esse licitam ac laudabilem, sed etiam a Charitate imperatam; atque adeo S. Augustinus *cit. epist.* concludit: *Cum autem omnium, id est Episcoporum, Clericorum, & laicorum, est commune periculum, hi, qui aliis indigent, non deferantur ab his, quibus indigent. Aut igitur ad loca munita omnes tranſeant, aut qui habent remanendi necessitatem, non relinquantur ab eis, per quos illorum est Ecclesiastica supplenda necessitas, ut aut pariter vivant, aut pariter sufferant, quod eos Patres familias vellent perpeti.*

18 Uno verbo, aliquando fugere licitum est; aliquando præceptum est non fugere; & aliquando, licet manendi præceptum non urgeat, manere ratione circumſtantiarum laudabile erit & meritorium; & sic quidem in ipſo facti eventu ſerendum erit in cauſis Martyrum judicium de eorum fuga, aut permanſione tempore persecutionum. Verricellus in *tract. de Apistol. Mission. tit. 1. quæſt. 9. ſect. 5. num. 47. & ſeqq.* quæſtionem hanc de fuga tempore persecutionum optime explicat, & ait, fugam, de qua *Matth. cap. 10.* non esse præceptum, sed conſilium, aut permissionem, cum aliquando melius ſit fugere, quam perſiſtere, & periculis obſistere; præceptam vero esse fugam Prædicatoribus Euangelii, quando, declinando perſecutionem ſine ſcandalo Fidelium, latius Euangelium diſſeminatur, juxta illud Bedæ in *cit. cap. Matth. epag. tom. 5. col. 45.* *Fugite in aliam civitatem, non timendo Paſſionem, ſed declinando, ut tribulationis occaſo ſeminarium fieret Euangelii;* quando vita neceſſaria eſt bono Fidelium; quando unus quæritur ad necem, non ſimul alii; quando quis eſt imparatus ad ſubeundum Martyrium; quando ex permanſione in loco Tyrannus magis irritaretur, & ceteri Fideles gravioribus tormentis eſſent expoſiti, propter quæ timeretur, plurimos a Fide eſſe deſecturos; quando tandem Fidelibus ceteris licitum eſſet

esset fugere ad declinandam persecutionem & mortem. Concordant Suarez de Fide disput. 14. sect. 3. num. 10. Coninch. de Fide disput. 15. num. 97. Castropal. tom. 1. tract. 4. disput. 1. punct. 15. num. 3. ipsique rei, de qua nunc agimus, profunt etiam adducta lib. 1. cap. 2. num. 4. hujus Operis de Libellaticis, qui pecuniam solvebant, & pecunia vexationem redimebant, ne Fidem deserere cogerentur, timentes se minus idoneos ad ferenda tormenta. Hinc bene Remigius, quem citat & sequitur Abulensis in Marth. cap. 10. quest. 111. circa medium inquit: *License fugendi concedit infirmis in Fide, quibus concedit pater Magister, ne, si se ulterius ad Martyrium protraherent, fortassis positi in tormentis negarent.* Addendus etiam Salmeron in Euangel. tom. 4. part. 2. tract. 16. in principio.

19. Auta sunt verba Maldonati in Marth. cap. 10. num. 23. col. 253. *Cum Euangelium ipsum, propter quod fugiendum non est, postulas, ut fugiamus, fugiendum est. Tunc fugere, non metas, sed pietas; non fugere, non fortitudo, sed pernitentia est.* Post hæc transiit ad cetera explicanda, jam supra a Nobis insinuata: Major gloria Dei, & Ecclesia utilis, regula nobis esse debet; cum aut utraque, aut alterutra, ut fugiamus, a nobis exigit, non fugere, peccatum est. Aliis casibus non debemus; an autem possimus, alia est questio, quam solum Augustinus explicavit. Hæc ejus sententia summa est; primum fugere Sacerdoti licet, quando ipsi privatum ab adversariis quaritur, & sunt alii qui possint pro illo Sacramenta populo ministrare: secundo, quando omnes ejus oves fuga dissipata sunt: tertio, quandoque plus fugiendo, quam manendo, servare potest. Addit Chrysostomus fugere licet, & nescio an oportere, cum ejus, si manserit, fides periclitabitur. Christum, inquit, fugiendo non negas, qui ideo fugit, ne neget. Alias non licet, alias manendum est, & pro evitanda anima ponenda, quod mercenarius non facit, qui quandoque videt lupo venientem, & relinquit oves, & fugit. Dum in sacrorum rituum Congregatione agebatur de causa Brasiliensi Declarationis Martyrii Venerabilium Servorum Dei Ignatii Azevedii & aliorum triginta novem Martyrum e Societate Jesu, de qua supra sermo habitus est, de hac questione fusc tractatum est: oppositum quippe fuerat, dum ageretur de expeditione litterarum remissorialium, Ignatium, & ceteros fugere debuisse. Super hoc puncto scripserunt tres Theologi Societatis Jesu, Cardinalis videlicet de Lugo suis scriptis & editis voluminibus satis notus, Pater de Cupis Examinator Episcoporum, & Pater Virgilius Ceparius sæpe a Nobis cum laude commemoratus. Theologi hi in suis scripturis & dissertationibus questionem instituerant, utrum verba Christi Matth. 10. v. 23. supra relata; *Cum autem persecutiones vos in civitate ista, fugite in aliam*, præceptum importent, an consilium; & quatenus importent præceptum, an illud fuerit univ ersale, vel restrictum ad tempus, quo Christus misit Apostolos ad predicandum per civitates Judæe, quo tempore noluit eos obijci morti, ut possent post suum Passionem Euangelium per totum orbem promulgare, ut docuerunt S. Joannes Chrysostomus in Mattheum hom. 94. al. 35. tom. 7. op. pag. 388. dicens:

dicens: *Non loquitur enim hic de persecutionibus, quæ postea futura erant, sed de illis, quæ crucem & passionem præcessere, & S. Hieronymus, qui explicans prædicta verba Christi, subdit tom. 7. oper. col. 61. Hæc ad illud tempus referendum est, quum ad prædicationem Apostoli mitterentur, quibus & proprie dicitur: In viam Gentium ne abieritis, & in civitates Samaritanorum ne intraveritis. Præclare Tostatus quest. 109. cap. 10. in Martheum hæc habet: Dicendum, quod circa fugam Christus non dedit nunc Apostolis doctrinam, nisi pro tempore illo quo prædicabant inter Judæos ..., immo fugere tenebantur ..., quia sic Christus jubebat. Omnes autem in eam convenere sententiam, quam docuit Maldonatus: concludentes, Ignatium & Socios fugere nullatenus debuisse, cum iter eorum, urgente licet periculo mortis, esset directum ad Fidei Catholicæ exaltationem, & ad majorem Dei gloriam, nec ullatenus urgeret circumstantia, quæ eos a suscepto itinere juxta regulas Ethicæ Christianæ revocare posset. Post primam hujus Operis editionem prodierunt libri de Theologicis disciplinis, auctore Joanne Laurentio Berti superius memorato: & tom. 4. lib. 23. cap. 8. præposit. 3. congesta undique eruditione demonstratur, sine culpa Christianos, etiam Episcopos, fugiendo se surripere Persecutoribus, nisi aliter suadeat Fidei causa, plebisque Christianæ periclitatio.*

20 Denique de eo qui jurat, se ad carcerem rediturum, si certo sciat, se injuste moriturum, quæritur, an teneatur ad carcerem redire, & an non redeundo sit perjurus. Affirmando scilicet respondet Cajetanus 2. 2. quest. 89. art. 7. vers. *Ex his autem, quem nonnulli sequuntur, eo potissimum fundamento, quod redire ad carceres est actus fortitudinis, & ideo materia capax juramenti: quare tantopere laudatur Marcus Attilius ob fidem servatam Carthaginiensibus juramento firmatam. Sed contrariæ adhæret sententiæ Covarr. lib. 1. variar. resolut. cap. 2. num. 2. quem aliis nonnulli sequuntur; cum redire ad carcerem in eo rerum eventu non sit actus virtutis; non est enim actus patientiæ, cum ad eam non pertineat se offerre morti injustæ sine alia ratione & causa; neque est actus fidelitatis, cum Tyranno aut Judici injuste fidem postulanti ad patendam injustam mortis sententiam fides servanda non sit, nisi aliunde alia causa subsit virtutis. Cessaret autem omnis controversia in eo, qui ex odio in Fidem carceribus mancipatus, timens injustam mortem dimitteretur cum juramento redeundi; subest enim causa virtutis, Charitatis videlicet in Christum suum Servatorem, necnon Christianæ fortitudinis.*



CAPUT XVII.

De provocatione Tyranni.

DE Tyranni provocatione, quæ forte ex oblatione Martyris spontanea causam habeat, satis actum est in capite antecedenti: nunc autem agere opus est de ea provocatione, qua Martyr dictis, vel factis Tyrannum inflammat ad Martyrium ei inferendum. De hac ergo loquendo, regula generalis esse videtur, Martyri permissum non esse, ut Tyrannum ad mortem ei inferendam provocet, sicuti docet D. Thomas 2. 2. *quest.* 124. *art.* 1. ad tertium, ubi hæc habet: *Quædam præcepta Legis Divina tradita esse secundum preparationem animi, ut scilicet homo sit paratus hoc vel illud faciendi, cum fuerit opportunum. Ita etiam & aliqua pertinent ad actum virtutis secundum preparationem animi, ut scilicet, superveniente tali casu, homo secundum rationem agat: Et hoc præcipue videtur observandum in Martyrio, quod consistit in debita sustinentia Passionem iniuste infligitarum. Non autem debet homo occasionem dare alteri iniuste agendi; sed, si alius iniuste egerit, ipse moderate tolerare debet. Ideoque, si juxta S. Thomam non debet alter alicui dare occasionem iniuste agendi, non poterit aliquis sine gravi causa dictis, aut factis Tyrannum provocare ad mortem sibi inferendam. Præterquamquod qui sic ageret, se exponeret periculo deficiendi a Fide in persecutione atque in tormentis; & ideo intraret in tentationem contra præceptum Christi *Matth.* 14. v. 38. nos monentis, ut non intremus in tentationem. Hæc porro late prosequuntur Cardinalis de Laurea in 3. lib. *sent. part.* 2. *tom.* 3. *disput.* 20. *art.* 13. num. 237. & seqq. Cardinalis Goti Theolog. *tom.* 13. *quest.* 2. *dub.* 3. §. 3. num. 12. & seqq. Navarr. in *Summa cap.* 11. *art.* 4. Lopez 1. *part. instruct.* *cap.* 41. *in fin.* Sanchez in *Summa lib.* 2. *cap.* 34. *art.* 15. Hurtado de *ver. Martyr. resolut.* 27. *pag.* 68. & 69. ubi; Ex qua doctrina colligitur, aliud esse, aliquem provocare Tyrannum persecutorem ad sui mortem, aliud se offerre voluntarie Martyrio. Hoc ultimum per se licitum est; primum autem per se illicitum; Bonacina *disp. de Sacram. part.* 3. num. 6. Gobat in *Theolog. experimental. part.* 2. *cas.* 18. *sect.* 1. num. 622. & seqq. Raynaud. de *Martyr. per pestem part.* 2. *cap.* 5. num. 8. & seqq. Matthæucci in *præctica Theolog. Cas. ad caus. Beatificat. & Canoniz. tit.* 4. *cap.* 1. §. 3. num. 62. & seqq. Maurus Theolog. *tom.* 3. *lib.* 11. *quest.* 97. num. 7. & seqq. Cum vero plura extent Sanctorum exempla, qui dictis, & factis Tyrannos provocarunt, receptaque morte pro Christo, Martyrum catalogo adscripti sunt; memorati Auctores provocationem referunt ad specialem Spiritus Sancti impulsus, qui Fideles ad ea peragenda movere potest, vel ut aliqui astantes ad Fidem convertantur, vel ut titubantes in Fide confirmantur, uti late recenset Cardinalis de Laurea in 3. lib. *sent. part.* 2. *tom.* 3. *disput.* 11. *art.* 4. §. 7. num. 138. Cumque, hoc admissio, subalternæ locus aperiatur questioni,*

tionē, non quoad eos qui jam inter Martyres recensiti sunt, sed quoad eos, de quibus queritur, an Beatorum Martyrum catalogo sint adscribendi, utrum scilicet provocatio a Spiritu Sancto, an ab animi levitate, aut deliberationis præcipitantia provenerit; nonnullas etiam proferunt notas, ex quibus docent dignosci posse, unde provocatio causam habuerit, & idcirco utrum obisset Martyrio, necne.

2. Matthæuccius nempe *loc. cit. num. 67.* ait, id a subsequentibus miraculis declarari. Si enim intercessione ejus, qui Tyrannum provocavit & pro Fide mortuus est, Deus operari dignetur miracula, signum id manifestum erit, provocationem vero Martyrio non obstitisse, & quod confectur, Spiritum Sanctum auctorem habuisse: in cujus dicti confirmationem refumi possent fule a nobis adducta *lib. 1. cap. 28. & duobus seqq.* de miraculorum intervntu in causis Martyrum. Alii tanquam signum Divinæ inspirationis dicunt esse perseverantiam ipsam in confessione, & mortem secutam, ut Verricell. *de Apostol. Missionib. tit. 1. quest. 9. sect. 4. sub num. 43.* ubi: *Respondetur secundo, esse signum Divina inspirationis perseverantiam in confessione, & mortem secutam; unde sancta Ecclesia omnes tales ut Martyres veneratur.* Item, quia similis est hæc indago alteri jam excussæ de voluntaria ad Martyrium oblatione, quæ facta aliquando dicitur speciali Spiritus Sancti impulsu, & de qua pariter disputatur, an, & quando a prædicto Divino impulsu causam habuisse, dicendum sit; (Verricellus nempe, uti vidimus, tria docuit observanda, hoc est quomodo se offerens ad Martyrium dispositus fuerit, an pro fine primario habuerit Dei gloriam, Fidei exaltationem, & proximorum salutem, atque an ab ea ultronea oblatione malum aliquod securum fuisset: Castellinus *de inquisit. mirac. in SS. M.M. Canoniz. pag. 32. & seqq.* judicat, sedulo attendendam esse vitam ejus, qui se offert Martyrio, an videlicet fuerit virtutibus, præsertim vero humilitate insignis atque laudabilis; ponderandas esse circumstantias loci & temporis; demum animadvertendam esse causam, propter quam voluntaria sit oblatio, hoc est an necessitas aliqua imminet, aut utilitas sic agendi pro Fide Christi) quæ dicta sunt de voluntaria oblatione, nullo negotio trahi possunt ad provocationem; & ea quidem ut plurimum sunt, quæ a causarum Postulatoribus afferri consueverunt, ut Fidei Promotorum oppositioni ex provocatione deductæ satisfacere possint.

3. Verum, ut clare & distincte materia provocationis explicetur, provocationes a provocationibus secernere opus est: nonnullæ quippe provocationes contingere possunt in ipso actu Martyrii, nonnullæ autem Martyrium præcedere. Quoad eas quæ in ipso actu Martyrii contingunt, quando videlicet Martyr aut statim est tormentis subjiendus, aut jam tormentis & cruciatibus afficitur, si is Tyrannum objurgat, si ejus crudelitatem arguit, si Dei vindictam minatur, hujusce generis provocationes vero Martyrio obstat non possunt, teste Verricello *tit. oper. tit. 1. quest. 9. lect. 4. sub num. 45.* ubi: *Licitum est Martyri, cum a Tyranno torquetur, ejus crude-*

crudelitatem, immanitatem, impietatemque exprubare, quamvis ex hoc Tyrannus ruina occasionem accipiat, crudelius deserviendo. Plura enimvero afferri possent exempla, sed omitti non potest illud quod defumitur ex lib. 2. Machabeorum cap. 7. Machabæi quippe (juxta alibi dicenda) veri sunt Martyres antiqui Testamenti, & soli sunt ex veteris Testamenti Martyribus, qui cultum habent in Ecclesia universalis Occidentali. Porro, cum ultimus ex fratribus ad Martyrium duceretur, & impavida mater ab eo peteret, ut aspiceret cælum & terram & omnia, quæ in eis sunt, quæ Deus fecit ex nihilo, adolescens autem dixisset, se non obedire præcepto Regis, sed præcepto Legis, quæ suæ genti per Moysen data fuerat, conversus ad Tyrannum inquit v. 31. *Tu vero, qui inventor omnis malitiae factus es in Hebræos, non effugies manum Dei &c.* Tu autem, o scelerate, & omnium hominum flagitiosissime, noli frustra extolli vanis spebus in servos ejus inflammatus; nondum enim omnipotentis Dei & omnia insipientis iudicium effugisti &c. In me vero, in fratribus meis desinet Omnipotentis ira, quæ super omne genus nostrum iuste superducta est. Tunc Rex accensus ira in hunc super omnes crudelius deservit, indigne ferens se derisum. Consimile est aliud novi Testamenti in Act. Apost. l. Postquam enim cap. 6. narratum est, Stephanum plenum gratia & fortitudine secisse prodigia & signa magna in populo, & in concilium adductum Persecutorum potestati traditum fuisse, cap. 7. exponitur, quomodo Fidem Christi constanter prædicavit, deinde sic Judæos increpavit v. 51. & seq. *Dura cervix, & incircumcisus cordibus & auribus vos semper Spiritui Sancto resistitis: sicut Patres vestri, ita & vos. Quem Prophetarum non sunt persecuti Patres vestri? Et occiderunt eos, qui prænuuntiabant de adventu Iusti, cuius vos nunc proditores & homicidæ fuistis. Quia accepistis Legem in dispositione Angelorum, & non custodistis. Audientes autem hæc dissecabantur cordibus suis, & stridebant dentibus in eum &c.* Et ejicientes eum extra civitatem, lapidabant &c. In superioribus sermo habitus est de S. Gordio Martyre, & de homilia in ejus laudem exarata a S. Basilio Magno tom. 2. oper. Porro ille nedum se voluntarie obtulit Martyrio, sed etiam ad Præsidis tribunal ductus, & ab eo miti suavique voce interrogatus, quisnam, aut cujus esset; patriam quidem, genus, gradum dignitatis, quem tenuerat, ac fugæ causam, & reditus retulit, at postea sic effatus est pag. 145. num. 4. *Adsum, inquit, mandatorum vestrorum contemptum simul & fidem in Deum in quo spem repositi, factis ostensurus: audiui enim, inquit, te multas crudelitate superare. Quamobrem id tempus tanquam explendo meo voto idoneum elegi.* Quibus auditis verbis, ira Præsidis quasi rogi accensa est, & furor omnis in eum conversus est, teste S. Basilio loc. cit. Memorabilia insuper passim occurrunt exempla eorum, qui in carceribus detenti Fidem Christi prædicarunt, & Gentilium superstitionem vehementibus verbis objurgarunt, neque aliorum, qui incitati ad Fidem abjurandam, irrisoribus hortationes exceperunt, & libera voce Christum confessi, idola esse abjicienda, & vero Deo inserviendum, dixerunt. S. Symphorianus a Tyranno objurgatus, uti defumitur

fumitur ex ejus Passione ap. Ruinart, quod Dianæ effigiem despexisset & adorare noluisse, ait pag. 69. num. 2. Jam dixi tibi : Christianus sum , Deum verum adoro qui regnat in calis ; simulacrum vero Demonis non solum non adoro, verum etiam , si permittis , mea auctoritate malleis illud comminor . Deinde de Christi magnitudine disputans , sic de falso cultu Apollinis profecutus est num. 6. Apollinem vero istum quis nesciat apud Amphrysium fluvium Admeti Regis fuisse pastorem ? Qui voluptatum suarum illecebras recolens , laureas diligit fertis coronas . Ubi per implicitas ambages mugiente tripodum specu diabolicas voces , ubi frequenter deceptis , dicitur aliquoties vera cecinisse . Utque his , qui in actu Martyrii Tyrannos dictis provocarunt ad mortem ipsa celerius inferendam , exempla addantur aliorum , qui in eodem Martyrii acta aut ipsos mortis executores , aut feras & bestias , ad quas erant damnati , factis excitaverunt , ut eisdem cito mortem inferrent ; occurrit epistola S. Ignatii Episcopi Antiocheni ad Romanos de qua superior. lib. 1. cap. 4. num. 4. Hujus scilicet epistolæ & aliarum sex , quæ ab omnibus recipiuntur , inutile est sinceritatem probare post eruditas virorum , etiam a Romana Ecclesia aliorum , ea de re lucubrationes . In ea vero epistola ap. Ruinart Act. Martyr. pag. 12. sic legitur : *A Syria usque Romam cum bestiis pugno , per terram & per mare , nocte & die vincens decem leopardis , quod est militaris ordo , qui & beneficiis deteriores sunt . In injustificationibus autem eorum morte trahitur ; sed non propter hoc justificationis sum . Sororiar bestiis mihi esse paratis , & oro , promptas mihi inteneri , quibus & blandiar cito me deborare , non quemadmodum quosdam timentes non retingunt . Sed , etsi ipsa volentem non velint , ego vim facium . Venium mihi habere : quid mihi confert , ego cognosco . Profecto , quod facturum se scripsit Ignatius , factum legimus in vetustissima epistola Ecclesiæ Syriensis ab insigni Martyre Germanico , atque a SS. Martyribus Andronico & Tharaco in eorum Actis . De Germanico quippe sic in citata epistola loc. cit. pag. 33. num. 3. legitur : Cum Proconsul flectere omni vellet , diceretque , ut suam ipse aetatem miseraretur , ille bestiam nigro ad se attraxit , eique vim intulit . Item de memoratis Andronico & Tharaco hæc habentur in Actis loc. cit. pag. 392. num. 10. Dimiserunt ursum pessimum , quem dicebant ipsa die tres homines occidisse : Et appropinquavit ad corpora Sanctorum , & nullum corpus contrahnavit . Et cum transisset , venit ad Sanctum Andronicum , & sedens lingebat cuturra ejus . Sanctus vero Andronicus posuit caput suum super ursum & instigabat eum , ut irasceret , & celerius redderet spiritum . Ursus autem quasi mansuetus subito factus est . Et paulo post : Et , cum exisset leona vidit corpora Sanctorum projecta , & venit ad Beatum Tharacum , deposuit se ante pedes ejus quasi eum adorans . Sanctus autem Tharacus trahens manum eam ad se , ut irasceret bestia , & celerius consummaretur . Leona autem cum magna mansuetudine fecit Beatum Martyrem sicut ovem jacebat . Amplius in Passione SS. Perpetuæ & Felicitatis hæc de Perpetua referuntur : Perpetua autem , ut aliquid doloris gustaret , inter cestas pincta exulavit , & errantem dexteram circumculi Gladiatoris ipsa in jugulum suum posuit , uti legitur in ejus Actis apud*

Ruinart

Ruinart pag. 88. num. 21., vel *transfudit*, ut in iisdem Actis apud Holsternium. Sed etiam si SS. Germanici, Andronici, Tharaci, & Perpetuæ insignia facinora omittamus, quæ a speciali Spiritus Sancti impulsu prodiiſſe, optimo jure credi poteſt, cum in iisdem ſupra citatis monumentis prodigia & miracula referantur, quibus Deus patefecit, pretioſam in conſpectu ſuo eorum mortem fuiſſe, atque adeo ipſorum geſta a Divina particulari inſpiratione proveniſſe; attamen circumſtantix quæ in aliorum Martyrum cædibus adfuerunt, ſecluſo etiam ſpeciali Spiritus Sancti impulſu, provocationem juſtam & rationabilem fuiſſe, aperte præ ſe ferunt. Ecquis enim unquam Martyrem criminari poterit, qui conſtitutus in poteſtate Tyranni, & vel tormentis ſubjectus, vel mox ſubjiciendus, ejus iniquitatem redarguat; qui in vinculis pro Fide Chriſti conſtitutus, Euangelium annuntiet; iniquas ſectas, quas averſatur, condemnet; incitatus ad Fidem deſerendam, zelo inflammetur; & audiens, nomen Domini blaſphemari, blaſphemantibus, & eorum idolis maledicat? Nulla vero major provocatio excogitari poteſt illa, cum Martyr idola Gentium projicit & frangit, uti Symphorianus ſupra memoratus libere Tyranno dixit ſe facturum, ſi id ſibi permiſſum eſſet: nihilo tamen minus, ſi Martyr ſit in poteſtate Tyranni, ſi ab eo, vel ſe fraude adigatur ſacrificare idolis, tantum abeſt, ut idola frangens reprehendi poſſit, ut potius eximia laude dignus ſit, & ſi mortem ſubeat, debeat inter Martyres recenſeri, etiam ſi mortem ſubeat in regionibus, quæ Gentili aut Infideli Principi ſubjectæ ſint; veluti ſapienter adnotavit Mendoza in not. ad can. 60. Concilii Illiberitani cap. 48. apud Labbeum tom. 1. col. 1317. ubi: *Posterior præſcriptio & regula eſt, ut, quoties ad ſacrificandum idolis nos metu Pagani, vel vi adigant, quoties fraude, vel quo alio malo conſilio impellant, ea conſtanti & heroica virtute diſturbemus, proſternamus, conculemus; cum nefariam vim vi ſancta liceat propulſare, etiam in ipſis eorum territoriis, in media populi luce, etiam ſi in noſtra poteſtate provincia illorum non ſint, etiam ſi corda illorum ad credendum dura & ſerena ſint, etiam ſi paſſimonia, ſi honoris, ſi ſanguinis, ſi vitæ periculum præſens ſit. Glorioſum & felix mortis genus, quo æterna vitæ præmium tanta ſecuritate comparatur. His enim de cauſis, vel una illarum commoti fuere quotquot idolorum ſimulacra diſturbantes, honore & corona Martyrum decorati ſunt. Oſtendunt igitur hæc omnia, vero Martyrio nequaquam obſtare eas provocationes, quæ, urgentibus legitimis cauſis, a Martyribus fiunt, dum ſunt in poteſtate Tyrannorum: idque admiſſum videtur ab ipſa quoque ſacrorum rituum Congregatione in diſcuſſione cauſæ Joannis de Prado in numerum Beatorum Martyrum ſolemniter cooptati. In ea enim Fidei Promotor vim oppoſitionum deſumpſit ex provocationibus, quibus aſſerebatur, Tyrannum ad mortem illi inferendam motum fuiſſe; at Poſtulatorem ſtrenue reſponderunt, provocationes contigiſſe, cum Martyr eſſet in poteſtate Tyranni, tormentiſque ad Fidem abjurandam adigeretur, & Tyrannus ipſe, qui nomen dederat Mahumeticæ ſuperſtitioni, Fidei Chriſtianæ obloqueretur.*

4 Difficilior utique quæstio est de illis Dei servis, qui, antequam in potestatem Tyrannorum deveniant, dictis provocant, aut factis Persecutores, puta, demoliendo istorum idola, aut alia similia faciendo, quibus ad furorem Tyranni excitentur. Hi enim Tyrannos non inveniunt paratos ad mortem ipsis inferendam, non adiguntur sacrificare idolis, Tyrannos non audiunt Christo maledicentes, ut in primo supra exposito rerum eventu contingit; sed Persecutores impellunt dictis, aut factis ad ipsos carceribus mancipandos, suppliciiis afficiendos, & morte mulcandos. Hi scilicet hostes Fidei lacessere videntur, & sopitorum (ut ita dicamus) canum aurículas vellere.

5 Controversia hæc definita videtur in can. 60. Concilii Illiberitani tom. 1. collect. Hard. col. 256. ubi: *Si quis idola frugerit, & ibidem fuerit occisus, quatenus in Evangelio scriptum non est, neque invenitur sub Apostolis unquam factum, placuit, in numero eorum non recipi Martyrum.* Et quidem Canon hic non modo extat in Actis dicti Concilii, sed etiam refertur apud Burchardum lib. 6. Decret. cap. 45. & apud Ivonem part. 10. cap. 172. Porro Mendoza supra citatus in notis ad cano. prædict. in collectione Conciliorum Hispaniæ Cardinalis de Aguirre tom. 1. pag. 650. & in nova collectione Conciliorum formis impressa Nicolai Coleti Venetiis tom. 1. adnotavit, nascentis Ecclesiæ Patres optasse, ut non vi & armis Ethnicorum delubra, sed pietate ac religione deturbarentur; ut nempe Catholicæ Ecclesiæ progressus non humanis tribueretur auxiliis, quod facile evenisset, si templa & idola Gentium viribus potius, quam Ecclesiastica disciplina fracta essent. Item Hurtado in resolution. 34. de vero Martyr. pag. 107. animadvertit, si Fideles occidantur ab Infidelibus, dum eorum aras & idola destruunt, non esse mortem adscribendam odio in Fidem, sed rerum suarum defensionem: & Cardinalis de Lauræa in 3. lib. sent. part. 2. tom. 3. dispnt. 20. art. 13. postquam num. 241. docuit, non esse licitum Fidei hostes provocare damnando sponte propria, ac sine causa eorum religionem, num. 246. loquens de altarum, idolorum, & templorum demolitione, ait nihil esse, quod magis Tyrannos provocet ad vindictam, quam si aris, & idolis eorum bellum inferatur; concluditque, sic agentes sine causa male agere, & suæ neci causam dare, necnon peccatis Infidelium; & num. 248. sciens, nonnullos Martyres ex speciali Spiritus Sancti impulsu templa & idola Gentium aliquando destruxisse, ait, eos non imitatione, sed admiratione dignos esse, cum similia patrata non fuerint ab Apostolis, nec ab aliis, qui post eos Fidem Christi propagarunt.

6 Antequam vero nostrum, qualecumque futurum sit, iudicium de hac controversia seramus, nonnulla promenda sunt provocationum exempla, quæ causam Martyrio dederunt, & quæ quidem a dictis, aut factis Martyrum originem habuerunt, antequam iidem devenissent in Tyrannorum potestatem. Die 12. Januarii in Martyrologio Bedæ, in Martyrologio Ufuardi, & in Romano mentio fit S. Satyri Martyris, qui ante
Tom. III. D d te quod-

re quoddam idolum transiens, cum flasset in illud, signans sibi frontem, statim idolum corruit, ob quam causam decollatus est. In Menæis Græcorum tom. 1. ad diem 5. Februarii hæc habentur de S. Theodola: *Illico demissa ad Phaniem Adriani ablegatum, clarum cum primis ac celebre. In id Sancta ingressa, fundit ad Deum preces, & insufflans simulacrum humi sternitur, in tres partes disruptum.* In Actibus Bollandianis tom. 3. Februarii pag. 492. extat Passio SS. Ananix & Sociorum Martyrum, ubi Ananias signo Crucis muniens labia oris sui, insufflavit simulacra, quæ statim elisa sunt: & tom. 1. Martii pag. 95. legitur de S. Leone Archiepiscopo Rothomagensi & Martyre, eum insufflasse in faciem statuae Martis, quæ statim corruit, & in cinerem redacta est. Non modo Latini, sed etiam Græci die 2. Aprilis celebrant festum S. Theodolæ Virginis Tyriæ, de qua sic legitur in Martyrologio Romano: *Passio S. Theodolæ Virginis Tyria, qua in eadem persecutione, cum sanctus Confessores ante tribunal stantes publice salutasset, atque rogasset, ut, cum ad Dominum pervenissent, sui recordarentur, a multis tentata, & ad Urbanum Præsidentem ducta, ejus jussu lateribus & marmoreis ad interiora usque dilaniatis, in mare tandem projicitur.* In Menologio Græcorum ad diem 9. Octobris part. 1. pag. 104., & in nostro Martyrologio ad eandem diem laudatur S. Publia Abbatisa, quæ, transeunte Juliano Apostata, Davidicum illud cum suis Virginibus canens, *Simulacra Gentium argentum, & aurum; & Similes illis fiunt, qui faciunt ea,* Imperatoris jussu alapis cæsa est, & graviter objurgata, prout etiam late habetur apud Theodoretum lib. 3. *hystor. Eccles. cap. 19. edit. Valesiana tom. 3. pag. 138.* In eodem nostro Martyrologio die 20. Octobris celebratur festum S. Artemii Ducis, seu Præfecti Augustalis, qui sub Constantino Magno præclaris militiæ honoribus functus, a Juliano Apostata, quem sævitia in Christianos arguerat, sublimis cæsus, & aliis tormentis afflictus, capite demum truncatus est: cum enim Antiochiam pervenisset, & Imperatorem invenisset questionem habentem de duobus Presbyteris Antiochenis Eugenio & Macario, qui deinde Martyrio coronati sunt, magna animi libertate impietatis arguit Imperatorem, & multa in eum de falsitate cultus Deorum, & Christianæ religionis veritate testatus inculcavit; ut habetur apud Cardinalem Baronium ad an. 362. num. 94. Apud eundem Cardinalem Baronium ad an. 281. Martyrium refertur SS. Trophimi atque Sabbatii, qui, cum Antiochiæ populum effusum conspexissent in agendis festis Apollinis, illius superstitionem pertæsi, ut ab erroribus revocaretur, preces ad Deum alta voce fuderunt, & ob id mortem oppetierunt, de quorum Martyrio etiam fit commemoratio in Martyrologio Romano ad diem 19. Septembris. Demum in Menologio Basilii ad diem 24. Augusti celebratur festum S. Georgii Limnæotæ Martyris hæc verbis: *Beatus Georgius primo ab adolescentia æsceticum vitam institutum in Olympi montibus agens, cum plura virtutis subisset certamina; imperante postea Leone Isaurico, qui sacras imagines aversabatur, atque delebat, Sanctumque etiam Reliquias* incen-

incendio absumebat; divino ipse zelo impulsus, ante illum stans, & loquendi libertate arrepta, eum fortissime redarguit, Arbeam appellans, & Antichristi præcursores, inuitatoremque. Comprehensus itaque, ac vehementer excruciat, custodia fuit traditus, ex qua post multas arumnas eductus, cogebatur chirographo cultum venerabilium Imaginum abnegare. Sed cum id facere nollet, diversa subiit tormentorum genera. Naribus deinde obtruncatis, atque capite exusto, gratias Deo agens, tradidit spiritum, annos natus quinque & nonaginta. De quo etiam in Martyrologio Romano ad eandem diem.

7 Sed facta hæc satis sit retulisse: ex eorum siquidem narratione satis aperte desumitur, ea ad resolutionem quæstionis nihil, aut parum prodesse. Si etenim sermo sit de S. Satyro, mirabilis ille eventus idoli ex allatu corruentis, peculiarem Spiritus Sancti impulsu patetfacit: quod ipsum de ceteris exemplis supra expositis asserendum est. Factum S. Theodosiæ ad provocationem referri nequit, licet ex eo Tyrannus sumpserit occasionem sæviendi. Factum S. Publiæ non facit ad rem, cum ea mortem non subierit. Quæ vero dicta sunt de Martyrio S. Theodosiæ, æque bene procedere possunt in Martyrio S. Georgii; gliscentem quippe errorem Christiano pectore redarguere non est injuste provocare, sed uti jure suo; atque ideo, qui ex ea re occasionem sumit mortis inferendæ, injuste agit; & qui patitur, Martyrii palma privari non potest. Quæ responsiones æque bene aptari possunt gestis Artemii, Trophimi, & Sabbatii, uti consideranti patebit.

8 Ad urgentiora idcirco facta descendendo, principio sæculi IV. celeberrimum fuit factum cujusdam, qui inter Martyres recensetur ab Adone, Ufuardo, & aliis Martyrologiorum Editoribus ad diem 7. Septembris. Hic a nonnullis appellatur Joannes, ab Henschenio creditur fuisse celebris Martyr Georgius; at Balutius in *notis ad Lactantium* (sive quicumque sit Auctor lib. de mort. persecut.) tom. 2. miscell. pag. 375. contendit, nec Joannem, nec Georgium Martyrem fuisse. Sed, quidquid sit de ejus nomine, certe illustre ejusdem facinus sic refertur ab Eusebio Cæsariensi Episcopo lib. 8. cap. 5. *hystor. Eccles. edit. Vales. Primum quidem, simul ac edictum contra Ecclesias* (tempore videlicet persecutionis a Diocletiano & Maximiano excitatæ) *propositum est Nicomedia, vir quidam minime obsecrus, sed secularium bonorum prærogativa in primis conspicuus, zelo quædam Divino commotus & ardore Fidei incitatus, edictum illud in publico & illustri urbis loco affixum detraxit, & tanquam impium ac scelestum manibus suis discerpfit; idque, duobus Imperatoribus in eadem urbe commorantibus, quorum alter senior Augustus primum inter omnes Imperii gradum, alter vero quartum obtinebat. Hic igitur, cum primus omnium in ea civitate hujusmodi facinore inclaruisset, statim ea supplicia perpeffus, quæ post tantam audaciam ei infligenda esse credibile erat, lætitiâ ac tranquillitatem animi usque ad ultimum spiritum conservavit. Æmilianus ex Dorostoro urbe Myfiæ, cum Christum coleret, & idola execraretur, nactus opportunum tempus.*

arrepto malleo, ingressus in templum, idolorum simulacra omnia contrivit, & sacrificia disperfit, adiensque Præsidem, se ipsum denuntiavit; quocirca verberatus, & in fornacem injectus, spiritum Deo commendavit. Extant ejus Acta apud Bollandianos tom. 4. *Julii ad diem 18. pag. 370.* & hujus S. Æmiliani mentio fit in Martyrologio Romano ad diem 18. *Julii.* Apud Socratem lib. 3. *hystor. Eccles. cap. 15. tom. 2.* illustra gesta narrantur SS. Macedonii, Theoduli, & Tatiani: Eodem tempore apud Merum urbem Phrygia Præses provincia Amachius templum aperiri iussit, & sordes, quæ longinquitate temporis in eo conservate erant, exportari, statuas denique illic positas expoliri, præcepit. Hoc illius factum Christianorum animis gravem incussit dolorem. Itaque Macedonius quidam, & Theodulus, ac Tasianus zelo Christiana religionis incensi, eam indignitatem ferre minime potuerunt; sed incredibili quodam virtutis amore flagrantes, noctu in templum irruunt, & statuas omnes confringunt. Quo facto Præses graviter commotus, cum multis in ea urbe, qui prorsus insontes erant, supplicio afficere vellet, Auctores facinoris ultro sese obtulere, & pro veritatis defensione ipsi occumbere maluerunt, quam finire, ut alii ipsorum vice occiderentur: eorumque fit commemoratio in Martyrologio Romano ad diem 12. *Septembris.* S. Gregorius Nazianzenus orat. 4. contra Julianum tom. 2. oper. eum alloquitur, & duorum Martyrum mortem exponendo, sic ait pag. 133. Ex quibus alter, cum Deorum tuorum atri contumeliam intulisset, atque ipsius aram diruisset, adductus quidem est ut nocens ac facinorosus, ingressus est autem ut laureatus, ac purpuram tuam, & sermones ut inanes & sutes ingenti risu persecutus, cum majori libertate ac fiducia exiit, non secus ac si quis a cornu & splendore epulo rediret. Abdæ, sive Audæ Martyris, qui Pyreum destruxit, supra sermo habitus est. In Menologio Græcorum, & in Martyrologio Romano ad diem 9. *Aprilis* honorifica fit mentio S. Euphychii Martyris, qui ob eversum Fortunæ fanum sub Juliano Apostata Martyrium consummavit. In iisdem Menologio, & Martyrologio ad diem 14. *Augusti* festum celebratur S. Marcelli Episcopi Apamæ, qui, cum Jovis delubrum diruisset, a furentibus Gentilibus occisus est. Item ad diem 26. *Junii* Martyrium exponitur S. Vigili Episcopi Tridentini, qui, dum conaretur reliquias idololatriæ penitus extirpare, & idolum confregisset, a feris & barbaris hominibus lapidum imbre obrutus vitam cum morte commutavit. Consimilis fuit mors S. Martyrii apud Bonfinium lib. 5. dec. 1. Sanctarumque Justæ & Rufinæ, uti desumitur ex S. Ildoro in *Breviario Gothico.* Præterea confert apologia Leontii pro Christianis contra Judeos, de qua in Synodo VII. generali, seu Nicæna II. act. 4. tom. 4. collect. Harduin. col. 195. ubi ille sic scribit: *Quia vero me vidisti leonem Domini nostri Jesu Christi, vel immaculatæ Matris ejus, vel alterius ejuspiam Justæ salutare, indignaris, & mox blasphemans salis, & nos idololatrias appellas? Deinde non confunderis? Dic mihi, non horrescis? Non tremis? Non erubescis videns me in toto terrarum orbe templa idolorum destruere, & templa Martyrum adificare? Si idola adorarem,*

rarem, cur Martyres, qui destruxerunt idola, honoro? Si ligna ut Deos honoro & glorifico, quomodo honoro & glorifico Martyres, qui lignea simulacra destruxerunt? Si lapides ut Deos glorifico, quomodo honoro & adoro Martyres, & Apostolos, qui contriverunt & perdiderunt lignea signa? Insuper ad diem 15. Octobris inter Martyres recenletur in Martyrologio Romano S. Bruno Episcopus Ruthenorum, qui, non obstante prohibitione incolarum, Euangelium in ea regione prædicans, ab impiis tentus, manibus pedibusque præcisus, capite truncatus est. Ex Cardinali Baronio ad an. 1028. n. 10. habetur, Ulfridum Episcopum Divini amoris æstu Suediam ingressum, Paganis verbum Dei magna fiducia prædicasse, multos ad Christianam Fidem convertisse, cumque accepta bipenni, idolum in frustra redegisset, mille vulneribus confossum Martyrio coronatum fuisse. Denique apud Raynaldum in *annal. ad an. 1397. num. 17.* colligitur, Joannem e Cetina, & Petrum e Ducnas Minoritas Fidei propagandæ cupidos Granatam ingressos, vetitos vero a Magistratibus sacras conciones habere, cum in suscepto Mahumetanæ superstitionis oppugnandæ consilio prædicantes constantissime perstitissent, pro Christo mortuos esse, atque a Catholicis uti Martyres cultos.

9 Si quis porro prædictorum factorum circumstantias sedulo velit examinare, facile dignoscere poterit, in quo rerum eventu liceat provocare dictis, aut factis Tyrannum, atque adeo in quo rerum eventu provocatio vero Martyrio non obstat, quamvis Dei servus adhuc non sit in potestate Tyranni. De Martyrio nempe Joannis, sive Georgii Lactantius *cap. 13. de mortib. Persecutor. apud Baluzium miscellan. tom. 2. pag. 12.* judicium proferens, factum non laudat, sed animi ardorem, ac mortis genus exponit his verbis: *Quod edictum quidam, etsi non recte, magno tamen animo diripuit & confudit, cum irridens diceret, victorias Gothorum & Sarmatarum præpositas; (Diocletianus enim, & Maximianus se Gothicos dicebant) statimque prodactus, non modo extortus, sed etiam legitime coctus cum admirabili patientia, postremo exustus est.* Quocirca Lactantius ipse, etsi juxta humanæ prudentiæ regulas nequaquam commendandam censuit edicti lacerationem, constantissimam tamen mortem perpendens pro Christo susceptam indicare velle visus est, eam Spiritus Sancti impulsui esse adscribendam, juxta illud S. Achanasii in *apolog. de fuga sua num. 22. tom. 1. oper. part. 1. pag. 333.* *Hæc observarunt beati Martyres in persecutionibus, quæ suis occurrere temporibus. In persecutione scilicet fugere solebant, in latebrisque permanere, prehensi autem Martyrium fortiter subire. Quod si ex illis quidam Persecutoribus sese offerrent, non temere illud agebant... palamque omnibus erat, eam alacritatem, eumque ad Persecutores accessum Spiritum Sanctum auctorem habere.* De S. Æmiliano Cardinalis Baronius in *not. ad Martyrol. Rom.* animadvertit, post leges Constantini, & Constantii ejus filii, jure potuisse templa & aras subverti, & idola frangi, ut infra etiam a nobis innuetur. De Martyrio SS. Macedonii, Theoduli, & Tatiani sermonem instituen-

instituendo, ex ipsa facti expositione desumitur primò, idolorum templum obsoletum fuisse & clausum, a Præsìde autem fuisse rursus apertum, ut in ipsum cultus idolorum denuo introduceretur; secundò, invictos Martyres ad averrendum aliorum periculum, libere id manifestasse quod egerant, & morti se offerentes Martyrio coronatos fuisse. Utraque enim ex prædictis circumstantiis suum habet pondus. Primum quidem, quia in provinciis Catholica Fide & religione imbutis nulla superesse debent antiquæ idololatriæ, vel superstitionis vestigia, juxta ea quæ habentur in cap. 2. Concilii Toletani decimi sexti tom. 3. collect. Hard. col. 1794. *Instituentes decernimus, ut omnes Episcopi &c. solerti cura invigilent, & in cujuscumque loca præmissa sacrilegia, vel qualibet alia, qua Divina Legge prohibentur, vel sanctorum Patrum cobibent instituta, venerantes quoque, aut facientes reperiunt, cujuscumque sint generis aut conditionis, statim secundum prædictarum sententiarum seriem emendare & extirpare non differant.* Quapropter, cum incuria dormitantium Episcoporum, idololatria, quæ longe lateque in Christiano orbe erat extincta, in Cassini Monte altioribus fixa radicibus adhuc vigeret, S. Benedictus ad eum locum perveniens everit aram, succidit lucos, atque in ipso templo Apollinis Oraculum Beati Martini, ubi vero ara ejusdem Apollinis fuerat, Oraculum Sancti intruxit Joannis, & commorantem circumquaque multitudinem prædicatione continua ad Fidem vocavit, uti totidem verbis legitur in vita ejusdem S. Benedicti Latino-græca, variisque notis illustrata, & formis impressa Venetiis anno 1723. & ut habetur apud Cardinalem Baronium ad an. 529. n. 12. Deinde vero quia a Martyrum catalogo excludendus esse non videtur ille, qui postquam zelo Fidei aliquid egit, si videat alios ex eodem facto in periculum adductos, quidquid egit, futeatur, & mortem subeat ipsi a Tyranno inflictam ex odio in Christum, juxta ea, quæ antecedenti cap. 16. num. 12. ex S. Gregorio Nazianzeno desumpta sunt. In superioribus quoque, cap. videlicet 13. num. 11. de generoso facinore S. Abdæ, sive Audæ Martyris actum est. Nulla etiam rationabilis excitari valet controversia de celebri Martyris facinore narrato a S. Gregorio Nazianzeno in erat. 4. *adversus Julianum Apostatam*: cum enim Julianus Christianam religionem palam ejurasset, idolorum sana referasset, Christianos dignitatibus & officiis privasset, libris etiam editis Christianam religionem procaciter impugnasset, nemo est qui non videat, potuisse ac debuisse ejus mandata sperni, & tunc temporis lusingabiliter Christianos omnem lapidem movere debuisse, ut idololatria arceretur, & Christiana religio, qua Julianus antea erat affectus, immota permaneret. Exempla pariter SS. Euphychii, Marcelli, atque Brunonis sua non carent animadversione. Prætermisso quippe, quod everfio fani Fortunæ, auctore S. Euphychio, sub memorato Juliano Apostata contigerit, ira ut ea, quæ modo dicta sunt, suum robur etiam quoad eandem sipi vindicare possint; jam præcesserant leges Imperatorum Chri-

Christianorum, quibus idola fuerant prostrata, & eorum Sacra profcripta: quod nique ex infra dicendis satis erat, ut Martyr Euppsychii evertere potuerit memoratum Fortune fanum. Nec ullo modo traduci potest S. Marcellus Episcopus Apameæ in Syria, si a furentibus Gentilibus occisus est, cum Jovis delubrum diruisset; cognoverat enim hunc unicum superesse modum populos a superstitione avertendi, teste Sozomono lib. 7. cap. 15. pag. 298. tom. 2. ubi: *Nam, cum hic intelligeres, illos (Apamenses nempe cives) non aliter a priori superstitione facile converti posse, sana, que in urbe & in pagis erant, subvertis: quod prosequitur & Cardinalis Baronius ad an. 389. num. 106. & seqq.* Demum, cum S. Bruno justificatione summi Pontificis Joannis XIX. provinciam assumpserit prædicandi Russis Evangelium, ut habetur ex eodem Cardinali Baronio ad an. 1008. num. 5. incolarum repugnantia potuit ab eo sperni, ut suo munere fungeretur. Quæ pro sua cujusque ratione de reliquis etiam ad hanc rem allatis factis dicenda sunt.

10 Ex dictis itaque colligi posse videtur, provocationem, sive fiat dictis sive factis, non obitare vero Martyrio; etiam si fiat, antequam Dei servus sit in potestate Tyranni, modo ex signis dignoscatur, eam ex speciali Spiritus Sancti impulsu provenisse; vel circumstantiæ non desint, ex quibus ostendatur, Dei servum sic agere debuisse pro bono Fidei & religionis; vel denique publica Principum intercedente auctoritate prædictis provocationibus locus factus fuerit, ut in terminis dejectionis profanorum templorum & idolorum observat Theophilus Raynaudus de Martyrio per pestem part. 2. c. 5. num. 18. & 19. pag. 450. ubi: *Martyr enim revera esset, qui, jubente Christiano Principe, vis in locis qua imperio ejus sunt obnoxia, confringens idola, vel templum aut aram coertens, aliudve quidpiam profanissimi cultus instrumentum vastans, trucidaretur eo nomine a Fidei hostibus, quia hic iuste operans caderet in odium Fidei casus &c.* Item Martyr quoque re vera esset, qui trucidaretur ob contractionem vel eversionem prædictam sub Ethnicis ex peculiari Divina inspiratione, & Numinis afflatu patratus. Accedit Cardinalis Baronius in not. ad Martyrol. Rom. ad diem 9. Aprilis, ubi, relato Martyrio supra recensito S. Euppsychii, qui ob eversum Fortune fanum sub Juliano Apostata Martyrium consummavit, inquit: *At vero Euppsychium constat id perpetrasse auctoritate legum Constantini Magni atque Constantii Imperatorum Christianorum, quibus Julianus Apostata tyrannis adversabatur: illorum enim iteratis sanctionibus templa clausa, idola prostrata, illorumque Sacra profusa fuerant antiquata; qua omnia Juliani impietas resistere conabatur &c.* Quod si, iuste quis id facit, cum Princeps jubet, meretur laudem; multo magis licebit, cum Deus jubet, & privato quodam Divini Spiritus instinctu quis ad id faciendum impellitur, ut, multos fecisse constat. Porro late prosequitur Baillet in præfat. ad vir. SS. g. 78. animadversusque supra recensitis causis, subdit Ferdinandus de Mendoza supra cit. cap. 48. pag. 660. *His enim de causis, vel una illarum commoti fuisse, quotquot idolorum simulacra disturbantes*
honore

honore & corona Martyrum decorati sunt. In quorum numerum potiori jure sunt referendi, qui afflante Divino Spiritu, eadem labefactantes occiduntur: sed caute servendum, num spiritus ex Deo sit.

11 Verum, ut id funditus explicetur, prænoscere opus est primò, Principes Catholicos posse, immo debere Paganos sibi subditos compellere ad legis naturæ observantiam, in iis præcipue capitibus, quæ ad unius veri Dei cultum pertinent, juxta epist. 185. S. Augustini ad Bonifacium tom. 2. oper. ubi n. 19. col. 651. *Quomodo ergo Reges Domino servant in timore, nisi ea, quæ contra jussa Domini sunt, religiosa severitate prohibendo atque plectendo? Aliter enim servit, quia homo est; aliter, quia etiam Rex est. Quia homo est, ei servit, vivendo fideliter; quis vero etiam Rex est, servit, leges jussa precipientes, & contraria prohibentes convenienti vigore sanciendo; sicut servivit Ezechias, lucos & templa idolorum, & illa excelsa, quæ contra præcepta Dei fuerant constructa, destruendo; sicut servivit Isias, talia & ipse faciendo...; sicut servivit Darius, idolum frangendum in potestatem Danieli dando, & inimicus ejus leonibus ingerendo; sicut servivit Nabuchodonosor... omnes in regno suo positos a blasphemando Deo lege terribili prohibendo. In hoc ergo servant Domino Reges... cum ea faciunt ad serviendum illi, quæ non possunt facere, nisi Reges. Hac enimvero potestate usus est Constantinus Magnus, dum clavum Imperii tenebat, & religio Catholica dominabatur, teste Casariensi Eusebio lib. 2. vite illius cap. 45. interpret. Vales: Dux leges uno eodemque tempore sunt emissa. Altera, quæ detestanda idolorum cultus sacrificia per urbes olim & per agros passim fieri solita prohibebat, ita ut nullus deinceps nec statuas Deorum erigere, nec divinationes, & hujusmodi vanas artes attentare, nec victimas cadere auderet. Et rursus lib. 3. cap. 54. Gentilium vero superstitiosum errorem omnibus modis studebat convincere. Itaque quorundam in urbibus sanorum vestibula nudabantur valvæ jussu Imperatoris orbata; aliorum lectum corrumpebatur; segulis amotis. Nonnullorum veneranda ex ære simulacra, quæ error Majorum multis jam annis magnifice fastabat, per fora urbis ab Imperatore cognominata omnium oculis subiecta sunt; adeo ut ad ludibrium & contumeliam spectantium paterent expositi hic Pythius Apollo, illic Sminthius, & in ipso quidem Circo Tripodes Delphici, Musa autem Heliconides in Palatio &c. Itaque Dii illi delirantibus Græcorum fabulis celebrati, circumjectis restibus vincti trahebantur. Tum cap. 55. refert everisionem fani apud Aphacam in Phœnice, cap. 56. templi Æsculapii Ægis, & cap. 58. recenset fani Veneris dejectionem in urbe Phœnicis Heliopoli. Imperator etiam Honorius anno 399. leges tulit de templis & idolis diruendis, quas laudat & probat S. Augustinus lib. 18. de civit. Dei cap. 54. tom. 7. oper. col. 538. Interim, quod scimus, in civitate notissima & eminentissima Carthagine Africa Gaudentinus, & juvenis Camites Imperatoris Honorii quarto decimo Kalendas Aprilis sanctorum Deorum templa everterunt, & simulacra frugerunt; ex quo usque ad hoc tempus per triginta ferme annos, quis non videat, quantum creverit cultus nominis Christi? Cumque anno 408. mortuo Stilicone, Gentiles, & Donatistæ*

tistæ falso rumore in Africa jactassent, latas contra ipsos leges nequaquam ex voluntate Honorii extitisse, sed opera Stiliconis, ita ut, Stilicone extincto, earumdem cessasset auctoritas; S. Augustinus omnem lapidem movit, ut ab ipso Imperatore Honorio latæ leges confirmarentur; uti desumitur ex ejus epistola 97. al. 129. ad Olympium tom. 2. oper. col. 262.; atque ideo Imperator eas iterum produxit & confirmavit, datisque novis re-scriptis significavit, quodcumque adversus Donatistas, alios Hæreticos, necnon Gentiles statutum esset, id ex sua sententia factum, & firmum, & ratum in omnibus esse velle; quemadmodum desumitur ex l. 43. & 46. de Hæreticis, lib. 16., & ex l. 19. de Paganis, in codice Theodosiano eod. lib. Plura alia in rem hanc afferri possent; sed, eis omisiss, adnotare satis sit, de Principum Catholicorum potestate Infideles sibi subditos obligandi, ut observent legem naturæ, ut unum Deum colant, ne blasphement, ne furentur, ne perjurent, ne mæchentur, fute agere Theologos Bannez 2. 2. quest. 10. art. 10. dubit. 2. Silvium ibid. art. 8. conclus. 2. Suarez de Fide disput. 18. sect. 4. a num. 6. Du Vallium ibid. quest. 7. art. 11. Cardinalem Gotti Theolog. tom. 10. quest. 4. dubit. 1. §. 3. Sola autem remanet controversia, an Infideles, qui Fidem Christianam nunquam susceperunt, & subditi sunt Principibus Christianis, ad Fidem Catholicam recipiendam compelli possint. Affirmat scilicet Scotus in 4. sent. dist. 4. quest. ult. cui quidem Scoti sententiæ in ipso facti eventu adhæsisse videtur ejusdem discipulus Ven. Dei Servus Cardinalis Franciscus Ximenes, qui Mauros Granatæ, vinculis ac carcere adhibit, per vim adegit Fidem Christianam capessere, teste Gomezio de Gestis ipsius lib. 2. pag. 959. tom. 1. Hisp. illustr. Non deerant tamen, quibus indignum esse videbatur, prorsusque ab Instituto Christiano alienum, quemquam per vim, aut hujusmodi artibus ad Fidem Christi capessendam adigere, cujus unicus scopus mansuetudo est, & prompta in primis ac sincera voluntas; cum præsertim Toletanis Conciliis, quorum tam celebris apud omnes Christianos auctoritas est, severe admodum sancitum sit, nemini vim ad credendam Christo inferendam. At Scoto ipsi adversatur D. Thomas 2. 2. quest. 10. art. 8. cujus quidem sententiæ suffragantur jura Pontificia in can. de Judæis, dist. 45. in cap. Sicur Judæi, tit. de Judæis, & in cap. Majores §. Item queritur, tit. de Baptismo, eamque late & doctè propugnat adversus Scotum Dominicus Soto in 4. sent. dist. 5. quest. unic. art. 10. pag. 265. & plurib. seqq. doctèque pariter explicat Baldellus Theolog. moral. tom. 2. lib. 1. disput. 24. per tot. & ante Baldellum late docuerat Suarez de Fide disput. 18. sect. 3. num. 4. & seqq.

12. Secundo; prænoscere oportet, Principes aliquando bene agere, si ab usu potestatis abtineant, ad aliquod saltem tempus, compellendi Infideles sibi subditos ad observandam legem naturæ, si videlicet severitas Infideles magis averteret a recipiendo Evangelio, siquæ ex eadem compulsionè graviora crimina & mala timerentur. Desumitur id ex serm. 62. D. Augustini de verbis Domini tom. 5. oper. ubi S. Doctor loquens de Pagas

nis Christiano Imperatori subjectis, utpote Africanis, hæc habet n. 17. col. 364. *Multi Pagani habent istas abominaciones in fœdibus suis. Numquid accedimus, & confringimus? Primum enim agimus, ut idola in eorum cordibus frangamus. Quando Christiani & ipsi facti fuerint, aut invitans nos ad tam bonum opus, aut preventium nos. Mox orandum est pro illis, non irascendum illis. Et num. 18. in fine: Contra idola predicamus, de cordibus illa collimus, sumus persecutores idolorum: Prosequemur. Numquid servatores? Non facio, ubi non possum; Non facio, ubi conqueritur Dominus rei. Ubi autem vult fieri, & gratias agit; reus ero, si non fecero. Tolerantiam ergo S. Augustinus commendat ob iustas, & (uti credibile est) cogentes rationes, atque ut idola in cordibus Paganorum frangantur, priusquam e manibus ipsorum eripiantur. Quapropter S. Thomas 2. 2. quæst. 10. art. 11. in quo queritur, *Utrum Infidelium ritus sint tolerandi*, postquam docuit, nonnullos tolerandos non esse, qui nihil veritatis, aut utilitatis afferunt, docet etiam, hos eisdem ritus tolerari posse; urgente gravi causa, vitandi videlicet maiora mala, aut facilius obtinendæ gratia conversionis eorumdem: Aliorum vero Infidelium ritus, qui nihil veritatis, aut utilitatis afferunt, non sunt aliquatenus tolerandi; nisi forte ad aliquod malum vitandum, scilicet ad vitandum scandalum, vel dissidium, quod ex hoc posset provenire, vel impedimentum salutis eorum, qui paulatim sic tolerati convertuntur ad Fidem.*

13 Tertiò, aliud de Hæreticis, seu Schismaticis ferendum esse iudicium: eos enim, præmissis præmittendis, diligentius videlicet, & suavibus aptisque modis, ut ab errore recedant, hisque omnibus inutiliter adhibitis, ad Fidem demum compelli posse minis & terroribus, & pertinaces demum morte puniri, implorato brachii secularis auxilio, concors est Patrum & Theologorum sententia. Sanctus quidem Augustinus *epist.* 93. al. 48. ad Vincentium cap. 5. num. 17. col. 237. tom. 2. oper. fuit olim in ea sententia, ut Hæretici ad Fidem & unitatem cogendi non essent: *Mea primitus sententia non erat, nisi, neminem ad unitatem Christi esse cogendum; verbo esse agendum, disputatione pregnantem, ratione vincendum, ne fidos Catholicos haberemus, quos apertos Hæreticos noveramus.* Sed ab hac opinione discessit experientia, & exemplis edoctus suæ civitatis, quæ cum tota esset partium Domari, ad unitatem Catholicam timore legum Imperialium conversa est. Addit S. Doctor n. 18., terrorem legum oculos aperuisse veritati; cum multi, vel quia in errore nati, vel humano respectu, vel consuetudine, aut securitate in eo detinerentur: *His omnibus harum legum terror, quibus promulgandis Reges serviunt Domino in timore, ita profuit, ut nunc alii dicant: Jam hoc volebamus, sed Deo gratias, qui nobis occasionem præbuit, jam jamque faciendi & dilutionem mirulas amputavit.* Aliæque S. Augustini auctoritates referuntur a Gratiano in eam. *Distinction.* 4. seqq. 23. quæst. 4. Porro S. Doctorem a calumniosis Phereponi Lamiudis Prytanis de moder. ingenuior. lib. 2. cap. 9. pag. 302. vindicat, & doctæ de more ostendit, fuisse injuste ab illo traductum tanquam Proteum, eo quia sententiam

tiam movavit de vexatione Hæreticorum: *Fatetur infra Augustinus, se olim in ea sententia fuisse, ut Hæreticos nulla molestia temporalis afficiendos arbitraretur, sed aliam se postea mentem induisse, ex quo tum experimenta, tum rationes validissima sibi nimium persuasent, non justam solum, sed utilem plane, ac necessariam interdum esse hanc agendi rationem.* S. Augustinum sequitur S. Thomas 2. 2. quæst. 10. art. 8. ubi postquam docuit Infideles, qui nunquam Fidem susceperunt, non esse compellendos, ut credant, subdit: *Alii vero sunt Infideles, qui quandoque Fidem susceperunt, & eam profitentur, sicut Hæretici, & quandoque Apostata; & tales sunt etiam corporaliter compellendi, ut impleant quod promiserunt, & teneant quod semel susceperunt.* Rationem autem dat ibid. ad tertium dicens: *Quod, sicut vivere est voluntatis, reddere autem necessitatis, ita accipere Fidem est voluntatis, sed tenere eam acceptam est necessitatis; & ideo Hæretici sunt compellendi, ut Fidem teneant.* Eumque late exponunt Soto loc. cit. pag. 271. Cardinalis de Lauræa in 3. lib. sent. part. 2. tom. 3. disput. 15. art. 1. Cardinalis Gottus Theolog. tom. 10. quæst. 4. dub. 2. §. 1. & §. 2. congestaque undique Ecclesiastica eruditione prosequitur Natalis Alexander dissert. 3. sæculi XIII. & XIV. pag. 333. & seq. ubi late offendit, Ecclesiam juste Hæreticos Albigenes sæculari Potestati tradidisse poenis temporalibus puniendos. Nec omitti potest, Calvinum ipsum late probasse, dictis & factis Hæreticos jure gladii coercendos. Ejus nempe verba referuntur apud Natalem Alexandrum loc. cit. num. 10. facta autem extant in 1. tom. Cardinalis Gotti de vera Ecclesia cap. 3. §. 5. num. 18. Magistratui quippe Genevensi denunciavit Servetum, qui errorem Arii instaurabat; curavitque, & obtinuit, ut vivus combureretur; exortaque inter eos, qui se Reformatores jactabant, controversia, an Hæretici deberent poena mortis puniri, Sebastiano Castilione, & Lælio Socino negantibus, Calvinus affirmavit, cui ceteri *Communistri* adhaeserunt: tum, quia Castilione sub nomine Martini Bellii causæ Hæreticorum voluit patrocinari, Calvinus, qui tunc super Genesi scribebat, Theodoro Beza commisit, ut responderet; quod is porro præstitit in libro de Hæreticis a Magistratu puniendis.

14. Ultimò, licet ex dictis Principes Catholici cogere non possint Infideles sibi subditos, ut Fidem Christianam amplectantur; posse nihilominus dicendum est per Ecclesiam eosdem compelli ad audiendam Evangelii prædicationem, licet, ea audita, adigi non possint ad Fidem suscipiendam, etiam sufficienter propositam, uti late ostendunt Cardinalis de Lauræa in 3. lib. sent. part. 2. tom. 3. disput. 13. art. 2. num. 24. & plurib. seqq. Baldellus Theol. moral. tom. 2. lib. 1. disput. 23. per tot. ubi n. 19. apte subdit, Judæos subditos in temporalibus summo Pontifici, aut Principibus Christianis, Apostolicis Constitutionibus adigi ad audiendum, saltem semel in hebdomada, aliquem differentem de eorum erroribus, de Scripturis veteris Testamenti, de Christi adventu, atque similibus, statuta juxta modum contumaciæ adversus audire detrectantes poena;

quo pariter exemplo utitur Suarez de *Fide disput.* 18. *sect.* 2. *num.* 3. Et quamvis inter Theologos disputetur, an id quod dictum est, extendatur etiam ad Infideles non subditos, juxta ea quæ habentur apud Cardinalem Gottum *Theolog. tom.* 10. *quæst.* 4. *dub.* 2. *§.* 3. *num.* 25. & loquendo de Principibus Catholicis negans sententia communior sit, ab eis videlicet cogi non posse Infideles ipsi non subditos audire Evangelii prædicationem; certum nihilominus est, in Ecclesia esse potestatem Evangelium annuntiandi in toto terrarum orbe, proindeque tum Infidelibus qui subditi sunt, tum aliis qui Principibus Catholicis subditi non sunt. Marci siquidem *ult. v.* 15. dicitur: *Euntes in mundum universum prædicate Evangelium omni creatura*; & *Matthæi* 28. *v.* 18. & 19. *Data est mihi omnis potestas in celo, & in terra. Euntes ergo docete omnes Gentes, baptizantes eos. Quasi Christus dixisset: Quam ego potestatem in hac parte habeo, in vos confero: cumque potestatem prædicandi haberet in toto orbe terrarum, eam Ecclesiæ suæ reliquisse, dicendum est; uti bene profequitur Soto *loci sæpe cit. pag.* 266. Omnibus sane Ecclesiæ Pastoribus, Episcopis videlicet, jure Divino & Ecclesiastico mandatum est, ut Evangelium prædicent in suis diocesis, omnemque præstent operam, ut Infideles, Gentiles, Judæi, & Hæretici Fidem Catholicam amplectantur: inquit enim Apostolus ad Titum *cap.* 1. *v.* 9. & *seqq.* Oportet enim Episcopum sine crimine esse . . . amplectentem eum, qui secundum doctrinam est, fidelem sermonem, ut potens sit exhortari in doctrina sana, & eos, qui contradicunt, arguere. Sunt enim multi . . . seductores, maxime qui de circumcisione sunt, quos oportet redargui, qui universas domos subvertunt docentes, quæ non oportet. Et *Ezechielis* 34. *v.* 4. & *seq.* conqueritur Dominus de Pastoribus: Quod infirmum fuit, non consolidastis . . . quod contractum est, non alligastis, & quod abjectum est, non reduxistis & quod perierat, non quaesistis, sed cum austeritate imperabatis eis, & cum potentia. Et dispersa sunt oves meæ, eo quod non esset pastor, & facta sunt in devoracionem omnium bestiarum agri, & dispersa sunt. Quocirca S. Gregorius Magnus in *epist. ad Januarium Episcopum Caralitimum lib. regist.* 4. *indict.* 12. *col.* 704. *tom.* 2. *oper.* hæc habet: Rusticos, quos habet Ecclesia tua, nunc usque in Infidelitate remanere, negligentia Fraternitatis vestra permisse. Et quid vos admones, ut extraneos ad Deum adducas, qui vestros ab Infidelitate corrigere negligitis? Unde necesse est, vos per omnia in eorum conversionem vigilare. Nam, si cujuslibet Episcopi in Sardinia insula Paganum rusticum invenire potuero, in eundem Episcopum fortiter vindicabo. Episcopus autem nec a jure Divino, nec a jure Ecclesiastico impositum est onus prædicandi Evangelium Infidelibus extra suam diocesim existentibus: nam Christus utique id præcepit Apostolis; at Episcopi sunt Successores Apostolorum, non in Apostolatu totius mundi, sed tantum suæ diocesis, juxta illud *Actor.* 20. *v.* 28. *Attendite vobis, & universo gregi, in quo vos Spiritus Sanctus posuit Episcopus.* Et a sacris quidem Canonibus coercitum est jus Episcopale intra uniuscujusque Episcopi diocesim;*

cesim; ut eruere est ex multis Canonibus a Gratiano collectis *caus. 9. quest. 3.* Non negamus scilicet, quin immo ultro admittimus, multos Episcopos, multas Religiosas personas, & nonnullos etiam laicos ex particulari Spiritus Sancti impulsu oras remotissimas Infidelium penetrasse, & Gentilibus, atque Infidelibus laudabiliter Fidem prædicasse: sed addimus, per vias ordinarias procedendo, cum ad Romanos 10. v. 15. scriptum sit, *Quomodo vero prædicabunt, nisi mittantur?* in more positum fuisse, & esse, ut Episcopi Euangelium prædicaturi extra suam diocesim Infidelibus, siue subditi sint, siue non Principibus Catholicis, missionem petant & impetrent a Romano Pontifice Christi Vicario; idque jure potiori de aliis dicendum est. Summus enim Pontifex jus habet prædicandi Fidem omnibus hominum nationibus vel per se, vel per alios, juxta illud Joan. 21. v. 12. *Pasce oves meas;* atque adeo tenetur curam omnem adhibere, ut Euangelii prædicatio in eis regionibus fiat, in quibus forte usque adhuc facta non fuit; vel, si facta fuit, deperdita est ejus memoria, vel per hæreses Fides est depravata, juxta illud Joan. 10. v. 16. *Alias oves habeo, quæ non sunt ex hoc ovili, & illas oportet me adducere, & vocem meam audient, & fiet unum ovile, & unus Pastor.* Quæ omnia luse demonstrata legi possunt apud Cardinalem de Lauræa loco sæpe citato *disput. 17. art. 6. & plurib. seqq. & apud supradictum Baldellum Theolog. tom. 2. lib. 1. disput. 23. num. 1. & seqq.*

15. Post hæc igitur, ad institutum nostrum de Martyribus ut redeamus, unusquisque cognoscere potest, potentiores Tyrannorum provocationes, puta templorum & idolorum everfiones, etiam si a Dei servis prodierint, antequam essent in potestate ipsorum Tyrannorum, non obstare vero Martyrio, si Principum Catholicorum imperio factæ sint in regionibus illis, in quibus degunt Infideles, qui Principibus ipsis subditi sunt. Equis enim est (ut cetera supra exposita modo missa faciamus) qui rationabiliter dicere possit, Martyres eos futuros non fuisse, qui a Ferdinando Cortesio Mexici debellatore excitati ad Mexicani Imperii Regiam urbem devenerunt, si utentes potestate data (ne dicam mandato) idola collidendi, & ecclesiam fabricandi, ut habetur apud Raynaldum *ad an. 1524. num. 112. & seqq.* mortem pro Christo tolerassent? Quisve S. Francisci Xaverii factum reprehendere possit, qui in similibus prope modum circumstantiis idola Coccinensium demoliri jussit, quemadmodum legitur in 2. part. relationis Rotæ Auditorum in ejus causa exarata *sic. de Fide?* En verba relationis: *Testes remissoriales Coccinenses &c. dicunt, Patrem Franciscum ad convertendas Ethnicas, & Infideles jussisse pueris, quos docebat doctrinam Christianam in civitate Coccini, interiora loca adire, & exportare omnia idola Gentium, & comminueri ea, ac pedibus conculcare, & in civitatem trahere; volens hoc opprobrio Ethnico populo, ac Christianis recenter conversis ostendere, qualiter simulacra Deorum nihil aliud erant, quam ligna ac lapides, nec digna erant aliqua veneratione aut cultu, ut Gentiles iis rebus convincerentur,*

vinceretur, & Christiani magis corroborarentur in sancta Fide. Rursus nemo reperiri poterit sanæ mentis eum redarguens, qui a Romano Pontifice missus ad oras Infidelium, ut prædicet Euangelium, in prædicationem strenue, sed prudenter incumbit; & sperans, se proficere posse, iniustus Tyrannorum præceptis de Fide Christi nequaquam annuntianda minime obtemperans, Martyrium subit. Prudentis prædicationis exemplum habetur in causis Viginti sex Martyrum Japonensium, Joannis de Prado, Fidelis a Sigmaringa, qui ex alibi dictis in Beatorum Martyrum numerum relati sunt. Ex Actis quippe eorundem causarum plene defumitur, eos Christiana mansuetudine prædicationi initium dedisse, legitima suffultus auctoritate id præstitisse, & alterum ex eis cuiusdam ferventioris zeli signa tantum dedisse, cum Christum & ejus Fidem a Gentilibus impie damnari, propriis auribus audivit. Exemplum denique aliorum præter supra adducta, qui, licet eis interdictum esset a Tyrannis, ne prædicarent, putarunt tamen, ab opere non esse cessandum, atque adeo, ut Infideles ad Christum converterent, sacram prædicationem prosequentes, mortem pro Christo subierunt, desumi potest ex Passione Berardi, Petri, Aocursii, Adjazi, & Othonis, qui fuerunt in Beatorum Martyrum catalogum relati a Sixto IV., & quorum sit commemoratio in Martyrologio Romano ad diem 16. Januarii. A Sancto quippe Francisco missi ad Christi Fidem Infidelibus prædicandam, cum Hispaniam pervenissent, & ad Infidelium Meschitam accessissent, ut prædicarent, impetu in ipsos facto repulsi, & verberibus affecti, a concepto spiritus fervore nihilominus non deficientes, aulam ingressi, Christum coram Rege prædicarunt. In carcerem detrusi, & Marrochium delati, ubicumque collectos Saracenos viderunt, Christum prædicarunt. Expulsi, & Regis jussu ad terras Christianorum delati, bis Marrochium reversi sunt, & quadam sexta feria, cum in publicum erupissent, atrox Martyrium subierunt. Parum vero urget adversus hucusque adducta sententia canonis Illiberitani (tom. 1. collect. Hard. col. 256.): Si quis idola confrigerit, & ibidem fuerit occisus, quatenus in Evangelio scriptum non est, neque invenitur sub Apostolis unquam factum, placuit, in numero eum non recipi Martyrum. Mendoza quippe egregius vindex, & perpetuus Interpres, vel, ut dicitur, Commentator dicti Concilii tom. 1. Concil. Hisp. Card. de Aguirre pag. 653. advertit, in eo canone non decerni, sic occisos Martyres non esse, sed tantum in Martyrum catalogum non esse adscribendos: Non decreverunt Patres Hispani (ut falso illis objici solet) Martyrem verum non esse omnem, qui Gentium idola confrigerit; cum omnis, qui pio & prudenti animo sanguinem vel vitam profuderit pro Christo, certus & verus sit Martyr. Si enim Martyrem, ut Augustinus docuit, non facit poena, sed causa, qui cum causa poenam conjunxit, quare apud Deum Martyris nomine & honore non decorabitur? Quid decernunt igitur, id solum est, eum, qui preserverit idola Gentium interfectus fuerit, in numerum Martyrum non recipi, hoc est

est in catalogum Ecclesiasticum Martyrium non esse referendum. Separat itaque Mendoza dogma a disciplina: quapropter, quamvis ex urgentibus rationibus Patres Illiberitani decreverint, non esse inter Martyres apud Ecclesiam militantem recipiendum, qui Gentium idola frangens occisus est, nil prohibet tamen, quin mutatis rerum circumstantiis, sic occisus, qui Martyr sit coram Deo, Ecclesia Martyrum catalogo adscribat. Gonzal. in comment. ad dict. can. pag. 651. tom. 1. collect. Concilior. Hispan. Card. de Aguirre utique putat, canonem prædictum editum fuisse contra Circumcelliones illos, qui prodigiosa mortis cupiditate, & Martyrii temeraria ambitione prosternebant in templa, evertébantque idola, ut Gentiles provocarent ad sui occisionem; eumque sequuntur Raynaudus de Martyr. per pestem part. 2. cap. 5. num. 18. pag. 450. Hurtado de ver. Martyn. resolut. 34. sect. 1. §. legitur alia, pag. 106. Sed, cum magna sit inter Eruditos disputatio de tempore, quo coacta fuit Synodus Illiberitana, de qua plura accurate de more collecta legi possunt in dissertatione historica de capitalium criminum absolutione, edita a sæpe laudato Patre Josepho Augustino Orsi Ordinis S. Dominici sect. 4. digress. 5. ideoque dubitari rationabiliter possit, an hujus Concilii epocha concordet cum epocha Circumcellionum, placet explicatio Suarez, qui in tract. de Fide disput. 18. sect. 4. num. 8. canonem exponit de Christiano, qui idola frangit privata auctoritate, & sine discrimine, aut modo, abjectaque prudentia se gerit. Hanc sententiam sequitur Cardinalis de Lauræa in 3. lib. sent. part. 2. tom. 3. disput. 20. art. 13. num. 247. & concordat Cardinalis Baronius in not. ad Martyropol. ad diem 9. Aprilis, ubi memorato Martyrio S. Euplychii, qui (uti sæpe dictum est) capite damnatus est ob eversum Fortunæ sanum, sic, opponit: Sane aliquis existimare possit, hunc eam ob causam, Martyris nomina non fuisse ducendum, propterea quod repugnare videatur canon sexagesimus Concilii Eliberini, quo cautum reperitur, ut, si quis ideo occidatur a Gentilibus, quod idolum fregit, non habeatur inter Martyres. Tum respondet: Quod tamen ita intelligendum est, cum quis sponte citra Christianam mansuetudinem, ex nullo legis præscripto, sed furare quodam percitus, insiliet in idolum. De idolorum contradictione tractatum est in causa Severorum Dei Rodulphi Aquavivæ & Sociorum, de qua supra. Egie quoque de eadem re Gabriel Vasquez, Theologus contemporaneus, in 3. part. quest. 25. art. 3. disput. 105. cap. 2. num. 13. ubi hæc habet: Quare & Rodolphus Aquaviva, & Alphonsus Pacieus nostra Societatis Sacerdotes, cum aliis Sodalis prope Salsitum in India Orientali a Gentilibus occisi, quod sacra vellent templa edificare, dubio procul vere Martyres existimandi sunt. Nam & pagus ille sub Philippi II. Hispaniarum Regis potestate & jurisdictione tunc erat, qui illorum Paganorum idola confringere, & templa Christianis ibi existentibus edificare jure poterat, Quapropter ad id muneris publica auctoritate Rodolphus & Alphonsus legitime destinati, nullam injuriam Gentilibus irrogarunt; ac prout ab ipsis zelo sua falsa religionis occisi, verum pro Christo Martyrium subierunt. Quibus rationibus

iunxi

innixi etiam sunt, qui suffragium in dicta causa tulerunt, existimantes; idolorum everisionem, & ecclesiarum edificationem nullatenus ob stare potuisse vero Martyrio Venerabilium Dei Servorum.

16 Denique, ne in hanc de provocatione Tyranni materiam aliqua irrepat ambiguitatis, vel, ut ajunt, *equivocationis* occasio, operæ pretium est adnotare, Dei servos posse laudabiliter aliquos virtutis actus facere, licet adsit periculum mortis. Tobie enim cap. 2. v. 8. legitur, eum mortuos sepelisse interfectos ex odio in Mosaicam religionem, dum erat captivus, licet periculum mortis urgeret: *Arguebant autem eum omnes proximi ejus dicentes: Jam hujus rei causa interfici jussus es, & vix effingisti mortis imperium, & iterum sepelis mortuos?* Et statim subditur: *Sed Tobias plus timens Deum, quam Regem, rapiebat corpora occisorum, & occultabas in domo sua, & mediis noctibus sepeliebat ea.* Et rursus cap. 12. v. 12. & 13. Angelus Raphael sic loquitur ad Tobiam: *Quando orabas cum lacrymis, & sepeliebas mortuos, & derelinquebas prandium tuum, & mortuos abscondebas per diem in domo tua, & nocte sepeliebas eos, ego obtuli orationem suam Domino, & quia acceptus eras Deo, necesse fuit, ut tentatio probaret te.* Posito itaque, licitum esse & meritorium aliquos exercere actus virtutis, licet urgeat periculum mortis; unusquisque facile dignoscere poterit, morientem pro eisdem virtutis actibus inter Martyres esse recensendum: nec ob stare, quod Tyrannum provocaverit, quod mori voluerit, quod dederit alteri occasionem peccandi; cum ipse re vera nonnisi actus virtutis voluerit vel cum periculo vitæ, Tyrannus autem occasionem sumperit ex eis virtutis actibus mortem illi infligendi. Doctrina hæc est D. Thomæ 2.2. quest. 124. ars. 1. ad tertium, ubi inquit: *Non autem debet homo occasionem dare alteri injuste agendi; sed, si alius injuste egerit, ipse moderate tolerare debet.* Ubi ad rem subdit Cardinalis Cajétanus: *Dubium occurrit de Martyribus, qui sponte se Martyrio obtulerunt, quoniam videntur dedisse Tyrannis occasionem injuste agendi, quando non erat de necessitate præcepti subire Martyrium, sed poterant, salva conscientia, se non offerre.* Ad hoc dicitur, quod Sancti Martyres sponte procedebant, quando eis expedire videbatur, ad actus Fidei exteriores, puta prædicationem, vel confessionem, vel ad actus fraternæ charitatis, ut in articulo tertio *Auctor* dicit, *etiam si non erant in præcepto pro tunc hi actus, scientes, quod inde Tyranni sumerent occasionem affligendi, & occidendi eos, & non procedebant ad provocandum eos ad afflictionem, vel mortem inferendam.* Et ideo non dabant Tyrannis occasionem injuste agendi, sed ipsi accipiebant talem occasionem ex bonis actibus, quibus dabant sponte operam imperterriti Sancti illi; & propterea dicuntur sponte se ad Martyrium obtulisse. Ex qua proinde doctrina colligitur, extraneos esse, rigore loquendo, terminos provocationis Tyranni, si ea sumatur ab exercitio virtutum, urgente mortis periculo; re vera provocationem solum desumi posse ab actibus, qui sunt talis indolis & naturæ, ut quodammodo liceat suspicari, eos factos fuisse, quo directè, & ut dicitur, *immediate* Tyrannus provocaretur, cujusmodi est demolitio

tio idolorum, atque templorum; & eo quidem magis, cum, loquendo de his actibus, dubitari possit, utrum Tyrannus mortem infligeret ex odio in Fidem, an potius ex dolore iacturæ rei suæ: in quo propterea rerum statu juxta regulas supra recensitas, necesse omnino est, ut recte examinentur, & sedulo perpendantur omnes eventuum circumstantiæ jam antea expositæ.

C A P U T XVIII.

De Martyris repugnantia, ut mortem sibi inferendam evadat; & de necessaria Martyri patientia, atque in Fide, ac voluntate moriendi pro Fide constantia usque ad obitum, necnon in ipso obitu.

CUm in superioribus dictum & probatum sit, voluntariam mortis acceptionem esse necessariam, ut quis pro Christo moriens inter Martyres recensatur, inferri posse videtur, opus esse, ut Martyr non repugnet, & mortem patienter sustineat: ita ut Martyr nunquam ille dici possit, qui Persecutori se invadenti resistit, tentatque ei mortem inferre, ut se a morte liberet, & in hac contentione occiditur; licet occidatur ex odio in Christum, atque adeo pro Fide Christi quodammodo pugnaverit.

2 At id non est apud Theologos concorditer receptum. Sanctus scilicet Thomas 2. 2. *quest.* 124. *art.* 5. quaerens, utrum sola Fides sit causa Martyrii, necne, in tertio, quod sibi opponit, argumento sic loquitur: Inter alia virtutum opera illa videntur esse potiora, quæ ordinantur ad bonum commune; quia bonum gentis melius est, quam bonum unius hominis secundum Philosophum in 1. *Ethic.* Si ergo aliquid aliud bonum esset causa Martyrii, maxime videretur, quod illi essent Martyres, qui pro defensione reipublice moriuntur; quod Ecclesia observatio non habet: non enim militum, qui in bello iusto moriuntur, Martyria celebrantur. Ergo sola Fides videtur esse Martyrii causa. Cumque postea sanctus ipse Doctor huic argumento sic respondeat: Ad tertium dicendum, quod bonum reipublicæ est præcipuum inter bona humana, sed bonum Divinum, quod est propria causa Martyrii, est potius, quam humanum; tamen, quia bonum humanum potest effici Divinum, ut si referatur in Deum, ideo potest esse quodcumque bonum humanum Martyrii causa, secundum quod in Deum refertur; hinc videtur D. Thomas existimare, milites in bello pro Fide suscepto morientes, Martyres esse posse, licet pugnando obfistat, & mortem Infidelibus infligere curent: quod clarius exprimit idem S. Doctor in 4. *dist.* 49. *quest.* 5. *art.* 3. *quest.* 2. ad undecimum: Cum quis propter bonum commune non relatum ad Christum mortem sustinet, Aureolam non meretur: sed, si hoc referatur ad Christum, Aureolam merebitur, & Martyr erit; utpote, si reipublicam defendat ab hostium impugnatione, qui Fidem Christi corrumpere moluntur, & in tali defensione mortem sustineat.

Tom. III.

F f

Juncur

fineat. Cui quidem opinioni adhærent Silvius in *addit. ad quest. 46. art. 6. ad undecimum*, Paludanus in *4. dist. 49. quest. 8. art. 4. in fine*, S. Antoninus 3. par. *Summa tit. 30. cap. 8. §. 1. in fine*, Cardinalis Capisucchius *controver. de Martyr. §. 12. pag. 727. & seqq. & rursus pag. 741. Hurtado de vero Martyr. resolut. 22. §. 5. & resolut. 26. §. 2.*

3 Hujus autem sententiæ fundamentum in hoc consistit, quod, posito bello inter Fideles, & Infideles causa religionis, non autem ex aliquo fine politico (in qua hypothefi unusquisque admittit, Fideles in eo morientes Martyres non esse) positoque, agi de his, qui pugnant, se defendendo, & ne hostes Fidem corrumpant; casus non deficit a vera Martyrii ratione, cum mors infligatur ex odio adversus Fidem Catholicam, & morientes pro Fide Catholica mortem subeant. Nec vero obstat repugnantia: obstarat, si quidem pugna fieret primariò ad propriam vitam defendendam; secus vero, si fiat, ut principaliter causa communis Ecclesiæ, & veritas Fidei contra inimicos defendantur, qui ex odio in Christum eam impugnant, secundariò autem, ut propria vita defendatur tanquam necessaria ad præliandum pro Ecclesia, & Fide Christi; uti profequuntur Nicol. Serar. in *lib. Judith cap. 16. quest. 32. Joseph de Lazerda comment. in lib. Judith tom. 2. cap. 10. vers. 11. num. 100. Nieremberg stromat. lib. 12. cap. 28. Salelles in tract. de scalis mystic. part. 3. sect. 2. cap. 4. §. 7.* Præterea hæc sententia a nonnullis explicatur, ut procedat vel in eo rerum eventu, in quo miles in dicto bello vulneratus, mortem voluntarie acceperit eo temporis spatio, quod intercedit inter vulnus, & mortem; in quo nempe sensu loquitur Cardinalis Capisucchius: vel in alio rerum eventu, in quo milites Christiani pro Fide pugnantes incidant in manus Infidelium, & tentati atque impulsæ ad deferendam Fidem, mortem sustinere malint; ut habent Patres Salmanticenses in *curf. Theolog. tom. 3. tract. 9. disp. 3. dub. 2. §. 2. num. 24.* Contigit id circa annum 1250. Extat enim epistola S. Ludovici Regis Francorum tom. 1. part. 2. *Gestorum Dei per Francos pag. 1199.* ubi sic legitur: *Inmo, quod est detestabilius.... electos juvenes de Christianis captivis ducendo ad victimam tanquam oves, quantum in eis erat, compellebant apostatari a Fide Catholica, appositis gladiis super eorum cervicibus, & clamare legem sceleratissimi Machometi. Quorum multi imbecilles & fragiles exorbitaverunt a Fide, legem illam detestabilem profirando. Ceteri vero tanquam Athleta fortissimi in Fide radicati, & in firmo proposito constantissime persistentes minis, vel flagellis hostium superari nullatenus potuerunt, sed certantes legitime coronas Martyrii receperunt sanguine rubritas. Quorum sanguis, ut pro certo tenemus, clamabit ad Dominum pro populo Christiano, & Advocati nostri erunt coram summo Iudice in celesti curia in causa, quam agimus contra Fidei inimicos, utiliores nobis in illa patria, quam si nobiscum conversarentur in terris.*

4 Doctrina porro Patrum Salmanticensium carere non videtur probabilitate. Non enim in casu ab ipsis proposito aliquid deest ad verum

Mar-

Martyrium: cui quidem pugna obistere non potest, cum præcesserit, & Martyr positus in novo rerum statu, voluntarie & sine ulla nova repugnantia mortem elegerit pro Christo: ideoque differt hic casus ab alio apud Cardinalem de Lauræa in 3. lib. sent. part. 2. tom. 3. disput. 20. art. 8. num. 121. Catholici videlicet a Principe Infideli ad mortem ob delicta damnati, tum mortem pro Fide subeuntis, & extrinsecus profitentis, se mortem propter Fidem acceptare: in hoc quippe casu in eo, qui mortem infert, deest odium in Fidem, ut optime perpendit citatus Auctor, quod odium non deest in alio casu a Patribus Salmanticensibus exposito. Sed difficultas est quoad eos, qui Persecutori obstant, ut mortem evadant, & qui pugnant in bello causa religionis inito, & pugnando moriuntur. Enimvero Auditores Rotæ in relatione causæ B. Josaphat Pollocensis part. 2. §. Dum vero, in fine, dicunt, supra recensitam opinionem Martyrio faventem multos habere contradictores, & merito; cum multi doceant, ad Martyrium requiri, ut Martyr non repugnet, & patienter mortem acceptet: qua de causa inferunt, Christianos milites, qui pugnant contra Infideles, & in prælio pro religione suscepto occumbunt, non esse in albo Martyrum describendos, cum non voluntate, sed necessitate moriantur, quod vires non habeant, quibus hostibus obstant. Ita docent Raynaudus de Martyr. per pestem part. 2. cap. 5. a num. 1. usque ad 6. Cardinalis de Lauræa in 3. lib. sent. part. 2. tom. 3. disput. 20. art. 14. num. 266. & seqq. Lessius de iustit. & iur. lib. 3. cap. 1. dub. 3. num. 36. Molphee. in Summa tract. 1. cap. 11. num. 30. Maurus Theolog. tom. 3. lib. 11. quest. 97. num. 1. & 2. Schiara in Theologia bellica tom. 2. lib. 8. difficult. 23. Anaclet. Theolog. moral. tract. 7. quest. 6. dist. 3. num. 47. Frassen. in suo Scoto Academico tom. 10. tract. 1. disput. 1. art. 1. quest. 3. vers. Quarta tandem condito, Clericat. de Baptismo decis. 27. num. 14. Matthæucc. præf. Theologo-Canon. ad caus. Beatificat. & Canonizat. tit. 4. cap. 1. §. 1. num. 32. Cardinalis Gottus Theolog. tom. 13. quest. 2. dub. 3. §. 3.

5 Defumitur fundamentum hujus sententiæ ab exemplo Christi: nemo enim potest esse Christi Martyr, nisi patiendo imitetur Christum in sua Passione Martyr exemplar; & Christus quidem testimonium perhibuit veritati patiando, non armis pugnando, aut Tyranno obistendo, ut habetur 1. Petri 2. v. 23. Cum pateretur, non comminabatur, tradebat autem iudicanti se iniuste; & ut ex Isaia cap. 53. v. 7. legitur Aïtor. 8. v. 32. Tanquam ovis ad occisionem ductus est, & sicut agnus coram tondente se sine voce, sic non aperuit os suum. Idemque Salvator Luca 21. v. 16. & seq. mala prænuntians, & cruciatus, & mortes, dixit Apostolis: Trademini autem a parentibus, & fratribus, & cognatis, & amicis, & morte afficient ex vobis &c. In patientia vestra possidebitis animas vestras.

6 Suffragatur Tertullianus lib. 4. adversus Marcionem cap. 39. pag. 732. ubi Martyres appellans oves, subdit: Nemo oves appellat eos, qui in bello armati & ipsi ex eadem feritate certantes cadunt, sed qui in sua proprietate, atque

patientia dedentes potius semetipsas, quam vindicantes trucidantur. Certe enim in Passione SS. Mauricii, & Sociorum Martyrum (apud Ruinart. n. 4. pag. 243.) scripta a S. Eucherio Lugdunensi Episcopo Martyres prædicti, qui Legionem Thebæam militum constituiebant, pugnare poterant, sed noluerunt, & patienter mortem pro Christo tolerarunt. Tenemus ecce arma, & non resistimus, quia mori, quam occidere, satius maluimus, & innocentes inserire, quam noxii vivere peroptamus. Si quid in nos ultra statueris, si quid adhuc iusseris, si quid admoventis, ignes, tormenta, ferrum subire parati sumus. Christianos nos satemur, persequi Christianos non possumus. Hæc erant ipsorum verba a S. Eucherio relata, qui, postquam narravit, Maximianum una sententia decrevisse, omnes interfici circumfusus militum agminibus, subdit n. 5. Qui (loquitur de militibus ad occidendum missis) cum missi ad beatissimam Legionem venissent, stringunt in Sanctos impii ferrum mori non recusantes vita amore. Cadebantur itaque passim gladiis non reclamantes saltem, aut repugnantes, sed, depositis armis, cervicibus Persecutoribus præbentes, & jugulum Persecutoribus, vel intectum corpus offerentes. Non vel ipsa suorum multitudine, non armorum munitione elati sunt, ut ferro conarentur asserere iustitiam causam; sed hoc solum reminiscentes, se illum confiteri, qui, nec reclamando, ad occisionem ductus est, & tanquam agnus non aperuit os suum, ipsi qui, que tanquam grex Dominicarum ovium, lavari se tanquam ab irruentibus lupis, passi sunt. Confert præterea exemplum delumptum ex Actis SS. Philææ, & Philoromi Martyrum apud Ruinart num. 3. pag. 436. Principio scilicet sæculi iv. uterque fuit pro Christo ad mortem damnatus: cum autem irent ad locum cædis, frater Philææ, qui erat unus ex Advocatis, appellationem interposuit, cui noluit Philæas adherere, malefactum putans, sententiæ iudicis refragari, licet non præsidio armorum, sed legum: Frater Philæas, qui erat unus ex Advocatis, exclamavit dicens: Philæas abolitionem petis. Calicianus revocans eum dixit: Quid appellasti? Philæas respondit: Non appellavi, absis. Huic infelicissimo noli intendere. Ego autem magnas ago gratias Regibus, & Præfidi, quoniam coheres factus sum Iesu Christi. Item Phocas Imperator, ut enervatum militum suorum robur erigeret atque firmaret, probe noscens, non viros tantum, sed & seminas Martyrii spe sortiores fuisse tortoribus, & tormenta & mortem sprevisse, magnis studiis petiit, ut ii, quos in bello adversus Christianæ Fidei hostes certantes occidi contigisset, inter Martyres recenserentur. At resisterunt Constantinopolitanus, & alii Antistites utentes potissimum auctoritate S. Basilii, qui in epistola 188. ad Amphilo- chium pag. 275. tom. 3. decreverat, ne sine prævia Pœnitentia daretur illis sacra Communio, qui in bello fecissent homicidium. Audita ergo tanti Patris sententia, Phocas ejus cessit auctoritati, & ab instituto recessit; uti post Theodorum Balsamonem refert Cardinalis Baronius ad an. 610. num. 4. Insuper de S. Bonifacio legitur, quomodo una cum sociis cum pervenisset ad flumen Bortnam, & ibi tentoria fixisset, ut baptizatis Sacramentum Confirmationis conferret, hi ex amicis in hostes, ex Neophytis in Lictor-

res mutati, sumptis armis, ad Sanctorum castra devenerunt: famuli autem, cum id cernerent, armati contra furentis populi multitudinem Sanctos tueri nitebantur. At Sanctus famulos ad resistendum paratos compescuit dicens: *Nolite, quaso, pugnare, Filii mei, nolite adversarius bellum inferre, sed etiam pro malis bona exhibere*; quemadmodum fufe refert Cardinalis Baronius *ad an. 755. num. 39.* Demum Herebertus in *Quadrupartita* narrans mortem S. Thomæ Cantuariensis ait, ab eo Aedituos ecclesiæ fuisse reprehensive, qui portarum obice milites excludere volebant, cum diceret, ecclesiam non esse custodiendam more castrorum. Quibus omnibus si addatur, neminem hactenus fuisse in SS. Martyrum album relatum, qui restiterit, & contra pugnaverit, ne moretur, neque ex tot millibus Cruce signatorum, aut Militum Hierosolymitanorum, qui pro Fide, bellando contra Infideles, in prælio mortui sunt, cultum Martyrum ullum habuisse, aut habere in Ecclesia; nil clarius asserri posse videtur, ut demonstretur, repugnantiam morituri obflare Martyrio, & mortis acceptionem non coactam, sed voluntariam omnino esse debere pro vera ratione Martyrii.

7 Adversus hucusque adducta opponi posse videtur, nonnullos pios viros in classem Martyrum recensuisse milites Christianos in bello pro Fide morientes; quemadmodum desumitur ex verbis Episcopi Couvenarum; milites ad prælium paratos in sacra expeditione hortantis, relatis apud Raynaldum *ad an. 1213. num. 57.* *Ego vobis testis sum, & in die Iudicii fidem jussor existo, quia quicumque in isto glorioso occubuerit bello, absque ulla Purgatorii poena aeterna premia consequetur, dummodo confessus sit, & contritus, vel saltem firmum habeat proposuitum, quod statim, peracto bello, super peccatis, de quibus nondum fecit Confessionem, ostendet se Sacerdoti; & ex epistola S. Ludovici Regis Franciæ inserta tom. 1. supra cit. Gestorum Dei per Francos pag. 1197. ubi, facta mentione mortis Comitissæ Atrebatissæ sui fratris, qui in bello occubuerat, sic ait: Illum præcordialem, & præclarum fratrem nostrum recolenda memoria & Atrebatensem Comitessam temporaliter amisimus, quod cum cordis amaritudine recolimus & dolore; licet de ipso gaudendum sit potius, quam dolendum, quoniam pro certo credimus & speramus, eum coronam Martyrii ad caelestem evolasse patriam, & ibi cum Sanctis Martyribus perenniter congaudere; cum quibus concordat concio S. Joannis a Capistrano facta Cruce signatis fortiter pugnaturis adversus Turcas infensissimos hostes Christiani nominis, de qua apud VVadingum *ad an. 1456.* in qua Martyres, qui contra Turcas pugnantes occumberent, sæpius vocat; quibus addi potest, nonnullos Episcopos una cum aliis in Saxonia fuisse necatos a Normannis sæculo ix., eosque habitos fuisse tanquam Martyres, teste Mabillonio in *annal. Benedicti. tom. 3. lib. 38. num. 40. pag. 227.* Omnes ut Martyres habiti, quod in prælio contra Paganos pro salute patriæ inito occubissent, in ipso loco certaminis Ebbesforse sepulti sunt, ibidemque conditum Virginium Benedictinarum cuenobium, quæ Martyrum Reliquiis assiduam honorem impenderent: Hæc nihilominus, atque alia hujusmodi commode explicari possunt*

possunt de Martyrio minus proprie sumpto, & admitti tanquam apta ad excitandos pugnantes, utpote a Deo operis retributionem habituros, si, pugnando contra Infideles, in Charitate morientur; quemadmodum perpendit Raynaudus in *tract. de Martyrio per pestem part. 2. cap. 5. sub. num. 4. pag. 444.* Profecto Joannes VIII. *epist. 66. col. 46. tom. 6. part. 1. collecti. Harduin.* interrogatus ab Episcopis Francorum, an qui pro defensione sanctæ Dei Ecclesiæ, & pro statu Christianæ religionis, ac reipublicæ in bello nuper ceciderant, aut in posterum pro ea re casuri erant, Indulgentiam possent consequi delictorum, respondit, eos salvos esse, si cum Catholica pietate mortui erant, & se illos, quantum fas est absolvere, & precibus Domino commendare: quæ utique non dixisset, si eos uti Martyres agnovisset. Item, et si S. Bruno Signienfis in *vita S. Leonis IX.* divinitus dicat revelatum Pontifici fuisse, Martyrii coronam eos fuisse consecutos, qui ipsum secuti in Apuliam pugnantes ceciderant; cum tamen idem Leo IX. pro eis preces fuderit, Deumque rogaverit, ut de omnibus peccatis eos absolveret, & in Beatorum requiem introduceret, signum evidentissimum hoc est, eos non habitos fuisse pro veris Martyribus. Ita scilicet factum hoc exponit, & perpendit Theophilus Raynaudus in *tract. de Martyrio per pestem loc. cit.* At aliter res ipsa exhibetur a VViberto in *vita prædicti S. Leonis* apud Bollandianos *lib. 2. cap. 6. ad diem 19. Aprilis pag. 663.* apud Pagium seniore *ad an. 1053. num. 8.* & apud Pagium juniorem in *vita S. Leonis IX. tom. 1. Breviar. Romm. Pontificum num. 48. Vir Sanctus ... studuit funera cæsorum honorifice procurari, tumulans ea in vicina ecclesia ab antiquo diruta tempore: & quoniam pro Fide Christi afflictæque gentis liberatione devotam mortem volverunt subire, multiplicibus revelationibus monstravit eos Divina grátia in cælesti regno perenniter gaudere. Nam & ipsi diversis modis se se ostenderunt Christifidelibus dicentes, se non esse lugendos exequiis funebribus, immo in superna gloria Sanctis conjunctos Martyribus. Ab eisdem quoque illorum interfectoribus super ipsos restructa venusto opere basilica, & concione Deo servientium ibidem aggregata, omnipotentissima Dei virtus multa per eos exercet miraculorum insignia. Itaque, si narrata a VViberto serio examinentur, unusquisque facile deprehendere poterit, nullam S. Leoni obtigisse revelationem; fuisse ab ipso mandatum, ut corpora cæsorum in ecclesia diruta sepelirentur; eumque occisos reputasse cælesti gloria gaudere, cum mortui essent pro Christi amore; revelationes autem de ipsorum Martyrio, non summo Pontifici, sed aliis factas fuisse, & quidem non de vero Martyrio, sed quodammodo de Martyrio *similitudinario*; nullumque de Martyrum cultu eis decreto in prædicta historia vestigium reperiri. Pius pariter Papa II. magna verborum & rationum vi Christianis omnibus nuntiavit, Turcas Europæ, Ecclesiæ universæ, & Italiæ imminere, atque adeo magna; qua pollebat, eloquentia Christianos ad sacram expeditionem invitavit; atque nullum in suis litteris Apostolicis protulit verbum, quo significaretur in eo bello morituros Martyres esse. Simili modo se gessit S. Leo*

Papa

Papa IV. in concione, quam habuit apud exercitum Francorum pugnatum contra Saracenos, de qua *in can. Omni, dist. 23. quest. 8. Omni timore, ac terrore deposito, contra inimicos sanctæ Fidei, Et adversarios omnium religionum agere, viriliter studere. Novit enim Omnipotens, si quilibet vestrum morietur, quod pro veritate Fidei, Et salvatione patriæ, ac defensione Christianorum mortuus est: ideo ab eo premium celeste consequetur.* Denique Bonifacius VIII. in bulla Canonizationis S. Ludovici Regis Franciæ tom. 3. par. 2. Bullar. nov. §. 7. pag. 89. sermonem faciens de Roberto Comite Atrabate interfecto a Saracenis, eum utique dicit pro Fide interemptum, sed Martyrem minime appellat. Quibus omnibus prævalere nec potest, nec debet factum a Mabillonio relatum, & supra expositum, quod originem habuit vel a pio quodam Fidelium affectu erga defunctos, vel a tacita conniventia Episcoporum.

8 Ad rem de qua nunc agimus, examinanda est etiam historia S. Proculi Martyris Bononiæ Protectoris. Ferunt enim eum Martyrio coronatum fuisse sub Imperatore Justino, remque ita narrant. Marinus scilicet Præfes Bononiam advenit, persecutionemque excitavit adversus Christianos; Proculus autem ad publicam vindictam concitatus, petitaque fandi copia ad Præsidem admissus, hunc securi interfecit, quam sub pallio celabat: cumque, aliquo tempore elapso, Judæus eum patrati criminis accusasset, carceribus mancipatus, factum non negavit, eamque ob rem morte multatus, Martyrum catalogo adscriptus est: a quo quidem facto potiori jure inferri posse videtur, vero Martyrio non obitare, si Persecutori ipsum invadenti Martyr resistat, & eum interficere tentans occumbat.

9 Verum, quemadmodum de Proculi sanctitate dubitandum non est, teste S. Paulino Natal. 9. v. 432. col. 638.

Vitalem, Agricolam, Proculumque Bononia condit,

Quos jurata Fides pietatis in arma vocavit,

Parque salutiferis texit victoria palmis

Corpora transfixos trabalibus inclita clavus,

ita de Actorum sinceritate maximo cum fundamento dubitari potest. In primis quippe percipi haud potest, quomodo S. Proculus mortuus sit sub Justino Imperatore, vel, ut alii dicunt, sub Rege Theodorico; cum S. Paulinus de S. Proculo loquatur, Sanctus autem Paulinus vixerit ante annum 400. Christi, uti bene adnotavit Cardinalis Palæotus in catalogo Sanctorum Bononiensium edito post ejus Archiepiscopale. Rursus factum, quod S. Proculo adscribitur, licet relatum a S. Antonino, a quo postea ceteri suas narrationes desumpserunt, incredibile tamen adeo est, ut in nova operum prædicti Sancti editione Lugduni facta anno 1586. qui editioni ipsi præerat, necesse esse existimaverit part. 3. pag. 803. in margine apponere hæc verba: *Facinus inauditum, vix, ut puto, credibile.* Postremo Cardinalis Baronius in anal. ad an. 303. num. 122. notat, Acta vera Martyrii S. Proculi esse deperdita, & hinc datam commentandi occasionem:

quod

quod & antea asseruerat in *notis ad Martyrol. Rom. ad diem 1. Junii*, & super hoc argumento multa collecta legi possunt apud Bollandianos *ad diem 1. Junii*. Deuteronomii quidem cap. 13. v. 9. jubetur, ut si quis suadere voluerit ut cultus Diis alienis exhibeatur, is statim interficiatur: *Sed statim interficies: sit primum manus tua super eum, & postea omnis populus mitrat manum*. Item Elias zelo Dei Pseudoprophetas occidi iussit, 3. Reg. cap. 18. v. 40. *Duxit eos Elias ad torrentem Cison, & interfecit eos ibi*. Jehu pariter omnes Sacerdotes Baal callide convocatos necavit 4. Reg. cap. 10. v. 25. *Percusseruntque eos in ore gladii, & projecerunt milites, & Duces*. Demum lib. 1. Machab. cap. 2. Mathathias nolens obedire injusto imperio Antiochi, & videns Judæum in omnium oculis idolis sacrificantem super aram in civitate Modin, infiliens trucidavit eum super aram. Verutamen de his occisionibus ita loquitur S. Augustinus lib. 1. de civit. Dei cap. 21. tom. 7. oper. *Quasdam vero exceptiones eadem ipsa Divina fecit auctoritas, ut non liceat hominem occidi: sed his exceptis, quos Deus occidi jubet, sive data lege, sive ad personam pro tempore expressa iussione. Non autem ipse occidit, qui ministerium debet jubenti, sicut adminiculum gladius utenti &c. His igitur exceptis, quos vel lex iusta generaliter, vel ipse fons iustitiae Deus specialiter occidi jubet, quisquis hominem, vel se ipsum, vel quemlibet occiderit, homicidii crimine innoxius. Ostendunt nimirum hæc omnia, a verisimilitudine alienum esse S. Proculi factum; ideoque ejus Acta, quæ circumferuntur, aut falsa esse, aut vitiata, licet ejus sanctitas certa sit, nec ulla de ea rationabilis moveri possit controversia. De prædicto S. Proculo post primam hujus Operis editionem egimus in nostris adnotationibus ad Acta nonnullorum Sanctorum civitatis Bononiæ ibidem impressis an. 1740. ubi, quæ modo dicta sunt, latius confirmantur. Hercules Maria Zanotus Bononiensis Canonicus Collegiæ ecclesiæ S. Petronii, celebris verbi Dei præco & orator, anno 1742. Bononiæ edidit historiam S. Proculi, in qua ostendere conatur, a Proculo præsidem fuisse occisum zelo Catholicæ Fidei, eumque inter Martyres esse recensendum, & occisionem esse referendam ad specialem Spiritus Sancti impulsus: Si enim, ut ipse ait, dubitari non potest de sanctitate Proculi, & de ejus Martyrio, omnia consonant, ut id quod ab eo factum est, Deo sit ascribendum. Porro nec dubitavimus unquam, nec dubitamus de sanctitate & Martyrio Proculi. Dubium totum versatur in Actis, quæ circumferuntur, contra quorum sinceritatem tot militent argumenta. Ceterum, cum nullum exter indicium Divini impulsus, nemo est qui non videat, tutius esse Acta respuere, quam factum non probatum ad Divinum Numen referre.*

10 De necessaria etiam Martyri patientia, & de necessaria quoque constantia in Fide, & voluntate moriendi pro Fide usque ad obitum, & in ipso obitu sermonem facturi utimur Ecclesiæ auctoritate in *hymno plurimorum Martyrum*, ubi sic canitur.

Cedun-

*Caduntur gladiis more bidentium,
Non murmur resonat, non querimonia,
Sed corde impavido mens bene conscia
Conservat patientiam.*

11 Suffragatur S. Augustinus lib. 22. de civitate Dei cap. 9. oper. tom. 7. col. 673. ubi sic extollit Martyrum mortem: *Et ipsi Martyres hujus Fidei Martyres, idest hujus Fidei testes fuerunt, huic Fidei testimonium perhibentes mundum inimicissimum & crudelissimum pertulerunt; eumque non repugnando sed moriendo vicerunt. Pro ista Fide mortui sunt, qui hac a Domino consequi petrare possunt, propter cujus nomen occisi sunt. Pro hac Fide precessit eorum mira patientia &c.* De eodem argumento pluribus in locis agit S. Doctor; ut de civit. lib. 10. cap. 21.; epist. 185. &c.

12 Ut quis ergo Martyrum catalogo adscribatur, satis non est, si voluntarie mortem acceptet pro Christo, item si ei mors ex odio erga Christum, & ejus Fidem inferatur; sed etiam oportet, ut invictæ & patienter in eadem voluntate perseveret usque ad obitum, atque in ipso obitu; uti etiam animadvertunt Cardinalis de Lauræa in 3. lib. sent. tom. 3. part. 2. disput. 20. art. 6. num. 89. & Clericat. de Baptismo cit. decis. 27. num. 15. Quocirca Joannes XXII. ut cetera prætereamus, inquisitionem committens Episcopo Valentino in causa Cathalani Fabri, & Paschalis Religiosorum Ordinis Minorum, qui Martyres dicebantur, cum fuissent occisi in diocesi Lugdunensi ab Hæreticis, usus est his verbis relatis apud Raynaldum ad an. 1321. num. 17. *Præsentium auctoritate committimus & mandamus, quatenus, vocatis & adhibitis tecum aliquibus probis viris, tam de vita & conversatione dictorum Fratrum, quam de professione Fidei facta per eos, dum erant in agone recepti Martyrii constituti, & de spontanea susceptione dicti Martyrii, quam de dictis miraculis, ac ipsorum circumstantiis universis secundum datam tibi a Deo prudentiam diligenter inquirens, Nobis, quæ inveneris, studeas fideliter per tuas litteras nuntiare. Scriptum quippe est: Qui perseveraverit usque in finem, hic salvus erit; & alibi: Esto fidelis usque ad mortem, & dabo tibi coronam vitæ. Quod si ex alibi dicendis, in causis Confessorum omnia sedulo ponderanda sunt, ut, quantum fas est, dignoscatur, an in Dei gratia decedant; potiori ratione in hanc ipsam rem inquirendum erit in causis Martyrum, in quibus non integer vitæ cursus examini exponitur, uti fit in Confessoribus, sed ut plurimum in mortem dumtaxat strictè inquiretur.*

13 Descendendo autem ad praxim, putant nonnulli, de constantia Martyris moriendi pro Christo, & ejus Fide usque ad obitum, & in ipso obitu, ideoque de finali perseverantia Martyris non esse dubitandum, si signum contrarium non appareat. Cardinalis Petra in comment. ad Constit. Apostol. tom. 3. pag. 130. num. 20. sic inquit: *Finis autem in perseveranti Charitate requisita satis probatur, si non appareat signum contrarium. Fufiusque id ipsum docuit Cardinalis de Lauræa in suffragio, quod tulit in causa Mar-*

Tem. III.

G g

tyrii

234 DE SERVORUM DEI BEATIFICATIONE

tyrii B. Joannis de Prado . En ejus verba de perseverantia in Martyre requisita . *Nemo ambiges , si audiat Sanctorum Martyrum Cyprianum sic docentem : Si Confessor Fidei non negaveris , sed in tormentis oecubuit , perseveravit . Quis autem unquam id quaesivit de Martyribus , qui in confessione Fidei occisi sunt &c. ? Legantur Martyrologia ; legantur Martyria Sanctorum Petri , & Pauli , qui per novem menses in carcere detentis , redeunte Nerone ex Achaja , accusati , quod impedirent polices , ne ad suos amicos redirent , quia Christiani facti erant , occidi jussi sunt , nulla tunc facta Fidei quaestio . Immo plurimi Martyres sicut , qui in vincula pro Fide conjecti naturali morte in carcere decesserunt , nemine eorum de perseverantia adfecto .*

14 Tantorum tamen virorum assertio , ut tuto recipi possit , aliqua indigere videtur explicatione ; cum alia sit perseverantia interna , alia autem externa . Interna perseverantia soli Deo est per se cognita : externa subditur quoque Ecclesiae judicio ; & Ecclesiam quidem ab externa perseverantia argumentum deducit , ut eo modo , quo potest , putet & credat , internam non defuisse . Sic ergo dictum explicandum erit , ut , cum constet ex verbis & signis externis de Martyris interna perseverantia usque ad obitum , & in ipso obitu , nequaquam sit de praedicta perseverantia interna dubitandum ; ita ut , si quis de ea rationabiliter dubium proponere velit , teneatur assertum Martyris recessum a prima voluntate per alia verba , aut signa externa Martyris demonstrare . Quod si allata memoratorum virorum sententia alio modo intelligeretur , videlicet , etiam Ecclesiae non constaret de Martyris interna perseverantia per actus externos usque ad obitum , & in ipso obitu , dubitantem in hoc rerum eventu de interna perseverantia , teneri tamen id comprobare per signum externum , per quod palam fiat recessus a prima voluntate patiendi pro Christo ; salva reverentia , id putarem adversari tum rationi , tum Ecclesiasticae disciplinae . Adversaretur scilicet rationi ; cum in causis Martyrum Ecclesia debeat esse certa , quantum licet , de finali perseverantia interna per actus externos , uti supra explicatum est ; huc porro certa cognitio haberi non possit , nisi per actus externos continuatos usque ad obitum , atque in ipso obitu , quantum fieri potest , exhibitos . Adversaretur etiam Ecclesiasticae disciplinae ; cum vetera , media , & recentia Ecclesiae monumenta plane demonstrent , momentum fuisse constitutum pro finali interna perseverantia asseruenda in verbis , signis , & factis , quibus invicti Martyres inter atrocissima tormenta usque ad obitum , & in ipso obitu pascuerunt , se mori pro Christo , atque in ea prima voluntate perseverare , qua se tormentis exposuerunt .

15 Ducto autem initio ab antiquioribus monumentis , quibus media , & recentiora succedunt , Ruinarum ex pluribus codicibus manuscriptis Passionem edidit S. Montani , qui mortuus est saeculo XII , in qua quidem sic legitur num. 14. & 15. pag. 204. *De Martyria proximo evasens prophetica voce clamabat : Sacrificans Diis eradicabitur , nisi Domino soli . Et hoc frequenter*
iterum

iterabat insinuans & inculcans, non licere, deserto Deo, ad simulacra, & manufacta signamenta accedere &c. Cum autem jam carnifex immineret, & gladius super cervicem ejus libratus penderet, expansis ille ad calum manibus, voce clara, ita ut non tantum ad aures plebis, sed & Gentiles quoque ipsos sonus vocis feriret, oravit rogans, & deprecans, ut Flavianus, qui per suffragium populi . . . remanserat, sequeretur die tertia. Apud Eusebium Pamphili Cæsariensem Episcopum in libro de Martyribus Palestina cap. 8. pag. 422. sic describitur Pauli Martyrium, quod contigit principio sæculi quarti: Imminente consummationis sua tempore, a carnifice, qui caput ipsi jam jam erat præcisurus, breve temporis spatium sibi concedi, flagitavit; eoque impetrato, contenta voce primum quidem pro universa Christianorum gente preces ad Deum fudit orans, ut ipsam reconciliari vellet, neque pax illis, ac securitas quamprimum restitueretur: subinde vero narratur, eum orasse pro Judæis, pro Samaritis, pro Gentilibus, ut veram Christianam religionem susceperent, postea hæc habentur: *Post hos omnes (o vere eximiam & inexplicabilem animi mansuetudinem!) pro ipso Judice, a quo capitis supplicio damnatus fuerat, pro Imperatoribus, ac pro ipso etiam carnifice, qui cervicem ipsi jam jam erat præcisurus, illo ipso, & cunctis, qui aderant, audientibus, supplices Deum omnipotentem rogavit, ne, quod in ipsum admitterebant, facinus illis imputaretur.* Ex Agonibus Martyrum desumpta est Passio S. Arcadii relata apud Ruinart inter sæpe citata Martyrum Acta, de quo nempe S. Arcadio legitur num. 4. pag. 467. eum, invocato Deo, securum colla parasse ictibus bipennis, cum ei mandatum est, ut manus extenderet: *Præsertim illico manus, & cum articulatis secaretur, orabat: Mani tue, Domine, fecerunt me, & plasnaverunt me, da mihi intellectum &c. Insanus furore Judex, primum amputandam linguam mandare nesciverat, quæ jugiter Dominum in collatione Martyrii conficiens Tyrannum devictum ostendebat, Deos nihil esse, sed solum Christum verum Deum, & victorem acclamabat: & ipse jam summa parte truncatus in dorsum supinari jubetur. Resupinus in terga Deum magis glorificans, quot in Martyrio calum suspiceret, unde peteret auxilium, pedes alacris porripit, & crura, & femora simili crudelitate secanda: & protinus pedes articulis, crura pedibus, femora coxendicibus, venter quoque coxis sava carnificum arte viduantur.* Acta SS. Faustii, Januarii, & Martialis apud eundem Ruinart sic eorum felicem obitum describunt num. 1. sub fin. pag. 470. Cumque perducti fuissent ad locum sue Passionis, sic uno spiritu plebem Christi alloqui coeperunt dicentes: *Vos, carissimi mei, & Christifideles, nolite credere huic inimico, & diabolo, cuius tempus nunc est; sed agnoscite, vos ad Dei similitudinem & imaginem esse factos &c. Vos itaque contentemini hujus injuriam conferimini Christum Jesum, & soli Deo sine cessatione quotidie referre laudes.* In Februario Bollandiano tom. 3. ad diem 20. Martyrium exponitur SS. Sadoth Episcopi, & aliorum centum & viginti octo in Perside, qui, cum pervenissent ad locum, in quo erant Martyrio initiandi, sic locuti sunt pag. 176.: *Benedictus es, o Deus, qui nos hac gratia dignatus es, nec desperisti*

despexisti orationem nostram, sed hanc nobis coronam dedisti: nostri enim, Domine, quomodo eam quasiverimus &c. Atque in eorum ore non cessavit hac Divina gloria celebratio, donec ultimus occisus est. In Martio Bollandiano tom. 3. ad diem 22., ubi extant Acta S. Basilii Ancyрани Presbyteri, dum humi itrausus torqueretur, sic refertur Dominum orasse pag. 383.: *Lumen meum, Christe, & spes mea, Jesu, portus tranquillus in tempestate periclitantium, gratias tibi ago, Domine Deus Patrum meorum, quia eruisti animam meam ex Inferno inferiori &c. Eterna quietis heres efficiar propter promissionem Patribus meis factam a Pontifice Magno Jesu Christo Domino nostro, per quem in pace suscipe spiritum in hac confessione perseverantis, quia tu misericors, & longanimis es, & multa misericordie &c.* Hac oratione completa, velut suavi somno captus tradidit spiritum ferramentis confectus. In Aprili Bollandiano tom. 3. ad diem 28. habentur Acta S. Patritii Episcopi, & Martyris, ubi pag. 577.: *Ab irato Proconsule per milites educti, & securi percuti est iussus; quapropter tensus in calum manibus, Deus omnium Rex, orabat, & Domine &c. Assiste appetenti mihi mortem in confessione Fidei tue. Qua cum finisset, positus genibus, capite cecidit.* Similia habentur de Martyrio S. Flaviani apud Cardinalem Baronium in *annal. ad an. 262. num. 24. & seqq.* de Martyrio SS. Martiniiani, & Saturniani apud eundem ad an. 456. num. 13. de Martyrio S. Leodegarii, & de Martyrio S. Kiliani, & Sociorum apud eundem ad an. 685. num. 22. & ad an. 689. num. 10. de Martyrio S. Eadmundi Regis Angliæ apud eundem ad an. 870. num. 42. de Martyrio S. Everardi in *istd. annal. ad an. 1008. num. 9.* de Martyrio demum S. Thomæ Cantuariensis ad an. 1170. num. 47. Item, cum ex alibi dictis constet, Viginti sex Martyres Japonenses Ordinis S. Francisci Fratrum Discalceatorum fuisse in Beatorum Martyrum album relatos ab Urbano Papa VIII., in relatione Rotæ Auditorum juxta morem tunc temporis receptum exhibita eidem Pontifici hæc de prædictis Dei Servis referuntur *art. 2. Beati Martyres tam in carceribus, quam per viam, & in ipsa patibulo constantissime usque ad mortem Fidem Catholicam prædicabant, ut deponunt decem novem testes de scientia & visu.* Consimilia leguntur in relatione eorundem Rotæ Auditorum in causa Servi Dei Josaphat Archiepiscopi Pollocensis in album Beatorum Martyrum pariter relati ab eodem Urbano VIII. uti videri potest in citata relatione *pars. 3.* Denique hæc eadem comprobantur ex questionibus & controversiis inter Petrum Franciscum de Rubeis Fidei Promotorem, & Postulatores causarum B. Petri de Arbues, & BB. Martyrum Gorcomienium; itemque inter me, dum Fidei Promotoris munereungebar, & Postulatores causarum B. Joannis de Prado, & S. Fidelis a Sigmaringa; tum illo, tum me videlicet contenditibus, non esse sufficienter probatos actus in ipso Martyrii actu necessarios, ut Ecclesiæ constaret de finali perseverantia, Postulatoribus autem excipientibus, & invicte ostendentibus prædictorum actuum interventum.

16 Opponi utique posset hucusque adductis, nonnullos notis in Ecce-

lia

gia tanquam Martyres, de quorum perseverantia usque ad obitum, & in ipso obitu constare non potuit. Ceteris namque exemplis omisiss, celebre est illud S. Juliani, cujus Martyrium sic narratur a S. Joanne Chrysostomo *hom. 75. tom. 2. oper. n. 3. pag. 676. Allato sacco, & arena completo, cum in eum scorpiones, viperas, & dracones injectisset, cum illis & Sanctum injectis, & in mare demisit. At respondetur, non sine causa dictum fuisse, quod constare debet de interna perseverantia per actus externos usque ad obitum, & in ipso obitu quantum fieri potest: ex quo fit, ut de finali perseverantia S. Juliani sufficienter constare dicendum esset ex ejus gestis & factis antequam in sacco coniceretur; quæ nimirum idem S. Joannes Chrysostomus testatus est his verbis *loc. cit. pag. 675. Exulabat ex Martyris ore vox sancta, simulque cum ipsa lumen radio solari splendidius eliciebatur. De S. Eustachio, cujus celebris est memoria in utraque Ecclesia, Occidentali scilicet & Orientali, uti colligitur ex monumentis relatis apud Baillet in ejus vita ad diem 20. Septembris, sic legitur ad eandem diem in Martyrologio Romano: Passio Sanctissimi Martyrium Eustachii, & Theopisti uxoris ejus cum duobus filiis Agapio, & Theopisto, qui sub Hadriano Imperatore damnati ad bestias, sed Dei ope ab iis nil lesi, in bovem æneum candentem inclusi Martyrium consummarunt. Neque tamen de sufficienti probatione perseverantiæ usque ad obitum & in ipso obitu dubitandum esse videtur, quamvis post inclusionem in bovem æneum nullum fortasse habitum fuerit signum ejus externum; non nisi quia signa externa non defuerunt usque ad dictum tempus, teste Nicephoro lib. 3. cap. 29. qui S. Eustachium appellat alterum Job, ut etiam monet Cardinalis Baronius *ad an. 120. num. 6. Similia dicenda sunt de illis Martyribus, quorum mentio fit ex Dionysio Alexandrino apud Eusebium histor. lib. 6. cap. 42. pag. 308. & qui commemorantur in Martyrologio Romano ad diem 22. Decembris. Hi sunt Sanctus Cheremon Episcopus Nilopolis, alique plurimi, quorum alii, sæviente Decii persecutione, fuga dispersi in solitudinibus errantes, a bestiis interempti sunt, alii fame, frigore, ac languore consumpti, alii a barbaris, & latronibus necati: ultimi enim actus eorum, qui a bestiis consumpti sunt, a nemine observari potuerunt; sed ab antecedentibus, quantum fas est, argumentum ad consequentes & ultimos actus satis aptum deduci potest. Ad rem quoque facit exemplum causæ S. Joannis Nepomuceni, qui e ponte in flumen precipitatus in eo mergus est, ne sigillum sacramentalis Confessionis frangeret. In ejus quippe causa resoluta super dubio Martyrii & causæ Martyrii, dum ego essem Fidei Promotor, de ejus perseverantia finali documenta exhibita sunt usque fere ad momentum, quo de ponte dejectus est. Cum enim mortem suam prævidisset, eamque se evasurum sciret, si sacramentalem Confessionem revelasset; nec blanditiis, nec minis unquam vinci potuit, ut querenti Tyranno, quæ injuste petebat, parefaceret. Parricidii reus lege Pompeja infusus culeo cum cane, gallo gallinaceo, vipera, & simia in mare projiciebatur, si mare proximum erat, & si mare***

mare proximum non erat, ex Hadriani constitutione ad bestias damnabatur; uti habetur in l. *Pœna ff. ad l. Pompejam, de parricid.* Unde Cicero in orat. pro Roscio Amerino c. 25. *Quanto Majores nostri sapientius? qui cum intelligerent, nihil esse tam sanctum, quod non aliquando violaret audacia, supplicium in parricidas singulare excogitaverunt, ut quos natura ipsa retinere in officio non potuisset, ii magnitudine pœna maleficio summovertentur; insui voluerunt in culeum viros, atque ita in flumen dejici.* Et eo usque processit Tyrannorum sævitia in Christianos, ut eos nedum morte afficerent, sed eo horribili mortis genere mori aliquando voluerint, ad quod infames parricidæ juxta ipsorum leges damnabantur.

17 Item opponi posset, in superioribus dictum esse, necessariam esse in Adultis Martyrii acceptionem per actum voluntatis; atque ideo non sufficere acceptionem interpretativam, sed actualem esse optimam, virtutalem autem, quæ non sit retractata, & influat in actum, esse sufficientem; demum verum satis esse etiam habitualem, puta, si quis aliquando Martyrium optasset, postea nihil de eo cogitans, sed prædicans, aut aliud quid meritorium faciens per insidias occideretur in odium Fidei. Ex quibus scilicet inferri posse videtur, non esse absolute & simpliciter necessariam ad Martyrium probationem internæ perseverantiæ finalis per actus externos. Verum quæ supra dicta sunt, ob eum finem dicta sunt, ut adversus nonnullos ostenderetur, necesse esse ad Martyrium, ut mors acceptetur per actum voluntatis; atque ut exponerentur ea, quæ docent Theologi agentes indistincte de Martyrio, hoc est non distinguentes Martyrium coram Deo a Martyrio coram Ecclesia. Admisso ergo, ut morientes in supra recensito rerum eventu, Martyres sint coram Deo, Martyres tamen forsitan esse non possent coram Ecclesia; præcipue vero, si aliqua temporis mora intercessisset, intra quam Dei servi, qui voluntatem virtutalem habuerunt Martyrii, potuissent per actus externos suam in voluntate perseverantiam patefacere. In primo hujus Operis libro actum est de Martyrio B. Petri de Castro novo. Habuit ille profecto voluntatem subeundi Martyrium, cum a suo munere non destitit ob minas Comitum Tolosani, qui mortem ei fuerat comminatus. Quodam autem mane, cum, Missa celebrata, se ad transitum fluminis pararet, unus ex Comitum satellitibus, qui ignotus cum Dei Servo fuerat hospitatus, ipsum omnino ignarum vulneravit. Et quidem ad rem nostram ecce verba epistolæ Innocentii III. in Bull. nov. tom. 3. pag. 120. *In crastinum itaque, mane facto, & Missa celebrata de more, cum innocui Christi Milites (Petrus videlicet cum Socis) ad transitum fluminis se pararent, unus de prædictis Sarana satellitibus lanceam suam vibrans prænominatam Petram supra Christum petram immobili firmitate fundatum tantæ proditoris incautum inter costas posterius vulneravit. Qui pins in impium respiciens percussorem, & Christi Magistri sui cum Beato Stephano secutus exemplum dixit ad ipsum: Deus tibi dimitrat, quia ego dimitto, pietatis & patientiæ tanta verbum sapientis repetendo. Deinde sic transfixus acerbiter illati vulneris*

ris *sp̃a celestium est oblitus, & in instanti sua pretiosa mercede articulo cum ministris suis Sociis, qua Fidem promoverint & pacem, non desinens ordinare, post multas demum orationes in Christo feliciter obdormivit.* Consert quoque exemplum Martyrii S. Petri Martyris. Habuit nempe & ipse voluntatem subeundi Martyrium, cum id crebris supplicationibus a Deo postulasset. Dum autem Como Mediolanum pergeret ad exequendum mandatum contra Hæreticos sibi ab Apostolica Sede commissum, uti publica prædicatione prædixerat, Martyrio coronatus est, Hæretico eum ex improvviso mortali vulnere lauciente. In bulla porro Canonizationis ejus leguntur hæc verba *tem. 3. Bull. nov. §. 4. pag. 331. Sacrum autem illius caput gladio crudeliter impetens, diris in ipso impressit vulneribus, & satiato sanguine Justis ense, venerandum illum non divertentem ab hoste, sed exhibentem se procius hostiam, & caeteris sustinentem in patientia arces ictus dimisit (spiritu potente superna) in ipso loco Passionis occisum. Ipso quoque sacrilego percussuras in Christi Ministrum geminas inculcantes, ille non querulosa voce murmurans, sed sufferens omnia patienter suum Domino spiritum commendabat dicens: In manus tuas, Domine, commendo spiritum meum. Symbolum etiam cepit dicere Fidei, cujus nec in hoc articulo defuit esse præco. Item B. Petrus de Arbues inter Beatos Martyres solemniter anno 1664. relaxatus est, quemadmodum visum fuit lib. 1. hujus Operis cap. 24. num. 6. Habuit scilicet etiam is voluntatem moriendi pro Christo; Inquisitoris epim Fidei fungens ministerio in Aragonia adversus Judaicam perfidiam, admonitusque ab amicis & consanguineis, ut, si vitam consulere vellet, suscepto se officio abdicaret, constanter respondit, se ob talem causam libentissime mortem subiturum, idque unice optare, ut ex malo Sacerdote bonus fieret Martyr. Porro conducti ad necem sicarii ipsum in Choro orantem ex improvviso iterato vulnere lethaliter affecerunt: cumque biduum supervixisset, Deo gratias sæpe egit, quod pro Fidei defensione mortem subiret, preces effudit pro Persecutoribus, & post recepta Ecclesiæ Sacramenta feliciter in Domino obdormivit, ut ex Actis ejus causæ colligitur.*

18 Demum opponi posset, nullo modo constare de perseverantiâ finali interna per actus externos usque ad obitum, & in ipso obitu continuatos: quamobrem, ut in primo libro visum est, nonnulli putant, per signa & miracula, quæ requiruntur etiam in causis Martyrum, probari internam perseverantiam finalem. Verum, utcumque id sit, omnino dicendum est, satis constare Ecclesiæ de perseverantiâ finali interna, si non desint actus illi externi usque ad obitum, & in ipso obitu, quantum fas est, continuati: cum Ecclesiæ judicium, quod intus est, immediate non respiciat, sed Deus solus sit verus & unicus scrutator cordium: ex quo fit, Ecclesiæ extrinsecis illis probationibus edoctam bene judicare, Dei Servum in Fide, & voluntate patiendi pro Christo perseverasse usque ad obitum, atque in ipso obitu, & gratiam ac poenæ remissionem obtinuisse eo momento, post quod immediate mortuus est, cum eodem momento Mar-

Martyrium censeatur consummatum; uti bene explicant Raynaudus *de Martyr. per pestem part. 2. cap. 6. num. 25.* Cardinalis Capisuccius *in conrov. de Martyrio quest. 2. §. 19. & seq.* Cardinalis Gottus *Theolog. sem. 2. in 3. part. quest. 2. dub. 5. §. 3. num. 18.*

19 Martyria in Ecclesia celebrantur plurimorum, qui eodem actu mortem pro Christo subierunt. Die 12. Januarii celebratur Passio Sanctorum quadraginta duorum Monachorum, qui ob cultum sanctarum Imaginum sub Constantino Copronymo saevissime cruciati Martyrium compleverunt. Die 13. ejusdem mensis celebratur Martyrium Sanctorum quadraginta Militum, qui sub Gallieno Imperatore pro confessione veræ Fidei mortem recipere meruerunt. Die 14. ejusdem mensis celebratur Martyrium Sanctorum quadraginta trium Monachorum, qui pro Christiana religione a Blemmiis occisi sunt. Eodemque die colitur Martyrium triginta & octo Monachorum a Saracenis pro Christi Fide intersectorum. Die 28. ejusdem mensis recolitur memoria plurimorum SS. Martyrum, qui factione Syriani Ducis Ariani, dum in ecclesia Synaxim agerent, diverso mortis genere sunt interempti. Die 9. Februarii celebratur Passio SS. Alexandri, & aliorum triginta & octo coronatorum. Die 17. ejusdem mensis Passio S. Faustini cum aliis quadraginta quatuor Sociis. Die 10. Martii Passio quadraginta duorum Martyrum. Die 22. Septembris Passio SS. Martyrum Theæzorum Mauritii, Exuperii, Candidi, Victoris, Innocentii, & Vitalis, cum Sociis ejusdem Legionis, qui sub Maximiano pro Christo necati fuerunt. Die 5. Octobris Passio SS. Martyrum Placidi Monachi, & fratrum ejus Eutyclii, & Victorini, ac Flavie Virginis eorum sororis, Donati, Firmati Diaconi, Fausti, aliorumque triginta Monachorum, qui a Manucha Pirata pro Christi Fide necati sunt. Et die 24. Octobris Passio SS. Aretæ, & Sociorum trecentorum & quadraginta tempore Justiniani Imperatoris sub Dunaan Judæo Tyranno. Desumpta hæc sunt ex Martyrologio Romano; & alia plura in eo fortasse extant exempla magni numeri Martyrum eadem occasione insimul interemptorum. Porro nec ex Actis, nec ex historiis perseverantia finalis uniuscujusque per actus externos usque ad obitum continuatos probata fuit, aut probari potuit: Probatio quoad nonnullos prædicto modo facta est; & quoad alios, quorum nomina itidem recitantur, non alio modo facta dici potest, quam per actus quosdam antecedentes, quibus patefecerunt se promptos & paratos, ut mortem pro Christo subirent, & quibus mors successit invito animo tolerata. In Congregatione sacrorum rituum (ut alibi visum est) feliciter resoluta fuit causa viginti sex Martyrum Japonensium. Eundem quoque finem habuit causa decem & novem Martyrum Gorgomienium. Et paucis ab hinc diebus propnita fuit causa Ignatii Azevedo, & triginta novem Societatis Jesu insimul interemptorum pro Christi Fide. Quod si quis ea qua decet attentione aut relationem Rotæ Auditorum in causa Martyrum Japonensium, aut processus reliquarum causarum

causarum perlegerit, facile dignoscere poterit, finalem perseverantiam quoad nonnullos primo modo, & quoad majorem numerum aliorum secundo modo fuisse probatam.

C A P U T XIX.

De causa Martyrii ex parte Martyris.

IN superioribus nonnulla dicta sunt de causa Martyrii, quod attinet ad Tyrannum; nunc autem principaliora quædam addenda sunt de ipsa Martyrii causa, quod spectat ad Martyrem. Deficiente quippe idonea causa, Martyr esse non potest, qui moritur, etiam si præmiserit ea omnia, quæ in superioribus dictum est esse præmittenda, & etiam si in ipso obitu eximie fortitudinis, atque constantiæ manifestissima prætulerit indicia. Repetimus itaque, Martyrem non fieri poena, sed causa: tum dicimus, Fidem credendorum, vel agendorum esse unicam causam Martyrii, etiam ex parte Martyris; eam vero coinquinari, & ineptam evadere, si moriens inanem gloriam apud homines querat & exoptet; itemque ad Martyrium non sufficere, si quis moriatur pro aliqua re, licet vera, sed sibi per lumen naturale proposita; aut pro aliqua veritate sibi uni revelata; aut pro quaestione adhuc ab Ecclesia non definita; aut ex ratione philosophice dumtaxat bona; aut denique ut aliquem articulum tueatur in se falsum, sed quem ipse putat invincibiliter esse verum, & ad Fidem Christianam pertinere.

2 Descendendo ad horum omnium probationem, cum dixerimus & comprobaverimus, Martyrem non fieri poena, sed causa, dum loquimur de Tyranno; nunc ostendendum est, id ipsum procedere, dum loquimur de Martyre. Optime autem id explicat S. Augustinus lib. 2. contra epistolam Gaudentii cap. 20. (tom. 9. oper. col. 645.), ubi redarguit Donatistas, qui sodales & hæresis socios, qui patienter moriebantur, Martyres & Beatos prædicabant: Recte ista dicerentur a vobis querentibus Martyrium gloriam, si haberetis Martyrium causam. Non enim felices, ait Dominus, qui mala ista patiuntur, sed qui propter Filium hominis patiuntur, qui est Christus Jesus. Tum in Psalm. 34. n. 13. col. 244. tom. 4. oper. ad illud, Dominus meus in causam meam, subdit: Nemo ergo dicat, persecutionem patior. Non ventilet poenam, sed probet causam; ne, si causam non probaveris, numeretur cum iniquis. Concordat S. Joannes Chrysostomus orat. 4. contra Judæas (num. 3. pag. 618. tom. 1. oper.), ubi hæc habet: Nam latronibus lacerantur latera, & monumentorum perfectoribus, & prestigiatoribus. Verum idem patiuntur & Martyres. Facta quidem sunt eadem, ceterum animus & causa, cum hac fiant, non est eadem; eoque plurimum est discriminis inter hos, & illos. Sicut igitur in illis non tormentum tantum expendimus, sed prius animum & causam, ob quam cruciatus inferuntur, consideramus; & ob id Martyres amamus, non quod cruci-

Tom. III.

H h

cientur,

amator, sed quod ob Christum cruciatus fuerant: contra latrones desistantur, non quia puniuntur, sed quod ob malefacta puniuntur. Additur S. Gregorius lib. 2. in di. 10. epist. 51. (col. 615. tom. 2. oper.) Prima itaque epistola vestra frons gravem vos pati persecutionem innuit: quae quidem persecutio dum non rationabiliter sustinetur, nunquam proficit ad salutem; nam nulli fas est retributionem praemiorum expectare pro culpa. Debenis enim scire, sicut Beatus Cyprianus ait, quia Martyrem non facit poena, sed causa: Dum igitur ita sit, incongruum nimis est, de ea vos, quam dicitis, persecutione gloriari, per quam vos constet ad aeterna praemia minime provehi. Alia plura collecta ad rem legi possunt apud Theophilum Raynaudum de Martyrio per pestem part. 2. cap. 1. num. 18. & seqq., apud Hurtado de vero Martyrio tract. 4. resolut. 25., apud Antonium Dadinum Altaeram in observat. ad epist. S. Gregorii lib. 2. epist. 36. pag. 91. & 92., & ea resumuntur, quae a Nobis dicta sunt lib. 1. hujus Operis cap. 3. num. 6.

3. Uicam & veram Martyrii causam dicimus etiam ex parte Martyris Fidem credendum, vel agendum. De Fide scilicet credendum extat testimonium in Evangelio Luc. 12. 8. Quicumque confessus fueris me coram hominibus, & Filius hominis confitebitur illum coram Angelis Dei. Qui autem negaveris me coram hominibus, negabitur coram Angelis Dei. Quod etiam dictum fuerat cap. 9. 26. Nam qui me erubuerit, & meos sermones, hunc Filius hominis erubescet, cum venerit in maiestate sua, & Patris, & Sanctorum Angelorum. In quorum quidem Martyrum classe recensendi sunt omnes illi, qui mortui sunt ob praedicationem, seu confessionem credendum, puta mytherii Sanctissimae Trinitatis, Incarnationis Filii, Divinitatis Spiritus Sancti, & Filii, & alicujus, vel aliquorum, aut omnium Catholicae Fidei articulorum; juxta illud, quod habetur in Symbolo, quod Sancto describitur Athanasio: Quicumque vult salvus esse, ante omnia opus est, ut teneat Catholicam Fidem, quam nisi quisque integram, inviolatamque servaverit, absque dubio in aeternum peribit; & juxta Fidei professionem a Pio IV. editam secundum Concilii Tridentini suasionem: Hanc veram Catholicam Fidem, extra quam nemo salvus esse potest, quam in praesenti sponte profiteor & veraciter teneo, eandem integram & inviolatam usque ad extremum vitae spiritum constantissime, Deo adjuvante, retinere & confiteri, atque a meis subditis, vel ab illis, quorum cura ad me in munere meo spectabit, teneri, doceri, & predicari, quantum in me erit, curaturum, spondeo, voveo, ac juro, &c. Olim qui innocentem, sive, ut aptius loquamur, sine sua culpa moriebantur, pro Martyribus habiti sunt, veluti sapienter adnotavit Mabillonius tom. 3. anal. Ord. S. Benedicti pag. 399., ubi loquendo de morte Caroli Regis Francorum, quem Heribertus Comes ab annis sex in custodia detinuerat, inquit: Carolum Regem ut Martyrem & Sanctum habitum fuisse, testis est Hugo Abbas Flaviniacensis, pro more scilicet illorum temporum, quibus qui innocentem cadebantur, Martyres & Sancti vulgo audiebant. At, utcumque sit de his, hodie certum est, veram Martyrii causam ex parte Martyris esse etiam Fidem agen-

agendorum : si enim aliquis moriatur pro exercitio alicujus virtutis , in quam cadit præceptum , aut consilium Fidei , quæ dici potest professio Fidei in facto , hic utique Martyr est , nec causam ad Martyrium sufficientem deesse dicendum est . Doctrina hæc est S. Thomæ , cui ceteri adherent , in 2. 2. quæst. 124. art. 5. Et ideo omnium virtutum opera , secundum quod referuntur in Deum , sunt quadam protestationes Fidei , per quam nobis innotescit , quod Deus hujusmodi opera a nobis requirit , & nos pro eis remunerat ; & secundum hoc possunt esse Martyrii causa ; unde & Beati Joannis Baptista Martyrium in Ecclesia celebratur , qui non pro neganda Fide , sed pro reprehensione adulteri mortem sustinuit . Et in responsione ad primum : Et ideo ut Christianus patitur , non solum qui patitur pro Fidei confessione , quæ fit per verba , sed etiam quicumque patitur pro quocumque bono faciendo , vel pro quocumque peccato vitando propter Christum , quia hoc totum pertinet ad Fidei protestationem . Et in 4. sent. dist. 49. quæst. 5. art. 3. ad 9. : Causa sufficiens ad Martyrium non solum est confessio Fidei , sed quacumque alia virtus non politica , sed infusa , quæ finem habeat Christum ; quolibet enim actu virtutis aliquis testis Christi efficitur , in quantum opera , quæ in nobis Christus perficit , testimonium bonitatis ejus sunt : unde aliqua Virgines sunt occise pro virginitate , quam servare volebant , sicut Beata Agnes , & quadam alia , quarum Martyria in Ecclesia celebrantur . Et in epistolam ad Romanos cap. 8. lect. 7. in verb. Sicut scriptum est : Martyrem enim non facit poena , sed causa , ut dicit Augustinus . Unde dicit (propter te) Matth. 10. Qui perdidit animam suam (id est vitam) propter me , inveniet eam . 1. Petr. 4. Nemo vestrum patiatur ut fur , aut homicida ; si autem ut Christianus , non erubescat . Patitur etiam propter Christum , non solum qui patitur propter Fidem Christi , sed etiam qui patitur pro quocumque justitia opere pro amore Christi , Matt. 5. Beati , qui persecutionem patiuntur propter justitiam . Adhærent autem S. Joannes a Capistrano in specul. conscient. part. ult. num. 144. & seqq. inter tractatus magnus tom. 1. pag. 357. , S. Antoninus in Summa tit. 31. cap. 9. §. 1. , & Sotus in 4. sent. dist. 18. quæst. 4. art. 5. pag. 814. , ubi agens de revelatione sigilli Confessionis , post relatam singularem aliquorum opinionem , ut Sacerdos non teneatur mortem oppetere , ne revelet sigillum Confessionis , subdit : Est tamen error non ferendus talis opinio , quia non solum ad famam minus persona coniciendus est oculus , sed ad Sacramenti custodiam , pro quo servando in Ecclesia Sacerdotale officium Sacerdotem obligat millies oppetere mortem . Athesius in Summa part. 1. lib. 2. tit. 33. quæst. 4. , Lessius de just. & jur. lib. 3. cap. 1. dub. 3. num. 38. , Thomas a Jesu de procurand. imm. Gent. salus. lib. 5. part. 3. dub. 1. vers. Quarta conditio , Layman Theolog. moral. part. 3. sect. 3. sub num. 5. vers. Notat autem , & tract. 3. part. 3. cap. 1. num. 6. vers. In primis notandum , Castellin. de certitud. glor. Sanctor. cap. 8. punct. 20. §. 4. , & latius in tract. de inquisit. miracul. in Canoniz. Martyr. punct. 2. sub num. 3. 7. 9. & 10. , Trullench. in præcept. Decalog. tom. 2. lib. 5. dub. 2. sub num. 3. vers. Licet ut sales , Verricell. de Apostol. Mission. tit. 2. quæst. 69. num. 3. , Hurtado in tract. de vero Martyrio tract. 4. resolut. 25. §. 2. , Cardinalis de Lauræa in 3. lib. sent.

244 DE SERVORUM DEI BEATIFICATIONE

tom. 3. part. 2. disput. 20. art. 7. , Salmanticens. tom. 3. curs. Theolog. tract. 9. disput. 3. dub. 2. §. 1. , Auctor tractatus de Canonizatione Sanctorum ad Cardinalem Montis Regalis cap. 4. , Clericat. de Baptismo decis. 27. num. 9. & 11. , Gobat in Theolog. experiment. tract. 2. cas. 18. sect. 1. n. 600. & seqq. , Anaclet. in Theolog. moral. tract. 7. dist. 3. quest. 6. num. 43. , Guyet de festis propriis Sanctorum lib. 2. cap. 7. quest. 13. , Auditores Rotæ in relatione Beati Josaphat Pollocensis part. 2. §. Denum de ratione . Ex Soto dictum est, morientem, ne sigillum Confessionis revelet, inter Martyres recensendum. Fuit hoc ipsum adnotatum a Wadingo in annal. Minorum tom. 10. pag. 199. n. 28. , ubi hæc habet: Huic piissimo viro successit in Principatu Sigisimundus frater germanus, moribus dissimilis, etsi re bellica illustris, qui cum nimia ferretur zelotypia, Minoritam quendam pium & doctum, sua uxoris Confissarium, trucidavit, quia sacra Confessionis sigillum aperire, & que pridie sub Sacramenti arcano innocentissima confusus dixerat, noluit revelare. Non immerito hunc inter Martyres numeraverim. Nec de hac re superest ullus rationabilis dubitationis scrupulus post relatum solemni ritu inter Sanctos Martyres a Benedicto XIII. Joannem Nepomucenum ea ipsa de causa occisum.

4. Confirmantur hæc omnia ex inconcussa Ecclesiæ disciplina. Namque ex alibi dicendis Ecclesia colit S. Joannem Baptistam tanquam Martyrem, licet non mortuus sit directe pro Fide, sed pro exercitio virtutis ad Fidem relatæ: quocirca de eo inquit S. Eulogius Cordubensis lib. 1. memorial. Sanctor. quod habetur tom. 15. Bibliotheca Patrum pag. 250. : Cum Regem iniquum de stupro Herodiadis commoveret . . . vergastulo propter veritatis professionem detruditur, ibique absque ulla Fidei persecutione truncatur, nec tali succumbere recusavit dispendio, qui sine dubio noverat, Divino revelante Spiritu, tantumdem esse propter justitiam mori, quam pro Fidei confessione proflerni. Quod & ante eum docuerat S. Gregorius Magnus lib. 11. regist. epist. indist. 4. epist. 64. ad sextam interrogationem S. Augustini (col. 1154. tom. 2. oper.) : Capite truncatus est, & sancto Martyrio coronatus; cui non est dictum, ut Christum negaret, & tamen pro Christi confessione occisus est, sed quia idem Dominus noster Jesus Christus dixerat, Ego sum veritas, quia pro veritate occisus est Joannes, pro Christo sanguinem fudit. Et late prolequantur Theologi agentes de eodem sanctissimi viri Martyrio, Abulensis in Marthæum cap. 14. quest. 41. , Suarez in 3. part. S. Thome quest. 28. art. 1. disp. 24. sect. 6. §. Postremo, Martyrem fuisse Joannem, Cornelius a Lapide ad cap. 4. Ecclesiasti. vers. 33. Talis justitia pugil fuit Sanctus Joannes Baptista, qui pro jure matrimonii certans, & corripiens adulterum Herodem, ab eo Martyrio laudatus est. Item S. Trudpertus, qui sæculo Christi septimo mortuus est, in plerisque locis cultum habet Martyris, quamvis non directe pro Fide, sed pro operibus Christianis ad Fidem relatis, ab impiis consossus sit; uti Ergenbaldus Abbas lib. 1. ejus vite cap. 2. apud Bollandianos ad diem 26. Aprilis pag. 431. latissime comprobatur. Sæculo Christi duodecimo Carolus Bonus ab hac vita decessit: colitur autem tanquam Martyr in nonnullis regionibus, quem-

admo-

admodum habetur apud Joannem Molanum in *Natalibus SS. Belgii ad diem* 2. Martii; etsi non pro Fide, sed pro iustitia mortuus sit, teste Gualtero Archidiacono Ecclesiæ Morinorum in ejus vita *part. 6. cap. 27.* apud Bollandianos *ad diem 2. Mart. pag. 170.* Nam, ut scriptum est, *Martyrem non tam facit poena, quam causa. Sed hujus, rogo, ut ita dicam, Martyrii quæ fuit causa, nisi iustitia? Qui enim ideo occisus est, quia a rectitudine non declinabat æquitate, pro testimonio utique occisus est veritatis.* Pariter inter eruentes Christi Martyres nonnulli numerantur, qui mortui sunt pro defensione & tuitione potestatis, libertatis, & Ecclesiasticæ immunitatis; de quibus Silvius 2. 2. *quest. 124. art. 5. post medium, Mend. in flatu opin. differt. 9. quest. 2. sub num. 26.,* Auditores Rotæ in citata relatione Beati Josaphat *part. 2. sub 5. Demum de ratione Martyrii.* De Sancto enim Engelberto Episcopo, cujus egregia certamina a Cæsario Monacho scriptis mandata extant apud Surium *tom. 6. pag. 185.* sic legitur in Martyrologio Romano ad diem 7. Novembris: *Colonia Sancti Engelberti Episcopi, qui pro defensione Ecclesiastica libertatis, & Romane Ecclesiæ obedientia Martyrium subito non dubitavit.* De S. Salomone in Britannia Armorica Rege, quem nonnulli parum probabiliter ab Anastasio III. Pontifice solum solemniter fuisse canonizatum an. 910., legitur, eum, postquam obstitit placitis Apostolicæ Sedis, & monicis Episcoporum Galliæ in causa Ecclesiastici ordinis, & politici regiminis, tandem conversum ad cultum iustitiæ & pietatis, propter assumptam tuitionem jurium Ecclesiæ a Proceribus Regis fuisse occisum an. 874. Apud Venetenses colitur tanquam Martyr, ut ex ejus Actis colligitur apud Bollandianos *tom. 6. Junii pag. 248. & pluribus seqq.* Celebre est exemplum mortis S. Thomæ Cantuariensis, de qua in ejus vita apud Christianum Lupum *cap. 18. & 19.* necnon apud Petrum Blesensem *epist. 27.* apud Joannem Saresberiensem *epist. 186.,* apud Michaellem Alfrod *anal. Eccles. Anglican. tom. 4. ad an. 1172. & suse,* probata veritate ejus Martyrii contra Mornæum apud Leonardum Coquæum in *antimorn. tom. 2. antidot. contra opposit. 48. pag. 89. & seqq.* Meminit Mabillonius *tom. 4. anal. Ord. S. Benedicti pag. 369. num. 97.* cujusdam Gerardi Abbatis Fontanellæ, habiti uti Martyris, utpote cæsi a quodam nefario, cui gravis erat censura exactoris disciplinæ Regularis. S. Anselmus, ut refert Edinerus in ejus vita, cum fuisset interrogatus a quodam Lanfranco, quare Elsegus ab Anglis coleretur ut Martyr, cum non esset occisus causa confessionis Fidei, sed quod nolisset pecunia redimere; respondit, eum occubuisse pro iustitia, cum pecuniam ad redemptionem necessariam non potuisset habere sine aliorum injuria; atque ideo, cum Christus sit veritas & iustitia, qui moritur pro iustitia, vel veritate, eum mori pro Christo, &, Ecclesia teste, Martyrem haberi: quod etiam narratur in vita S. Lanfranci Archiepiscopi Cantuariensis scripta a Milone Grispino Cantore Beccensi *cap. 6. apud Bollandianos ad diem 28. Maji num. 57. pag. 847. tom. 6.,* ubi hæc habet: *Nec immerito, ut reor, inter Martyres computatur, qui pro iustitia mortem sponte suscepisse predicatur.*

Nam

Nam & Beatus Joannes Baptista, quem tota Dei Ecclesia præcipuum Martyrem credit, & veneratur, non quia Christum negare, sed quia pro defensione Legis Divina veritatem noluit tacere, ad votum Satriarici capite plexus est &c. Beatus vero Elfeus aque pro justitia, ut Sanctus Joannes pro veritate, passus est. Cur ergo plus de uno, quam de alterius vero sanctique Martyrio quisque ambigat, cum par causa in mortis perpeffione utrumque detineat? De Martyrio hujusce S. Elfeii legi potest Mabillonius tom. 5. annal. Ord. S. Benedicti pag. 143. num. 60. Sæculo VII. contigit mors nonnullorum Monachorum a Saracenis occisorum, de quibus extat epistola Antiochi Monachi Abbatis publici juris facta a Cardinali Baronio in annal. ad an. 614. num. 24. & seqq. in qua narratur, Saracenos ad monasterium accessisse, & universa Ecclesiastica sacra vasa furatos esse; nonnullos autem Monachos, ceteris fugientibus, sacrum locum desituere nullo pacto volentes a Barbaris comprehensos inhumane tormentis afflictos fuisse, ut pecunias, quas minime habebant, proderent; tum Saracenos sua spe frustratos in essetatam rabiem conversos, Monachos prædictos membratim concidisse, qui lætitia incredibili perfusi omni cum gratiarum actione animas Deo reddiderunt. Itemque de Petro XXII. Abbate Sublacenfi in Chronico monasterii narratur, multa in corpore passum esse, & cæcum factum ad Dominum inlgrassè, cum castrum Arsule dictum ad Monasterium pertinens recusasset instantibus cedere; uti pluribus prosequitur Cardinalis Baronius ad an. 1003. num. 8. Hos nimirum inter Martyres esse recensendos, plerique contendunt, videlicet Astenfis in Summa part. 1. tit. 33. quest. 4. Silvius loco supra citato, Theophilus Raynaudus in libro cui titulus, *Mala et Bonis*, cap. 6. sub num. 16. oper. tom. 12. pag. 40. At vero, utcumque hæc sint, aptiora ad rem, de qua nunc agimus, sunt exempla Virginum, & Viduarum, quæ pro castitate custodienda Martyrium subierunt, de quibus late apud Claudium Espencæum lib. 4. de Continentia cap. 14. & concordat Wadingus tom. 10. annal. Minorum Romana editionis an. 1734. pag. 199. num. 28. ubi hæc habet: Non immerito hunc inter Martyres numeraverim, aliosque duos hujus temporis confedales adulescentes, unum Anconæ in Piceno a malefudis feminis ejus libidine exardescensibus occisum, alterum Sebastianum Fislani Conventus alumnum Florentia a duabus Sororibus infano ejus amore correptis suffocatum; quia sub falsa pietatis, & eleemosynæ accipiendæ specie vocati, noluerunt impiti muliercularum desideris satisfacere. Aptiora quoque haberi debent exempla eorum, qui pro officio charitatis, aut misericordiæ gloriose in Domino occubuerunt. Hujusmodi officium est proximo egeno ac pauperi eleemosynis subvenire; qua ratione in Martyrologio Romano Martyres declarantur 16. Augusti Romæ S. Titus Diaconus, qui, Urbe a Gothis occupata, pecunias pauperibus distribuens, a Tribuno barbaro jussus est occidi, & item Romæ 11. Decembris S. Thraso, qui, eum Christianos laborantes in thermis, aliisque operibus publicis fatigatos, & in carcere positos de suis facultatibus aleret, jubente Maximiano, tentus cum aliis duobus, Pontiano, & Praxetano, Martyrio cormatus est: vel in carcere de-

tentum

tebatur visitatione, & literis consolari; quam ob causam Martyres promuntiantur 30. Officinis Alexandriae S. Eutropia, quae Martyres visitans cum illis secessissimè cruciatu reddidit spiritum, & 23. Decembris Nicomedie Diaconus Sancti Anthimi; qui, cum litteras perferret ad Martyres, a Gentilibus tentus, & lapidibus obrutus migravit ad Dominum: vel mortuum sepelire; quamobrem Martyr praedicatur 21. Augusti Fundis in Latio S. Paternus, qui . . . cum Martyrum corpora sepeliret, a Tribuno comprehensus in vinculis inspiravit, & alibi alii: vel denique vita bonisque aliis periclitantem tueri, quo titulo Martyres leguntur 22. Junii Verolamii in Britannia S. Albanus, qui . . . pro Clerico hospite, quem susceperat, se ipsum tradens, post verbera, & acerba tormenta capite plectus est; 21. Decembris in Lycia S. Themistocles, qui . . . pro Sancto Dioscuro, qui querebatur ad necem, se offerens aequale sortis, captus, ac fustibus casus Martyrii coronam adeptus est; 23. Maji apud Lingonas S. Desiderius Episcopus, qui, cum plebem suam ab exercitu Vandalorum venari carneret, ad Regem eorum pro ea supplicaturus accessit, a quo statim jugulari iussus pro oculis sibi creditis cervicem libenter extendit, & percussus gladio migravit ad Christum; 19. Julii S. Epaphras, qui ab eodem Apostolo Colossis Episcopus ordinatus, clarus virtutibus ibidem Martyrii palmam pro oculis sibi commendatis virili agone percepit; 10. Septembris Leodii S. Theodardus Episcopus, qui animam suam posuit pro oculis suis; 17. Octobris Antiochie S. Hieron Episcopus, qui . . . pro commendato sibi grege amator Christi occubuit; 22. Septembris Ratisponae S. Emmeramus Episcopus, qui, ut alias liberaret, mortem secessissimam Christi causa patienter subit.

5. Huc quoque spectant, quae in superiori cap. 14. dicta sunt, cum ageretur de modo, quo probari poterat, Tyrannum motum fuisse ab odio in Fidem, dum mortem intulit Dei servo. Dictum quippe fuit, id probari, si mors inflicta fuerit, eo quia Dei servus aliquid facere noluit, quod recessum a Fide Christiana significaret, aut aliquam rem a Fide Christiana vetitam, aut quae ratione circumstantiarum stare non posset cum praeceptis Christianae religionis, aut religioni Christianae detrimentum afferret; vel quia aliquid fecit cum religione Christiana consentaneum, quod injustis Tyrannorum legibus vetitum erat. Percipi enimvero non potest, Tyrannum moveri ex odio in Fidem ad occidendum eum, qui talia peregit, nisi simul admittatur, talia peragentem, & mortem pro eis acceptantem ab amore Fidei induci atque moveri. Quocirca, ut nova veteribus addantur, pro Fide agendorum mori dici etiam poterit ille, qui inter Infideles degens mortem obiret, ne vestimento indueretur protestativo damnatae sectae, & eo quidem magis, si esset institutum ad cultum falsi numinis, uti late & solide ostendit Pater Aloysius Maria Lucinus in defensione decreti clar. mem. Cardinalis de Tournon cap. 9. num. 87. & seqq.: itemque pro eadem Fide agendorum mori dici posset, qui moreretur, ne templum Infidelium ingrederetur, in eo praesertim rerum eventu, in quo Principis Infidelis lex juberet, ut omnes templum adirent, ibique pallerent cum Infidelibus, eorumque

248 DE SERVORUM DEI BEATIFICATIONE

rumque interessent caeremoniis in protestationem suae sectae: quo spectat decretum summi Pontificis Pauli V. de quo meminit Cardinalis Albitius *de inconstantia in Fide* cap. 24. num. 49., refertur vero a Suarez *in defens. Fid. Casb. lib. 6. pag. 405.* Cogimur monere vos, atque obtestari, ut nullo pacto ad Hæreticorum templa accedatis, aut eorum conciones audiat, vel cum ipsis in ritibus communicetis, ne Dei iram incurratis; non enim licet vobis hoc facere sine detrimento Divini cultus, ac vestra salutis: quemadmodum docte de more explicat Cardinalis Gottus *Theolog. tom. 10. quest. 4. dub. 5. §. 2., & dub. 6. §. pariter 2.*

6 Ad rem præsentem optime id facit, quod legitur *lib. 4. Regum cap. 5. v. 18. & seq.*, ubi, cum Naaman mandato Elisei septies se in Jordane lavisset, & sanitatem, pro qua preces fuderat, obtinisset, reversus ad eum inquit: *Hoc autem solum est, de quo deprecaris Dominum pro servo tuo, quando ingreditur Dominus meus (sermo est de Rege Syriæ) templum Remmon, ut adoret, & illo innitente super manum meam, si adoravero in templo Remmon, adorante eo in eodem loco, ut ignoret mihi Dominus servo tuo pro hac re. Qui dixit ei: Vade in pace.* Super hoc scilicet Scripturæ textu non una est Interpretum sententia: Gregorius enim de Valentia *in tract. de Fide, & Fidei professione disput. 1. quest. 3. punct. 2. ad 3. col. 357.*, censet a Naaman rem illicitam peritam fuisse, cooperationem videlicet idololatriæ Regis in adoratione idoli Remmon, Eliseum autem non annuisse, sed permisisse; & negativæ se quoad eam habuisse, cum videret, suam correctionem tunc non fuisse profuturam; qua de causa eam ad aliud tempus distulit: ubi Calmet *in dissertat. ad 4. lib. Regum pag. 599. & seq.* innixus lectioni Textus Hebræi, & Syriaci putat, Naaman non futuri, sed præteriti criminis veniam postulasse. Verum, utcumque sit de hac interpretatione, retenta communi, & litteræ Vulgatæ versionis omnino congruente, ut Naaman videlicet minime præteriti, sed futuri actus veniam postulaverit; adnotare opus est, nec Eliseum concessisse, nec Naaman ab eo petiisse, ut cum Rege idolum adoraret; sed, cum esset famulus, & ad munus ejus spectaret Regem sustentare, etiam dum adoraret, dubitantem, an id sibi liceret, consilium petiisse ab Eliseo, a quo responsum est: *Vade in pace*; id est ne anxius de hoc sis: & quidem prudenter. Si enim famulus solitus servire Domino Pagano tum intra, tum extra templum in officio civili, in eodem officio serviat ei, dum est in templo, & ipso genua flectente, quia sic postulat officium suum, genua flectat, nullius criminis reus esse videtur; cum hoc sit adorare materialiter & improprie, non proprie atque formaliter; cumque sic agens non sit particeps idololatriæ, sed tantum spectator. Idem dubium sibi proponens Tertullianus *lib. de idolol. cap. 17. pag. 244.* inquit: *Quid facient servi, vel liberi Fideles, item Officiales sacrificantibus Dominis, vel Patronis, vel Præsidibus suis adhaerentes?* Cui sic respondet: *Si merum quis sacrificanti tradiderit, imo si verbo quoque aliquo sacrificio necessario adjuverit, minister habebitur idololatriæ.* Hujus regula memores etiam Magi-

stratibus,

Arasibus, & Potestatibus officium possumus reddere secundum Patriarchas, & ceteros Majores, qui Regibus idololatriæ usque ad finem idololatriæ apparuerunt: Ponit autem exemplum de Josepho, & Daniele, quorum primus ut minister Regis Egypti, secundus ut famulus Regis Babylonis ipsos Reges tum extra, tum intra templum comitabantur, & spectatores aderant sacrificiis sine ulla idololatriæ labe. A circumstantiis ergo negotium pendet, ut ipse Tertullianus bene adnotavit cap. 16. ubi inquit: Si propter sacrificium vocatus assistam, ero particeps idololatriæ: si me alia causa conjungit sacrificanti, ero tantum spectator sacrificii. Late prosequitur Cornelius a Lapide ad cap. 5. libri 4. Regum pag. 420., ubi, postquam approbavit, quæ modo dicta sunt, subdit, SS. Sergium, & Bacchum Primicerios Maximini Imperatoris; eum comitantes Jovi sacrificaturum, janua templi ingredi noluisse, & ob id Martyrio fuisse coronatos, cum tunc affectu Imperatoris solerent thus thuribulo in honorem idoli injicere, & ejus idololatriæ cooperari; item Valentinianum militiæ Ducem, postea Imperatorem, qui honoris causa Imperatorem Julianum ad sanum idolorum fuerat comitatus, aliam Sacrificio idololatriæ, qui eum foscidis quibusdam frondibus asperse- rat, impegisse, ac partem vestis, inquam asperginis illius gutta cecide- rat, abscidisse; ideoque ob Christianam Fidem a Juliano militia exutum, & in exilium actum fuisse, postea vero ob hanc suam in Fide constantiam meruisse Juliano post Jovianum in Imperio succedere.

7 Ex veritatibus itaque Fidei aliæ sunt theoreticæ, aliæ practicæ: Theoreticæ sunt illæ, quæ hominibus noticiam Divinæ naturæ, Divina- rumque perfectionum & attributorum præstant, eademque ratione noti- tiam etiam Jesu Christi Filii Dei Salvatoris nostri asserunt. Ex his nempe componitur Fides credendorum; proinde, si quis pro aliqua ex his moria- tur, moritur pro Fide, & ideo etiam propter veram causam Martyrii. Inquit enim Christus Dominus *Matth. 10. v. 17.* loquens de Martyrio: *Tradent enim vos in conciliis, & in synagogis suis flagellabunt vos, & ad Presides, & ad Reges ducemini propter me.* Ubi particula *propter me* causam finalem in- dicat. Item Martyrium idem est, ac testimonium, & Martyr idem est, ac testis; cumque alicujus testimonium, quod per antonomasiam tale di- citur, versari debeat circa veritates, quæ eminenter sint tales, & per an- tonomias tales appellentur, & Fidei quidem veritates, quæ habentur in Scripturis a Deo revelatæ, per excellentiam habeant, ut tales sint, juxta illud *Joan. 17. v. 3.* *Hæc est æternæ vitæ eterna, ut cognoscant te solum Deum verum, & quem misisti, Jesum Christum:* in quibus scilicet Fide veritatibus nostra salus est reposita, quia Deo attestanti & revelanti inni- tuntur, qui nec falli, nec fallere potest, clarissime inseritur, pro aliqua ex illis morientem vere Martyrem esse, & veram pro Martyrio causam in eo re ipsa adfuisse.

8 Aliæ veritates Fidei, quæ *practicæ* dicuntur, quæque Christianis regulas operandi præscribunt, in operatione consistunt: & hæc quoque

sunt materia Martyrii. Quare qui moritur propter aliquem actum Christianæ virtutis, aut propter detestationem alicujus peccati, verus Martyr Christi est, cum teneatur Christianus non solum Fidem ore confiteri, sed etiam protestari eandem Fidem per opera virtutum. Nimirum Christus Dominus inquit *Matth. 5. v. 10.*: *Beati, qui persecutionem patimur propter justitiam*. Ibi quippe nomine *justitia* significantur opera virtutis, & observantia Divinorum mandatorum, cum justus in sacris Scripturis dicatur; qui bene operatur *loc. cit. v. 20.*: *Nisi abundaveris justitia vestra plusquam Scribarum, & Phariseorum, non intrabitis in regnum calorum*; & *cap. 6. v. 1.*: *Attendite, ne justitiam vestram faciatis coram hominibus*. Jam vero differentia intercedens inter veritates Fidei theoreticas, & practicas ea est, quod, licet utrumque earum genus credere, & confiteri publice debeamus, juxta illud Apostoli ad *Rom. cap. 10. v. 10.* *Corde enim creditur ad justitiam, ore autem confessio fit ad salutem*; theoreticas tamen verbis tantum & ore confitemur, confessionem autem practicarum promere debemus nedum ore, sed etiam operatione; juxta illud Jacobi *cap. 2. v. 18.* *Ego ostendam tibi ex operibus Fidem meam*; & juxta aliud Apostoli ad *Titum cap. 1. v. 16.* *Constituentur, se nosse Deum, factis autem negant*.

9 Ex hucusque dictis sua sponte descendunt probationes ceterarum rerum, quæ hujus capituli initio dictæ sunt. Colligitur enim, si aliquis moriatur, & mortem acceptet sibi a Tyranno inflictam, veritatemque Fidei theoreticam, aut practicam expresse profiteatur, & mortem quidem obeat, ne eam deferat, sed ad ulteriora progrediens id etiam faciat, ut sui nominis celebritatem apud posteros obtineat, vel ut cultum in Ecclesia militante post obitum habeat, & inter Martyres recenseatur, verum Martyrem profecto non esse. Christi quippe testis non est, & gloriæ cupidus a Christi præceptis recedit; nec ei favet oraculum Christi: *Qui perdidit animam suam propter me, inveniet eam*. Sanctus Hieronymus in epistola ad Galatas *cap. 5. (col. 517. tom. 7. oper.)* ad ea verba, *Non efficiamur inanis gloria cupidi*, inquit: *Quod dudum timeo dicere, sed dicendum est, Martyrium ipsum si ideo fiat, ut admirationi & laudi habeamur a fratribus, frustra sanguis effusus est. Loquatur Apostolus: Si tradidero corpus meum, ut glorier, Charitatem autem non habeam, nihil mihi prodest; & loc. cit. col. 499.* subdit: *Si ita Martyrium fecerimus, ut nostras velimus ab hominibus Reliquias honorari: si opinionem vulgi sectantes, insuperdidi sanguinem fuderimus, & substantiam nostram usque ad mendicitatem propriam dederimus, huic operi non tam præmitur, quam poena debetur, & perfidia magis tormenta sunt, quam corona virtutis*: quæ S. Hieronymi verba referuntur etiam in *can. 65. 1. quest. 1.* De hoc pariter argumento aliqua a Nobis dicta sunt *lib. 1. cap. 3. num. 6.*, & late prosequuntur Theophilus Raynaudus in *tract. de Martyrio per pestem par. 2. cap. 3. num. 9.*, Auctor tractatus de Canonizatione Sanctorum ad Cardinalem Montis Regalis *part. 3. cap. 4.*, Cardinalis de Lauræa in *3. lib. sent. part. 2. tom. 3. disput. 20. art. 6. num. 86. & seqq.*, & fusc ac optime Cardinalis

dinalis Capisucchi in *contro. de Martyrio* §. 18. & 19., ubi late ostendit, morientem argumento tantum inanis gloriæ, Martyrem esse non posse, cum actus ille non sit moraliter bonus, nec præmio dignus. Licet enim motus inanis gloriæ ex se sit tantum peccatum veniale, mortale tamen peccatum est mortem subire argumento dumtaxat inanis gloriæ.

10 Colligitur quoque, ad Martyrium non sufficere, si quis moriatur pro aliqua re, licet vera, sed sibi per lumen naturale proposita; ad Martyrium siquidem requiritur (uti dictum est) ut quis moriatur pro Fide Christi; atqui non moritur pro Fide Christi, qui mortem non acceptat ex causa per Fidem proposita. S. Thomas 2. 2. *quæst.* 124. *art.* 5. in quo quærit, *Utrum sola Fides sit causa Martyrii*, in corpore hæc habet: *Martyres dicuntur quasi testes, quia scilicet corporalibus suis passionibus usque ad mortem testimonium perhibent veritati . . . , quæ secundum pietatem est, quæ per Christum nobis innotuit. Unde & Martyres Christi dicuntur, quasi testes ipsius; cumque sibi n. 2. hoc argumentum opposuisset, Martyr dicitur quasi testis. Testimonium autem non redditur, nisi veritati. Non autem aliquis dicitur Martyr ex testimonio cuiuslibet veritatis, sed solum ex testimonio veritatis Divinæ: alioquin, si quis moreretur pro confessione veritatis geometricæ, vel alterius speculativæ scientiæ, esset Martyr; quod videtur ridiculum; sic eidem argumento respondet: Ad secundum dicendum, quod veritas aliarum scientiarum non pertinet ad cultum Divinitatis, & ideo non dicitur esse veritas secundum pietatem; unde nec ejus confessio potest esse directæ Martyrii causa. Quocirca, si tempore, quo nonnulli dari Antipodas, nonnulli non dari, asserebant, juxta relata per Cardinalem de Noris in *vindictis Augustinianis* cap. 4. §. 8. aliquis Christianus mortuus esset pro opinione Antipodas admittente, quod est idem, ac dicere, pro vera sententia, ex defectu sufficientis causæ ad Martyrium Martyr minime fuisset. Difficultas autem sola esse potest de aliquibus veritatibus naturalibus, quæ connexionem habent cum Fide: cuiusmodi est exempli gratia propositio hæc, *Deus est*, juxta nonnullos naturaliter per se nota; itemque *hominis anima est immortalis*: plerique enim contendunt, animæ immortalitatem rationibus naturalibus comprobari: unde summus Pontifex Leo X. in sua Constitutione 6., *Apostolici regiminis* (Bullar. Rom. tom. 3. part. 3.) Philosophis legentibus in Universitatibus studiorum generalium, & alibi mandavit, ut ex principiis etiam philosophicis, quantum possent, probarent animæ rationalis immortalitatem. Veritates scilicet istæ connexionem habent cum pietate, & cultu Divinitatis. Quamobrem rationabiliter dubitari posse videtur, an moriens pro his veritatibus sibi naturaliter notis Martyr esse queat. Negant nonnulli: ut enim aliquis pro hisce veritatibus moriens inter Martyres recenseatur, non satis est, ut pro illis sibi naturaliter notis moriatur, sed oportet, ut mortem subeat propter eas tanquam a Deo per Fidem revelatas, uti docent Lessius de *justis*. & *jur. lib.* 3. cap. 1. num. 37., ac Verricellus de *Apostol. Missiõ. tit.* 1. *quæst.* 29. num. 7. Verum in ipso rei eventu res eadem esset maturius examinanda. Demonstrabile quip-*

pe est, si non a priori, uti loquuntur, saltem a posteriori, atque ab effectu, Deum esse; & quidem Deum esse, & alia hujusmodi, quæ per rationem naturalem nota possunt esse de Deo, non sunt articuli Fidei, sed *preambula* ad ipsos articulos, uti docet D. Thomas 1. *part. quasi. 2. art. 2. ad primum*. Attamen, si Philosophus Christianus pro hac veritate sibi nota lumine nature mortem subiret, non ita facile excludi posse videretur ex Martyrum classe; nempe quia veritas illa est ad Fidem relata, & ad eam *preambula*;

11 Colligitur item, Martyrem non esse, qui moritur pro aliqua veritate sibi uni revelata. Hurtado in *resolut. de vero Martyrio resolut. 25. §. 4. pag. 60.* inquit, se hanc controversiam excitasse a nullo alio Scriptore propositam, quam sic resolvit. Dicit itaque, quod, si veritas revelata opposita moribus, aut regimini universalis Ecclesiæ, aut aliquam contineat dispensationem divinitus factam ab aliqua lege Canonica pro particulari persona, qui moritur pro defensione hujusce revelationis, non est Martyr Christi, sed Diaboli: cum regimen Ecclesiæ, & mores sancti in eam introducti, & vigor legis Canonice perseverare debeant, atque adeo, quidquid eis contrarium est, introduci nequeat, aut suaderi ut introducat, nisi a summo Pontifice approbetur. Quod si revelatio respiciat aliquam veritatem particularem, puta aliquod mysterium occultum nunquam antea patefactum, ait, morientem pro hujusmodi revelationis defensione occumbere quidem pro veritate a Deo revelata, & ideo posse esse Martyrem coram Deo, sed non coram Ecclesia, antequam Ecclesia eam revelationem approbaverit. Ut autem hæc assertio Hurtadi recipi possit tanquam probabilis, explicanda erit, ut procedat de revelationibus, in quibus adsunt omnes circumstantiæ ostendentes, eas a Deo provenisse: si etenim circumstantiæ desint, nemo est qui dicere possit, morientem esse Martyrem coram Deo, etsi non coram Ecclesia; alias irreparabilis aperiretur via Hæreticis, & aliis male sentientibus, qui dogma, pro quo moriuntur, asserentes sibi revelatum, se Martyres esse contenderent, saltem coram Deo, licet non coram Ecclesia. Resumi hic possunt ea, quæ a Nobis tradita sunt *lib. 2. cap. 32.*

12 Colligitur insuper Martyrem non esse, qui moritur pro opinione, aut sententia adhuc ab Ecclesia non definita. Licet enim, cum summi Pontifices aliquam veritatem ad Fidem pertinere definiunt, novos Fidei articulos non condant, sed veritates illas jam divinitus revelatas, quæ non ita perspectæ & cognitæ Fidelibus erant, vel quæ hæresibus videbantur obscuratæ, suæ luci reddant, & Fidelibus credendas proponant; probabilitas tamen speculativa rei adhuc non definitæ immota perseverat, & inconcussa usque ad Ecclesiæ definitionem. In quo rerum themate, quemadmodum moriens ante definitionem ex alibi dictis hæreticus non est, licet sententiam docuerit postea ab Ecclesia reprobata; ita moriens ante definitionem pro sententia subinde ab Ecclesia definita, mortuus pro Fide apte sibi divinitus revelata dici non potest, & ideo inter Martyres nequit recen-

seſci.

feri. Huc pertinet controversia, quæ inter Auctores agitur, an moriens pro sententia, quæ astruit, Beatissimam Virginem Mariam singulari privilegio a peccato originali in sua conceptione fuisse servatam, inter Martyres sit recensendus. Multa etenim sunt, quæ pro sententia pugnant, quæ Martyrio favet: quorum primum est, certam esse Romanorum Pontificum, & Ecclesiæ propensionem erga prædictam sententiam, uti probatum est lib. 1. hujus Operis cap. 42. num. 14. quo posito concludit Grando tom. 1. in 3. part. controuv. 2. de gestis Christi tract. 1. disput. 3. sect. 31. art. 353. hoc modo: *Manifestum judicabit saltem esse magis probabile, magis verisimile, ac magis pium, Beatam Virginem Mariam fuisse ab originali præservatam: unde qui mortem subiret pro tuenda majore pietate, aut majore probabilitate hujus doctrinæ, Martyrii lauream obtineret.* Et paulo post: Cum ex sectione præcedenti sit satis probabile hisce nostris sæculis, moraliter esse certam & evidentem sententiam, quæ Beata Virginis immunitatem affirmat, ille, qui prudenter crederet, se hanc evidentiam fuisse consecutum, verus Martyr esset, si mortem subiret pro tuenda veritate speculativa immaculata Conceptionis. Probatur, quia iste prudenter existimat; sibi certam esse hanc veritatem: sed omne judicium certum de veritate, præsertim ad Dei honorem pertinente, est vera virtus, ut patet ex materia de virtutibus: ergo qui pro eo judicio retinendo subiret mortem, occideretur pro actu virtutis, & consequenter Martyrio coronaretur. Concordantque Theophylus Raynaudus in tract. de Martyris per pestem part. 2. cap. 3. num. 18., Silvester de Saavedra tom. de sacra Deipara, disput. ultim. num. 470. & Joannes de Andrada Septensis in apolog. pro vero & proprio Martyrio per pestem num. 10. pag. 221. inter opera Theophili Raynaudi tom. 20.

13 Alterum est, ut iidem Auctores prosequuntur, inter Martyres ab Ecclesia recenseri, qui occisi fuerunt a Tyranno, vel quia sententiam magis piam & religiosam sequebantur, vel quia omittere nolebant alicujus actum virtutis, a quo tamen poterant sine peccato cessare. Exemplo sint, qui occisi sunt, eo quia, cum essent Artifices, renuerunt idola fabricare, aut thura vendere idololatriæ sacrificaturis; tum earum Virginum, quæ, quam nubere, mori maluerunt. Id quippe suadere videtur, Martyrem esse, qui pro prædicta sententia magis pia & religiosa moriatur, etiam si contraria sententia damnata non sit, eamque sine labe peccati, qui moriturus est, ut mortem evadat, amplecti possit. Sic argumentatur Joannes Baptista Pazo apud Hurtado loco infra citando num. 2.

14 At alia sunt, quæ oppositæ favent opinioni, ut Martyr non sit, qui moritur pro sententia, quæ astruit, Beatam Virginem singulari privilegio a peccato originali in sua conceptione fuisse servatam. Fundamentum potissimum in eo est, quod controversia ab Ecclesia adhuc definita non sit. Quare Alfonso de Castro lib. 1. de justa Hæreticorum punitione cap. 8. dubit. 4. tom. 2. sic loquitur: *Ego quidem, Virginem Deiparam sine peccato originali conceptam fuisse, credo, quia hoc magis pium est, & magis dignitati Mariæ Dei conveniens, & Filii ejus totius generis humani Redemptoris dignitati & excellen-*

cellentia nec pilum detrabens: attamen non tam firmo animo hanc teneo sententiam, ut illam putem esse Fidem Catholicam; atque ideo pro hujus sententiae tutela non libenter cervicem gladio ponerem. Eumque sequitur Prytanus de ingenior. moderat. lib. 2. cap. 6. pag. 269. Satis quibusdam non fuit calamo, & rationibus immaculatam Deipara Conceptionem tueri, quod procul dubio cum vera pietate consonat. Nescio quid etiam illustrius invenisse, sibi sunt visi, quo suum in Virginem testarentur obsequium. Sacramento videlicet sese obstrinxerunt, atque voverunt, se pro hujusmodi opinione tuenda sanguinem, & vitam duros, quoties occasio posceret. Novitium certe Martyrum genus &c. Non pro opinionibus nostris, sed pro divinitus revelatis, Legibusque sanctissimis profundendus est sanguis. Addendum vero, quod antequam controversia ab Ecclesia definita sit, ille, qui tuetur Beatissimæ Virginis immunitatem a peccato originali in sua conceptione, non potest non habere, immo tenetur habere formidinem de opposita sententia: ex quo nimirum infertur, morientem ob dictam causam Martyrum catalogo non esse adscribendum; uti late persequitur Hurtado in resolut. de vero Martyrio, resolut. 25. §. 5. Neque enim vis ulla constitui potest in his, quæ pro Martyrio allata sunt. Nemo siquidem non videt, eos, qui fuerunt occisi, quod renuerint fabricare idola, aut thura vendere, recte inter Martyres fuisse recensitos; & in eandem quoque classem juste relatas fuisse Virgines, quæ pro servanda virginitate mortuæ sunt; cum hæc quidem vel ut promissam Deo virginitatem servarent, vel ut errori damnantium virginitatem adversarentur, mortuæ sint; uti bene perpendit Cardinalis Capivuechius in cit. contrav. de Martyrio §. 17. vers. Sed ulterius; illi autem obierint, ne peccato idololatriarum cooperarentur: quare ait Tertullianus lib. de idololatria cap. 6. *Potes lingua negasse, quod manu confiteris?* *Facio (ait quidam) sed non celo Imo tu colis, qui facit ut coli possint.* Abulensis in cap. 32. Exodi quest. 33. loquens de fabricatione Vituli facta ab Aaron inquit: *Hoc autem peccatum licet aliquo modo esset idolatria, in quantum permittebat idolatriam, & dabat occasionem perficienda idolatria jam coepta: tamen non erat idolatria vera.* Concordat S. Thomas 2. 2. quest. 169. art. 2. ad quartum, ubi docet, si qua ars sit ea facienda, quibus homines uti non possint sine peccato, consequens esse, ut Artifices talia faciendo peccent, utpote præbentes directe aliis occasionem peccandi, puta, si quis fabricaret idola, vel aliqua ad idololatriam pertinentia. Pluraque alia collecta legi possunt apud Verricellum de Apostol. Missio. tit. 1. de Fide quest. 34., ex quibus omnibus infertur, allata exempla nihil habere commune cum re, de qua nunc agimus.

15 Apud Carenam in tract. de officio sanctissima Inquisitionis tit. 17. §. 11. hæc alia habentur: *Propositio cujusdam, qui dixerat, quod, licet articulus Conceptionis non esset de Fide, erat tamen de pertinentibus ad Fidem, quodque, qui pro eo moreretur, esset vere Martyr, fuit damnata a supremis Inquisitoribus in Portugallia, annuente Sanctissimo Paulo V. anno 1619. De eadem re loquitur Portel. in dub. regular. in verb. Conceptio Deipara, num. 6. qui prædictam pro-*

propositionem, annuente summo Pontifice, ab Inquisitore Portugallie damnatam, testatur his verbis fuisse expressam: *Festum Conceptionis immaculata, etiam in particularibus ecclesiis, inconsulto Pontifice, quandam institutionem, sic ejus immunitatem ab originali convincit, ut ei falsitas subesse non possit: Unde, quatenus eam de Fide instituta hujusmodi festi definire non potuerit, inter veritates tamen ad Fidem pertinentes collocavit. Quare verum subiret Martyrium, qui pro defensione ejus moreretur.* Porro subdit, eam merito fuisse proscriptam, tum quia docet, falsum subesse non posse sententiae de immunitate Deiparae ab originali peccato; tum quia unum & idem est, aliquam sententiam esse collocatam inter Fidei veritates, & esse de Fide; tum etiam quia, si propositio de Fide non est, Martyr esse non potest, qui moritur pro illa nondum uti de Fide ab Ecclesia definita. Denique in correctione libri saepe citati Theophili Raynaudi *de Martyrio per pestem* demandata a sacra Congregatione Indicis ita legitur apud eundem Theophilum *oper. tom. 20. pag. 256.* Expungatur id, quod Auctor scribit, cum futurum Martyrem, cui mors intenderetur, si plam sententiam de conceptione Beatae Mariae Virginis immaculata improbaret, isque malles mortem prius acceptam, eam ob causam, & re ipsa eam exciperet. Verumtamen, utcumque sit de hac controversia, quam sapientiorum judicio definiendam relinquimus, tutam omnino dicimus in aliis casibus regulam, ut moriens pro quaestione adhuc ab Ecclesia non definita non moriatur pro causa, quae ad Martyrium sufficiat. Legi possunt opera quaedam post primam hujus Operis editionem conscripta, Antonii Lampridii, Candidi Parthenosii, Laurentii Minghiacii, Berti *de Theologicis disciplinis tom. 6. lib. 31. cap. 24. num. 2.* in quibus utrinque strenue pugnatur pro, & contra vocum sanguinem emittendi pro opinione, quae favet immaculae Virginis conceptioni.

16 Colligitur praeterea, Martyrem non esse, qui mortem subit ex ratione philosophice duntaxat bona. Victor Vitenfis *lib. 5. Persecutionis Vandalicae pag. 693. tom. 8. Biblioth. Patrum* agens de cruciatibus a servo nobilis Tuburbitani pro servando amici secreto exceptis, inquit, Martyrem eum non fuisse, cum ductus fuerit ad eisdem cruciatus excipiendos sola civili honestate, quae in tenaci arcanorum amici custodia invenitur. Negmirum: sic enim moriens non moritur ob causam sibi per Fidem propositam, nec ob aliquid supra naturam disponens ad gratiam sanctificantem; sicut late prosequuntur Raynaudus in *cit. cap. 3. num. 10. Maurus tom. 3. Theolog. lib. 11. quaest. 95. sub num. 4. Cardinalis Capisucchi in controp. de Martyrio §. 20. Concordat Vasquez in 3. part. D. Thoma tom. 2. quaest. 68. art. 3. disput. 153. cap. 6. in fin.*, ubi agens de moriente ob solam honestatem virtutis, inquit: *Consensus tamen non esset Martyr, nec ut talis colendus, qui nullo modo indicaret, se pati propter Christum & Deum ex affectu charitatis erga ipsum, sed propter honestatem solam virtutis.*

17 Colligitur ultimo, Martyrem non esse, qui moritur, ut punctum aliquod, sive articulum falsum tueatur, sed quem ipse putat invincibiliter

256 DE SERVORUM DEI BEATIFICATIONE

ter esse verum, & ad Fidem Christianam pertinere. Casus dari potest in Rustico Catholico, qui Parocho, vel Episcopo credat proponenti aliquem articulum tanquam de Fide Divina credendum: cum re vera ita non sit, quin etiam error id sit, quod sibi uti Fide Divina credendum a Parocho, vel Episcopo propositum est. Porro, si Rusticus invincibili ignorantia laboret, & consequenter judicet, propositionem esse de Fide Divina, obligatur ad credendum eo modo, quo credere tenetur Fidei infusa veros articulos sibi sufficienter propositos, atque adeo pro ejus defensione tenetur mortem subire toto tempore, quo ignorantia invincibilis perseverat. Quibus præmissis, queritur, an, si pro illo falso articulo moriatur, Martyr sit. Affirmanter utique respondet Raynaudus *loc. cit. num. 14. Et plurib. segg.*: at negans opinio tutior esse videtur. Martyr enim est, qui occumbit pro confessione veræ Fidei Divinæ, non pro confessione Fidei humanæ, & acquisitæ: moriens autem pro dicto articulo non moritur ob confessionem Divinæ, sed humanæ Fidei, cum habitus infusus Fidei virtus sit intellectualis, verum attingens ita, ut ad actum falsum pertingere nullo modo possit; sicuti late prosequuntur Hurtado *loc. cit. g. 3.* Verricellus *de Apostol. Mission. tit. 1. quest. 29.* Cardinalis Capisucchius *in contrav. de Martyrio g. 16. vers. Igitur*. Itemque simile iudicium ferendum est de illo, qui renuit aliquid facere putans invincibiliter, id esse peccatum, licet re vera peccatum non sit: si enim hic ob eam causam moriatur; meritum sane consequitur, sed Martyr nequaquam est; cum virtus, pro cuius defensione quis moriens inter Martyres recensetur, debeat esse virtus certa & omnino indubitata, cui ex parte materiæ, vel objecti falsum subesse non possit; sicuti prosequitur Portel. *in dub. regular. in verb. Conceptio Deipara. num. 7.*

CAPUT XX.

De falsis Martyribus Hereticorum, & Schismaticorum.

1 **O**lim Marcionitæ, Novatiani, Ariani, Donatistæ de multitudine Martyrum suorum gloriabantur: & de Priscillianistis quidem ita legitur apud Salpicium Severum *lib. 2. sacr. hist. cap. 51. num. 7.*: Ceterum, Priscilliano occiso, non solum non repressâ est hæresis, qua illo auctore prorsuperas, sed confirmata latius propagata est: namque sectatores ejus, qui cum prius ut Sanctum honoraverant, postea ut Martyrem colere coeperunt. Peremptorum corpora ad Hispanias relata, magnisque obsequiis celebrata eorum sinera. Quin & jurare per Priscillianum summa religio putabatur. Sed & de Martyrum suorum multitudine nostri temporis Hæretici sibi plaudunt. De similibus autem Martyribus sic eleganter loquitur Cardinalis Baronius *in præfat. ad Martyrol. cap. 10. Habens vespæ, sicut & apes, favos suos: quæ, etsi in cellularum constructione illas omnino imitari videntur, tamen non, sicut illæ, in unam eandemque domum conveniunt; carent enim alvea-*

alvario, quia nesciunt unitatem, nec insuper mel, quod illuc inferant, habent: ac, licet; factum summo labore confecerint, cellulas cellulis intexendo, tamen inanis, aridus, ac melle vacuus semper esse conspicitur. Apostolus ipse rem hanc definivit, ubi de se scribit ad Corinth. 1. cap. 13. v. 3. Si tradidero corpus meum, ita ut ardeam, Charitatem autem non habuero, nihil mihi prodest: quod desumpsit ex Lege Christi apud Lucam cap. 11. Qui non est mecum, contra me est; & qui non colligit mecum, dispergit. Suffragantur Ecclesiæ Patres, Augustinus videlicet sexcentis in locis contra Donatistas, Joannes Chrysostomus, Hieronymus, & Cyprianus. Hic enim in epist. 52. ad Antonianum col. 153. ita inquit: Si ab Ecclesia dure & crudeliter segregatus ad Gentiles se vias & secularia opera convertat, vel ad Hæreticos, & Schismaticos rejectus ab Ecclesia transeat, ubi, etsi occisus propter nomen, postmodum fuerit extra Ecclesiam constitutus, & ab unitate atque a charitate divisus, coronari in morte non poterit. Et col. 158. in fine: Apsistata vero, & Desertores, vel Adversarii, & Hostes, & Christi Ecclesiam dissipantes, nec, si occisi pro nomine foris fuerint, admitti secundum Apostolum possunt ad Ecclesiam pacem, quando nec Spiritus, nec Ecclesia tenuerunt unitatem. Et rursus in epist. 54. ad Cornelium Papam col. 172. Idoneus esse non potest ad Martyrium, qui ab Ecclesia non armatur ad prælium. Et ad eundem epist. 57. col. 206. Non est, quod sibi quasi in confessione nominis blandiatur, cum constet, si occisi ejusmodi extra Ecclesiam fuerint, Fidei coronam non esse, sed penam potius esse perfidie, nec in domo Dei inter unanimes habituros esse, quos videmus de pacifica & Divina domo furore discordia recessisse. Quæ quidem, atque alia Patrum testimonia erudite collecta legi possunt apud Cardinalem Baronium loc. cit., apud Alanum Copum dialog. 6. cap. 4., apud Molanum cap. 20. in præfat. ad Martyrol. Usuardi. Præterquamquod ipsi Martyres Christi maximopere curarunt, a falsis Hæreticorum Martyribus discerni, ut ex Clemente Alexandrino observat Eusebius lib. 5. historia cap. 16. pag. 232. Quotiescumque Ecclesia viri ad Martyrium pro vera Fide subeundum vocati una cum quibusdam de Phrygum heresi, qui Martyres dicuntur, casu quodam coierint, semper ab illis dissentiunt; & communionem eorum, sollicite vitantes, gloriosum Martyrii exitum consequuntur. Tum subjicit: Atque id verum esse constat ex iis, quæ nostra ætate in urbe Apamea, quæ ad Meandrum sita est, gesta sunt a Cajo, & Alexandro Martyribus oriundis Eumenia. Huc quoque spectat canon 34. Synodi Laodicenæ col. 788. tom. 1. collect. Hard., ubi anathemate feriuntur, qui ad Hæreticorum Martyres confugiunt.

2. Hæresi affine est schisma, non solum quia ex schismate ut plurimum hæresis confurgit, teste S. Hieronymo in epist. ad Titum cap. 3. (col. 738. tom. 7. oper.): Ceterum nullum schisma non sibi aliquam confugit hæresim, ut recte ab Ecclesia recessisse videatur; sed etiam quia, etsi schisma hæresim comitem non habeat, ipsa sola separatio ab unitate capituli Ecclesiæ satis est, ut extra unitatem moriens inter Martyres recenseri non possit. Quisquis ergo ab hac Catholica Ecclesia fuerit separatus, quantumlibet laudabiliter se vivere existimet, hoc solo scelere, quod a Christi unitate diiunctus est, non habebit

Tom. III.

K k

vitam;

vitam; verba sunt epistolæ Synodalis Concilii Zertensis col. 2003. tom. 1. collect. Hard., quam S. Augustinus a se dictatam cognoscit. Idem S. Augustinus de Fide, & Symbolo cap. 10. (tom. 6. oper. col. 161.) ait: *Credimus & sanctam Ecclesiam, utique Catholicam; nam & Hæretici, & Schismatici Congregationes suas Ecclesias vocant. Sed Hæretici, de Deo falsa sentiendo, ipsam Fidem violant. Schismatici autem discissionibus iniquis a fraternâ charitate diffiliunt, quamvis ea credant, quæ credimus. Quapropter nec Hæretici pertinent ad Ecclesiam Catholicam, quæ diligit Deum, nec Schismatici, quoniam diligit Proximum: itemque, quod attinet ad Martyrium, lib. 1. contra Donatistas cap. 9. inquit: Schismatici Martyrium nec præmium quidem habet, sed est poena supplicii. Concordat Optatus Milevitanus lib. 3. contra Parmen. num. 8. pag. 65. Probate illos anasse pacem, in qua prima sunt fundamenta Martyrii ... nulla igitur est excusatio, quia Charitatem illos non habuisse manifestissime constat, sine qua nullum nec nominari potest, vel esse Martyrium. Sanctus Cyprianus locis alleg. æque loquitur de Hæreticis, & de Schismaticis; sed in libro de unitate Ecclesiæ col. 398. de Schismaticis tantum sermonem habet: Quis ergo sic est sceleratus & perfidus, quis sic discordia furore vesanus, ut aut credat scindi posse, aut audeat scindere unitatem Dei? Et col. 401. Tales etiamsi occisi in confessione nominis fuerint, macula ista nec sanguine abluitur &c. Ardeant licet flammis, & ignibus traditi, vel objecti bestis animas suas ponant, non erit illa Fidei corona, sed poena perfidia. Et de Hæreticis, & Schismaticis hæc habentur in cap. Firmissime, de Hæreticis, quod est desumptum ex Fulgentio de Fide ad Petrum cap. 39. pag. 82. (tom. 9. Bibliot. Patrum): Firmissime tenet, & nullatenus dubites quemlibet Hæreticum, sive Schismaticum ... esse pro Christi nomine etiam sanguinem fuderit, nullatenus posse salvari ... quamdiu in eo hæretica, vel schismatica pravitas perseverat, quæ ducit ad mortem. Ad hæc hospes protecto esset & peregrinus in historia Ecclesiastica, qui schisma Novati adversus S. Cornelium summum Pontificem ignoraret. Novatus scilicet ille est, qui aliquando Novatianus appellatur, de quo S. Pacianus Episcopus Barcinonensis, qui epistolas scripsit adversus Novatianos, epist. 2. ad Sympronianum (Bibliot. Patrum tom. 4. pag. 308. in fine) ita ait: Porro, etiamsi passus est aliquid Novatianus etiamsi occisus, non tamen coronatus. Quidni? Extra Ecclesia pacem, extra concordiam, extra eam matrem, cuius portio debet esse, qui Martyr est. Quod si vitam profundere, ne schisma oriatur, vel ut excitatum de medio tollatur, causam constituit sufficientem ad verum Martyrium, quemadmodum colligitur ex epistola Dionysii Alexandrini ad Novatum apud Eusebium hist. Eccles. lib. 6. cap. 45. pag. 318. Si quidem invitur, ut asseris, eo adductus es, id nobis ostendes, tuo sponte rediendo. Satis quidem fueras quidvis pati, ne Ecclesia Dei discinderetur. Nec minus gloriosum fuisse idcirco subire Martyrium, ne Ecclesiam scinderes, quam ut ne idolis sacrificares: immo illud, meo quidem iudicio, illustrius fuisse. Hic enim pro sua unus anima, illic pro omni Ecclesia Martyrium quis sustinet; & ex Ennodio, qui dignos asserit Martyrii coronam occisos ab assecis Laurentii,*

rentii, quos S. Symmacho legitimo Pontifici adherentes inveniebant; neque etiam ex Ecclesiæ Constantinopolitanæ judicio, quæ tanquam Martyres venerata est Clericos a Schismaticis necatos tempore S. Joannis Chrysostomi, sicuti fuscè habetur apud Cardinalem Baronium *ad an. 502. num. 13.* unusquisque facili negotio colligere poterit, extra unitatem Ecclesiæ, & in schismate Martyrium esse non posse, etsi Schismatici adhuc hæretici facti non fuerint.

3 Verum, ut clarius materia hæc explicetur, operæ pretium est casum a casu secernere: vel enim Hæreticus moritur, ut suam hæresim tueatur; vel moritur pro vero articulo Fidei Catholicæ, puta, si Calvinista moriatur pro Divini Filii *consubstantialitate*, in qua ipse a Catholicis non discordat. Si loquimur de Hæretico moriente pro sua hæresis defensione, clarum est, eum in teterrimo peccato mori, ejusque mortem infeliciorem esse morte homicidæ, & rei læsæ majestatis; cum hic ut plurimum moriatur improbitatem suam detestans, & excusationem petens ab errore, stulticia, cæcitate, humana prolapsione, injuria accepta, ebrietate, & similibus; ille autem gravissimum scelus moriendo insolenter defendat, & maximum diabolicæ pertinaciæ specimen præ se ferat, quemadmodum bene prosequitur Alanus Copus *dialog. 6. cap. 5.* Addendum, quod Hæreticus moriens vel moritur recognoscendo suum errorem, & confitendo delictum; & tunc potius præbet testimonium veritati, quam errori; non tamen per Martyrium, sed per piam & justam confessionem, ac poenitentiam: vel moritur negando delictum, & ore tantum Fidem confitendo; tuncque Martyr non est veræ Fidei, quam non credit, nec est testis sui erroris, quem ore non confitetur: vel denique moritur propter pertinaciam in suo errore, eligens potius mori, quam illum retractare; & talis mors Martyrium esse non potest, cum sanguis non effundatur pro Christo, nec mortis acceptio a pia & recta voluntate proveniat, quam verum Martyrium exposcit. Legi potest Suarez *in defens. Fidei Catholica lib. 1. cap. 20.* Præterquamquod inutile videri potest, alia ad rem, de qua nunc agimus, alferre, cum ipsimet Hæretici, & signanter Auctor historiæ Calvinismi, sive apologiæ Reformatorum *Roterodami edita an. 1683. part. 1. cap. 11.* concessis verbis fateantur, Hæreticum propter hæresim morientem, in crimine mori; & tantum probare conetur, Calvinistas mortem subeuntes, ne Calvinii dogmata deferant, non mori propter hæresim. Si vero sermo transferatur ad Hæreticum morientem pro veræ Fidei Catholicæ articulo, idem judicium de eo ferendum est, ac de Hæretico pro sua hæresi moriente, eum videlicet pro Martyre haberi non posse: licet enim pro veritate occumbat, non occumbit tamen pro veritate sibi per Fidem proposita, cum Fide careat. Patrum testimonia collecta legi possunt apud Pamelium *ad epist. 52. S. Cypriani num. 50.*, & apud Theophilum Raynaudum *in tract. de Martyrio per pestem part. 2. cap. 4.*, & huc quoque respiciunt verba Patrum in superioribus relata, qui Martyrium negant Hæreticorum, *etiam si pro-*

per nomen fuerint occisi. Mori quippe propter nomen idem est, ac mori pro vero Fidei articulo: meritoque idcirco subdit Alanus *cit. dialog. 6. cap. 7.*, æqualem profecto utriusque morientis esse damnationem, et si mitius in Inferis torquendus, qui pro vero articulo moritur, quam qui pro hæresi occumbit: *Æqualem esse utrisque damnationem, jam antea ex Cypriano, & Augustino docui, hoc est utrosque a regno & facie Dei prorsus ad poenam æternam excludi. Non negarim tamen, forte non æqualem esse utrisque poena cumulum, qua singulis pro delicti ratione intenditur, aut remittitur; ut mors ab Hæretico suscepta non tollat, sed æternas tamen poenas allevet & misiget, damnationemque ipsam tolerabiliorem faciat, quam si Christum negaret; aut pro hæresi pertinaciter ultimo supplicio afficeretur.* Docuit quidem Durandus in 3. sent. dist. 23. quæst. 9. num. 8. Hæreticum negantem unicum articulum Fidei retinere habitum Fidei supra naturam, saltem informem: verum id communiter rejicitur a ceteris Theologis, duce D. Thoma 2. 2. quæst. 5. art. 3., ubi propositæ quæstioni, Verum, qui discredidit unum articulum Fidei, possit habere Fidem informem de aliis articulis, respondet: *Quod in Hæretico discredente unum articulum Fidei, non manet Fides neque formata, neque informis. Formale autem objectum Fidei est Veritas prima, secundum quod manifestatur in Scripturis sacris, & doctrina Ecclesia, qua procedit ex Veritate prima. Unde, quicumque non inhaeret, sicut infallibilis & Divina regula, doctrina Ecclesia, qua procedit ex Veritate prima in Scripturis sacris manifestata, ille non habet habitum Fidei, sed ea, qua sunt Fidei, alio modo tenet, quam per Fidem &c. Manifestum est autem, quod ille, qui inhaeret doctrina Ecclesia, tamquam infallibili regula, omnibus assentit, qua Ecclesia docet. Alioquin, si de his, qua Ecclesia docet, qua vult, tenet, & qua non vult, non tenet, non jam inhaeret Ecclesia doctrina, sicut infallibilis regula, sed propria voluntati &c. Unde manifestum est, quod talis Hæreticus circa unum articulum Fidem non habet de aliis articulis, sed opinionem quamdam secundum propriam voluntatem.* Ex qua porro D. Thomæ doctrina Theologi communi etiam calculo docent, Hæreticum pro vero articulo Fidei morientem, utpote Fide & infirmi, & formata carentem, Martyrem esse non posse; Suarez in *cit. oper. de defens. Fidei Cathol. lib. 1. cap. 20. num. 5.*, Valquez in 3. part. D. Thoma tom. 2. quæst. 68. art. 3. disput. 154. cap. 6., Alanus Copus *cit. dialog. 6. cap. 7.*, Teophilus Raynaudus in *tract. de Martyrio per postem part. 2. cap. 4. num. 3.*, Maurus Theolog. tom. 3. lib. 11. quæst. 96. num. 2., Cardinalis Capisucchi in *contro. de Martyrio §. 20. vers. Eadem ratio est*, Cardinalis Gottus Theolog. tom. 13. quæst. 2. dub. 3. §. 2. *vers. Nec etiam erit Martyr, & fusc Verricellus de Apostol. Mission. tit. 1. quæst. 27.* Sola autem, quæ inter eos superest, disputatio, in eo residet, an invincibiliter Hæreticus, si pro vero Fidei articulo moriatur, sit vere Martyr: cui quidem responderi consuevit, eum Martyrem esse posse coram Deo, sed non coram Ecclesia. Afferunt nempe, Martyrem esse posse coram Deo, ex illo Joannis 15. v. 22. *Si non venissem, & locutus fuisset eis, peccatum non haberent: dummodo tamen Hæreticus ille moriens*

morienſ pro vero articulo ſit habitualiter (ut ajunt) diſpoſitus ad omnia credenda, quæ ſibi proponerentur a legitimo proponente . Martyrem deinde dicunt non eſſe futurum coram Eccleſia, cum Eccleſia non judicet de internis, ſed de externis ac ſenſibilibus, ipſaque ab hæreſi externa conjecturam inferat, & præſumptionem hæreſis internæ; quemadmodum late docent Cardinalis de Laurea in 3. lib. ſent. part. 2. tom. 3. diſp. 20. artic. 10. num. 167. & ſeqq., & Verricellus de Apoſtol. Miſſion. cit. tit. 1. quaſt. 28. Nec enim urgent Sanctorum exempla, quos Eccleſia colit tanquam Martyres, utpote pro Fide mortuos, licet aliquid docuerint Fidei Catholicæ adverſum, de quibus late Baillet in præſat. ad vitas S.S. §. 89. Ut enim ipſe in notis num. 31. bene animadvertit, id intelligendum eſt de Sanctis, qui ante Eccleſiæ definitionem aliquid docuerunt, quod poſt eorum mortem ab Eccleſia tanquam hæreticum & erroneum damnatum eſt; inter quos eminet S. Cyprianus, de quo alibi locuti ſumus, ut etiam recte adnotavit Eſtius in 3. lib. ſent. diſt. 23. §. 13. Diligenter in primis diſtinguendum eſt inter eos, qui, retenta generali promptitudine credendi quidquid Eccleſia Catholica credit, per ignorantiam tamen in quibuſdam Fidei dogmatibus errant, propterea quod nondum ſatis declaratum iis ſit, ita Eccleſiam credere, & eos, qui, poſt manifeſtatam ſufficienter Eccleſiæ doctrinam, adhuc ab ea, vel contrarium aſſerendo, vel certe dubitando, diſſentire digni, quod Hæreticorum eſt proprium. Nam de illis prioribus facilis eſt reſponſio, eos vera Fidei communionem cum reliquis Catholicis habere in ea parte doctrinæ Catholicæ, de qua, quod verum eſt, tenent &c. de quorum numero fuit Cyprianus. Ab his, inquam, exemplis nihil inferri poteſt adverſus ea, quæ hæctenus dicta ſunt, quippe quæ ſibi locum vindicant quoad eos, qui formaliter Hæretici ſunt, cum pro vero Fidei articulo mortem ſubeunt.

4 Hæreticorum mos eſt ſua Pſedomartyrologia replere etiam nominibus illorum, qui ſectæ ipſis contrariæ adhæſerunt. Molanus id reſert in præſat. ad Martyrologium Uſuardi cap. 10. Audio enim, in eis recenſeri non uniùs tantum hæretica ſectæ Pſedomartyres, ſed ad unam uſque omnium, quæ hoc tempore Romanam Eccleſiam obſcurare conantur. De Foxi mendaci Martyrologio ſic loquitur Alanus Copus in cit. dialog. 6. cap. 16. pag. 820. Hic promiſcue video, non ſolum Zuinglianos, Lutheranos, Anabaptiſtas, alioſque Hæreticos, ſed & in quos propter furtum, atque ſacrilegium, propter magiam, & damnatas artes, propter leſam denique majeſtatem capitali pœna animadverſum eſt, ſanctiſſimorum Chriſti Martyrum locum occupare. Et pag. 822. Sed quis unquam crederet, Joanni Vucſeliano, qui negavit, Spiritum Sanctum a Patre, Filioque procedere, quod nec Foxus diſſeceri poterit, locum in hoc catalogo datum iri? Quid, quod non ſolum Petrus, homo Germanus (quem Foxus ipſe non negat, Chriſtum nihil carnis ex Maria matre ſumpſiſſe, ſolitum aſſerere), ſed & Coubri-gius, qui ne Chriſti quidem nomen ferre poterat, hic quaſi in honorata quadam Martyrum ſede, exploſis Sanctis, & veris Dei Martyribus, Tharaco, Probo, & Andronico, collocantur? Maimbourg. in hiſtoria Calviniſmi lib. 1. ad an. 1535, pag. 33.

pag. 33. id ipsum adnotavit, a Calvinistis videlicet inter Martyres recenseri etiam eos, qui sunt alterius sectæ, quam ipsi damnant: certum quippe est, Martyrum catalogo ab eis adscribi Joannem Hus, qui in sacramento Eucharistiæ *transubstantiationem* confessus est, quam ipsi negant. Quamvis enim Auctor supra citatæ apologiæ Reformatorum *part. 1. cap. 12.* impudenter respondeat, sibi, & suis satis esse, Joannem Hus adversus Romanam Ecclesiam fuisse debacchatum, ut inter Martyres recenseri possit; nemo tamen est qui non videat impudentem hominis stultitiam, qui tali furore abreptus est, ut Joannem putet a se, & suis, in gravissimo articulo dissidentem ex hoc solo Martyrem esse, quod cum ipso, & suis concordat in odio irrationabili & impio adversus Romanam Ecclesiam, Romanumque Pontificem. Jacobus Apostolus inquit *cap. 3. v. 10. & seq.* : *Quicumque autem totam Legem servaverit, offendas autem in uno, factus est omnium reus. Qui enim dixit, Non moechaberis, dixit &, Non occides. Quid si non moechaberis, occides autem, factus es transgressor Legis.* Ideoque, quemadmodum quicumque ex Charitate totam Legem servavit, si postea offendat in uno, Charitatem amittit, & consequenter alia, quæ servat, non servat ex habitu Charitatis, cum Charitas consistat in dilectione Dei ex toto corde, atque in obedientia perfecta erga illum; sic qui omnia alia credit, sed unum aliquid non credit a Fide præscriptum, habitum Fidei supra naturam amittit; atque adeo, quæ credit, non credit ex Fide insula & supra naturam, cum Fides in uno consistat, scilicet in credendo omnia a Deo revelata in Scripturis secundum Ecclesiæ interpretationem.

5 Hactenus de Hæreticis: nunc de Schismaticis. Schisma itaque, quatenus ab hæresi disjunctum sit, quod raro contingit, nihil aliud est, quam separatio ab unitate Ecclesiæ, juxta doctrinam D. Thomæ 2. 2. *quest. 39. art. 1. Proprie Schismatici dicuntur, qui propria sponte & intentione se ab unitate Ecclesiæ separant, qua est unitas principalis; nam unitas particularis aliquorum ad invicem ordinatur ad unitatem Ecclesiæ, sicut compositio singulorum membrorum in corpore naturali ordinatur ad totius corporis unitatem. Ecclesiæ autem unitas in duobus attenditur, scilicet in comenione membrorum Ecclesiæ ad invicem, seu communicatione, & iterum in ordine omnium membrorum Ecclesiæ ad unum caput &c. Hoc autem caput est ipse Christus, cujus vicem in Ecclesiâ gerit summus Pontifex. Et ideo Schismatici dicuntur, qui subesse renuunt summo Pontifici, & qui membris Ecclesiæ et subiectis communicare recusant.*

6 In hujusce generis Schismaticis procedunt ea; quæ in superioribus dicta sunt, morientem videlicet in schismate Martyrem esse non posse, etiam si moriatur pro Fide: moritur quippe extra unitatem Ecclesiæ, ideoque æternam salutem habere non potest. Quia vero aliquando contigit, ut, duobus ad summum Pontificatum electis, scissaque in duas factiones univèrsa Ecclesiâ, ignoretur, uter ex eis legitimus electus sit; utque in hoc rerum eventu aliquis adhæreat ei, quem putat legitimum Pontificem, sed cujus postmodum electio minime legitima & canonica judicata est; qui

sic

sic agit, revera Schismaticus non est. Schismaticus esset in eo solum casu, in quo, postquam ab habente jurisdictionem statutum est, minime legitimam fuisse electionem ejus, cui adhærebat, ipse nihilominus in ejusdem obedientia persisteret, & alteri jam declarato legitimo Pontifici parere recusaret. Doctrina hæc est Antonii de Butrio in *tract. de schismate*, & Petri de Ancarani in nonnullis *allegationibus juris* ab eo factis pro Concilio Pisano, concordatque Silvester *part. 2. in Summa in verb. Schismaticus* n. 7., ubi sic ait: Si vero constet, unum canonicè electum, alium vero non, qui non est canonicè electus, cum sequentibus scienter est excommunicatus: si vero dubitatur, quis sit canonicè electus, ignorantia facti excusatur; ignorantia vero juris Civilis, aut Canonici, ad quod scilicet spectat hujus materia discussio, etsi non excuset, cum est tale jus, quod quis de facili scire potest per se, vel per alium, dum tamen habeat copiam peritorum, excusatur tamen, si est tale, quid quis nec per se, nec per alios scire potest, cum peritissimos fallat, & diversè contraria sentiant. Et late prosequuntur Sanchez *lib. 2. in Decalogum cap. 36. num. 3. & 4.*, Cardinalis De Lugo *de Fide disput. 25. sect. 3. num. 36.*, Castropalao *tom. 1. de Charitate tract. 6. disput. 4. punct. 5. num. 9.* Idcirco fit, ut si hic pro Fide Christi moriatur, debeat inter Martyres recenseri: se enim habet instar ejus, qui mortem pro Christo recepit, dum aliquod dogma crederet, aut doceret, de quo tunc impune disputabatur, sed post ejus obitum Ecclesia declaravit esse a Fide alienum. Uno verbo, sicut materialis Hæreticus Martyr esse potest, ita & materialis Schismaticus.

7 Tria potissimum exempla huic assertioni suffragari posse videntur. Inter Beatos a Clemente VII. legitimo Pontifice adscripti fuerunt Petrus de Luxemburgo, & Ludovicus Alamandus, juxta ea, quæ a Nobis dicta sunt *lib. 1. cap. 39. num. 4.* De Petri scilicet virtutibus plura legi possunt apud Spondanum *in continuat. anal. Baronii ad an. 1387. num. 11.* De miraculis vero ejus intercessione a Deo patratis plura habentur apud Baluzium *in notis ad vitas Paparum Avenionen. tom. 1. pag. 1320.* etsi ipse Petrus in Cardinalium coetum fuerit cooptatus a Roberto Genevensi Antipapa, qui sibi Clementis VII. nomen assumpserat. Mortuus est autem cum annos vixisset duodeviginti; & ex fama quidem ipsius virtutum, ac miraculorum, Clementis Antipapæ, qui eum creaverat Cardinalem, existimatio non modicum recepit augmentum, teste Roberto Gervasio Episcopo Senecensi in *tract. de schismate fol. 52. Sed Divina providentia approbat, & confirmat adherentes, & obediētes Domino Clementi VII. per miraculorum coruscationem, prout patet de Domino Petro de Luxemburg Cardinali facto per Dominum Clementem VII., cujus meritis & precibus Divina providentia valde multa miracula manifesta operatur his, qui credunt in eum.* Item de Ludovico Alamando, seu Alamanno plura legi possunt apud Ciacconium in ejus vita *tom. 2. pag. 842.*, de quo præterea sic ait Aeneas Silvius, qui ad Pontificatum erectus Pii II. nomen assumpsit: In Arelate ad sepulchrum Ludovici Cardinalis Sanctæ Cecilie ejus urbis Episcopi, quem Basilea in conspectu Patrum vidimus Pra-

Præfidentem, magna miraculorum opinio orta est, & invalidorum frequens undique concursus spe sanitatis factus. Stetit autem Ludovicus in Concilio Basileensi adversus Eugenium legitimum Pontificem, & Felicem Antipapam consecravit, tum, facti cum poenituisset, ad Nicolai V. ipsius Eugenii Successoris obedientiam rediit, & Ecclesiæ unitatem restituit, uti conceptis verbis legitur in Martyrologio Gallicano 16. *Calend. Octobris*. Demum in teterrimo schismate inter Petrum de Luna dictum *Benedictum XIII.* & Angelum Corarium nuncupatum *Gregorium XII.*, qui in Concilio Pisano, & subinde una cum Joanne XXIII. in Concilio Constantiensi depositi fuerunt, electo in summum Pontificem Martino V., magna pars Hispaniæ Petrum de Luna, seu *Benedictum XIII.* tanquam verum & legitimum Pontificem colebat, aliquæ vero Italiæ civitates Angelo Corario, seu *Gregorio XII.* pariter tanquam & legitimo Pontifici adhærebant. Sanctus itaque Vincentius Ferrerius Petri de Luna, seu *Benedicti XIII.* partes secutus, auctor etiam fuit Regibus Aragoniæ, ut eidem adhærerent: quamquam, statimac ejus obstinationem, & malas artes perspectas habere coepit, Ferdinando Regi Aragoniæ persuasit, ut ab ejus obedientia se subduceret; edictumque publicaret, quo sibi subditis districte inhiberet, ne illi, tanquam Pontifici quocumque prætextu adhærerent; tantaque fuit S. Vincentii sanctitatis, eruditionis, & zeli pro tollendo schismate fama, ut Patres generalis Concilii Constantiensis congregati ad tollendum schisma trium illorum de Pontificatu contentendum, missis Legatis, eum rogaverint, ut ad Concilium veniret, si posset. Epistola ad eum missa extat col. 658. *tom. 2. operum* Joannis Gersonii Cancellarii Facultatis Parisiensis, qui eam composuerat, & *tom. 1. thesauri novi anecdot.* Patris Edmundi Martene col. 1749. Porro primum ex allatis exemplis ostendit, sanctitati non obstare, si aliquis bona fide procedens adhæserit Pontifici, quem legitime electum putabat, licet post illius obitum hujus electio fuerit damnata. Hujus generis est etiam exemplum S. Paschalis Diaconi & Confessoris, cujus mentio fit in Martyrologio Romano *ad diem 31. Maji*. Stetit enim is pro Laurentio contra Symmachum; & cum S. Gregorius *lib. 4. dialog. cap. 40. & 41. (tom. 2. oper.)* referat, eum in sua sententia usque ad diem sui exitus perstitisse, credendum est, eum vertente adhuc de electione Symmachi controversia, ex hac vita migrasse; quemadmodum habetur apud Cardinalem Baronium *in not. ad Martyrolog. ad dictam diem*. Secundum ex iisdem supra relatis exemplis patefacit, sanctitati obstare, si aliquis legitimo Pontifici obedire recuset, tum eum ante obitum facti non poeniteat. Ex tertio tandem exemplo desumitur, verum Schismaticum non esse, qui in dubia facti questione illi adhæret, quem una cum plerisque aliis similia sentientibus legitimum putat Pontificem; a quo tamen recedit, statim ac deprehendit, eum talem non esse. Quapropter quemadmodum Schismaticus materialis in prædictis circumstantiis Sanctus esse potest, sic etiam Martyr esse poterit, si pro Christo, & ejus Fide moriatur.

8 Pro vindicandis suis Pseudomartyribus Auctor apologiæ supra memoratæ scribit, veri Martyrii signa hæc esse; si ingens videlicet hominum multitudo pro una eademque re moriatur; si heroicæ fortitudinis & constantiæ, necnon pietatis indicia in obitu non desint; si demum ex omni ætate & sexu inveniantur, qui mortem generose subeant, uti fusc legi potest ejusdem cap. 11. part. 1. cumque hæc omnia in suis Pseudomartyribus adfuisse contendat, infert, de veritate Martyrii ipsorum non esse dubitandum.

9 Verum, ut eo, quo decet, ordine hujus asserti vis perpendatur, tria sunt examinanda; primum est, utrum prædictæ qualitates in nostris adfint Martyribus; secundum, an adfint in illis, quos ipsi Martyres, nos Pseudomartyres appellamus; tertium, an eadem satis sint, ut tutum de veritate Martyrii judicium ferri possit.

10 Ducto itaque initio ab examine, an prædictæ qualitates in nostris adfint Martyribus, de hoc ambigendum esse non videtur: in Actis siquidem sinceris SS. Alexandri, & Epipodii apud Ruinart, ubi mentio fit SS. Martyrum Lugdunensium, dicitur num. 2. pag. 63: *Plurimi distructis Passionibus, atque nominibus ad succedentium memorias pervenerunt; innumeros vero, qui vel indiscreta cade concisi sunt, vel vincti in ergastulis defecerunt, inscriptos celestis vite liber tantum continet.* Prudentius item in hymno de Martyrio S. Hippolyti Presbyteri Romani sic cecinit de Martyribus, qui Romæ cæli sunt v. 1.

Innumeros cineres Sanctorum Romula in Urbe

Vidimus, o Christi Valeriane sacer.

11 Eusebius Cæsariensis Episcopus lib. 8. *hystor. Eccles.* cap. 6. pag. 382. ubi describit persecutionem a Diocletiano, & Maximiano excitatam, ait: *Tunc etiam Anthimus Ecclesia Nicomediensis Episcopus ob confessionem Christi in eadem urbe capite truncatus est. Huic adjuncta est ingens Martyrum multitudo &c. Alios quoque innumerales vinctos, & scaphis impositos carnifices in profundum mare projecere &c. Vix jam iniri numerus potest omnium, qui deinceps in singulis provinciis passi sunt, Martyrum, ac præsertim eorum, qui per Africam, & Mauritaniam, per Thebaidem, & Ægyptum sunt interfecti. Et cap. 8. Illic enim viri prope innumerales cum uxoribus, & liberis pro Servatoris nostri doctrina temporalem hanc vitam aspernati, varia mortis genera sustinuerunt. De eadem persecutione hæc etiam habentur apud Sulpicium Severum lib. 2. *sacra hist.* cap. 32. num. 4. Dioclesiano & Maximiano imperantibus, acerbissima persecutio exorta, quæ per decem continuos annos plebem Dei depopulata est; quæ tempestas: omnis fere sacro Martyrum cruore orbis infectus est; quippe certatim gloriosa in certamina ruebatur, multoque avidius tum Martyria gloriosis mortibus querebantur, quam nunc Episcopatus pravis ambitionibus appetuntur. Nullis unquam magis bellis mundus exhaustus est, neque majore unquam triumpho vicimus, quam cum decem annorum stragibus vinci non posuimus. Marmor extat, de quo Jacobus Castellius in not. ad Acta S. Restituti pag. 96., in quo sculpta sunt hæc verba, quæ profecto multitudinem Christianorum in persecutione*

ne Diocletiani & Maximiani pro Fide Christi occisorum maximopere ostendunt :

DIOCLETIANVS. IOVIVS. ET
MAXIMIANVS. HERCVLEVS
CAES. AVGG.
AMPLIFICATO. PER. ORIEN
TEM. ET. OCCIDENTEM
IMP. ROM.
ET
NOMINE. CHRISTIANORUM
DELETO. QVI. REMP. EVER
TEANT

Eusebius Pamphili Cæsariensis Episcopus in *lib. de Martyribus Palestina* post enarrata Martyria concludit *cap. 13. pag. 437.* : *Atque hæc sunt Martyria, quæ octo annorum spatio in Palestina perpetrata fuerunt. Huiusmodi nostri temporis persecutio fuit &c.* In quibus varia omnis generis certamina eorum, qui pro pietate fortiter pugnaverunt, innumerabiles in singulis provinciis Martyres præstiterunt. Tum in Menæis Græcorum, tum in Martyrologio Romano, necnon apud Bollandianos *ad diem 18. Martii pag. 617. tom. 2. edit. Vales.* adjiciuntur hæc verba : *Verum, ut summam dicam, cunctis ejus temporis Martyres tam viros, quam mulieres, quorum nomina recoluntur, sedecies mille numero fuisse perhibent, reliqua vero multitudinis ne numerum quidem iniri posse.* Huc etiam referri possunt, quæ a Nobis dicta sunt *lib. 1. hujus Operis cap. 4. num. 14.* adversus somniamatæ Dodvelli Martyrum paucitatem. Sed de Martyrum invicta fortitudine & patientia si quis alia cupit, legere potest Theophilum Raynaudum *oper. tom. 4. in apolog. pro Christiana fortitudine lib. 5. sect. 2. cap. 8. num. 151. & seqq.*, tum etiam Lactantium *lib. 6. cap. 17.* ubi inquit : *Spēctata sunt semper, spēctanturque adhuc per orbem poenæ cultorum Dei, in quibus excruciantis nova & inusitata tormenta excogitata sunt. Nam de mortis generibus horres animus recordari, cum immanium bestiarum ultra ipsam mortem carnicifina sevierit. Hæc tamen execrabilis corporum lacerationes felix, atque invicta patientia sine ullo gemitu pertulit. Hæc virtus omnibus populis, acque provinciis, & ipsis sortoribus miraculum maximum præbuit, cum patientia crudelitas vinceretur.* Concordant testimonia eorum qui Christianam Fidem infectati sunt, de quibus apud Buddæum in *Isagoge historico-theologica* Liplæ edita anno 1730. *tom. 2. pag. 877.*, quique videntes eos nedum ad cruciatus gravissimos, sed & ad mortem subeundam promptos, id ad infaniam, con-

fuetudinem, vel oblationem impie traducere ausi sunt. Ceterisque omiffis, fat erit legere *sanctum tertium mensis Junii* apud Bollandianos: ibi enim late exponitur mira inter tormenta constantia Sanctorum Aurei, & Iustini, Nicandri, & Marciani, Theoduli, & Tribuni, Quirici, & Julitæ, Leontii, Zosimi, & Montani, Manuelis, Sabelis, & Ismaelis; & *tom. 5. ejusdem mensis Junii ad diem 25. pag. 26. & seq.*, ubi agitur de S. Febronia; & *tom. 7. mensis Julii ad diem 29. pag. 40.*, ubi agitur de S. Calinico Martyre; & in toto demum opere Bollandi, & ejus Continuatorum. Et huc quoque referri possunt antiquorum Patrum dicta, Iustini videlicet in *dialogo cum Tryphone Judeo num. 110. pag. 203.*, ubi hæc habet: *Sed quanto magis, magisque talia nobis infliguntur, eo plures alii per nomen Jesu fideles, & pii fiunt. Quemadmodum vitis, si quis partes illas amputet, quæ fructum ferunt, ita proficit, ut alias florentes, & fructiferos palmites rursus proferas*: Tertulliani ad finem apologetici pag. 81. ubi sic loquitur: *Plures efficitur, quoties metimur a vobis. Semen est sanguis Christianorum*: Augustini de civitate Dei lib. 22. cap. 6. col. 661. *tom. 7. oper.* ubi ait: *Ligabantur, includebantur, cadebantur, torquebantur, urebantur, laniabantur, trucidabantur, & multiplicabantur*. Hæc enim nedum supponunt Martyrum multitudinem, sed ulterius ostendunt, ex Martyrum multitudine nullum in Christianam Fidem præjudicium, sed semper majorem credentium & profitentium copiam derivasse.

12 Transeunt ad eos, quos Hæretici Martyres, nos Pseudomartyres appellamus, ultro quidem admittimus, nonnullos eorum mortem intrepide subiisse. Scilicet mors Hieronymi de Praga invictæ & impavide tolerata narratur a Poggio Florentino in epistola ad Leonardum Aretinum *tom. 2. hist. Joan. Hus pag. 533.*; & eodem modo describitur mors Annæ de Bourg a Thuano in *hist. lib. 23. num. 12. ad annum 1559*. Item de Anabaptistis hæc habentur apud S. Bernardum *serm. 66. in Cantica nu. 13. col. 1502. vol. 1.*: *Mirantur aliqui, quod non modo patienter, sed & lati, ut videbatur, ducerentur ad mortem: sed qui minus aduersunt, quanta sit potestas Diaboli non modo in corpora hominum, sed etiam in corda, quæ semel permissus possederit. Nonne plus est, sibi met hominem injicere manus, quam id libenter ab alio sustinere? Hoc autem in multis potuisse Diabolum, frequenter experti sumus, qui se ipsos aut submerferunt, aut suspenderunt. Denique Judas suspendit se ipsum, Diabolo sine dubio immittente. Ego tamen majus existimo, magisque admiror, quod potuit immisisse in cor ejus, ut traderet Dominum, quam ut semet ipsum suspenderet. A Wiclefo demum, & Hussio prodierunt Adamitæ in Bohemia, qui lætantes ad mortem properarunt; multique alii nostris fere temporibus ex Heterodoxis similia præstiterunt, de quibus apud Alanum Copum *dialog. 6. sepe cit. cap. 3.* Attamen, utcumque hæc sint, nulla fieri potest comparatio inter numerum nostrorum Martyrum ab initio Ecclesiæ usque ad hæc nostra tempora, & numerum eorum, quos Heterodoxi Martyres, nos Pseudomartyres appellamus; eo vel magis, si animadvertatur, numerum Pseu-*

domartyrum ab eis componi, tum illorum ratione habita, qui pro una secta, tum aliorum, qui pro alia secta mortui sunt, licet una ab alia differat, atque adeo una admittat, quod negatur ab alia; quando contra innumerabilis nostrorum multitudo pro una eademque re, pro iisdem omnino dogmatibus, pro ipsa inconcussa & uniformi traditione sanguinem fudit. Baillet in *præfat. ad histor. de vitis Sanctorum* §. 88. testatur, non multa quidem, at aliqua tamen reperiri exempla nonnullorum Hæreticorum, qui mortem subierunt pro suorum errorum defensione; ita ut inter impossibilia habendum non sit, ut aliquis adeo obstinate suæ hæresi adhæreat, ut etiam pro ea mori velit: addit vero, nullam Hæreticorum sectam reperiri, in qua tot ex omni sexu & ætate mortui sint, & mortem constanter subierint, quot inter Catholicos id præstiterunt. Quod cum fuerit ab Hæreticis nostri temporis bene perspectum, hinc factum est, ut audacter asserere inceperint, primorum & antiquorum Martyrum innumerabilem numerum, qui ante suam, quam jactant, reformationem, pro Christo mortui sunt, non ad nos, sed ad ipsos pertinere; eo scilicet quia mortui non sunt pro asserendis illis dogmatibus, quæ a nobis admittuntur, & ab ipsis rejiciuntur. Sed quam inane id sit, docte de more ostenditur a Cardinali Gotto *tom. 1. de vera Ecclesia cap. 3. §. 2.* ubi scite animadvertit, antiquos Martyres non posse ab Hæreticis tanquam suos vindicari, nisi probent vel eos mortuos fuisse, ne ex. gr. venerationem Imagium, aut *Purgatorium* admitterent, quod ipsi minime admittunt; vel saltem mortuos fuisse in ea persuasionem, ut cultus Imaginibus præstandus non sit, aut *Purgatorium* non detur: quæ porro ab ipsis neque hucusque probata sunt, neque unquam probabuntur; cum certum sit, omnia, quæ creduntur a nobis, ab eis credita fuisse: absolum autem esset contendere, Martyres illos ad nos non pertinere, eo quia expresse mortui non sunt pro cultu Imagium, vel *Purgatorio*; tunc enim ea quæstio a nemine adhuc mota erat, ut idem Cardinalis prosequitur.

13 Pro complemento præsentis capituli nihil aliud superest, quam ut verba faciamus de tertio, quod erat a Nobis propositum, an prædictæ qualitates, multitudinis videlicet morientium, & invictæ mortis, satis sint, ut tutum de veritate Martyrii judicium ferri possit. Qua profecto in re dicimus primò, prædictas qualitates ex sui natura & indole ad veritatem Martyrii non sufficere; Secundò, eas pro veritate Martyrii nostris quidem Martyribus multum prodesse, sed nullo pacto proficere illis, quos Heterodoxi *Martyres*, nos *Pseudomartyres* appellamus. Dictum est ergo, prædictas qualitates ex sui natura & indole non sufficere ad veritatem Martyrii, cum non desint latrones, & homicidæ, nec defuerint, qui, licet pro suis criminibus damnati, impavide tormenta, & mortem sustinuerunt, & sustinent; cumque sæpe contingat, nonnullos homines mortem generose subire pro diversis doctrinis, quarum alteram falsam esse necesse est, & consequenter alios pro veritate, alios autem pro errore mori; Suarez in *defens.*

defens. Fidei Cathol. lib. 1. cap. 20. num. 3. Raynaudus in tract. de Martyrio per
 gestem part. 2. cap. 4. num. 6. & 7. Alanus Copus in cit. dialog. 6. cap. 1. per tot.
 Fuit id quoque adnotatum a S. Augustino *serm. 2. in Nativitate S. Vin-*
centii (col. 110. tom. 5. oper.), ubi ait: *Diabolicus, & Seducitor Spiritus ple-*
rumque implet vel fallaces vates, vel falsos Martyres suos, ut tormenta corpo-
ris vel ipsi sibi ingerant, vel ingesta contemnunt. Facile esset exempla cumu-
 lare eorum, qui propter scelera sua ad mortem damnati mortem ipsam,
 atque tormenta invicte sustinuerunt. De *Leana* scilicet Atheniensi scribit
 Tertullianus *ad Martyres cap. 4. pag. 192. : Cessit carnifici meretrice Atheniensis,*
qua conscia conjurationis, cum propterea torqueretur a Tyranno, & non prodidit
conjuratos, & notissime linguam suam comestam in faciem Tyranni exspuit, ut
nihil agere se scirent tormenta, etsi ultra perseverarent. Antiqua autem a re-
 centioribus excipiuntur. Hieronymus enim Olgiatus, sive, ut aliis pla-
 cet, Oleatus, Civis Mediolanensis, unus ex eis, qui Galeatium Sfortiam
 Mediolanensium Ducem interfecerunt, captus, & in custodia detentus,
 itemque misere discruciatas, ut cædis socios proderet, commendans im-
 mo facinus sociorum, nullum poenitentiae, nullumque formidinis signum
 edidit; tum ductus ad locum horrendi supplicii impavide se gessit, uti
 narrat Fulgosit *lib. 3. dist. & fact. memorab. cap. 3. : Nudus igitur in disco pro-*
stensus, erubitis, brachiisque ad disci pedes deligatis, cum eos, qui astabant
preparata mortis species atque horror averteres, ipse speciosus verbis, atque in-
trepida voce peractum facinus extollens, nequaquam se, quod tunc instabat, sa-
crum mortis genus curare, ostendit. A summo igitur humero usque ad medium pe-
ctus laevis falce divisus, nec verbis, nec voce mutata, vitam simul cum Catho-
lica ad Deum oratione finivit. Historiam pariter suppressionis Ordinis Equi-
 tum Templariorum a summo Pontifice Clemente V. in Concilio Vien-
 nensi, & mortem Magno Magistro, & plerisque Equitibus ob magna ab
 eis patrata scelera inflictam luse refert Natalis Alexander in *hist. Ecclesiast.*
fac. xlii. & xiv. dissert. 10. quest. 2. art. 1. num. 18., ubi hæc habentur: *Ma-*
gni Magistri, & aliorum (Templariorum) in perferendo ignis supplicio constan-
tia, seu pertinacia, eos insontes fuisse, non probat. Extant enim & vetera, &
recentia exempla hæreticorum, & facinorosorum hominum, qui mortem intrepidi
aspexerunt; nec minor aliquando visa est externa specie fortitudo in Martyribus
Diaboli, quam in Martyribus Christi, ut Circumcellionum, Priscilliani, Joan-
nis Hus, & Hieronymi Pragensis, aliorumque exempla notissima testantur.

14 Hucusque adducta plane ostendunt, prædictas qualitates ex sui
 natura & indole non sufficere ad astringendam veritatem Martyrii: ex por-
 ro nostris Martyribus favent, sed Pseudomartyribus Hæreticorum non
 item. Non eas quippe solas, uti faciunt Hæretici, sed eas una cum aliis
 rebus, & signanter cum causa Martyrii ponderamus. Communis enim
 vero esse potest & nostris, & illis tormentorum invicta tolerantia; at, quia
 (uti supra dictum est) Martyrem non facit poena, sed causa, mors, &
 invicta inter tormenta constantia nostris quidem prodest ad verum Marty-
 rium,

rium, non autem alienis, quemadmodum ex S. Joanne Chrysoſtomo, & aliis animadverſum eſt. Multitudo etiam invicte morientium teſſera eſt veræ Eccleſiæ, ſi cauſa apta ad moriendum non deſit; quemadmodum ex S. Athanaſio, aliisque Eccleſiæ Patribus probat Theophilus Raynaudus *cit. cap. 4. num. 9.* Inter Acta ſincera & ſelecta Martyrum collecta a Ruinart Paſſio invenitur SS. Montani, Lucii, & aliorum Martyrum Africanorum, quæ contigit ſæculo Eccleſiæ tertio, ubi de S. Montano hæc habentur *num. 14. pag. 204.* : *Hæreticorum quæque ſuperbiam, & improbam contumaciam reſpondebat, conteſtans eos, ut vel de copia Martyrum intelligerent Eccleſia veritatem, ad quam redire debeant.* Pluribuſque hoc idem argumentum proſequitur Cardinalis Gottus *cit. tom. 1. de vera Eccleſia cap. 3. §. 1.* ubi Jacobum Piceninum ſtrenue redarguit aſſerentem, multitudinem Martyrum veræ Eccleſiæ ſignum non eſſe, cum continuum non ſit; quandoquidem, ut bene reſpondet Eminentiffimus Auctor, necesse non eſt, continuam eſſe multitudinem Martyrum, ut ea ſit veræ Eccleſiæ ſignum; ſufficit, eam non deſuiſſe, nec deeſſe, cum Tyranni veram Fidem perſequuntur; idque eo magis, cum juxta doctrinam D. Thomæ 2. 2. *quæſt. 124. art. 1. ad tertium*, Fideles utique debeant omni tempore eſſe prompti ad mortem ſub-eundam pro Fide Catholica, ſed eam actu ſubire non teneantur, niſi cum urget caſus Fidei ejuſdem conſtitendæ. Examen autem cauſæ Heterodoxi effugere cupiunt, ut ex allegato apologiæ ſuſe deſumitur: velent enim, totum de veritate Martyrii judicium externis prædictis conjecturis & præſumptionibus inniti, tum adjiciunt, de cauſa controverſiam non eſſe movendam, cum controverſia iſta non ita facile definiri poſſit, & interim deeſſe non debeant argumenta, quibus veri Martyres a falſis diſcernantur. Ita nempe ſentiendo, negari non poteſt, ipſos propoſito ſuo recte inſervire: ita autem ſentiunt, quia bene noverunt, ſe cauſa cecidiſſe, ſi non in ſolam Paſſionem, ſed etiam in hujus cauſam pro veritate Martyrii inquirendum ſit; illud quoque ſciunt, non modo errores ſuos eſſe ab Eccleſia damnatos, ſed etiam ſeparationem ab unitate Eccleſiæ a ſuis Auctoribus factam fuiſſe, & ſe obſtinatè in exſecrabili contumacia perſiſtere; ſciuntque præterea, ſuis Pſedomartyribus obſtare S. Auguſtinum *epiſt. 185. ad Bonifacium Comitem*, ubi ſic loquitur (*num. 8. col. 646. tom. 2. oper.*) : *Iſti inſaniunt, qui dividunt membra Chriſti, & exſufflant Sacramenta Chriſti, & de perſecutione gloriantur; quia prohibentur iſta facere legibus Imperatorum, quas conſtituerunt pro unitate Chriſti, & jactant fallaciter innocentiam ſuam, & quam non poſſunt a Domino accipere, ab hominibus quarunt Martyrum gloriam.* Sed & S. Cyprianus obſtat in *lib. de unitate Eccleſiæ col. 401.* : *Eſſe Martyr non poteſt, qui in Eccleſia non eſt: ad regnum pervenire non poterit, qui eam, qua regnatura eſt, derelinquit.* Addendum, Martyrium eſſe actum fortitudinis ab hac virtute elicitum, & a Charitate imperatum, juxta doctrinam D. Thomæ 2. 2. *quæſt. 124. art. 2.* quam communiter Theologi ſequuntur. Itaque, quomodo vera a falſa fortitudine diſcerni poterit, niſi

nisi causa examinetur, propter quam quis constanter se morti offert, cum & ipsi Philosophi docuerint, fortitudinem ab iracundia, seu furore profectam esse longe dissimilem veræ fortitudini; quod vera fortitudo inclinet ad perferenda mala, & aggredienda terribilia honestatis gratia, fortitudo autem ab iracundia, aut furore proveniens perferat mala, & aggrediatur terribilia vindictæ cupiditate, vel propter amorem, aut odium, nulla habita honesti ratione? Quod si signa aliqua externa veri Martyrii requirantur, ea profecto non desunt; miracula videlicet, quæ juxta fuisse probata in primo hujus Operis libro ab Ecclesiâ in causis Martyrum requiruntur. S. Augustinus in ultimo libro de civitate Dei Christianam Fidem ex iis miraculis astruit, quæ ab illam professis, & confessis Martyribus ubique terrarum facta commemorat. Inquit enim (cap. 9. col. 673. tom. 7. oper.): *Pro ista Fide mortui sunt, qui hac a Domino impetrare possunt, propter cuius nomen occisi sunt. Pro hac Fide precessit eorum mira patientia, ut in his miraculis tanta ista potentia sequeretur.* Subscribit S. Hilarius lib. 11. de Trinitate num. 3. col. 1084. nimirum, Fidem Christianam approbari ex miraculis, & præsertim Dæmonum expulsionem ad Martyrum sepulcra: *Non enim (ait) negari jam Christus, quin Christus sit, potest, neque mundo ignorabilis effici. Hunc Prophetia volumina consignant; hunc temporum quotidie proficiens plenitudo testatur; hunc Apostolorum, & Martyrum per virtutum operationes loquuntur sepulcra; hunc potestas nominis sui probat; hunc immundi spiritus confitentur; hunc penititorum Dæmonum resonant mugitus.* Aliaque plura Patrum testimonia collecta videri possunt apud Petavium lib. 14. de Incarnatione cap. 13. (oper. tom. 5.) Hæc porro sunt externa Martyrii indicia, quibus nostra Martyria illustrantur, sed quæ in Pseudomartyribus Hæreticorum prorsus deficiunt. Quare bene ait Cardinalis Baronius cap. 10. præfat. ad Martyrol. Rom.: *Exhibeantur ab illis (hoc est ab Hæreticis) illa Divina miracula, qua olim a Sanctis Martyribus, Gentilibus non credentibus, detestantibus, ac persequentibus, ut crederent, benedicerent, atque adorarent, sunt exhibitæ. Si sanctorum conamini, ut vobis assentiamur, vel unum saltem ex tanta Pseudomartyrum turba Divinum miraculum editum demonstrare. Sed quid? Numquid colligere poterunt ex spinis uvæ, aut de tribulis ficus? Certe ex sententia Domini, 'Non potest arbor mala bonos fructus facere.'*

15 Libri quinque S. Irenæi Episcopi Lugdunensis & Martyris mendis expurgati, & aucti novis fragmentis Græcis, editi sunt Parisiis an. 1710. Renatus Massuet Monachus Benedictinus e Congregatione S. Mauri eos observationibus ac notis illustravit. Aliæ quoque virorum eruditorum accesserunt adnotationes. Pro re, de qua nunc agitur, legi potest adnotatio ad librum 4. cap. 64. pag. 176. ubi congesta undique eruditione ostenditur, Martyrium Dei donum esse, quod extra unitatem & charitatem Ecclesiæ nemini conceditur; adeoque Hæreticos pro Martyribus prædicatos, Martyres non esse, cum extra Ecclesiam & unitatem, etiam si invictæ tormenta patiantur, occumbant; & momentum non in poena, sed in causa

causa esse constituendum, quemadmodum ipsi Lutherani tandem agnoverunt, quorum verba eo in loco referuntur. Robertus Personius Sacerdos Anglus, Fidei Catholicæ egregius defensor, tempore persecutionis Reginæ Elisabethæ tractatum Anglico sermone conscriptum *de tribus Angliæ conversionibus a paganismo ad religionem Christianam*. Prædictum tractatum Sacerdos Morellus ex Anglico in Italicum sermonem transtulit, typisque Romanis edidit an. 1740. Mentio fit in ejus part. 1. cap. 12. nonnullorum Anglorum, quos Foxius inter suos Martyres refert, quem Foxium ipse *vulpem* appellat tum propter versutiam, tum quia in idiomate Anglicano *Fox* idem sonat ac *vulpes*. Opportunum Nobis esse videtur in hunc locum inserere quæ de dictis Pseudomartyribus a Personio teste contemporari narrantur; ut eo magis confirmetur quod a Nobis dictum est, questionem non ad mortem, sed ad causam mortis esse referendam: ex quo facile dignosci poterit, nostros inter veros Martyres esse recensendos; secus autem Hæreticos, etiam si omnes mortem & tormenta invictè & pari modo sustinuisent: Giovanna Lasforda fanciulla maritata (come il Volpe la chiama) che prese avversione al Sacrificio della Messa all' età di 11. anni (per buone ragioni, potete immaginarvi, in quella tenera età) siccome ancora Agnesa Potena, e Giovanna Tronsida, moglie la prima d' un facitor di birra, e la seconda d' un calzolaio d' Iפוico, risolvero di andare ad ardere nelle fiamme per una visione che disse loro d' avere avuta un certo Ministro, detto Samuele, carcerato con esse; e un' altra donna, chiamata Rosa Notinghamia, abbraccio per la stessa ragione il detto Ministro, e baciollo in mezzo alla strada, allorchè andava ad esser bruciato. In simile maniera Andrea Evito lavoratore in Londra, all' età di 19. anni risolvè di morire con Gio. Friteo carcerato nella torre, per quelle opinioni, per le quali il detto Friteo vorrebbe morire, sebben non sapeva quali si fossero. Parimente Guglielmo Untero lavorante in Londra, all' età di 19. anni fuggì via dal suo Maestro, e avendo trovato una Bibbia Inglese nella Cappella di Bornovondo, cominciò a leggerla, e subito diventò Protestante in diverse opinioni, per le quali ei fu contento d' esser bruciato. Di Ralingo Vaito, povero pescatore nella Vallia, racconta il Volpe, che avendo egli udito potersi avere dalla sacra Scrittura una nuova dottrina, e dispiacendogli grandemente di non saperla leggere, mandò a scuola un suo piccol figliuolo; dal quale dopo che ebbe imparato a leggerla a sufficienza, ei l' ascoltava con grande attenzione; e in breve tempo profuso in essa di tal maniera, che il pescatore cominciò a farsi predicatore; onde lasciata la sua occupazione, andò quà e là per la Vallia col suo figlio appresso, portando la Bibbia, sulla quale egli predicava in ogni città e in ogni osteria, procurando in tal modo di pervertire quei che non erano più saggi di lui; nè potè mai esser dissolto da quella sua volontaria follia, finchè il Vescovo di Cardiffa lo fece pigliare, e metter prigione; e poi fu costretto a farlo bruciare, perchè stava ostinato nelle sue capricciose opinioni, che erano tali, che appena convenivano con qualunque altra setta. È finalmente Lorenzo Sandero, famoso Martire dei Protestanti, segnato a color rosso nel loro calendario; il quale essendo Prete ammogliato, e veden-

do il

do il suo piccol bastardo, portatogli in carcere dalla donna, da cui egli l'aveva avuto, si sentì muover sì teneramente verso di lui, che disse agli astanti con gran veemenza di spirito: Qual persona della mia vocazione non vorrebbe morire, per render legittimo questo bambino, e provare, che sua madre non è meretrice? E di questi esempi io potrei citarne moltissimi nella storia del Volpe, per mostrare, che forti mezzi di hanno avuto i suoi Martiri di farsi bruciare; o piuttosto con che poca ragione, anzi senza veruna, ma per mera superbia, ostinazione, e pazzia, si sono gettati in braccio alla morte, non altrimenti che i Massiliani, i Montanisti, i Circuncellioni, e Martiriani famosissimi Eretici.

CAPUT XXI.

De Virtute heroica.

E Gimus hucusque de causis Martyrum: nunc opus est agere de causis Confessorum tum Pontificum, tum non Pontificum, itemque Virginum, & non Virginum, & Viduarum; in quibus omnibus de virtutibus questio instituitur, & in quibus dubium de virtutibus æquivalet dubio de Martyrio, & causa Martyrii in causis Martyrum. Glossatores juris Canonici docent, in Beatificando, & Canonizando multiplicem vitam excellentiam requiri. Ita scribunt in cap. Audivimus, Joannes Andreas num. 4. Ancaran. num. 5. Zabarella pariter num. §. Fagnan. num. 3. de Reliquiis, & veneratione Sanctorum. Ponderant iidem Textum in can. Miramur, dist. 61. in quo ita legitur: Cui pro laboribus multis, pro moribus castis, pro actibus strenuis celsioris loci premium deberetur; verba quoque alterius Textus in can. Quatuor, 12. quest. 2. ubi dicitur: Oportet etiam presenti testificatione predicari, & bona fama praconis non taceri; quemadmodum late prosequuntur Glossa in cap. unic. in verb. Sedis Apostolica, de Reliq. & venerat. Sanctorum, in sexto, Otteniens in Summa lib. 3. eodem titulo num. 3. Gofred. in Summa pariter eodem titulo num. 2., S. Antoninus in Summa Theol. 3. part. tit. 12. cap. 8. §. 1., Cassaneus in catalogo gloria mundi 3. part. considerat. 49. vers. Et hac bonitas, Mascard. de probat. conclus. 262. num. 4. vers. pariter Et hac bonitas. Theologi docent, virtutes esse in Beatificando, & Canonizando necessarias, sed in gradu heroico; Scacch. de nat. & sign. sanctit. sect. 2. cap. 4. in principio, Lezana consult. 1. num. 54. Castellan. de certitud. glor. Sanctor. in append. ad cap. 4., ubi: Non omnes iustos esse ab Ecclesia canonizandos, sed illos, qui heroicis virtutibus effulserunt; quod ipsum habetur in relatione facta in Consistorio secreto coram san. mem. Gregorio XV. a Francisco Maria Episcopo Portuensi S. R. E. Cardinali a Monte anno 1622. super vita, sanctitate, Actis Canonizationis, & miraculis tunc Beatæ, nunc Sanctæ Teresæ: Verum, quia Canonizatio, de qua agitur, virtutem postulat gradus heroici, & præ excellentis, hunc attigisse non leviter virtutes Teresæ, quæ mox dicam, probabunt. Id ipsum ante dictum fuerat a Rotæ Audi-

Tom. III.

M m

ditori-

ditoribus in relatione ejusdem causæ sit. de sanctitate vite B. Tereſia in specie: Et quævis quilibet juſtus totam illam gratia, virtutum, & donorum connexionem a Deo recipiat, non tamen quilibet juſtus ad eum perſingit gradum, quem ad Canonizationem Eccleſia requirit, ſed qui multis progreſſibus excellenter heroicarum virtutum exercitiis juſtus evaſit. Itaque ad hunc effectum virtutes heroicae in Canonizandis requiruntur. Et quamvis non uno, eodemque verborum tenore Theologi, & juris Canonici Interpretes loquantur, unus nihilominus, idemque eſt ſenſus tum Theologorum, tum Juſtiſtarum in re, de qua nunc agitur, uti bene explicat Contelor. de Canonizat. SS. cap. 15. num. 9. Sed, cum aptiora ſint verba Theologorum, Apoſtolica Sedes in examine cauſarum Servorum Dei illis utitur in diſcuſſione cauſarum Beatificationis, & Canonizationis: juxta quippe ea, quæ alibi dicta ſunt, Dubium, quod diſputandum proponitur, conceptum eſt his verbis: An conſtet de virtutibus Theologicalibus, Fide, Spe, & Charitate, ac de Cardinalibus Prudentia, Juſtitia, Fortitudine, ac Temperantia, & annexis in gradu heroico in caſu &c. & ad effectum &c.

2 De virtute Fidei mentio fit Sap. 3. v. 14. Qui non operatus eſt per manus ſuas iniquitatem ... dabitur enim illi Fidei donum; Eccleſ. 45. v. 4. In Fide, & lenitate ipſius Sanctum ſecit illum; & de Stephano Act. 11. 24. Plenus Spiritu Sancto, & Fide. De Spe habetur Pſalm. 4. 10. Tu, Domine, ſingulariter in Spe conſtituiſti me; Pſalm. 25. 1. In Domino ſperans non infirmabor; Pſalm. 36. 3. Spera in Domino, & fac bonitatem. De Charitate dicitur ad Romanos 5. v. 5. Caritas Dei diſfuſa eſt in cordibus noſtris, & Apoſtolus 1. ad Corinth. 13. v. 3. ait, hominem ſine Charitate nihil eſſe: Si diſtribuo in cibos pauperum omnes facultates meas, & ſi tradidero corpus meum, ita ut ardeam, Charitatem autem non habuero, nihil mihi prodeſt. De Prudentia dicitur Proverb. 4. v. 5. Poſſide Prudentiam ... ne dimittas eam, & cuſtodies te, dilige eam, & conſervabis te; et cap. 16. v. 16. Acquire Prudentiam, quia pretioſior eſt argento; et Matth. 10. v. 16. Salvator inquit: Eſſote ergo prudentes ſicut ſerpentes. De Juſtitia Proverb. 11. v. 4. Juſtitia autem liberabit a morte; Eccleſ. 1. 33. Fili, concupiſcens Sapientiam, conſerva Juſtitiam, & Deus præbebit illam tibi; et cap. 14. v. 17. Ante obitum tuum operare Juſtitiam. De Fortitudine Pſalm. 17. v. 1. Fortitudo mea Dominus; Pſalm. 27. v. 9. Dominus Fortitudo plebis ſuæ; Iſaia 12. v. 2. Fortitudo mea, & laus mea Dominus; cap. 25. v. 4. Quia factus es Fortitudo pauperi, Fortitudo egeni in tribulatione; et cap. 40. v. 31. Qui autem ſperant in Domino, mutabunt Fortitudinem; et Job. 17. v. 9. Tenebis juſtus viam ſuam, & mundis manibus addet Fortitudinem. De Temperantia tandem Eccleſ. 10. v. 17. Beata terra ... cujus Principes veſcuntur in tempore ſuo ad reſcendum; & non ad luxuriam; et Eccli. 37. v. 32. Noli avidus eſſe in omni epulatione, & non te effundas ſuper omnem eſcam.

3 Cumque juxta S. Dionyſium de Divinis nominibus cap. 12. pag. 866. ſanctitas nihil aliud ſit, quam ab omni immunditia libera, & perfectæ, & omnino immaculata munditia, & juxta S. Joannem Chryſoſtomum, (ſive

Aucto-

Auctorem quicumque sit certe antiquum homin. in *S. Lucam* ad cap. 1., sanctitas sit *apta circa Deum aequitas*; nemo est, qui non videat, pro ea requiri virtutes Theologicas Fidem, Spem, & Charitatem, quæ immediate circa Deum versantur juxta doctrinam D. Thomæ 1. 2. *quæst.* 62. *art.* 1. in corpore, pro qua facit illud *Eclii.* 2. v. 8. & *seq.* *Qui timetis Dominum, credite illi, sperate in illum, diligite illum*; quæ virtutes Theologicae vocantur, vel quia, uti modo dictum est, circa Deum tanquam proprium objectum versantur, vel quia hominem quodammodo in Deum transformant, ac Divinum reddunt, vel quia a solo Deo infunduntur, aut demum quia sola Divina revelatione in sacra Scriptura nobis traditæ sunt, cum apud Philosophos fuerint incognitæ, juxta ea, quæ bene habentur apud *Æstium* in 3. *lib. sent. dist.* 23. §. 1. Ceteræ virtutes aut sunt intellectuales, aut morales; ab illis perficitur intellectus, ab his appetitus; ab illis nemo simpliciter bonus, ab his vero bonus dici potest. Inter has nonnullæ principales, seu Cardinales vocantur, videlicet Prudentia, Justitia, Temperantia, & Fortitudo, vel quia sunt quatuor genera virtutum, quibus reliquæ virtutes tantum species subjiciuntur, vel quia singulæ versantur circa id, quod in unaquaque materia virtutis præcipuum est; ita ut ceteræ virtutes ad has, non ut species ad genera, pertineant, sed ut minus principales ad principiores, veluti prosequitur citatus *Æstius* in 3. *lib. sent. dist.* 33. §. 1. & hæc quoque ad Deum directæ ut ultimum finem pro sanctitate constituenda necessariae sunt; veluti innuit B. Petrus Damiani *lib.* 2. *epist.* 18. *pag.* 135. per hæc verba: *Nobis pro modulo nostro penna sunt insita, virtutes scilicet spirituales, quibus si viriliter utimur, ad caelestia sublevamur*; & Hugo de Sancto Victore *oper. tom.* 2. in *opusc. de fructibus carnis cap.* 1. *pag.* 114. a tergo virtutum Theologalium, & Cardinalium collectionem pro sanctitate constituenda explicat sequentibus verbis: *Prima autem virtutum Humilitati Fides accedit, quia impossibile est sine Fide placere Deo; & justus ex Fide vivit. Sed Fide quid proficis, si Spe non quæris, quid Fide complecteris? Quod enim nondum videmus, speramus, & Spes non confundit. Quia vero sperando amamus, quod jam Fide tenemus, Spei Charitas succedit; & sic Fides, qua per dilectionem operatur, recte procedit. Qualiter autem ista tres virtutes, id est Spes, Fides, Charitas, distinguenda tenendaque sint, Prudentia docet & informat, Justitia ornat, & consummat, Fortitudo retinet & roborat, & ne excurrant in nimia, & ne incompetenter intra suos terminos coarctentur, Temperantia moderatur & discernit. Si ergo has quatuor virtutes addas tribus superioribus, septenarius iste virtutum numerus plenitudinem scripturæ gratia suis executoribus adducit, per quam virtutum compago dissolvitur, corpus Diaboli superatur, & per semitam justitiæ fons & origo virtutum omnium aditur. Id bene explicarunt Rotæ Auditores in relatione causæ Servi Dei Nicolai Factor edenda in appendicibus, tit. de virtutibus in genere.*

4 Virtus, ut colligitur ex verbis S. Augustini in 2. de libero arbitrio, est bona qualitas mentis, qua recte vivitur, qua nullus male utitur, quam Deus in

nobis sine nobis operatur : quam virtutis definitionem amplectitur & pluribus exornat D. Thomas 1. 2. *quest. 55. art. 4.* Non est hic animus scribendi tractatum de virtutibus, aut de virtutibus Theologicis, vel de Cardinalibus. Theologi omnes de iis agunt : quocirca hic a Nobis sermo tantum instituitur de virtutum heroicitate, si hoc verbo uti licet, prout opus est in discussione causarum Beatificationis & Canonizationis, & aliqui etiam inveniuntur de ipsis virtutibus sive Theologicis, sive moralibus in particulari, sed quasi in transitu ; ut videlicet in memoriam revocentur : quæ fuscæ a Theologis in amplis voluminibus de eis dicta sunt. Utque recto ordine procedatur, primò loquemur de virtutum heroicitate apud Gentiles, deinde de eadem apud nos, & demum in quo consistat sæpe memorata heroicitas in re & ad effectum, de quo agitur.

5 Heroum, & heroicarum virtutum mentio habetur apud Gentiles, apud quos Hector, Alcides, Achilles, Æneas, Fabricius, Fabius, Scipio Africanus, Regulus, Cato, Socrates, Plato, Diogenes Cynicus Heroum nomine compellantur. Aristoteles *lib. 7. Ethic. cap. 1.* agit de virtute heroica, docetque, hominem sicuti est aliquid medium inter Deum, & intelligentias separatas ex uno capite, ac bruta animantia ex altero, ita, si præcellat diuturno & perfecto virtutum usu, ut ductum rationis sequatur, conditionem exuere sensitivam, & in purum spiritum elevari, ita ut ejus virtutes non humane, sed heroicæ, & Divinæ censendæ sint : at si ita vitiiis inserviat, & impotenter abducatur effreni perturbationum impetu, ut nullatenus rationem audiat, videtur omnino humanitatem exuisse, & quodammodo in brutum degenerasse, & vitium illius non humanum, sed ferinum apparet. Doctrina hæc Aristotelis illustratur a clar. mem. docto viro Cardinali de Aguirre in *Philosophia morali part. 2. lib. 7. cap. 1.* & acutissime de more fuit ante ipsum exposita a S. Thoma *ad lib. 7. Aristotelis lect. 1. lit. C.* ubi hæc habet : *Considerandum est, quod anima humana media est inter superiores substantias & Divinas, quibus communicat per intellectum, & animalia bruta, quibus communicat in sensitivis potentiis. Sicut ergo affectiones sensitivæ partis aliquando in homine corrumpuntur usque ad similitudinem bestiarum ita etiam rationalis pars quandoque in homine perficitur & formatur ultra communem modum humana perfectionis, quasi ad similitudinem substantiarum separatarum, & hæc nominatur virtus Divina supra humanam virtutem & communem. Addit etiam ideo Gentiles virorum illustrium defunctorum animas Heroes vocasse. Concordat Franciscus Piccolomineus in tract. de moribus grad. 6. cap. 2. ubi sic loquitur: Heroes sunt illustres homines, qui per proximam aliquam virtutem conditionem sunt adepti super humanam præfulgentem, per quam vel præclaram ducunt vitam, vel vita sancti per ora hominum celeberrime circumferuntur. Et de viris heroicis juxta Aristotelis doctrinam pariter ait: Hi dicuntur supra hominis conditionem elevari, quia (ut homini licet) se Diis similes præstiterunt: dicti sunt ducere genus a Diis.*

6 De Gentilium virtutibus, & earum heroicitate tractant etiam Theologi.

logi. Querunt enim, an Infideles lumine naturali tantummodo utentes possint habere aliquam, vel aliquas veras & perfectas in suo genere virtutes, licet non meritorias æternæ vitæ, cum ad hanc gratia justificans requiratur; & an prædictæ virtutes ad gradum heroicum naturalem ascendere possint, ita ut illis præditus vere Heros dici valeat; & demum an eorum aliquis eas unquam in gradu heroico habuerit, & jure fuerit non nomine, sed re Heros. Et in eo quidem, quod attinet ad questionem, an Infideles lumine naturali tantum utentes habere possint aliquam, vel aliquas veras & perfectas in suo genere morales virtutes, licet æternæ vitæ non meritorias, sententia affirmans vera & certa est: si enim Infideles possunt honesta opera facere, & in eis frequenter se exercere, possunt etiam habitus talium operum acquirere, & sibi comparare, & sic per consequens veras & perfectas in suo genere habere morales virtutes. S. Ambrosius (tom. 1. oper.) in Psalm. 1. vers. *Et folium ejus non defuit*, hæc habet col. 757.: *Nam virtutes sine Fide filia sunt: videntur virere, sed produsse non possunt; agitantur vento, quia non habent fundamentum. Quanti Gentiles habent misericordiam, habent sobrietatem, sed fructum non habent, quia Fidem non habent. Ex aliqui Judæi habent castitatem, sedulitatem in lectione mulierum, & diligentiam, sed sine fructu sunt.* Sanctus ergo Ambrosius non negat, eas esse virtutes, sed solum ait, carere fructu salutis, quia pro æterna salute eis non profunt. Ut Theologi suadeant, posse ab Infidelibus absque Fide fieri aliqua opera moraliter bona, utuntur textu Exodi cap. 1. ubi, cum obstetrices Ægyptiæ mandatum accepissent a Pharaone prælocandi in ipso ortu omnes Hebræorum masculos, illæ timuerunt Deum, nec fecerunt juxta præceptum Regis, sed mares servaverunt; quam quidem misericordiam laudat Scriptura, nec eam Deus sine mercede temporali reliquit; v. enim 20.: *Bene ergo fecit Deus obstetricibus . . . & quia timuerunt obstetrices Deum, adificavit eis domos*; id est prolem copiosam concessit: utuntur textu Ezechielis 29. v. 20. ubi Rex Nabuchodonosor propter bellum feliciter gestum adversus Tyrios, sicut imperaverat Deus, mercedem temporalem recepit, terram scilicet Ægypti, & manubias ejus: *Dedi ei terram Ægypti, pro eo quod laboraveris mihi, ait Dominus Deus*; unde merito S. Hieronymus in hunc locum scribit oper. tom. 5. col. 353.: *Ex eo quod Nabuchodonosor mercedem accepit boni operis, intelligimus etiam Ethnicos, si quid boni fecerint, non absque mercede Dei judicio præteriri.* Unde & per Jeremiam Nabuchodonosor Columba Dei appellatur, eo quod adversus populum peccatorem Dei servienti voluntati. Legi potest D. Thomas 2. 2. quæst. 10. art. 4. & plura pro eadem sententia cumolata sunt apud Suarez in tract. de Fide, Spe, & Charitate disp. 17. sect. 3. & apud Tournely in prælect. Theolog. tom. 2. de Gratia Christi. Inter damnatas quoque Michaelis Baji propositiones, & alias pariter subinde proscriptas nonnullæ reperiuntur, ex quarum damnatione desumitur, opera Infidelium, licet non sint bona bonitate meritoria æternæ salutis, non omnia tamen mala esse, vel indifferentia, sed bona esse posse bonitate morali.

moralis. Inter Bajanas vigesima quinta hæc est: *Omnia opera Infidelium sunt peccata*; & Philosophorum virtutes sicut vitia. Vigesima octava hæc est: *Librum arbitrium sine Gratia Dei adjutorio non nisi ad peccandum valet*. Trigesima septima hæc est: *Cum Pelagio sentit, qui boni aliquid naturalis, hoc est quod ex natura solis viribus ortum ducit, agnoscit*. Trigesima octava: *Omnis amor creatura rationalis aut vitiosa est cupiditas qua mundus diligitur, qua a Joanne prohibetur, aut laudabilis illa Charitas, qua per Spiritum Sanctum in corde infusa Deus amatur*. Quadragesima: *In omnibus suis actibus peccator servit dominanti cupiditati*. Sexagesima secunda: *Illa distinctio, qua opus dicitur bifariam bonum, vel quia ex objecto & omnibus circumstantiis rectum est & bonum (quod moraliter bonum appellare consueverunt), vel quia est meritum regni aterni eo quod sit a vivo Christi membro per spiritum Charitatis, rejicienda est*. Inter proscriptas ab Alexandro VIII. trigesima prima est hæc: *Necessè est, Infidelem in omni opere peccare*. Aliæ consimiles proscriptæ leguntur in Constitutione san. mem. Clementis XI. quæ incipit *Unigenitus* (Bullar. tom. 10. part. 1. pag. 342.): Trigesima nona videlicet: *Voluntas, quam Gratia non prævenit, nihil habet luminis, nisi ad aberrandum; ardoris, nisi ad se precipitandum; virium, nisi ad se vulnerandum. Est capax omnis mali, & incapax ad omne bonum*. Quadragesima: *Sine Gratia nihil amare possumus, nisi ad nostram condemnationem*. Quadragesima prima: *Omnis cognitio Dei, etiam naturalis, etiam in Philosophis ethnicis, non potest venire, nisi a Deo, & sine Gratia non producit nisi præsumptionem, vanitatem, & oppositionem ad ipsum Deum loco affectuum adorationis, gratitudinis, & amoris*. Quadragesima octava: *Quid aliud esse possumus, nisi tenebre, nisi aberratio, & nisi peccatum, sine Fidei lumine, sine Christo, & sine Charitate?*

7 Admisso ergo, ut in Gentilibus modo explicato veræ virtutes morales reperiri possint, remanet, ut examinetur, an in eis aliqua ex virtutibus ad gradum heroicis ascendere possit; & deinde, an nonnulli ex dictis Gentilibus eas in gradu heroico habuerint, ita ut non abusive, sed proprie *Heroes* fuerint appellati. Et, spectata quidem rei natura, nihil videtur ob stare, quin inter Infideles aliquis ex gr. ex impulsu honestatis pure naturalis ad conservandam pudicitiam sive conjugalem, sive virginalem non semel, sed pluries se morti exponat: in quo proinde rerum eventum non videtur esse dubitandum de virtute ejus heroica; sic enim agens ex rectæ rationis dictamine ceteros quamvis castos & fortes excellit in virtute castitatis, & fortitudinis. An autem aliqui fuerint inter Gentiles, qui virtutibus in gradu heroico excelluerint, ita ut veri *Heroes* dici poterint, questio non est ad Theologiam pertinens, sed ad historiam; & in ea quidem opinio est multorum, ipsos non fuisse virtutibus moralibus in gradu heroico præditos, nec *Heroes* vere potuisse appellari, cum ad constituendum *Heroem* collectio omnium virtutum moralium requiratur, quotquot vero apud Gentiles propter alicujus virtutis moralis excellentiam *Herois* nomen consecuti sunt, aliis ut plurimum caruerunt virtutibus, & vitiis fuerunt

suerunt inquinati, quæ efficiunt, ut strictè Heroes dici non poterint. Cardinalis de Lauræa in 3. lib. sent. tom. 2. disput. 5. art. 2. postquam probavit, posse in Infidelibus reperiri veras virtutes morales, docuit, regulariter eos habere non posse virtutes omnes morales simul junctas; concluditque, neminem ex iis, qui Heroes dicti sunt, illas adeptum fuisse; & disput. 32. art. 7. postquam probavit nihil ob stare, quominus inter Infideles aliqua virtus heroica reperiri potuerit, inquit, etsi aliqua virtus heroica in quibusdam Infidelibus apparuerit, fuisse imperfectam, cum in genere virtutis naturalis moralis perfecta undequaque dici non potuerit. Latius hoc ipsum prosequitur argumentum Cardinalis de Aguirre in tract. de virtutibus, & vitiis, ubi, postquam disput. 12. quest. 1. sect. 3. & 4. erudite demonstravit, virtutem heroicam morum non fuisse re ipsa, sed in speciem tantum in ethnicis hominibus, quos Romani venerati sunt tanquam sapientiæ & virtutis procures, nec in Philosophis Græcis, quos omnes contendit vitiis fuisse inquinatos, eadem disput. 12. quest. 2. sect. 3. statuit & probat possibilem esse heroicam virtutem philosophice in homine mortali. Quocirca ab eis discrimen ponitur inter possibilitatem, ut ajunt, & actualitatem, seu existentiam; primam quippe admittunt, secundam autem rejiciunt: idemque Cardinalis de Aguirre in morali Philosophia lib. 7. cap. 1. num. 6. ait: Certe, si diligenter evolvemus virtutes illas quorundam Ethnicorum supra memoratas, quæ heroica & Divina habita sunt, inveniremus plane, non modo ea epitheta non meruisse adeo illustria, sed ne attingisse quidem gradum solide, & perfectæ virtutis, quæ homo simpliciter probus est &c. Qui enim heroica virtute præditi censebantur, ea spera exhibebant in oculis hominum, quæ longissimo intervallo videntur excellere solitam honestatis mensuram, quantumvis, si serio, & juxta veritatem examinarentur, fortasse nec digna essent simplici appellatione virtutis. Idque latissime prosequitur Theophilus Raynaudus tom. 4. de virtutibus, & vitiis lib. 1. cap. 1. sect. 2. num. 82. & seqq. Inter opera S. Basilii tom. 2. pag. 173. & seqq. extat eruditus dicti Patris sermo ad adolescentes, quomodo possint ex Gentilium libris fructum capere; & pag. 179. refert, Socratem summa cum patientia tolerasse percussiones quasdam in faciem sibi illatas ab homine ebrioso, & deinde ait num. 51: Illud enim Socratis germanum est præcepto illi, maxillam cadenti præbere oportere & alteram, nedum ulciscamur nos. Meminit Alexandri, qui noluit aspicere filias Darii captivas, quarum incredibilis pulchritudo fuisse prædicabatur, & postea inquit: Hoc spectat eodem, atque illud, quod qui aspexerit mulierem libidinose, quamquam adulterium opere non commisit, quoniam tamen concupiscentiam in animum admisit, crimine non vacet. Narrat demum, Cliniam, unum ex discipulis Pythagoræ, noluisse jurare, ut multam effugeret trium talentorum, licet non esset falso juraturus; & post hæc ita animadvertit: Præceptum, quo nobis iurjurandum interdicitur, ut mihi videret, edoctus. Facta hæc Gentilium a S. Doctore commendantur. Sed orationem reducamus ad actionum bonarum exempla. Putat, ex eis viam aperiri ad nostra præ-

praecepta servanda: *Quare quisquis in his fuerit prius eruditus praeceptis illis, sanguinem quae fieri non possint, non denegabit amplius fidem.* Sed bene agnoscite, illos, qui ea perpetrarunt, vitiis fuisse inquinatos, ita ut Heroes nullo modo dici potuerint: Sed ad hoc idem, quod initio dicebam, rursus revertamur, non omnia ex ordine, sed solum quae utilia sunt, suscipienda nobis esse. Turpe namque fuerit, rejicere nos cibos exitiosos, disciplinarum vero, quae animam nostram nutriunt, rationem nullam habere, sed torrentis in morem, quidquid obvium est, trahentes, id in animum recondere.

8 Haecenus de Heroibus, & heroica virtute quoad Gentiles. Nunc ad Christianam religionem transeuntes, aliqua de Heroibus, & de virtute heroica exponemus, praesertim relata ad causas Beatificationis & Canonizationis. S. Augustinus lib. 10. de civit. Dei cap. 21. (col. 256. tom. 7. oper.) postquam animadvertit persecutiones Fidelium non modo non fuisse perniciosas, sed Ecclesiae utiles, cum per eas numerus Martyrum impletus sit, de Martyribus inquit: *Hos multo elegantius, si Ecclesiastica loquendi consuetudo pateretur, nostros Heroes vocaremus.* Et paulo post: *Sed a contrario Martyres nostri Heroes nuncuparentur, si, ut dixi, usus Ecclesiastici sermonis admitteret, non quod eis esset cum Daemonibus in aere societas, sed quod eosdem Demones, id est aereas vincerent potestates.* Coquæus in notis ad hoc caput S. Augustini scite observat, Herois nomen inanem quamdam gloriam praeferre consuevisse, quam viri sancti spernebant, & a qua religio Christiana abhorrebat; quo sensu S. Augustinus ait, se Martyres nostros fuisse Heroes appellaturum, si Ecclesiastica loquendi consuetudo pateretur. Cumque idem Coquæus bene animadvertat, si non nomine, saltem re Heroes fuisse tot Christi Martyres, qui pro Fide mortem contempserunt, & sanguinem profuderunt; Heroes quoque, si non nomine, re fuisse tot Virgines Christianas, quae Diaboli tentationes, carnis irritamenta, & mundi fortissime superarunt; Heroes denique tot Confessores, qui non humanam, sed Angelicam prorsus in terris vitam egerunt, ut late prosequitur Scacchus de not. & sign. sanctis. sect. 2. cap. 4. pag. 154. & seqq.; hinc sequitur, ut, sicuti in primo libro diximus, Sanctorum cultum a Martyribus ortum habuisse, deinde fuisse ad Confessores extensum, ita in praesenti dicamus, profana voce sanctificata, & posteriori usu comprobata, Herois nomen primum Martyribus, deinde Confessoribus additum fuisse. Unde Cardinalis De Aguirre de virtutibus, & vitiis disput. 12. quest. 1. sect. 1. num. 10. allatis recitatis verbis S. Augustini, adjicit: *Hucusque Augustinus; quo praesente, jam usus longævus intorex eam Heroem appellationem non modo in Martyres, sed etiam in eos Confessores, qui eximii & admirandi virtutibus atque operibus longissimo spatio supergressi sunt ceteros homines non modo impios, sed & probos ac justos, qui lentiori gradu honestatem sequuntur.* Recte quoque adnotavit Elparza (de virtutibus moralibus in communi quest. 5. illat. de virtute heroica art. 5.): *Verum, hoc aditu per Augustinum aperto, posteriores Scriptores absque ullo scrupulo dixerunt, diuinitque possim Heroes non modo Martyres Christi, sed & Confessores omnis generis*

generis suppare Martyribus præcellenti virtutum claritate, similiterque dicunt heroicas virtutes ipsas, & operationes virtuosas præcipuo supremi cuiusdam gradus splendore præminentes. In Martyribus ut plurimum sola mors est, in qua residet heroicitas: in ea quippe una tanta quandoque heroicitas continetur, quanta in omnem vel jam antea actam, vel post agendam vitam poterat extendi. In Confessoribus vero heroicitas non parte aliqua continetur, sed totam respicit vitam, respicit obitum, & multiplex esse debet, multisque actibus & habitibus extensa, ut infra videbitur.

9 Nomini res succedit. Vera etenim virtus heroica, & quasi Divina, quæ ex dictis vix, aut ne vix quidem in Gentilibus locum habuit, servata fuit uni populo Dei in Lege veteri, & Ecclesiæ Catholicæ in Lege Gratiæ: quæ circa Abrahamus constantiæ ac fidelitatis, Joseph castimonie ac pudoris, Job patientiæ invictæ, David mansuetudinis, Machabæi fortitudinis admirandæ honor & exemplum ante Evangelicam Legem prædicantur; & post adventum Christi Joannes Baptista omnimodæ innocentie, Apostoli perfectionis Christianæ, Martyres fortitudinis, Confessores constantiæ, Virgines pudoris intemerati exempla admiranda præstiterunt. Heroicæ virtutis genus Divinum & Theologicum ad eas tantum virtutes coarctatur, quas supra omnem naturæ exigentiam Deus animabus nostris infundit in ordine ad objectum, seu finem supernaturalem. Tales non modo sunt virtutes illæ inditæ a solo Deo, ut Fides, Spes, Charitas, quæ speciatim versantur in ipso Deo tanquam objecto, & sine immediato, sed etiam aliæ morales ejusdem supernaturalis ordinis, quæ non immediate versantur in Deo ipso, sed in alio objecto supernaturali, inferiori, & creato, quamvis mediate in Deum finem ultimum supernaturalem contendant & ordinentur. Sed, cum ratio & natura heroicitatis non sit inseparabiliter virtuti Divinæ, seu Theologicæ conjuncta, alioquin quotquot virtutibus Theologicis præditi sunt propter gratiam justificationis, immo & Christiani in statu peccati retinentes Fidem, ac Spem Theologicam censerentur virtute heroica præditi, quod absolum est; hinc fit, ut in his virtutibus natura sua Divinis, sive Theologicis tunc solum inveniatur ratio virtutis heroicæ, cum attingunt supremum illum perfectionis apicem, quo aliquis longissime supergreditur bonitatem aliorum justorum, qui lentiori conatu ad perfectionem Christianam aspirant: quod ipsum virtutibus moralibus applicatur, uti bene animadvertit sæpe citatus Cardinalis de Aguirre *de virtutibus, & vitiis disput. 12. quest. 1. sect. 2. num. 19. & 20.* De his, qui virtutibus attingunt perfectionis apicem, & supergrediuntur bonitatem aliorum justorum, prædicatur illud Ecclesiastici 31. v. 9. *Quis est hic, & laudabimus eum? fecit enim mirabilia in vita sua.* Omnes eosdem suspiciunt, laudant, mirantur, & quasi a longe reverentur, sicuti olim populus Apostolos, de quibus *Act. 5. v. 12. & 13.* *Erant unanimiter omnes in porticu Salomonis; ceterorum autem nemo audebat se conjungere illis, sed magnificabat eos populus:* adeo nempe virtute su-

Tom. III.

N n

pra

pra ceteros eminere videbantur. Iidem dicuntur effecti consortes Divinae naturæ, juxta illud 2. *Petri* 1. 4. & dicuntur habere similitudinem cum Christo, uti loquuntur S. Thomas in libro moralium cap. 3. & S. Bonaventura in 3. *sens. dist.* 34. *quæst.* 1. Quæ tamen cum grano salis, uti dicitur, intelligenda sunt; quæ de re infra, cum perfecta participatio & similitudo Dei, & Christi sit omnino impossibilis; & quantacumque sit hominis perfectio, semper immensum quid atque infinitum sit illud, quo creatura distat a Creatore. Quare S. Augustinus de *Natura & Gratia* (cap. 33. col. 143. tom. 10. *oper.*): Absit autem ut ei (loquitur de Pelagio) dicamus, quod a quibusdam contra se dici ait, comparari hominem Deo, si absque peccato esse asseratur, quasi vero Angelus, quia absque peccato est, comparetur Deo. Ego quidem hoc sentio: quia etiam cum fuerit in nobis tanta iustitia, ut ei addi omnino nihil possit, non aequabitur creatura Creatori.

10 Cohærenter ad hæc scribentes de Canonizatione dicunt, heroicam esse eminentiam quamdam actus ex habitu Charitatis, & ejusdem gradus intensiorem quamdam, a quo operationes potentiarum nostrarum ex imperio voluntatis habent, ut dirigantur ad eminentissimum supernaturalem finem, ut de proximo illum attingant; quemadmodum totidem verbis heroicitas definitur a Scaccho de not. & sign. sanctis. *sect.* 2. cap. 4. pag. 144. cum quo concordant late deducta per Baldellum Theolog. moral. tom. 2. lib. 2. de Spe, & Charitate disput. 8. num. 18. Apud Cardinalem de Lauræa in 3. lib. *sens.* tom. 2. disput. 32. art. 3. num. 27. heroicitas Christiana dicitur ille virtutis gradus, perfectio, seu fulgor, & excellentia, quæ facit, ut homo circa materiam illius virtutis supra communem aliorum hominum operandi modum operetur, & in hoc Deo similis sit; idque late prosequitur Clericatus decis. miscell. decis. 108. num. 2. Maderna *question. Theolog.* tom. 2. tract. 6. *quæst.* 3. art. 2. num. 4. docet, actionem heroicam Christianam esse illam, quæ homo circa materiam alicujus virtutis, & circumstantiis consideratis, valde arduam, propter Deum modo excellentiori communem operandi modum hominum superante, & simili modo operandi Divino aliquam operationem exerceat. Lezana tom. 3. Theolog. tit. 4. disput. 4. *quæst.* 11. pag. 407. describens virtutem heroicam Theologicam docet, esse virtutem excellentissimo modo naturam excedentem, ad Dei similitudinem accedentem, & quodammodo Divinam; & concordat Michael Angelus Lapius olim Fidei Subpromotor in tract. de heroicitate virtutum in Beatificandis, & Canonizandis requisita pag. 33.; Matthæucci in practica Theologico-Canon. tit. 2. cap. 1. num. 3. probat, heroicatem Theologicam, & supernaturalem esse eminentem quamdam gradum & splendorem virtutis, ad quem homo ex speciali Dei gratia & motione pervenit ita, ut cum gaudio ad aliores & perfectiones gradus supernaturales moveatur cum abnegatione sui, hoc est cum postpositione sui affectus circa bona, & commoda temporalia & sensualia. Pater Antonius Gonzalez ex Dominicana familia doctus & diligentissimus Postulator causæ S. Rosæ de Lima, in sua elaborata informatione super ejus virtutibus num. 10. & 11. ait, heroicatem esse quamdam eminentiam virtutis in summo

mo gradu, ad quem homines ex Dei gratia supra communes aliorum vires evolvant. Petrus Franciscus de Rubeis olim Fidei Promotor in suis animadversionibus, quas exaravit occasione disputationis dubii de virtutibus in gradu heroico S. Joannis de Cruce, Heroem Christianum docuit esse eum, qui in Christianis virtutibus se exercet eminenti quodam modo; quo superet communem operandi modum ceterorum hominum, qui in eadem virtute se exercent; & Prosper Bottinius Archiepiscopus Myrensis ipse quoque olim Fidei Promotor in suis animadversionibus exaratis, dum in sacrorum rituum Congregatione proponebatur de virtutibus heroicis Servi Dei Nicolai Factor, postquam probavit, non omnes operationes & actus imperatos per habitum virtutis infusæ heroes dici posse, ne promiscue Fideles existentes in Gratia, & laudabiliter operantes Heroes dici possent, uti supra adnotatum est, qualitatem heroicam reducit ad actus illos, qui excedunt operandi modum, quem viri, etiam probi, sectantur. In eadem ferme sententiam descenderunt sacre Congregationis Consultores, quorum suffragia, cum ageretur de virtutibus heroicis Servi Dei Cardinalis Bellarmini, typis edita fuerunt, in Positione ejusdem causæ, quæ super eodem dubio proponi debebat, at proposita non fuit, dum egoungebar munere Fidei Promotoris. In suffragio liquidem clar. mem. Cardinalis Capisucchi tunc Magistri Apostolici palatii habentur hæc verba: *Premistendum est, virtutem heroicam esse illam, quæ sive ob excellentiam operis, sive ob circumstantiam intervenientem, quæ opus difficillimum reddat, erumpit in actum superantem communem modum operandi humanum, ita ut tunc quis heroice operari dicatur, cum operatur supra communem hominum, etiam virtuosè operantium, conditionem.* In suffragio Patris Abbatis de Mier Benedictini sic legitur: *U: brevitati consulam, doctrinas omittam. Quid sit, & in quo consistat virtus heroica, vulgare est. Festinanti satis sit dicere, virtutem heroicam debere excedere communes eo proportionali modo, quo magnificentia excedit liberalitatem.* Pater Martinus de Esparza de virtutibus moralibus in communi quæst. 5. illat. de virtute heroica art. 10. admittit, Heroem esse, qui plerisque alios homines recte agentes splendore superat, & laude virtutis; sed ait, id non sufficere ad omnimodam cognitionem heroicæ, quandoquidem ejus substantia non tangitur, sed exprimitur proprietas quædam accidentalis, ex comparatione ducta; ita ut aliquid absolutum præcedere debeat, in quo heroicitas fundetur. Plura idem Auctor in opere citato subtilissime prosequitur; sed in suffragio suo ad causam supra memoratam Servi Dei Cardinalis Bellarmini clarius rem explicat his verbis: *Heroicitas virtutum non deprehenditur in Sanctis Confessoribus, sicut in Martyribus, ex uno, vel altero opere exteriori valde arduo ac difficili atque mirabili; quia tale aliquod particulare opus paucis Sanctis Confessoribus, & raro occurrisset legimus, & quibus occurrit, quique talia peregere, non inde præcipue æstimantur, nec reputantur Heroes sanctitatis, sed quia ante, & post, maxime vero postea usque ad obitum, perstiterint in continua nunquamque interrupta vitæ innocentis serie, peragendo omnia juxta præcepta*

præcepta & consilia Evangelica cum circumstantiis conferentibus ad summos apices perfectionis quoad substantiam & modum singulorum operum, eumque firmo atque inflexo rerum omnium terrenarum contemptu, & pari cum adhesionem ad Deum ac Divinam. Quæ quidem agendi ratio uniformiter ac invariabiliter longo tempore retenta usque adeo prætergreditur humane nature sibi relicta conditionem variabilem utique & inconstantem multiplici ex capite, maxime vero propter assiduam passionum afflictum sibi invicem adversantium per intervalla, continuo vero pellicientium concorditer ad delectabilia, & tantundem avertentium a tota honestate, nedum a supremo honestatis gradu: prætergraditur, inquam, usque adeo humane nature conditionem sublimis ea, ac diu invariata agendi ratio, ut proxime accedat ad sanctitatem Divina nature essentialiter invariabilem, ideoque ad heroicam Evangelicam se sola sufficiat; quia se sola constituit hominem perfectum ad eum modum, quo Pater noster celestis perfectus est. In Bellarmino autem nostro ita eminuit incontaminata ejusmodi vitæ series, & perfectissimus quoad omnia & singula agendi modus ab ipsa prope infantia usque ad postremum ætatis suæ annum septuagesimum nonum inclusivæ, ut nullum in eo peccatum, vel etiam veniale perfecte deliberatum, sed neque nullus imperfectionis nervus adversus consilia Evangelica, aut Regulas Religionis observari tam longo tempore a quoquam potuerit. Quam in rem non necesse est singulas aliquas res appellare, quia totum summarium scætes ejusmodi elogiis juratis, & aliis non quidem juratis, fide dignissimis tamen, & fidem certam facientibus propter præminentem deponentium qualitatem. Quid quod in generali totius vitæ Confessione pro ultimo agone agere reperire potuit Confessarius materiam sufficientem ad validam absolutiorem? Hic igitur incontaminata vitæ longus & perfectissimus ac exemplaris agendi modus pro omni statu, omni tempore, ac loca concludenter probat se solo heroicam omnium virtutum Cardinalis Bellarmini. Romæ quoque anno 1722. edita fuerunt nonnulla suffragia Academiæ, sive Universitatis Theologicarum Patavienfis, Salmanticensis, & Pataviæ in causa cujusdam Dei Servi Appariti, de quo infra. Postea in suffragio Patris Nicolai Buico de Spinazzola Minoris Conventualis & Theologi primarii pro Scoti doctrina in Universitate Patavina hæc habentur pag. 185. *Admonet*, heroicum esse vocabulum a Gentilitate in Christianos introductum. Significat vero apud Christianos virtutis gradum, perfectionem, & excellentiam, quæ homo circa materiam virtutis aliquis supra communem aliorum hominum operandi modum operatur, & per hoc fit Deo similis & apparet; & in suffragio Michaelis Verii Theologiæ Doctoris & publici Dialecticæ Professoris in eadem Universitate Patavina ita legitur pag. 216. *Virtus igitur heroica est habitus generalis complectens, quid summum est in omni virtute; & tantum ac tale humana rationis supra passiones prædominium constet in omni materia, ut nullum obiectum vim habeat, aut facultatem ad Heroem detrahendum ab eo, quod a recta ratione sancitum fuerit. Hinc est, ut virtus heroica Divina potius esse, quam humana videatur.*

11 Hæc sunt, quæ habentur apud scribentes de Beatificatione & Canonizatione. Nunc reliquum est, ut ea referantur, quæ pertinent ad præ-

xim

xim Sedis Apostolicæ, & Congregationis sacrorum rituum. cum quæstio instituitur de virtutibus, & earum heroicitate. Porro in eo, quod attinet ad præsentem inspectionem, ponderandum est primò, quæstionem institui non de virtute, aut virtutibus pure politicis, sed de virtutibus Christianis; cum illæ respiciant solum honestatem virtutis intra fines honestatis moralis consideratæ, hæc vero referantur vel actualiter, vel virtualiter in ipsum Deum uti finem supernaturalem: secundò, vim & naturam quæstionis non constitui in virtutibus Christianis utcumque, sed in earum heroicitate: tertio, heroicitem nihil aliud esse, quam operis excellentiam, quæ ab ipsa operis arduitate ut plurimum causam habet & originem; quæ enim communia sunt & ordinaria, non sunt excellentia, nec excitant admirationem, uti bene ostendit Maderna *loc. cit. num. 6. & 7.*: quartò, operis excellentiam, & ejus arduitatem judicandam esse habita ratione circumstantiarum; si enim ex. gr. puer jejundet, uti legitur de S. Nicolao Myrensi Episcopo, id utique erit aliquid excellens, at tale non erit, si jejunium fiat ab aliquo jam viro factò; si Rex, aut Princeps infirmis ministret in nosocomio, uti legimus factum a S. Ludovico Rege Galliarum, id habebitur pro opere excellenti, at pro tali non habebitur, si fiat a viro infirmæ conditionis; quemadmodum, has similesque circumstantias referendo, bene prosequuntur Scacchus de *not. & sign. sanctit. sect. 2. cap. 1. pag. 118. & seqq.*, Matta de *Canoniz. SS. part. 4. cap. 6. num. 71.* Maderna de *virtutibus in commun. tom. 2. tract. 6. quest. 3. art. 2. num. 6.* Matthæucc. *pract. Theologo-Canon. ad caus. Beatificat. & Canonizat. pertractandas tit. 2. cap. 1. §. 2. num. 39.*: quintò, in re & ad effectum, de quo agitur, paucos actus, licet heroicis, non sufficere; cum multiplex excellentia vitæ requiratur in Canonizandis, uti loquuntur Canonistæ in superioribus allegati; & cum de virtutibus constare dici non possit in gradu heroico, uti loquuntur Theologi, si multiplices non proponantur actus a Dei Servis elicit, qui qualitate heroica præditi sint; veluti late ostendit citatus Scacchus de *not. & sign. sanctit. sect. 2. cap. 2. pag. 122. & eadem sessione cap. 3. pag. 132. & pag. 138.* & satis apte innuit Rolignolius de *discipl. Christiana perfectionis lib. 3. cap. 1.* ubi sic loquitur: *Quarta ratio conservanda virtutis est ejus perpetuus usus & exercitatio; est enim virtus talentum illud Evangelicum, quod nullo modo otiosum relinqui permittit Deus. Quare, ut obeantur virtutum officia, summo opere vigilandum est, omnique, qua offertur, occasione avide arripienda: siquidem in virtutis curriculo qui non pergit, regreditur: sexto, multitudinem actuum, licet heroicorum, satis non esse, ut virtutes Beatificandi, & Canonizandi approbentur; satis enim non est, si ex pluribus heroicis actibus, ex. gr. virtutis Fidei heroicus habitus Fidei comprobetur, sed ulterius requiritur, ut ex aliis actibus juxta modum infra explicandum habitus heroici aliarum virtutum Theologalium, & Cardinalium demonstrentur, juxta eundem Scacchum in *cit. tract. sect. 2. cap. 3. pag. 133.* ubi sic loquitur: *Remanet igitur, omnium virtutum considerationem, & actorum considerandorum in actis Servorum Dei ad septem**

septem cum primis capita reduci debere, videlicet ad habitum virtutum infusarum, quæ sunt Fides, Spes, & Charitas, & ad habitus quatuor virtutum Cardinalium, seu moralium acquiratarum, quæ sunt Prudentia, Justitia, Fortitudo, & Temperantia. Nam reliqui omnes virtutum earumdem actus ad hæc capita reducuntur vel tamquam illarum partes subiectivæ, vel tamquam partes potestativæ, vel tamquam species ad sua genera, ex quorum ratione & natura, ex objecto, circumstantiis, ac fine acta Servorum Dei sigillatim in praxi expendenda, ac examinanda veniunt. Quæ tamen sic explicanda sunt & intelligenda, non ut in quolibet Beatificando, & Canonizando opus sit, ut probetur existentia virtutum tum Theologicalium, tum Cardinalium in gradu heroico per multiplices heroicos actus ejusdem generis ex unaquaque prædictarum virtutum procedentes; sed ut in omnibus & singulis Beatificandis, & Canonizandis per actus multiplices heroicos probetur existentia virtutum Theologicalium, & præcipue Charitatis, in gradu heroico; tum quia illi, qui ratione eximie perfectionis virtutum Theologicalium se integre devoverunt Deo ut fini supernaturali, veluti fidelissimi servi, & carissimi filii, sicuti tota animi contentione se exercent in virtutibus Theologicis, ita per illarum illustrationem & imperium eliciunt toto impetu & conatu actiones virtutum moralium, uti loquitur Cardinalis de Aguirre de virtutibus, & virtutis disput. 12. quest. 1. sect. 2. num. 20. tum quia Charitas est vinculum perfectionis, teste Apostolo ad Coloss. 3., cum de ea 1. Joannis cap. 4. v. 16. scriptum sit: *Qui manet in Charitate, in Deo manet, & Deus in eo; eademque est aliis virtutibus major juxta doctrinam D. Thomæ 1. 2. quest. 66. art. 6. in corpore, ubi hæc habet: Cum autem tres virtutes Theologicæ respiciant Deum sicut proprium objectum, non potest una earum dici major altera ex hoc, quod sit circa majus objectum, sed ex hoc, quod una se habet propinquius ad objectum, quam alia. Et hoc modo Charitas est major aliis; nam alia important in sui ratione quandam distantiam ab objecto: est enim Fides de non visis, Spes autem de non habitis; sed amor Charitatis est de eo, quod jam habetur, est enim amatum quodammodo in amante, & etiam amans per affectum trahitur ad unionem amari; & denique quia ab eminenti Charitate splendor & eminentia aliarum virtutum dependet, uti late explicant Scacchus loc. cit. sect. 2. cap. 4. pag. 147. Pater Antonius Gonzalez ex Dominicana familia in sua dissertatione de heroicitate virtutum S. Rosæ Limanz tit. De principio, forma, & radice, ex qua virtutis promanet heroicitas, Castellin. de certis. glor. SS. in append. ad cap. 4. sect. 1. num. 12. Matthæucc. tit. 2. cap. 1. §. 2. Probatis autem modo prædicto virtutibus Theologicalibus in gradu heroico, necesse est, ut probetur virtutum quoque Cardinalium, seu moralium existentia non semper per actus heroicos, sed quandoque per actus heroicos; quandoque per actus communes, restricta actuum heroicorum necessitate ad eas virtutes; in quibus Dei Servus, dnm viveret, juxta suum statum & conditionem potuit se exercere, quemadmodum deducitur ex doctrina D. Thomæ 2. 2. quest. 152. art. 3. ad secundum: Nil enim prohibet, alicui virtutis suppetere materiam*

unitis

nius virtutis, non autem materiam alterius, sicut pauper habet materiam temperantia, non autem materiam magnificentia. Doctrinam hanc exornant Patres Salmanticenses in cursu Theolog. tom. 3. tract. 12. de virtutibus disput. 4. dub. 2. §. 1. sub num. 23. ubi docent, materiam alicujus virtutis posse esse dupliciter alicui impossibilem, vel absolute & per se, quia subjectum natura sua est incapax talis actus, sicut Angelus est incapax passionum, quæ sunt materia Temperantia, & Fortitudinis, & suppositum Divinum est incapax peccati, quod est materia Poenitentia; vel per accidens ex aliqua accidentali suppositione, ut conjugatus ex suppositione status non potest habere materiam virginitatis, cujus tamen erat capax absolute & per se, & pauper, supposita amissione divitiarum, non potest exercere magnos sumptus, qui sunt materia magnificentia, quos tamen absolute & secundum se non est impossibile exercere. Sequitur Rosignolius de discipl. Christian. perfect. lib. 3. cap. 1. ubi hæc habet: Quinta industria est, ut eas virtutes potissimum exerceamus, ad quas vel natura, vel Gratia promptiores sumus; eam enim promptitudinem vel natura inseruit Deus, vel gratuito donavit ad hunc finem, ut iis ipsis virtutibus excellamus: & ideo verissimum est, ad earum perfectionem in primis vocare nos Deum, ut iis bene confirmati, quicquid difficultatis & laboris aliarum virtutum usus habiturus est, facilius deinde superemus. Quod etiam de virtutibus cujusque status & vocationis propriis intelligendum est; eas enim virtutes colere nos Deus vult, quibus nititur, quibusque perficitur munus vocationis, in qua ab eo constituti sumus. Ad rem prosequuntur Collectar. in cap. 1. in principio de Reliquiis, & veneratione Sanctorum, Contelot. de Canoniz. SS. cap. 15. num. 10. Pavin. in relatione causæ S. Bonaventuræ part. 4. artic. 4. & 9. Simonett. in relatione causæ S. Francisci de Paula, §. Non videndum, Auditores Rotæ in relatione causæ S. Andreæ Corsini, part. 3. §. 1. penes Lezanam consult. 1. num. 221. Matthæucc. loc. cit. num. 37. ubi bene observat, quod, si quoad omnes virtutes heroicitas verificari deberet, frustra ageretur de causis Anachoretarum, Religiosorum, Conjugatorum, & Pauperum, cum ratione status Anachoretæ subsidii temporalibus proximum juvare, Religiosi voto paupertatis obstricti indigentibus eleemosynas conferre, Pauperes magnificentia Christianæ actus elicere non valuerint. Quocirca Pater Garzonius olim Procurator Generalis Ordinis Servorum B. Mariæ Virginis in suo suffragio super virtutibus Servi Dei Cardinalis Bellarmini typis edito, in ultima Positione causæ dicti Cardinalis super virtutibus ita scripsit: *Insuper, licet in Canonizando prærequiratur omnium earundem virtutum possessio, non tamen est necesse, quod per actus singulares verificentur, aut probentur singule in eminentia, quia non omnes Sancti eodem modo per singulas virtutes hac excellentia fuisse, sed aliter, magis in una, quam in alia; & ideo unius Sancti laudatur humilitas, alterius patientia, alius paupertas, quia illis magis præminebant, ac de illis factum fuit majus experimentum. Quare in Canonizando satis est probatio earum virtutum in gradu eminenti & heroico, de quibus oblara sibi fuit occasio, & secundum conditionem,*

tionem, gradum, ac statum sua persona, juxta omnium Doctorum sententiam. Septimò, adnotare quoque fas est, virtutum excellentiam per actus, licet multiplices & heroicos, probatam dici non posse, si prompte, facile, & cum delectatione prædicti actus elicit non fuerint; veluti fufte demonstratur a Cardinali de Lauræa in 3. lib. sent. disp. 32. art. 6. num. 77. quod ipsum late prosequitur Scacchus de not. & sign. sanctit. sect. 2. cap. 4. pag. 150. & 151. ubi hæc habet: *Facilitas & promptitudo potentia in producendis actibus virtutum est nota & signum habitus jam acquisiti. Delectatio demum in productione actus est nota habitus jam acquisiti & intensi.* Denique, si delectationi conjuncta sit suavitas, quam aliquis experiat in eliciendo aliquem virtutis actum per ordinem ad finem supernaturalem ex instinctu Charitatis, hujusmodi suavitas & delectabilitas est nota & signum heroicis, quæ ex sua natura promptitudinem & delectationem quamdam cum suavitate præstat, ac generat in potentiis producentibus proprios actus. Idque pluribus astruit Maderna in cursu Theologic. tom. 2. tract. 6. de virtutibus in communi quest. 3. de virtute heroica art. 2. num. 17. Tandem, ut proposito de virtutibus heroicis dubio affirmando responderi possit, oportet, ut Heros semper fuerit idem, hoc est ut non decesserit a semita virtutis; uti docet Cardinalis de Aguirre in tract. de virtutibus, & vitiis disp. 12. quest. 2. sect. 2. num. 25. ubi sic loquitur: *In quocumque autem gradu habeatur virtus heroica, non modo nullum permittit vitium, aut actionem deliberatam qualitercunque turpem, verum nec omissionem actionis cujuspiam honestissima & perfectissima juxta circumstantias persona, temporis, & loci, in quibus oportuerit illam exercere.* Itaque nihil abjectum, nihil vile unquam secum admittit, neque ullam morum imperfectionem, etiam culpa vacantem, ex plena deliberatione, sed semper & ubique resinet illam sublimitatem animi toto impetu tendentis ad summam honestatem, & imitationem Dei; quantumvis in hoc, ut dicebamus, sit gradus summus, medius, & infimus juxta summam, mediam, & infimam intensiorem habitus heroici, qui potest intendi magis ac magis sine termino certo. Quod late prosequuntur Pater Martinus de Esparza in tract. de virtutibus moralibus in communi quest. 5. illat. de virtute heroica pag. 208. & seqq. Rem. edit. ann. 1674. ac Matthæucci loc. cit. §. 2. num. 35. quæ quomodo intelligenda sint, alibi explicabitur, quando videlicet tractabitur de peccatis; de quibus aliquando incidit questio in examine causarum Servorum Dei.

12 Dices, tum juxta Philosophos, tum juxta Patres Ecclesiæ virtutes esse inter se connexas, ita ut unam ex eis habens ceteras habere dicendus sit; atque hinc inferes, non esse necessarium, ut de unaquaque virtute probationes particulares afferantur, sed satis esse debere, ut una tantum ex eis probetur; quæ probata, aliæ quoque probatæ censentur. Negari sane non potest, Philosophos sensisse, eum, qui habet unam virtutem, alias quoque habere; uti defumitur ex Tullio lib. 2. de officiis, & ex Aristotele Ethic. lib. 6. cap. ult. in fine ubi ait: *Sed, & hoc eodem modo dilui, ac refelli potest ea ratio, quæ disputare possit aliquis virtutes inter se separari.* Non enim

enim idem ad omnes virtutes aptissimus est natura. Itaque hanc jam adeptus est, illam autem nondum erit consecutus. Nam in iis quidem virtutibus, quæ a natura ingenerantur in nobis hoc evenire potest; in iis autem, ex quibus absolute vir bonus nominatur, non potest. Una enim cum prudentia, quæ una est, ceteræ omnes præsto aderunt. A qua sententia aliqui Ecclesiæ Patres non recedunt, cum S. Ambrosius lib. 2. de offic. cap. 8. num. 43. col. 80. tom. 2. oper. ita scribat: Promptius tamen nos iusto viro, quam prudenti committimus, ut secundum usum vulgi loquar. Ceterum Sapientum definitione, in quo una virtus est, concurrunt cetera, nec potest sine Iustitia esse Prudentia; & S. Hieronymus in epistola 66. ad Pammachium hæc habeat (num. 3. col. 362. oper. tom. 1.): Quatuor virtutes describunt Stoici ita sibi invicem nexas & mutuo coherentes, ut qui unam non habuerit, omnibus careat, Prudentiam, Iustitiam, Fortitudinem, Temperantiam. Nihilominus si res ea, quæ decet, diligentia examinetur, unusquisque facili negotio deprehendet, non omnino subsistere ea, quæ modo dicta sunt, aut saltem assumptioni jam positæ nullatenus obstare.

13 De habitibus virtutum Theologicarum, hoc est de Fide, Spe, & Charitate, olim quæstio erat inter Theologos, an una cum Gratia in Baptismo infunderentur. Plerique enim ante Innocentium III. existimabant, adultis cum justificatione infundi habitus virtutum, præsertim Theologicarum, licet aliqui ex speciali ratione negarent, tales habitus parvulis in Baptismo infundi; veluti desumitur ex cap. *Majores, de Baptismo*, & probat Suarez lib. 6. de Gratia cap. 8. In Concilio Viennensi sub Clemente V. habita fuit tanquam probabilior sententia asseruens, tum parvulis, tum adultis Gratiam infundi, & virtutes, uti habetur in *Clementin. nuc. de Summa Trinitate, & Fide Catholica*. Cumque postmodum in Concilio Tridentino sess. 6. cap. 7. de justificat. sic decretum sit: Unde in ipsa justificatione cum remissione peccatorum hæc omnia simul infusa accipit homo per Jesum Christum, cui inferitur, Fidem, Spem, & Charitatem; probabile nonnullis admodum videtur, post Tridentinum de Fide esse, justificatis dari habitus infusos Fidei, Spei, & Charitatis: ita Suarez loc. cit. §. 14., & Vega in *Concil. Trident. lib. 7. cap. 6*. Rursus, amissa per peccatum Charitate, nisi forte peccatum sit Infidelitatis, certum est, Fidem remanere; quæ, licet in formis sit, & non viva, nihilominus est vera Fides. Quocirca in Concilio Tridentino cit. sess. 6. de justificat. can. 28. sic decernitur: Si quis dixerit, amissa per peccatum Gratia, simul & Fidem semper amitti; aut Fidem, quæ remanet, non esse veram Fidem, licet non sit viva; aut enim, qui Fidem sine Charitate habet, non esse Christianum, anathema sit: & licet ibi sacrum Concilium solum de virtute Fidei loquatur, ex ejus nihilominus doctrina eadem sess. 6. de justificat. cap. 6., ubi Spem in peccatore agnoscit, In Spem eriguntur fideles, Deum sibi propter Christum propitium fore, sufficienter inferitur, amissa per peccatum Charitate, præter Fidem remanere Spem, nisi peccatum sit desperationis. Quibus proinde præmissis, connexio virtutum Theologicalium inter se non ab ipsarum natura, sed a Dei liberalitate, qui,

quando aliquem sanat, perfecte sanat, in prima ipsarum infusione verificatur.

14. Exclusa necessaria connexione virtutum Theologalium inter se, videndum est de connexione virtutum prædictarum cum virtutibus moralibus, & de connexione virtutum moralium inter se. Adhuc sub Judice lis est, an dentur habitus virtutum moralium, & sic an eorum fiat infusio una cum habitibus virtutum Theologalium. S. Thomas 1. 2. *quest.* 63. *art.* 3. quærit, *Utrum aliqua virtutes morales sint in nobis per infusionem*: & affirmando respondet, quia oportet, ut effectus suis causis & principiis proportionem respondeant: unde, quemadmodum omnes virtutes tam intellectuales, quam morales, quæ nostris actibus acquiruntur, procedunt ex quibusdam naturalibus principiis in nobis jam existentibus; ita necesse est, ut virtutibus Theologicis, quibus ad finem supernaturalem ordinamur, quæque nobis a Deo conferuntur, respondeant alii habitus divinitus in nobis effecti, qui sic se habeant ad virtutes Theologicas, uti se habent virtutes morales, & intellectuales ad principia naturalia virtutum: & lastissime docent Patres Salmanticenses in *curso Theolog.* tom. 3. *tract.* 12. *disp.* 3. *per totam*. Scotus contra in 3. *sent. dist.* 36. *quest. unic. art.* 3. præter virtutes morales acquiritas non admittit in homine Fidei morales infusas: cum enim ipse, & alii, qui eum sequuntur, dicant, Infidelem ad Fidem venientem, & iustificatum omnia scire, quæ dicat Fides, tum quod iuste & caste vivendum est, & fortiter agendum aliquando ex necessitate, aliquando autem ex utilitate obtinendi ultimum finem supernaturalem Fide cognitum, & per Charitatem dilectum; hinc inferunt, virtutes has morales infusas non esse admittendas, cum sine illis ipsarum actus ex dictamine Fidei, & determinatione Charitatis ad finem supernaturalem dirigi valeant. Glossa in *cit. Clement. unic. in verb. Sanctorum ac Doctorum, de Summa Trinitate, & Fide Catholica*, utramque prædictam refert opinionem: ex quarum proinde contrarietate nemo est qui non videat, certo asseri non posse, connexionem reperiri inter habitus virtutum Theologalium, & moralium, exemplo potissimum parvulorum, qui (uti dictum est) in Baptismo recipiunt habitus infusos virtutum Theologalium; sed juxta eorum sententiam, qui non admittunt habitus infusos virtutum moralium, hos absque dubio recipere non possunt.

15. Simile iudicium ferendum est de connexione virtutum moralium inter se, cum experientia constet, aliquos esse humiles, sed non fortes. Scribit enim S. Gregorius Magnus lib. 22. *moral. cap.* 1. *num.* 2. (col. 697. *oper. tom.* 1.): *Sæpe quosdam pudicos quidem vidisse nos contigit, sed non humiles, quosdam vero quasi humiles, sed non misericordes, quosdam quasi misericordes, sed nequaquam iustos, quosdam vero quasi iustos, sed in se potius, quam in Domino confidentes*. Ideoque connexio virtutum solum necessaria esse videtur, ut sint omnino perfectæ; quemadmodum profequitur idem S. Gregorius *loc. cit.*, ubi sic loquitur: *Una itaque virtus sine aliis aut omnino nulla est,*

est, aut imperfecta. Ut enim, sicut quibusdam visum est, de primis quatuor virtutibus loquar, Prudentia, Temperantia, Fortitudo, atque Iustitia, tanto perfectæ sunt singule, quanto vicissim sibi inter se conjunctæ; disjunctæ autem perfectæ esse nequaquam possunt. Concordat S. Thomas 1. 2. quæst. 65. art. 1. in corpore, ubi docet, virtutes morales considerari posse, ut sunt imperfectæ, & sic non esse connexas; contra vero connexas esse, si considerentur uti perfectæ; & quæst. 73. art. 1. ad secundum, ait, per habitum vitii amitti virtutem illi oppositam, & ex hujus amissione alias amitti virtutes, quantum ad rationem perfectam & formalem virtutis. Cumque in Beatificatione, & Canonizando virtutes debeant esse non imperfectæ, sed perfectæ, hinc fit, de earum connexionem esse videndum, ut dignoscatur, utrum fuerint perfectæ, an imperfectæ; atque adeo non sufficere probationem unius virtutis, sed omnium probationem requiri: non ita quidem, ut Beatificandus, & Canonizandus debuerit in omnibus heroice se exercere, cum sufficiat, sicuti dictum est, ut Heros fuerit in Fide, Spe, & Charitate, & eodem modo Heros fuerit in eis virtutibus moralibus, in quibus juxta statum suum potuit se exercere, cum præparatione animi ad sic se gerendum in aliis, si occasio oblata fuisset eas exercendi. Quocirca S. Hieronymus, qui loc. cit. connexionem virtutum admittit, ita ut unam habens alias habere dicendus sit, in lib. 1. contra Pelagian. n. 19. (col. 700. oper. tom. 2.) interroganti Critobolo, Et quomodo legimus, qui unam habuerit, omnes videtur habere virtutes? respondet Atticus: Participatione, non proprietate, Necessè est enim, ut singuli excellant in quibusdam. Desumitur id quoque ex doctrina D. Thomæ 2. 2. quæst. 129. art. 3. ad secundum, ubi connexionem explicat virtutum, & docet, esse intelligendam non quoad actus, sed quoad animi dispositionem; quod ipsum repetit quæst. 152. art. 3. ad secundum. Uberrime materia explicatur a sepe citatis Patribus Salmanticensibus cit. tom. 3. in 1. 2. D. Thomæ, quæst. 65. disput. 4., Estius in 3. lib. sent. dist. 36. §. 2. ita scribit: Quod autem negant interdum Patres, in uno homine, etiam Sancto, omnes inesse virtutes, quamquam de excellentia virtutum accipi potest, alii enim aliis virtutibus excelluerunt &c. potest nihilominus & de virtutibus intelligi, in quantum sunt habitus quidam, quibus expedire & delectabiliter operamur. Nam ad hunc modum non sunt omnes virtutes in iis, qui Charitatem habent, sed saltem secundum præparationem voluntatis ad ipsa virtutum opera loco & tempore exequenda; ita ut in Charitate, tanquam in radice, omnes existere dicantur, juxta illud Gregorii homil. 27. in Evangelia: Ut enim multi arboris rami ex una radice prodeunt; sic multa virtutes ex una Charitate generantur. Hoc autem sufficere ad rationem virtutis Christianæ, que in Charitate radicaliter existens cum aliis connexionem habeat, ostendimus ad dist. 27. lib. 2. Concordat Cardinalis de Lauræa in 3. lib. sent. tom. 2. disput. 4. artic. 5. num. 76. ubi concludit, in homine simpliciter, seu perfecte morali virtutes esse necessario connexas; & art. 6. num. 97. virtutes morales esse inter se hoc sensu connexas, ut habens unam veram virtutem alias habere debeat

saltem præparatione animi, cum proposito videlicet implicito, aut explicito eas exercendi, si occasio suppeteret, adjiciens in *cit. art. 5. num. 84.* juxta praxim Sedis Apostolicæ probandas esse in Beatificando, & Canonizando omnes virtutes modo supra explicato: *Probatur ex facto, & praxi Ecclesiæ, quæ in Beatificatione & Canonizatione Sanctorum, tanquam perfectorum virorum, qui proponendi sunt ad imitationem, non est contenta de probatione alicujus virtutis, sed exigit probationem omnium (licet non sit necessarium, ut semper eis usus sit Servus Dei beatificandus, neque ut omnes fuerint in gradu heroico, quia Sanctus Hieronymus existimat, id nunquam accidisse). Sufficiat autem nunc scire, quod ii existimantur perfecti ab Ecclesiâ, qui virtutes omnes habuerunt, & hi digni sint Beatificatione. Concordat Matthæuccius *cit. tit. 2. cap. 1. §. 1.*, itemque D. Thomas 1. 2. *quest. 66. art. 2. ubi*, proposita questione, *Utrum omnes virtutes simul in eodem existentes sint æquales, eademque resoluta, distinguendo inter æqualitatem speciei, & æqualitatem proportionis, secundo loco hoc sibi contrarium argumentum opponit: Præterea, si omnes virtutes essent æque intense in uno & eodem, sequeretur, quod quicumque excederet aliquem in una virtute, excederet ipsum in omnibus aliis virtutibus. Sed hoc patet esse falsum, quia diversi Sancti de diversis virtutibus præcipue laudantur, sicut Abraham de Fide, Moyses de mansuetudine, Job de patientia; unde de quolibet Confessore cantatur in Ecclesiâ, Non est inventus similis illi, qui conservaret Legem Excelsi, eo quod quilibet habuit prærogativam aliquas virtutis. Non ergo omnes virtutes sunt æquales in uno, & eodem: Sic autem argumento respondet: Ad secundum dicendum, quod unus Sanctus laudatur præcipue de una virtute, & alius de alia propter excellentiorem promptitudinem ad actum unius virtutis, quam ad actum alterius. Quod & ante D. Thomam dixerat S. Hieronymus *loc. cit.* asserens, eum, qui habet unam virtutem, ceteras habere participatione, & *num. 18.*, idcirco necesse non esse, ut singuli excellent in singulis: unde in Salomone sapientia, in David mansuetudo, in Elia, & Phinees zelus, in Abraham Fides, in Petro perfecta dilectio, in Paulo studium excelluit prædicandi. Optime S. Gregorius Magnus præfat, in *exposit. libri Job cap. 6.* inquit (*col. 13. loc. cit.*): Ut ergo nostris tenebras suo tempore edius, vicissimque permixtus stellarum radius rangeret, ad ostendendam innocentiam venit Abel, ad docendam actionis munditiam venit Enoch, ad insinuandam longanimitatem spei & operis venit Noe, ad manifestandam obedientiam venit Abraham, ad demonstrandam conjugalis vite castimoniam venit Isaac, ad insinuandam laboris tolerantiam venit Jacob, ad respondendam pro malo bona retributionis gratiam venit Joseph, ad ostendendam mansuetudinem venit Moyses, ad informandam contra adversa fiduciam venit Jesus, ad ostendendam inter flagella patientiam venit Job. Ecce, quam fulgentes stellas in calo cernimus, ut inoffenso pede operis iter nostra noctis ambulemus. Quocirca S. Antonius, Sanctorum eremi incolarum Pater, dicebat, non esse a quolibet sancto viro omnes omnium virtutum præstantes actus exquirendos, teste Cassiano *lib. 5. de Instit. Coenob. cap. 4.* Verus namque est Beati Anthonii**

nii admirabilisque sententia, Monachum minime debere ab uno quamvis summo universa genera virtutum expetere. Alius enim scientia floribus exornatur, alter discretionis ratione robustius communitur, alter patientia gravitate fundatur, alius humilitatis, alius continentia virtute praefertur, alius simplicitatis gratia decoratur, hic magnanimitatis, ille misericordia, iste vigiliarum, hic taciturnitatis, ille laboris studio supereminet ceteros. In rem eandem recte Theophilus Raynaudus oper. tom. 8. de cultu Sanctorum speciali pñct. 2. pag. 485. Exornantur quidem sancti viri decoribus omnium virtutum statui suo consentaneorum. Tamen, sicut non omnis fert omnia tellus, sed est, quae aliqua singulari fruge commendetur; ita Sancti plerumque unius alicujus virtutis singulariter praefulgentis decore nobilitantur, & non obstante virtutum omnium connexione una quæpiam est virtus, quæ in eis eminet atque præcellit.

CAPUT XXII.

In quo proponuntur, & explicantur nonnullæ quæstiones
ad heroicam Virtutum pertinentes.

EX dictis in capite præcedenti virtus Christiana, ut sit heroica, efficere debet, ut eam habens operetur expedite, prompte, & delectabiliter supra communem modum ex fine supernaturali, & sic sine humano ratiocinio, cum abnegatione operantis, & affectuum subjectione. Unde S. Ambrosius lib. 2. in Lucam cap. 1. num. 19. (col. 1288. tom. 1. oper.) explicans illud, *Exsurgens autem Maria in diebus illis abiit in montana cum festinatione*, inquit: *Nescis tarda molimina Sancti Spiritus gratia!* Et de Apostolis dicitur in Actis 5: v. 41. *Ibant (Apostoli) gaudentes a conspectu concilii, quoniam digni habiti sunt pro nomine Jesu contumeliam pati: & Sap. 5. v. 4. Nos insensati vitam illorum astimabamus insaniam.* Ostendunt enim hæc omnia, proprium esse virtutis Christianæ heroicæ efficere, ut ea prædictus operetur expedite, prompte, & delectabiliter, & cum abnegatione sui ipsius. Quæstio autem, quæ ex his oritur, in hoc consistit, utrum virtus heroica Christiana, ut id præstet, annexum debeat habere aliquod ex donis Spiritus Sancti, de quibus *Isaia 11. v. 2. & 3. Requiescet super eum spiritus Domini, spiritus sapientia, & intellectus, spiritus consilii, & fortitudinis, spiritus scientia, & pietatis, & replebit eum spiritus timoris Domini: quæ dona Spiritus Sancti sunt habitus, quibus homo perficitur ad prompte obediendum Spiritui Sancto, juxta doctrinam D. Thomæ 1. 2. quæst. 68. art. 4. Idem Auctor art. 5. docet, ea dona invicem connecti in Charitate, ita ut Charitatem habens omnia dona Spiritus Sancti habeat, quorum nullum sine Charitate haberi potest: & art. 8. probat, virtutes Theologicas esse præferendas donis Spiritus Sancti, cum ea regant; sed in virtutibus moralibus eadem dona virtutibus præferri, cum perficiant vires animæ in comparatione ad Spiritum Sanctum moventem. At, ad propo-*

tam

tam quæstionem ut redeamus, ei affirmando respondet Cardinalis de Lau-
rea in 3. lib. sent. tom. 2. disput. 32. art. 6. de virtute heroica: communis enim
virtus dat operari modo aliis communi, at heroica supra modum commu-
nem, & cum qualitatibus modo indicatis, quæ haberi non possunt, nisi
ab altiori principio, & nobiliori, & efficacius movente, & sic ab uno,
vel pluribus donis Spiritus Sancti: & sequitur Michael Angelus Lapius in
dissert. de virtutum heroicitate in Beatificandis, & Canonizandis requisita pag. 57.
Contra Maderna in cir. cursu Theologico tom. 2. tract. 6. de virtutibus in commu-
ni quest. 3. de virtute heroica art. 2. admittit quidem, in Christo omnes ope-
rationes fuisse ex donis Spiritus Sancti, cum ex citato loco Isaïæ de Fide sit,
in ipso fuisse omnia prædicta dona; admittit etiam quandoque ad actus
heroicos aliquod Spiritus Sancti donum concurrere; sed contendit num. 13.
non esse de necessitate virtutis heroicæ, ut annexum habeat aliquod donum
Spiritus Sancti, per quod ea præditus ex Dei instinctu operetur expedite
& cum delectatione; sed ipsam virtutem supra communem modum inten-
sam & perfectam efficere, ut qui illa præditus est, agat expedite, prom-
pte, & delectabiliter supra communem operandi modum. Porro prima
sententia est conformis doctrinæ D. Thomæ 1. 2. quest. 68. art. 1. in corpore,
& ad primum, & 2. 2. quest. 159. art. 2. ad primum, & in 3. sent. dist. 34.
quest. 1. art. 1. ad primum; & bene explicatur a Rosignolio de discipl. Chri-
stian. perfect. lib. 3. cap. 2. Movet enim tunc Deus solus per se ipsum animum ho-
minis non solum per virtutes Theologicas, & morales infusas, sed etiam per Spi-
ritus Sancti dona, quæ in Isaïa libro numerantur, Sapientia, Intellectus, Con-
siliium, Fortitudo, Scientia; Pietas, Timor Domini, quæ sunt supernaturales
habitus excellentissimi, semperque Charitatem comitantur. Quamvis enim aper-
tum aditum Deus habeat in hominis animum per virtutes infusas sive Theologicas,
sive morales, ad quedam tamen altissima virtutis officia exercenda immittit in ho-
minem altissima illa dona, quibus quasi vinculis sibi maxime colligatum verset in
omnem partem animum &c. Appellarunt forsitan huiusmodi actiones Philosophi he-
roicas, & purgati animi; Sancti Patres Spirituales, Deificas, & Divinas
dixerunt. Qui enim hoc Divino Spiritu afflantur, non tam homines, quam quasi
Dii sunt, quales fuerunt Patriarchæ, Propheta, Apostoli, & viri Apostolici tam
multi, qui præstantissimorum rerum munerum beneficio a mortalibus & plusquam
homines, & tanquam caelestes viri suspiciuntur.

2 Similis huic quæstioni alia est, an virtus heroica differat specie a non
heroica. Negative respondetur a Cardinali de Laurea loc. cit. artic. 8. cum
tam virtus Christiana heroica, quam non heroica ad suumque Bonum super-
naturale tendat, & heroicitas nihil aliud sit, quam perfectio virtutis, quæ
idcirco efficere non potest, ut hæc ab illa differat specie. Hæc est etiam sen-
tentia D. Thomæ, qui 3. part. quest. 7. art. 2. proposita quæstione, Verum in
Christo fuerint virtutes, & affirmando resoluta, ita sibi ipse opponit: Secundum
Philosophum 7. Ethic. virtus dividitur contra quemdam heroicum, sive Divinum
habitu, qui attribuitur hominibus Divinis; hic autem maxime convenerit Chri-
sto:

sto : ergo Christus non habuit virtutes , sed aliquid altius virtute . Cui opposi-
tioni sic respondet : Ad secundum dicendum , quod habitus ille heroicus , vel
Divinus non differt a virtute communiter dicta , nisi secundum perfectiorem mo-
dum , in quantum scilicet aliquis est dispositus ad bonum quodam altiori modo ,
quam communiter omnibus competat . Unde per hoc non ostenditur , quod Christus
non habuerit virtutes , sed quod habuerit eas perfectissime ultra communem mo-
dum , sicut etiam Plotinus posuit quemdam sublimem modum virtutum , quas esse
dixit animi purgati . Concordat Scotus in 3. sent. dist. 34. quest. unic. num. 22.
In omni bonitate assignat quatuor gradus , qui sunt ejusdem habitus in specie , sci-
licet perseverantiam , continentiam , temperantiam , & heroicam . Perfectissima igitur
virtus in eadem specie manens est heroica . Et prosequitur Suarez in 3. part.
D. Thome tom. 1. quest. 7. art. 2. Virtus heroica non differt essentia a virtute com-
muni , quia in eadem materia , & sub eadem ratione formali , seu motivo ver-
santur ; & perfectio , quam addit virtus heroica , solum est , ut parum , aut ni-
hil habeat admixtum vitii contrarii , & facilis & expedita sit ad ferventem &
perfectum actum virtutis eliciendum , qua perfectio accidentaria manifeste est .

3 Ex his quoque , quæ paulo ante dicta sunt , virtutem videlicet he-
roicam Christianam præstare , ut agens agat prompte , delectabiliter , cum
abnegatione sui ipsius , propter finem supernaturalem , quæstio alia oritur
an virtus heroica , ut talis sit , debeat esse virtus purgati animi , ita ut vir-
tus , quæ non est purgati animi , heroica esse non possit . Pro cujus quæ-
stionis resolutione prænotandum est , juxta Platonicos virtutes Cardinales
dividi in virtutes politicas , purgatorias , purgati animi , & exemplares .
Virtutes morales , seu Cardinales in Deo sunt eminenter uti exemplaria ;
unde Ps. 10. v. 8. legitur de Justitia , *Justus Dominus , & Justitias dilexit* ,
agritatem vidit cultus ejus ; de Fortitudine Genes. 46. v. 3. *Ego sum fortissi-
mus Deus* ; de Temperantia Exod. 34. v. 6. *Deus . . . patiens , & multa mi-
serationis , ac verax* ; de Prudentia Job. 26. v. 3. *Et Prudentiam tuam ostendisti
plurimum* . Quamobrem optime D. Thomas 1. 2. quest. 61. art. 5. admittit
distinctione virtutum moralium in politicas , purgatorias , purgati animi ,
& exemplares , docet , exemplar humanæ virtutis in Deo præexistere ,
sicut & in eo præexistunt omnium rerum rationes , & sic virtutes , prout
sunt exemplariter in Deo , dici *exemplares* . Prosequitur idem S. Doctor
virtutes easdem , prout in homine sunt ; & docet , politicas vocari , quod
secundum eas homo recte se habeat in rebus humanis gerendis : quocirca
de Salomone prudenter regnum gubernante dicitur 3. Regum cap. 4. v. 29.
Dedit quoque Deus Sapientiam Salomoni , & Prudentiam multam nimis ; de Ju-
sticia Psalm. 71. v. 1. *Deus judicium tuum Regi da , & Justitiam tuam filio Re-
gis , judicare populum tuum in Justitia* ; de Fortitudine Ecclesi. 7. v. 6. *Noli qua-
rere fieri Judex , nisi valeas virtute irrumpere iniquitates* ; & de Temperantia
Ecclesi. 10. v. 17. *Beata terra , cujus Rex nobilis est , & cujus Principes ve-
scentur in tempore suo ad reficiendum , & non ad luxuriam* . Item a virtutibus
politicalibus transitum facit S. Doctor loc. cit. ad virtutes purgatorias , quarum
ope

ope pugna instituitur pro animi passionibus rationi subdendis. Pro his virtutibus purgatoriis faciunt ea, quæ sequuntur. De Prudentia siquidem in *Proverb. cap. 3. v. 13.* legitur: *Beatus... qui affluit Prudentia; cap. 4. v. 1.* Attendite, ut sciatis Prudentiam; *cap. 9. v. 6.* Ambulate per vias Prudentia; & *Matth. 10. v. 16.* *Estote ergo prudentes, sicut serpentes.* De Temperantia *Eccli. 31. v. 34.* *Qui autem abstimens est, adjiciet vitam; Tobia 3. v. 16.* Tu scis, Domine, quia nunquam concupivi virum, & mundam servavi animam meam ab omni concupiscentia; & *Job. 31. v. 9.* Si deceptum est cor meum super muliere..., scortum alterius sit uxor mea. De Justitia *Eccli. cap. 4. v. 33.* *Pro Justitia agnoscere pro anima tua, & usque ad mortem certa pro Justitia.* De Fortitudine *Tobia cap. 7. v. 13.* *Forti animo esto, in proximo esto, ut a Deo curesis.* Purgatoriis demum virtutibus succedunt virtutes jam purgati animi, ita scilicet, ut Prudentia sola Divina intueatur, Temperantia terrenas cupiditates nesciat, Fortitudo passionem ignoret, Justitia cum Divina mente perpetuo foedere societur, eam scilicet imitando, uti totidem verbis loquitur S. Doctor *loc. cit.* Exempla hujus virtutis animi purgati habentur in sacra Scriptura: cum enim Job tot & tanta mala in bonis naturæ perpessus calamitatum nuntios receperisset, minime turbatus ait *cap. 1. v. 21.* *Domine dedit, Dominus abstulit... sit nomen Domini benedictum.* Alia collecta legi possunt exempla a Cardinali de Lauræa in 3. lib. *sent. tom. 2. disput. 5. art. 3.* cum nobis satis sit innuisse prædictam virtutum divisionem, de qua etiam loquitur S. Bonaventura in 3. *sent. dist. 33. quest. ult.* ubi ait: *Virtutes Cardinales respiciunt quadrifariam distinctionem, quia quedam sunt exemplares, quedam politica, quedam purgatorie, quedam animi jam purgati.*

4. Pater Antonius Gonzalez ex Dominicana familia in *cit. dissert. de virtutibus heroicis S. Rosa de Lima* docet, virtutem heroicam non esse purgatoriam, sed purgati animi, & sic virtutem in statu unionis. Postquam enim docuit, virtutem heroicam esse quamdam eminentiam virtutis in summo gradu, & divisit virtutes in politicas, purgatorias, & animi purgati, dixitque, virtutem communem respondere viz purgativæ, virtutem purgatoriam viz illuminativæ, & virtutem purgati animi viz unitive, ita concludit: Exinde ergo deducitur, quod virtus in via illuminativa non est heroica, siquidem non operatur promptitudine & delectatione, sed difficiliter propter ignaviam voluntatis nondum ardente amoris unione calefacta. Solum igitur virtus in statu unionis hanc facilitatem habet, quatenus operatur supra communem modum facilliter, & sine violentia, seu renitentia voluntatis. Unde sicut communiter quilibet virtuosus in parvis & minimis operatur, ita qui est adeptus felicem unionis statum, circa difficillima propter Dei amorem continua promptitudine, tranquillo animo, & quasi per modum naturæ versatur. Idcirco inquit Divus Thomas, & alii Auctores modo citati, quod virtus heroica non est purgatoria, sed purgati animi, id est, est virtus in statu unionis. Ipsa vero unio ad Deum, in qua virtus heroica consistit, non est illa unio, quæ communiter per Gratiâ fit in via purgativa, sed est modus unionis animæ jam purgata cum Deo per quem-

quemdam contactum substantialem, quo præsens, & unicus sentitur. Tunc est ista unio, quando potentie spirituales animæ, quantum permittit vitæ præsens status, Deo adhærent, intellectus per cognitionem pæne continuam, & velut evidentem, voluntas denique per amorem non tantum desiderii, sed quodammodo fruitionis; siquidem jam Dei (licet imperfecta, quia non est clare visus) est possessio.

5 Pro intelligentia nonnulla essent hic exponenda de statu incipientium, proficientium, & perfectorum, necnon triplicis viæ, purgativæ, illuminativæ, & unitivæ: sed de his aliqua innuentur, cum infra tractabitur de oratione, intereaque satis est noscere, heroicam virtutum moralium, seu Cardinalium juxta sensum citati Auctoris dari non posse, nisi virtus sit purgati animi; cui eidem sententiæ adhæsit Petrus Franciscus de Rubéis in suis animadversionibus factis in causa S. Joannis de Cruce super dubio virtutum in gradu heroico. En ejus verba: *Expendendum pariter eris, quod virtutes Cardinales in gradu heroico sunt, quando, passionum insultibus jam purgatis, ille a Deo solum, & in summa perfectione tenent animam hominis, utpote si Temperantia terrenas concupiscentias ignoret, Fortitudo passionem nesciat, Prudentia solis Divinis intendat, Justitia mentem cum Deo perpetuo fœdere conjunctam teneat, quas solummodo Glossa in Clementina finali de Hereticis inquit esse hominum totaliter purgatorum a molestiis passionum, & virorum perfectissimorum in hac vita.* Id ipsum innuit Cardinalis de Aguirre in tract. de virtutibus, & vitiis dispnt. 12. quest. 3. sect. 2. num. 18. *Virtus heroica communiter censetur illa, quæ alias purgati animi dicitur.*

6 At, admissio, ut virtus purgati animi sit excellens & heroica, sicuti dixerunt Rotæ Auditores in relatione causæ S. Terefiæ rit. de sanctitate vitæ in specie &c. His itaque suppositis, virtutes Beata Terefiæ adeo excreverunt, ut dictum heroicum gradum attingisse judicaverimus, & quod merito censeri debeant ex illo genere virtutum, quas Divus Thomas virtutes purgati animi appellat; hinc tamen inferri nequit, heroicam esse non posse virtutem, quæ non sit virtus animi purgati. Et initio ducto a citata Glossa in Clementina finali, de Hereticis, in verb. *Sexto quod se &c.* ea quidem distinguit virtutes in purgatorias, & purgati animi, docens, virtutes purgatorias esse virtutes hominum nondum purgatorum a passionum insultibus, & sic non summe perfectorum, sed ad id toto conatu tendentium; virtutes autem purgati animi esse virtutes, quibus præditi sunt homines totaliter purgati a passionum molestiis: post quæ Glossa subjicit, id esse proprium Beatorum in patria, vel paucissimorum in hac vita perfectissimorum. Sed, his traditis, citata Glossa docens ulterius, virtutes purgatorias esse virtutes hominis imperfecti, hanc imperfectionem restringit ad defectum majoris perfectionis, quæ vel in Beatis in patria, vel in paucissimis in hac vita perfectissimis, uti dictum est, invenitur; eam vero non extendit ad defectum heroicæ virtutis pro Canonizatione requisitæ. En verba Glossæ: *Hoc visum, sciendum est, quod dicere, imperfecti hominis esse se exercere in actibus virtutum moralium, re-*

primendo scilicet imperium passionum per iudicium rationis, & imperium voluntatis, hoc est bene dictum, si sumamus imperfectum pro nondum habente summam perfectionem, ut prius dixi, qualem scilicet habent Beati in patria, & qualem habuerunt paucissimi in hac vita, scilicet Christus, Beata Virgo, primi Parentes in statu innocentia, & forsan alii ex privilegio speciali. Sed, si sumamus imperfectum pro vitioso, vel carente perfectione necessaria ad salutem, hoc est hereticum. Apostolus enim, qui perfectissimus fuit in via, reprimebat insultus carnalium passionum, unde dicit in prima ad Corinthios &c. Item Jeremias, & Joannes Baptista, qui fuerunt sanctificati in utero, secundum Theologos habuerunt fomitem inclinantem ad venialia, licet non ad mortalia, & contra tales insultus bellaverunt; unde cantas Ecclesia de Joanne Baptista: Antra deserti teneris sub annis civium turmas fugiens petisti, ne levi saltem maculare vitam fame posses. Beatus Martinus legitur quod carnem spiritui servire coegit. De Beato Benedicto Gregorius dicit, quod insultus carnalis tentationis repressit, projiciendo se inter urticas & spinas, ut per vulnera corporis educeret ab anima vulnus mentis. Concordat D. Thomas 1. 2. quasi. 61. art. 5. in corpore, ubi docet, virtutes purgationis animi esse Beatorum, vel aliquorum in hac vita perfectissimorum. Subscribunt tum qui de Beatificatione, & Canonizatione, & de virtute heroica ad prædictum effectum scripserunt, tum alii, qui in sacrorum rituum Congregatione suffragium tulerunt de virtutibus heroicis Servorum Dei. Ad primam classem spectant hi, qui sequuntur, Almainus videlicet in tract. 3. de virtutibus moralibus, & vitiis oppositis cap. 12. fol. 65. a tergo, ubi sic ait: Antiqui vocant gradum heroicum, quando ratione virtutis sunt ita sedata passio nec, quod supra communem hominum facultatem non insurgunt, puta propter assuescentiam in operibus virtutis, vel quando parum insurgunt; nam est supra communem hominum facultatem, quod non insurgant, vel quasi non insurgant passiones; Maderna in curs. Theolog. tom. 2. tract. 2. quest. 3. de virtute heroica art. 2. num. 11. Clericat. in decis. miscell. decis. 108. num. 11. Matthæucc. in practica Theologo-Canon. ad causas Beatificat. & Canonizat. tit. 2. cap. 1. num. 12. & Cardinalis de Laurea in 3. lib. sent. tom. 2. disp. 32. art. 4. ubi docet primò, similitudinem cum Christo, quæ ex heroicitate virtutis oritur, non consistere in omnimoda ac perfecta purgatione passionum, ut sine ulla perturbatione quiescant, sicut erant in Beatis, & sicut fuerunt in Christo Domino, & in Beatissima Virgine: docet secundo, similitudinem cum Christo, quæ ex heroicitate virtutis oritur, posse in hoc constitui, hoc est in purgatione secundum quid, quæ non auferat radicem fomitem & passiones, sed ita coercent, ut vix, aut leviter insurgant. Pro huiusce rei explicatione videtur prodesse posse, quod a S. Gregorio desumitur lib. 2. moral. cap. 16. (col. 49. tom. 1. oper.) Nonnulli magna constantia Philosophiam putant, si disciplina asperitate correpti istius verberum dolorisque non sentiant; nonnulli vero tam nimis percussorum flagella sentiunt, ut immoderato dolore commoti etiam in excessum lingua dilabantur. Sed quisquis verum tenere Philosophiam nititur, necesse est, ut inter utraque gradatur: non est enim pondus vera virtutis insensu-

insensibilitas cordis, quia & valde insana per stuporem membra sunt, quæ & incisa dolere nequaquam possunt. Rursus virtutis custodiam deserit, qui dolorem verberum ultra, quam necesse est, sentit; quia, dum nimia afflictione cor tangitur, usque ad impatiens contumelias excitatur, & qui per flagella corrigere male facta debuerat, agit, ut nequitia per flagellum crescat. Contra insensibilitatem quippe percussorum per Prophetam dicitur: Percussisti eos, nec doluerunt, attrivisti eos, & renuerunt accipere disciplinam. Contra pusillitatem miratam percussorum per Psalmistam dicitur: In miseris non subsistent.

7 Ad secundam pertinent classem (in qua etiam reponi possunt Cardinalis de Lauræa, & Matthæuccius, qui fuerunt sacre Congregationis Consultores) Auditores Rotæ in relatione S. Petri Regalati (quæ in appendicibus dabitur) tit. de virtutibus in genere, ubi ita scripserunt: *Virtutes autem habentur ab omnibus dupliciter: uno modo communi, & humano, & sic dicuntur virtutes politica, ex quo homo est animal politicum; alio modo excellerent, seu eminenter, quasi modo Divino, & tales virtutes a Philosopho heroica, seu Divina appellantur. Modus vero iste, seu ratio habendi virtutes huiusmodi heroicas est duplex. Unus, prout homo est intendens ad talem perfectionem, quasi Divinam, & sic dicuntur virtutes purgativa: alius vero, prout homo affectus est terminum dictæ tendentiæ, quantum potest habere in præsentî vita, & secundum hoc dicuntur virtutes purgati animi, quales habuit Beatissima Virgo; & aliqui in hoc mundo perfectissimi &c. Ad effectum vero Canonizationis, virtutes ista purgati animi non sunt necessaria, sed sufficit, eas esse purgatorias, quæ sunt pariter virtutes heroica. Cardinalis Capisucchi in suo suffragio alias citato, quod protulit in causa Beatificationis Ven. Dei Servi Cardinalis Belarmini: Nec vero existimandum est, heroicam virtutem esse illam, quæ quis ita virtuose operetur, ut motus appetitus sensitivi non sentiat, ac si sine motibus naturalibus appetitus operetur. Ut enim optime docet Sanctus Thomas 1. 2. quasi. 59. art. 2. si passiones dicantur inordinata affectiones, hæ non possunt esse in virtuoso, ita quod post deliberationem eis consentiatur: si vero passiones dicantur quicumque motus appetitus sensitivi, sic possunt esse in virtuoso, secundum quod sunt a ratione ordinata. Unde Aristoteles in 2. Ethic. cap. 3. ait, quod non bene quidam determinant virtutes impassibilitates quasdam; & quietes, quoniam simpliciter dicunt, sed deberent dicere, quod virtutes sunt quietes a passionibus, quæ sicut non ut oportet; & quando non oportet. Unde virtus heroica non remouet passiones, sed illas cohibet; & superat. Unde & Apostolus Paulus certamen supponit in Christianis Heroibus, & in Sanctis adversus proprias passiones, ut iidem æternam assequantur coronam, cum ait: Non coronabitur, nisi qui legitime certaverit. Et hoc ipsum idem Apostolus expertum se dicit in se ipso: cum sibi stimulum carnis datum dicit, qui eum colaphizat. Igitur virtutis heroica ratio in eo sita est, ut homo & proprias cohibeat passiones, & ita virtuose operetur, ut supra communem aliorum hominum, etiam virtuose operantium, conditionem operetur, & cum quadam facilitate, & alacritate. Pater Garzonius Procurator Generalis Ordinis Servorum B. Mariæ Virginis in suo suffragio edito in eadem causa: Ad*

firmamam Servorum Dei sanctitatem juxta sanctorum Canonum, & summorum Pontificum sanctiones necessario quidem prærequiritur eorundem heroicitas, & eminentia virtutum tam Theologicalium, quam moralium, seu Cardinalium; non tamen adeo perfectissima, ut ab omni & quacunque leti labe, aut animi, & passionum stultitione sit omnino immunis & purgata, cum ad hanc perfectissimam excellentiam solum perveniant Beati in patria, & pervenerint Christus Dominus, & Beatissima Virgo in via; ve. um illa excellentia sufficienter requiritur, & que haberi potest ab homine viatore, illa scilicet, per quam elevetur animus ad quandam Divina natura perfectionem & participationem, ac operetur ob finem supernaturalem supra communem hominum modum ex Dei dono, ac instinctu. Ita tamen, ut semper luctari debeas contra mundi, & tenebrarum potestates, contra quas habet oculum pugnam, per quam nunquam viator quiescit, nec ejus animus liber, aut omnino purgatus evadit, quia virtus in infirmitate perficitur, & sic omnes Sancti, & electi quasi in agone certant usque in finem. Sententia hæc autem retinenda videtur, non esse videlicet necessarium, ut virtus heroica sit virtus purgati animi; quod etiam confirmabitur ex iis, quæ infra dicentur, cum tractabitur de ærumnis atque tribulationibus Servorum Dei. Uno verbo, promptitudo, alacritas, & delectatio, quæ requiruntur, ut quis heroice operari dicatur, non excludunt passiones, sed cum eis coherent, eoque magis si sint in gradu remisso; uti consideranti patet, & explicat Rosignolius de discipl. Christian. perfect. lib. 3. cap. 3. Virtus est moderatrix affectionum hominis. Hæc ad omnes virtutes pertinet, sed præcipue ad eas, quæ in coercendis passionibus animi versantur, qualis est Fortitudo, & Temperantia: quare, cum dicitur virtus omnis perfectio, ideo dicitur, non quia radicitus passiones extellat, aut prorsus extinguat, sed quia earum vim & impotentiam frangit, & corrigis quicquid est in illis insuperantia. Consonat doctrina D. Thomæ 1. 2. quest. 59. art. 2. & 3.

8. Aliquando Fidei Promotores, animadversa operis arduitate, quæ in constituenda actione heroica requiritur, controversiam excitarunt, an actio Christiana, ut heroica sit, debeat esse consilii, ita ut non sufficiat, si sit actio præcepti. Nonnullos nimis rigidos censores aliquando audiivi asserentes, ea, quæ sunt aut ratione Instituti, puta, si Religiosus servet, quæ in Regula statuta sunt, si ab Episcopo ea patrentur, quæ ipsi facienda præscribuntur in sacris Canonibus; aut vi voti præcedenter emissi; bona esse & laudabilia, atque æternæ vitæ meritoria, si non desint, quæ adesse debent pro merito constituendo, sed ad apicem heroicitatis pertingere non posse; juxta illud Luc. 17. v. 10. Cum feceritis omnia, quæ præcepta sunt vobis, dicite, Servi inani sumus; quod debuimus facere, facimus: & juxta aliud Matth. 19. v. 21. Si vis perfectus esse, vende quæ habes, & da pauperibus. . . . & veni, & sequere me. Verum ex prædictis assumptio non evincitur, quia illud Lucæ prolatum est ad suadendam humilitatem, juxta illud S. Bernardi (epist. 142. ad Monachos Alpenenses col. 148. vol. 1.): Inutilis vos reputatis, & humiles viventi estis. Recta facere, & inutiles se reputare

du're, apud paucos invenitur, & ideo multi admirantur. Hoc, inquam, hoc profusus vos de illis tribus reddit illustriores, sanctiores de sanctis, & ubicumque divulgatus est sermo iste, replevit omnia odore suavitatis: & serm. 17. de diversis num. 1. (ibid. col. 1124.) Lucæ locum allegatum propter humilitatem concedit esse dicendum. Quod recte animadvertit Cardinalis Bellarminus *contro. tom. 2. lib. 2. de Monachis cap. 13. num. 36. pag. 231. Adde, quod Dominus non ait: Servi inutiles estis; sed, Dicite: Servi inutiles sumus. Vult enim nos humiles esse, & non jactare nostra merita. Sed ipse tamen postea dicit: Euge, serve bone, & fidelis. Inutilem autem servum vocabit eum duntaxat, qui præceptis non obediit, ut patet Matthæi 25. v. 30. in parabola de talentis. Inutilem (inquit) servum ejicite in tenebras exteriores: illud autem Matthæi a Domino indicatum est tanquam aliquid ad perfectionem conducens, non quia in eo sit perfectio; quemadmodum explicat D. Thomas 2. 2. quæst. 184. art. 3. ubi, proposita quæstione, Verum perfectio consistat in præceptis, an in consiliis, eaque resoluta modo mox asserendo, oppositoque sibi textui allegato Matthæi, sic respondet: Ad primum ergo dicendum, quod in illis verbis Domini aliquid ponitur quasi via ad perfectionem, hoc scilicet, quod dicitur, Vade, & vende omnia quæ habes, & da pauperibus. Aliud autem subditur, in quo perfectio consistit, scilicet, quod dicit, Et sequere me. Unde Hieronymus dicit super Matthæum, quod, non sufficit tantum relinquere, ideo Petrus adjungit, quod perfectum est, id est, Secuti sumus te. Ambrosius autem super illud Lucæ 5. Sequere me, dicit: Sequi jubet, non corporis gressu, sed mentis affectu; quod fit per Charitatem. Et ideo ex ipso modo loquendi apparet, quod consilia sunt quadam instrumenta perveniendi ad perfectionem, dum dicitur: Si vis perfectus esse, vade, & vende &c. quasi dicat: Hoc faciendo, ad hunc finem pervenies. Idem S. Doctor loc. cit. in corpore docet, perfectionem per se, & natura sua consistere in Charitate, & sic in præceptis, secundario autem in consiliis, quæ omnia, sicut & præcepta, ordinantur ad Charitatem. Idem pariter 2. 2. quæst. 88. art. 6. proposita quæstione, Utrum magis sit laudabile, & meritorium facere aliquid ex voto, quam sine voto, dicit, triplici ratione melius esse & magis meritorium idem opus facere cum voto, quam sine voto; tum quia vovere est actus patriæ, tum quia ille, qui voverit aliquid, & facit, plus se Deo subjicit, quam ille, qui solum facit; & demum quia per votum immobiliter voluntas firmatur in bono; quod ipsum latius prosequitur contra Gentiles lib. 3. cap. 138. num. 1. §. Videtur autem. Itemque postquam in 2. 2. quæst. 124. art. 3. ad primum, dixit, Martyrium non cadere sub præceptum, nisi in hypothesi, in qua aliquis a Persecutore deprehensus de Fide sua requiratur, quam confiteri tenetur; in supplementis 3. partis quæst. 96. art. 6. ad primum hæc habet: Ad primum ergo dicendum, quod sustinere mortem propter Christum, quantum est de se, est opus supererogationis: non enim quilibet tenetur Fidem suam coram Persecutore confiteri, sed in casu est de necessitate salutis, quando scilicet aliquis a Persecutore deprehensus de Fide sua requiritur, quam confiteri tenetur; nec tamen sequitur, quod*

quod aureolam non mereatur. Aureola enim non debetur operi supererogationis, in quantum est supererogationis, sed in quantum perfectionem quamdam habet: unde, tali perfectione manente, etiam si non sit supererogatio, aureolam aliquis mereretur. Demum ex doctrina ejusdem S. Doctoris (ut alibi dictum est) habitus heroicus & Divinus non differt a virtute communiter dicta, nisi secundum perfectiorem modum, in quantum scilicet aliquis est dispositus ad bonum quodam altiori modo, quam communiter omnibus competat: Ex quibus omnibus infertur, ad constituendum actum heroicum non esse necessarium, ut ejus materia spectet ad consilium; nec ab heroicitate excludi, quæ sunt ex præceptis, vel ex Instituto, quod quis proficitur, aut ex voto, quod emisit, si cetera concurrant necessaria ad heroicitatem constituendam. S. Vincentius Ferrerius in sermone de S. Francisco ante medium pag. 403. sic loquitur: *Qui illam Regulam servat, (ab eo videlicet suis Religiosis præscriptam) sanctus est, & quando moritur, posset canonizari: sed vix de mille unus servat.* Concordat Martinus Navarrus comment. 4. de Regularibus (tom. 2. num. 17. circa medium): *Adeo suspicio, & veneror Regulam illam altissimam Sancti Francisci, ut observantes eam ad unguem, & mentem Auctoris reputem esse quosdam incruentos Christi Martyres.* Jacobus Simoneta primum Rotæ Auditor, deinde S. R. E. Cardinalis, in relatione causæ S. Francisci de Paula hæc ad rem scribit: *Considerandum etiam plurimum puro, esse Religionem arctissimam, & in summa paupertate constitutam, quam ipse admodum adolescens instituit, ad extremumque vitæ obitum constanter observavit. In qua quidem Religione qui profecerint, cunctis hominibus meliores esse existimat Augustinus, ut habetur in can. Quantumlibet, 47. dist. Quia, cum ex voto & voluntatem, & potestatem Deo subjecerint, felicique necessitate ad bonum compellantur, plus ceteris non profuerint, seu voventibus mereri judicantur. Porro aliter ratiocinando sequeretur absurditas, quia sequeretur, nullum actum heroicum elicited fuisse a S. Teresa, cum sciamus, eam peculiari voto se obstrinxisse id semper agendi, quod perfectius cognovisset. Vetus argumentum est Sectariorum vota impugnantium, heroicitatem, atque adeo ipsam sanctitatem, non in obligatione, sed in libertate consistere, juxta illud Psalm. 53. v. 8. *Voluntarie sacrificabo tibi, & confitebor nomen tuo Domine.* Inquiunt enim vota hanc libertatem auferre, & necessitatem imponere, & sic auferre heroicitatem, & sanctitatem. Fuse & docte de more id refellitur a Ven. Dei Servo Cardinali Bellarmino lib. 2. de Monachis cap. 18. pag. 237. & sursus cap. 29. Et summa responsionis est, votum non auferre illam libertatem, quæ requiritur ad laudem, ad meritum, ad heroicitatem; cum ut plurimum libentius fiat & promptius quod fit ex voto, quam quod fit sine voto. Votum siquidem ex se læticiam gignit, cum ex magna charitate procedat, juxta illud 1. Paralip. ult. v. 9. *Lætatusque est populus, cum vota sponte promitteret; quia corde suo offerebat ea Domino.* Et quando res ipsa placet, & votum placet, meritum operantis ex voto augetur; superatque meritum eandem rem operantis sine voto: quemadmodum bene*

bene docet S. Thomas *opusc.* 18. quod est *de perfectione cap.* 10. & 12.

9 Pro capitis complemento superest, ut examinetur assertio Patris Esparza in suffragio supra allegato, an videlicet Heros sit, qui toto tempore vitæ suæ innocentiam Baptismalem conservavit, ita ut immutabilitas ista satis sit ad constituendam Evangelicam heroicitem. De hac controversia egerunt Rotæ Auditores in relatione causæ S. Aloysii Gonzagæ: Cum legitime constet (verba sunt ipsorum) *Beatum hunc Adolescentem nunquam in toto vitæ suæ curriculo peccasse mortaliter, & in eo particulariter tam Theologicas virtutes, quam Cardinales eluxisse ut infra dicemus, non abs re fore iudicavimus, si ex eo, quod nunquam integerrimus Adolescens mortalis se labe peccati polluit, in eo supradictas virtutes fuisse, concludemus.* Prosequuntur iidem Auditores in prædicta relatione heroicitem virtutum desumentes ab innocenti vita Beati, quem Confessarii plene testabantur toto vitæ tempore nunquam mortaliter peccasse, ut in dicta relatione plene legi potest. Pater Andreas Budriolius Theologus Societatis Jesu alias a Nobis cum laude memoratus, & diligentissimus causæ prædicti Sancti Postulator in sua elaborata & docta informatione super virtutibus, & super toto statu causæ, quam exaravit, & obtulit sacrorum rituum Congregationi, dum egoungebar officio Fidei Promotoris, & de exitu prædictæ causæ erat deliberandum, memoratam assumptionem Rotæ Auditorum validis atque roboravit argumentis. Præmisit scilicet, omnes Sanctos vel propter innocentiam, vel propter poenitentiam Sanctos haberi, & sic duas esse in Ecclesia vias, seu titulos homines canonizandi, innocentiam videlicet, & poenitentiam; sed titulum tutiorem Canonizationis esse propter innocentiam, quam propter poenitentiam. Animadvertit enim, ab Ecclesia in Canonizatione alicujus definiri, eum in gratia atque amicitia Dei esse mortuum, ac propterea illis annuerandum, de quibus dicitur *Apocal.* 14. v. 13. *Beati mortui, qui in Domino moriuntur:* cumque, ut Ecclesia id non temere, sed prudenter definire possit, debeat ante de hac finali saltem sanctitate Canonizandi certa esse, conclusit, prudentius ac tutius Ecclesiam judicaturam esse, obiisse Deo gratum atque amicum illum, qui gratus semper & amicus, gratiam & amicitiam perpetua vitæ innocentia retinuit, quam alium, qui ingratus olim & inimicus, gratiam deinde & amicitiam per poenitentiam recuperavit. Addidit, quod cum constet de perpetua vitæ innocentia, constat etiam de virtutibus Theologalibus, & Cardinalibus, seu moralibus, prout Ecclesia requirit in Canonizando. Constat enim de Fide, Spe, & Charitate, quæ infunduntur in Baptismo, necnon de virtutibus omnibus moralibus, quæ juxta S. Thomæ sententiam cum Charitate simul omnes infunduntur, nec, nisi per peccatum mortale, amittuntur. Et, quia providus & doctus vir opponi posse prævidit, per hanc viam procedendo, omnes pueros post Baptismum & ante usum rationis decedentes canonizari posse, adversus ea quæ a Nobis dicta sunt *lib.* 1. *cap.* 14. *num.* 3. ; ut oppositionem evitaret, & in sola vitæ innocentia

centia heroicam constitueret, postquam probavit, ex innocentia vitæ inferri virtutes Theologales, & Cardinales, his verbis doctrinam suam explicavit: *Simul autem constat & in gradu heroico habuisse. Nam, cum, hominem ad ultimum abstinere ab omni prorsus peccato gravi in omni genere per totam vitam, tum propter diuturnitatem temporis, tum propter latitudinem materie, tum propter arduitatem ipsam rei durissimam humana fragilitati necessitatem impo-* nentis omnes omnis generis occasiones fugiendi, illecebras frangendi, tentationes superandi, sit per se opus heroicorum omnium heroicissimum, quod vel inde patet, quod etiam inter Sanctos tam pauci id affectu perhibentur, ut merito admirabundus interrogaveris Ecclesiasticus; Quis est hic, & laudabimus eum? Fecit enim mirabilia in vita sua, qui potuit transgredi, & non est transgressus, facere mala, & non fecit: quis non videt, ad tanta heroicis apicem, nisi per exercitium heroicum, si minus omnium (quod non est necesse) at certe plerumque, & quidem præcipuarum virtutum perveniri non posse?

10 Theorema hoc doctum, & ingeniosis profecto argumentis firmatum mihi non videtur ad praxim in re, de qua agitur, tuto deduci posse. Demus enim, continuatam innocentiam certo consequi virtutes non modo Theologales, sed etiam Cardinales; demus, heroicum esse non transgredi, cum quis potuit transgredi, nec mala facere, cum potuit; demus, id difficillimum esse, cum tot in hac mortali vita suppetant peccandi occasiones, quærimus, quomodo de hac continuata vitæ innocentia constare debeat Ecclesiæ, quæ certissimis inniti debet documentis, juxta alibi dicta, ut aliquem coetui Beatorum, aut Sanctorum adscribat. Tota vis necessario erit constituenda in attestationibus Confessoriorum, quibus tantum patere potest, an Dei Servus mortaliter unquam peccaverit: & sane ex prædictis attestationibus innocentia vitæ S. Aloysii ab eodem Patre Budriolio comprobata est. Porro, licet a Nobis in superioribus dictum & admissum sit, Confessoriorum attestationes non esse in hisce causis rejiciendas, sed in magno pretio habendas; durissimum tamen regis rerum æstimatoribus videri posset, tam grave negotium absolvere solis ipsorum testimoniis. Ut tuto ergo Ecclesia procedat, opus esse videtur, ut Confessoriorum assertionibus de innocentia vitæ testantibus testes alii plures addantur, qui de singularibus externis actibus testentur, & de modo, quo facti sunt; ut tuto definiri possit, Dei Servum Heroem, & heroicis virtutum habitibus præditum fuisse. Quocirca S. Bernardus scribens vitam S. Malachie Episcopi, pro ejus innocentia æstuanda & sanctitate testes vocat, qui ejus externos actus viderunt & noverunt cap. 19. col. 682. vol. 1. *Ut enim taceam interiorem hominem ejus, cujus pulchritudinem, fortitudinem, puritatem satis indicabant mores ipsius, & vita, ipsum exteriorem ita uno semper modo, ipsoque modestissimo & decentissimo, gessit, ut nil prorsus appareret in eo, quod posset offendere intuentes. . . . At vero in Malachia, quis unquam, etiam si curiosus observavit, deprehendit otiosum, non dico verbum, sed nutum? Quis manum, pedemve moventem frustra? Immo quid non edificans in ejus*

in ejus incessu, aspectu, habitu, vultu? . . . Totum in eo disciplinatum, totum insigne virtutis, perfectionis forma. Quod si quaestio restringatur ad vitæ innocentiam solis & veris Confessoriorum dictis comprobata, unusquisque facile deprehendere poterit, expositam assumptionem sufficere ad summum pro constituenda sanctitate coram Deo, non coram Ecclesia.

11 Et hæc explicatio fundamentum habet etiam in doctrina eorum, qui voluisse vili sunt, solam vitæ innocentiam dictis Confessoriorum patefactam satis esse pro heroicitate constituenda. Pater Esparza in citato suo suffragio voluit, heroicitem virtutum in Sanctis Confessoribus non pendere, sicut in Martyribus, ab uno, vel altero opere exteriori valde arduo & difficili, sed a continua & nunquam interrupta serie vitæ innocentis. Cumque hanc innocentiam constituerit in peragendo omnia juxta præcepta & consilia Evangelica, cum circumstantiis conferentibus ad summos apices perfectionis tum quoad substantiam, tum quoad modum, probataque vitæ innocentia Ven. Dei Servi Cardinalis Bellarmini, de cujus virtutibus disputabatur, per attestationem Confessarii, præceptorum deinde, & consiliorum observationem per actus univocos & particulares dictis aliorum testium comprobatos in eodem suffragio deduxerit; inferitur, eum a declaratione supra exposita neutiquam recessisse. Cardinalis de Aguirre in *tract. de virtutibus, & vitiis disp. 12. quest. 3. sect. 5. num. 49.* hæc habet: *Cum vero existentia virtutum per se inditarum nequeat exterius apparere per se ipsam, utpote quiddam supernaturale animo impressum, nec per actiones internas supernaturales, ad quas immediate concurrunt, superest, ut solum dignoscatur per effecta, sive opera, aut actiones externas, & verba juxta illud monitum Christi Domini: Ex fructibus eorum cognoscetis eos: Non potest arbor bona malos fructus facere, neque arbor mala bonos fructus facere. Quisquis enim e Catholicis diuturno & constanti vitæ progressu invenitur semper agere juxta præcepta communia, & peculiaria sui status, neque unquam omittere illorum observantiam, merito existimatur præditus virtutibus per se inditis. Quisquis vero non præcepta solum, sed consilia Evangelica semper & toto animi conatu deprehenditur observasse usque ad ultimum vitæ momentum, neque unquam declinasse ab ea difficili & angusta via verbo, facto, aut omissione, idque judicio communi omnium tantam vitæ perfectionem admirantium in mortali homine, is sane probabiliter creditur fuisse præditus virtutibus per se inditis in gradu heroico, immo etiam virtutibus acquisitis in eodem gradu, quoniam in homine iusto consuetudo actionum honestarum virida & robusta absque intermissione simul angelicaliter virtutes per se inditas, & physice virtutes acquisitas. Eminentissimus ergo hic Auctor in citatis verbis judicium commune exposcit, quod aliter profecto haberi non potest, quam ex plurium testium dictis, qui de continuatis extrinsecis actibus virtutum una cum suis circumstantiis deponant. Denique concordant iidem Rotæ Auditores in relatione causæ S. Aloyfii Gonzagæ, & Pater Andreas Budriolius ejusdem causæ Postulator. Tam illi enim in sua relatione, quam hic in sua elaborata scriptura,*

postquam

postquam Sancti innocentiam, & a quacumque culpa lethali immunitatem dictis Confessorum comprobaverunt, ex reliquis testimoniis virtutes heroicas in eo fuisse, per observationem præceptorum & consiliorum fuisse demonstrarunt. Quocirca, ne aliqua obrepat ambiguitas, nonnulli casus distinguendi esse videntur. Primus est, in quo vitæ innocentia, proindeque immunitas a peccato mortali solis comprobatur dictis Confessorum: & quoad hunc casum respondendum esse videtur, id non sufficere pro Canonizatione quoad Ecclesiam militantem. Secundus est, in quo innocentia vitæ comprobata dictis Confessorum, confirmatur dictis aliorum testium, qui referunt, a Dei Servo elicitos fuisse alios atque alios actus, quibus ostenditur, ab eo præcepta & consilia fuisse impleta: & quoad hunc secundum casum dicendum esse videtur, prædicta non sufficere pro virtutum approbatione in iudicio Beatificationis & Canonizationis, cum in prædicto secundo casu testes non probent qualitates promptitudinis, facilitatis, & delectabilitatis, quæ ex supradictis sunt necessariæ, ut actus existimantur heroici. Tertius casus est, in quo innocentia vitæ a Confessariis asserta dictis testium confirmatur, qui actus exprimunt cum enarratis qualitatibus, & cum observantia præceptorum & consiliorum juxta statum personæ Servi Dei, vel Beati, & juxta circumstantias, in quibus, dum viveret, fuit constitutus: & de hoc tertio casu loquendo, non videtur aliquid deesse ad approbationem virtutum requisitum in ordine ad Beatificationem & Canonizationem. Licet enim non doceatur de actibus arduis in particulari admirationem excitantibus, tota nihilominus vitæ series, continuataque innocentia per integrum vitæ cursum media inter pericula peccandi, quibus expositi sunt illi, qui degunt in humanis, una cum exacta observantia præceptorum & consiliorum, arduitatem constituunt, & considerantibus admirationem ingerunt. Ad rem Pater Bartolus in vita Ven. Dei Servi Cardinalis Bellarmini lib. 3. cap. 9. ait, populi errorem esse, & etiam aliorum, pro Sanctis eos tantum esse habendos, qui arduis poenitentis corpus suum per longum temporis spatium affligerunt: *Talchè, se avessimo da poter dire, che il Cardinal Bellarmino portasse indosso per settantannove anni un ciliccio, che il vestisse quanto avea lunga la vita, e lo si stringesse a' fianchi con una gran catena di ferro, parrebbe loro udire un miracolo di virtù, e nol parrà loro il dirne quel, che in fatti fu vero, che egli per settantannove anni di vita mai non inbrattò, neppur con una lieve macchia di colpa veniale deliberatamente commessa, la veste dell'innocenza Battefimale &c. Pruovissi, e crederallo a se stesso, chi nol crede altrui, quanta meno perfezion di virtù si richiegga a sottomettere, e domare il suo corpo con digiuni, con veglie, con battiture a sangue, fino a lacerarsi le vive carni indosso, che a tenere in ogni varietà d' accidenti gli affetti dell' anima in tanta suggestione e ubbidienza allo spirito, che non si risentano, non si muovano, non si faccian vivi, se non sol quando, e quanto egli loro comanda &c. Questa non è perfezion di virtù, che dia nell'occhio, nè meni gran rumore, anzi neppur si sente, come è gran*

gran finni, che quanto son più profondi, tanto corron più cheti. Ultimus demum casus est, in quo, cum de vitæ innocentia non constet, multo autem magis, si de aliquo peccato, præsertim gravi constiterit, testes subsequenter poenitentiam, & cursum vitæ referentes, in singularibus actibus testantur observationem præceptorum & consiliorum cum qualitatibus facilitatis & delectationis; nulla tamen facta mentione operum difficile & arduorum a Dei Servo patratorum: & in hoc casu id ad rem, de qua agitur, sufficere non videtur, cum ex alibi dicendis, coram Ecclesia pro sanctitate poenitentis plus requiratur, quam pro sanctitate innocentis.

C A P U T XXIII.

De virtutibus Theologalibus Fide, Spe, & Charitate, & heroicitate uniuscujusque ex iisdem.

UT in capite præcedenti inuimus, animus est, aliqua de singularibus Theologalibus virtutibus, & uniuscujusque heroicitate referre: sed ut quam minima fieri potest confusione procedatur, sit

§. I.

De Fidei virtute, & ejus heroicitate.

Fides ab Apostolo ad Hebræos 11. v. 1. definitur hoc modo: *Sperandarum substantia rerum; argumentum non apparentium*: Ceteræ, quæ ab aliis proferuntur, Fidei definitiones sunt explicationes memoratæ definitionis ab Apostolo traditæ: talis est illa S. Augustini: *Fides est virtus, qua creduntur, quæ non videntur*; talis est illa S. Joannis Damasceni: *Fides est non inquisitus consensus*; talis est illa S. Dionysii: *Fides est manens credentium fundamentum, collocans eos in veritate, & in ipsa veritatem ostendens*: quemadmodum probat S. Thomas 2. 2. *quest. 4. art. 1.* his definitionibus allatis. In eadem 2. 2. *quest. 4.* S. Doctor alia plura inquirat: *art. quippe 3.* docet, Charitatem dici formam Fidei, in quantum per Charitatem actus Fidei perficitur, & formatur; *art. 5.* postquam præmisit, credere esse actum intellectus assentientis vero ex imperio voluntatis; & ut actus hic sit perfectus, duo requiri; quorum unum est, ut certissime intellectus tendat in suum objectum, quod est verum; alterum, ut certissime ordinetur ad ultimum finem, propter quem voluntas assentit vero; docet, utrumque inveniri in actu Fidei formatæ, cum ex ratione ipsius Fidei intellectus semper feratur in verum, & ex Charitate, quæ format Fidem, certissime voluntas ordinetur in finem bonum; concluditque, Fidem formatam esse virtutem, & Fidem informem virtutem non esse, quia, licet actus Fidei informis perfectionem habeat debitam ex parte intellectus, non habet

tamen perfectionem debitam ex parte voluntatis : & *art. 7.* probat , Fidem per se esse primam inter omnes virtutes , cum necesse sit , ut ultimus finis prius sit in intellectu , quam in voluntate ; voluntas enim in aliquid non fertur , nisi prout est ab intellectu apprehensum . Concordant ceteri Theologi distinguentes Fidem in Fidem formatam , & informem ; primam Charitati conjunctam , secundam a Charitate disjunctam ; non quod Charitas sit forma essentialis Fidei , alias Fides non distingueretur a Charitate , sed quia Charitas reddit meritorios actus Fidei , meritorios , inquam , vite æternæ , & beatitudinis ; juxta illud Apostoli ad Galat. cap. 5. v. 6. *In Christo Jesu neque Circumcisio aliquid valet , neque præputium , sed Fides , quæ per Charitatem operatur* : & in 1. ad Corinth. cap. 13. v. 2. *Si habuero omnem Fidem , ita ut montes transferam , Charitatem autem non habuero , nihil sum* .

2 Operibus ergo , quæ ex Charitate Dei , & Proximi prodeunt , formata Fides comprobatur , juxta illud Apostoli Jacobi *in epist.* cap. 2. ubi post plura concludit vers. 26. *Sicut enim corpus sine spiritu mortuum est , ita & Fides sine operibus mortua est* . Quocirca ad rem nostram bene docet Scacchus de nat. & sign. sanctit. sect. 3. cap. 1. pag. 178. in causis Servorum Dei eorum Fidem esse ex operibus desumendam : *Quoniam igitur in conscribendo Dei Famulos in Sanctorum catalogo Fides necessario prærequiritur , Fides , inquam , formata & viva ac vera , necnon etiam certitudo Fidei beatitudinis , & gloria Servi Dei post mortem , quantum fieri potest , quæ certitudo Fidei si absit ab actibus alicujus , opera illius bona fore , nullo modo sufficere possumus , propterea nota sanctitatis alicujus Dei Famuli ex ratione Fidei solis ex operibus tantum aluacescit , teste eodem Apostolo Jacobo loco citato in illis verbis : Quid proderit , Fratres mei , si Fidem quis habere dicat , opera autem non habeat ? Numquid poterit Fides salvare eum ? Quasi dicat : Nequaquam eum salvare poterit . Si ergo Fides sine operibus neminem salvare potest , plane constat , nitam vere Fidei , quæ salvat hominem , expiscandam esse ex operibus bonis post Baptismum ; atque ex his operibus bonis externos habitus Fidei talis , qualis requiritur in Dei Familis canonizandis , expiscandus erit præsertim ex operibus , quæ a Charitate prodeunt , & a qua actus virtutum omnium habent , ut sint in gradu heroico . Opera enim hæc in actibus alicujus Dei Servi si aderunt , manifesto probabunt argumenta , in eo Dei Servo Fidem formatam extitisse . Quod ipsum late profecuti sunt Rotæ Auditores in relationibus causarum S. Franciscæ Romanæ part. 2. art. 13. §. Et licet ; S. Elisabeth Regine Portugallie tit. de excellentia Fidei §. Hujus Fidei ; S. Petri de Alcantara art. 4. §. 2. ; S. Ilidori Agricolæ tit. de excellentia Fidei num. 4. ; Servus Dei Joannæ de Cruce tit. de excellentia Fidei §. 4.*

3 Hinc ad opera & actus externos deveniendo , de quibus tantum Ecclesia potest ferre judicium , nonnulla in dictis , nonnulla in factis consistunt . S. Leo in firm. de Nativit. Apostol. Petri , & Pauli in appendic. tom. I. pag. 189. , S. Petri Fidem extollit ob externam Fidei confessionem , quam emisit de Christi Divinitate : *Ille primus est in Domini confessione , qui primus est in*

est in Apostolica dignitate. Qui cum dixisset, Tu es Christus Filius Dei vivi, respondit ei Iesus: Beatus es, Simon Barjona, quia caro & sanguis non revelavit tibi, sed Pater meus, qui in calis est. Ideo beatus es, quia Pater meus te docuit, nec opinio te terrena fecit, sed inspiratio celestis instruxit, & non caro & sanguis, sed ille me tibi, cuius sum unigenitus, indicavit. S. Maximus Taurino. in serm. 1. de Sancto Latrone (tom. 6. Bibliot. Patrum pag. 22.) Fidem ejus colligit ex Fidei confessione, qua in cruce positus, Christum filium Dei esse, confessus est: Mira res! Confitetur Latro, quem Discipulus abnegavit. Mira, inquam, res! Latro honorificat patientem, quem Judas prodidit osculandum. Ab hoc pacis blandimenta venduntur, ab illo crucis vulnera predicantur. Hac est Fidei plena devotio, ut, cum de vulneribus Domini profluens sanguis cernitur, tunc de potestate ejus venia postuletur, cum videtur humilitas, tunc magis teneatur ejus Divinitas, cum morti additus putatur, tunc Regis illi honorificentia deferatur. Idemque serm. 2. loc. cit. pag. 23. ait: Magna igitur & perfecta Fides in illo Latrone fuit. Magna plane est & admirabilis Fides, qua Christum Crucifixum glorificari magis creditur, quam puniri. S. Hieronymus in epistolaph. Paula Vidua Romana (tom. 1. oper. col. 709. num. 22.) Fidem ejus demonstrat ab actu extrinseco, quo se Hæreticis adversam ostendebat: Tangam ergo breviter, quomodo Hæreticorum comas devoverit lacus, & eos insular habuerit Ethnicorum. Quidam veterator callidus, atque, ut sibi videbatur, doctus & scilicet, me viscens; cupit ei proponere quaestiones, & dicere: Quid peccatis infans, ut a Demone corripiatur? In qua aetate resurrexeris sumus? Si in ipsa, qua morimur, ergo nutricibus post resurrectionem opus erit. Sin aliter, nequaquam eris resurrectio mortuorum, sed transformatio in alius. Tum prosequitur, narrando ejusdem furfuris heterodoxas cavillationes ab homine hæretico Paulæ objectas, & refert, se ei responsiones pro Catholica veritate suppeditasse, deinde subjicit num. 25. Ex quo die ita cepit hominem despectari, & omnes, qui ejusdem dogmatis erant, ut eos voce publica hostes Domini proclamaret. Et hac dixi . . . ut Fidem tanta femina ostenderem, qua malis inimicitias hominum subire perpetuas, quam Dei offensam amicitias vultus provocare. Demum S. Thomeas de Villanova concion. 1. de S. Augustino pag. 502. Fidei argumenta desumit ab ejus doctrina, qua Hæreticos confutavit: Quantum, obsecro, refultat Fide? Quantum Fidei contrudit Augustinus? Martyr enim in illo oppido, vel civitate, ubi patiebarur, Fidem credentium confirmabat. At Augustinus doctrina sua Fidem non in uno oppido, sed in toto orbe defendit. Unde, sicuti majoris meriti est defendere Fidem sanguine, quam verbo, ita etiam majoris commodi eam in orbe, quam in urbe &c. Oppugnata est enim Ecclesia prius a Leone in Tyrannia, & deinde a dracone in Hæreticis; nec minor suis hac draconis persecutio, quam leonis. Sed quomodo victus est leo in Martyribus, ita & victus est draco in Doctores. O quam gravissima fuit Augustino pugna cum isto dracone! Quam acerrimus exstirpator exitus Hæreticorum! Quis enim ita defendis Fidem, ut Augustinus? Quis tot libros composuit contra Hæreticos? Quis omnibus modis, disserendo, predicando, scribendo

310 DE SERVORUM DEI BEATIFICATIONE

bendo convictos ab Ecclesia Hæreticos expulit, ut Augustinus? O firmissimam Ecclesiam columnam! O magnum Fidei propugnaculum! Merito proinde ab Ecclesia Malleus Hæreticorum nuncupatus est.

4. Juxta doctrinam S. Antonini in *Summa part. 4. tit. 8. cap. 3. §. 7.* Fides alicujus magna ostendi potest primo, si alta de Deo sentit; secundo, si caduca pro præmio æterno contemnit; tertio, si in adversis in Deo confidit, & non deficit; quarto, si a bono opere non desistit. Aliter res explicatur ab Hugone de S. Victore *oper. tom. 2. serm. 35. pag. 235.* ubi hæc habet: Duo itaque sunt, in quibus constat Fides, cognitio scilicet, & affectus. Quorundam Fides cognitione magna est, affectu parva: quorundam vero affectu magna, cognitione parva. Alii Fidem & cognitionem, & affectum magnam; alii cognitionem, & affectum parvam habent. Verum, affectum magnum in Fide magis laudabilem esse, quam cognitionem magnam, Dominus manifeste ostendit, ubi Fidem grano sinapis comparavit, quod quantitate quidem parvum est, sed non fervore. Hinc mulieri Chananæ parvum quidem scienti adhuc, sed multum confidenti dictum est, Mulier, magna est Fides tua. At, ut clare procedatur in re, de qua nunc agitur, hoc est in exponendis regulis necessariis, utque tutum feratur judicium de heroicitate virtutum Servorum Dei, & signanter Fidei, dicimus, habitum communem Fidei Theologicæ dignosci primo ab externa confessione eorum, quæ in corde per Fidem creduntur: cum enim juxta Apostolum *ad Rom. 10.* corde credatur ad justitiam, ore autem confessio fiat ad salutem, & Fidei confessio sit præceptum affirmativum, Fidem aliquando confiteri, est de necessitate salutis, quando videlicet per hujus confessionis omissionem subtraheretur honor debitus Deo, & etiam utilitas Proximis impendenda juxta doctrinam D. Thomæ 2. 2. *quæst. 3. art. 2.*: secundo, dignoscitur ex observantia præceptorum: tertio, ex oratione ad Deum: quarto, ex cordis demissione & obedientia erga Deum, Ecclesiam Catholicam, & ejus visibile caput Romanum Pontificem in omnibus, quæ pertinent ad credendum & operandum propter salutem æternam: quinto, ex Fidei dilatazione, aut saltem ejus desiderio: sexto, ex timore Dei: septimo, ex cultu Dei, & Sanctorum: octavo, ex horrore peccati, & poenitentia ejusdem commissi: nono, ex patientia in adversis: decimo, ex lætitia in operibus bonis: undecimo, ex humilitate, & sui abiectione. Item dicimus, habitum heroicum Fidei ex iisdem actibus dignosci, si eorum videlicet frequentia suppetat, si facilitas, promptitudo, & delectatio eos comitentur, & si ex circumstantiis, in quibus prodierunt, aliquid arduum excellens adfuerit, quod admirationem conciliet, & sic agentem elevet supra communem operandi modum, etiam proborum virorum; ad quæ profecto concurrunt donum Spiritus Sancti, quod dicitur *donum Intellectus*, de quo *Psal. 15. v. 7. Benedicam Dominum, qui tribuit mihi Intellectum*; & *Psal. 31. v. 8. Intellectum tibi dabo, & instrum te in via hac, qua gradieris; firmabo super te oculos meos.* Hujus doni naturam bene explicat S. Bonaventura in *tract. de dono Intellectus* (cap. 3.

(cap. 3. pag. 263. oper. tom. 6.): Cum veritates necessaria ad salutem sint nobis abscondita, & quasi velata tam in rerum naturis, quam in sacris Scripturis, quam in Divinis Sacramentis, & figuris, in tantum, ut intellectus humanus sine adiutorio supernaturali luminis non possit ad eas apprehendendas plene pertingere, planum est, quod necesse fuit, ut Spiritus Sanctus intellectui humano superadderet aliquod lumen supernaturale, quo velamina dictarum veritatum penetraret, & veritates absconditas apprehenderet, & eas sic nobis manifestaret; quod utique Spiritus Sanctus facit, dum nobis domum Intellectus inspirat.

5 Qui hucusque dictorum probationes cognoscere cupit, poterit id facile consequi, manu admota ad tom. 2. in 3. lib. scilicet Cardinalis de Laurea disput. 32. art. 9. §. unic. per tot., & ad tom. 2. Alexandri Maderna in *Q. Q. Theolog. tract. 6. quest. 3. art. 3.* Infra nonnulla dicuntur de studio orationis, Sacramentorum frequentia, humilitate, tolerantia in adversis: hic autem (ne actum agere videamur) nonnulla tantum afferentur exempla ex Actis Canonizationum desumpta, quibus ea, quæ a citatis Auctoribus dicta sunt, possunt confirmari & corroborari.

6 Ex Actis itaque Canonizationis S. Teresie, & signanter ex relatione Rotæ Auditorum super ejus virtutibus art. 3. hæc habentur: Illam videlicet circa mysteria nostra Fidei habuisse maximam quamdam certitudinem, ita ut nihil, quantumvis clarum & evidens, adequari valeret certitudini, quam circa veritates infallibiles nostra Fidei ipsa habebat: quod ipsamet in quadam relatione sua vita scriptum reliquit his verbis &c. quod & verbo absque scriptis sapientius confessi sunt, ut probant testes &c. Apparet, Beatam Teresiam eo firmitus, & securius mysteriis Fidei adhefisse, quo ea sublimiora & obscuriora sibi videbantur; dicebat enim, ut in libro sua vite &c. & de predictis deponunt testes &c. & insimul cum hac Fidei certitudine erat tanta cognitio, quam Beata Teresia habebat mysteriorum Catholica Fidei, quod, ut notat Reverendissimus Tirafoneus ubi supra, quasi alter Moyses inspiciebat Deum invisibilem Fide adeo virtus, ac si illum clare videret: unde sæpe dicere solebat, se non invidere illis, qui in hac vita oculis corporeis Christum Redemptorem nostrum videre meruerunt. Videbatur enim ipsi, quod oculis Fidei ipsum Deum presentem in sanctissimo Sacramento altaris intuebatur, ita ut quantum ad hoc gauderet illius Divina presentia corporali. Ex Actis Canonizationis S. Petri de Alcantara, & signanter ex relatione Rotæ Auditorum in quarto articulo hæc subduntur: Ad idem inducimur ex exteriori confessione Fidei sapientissime, & enixe ab isto Servo Dei in decursu vite sua facta, quæ exterior confessio ordinatur ad significandum id, quod corde concipitur &c. Circa autem istam confessionem faciunt optime relata a testibus &c. ubi, quod Frater Petrus de Alcantara in Fide, tamquam in fundamento ceterarum virtutum, & principio nostra justificationis, habuit tantam firmitatem, quod, si occasio sese obtulisset, non dubitasset pro unico puncto Fidei mori; & quod in illo nihil erat ita certum, evidens, & clarum, quod posset attingere, nec de longe, certitudinem, quam habebat, veritatis infallibilis nostra sancta Fidei, contra quam nunquam tentationem habuit, quin petius habebat pro certo, quod

Inimicus

Inimicus generis humani non poterat illudere animam diffidentem de se, & firmam & fortem in Fide; & quod nec revelationes possent illum vacillare facere, nec in minimum dimovere ab eo, quod tenet, & pradicat Ecclesia Catholica, & sacra Scriptura docet. Ex Actis demum Canonizationis S. Paschalis de Baylon, & signanter ex relatione Rotæ Auditorum tit. de Fide inter cetera pro ejus magnitudine argumenta ita legitur: Magnam quoque in Ven. Dei Servo Fidem eluxisse &c. ex hoc intelligi potest, nam Frater aliquin ignarus, rusticus educatus in pabulis, nullis literis imbutus, mirabili sermonis profunditate de rebus celestibus, & de profundissimis Fidei nostre arcanis, & presertim de sacrosancto Redemptionis nostre mysterio loquebatur, & hoc idem in scriptis reliquit, audientesque in Fide confirmabat, ut deponunt testes &c.

7 En ergo, quomodo externa Fidei professio est actus Fidei, & ex ea habitus Fidei dignoscitur, & quomodo externa Fidei professio perfectiori quodam modo exhibita heroicum indicare potest habitum Fidei.

8 Quod dictum est de externa Fidei professione, applicari potest ceteris actibus supra indicatis, & ad habitum Fidei relatis. Inter ceteros actus Fidei propagationem, aut ejus desiderium, & sic zelum salutis animarum enumeravimus. Nunc autem opportunum esse videtur circumstantias exponere in causis præteritarum Canonizationum ponderatas, ex quibus major operis perfectio desumpta est, & sic heroicitas. In SS. Petro de Alcantara, & Teresa Fidei heroicitas ex desiderio Fidei propagationis, & morum reformationis desumpta est. De primo quippe legitur in citata relatione: Ponderatur ad ejusdem Fidei excellentiam probandam in hoc Servo Dei desiderium, quo flagrabat, propaganda Fidei, & conversionis Infidelium, in reformatione provincie Sancti Gabrielis, & reductione illius ad sui primævam regulam, & in fundatione provincie Sancti Joseph cum tanto rigore & asperitate, ex qua tot alie provincie emanarunt, ut supra retulimus; que omnia fuerunt directæ ad exaltationem Fidei, & ad conversionem Infidelium, ut notant &c. ad quem finem sui Religiosi zelo ardentis Charitatis, & in summa paupertate instituti cum penitentia, oratione, exemplo, & doctrina adjuvarent salutem animarum totius mundi, & conversionem totius Infidelitatis: De secunda autem ita ibidem subjicitur: Idem desumitur ex immenso desiderio propaganda Fidei, quo flagrabat, valde dolens Hæreticorum & Infidelium, qui carentes hac Divina luce damnabantur; & cum huic zelo, & Fidei exaltationi apud ipsos Hæreticos & Infideles videret se ipsam, tamquam mulierem, operam dare non posse, fecit, quantum potuit, fundando ac erigendo tot ecclesias, & monasteria Fratrum, & Monialium istius sacre Religionis non absque Divino consilio, tali intentione & sine præcepto, ut in illis Regula primitiva Beata Maria de Monte Carmelo cum perfectione observaretur, & quod continua oratione, jejuniis, aliisque penitentiae operibus in prædicta Regula contentis Christus Dominus a suis Religiosis summe coleretur, sicut Divino servitio traditi, magis acceptabiles & grates essent Deo eorum deprecationes & penitentiae, quas offerebat ipsa, & in sua Religione offerri curabat pro exaltatione sanctæ Fidei, Hæreticorum & Infidelium conversione, & pro defensoribus ejusdem Fidei Catholica.

9 Munera quoque, quæ a Dei Servis, dum viverent, præstita sunt, & occasiones, in quibus fuerunt constituti, & in quibus aliquid strenuum, & ultra commune operandi modum gesserunt, Fidei heroicæ argumentum suppeditarunt. S. Pius V. in civitate Comensi Inquisitoris munere, dum in minoribus esset, sanctus est, & a suprema Inquisitione Romana delegationem particularem obtinuit, ut, juris ordine servato, procederet contra Hæreticum cognomento *Plantam*, qui plurium suffragiis innixus præfici curabat Episcopatu Curienſi; & ut eadem Bergomi præstaret adversus ejus civitatis Episcopum hæretica labe infectum, & adversus Georgium Medolacum virum eloquentia & clientelis adeo instructum, ut ab inferendis illi debitis poenis Inquisitores deterriti abstererent: cumque Sanctus ille vir non modo Comi, sed & apud Helvetios, & Bergomi, quæ sibi mandata fuerant, feliciter peregiſſet, spretis carceris & vitæ periculis, quæ ipsi imminebant, merito hæc ad Fidei excellentiam pertinere dicta sunt in relatione Rotæ Auditorum *sic. de excellentia Fidei*; quam relationem per extensum edidit Bzovius in *tom. posthumo, & ultimo annualium Ecclesiasticorum col. 1162*. S. Jacobus de Marchia prædicationis munus obivit spatio annorum quadraginta, nec illud utcumque obivit, sed cum fervore adeo efficaci, ut languentem in audientibus Dei timorem & cultum Divinum instauravit, & hæresim Fraticellorum de opinione nuncupatorum suis prædicationibus tempore summi Pontificis Martini V. a provincia Marchiæ Anconitanæ extirpaverit; & ab Eugenio IV. Inquisitor hæreticæ pravitatis creatus in regnis Pannoniæ, & Hungariæ, infinitis propemodum exantlatis laboribus, non sine magno Catholicæ Fidei fructu & incremento, commissio sibi munere sanctus est: quæ omnia in relatione ejus causæ Auditores Rotæ heroicæ Fidei adscripserunt, quemadmodum videri potest in *sic. de Fide*. Mira sunt, quæ de prædicationibus S. Ludovici Bertrandi narrantur a Rotæ Auditoribus in relatione causæ ipsius *ead. sic. de Fide*: non modo enim in exteris regionibus cum magno vitæ discrimine Fidem propagavit, & ad veram Fidem quindecim hominum millia adduxit, sed & cum in ecclesia ruris de Albaida populo Dei verbum euangelizasset, & publica hominum peccata, ut sermonis materia suggerebat, acriter reprehendisset, vir autem equestris reprehensionem uni sibi factam existimasset, & intentata per famulum morte eum adigere voluisset, ut quæ publice dixerat, revocaret; magna cum benignitate & mansuetudine respondit, se mortem libenti animo subiturum, sed dicta non esse revocaturum: cumque die sequenti idem Eques tormentum igneum præ manibus habens illud adversus Sanctum explodere tentasset, exclamando, *Tu ne, inique Frater, audes reprehendere me?* sclopus in Crucifixum mutatus est, quo viso, supplex ad ejus pedes accessit; at Sanctus ejus pectus Cruce signans prohibuit, ne alicui, quæ viderat, patefaceret, cum triginta anni essent elapsuri, antequam aliquis hoc factum esset ab eo sciscitaturus, prout evenit. S. Franciscus Xaverius

intante Joanne III. Rege Lusitanæ, in Apostolicum Nuntium electus est a summo Pontifice Paulo Papa III., ut in insulis, provinciis, & locis mox recensendis confirmaret verbo & exemplo quotquot ibi Christianam Fidem fuerant amplexi, & eos, qui Fidem ipsam nondum agnoverant, ad illam agnoscendam, colendam, & custodiendam invitaret & induceret. Porro in ora Piscariæ, in Comorino promontorio, in ora Travancoridis, in insula Manaria, & Ceylano, in Coromandelo, Malacæ, in Amboino, in insula Moro, in Japonia, apud Sinas, & in aliis pluribus, & longe inter se diffitis Indiæ regionibus tanto cum fructu laboravit, ut ab ipso alibi duodecim millia, alibi viginti quinque millia, alibi integra oppida ac regiones, & alibi etiam ad centum usque millia ad Fidem adducta recenseantur; inter quos plurimi insignes nobilitatis genere extiterunt, & nonnulli Reges atque Dynastæ, imminetibus sæpissime vitæ periculis, uti satis constare potest ex barbarie & ferocitate populorum, contractoque demum lethali morbo, quo occubuit, itineris laboriosissimi causa, quod suscepit ad Sinas. Hæc, & alia Rotæ Auditores in suam relationem inferuerunt *tit. de Spe*, & ad eximia heroicæ Fidei signa retulerunt. De zelo conversionis Hæreticorum, quo SS. Carolus Borromæus, & Franciscus Salelius excelluerunt, alio in loco opportunius agetur; cumque non omnibus Dei Servi oblata fuerit, dum viverent, occasio fungendi munere Inquisitionis adversus hæreticam pravitatem, Concionatoris, aut Nuntii Apostolici, & Missionarii, uti etiam animadvertit Scacchus *de not. & sign. sanctit. sect. 3. cap. 1. pag. 181.* operæ pretium esse videtur alia Fidei heroicæ exempla exponere, quæ a Dei Servis exhibita sunt; occasione desumpta ab illis circumstantiis, in quibus juxta seriem vitæ fuerant constituti. S. Philippus Nerijs vitæ cursum Romæ peregit: zelo Fidei ardebat desiderio in Indias proficiscendi, ut in ea regione una cum quibusdam suis alumnis Evangelium prædicaret: sed de contraria Dei voluntate admonitus a quodam sancto Monacho Cisterciensi, a quo consilium ea de re petierat, quippe post fusas ad Deum preces responderat, Romam esse debere ipsius Indias, heroicis actus Fidei in Urbe exercuit, cum in ea Palæologum Apostatam & Hæresiarcham, & Hebræos nonnullos ad veram Fidem reduxerit, & alios in Fide confirmaverit, quemadmodum legitur in relatione Rotæ Auditorum *tit. de Fide*. Pro heroicæ Fidei argumento iidem Rotæ Auditores in relatione causæ S. Cajetani *tit. de Fide*, acceperunt, quod fere interierit præ dolore, cum civitas Neapolitana sanctissimæ Inquisitionis tribunal respuit; item, quod inexplicabili affectus sit moestitia, cum sacrum Concilium Tridentinum interruptum est; & demum, quod sedulus indagator Joannis Uvaldosi, & Bernardini Ochinani hæresim detexerit: & in relatione demum causæ S. Francisci Xaverii, de qua supra, & in relationibus causarum S. Ignatii, S. Mariæ Magdalænæ de Pazzis, & Ven. Dei Servi (nunc Beati) Hieronymi Emiliani *tit. de Fide*, quod longam, eximiam, & laboriosam curam in tradenda doctrinæ Christiana, & rudibus in Fide instruendis præstitierint.

10 Cetera opera supra indicata Fidem heroicam arguere possunt, si non ordinario, sed perfectiori modo supra pluries explicato exercentur.

§. I I.

De virtute Spei, & ejus heroicitate.

11 **F**idei succedit Spes, quæ a Theologis definitur, *Virtus Theologica, qua voluntas fertur in Deum, ut est beatitudo nostra, difficilis ad consequendum, sed qua obtineri tamen queat Divino auxilio, atque adeo mediis divinitus ad eum finem institutis*: ita Valent. tom. 3. *disput. 2. quest. 1. pñct. 1.* Item Spes definitur, *Certa expectatio futura beatitudinis proveniens ex gratia, & meritis præcedentibus*: ita Gerson. tom. 1. *part. 3. ubi agit de septem virtutibus in tract. de virtute Spei col. 297.* Rursus Spes describitur, *Habitus infusus, per quem voluntas firmiter tendit in Deum, ut in Bonum arduum futurum, consequi possibile ipsius Dei auxilio*: ita Salmanticenses tom. 3. *in arbore prædicamentali §. 3. num. 18.*

12 De Spe agit D. Thomas 2. 2. *quest. 17. per tot.*, ubi *art. 1.* probat, Spem esse virtutem, cum faciat actum hominis bonum, & debitam regulam attingentem. Cum enim aliquid possibile nobis sit dupliciter, uno modo per nosmetipsos, alio modo per alios, quando speramus aliquid ut possibile nobis per Divinum auxilium, Spes nostra pertingit ad ipsum Deum, cujus auxilio innititur; *art. 5.* ostendit, esse virtutem Theologicam, cum ejus principale objectum sit Deus; & *art. 6.* esse virtutem distinctam ab aliis virtutibus Theologicis, cum Charitas faciat hominem Deo inhærere propter se ipsum, Fides faciat hominem inhærere Deo, in quantum est nobis principium cognoscendi veritatem, & Spes faciat hominem inhærere Deo, prout est in nobis principium perfectæ bonitatis, in quantum scilicet per Spem Divino auxilio innitimur ad beatitudinem obtinendam. Idem S. Doctor *art. 7. & 8.* demonstrat, Fidem absolute præcedere Spem, & in via generationis Spem esse priorem Charitate; quod late etiam explicatur in sacro Concilio Tridentino *sess. 6. cap. 6. de justificatione.*

13 Juxta S. Bonaventuram in 3. *lib. sent. dist. 26. quest. 4.* duplici modo actus Spei elici possunt, formaliter videlicet, & virtualiter; & formalis actus elici quoque potest interius, vel exterius: interius quidem, cum aliquis mentem elevans in gloriæ æternæ contemplationem, illam desiderat Divino auxilio, in quo confidit, adipisci; exterius vero actus Spei elicitur, cum verbis se explicat aliquis ac dicit, se sperare vitam æternam, idque cum debitis circumstantiis & fundamentis. Virtualiter autem dicimus, aliquem elicere actum Spei, cum aliquid facit externum opus, in quo actus Spei includitur, puta, cum aliquis ex corde dolet de peccatis, aut aliquid enixe petit a Deo in ordine ad beatitudinem assequendam; hæc

316 DE SERVORUM DEI BEATIFICATIONE

enim non faceret, si in Deo Spem non haberet. Seclufus proinde actibus internis, de quibus (uti dictum est) Ecclesia non iudicat, in caufis Servorum Dei habitus Spei defumi poterit ex actibus externis formalibus, aut virtualibus, iuxta ea quæ modo dicta funt, & bene profequitur Scacchus de not. & sign. sanctis. fecl. 3. cap. 2.

14 S. Basiliius Magnus homil. 18. in S. Gordium Martyrem (oper. tom. 2. pag. 146. num. 5.) ejus vivam Spem defumit non modo ex factis, ex tolerantia videlicet tormentorum, sed etiam ex verbis vivam Spem exprimentibus media inter tormenta: *Martyr vero confectis in Deum oculis animam suam demulcebat his sacrorum Psalmorum verbis: Dominus mihi adjutor, & non timebo quid faciat mihi homo. Et illud: Non timebo mala; quoniam tu mecum es, & ejusdem generis alia, quibus ad fortitudinem excitamur, quæ e sacris eloquiis didicerat. Sed tantum absuit ut minis caderet, aut perterreretur, ut etiam provocaret in semetipsum supplicia: Quid constamini, inquit, quid stas? Lanietur corpus, torqueantur membra, perferant quoscunque volueritis cruciatus. Spem beatam mihi ne invideatis. Nam quanto magis tormenta augebitis, tanto majus mihi præmium comparabitis.* Similia funt, quæ refert S. Athanasius in vita S. Anthonii Albatii (pag. 803. num. 9. tom. 1. oper. part. 2.) ubi Spei in Deum adscribit celeberrimam victoriam, quam Antonius multitudine Dæmonum oppressus, & inflictis plagis pene exanimis relictus reportavit: *Hic adsum ego Antonius; non vestras fugio plagas, etiam si plures infuxeritis, nihil me separabit a Charitate Christi &c. Si consistant adversum me castra, non timebit cor meum.* Et S. Hieronymus in epitaph. *Paulæ matris ad Eustochium* (oper. tom. 1. col. 703.) refert, eam mediis in tribulationibus & angustiis illud Isaïæ pronuntiasse: *Qui ablactari estis a lacte, qui abstracti ab ubere, tribulationem super tribulationem expectate, Spem super Spem; & alia usurpasse ex Divinis eloquiis desumpta: Quoniam tribulatio patientiam operatur, patientia autem probationem, probatio vero spem, spes autem non confundit: post quæ & alia consimilia relata addit S. Doctor (col. 705.): His & talibus testimoniis quasi armatura Dei, & adversus omnia quidem vitia, sed præcipue instruebat se contra invidiam savientem, & patiendi injurias furorem rabidi pectoris mitigabat.*

15 Spes est effectiva dilectionis. Cum enim qui sperat Bonum aliquod obtinere, si sua virtute, vel a se ipso obtinere non possit, eum diligat, ejus virtute & auxilio illud obtinere potest, Spes ideoque cælestis præmii est causa, qua diligimus Sanctos, & multo magis facit nos diligere Deum, tanquam principale objectum future beatitudinis. Spes est delectationis productiva. Qui enim sperat, delectatur Bono, quod sperat: & quamvis Prov. 13. 12. dicatur, *Spes, quæ differtur, affligit animam;* causa tamen afflictionis manat a dilatione præmii, quod speratur: eo modo quo mater de filio absente & gaudet, & tristatur; gaudet, quatenus sperat, ipsum, quem amat, cum magno honore reversurum; tristatur ex dilatione, considerans præcipue pericula, quæ regressum impedire possunt. Spes est opera-

operationis perfectior; cum conatum & operationem excitet, ut futura beatitudo obtineatur. Spes denique est *premi collatrix*; cum illud Psalmi 39. 5. *Beatus vir, cujus est nomen Domini Spes ejus*, a S. Augustino ita explicetur, ut beatus scilicet sit ille vir, qui temporalia a Deo non sperat, sed ab eo tantum sperat æternam salutem. Hæc de Spe habentur in *Summa S. Antonini part. 4. tit. 7. cap. 2. §. 4.* Alias Spei qualitates idem S. Antoninus enumerat §. 5. quas felicissime explicat S. Gregorius lib. 8. in *Job cap. 7.* his verbis (col. 247. tom. 1. oper.): *Electus quisque vitam suam quasi mercenarii dies pensans, tanto fidentius Spe tendit ad premium, quanto nunc robustius perdurat ad laboris incrementum. Qui sit decursus præsentis temporis, pensat, dies cum operibus numerat; ne a labore vacua transeant vita momenta, formidat, adversis gaudet, passione reficitur, mœrore refertur; quia subsequenti vixæ præmiis tanto se remunerari largius conspicit, quanto pro amore illius quotidianis se mortibus verius impendit.*

16 At, ad institutum nostrum proxime accedendo, habitus Spei communis primo & principaliter adjuvat & inclinat ad sperandum ultimum finem, id est ad ipsum Deum videndum, & eo fruendum; secundario autem ad speranda concomitantia prædictum finem, hoc est, media & auxilia ad illum obtinendum necessaria. Item idem habitus communis Spei adjuvat & inclinat habentem ad spem suam in Deo constituendam in omni necessitate, & ad perferendum patienter omnia adversa propter vitam æternam. Habitus autem heroicus Spei adjuvat & inclinat ad sperandum finem ultimum, & media, sed cum maxima fiducia & securitate obtinendi, ad spem suam in Deo collocandam in omni necessitate, sed incessanter, alacriter, & firmissime, absque ullo prorsus dubio de eventu, & ad perferendum alacriter cum constantia imperturbata quævis mala, etiam extrema, propter vitam æternam cum assiduitate, promptitudine, delectatione, & perseverantia in actibus prædictis, aut saltem cum animi præparatione erga eos. Demum omnia opera bona Spem arguunt, & omnia opera bona eximia & sublimia Spem demonstrant eximiam, sublimem, & heroicam; veluti late prosequuntur supra citati Auctores, videlicet Cardinalis de Lauræa loc. alleg. art. 10., & Maderna loc. pariter alleg. art. 4.

17 Heroicam Spem S. Terefix Auditores Rotæ in relatione virtutum ejusdem desumpserunt ex perfecto modo sperandi, cum ipsum Deum tanquam finem, at reliqua creata Bona tantummodo speraverit & amaverit, quatenus necessaria, vel magis conducentia ad Bonum æternum consequendum; cum in solo Deo toto corde suo, tota securitate, & absque ulla dubitatione, aut hæsitazione, sed firmitate quemcumque timorem vanum & superfluum sollicitudinem excludente speraverit; cum ad eum solum in omni necessitate & in quocumque periculo, tota animi fiducia humiliter orando & indefinenter supplicando confugerit; & cum in eo & propter eum difficillimas res speraverit & consecuta sit, suæ videlicet Religionis

ligionis reformationem ; licet mulier effet , pauper effet , ægrotaret , omnibus humanis auxiliis effet destituta , efficacibus impediretur obstaculis , & pericula imminerent ; uti videri potest in prædicta relatione *art. 4. tit. De firmissima Spe B. Tereſſa* . Similia sunt ea quæ ab iisdem Rotæ Auditoribus narrata & probata legimus in relatione edita in causa S. Petri de Alcantara *artic. 5.* , cum ex testium dictis referant , eum in omnibus suis necessitatibus ad Deum , in quo solo sperabat , ferventissime confugisse , difficilia propter Deum aggressum fuisse , & , exantlatis in Domino laboribus , periculisque ejus auxilio superatis , reformationi provinciæ Sancti Gabrielis , & ejus reductioni ad primævam regulam , & fundationi provinciæ Sancti Joseph , & aliorum plurium monasteriorum strenuam operam navasse , & eorum alumnos ad perfectam induxisse paupertatem , exclusis videlicet quibuscumque redditibus , excluso quocumque adjutorio humano , & sola in Deo firmissima spe collocata . Item in relatione causæ S. Cajetani *tit. de Spe , & Fiducia in Deum* , in re & ad effectum , de quo agitur , iidem Rotæ Auditores institutionem referunt , & fundationem Religionis Clericorum Regularium Theatinorum talibus Constitutionibus institutam , ut nec in communi Bona stabilia possidere , nec elemosynas querere possent , sed , sola spe in Domino constituta , de oblati vivere deberent .

18 In aliis causarum relationibus ab iisdem Auditoribus narrata sunt , & probata ea , quæ sequuntur . In relatione scilicet causæ S. Ignatii aspera poenitentia , quam secit , de peccatis suis , cum per Fidem cognovisset , ad æternam beatitudinem peccatori aditum non patere , nisi per poenitentiam , nec quis poenitentiam agat , nisi speret indulgentiam : perfecta rerum temporalium renuntiatio ; res quippe terrenas præsentis despiciendo propter futura æterna Bona , & Christum sequendo , & solum in eo omnem fiduciam collocando , firmam & excellentem Spem dicitur habuisse : magna quoque sui ipsius diffidentia , cum in nullis suis rebus prudentiæ suæ innixus sit , sed ad Deum supplex per orationem confugerit : mira & ardua , quæ pro Dei gloria , & animarum salute ausus , aggressus , & persecutus est : lætitia præterea & jucunditas , quam habuit in laboribus , in ærumnis , in persecutionibus , quas pro Christo , & Justitia passus est . In relatione quoque S. Francisci Xaverii , postquam *tit. de Spe* facta est commemoratio despectus temporalium , voluntariæ perpeſſionis laborum , aggressionis difficultium , & quæ nec humanis viribus , nec auxiliis sperari poterant , aut expediri , securitatis in periculis , gaudii in adversis , iidem Rotæ Auditores sic concluderunt : *Et hæc omnia probant : habuisse ipsum ætiam Spem respectu præcipui objecti , quæ est æterna beatitudo , in quam tendimus , & Divinum auxilium , in quo nitimur . Sunt autem præterea plura alia , quæ probant de Spe respectu objectorum minus principalium , quæ tamen ad beatitudinem ipsam spectant , ut est venia peccatorum &c. Et Spei argumentum nullum validius est , quam quod exercitio ducitur bonorum operum , & actionibus virtutum , dicente Paulo , Sobrie , juste , & pie vivamus in hoc sæculo , expectantes*

Stantes beatam Spem &c. Significat enim per id, virtutum exercitium separari non posse a spe vite æternæ. Concordant aliæ relationes editæ in aliis causis, & signanter in causa S. Ludovici Bertrandi *tit. de Spe*, ubi sic legitur: *Hanc in Beato viro fuisse conclusimus, cum ipse in Religionem ingressus in solo Deo speraverit, in mortis periculis, etiam post assumptum venenum, impavidus spem in Deo collocaverit, & diversorum generum tum adversa valetudinis, tum illatos a Christiana Fidei hostibus cruciatus summa cum patientia toleraverit, solitus in agitudine illa verba usurpare, Domine, hic ure, hic seca, ut in æternum parcas; & magis se cruciari cupiebat ob certam spem futuræ beatitudinis: & in ea S. Thomæ de Villanova *ecd. tit. de Spe* pag. 500. post Contelorum de Canoniz. Sanctorum. De ingressu in aliquam Religionem, de Professione in eadem emissâ cum omnium temporalium abdicatione, & de lætitiâ ex nuntio vicinæ mortis proveniente queri potest, an Spes heroica dici possit. Ex ingressu in Religionem, & rerum temporalium abdicatione, si debite non desint circumstantiæ, ut videlicet hæc non fiat ex fine humano, sed ut Deo liberius & perfectius serviatur, nemo est qui non videat, Spem inferri posse; & etiam heroicam, dummodo impulsus aliquis minus dignus, sive humanus ad Professionem non impellat aut alliciat, veluti animadverterunt Rotæ Auditores in relationibus causarum S. Francisci Borgiæ, *art. 2. §. Item eadem Fides; S. Paschalis de Baylon, tit. de Fide, §. Ex quibus; S. Thomæ de Villanova, tit. de magnitudine Fidei, §. Oliverius; S. Felici a Gantalicio, tit. de Fide, vers. Et terrena despicies; S. Catharinæ de Ricciis, tit. de Fide, §. Tertio, ex perfecta; Servi Dei Juliani a S. Augustino, cap. 5. de Fide, §. Primo, quod præceptum est. Clariora autem heroicæ signa apparebunt, si aliæ accedant circumstantiæ. Assumptio clarior fiet exemplis. Ingressus S. Aloysii Gonzagæ in Religionem Societatis Jesu inter heroicæ actus Spei merito adscriptus est a Rotæ Auditoribus in relatione causæ, *tit. de Spe*: relicto enim Marchionatu Castilionesi postmodum in Principatum erecto, alacri animo, posthabitis humanæ vitæ voluptatibus & deliciis, prædictum Institutum amplexus est. Nonnulli Ecclesiastici Prælati, ut voluntati Marchionis patris obsecundarent, eum hortati sunt, ut aliam Religionem ingrederetur, cum in Societate dignitates, puta Cardinalatus, & similes, ex instituto Religionis, absque speciali præcepto summi Pontificis accipi non possint, pater autem optaret, ne hæc juveni decora intercluderentur. Ille vero intrepidus iter pedes arripuit; & postquam Romam pervenit, hospitio receptus a Scipione Gonzaga Patriarcha Hierosolymitano, postmodum ad Cardinalatus dignitatem erecto, nec per unicum diem differre voluit ingressum in Religionem. In relatione causæ S. Joannis de Deo; *tit. de Spe, & de Charitate in Deum, & in Proximum*, Religionis fundatio, & in eam ingressus tanquam quid heroicum habita sunt, cum mirabilis præcesserit ad Deum conversio; audita quippe concione insignis viri Magistri Avilæ, carnem & Diabolum abiecit, mundavit se a peccatorum colluvie, in platea publica se cœno ac luto**

luto involvit, lapide percutiens pectus misericordiam peccatorum, ac veniam a Deo deprecatus est, & habitus tanquam insanus, in dementium valetudinarium deductus, & saevus verberibus caesus omnia seculo animo tulit; neque timuit, quod faceret sibi homo, cum in Deo speraret; nec respexit in vanitates & insanias falsas, cum nomen Domini esset spes ejus. In relatione causæ S. Paschalis de Baylon *ead. tit. de Spe*, pro Spei eximie argumento narratur, quod, licet ex paterna hereditate tenuem portionem consequi posset, oblatam tamen sibi heri divitis hereditatem recusavit, & Christum secutus in arctissimam Discalceatorum S. Francisci Religionem ingressus sit. Demum in vita S. Hyacinthi Ord. Prædicat. scripta a Patre Severino Cracoviensis Magistro sacræ Theologiæ ejusdem Ordinis *lib. 1. cap. 4.* hæc de ejus ingressu in Religionem S. Dominici habentur: *Accedit Hyacinthus adhuc sæculi conversatione detentus, & miraculi perpetratione, Beatissimique Dominici tanquam solis inflammantis radiis accensus, cum Beato Ivene Episcopo communicato consilio, in corde suo destinat, abjectis humana conversationis retibus, Apostolica perfectionis se innodare vinculis. Non enim familie splendor, non sanguineorum numerofitas, non Pontificis antiqua consuetudo, non Canonicatus amor, non divitiarum copia, non denique omnes totius mundi illecebra poterant a proposito pia conversationis revocare.*

19 De læto nuntio vicinæ mortis, & de ipsa mortis meditatione plura ad rem habentur in citatis, & aliis relationibus Rotæ Auditorum. In relatione causæ S. Philippi Nerii, *tit. de Spe* hæc leguntur: *Per virtutem Spei Philippus certissime vitam æternam se consecuturum esse, sperabat; ideo libentissime de morte loquebatur, & per aliquot dies, antequam ex hac vita migraret, adeo libenter de ea loquebatur, ut ex dictis gestisque appareret, magno cum gaudio exultare.* In relatione S. Terefiæ, *art. 4.*: *Septimo & ultimo arguitur, ipsam excellentem Spem habuisse Beatam Terefiæ, in illaque usque ad ultimum vitam extremum perseverasse, ex ardentissimo desiderio ex hac vita migrandi, ut summo Bono fruereetur &c. Quam perfectissimam Spem morti proxima satis aperte monstravit, cum mira securitate coram sanctissimo Eucharistia sacramento, quando illud Divinum Viaticum suscipere volebat, quasi amore languens dixit illi verba hæc: O Domine, o Sponse mi, accessit tandem tempus optatum: æquum est, ut te videam: tempus est, mi Domine, ex hac vita migrem: fiat, obsecro, juxta placitum tuum. Venit demum hora, qua hoc exilio eripiar, & te fruam, quem tam ardentem exoptavi.* In Relatione S. Ignatii *ead. tit. de Spe*: *Quod autem Beatus Pater Spem firmam, & excellentem habuerit, probatum censuimus.* Post alia plura allegata argumenta dicitur: *Ex suavi mortis delectatione, qua continua in eo erat, ut deponunt testes &c. quorum aliter ex auditu ab ipso Beato Ignatio ait, quod dicta meditatio erat in eo adeo frequens, ut ab ea debuerit mentem abstrahere, ne valetudini noceret; nec enim illa continua propria mortis meditatio sine ullo timore & tristitia, immo cum summo gaudio & delectatione potuit esse sine secura, certa, & perfectissima spe consequendi beatitudinem.* In relatione causæ S. Petri de Alcantara *ead. tit. de Spe*: *Hanc perfectissimam Spem in Deo solo*

solo ex toto corde in gradu heroico demonstravit, quando agrotus, propinquusque morti, de illaque a Medico corporali certificatus, hilari animo, genibus in terra flexis, oculis in Deum intentis, pronuntiavit illud Psalmista: Lætatus sum in his, quæ dicta sunt mihi, in domum Domini ibimus. Ubi notanda est lætitia, quæ fuit affectus, quando mors appropinquans sibi fuit nuntiata, & hoc quia, ut dixit In domum Domini ibimus, quasi certus de gloria, pro qua consequenda per tot annos & totum vitæ curriculum militaveras, & quia jam videbas finem laborum & portum peregrinationis, & se vicinum paradiso, ubi satietaret suum continuum desiderium videndi Deum facie ad faciem: quæ omnia processerunt ex illa perfectissima Spe, quam habebas in Deo, & in suis promissionibus factis diligentibus se. In relatione S. Aloyii Gonzagæ tit. de Spe: In extremo vitæ constitutus, & omni vivendi voluntate spoliatus, Patri Antonio Guelfuccio, qui illi curabat suadere desiderium vitæ longioris, ut Deo diutius posset inservire, respondit cum Apost. 1.1: Melius est dissolvi. Subinde petiit, ut sibi ad Spem, magis excitandam revocaret in memoriam illud Psalmi, Beatus vir, cujus est nomen Domini spes ejus; & non respexit in vanitates & insanias fallas: & Illustrissimo Cardinali Bellarmino, qui eum hortabatur, ut a Deo vicam longiorem postularet, quo ejus exemplo ceteri instruerentur, veniam petita, negavit, id exequi se posse; quia non potest (inquit) major a Deo in hominem conferri gratia, quam ad se illum vocare, dum in gratia reperitur; in quo gratia statim tunc esse sperabat. Demum in relatione S. Catharinæ de Ricciis eod. tit. de Spe: Terto ex ipsa tum mortis meditatione sine tristitia, tum ad eam lætissima preparatione, & circumstantiis exhibita consolatione, quod non potuit esse sine secura & perfectissima Spe, quæ scilicet, mortem sibi fore salutarem excessum, & maximum lætium, pusabat;

20 Spei Theologicæ respondet donum Timoris, Timoris, inquam, non mundani, non servilis, qui, licet sit a Spiritu Sancto, potest annexam habere voluntatem peccandi, sed filialis & casti, per quem ipsum Deum reveremur, & refugimus nos ipsi subducere: ex quo proinde intertur, Timorem filialem, & Spem sibi invicem cohærere, cum per Timorem filialem non timeamus, ne nobis deficiat, quod speramus obtinere per auxilium Divinum, sed timeamus, ne ipsi nos hoc auxilio privemus, juxta doctrinam D. Thomæ 2. 2. quæst. 19. art. 9. ad primum. Cumque virtuti Spei respondeat donum Timoris, & pro heroicitate influxus requiratur alicujus doni Spiritus Sancti, influxus doni pro heroicitate virtutis Spei erit influxus doni Timoris, non cujuscumque, sed ejus, de quo modo dictum est.



§. III.

De virtute Charitatis in Deum, & ejus heroicitate.

21 **C**haritas definitur, *Habitus supernaturalis inclinans ad amandum Deum super omnia amore amicitiae*: quam definitionem late explicant Salmanticenses *loc. cit. §. 4. num. 21. & seqq.* De Charitate agit D. Thomas 2.2. *quest. 23. & seqq.*, ubi *art. 3.* probat, Charitatem esse virtutem, cum Deum attingat, & nos cum Deo conjungat, juxta illud S. Augustini *de morib. Eccles. cap. 11.* *Charitas est virtus, quæ (cum nostra affectio est rectissima) conjungit nos Deo, quæ cum diligimus: art. 6.* ostendit, Charitatem esse excellentissimam virtutum, juxta illud *ad Corinth. 1. cap. 13. v. 13.* *Major autem horum est Charitas*: & additur, quod attingit ipsum Deum, ut in ipso sistat, non ut ex eo aliquid nobis proveniat: *art. 7.* ait, veram virtutem sine Charitate esse non posse; licet enim dari possit aliqua virtus, quæ ordinetur ad aliquod Bonum particulare, quod in se sit verum Bonum, hæc erit vera virtus, sed non perfecta, nisi referatur ad finale & summum Bonum: & *art. 8.* idem S. Doctor ait, Charitatem esse formam virtutum, cum per eam actus omnium aliarum virtutum ordinentur ad ultimum finem. Item de Charitate ita scribit Cardinalis Bona in *tract. de principiis vite Christianæ (part. 2. cap. 49. oper. tom. 1.)*: *Consistit igitur sanctitas in omnimoda puritate, & in immobili cum Deo unione, quæ altissimo amoris nexu perficitur, cum expurgata anima ab omni rubigine terrenorum affectuum, cunctisque rebus celsior, eam iustitia perfectionem adeptæ est, ut vere & secure audeat dicere cum Apostolo: Quis me leparabit a Charitate Christi? Tribulatio, an angustia, an fames, an nuditas, an periculum, an persecutio, an gladius? Certus sum enim, quia neque mors, neque vita, neque Angeli, neque Principatus, neque Virtutes, neque instantia, neque futura, neque fortitudo, neque altitudo, neque profundum, neque creatura alia poterit me separare a Charitate Dei, quæ est in Christo Jesu Domino nostro Rom. 8. 35. Jejunia, elemosynæ, castigatio carnis, usus Sacramentorum, & alia ejusdem generis exercitationes ad consequendam sanctitatem plurimum valent, sed sine Charitate nihil profunt, quamvis in cibis pauperum omnes facultates distribuantur, & proprium corpus igni tradatur, ut docet Apostolus 1. Corinth. 13. v. 3.*

22 Idem S. Thomas *quest. 24. art. 8.* querit, utrum Charitas in hac vita possit esse perfecta, docetque, perfectionem tripliciter contingere posse: uno modo, ut totum cor hominis actualiter semper feratur in Deum; & hæc est perfectio Charitatis Patriæ, quæ non est possibilis in hac vita, in qua impossibile est propter humanæ vitæ infirmitatem semper actu cogitare de Deo, & moveri dilectione in ipsum: alio modo, ut homo studium suum conferat ad vacandum Deo, & rebus Divinis, prætermisiss aliis, nisi quantum necessitas præsentis vitæ requirit; & ista est perfectio Charitatis,

tatis, quæ est possibilis in via, non tamen est communis omnibus habentibus Charitatem: tertio modo, ut habitualiter aliquis totum cor suum ponat in Deo, ita scilicet, ut nihil cogitet, vel velit, quod Divinæ dilectioni sit contrarium; & hæc perfectio communis est omnibus Charitatem habentibus: cui subscribit S. Antoninus in *Summa*, part. 4. tit. 6. cap. 2. §. 2.

23 Gradus Charitatis erga Deum narrantur & exprimuntur a D. Thoma opusc. 61., a S. Bernardo lib. de diligendo Deum col. 589. vol. 1., & a S. Bonaventura in *pharetra Divini amoris* lib. 2. cap. 25. pag. 145. oper. tom. 6. Primus est languere utiliter, juxta illud Sponsæ in Cant. Fulcite me floribus, stipate me malis, quia amore langueo; secundus est Deum incessanter querere, juxta illud Psal. 104. v. 4. *Quarite Dominum, & confirmamini, quarite faciem ejus semper*: tertius est operari indefinenter, juxta illud Genes. 29. v. 20. *Servivit ergo Jacob pro Rachel septem annis, & videbantur illi pauci dies pro amoris magnitudine*: quartus est sustinere sine fatigatione, unde Christus Matth. 5. v. 10. *Beati, qui persecutionem patiuntur propter justitiam, quoniam ipsorum est regnum celorum*: quintus est appetere impatenter, unde dicitur in Psal. 83. v. 2. *Quam dilecta tabernacula tua, Domine virtutum! concupiscet, & deficit anima mea in atria Domini*: sextus est currere velociter, juxta illud Psal. 118. v. 32. *Viam mandatorum tuorum cucurri, cum dilatasti cor meum*: septimus est audere vehementer, quocirca Propheta Psalm. 72. v. 25. & seq. ad Deum clamans ait: *Quid enim mihi est in calo, & a te quid volui super terram? Defecit caro mea, & cor meum, Deus cordis mei, & pars mea Deus in æternum*: octavus est stringere indissolubiliter, unde Apostolus ad Philipp. 1. v. 21. *Mihi enim vivere Christus est*; & cap. 3. v. 20. *Nostra autem conversatio in celis est*; & ad Galat. 2. v. 20. *Vrvo autem ego jam non ego, vivit vero in me Christus*: nonus est suaviter ardere, de quo in Psal. 38. v. 4. *Concaluit cor meum intra me, & in meditatione mea exardescet ignis*: decimus est similitudo perfecta cum Deo, eo modo, quo creaturæ in hac vita competere potest; de qua similitudine in 2. Petri 1. v. 4. legitur: *Per quem maxima & pretiosa nobis promissa donavitis, ut per hæc efficiamini Divina consortes naturæ*. Petrus ibi loquitur de iis; quæ Deus nobis per Christum donavit: sunt autem ea omnia, per quæ homo efficitur principium operationum supernaturalium, & moraliter perfectarum; quarum ratione assimilatur in modo operandi supernaturali Divinæ naturæ, & declinat ab operationibus concupiscentiæ & corruptionis, quemadmodum desumitur ex his ejus verbis loc. cit. v. 2.: *Gratia vobis, & pax adimpleatur in cognitione Dei, & Christi Jesu Domini nostri, quomodo omnia nobis Divina virtutis sua, quæ ad vitam & pietatem, donata sunt per cognitionem ejus, qui vocavit nos propria gloria & virtute, per quem maxima & pretiosa nobis promissa donavitis, ut per hæc efficiamini Divina consortes naturæ*. Et quia qui consort est Divinæ naturæ, & similis Deo in operando actiones moraliter bonas & supernaturales, declinare debet ab operationibus concupiscentiæ & corruptionis, additur v. 4.: *Fugientes ejus, quæ in mundo est, concupiscentiæ corruptionem*.

24 Cum Charitas in voluntate existat, Scacchus de not. & sign. sanctis. scilicet. 3. cap. 3. sapienter docet, eam ab actibus externis esse desumendam, & signanter ex zelo Divini cultus & honoris, ut nimirum Deus ab omnibus ametur & colatur; ex desiderio moriendi, ut per mortem omnimoda fiat conjunctio cum Deo; ex gaudio interno externis signis expresso, cum de Deo fuerit fermo; ex pace in quibuscumque adversis, & ex lætitia, si contingerit aliquid pro Deo pati: unde de se dicebat Apostolus ad Rom. 8. 35. & seq. *Quis ergo nos separabit a Charitate Christi? Tribulatio, an angustia, an fames, an nuditas, an periculum, an persecutio, an gladius? . . . Certus sum enim, quia neque mors, neque vita, neque Angeli, neque Principatus, neque Virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare a Charitate Dei: & Rotæ Auditores in relatione causæ S. Francisci Xaverii tit. de Charitate in Deum, dixerunt eam probatam ex præcipuis iis indiciiis, quibus lætens in animo clarissime proditur; quæ indicia esse dixerunt effectiorem operum obligationis & consilii, Proximi dilectionem, Divinam conversationem, sui ipsius neglectum, timoris extinctionem, vitæ mortisque contemptum, & perpetuam Dei memoriam.*

25 Coherenter ad hæc S. Maximus Taurinen. (hom. 4. pag. 24. tom. 6. Bibliot. PP.) S. Petri Apostoli ardentem Charitatem erga Jesum his verbis exposuit: *Ambulavit enim in mari Petrus magis dilectione, quam pedibus. Non enim videbat, ubi pedum vestigium poneret; videbat autem, ubi figeret vestigium Charitatis. In navis enim positus considerat Dominum, & amore ejus ductus descendit in mare. Non cogitat labentes aquas, non fluentia currentia, & dnm Christum respicit, non respicit elementum. Et Auctor Actorum St Agnetis (ap. Surium ad diem 21. Maji) sic eam inducit Juveni illius amore capto respondentem: Discede a me . . . pabulum mortis . . . quia jam ab alio amatore præventa sum. Non potero ad consumeliam prioris amatoris vel aspicere alium, & illam derelinquere, cum quo sum Charitate devincta. Et S. Hieronymus in epitaph. Paula ad Eustoch. (col. 688. oper. tom. 1.) describens ejus discessum ab Urbe, ut ad visitanda loca sacra Bethlemitica accederet, dilectionis Dei super omnia nobile suppeditat exemplum: *Descendit ad portum, fratre, cognatis, affinibus, & quod his majus est, liberis prosequentibus, & clementissimam matrem pietate vincere cupientibus. Jam carbasæ tendebantur, & remorum ductu navis in altum protrahabatur. Parvus Toxorius supplices manus tendebat in litore. Rufina jam nubilis, ut suas expectaret nuptias, tacens fluctibus obsecrabat. Et tamen illa siccos tendebat ad cælum, oculos, pietatem in filios pietate in Deum superans. Nesciebat se matrem, ut Christi probares ancillam. Torquebantur viscera, & quasi a suis membris distrahatur, cum dolore pugnabat: in eo cunctis admirabilior, quod magnam vincere charitatem. Inter hostium manus, & captivitatis duram necessitatem ubi crudelius est, quam parentes a liberis separari. Hoc contra jura natura plena Fides patiebatur, immo gaudens animus apperebat; & amorem filiorum, majore in Deum amore contemnus, in sola Eustochio, quæ & propositi & navigationis**

gationis ejus comes erat, acquiescebat. Sulcabat intorim navis mare, & cunctis qui cum ea debebantur, litora respicientibus, ipsa aversos tenebat oculos, ne videres, quos sine tormento videre non poterat. Fator, nulla sic amoris filios, quibus, antequam proficisceretur, cuncta largita est, exheredans se in terra, ut hereditatem invenires in calo. Plura alia facile cumulari possent, si hic ageretur de Martyribus; Sanctus enim Laurentius sic Tyrannum alloquitur in sermone Sancti Leonis de eod. S. Laurentio (pag. 168. tom. 1. oper.): Nihil obtines, nihil proficis, serua crudelitas. Subtrahitur inventis quis maceria mortalis, & Laurentio in calos abeunte, tu deficis. Flammis tuis superari Charitatis Christi flamma non potuit; & segnior suis igne, qui foris uestit, quam qui intus accendit. Et de memorato S. Laurentio hæc habentur apud Auctorem sermonum in append. tom. 5. S. Augustini serm. 206. n. 25. cap. 23. col. 341. Corporali enim Beatus Laurentius laborat incendio, hinc amore Christi succenditur, inde Persecutoris flamma torquetur. Sed Divinus Salvatoris ardor materialem Tyranni restringit ardorem. At, quoniam agitur in presenti de Confessoribus, habitus communis Charitatis erga Deum ex omnibus actibus supra ex Scaccho desumptis comprobari poterit; habitusque Charitatis heroicæ erga Deum ex iisdem pariter actibus dignoscetur, si frequenter, si prompte, si alacriter, si cum delectatione, si in arduis, & cum vitæ, vel Bonorum periculo emittantur. Frequentiam actuum exposcit Scacchus loc. cit. pag. 208. Quia tamen actus isti Charitatis frequentiores in aliquibus, minus frequentes in aliis esse possunt, propterea necesse erit, attendere in his Dei Servis, an actus Charitatis, & Divini amoris frequentes fuerint, an de raro producti: ex frequentatione namque actuum habitus Charitatis magis, vel minus intensus haurietur, & ex actibus aliqui erunt intensiores, minus intensi, ac remissiores alii. Operis arduitatem etiam cum vitæ, & Bonorum periculo luse exponit Cardinalis de Laueræ in 3. lib. sent. tom. 2. disput. 32. art. 11. num. 330. Aliud communis Charitatis signum est observantia Divina Legis; heroica vero Charitatis est observantia cum Bonorum omnium, etiam vitæ, periculo; & rursus num. 337. Aliud Charitatis communis signum est zelus Dei honoris; heroica vero est fervens zelus, quo nihil timetur, nec ipsius vitæ periculum, ut Dei honori consulatur. Promptitudo demum, facilitas, & delectatio, quæ sunt comites heroicitatis in virtute Charitatis, adscribitur dono Sapientie, quod, utpote præstantissimum, respondet Charitati virtutum nobilissimæ, juxta ea quæ habentur apud Salmanticenses loc. cit. §. 4. num. 23. Sapientia quippe donum Spiritus Sancti est sapor ille, ac dulcis gustus, qui in notitia & contemplatione Divinorum, seu rerum Fidei credendarum & agendarum obtinetur, juxta illud Psalm. 18. v. 10. Judicia Domini vera &c. desiderabilia super aurum & lapidem pretiosum multum, & dulciora super mel & favum. Quocirca Guillelmus Abbas de natura & dignit. Amor. (inter opera S. Bernardi vol. 2. col. 268.) cap. 10. num. 29. dixit; Gustum autem (qui fit in Sapientia) sequitur quadam saporis dulcedo, quam in interiori suo sentiens anima modo quodam singulari, & ceteris sensibus incommunicabili, qua suscipit, cuncta discernit, & dijudicat, sequere, omnesque sensus vegetat & confortat.

26. Ad hæc referri possunt, quæ de Charitate erga Deum habentur in Actis Canonizationum, & signanter in relationibus Rotæ Auditorum, quæ adhuc extant, & quæ præcipue ad sequentia capita reducuntur, ad mentem videlicet semper in Deum intentam, ad frequentem de Deo piam locutionem, ad continuam considerationem Divinæ bonitatis, & mysteriorum nostræ religionis, & præcipue Passionis Domini nostri Jesu Christi, ad meditationes pro excitando in se amore erga Deum, ad relationem in ipsum omnium cogitationum, verborum, & operum, ad gravem molestiam ob absentiam Christi, ad observantiam præceptorum & consiliorum, ad ecstases & raptus (de quibus alibi), & ad nonnulla signa extrinseca, quibus aliquando Deus servorum suorum internam Charitatem manifestare dignatus est, quorum nonnulla hic referentur, alia autem alio in loco narrabuntur.

27. In relatione ergo causæ S. Petri de Alcantara hæc habentur tit. de Charit. Idem desumitur ex mente intenta, quam perseveranter in Deum habuit, ut fere numquam ab illius præsentia, & Divina consideratione, & oratione recessisset, ad instar ardentem amantium, qui diu nocturne de persona dilecta fideliter intenteque cogitant: quod in isto Servo Dei evenisse, probant testes &c. Quæ veritas confirmatur ex proposito efficaci, & cura continua, qua ambulabat, sui ipsius, suarumque actionum, & cogitationum de non offendendo Deum sibi adeo dilectum; quod inter alia signa bene demonstravit, quando per tres annos continuos semper incessit oculis clausis, ne videres occasionem offendendi Deum, & distrabendi se ab illius præsentia. In relatione S. Isidori eod. tit. de Charit.: Quod etiam probatur ex illa mente intenta, quam perseveranter Isidorus in Deum habuit, ut fere numquam ab illius præsentia, & Divina consideratione, & oratione recessisset ad instar ardentem amantium, qui diu nocturne de persona dilecta fideliter, intenseque cogitant. In relatione S. Ludovici Bertrandi tit. pariter de Charit. in Deum: Sapissime contemplationi vacabat, indefessus in oratione persistebat, cum de rebus Divinis loquebatur, adeo ejus anima & pectus Divini amoris estu fervebat, ut ad omnia sive prospera, sive adversa se paratum ostenderet, omnesque denique actiones in Dei honorem dirigebat. In relatione causæ S. Mariæ Magdalensæ de Pazzis eod. tit. de Charit. in Deum: Quidquid loquebatur, seu meditabatur, dirigebat ad Deum, cuius voluntati cuncta subiciebat, asserens, numquam se aliquid facturam, quod præter illam esset, vel illi quoquo modo adversaretur &c. Nihil habebat jucundius, quam desiderium, ut assidue Dei cultus & notitia mortalium mentibus increbresceret & augetur: quapropter, quoties legerentur gesta virorum Christiana pietate insignium, qui vel pro Dei veneratione, vel pro religionis incremento laborarent, ipsa sancto gaudio exsiliæ videbatur, & gratias agebat Deo, qui dignaretur admirabiliora operari per alios, quam per se ipsam; majorem namque ex aliis, quam ex se, Domino processuram gloriam arbitrabatur. Acriter e contra afflictabatur, cum cerneret, Religiosorum hominum cultus Divino cultui intepescere, & a strictiori illa semita declinare, per quam primi ducet iter arriperunt. In relatione causæ S. Andreæ Avellini tit. de Charit.: Hanc

oximiam

eximiam Charitatem Andrea erga Deum probari censuimus, ex maximo affectu ipsius erga Passionem Domini nostri Iesu Christi; nam, ut testes deponunt, erga illam fuit maxima devotione accensus, ita ut ingentem lacrymarum imbrem solitus esset profundere, dum de ea verba faciebat: quod pro maximo amoris signo accipiendum est, cum lacryma ex intimo amantis affectu, & amore languentis provocentur. In relatione S. Tereſiæ super virtutibus *sic. de Charit.*: Primo, istius Divini amoris indicium manifestum desumitur ex ceteris aliis virtutibus, quibus illam Deus condecoravit. Secundo, hoc ipsum demonstratur ex mente intenta, quam perseveranter Beata Tereſia in Deum habuit, ut fere numquam ab illius presentia, & Divina consideratione, vel contemplatione recesserit ad instar ardentis amantium, qui diu noctuque de persona dilecta fideliter intensesque cogitant &c. Tertio, ad idem nos induxit, quod ita Beata Tereſia Deum super omnia propter ipsum solum amavit, ut gloria ejusdem Dei omnipotentis desiderio arserit, eamque augeri, summe summisque laboribus curaverit tam in reformatione istius Ordinis, illiusque propagatione, quam in mirabili doctrina librorum, quos conscriptos reliquit, ac in omnibus aliis suis actionibus & virtutibus heroicis &c. Quod etiam demonstravit in afflictione, qua animum suum vehementer cruciabat multitudo Hæreticorum, & ardens desiderium, quo de illorum conversione flagrabat, & continua sollicitudo, qua pro prædictis semper Deum precibus efflagitabat, ut ipsius Dei gloria augeretur &c. Quarto, accedunt prædictis efficax propositum, curaque continua sui ipsius, suarumque actionum, ac cogitationum, qua ambulabat, de non offendendo Deum sibi adeo dilectum nedum culpa veniali & levi, verum nec actu aliquo minoris perfectionis; ex quo processit illud votum rarum, ac notatum dignum, quod emisit, nempe semper agendi, quod inter multa, qua illi occurrerent, gratius & acceptius Deo sibi videretur. Quinto, istius amoris Divini in Beata Tereſia fortissima vis ostenditur ex molestia gravi, qua ex Christi absentia cor suum tamquam sagitta transfixum gerebat, ex qua animam exhalare sibi videbatur, ita ut voces amoris signa, cum absentia dolorem auferre non posset, ederet &c. Octavo, quid apertissime amorem Dei inestimabilem erga suam sponsam Tereſiam arguit, fuit impetus amoris ultimus & magnus, quem morti proxima sensit, ex quo potius, quam ex vi morbi se obivisse, revelavit. In relatione S. Ignatii eximia Charitas erga Deum comprobata fuit primò ex summo studio, quo curavit, propter Deum benefacere Proximo in spiritualibus & temporalibus; secundo, ab excellentia aliarum virtutum; tertio, ex maxima diligentia, qua studuit, cor suum mundum custodire, ita ut pluries in die maxima diliquisitione conscientiam suam examinaret, etiam de erratis in quotidiana meditatione: quarto, ex meditationibus, & signanter ex illa, quam faciebat ad se excitandum ad amorem spirituales; ad memoriam quippe revocatis omnibus beneficiis & donis particularibus sibi a Deo collatis, omnia sua & se ipsum cum summo affectu Deo offerebat: demum ex directione omnium cogitationum & verborum & operum in Deum, tanquam ultimum finem. Strenuam præceptorum & consiliorum observantiam, ferventia cum Deo colloquia, abjectionem cuiuscumque

que timoris in periculis obeundis & arduis operibus aggrediendis, contemptum vitæ & mortis propter Deum, assiduam de Deo cogitationem iidem Rotæ Auditores observarunt tanquam signa eximie Charitatis in Deum in relatione causæ S. Francisci Xaverii. Aliqua ex prædictis pariter recensentur in relatione causæ S. Francisci Borgiæ; & in relatione causæ S. Aloysii Gonzagæ tit. de Charit. in Deum hæc habentur: *Rursus perfecta in Deum Charitas amantissimi juvenis ostenditur, ex quo, cum aliquem de ipso Deo loquentem audires, vehementer accendebatur in facie, ita ut aliquando profunderet lacrymas: quancubrem Socii illum aliis sermonibus deducere, & Superiores prohibere cogebantur, ne continuo in res Divinas cogitationem dirigeret, ad evitandum maximum corporis detrimentum.* Demum, ut aliqua exponantur extrinseca signa internæ serventis dilectionis & charitatis, præter lacrymas, de quibus alibi loquimur, & præter alia eximia signa, de quibus alio in loco opportunius sermo instituetur, in citata relatione causæ S. Mariæ Magdalenzæ de Pazzis narratur, eam æstuantem Divino amore aliquando tanto impetu ferri consuevisse, ut hortos & claustra percurreret, vestes dilaceraret, Moniales forte occurrentes sancto furore raperet, percunctando, an & ipsæ hoc amoris ardore fervere; easque, si annuerent, amplecteretur, si negarent, vehementissime provocaret; aliquando etiam fontem peteret, vel puteum, ut inter frigescentes undas brachia & manus mergeret, & sinum asperzione recrearet: & in relatione causæ Servi Dei Nicolai Factoris tit. de Charit. in Deum, sic dicitur: *Hujus ardoris incandescens tam violentus eluxit e pectore Nicolai, ut illa fornace actus flare loco nesciret, sed, cum ob rigentem hiemem gelu acuto aqua saturaret, ipse lacus & fontes ad extinguendos pectoris aestus impatienter adiret, & coniectus in undas in imis visceribus temperiem quæreret; qua tamen unda, tamquam igne admo, ex templo fervere videbatur, & penitus ebullire.*

§. I V.

De virtute Charitatis in Proximum, & ejus heroicitate.

28. **I**N 1. Joannis 4. v. 21. legitur: *Hoc mandatum habemus a Deo, ut qui diligit Deum, diligit & fratrem suum*: ex quo loco D. Thomas desumit, habitum Charitatis non solum pertinere ad dilectionem Dei, sed etiam extendi ad dilectionem Proximi; uti videri potest 2. 2. quæst. 25. art. 1. Idem S. Doctor ead. 2. 2. quæst. 44. art. 7. rationem docet, & modum dilectionis Proximi: *rationem*, quia ex Charitate diligere debemus alios, cum sint nobis proximi, & secundum naturalem Dei imaginem, & secundum capacitatem gloriæ: *modum*, quia debemus diligere Proximum propter Deum, sicut nosmetipsos pariter propter Deum diligere debemus; cum deceat Proximo, non in malo, sed in bono annuere, quemadmodum nostræ voluntati solum in bonis satisfacere decet; & quia Proximum diligere

gere debemus, non propter nostram utilitatem, vel delectationem, sed sicut bonum volumus nobismetipsis.

29 Præceptum dilectionis Proximi per totam resonat sacram Scripturam. Levitici quippe 19. v. 18. legitur: *Diliges amicum tuum sicut te ipsum*; ubi dictio *amicum* non sumitur late, sed significat Proximum; & Christus Dominus in *Evang. Joan. cap. 13. v. 34.* inquit: *Mandatum novum do vobis, ut diligatis invicem, sicut dilexi vos, ut & vos diligatis invicem.* In hoc cognoscent omnes, quia discipuli mei estis, si dilectionem habueritis ad invicem. Plura videri possunt apud Interpretes sacræ Scripturæ, & signanter apud Cornelium a Lapide ad hunc locum, quærentes, cur mandatum dilectionis a Christo novum dicatur. Hæc eadem repetuntur apud eundem Joannem in *Evang. cap. 15. v. 12.* *Hoc est præceptum meum, ut diligatis invicem, sicut dilexi vos*; quod argumentum idem Apostolus prosequitur in sua prima epistola Canonica *cap. 4. v. 7.* *Carissimi, diligamus nos invicem, quia Charitas ex Deo est. Et omnis, qui diligit, ex Deo natus est, & cognoscit Deum. Qui non diligit, non novit Deum, quoniam Deus Charitas est. In hoc apparuit Charitas Dei in nobis, quoniam Filium suum unigenitum misit Deus in mundum, ut vivamus per eum. In hoc est Charitas, non quasi nos dilexerimus Deum, sed quoniam ipse prior dilexit nos, & misit Filium suum propitiationem pro peccatis nostris. Carissimi, si sic Deus dilexit nos, & nos debemus alterutrum diligere.*

30 Virtuti Charitatis erga Proximum assignari solent quædam quasi partes potentiales, ut eas vocant, Benevolentia videlicet, Beneficentia, & Misericordia: sed prima, prout est in ordine ad supernaturalia, non distinguitur a Charitate, & Beneficentia importat actum respondentem Benevolentia, & sic a Charitate elicatum; quocirca sola Misericordia erit virtus distincta. S. Thomas 2. 2. *quest. 30. art. 3.* quærit, *Utrum Misericordia sit virtus*; & respondet, Misericordiam significare dolorem de miseria aliena; tum, quatenus dolor hic est motus appetitus sensitivi, ait, Misericordiam esse passionem, & sic non esse virtutem; contra autem esse virtutem, si motus appetitus intellectivi, juxta quem alicui displicet malum alterius, a ratione regatur. Idem S. Doctor *art. 4.* docet, per Charitatem nos Deo per affectum unitos eidem similes esse, & per similitudinem operationis nos quoque Deo assimilari, quod fit per Misericordiam: & *quest. 31. art. 1.* ostendit, Beneficentiam esse actum Charitatis, & *art. 4.* Beneficentiam non esse specialem virtutem.

31 Idem S. Doctor (ut ejus doctrinam prosequamur) *quest. 32. art. 1.* explicat, quomodo elemosyna sit actus Charitatis. Afferit enim, elemosynam esse opus, quo datur aliquid alicui indigenti ex miseratione propter Deum, & sic dare elemosynam esse proprie actum Misericordia; sed, cum Misericordia sit effectus Charitatis, per consequens dare elemosynam esse actum Charitatis per Misericordiam exercitum: & *art. 2.* distinguit genera elemosynarum, ut aliquæ videlicet sint corporales, puta pacificare esurientem, potum præbere sitienti, vestire nudum, excipere holi-

tem, visere infirmum, redimere captivum, & sepelire mortuum; aliz sint spirituales, puta docere ignorantem, consilium dare dubitanti, consolari tristem, corrigere peccantem, parcere offendenti, ferre onerosos & graves, & pro omnibus orare. Scacchus de not. & sign. sanctis. scilicet. 3. cap. 4. late exornat recensita opera misericordiz, & concludit, ab his actibus Charitatis in gradu heroico erga Proximum potissimum sanctitatis argumentum inferri, juxta illud Christi Domini *Matth. 25. v. 34. : Venite, benedicti Patris mei, possidete paratum vobis regnum a constitutione mundi*. Ubi rationem quoque assignat deductam ex operibus Misericordiz exercitis: monetque prudenter idem Scacchus, de his in causis Servorum Dei esse inquirendum, sed juxta statum & conditionem uniuscujusque. Quæ enim hujus generis præstari potuerunt ab Episcopo, a Principe, a Clerico Sæculari, a Parocho, vel ab aliquo Dei Servo conjugato, præstari neutiquam potuerunt a Serva Dei Moniali intra Claustra, vel ab aliquo Servo Dei Regulari, qui pendet a nutu Superioris.

32 Heroicum Charitatis exemplum in Proximum ex operibus Misericordiz corporalibus desumptum habetur in *orat. 20. S. Gregorii Nazianzeni de S. Basilio Magno tom. 1. oper.* Ibi enim, postquam descripsit civitatem Cæsariensem fame, rerumque omnium penuria miserrime laborantem, & divitum in hac miseria crudelitatem, hæc habet pag. 341. *Apertis enim per orationem suam & cohortationes suas locupletum horreis, facit, quod est in Scriptura, cibum esurientibus frangit, panibusque pauperes saturas, alisque eos in fame, atque esuriens animas implet bonis. Quo tandem modo? Neque enim hoc ad laudis cumulum parvi momenti est. Nam, cum eos, quos fames vulnerat, in unum coegisset, nonnullos etiam spiritum agre trahentes, vires, feminas, pueros, senes, miserabilem omnem aetatem, omnia ciborum genera, quibus fames depelli solet, corrogans, atque ollas leguminum, salisque nostras obsonis, & ad levandam pauperum famem accommodati plenas proponens, ac deinde Christi, qui linteis praeclatis Discipulorum pedes ablueret minime grave ducebat, ministerium imitans, simulque puerorum, sive conservorum suorum ad eam rem opera utens, pauperum corpora & animas curabat, bonorem nempe cum necessario alimento connectens, atque ipsorum calamitatem utrinque leniens. Talis erat novus noster Procurator, & secundus Joseph: immo etiam aliquid amplius habemus, quod dicamus. Ille enim ex fame questum capiat, ac per benignitatem Ægyptium evasit, ubertatis tempus ad famis tempus disponens & administrans, atque aliorum somniis ad eam rem ordinatus. Hic autem gratis benignus erat, neque in hoc retribuendi frumenti auxilio lucrum ullum capiebat, id unum spectans, ut misericordiam per misericordiam sibi compararet, ac per presentem annona largitionem futura bona consequeretur. Similia leguntur de S. Paula apud S. Hieronymum, de S. Odilone apud S. Petrum Damiani, de S. Martino Pontifice apud S. Thomam de Villanova. D. Hieronymus in epitaph. *Paulæ matris ad Eustochium (num. 5. col. 687. oper. tom. 1.) : Quid ergo referam ample & nobilis domus, & quandam opulentissima omnes pane divitias in pauperes erogatas? Quid*
in cunctis*

in cunctis clementissimum animum, & bonitatem, etiam in eos, quos numquam viderat, evagantem? Quis inopum moriens non illius vestimentis obvolutus est? Quis clinicorum non ejus facultatibus sustentatus est? Quos carissimè tota Urbe perquirens, damnium putabat, si quisquam debilis & esuriens cibo sustentaretur alterius. Spoliabat filios, & inter obsurgantes Propinquos, majorem se eis hereditatem, Christi misericordiam, dimittere loquebatur. Et post multa num. 15. col. 700.: Liberalitas sola excedebat modum. Et usuras tribuens versuram quoque sepius faciebat, ut nulli siquem rogantium denegaret. Fateor errorem meum: cum in largiendo esset profusior, arguebam illud proferens de Apostolo, Non, ut aliis sit refrigerium, vobis autem tribulatio &c. multaque hujuscemodi, quæ illa mira verecundia & sermone parcissimo dissolvebas, testem invocans Deum, se pro illius nomine cuncta facere. & hoc habere voti, ut mendicans ipsa moreretur, ut unum nummum filia non dimitteret, & in funere suo aliena sindone involveretur. Ad extremum inferebat: Ego, si petiero, multos inveniam, qui mihi tribuant. Iste mendicans, si a me non acceperit, quæ ei possum, etiam de alieno, tribuere, & mortuus fuerit, a quo ejus anima requiratur? Ego cautiorem in re familiari esse cupiebam: sed illa ardentior Fide toto Salvatori animo jungebatur, & pauperem Dominum pauper spiritu sequebatur, reddens ei, quod acceperas, pauper pro ipso effecta. Denique consecuta est quod optabas, & in grandi aie alieno filiam dereliquit, quod hucusque debens, non suis viribus, sed Christi se confidit misericordia reddituram. Et infra num. 3. col. 717.: Quid hac virtute mirabilis, feminam nobilissimæ familie magnis quondam opibus tanta Fide omnia dilargitam, ut ad egestatem pene ultimam perveniret? S. Petrus Damiani in vita S. Odilonis pag. 328.: In erogandis præterea elemosynis ita largus erat, ut nonnulli, dum eum omnia dispergentem sine cunctatione conspicerent, non dispensatorem, sed prodigum judicarent; præsertim quodam tempore, dum famas valida Aquitania fines vehementer affligeret, ac plurimas Galliarum provincias pestilenter arderet, exhaustis jam in pauperum usus arariis, & horreis quorumcumque preventuum non mediocriter profligatis, mox etiam plurima sacrarum vasa confregit, insignia ecclesiæ ornamenta distraxit, corona quoque, quam sibi Imperator Henricus ob sui memoriam destinaverat, non pepercit. Ut igitur tam acerba famis, in quibus valuit, temperaret inopiam, quidquid hinc inde corradere potuit facultatum, in sustentationes, & alimenta contradidit egenorum. D. Thomas de Villanova conc. 2. de S. Martino Pontifice & Confessore pag. 548.: Pietatis igitur, quæ excellit Divus Martinus, illud est testimonium, quod, præter omnes redditus Episcopatus in hoc solo consumptos, dimidiatum pallium casechumenus dedit pauperi, & pallium integrum quod jam Episcopus tribuit, gratissima Deo acceptissimaque obsequia usque adeo, ut in prima elemosyna Christus cum Angelis apparens otanter circumstantibus diceret: Martinus adhuc casechumenus hac me veste contexit; & in secunda, Angeli brachia ejus nuda pretiosissimi manipulis auro gemisque contereant.

33 Exempla heroicæ Charitatis in Proximum ex operibus Misericordiæ spiritualibus desumpta facile hauriri possunt, ut a ceteris abstinemus,

a sermone S. Fulgentii de S. Stephano Protomartyre, tom. 9. *Bibliot. PP.* pag. 108., ubi observans, eum pro inimicis orasse, & eorum crudelitatem increpasse, ait: *Ipsa sancta Charitas firmam servavit in oratione patientiam, qua rigidam tenuit in correctione censuram; & ideo in oratione audiri meruit lenitas, quia sine Charitate non fuit in correptione severitas; ac per hoc, sive orando, sive corripiendo, Charitatem Beatus Stephanus reservavit, quia utrobique salutem errantium cogitavit, & iudicio sancte orationis ostendit, increpationem illam non fuisse odii, sed amoris. Hoc autem faciens & presentibus Charitatem Beatus Martyr exhibuit, & utile nimis exemplum posteris reliquit: demonstravit enim geminam Ecclesiastici dispensatoris industriad, ut ad corrigendum cujuslibet peccantis errorem & non desit in ore correptio, & ad Deum pro eo supplex effundatur oratio; ut qui malum fecit, per increpationem de malis operibus confundatur, & per orationem apud Deum adjuvetur, ac sic ipsa Charitas & in ore justitiam sonet, ut errantem corrigat, & in corde patientiam servet, ut pro errante orationem puro affectu dilectionis effundat.* Extant sermones S. Petri Damiani, alius de S. Fidei Martyre, qui dum in seculari militia versaretur, nonnullos ex commilitonibus ad Christianam Fidem convertebat; ait enim: (pag. 277. tom. 1. oper.): *Militaribus quidem castris insereras, sed celestis militia signa gerebas. Armatorum denique videbatur cuneis admisceri, sed pro caelestibus castris sociare sibi aliena professionis milites satagebas. Quibus nimirum non terrena militia baltheum, non temporalis stipendii donativum, sed celestis promittebat Curia municipium; alius de SS. Donato, & Hilario, ubi postquam retulit, Donatum fuisse a suis parentibus Gentilibus abjectum, inquit pag. 235. Sed postmodum eos & ad Fidei Christiana Sacramenta perduxit, & insuper ad Martyrium sibi congrua ordinatione premisit. Unde clarus iste inter Beatos Martyres jure censendus est, qui filius simul, & pater est Martyrum. Filius utique per naturam; pater per collatam Fidei gratiam: alius denique de S. Vitale Martyre (ordine secundus) ubi, postquam Ursicinum in tormentis titubantem, ne a Fide deficeret, hortationibus ab eo confortatum & munitum narravit, hæc habet pag. 187.: *O quam efficax & viva vox de ejus ore tunc prodii! Quam fervida Charitatis flamma de vaporato ejus pectore astnavit! Noli, noli (inquit) Ursicine Medice, qui alios curare consuevisti, te ipsum aterna mortis jaculo vulnerare. Nec in auditoris cor frigida descendere potuit, quæ per exhortationis verba ex ipso Spiritus Sancti igne processit.* S. Ambrosius live alius Auctor ferm. 53. in Natali SS. Apostolorum Petri, & Pauli non. 4. (appendic. tom. 2. oper. col. 464.) exponit illud Actorum, esurienti videlicet Petro post orationem circa horam nonam vas quoddam uti linteum magnum de celo demissum apparuisse, & vocem fuisse auditam sic dicentem: *Surge, Petre, occide, & manduca; & hinc occasione desumpta, ardentem spiritalem Petri Charitatem sequentibus verbis prosequitur: Mirandum, cur Sanctum virum post orationem fames sequatur, cum soleat fames oratione depelli. Sed puto, Petrum post orationem non cibum esurisse hominum, sed salutem, nec inedia vexatum esse corporis, sed inopia credentium laborasse. Cum enim Ju-**

daicus

daicus populus perfidus & ingratus, illo predicante, Christo non crederet, famem quodammodo Petrus sui officii sustinebat. . . . Esurienti illi, hoc est cogitanti in cordis sui sublimiori loco pro salute Iudaici populi offertur vas diversorum generum animalibus plenum, velut Drumitate dicente illi: Tu in Iudeos solos esuris, ecce famem Fidei tua cunctarum Gentium diversitate reficio. Nam utique per diversa animalia collecta in uno vasculo diversarum Gentium congregatio in una Ecclesia demonstratur. Item S. Gregorius Nazianzenus in cit. orat. in laudem S. Basilii Magni post descriptos errores, quibus populus inquinabatur, narrat pag. 346., eum non modo servidas ad Deum fuisse preces, sed etiam errantes, qui praesentes erant, severe corripuisse, absentes scriptis confutasse, & omnibus omnia factum, ut omnes Christo lucrificaret: Eos quidem, qui manus conferre ausi fuerant, armis linguae comminus contundens; eos autem, qui procul ab eo dissiati erant, sagittis ex atramento confectis feriens &c. Deinde, quoniam imperfecta res est actio sermone destituta, & sermo ab actione remotus, idcirco actionis subsidium sermoni adjungebat, alias videlicet adiens, ad alios legationem mittens, alios accersens, admonens, arguens, increpans, minis insectans, probris incessens, pro gentibus, pro urbibus, pro singulis etiam hominibus certamen suscipiens, omne salutis genus excogitans, undecumque medicinam morbo adhibens.

34 Alia plura facile colligi possent: sed ad praxim causarum Beatificationis & Canonizationis ut redeamus, communis Charitatis erga Proximum signa sunt bona temporalia ad aliorum subsidium erogare, propter eos corpus suum laboribus exponere, errantes corrigere, & ad viam salutis reducere, injurias acceptas condonare, salutem animarum curare, & illis ea optare, quae pro nobis optamus. Quocirca Matth. 5. v. 7. legitur: Beati misericordes, quoniam ipsi misericordiam consequentur; & Matth. 18. v. 15. Si autem peccaverit in te frater tuus, vade, & corripe eum; & in Psalm. 140. v. 5. Corripiet me iustus in misericordia, & increpabit me; & Matth. 5. v. 44. Diligite inimicos vestros, benefacite his, qui oderunt vos, & orate pro persequentibus, & calumniantibus vos: cumque inter praecepta habeamus, Diliges Proximum tuum, sicut te ipsum, quemadmodum homo tenetur salutem animae suae ante omnia procurare, juxta illud Matth. cap. 16. v. 26. Quid enim prodest homini, si mundum universum lucretur, anima vero suae detrimentum patiat, aut quam dabit homo commutationem pro anima sua? sic & Proximorum salutem procurare tenetur. Heroicæ autem Charitatis signa & effectus erunt ea ipsa praestare, cum occasio se offert, prompte, facile, expedite, jucunde, non semel, nec bis, sed frequenter, & potissimum, si opera, quae fiunt, ardua sint; ita ut ex omnibus simul conjunctisprehendatur, sic operantem communem operandi modum proborum hominum excedere; uti late prosequuntur allegati Auctores, Cardinalis de Lauræa loc. cit. art. 12., & Maderna art. 6.

35 Confueverunt Rotæ Auditores in suis relationibus Charitatis erga Proximum actus separare, spirituales videlicet a temporalibus. In relatio-

ne

334 DE SERVORUM DEI BEATIFICATIONE

ne itaque causæ S. Tereſiæ tit. *de immenſa Charitate erga Proximos*, obſervant primò immenſum deſiderium ſalutis Proximorum, quos illa Deo conciliare, & Hæreticos maxime ad ipſum convertere optavit; ſecundò, propagationem reformatæ Religionis Carmelitarum, ut Religioſorum labores, poenitentiae, & continuæ orationes a Deo ſalutem animarum pereun- tium impetrarent; tertio, conversionem nonnullarum perſonarum nobi- lium, quæ nefarie vivebant; quartò, ſummum, quo torquebatur, mœ- rorem, cum aliquis egregius prædicator verbi Dei, & ſalutis animarum operarius ex hac vita decedebat, quem mœrorem exhibuit potiſſimum in morte S. Pii V., & viri illius Apoſtolici Joannis Avilæ; quintò, ſingula- rem inimicorum dilectionem, & ſuorum perſecutorum, cum eorum de- ſectus, quantum poterat, excuſaret, & de eis quemquam obloqui non permitteret, pro eis a Deo veniam poſtularet, & inceſſanter pro iſdem oraret. In relatione S. Mariæ Magdalene de Pazzis tit. *de Charit. in Proxi- mum*, quoad ſpiritualia narrarunt, eam nondum duodecimum annum egreſſam, nec adhuc ingreſſam monaſterium conſueviſſe rudes puellulas Chriſtiana documenta docere, & domi ſingulis diebus ſeſſis ruſtica tur- ba congregata, Orationem Dominicam, Salutationem Angelicam, & Apoſtolorum Symbolum illi exponere; in ipſa autem adoleſcentia, dum inter Moniales Equitum S. Joannis morabatur, ægras inviſere ſolitam fuiſſe, ad Sacramentorum frequentiam hortari, & ſacra lectione reficere; tum aſſidue Deo commendare animas Peccatorum, & Infidelium, aſſinium ſervos, cognatarum ſamulas quacumque occasione ad ſe accedentes ſaluta- ribus documentis inſtruere; &, cum gemini nocentes furcarum poenam eſſent ſubituri, nec ad Deum converti vellent, ſuſis precibus a Deo im- petraſſe, ut, mutato conſilio, veniam culparum expoſcerent, & pie in Domino morentur, ita ut in ecſtaſi viderit alterum ex eis in Purgatorii flammas demiſſum, & alterum felicius in Empyreï ſedem tranſlatum. In relatione S. Ignatii tit. *de Charit.*, ex proceſſibus deſumpſerunt, eum, ubi ageretur de Dei honore, & animarum ſalute, nullum recuſaſſe laborem, Proximos inter ſe diſſidentes reconciliare conatum eſſe, curam & ſolici- tudinem habuiſſe, ut rudes, & pueri Chriſtianam doctrinam diſcerent; omnes, quos potuit, verbo & exemplo ad poenitentiam & viam ſalutis ſtudiſſe provocare; triginta annorum cum eſſet, ut Proximos juvare poſſet, litteras didiciſſe, & ob deſendendam Dei gloriam, & Proximo- rum procurandam ſalutem graviter Barcinone flagellatum, & pene ad mortem redactum Deo benedixiſſe, percuſſoribus pepercixiſſe, & pro illis oraſſe. In relatione cauſæ S. Franciſci Xaverii tit. *de Charitate erga Proxi- mum*; ex Actis hauſerunt, eum toto vitæ ſuæ tempore pueris Chriſtianæ Fidei elementa tradidiſſe, rudibus adultis Chriſtianam Legem uberius ex- plicaviſſe, peccatores omni conatu ad officium revocaſſe, Infidelibus, diſcuſſis errorum tenebris, diem Evangelicæ prædicationis aperuiſſe, testi- bus allatis, qui de ſingularibus actibus teſtimonium reddebant. In rela-
tione

tionis S. Petri de Alcantara tit. de immensa Charitate erga Deum, & Proximum, cum fuisse indefessum & eminentem Evangelii prædicatorem; & per plures annos in ejus expositione desiderio gloriæ Dei, & conversionis animarum se exercuisse; tum pluries, & fere semper pauperes ad portam monasterii pro eleemofyna accedentes non modo eleemofynis refecisse, sed doctrinam Christianam docuisse, illosque sanctissimis monitionibus, & consiliis aluisse. Insignes quoque S. Jacobi de Marchia & ferventes prædicationes, & meretricum veras conversiones in re, de qua nunc agitur, ponderarunt Rotæ Auditores in causæ relatione, In relationibus quoque SS. Philippi Nerii, & Cajetani plura referuntur de conversionibus peccatorum, laboribus exantlatis, & suis precibus a Deo impetratis: & in relatione Servi Dei nunc Beati Hieronymi Emiliani mentio fit conversionis meretricum, & collectionis puerorum per vicos & plateas, quibus non modo temporalia, sed & spiritalia comparabat. De hac ipsa puerorum collectione mentio fit in relatione S. Ludovici Bertrandi, in qua etiam additur eum singultibus, & lacrymis, & verberibus sanguine redundantibus, quæ suo corpori inflixit, mulierem libidinis coepto inquinatam ad bonam frugem revocavisse: & in relatione causæ S. Andreæ Avellini, eum ab Archiepiscopo Neapolitano electum, ut reformationi cujusdam monasterii Monialium operam præstaret, ab incepto opere non destitisse, licet in facie vulnus a viro nequam ea de causa acceperit; & memorem vocis Dominicæ præcipientis, ut inimicos diligamus, sui nepotis occisoribus ex corde ignovisse.

36 Nostrium hoc Opus in immensum excresceret, si singulos arduos & heroicos actus spiritualis erga Proximum Charitatis, qui in Actis Sanctorum occurrunt, commemorare vellemus, sive loquamur de actibus illis, qui narrantur in bullis Canonizationum, sive de aliis, qui exponuntur in citatis relationibus Rotæ Auditorum, sive de ceteris, quos admirabundi legimus in processibus causarum SS. Francisci Regis, Vincentii de Paulis, Camilli de Lellis, B. Hyacinthæ de Marefcortis, & Ven. Servi Dei Josephi a Matre Dei, quorum omnium virtutes discussæ & approbatæ fuerunt a summis Pontificibus, dum Promotoris Fidei munereungebamur. Quocirca, ut finem huic capiti imponamus, inter egregia opera Charitatis in Proximum quoad corporalia, continuæ visitationes infirmorum, servitium hospitalibus præstitum, morbi ex ea causa contracti, non intermissa ob eam rem ægrotorum cura, frequenter carcerum visitationes, eleemofynæ pauperibus distributæ non exigua, sed magna copia, subtractio rerum sibi necessariarum, ut subsidium Proximo laboranti exhiberetur, hospitalium pro infirmis, collectis undique eleemofynis, collegiorum pro recta juventutis educatione fundationes & institutiones, tanquam argumenta & signa heroicæ corporalis Charitatis in Proximum, passim leguntur in relationibus causarum S. Mariæ Magdalene de Pazzis, S. Franciscæ Romanæ, SS. Petri de Alcantara, Paschalis de Baylon, Andreæ Avelli-

ni,

336 DE SERVORUM DEI BEATIFICATIONE

ni, Felici a Cantalicio, Philippi Nerii, Cajetani, Joannis de Deo, Ludovici Bertrandi, Isidori, Ignatii, Xaverii, Aloyfii Gonzagæ, Francisci Borgiæ, B. Hieronymi Æmiliani, & Servorum Dei Nicolai Factor, Juliani a Sancto Augustino, prætermiffis aliis, quæ habentur in relationibus Caroli Borromæi, Thomæ de Villanova, & in Actis SS. Francisci Salefii, & Alfonfi Mogrobesii, de quibus agetur, cum de virtutibus statui Episcoporum congruentibus sermo instituetur.

C A P U T XXIV.

De virtutibus Cardinalibus, seu moralibus, Prudentia, Justitia, Fortitudine, Temperantia, & earum annexis, & de heroicitate uniuscujusque ex ipsis.

Quemadmodum in capite præcedenti, cum ageremus de virtutibus Theologicis, evitandæ confusionis gratia, singillatim de unaquaque egimus virtute; ita hoc ipsum fieri debere censuimus in capite præfenti, in quo de virtutibus Cardinalibus, seu moralibus sermo instituetur: quocirca fit

§. I.

De virtute Prudentia, & ejus partibus, & de ejusdem virtutis heroicitate.

Prudencia definitur *Recta ratio agibilium*; & ejus objectum est id omne, quod agi potest, caditque sub electione & libero arbitrio. Prudentia alia est carnis, alia spiritus. Quocirca in *epist. ad Rom. 8.* legitur *v. 6.*: *Prudentia carnis mori est; Prudentia autem spiritus vita, & pax, quoniam sapientia carnis inimica est Deo, Legi enim Dei non est subjecta: quorum verborum sensus-juxta Estium in comment. loc. cit. est hic: Sapere, curare, providere ea, quæ carnis sunt, mortem affert, mortem meretur, utique æternam &c. Sapere, & curare ea, quæ sunt Spiritus Sancti concupiscentis adversus carnem, parit nobis vitam æternam.* S. Augustinus lib. 1. contra Gaudentium cap. 5. advertit, malos aliquando in sacris Litteris dici prudentes, sed nunquam innocentes. De utraque Prudentia spiritus, & carnis S. Basiliius homil. 11. *variorum argumentorum in principium Proverbiorum* sic ait: *Una est Prudentia proprii commodi custos, & alieni doli observatrix, qualem serpens habet. Ille, si quid periculi imminere viderit, caput super omnia custodit. Ea videtur esse versutia illa, quæ prona est ad proprium commodum, & simpliciores defraudandos; quali Prudentia fuit ille sæculi prudens, & injustitia reconomus apud Evangelium. Vera autem Prudentia eorum, quæ agenda sunt, & non agenda, cognitio est; quam si quis recte scilatus fuerit, nunquam ab officio, virtuteque discedet.* S. Thomas 2. 2. *quest. 47. art. 13.* triplicem Prudentiam

dentiam distinguit, & primam esse dicit quamdam Prudentiam falsam, vel per similitudinem dictam: cum enim prudens sit, qui bene disponit ea quæ sunt agenda, propter aliquem bonum finem, ille, qui propter malum finem aliqua disponit, quæ sunt illi fini congruentia, falsam habet Prudentiam. Secundam Prudentiam ait esse veram; invenit enim vias accommodatas ad finem vere bonum: sed imperfecta est, aut quia illud bonum, quod accipit pro fine, non est communis finis totius humanæ vitæ, sed alicujus specialis negotii, aut quia deficit in principali actu Prudentiæ, cum ea præditus bene judicet etiam de his, quæ pertinent ad totam vitam, sed non efficaciter præcipiat. Tertiam denique ait Prudentiam veram & perfectam esse, quæ ad bonum finem totius vitæ rectis consiliis dirigit, judicat, & præcipit: primamque Prudentiam in solis peccatoribus reperiri, secundam, quæ est imperfecta propter finem particularem, esse communem bonis & malis, & tertiam in solis justis reperiri. Hanc eandem doctrinam late prosequuntur Rotæ Auditores in relatione causæ S. Ludovici Bertrandi *tit. de Prudentia*, & in relationibus causarum S. Petri de Alcantara, & S. Teresæ, *utrobique art. 7.*, & de vera Prudentia dicitur *Proverb. cap. 4. v. 5. Posside Sapientiam, posside Prudentiam: ne obliviscaris, neque declines a verbis oris mei. Ne dimittas eam, & custodiet te; dilige eam, & conservabit te. Principium Sapientia posside Sapientiam, in omni possessione tua acquirere Prudentiam. Arripe illam, & exaltabit te: glorificaberis ab ea, cum eam fueris amplexatus. Dabit capiti tuo augmenta gratiarum, & corona inclita proteget te.*

2. Prudentia hæc postrema, de qua solum loquimur, norma est virtutum omnium moralium, juxta D. Thomam 2. 2. *quest. 166. art. 2. ad primum*, & Theologicarum quoque virtutum est regula, & administra exercitationis earum, ut late ostendit Bernardinus Rosignolius Theologus Societatis Jesu in *tract. de actionibus virtutis lib. 2. cap. 2. & seqq.*; ubi *cap. 5. pag. 244.* hæc ad rem scribit: *Prudentia sunt actiones aliarum virtutum omnium: neque enim est Prudentia Christiana perfecta, si desint aliæ virtutes, immo si vel aliarum desit una. Ut ergo virtutum singularum quasi nota est & insigne Prudentia, sic vicissim actiones virtutum singularum testes & nuntia sunt Prudentia &c. quam etiam ob causam mensuram Prudentia collocat Sanctus Gregorius in actionibus aliarum virtutum, quia nimirum, quanta ea sit, ex harum momentis intelligitur.*

3. Actus Prudentiæ tres sunt, Consultatio, Judicium, & Imperium: perquirere enim media accommodata ad consequendum finem formalem cujuslibet virtutis per medium accommodatum ad hunc, vel illum finem spectat ad Prudentiam per actum Consultationis. Consultationem sequitur Judicium: statim enim ac intellectus ponderavit rationes utriusque partis de hoc, vel illo medio eligendo, statim decernit, tale medium esse eligendum. Demum per actum Imperii jubet, hoc medium eligi, ut virtutis alicujus operatio ad finem debitum dirigatur. Et quamvis prædi-

tri res actus spectent ad virtutem Prudentiæ, actus tamen Imperii proprie est elicited ab habitu Prudentiæ, uti fufe explicat D. Thomas 2. 2. *quæst.* 47. *art.* 8.

4 Ex partibus Prudentiæ aliæ sunt integrales, aliæ potentiales, aliæ subjectivæ, ut eas Scholæ vocant. Integrales, seu quali integrales sunt *Memoria*, quæ est præteritorum cognitio; *Intelligentia*, quæ est cognitio præsentium; *Docilitas*, quæ est cognitio per alterius eruditionem; *Solertia*, quæ est cognitio per propriam inventionem; *Ratio*, quæ est cognitio parta per illationem unius ex alio; *Providentia*, quæ est ordinatio aptorum mediorum ad finem debitum; *Circumspectio*, quæ est animadversio circumstantiarum negotii; *Cautio*, quæ est machinatio quedam adversus ea, quæ obitare & impedire possunt in producendo aliquem virtutis actum. Legi potest D. Thomas 2. 2. *quæst.* 48. *art.* unic.

5 Partes potestativæ, sive potentiales sunt quasi quedam instrumenta, per quæ actus Prudentiæ perficiuntur, & sunt *Eubulia*, cujus actus est bene consulere; *Synesis*, cujus actus est judicare secundum leges communes; *Gnome*, cujus actus est judicare ex altioribus principiis præter communes leges secundum rationem naturalem, prout casus & circumstantiæ exposcunt: de quibus sæpe citatus D. Thomas 2. 2. *quæst.* 51. *artic.* 1. & tribus seqq.

6 Partes denique, quæ virtuti Prudentiæ subjiciuntur, sunt quatuor; *Monastica*, quæ versatur circa bonum proprium; *Oeconomica*, quæ versatur circa bonum domus, vel familiæ; *Politica*, quæ respicit bonum civitatis, seu reipublicæ, aut regni; & *Militaris*, quæ dirigit in rebus bellicis multitudinem ad tempus collectam in ordine ad patriam ab hostibus tuendam, & eorum impetus repellendos, juxta D. Thomam 2. 2. *quæst.* 50. *art.* 1. & seqq., cui adhæserunt Rotæ Auditores in relatione causæ S. Pii V. *tit. de Prudentia*, impressa in tomo ultimo, & posthumo annalium Bzovii, & in relatione causæ Sancti Thomæ de Villanova post Connelor. *de Canoniz.* SS. pag. 552.

7 Agentes de Canonizatione Sanctorum, & signanter de heroicitate Prudentiæ coherentes ad ea, quæ, cum de heroicitate in genere agebatur, dicta sunt, docent, actus Prudentiæ Christianæ communis esse consultare, judicare, & præcipere de mediis in ordine ad finem supernaturalem, & actus Prudentiæ Christianæ heroicæ esse eodẽ actus exercere in ordine ad eundem finem, sed in rebus arduis, & facili, & expedite, & jucunde: Cardinalis de Lauræa in 3. *lib. sent. tom.* 12. *disput.* 32. *art.* 13. *num.* 386. Maderna *Theolog. tom.* 2. *tract.* 6. *quæst.* 3. *art.* 7. *num.* 7. Communior quoque est eorundem sententia, prædictam facilitatem, promptitudinem, & jucunditatem ab habitu Prudentiæ, & a dono Spiritus Sancti, quod dicitur *Consilii donum*, causam habere: in Divinis quippe Scripturis nomine *Consilii* non solum ipsa consultatio significatur, sed etiam judicium, & imperium; unde Apostolus de Deo loquens ait *epist.* 1. *ad Ephes.* *cap.* 1.

v. 11., *Secundum consilium voluntatis suae*: quod ad rem late exponunt Rosignolius de *action. virtutum lib. 2. cap. 1. pag. 179.* Cardinalis de Lauræa in *allegat. dispus. 32. art. 13. §. unic. num. 381. & num. 383.* Matthæucc. in *practica Theologo-Canon. tit. 2. cap. 3. §. 1. num. 28.* Demum concludunt, non esse in unaquaque causa cujuscumque Dei Servi inquirendum de singulis partibus subjectivis Prudentiæ, sed de ea, aut de illis tantum, in quibus Dei Servus juxta vitæ tenorem potuit se exercere: Scacchus de *not. & sign. sanctit. sect. 4. cap. 1. pag. 234. §. Prudentia.*

8 Apud Cardinalem de Lauræa loc. cit. *disp. 32. art. 13. collecta habentur exempla tum Monasticæ, tum Oeconomicæ, tum Politicæ Prudentiæ.* Idem Auctor loc. cit. *num. 405.* bene animadvertit, etiam juxta ea, quæ in superioribus dicta sunt, omnium aliarum virtutum heroicarum actus ab Heroicâ Prudentiâ committuntur, & sic heroicæ Prudentiæ adscripti, quæcumque de heroicitate aliarum trium virtutum moralium Justitiæ, Fortitudinis, & Temperantiæ dicuntur. De Prudentia S. Adelardi Abbatis Corbejenfis hæc habentur in ejus vita scripta a S. Paschasio Ratberto apud Bollandum *ad diem 2. Januarii cap. 5. num. 16. pag. 99.* Porro Prudentia tanta illi inerat, ut *fons consilii ex ejus animo manare videretur.* Cernebat enim simul præterita, præsentia, & futura, ut de singulis prævideret, quid agendum, quidve sequendum Dei consilio monstraretur. S. Gregorius Nazianzenus orat. 20. de laudib. S. Basilii sic ejus Prudentiam commendat (*pag. 332. tom. 1. oper.*): *Quis Prudentia perinde canis erat etiam ante caninem? Quandoquidem hæc re senectutem Salomon quoque definivit. Quis vel senibus, vel juvenibus aequè venerabilis, non de nostra tantum memoria viris loquitur, sed de iis etiam, qui longo ante tempore vixerunt? Quis doctrinam propter mores minus agnit? Quis tamen uberius doctrinam cum moribus conjunxit? Heroicam S. Pauli Prudentiam laudibus extollit S. Joannes Chrysostomus homil. 4. in cap. 1. epistolæ ad Romanos pag. 455. tom. 9. oper.* Cum enim Apostolus, eos docendo, increparet de passionibus ignominie, Chrysostomus Prudentiam admirans ait: *Hic vero admiratione digna est Pauli Prudentia: quo pacto cum in res duas contrarias incidere, utramque cum omni accurazione perscicerit. Volebat enim & caste loqui, & mordere auditorem: hac autem ambo facere non licebat, sed alterum alteri officiebat. Si enim caste loquaris, non poteris perstringere auditorem; sin velis vehementer incescere, rem, quam dicis nude, & clare proferre cogis. Verum prudens illa, & sancta anima utrumque potuit cum accurazione facere, in natura nomine & accusationem arguens, & quasi involucri quodam illo utens, ut castus esset loquendi modus.* Deinde postquam mulieres primum perstringerat, ad viros procedit. Plura alia in Operis decursu heroicæ Prudentiæ exempla proferuntur, & nonnulla tantum in præsentia defumentur ab Actis Canonizationum. In eis itaque monasticæ heroicæ Prudentiæ non desunt exempla. In relatione quippe causæ S. Isidori Agricolæ tit. de quatuor virtutibus Cardinalibus, & signanter de Prudentia Rotæ Auditores observarunt, electum per eum agricultoris officio honesto & laborioso, ut se & familiam suam

alere posset, sic horas diei distribuisse, ut primas matutinas Missæ audien-
dæ, visitandis ecclesiis, serventissimæ orationi, colendoque Deo appli-
caret, & reliquum diei tempus culturæ designaret. In relatione causæ
Servi Dei (nunc Beati) Æmiliani *cod. tit. de Prudentia*, retulerunt, eum,
ut se liberaret a cœno vitiorum, quo erat obrutus, sic rem aggressum esse,
ut non omnia simul iusto prælio adoriretur, sed quasi singulorum viribus
divisione imminutis seorsim bellum iugeret, & interitum moliretur; quod
& feliciter præstitum est, ita ut, uno prostrato & penitus dejecto, aliud
in aciem provocaverit, &, adversæ virtutis exercitiis oppugnatione in-
structa, non prius destiterit, quam, expugnato vitio, virtus in animo
sedem constituerit, & ad reliqua pari pugna, victoriæque cursu perrexerit.
Item in relatione causæ S. Joannis de Deo *cod. tit. Prudentiam heroi-
cam defumperunt* tum ex ceteris virtutibus, quibus excelluit, tum ex eo,
quod ita suæ vitæ modum disposuit, ut omnia removerit obstracula, quæ
ipsum in via Domini vel præpeditum, vel sequirem reddere potuissent.
Ad rem prosequitur Matthæuccius *cit. oper. tit. 2. cap. 3. §. 1. num. 23. Hinc
in regimine sui Heros in monastica Prudentia est censendus, qui eam sensibilibiter
demonstrat in moderatione utriusque appetitus, sensualis, & rationis, in contemptu
terrenorum, dirigens, quidquid cogitat, operatur, & agit, in finem superna-
turalem. Si ex exemplo vitæ, humilitate, devotione, ceterisque virtutum
functionibus in admirationem aque, ac summationem & cultum viros etiam sa-
pientes & probos rapiat &c. Si asperiora & duriora consilia, ac extraordinarias
supererogationis functiones, ut potissima media ad finem habendum, superaddat ex-
actissima præceptorum observationi &c. vel similia exhibeat, qua a communiter pru-
dentibus præstari non solent.*

9 In iisdem Canonizationum Actis Oeconomicæ pariter Prudentiæ
non defunt exempla, & signanter in relationibus causarum SS. Jacobi
de Marchia, Cajetani, Ignatii, Terefiæ, Philippi Nerii, & Mariæ
Magdalene de Pazzis *tit. de Prudentia*, aut quia Ordines Regulares fun-
daverunt; aut quia Regularibus sibi subjectis ita præfuerunt, ut eos ad viam
salutis factis & exemplis reducerint; aut quia salubria consilia præstite-
runt, quorum ope peccatores ad Deum conversi sunt, vel boni mirabiles
progressus in Christianarum virtutum exercitio fecerunt; quemadmodum
in citatis relationibus legi potest. In relatione quippe causæ S. Ignatii af-
fertur testimonium summi Pontificis Gregorii XIII. qui in bulla confirmatio-
nis *Instituti Societatis Jesu* ait, Beatum Patrem Ignatium ad finem, quem
sibi præscripserat, defensionis & propagationis Catholicæ religionis, ani-
marumque profectus convenientia media, Spiritu Sancto cooperante, ac-
commodavisse. In relatione causæ S. Terefiæ habetur, eam suavi Pruden-
tia & dexteritate magnum opus reformationis Ordinis B. Mariæ de Monte
Carmelo aggressam esse; prævidisse, multos futuros esse adversarios;
omnia Demonis impedimenta superasse; opus in Domino perfecisse; le-
ges, & Constitutiones sanxisse cum tali temperatione suavitatis, & auste-
ritatis,

ritatis, ut in eis condendis certo credi possit Divino lumine fuisse illustratam; & demum, præcipiendo, & hortando, eis mirifice usam fuisse in regendis monasteriis Monialium, & Fratrum. In relatione causæ S. Philippi Neri narratur, eum prudentissimum fuisse in præstandis consiliis spiritualibus; summos ipsos Pontifices Gregorium XIII., Gregorium XV., & Clementem VIII., multos S.R.E. Cardinales, & Aulæ Romanæ Prælatos, ceterosque saluberrima & sanctissima ab eo in rebus arduis & felicia consilia recepiſſe. Demum in relatione causæ S. Mariæ Magdalensæ de Pazzis dicitur, aptissima remedia subministrasse, ut vitia abjicerentur, & virtuti amplissimus locus aperiretur, & ad solidam animæ quietem sæpe adolescentulas revocasse tentationibus obnoxias, quas Confessarii ejus directioni subiciebant. Exodi enim 28. v. 3. legitur: *Et loqueris cunctis sapientibus corde, quos replevi spiritu Prudentia, ut faciant vestes Aaron, in quibus sanctificatus minister mibi: super quo textu Glossa hæc habet: Qui hanc vestem composuerunt, quia primi virtutibus studuerunt, & aliis exempla præbuerunt.* Ad rem subjicit Matthæuccius loc. cit. num. 25. *In regimine familiae oeconomicæ, Prudentia (præditus) in gradu heroico dicendus est, qui in ejus directione pro fine supernaturali obtinendo summopere floret, domesticos omnes in timore Domini, & morum disciplina diligentissime educat &c. quem adeo urget & sollicitas zelus salutis eorumdem, ut nihil prætermittat, quo in Deum assidue dirigantur. Hac similiaque prout & delectabiliter agere communes regulas excedit, altioreque modum operandi præferet.*

10 Exempla denique Prudentiæ politicæ prostant in relationibus causarum SS. Pii V., Caroli Borromæi, & Thomæ de Villanova, de quibus alio in loco tractabitur.

11 In Evangelio Matthæi Christus ait cap. 10. v. 16.: *Estote ergo prudentes sicut serpentes, & simplices sicut columba:* & in epistola ad Romanos cap. 16. v. 19. legitur: *Sed volo, vos sapientes esse in bono, & simplices in malo.* De Simplicitate loquitur D. Thomas 2. 2. quæst. 109. art. 2. ad quartum, ubi Simplicitem hoc modo describit: *Simplicitas dicitur per oppositum duplici-tati, qua scilicet aliquis aliud habet in corde, & aliud ostendit exterius.* De eadem, ut est conjuncta Prudentiæ, sermonem habet S. Gregorius lib. 10. in Job (cap. 29. col. 360. oper. tom. 1.) ubi ait: *As contra sapientia justorum est nil per ostensionem fingere, sensum verbis aperire, vera, ut sunt, diligere, falsa devitare, bona gratis exhibere, mala libentius tolerare, quam facere, nullam injuria ultionem quarere, pro veritate contumeliam lucrum putare.* Sed hac justorum simplicitas deridetur: quia ab hujus mundi Sapientibus puritatis virtus, fatuitas creditur. Et S. Joannes Chrysostomus, postquam (homil. 7. in Acta Apostolorum pag. 59. oper. tom. 9.) laudibus extulit Simplicitem; *Quis enim non obdormiscat, quis non miretur videns hominem moribus simplicem? Aut quis non devinciatur homini nihil subdolum habenti? Subjicit: Etiam, inquires, sed Prudentia est opus. Sed quid aliud est Simplicitas, quam Prudentia? Cum enim nihil mali suspicaris, nihil mali parere potes. Cum nihil fieri moleste, non poteris inju-*

injuriarum recordari. Consumelia te quis affecit, non doluisti; obloquutus est, nihil passus es; invidis tibi, non agre tulisti. Via quadam est ad philosophiam Simplicitas. Ad complementum ergo perfectæ Prudentiæ Simplicitas necessaria esse videtur: vera autem cordis Simplicitas in hoc consistit, ut, exclusa quacumque duplicitate, qua quis aliud in ore, aliud habet in corde, in omnibus & singulis actibus nihil proprium quærat, sed aut Dei gloria, aut Proximorum salus, aut utrumque.

12 Primum autem Simplicitatis indicium est, si quis æquali modo se præbeat omnibus, & coram omnibus, juxta illud *Prov. 10. v. 9. Qui ambulat simpliciter, ambulat confidenter.* Secundum est, si quis eadem promptitudine omnibus tam parvis, quam magnis, tam pauperibus, quam divitibus, cum prodesse poterit, per opera Charitatis inserviat, cavendo a quacumque personarum acceptione. Tertium est, si quis semper eodem modo se gerat in quocumque loco tam publico, quam privato. Quartum Simplicitatis indicium oritur ex assidua hilaritate & alacritate vultus, quæ originem habet ab alacritate conscientiæ: *Tranquilla est (conscientia) quia omnibus est dulcis, & nulli gravis, utens amico ad gratiam, inimico ad patientiam, cunctis ad benevolentiam, & quibus potest, ad beneficentiam, ut inquit Hugo lib. 3. de anima cap. 9. tom. 2. oper. & ad rem bene prosequitur Matta de Canoniz. SS. part. 2. cap. 16. num. 22. & seqq.* Nec omitti potest inter Simplicitatis indicia, si quis peccatum, aut culpam commissam non excuset, sed candide fateatur. Similitudine ericii utitur S. Gregorius ad rem, de qua nunc agitur, 3. part. *Pastoral. (cap. 11. col. 47. oper. tom. 2.)* ad illa verba Isaïæ, *Ibi habuit foveam ericius*, sic enim ait: Erii quippe nomine impura mentis seseque callide defendentis dupliciter designatur, quia videlicet ericius cum apprehenditur, ejus & caput cernitur, & pedes videntur, & corpus omne conspicitur; sed mox, ut apprehensus fuerit, semetipsum in sphaeram colligit, pedes introitus subtrahit, caput abscondit, & intra tenentis manus totum simul amittitur, quod totum simul ante videbatur. Sic nimicium, sic impura mentes sunt, cum in suis excessibus comprehendantur: caput enim ericii cernitur, quia, quo initio ad culpam peccator accesserit, videtur; pedes ericii conspiciuntur, quia, quibus vestigiis nequitia sit perpetrata, cognoscitur; & tamen, adductis repente excusationibus, impura mens introitus pedes colligit, quia cuncta iniquitatis suæ vestigia abscondit; caput subtrahit, quia miris defensionibus nec inchoasse se malum aliquod ostendit; & quasi sphaera in manu tenentis remanet, quia is, qui corripit, cuncta, quæ jam cognoverat, subito amittens involutum intra conscientiam peccatorem tenet, & qui totum jam deprehendendo viderat, tergiversatione prava defensionis illusit totum pariter ignorat. Foveam ergo habet ericius in reprobis, quia malitiosa mentis dupliciter sese intra se colligens abscondit in tenebris defensionis. Denique, ne a scribentibus de Canonizatione omnino recedamus, in relatione causæ S. Francisci de Paula de Prudentia, & Simplicitate Jacobus Simoneta Rotæ Auditor, deinde Cardinalis sic loquitur: *Prudentem vero debere esse hominem sicuti serpentem, & simpli-*

simplicem sicut columbam, docet Divina Veritas Matth. 10. Serpenti prudentia est diligenter cavere a supplantantium insidiis, non vi, non fraudi locum relinquere; sed columba simplicitas est nemini injuriam inferre, nulli dolo, aut insidias parare. Sancti namque viri, quocumque agunt, in conspectu Dei agunt. Et in relatione causæ S. Philippi Neri sit. de Simplicitate, postquam dictum fuit, eum præditum fuisse maxima Prudentia; transitu facto ad Simplicitatem refertur, ex ejus ore puram semper veritatem absque ulla fictione, aut dolo auditam fuisse; mendacia prorsus horruisse, & mendaces, aut se excusantes a culpis commissis severe arguisse, & summopere lætatum fuisse, cum, se ab aliquo stultum reputari, intelligebat: quod ipsum fuisse legitur in ejus prima vita Auctore Antonio Gallonio apud Bollandianos ad diem 26. Maji cap. 19. num. 227. pag. 524. Ornavit Deus Philippum summam Prudentiam, quæ maxime rebus ad Dei gloriam agendis, atque consiliis dandis eminebat. Hanc illi virtutem ut occultaret, simplicem se, stultumque simulabat, ut tandem cum Apostolo diceret: Nos itulti propter Christum. Hoc ergo unum manibus, pedibusque obnixè conabatur, ut summam Prudentiam specie quadam assimulata simplicitatis, atque stultitiæ tegeret.

§. I I.

De virtute Justitiæ, & ejus partibus, & ejusdem heroicitate.

13 **P**rudentiæ succedit Justitiæ, quæ dupliciter sumi potest, large videlicet, & stricte. Si large accipiatur, sumitur pro quocumque virtutis actu perfecta undique rectitudine absoluto: & juxta hanc significationem, viri boni in sacris Litteris viri justii appellantur; ait enim Christus Dominus Discipulis suis *Matth. cap. 6. v. 1. Attendite, ne Justitiam vestram faciatis coram hominibus; & rursus cap. 5. v. 20. Nisi abundaveritis Justitiâ vestra, plusquam Scribarum, & Phariseorum, non intrabitis in regnum cælorum.* Quocirca, cum *Genes. cap. 6. v. 9. Noe vir justus appelletur*, S. Joannes Chrysostomus *homil. 23. (num. 5. pag. 212. tom. 4. oper.)* subjicit: *Hac appellatione (justi) omnem virtutem complectitur; hoc enim nomen justus consuevimus dicere de iis, qui omnigenam exercent virtutem: & D. Hieronimus ad Demetriadem addit, omnes virtutis species uno Justitiæ nomine contineri.* Ad Justitiâ hoc modo sumptam, quæ Justitiâ legalis appellatur, pertinet observatio omnium legum: & hinc oritur inter Philosophos, atque Theologos insignis controversia, an hæc Justitiâ legalis sit specialis aliqua virtus, & prorsus sejuncta a ceteris, an potius indistincta, & ex illarum omnium satellitio consurgens. Controversia hæc fuisse explicatur a Cardinali de Aguirre in *tract. de virtutibus, & vitiis disput. 10. quest. 4. sect. 1. & seqq.*, ubi juxta D. Thomam in *lib. 5. Ethic. lect. 2. & latius in 2. 2. quest. 58. art. 5. & 6. docet, Justitiâ legalem dupliciter accipi posse, primò videlicet pro virtute quadam speciali, quæ ex propria*

ratio-

344 DE SERVORUM DEI BEATIFICATIONE

ratione spectat bonum commune veluti objectum proprium, & in illud ordinat ceteras peculiares virtutes instar cujusdam causæ universalis; secundum autem accipi posse non pro causa universali intra genus virtutum, sed pro effectu, nimirum pro qualibet peculiari virtute imperata, seu ordinata a Justitia legali in bonum commune reipublicæ: quibus præsumptis, infert, Justitiam legalem, licet natura sua & essentia sit virtus peculiaris, & certæ cujusdam speciei, extensione tamen, sive imperio & ordinatione non esse nisi virtutem generalem. Nec enim per hoc, quod Justitia legalis, quæ est virtus universalis in efficiendo, imperet seu ordinet peculiares virtutes, Fortitudinem videlicet, aut Temperantiam, in bonum commune legibus præscriptum, mutatur natura Fortitudinis, vel Temperantiæ; sed solum iis additur expressus ordo ad bonum publicum civitatis, invariata illarum specie & essentia.

14 At, si Justitia stricte sumatur, eadem definitur: *Constans & perpetua voluntas jus suum unicuique tribuens*; quæ definitio sumpta est ex Ulpiano in l. *Justitia ff. de justitia, & jure*, eamque approbat, & explicat D. Thomas 2. 2. *quest. 58. art. 1. in corpore*, ubi docet, prædictam definitionem Justitiæ esse completam, si habitus loco actus substituatur: *Prædicta definitio est completa definitio Justitiæ, nisi quod actus ponitur pro habitu, qui per actum specificatur; habitus enim ad actum dicitur. Et, si quis vellet eam in debitam formam definitionis reducere, posset sic dicere, quod Justitia est habitus, secundum quem aliquis constanti & perpetua voluntate jus suum unicuique tribuit; & quasi est eadem definitio cum ea, quam Philosophus ponit in 5. Ethic. dicens, quod Justitia est habitus, secundum quem aliquis dicitur operativus secundum electionem justii.*

15 Juxta eundem S. Thomam *loc. cit. art. 2.* cum Justitiæ nomen significet æqualitatem, Justitia habet, ut sit ad alterum, cum nihil sit æquale sibi, sed alteri; ideoque virtus Justitiæ non modo ratione objecti distinguitur a virtutibus Fortitudinis, & Temperantiæ, cum Fortitudo versetur in ferendis doloribus, Temperantia in temperando a voluptatibus, non autem in constitutione æqualitatis inter duo distincta supposita; sed etiam quod Fortitudo, & Temperantia sunt virtutes hominis ad se ipsum, & Justitia est ad alterum ut a se distinctum.

16 Justitiæ partes dividuntur in subjectivas, & potentiales. Partes, quæ subjiciuntur Justitiæ tanquam species generi, retinent & participant veram ac formalem rationem Justitiæ particularis per duplicem respectum, vel totius ad partes, vel partium inter se, uti subtiliter explicat citatus D. Thomas 2. 2. *quest. 61. art. 1.* atque hinc fit, ut Justitia particularis alia dicatur commutativa, alia distributiva. Commutativa servat inter partes æqualitatem rei ad rem; distributiva servat æqualitatem proportionum, ut scilicet unicuique detur secundum sua merita, vel necessitatem: & de utraque Justitia distributiva, & commutativa loquitur Apostolus ad Rom. 13. v. 7. *Reddite ergo omnibus debita, cui tributum, tributum, cui*

cui vestigal, vestigal, cui timorem, timorem, cui honorem, honorem; Neminis quidquam debeatis.

17 Partes vero potentiales Iustitiæ recensentur a D. Thoma, & a Theologis, Religio scilicet, Pietas, Observantia, Obedientia, Gratitude, Vindicatio, Veritas, Amicitia, Affabilitas, & Liberalitas. Omnes enim hæ virtutes, cum inter duo versentur, & sint ad alterum, ad virtutem Iustitiæ referuntur, quamvis ex alio capite a propria ratione Iustitiæ deficient, cum aliquæ præsumant debitum, & propriè debitum, sed deficient a constitutione æqualitatis, aliæ constituent æquale, sed a propria ratione debiti deficient, uti consideranti patebit, & bene explicat citatus D. Thomas 2. 2. *quest.* 80. *art. unic.*, qui etiam *quest.* 122. *art. 6.* docet, præcepta Decalogi ad Iustitiam pertinere, cum prima tria sint de actibus Religio- nis, quartum de actibus Pietatis, & alia sex de actibus Iustitiæ communiter dicte, quæ inter æquales attenditur,

18 De Religione fuse agit D. Thomas 2. 2. *quest.* 81. *art. 1. & seqq.*, ubi docet, Religionem propriè significare ordinem ad Deum: quocirca Religio definitur virtus, quæ debitum cultum Deo tanquam primo rerum omnium principio exhibet. De Pietate agit idem S. Doctor 2. 2. *quest.* 101. *art. 1. & seqq.*: & quemadmodum Religio est quedam protestatio Fidei, Spei, & Charitatis, quibus homo primario ordinatur in Deum, ita etiam Pietas est quedam protestatio Charitatis, quam quis habet ad parentes, & patriam, De Observantia tractat pariter 2. 2. *quest.* 102. *art. 1. & seqq.*: Est autem Observantia virtus cultum deferens Superioribus, & aliis personis excellentibus, quæ homines gubernant, vel ad gubernandum sunt idoneæ. De Obedientia tractat idem Angelicus Præceptor 2. 2. *quest.* 104. *art. 1. & seqq.*: Est autem Obedientia virtus, qua exequimur actus a Superiore præceptos, quia præcepti sunt. Gratia, seu Gratitude virtus est, quæ beneficientibus gratiam rependit: & quia non quiddam debemus Deo, vel patri, vel persone dignitate præcellenti, debemus cuilibet, a quo aliquod beneficium recepimus, hinc est, quod post Religionem, qua debitum cultum Deo impendimus, & Pietatem, qua colimus parentes, & Observantiam, qua colimus personas dignitate præcellentes, subsequitur Gratitude, quæ gratiam beneficientibus rependit: uti dictum est, & bene explicat D. Thomas 2. 2. *quest.* 106. *art. 1.* Vindicatio specialis virtus est, & est inter partes Iustitiæ: potentiales, & pertinet ad Peccatorum emendationem, Iustitiæ conservationem, & Dei honorem: unde dicitur in 1. Petri cap. 2. v. 13. *Subiecti igitur estote omni humane creature propter Deum, sive Regi quasi præcellenti, sive Ducibus tanquam ab eo missis ad vindictam malefactorum.* Veritas est, qua aliquis & vita & sermone talem se demonstrat, qualis est; & non alia de se jactat, quam quæ sunt, nec maiora, nec minora. De ea legitur in Psal. 14. v. 2. *Qui ingreditur sine macula, & operatur Iustitiam, qui loquitur veritatem in corde suo, qui non egit dolum in lingua sua.* Amicitia, sive Affabilitas virtus est, quæ convenientiam ordinis ob-

Tom. III. X x servat:

346 DE SERVORUM DEI BEATIFICATIONE

servat : cum enim homo naturaliter sit animal sociale , cum oportet convenienter ad alios homines ordinari in communi conversatione tam factis , quam dictis , ut scilicet ad unumquemque se habeat , secundum quod de-
cet . Demum , cum juxta S. Augustinum in *lib. de libero arbitrio* ad virtutem pertineat bene uti his , quibus male uti possumus ; & possimus bene & male uti non solum iis , quæ intra nos sunt , puta potentiis & passionibus animæ , sed etiam iis , quæ extra nos sunt , rebus scilicet hujus mundi nobis concessis ad vitæ sustentationem , idque ad Liberalitatem pertineat ; hinc est , quod Liberalitas inter virtutes , & partes Justitiæ potenciales debet recenseri .

19 Desamuntur hæc omnia ex D. Thoma 2. 2. *quæst.* 108. *art.* 1. & *seqq.* *quæst.* 109. *art.* 1. & *seqq.* , & *quæst.* 117. *art.* 1. *pariter* , & *seqq.* , ubi etiam idem S. Doctor explicat , quomodo omnes istæ virtutes sint partes potenciales Justitiæ ; & hanc S. Thomæ doctrinam fuse illustrant Salmanticenses in *curf. Theolog. tom.* 3. in *arbore predicamentali* , sive *generali divisione omnium virtutum* §. 7. & plurib. *seqq.* , Maurus in *curfu Theolog. tom.* 2. *quæst.* 193. & sequuntur , quotquot de Canonizatione scripserunt , videlicet Scacchus *de not. & sign. sanctis. sect.* 4. *cap.* 2. Cardinalis de Lauræa in 3. *lib. sens. tom.* 2. *disput.* 32. *art.* 14. Matta *de Canoniz. SS. part.* 2. *cap.* 8. Mattheuecius in *præf. Theolog. Canon. tit.* 2. *cap.* 3. §. 2. Maderna in *curf. Theolog. tom.* 2. *præf.* 6. *art.* 8. Auditores Rotæ in relationibus causarum S. Andreæ Avellini *cap.* 8. Sanctorum Thomæ de Villanova , Ludovici Bertrandi , Pii V. , Paschalii de Baylon , Cajetani , Petri Regalati , & Mariæ Magdalene de Pazzis *tit. de Justitia* , & in relationibus causarum B. Hieronymi Emiliani , & Servi Dei Nicolai Factoris , eisdem pariter titulo .

20 Scite animadvertit Scacchus *de not. & sign. sanctis. sect.* 4. *cap.* 2. *pag.* 247 : in causis Servorum Dei inquirendum esse de Justitia , & partibus ejusdem , attenta tamen conditione & statu uniuscujusque , uti etiam in superioribus a Nobis adnotatum est : *Propterea in discutiendis Servorum Dei actis considerandum occurrit , qualiter se gesserint in observantia & in exercitio actionum Justitiæ tam commutativæ , quam distributivæ juxta statuta reipublicæ , in qua vixerunt ; ita tamen , ut nequaquam in quibuscumque Dei Servis omnes Justitiæ actus ad cujuscumque Justitiæ speciem requirantur (quosnam actus Justitiæ æsequi poteris Solitarius , qui ab hominum commercio secessit ?) sed ; attenta conditione & statu uniuscujusque Servi Dei , Justitiæ actus ab unoquoque illorum requirantur , qui statui & conditioni illius correspondere poterunt , sive subditus , sive Præsul extiterit ; de quo agitur , cui in primis distributivæ Justitiæ ratio cordi esse debet . Sequuntur Rotæ Auditores in relatione causæ S. Aloysii Gonzagæ *tit. de Justitia* , ubi sic locuti sunt : Postquam in Beato Aloysio Prudentiam eluxisse conclusimus , agemus de ejusdem Justitiæ secundum conditionem , quæ potuit in illo , habita ratione persone , status , & temporis , reperiri : & in relatione causæ Servi Dei Nicolai Factoris *tit. de Justitia* , cum agerent de Liberalitate , quæ est pars potentialis Justitiæ , hæc dixerunt : Cum egenis*
opes

opes & divitias impetiri, sibi non concesseris Religiosa pauperias, his saltem auxiliis, quibus a Charitate locupletabatur, Proximum semper adjuvit, & alioribus bonis ditabat animos. Ecquis enim est, qui grati animi virtutem in omnibus Dei Servis exquirere possit similem illi, qua præditus fuit S. Pius V. qui ad Pontificatum evectus se gratum & liberalem plurimis exhibuit ob levia quædam in eum collata munera, quorum ipsi fuerant oblitī? qui a Paulo IV. Purpura donatus, cadaver ejus humili loco jacens in ædem S. Mariæ supra Minervam maximâ pompa deferri jussit, atque in magnifico sepulcro recondi; qui Carasenses ejusdem Pauli IV. affines prostratos erexit, & gravissima Patrum sententia in pristinam dignitatem restituit, ejusdemque Pauli Familiæ, atque Administros partim redditibus auxit, partim hospitio excepit, partim sibi adesse & ministrare voluit; qui Joannem Hieronymum Albanum Comitem Bergomenssem egregium sacræ Inquisitionis defensorem, cujus beneficio mortem sibi ab Hæreticis paratam evaserat, Romam accitum Protonotarium Apostolicum constituit, Picensi præposuit, & inter Cardinales numeravit; qui aulam Regiam prætergrediens ipso die, quo possessionem Lateranensem basilicæ inierat, inter circumfusam multitudinem rusticum quemdam agnovit, a quo ante annos sexdecim tuguriolo exceptus fuerat, cum ad necem ab Hæreticis quæreretur, nihil hujusmodi cogitantem accersivit, & mille aureis ad duas filias in matrimonium collocandas, quingentisque ad proprios ipsius usus large donavit, ut ex Gabutio, & Catena, & ex Actis Canonizationis ipsius desumitur.

21 S. Bernardus *serm. in Octavam Epiphaniæ* (num. 4. col. 811. oper. vol. 1.) ita loquitur de virtute Justitiæ: *Est autem Justitia quadam stricta & angusta valde, ita ut, quam cito pedem verteris, in peccati foveam cadas, nec præponere se aequali, nec aquare præposito. Hujus definitio est, reddere unicuique, quod suum est. Altera latior, & amplior Justitia, nec aquare se pari, nec inferiori præponere: sicut enim grandis, & gravis est superbia præferre se aequali, aut aquare prelato, ita magna Humilitatis est inferiorem se exhibere aequali, aut aequali inferiori. Maxima, & plena Justitia est se inferiorem exhibere etiam ipsi inferiori: sicut enim summa & intolabilis superbia est superiori se præponere, ita, inferiori se supponere summa & plena Justitia est. Quod Joannes ait, Ego a te debeo baptizari; de prima fuit, quia superiori se subdidit. Quod autem Christus fecit, de plena Justitia fecit; siquidem ille servuli sui manibus se inclinavit. Sermo hic S. Bernardi respicit illud Christi ad Joannem Matth. 3. v. 15. Sine modo: sic enim docet nos implere omnem Justitiam. Et Sanctus ibi loquitur de Justitia, non stricte, sed large; in quo sensu ex supradictis sumitur pro quocumque actu virtutis, & sic etiam pro virtute Humilitatis, de qua infra. Prelius de Justitia loquitur S. Petrus Chrysologus *serm. 145. de Generatione Christi tom. 7. Bibliot. PP. pag. 956*, in illud Matthæi, Joseph autem vir ejus, cum esset justus &c. ubi bene conjungit Justitiam cum Pietate, quæ ex supradictis est pars potentialis ipsius: *Quomodo justus, qui conceptum sponsa duxit**

divit non discere? Suspecti non exquirunt causam pudoris, conjugii samam non vindicat, sed requirit. Voluit occulte dimittere eam. Hoc pio magis videtur convenire, quam iusto, sed humano iudicio, non Divino. Penes Deum neque Pietas sine Iustitia est, neque sine Pietate Iustitia. Celesti sensu sine bonitate aequitas, sine aequitate bonitas non habetur. Virtutes, si separate fuerint, dilabuntur. Aequitas sine bonitate sevitia est, & Iustitia sine Pietate crudelitas. Ioseph ergo merito iustus, quia pius; & pius, quia iustus. Denique, dum pietatem cogitat, crudelitatem caruit, dum causam temperat, iudicium custodivit, dum vindictam differt, crimen evasit, dum refugit accusatorem, fugit sententiam.

22 Adduntur nonnulla alia, quæ pertinent ad partes potentiales Iustitiæ. De insigni virtute Religionis Sanctæ Paulæ, dum loca sancta inviseret, testis est insignis S. Hieronymus in ejus epitaphio ad Eustochium, (num. 10. col. 692. loc. cit.): *Bethleem ingressa, & in specum Salvatoris introiens, postquam vidit sacrum Virginis diversorium, & stabulum, in quo agnovit bos possessorem suum, & asinus præsepe Domini sui &c. me audiente, jurabas, cernere se oculis Fidei Infantem pannis involutum, vagientem in præsepi Dominum, Magos adorantes, Stellam fulgentem desuper, Matrem Virginem, Nutricium sedulum, Pastores nocte venientes, ut viderent Verbum, quod factum erat &c. mixtisque gaudii lacrymis loquebatur: Salve, Bethleem, domus panis, in qua natus est ille panis, qui de celo descendit &c. Et ego misera, atque peccatrix digna sum iudicata deseculari præsepe, in quo Dominus parvulus vagitus, orare in spelunca, in qua Virgo puerpera Dominum fudit infantem? Hec requies mea, quia Domini mei parva est; hic habitabo, quoniam Salvator elegit eam.*

23 De ejusdem S. Paulæ Obedientia, quæ etiam ex dictis pars est potentialis Iustitiæ, ita prosequitur S. Hieronymus loc. cit. num. 14. col. 698. *Occurrente sibi sancto, & venerabili Episcopo (Alexandriæ) Isidoro Confessore, & turbis innumerabilibus Monachorum, ex quibus multos Sacerdotales, & Leviticus sublimabat gradus, letabatur quidem ad gloriam Domini, sed se indignam tanto honore futebatur. Quid ego narrem Macarios, Arsenios, Serapionas, & reliqua columbarum Christi nomina? Cujus non intravit cellulam? Quorum pedibus non adveluta est? Per singulos Sanctos Christum se videre credebatur, & quidquid in illos consulerat, in Dominum se contulisse, letabatur.*

24 Obedientia pariter ex dictis pars est potentialis Iustitiæ: heroicam autem Abrahæ Patriarchæ Obedientiam miris laudibus prosequitur S. Zeno Veronensis Episcopus & Martyr serm. 1. de Abraham pag. 10. *Unicus ille filius solliciti Senis adhuc parvulus, cui pietas, & miseratio major debetur, postulari ad victimam, cui si per humanam fragilitatem aliqua in corpore infirmitas nasceretur, aut humanus exitus contingeret, vix in ejus casibus pater vivere potuisset, si annis teneris moreretur. Hic igitur infans, e cujus vita paternus affectus, & maternus pendebat, ad explorationem Fidei sue Divina voce postulatur ad victimam. Volo (dixit Deus) mihi fieri sacrificium Abraham tuis manibus in monte de Filio tuo: hac mihi victima placet, hoc me sanguine deprecaberis, iste meus Sacris debetur. Vade immolari, jam jubeo. Non contristat frontem*

tem devotissimus Abraham, nec dolor patri lacrymas persuasit, sed exultat & gaudet. Nec timuit, ne parricidium ei imputaretur, sed magis, ut devotioni pareretur, laxabatur, hoc iussisse Deum. De filio hostia parabatur festina ... Ascenditur in montem, omni mysterio, sacrificioque disposito. Ductus filius gaudens, gaudente patre, patris dextera feriendus &c. O Fratres, secuta devotio! O pater spiritum captans, corpus vero, mortemque contemnens! O qui, servum Domini ita se esse, meminerat, ut, patrem se esse, nescires! Quamque Deo sit accepta virtus Obedientiae, legitur in vita S. Desithei Monachi appositae sermonibus S. Dorothei pag. 139. : Non multis post Beati Desithei obitum diebus quidam sanctus, ac magnus Senex ... videre cupiebat Sanctos, qui in eo comobio vita defuncti erant & dormierant. Rogavit itaque Deum, ut id, quod petierat, manifestare illi dignaretur, & vidit veluti in choro illos astantes omnes, inter quos etiam vidit & juvenem quemdam astantem, & ait: Quisnam, obsecro, erat juvenis ille, quem inter ceteros Patres sanctos astantem vidi? Cumque formae illius signa, & characteres accurate descripsisset, agnovērunt omnes, Desitheim fuisse, & Deum glorificaverunt admirantes, de qua vita conversatione, de quo primo statu, & ratione vivendi ad quanta praeia, qualemcumque mensuram tam brevi tempore pro sola duntaxat Obedientia indiscussa observatione, & abnegatione propria voluntatis pervenire promerueris.

25 Veritatem denique, & liberalitatem cum D. Thoma partibus Iustitiae potentialibus adscripsimus. Porro S. Maximus Episcopus Taurinensis serm. 6. de Sancto Cypriano in anecdotis Muratorii tom. 4. pag. 69. sic laetur de ejus veracitate: Fuit in eo cordis, ac lingua simplex consensus, a quo indivisa societas. Nam quidquid ori ejus cordis ipsius spiritus intulisset, hoc cunctis audientibus sancta ejus lingua dictabat, ut ait Salvator, Bonus homo de bono thesauro cordis sui profert bona &c. Terribilis nimirum erat Cypriani lingua, qua & integritatem pectoris ejus, & illa omnipotentis Dei tremenda iudicia peccantibus ingerebat; qui se ita totum sancto in sermone fundebat, ut nihil penitus in secreto sui pectoris relinqueret, quod lateret. Celeberrima est etiam S. Paulini Nolani Episcopi liberalitas apud Patres. De ea inquit S. Ambrosius epist. 58. (col. 1013. oper. tom. 2.) ad Sabinum: Paulinum splendore generis in partibus Aquitania nulli secundum, venditis facultatibus tam suis, quam etiam conjugalibus, in hos sese induisse cultus ad fidem comperi, ut ea in pauperes conferat, qua redegit in pecuniam, & ipse pauper ex divite factus, tanquam deemeratus gravi sarcina; domui, patriae, cognationi quoque valedicat, quo impensus Deo serviat. Concordat S. Augustinus lib. 1. de civit. Dei cap. 10. Paulinus noster Nolenis Episcopus, ex opulentissimo divite, voluntate pauperissimus, & copiosissime sanctus. . . . ibi enim habebat omnia sua, ubi eum condere, & thesaurizare ille (scilicet Christus) monstraverat. Praeclare quoque S. Hieronymus epist. 118. ad Julianum (num. 5. col. 790. oper. tom. 1.) ait: Nec est, quod excuset nobilitatem, & divitiarum pondera. Respice sanctum virum Pammachium, & ferventissimam Fidei Paulinum Presbyterum, qui non solum divitias, sed se ipsos Domino obulerunt &c. Nobilis es; & illi, sed in Christo nobiliores. Dives,

Dives, & honoratus; & illi, immo ex divitibus. & honoratis pauperes & inglorii, & idcirco ditiores, & magis incliti, quia pro Christo pauperes, & inhonorati. In vita autem S. Antonii hæc de eo refert S. Athanasius (pag. 796. part. 2. tom. 1. oper.): Contigitque (quando scilicet ecclesiam ingressus est), ut tum Evangelium legeretur, & audiret Dominum diviti illi dixisse: Si vis perfectus esse, vade, vende omnia quæ habes, & da pauperibus, & veni sequere me: & habebis thesaurum in cælis. Antonius porro, quasi divinitus immissa sibi esset Sanctorum memoria, & quasi sui causa læta illa fuissent, egressus quamprimum ex Dominico, quas a majoribus habuit possessiones (erant autem illi arva trecenta fertiles, & perquam amœna) vicinis dono dedit, ne sibi, sororivque molestiam afferrent. Mobilibus vero omnibus venditis, multam hinc collectam pecuniam pauperibus distribuit, paucis solum sororis causa reservatis. Rursus in Dominicum ingressus, audiret Dominum in Evangelio dicere: Nolite solliciti esse in crastinum. Nec ultra illic remanere sustinens, egressus, illa quoque tenuioribus largitus est. Sorore vero virginibus notis sibi, atque fidelibus commendata, atque ad parthenonem tradita, ut illic educaretur, ipse auge domum suam ascetica vita deinceps operam dedit.

26 Alia ex sacro Textu actuum heroicorum Justitiæ, & annexarum virtutum exempla legi possunt apud Cardinalem de Laurea loc. cit. In hujus autem Operis decursu se offeret occasio plura narrandi ex Actis Canonizationum desumpta ad Justitiam, & ad annexas virtutes spectantia: intereque adnotare sufficiet, heroicos esse illos actus Justitiæ, qui ad eam, aut ad virtutes illi annexas pertinent, si prompte, facile, & cum delectatione exercentur, & præsertim in materia ardua, veluti late ostendunt Cardinalis de Laurea, Maderna, & Matthæuccius locis supra indicatis.

§. III.

De virtute Fortitudinis, ejus partibus, & heroicitate.

27 **P**OST Justitiam agendum est de Christiana Fortitudine, de qua S. Gregorius lib. 7. moral. (cap. 21. col. 221. oper. tom. 1.): Alia justorum, atque alia est Fortitudo reproborum. Justorum quippe Fortitudo est carnem vincere, propriis voluntatibus contraire, delectationem vitæ præsentis extinguere, hujus mundi aspera pro æternis præmiis amare, prosperitatis blandimenta contemnere, adversitatis metum in corde superare. Reproborum vero Fortitudo est transitoria sine cessatione diligere, contra flagella Conditoris insensibiliter perdurare, ab amore rerum temporalium, nec ex adversitate quiescere, ad inanem gloriam, etiam cum vitæ detrimento, pervenire, malitiæ augmenta exquirere, bonorum vitam non solum verbis, ac moribus, sed etiam gladiis impugnare, in semetipsum spem ponere, iniquitatem quotidie sine ullo desiderio defectu perpetrare.

28 Porro Fortitudo quoque Christiana duplici significatione sumi potest, large videlicet, & stricte. Si large sumatur, complectitur omnes virtutes

virtutes; ideoque S. Prosper lib. 3. de vita contempl. cap. 20. pag. 92. inquit: *Animi Fortitudo ea debet intelligi, qua non solum diversis pulsata molestis inconcussa permaneat, sed etiam nullis voluptatum illecebris resoluta succumbat.* Sed, si stricte sumatur, Fortitudo definiri poterit *Habitus*, seu virtus firmans animum ad agendum, vel patiendum ea, quæ recte rationi sunt consentanea. De Fortitudine stricte sumpta, & prout est virtus specialis, fufe tractat D. Thomas 2. 2. *quest.* 123. ubi *art.* 1. postquam docuit, virtutem hominis esse, quæ facit bonum hominem, & opus ejus bonum reddit, dicit, id tripliciter contingere posse; uno modo, secundum quod ipsa ratio sanctificatur, quod fit per virtutes intellectuales; alio modo, secundum quod rectitudo rationis in rebus humanis instituitur, quod pertinet ad *adjusticiam*; tertio modo, secundum quod tolluntur impedimenta hujus rectitudinis in rebus humanis ponende: & quia voluntas humana dupliciter impeditur, ne rectitudinem rationis sequatur, vel ab aliqua re jucunda, vel ab aliqua alia re difficili, concludit, sublationem primi impedimenti ad virtutem Temperantiæ, secundi pertinere ad virtutem Fortitudinis.

29 Idem S. Doctor *art.* 2. postquam præmisit, nomen Fortitudinis dupliciter accipi posse, uno modo, secundum quod absolute significat quandam animi firmitatem, & alio modo, secundum quod significat firmitatem tantum in sustinendis, & repellendis iis, in quibus maxime difficile est firmitatem habere; ait, Fortitudinem primo modo sumptam esse conditionem cujuslibet virtutis, secundo autem modo acceptam esse specialem virtutem: tum ad ulteriora progrediens in explicando proprietates hujus virtutis, *art.* 3. probat, Fortitudinem esse circa timores, & audacias, cohibendo videlicet timores, & audacias moderando, & *art.* 4. eam versari circa timores periculorum mortis, cum maxime terribile inter omnia mala corporalia sit mors, quæ tollit omnia corporalia bona, quod non solum *art.* 5. ostendit procedere de periculis mortis, quæ sunt in bello, sed etiam de periculis cujuscumque alterius mortis: denique *art.* 6. proposita questione, *Utrum sustinere sit principalis actus Fortitudinis*, ait, difficilius esse timorem reprimere, quam audaciam moderari; & sic principalior actum Fortitudinis esse sustinere, id est immobiliter consistere, quam aggredi.

30 Juxta doctrinam ejusdem S. Doctoris 2. 2. *quest.* 128. *art.* unico nullæ sunt partes subjectivæ Fortitudinis, prout est particularis virtus. Integrales tamen non desunt: *Fiducia* videlicet, ut scilicet aliquis promptum habeat animum ad aggrediendum; *Magnificencia*, quæ pertinet ad operis executionem, ne scilicet aliquis deficiat in executione illorum, quæ cum fiducia inchoavit; *Patientia*, per quam animus non frangitur tristitia, nec a sua decedit magnitudine; & denum *Perserverantia*, hoc est continuatio boni operis usque ad finem. Si enim hæc coarctentur ad propriam materiam Fortitudinis, hoc est ad pericula mortis, ab Angelico Præceptore dicuntur partes integrales Fortitudinis; sed, si referantur ad aliquas alias

alias materias, in quibus minus periculi sit, erunt virtutes distinctæ a Fortitudine secundum speciem suam, licet ei adjungantur, sicut secundarium principali.

31 Doctrinam D. Thomæ illustrat Rosignolius in suo sæpe citato tractatu de actionibus virtutis lib. 2. cap. 11, in cujus initio, postquam exposuit, apud Philosophos Fortitudinis nomen & laudem tribui bellicæ Fortitudini, ait pag. 296. : *Majorem item campum Fortitudini bellica dat Christiana religio, quam forte Philosophia: nec enim, si rem suo pondere examinemus, Fortitudo bellica in angustias unius publici belli compellenda est. Est, aut esse potest unicuique suum bellum, imminet Christiano quilibet, ac pio viro suum ab Fidei Christiana. & virtutis hoste periculum: in acie nobis standum est, & si gladio non petendus hostis, sustinendus certe ejus impetus; discrimen capitis subeundum pro Fide, proque virtute. Cum res postulat, vita, sanguisque fundendus &c. Sed adhuc latius patet Fortitudo Christiana; monit enim, & corroborat hominem adversus quacunque alia vita discrimina. Late id ipsum Rotæ Auditores in relatione causæ S. Mariæ Magdalensæ de Pazzis tit. de Fortitudine. En eorum verba; Prudentia, & Justitia Fortitudinem subdere, opera præstium est; quæ, cum importet animi firmitatem, in duplicem actum dividitur, in aggrediendo scilicet, & sustinendo. Ad primum actum duo requiruntur, quorum alterum pertinet ad animi preparationem; & quoad hoc ponitur Fiducia: alterum pertinet ad operis executionem, ne scilicet aliquis deficiat in executione illorum, quæ fiducialiter incipit; & quoad hoc subnectitur Magnificentia. Hæc duo, si ad propriam materiam Fortitudinis coarctentur, scilicet ad pericula mortis, erunt quasi partes integrales ipsius, sine quibus Fortitudo esse non potest. Ad alium actum Fortitudinis, qui est sustinere, duo requiruntur, quorum primum est, ne difficultate imminuentium malorum animus frangatur per tristitiam, & decedat a sua magnitudine; & quantum ad hoc ponitur Patientia. Aliud est, ut ex diuturna difficultatum passione homo non fatigetur usque ad hoc, ut desistat; & quantum ad hoc ponitur Perseverantia. Quatuor igitur sunt partes Fortitudinis integrales, nimirum quoad actum aggrediendi Fiducia, & Magnificentia, quoad actum sustinendi Patientia, & Perseverantia. Hoc ipsum iidem Rotæ Auditores prosecuti sunt etiam in relatione causæ Servi Dei Nicolai Factor tit. de Fortitudine, & in relatione S. Thomæ de Villanova, eod. tit. post tractatum Conteloxii de Canonizatis Sanctorum: quibus adhererunt quotquot scripserunt de Canonizatione Sanctorum, Scacchus videlicet de nos. & sign. sanctis, sect. 4. cap. 3. Cardinalis de Lauræa in 3. lib. sent. tom. 2. disp. 32. art. 15., Maderna in cursu Theolog. tom. 2. quest. 3. art. 9., Matthæucci in practica Theologo-Canon. tit. 2. cap. 3. §. 3.*

32 Actus Christianæ Fortitudinis, ut est communis virtus, sunt aggredi ardua juxta rectam rationem ob finem supernaturalem in omni materia sive præcepti, sive consilii. Heroicæ autem Fortitudinis actus erunt prædicta omnia aggredi prompto, faciliter, jucunde, etiam cum omnium bonorum, & vitæ periculo. Rursus Fortitudinis Christianæ communis actus

actus sunt patienter mala sufferre propter Deum, calamitates, & dolores. Heroicæ autem Christianæ Fortitudinis actus sunt ea, & similia, immo acerbiora, & mortem ipsam, quatenus opus sit, prompte & hilariter ferre, & propter Deum tolerare, uti concludunt citati Auctores. Porro præter Fortitudinem, quæ virtus est, datur etiam Fortitudo, quæ est donum speciale Spiritus Sancti, quod consolidat firmitatem, & depellit trepidationem naturæ, ita ut fortis absque ullo timore, immo cum lætitia mortem ipsam subeat; quæ sorte præstare non posset sola virtus Fortitudinis, quæ, licet inclinet ad superandum opus difficile, sola tamen virium imbecillitatem solidare nequit, juxta doctrinam D. Thomæ in 3. dist. 34. quest. 3. art. 1. quæstiunc. 1. ad tertium, ubi sic ait: *Virtus Fortitudinis est circa difficultissima secundum genus, non tamen secundum comparisonem ad operantem, quia non excedunt vires ejus; sed Fortitudo donum etiam est circa illa, quæ excedunt humanam facultatem.* Maderna loc. cit. contendit, virtutem heroicam Fortitudinis ut plurimum habere annexum Fortitudinis donum, sed posse dari heroicam Fortitudinem absque prædicto dono; at Cardinalis de Laurea loc. cit. probabilius id negat, inherendo principiis generalibus alibi expositis de virtute heroica.

33 Egregia Christianæ Fortitudinis, & heroica facinora a Nobis in superioribus relata sunt, cum de Martyrio agebamus. S. Leo Papa in sermone 83. de S. Laurentio Mart. cap. 2. ita scribit: *Quam gloriosa pollesce dignitate, etiam Persecutores ipsius sentire potuerunt, cum illa mirabilis animi Fortitudo de Christi principaliter amore concepta non solum ipsa non cederet, sed etiam alios exemplo sua tolerantia roboraret.* Sanctus autem Augustinus serm. 276. (cap. 2. col. 1112. oper. tom. 5.) de S. Vincentio Martyre ita loquitur: *Tanta grassabatur crudelitas in Martyris corpore, & tanta tranquillitas proferebatur in voce, tantaque pocnarum asperitas sæviebat in membris... ut miro modo putaremus, Vincentio patiente, alium non loquentem torqueri.* Si sermo hic habendus esset de Martyribus, multa alia Fortitudinis ipsorum monumenta hauriri possent ex S. Ambrosio lib. 1. de Virginibus (cap. 6. col. 148. oper. tom. 2.) ubi loquitur de S. Agnete; ex S. Basilio homil. in Gordium Martyrem pag. 141., & humil. de Barlaam Martyre (pag. 138. oper. tom. 2.); ex B. Petro Damiani serm. 17. qui est primus de S. Vitali Martyre, & serm. 31. qui est secundus de S. Apollinari Episcopo & Martyre (tom. 2. oper.); atque ex sexcentis aliis, qui de eximia Fortitudine Martyrum loquuntur. At, quoniam nunc de Confessoribus tractatur, exempla Fortitudinis eorum infra narrabuntur, cum de ærumnis, & tribulationibus Dei Servorum loquemur. Ibi quippe memorabuntur aegritudines, luctus, infamia, dolores ex patria, propinquis, amicis, & alia similia, quæ omnia Fortitudo præstitit, ut constanter superarentur: itemque sermo fiet de Sancto Job, de quo sic ait S. Ambrosius lib. 1. officior. cap. 39. (num. 204. col. 52. oper. tom. 2.): *Quid horum Sancto Job vel in virtute defuit, vel in vitio obrepfit? Quomodo laborem aegritudinis, frigoris, famis pertulit? Quomodo despectus salutis*

periculum? Numquid rapinis divitiae concervatae, de quibus tanta in opibus affluebat? Numquid avaritiam census, aut voluptatis studia, cupiditatemque excitavit? Numquid trium Regum injuriosa contentio, vel servorum consuetudine in iram excussit? *Etc.* Quis igitur tam fortis, quam Sanctus Iob? Interim hic nonnulla exponentur de Patientia, & de Perseverantia Confessorum, quae ex dictis sunt partes integrales Fortitudinis, & alia nonnulla ad Fortitudinem pertinentia juxta morem ex Actis desumentur praeitarum Canonizationum.

34 S. Gregorius *dialog. lib. 4. cap. 15.* (col. 396. *oper. tom. 2.*) loquens de transitu Romulae Ancillae Dei sic fatur: Romula ea, quam Graeco vocabulo Medici Paralyfim vocans, molestia corporali percussa est, multisque annis in lectulo decubans pane omni jacebat membrorum officio destituta: nec tamen hac eadem ejus mentem ad impatientiam flagella perduxerant; nam ipsa ei detrimenta membrorum facta fuerant incrementa virtutum, quia tanto sollicitius ad usum orationis excreverat, quanto & aliud quodlibet agere nequaquam valebat. S. Hieronymus in epistola. Paula ad Eustoch. (num. 1. col. 685. *oper. tom. 1.*) invidiam ejus inter dolores Patientiam commendat: Inter doloris aculeos, quos mira Patientia sustinebat, quasi apertos sibi calos aspiceret, loquebatur: Quis dabit mihi pennas sicut columba, & volabo, & requiescam? Egregium factum S. Romualdi invidiam ejus Patientiam comprobans refertur a B. Petro Damiani in ejus vita (cap. 4. *oper. tom. 2.*): Rudis, & nullatenus ordine vita singularis instructus (loquitur de Marino) plerumque de cella exiens una cum Discipulo passim per latitudinem eremi, psallendo, spatibatur, nunc sub ista arbore vicenos, nunc sub illa tricenos, vel quadragenas concinens Psalmos. Romualdus autem, quia saeculum idiota reliquerat, aperto Psalterio, vix suorum versuum notas syllabarum explicare valebat. . . . Marinus vero virgam in dextera gerebat, Romualdo e diverso sedenti sinistram capitis partem sepiissime verberabat. Post multa autem Romualdus gravi admodum necessitate compulsus, humiliter ait: Magister, si placet, a dextero me deinceps tempore percutere, quia jam laeva auris auditum funditus perdo. Tunc ille tantam ejus patientiam admiratus, indiffereta severitatis temperas disciplinam. Et in eadem vita cap. 49. falsam exponens accusationem de pessimo crimine adversus eum oppositam a Pseudodiscipulo, inquit: Max itaque discipuli omnes adversus eum irati, omnes infesti, alii clamant, Senem impium laqueo debere suspendi, alii dignum judicans eum ipsa cellula ignibus concremari. Quod utique valde mirabile fuit, praesertim spirituales viros ex decrepita Senae, & ultra quam centenario tam nefarium scelus credere potuisse, cui etiam si voluntas adesset, natura tamen, & frigidus sanguis, & ariditas attenuati corporis hic penitus denegaret. Sed credendum est procul dubio, ad augendum Sancti viri meritum hoc sibi tam gravis adversitatis calidis accidisse flagellum. Nam & ipse assererat, hoc in eremo, unde nuper abcesserat, varaciter agnovisse, & ad hoc debonestatis improprium subeundum alacriter advenisse.

35 Perseverantiam laudat S. Bernardus *epist. 129.* (num. 2. col. 139. vol. 1.

vol. 1. oper.) : *Et nunc quid restat, carissimi, nisi, ut admonamini de Perseverantia, quæ sola meretur vitæ gloriam, coronam virtutibus? Prorsus absque Perseverantia nec qui pugnât, victoriam, nec palmam victor consequitur. Vigor virum, virtutum confirmatio est; nutrix ad meritum, mediatrix ad premium; seror est Patientia, constantia filia, amica pacis, amicitiarum nodus, unanimi-
tatis vinculum, propugnaculum sanctitatis. Tolle Perseverantiam, nec obsequium mercedem habet, nec beneficium gratiam, nec laudem Fortitudo. De S. Paulæ Perseverantia loquitur S. Hieronymus in cit. epitaph. ad Eustoch. (col. 718.) : Mater tua audiuit cum Abraham, Exi de terra tua, & de cognatione tua, & veni in terram, quam ostendam tibi; & per Jeremiam Dominum precipientem: Fugite de medio Babylonis, & salvate animas vestras, & usque ad diem mortis sue non est reversa in Chaldaeam, nec ollas Egypti, & virulentias carnum desideravit, sed choris comitata virginis civis est Salvatoris effecta. Et in vita S. Hilarionis (tom. 2. oper. col. 17.) post narratam miram ejus abstinenciam, & vitæ austeritatem, subdit nam. 11. : Incredibili fervore mensis, ut eo tempore quasi novus ascenderet ad servitutem Domini, quo ceteri solent remissius vivere. Tandem S. Athanasius in vita S. Antonii Abbatis (num. 93. pag. 864. oper. tom. 1. part. 2.) ait de ejus heroica Perseverantia: Sed ex iis asstimat, cujusmodi fuerit homo Dei Antonius, qui ab adolescentia ad tam grandem ætatem, æquali servato ad asceticam studio: nec ob senectutem, lautioris cibi desiderio victus, nec ob corporis infirmitatem mutata habitus forma, nec ablatus aqua pedibus: nihilominus omnino incolumis perduravit. Illas quippe oculos, atque integros habuit, ita ut recte videret: demumque illi ne unus quidem excidit, solummodo prope gingivas attriti erant ob grandem senis ætatem. Pedibus autem manibusque sanus omnino permansit: & sane omnibus, qui variis cibis, lotionibus, variisque vestibus uterentur, vegetior apparebat, atque omnino robustior.*

36 Cetera succedunt ad materiam virtutis Fortitudinis referenda, quæ ex Actis præteritarum Canonizationum desumuntur. In relatione itaque causæ S. Francisci Xaverii tit. de insigni Fortitudine, narrantur ejus labores in peregrinationibus, & navigationibus, quas pro Dei amore, & animarum salute suscepit ab anno 1541. quo in Indiam navigavit, usque ad annum 1552. quo diem clausit extremum: narratur, quomodo, maximis superatis difficultatibus, Japoniam attigerit, quam ardua & aspera non solum alacriter aggressus sit, sed etiam constantissime, diuturnis & gravissimis laboribus exantlatis; animi hilaritate, impavido vigore, perpetua in Deum fiducia, etiam in extremis & certissimis vitæ periculis superaverit. In relatione S. Pil V. eod. tit. de Fortitudine signanter de ejus Perseverantia, quæ pars est Fortitudinis, hæc habentur: *Hanc Pius usque ad mortem unico vitæ tenore ostendit in arduis operibus ad Christi gloriam, & Christianorum utilitatem exercendis, in quibus vitam in apertum discrimen sæpius exponere non est veritus.* In relatione S. Joannis de Deo tit. de quatuor virtutibus Cardinalibus inter cetera pro ostendenda Fortitudine heroica exponitur, quo-

modo propter Dei amorem plurimas calamitates & angustias impavido pectore subiverit, cum diu noctuque, licet frigoris, calorifve urgentur molestiæ, denudatis capite, pedibus, & tibiis huc illuc perrexerit, elemosynas pro pauperibus perquisiverit, eisdemque humeris exceptos in valetudinarium intulerit, excitatoque incendio Granatæ in Regio pauperum valetudinario, sese in ignem conjecerit, ut infirmos e flammis eriperet. In relatione S. Jacobi de Marchia refertur, eum tumultuosis & seditiosis seditiosis ultro se objecisse pro Christo, & instantis mortis periculis nequaquam perterritum, Euangelium Barbaris prædicavisse. In relatione S. Cajetani *tit. de Fortitudine*, dicitur & comprobatur, illum in Urbis direptione sub Clemente Papa VII., cum, assumptis sociis, se in collem Pincium recepisset, & miles, qui eidem, cum secularis esset, infervierat, pecuniam & aurum postulasset, ipseque respondisset, se seculari statu divitem fuisse, sed ante quatuor annos inopem pro Christo evasisse, milesque & ceteri commilitones ex hoc indignati, cum variis affectum cruciatibus crudelissima tandem barbarie injecto in pudenda fure elevaverint; illum, inquam, tormentum hoc mira animi, corporisque constantia ac fortitudinis libenter pro Christi amore sustinuisse; & rursus, Barbaris magno impetu eum subinde adorantibus, dum inter Romanæ urbis ejulatus & querelas in sua ecclesia decenter ornata, prout temporum calamitas & angustia patiebatur, coram sanctissimo Eucharistiæ sacramento prostratus orabat, teterrimis carceribus inclusum mira animi constantia in ipsorum militum animos religionis spiritum insinuare conatum esse, sed atque animo vinculis circumdatum se gessisse, perinde ac si proprium collegium habitaret; ita ut, cum unus ex Ducibus ipsam una cum locis Divina Officia recitantem observasset, animique tranquillitatem esset admiratus, quæ nec in proprio Choro magis frui potuisset, non siverit, ipsum amplius sub custodia servari, sed liberum dimiserit. Denique, ut exemplis virtutis Fortitudinis finis imponatur, præter illa alio in loco referenda, satis erit lectorem remittere ad ceteras eorumdem Roræ Auditorum relationes editas in causis SS. Ignatii, Philippi Neri, Ludovici Bertrandi, Petri de Alcantara, Aloyii Gonzagæ.

§. I V.

De virtute Temperantiæ, ejus partibus, & heroicitate.

37 **U**ltimus locus inter virtutes Cardinales, seu morales datur virtuti Temperantiæ. S. Ambrosius *lib. unic. de virginis. cap. 18. num. 114. col. 241. oper. tom. 2.* hæc habet de Temperantiæ Christiana Charitati innixa: *Sacrata vinculo Charitatis, mysteriorumque contemplatione celestium negligit corporis voluptates.* S. Augustinus *de morib. Eccles. (cap. 19. col. 700. oper. tom. 1.)*: *Magnus enim ejus (Temperantiæ) est in coercendis, sedandisque cupidi-*

cupiditatibus, quibus inhiamus in ea, quæ nos avertunt a legibus Dei, & a fructu bonitatis ejus: & rursus (lib. 1. de liber. arbit. cap. 13. col. 580. loc. cit.): Temperantia est affectio coercens, & cohibens appetitum ab iis rebus, quæ turpiter appetuntur. Eandem virtutem Temperantiæ sic describit S. Prosper, seu quivis alius Auctor (lib. 3. de vita contemplativa cap. 19. pag. 92.): Temperantia temperantem facit, abstinenter, parcum, sobrium, moderatum, pudicum, taciturnum, serium, verecundum: Hac virtus si in animo habitat, libidines frenat, affectus temperat, desideria sancta multiplicat, vitiosa castigat, omnia intra nos confusa ordinat, ordinata corroborat, cogitationes pravæ removet, in feris sanctas, ignem libidinosæ voluptatis extinguit, animi teporem desiderio futura remunerationis accendit, mentem placida tranquillitate componit, & totam semper ab omni vitiorum tempestate defendit.

38 De Temperantia agit D. Thomas 2. 2. quæst. 141. ubi art. 1. probat, Temperantiam esse virtutem, cum maxime inclinet ad id, quod est secundum rationem: art. 2. ostendit, esse specialem virtutem; licet enim unicuique virtuti morali competat rationem ponere in humanis operationibus & passionibus, cum tamen Temperantia refrenet appetitum ab iis, quæ maxime hominem alliciunt, specialis est virtus, cum specialem habeat materiam: art. 3. proposita quæstione, *Utrum Temperantia sit solum circa concupiscentias & delectationes*, ait, sicuti virtus Fortitudinis, de cujus ratione est firmitatem præstare, præcipue versatur circa passionem pertinentem ad fugam corporalium malorum, scilicet circa timorem, & ex consequenti circa audaciam, quæ aggreditur terribilia sub spe alicujus Boni; ita etiam Temperantiam, quæ quandam moderationem importat, præcipue versari circa passiones tendentes in Bona sensibilia, scilicet circa concupiscentiam & delectationem, & ex consequenti circa tristitiam, quæ oritur ex absentia talium delectationum. Quia vero naturales operationes, quibus natura individui per cibum & potum, & natura speciei per conjunctionem maris & feminæ conservantur, & earum delectationes consequuntur sensum tactus, & circa utrumque usum nonnulla sunt; quæ eum faciunt delectabiliorem, sicuti pulchritudo; & ornatus feminæ; & sapor delectabilis in cibo, & etiam odor; hinc infert S. Doctor art. 4. Temperantiam esse circa delectationes ciborum & potuum, & circa delectationes venereas, ideoque præcipue circa delectationes tactus, & secundario circa delectationes gustus, vel olfactus, vel visus, & magis circa gustum, quam circa alios sensus, cum gustus tactui propinquior sit ceteris sensibus. Ad ulteriùra progreditur idem S. Doctor: Quocirca art. 6. scribit, Temperantiam accipere necessitatem hujus vitæ sicut regulam delectabilem, quibus utitur, ut scilicet tantum eis utatur, quantum necessitas hujus vitæ requirit; & art. 7. statuit, Temperantiam esse virtutem principalem, seu Cardinalem, cum delectationes tactus sint nobis magis naturales, & ideo sit difficilius ab eis abstinere, & earum concupiscentias refrenare; & art. 8. Temperantiam, utpote moderantem solum concupiscentias

cupiscentias & delectationes eorum, quæ pertinent ad ipsum hominem, esse virtutem minus excellentem Iustitia, & Fortitudine, cum Iustitia, & Fortitudo pertineant ad Bonum multitudinis, & esse pariter minus excellentem Prudentia, & virtutibus Theologicis.

39 Partes integrales Temperantiæ dicuntur perfectiones quædam, quæ comitantur actum Temperantiæ tam intrinsecus, quam extrinsecus, ita ut talis actus omnino perfectus ab habitu prodeat Temperantiæ: quocirca hujus virtutis partes integrales sunt *Honestas*, & *Verecundia*. Partes subjectivæ sunt virtutes, quæ ad Temperantiam tanquam ad genus suum referuntur; & sunt *Abstinencia*, *Sobrietas*, *Castitas*, quæ etiam *Pudicitia*, & *Virginitas* appellatur. Partes potentiales sunt nonnullæ aliæ virtutes, quæ ex aliquo capite affines sunt Temperantiæ, & ex alio capite a vera Temperantiæ ratione deficiunt: occupantur enim hæ virtutes in cohibendis quibusdam appetitionibus circa quædam delectabilia, non quidem adeo vehementis delectationis, quemadmodum sunt delectabilia tactus, aut gustus: & octo quidem sunt, quæ inter partes potentiales recensentur, nempe *Continentia*, *Mansuetudo*, *Clementia*, *Modestia*, *Humilitas*, *Studiositas*, *Enraptia*, & *Simplicitas*. Legi potest D. Thomas 2. 2. *quest.* 143. *artic. unic.* & tam quæ in hoc paragrapho, quam quæ in antecedenti ex eodem S. Doctore desumpta sunt, suse exornant scribentes de Canonizatione Sanctorum, Scacchus videlicet *de not. & sign. sanctit. sect. 4. cap. 4.* Cardinalis de Lauræa in 3. *lib. sent. tom. 2. disp.* 32. *art.* 16. Maderna in *curf. Theolog. tom. 2. tract. 6. quest. 3. art. 10.* Mattheucci in *pract. Theolog. Canon. tit. 2. cap. 3. §. 4.* Auditores Rotæ in omnibus fere relationibus editis in causis Canonizandorum, signanter autem in relatione SS. Jacobi de Marchia, Joannis de Deo, Felicis de Cantalicio, Aloysii Gonzage, Petri Regalatis. *de Temperantia*, & in relationibus causarum B. Hieronymi Emiliani, & Servi Dei Nicolai Factor *ead. tit. de Temperantia*.

40 Honestas sic dicitur quasi honoris status ex Isidoro *lib. 10. orig.*; & quia nihil dignum est honore præter virtutem, ideoque honestum generatim sumptum coincidit cum virtute; neque hoc modo acceptum, est pars Temperantiæ, aut alicujus virtutis, sed genus ad omnes, & quid eas transcendens. Cum autem moralis pulcritudo, sive honestas in illa virtute potissimum cluceat, quæ id, quod turpissimum est, tanquam sibi contrarium repellit, & Temperantia excludat ab homine carnales & brutas concupiscentias & delectationes, hinc oportet, ut in ipsa Temperantia honestas potissimum splendeat, & ipsi peculiari titulo tribuatur, & ejus pars dicatur.

41 De Honestate agit D. Thomas 2. 2. *quest.* 145. *art.* 1. & seqq., ubi, postquam *art.* 1. docuit, honestum, proprie loquendo, idem esse cum virtute, *art.* 4. probat, Honestatem specialiter pertinere ad Temperantiam, non uti partem subjectivam ejus, vel virtutem adjunctam, sed tanquam partem integram, & quamdam conditionem, cum ad Temperantiam

tiam pertineat repellere, quod est turpissimum & indecentissimum homini, scilicet brutas voluptates. De Verecundia tractat idem S. Doctor 2. 2. *quest.* 144. ubi *artic.* 1. proposita questione, *Utrum Verecundia sit virtus*, respondet, stricte loquendo, non esse virtutem, cum virtus sit perfectio quædam, Verecundia autem repugnet perfectioni; est enim timor alicujus turpis, quod potest exprobrari; sed lato modo loquendo, virtutem appellari posse, cum sit passio laudabilis, & communiter virtus dicatur omne, quod est bonum & laudabile In humanis actibus vel passionibus: item *art.* 4. ad quartum scite considerat, Verecundiam non esse partem Temperantiæ, sed dispositionem ad ipsam; jacet enim prima fundamenta Temperantiæ, & incutit horrorem turpitudinis: & 3. *part.* *quest.* 95. *art.* 1. ad secundum assignat discrimen inter Verecundiam, & Poenitentiam; licet enim utraque malum respiciat, Verecundia tamen respicit turpe factum ut præsens, pro quo timet confusionem, Poenitentia vero illud respicit ut præteritum; est autem contra perfectionem virtutis, ut aliquis in presenti committat turpe factum, de quo oporteat verecundari; sed non est contra perfectionem virtutis, ut aliquis prius commiserit turpia facta, quorum oporteat eum poenitere, ut ex vicio ad virtutem evadat.

42 De Abstinencia multa habentur apud D. Thomam 2. 2. *quest.* 146. ibi quippe *art.* 1. ait, Abstinenciam ex suo nomine significare subtractionem ciborum; sed hoc modo descriptam non designare virtutem, vel actum virtutis; tunc solum significare vel habitum virtutis, vel actum, cum a ratione regitur, quæ facit, ut abstineamus, sicut oportet, scilicet cum hilaritate mentis, & quomodo oportet, scilicet propter gloriam Dei, non propter gloriam nostram: & *art.* 2. proposita questione, *Utrum Abstinencia sit specialis virtus*, affirmando respondet, cum delectationes ciborum abstrahant hominem a bono rationis, & necesse sit, speciale esse virtutem, quæ militet contra impetum hujus passionis. Eadem 2. 2. *quest.* 149. agit S. Doctor de Sobrietate, ibique *art.* 2. ostendit, esse specialem virtutem, & specialem partem Temperantiæ, cum conservet bonum rationis adversus speciale impedimentum a nimio potu vini descendens, quod suis vaporibus cerebrum perturbat. De Castitate quoque, & Pudicitia, necnon de Virginitate, multa præclara habentur apud eundem S. Thomam 2. 2. *quest.* 151. quippe *art.* 1. ait, Castitatem esse virtutem, cum per eam ratio concupiscentiæ refrenetur: *art.* 3. esse virtutem distinctam ab Abstinencia, cum hæc sit circa delectationes ciborum, illa autem circa delectationes venereorum: *art.* 4. Pudicitiam ad Castitatem ordinari, non quasi virtutem ab ipsa distinctam, sed sicut exprimentem quædam circumstantiam Castitatis; Castitas enim respicit veneream commixtionem, & Pudicitia signa venereorum, puta aspectus impudicos, oscula, & tactus: *quest.* autem 152. *art.* 3. docet, Virginitatem esse specialem virtutem se habentem ad Castitatem, sicuti Magnificencia ad Liberalitatem; cum conservet hominem immunem ab experimento veneræ voluptatis,

360 DE SERVORUM DEI BEATIFICATIONE

luptatis, & habeat quamdam laudis excellentiam præ alio, qui se conservat immunem ab inordinatione, ut loquitur S. Doctor, venerex voluptatis.

43 In eadem 2. 2. S. Doctor fuse explicat partes potentiales Temperantiae: *quest.* quippe 155. sermonem facit de Continentia, ibique *art.* 1. ait, Continentiam non esse virtutem, sed quoddam mixtum, quod habet aliquid de virtute, & in aliquo deficit a virtute; sed, largius loquendo, sumpta virtute pro quolibet principio laudabilium operum, dici posse virtutem: item, postquam *art.* 2. demonstravit, Continentiam proprie versari circa concupiscentias delectationum tactus, *art.* 3. ad primum docet, Continentiam eis delectationibus resistere, sed eas non moderari, quod pertinet ad Temperantiam. Clementia & Mansuetudo conveniunt in hoc, quod impetum iræ refrenant, sed differunt ad invicem, cum Clementia moderetur exteriores punitiones, at Mansuetudo passionem iræ diminuat. Utraque virtus est, cum appetitum rationi subdat, & utraque est pars Temperantiae, cum ex dictis in quadam refrenatione consistant, juxta doctrinam sæpe citati D. Thomæ 2. 2. *quest.* 157. *art.* 1. & *seqq.* Modestia est pars Temperantiae, & ei adjungitur tanquam principali: Temperantia quippe se habet circa ea, quibus modum ponere difficile est, uti sunt delectationes tactus, & Modestia modum ponit iis, quæ sunt mediocria, & quibus non ita difficile est modum ponere, ut idem S. Doctor probat 2. 2. *quest.* 160. *art.* 1. De Humilitate infra agetur; solumque hic adnotare fas sit, Humilitatem esse virtutem, cum temperet & refrenet animum, ne immoderate tendat in excelsa, & Humilitatem esse partem Temperantiae, cum reprimat motum spei, qui est motus spiritus in alta tendentis, juxta S. Doctorem 2. 2. *quest.* 161. *art.* 1. & *art.* 4. Subsequitur Studiositas, de qua idem D. Thomas *quest.* 166. ubi *art.* 2. statuit, Studiositatem esse partem potentialem Temperantiae, sicuti virtutem eidem subjectam, cum revocet voluntatem & appetitum a vana curiositate, ita ut aliquis cognoscere, aut scire nolit, nisi ea, quæ expediunt & congruunt suo statui & conditioni. In ludis quoque potest esse aliqua virtus; oportet enim aliquando adhibere remedium fatigationi per aliquam delectationem, intermissa intentione insitendi usui rationis, quæ requies cum ludo honesto habetur. Ut itaque homo refrenetur ab immoderatione ludorum, circa ludos aliqua virtus habetur, quæ *Eutrapelia* vocatur, de qua idem S. Doctor *quest.* 168. *art.* 2. Parcitas denique, sive Simplicitas, seu Moderatio virtus quædam est, per quam quis moderate utitur externis rebus ad corpus pertinentibus, ornatu, vestibus, omnique apparatu secundum sui status conditionem; juxta ea, quæ fuse habentur apud eundem D. Thomam *quest.* 169. *art.* 1.

44 His generaliter præmissis, ut descendamus ad ea, quæ ad nostrum pertinent præsens institutum, in causis Servorum Dei, de quorum virtutibus quaeritur, judicium instituendum est de virtute Temperantiae, & ei annexis; ea tamen adhibita moderatione alibi significata, ut instituat

judi-

judicium, habita ratione status ipsorum & conditionis; quemadmodum animadvertit etiam Scacchus *de not. & sign. sanctit. sect. 4. cap. 4. num. 281.* Temperantiæ Christianæ, sed communis, actus erunt, ea exercere, quæ ad ipsam & virtutes ei annexas pertinent. Heroicæ autem Christianæ Temperantiæ actus erunt, ea ipsa exercere, sed prompte, expedite, & delectabiliter, cum discrimine quoque corporalis salutis ac vitæ, ex dono Spiritus Sancti; cum donum Timoris virtuti Temperantiæ respondeat, juxta D. Thomam 2. 2. *quæst. 141. art. 1.* ubi, proposita jam memorata quæstione, *Utrum Temperantia sit virtus*, propositoque sibi tertio loco argumento, *Cuiuslibet virtuti respondet aliquod donum; sed Temperantia non videtur aliquod donum respondere, quia jam in superioribus dona omnia sunt aliis virtutibus attributa; ergo Temperantia non est virtus*; sic ei respondet: *Ad tertium dicendum, quod Temperantia etiam respondet aliquod donum, scilicet Timoris, quo aliquis refrenatur a delectationibus carnis, secundum illud Psalmi, Confige Timore tuo carnes meas. Donum autem Timoris principaliter quidem respicit Deum, ejus offensam vitat, & secundum hoc correspondet virtuti Spei; secundario autem potest respicere quacumque aliquis refugit ad vitandam Dei offensam. Maxime autem homo indiget Timore Divino ad sugiendum ea, quæ maxime allidunt, circa quæ est Temperantia; & ideo Temperantia etiam correspondet donum Timoris.*

45 Plura de actibus heroicæ Temperantiæ infra exponentur, cum agatur de carnis & corporis mortificatione. Nunc autem nonnulla dicentur de jejuniis aliquorum Sanctorum, & de assumptis a nonnullis ex eis adversus carnem aulteritatibus, quæ omnia ad heroicam pertinent Temperantiam. S. Ambrosius *serm. 52. num. 4. col. 462. in append. tom. 2. oper. de S. Joanne Baptista* hæc habet: *Fuit utique jejunus, humilis, parcus, & virgo . . . Esca autem ejus erant locustæ, & melle silvestre . . . Quæ præclarior abstinentia, quam, spretis vitæ hujus deliciis, stridulis vesci locustis, ac melle silvestri? S. Gregorius Nazianzenus in cit. orat. 20. in laudem Sancti Basilii inquit pag. 357. : Quis unquam tanta inedia fuit, pene etiam dixerim, quis tam carnis expertus? Nam voracitates & saturitates ad eos abjecerat, qui ad brutorum naturam propius accedunt, quorumque servilis atque in terram prona vitæ est &c. Necessarius tantum cibi, quandiu licebat, vitam tolerabat &c. Suavissima cœna & obsonium, panis & sal, novum inquam illud condimentum; & potio sobria, & uberrima, quam nobis nihil laborantibus fontes profundunt. Apud S. Gregorium Papam *dialog. lib. 2. cap. 1. col. 209. oper. tom. 2.* narratur mirabile S. Benedicti jejunium, qui in teterrimo specu permanens, soli cognitus cuidam Monacho, cui nomen Romanus, pane sibi ab ipso delato per tres annos vitam asperrimam duxit. B. Petrus Damiani in *vita S. Romualdi cap. 52.* hæc de illo testatur: *In Syria denique Vir venerabilis per septem fere annos inclusus mansit &c. Vivebat autem, vergente jam senectute, nimis districte, videlicet, cum jam & ipsi perfecti viri solent remissius vivere. & aliquid sibi de sui propositi rigore laxare. Nam per unius Quadragesimæ spatium**

Tom. III. Z z nihil

nihil aliud neque in cibo, neque in potu penitus habuit, nisi de modica farina & paucis herbis forbitumculam faciens, ex ea ad imitationem Hilarionis vivebat. Quinque vero hebdomadibus nihil aliud comedens, ad modicum se infusi ciceris adstrinxit &c. Si quando vero eum ex aliquo esculentiori cibo gula vitium titillaret, mox accurate illum preparari precipiens, ori & naribus apponebat, & solum caprans odorem dicebat: O gula, gula, quam dulcis, quam suavis modo tibi saperes iste cibus; sed va tibi, ex eo numquam gustabis: & sic intactum ad cellarium remittebat. Denique S. Bonaventura in *Legenda S. Francisci* cap. 5. pag. 302. *oper. tom. 7.* hoc de ejus abstinencia proferit testimonium: *CocTa cibaria sanitatis tempore vix admittebat, & raro: admissa vero aut conficiebat cinere, aut condimenti saporem admixtione aqua ut plurimum reddebat insipidum. De potu quid dicam? cum & de aqua frigida, dum sitis aestuaret ardore, vix ad sufficientiam biberet.*

46 Succedunt ceteræ austeritates adversus carnem assumptæ, de quibus pariter infra tractabitur, cum agetur de carnis & corporis mortificatione, ubi etiam tum jejuniorum & abstinenciarum, tum ceterarum austeritatum exempla congregabuntur ex Actis Canonizationum desumpta. Interea quæ referre satis erit, quæ habentur apud S. Joannem Climacum in *scala paradisi grad. 5. pag. 115.* ubi affabre locum describit a se visum, quem appellabant carcerem Poenitentiarum: *Vidi quosdam ex innocentibus illis reis totas noctes ad usque mane sub dio immotis pedibus stantes, & miserabiliter eum somno & natura luctantes, vique hujus pane fractos, dum nullam sibi penitus quietem indulgerent; immo se ipsos graviter adhuc objurgarent, & convitiis insuper, & concumeliis excitarent: alios calum intuentes, & illinc opem cum lamentabili voce gemitique implorantes: alios item, qui in precibus perseverabant, manus post terga sceleratorum ritu revincti vultus alto mœnore confusus humi defigebant, ut qui se indignos judicarent, qui calum respicerent &c. Sedebant alii humi in pavimento super cinerem & saccum, genibusque vultum tegebant, frontibus humum ferientes: alii assidue pectus tundebant, anima sua statum primum, vitamque præteritam, quam cum virtute traduxerant, revocantes. Ex his ergo alii pavimentum lacrymis inundabant, alii lacrymarum fonte destituti se ipsos driterberabant, alii tamquam in funere animas suas lamentabantur, nec magnitudinem doloris pectore poterant continere, & alia hujusmodi. Deinde prosequitur pag. 119.: *Videre erat in illis linguas ardentes, & proritu canem ex ore promissas: alii in gravi Solis aestu se cruciabant: alii frigore se torquebant: alii, cum modicum quid aqua libassent, desierunt, tantum ut ne siti enecarentur: alii, cum panem gustassent duntaxat, illum rursus procul ab se rejiciebant, se indignos dictitantes, qui cibum humanum sumerent, qui bestiarum opera exercissent. Ubi signum apud illos risus? Ubi otiosa fabula? Ubi subitus furor, aut ira? ... Ubi cura corporis? Ubi vestigium vanæ gloriæ? Ubi deinceps deliciarum spes? Ubi de vino cogitatio? Ubi vel pomi gustatio? Ubi culina, & olla solatium? Ubi gula illecebra? Omnium horum deinceps in omni præsentis vitæ spes apud illos penitus sublata, & deleta erat: Et post alia multa pag. 121.: *Erat***

videre

videre in illis genua, quæ an assidue geniculationibus confusitudine callem obduerant; oculos exesos, & depiles, aliosque in finis capitis recedentes: genas habebant saucias, et ardore ferventium lacrymarum adustas; vultusque pallentes, et emaciatas facies, nihil a mortuis, si confirres, differentes; pectora plagarum ictibus lucentia, et e crebris pugnarum verberibus cruenta sanguinis ex pectore reje-cta spuma. Ubi illic latus quiesci posuit? Ubi mundities, et adversus frigora vestis munimentum? Rupta et lacera omnia et inquinata, sordibusque vermium scelerata &c.

47 Inter partes potentiales Temperantiz Humilitatem, & inter partes subjectivas Castitatem, Pudicitiam, & Virginitatem enumeravimus: quocirca necessarium esse videtur hic nonnulla de prædictis innuere. De Humilitate habetur *Matth. 11. v. 29. Discite a me, quia mitis sum, & humilis corde*: super quo *Matthæi textu S. Thomas 2. 2. quest. 161. art. 5. ad quartum* ita scribit: Dicendum, quod ideo Christus præcipue nobis Humilitatem commendavit, quia per hoc maxime removetur impedimentum humane salutis, qua consistit in hoc, quod homo ad celestia & spiritalia tendit, a quibus homo impeditur, dum in terrenis magnificari studet; & ideo Dominus, ut impedimen- tum salutis auferret, exteriorem celsitudinem contemnendam monstravit per Hu- militatis exemplum: & sic Humilitas est quasi quadam dispositio ad liberum accessum hominis in spiritalia & Divina Bona. Sicut ergo est perfectio patris dispositio, ita etiam Charitas, & alia virtutes, quibus homo directe movetur in Deum, sunt potiores Humilitate.

48 De Humilitate esse inquirendum in causis Beatificationis & Cano- nizationis, concors est Doctorum sententia in *cap. Audiemus, de Reliq. & venerat. Sanctus*, quod & adnotarunt Rotæ Auditores in relatione causam S. Francisci Xaverii tit. de Humilitate, §. Et hac satis, & in relatione S. Ray- mundi part. 2. art. 2. & bene prosequitur Scaechus de not. & sign. sanctis. sect. 5. cap. 5. pag. 351. Hac autem virtus Humilitatis est adeo essentialis & pernecessaria in Christi sectatoribus, ut totius edificii spiritualis ex Christi dogmatibus ad normam Evangelicam construendi fundamentum esse credatur &c. Cumque ad per- fectam sanctitatis rationem in quovis Fidei plurimarum virtutum actus in gradu heroico sint necessarii, propterea, dum sanctitatis argumenta inquiruntur in actis alicujus Dei Servi, primò Humilitatis habenda est ratio; ipsa enim est celestis edi- ficii firmissimum fundamentum, ipsa est donum proprium atque magnificum Salva- toris, quo fit, ut in quocumque Dei Servo maxime perquirenda sit.

49 Humilitas duplex est, quædam pure philosophica, nota lumine naturali, & non ordinata ad finem supernaturalem: quædam autem Chri- stiana, id est nota per Fidem, & directæ ad finem supernaturalem; quæ rursus duplex est, quædam communis, & cuilibet Christiano sub præcep- to necessaria, & ea est, qua homo superbiam fugit, id est excellentiam honoresque sibi indebitos renuit; quædam perfectorum, qua homo non modo indebitos, sed etiam debitos honores rejicit, seque omni ho- nore indignum reputat, spectata sua imperfectione, propensione ad

peccandum, & defectu virtutis ad perseverandum sine peccatis.

50 Multiplices sunt Christianæ Humilitatis gradus. Juxta Glossam super tertium caput *Matthæi* v. 15. ad illa verba, *Sic enim docet, nos implere omnem justitiam*, tres gradus Humilitatis assignantur, qui illum respiciunt, cui humilis se subdit: *Primus est subdere se majori, & se non præferre equali secundus gradus est subdere se equali, nec præferre se minori tertius est subesse minori*. Si gradus juxta ordinem actionum, quibus ad perfectissimum Humilitatis gradum pervenitur, consideremus, septem juxta S. Anselmum assignantur: primus est, peccatorem & contemptibilem se esse, cognoscere: secundus, de suis peccatis & imperfectionibus dolere: tertius, illa confiteri non tantum in sacramentali Confessione, sed etiam extra: quartus, velle, ut etiam alii defectus nostros cognoscant, & in nobis esse credant: quintus, patienter sustinere, ut nobis objiciantur ab aliis, & divulgentur; quidam enim, inquit S. Anselmus, semetipfos satis judicant, & culpam fatentur, sed ferre nequeunt, ut tale quid ab aliis dicatur: sextus est, ferre patienter, se pro sua culpa contemptim tractari: septimus de hoc gaudere. Demum statui possunt gradus Humilitatis juxta comparisonem actuum interiorum ad exteriores, in quos redundant, vel exteriorum ad interiores, pro quibus disponunt: & hoc modo considerati, duodecim a S. Bernardo recensentur. Primus gradus est, corde & corpore semper Humilitatem ostendere, defixis in terram aspectibus; cui opponitur curiositas. Secundus gradus est, ut pauca verba & rationabilia aliquis loquatur non clamorosa voce; cui opponitur levitas mentis. Tertius gradus est, ut non sit aliquis facilis & promptus in risu; cui opponitur inepta lætitia. Quartus gradus est taciturnitas usque ad interrogationem; cui opponitur jactantia. Quintus gradus est tenere, quod Regula Communitatis, & Monasterii habet; cui opponitur singularitas. Sextus gradus est credere & pronuntiare se ceteris viliozem; cui opponitur arrogantia. Septimus est se ad omnia inutilem & indignum confiteri & credere; cui opponitur præsumptio. Octavus est confessio peccatorum; cui opponitur defensio eorumdem. Novus est, in duris & asperis patientiam amplecti; cui opponitur simulata confessio. Decimus est obedientia; cui opponitur rebellio. Undecimus, ut homo non obsequatur propriæ voluntati; cui opponitur libertas. Duodecimus est Timor Dei; cui opponitur peccandi consuetudo. Fusc hæc omnia traduntur a D. Thoma 2. 2. *quest.* 161. *art.* 6. & *quest.* 162. *art.* 4. ad quartum.

51 Et, ne aliqua hinc ambiguitatis occasio defumatur, operæ pretium est adnotare, juxta veriozem sententiam virtutem etiam Christianæ Humilitatis positam esse in medio extremorum, hoc est inter exsuperantiam, & defectum. Quocirca delinqueret, qui omnibus occurrentibus demitteret caput usque ad terram, aut passim, & ubique clamaret, se esse deteriozem quolibet peccatore, ut despectui atque irrisioni haberetur. Peccaret quoque, qui sciens ex principiis certis, aliquid esse malum, obaudiret cuili-

cuiuslibet alteri, etiam imperito, asserenti, id esse licitum ex nimia quadam animi deiectione, qua putaret, se omnibus hominibus esse inferiorem sapientia & prudentia. Sunt hæc excedentia, & regulæ prudentiæ adversantur. Sed, quantum ad actus internos circa Deum, cum Humilitas præ aliis virtutibus moralibus potissimum sita sit in eo habitu, quo quis despiciat se ipsum, & demittit Deo cognito, ut Auctori Bonorum omnium quæ in se habet, & cui proinde honor & gloria reddenda est, in hac demissione nullus excessus esse potest, neque unquam deveniatur ad summam perfectionem demissionis; cum inter Deum, & creaturam infinita sit distantia, nec unquam creatura aliqua ita se Deo demittat, ut ille dignus adhuc non sit majori demissione creaturæ in infinitum; quemadmodum conceptis verbis animadvertit Cardinalis de Aguirre in *tract. de virtutibus, & vitiis dispus. 4. sect. 4. num. 42. & 43.* & concordat D. Thomas 2. 2. *quest. 161. art. 3.* ubi, proposita questione, *Utrum homo debeat se omnibus per Humilitatem subijcere*, in responsione ad tertium docet, in exterioribus Humilitatis actibus, sicut & in actibus ceterarum virtutum, moderationem esse adhibendam, & præcipue, si, per Humilitatem alteri se subijciendo, id vergeat in detrimentum illius, cui se subijcit, quia ex hoc superbiat, vel ipsum contemneret.

52 Cum gradibus Humilitatis supra recensitis concordant actus, qui præcipue occurrunt in examine causarum Servorum Dei, de quorum virtutibus agitur: quorum primus est sincera sui ipsius abjectio, qua quis in suis operibus bonis reputat se inutilem servum, juxta illud *Luc. 17. v. 10. Cum feceritis omnia, quæ præcepta sunt vobis, dicite, Servi inutiles sumus: quod debuimus facere, fecimus.* Secundus est, se omnibus viliorum & inferiorem verbis pronuntiare, idque etiam intimo cordis affectu credere, & factis ostendere, juxta illud *Psal. 21. v. 7. Ego autem sum vermis, & non homo, opprobrium hominum, & abjectio plebis.* Quod tamen cum debita moderatione intelligendum est: nec enim; ut quis humilis sit, debet se peccatorem reputare pejorem quolibet alio, cum Apostolus absque Humilitatis præjudicio dixerit ad *Galat. 2. v. 15. Nos natura Judei, & non ex Gentibus peccatores*; sed potest aliquid boni reputare esse in Proximo, quod ipse non habeat, vel aliquid mali in se, quod in alio non sit, ex quo potest se ei per Humilitatem subijcere, quemadmodum explicat D. Thomas *quest. 161. art. 3. in corpore.* Tertius est, propriam voluntatem abdicare, & eam Divinæ voluntati subijcere, juxta illud *Luc. 22. v. 42. Verumtamen non mea voluntas, sed tua fiat.* Quartus, in ipsa obedientia patientiam constanter amplecti, & ab ea propter injurias nunquam recedere, juxta illud 1. ad *Corinth. 4. v. 12. Maldicimur, & benedicimus: & juxta aliud ad Philipp. 2. v. 8. Christus humiliavit semetipsum factus obediens usque ad mortem, mortem autem crucis; propter quod & Deus exaltavit illum, & donavit illi nomen, quod est super omne nomen.* Quintus, in conversatione cum aliis, & in confessibus, servata tamen ratione muneris & dignitatis, inferiorem locum sibi fumere,

mere, juxta illud *Luc. 14. Cum invitatus fueris ad nuptias, non discumbas in primo loco, sed recumbe in novissimo.* Sextus, de honoribus & plausibus sibi prestitis ex corde dolere; eoque declinare exemplo ejusdem Apostoli, qui 1. ad *Corinth. 15. v. 8.* de se ait: *Novissime autem omnium tamquam abortivo visus est & mihi; ego enim sum minimus Apostolorum, qui non sum dignus vocari Apostolus.* Septimus, nihil operari propter finem humanæ gloriæ, juxta illud *Isa. 8. Ego autem non quero gloriam meam.* Octavus, officia & dignitates, nisi cogente obedientia, aut vocante Superiorum auctoritate, non accipere, juxta illud ad *Hebr. 5. v. 4. Nec quisquam sumit sibi honorem, sed qui vocatur a Deo tamquam Aaron.* Nonus, linguam coercere, nisi Dei gloria, rerumque suarum, aut Proximi necessitas abrumperet silentium, juxta illud *Psal. 38. v. 2. Dixi: Custodiam vias meas, ut non delinquam in lingua mea. Posui ori meo custodiam.* Decimus, non facile solvi in risum, & ineptam lætitiā, dicente Spiritu Sancto *Ecclef. 21. v. 23. Fatuus in risu exaltat vocem suam; vir autem sapiens vix tacite ridebit.* Undecimus, ostentationem evitare in contentionibus, & disputationibus, & negotiis gerendis; ut est *Ecclef. 5. v. 13. Esto mansuetus ad audiendum verbum; ut intelligas, & cum sapientia presteris responsum verum, & v. 15. Honor, & gloria in sermone sensati.* Duodecimus, vestimentis vilibus & modestis uti, attenta tamen conditione dignitatis & muneris; unde legitur *Ecclef. 11. v. 4. In vestitu ne glorieris unquam, nec in die honoris tui extollaris.* Ultimus, in omni opere, gestibus, & dictis demissum & abjectum apparere, juxta illud David *Psal. 130. v. 1. Domine, non est exaltatum cor meum; neque elati sunt oculi mei, neque ambulavi in magnis.*

53 Actibus hifce recitatis, subjicit *Matthæuccius in præf. Theologo-Canon. tit. 2. cap. 3. §. 4. num. 87.* si de eis constet, de virtute Humilitatis dubitandum non esse: in eo autem, quod attinet ad heroicitatem, heroici erunt omnes prædicti actus, si non modo ad finem supernaturalem dirigantur, sed etiam prompte, delectabiliter, expedite, & etiam in arduis materiis eliciantur, uti prosequitur Cardinalis de Lantæa in 3. lib. sent. tom. 2. disput. 32. art. 16. §. 1. ubi Humilitatis heroicitatem adscribit donis Timoris Dei, vel Sapientiæ, & Consilii: quam ad rem subjicit S. Bernardus *serm. 34. in Cantica (vol. 1. oper. num. 3. col. 1398.)*: *Alii cum rancore humiliantur; alii patienter, alii & libenter. Primi rei sum, sequentes innoxii, ultimi iusti.* Et paulo post num. 4.: *Vix autem videre humilem recte gloriantem, & vere dignum gloria? Libenter (inquit) gloriabor in infirmitatibus meis, ut inhabites in me virtus Christi. Non dicis, patienter se ferre infirmitates suas, sed & gloriari, & libenter gloriari in illis, probans etiam, sibi bonam esse, quod humiliatur; nec sufficere omnino, ut possideat animam suam tamquam patienter humiliatus, nisi & gratiam accipiat tamquam sponte humiliatus.*

54 S. Ambrosius in cit. *serm. 52. de Sancto Joanne Baptista (num. 4. col. 462. oper. tom. 2.)* miris laudibus ejus Humilitatem prosequitur: *Quæ major Humilitas in Propheta, quam, consentis molliibus vestimentis, pilorum aspo-*

asperitate vestiri? Item S. Joannes Chrysost. homil. 11. in cap. 3. v. 11. *Matthæi in illud, Ego quidem baptizo vos in aqua in pœnitentiam; qui autem post me venturus est, fortior me est. S. Joannis Baptiste Humilitatem accurate perpendit (num. 4. pag. 153. tom. 7. oper.)*: Deinde quantum intervalli esset inter se, & illum declarans, ne videretur id ad gratiam dicere, ex comparatione donorum que ab utroque manarent, id peragis. Non enim statim dixit, Cuius non sum dignus corrigiam calceamenti solvere; sed postquam baptismi sui simplicitatem posuit, & ostendit illum nihil plus habere, quam quod ad pœnitentiam ipso deduceret: neque enim dixit *In aqua remissionis, sed pœnitentia; Christi baptismum ponit ineffabili dono refectum. Ne, inquit, cum audis ipsum post me venire, illum despicias, quod pestem venerit; discite vni doni ipsius, & clare scies me nec dignius quidpiam, vel magnum protulisse cum dixi, Cuius non sum dignus corrigiam calceamenti solvere. Itaque cum audieris ipsum fortiozem me esse, ne putes id me per comparationem dixisse. Neque enim dignus sum inter servos ejus computari, immo ne inter ultimos servos, neque ministerii vel viliissimam partem obire. Quamobrem non simpliciter dixit calceamenta, sed, neque corrigiam, quod extremum omnium videtur esse. Idemque S. Joannes Chrysostomus exponens illud epistola ad Romanos cap. 1. v. 11. Desidero enim videre vos, ut aliquid imperit vobis gratie spiritualis ad confirmandos vos, id est simul consolari in vobis per eam, qua invicem est, fidem vestram, atque meam; sic de S. Pauli humilitate tatur (homil. 2. num. 4. pag. 440. oper. tom. 9.)*: Non enim simpliciter dixit consolari, sed simul nos consolari. Neque id illi satis fuit, sed & illam mitigationem addidit, dicens, per mutuam fidem, vestram & meam. Papa, quanta humilitas! Se ipsum his egere indicavit, seque illis indigere; nec illos solum ipso opus habere, atque discipulos Magistrorum loco habuit, nullam sibi prerogativam relinquens, sed equalitatem magnam ostendens: Communis est utilitas, inquit, consolatione egemus, ego vestra, vos mea: Et quomodo hoc? Per fidem mutuam vestram, & meam.

55 Huic capiti nunquam finis imponeretur, si Christianæ heroicæ Humilitatis quotquot occurrunt exempla referri deberent ex fuga gloriæ, licet non exigue se obtulerint ejus captandæ occasiones. Nonnulla tamen in præsentem exponemus. Celebre est illud S. Hieronymi in vita S. Hilarii Eremitæ num. 30. col. 29. oper. tom. 2. En ejus verba: *Mirantur alii signa, que fecit; mirantur incredibilem abstinenciam, scientiam, humilitatem. Ego nihil ita stupeo, quam gloriam illum, & honorem calcare potuisse. Concurrerant Episcopi, Presbyteri, Clericorum, & Monachorum greges, Matronarum quoque Christianarum (grandis tentatio), & hinc inde ex urbibus, & agris vulgus ignobile, sed & potentes viri; & Judices, ut benedictum ab eo panem, vel oleum acciperent. At ille nihil aliud, nisi solitudinem, meditabatur. Et num. 40. Ea tempestate terræmotu cælitus orbis, qui post Juliani mortem accidis, maria egressa sunt terminos suos, & quasi rursus Deus diluvium minaretur, vel in antiquum chaos redirent omnia, naves ad prærupta delatæ montium pependerunt. Quod cum viderent Epidauriani, frenantes scilicet fluctus, & undarum moles, &*

mon-

montes gurgitum litoribus inferri, verentes, quod jam evenisse cernebant, ne oppidum funditus subverteretur, ingressi sunt ad Senem, & quasi ad praelium proficiscentes, posuerunt eum in litore. Qui cum tria Crucis signa pinxisset in sabulo, manusque contra tenderet, incredibile dictum est, in quantam altitudinem intumescens mare ante eum steterit, ac diu fremens, & quasi ad obviam indignans paulatim in semetipsum relapsum est. . . . Mirabatur omnis civitas. . . . Quod intelligens Senex, in brevi lembo clam nocte fugit, & inventa post biduum oneraria navi, perrexit Cyprum. S. Gregorius Papa dialog. lib. 2. cap. 1. col. 209. oper. tom. 2. refert, intercessione & precibus S. Benedicti adhuc adolescentis capisterium nutricis suae ad purgandum triticum a vicinis mulieribus commodatum, & infortunio quodam contractum adeo in pristinum restitutum fuisse, ut in eo fracturae vestigia inveniri non potuerint. Post hæc autem subiicit: Sed Benedictus plus appetens mala mundi perpeti, quam laudes, & plus pro Deo laboribus fatigari, quam vita hujus favoribus extolli, nutricem suam occulte fugiens, deserti loci secessum petiit, cui Sublacus vocabulum est, qui ab Romana urbe quadraginta fere millibus distans frigidas atque perspicuas emanat aquas. B. Petrus Damiani serm. 65. de Sancto Barbariano Presbytero & Confessore, oper. tom. 2. modum exponit, quo miracula sanationum abscondebatur, quæ a Deo intercessione ejus patrabantur: Ad hoc quippe pertinet, quod his, quibus sanitatem restituere cupiebat, sepe superponendum quid, velut emplastrum, sepe comedendum aliquid, quasi medicinale antidotum, conferebat; eo nimirum, ut opinor, studio, ut, dum herbarum virtus, vel medicinalium specierum potentia creditur, nequaquam sanctitatis sine viribus restituta sanitas adferribatur, & dum ab eo medicina suscipitur, magis Medicus, quam Sanctus, esse videatur &c. Alanus in secunda vita S. Bernardi cap. 27. col. 1285. edita post novam editionem operum prædicti Sancti exponit iudicium ab eo datum de nonnullis mirabilibus signis a Deo sua intercessione patratibus: Facta sunt aliquando signa per sanctos homines & perfectos; facta sunt & per fictos. Ego mihi nec perfectionis conscius sum, nec fictitious. Scio enim, Sanctorum mihi non suspensere merita, quæ miraculis illustrentur. Confido autem, nec ad eorum sortem me pertinere, qui virtutes multas in nomine Domini operantur, & a Domino ignorantur. Hæc, & huiusmodi crebrius secretiusque cum viris spiritualibus conferebat. Novissime vero opportunum subinet visus exitum repræsentasse. Scio (inquit) huiusmodi signa non ad sanctitatem unius, sed ad multorum spectare salutem, & Deum in homine, per quem talia operetur, non tam perfectionem considerare, quam opinionem, ut in eo commendat hominibus, quæ illi traditur inesse, virtutem. Demum de S. Francisco hæc leguntur in Legenda S. Bonaventurae (cap. 7. pag. 304. oper. tom. 7.): Cum populi merita in eo sanctitatis extollerent, præcipiebat alicui Fratri, ut in contrarium verba ipsam iustificantis suis auribus inculcando proferret. Cumque Frater ille, licet invidiosus, eum rusticum & mercenarium, & inutilem diceret, ex hilaratus tam mente, quam facie respondebat: Benedicas tibi Dominus, Fili carissime, quia tu verissima loqueris & talia filium Petri Bernardonis decet audire. Si aliquis alia videre vellet Humilitatis heroicæ exem-

exempla, poterit ea legere collecta apud Cardinalem de Lauræa in 3. lib. sent. tom. 2. diffin. 32. art. 16., & in relationibus Rotæ Auditorum in causis Canonizationum, & signanter SS. Petri de Alcantara, Francisci Xaverii, & S. Franciscæ Romanæ, ubi singuli actus ponderantur.

56 Ut ad Pudicitiam, & Castitatem transeamus, Pudicitia ad Castitatem refertur, non quasi virtus ab ipsa distincta, sed sicut exprimens quamdam Castitatis circumstantiam, abstinentiam videlicet a quibusdam exterioribus signis, inter quæ absque dubio recenferi debet frequens conversatio cum personis alterius sexus; super qua re plura collecta legi possunt apud Theophilum Raynaudum oper. tom. 12. & præcipue pag. 270. & seqq. Castitas virtus est carnalium voluptatum moderatrix, de qua Apostolus 2. ad Corinth. 7. v. 1. *Mundemus nos ab omni inquinamento carnis, & spiritus*; & 1. ad Timoth. 2. v. 2. *Quietam & tranquillam vitam agamus in omni pietate & Castitate*. Triplex est; conjugalis, vidualis, & virginalis. De virginali Castitate S. Augustinus in libro de sancta Virginitate, cap. 13. col. 345. tom. 6. oper. ait: *Virginalis autem integritas, & per piam continentiam ab omni concubitu immunitas, Angelica portio est, & in carne corruptibilibus incorruptionis perpetue meditatio*. Castitas virginalis etiam apud Romanos in summa fuit reverentia, ut in virginem quacumque causa sævire nefas haberetur: quocirca, si virgo morti esset addicenda, non prius interficiebatur, quam a carnifice, aliove viciata, virgo esse desisset. Suetonius in Tiberio ita habet c. 61. *Immatura puella, quia more tradito nefas esset virginem strangulari, viciata prius a carnifice, deinde strangulata*: quod confirmat Tacitus lib. 5. ubi agit de Sejani filia morti addicta. Sed, cum plurimæ Virgines Christianæ subierint Romæ Martyrium absque hujusmodi pudoris detrimeto, fateri oportet, prædictum scelus fuisse postmodum antiquatum; uti animadvertit Cardinalis Baronius in notis ad Martyrol. Rom. ad diem 3. Septembris. Plura de honore Virginitatis apud Gentiles erudite collecta legi possunt in dissert. philolog. Joannis Frontonis de Virginitate venerata, erudita, adorata, fucunda. Castitas denique virginalis aliis duabus præcedit: quocirca S. Thomas 2. 2. quæst. 152. art. 5. scribit, Virginitatem esse excellentissimam in genere Castitatis, & Virgines dici illustriorem portionem gregis Christi per comparisonem ad Viduas, & Conjugatas; & concordat Ven. Beda apud S. Vincentium Ferrerium in serm. de S. Marthe: *Bona est Castitas conjugalis; melior continentia vidualis; sed optima perfectio virginalis*. Exempla heroicæ Castitatis; conjugalis, vidualis, & virginalis, collecta legi possunt apud Cardinalem de Lauræa in 3. lib. sent. tom. 2. diffin. 32. art. 16. g. 2. ubi ait, actus Christianæ Castitatis heroicæ in quovis genere, five Castitatis virginalis, five conjugalis, five vidualis, esse ex fine supernaturali, & absque humano ratiocinio prompte, delectabiliter, & expedite actus venereos corpore & mente fugere, quamvis eum periculo cujuscunque corporalis incommodi, & etiam mortis. Idemque Auctor loc. cit. mem. 659. & seqq. proposita questione, *An ad effectum, ut Castitas heroica dici possit*.
Tom. III. A a a debet

debeat esse conjuncta cum periculo vite, aut Bonorum, aliorumve incommodorum, negando respondet, quoniam plerique Sancti heroice casti fuerunt: licet enim adacti non fuerint ad servandam Castitatem prædictis periculis, externis tamen & internis tentationibus validis, ex Dei dono & instinctu, cum delectatione, sæpe & frequenter resisterunt, & ad impediendas repellendasque tentationes variis mediis sensui ingratissimis usi sunt, juxta illud Apolloli, de quo alibi, 2 ad Corinthios 12. v. 7. *Datus est mihi stimulus carnis meæ Angelus Satana, qui me colaphizat*: & S. Hieronymus de semetipso ad Eustochium scribit (epist. 22. num. 7. col. 92. oper. tom. 1.): *Repugnantem carnem hebdomadarum inedia subjugabam* & col. 91. *Pallebant enim ora jejuniis, & mens desideriis astuabatur*.

57 Castitas conjugalit duplici modo considerari potest, in matrimonio videlicet rato, & in matrimonio consummato. Verum fuisse matrimonium inter Beatissimam Virginem, & S. Joseph, certum est ex sacris Litteris, & signanter ex illo Matthæi 1. v. 16. *Jacob autem genuit Joseph virum Mariæ*; & v. 19. *Joseph autem vir ejus, cum esset justus*; & v. 20. *Joseph fili David, noli timere accipere Mariam conjugem tuam*; & v. 24. *Et accepit conjugem suam*; & ex illo Matthæi 1. v. 19. *Joseph autem vir ejus, cum esset justus, & nollet eam traducere, voluit occulte dimittere eam*. Acceperat ergo eam in uxorem, cum nemo dimittere dicatur, quod non habet: &, quavis Angelus Josephi suspensionem ex deprehensa graviditate sedaturus dixerit, *Noli timere accipere Mariam conjugem tuam*, hæc tamen est phrasit Hebraica actum continuatum significans, non inchoatum; quocirca perinde est, ac si dixisset, *Acceptam conjugem serva ac retine; noli dimittere*. Illibatam Virginitatem eo in matrimonio servatam fuisse, Catholicæ Ecclesiæ Fides asseverat, & admittunt ipsi Lutherani, & Calvinistæ, qui servatam Virginitatem a Beatissima Virgine consentiunt, sed nullo voto obstrictam: quod tamen non modo Patrum concordit adversatur auctoritati, sed etiam ipsius Virginis assertioni, quæ ab Angelo admonita Luc. cap. 1. v. 31., futurum esse, ut Christum conciperet, *Ecce concipies in utero, & paries filium*, respondit v. 34.: *Quomodo fiet istud, quoniam virum non cognosco?* hoc est, *Quomodo concipere possum in utero, & filium parere, si votum Virginitatis emisit?* Pia quoque traditio est, nullum a S. Joseph, ante matrimonium cum Maria Virgine, cum alia femina fuisse matrimonium contractum, & sic eum quoque virginem mortuum fuisse: unde S. Hieronymus adversus Helvidium (num. 19. col. 227. oper. tom. 2.): *Tu dicis, Mariam virginem non permanisse*. Ego mihi plus vindico, etiam ipsum Joseph virginem fuisse per Mariam, ut ex virginali conjugio virgo filius nasceretur, si enim in virum Sanctum fornicatio non cadit, & aliam eum uxorem habuisse, non scribitur: & concordat S. Petrus Damiani opus. 17. de celibatu Sacerdotum (cap. 3. oper. tom. 3.): *Et, ne hoc sufficere videatur, ut tantummodo virgo sit Mater, Ecclesiæ fides est, ut virgo fuerit & is, qui simulatus est pater*. Quærun Theologi, quomodo verum matrimonium potuerit esse inter Beatissimam Virginem, & S. Joseph, non obstan-

obstante voto Virginitatis in antecessum ab ea emissio; & aptior eorum responsio est, Virginem, antequam nuberet Iosepho, certa revelatione Divina fuisse admonitam, Iosephum nunquam usurum potestate sibi tradita in corpus ipsius, nunquam debitum petiturum, vel quia votum Virginitatis esset & ipse nuncupaturus, vel quia Deus mentem ejus a debito petendo esset averfurus. Aurea sunt verba D. Thomæ in 4. sent. dist. 30. quest. 2. art. 1. *questiunc. 2. ad secundum: Beata Virgo, antequam contraheret cum Ioseph, fuit certificata divinitus, quod Ioseph in simili propositus erat; & ideo non se commisit periculo nubens: Et 3. part. quest. 28. art. 4. idem S. Doctor docet, Dei Matrem, antequam Iosepho desponsaretur, absolute Virginitatem non novisse, sed eam in optatis habuisse, voluntatemque suam Divino arbitrio commisisse; tunc autem absolute novisse, cum sibi innotuit, hoc esse Deo acceptum, quod ei manifestatum est, antequam ab Angelo annuntiaretur; acceptoque Sponso, simul etiam cum eo votum Virginitatis emisisse. Alia matrimonia in Ecclesia memorantur, in quibus sancti conjuges illibatam servarunt Virginitatem. Czecilia quippe virgo Angelo Virginitatis suæ custode munita, atque protecta nupsit citra periculum Valeriano, sciens Angelum a petendo debito Valerianum aut advocaturum, aut congressum maritalem impediturum, quod illi felicitur cessit. In bulla Canonizationis S. Chunegundis Imperatricis Constituit. 29. pag. 38. cod. Canonizar. habentur hæc verba: *Qui (sermo est de testibus examinatis) iurati dixerunt, quod, sicut ex celebri fama, & solemnī scriptura novissent, Beata Kunegundis Sancto Henrico Imperatori fuit matrimonialiter copulata, sed ab eo non extitit carnaliter cognita. Unde, cum Dominus Imperator ageret in extremis, Principibus, & Parentibus inquit de illa: Qualem mihi eam assignastis, talem vobis eam resigno: virginem eam dedistis, & virginem reddo. Apud Nicephorum lib. 15. historiæ. cap. 15. & apud Cardinalem Baronium ad an. 450. num. 17. narratur, Pulcheriam Marciano nupsisse, & ad an. 453. num. 20. & virginem mortuam fuisse. Apud Surium ad diem 9. Januarii similia leguntur de SS. Juliano, & Basilissa, & subiicitur num. 8. pag. 140., auditam de cælo vocem fuisse hæc verba promentem: *Vicisti, Juliane, vicisti. Alia virginea connubia in Ecclesiasticis prostant historiis, Sancti videlicet Boleslai V. Polonorum Regis, qui Pudicus inde dictus est, & Chunegundis Belæ Hungarorum Regis filię; Sancti Conradi Regis filii Henrici IV. Imperatoris cum Mathilde; & alia plura addi possent, de quibus apud Scachum de not. & sign. sanctis. sect. 6. cap. 6. pag. 476. & seqq. Alibi tractabitur de matrimonio B. Lucie Narniensis, in quo Virginitatem servavit. Inter ea adnotare fas sit, adhuc pendere in sacrorum rituum Congregatione resolutionem dubii super virtutibus in causa Ven. Servi Dei Sebastiani de Apparitio Religiosi Laici Professi Ordinis Minorum S. Francisci de Observantia. Cum enim, antequam nomen daret Religioni, duplex matrimonium contraxisset, & neutri debitum reddidisset, bon. mem. Archiepiscopus Myrensis Fidei Promotor, & ego successor in dicto munere, illum***

peccasse diximus, non quia laudabilia quodammodo, & heroica dici non debeant matrimonia, in quibus, mutuo accedente conjugum consensu, nulla sit ejus consummatio, sed quia de consensu tam primæ, quam secundæ uxoris non constabat, & querimoniarum non defuerant consanguineorum prædictarum feminarum, quod eis debitum non redderetur, ex quibus inferebatur prædicti consensus defectus. Multa fuerunt a doctis Postulatoribus allata, ut difficultati satisfaceret. Suffragia quoque Academicarum Parisiensis, Salmanticensis, & Patavinæ (ut alibi dictum est) requisita, & Romæ edita anno 1722. fuerunt omnino concordia in asserendo, matrimonia non modo valida fuisse, sed commendatione digna, mulierumque consensum implicitum, aut explicitum non defuisse, & querimonias a consanguineis excitatas fuisse, non quia uxores umquam de redditione debiti cogitaverint, sed quia ipsi, pinguem Servi Dei hereditatem ad filios ex suis consanguineis nascituros deferri, ardentem exoptabant. Scripturæ Postulatorum, & Theologorum suffragia legi possunt: at judicium sacræ Congregationis erit expectandum ex particularibus facti circumstantiis potissimum desumendum.

§ 8 Castitas, seu Continentia maritalis donum Dei est, uti bene exponit S. Augustinus lib. de Continentia cap. 1. col. 297. oper. tom. 6. dicens: Dei donum esse Continentiam, primum dicimus, & probamus: & paucis interjectis, subjicit: Quoniam ipsa quoque Castitas conjugalis, nisi continueatur ab illicito concubitu, non potest custodiri; utrumque Apostolus donum Dei esse prædicavit, cum de vita utraque, id est & conjugali, & ea que est sine conjugio, loqueretur dicens: Vellem, omnes homines sic esse sicut me ipsum: sed unusquisque proprium donum habet a Deo, alius sic, alius autem sic. Castitatis conjugalis in matrimonio consummato non desunt exempla; & quidem non solius abstinentiæ ab illicitis voluptatibus, in quo rerum statu nullam haberet excellentiam supra communem Castitatem, quemadmodum bene docet D. Thomas 2. 2. quæst. 152. art. 3. ad quintum, sed abstinentiæ a voluptatibus etiam licitis. Narrat enim Volaterranus lib. 22. commentar. Urbanor. in Urbano V. Sanctam Franciscam Romanam, ut urentem libidinem reprimeret cum viro debitum conjugale petenti reddebat, ardens laridum ad uterum applicasse; quod ad insigne Castitatis conjugalis exemplum referunt Rotæ Auditores in relatione causæ ipsius part. 2. art. 2. in fine. Apostolus in 1. epist. ad Corinth. cap. 7. v. 4. inquit: Mulier sui corporis potestatem non habet, sed vir: similiter autem & vir sui corporis potestatem non habet, sed mulier. Nolite fraudare invicem, nisi forte ex consensu ad tempus, ut vacetis orationi: & iterum revertimini in id ipsum, ne tentet vos Satanas propter incontinentiam vestram: hoc autem dico secundum indulgentiam, non secundum imperium. Suadet itaque Apostolus, ut conjuges ad tempus contineant se, ut vacent orationi & jejuniis: ex quo desumitur, eos laudabiliter & heroice se gerere, si per totum vitæ tempus se contineant, ut orationi vacent & jejuniis: dummodo tamen ab sit periculum incontinentiæ, & lapsus in adulterium, vel alias

libi.

libidines, quemadmodum prædictum textum Apostoli late explicant Eitius, & Cornelius a Lapide. Tempus duorum mensium ab Ecclesia indulgetur in cap. *Ex publico, de convers. conjug.* unicuique ex conjugibus ad suspendendam primam debiti redditionem, ut deliberare possit, an Religionem ingredi velit, & in ea Professionem emitte. Item Tob. cap. 8. v. 4. Tobias junior suam sponfam Saram compellavit his verbis: Sara, exsurge, & deprecemur Deum hodie, & eras, & secundum eras; quia his tribus noctibus Deo jungimur, tertia autem transacta nocte in nostro erimus conjugio. Filii quippe Sanctorum sumus, & non possumus ita conjungi, sicut Gentes, quæ ignorant Deum. Et cap. 6. narratur, quomodo Angelus Raphael id ei suaserat: Tu autem, cum acceperis eam, ingressus cubiculum per tres dies contineas esto ab ea, & nihil aliud nisi orationibus vacabis cum ea. Ipsa autem nocte incenso jecore piscis fugabitur Daemonium. Secunda vero nocte in copulatione sanctorum Patriarcharum admitteris. Tertia autem nocte benedictionem consequeris, ut filii ex vobis procreentur incolumes. Transacta autem tertia nocte accipies virginem cum timore Domini, amore filiorum magis, quam libidine ductus, ut in femine Abrahæ benedictionem in filiis consequaris. Cui Tobie, & Saræ exemplo Sanctam Birgittam, & Ulsonem ejus virum se pie & sancte conformasse, narratur in bulla Canonizationis ejusdem Sanctæ Birgittæ (Constitut. 66. pag. 153. cod. Canonizat.): Es, cum infirmis convenire deberis, quamquam idonei essent ad viriles amplexus, maritus videlicet in decano ecclesie, & sponsa in tertio decimo anno constituti, communi tamen voluntate Toliam juniorem, & Sarag Raguelis imitati, annos continuum & ultra a concubitu abstinuerunt, Deum humiliter deprecantes, ut, si conjungi foret expediens, in commixtione non peccarent, & Deus illis talem prolem concederet, quæ ad servitium ejus esset. Simul postea convenerunt in timore ac tremore, non libidini, sed posteritati vacantes, cum interim devota mulier nec jejunia, nec orationes, nec alia pia & saluta opera praterires. Probant autem hæc omnia Castitatis conjugalæ in matrimonio consummato excellentiam, si conjuges ab opere venereo abstineant, ut orationi vacent, excluso libidinis periculo. In causa B. Petri Forerii, dum ageretur de ejus virtutibus, memini, me tunc Fidei Promotorem inter cetera opposuisse, de ejus Prudentia dubitari posse, cum ejus consilio mulier conjugati ab actu conjugali per aliquot annos, immo & per totam vitam abstinuissent, propter periculum signanter incontinentiæ, cui aliquos obnoxios fuisse, verisimile esse videbatur: sed cum Postulatores strenue resistentes, quæ modo dicta sunt de Castitate conjugali, in aperto posuissent, consilium ab eo non fuisse datum nisi illis, de quorum Continentia dubitare non poterat, consiliumque ipsum felici exitu non caruisse, merito animadversio ratione officii adversus virtutes Beati proposita, in ejus laudem & commendationem conversa est.

39 S. Hieronymus lib. 1. in *Jovinianum* col. 310. oper. tom. 2. exempla ex variis nationibus congerit, ut ostendat, etiam apud Ethnicos Castitatem vidualem magna in existimatione fuisse, abstinentiam videlicet a secundis, & ul-

& ulterioribus nuptiis, mortuo primo conjugē: quod argumentum late prosequitur Espenceus lib. 3. de Continentia cap. 17. Juxta jura civilia, de quibus ad tit. Cod. de secundis nuptiis, uxor superstes jubebatur per annum defunctum maritum lugere, & a nuptiis abstinere: sed, cum juxta Apostolum, mulier, viro suo mortuo, soluta sit a lege viri sui, & nubere possit in Domino, cui voluerit, merito sacri Canones censuerunt, posse uxorem, etiam citra infamiae notam, mortuo viro, intra annum luctus ad secunda vota transire, ut habetur in cap. 4. & 5. de secundis nuptiis; ita tamen, ut, interdicta Parocho benedictione secundarum nuptiarum, quam Ecclesia dandam statuit in primis nuptiis, ostendat, secundas nuptias non æque sibi probari, ac primas, ut in cap. 1. & 3. de secundis nuptiis. Viduitatem secundis nuptiis præferendam esse, nec has tamen improbandas, late probat S. Augustinus in lib. de bono viduitatis, seu in epist. ad Julianam viduam, atque inter alia ibid. cap. 4. col. 371. oper. tom. 6. scribit: *Quapropter hoc primum oportet ut noveris, bono, quod elegisti, non damnari secundas nuptias, sed inferius honorari. Nam, sicut bonum sancta virginittatis, quod elegit filia tua, non damnat unas nuptias tuas, sic nec viduitas tua cujusdam secundas etc. Nec ita extollas bonum tuum, ut, quod malum non est, tamquam malum crimineris alienum; sed tanto magis gaude de tuo bono, quanto magis vides, non tantum illo devitari mala, sed quadam bona etiam superari. Nonnullæ Viduæ fuerunt in Sanctarum album relatæ a summis Pontificibus, Elisabetha videlicet, quæ post obitum viri sui nomen dedit Sanctimonialibus Terti Ordinis Minorum, de qua sic Gregorius IX. loquitur in bulla Canonizationis (Constit. 45. pag. 74. cod. Canoniz.): O inclita Vidua, virtutum secunda sobole, qua studens ex gratia consequi, quod a natura non poterat indulgeri etc. sic amabilem immortalis Sponsi se præbuit; Hedvigis, quæ, mortuo Henrico conjugē, Sanctimonialis Cisterciensis fuit, de qua sic loquitur Clemens IV. in bulla Canonizationis (Constit. 53. pag. 103. cod. Canoniz.): Ipso denique Duce christianissime, prout asseritur, spiritum exhalante, prætinus ad illius, cujus pulchritudinem sol & luna mirantur, tamquam libera, et a lege viri terrestris soluta, familiare consortium amplius aspiravit; Birgitta, de qua multa heroica referuntur post obitum viri ab ea patrata in bulla Canonizationis ipsius edita a Bonifacio IX.; Francisca denique Romana, de qua Paulus Papa V. in bulla Canonizationis (Constit. 82. pag. 281. cod. Canoniz.) sic loquitur: Itaque, defuncto marito, paucis annis ante suam dormitionem variis servitutis obsequiis non destitit Christo famulari. Proinde sanctum claustralis vite propositum sollicitè adimplere volens, absque mora Oblatas, quas ipsa Christo pepererat, nudis pedibus adis, ac, vinculo de collo pendente, prona in terram, multisque cum lacrymis, quasi peccatrix indigna, non tamquam earum parens, suppliciter illas orat, ut se ipsarum numero adscribant.*

60. Hæc quoad viralem Castitatem. Nunc autem ad virginalem ut redeamus, pro rei complemento querendum esse videtur, quomodo Virginitas probari possit: de ea quippe re in causis Servorum Dei aliquando tracta-

tractatur. Medici, per physica principia procedendo, multa afferunt Virginitatis signa tam in masculo, quam in femina, quæ apud eosdem legi possunt, & signanter apud Gasparem a Rejes *fecundarum questionum elyseo campo quest.* 38. & 39. & apud Zacchiam in *quest. medico-legal. lib. 4. tit. 2. quest. 1. & seqq.* Actum fuit hac de re in causa S. Thomæ de Villanova, & Virginitatis probationem Rotæ Auditores in relatione causæ ipsius desumpserunt ex publica voce & fama, & concordi omnium consensu, quod satis esse dixerunt in materia difficilis probationis, ut in dicta relatione videri potest *tit. de Castitate pag. 619. & seqq.* post Contelor. *de Canoniz. Sanctorum*. Latius hoc argumentum prosecuti sunt in relatione causæ S. Pii V. *tit. de Temperantia*, ubi, præmissa difficultate probationis in demonstranda Virginitate, multum detulerunt attestationibus Confessariorum, qui excipientes ejus Confessiones dixerunt, nullam se in eo deprehendisse culpam lethalem, testibus ex publica voce & fama adhibitis, Chirurgis, qui in sectione cadaveris retulerunt, se eas corporis partes, quæ generationi deserviunt, integras invenisse usque adeo, ut infantis mundiciam & puritatem referrent. Alias quoque addiderunt conjecturas desumptas ex ingressu in Religionem ab ineunte ætate, ex voto Castitatis emissio, ex odio adversus vitia carnis, & mulieres fornicarias, ex pudore eximio, cum nec in discrimine vitæ constitutus passus sit, pro sedandis vesicæ doloribus partes generationi inservientes a Medicis videri, ex sobrietate insigni, & ex frequenti sumptione sacre Eucharistiæ. De virginali quoque Castitate tractatum est in causa S. Philippi Nerii, & tam ex his, quæ in relatione causæ ipsius deducta sunt, quam ex aliis modo enarratis inferri potest, rem difficilis esse probationis, in ea per conjecturas esse procedendum, nec unam, aut aliam sufficere, sed plures esse uniendas, ut ex omnibus simul junctis de servata Virginitate judicium ferri possit. Verba relationis Rotæ Auditorum in causa S. Philippi Nerii sunt hæc: *Virginalem Castitatem Philippus perpetuo conservavit, ut ipsemet manifestavit Francisco Buccæ ejus in Christo filio, ut eundem ad Castitatem induceret, & Cardinali Baronio suo Confessario, ut in summario &c. Et etiam communi amicorum fama ab omnibus semper virgo est reputatus, ut deponunt viginti novem testes in summario &c. Adhuc adolescens quosdam, qui ipsum ad impuritatem provocare volebant, Dei verbo ad bonam frugem convertitis, ut deponunt in summario &c. Laicus etiam cum esset, a duabus puellis in ejus cubiculum ingressis, ut ipsum ad impuritatem converterent, oratione se muniens fuit a Deo mirabiliter liberatus, ut in summario &c. Vocatus Philippus ad ejuſſam Cæsareæ domum, ut ejus Confessionem audiret, fuit ab eadem Cæsareâ aperte tentatus, & ipse statim, ut alter Joseph, aufugit, & licet illa per scalam descendenti scabellum post terga projeceret, ipse tamen Divino protectus auxilio illasus evasit, ut in summario &c. Cum Confessionibus audiendis initium daret, raro seminarum Confessiones excipere solebas, & cum eis asperis & severis verbis utebatur, nunquam earum vultum inspiciens, ut in summario &c. Et ob candorem suæ puritatis, etiam cum ager esset, nullam sui corporis partem passus*

passus est a quoquam videri, ut in sumuario &c. In ejus corporis sectione suis ipsa manibus eas corporis partes, quas indecorum ostendi virgo fuisset, semel iterumque occidit, ut in sumuario &c. Idem etiam antea, dum lavaretur, acciderat, ut in sumuario &c. Ejus puritatis candor etiam ex facie atque oculis emicabat, ut in sumuario &c. Ad Philippum accedentes castitatis ac puritatis odorem ab eo emanantem sentiebant, ut in sumuario &c. Familiariter conversantes cum Beato Philippo ab ejus eximiam puritatem etiam ipsi sanctitatem consequebantur, ut in sumuario &c. Ob suam etiam insignem puritatem ipsam puritatis odorem, & e diverso immunditia fuctorem in aliis sentiebat, ut in sumuario &c. Alumnos suos ad servandam Castitatem continuo adhortabatur, admonitionesque pro ejusdem conservatione utiles dabat, ut deponunt in sumuario &c.

61 Virginitas ergo S. Philippi Nerii ipsius dicto probata est una cum ceteris adminiculis in eadem relatione narratis; quod ipsum in S. Dominico contigisse, alibi videbitur: absurdum quippe maximum esset, si eorum dictis, de quorum sanctitate ex tot aliis constat documentis, fides non praeferretur. S. Ambrosius in orat. funeb. de obitu fratris lib. 1. num. 52. col. 1128. oper. tom. 2. ejus Virginitatem praedicavit, & probationem a conjecturis, & praesumptionibus desumpsit: Velut quadam virginali verecundia suffusus erat rarus attollere os, elevare oculos, referre sermonem, quod pudico quodam mentis pudore faciebat, cum quo castimonia quoque corporis congruebat. Etenim interpretata sacri Baptismatis dona servavit mundo corpore, purior corde, non minus adulterini sermonis approbrium, quam corporis perborrescens, non minorem rarus pudicitia reverentiam deferendam integritate verborum, quam corporis Castitate. Denique in tantum Castimoniam dilexit, ut nec uxorem expeteret, licet in eo non solum Castitatis appetentia fuerit, sed etiam pietatis gratia. Miro autem modo & conjugium dissimulabat, & castitatem declinabat; tantaque erat dissimulatio, ut, nobis quoque urgentibus, differre magis consortium, quam refugere videretur. Hoc unum itaque fuit, quod nec fratribus crederet, non aliqua circulationis castitania, sed virtutis verecundia. Nec dissimili modo S. Gregorius Nazianzenus orat. 20. de laudib. S. Basilii Magni ejus Virginitatem commendat & probat: Quis igitur magis, quam ille, aut Virginitatem in pretio habuit, aut carni leges imposuit; idque non solum tantum exemplo, sed etiam per ea, quibus operam dedit? Cujus sunt Virginitatem cuncta? Cujus praecepta illa litteris mandata, quibuscumque omnes sensus coerceras, tum membra omnia componebas, ac Virginitatem vere colere admovebas, pulcritudinem ab iis rebus, quae aspectu sentiuntur, ad ea, quae oculorum obtusum fugiunt, convertens, atque id quidem, quod externum est, debilitans, flammamque materiam subtrahens, quod autem internum & occultum est, Deo, qui solus purarum animarum sponsus est, atque infirmas animas, si modo cum claris lampadibus, & copiosa olei alimonia obviam ipsi prodierimus, secum introducit, spectandum offerens? Deum Virginitatis prerogativa ab ea non aufertur, quae stuprum per vim patitur: Tyranno siquidem riuanti S. Lucio, se eam producturum ad lupanar, Sancta respondit: Si invitam jussoris violari, Castitas mihi duplicabitur

sur ad coronam. Cum enim integritas membri corporalis per accedens se habeat ad Virginitatem; immunitas autem a delectatione materialiter, ut Scholæ loquuntur, se habeat, & propositum perpetuo abstinendi a tali delectatione se habeat formaliter & complete ad Virginitatem; hinc fit, ut si aliqua invita constupretur, corruptio istiusmodi non magis Virginitati præjudicet, quam si manus, aut pes corrumpere, juxta doctrinam D. Thomæ 2. 2. *quest. 152. art. 1.*

CAPUT XXV.

*De Oratione, & ejusdem speciebus, & ejus necessitate in Dei
Servis beatificandis & canonizandis.*

ID Um in superioribus de virtute Fidei ageremus, mentio habita est Orationis. Fides est Orationis fundamentum: qui enim petit a Deo, profitetur, se credere, Deum posse dare quod postulat, & esse primum auctorem omnis Boni; immo etiam credit, esse veracem & fidelem in eo quod promissit: unde Apostolus ad Rom. 10. v. 14. *Quomodo ergo invocabunt, in quem non crediderunt?* Mentio quoque, saltem implicita, Orationis habita est in superioribus, dum ageremus de virtute religionis. Affectus enim orandi cum procedat ex causa & impulsu colendi Deum, & ei offerendi mentem nostram, recognoscendo, & quasi per Orationem protestando nostram indigentiam, obsequium erga ipsum, servitutem & subjectionem, & e converso potentiam ejus, bonitatem ac providentiam erga nos; affectus hic inde ortus, est actus elicited a religione, cujus proprium munus est cultum Deo reddere, juxta doctrinam D. Thomæ 2. 2. *quest. 83. art. 3. & quest. 81. art. 5.* quam late exornat Suarez de religione tom. 2. lib. 1. cap. 7. & bene prosequitur Cardinalis Bona in tractatu etiam infra allegando de principiis vite Christiane part. 1. cap. 50. ubi ita de Oratione scribit: *In ea omnium virtutum actus exercentur. Prima vero ante omnes occurrit Fides; nemo enim oraret, nisi crederet, Deum esse presentem, & preces clamantium ad se audire, easque posse & velle, si iuste petimus, exaudire. Spes erigitur, quia maximam in Dei ope & misericordia fiduciam habemus. Charitas excitatur Divina bonitatis consideratione, que urget nos ad ipsum super omnia diligendum. Per eam discimus adimplere omnem justitiam, & justorum prudentia omnia perpendere. Fortitudo exercetur, quia orans firmiter statuit servire Deo, & pro ejus amore adversa omnia tolerare. Temperantia actus eliciuntur, quia mens orantis a terrenis & corporeis abhorrens, cali delicias degustat &c. Multis ergo virtutibus fulget, qui multum Orationi incumbit. Sed, cum in causis Beatificationis & Canonizationis frequens se offerat occasio querendi de Oratione Servorum Dei, necessarium Nobis visum est, in hoc capite, & in capite sequenti nonnulla de Oratione indicare.*

2 Scribentes de Canonizatione Sanctorum dicunt, studium Orationis
Tom. III. Bbb nis

nis maximopere in Canonizandis commendari. Ita docent Cardinalis de Laurca in 3. lib. sent. tom. 2. disput. 32. de virtute heroica art. 9. §. unic. num. 136. Mattheuccius in pract. Theologo-Canon. ad caus. Beatificat. & Canonizat. tit. 2. cap. 3. §. 2. & num. 22. ad 27. & late prosequuntur Rotæ Auditores in relationibus causarum SS. Paschalis de Baylon, Felicis a Cantalicio, Francisci Xaverii, Joannis de Deo, Petri de Alcantara, Francisci Borgie, Jacobi de Marchia, Caroli Borromæi, Pii Papæ V., Franciscæ Romanæ, & Mariæ Magdalenæ de Pazzis. Desumitur hoc ipsum ex bullis Canonizationum, Sancti videlicet Thomæ Episcopi Herfordienfis, (Constit. 60. pag. 132. cod. Canoniz.) : *Orationi vero insistebat assidue*; S. Ludovici Episcopi Tolosani (Constit. 56. pag. 123. eod. cod.) : *In Orationibus autem sedulis, & devotis mentem ad Deum elevatam tenuit*; S. Petri Cælestini, (ibid. Constit. 55. pag. 119.) : *Hic beatus vir, jam mortificatus spiritu carnis desideriis & repressis, summe devotus Deo, orando assidue, animum ad Deum tenuit firmiter elevatum*; S. Philippi Nerii (Constit. 85. pag. 320.) : *Inter cetera, quibus ad hujusmodi Charitatis gradum pervenit Philippus, suum sicut Orationis studium*; S. Cajetani (Constit. 94. pag. 449.) : *Orationi ita addictus, ut, quidquid a domesticis negotiis, atque animarum procuranda salute, temporis aut otii superesset, Orationi & meditationi daret*; S. Paschalis Baylon (Constit. 96. pag. 473.) : *Quidquid temporis sibi ex obedientia præscripto supereras, totum id Orationi & contemplationi ubique impendebat*. Sed, ut hæc via & ratione explicentur, operæ pretium est nonnulla præmittere.

3 Oratio, quæ dicitur ascensio mentis ad Deum juxta S. Joannem Damascenum, vel collocutio cum Deo juxta S. Basilium, dividitur ex formula in mentalem, & vocalem; in meditativam, & contemplativam; in publicam, & privatam; & demum in Orationem laudis, Orationem gratiarum actionis, & Orationem petitionis.

4 Oratio vocalis ea est, quæ voce exprimitur, ita tamen, ut mens ori conjuncta sit; alioquin, si sine intentione & attentione fieret, Divine improbationi esset obnoxia, juxta illud Mastb. cap. 15. v. 8. : *Populus hic labiis me honorat; cor autem eorum longe est a me*. Quam ad rem animadvertit S. Augustinus in Psalm. 118. (serm. 29. num. 1. col. 1353. oper. tom. 4.) : *Clamor ad Dominum, qui fit ab orantibus, si sensu corporalis vocis fiat, non inuenit in Deum corde, quis dubitet inaniter fieri? Si autem fiat corde, etiam silente corporis voce, alium quemlibet hominem potest latere, non Deum*. Oratio vero mentalis sine voce sensibili expletur: quilibet enim in semetipso experitur, quomodo omnia, quæ voce profert, intra se dicere valeat sine vocali pronuntiatione.

5 Diximus, hanc mentalem Orationem dividi in meditativam, & contemplativam. Meditativa nihil aliud est, quam cogitatio attentæ alicujus mysterii Fidei, vel cujuslibet rei revelatæ, quæ sit ratiocinando, & procedendo de una re in aliam. Meditatur aliquis ex. gr. Christi nativitatem: mente cogitat, quis sit, qui nascitur; & considerat, esse Deum, qui ho-

mo

mo factus est, & de hoc miratur; considerat locum, stabulum videlicet, & miratur; considerat tempus, rigidissimam scilicet hiemem, & miratur; considerat nascentis paupertatem, quod vilibus pannis involutus jaceat in presepe, & miratur; considerat, eum sine offensa materni virginalis pudoris, & sine dolore ex matris ventre prodiisse, & miratur; considerat cetera, quæ in ea contigerunt nativitate, & ex horum omnium consideratione elicit actum amoris erga Christum natum, & in Deum predicta patrantem.

6 Oratio contemplativa, seu contemplatio definitur a S. Thoma 2. 2. *quest.* 180. *art.* 4. *Contemplatio Divina veritatis*. Quod ut clare explicetur, ponamus, aliquem legere, vel audire alium legentem hunc Fidei articulum: Filius Dei est incarnatus. Divinæ Gratiae auxilio credit, eum esse verum; mente animoque versat Incarnationem, & modum ejus; positoque actu credendi, meditatur & considerat veritatem illam, hoc est Filium Dei esse incarnatum, in ea figens aciem mentis, ipsam simplici actu intuendo; tum huic actui intellectus superaddit actum voluntatis, seu affectus & dilectionis circa eam rem. Unde S. Thomas 2. 2. *cir. quest.* 180. *art.* 1. *ad primum argumentum*, in quo contendebatur, contemplationem esse actum solius intellectus, sic respondet: *Ex hoc ipso, quod veritas est finis contemplationis, habet rationem Boni appetibilis & amabilis & delectantis, & secundum hoc pertinet ad vim appetitivam.*

7 Demum publica Oratio ea est, quæ fit a Ministris Ecclesiæ nomine Ecclesiæ: privata, quæ fit a qualibet persona privata, sive pro se, sive pro aliis. Item ex terminis patet, quid sit Oratio laudis, quid gratiarum actionis, quid petitionis. Ad Orationem laudis pertinent nonnulli Psalmi, videlicet *Confitebor tibi Domine &c. Benedictus Dominus Deus Israel, quia visitavit &c. Benedictus Dominus Deus meus, qui docet manus meas ad prælium &c.* Ad Orationem gratiarum actionis spectant alii Psalmi, *Laudate pueri Dominum &c. Laudate Dominum de calis &c. Laudate Dominum omnes gentes &c. Confitemini Domino, quoniam bonus &c.* De Oratione autem petitionis locutus est Christus *Matth.* 7. v. 7. *Petite, & dabitur vobis; querite, & invenietis; pulsate, & aperietur vobis: & v. 11. Pater vester, qui in calis est, dabit bona petentibus se.*

8 His præmissis, quæ hausimus ex octo opusculis Cardinalis de Lanza de *Christiana Oratione*, ad nostrum institutum quod attinet, duo certa sunt. Alterum est, Orationem esse necessariam, ut æternam salutem consequamur, juxta plene collecta in Catholicis institutionibus Francisci Amati Pouget *tom.* 2. *pag.* 613. §. 2. *de necessitate Orationis*, & juxta doctrinam D. Thomæ in 4. *dist.* 15. *quest.* 4. *art.* 1. *questiunc.* 3. ubi ait: *Ad Orationem quilibet tenetur ex hoc ipso, quod tenetur ad bona spiritualia sic procuranda, quæ non nisi divinitus dantur; unde alio modo procurari non possunt, nisi ut ab ipso petantur: Et in respons. ad primum subjicit: Amor, qui maxime voluntarius est, necessarius est, si quis velit ad salutis finem pervenire: & hoc modo etiam Oratio*

*necessaria est, & sub præcepto cadens respectu eorum, quorum voluntas sub necessitate prædicta cadit. Alterum est, de utilitate vocalis Orationis non esse dubitandum, juxta eundem D. Thomam 2. 2. quæst. 83. art. 12. ubi docet, utilem esse vocalem Orationem primò ad excitandam interiorem devotionem, secundò, ut homo Deo serviat secundum illud totum, quod ex Deo habet, tertio ob quamdam redundantiam ab anima in corpus, vehementem scilicet affectionem, juxta illud Psalmi 15. v. 9. : *Letatum est cor meum, & exultavit lingua mea.* Idem prosequitur ex Dominicana familia Pater Illusionis Manrique in tractatu de conditionibus Orationis desumpto ex littera S. Thomæ cap. 1. §. 1. & 2. De necessitate autem Orationis ita scribit pius Cardinalis Bona in suo tractatu de principiis vitæ Christianæ cap. 44. part. 1. pag. 43. *Tanta est necessitas Orationis, ut Fidei dogma sit, neminem sine illa salutem consequi posse. Quis enim potest Deum vocantem sequi, nisi dono Gratia adjuvetur? Ejus autem auxilium quis potest sine Oratione promereri? Idcirco docet Scriptura, oportere semper, & sine intermissione orare, quia semper & in omnibus auxilio Dei indigemus. Semper autem orat, qui orandi tempora nullo unquam die prætermittit.**

9 Ea ergo, quæ est inter Theologos disputatio ad hoc reducitur, an adsit præceptum privatæ vocalis Orationis. Nonnulli ex Theologis docent, nullum extare præceptum naturale, neque Divinum, neque Ecclesiasticum Deum orandi Oratione vocali privata, cum præceptum orandi sufficienter adimpleri possit etiam per Orationem mentalem, quemadmodum late probat Suarez *de relig. tom. 2. lib. 3. de Oratione vocali in communium cap. 6.* & videtur esse ex mente D. Thomæ 2. 2. cit. quæst. 83. art. 12. ubi ait: *Oratio vero singularis est, quæ offertur a singulari persona cujuscumque sive pro se, sive pro aliis orantis; & de hujusmodi Orationis necessitate non est, quod sit vocalis.* At alii ex eisdem Theologis docent, præceptum vocaliter orandi cuilibet Christiano capaci esse impositum, & esse innixum exemplo Christi, & praxi universalis Ecclesiæ, quemadmodum late prosequitur Cardinalis de Lauræa cit. opus. 1. de Oratione cap. 7. cum Christus Dominus pluries vocaliter oraverit, & ab Apostolis rogatus Luc. 11. v. 1. *Doce nos orare*, responderit: *Cum oratis, dicite: Pater noster, sanctificetur nomen tuum*: quo in loco absque dubio sermonem habuit de Oratione vocali; Matth. quippe 6. v. 7. inquit: *Orantes autem, nolite multum loqui, sicut Ethnici;* & v. 9. : *Sic ergo vos orabitis: Pater noster, qui es in calis &c.*

10 Verum, utcumque sit de hac controversia, cujus exa men ea in re, de qua nunc agitur, superfluum esse videtur, cum percipi non possit, agi de aliquo Dei Servo beatificando, aut canonizando, qui, dum viveret, vocaliter non oraverit; satis erit adnotare, non cujuscumque vocalis Orationis in Beatificando, aut Canonizando haberi posse rationem, sed momentum tantum esse constituendum in excellenti & perfecta, ideoque heroica vocali Oratione: pro qua licet attentio sit necessaria quoad verba, quoad sensum verborum, & quoad finem, Deum videlicet, & rem, pro qua

qua oratur, juxta ea quæ late docet D. Thomas 2. 2. cit. *quest.* 83. *art.* 13. quæ omnia interna sunt, & ab Ecclesia directe cognosci non possunt; perfectio nihilominus & excellentia vocalis Orationis indirecte ab actibus externis hauriri potest, puta ex lacrymis (de quibus infra), ex corporis compositione, ex loco in quo oratur, ex tempore quo oratur, & orandi assiduitate, quemadmodum explicat Scacchus *de not. & sign. sanctis. sect.* 5. *cap.* 4. quæ Orationis assiduitas non est certo temporis spatio alligata, cum, loquendo de privata vocali Oratione, tantum durare debeat, quantum requiritur ad excitandum interioris desiderii fervorem, juxta illud S. Augustini: *Ab his ab Oratione multa locutio, sed non desit multa precatio, si frequens perseveras intentio.* Quod late exornant D. Thomas *loc. cit. art.* 14. Suarez *tom.* 2. *de relig. lib.* 3. *cap.* 7. Rosignolius *de actionib. virtutis lib.* 1. *cap.* 3.

11 Cohærenter ad hæc, pluribus aliis prætermisiss, quæ facile cumulari possent, in vita S. Lucæ junioris Thaumaturgi ad diem 7. Februarii *tom.* 2. *cap.* 3. *num.* 18. *pag.* 87. apud Bollandianos hæc habentur ex dicto Discipuli ejusdem desumpta: *Cognovi, inquit, illum genus solo figentem, ac frontem illidentem terra. Ad singulas porro genuflexiones publicam illam accinebat vocem. Tunc, velut fervore incallescens, crebriores genuflexiones adhibebat, inque illis durabat, donec, corporis virtute exhausta (neque enim illud pari conatu prompta spiritus alacritati inservire valebat) supinus corrueret, diuque immotus permaneret. Sed & ita efficax erat, nec pigris indulgebant. Non somno concedebat, sed sursum manus, corporisque pariter, atque anima oculos habebat, consuetamque illam precationem, Domine miserere, tota animi contentione dicebat. Tum post modicam illam corporis remissionem iterum surgens in pedes stabat, sequæ Orationi ad primam usque diem lucem dabat.*

12 In vita S. Romualdi apud eosdem Bollandianos *cit. tom.* 2. *Februarii ad diem* 7. *cap.* 2. *num.* 7. *pag.* 126. sic legitur: Vere, quia Pater Sanctus Romualdus sic erat in carne præmortuus, sic a mundo penitus alienus, continue sacris Orationibus, & Divinis laudibus erat occupatus.

13 In vita S. Pii V. apud eosdem Bollandianos *tom.* 1. *Maii lib.* 6. *num.* 320. *pag.* 697. dicitur: Erat porro vehementer assiduus in studio sacra precationis, quod sane cum ceteris omnibus, tum præcipue Pontificibus singulari dicebat esse præsidio. Ac propterea ante lucem in ea exercitatione, stans Sacerdotum precibus recitatis, ita defixus immorari consueverat, ut ad se interpellandum accedentes, nisi vestris tractu sibi restitutus, aliquando vix enaudiret, indeque recedentes in Divina raptus sapientia videretur esse, neque percurrantibus ad rem satis respondere: quidquid enim certo effervescentis in Deum caritatis, animique Divina parientis erat indicio. Et *num.* 321. Ceterum hanc ipsam orandi rationem gravioribus in rebus conficiendis perpetuo Pius servavit, Litanias præterea, statasque preces in Apostolico palatio coram se, nisi graviter impediretur, ac tota præsentis familia, vespertinis horis quotidie pie recitari voluit, Nec interim tamen quidquam de iis, quæ ad officium pertinerent suum, prætermittebat. Cogitabat enim, Pontificis munus esse præcipuum, pro delictis & ac necessitatibus populi apud Deum

Deum intercedere, & propterea familiarem & gratum se oportere esse ei, apud quem intercessor esset constitutus. Itaque ad miscenda cum Deo colloquia a negotiis recurrebat identidem, exemplo Moysis crebro Tabernaculum intrantis & exiens, ut intus a Deo disceret, qua fides populum edoceret, & qui intus contemplatione rapiebatur in Deum, foris hominum onera portans omnium salutis consideret. Dicere vero solebat, se ad impostum sibi onus egregie sustinendum, sanctarum precum subsidio vehementer indigere; ac propterea & publice, & sacris in cœnobiiis, & item a privatis hominibus assidue pro se, reque Christiana publica Deo supplicandum curabat. Beatissima Virgini Dei matri ita se devoverat, nullum us ageret diem, quo, vel dum summus esset Pontifex, tamisque rebus occupatus; sacri quod vocant Rosarii precationem non adhiberet; quem quidem precandi ritum aliis præterea multis, ut diximus, Apostolica Indulgentia donis cumulavit. Sed pro mortuis etiam, quod sibi magnis in periculis aliquando præsidio fuisse testabatur, pie ritæque precari quotidie consueverat.

14 In vita denique S. Simeonis junioris Stylitæ cap. 6. apud Bollandianos tom. 5. Maji num. 46. pag. 324. ejus Oratio sic describitur: *Per integrum pene diem, ad horam scilicet nonam usque, continenti vacabas Orationi: hanc autem nona thurificationis officium alta excipiebat Oratio: deinde, sole jam occumbente, aliam denovo exordiebatur, a qua tandem, sole diem redeunte, desistebat: ac tum demum illud sibi optinens, in pace in idipsum dormiam, & requiescam; quoniam tu, Domine, singulariter in spe habitare secisti me, summum, perinde ac famulum accersebat, indulgebatque illi parcissime ad necessarium duntaxat corporis usum. Oratio autem ejus erant: I. falsertum totum, & Moysæ canones, plagæque dextera inflicta pectori (nam, sinistra ad Deum tendebatur) & veluti rivulus lacrymarum pannosam detritamque lacernam irrigantes; hac vero excipiebat lectio, atque meditatio Divinorum oraculorum. Incensum quoque dextera prebensum offerebat sæpe Deo, & fumus (o quis mirabilia Domini annuntiabis?) sine prunis sublime ferebatur: alias vero audiebatur simul psallere cum turba, simulque, Alleluja, subjicere. Longissima sæpe tempore nihil omnino somni oculis videbat, adeo ut triginta interdum noctes integras, totidemque dies continuaret rogatas Deum, exoptem somni vitam ducere. Verum, Gratia intus loquente, arcantum taciturnique responsim accepit: Oportet, aliquantulum quieti te tradas.*

15 Quia vero Dei Servi, vitæ activæ negotiis occupati, vocali Orationi aliquando vacare non potuerunt tempore, quo id efficere exoptabant, alias horas substituere conati sunt, quamvis sibi minus commodas, ne a solito Oratione vocali cessarent. Exemplum habetur in vita S. Stephani Fundatoris Ordinis Grandimontensis cap. 3. apud Bollandum tom. 2. Februar. (ad diem. 8. cap. 3. num. 17. pag. 207.): *Exceptis etenim Ecclesiastici Officii regularibus debitis, Agenda videlicet diei, & Beatissima Maria, ac Fidelium defunctorum, a prima die, quâ venit in eremum, usque ad ultimum diem vitæ suæ Ordinem de Sancta Trinitate cum novem lectionibus, & horis Canonicis singulis diebus ac noctibus devotissime celebravit. Psalmodiam vero, & familiares Ora-*
tio-

siones in tantum amabat, & gratiam illius excellentissima contemplationis, in qua Deus melius cognoscitur; tam affluens habebat, quod nunc huius dulcedine rapto, nunc illarum occupatione detento, frequenter biduo, aut triduo a corporali vocabatur edulto. Verum, si pro eorum colloquio, quibus, servata charitate, deesse non poterat, ea, quæ orando facere, vel dicere consueverat, statutis horis, sive temporibus quandoque non impleret, differri quidem poterant, non omitti. Postquam enim ab eo, qui adveniens, recedebant, quæcumque hora tunc esset, antequam comederet, vel dormiret, omnia, quæ de consuetis Orationibus necessario intermiserat, cum omni devotione restituebat. Unde plerumque usque in crastinum nullum sumebat cibum, Christi Discipulorum imitator ævus, qui propter venientes, & redeuntes manducandi spatium non habebant.

16 Exempla hucusque relata, & alia eis consimilia prodesse possunt his, qui in causis Beatificationis & Canonizationis suffragium præstare debent, ut recte dignoscant, quænam privata vocalis Oratio excellens, perfecta, & heroica, argumento ab actibus externis desumpto, dici possit; nec enim, uti etiam supra dictum est, cuiuscumque private vocalis Orationis ea in re ratio haberi debet. Cum autem in Oratione animadvertendum quoque sit, quis oretur; Oratio etenim ad Deum dirigitur, ut ad principalem auctorem Gratæ, & Gloriæ, & omnium beneficiorum, quæ ad illam conferunt, & uti ad causam primam; ad Sanctos vero dirigitur, ut sint intercessores nostri apud Deum, & pro nobis impetrent, juxta ea, quæ a Nobis dicta sunt lib. 1. cap. 1. & juxta late deducta per Suarez de relig. tom. 2. lib. 1. cap. 10. num. 6. non erit inopportunum hoc in loco controversiam referre in sacrorum rituum Congregatione excitatam, dum munereungebar Fidei Promotoris, & ex posita incongrua intercessoris invocatione petitam.

17 Dei Serva in ditione Florentina existens annos nata decem & octo, in privata vocali Oratione se commendaverat Fratri Hieronymo Savonarolæ Dominicanæ familiæ alumno jam defuncto, ut a morbo, quo vexabatur, liberaretur. Ego tamquam Fidei Promotor opposui, eam peccasse: licet enim pro Hieronymo Savonarola editæ fuerint apologiæ a Joanne Francisco Pico Mirandulano, a Marfilio Ficino, & a pluribus aliis, quorum dicta erudite collegit Abraham Bzovius in *annal. tom. 18. ad an. 1498. num. 10.* constat nihilominus, & ipsum, & duos ejusdem socios fuisse brachio seculari traditos, strangulatos laqueo, & flammis exustos in urbe Florentina anno 1498. post editum adversus ipsos processum a Patre Generali Magistro Ordinis Prædicatorum, & a Romolino Episcopo, postea Cardinali Surrentino Judicibus ab Alexandro VI. Pontifice delegatis; ex quo processu quamvis nullatenus constiterit, aut Savonarolam egisse, ut sibi a sociis revelaretur sacramentales Poenitentium Confessiones, aut eum vitæ impuritate laborasse, prout nonnulli & ante obitum & post obitum ejus ausi sunt asserere; legitimis nihilominus constitit documentis, necnon ipsius Rei confessione, illum Pontificiis non obtinuisse manda-

tis, audientes e suggestu sæpius concitasse adversus Romanæ Curie vitia, se prophetam a Deo missum dixisse, & alia nonnulla peregrisse, de quibus apud Raynaldum in *annal. ad an. 1497. num. 17. & seq. & ad an. 1498. num. 10. & plurib. seqq.*, & apud Spondanum in *continuat. annal. Card. Baronii ad an. 1498. num. 7. & 8.*

18 Multa profecto a Postulatoribus allata fuerunt, ut ostenderent, factum nullatenus esse probatum, Dei Servam preces exhibuisse Fratri Hieronymo Savonarolæ jam defuncto; tum ad ulteriora procedentes, & omnibus omisissis, quæ pro innocentia Savonarolæ vindicanda a pluribus scripta sunt, dixerunt, eum, dum viveret, sanctitatis fama claruisse, teste Philippo Comineo in *memoriis lib. 8. cap. 2.* Hoc ipsum fufius scriptum est a Gotofredo in *observat. ad dictum lib. 8. a pag. 418. ad pag. 435. num. 2.*, a Francisco Guicciardino in *hist. Italie*, a Scipione Ammirato in *hist. Florentina*, ab Antonio Maria Gratiano in *lib. de casibus virorum illustrium*, a Cardinali Rosensi Joanne Filcherio *oper. part. 5.*, a Timotheo Bortono Perusino in *vita Savonarola*, a Sixto Senensi in *Bibliotheca*, a Raynaldo demum, & Spondano *locis citatis*: ut interea silentio prætereatur epistola S. Francisci de Paula, de qua *tom. 2. vita Hieronymi Savonarola in additionibus Joannis Quetif Ordinis Prædicatorum tom. 2. pag. 531.* quæ olim asservabatur in sacrario ecclesiæ S. Cæcilie Urbis, & modo custoditur in bibliotheca familiæ Chisæ, quam commentitiam putat Papebrochius, sed uti veram vindicat vir fatis eruditus, tunc Episcopus Ravennensis & Scalensis, Joseph Maria Perim�zzi *dissert. 10. ad vitam S. Francisci de Paula*. Item dixerunt, Savonarolam in communionem sanctæ Romanæ Ecclesiæ decessisse, sacra Exomologesi tam ipsum, quam socios humiliter conscientiam expiasse, Eucharistiam recepiſſe, oblatamque a summo Pontifice Indulgentiam Plenariam in articulo mortis cum gratiarum actione suscepisse, testibus Joanne Pico, Timotheo Bortono in *vita Savonarola*, Jacobo Nardo, & Bzovio *ad an. 1498. num. 23.* Ex his autem, & aliis intulerunt, potuisse Dei Servam absque peccato privatas preces exhibere Savonarolæ: Ad rem enim, de qua nunc agitur, hoc est ut a peccato excusetur, qui privato cultu aliquem Defunctum, quem putat apud Deum intercessorem, colit & veneratur, satis est, ut maxime probabilis de ejus æterna salute non desit opinio, juxta bene deducta per Suarez *de relig. tom. 2. lib. 1. cap. 10. sub num. 24.*

19 Addiderunt iidem Postulatores, alios quoque, & sane cordatos sanctosque viros, hoc ipsum fecisse, quod a Dei Serva factum est. Narrat enim Bzovius ex probatis testibus *ad an. 1497. num. 19.* S. Philippum Nerium Imaginem Savonarolæ in sacrario sui cubiculi radiis in capite circumdatam retinuisse. De eodem quoque S. Philippo Nerio narratur, excitata de doctrina, & libris Savonarolæ tempore Pauli IV. summi Pontificis gravissima controversia, ipsaque magnis animorum motibus agitata tempore summi Pontificis Pii IV. illum preces ad Deum fuisse, ne opera prohiberentur, & ut inconcussa staret eorum doctrina; antequam autem repor-

reportatæ victoriæ nuntium adveniret, Deo revelante, victoriam cognovisse, & exclamasse: *Heus, gratias agimus omnes Altissimo. Vicimus, Fratres. Frustra contra Hieronymum, ejusque doctrinam arietantur Adversarii. Stat inconcussa illa, Sanctissimique Domini nostri judicio comprobata.* Sic enim legitur in ejus vita scripta a Patre Gallonio; in qua, quamvis factum narretur, mentione Hieronymi omiſſa, re vera tamen revelationem contigisse occasione disputationis, & reportatæ victoriæ de scriptis Savonarolæ, non modo testatur Amplificator vitæ ipsius scriptæ a Pico cap. 13., sed etiam referunt testes nonnulli recensiti in processu Canonizationis S. Philippi Neri.

20 Major Suffragantium numerus, & quidem fere unanimis, vim responsionis agnoscebat & confitebatur: sed, cum æstu disputationis nonnulli abrepti non modo virtutum in vita & in obitu, sed etiam mortis absque legitima causa Savonarolæ & sociis illatæ, licet in transitu, verba facere coepissent, quod tamen mortis absque sufficienti & legitima causa argumentum non solum erat vero fundamento destitutum, sed etiam aut nihil, aut parum prodesse poterat pro vindicando facto Servæ Dei (pro hac quippe assumptione satis esse poterat & erat, quod Savonarola pie vixisset, & in exitu vitæ poenitentia non ambigua signa dedisset, & mortem ea qua debebat Christiana humilitate acceptasset, & in vita & post obitum fama de ejus sanctitate increbuisse; re delata ad san. mem. Benedictum Papam XIII., placuit Sanctitati suæ, postquam omnia summa diligentia & prudentia examinavit, & postquam omnia, quæ utrinque allata fuerant, a me tunc Fidei Promotore fideliter scriptis brevioribus commissa perlegit, ne de justitia, vel injustitia condemnationis Savonarolæ quæstio jam olim excitata, & quasi extincta revivisceret, decretum edere, in quo, imposito super prece a Dei Serva exhibita Savonarolæ silentio, ita ut ex ea nihil amplius deduci posset pro, vel contra ejus causam, mandavit, ut ad ulteriora in ea procederetur; quod decretum fuit a san. mem. Clemente Papa XII. confirmatum.

21 Absoluta relatione quæstionis in sacrorum rituum Congregatione pertractatæ, reditus fit ad institutum. Succedit itaque private vocali Orationi publica & communis, de qua S. Thomas 2. 2. quæst. 83. art. 12. ubi hæc habet: *Communis quidem Oratio est, qua per Ministros Ecclesiæ in persona totius Fidelis populi Deo offertur; & ideo oportet, quod talis Oratio immutetur toti populo, pro quo profertur: quod non posset fieri, nisi esset vocalis; & ideo rationabiliter institutum est, ut Ministri Ecclesiæ hujusmodi Orationes etiam alta voce pronuntient, ut ad notitiam omnium possint pervenire.* Certum est de ea quoad aliquos urgere Ecclesiæ præceptum, uti signanter colligitur ex præcepto Clericis, & Religiosis Professis imposito de Officii Divini recitatione. De hac communi, publica, vocalique prece nihil est, quod in re, de qua nunc agitur, adnotandum esse videatur, cum huic publicæ, communis, vocalique Orationi congrue applicari possint ea quæ modo dicta

sunt de privata vocali prece. Summus Pontifex Clemens Papa V. in bulla Canonizationis S. Petri de Morono, de servore & excellentia publicæ & communis Orationis vocalis ita locutus est (*Constit. 55. pag. 119.*): *Hic beatus vir, jam mortificatis spiritu carnis desideris, & repressis, sive devotus Deo, orando assidue animam ad Deum tenuis fœmiter elevatum. Ipse etenim ad matutinas laudes media nocte surgens, ipsis diebus, legebat Psalterium cum Litanis, & Collectis quampluribus, crebris genuflexionibus, & disciplinis duris carnem suam cum vitiis & concupiscentiis crucifigebat. In auroa vero Missa per ipsum celebrata, iterum devote reincepiebat Psalterium, & orare usque ad horam tertiam non cessabat: quæ eadem leguntur in bulla Canonizationis Sancti Ludovici Episcopi Tolosani. Item S. Bonaventura in Legenda S. Francisci cap. 10. pag. 313. oper. tom. 7. hæc habet: Solitus erat vir Sanctus Horas Canonicas non minus timore Deo perfolvere, quam devoto. Nam, licet oculorum, stomachi, splenis, & hepatis aegritudine laboraret, volebat tamen maro vel parieti inbare, dum psalleret; sed Horas semper erectus, & sine capicio, non gyrovagis oculis, nec cum aliqua synecopa perfolvebat.*

CAPUT XXVI.

De mentali Oratione; triplici vita, activa, contemplativa, & mixta; statibus incipientium, proficientium, & perfectorum; & aliis nominalis ad Orationem vocalem, & mentalem pertinentibus.

ET si nonnulla de mentali Oratione, & de meditatione, & contemplatione in antecedenti capite dicta sint, alia tamen particularia hic subnectenda esse videntur de Oratione mentali, & aliis cum ea connexis, quantum tamen pertinere potest ad causas Beatificationis & Canonizationis.

Præstat Oratio mentalis Orationi vocali: quocirca S. Thomas 2. 2. quæst. 182. art. 2. ad tertium scribit: *Quanto autem homo animam suam, vel alterius propinquius Deo conjungit, tanto sacrificium est Deo magis acceptum; unde magis acceptum est Deo; quod aliquis animam suam, & aliorum applicet contemplationi, quam actioni.* Et quidem David Psalm. 138. v. 14. sic cum Deo loquebatur: *Da mihi intellectum, & scrutabor legem tuam, & custodiam illam in toto corde meo; & v. 18. Revela oculos meos, & considerabo mirabilia de lege tua. Psalm. 62. v. 7. In matutinis meditabor in te. Psalm. 76. v. 13. Meditabor in omnibus operibus tuis.* Et Psalm. 118. v. 117. *Meditabor in justificationibus tuis.* In superioribus dictum est, necessarium esse omnibus Deum orare. Hoc ipsum modo confirmatur ex sacris Litteris, cum Ecclesi. 18. v. 22. legatur: *Non impediaris orare semper; & Luc. 18. v. 1. Oportet semper orare, & non deficere.* De hac porro necessitate orandi sic loquitur S. Joannes Chrysostomus (homil. 1. de precatione pag. 780. oper. tom. 2.): *Nam quicumque Deum non precatur, neque Divino colloquio assidue frui cupit, mortuus est, & anima sensuque*

sique caret. Et post multa subjicit col. 781.: *Et fieri quidem omnino non posse, ut sine precibus vita cum virtute ducatur, perspicuum esse omnibus existimo.* Rursus in superioribus dictum est, disputari inter Theologos, utrum adsit præceptum privatæ vocalis Orationis. Similis autem viget disputatio inter eosdem quoad mentalem Orationem, hoc est meditationem, seu contemplationem. De qua disputatione ut aliqua innuamus, dicimus, non esse pro salute æterna simpliciter necessariam meditationem, & contemplationem. Salvator enim noster interrogatus, *Quid faciendo vitam æternam possidebo?* respondit: *Serva mandata.* Et iterum interroganti, quæ essent mandata, reposuit, narrando præcepta secundæ tabulæ tantum: loquebatur enim cum Judæo credente in unum Deum, & Sabbatum sanctificante. Idemque Salvator interrogatus a Legisperito, quod esset mandatum magnum in Lege, *Diliges* (inquit) *Dominum Deum tuum ex toto corde tuo &c. Diliges Proximum tuum, sicut te ipsum &c.* In his duobus præceptis tota Lex pendet, & Propheta: afferenti autem, *Hæc servavi ab adolescentia mea: quid adhuc restat?* subjecit: *Si vis perfectus esse, vende omnia, quæ habes, & da pauperibus.* Quod & late explicat Suarez tom. 2. de relig. lib. 2. cap. 4. & fule prosequitur Theophilus Raynaudus tom. 15. *suorum operum in opere, cui titulus, Heteroclita spiritualia pag. 158.* Quocirca apud Hurtadum in *tratt. de vero Martyrio digressum. 4. de Choro Ecclesiastico sect. 2. pag. 304.* nota temeritatis inuritur propositiōni enuncianti, neminem salvari posse, qui quotidie per aliquod temporis spatium Orationi mentali non vacet.

3 Dicimus item nullum urgere præceptum universale mentalis Orationis, ita ut, universaliter loquendo, præcepto Divino, & naturali orandi Deum bene satisfacere unusquisque possit, orando aut vocaliter, aut mentaliter. Totum id subtiliter explicatur tom. 2. *Theolog. mystico-scholasti.* Patris Sebastiani a Conceptione Carmelitæ Discalceati Congregationis Hispanæ *disput. 2. de principio quoad Divinam contemplationem quest. 3.* Ab hac tamen regula excipiuntur, quicumque in ea re aut ob speciale votum, quod emiserint, aut ob Religiosum Institutum, cui nomen dederint, gravi aliquo peculiari præcepto obstricti sunt. Sed, cum iidem Theologi cujusdam necessitatis, quam appellant *secundum quid*, sæpe mentionem faciant, & res, quæ dicitur necessaria *secundum quid*, non sit absolute requisita ad obtinendum effectum, sed ad melius & facilius obtinendum, loquendo de hoc genere necessitatis *secundum quid*, satendum erit, meditationem, & contemplationem esse necessarias, & sic sub implicito saltem consilio contineri. Certum quippe est, dari consilium de acquirenda perfectione. *Estote ergo vos perfecti* (ait Christus in *Matth. cap. 5. v. 48.*) *sicut & Pater vester celestis perfectus est;* & Paulus 1. ad Corinth. cap. 12. v. 31. ait: *Æmulamini autem charismata meliora;* & in *Apocalypsi cap. 22. v. 11.* legitur: *Qui iustus est, justificetur adhuc, & sanctus, sanctificetur adhuc.* Quod si consilium datur acquirendæ perfectionis, implicitum per consequens datur etiam con-

silium meditationis, & contemplationis, quod Religiosus potissimum respicit, quemadmodum etiam latetur Hurtadus loc. cit. pag. 305. Verum est, quod Religiosi, etsi respectu illorum non sit præceptum Divinum Orationis mentalis, aut meditationis, majore vinculo adstricti sunt ad illam ratione sui status, qui est Charitatis perfectio, & servor, ac spiritualis suavitatis, & promptitudo in omnibus bonis operibus, & præsertim in his, quæ ad Divinum cultum & pietatem pertinent.

4. Porro, ut id facilius explicetur, nonnulla sunt prænotanda. Primum est, triplicem esse vitam, activam scilicet, contemplativam, & mixtam; & contemplativam quidem esse activæ preferendam, & demum mixtam esse utraque perfectiorem. Quod autem vita triplex sit, activa, contemplativa, & mixta, patet: qui enim inter Fideles continuo, aut saltem frequenti vacant exercitio operum misericordiæ spiritualis & corporalis, & assiduo virtutum exercitio erga Deum & Proximum, sive opera sint præcepti, sive consilii, vivere dicuntur vita activa; unde Auctor incertus in tract. de modo bene vivendi (cap. 53. inter opera S. Bernardi vol. 2. col. 886. num. 126.): *Soror carissima, inter activam & contemplativam vitam maxima est differentia. Activa vita est, panem esurienti dare, verbum sapientia Proximos docere, errantem corrigere, ad viam humilitatis superbientem reducere, discordantes ad concordiam revocare, infirmos visitare, mortuos sepelire, captivos & in carcere positos redimere, quæ singulis quibuscumque expediat dispensare, necessaria unicuique providere. Illi, qui continue, aut saltem frequenti Dei ac Divinorum, & omnium rerum revelationum considerationi vacant, præditi Charitate cum totali abdicatione sæculi, puritate cordis, & passionum subjectione, vivere dicuntur vita contemplativa, uti profequitur idem Auctor loc. supra cit.: Contemplativa vita est, Charitatem Dei & Proximi tota mente retinere, ab exteriori actione requiescere, soli desiderio Conditoris inherere: ita ut jam nihil agere libeat, sed, despectis omnibus curis sæculi, ad videndum faciem sui Creatoris animus inardescat: ita ut jam noverit carnis corruptibilis pondus cum macerare portare, totisque desideriis optare hymnidicis Angelorum choris interesse, appetere admisceri celestibus civibus, de æterna incorruptione in conspectu Dei gaudere. Illi demum, qui ea peragunt, quæ modo dicta sunt, quique modo in activa vita, modo in contemplativa se exercent, vivere dicuntur vita mixta; quocirca idem num. 128. sic profequitur: Viri sancti, sicut aliquando egrediuntur a secreto contemplationis ad activam vitam, ita rursus ab activa vita revertuntur ad secretum intima contemplationis, ut intus Deum laudent, ubi acceperunt, unde foris ad ejus gloriam operentur. Sicut Deus vult, ut aliquando contemplativi egrediuntur ad activam vitam, ut aliis proficiant; ita aliquando vult, ut nemo eos inquietet, sed ut quiescant in secreto contemplationis suavissima. Hoc autem est, quod dicitur in Canticis: Adjuro vos, filia Jerusalem, ne suscitetis, nec evigilare faciatis animam Divinæ contemplationi deditam, Orationibus, & Divinis lectionibus occupatam. Item, vitam contemplativam perfectiorem esse activam, desumitur*

mitur ex S. Gregorio in Ezechielem (lib. 2. homil. 2. num. 9. col. 1324. oper. tom. 1.) ubi respiciens ad oraculum Christi Luc. 10. v. 42. Maria optimam partem elegit, qua non auferetur ab ea, hæc habet: Bene has utrasque vitas dua illa mulieres signaverunt, Martha videlicet, & Maria, quarum una sargeba circa frequens ministerium, alia vero sedebat ad pedes Domini, & audiebat verba de ore ejus; & dum Martha quereretur, Dominus dicit: Maria autem optimam partem elegit, qua non auferetur ab ea Neque enim bonam partem elegisse Mariam dicit, sed optimam, ut etiam pars Martha indicaretur bona. Plura a S. Thoma afferuntur, ut probet, contemplativam vitam activam perfectiorem esse, uti videri potest 2. 2. quest. 182. art. 1. in corpore. Ex sacris Litteris desumi posse videtur, Petrum plus ceteris amasse Christum, at Joannem plus ceteris a Christo amatum fuisse: quocirca S. Augustinus in Joan. tract. 124. num. 4. col. 820. oper. tom. 3. scribit: Illud etiam in his duobus Apostolis Petro, & Joanne quem non moveat ad quarendum, cur Joannem plus dilexerit Dominus, cum ipsum Dominum plus dilexerit Petrus? Ubicumque enim se commemorat Joannes, ut nomine suo tacito ipse possit intelligi, hoc addit, quod Eum diligebat Jesus, quasi solum diligeret, ut hoc signo discerneret ceteris, quas utrique omnes diligebat. Quid ergo, nisi amplius se dilectum, cum hoc diceret, volebat intelligi? Quæstionem autem solvit idem S. Augustinus, cujus responsum D. Thomas 1. part. quest. 20. art. 4. ad tertium paucis complectitur: Vita activa, qua significatur per Petrum, plus diligit Deum, quam vita contemplativa, qua significatur per Joannem; quia magis sentit presentis vite angustias, & estuantius ab eis liberari desiderat, & ad Deum ire. Contemplativam vero vitam Deus plus diligit, quia magis eam conservat; non enim finitur simul cum vita corporis, sicut vita activa. Quod denique vita mixta ex contemplativa, & activa sit perfectior utraque, facile suadetur, tum quia si utraque bona est & perfecta singillatim sumpta, perfectior erit illa, quæ ex utraque componitur; tum quia Christus Dominus, Magister & Doctor noster, virtutum omnium exemplar ac prototypum, in utraque vita se perfectissime voluit exercere, quod ipsum præstitum fuit ab Apostolis, & subinde ab aliis Sanctis. Quare S. Augustinus de civit. Dei lib. 19. cap. 19. col. 563. oper. tom. 7. primò dicit: Ex tribus vero illis vite generibus, otioso, activo, & ex utroque composito, quantumvis, salva Fide, quisque possit in quolibet eorum vitam ducere, & ad sempiterna premia pervenire, interest tamen, quid amore teneat veritatis, quid officio Charitatis impendat. Nec sic quisque debet esse otiosus, ut in eodem otio utilitatem non cogitet Proximi, nec sic activus, ut contemplationem non requirat Dei. Deinde declarans illud Apostoli, Qui Episcopatum desiderat, bonum opus desiderat, pluribus docet, Episcopum, qui est in statu perfectionis exercendæ, debere pro opportunitate modo vite activæ, modo contemplativæ, & sic mixtæ vacare. De hac mixta vita hæc leguntur in bulla Canonizationis S. Cajetani (94. pag. 446. cod. Canoniz.): Oratori ita additus erat, ut quidquid a domesticis negotiis, atque animarum procuranda salute, temporis aut otii superesset, orationi & meditatio-

ni da-

ni daret; mane matutinas preces maturius antevertens, ac vespere ad multam noctem orans ante aram maximam elevata in Deum mente transigeret. S. Gregorius Nazianzenus carmen composuit de vita sua, quod in solutam orationem versum a Daniele Cardono editum est apud Bollandianos tom. 2. ad diem 9. Maji, ubi cap. 2. pag. 432. exponitur, cum de instituenda vita deliberantem, modo de bonis activæ, modo de bonis vitæ contemplativæ sedulo cogitasse, & tandem mixtam elegisse: *Hac omnia cum assentius mecum cogitarem, mediam inter solitarios, & actionibus deditos viam tenendam statui, ut, quam hi ex contemplatione, & illi ex actione utilitatem capiunt, ego quoque ipse consequerer.*

5 Secundò prænotandum est, apud Theologos de Oratione tractantes sæpe sermonem haberi eorum qui sunt in statu incipientium, aliorum qui sunt in statu proficientium, & aliorum qui sunt in statu perfectorum, necnon triplicis vitæ, purgativæ (ut eam vocant), illuminativæ, & unitivæ. Quocirca inter ceteras propositiones Michaelis de Molinos proscriptas a san. mem. Innocentio XI. vigesima sexta est hæc: *Tres illa via, purgativa, illuminativa, & unitiva, sunt absurdum maximum, quod dictum fuerit in Mystica.* In statu incipientium sunt, qui justificationem obtinuerunt, sed passionibus non habent ita moderatas, ut facile superare possint tentationes, ita ut continua indigeant pugna ad conservandam & exercendam Charitatem, vel alias virtutes, line quibus ipsa esse non potest: & ad hunc statum pertinet via purgativa, quæ per se tendit ad disponendam animam tum ad justificationem a peccatis præteritis, & ad satisfaciendum pro illis, tum ad præservationem a futuris. Illi sunt in statu proficientium, qui passionibus redactas habent ad aliquam moderationem, ita ut a peccatis mortalibus facile abstinere, sed difficile peccata venialia evitent, cum temporalia eos multum delectent, & mens variis phantasmatibus, & cor multis desideriis agitur: & ad hos pertinet via illuminativa, quæ per se tendit ad profectum virtutum, & majorem passionum moderationem, quæ non solum in gravioribus peccatis vitandis, sed etiam in levioribus minuendis, & in moralibus virtutibus exercendis præbeat facilitatem. In statu denique perfectorum sunt, qui animum habent a temporalibus omnibus ita abstractum, ut pace fruantes, nec variis desideriis agitentur, nec passionibus ut plurimum moveantur, sed in Deum sint principaliter intenti, & aut semper, aut frequenter attentæ: & ad hos pertinet via unitiva, quæ præcipue occupatur in unione cum Deo per amorem ex actuali usu & exercitio illius. Fusc hæc explicat Suarez tom. 2. de relig. lib. 2. de Oratione cap. 11. num. 3. & clare desumuntur ex doctrina D. Thomæ 2. 2. quæst. 24. art. 9.: *Primò quidem incumbit homini studium principale ad recedendum a peccato, & resistendum concupiscentiis ejus, quæ in contrarium Charitatis movent: & hoc pertinet ad incipientes, in quibus Charitas est nutrienda, vel fovenda, ne corrumptatur. Secundum autem studium succedit, ut homo principaliter intendat ad hoc, quid in bono proficiat: & hoc studium pertinet*

nes ad proficientes, qui ad hoc principaliter intendunt, ut in eis Charitas per augmentum roboretur. Tertium autem studium est, ut homo ad hoc principaliter intendat, ut Deo inhaereat, & eo fruatur: & hoc pertinet ad perfectum, qui cupiunt dissolvi, & esse cum Christo. Eadem repetit S. Doctor in respons. ad tertium.

6. Tertio prænotandum est, per meditationem utique acquiri aliquam conjunctionem cum Deo, consentaneam tamen conditioni, & qualitati meditantis, qui, si sæpius de Deo cogitet, & actus amoris erga eum eliciat, habitum acquirere potest meditandi, de Deo cogitandi, & eum diligendi, ita ut facile & prompte sine intermissione de Deo cogitet, & eum diligit, & sic conjunctionem cum Deo acquirat, juxta illud Christi Domini Joan. 14. v. 23. *Si quis diligit me, sermonem meum servabis, & Pater meus diligit eum, & ad eum veniemus, & mansionem apud eum faciemus*: sed per contemplationem perfecti contemplativi acquirunt unionem cum Deo ita perfectam, ut in hac vita perfectior dari non possit. Unio hæc autem dicitur mystica, id est secreta, præstantissima, & supernaturalis: & de ea loquitur S. Gregorius Nazianzenus orat. 11. ubi eam variis exemplis explicare conatur: *Quomodo stilla aqua modica multo infusa vino a se tota desicere videtur, dum & saporem vini induit & colorem, & quomodo ferrum ignitem & candens igni simillimum sit pristina propriaque forma extitum, & quomodo Solis luce perfusus aer in eandem transformatur luminis claritatem, adeo ut non jam illuminatus, sed lumen ipsum esse videatur; sic omnem tunc (id est, eo tempore, quo anima Deo est intime-unita) in Sanctis humanam affectionem quodam ineffabili modo necesse erit a se ipsa liquecere, atque in Dei penitus transfundi voluntatem*. Perfecta hæc mystica unio reperitur regulariter in perfecto contemplativo, qui in vita purgativa, & illuminativa, id est meditativa, & contemplativa diu exercitatus ex speciali Dei favore ad infusam contemplativam evectus est: Facit hæc unio unum unitate Spiritus inter Deum, & animam, juxta illud Apostoli 1. ad Corinth. 6. v. 16. *Qui adhaeret meretrici, unum corpus efficitur; & v. 17. Qui autem adhaeret Domino, unus spiritus est*. Ex parte animæ causæ morales & proximæ unionis dux sunt, perfecta videlicet contemplatio, & perfecta Charitas; sive amor Dei, juxta D. Thomam in 3. part. quest. 6. art. 6. ad primum: *Unio nostra ad Deum est per operationem, in qua unum scilicet eum cognoscimus, & amamus*; Et in 3. sent. dist. 2. quest. 1. art. 3. questione. 1. ad tertium: *Conjunctio anime ad Deum per fruitionem consistit in operatione intellectus, & voluntatis*. Ex parte vero Dei, causæ proxima unionis est influxus ejus in unionem contemplantem, qua se illi ostendit speciali modo in caligine per dona Spiritus Sancti, illuminans intellectum ad se sublimiori modo cognoscendum, & inflammandum voluntatem ad se ardentiori modo amandum, & simul animam illam amans. De hac sublimi unionem hæc leguntur in bulla Canonizationis S. Rosæ Limanæ (62. cod. Canoniz. pag. 409.): *Anno ætatis suæ duodecimo renovata fuit ad sublimem illum contemplandi gradum, quem mystica Theologia uni-*

truum

trivum appellat. Inter manuales labores intellectus aciem immobiliter in Deum fixabat, ita ut nec in vigilia, nec in somno mentis ejus oculo celestis Sponsi elaboraretur presentia, qua ita suaviter occupabas interiores anima illius vires, ut, loquendo cum ipso Deo intus, simul etiam alia quaeque necessaria expedire sibi pertractaret.

7. Quartò prænotandum est, duplicem à Mysticis speciem contemplationis assignari, acquisitam videlicet, & infusam; & contemplationem infusam appellari mysticam Theologiam, desponsationem animæ cum Deo, osculum Dei, ingressum animæ in Divinam caliginem, silentium, & otium, liquefactionem animæ, annihilationem, experimentalem Dei cognitionem habitam de Deo per amoris unitivi complexum. Definitur contemplatio infusa, & supernaturalis, seu potius describitur sequentibus verbis: *Simplex intellectualis intuitus cum sapida dilectione Divinorum, aliorumque reuelatorum, procedens a Deo speciali modo applicante intellectum ad intuendum, & voluntatem ad intelligendum ea revelata, & concurrente ad eos actus per dona Spiritus Sancti, Intellectum, & Sapientiam, cum magna illustratione intellectus, & inflammatione voluntatis.* Donum quippe Intellectus, & donum Sapientiae sunt dona Spiritus Sancti, quorum primum consistit in lumine quodam, quo intellectus Fide præditus res a Deo revelatas ita intelligit, ut quasi clare & sine obscuritate eas intueatur; alterum autem consistit in qualitate quadam infusa, per quam anima intuens objectum reuelatum, saporem gustat dulcissimum & suavissimum ex veritate illa cognita, juxta doctrinam D. Thomæ 2. 2. *quest. 8. art. 1.* ubi de dono Intellectus ait, *Proprium esse doni Intellectus cognoscere supernaturalia, quæ latent in reuelatis; quemadmodum humani intellectus proprium est sub accidentibus cognoscere naturam rei substantialis, sub verbis significata verborum, sub similitudinibus & figuris figuratam veritatem;* Et *part. 1. quest. 43. art. 5.* ad secundum, ubi de dono Sapientiae scribit: *Hæc proprie dicitur Sapientia, quasi sapida scientia, secundum illud Ecclesiastici 6. v. 23. Sapientia enim doctrina secundum nomen est ejus.* Utrumque concurret ad hanc contemplationem, & facit, ut objectum a Deo reuelatum clarius cognoscatur, & suavius ac dulcius ametur. Theologi docent, in pluribus convenire contemplationem infusam, & acquisitam, & in pluribus differre: convenire quidem in aliquibus subjectorum dispositionibus, cum utrique contemplantes debeant esse exercitati in virtutibus moralibus, & in vita purgativa; & in utrisque requiratur cordis munditia, seu status Gratiæ, impulsus Charitatis, auxilium Dei efficaciter vocantis & adjuvantis: differre vero, cum infusa (regulariter loquendo) requirat in subjecto contemplante multo plures dispositiones, quam acquisita, ut videlicet per viam purgativam non modo transierit, sed etiam multo tempore in ea se exercuerit, & per omnium virtutum moralium exercitium sensum rationi subjecerit: cum deinde in acquisita homo multo labore, & summa cum difficultate, præviaque lectione, vel contemplatione, in meditatione alicujus objecti re-

relati

velati abstrahat se a cogitatione aliarum rerum, ut quod revelatum est, inquietetur & amet; at in infusa homo legens, vel cogitans, aut meditans aliquod objectum revelatum sine suo labore, aut studio, abjectis omnibus aliarum rerum cogitationibus, a Deo elevetur ad intuitum, amorem, & dilectionem objecti revelati: præterea cum per acquisitam non agnoscantur alia objecta, nisi ea, quæ antea per Fidem erant credita; per infusam vero Deus non solum ea ostendat, quæ antea fuerant credita, sed vel ea ostendat cum novis circumstantiis & perfectionibus, vel nova objecta revelet, novas eorum species infundendo: cum denique in acquisita raro accidat ecstasis, seu perfecta alienatio a sensibus; ea autem sæpe accidat in infusa, & post actum contemplationis acquisitæ possit homo recordari eorum, quæ contemplatus est, & aliis narrare; sed post actum infusæ, qui eam habuit, raro recordetur eorum quæ vidit, uti testantur B. Angela de Fulgineo, S. Teresa, SS. Petrus de Alcantara, & Joannes de Cruce. Denique sæpe memorati Theologi docent, infusam contemplationem interdum concedi perfectis, interdum non perfectis: conceditur enim aliquando incipientibus, & proficientibus, qui utique perfecti non sunt; unde ait S. Gregorius (lib. 2. homil. 5. in Ezechiel. num. 19. col. 1361. oper. tom. 1.): *Non enim contemplationis gratia summis datur, & minimis non datur; sed sæpe hanc summi, sæpe minimi, sæpius remoti, aliquando etiam conjugati percipiunt. Si ergo nullum est Fidelium officium, a quo possit gratia contemplationis excludi, quisquis cor intus habet, illustrari etiam lumine contemplationis potest. Et paulo post: Nemo ex hac gratia, quasi de singularitate, gloriatur, nullus se donum veri luminis existimet habere privatum, quia in eo, quod se habere præcipuum putat, sæpe alter est distor, quem habere apud se boni aliquid non putabat.*

8 Hæc a Nobis relata sunt atque desumpta ex opere supra citato Cardinalis de Lauræa, cum nullum alium invenerimus, qui materiam Orationis clarius, subtilius, & tutius explicaverit. Relata autem sunt, non animo tractandi ex professo de Oratione, non animo hic agendi ex professo de contemplativis, non animo denique statuendi solos contemplativos in Beatorum & Sanctorum album esse referendos; tum quia in superioribus jam nonnulla adnotavimus de perfectione vitæ activæ; tum quia scimus, plerisque Beatorum & Sanctorum catalogo fuisse adscriptos, qui nullatenus fuerunt contemplativi, ut adnotavit idem Cardinalis de Lauræa de Oratione opusc. 7. cap. 12. *Licet contemplativa juxta Salvatoris oraculum sit optima, & ideo perfectior, quam activa, non propterea in hac sola consistit Christiana perfectio; rarissimi namque contemplationi vacant, & maxime infuse, ut notarium est, innumeris vero meditationi; & tamen complures perfectos experimur canonizari, licet in processibus pro eis factis de infusa contemplatione non fiat mentio, sed de aliis virtutibus in gradu heroico, & de miraculis fiat constans probatio. Sed modo relata eo animo a Nobis scripta sunt, ut Consultores Congregationis sacrorum rituum aliquid compendiosum præ oculis habere possint ad meditationem & contemplationem pertineans, cum sermo de meditatio-*

ne & contemplatione non solum se offerat in causis Servorum Dei contemplativorum, sed etiam in causis aliorum, qui non fuerunt contemplativi; contemplari enim ad actum refertur, & esse contemplativum notat habitum & statum, juxta doctrinam D. Thomæ 2. 2. *quest. 81. art. 1. ad quintum*, ubi sic loquitur: *Religiosi quomodo dici possint communiter omnes, qui Deum colunt, specialiter tamen religiosi dicuntur, qui totam vitam suam Divino cultui dedicant a mundanis negotiis se abstrahentes. Sicut etiam contemplativi dicuntur, non qui contemplantur, sed qui contemplationi totam vitam suam deputant.*

9 Examen Confessariorum, & Directorum spiritualium (quod alibi utile diximus) in hisce causis prodesse utique maximopere poterit, ut dignoscatur, an Dei Servi meditationi & contemplationi vacaverint, quales fuerint ipsorum meditationes & contemplationes, qualem fructum ex eis hauserint, an, & quæ in eis obtigerint visiones & revelationes, de quibus suo loco tractabitur. Hoc ipsum haberi poterit ex scriptis ipsorum Dei Servorum, si suorum Superiorum jussu ea scriptis mandaverint, quæ ad suas meditationes, contemplationes, visiones, & revelationes pertinent: & ex his omnibus deprehendi poterit, an fuerint assidui in meditando & contemplando, quomodo in distractionibus & ariditatibus se gesserint (de quibus infra), cum sint communia etiam contemplativis. Desumuntur hæc omnia ex secunda relatione Rotæ Auditorum de virtutibus S. Terefix *art. 21. §. 1.* *Quod si velimus a testibus fide dignis petere, habemus ipsius Beata testimonium in iis, quæ de sua propria Oratione, & Contemplatione Divina in suis libris scripta reliquit. Frequentissima enim ejus mentis suspensio, altissima quies, arctissima unio, creberrimi raptus, intima charitatis vulnera, vehementissimi amoris impetus, suavissima Dei colloquia, tenerissima blandimenta, quibus ipsius Scripta respersa sunt, sublimitatem Orationis procul dubio Angelica, atque ad alios erudiendos absolutissimam peritiam calitus infusam facile demonstrant. Habemus etiam testes majores omni exceptione, & de hac re optime per diversa temporum curricula instructos, nempe graves, doctos, spirituales, & pios, quorum plures Confessarii ejusdem Beata, & inter illos aliquos dignissimos Antistites, quos non semel in ista relatione nominavimus, qui super hoc articulo optime & latissime deponunt, quibus ipsa suam Orationem, gradus, & effectus illius, gratias & favores Divinos, & statum, ad quem, medio Orationis studio, ascenderat, fidelissime pro majori anima sua securitate & directione semper communicare curavit. Qui omnes, facto periculo de spiritu ac doctrina, librorum hujus tanta Virginis, eam non immerito quasi spiritualis doctrina Magistram a Deo optimo maximo Ecclesie sua datam fuisse affirmant, ut jam supra *art. 2.* diximus. Deficientibus vero hisce probationibus, cum judicium desumendum sit ab externis, primum desumi poterit ab ecclasiis, & raptibus, si forte contingant, de quibus alibi: *Suspendebatur multoties (verba sunt S. Bonaventuræ in Legenda S. Francisci cap. 10. pag. 312. oper. tom. 7.) tanto contemplationis excessu, ut supra semetipsum raptus, & ultra humanum sensum**

sensum aliquid sentiens, quid ageretur circa se exterius, ignoraret. Transiens namque semel per Burgum Sancti Sepulchri castrum utique populosum, pro debilitate corporis subiectus asello, obvias habuit turbas in eum pra devotione ruentes: tractus autem, & detentus ab eis, compressus quoque, ac multipliciter attritus, insensibilis videbatur ad omnia, & velut exanime corpus, de his, quae fiebant circa ipsum, nihil penitus advertebat. Unde, cum, tandem transire castrum, turbisque relictis, pervenisset ad quoddam domicilium leproserum, quasi aliunde rediens caelestium contemplator sollicitate requisivit, quando propinquarent ad Burgum. Desumendum erit etiam iudicium a tempore, quo Dei Servi permanent in Oratione meditando, & contemplando. Sane mentalis Oratio, sive meditativa sit, sive contemplativa, diu durare non solet, attenta imperfectione praesentis vitae; unde, cum Apocal. 8. v. 1. legatur, Factum est silentium in caelo quasi media hora, Sanctus Gregorius (loc. cit. homil. 2. num. 14. col. 1327.) sic ait: Caelum quippe est anima iusti, sicut per Prophetam Dominus dicit, Caelum mihi sedes est, & Caeli enarrant gloriam Dei. Cum ergo quies contemplativa vita agitur in mente, silentium fit in caelo, quia terrenorum actuum strepitus quiescit a cogitatione, ut ad secretum intimum aures animus appropinquat. Sed, quia hac quies mentis esse in hac vita perfecta non potest, nequaquam hora integra factum in caelo silentium dicitur, sed quasi media hora, ut neque ipsa media hora plene sentiatur, cum praemittitur quasi, quia mox ut se animus sublevaré coeperit, & quietis intima lumine perfundi, redeunte citius cogitationum strepitu, de semetipso confunditur, & confusus cacatur. Haec tamen, & similia intelligi debent (regulariter loquendo) de meditatione & contemplatione acquisita, quae non protrahitur nisi ex speciali Dei favore ad tempus longius: at contemplatio infusa, quae non est obnoxia impedimentis terrenarum cogitationum, tamdiu durat, quamdiu a Deo conservatur, uti bene explicat Cardinalis de Lauræa opuscul. 2. cap. 12. et opuscul. 6. cap. 10. de Oratione. Quapropter in bulla Canonizationis S. Ludovici Bertrandi 93. pag. 443. cod. Canoniz. haec habentur: Inter cetera, quibus ad sublimem perfectionis gradum pervenit, summum fuit Orationi mentali per quatuor integras horas quotidie vacare, Dominica Passionis mysteria magno cum fervore, & mentis júbilo recolendo. His post meridiem contemplandis Beatissima Virginis gaudiis dimidiam horam addebatur. In bulla Canonizationis S. Paschalis de Baylon 96. pag. 473. ejusdem cod. sic legitur: Per vigil semper nocte intempesta nocturnis horis aderat; & quamvis perpetuis laboribus atque afflictationibus fatigatus, & pane fractus, non nisi post auroram revertebatur in cellulam, toto eo tempore in Choro, vel ecclesia inter meditando delicias traducto. In relatione causae S. Francisci Xaverii it. de orandi studio haec exponuntur: Ex assiduitate & sedulitate orandi insigne plane in eo Orationis donum convincitur; nullis enim difficultatibus adeo premebatur, quin semper & ubique secum, & cum Deo habitaret; non locus ullus, non tempus, non frequentia ad id importuna; nulla erant occupationes, nulla tam ardua negotia, quae illum ab hoc retraherent aut avocarent. Ergo quotidie statum tempus habebat per certum spatium orandi & meditando, quod numquam inter-

mittebat, nisi extrema necessitas compulsiis; & hoc a se religiose servatum ut a suis quoque servaretur, severe exigebat, ut constat ex epistola illius relata in *vis a lib. 6. cap. 13.* Quid si aliqua de causa tempus illud definitum defluxisset occupatione, qua declinari non posset interceptum, aliud pro illo reponebat, & cum aliter non poterat, nocturna quieti subtraherebat, & hoc ex more, & certa lege servatum: subinde autem aliquando noctes integras in Oratione transigebat, vel illarum partem majorem, & cum facultas erat, ob id se in sacras ades conferebat. In processibus causæ S. Aloyfii Gonzagæ legitur, eum per integras noctes in Oratione permansisse; & in bulla Canonizationis S. Petri de Alcantara 90. pag. 382. cod. Canoniz. sic narratur: Pro quovis praconio sufficeret referre illa, quæ de hoc viro sanctissimo dicit sanctissima pariter virgo Terefia Carmelitarum Reformatorum parens, videlicet, ne momento quidem diei ac noctis Petrum ab Oratione cessasse; & ne somnus oranti obreperes, flexis genibus, cum quieti tandem indulgere cogebatur, ad ligni stipitem parieti infixum caput admovebat. Illius cella, eadem Terefia teste, pedum quatuor longitudinem cum dimidio non excedebat, adeoque depressa erat, ut flexis genibus, & curvis semper humeris in illa herere cogeretur.

10 Aliæ quoque externæ circumstantiæ debita animadversione dignæ videntur, puta, si Dei Servus orando vultum ostenderit tanquam flamma accensum: quocirca Ven. Dei Servus Cardinalis Bellarminus, qui testis fuit in causa Canonizationis S. Aloyfii Gonzagæ, sic locutus est: *Io l'ho visto spesso volte infiammato nel volto, e credo, che nascesse dal fuoco dell' amor Divino, che gli ardeva nel cuore ec. Questa era la comune opinione ec. de' Padri spirituali, e questa causa assegnavamo di tali infiammazioni.* Item si mens Dei Servi adeo fuerit orando in Deum elevata, ut in Oratione perstiterit media hieme, absque eo quod frigore, quo ceteri omnes affligebantur, affligeretur. De eodem S. Aloyfio Gonzaga refert Pater Hieronymus Platus ejus Confessarius in vita, quam de eo scripsit, illum de nocte surgere ad orandum consuevisse, cum sola linea veste; & cum frigore totus tremaret, & eo Orationem interturbari vidisset, rem (inquit) illam aggressus est, quam etiam Dei gratia consecutus fuit, quasi enim turpe reputaret corpori & carni ulla in re cedere, institit prius attentioni spiritus augenda. Itaque, gelante jam corpufculo, ac præsertim pedibus, ipse tamen in Oratione sine ullo algoris sensu perdurabat, idque singulis noctibus facere perrexit. De lacrymis tum in Oratione vocali, tum in mentali habenda est ratio. In vitis Patrum collectis a Rosweydo lib. 10. cap. 41. pag. 867. in vita Abbatis Pauli Nazarenus sic legitur: *Neminem vero memini me umquam vidisse tanta consolationis, ac lacrymarum gratia ornatum. Stillabant enim ex oculis ejus jugiter lacrymæ.* Et in vita Abbatis Thalleæ Cilicis cap. 59. pag. 872. narratur, cum sexaginta annos transegisse in vita monastica numquam flere desistentem, cum jugiter diceret: *Tempus hoc nobis ad poenitentiam indultum est, & valde requiritur a nobis, si illud neglexerimus.* In vita S. Laurentii Justiniani scripta a Bernardo Justiniano cap. 7. in principio operum ejusdem Sancti, sic habetur de dono

dono lacrymarum : Donum enim habuit lacrymarum, ut nemo fere alius, cum post prandium aliquando sederet, & de Divinis (ut solebat) fermaginem haberet familiarem, conversus ad eos qui aderant, ferventiori quodam mentis affectu, Quid (inquit) agam, Fratres, quid agam, cum ad Iudicem deducar ? Quid egi miser, in quo sperare possim ? Nihil habeo, nisi quod ad illius sanctissimi Lingni radicem provocar, & plangam. Hac cum dixisset, totus solutus in lacrymas est, quas cum profusus emisisset, & erectus vidisset, nos, qui aderamus, compungi, & illas lacrymas admirari, veritus, ne quid ex his laudis humana surriperet, Videtisne (inquit) has lacrymas ? Affectus cuiusdam sensualitatis fuerunt, non vere devotionis, a qua absium longissime. In vita S. Thomæ Aquinatis apud Bollandianos tom. 1. Martii cap. 6. pag. 669. num. 30. sic legitur : Visus fuit etiam frequenter, cum cantaretur ille versus in Completorio Quadragesimali tempore, Ne proicias nos in tempore senectutis, cum defecerit virtus mea, quasi raptus, & in Oratione absorptus multis perfundi lacrymis, quas de oculis videbatur educere pia mentis : & paulo post num. 31. : Nam, quoties studere voluit, disputare, legere, scribere, vel dicere, prius ad Orationis secretum accedens profusus orabat lacrymis pro Divinis invenendis in veritate secretis, cuius Orationis merito, sicut de quaestis ante Orationem accedebat dubius, sic postmodum redibat edoctus. De Sancto Poppone Abbate sic legitur apud Bollandum (tom. 2. ad diem 25. Januarii cap. 14. num. 58. pag. 650.) : Desiderii (sermo est de desiderio lacrymarum) sui compes non post modicum effectus, tantam compunctionis a Deo gratiam est adeptus, ut eo, quo sepe genu centies flexo die & nocte Orationi incumbere, omne lacrymis inundare pavimentum dederit. In celebratione prout Missarum Casubulam, qua induebatur, lacrymis humectabat, interque prandendum magis lectione, quam comestione pasci amabat, & vere pro lacrymis, quas inde fundere solebat, cum Psalmista dicere habebat : Fuerunt mihi lacryma mea panes die ac nocte. De S. Francisco narrat S. Bonaventura in ejus vita, eum, orando, ita lacrymatum fuisse, ut oculi jam caligarent non senectute, sed lacrymis : Vir autem Dei (uti refert idem S. Bonaventura cap. 10. pag. 312. oper. tom. 7.) solitarius remanens & pacatus nemora replebat gemitibus, loca spargebat lacrymis, pectora manu tundebat, & quasi oculis secretarium nactus, confabulabatur cum Domino suo. Antiqui item & novi Testamenti suppetunt exempla. In novo adest exemplum Magdalene, de qua Luca 7. In veteri David Psalm. 6. v. 7. lacrymans orabat : Lacrymis meis strationem meam rigabo ; & Psalm. 55. v. 9. Posuisti lacrymas meas in conspectu tuo. Judith (cap. 8. v. 17.) ad orandum cum lacrymis hortata est populum in obfidiione Bethulie : Dicamus stantes Domino, ut secundum voluntatem suam sic faciat nobiscum misericordiam suam. Ezechias in magna illa obfidiione Jerusalem cilicio indutus cum lacrymis orans exauditus est. Denique de lacrymis S. Petri sic fatur S. Maximus Taurinensis hom. 3. (Bibl. PP. tom. 6. pag. 23.) : Petrus prorupit ad lacrymas nihil voce precatus. Invenio enim quod flevit ; non invenio, quid dixerit &c. Recte plane. Petrus flevis, & tacuit, quia quod desleri solet, non solet excusari, & quod defendi

defendi non potest, abluí potest . . . Lacryma, inquam, tacita quodammodo preces sunt, veniam non postulant, & merentur, causam non dicunt, & misericordiam consequuntur.

11 Agunt Ascetici de dono lacrymarum, & docent, momentum non in ipsis lacrymis, sed in earum fine esse constituendum; & cavenda esse duo extrema, alterum complacentiæ & arrogantiae, ne lacrymans in lacrymis sibi nimis complaceat, alterum pusillanimitatis & diffidentiae, ne forte putet, actum esse de salute & perfectione sua, si illæ desint. Legatur Cardinalis Bona in egregio tractatu *de discretione spirituum* cap. 7. in fine. Abbas Bloisus in *speculo Monachorum* pag. 663. divisione 5. num. 5. ait, modum esse in lacrymis adhibendum, ne spiritus obruatur, sed aliquos esse, qui, adjuvante Spiritu Sancto, jugiter lacrymari possunt: *Bonus & dulcis est panis lacrymarum; aliqui tamen eo pane mentem nonnunquam obruunt magis, quam reficiunt. Flexibus enim tandem, & in tanta contractione atque agitatione insistunt, donec & spiritu & corpore sub exercitio nimis extenso, aut intenso succumbant. Non tamen negamus, aliquos esse, qui per discretionem, & Spiritus Sancti adiutorium diu utiliterque lacrymari possint.* Stephanus Tornacensis *epist.* 176. pag. 39. *Biblioth. Patrum* tom. 25. recte ait: *In Oratione lacryma spontanea ne rejiciantur spontaneè, ne cogantur invita.* Item jubet, ne sint spectaculo hominum: *Si fuerint orantis lacryma spectacula hominum, erunt offendicula, vel ridicula Angelorum.* Plura prosequitur Joannes Climacus in *scala paradisi gradu septimo*, & multa quoque de lacrymis collecta legi possunt apud Theophilum Raynaudum in *Heterochitis spiritualibus* tom. 15. pag. 151., & ex supra deductis, & aliis, quæ apud citatos Auctores cumulata sunt, uniusquisque facile percipere poterit, non procuratum, nec affectatum lacrymarum profluvium, Orationis sive vocalis, sive mentalis, non qualiscunque, sed excellentis, externum esse signum & argumentum. Quapropter S. Laurentius Justinianus de casto connubio Verbi, & anima cap. 18. pag. 280. ita scribit: *Hæc, & his similia ingeminans (sermo est de anima arcè Deo conjuncta) charitatis lacrymas ubertim emittis, quia non valet esse, ubi, quem diligit, esse novit. Præmittit ad illum gemitus ac suspiria amoris testes &c. Hæc nempe sunt spiritualia Sponsa exercitia, cum dilectionis Verbi erga se memoria tangitur.* Videatur Ven. Dei Servus Ludovicus a Ponte Societatis Jesu, cujus Beatificationis causa jam est introducta, in opere, cui titulus *Guida spirituale*, ex Hispano in Italicum idioma translato, & variis sacræ Scripturæ locis locupletato a pio quondam Præfule Alexandro Sperello tract. 1. de lacrymis cap. 17.

12 Aliquando demum Deus ipse, qui mirabilis est in Sanctis suis, nonnullis supernaturalibus signis, quam sit sibi suorum Servorum grata & accepta Oratio, manifestare dignatus est, splendore ex. gr. vultus, & aliis consimilibus signis, de quibus, utpote ad miracula pertinentibus, suo

suo loco tractabitur. De S. Philippo Nerio legitur: *Sacrum vero faciens, mira undique luce fulgere visus est.* De S. Martino Episcopo: *Divin Sacramentum offerret, globus igneus in capite ejus visus est.* De B. Ambrosio Sanfedonio: *Missæ sacrificium tanto animi sensu, tamque vehementi spiritus agitatione celebrabat, ut omnibus artubus concuteretur.* In processu causæ S. Rosæ Limanæ testes referunt, se non semel vidisse vultum ejus exardescentem, & veluti flammam ejaculantem, saliter quod Sacerdoti Hostiam sacram prælibanti, & Ministro lavatorium de more offerenti necessarium fuerit manum retrahere præ insolito ardore ex ejus facie promicante. Duo autem supernaturalia signa nunc referre opportunum est. Alterum desumptum ex Actis Canonizationis S. Terefiæ art. 21. secundæ Relationis Rotalis de ejus virtutibus §. 3. Hoc idem elicitur ex alio effectu mirabili istius Orationis, nempe, quod facies Beate Terefiæ, dum Orationi vacaret, ex colloquio Dei (ut de Moyse legitur) sæpius resplenduit, ut de visu deponunt in prima parte Toleti tertius testis super 10. & secundus super 47. dicit, quadam die se vidisse Beatam prædictam emittere splendorem quemdam ex facie sua ad instar Solis, & in secunda parte primus testis, & in tertia quartus testis super 14. & in quarta parte Salmantini octuagesimus secundus, & nonagesimus secundus testis, & in prima parte Toleti vigesimus tertius testis; omnes isti tres super art. 37. fueruntque Confessarii istius Beate, qui ministrantes illi sanctum sacramentum Eucharistia illius faciem resplendentem viderunt; & in tertia parte Toleti septimus testis super 93. & in quarta parte septimus super 54. dicens, se quadam nocte vidisse, quod habebat vultum luce clara præmicantem, & ex illo exibant splendores, uti radii deaurati, & hoc duravit illi per tempus unius horæ, & quod, quando cessavit prædictus splendor, videbatur existere in tenebris. Sunt & alii testes de visu affirmantes, quod, quando Beata Terefiæ scribebat libros, facies ejus resplendebat (ut supra art. 2. de sanctitate in genere diximus), & in Compulsoriali Abulensi quintus testis super 9. affirmat, se vidisse, splendorem vultus B. Terefiæ illustrare totum Capitulum, dum in eo exhortationem spiritualem ad Moniales faceret. Alterum ex Actis causæ memorati Sancti Philippi Nerii, ex opere videlicet Angeli Victorii typis Romanis edito anno 1613. in quo celebris ille Medicus affectiones mox referendas supra naturam fuisse ostendit. Verba autem ejus sunt hæc: *Beatus Philippus Nerius Florentinus, Congregationis Oratorii Romani Fundator, ab ineunte ætate boni habitus & salubris, in senectute gracilis, non morbosus, in omni ætate circa victus rationem valde moderatus, vultu hilaris, sermone jucundus, ac sacra doctrina studiis valde assiduus, cum annum ageret suæ ætatis trigesimum, & Christiana perfectionis desiderio vehementer ageretur, suppliciter ac frequenter Spiritum Sanctum invocabat, ut ipsius animum suis donis cumulare dignaretur. Eo igitur tempore, cum in Oratione persisteret, atque ejus preces a Deo, ut exciperentur, exoraret, tam valido fuit atque exuberante Divino amore succensus, ut id perpeti ac sistinere cum minime se posse animadverteret, statim, veluti aliquam ardori nimio quæritaret refrigerationis medelam, humi prosterni, nudato pectore, coactus fuerit; deinde* illico

illico subleuatus exultans, & exuberans quid in pectore circa sinistrum latus ad ovi gallinacei magnitudinem absque aliquo sensu doloris persensit, oculis omnium inuentum ab eo tempore perspicuum, non casu, non percussione, non externa violentia factum. Hinc frequenter, si memoria, si verbum, si contemplatio Diuinarum rerum occurrebat, feruere cor, exultare, atque palpitare nunc insensum, nunc remissum, animaduersum est, atque pectus interdum, totumque corpus concuti, & incallescere. Vehementiam autem feruoris, & palpitationis compesterbas, mentem voluntarie distrabendo, & animum ad terrena revocando; calorem vero, frigidiorum aerem interdum admittens, quandoque parum aquae frigida assumens leniebat: eaque ratione, eoque modo usque ad annum sui obitus octuagesimum perseveravit. Hac singula, dum Beati Senis affectionis causas ipse frequenter percunctarer, prout opportuna, seu necessaria sese offerebat occasio, ab ipsomet Senae veraciter referente, dum aliquo morbo corripiebatur, sapienti audire; quae eadem Federico Borromeo Cardinali exquirenti Beatus Pater narravit, ut testatur Gallonius in illius vita, & ego ab eodem Cardinali andrvi. Postquam vero placide Vir ille Beatus nulla fere venatus molestia animam Deo reddidit octavo calendis Junii die festo sanctissimi Corporis Christi intra horam sextam noctis, in sequenti nocte, dum corpus inspiciendi, ac praedictarum affectionum indagandi causa, multis viris optimis praesentibus, sectum fuit, ab iis hac nobiscum fuerunt observata. Primum in parte anteriore iboracis, in qua illa exuberatio erat omnibus conspicua, inspiciebantur duae costae ex mendosis superiores, quarta scilicet, & quinta, omnino fractae, ac ita divisa, ut pars a parte distaret, & quod mirum dictum est, nondum ex tanto temporis intervallo, ut fieri solet, aliquo modo unita, sed adeo distantes, & elevata, ut extrinsecus dictam exuberationem constituerent, intrinsecus autem sinum majorem efficerent. Summo deinde affecti desiderio altius introspiciendi, nam ex jam manifestis obscura videre, & considerare licebat, venimus percipide ad cor ipsum, tamquam ex illa insueta fractura signatum. Quod majus solito invenimus, ejusque substantiam densitate, atque constrictione solito duriorum & solidiorum. Pericardium, seu capsulam cordis sine aqua; sicut enim ibi naturaliter reperiri. Venam arterialem duplo majorem, & duriorum. Pulmones a naturali statu parum dissimiles. Hepar nihil erat immutatum. Reliqua inferius posita tum propter tanti Viri honestatem consulto omisimus, cum etiam nullum unquam affectionis cuiuspiam signum in ipsis fuit, sicuti neque etiam in capite, quod ob eandem causam integrum est relictum. Haec est historia fideliter a me conscripta, atque haec sunt ea, quae fuerunt a nobis diligentissime observata, dum sectum fuit corpus hora noctis tertia in ecclesia Sanctae Mariae in Vallicella septimo calendis Junias 1595.



CAPUT XXVII.

*De Sacramentorum frequentia, Pœnitentia videlicet, & Eucharistia, in
Servis Dei beatificandis, & canonizandis requisita.*

O Rationi coheret Sacramentorum frequentia, & signanter Pœnitentiæ, & Eucharistiæ: horum enim Sacramentorum usus, est nota delectationis atque suavitatis internæ, & ex eo consequenter usu confurgit virtus religionis in gradu heroico. Scacchus de not. & sign. sanctis. sect. 5. cap. 3. plura colligit; primum videlicet, maximum esse sanctitatis argumentum, quod desumitur a frequenti usu sacramenti Pœnitentiæ, dummodo usus non procedat ex cæremonia, aut ex quadam consuetudine, quamvis Servi Dei peccata venialia tantum commiserint: secundum, frequentem sacræ Eucharistiæ sumptionem in Canonizando, & non modo frequentem, sed fere quotidianam in Dei Servo Sacerdote, vel Episcopo Missæ celebrationem non commendandam solum, sed in Canonizandis esse requirendam. Etenim p. 328. scribit: *Quemadmodum enim Fideles corpori in singulos dies alimenta subministrare, necessarium putant, ita etiam quotidie hoc Sacramento alenda & nutrienda anima cura Dei Servis, ac Famulis non abijcienda, sed diligentissime procuranda, & avidè hoc Sacramentum sumendum erit sive per frequentem illius sumptionem, si de aliquo Dei Servo laico agatur; sive per frequentem & quotidianam ad altare Sacrificii oblationem, si de Sacerdotibus ageretur: nam sive sit Episcopus, sive simplex Sacerdos is, cujus Acta examinantur, quotidiani Sacrificii oblatio in quocumque illorum commendanda erit, nec solum commendanda, sed quasi necessario exquirenda in his Dei Servis, de quorum cultu in ordine ad Canonizationem, sive Beatificationem agetur. Denique addit Scacchus, hanc sanctitatis notam ex frequenti sumptione Eucharistiæ, & ex quotidiana Missæ celebratione desumptam sibi locum vindicare debere, si conjuncta fuerit cum debitis circumstantiis, devotionis videlicet, & præparationis ad sumendam Eucharistiam, & ad Sacrum faciendum.*

2 Confirmantur, quæ a Scaccho dicta sunt, bullis Canonizationum. In bulla enim Bonifacii IX. edita pro canonizatione S. Birgitte pag. 155. cod. Canoniz. hæc habentur de frequenti usu sacramenti Pœnitentiæ: *Et, superiuste marito, cum singulis sextis feriis confessa fuisset, post ejus transitum veram Confessionem semel saltem in die cum magna Contritione studuit iterare, tam amarè levità, sicut alii gravissima, deplorans, & nihil de suis verbis, moribus, cogitationibus, & actibus præteriens indissusum.* In bulla Joannis XXII. lata pro Canonizatione S. Ludovici Episcopi Tolosani, de eo, antequam assumptus fuisset ad Episcopatum, sic dicitur (pag. 123. cod. Canoniz.): *In tempore namque ipsi, sacramentali Confessione præmissa, Missas audiebat devote. Frequentius quoque sumptionis sacræ Eucharistiæ mentio fit in citata bulla*

Tom. III.

E e e

Cano

Canonizationis S. Birgittæ pag. 155. : *Singulis quoque diebus Dominicis, & solemnibus cum devotione & lacrymis sumpsit venerabile Christi Corporis sacramentum*. De S. Catharina Senensi Pius II. in bulla Canonizationis pag. 185. cod. Canoniz. ait : *Ad Communionem altaris, qua illi fere quotidiana fuit, quasi ad celestes nuptias invitata esset, summa cum alacritate proficisceretur*. De S. Felice a Cantalicio Laico Capuccino ita legitur in bulla Canonizationis ipsius (pag. 566. cod. Canoniz.) : *Conscientia Viri Dei Moderatores, Domini Corporis sumpcionem ser illi singulis hebdomadis peragere solito per sotos quindecim ante dormitionem annos, ob ejus ardentissimum Charitatis fervorem, quotidianam Divina mensa perceptionem concedere, sanctum existimant, ad quam sine uberimo lacrymarum imbre nunquam accessit*. Quibus addi possunt Acta Canonizationis S. Terefiæ. In secunda enim relatione Rotæ Auditorum de ejus virtutibus art. 14. de religionis virtute hæc enarrantur : *Sexu ad idem firmandum nos inducere mira incrementa in anima istius Beata Virginis ex augmento cultus Christi causata per quotidianam Communionem viginti trium circiter annorum ex doctissimorum virorum consilio, & suorum Confessariorum licentia, ut deponunt in Remissoriali Abulensi quadragesimus secundus testis fol. 240. & quadragesimus sextus testis fol. 296. & testis quadragesimus septimus, & quadragesimus octavus, & quadragesimus nonus, & quinquagesimus primus, omnes super art. 73. Quo Divino pasto mirifice roborata, in cultu & Fide Jesu Christi in Sacramento existentis maximos fecit progressus, ita ut per plures annos per Fidem vivam non secus ad sumendam Eucharistiam accederes, quam si Christum ipsum corporeis oculis cerneret, ut deponunt in secunda parte Toletani primus testis super 4. fol. 673. & historia supra citata istius Beate, & particulariter Pater Rivera lib. 4. cap. 12. Quam vero fueris gratus Christo Beata Terefia hic cultus, clare apparet ex eo, quod frequenter post Communionem cum fulgore vultus ecclasiæ patiebat, & propter interna Dei solatia corporis etiam dolores ei fuerunt remissi, & ex quo Communionem frequentare cepit, cessavit in illa quidam temitius, quem quotidie mane passa fuerat, & illam quotidianam Eucharistiæ sumpcionem impediabas, ut deponunt in Remissoriali Abulensi testis quadragesimus secundus, & quadragesimus octavus, & in Remissoriali Toletano vigesimus primus testis Episcopus Tirasonensis, & testis vigesimus tertius illius Confessarius, & in Remissoriali Abulensi testis quadragesimus nonus, & testis sexagesimus, omnes super art. 73. Et, cum quadam Dominica Palmarum post Communionem, antequam Eucharistiam degluti- ret, in ecclasiæ rapta fuisset, paulo post in se reversa, visum fuit sibi os pretioso Sanguine Christi plenum, totumque corpus eodem Sanguine tinctum habere, ubi intima cum suavitate hac verba a Jesu Christo auditur : *Filia, volo, ut meus Sanguis tibi proficiat, nec timeas, neam tibi aliquando misericordiam defuturam : ego illum multis cum doloribus effudi, & in ipso (ut vides) magna cum voluptate perfrueris*. Quod ipsa refert in libro vite sue fol. 359. Et deponunt in Remissoriali Abulensi testis quadragesimus septimus fol. 296. & testis quadragesimus octavus fol. 235. super art. 73.*

3 Ex iisdem quoque Canonizationum bullis, & Actis suppetunt exempla

pla tum simplicium Sacerdotum, tum Episcoporum fere quotidie Missam celebrantium. In bulla quippe Canonizationis S. Thomæ Aquinatis pag. 136. *cod. Canoniz.* sic Pontifex loquitur: *Præmittebat Divina, ut roboraretur in schola, cum singulis diebus, antequam lecturus ascenderet cathedram, vel distraberetur ad alia, Missam unam celebraret, aliam audiret.* In bulla Canonizationis S. Ludovici Bertrandi pag. 433.: *Sacrum Missæ sacrificium celebrans, Angelicæ puritatis candorem emulari cupiens, quantavis carnis mortificatione, & mentis in Deum elevatione esset ornatus, sibi nihilominus nunquam satis paratus videbatur esse. A sacrificando impeditus, sacra Eucharistia reficiebatur, ut juxta Christum in se manentem haberet, & in eo ipsa quoque assidua maneret.* In bulla Canonizationis S. Raymundi de Pennafort pag. 268.: *Sacrofanctum Missæ sacrificium fere quotidie celebrabat.* In bulla Canonizationis S. Philippi Nerii pag. 319.: *Perpetuo atque ardenti studio venerandum Eucharistia colebat sacramentum, vel enim laicus, vel sacerdos celebrans, vel agrotans in lectulo, illius quotidiana susceptione reficiebatur.* In relatione causæ S. Andreæ Avelini tit. *de religione* §. Quo vero; Et in relatione causæ S. Ignatii tit. *de justitia* §. *Sacris Missæ consimilia habentur.* In bulla Canonizationis S. Ludovici Episcopi Tolosani pag. 124.: *Pontificatus etiam officium exercebat cum diligentia Servus hic Christi fidelis & prudens, Missas decendo assidue, devotissime Ordines celebrando.* In bulla Canonizationis S. Caroli Borromei pag. 295.: *Quotidie Sacrificium Deo offerebat: & tutius in relatione causæ ipsius 2. part. art. 15. ubi: Carolum quotidie Missam celebrare solitum affirmant plures testes &c. postquam singulis diebus confessus fuerat suos minimos defectus.* Quibus addi possunt bina alia exempla. Sanctus quippe Vincentius a Paulo (ut habetur in processibus causæ) singulis diebus sacrificium Missæ offerebat, & si infirmitas non sineret ab ipso sacrificium offerri, ei intererat, & sacra Communionem animam reficiebat; Missam autem celebrans tali animi devotione afficiebatur, ut qui præsentem fuerant, ab ecclesia revertentes post eam absolutam dicerent, se Missam Sancti audivisse. Item in processibus causæ B. Alexandri Saulii Alerienensis primum, deinde Papiensis Episcopi, testes retulerunt, ab eo quotidie Missam fuisse celebratam, prævia pia dispositione, & sacramentali Confessione. Denique externa quedam Divina signa devotæ celebrationis Missarum referuntur in iisdem bullis. In bulla scilicet Canonizationis S. Thomæ Episcopi Herfordiensis pag. 132.: *Orationi vero infestabat assidue, ac sui fervorem spiritus demonstrabant in orationibus, & celebratione Missæ abundanter ex oculis lacryma defluentes.* In bulla Canonizationis S. Petri de Alcántara pag. 383.: *Sacrum quotidie peragebat tam uberes in stertus effusus, ut exitus aquarum deducens oculi ejus viderentur fons hortorum, & puteus aquarum viventium, quæ fluent impetu de Libano.* In bulla Canonizationis S. Cajetani pag. 449.: *Divinam rem facturus totus in lacrymas effundebatur, sequi eo ministerio indignum reputans, magnæ Matris, cujus erat obsequentissimus, opem implorabat, ut virtutis Agnæ as, quæ decebat, devotione susceperet, concipiens dulcissimo quodam mentis obitu, adesse inibi Dei-*

param, qua electissimum Filium prona ac munifica manu porrigeret. In bulla Canonizationis S. Francisci Xaverii pag. 344. : Cum vero sacrosanctum Missa celebraret sacrificium, sepe numero a sensibus usque adeo abalienabatur, ut nec Ministri vestem succientes, nisi post diurnam moram, excitare possent, quin etiam aliquoties altius cubito a terra elatus ab universa astantium multitudine miraculi magnitudinem oblupefcente, ac Servi Dei sanctitatem suspiciente conspectus fuerit.

4. Quod si Theologica jam dictorum ratio quaeratur, ea profecto non deest. Licet enim peccata venialia non sint, uti Scholæ loquuntur, materia necessaria, sed sufficiens sacramenti Poenitentiae, eorum tamen confessio utilis est & pia, juxta cap. 5. Concilii Tridentini sess. 14. de Poenit. cap. 5. : Venialia, quibus a gratia Dei non excludimur, & in qua frequentius labimur, quamquam recte & utiliter citraque omnem presumptionem in Confessione dicantur, quod piorum hominum usus demonstrat, taceri tamen citra culpam, multisque aliis remediis expiari possunt. Confessionis venialium saeculo VII. extat exemplum in Actis S. Segolens Abbatis apud Mabillonium in sec. 111. Benedictino, & in prima praefat. ad illud. Narratur enim, Sanctam praedictam cuidam Monacho, qui Sacerdos erat, omnia parva minimaque peccata, sine quibus esse non possumus, cum gravia decissent, lacrymando confessam fuisse. Quapropter, etiam si referendi in album Beatorum, aut Sanctorum sola patravissent peccata venialia, nemo est qui non videat, sinceram eorum confessionem debitis circumstantiis non destitutam, laetitiae notam constituere, & eo magis, si frequentius expleatur: unde S. Bonaventura in 4. sent. dist. 17. pars. 3. art. 2. quaest. 1. ait de peccatis venialibus: Quamvis autem de ratione sui generis non sit ea confiteri necessarium, tamen ea confiteri congruum est maxime viris perfectis, quia utile est multum, & poena illis debita minuitur ex vi Clavium.

5. Frequenti Confessione succedit frequens Eucharistiae communio, quae apud antiquos Fideles absque dubio fuit in usu, cum in Actis Apostolorum cap. 2. v. 42. legatur de Christianis prioris saeculi: Erant autem perseverantes in doctrina Apostolorum, & communicatione fractionis panis, & orationibus. Saeculo Ecclesiae quarto mos quotidie communicandi Romae observabatur, teste S. Hieronymo (epist. 50. ad Pammachium num. 15. col. 225. oper. tom. 1.): Scio, Roma hanc esse consuetudinem, ut Fideles semper Christi Corpus accipiant; quod nec reprehendo, nec probō. Huic mori, saltem pro Ecclesia Occidentali, suffragatur equalis Hieronymo S. Ambrosius de Sacramentis lib. 5. cap. 4. num. 25. col. 378. oper. tom. 2. si tamen libri de Sacramentis sunt ejusdem: Si quotidianus est Panis, cur post annum illum sumis, quemadmodum Graeci in Oriente facere consueverunt? Accipe quotidie, quod quotidie tibi profuit. Sic vive, ut quotidie merearis accipere. Qui non meretur quotidie accipere, non mereatur post annum accipere: si mores videlicet non mutet. Sacrum quoque Concilium Tridentinum frequentis Communionis desiderium exprimit sess. 13. cap. 8. Paterno affectu admonet sancta Synodus, hortatur, rogat, & obsecrat

secat per viscera misericordia Dei nostri, ut omnes & singuli, qui Christiano nomine consentur &c. hac sacra mysteria Corporis & Sanguinis ejus, ea fidei constantia & firmitate, ea animi devotione, ea pietate & cultu credant & venerentur, ut Panem illum supersubstantialem frequenter suscipere possint. Et sess. 22. cap. 6. Optaret quidem sacrosancta Synodus, ut in singulis Missis Fideles adstantes non solum spiritali affectu, sed sacramentali etiam Eucharistia perceptione communicarent, quo ad eos sanctissimi hujus Sacrificii fructus uberius provenirent. Materiam frequentis Communionis optime de more explicat D. Thomas 3. part. quest. 90. art. 10. docens, duo circa Eucharistiæ usum posse considerari: unum ex parte ipsius Sacramenti, cujus virtus est hominibus salutaris, ita ut utile sit sæpius, immo quotidie ipsum sumere; aliud ex parte sumentis, in quo requiritur, ut cum magna devotione ad illud accedat, ita ut, si aliquis se quotidie inveniat paratum, laudabile sit ut quotidie sumat. En verba S. Doctoris: Circa usum hujus Sacramenti duo possunt considerari: unum quidem ex parte ipsius Sacramenti, cujus virtus est hominibus salutaris, & ideo utile est quotidie ipsum sumere, ut homo quotidie ejus fructum percipiat &c. Alio modo potest considerari ex parte sumentis, in quo requiritur, ut cum magna devotione & reverentia ad hoc Sacramentum accedat; & ideo, si aliquis se quotidie ad hoc paratum inveniat, laudabile est, quod quotidie sumat &c. Sed, quia multoties in pluribus hominum multa impedimenta hujus devotionis occurrunt propter corporis indispotionem, vel animæ; non est utile omnibus hominibus quotidie ad hoc Sacramentum accedere, sed quotiescumque se ad illud homo invenerit preparatum. Concordat S. Bonaventura in 4. sent. dist. 12. part. 2. quest. 1. & consentaneum est huic doctrinæ decretum editum ab Innocentio XI. de quotidiana & frequenti Communione die 12. Februarii 1679., ubi Pastorum diligentie remittit propter multiplices conscientiarum recessus, ut frequentem, aut quotidianam Communionem nonnullis suadeant. Ex quibus proinde nemo est qui non videat, bene desumi, frequentem & quotidianam Eucharistiæ sumptionem in Dei Servis, de quorum Beatificatione aut Canonizatione tractatur, & de quorum virtutibus jam aliunde constat, ex aliis videlicet probationibus, quæ ostendunt, eos in actibus heroicarum virtutum frequenter se exercuisse, & a peccatis abstinuisse, notam esse & argumentum sanctitatis, & præcipue, si frequens ista & quotidiana sumptio Confessarii seu Directoris spiritualis consilio facta sit. Quæ tamen ita dicta censeri volumus, ut, si forte accidat, aliquem Dei Servum a quotidiana aliquando, & frequentissima sumptione Eucharistiæ reverentiæ & timoris gratia abstinuisse, nullum indicium adversus ejus sanctitatem, & ejus in suscipienda Eucharistia fervorem valeat rationabiliter desumi. Celebris est epistola 54. S. Augustini (col. 125. oper. tom. 2.) in qua exemplo Zachæi, & Centurionis tum accedentem, tum recedentem ex causa modo recensita commendat num. 4. : Neque enim ligaverunt inter se, aut quisquam eorum se alteri præposuit Zachæus, & ille Centurio, cum alter eorum gaudens in domum suam suscepit Dominum, alter dixerit, Non sum dignus, ut intres sub tectum meum.

meum. *Ambo Salvatorem honorificantes diverso, & quasi contrario modo. Ambo peccatis miseri, ambo misericordiam consecuti.* Sequitur D. Thomas loc. cit. ad tertium, ubi sic loquitur: *Ad tertium dicendum, quod reverentia hujus Sacramenti habet timorem amoris conjunctum: unde timor reverentie ad Deum dicitur timor filialis, ut in secunda parte dictum est. Ex amore enim provocatur desiderium sumendi; ex timore autem consurgit humilitas reverendi: & ideo utrumque pertinet ad reverentiam hujus Sacramenti, & quod quotidie sumatur, & quod aliquando absteineatur.* Subscribit Claudius Espencæus lib. 1. de adoratione Eucharistia cap. 7. Joannes Major in 4. sent. dist. 9. quest. 1. quotidianam commendat Communionem, si ex ejus sumptione augeatur devotio: Si dicas; *quotidie communicantem nec laudat, nec vituperat Augustinus, prout recitatur in cap. Quotidie, de consecratione dist. 2., ex hoc nihil sequitur, cum multo laudabilius sit quotidie communicare, si quis in se devotionem reperiat erga Eucharistiam: & Joannes Raulinus Cluniacensis Monachus serm. 8. de sacramento Eucharistia sapienter monet, fieri posse, ut quis, vacando a receptione Sacramenti, illud deinde reverentiusumat, sed cavendum esse, ne per hanc viam subtrahatur habitatio ad bonum, ut ipse loquitur: Sed, si quis dixerit, ideo vacationem a celebratione, aut receptione Sacramenti bonam esse, ut ipsa postmodum reverentius & devotius, quanto rarius, impleatur, dicemus ad hoc, quod hoc est possibile; sed potest contingere ex adverso, ut plurimum contingit, ut talis subtractio removeat habitationem ad bonum, cujus effectus est secundum Philosophum operari deletabiliter.* Item, melius & fructuosius esse impellente erga Deum Charitate, Missam frequentius celebrare, quam eam præ timore & reverentia omittere, docet Roderic. in exercitio perfectionis, & virtutum religiosarum part. 3. tract. 8. cap. 6. cum quo concordat D. Thomas loc. supra cit. ad tertium, ubi, post verba jam relata, quibus docuit, pertinere ad reverentiam Sacramenti; & quod quotidie sumatur, & quod aliquando ob reverentiam absteineatur ab ejus sumptione, subjicit: *Amor tamen, & spes, ad qua semper Scriptura nos provocat, preferuntur timori; unde & cum Petrus dixisset, Ego a me, Domine, quia homo peccator sum; respondit Jesus, Noli timere.* At hæc, licet vera sint, nihil tamen obesse possunt iis, quæ in superioribus dicta sunt, cum ibi sermo haberetur, non de longa abtinentia a sumenda Eucharistia, sed de certa quâdam intermissione quotidianæ Communionis, gratia timoris & reverentiæ erga augustissimum Sacramentum.

6 Quæ modo statuta sunt de frequenti & quotidiana Communione, procedunt quoque in frequenti & quotidiana Missæ celebratione quoad Sacerdotes, & Episcopos, uti etiam ex modo dictis colligi potest: & re vera, si tempore Apostolorum Fideles quotidie Corpus Christi sumebant, cur asserere non debemus, Sacerdotes, & Episcopos quotidie Missam celebrasse? S. Irenæus vir Apostolicus, & Apostolorum seculo proximus lib. 4. adversus hæreses cap. 18. num. 6. pag. 251. hujus rei perhibet testimonium: *Ideo nos quoque offerre vult munus ad altare frequenter sine intermissione.*

S. An-

S. Andreas Apostolus, uti legitur apud Surium, *ad diem 30. Novembris tom. 6.*, Proconfuli ipsum ad idololatriam adigenti his verbis restitit: *Omni-potenti Deo, qui unus & verus est, ego omni die sacrifico, non sturis funum, nec taurorum mugientium carnes, nec hircorum sanguinem, sed immaculatum Agnum quotidie in altari Crucis sacrifico, cujus carnes posteaquam omnis populus Credentium manducaverit . . . Agnus, qui sacrificatus est, integer perseverat & vivens.* Acta, ex quibus hæc desumuntur, genuina putant Baronius, & Natalis Alexander. De eorum autem sinceritate dubitat Tillemontius in *vita S. Andreae*, & præcipue nota secunda ad eandem tom. 1.; ex quo potissimum nulla eorum mentio ante seculum v 111. occurrit: sed quæ in eis, uti dicta a S. Andrea, referuntur, autumat ab ejus sensu aliena non fuisse. S. Cyprianus *epist. 77. col. 329.* sic consolatur Martyres, qui in metallorum fodinas damnati dolebant, se offerre non posse incruentum & sanctum altaris Sacrificium: *Sed nec in illo, Fratres dilectissimi, aliqua potest aut religionis, aut Fidei jactura sentiri, quod illic nunc Sacerdotibus Dei facultas non datur offerendi & celebrandi Sacrificia Divina. Celebratis immo, atque offertis sacrificium Deo & pretiosum pariter, & gloriosum, & plurimum vobis ad retributionem præmiarum celestium profuturum, cum Scriptura Divina loquatur, & dicat: Sacrificium Deo spiritus contribulatus, cor contritum & humiliatum Deus non despicit. Hoc vos sacrificium Deo offertis, hoc sacrificium sine intermissione die ac nocte celebratis, hostia facti Deo, & vestimentis sanctis atque immaculatis victimas exhibentes:* quasi dicere voluisset: Si, uti faciebatis, nunc quotidie Missam non celebratis, quotidie tamen, uti potestis, Deo offertis sacrificium spiritus contribulati. Ferunt, Cardinalem Cajetanum docuisse in *comment. ad D. Thomam*, Sacerdotem numquam celebrantem non esse damnandum uti reum lethalis flagitii, sed ad summum venialis; at jussu S. Pii V. sententiam Cajetani fuisse expunctam ex operibus D. Thomæ Romæ editis. Innocentius certe Papa III. in *cap. Dolentes*, de celebrat. *Missar.* Presbyteros, & Prælatos gravibus verbis increpat, qui Missarum solemnias vix quater in anno celebrant. Sacrum Concilium Tridentinum *sess. 23. de reformat. cap. 14.* loquens de simplicibus Presbyteris hæc habet: *Caret Episcopus, ut ii, saltem diebus Dominicis, & festis solemnibus, si autem Curam habuerint animarum, tam frequenter, ut suo muneri satisfaciant, Missas celebrent.* S. Thomas 3. *part. quest. 82. art. 10.* quaerit. *Utrum liceat Sacerdoti omnino a consecratione Eucharistiae abstinere;* & refert, nonnullos dixisse, Sacerdotem posse omnino a consecratione licite abstinere, nisi teneatur ex Cura sibi commissâ celebrare, & Sacramenta populo præbere; sed hanc opinionem improbat sequentibus verbis: *Hoc irrationabiliter dicitur, quia unusquisque tenetur uti gratia sibi data, cum fuerit opportunum, secundum illud 2. ad Corinth. 6. v. 1. Adjuvantes autem exhortamur, ne in vacuum gratiam Dei recipiatis. Opportunitas autem Sacrificium offerendi non solum attenditur per comparisonem ad Fideles Christi, quibus oportet Sacramenta ministrari, sed principaliter per comparisonem ad Deum, cui consecratione hujus Sa-*

cramenti

cramenti Sacrificium offertur. Unde Sacerdoti, etiamsi non habeat Curam animarum, non licet omnino a celebratione cessare, sed saltem videtur, quod celebrare teneatur in precipuis festis, & maxime in illis diebus, in quibus Fideles communicare consueverunt. Ideoque, si aliquibus diebus Sacerdotes, & Episcopi celebrare tenentur, Dei Servus simplex Sacerdos, vel Episcopus qualibet fere die citra obligationem Missam celebrans, si id faciat cum debita devotione, uti fecisse absque dubio credendus est (nec enim Beatificationis & Canonizationis causa fuisset introducta, si aliqua irreverentiæ in sacrificando legitima adfuisset suspicio; aut ulteriorem progressum causa habere posset, si virtutum deessent probationes) ex ea quotidiana, aut fere quotidiana Sacrificii celebratione indicium & nota sanctitatis hauriri poterit.

7 In vita S. Ignatii scripta a Patre Massejo lib. 2. cap. 7. narratur, eum Romam venisse una cum ceteris Patribus Societatis anno 1538., & pueros & plebem Christiana catechesi vicatim erudire instituisse, & frequentem usum sacræ Confessionis, & Eucharistiæ restituisse Romæ primum, deinde in ceteris orbis Catholici partibus: *Alia multa propediem affectui sunt, tum vero præcipue, ut sacra Confessionis, & Eucharistiæ frequens usus, quo nihil est humano generi salutarius, Diaboli fraude jampridem extinctus, magno utique Christianæ reipublice commodo, in principe magistraque orbis terrarum Ecclesia revivisceret: ex quo deinde paulatim effectum est, iisdem scilicet adiutoribus, non solum ut in Italia, Gallia, Hispania, ceterisque Catholicis Europæ regionibus, verum etiam ut in ipsa India, atque adeo in ultimis terris, ubi paulo ante strales Demonum dapes, & nefaria Sacra vigerant, jam nunc, ingenti bonorum gaudio, per Pœnitentiæ sacramentum frequenter elutis animi sordibus, Divina passim convivria celebrentur. Contendit Launojus in opere de frequentis Confessionis, & Eucharisticæ Communionis usu, atque utilitate, pag. 142. oper. tom. 1. part. 1., Sanctum Ignatium in civitate Parisiensi non revocasse frequentem usum Confessionis, & Eucharistiæ, dum ad eam urbem studiorum causa advenit, cum frequens ille usus jam increbuisse, sed, instituta ibi Societate, revocatum ab aliis fovisse & auxisse. Verum, utcunque sit de hoc, cum Ecclesia in lectionibus Officii, quod in die ejus festo celebratur, hæc habeat, Sed in primis inter Catholicos instaurare pietatem cura fuit: templorum nitor, Catechismi traditio, concionum ac Sacramentorum frequentia ab ipso incrementum accepere; Ignatio utique, & Societati ab eo institutæ universa debet Ecclesia propagationem usus frequentis Confessionis, & Communionis. Sanctus quoque Cajetanus, qui ante institutionem suæ Religionis se Oratorio Vicentino adscripsit, Sodales ad frequentiam Sacramentorum induxit, uti legitur in relatione Rotæ Auditorum tit. de Charitate in Proximo, ubi hæc habentur: Sodalibus quater in anno sacra Communionem rescis solitis Eucharistiæ sacramentum in singulos menses ipse administravit; idque vehementer adeo hortabatur, ut quamplurimi non solum qualibet hebdomada, sed etiam quibuscunque festis diebus, & feria sexta ad illud accederent. Quod ipsum*
reflumi-

resumitur in bulla Canonizationis *Constit. 94. pag. 448.* : *Pra ceteris id affectus est, ut Sacramentorum frequentem usum in Sodales primum, dehinc in alios ferventioris spiritus introduceret, magno cum eorum compendio, qui, elucis animae fordibus, ad caeleste epulum accedebant; quod propriis ipse manibus saepe illis ministrans, identidem ad ejusdem amorem ac sitim ignitis plane eloquiis, lacrymarum vi, ac suspiriis incendebat.* Multa alia de quotidiana Missae celebratione a Nobis collecta sunt in alio nostro Opere post editionem praesentis Operis de Canonizatione typis impresso de *sacrificio Missae part. 4. sect. 2. num. 12.*

8 De antiquis Monachis, Anachoretis, Eremitis, Solitariis queri potest, an, & quomodo sacramenta Poenitentiae, & Eucharistiae susceperint, & quatenus non susceperint, aut raro susceperint, quomodo nonnulli inter Sanctos adscripti sint. Scacchus de *not. & sign. sanctis. sect. 6. cap. 5. pag. 458.* propositam quaestionem sequentibus verbis resolvit: *Vereres enim Orientales Eremitas fecisse in solitudinem omnino ab hominum consortio separatos, ibique perdurasse per annos viginti, triginta, & plures hominibus omnino ignotos, constat ex veterum Patrum historiis. Nullo sacramento Poenitentiae, aut Eucharistiae usos, nec curam aliquam Sacri audiendi eis habuisse, legimus; ut de S. Paulo primo Eremita, & de S. Antonio, quos plures annos hac ratione vixisse, legimus; de S. Maria Aegyptiaca, de S. Macario Romano, necnon etiam de Macario Aegyptio, & aliis pluribus, quorum Acta passim in vitis Patrum conferuntur. Qua quidem fieri, & probari tunc fortasse poterant, quando nec Christianorum loca frequentiora habebantur, nec Sacerdotum copia. Verum, ut distincte procedatur, difficultas proposita nullum sibi potest locum vindicare quoad Monachos, qui in monasteriis & coenobiis sub Abbatibus cura debebant, nec quoad Lauritas, eos videlicet, qui a coenobiis pergebant ad habitandum in lauris, hoc est in cellis separatis & extra coenobium sub unius Praesidis cura, nec quoad Inclusos, nec quoad Solitarios sive Eremitas, qui habitabant non longe a monasteriis, aut vicis, vel oppidis, sed tantum quoad Anachoretas eremi cultores, & Solitarios seculum viventes, in speluncis & antris habitantes, & longe a coetu aliorum hominum, & ab urbibus & oppidis.*

9 Diximus, difficultatem nullum sibi vindicare locum quoad Monachos: licet enim Monachi juxta veterem disciplinam ut plurimum laici essent, & pra humilitate ad sacros Ordines ascendere recusarent, in ecclesiam tamen conveniebant, & statis temporibus Sacerdotem advocabant, qui ipsis Sacramenta ministraret. Palladius in *historia Lausiaca c. 46. pag. 72.* apud Laurentium de la Barre in *vita S. Joannis Eremitae* haec habet: *Licebat autem cernere multitudinem eorum, qui cum ipso erant, Monachorum in ecclesia veluti quosdam hyssorum choros lucidis vestibus indutos, & hymnis assiduus Deum glorificantes.* Et apud Rosweydam in *vita S. Pachomii cap. 24. pag. 122.* subjicitur: *Proinde, cum solemnitas ex more deposceret, ut mysteriorum caelestium participes fierent, ex proximis viculis Presbyteros convocabant, qui eis festivitatem laetitiae spiritalis implerent. Non enim patiebatur idem Senex (sermo est de* Tom. III. F f f *Pacho-*

410 DE SERVORUM DEI BEATIFICATIONE

Pachomio) *inter eos esse quempiam, qui Clericatus officio fungeretur. Dicebat enim, multo melius esse atque commodius Monachis, non solum nullius prorsus honoris querere primatus & gloria, verum etiam occasiones huiusmodi de cœnobiis amputare; quoniam frequenter hinc inter Fratres contentiones & amulationes inutiles nascerentur.*

10 Additur, non perpetuam, nec universalem fuisse memoratam disciplinam Monachos arcendi a sacris Ordinibus, & a Sacerdotio. Cum enim ex consuetudine Presbyteros vocandi, qui Monachis Sacramenta ministrarent, quidam etiam non vocati impudenter accederent; & nonnulli scelerum admissorum poenitentiam agere recusantes, & sic a monasteriis expulsi, & ad urbem reversi, Sacerdotio fraudulenter obtento, ad monasterium, unde fuerant eiectioni, redirent, ibique de extorta dignitate superbientes Missam celebrarent, Monachique id ægre ferrent, & delictorum ab eis patratorem conscii Sacris assiliter reculerent, iuxta ea quæ habentur apud S. Cyrillum *in epist. ad Episcop. Libya, & Pentapol. pag. 211. tom. 5. part. 2.*; hinc postmodum factum est, ut aliquis ex ipsis Monachis ad Sacerdotium assumi cœperit, qui ceteris Sacramenta ministraret. Id colligitur ex vita S. Apollonii: *Cum quadraginta annos Sanctus Eremita solis herbis vitam sustentans in eremo consumpsisset, Deum ei precepisse, ut antrum pro habitaculo eligeret, ibique omnes exciperet, qui ei in monasticis virtutibus se instruendos traderent. Cum vero jam aliquot discipulos haberet, die Paschalis in antro Sacrificium Deo obtulisse, & synaxim cum suis celebrasse.* Cohærenter ad hæc testatur Gennadius *de Script. Eccles. cap. 8.* Theodorum successorem S. Pachonii in regimine monasterii fuisse Sacerdotali charactere insignitum: *Theodorus Presbyter successor gratia, & præpositura supradicti Abbatis Pachonii.* Et apud Rosweydam *in lib. 3. de vitis Patrum pag. 499.* litteris mandata sunt, quæ sequuntur: *Monachi habitantes in eremo Scythia & consenserunt, ut Pater Isaac Presbyter eis ordinaretur in ecclesia, qua in ipsa eremo sita est, ubi convenit die & hora statuta multitudo Monachorum, quæ in illa eremo conversantur.*

11 Ita ut de commoditate, usu, & frequentia Sacramentorum quoad Monachos, qui in monasteriis & cœnobiis sub Abbatis vel Prædis cura debebant, non obscura nobis argumenta superint; & eo magis, cum in libro de vitis Patrum habeamus, Monachos Sabbati die, & Dominico consuevisse ad ecclesiam accedere; & apud Rufinum Aquilejensem S. Pastor Monachus asserat, altaris Sacrificium fontem esse aquæ vivæ, ad quem Monachi, veluti sitientes cervi, die Sabbati, & Dominico accedebant, ut in eo refrigerium animis, & medicinam contra serpentis, hoc est concupiscentiæ venenum invenirent. Item, quamvis Arcani disciplina multa nobis documenta celaverit sacramentalis Confessionis, in eo tamen, quod attinet ad Monachos, præsto est illustre testimonium S. Basilii, qui in regulis brevioribus proponit quæstionem, quæ est 287. pag. 516. tom. 2. oper.: *Qui confiteri vult peccata sua debet ne confiteri omnibus, & quibuscumque, aut*

quibus? Cui quæstioni sic respondet: *Peccata iis confiteri necesse est, quibus mysteriorum Dei concedita dispensatio est: quod rursus confirmat in respons. ad quæst. 229. pag. 492.*, ubi hæc habentur: *Servanda est ratio eadem in peccatorum confessione, qua in detegendis corporis morbis adhibetur. Quemadmodum igitur corporis morbos non omnibus patefaciunt homines, neque quibusvis, sed iis, qui horum curandorum periti sunt: ita fieri quoque debet peccatorum confessio coram iis, qui curare hac possint.*

12 Porro nemo est qui non videat, S. Basilium verbis citatis loqui de sacramentali Confessione, utpote non unicuique, sed soli Sacerdoti aperienda. Pariter ex ceteris, quæ superius adducta sunt, unusquisque facili negotio colligere poterit, Monachos in cœnobiis & monasteriis sub Abbatis vel Præfatis cura degentes sacramentorum Pœnitentiæ, & Communionis percipiendorum commoditate non caruisse: quod ipsum dicendum est quoad Lauritas, & quoad Inclusos.

13 Teste S. Cyrillo in *vita S. Sabbe apud Surium die 5. Decembris tom. 6. pag. 159. num. 9.*, lauræ differebant a cœnobiis, quod in cœnobiis illi viverent, qui vitam exercebant communem, in lauris vero, qui a congregatione separati & quietam, unusquisque in cella distincta. De Geralimo Abbate refert Surius *ad diem 20. Januarii in vita S. Euthymii num. 57. pag. 329. tom. 1.*, eum monasterio præfuisse, cui conjuncta erat laura septuaginta cellarum: & quamvis non semper lauræ monasterio essent vicinæ, inconcussa tamen regula erat, ut nemo ad cellulas, seu lauras transiret, nisi rudimenta virtutum in monasterio posuisset, & longo usu confirmasset, quemadmodum recte animadvertit Thomassinus *de vet. & nov. Eccles. discipl. pars. 1. lib. 3. cap. 23. num. 6.* Quod ipsum desumitur ex citato S. Cyrillo in *Euthymio apud Bolland. tom. 2. ad diem 20. Januarii pag. 316. num. 38. & 39.*: qui cum ibidem narret, vivendi formam in lauris hanc fuisse, ut quinque diebus hebdomadæ unusquisque in cella manens sileret, nihil gustans, nisi panem & aquam & dactylos; & Sabbato, & Dominica in ecclesiam veniret, percepta quoque Eucharistia, cocto uteretur in cœnobia, & sumeret parum vini (quod etiam confirmatur ex eadem *vita S. Euthymii Abbatis loc. cit.*) hinc satis demonstratur, degentes in lauris recipiendorum Sacramentorum commoditatem habuisse. Quod argumentum late persequitur Giballinus in *disquisit. Canon. de clausura Regulari tit. de Aferis inclusis disquisit. 3. cap. 3. §. 10. num. 6. & seqq. & §. 2.* ubi etiam probat, eos vixisse sub cura Præpositi live Abbatis; eosdemque (uti dictum est) Sabbato, & Dominica convenisse in ecclesiam ad synaxim, & collectam, nec ullum evocatum fuisse e vicinis oppidis Sacerdotem, qui Sacra ministraret, sed vel Abbatem, vel Monachum Sacerdotio initiatum supradicta peregissem.

14 Ut a ceteris abstineamus exemplis, extat hodie in Monte Luco apud civitatem Spoletinam harum laurarum exemplum. In *lib. 3. dialog. S. Gregorii cap. 14. col. 301. tom. 2. oper.* mentio fit S. Isaac Abbatis, ejusque

412 DE SERVORUM DEI BEATIFICATIONE

memoria recolitur in Martyrologio Romano ad diem 11. Aprilis. Sub ejus Regula nonnulli degunt Eremitæ in supradicto Monte habitantes, sed in cellis separatis. In comment. Pii Papæ II. lib. 2. pag. 41. prædictus locus sic describitur: *E regione (loquitur de civitate Spoletina) Mons est præruptus atque sublimis, in quo, velut in eremo Religione dicata, Anchorita famulansur Deo. Insunt & Monachorum nonnulla coenobia, in quibus viri sanctitonia celebres degunt.* Spoletini illi Eremitæ subfunt Episcopo, sed habent Præpositum, cui obediunt. Cella uniuscujusque ab alia cella non modice distita est. Aliqui ex ipsis sunt Sacerdotio initiati, alii non, & frequentior est numerus Laicorum. Ecclesiam habent communem, resectam & exedificatam nostris temporibus a bon. mem. Cardinali Cybo pietate & doctrina celeberrimo; in quam omnes conveniunt, orant, & Sacramenta recipiunt: & si qua est inter eos, & antiquos Lauritas differentia, ea esse videtur, quod Eremitæ Spoletini non prius degunt in monasteriis Monachorum, vel certe ad id præstandum non sunt adstricti, quam in eremum secedant, ut antiqui Lauritæ facere tenebantur: quod etiam desumitur ex vita S. Euthymii Abbatis cap. 15. apud Bollandum ad diem 20. Januarii n. 89. pag. 316. tom. 2.

15 Jam vero ad Inclusos oratio descendat, eos videlicet, qui vel in monasteriis, vel extra monasteria, sed non longe ab his, sibi locum eligeant ad habitandum, in quo clausi per totam vitam permanerent. Tres itaque erant horum ordines; primus Monachorum, qui se de licentia Abbatis in cella monasterii includebant; alter Monachorum ejusdem coenobii, qui ex Abbatis pariter licentia ab eo recedebant, & ad locum, in quo se clauderent, euntes, orationi & contemplationi vacabant; tertius eorum, qui ad servandam vitæ innocentiam, vel ad poenitentiam suorum peccatorum agendam, Divino impulsu non longe a monasteriis & coenobiis se includebant, sub regimine alicujus Patris spiritualis. Horum Inclusorum exempla collecta legi possunt in decis. de sacram. Eucharist. Theologico-legal. Joannis Clericati decis. 62. num. 25. & 26. Horum vita describitur a Palladio Galata cap. 69. pag. 758. apud Rosweydam his verbis: *Degunt in multa quiete unusquisque per se inclusus . . . absque eo quod se videant invicem, præterquam in synaxi.* De iisdem plura habentur apud Giballinum loc. cit. cap. 4. §. 6. num. 32. ubi probat, eos aliquando e suis carceribus egredi solitos, ut cum aliis in ecclesiam convenirent, & signanter diebus solemnioribus, aliquando etiam consuevisse admittere ad colloquutionem viros dignitate, aut sanctitate illustres. Denique, omnes Inclusos commode recipere potuisse, & recepisse Sacramenta tum in vita, tum in obitu, late ostendit Clericatus loc. cit. num. 33. & duobus seqq.

16 Succedunt Solitarii, sive Eremitæ habitantes non longe a monasteriis, vel vicis, aut pagis; & de eorum quidem frequenti accessu ad ecclesiam vicinam monasterii, in qua Sacramenta recipiebant, documenta non deficiunt. In collationibus etenim *apophthegmat. Patrum* apud Cotele-

rium

rium monum. *Ecl. Græc. tom. 1. pag. 491.* de Abbate Isaaco refertur, Abbatem Isaacum unum ex solitariis Fratribus, qui non erat e numero Coenobitarum, & qui parvam gestabat cucullam, ab ecclesia rejecisse; quod putaret, eum esse secularem, & sub obtentu, quod locus ille esset locus Monachorum. In *præto spirituali*, apud Auctorem *historia Monaster. Orient. pag. 779.*, apud Cassianum in *collat. 18. cap. 15. & collat. 23. cap. 21.* documenta prostant accessus horum Solitiorum ad vicinam ecclesiam diebus festis, ut de Sacramentis participarent. Morinus de *sacram. Poenit. lib. 2. cap. 17. num. 12.* superius dictis subscribit: *Ipsique Monachi omnes, si in urbibus, aut non longe ab iis ipsis versari oportebat, ad ecclesiam cum cetera plebe, loco tamen primo, ut nobilior gregis Domini portio, sessuri conveniebant.* Itaque concludendum omnino videtur, dici non posse, antiquos Monachos, Anachoretas, Lauritas, Inclusos, habentes copiam Sacerdotis, non frequenter sumpsisse Sacramenta; quemadmodum congeitis exemplis illustrat Theophilus Raynaudus *oper. tom. 16. num. 10. pag. 47.* De permittis denique antiquis Monachis & Anachoretis copiam Sacerdotis habentibus falso assertur, quod essent infrequentes in sumptione Eucharistie.

17 Redactaque propterea difficultate ad eos solitarios Eremitas five Anachoretas, qui vastissimas solitudines intrantes, & ignota nemora ac secretas silvas adeuntes, ibi toto spatio vitæ suæ herbis & aqua victitantes, longissime ab urbibus, oppidis, & Monasteriis incogniti omnino vivebant, de quibus S. Hieronymus, Theodoretus, & alii Scriptores antiqui loquuntur, eorum vita fuscè describitur a Petro Sutore de *vita Carthusiana lib. 1. cap. 15.*: Jam vero quartum genus Anachoratarum subjungamus, eorum videlicet, qui solitudinem extremam coluerunt. Non enim vel comitem juxta se habere, vel cum aliis etiam Anachoretis se continere, sed solitarie penitus agere, certum illis erat. Ut enim purius ac perfectius contemplationi, vitæque sublimitati incumbere, soliusque amoris Conditoris, quem sieiebant, jugiter inhaerere, nec haberent quidquam, quod eos a tam sancto commercio dissepere posset, mortalium omnium aspectus consortiaque prorsus devitabant. Et horum quidam ita latuerunt, ut penitus ab hominibus ignorarentur. Alii vero fama quidem noti, sed vultibus incogniti, in abditis eremi latebris sese occultaverunt. Denique hanc extremam vitam nonnulli perseveranter perpetuoque tenuerunt. Alii vero, postquam assiduo longoque tempore coluissent, eam tandem destituerunt.

18 Hos itaque Solitarios probari non potest ad ecclesias, utpote ab eorum habitatione per longum itineris spatium segregatas, statim temporibus accessisse, vel Presbyteris ad eos aditum patuisse: & ex hoc difficultas oritur, quomodo conscientiam sacramento Poenitentiae expiant, & sacram recipere Eucharistiam. Eorum mores describuntur a S. Augustino *lib. 1. de moribus Ecclesie (cap. 31. n. 66. col. 710. tom. 1. oper.)*: Nihil de iis dicam, quos paulo ante commemoravi, qui secretissimi penitus ab omni hominum conspectu, pane solo, qui eis per certa intervalla temporum affertur, & aqua contenti desertissimas terras incolunt, perfruentes colloquio Dei, cui puris mentibus inhae-

414 DE SERVORUM DEI BEATIFICATIONE

inhabermus, & ejus pulcritudinis contemplatione beatissimi, qua nisi Sanctorum intellectu percipi non potest. Nihil, inquam, de his loquar: videntur enim nonnullis res humanas plus, quam oporteret, deseruisse, non intelligentibus, quantum nobis eorum animus in orationibus profuit, & vita ad exemplum, quorum corpora videre non sinimur. Sed hinc disputare, longum & supervacaneum puto; nam hoc tam excellens fastigium sanctitatis, cui non sua sponte mirandum & honorandum videtur, oratione nostra videri qui potest?

19 Si ergo, teste S. Augustino, adeo excelsa erat primorum Anachoretarum vita, salutaris Pœnitentiæ sacramento ad salutem illi utique non indigebant, etiam si in aliqua levia peccata incidissent; cum juxta nostrorum Theologorum sententiam peccata venialia non sint materia necessaria, sed sufficiens prædicti Sacramenti; & omnia, quæ de utilitate Confessionis, signanter in articulo mortis, dici possunt, hypotheseum respiciant præsentis Sacerdotis, cui peccata venialia possint in Confessione aperiri; ut ipse, dum Promotoris officioungebar, latissime profectus sum in causa Servi Dei Anachoretæ Gregorii Lopez, quæ adhuc pendet in sacrorum rituum Congregatione. Ad hæc, si præinfortunio, & humanæ naturæ imbecillitate aliquis eorum in grave peccatum lapsus esset, æquius est, qui certo dicere possit, peccatorem a spelunca vel antro non discessisse, ut suam conscientiam sacra Exomologesi expiaret, licet id aut litteris mandatum non sit, aut saltem ignoretur, an litteris mandatum sit, cum non omnia a vitarum Scriptoribus, quæ a Dei Servis facta sunt, fuerint litteris consignata; ut in re, de qua nunc agitur, sapienter animadvertit Episcopus Sarnellus in *epist. ad Hieronymum a Basilicæ petri post cit. de vicijs*. 62. Clericatus? Quod autem attinet ad sacram Communionem, scribit Sozomenus *lib. 1. cap. 12. apud Valesium* hujus solitariæ vite initia esse referenda ad tempora persecutionum, quas ut effugerent, & ne pretiosum Fidei depositum, & Deum æternamque beatitudinem perderent, nonnulli ex Christianis urbes deserere adacti in antra & speluncas se receperunt; alii postmodum amplexi sunt, ut Deo liberius inservirent segregati ab omnibus secularibus curis, & hominum commercio: testatur autem S. Basiliius in *epist. ad Cæsariam*, 93. col. 186. tom. 3. *oper.* tempore persecutionum Christianos recedentes ab urbibus secum detulisse Panem consecratum, ut eo vesci possent: Quod autem persecutionum temporibus cogitur quis absente Sacerdote aut Diacono Communionem sua ipsius manu accipere, id grave non esse supervacuum est ostendere. Idem S. Basiliius dicit, hunc fuisse morem etiam Anachoretarum: Omnes enim in solitudinibus Monachi, ubi non est Sacerdos, Communionem domi servantes, suis ipsorum manibus sumunt. Disciplinam hanc Ecclesiasticam exornant duo amplissimi Cardinales Baronius in *not. ad Martyr. Rom. ad diem 15. Augusti*, & Bona *rer. liturg. lib. 2. cap. 17. num. 4.* Rursus, cum ad absentes etiam per Laicos in more esset ut sacra Eucharistia mitteretur (Dionysius enim Alexandrinus apud Eusebium *lib. 6. cap.*

44. edit. *Valesian.* narrat, a Presbytero missam fuisse Serapioni partem Eucharistiæ per puerum laicum, qui eam aqua intinctam in os Senis infudit paulo antequam animam exhalaret; & apud Palladium in *hyst. Lausiaca* cap. 9. & 52. *loc. cit.* refertur olim Monachos in solitudine habitantes non antea sumpsisse cibum, quam spiritale alimentum animæ acceperissent, sanctam nimirum Communionem in cellis servatam, quam Sacerdotes vel illis in ecclesia dabant, si erant videlicet ex coetu eorum qui ad ecclesiam convenirent, vel domos mittebant, si ex aliorum coetu erant qui omnino solitarii debebant) en duo modi, quibus Anachoretæ in solitudinibus viuentes, & ab aliis omnino segregati sacram Communionem recipere poterant, & frequenter recipiebant. Multa exempla ex probatis historiis collecta habentur apud Clericatum in *allat. decis. num. 39. & seqq.*, quibus ostenditur, aut pios & religiosos homines, Spiritu Sancto movente & dirigente, ad Solitarios accessisse, ut eis Sacramenta ministrarent; aut Angelos ipsos eis sacram ministrasse Eucharistiam. Demum, juxta doctrinam Theologorum, ducit D. Thoma 3. *part. quest. 80. art. 11. in corpore*, sacra Communio necessaria est necessitate medii vel in re, vel in voto: *Duplex est modus percipiendi hoc Sacramentum, scilicet spiritualis, & sacramentalis. Manifestum est autem, quod omnes tenentur saltem spiritualiter manducare, quia hoc est Christo incorporari. Spiritualis autem manducatio includit votum seu desiderium percipiendi hoc Sacramentum; & ideo sine voto percipiendi hoc Sacramentum non potest homini esse salus. Frustra autem esset votum, nisi impleretur, quando opportunitas adesset. Itaque de nostris Anachoretis ait, multis collectis, Theophilus Raynaudus in *oper. cit. n. 10. pag. 46.* Alios in eremi latebris longissime ab omnium convinctu sepositos, Divino Spiritu ad hoc genus vita illos agente, a frequentia communicandi excusabat defectus Sacerdotis, qui Sacramenta porrigeret; que tamen, cum se dabas occasio, sumebant avidissime. Et, ut demonstretur, etiam Sanctos, de quibus loquimur, a receptione Sacramentorum non fuisse undequaque segregatos, documentum extat in *hyst. Lausiaca* cap. 33. apud Palladium *loc. cit.*: ibi enim refertur, Ptolemæum in eremum secessisse, ubi perstitit annis quindecim, & abalienatus a doctrina & congressione virorum sanctorum & utilitate, continua Sacramentorum communionem, a recta via usque adeo recessit, ut, quod nonnulli dicunt impii, casu omnis fieri, is quoque infelix id fateretur.*

CAPUT XXVIII

De Carnis, & Corporis mortificatione.

DUm in superioribus agebamus de virtute temperantiæ, nonnulla dicta sunt de jejuniis & austeritatibus, quibus Sancti sua corpora afflixerunt. Sed, cum de carnis & corporis mortificatione particularis fieri debeat & sedula animadversio in causis Servorum Dei, de quo-

416 DE SERVORUM DEI BEATIFICATIONE

quorum agitur Beatificatione & Canonizatione, teste Scaccho in verbis mox referendis, nonnulla alia idcirco tum in præfenti capite, tum in fequenti erunt adnectenda ad hanc ipsam materiam pertinentia. Ea verba Scacchi de not. & sign. sanctis. sect. 5. cap. 2. *Gesta & Acta Servorum Dei non Martyrum, qua per ordinem ad Canonizationem investigantur, posthabenda quidem erunt, in quibus nullum studium circa carnis corporisque mortificationem apparuerit. Quamobrem nec sanctitatis de his suspensionem habere convenit, nec de cultu, aut veneratione eorumdem in Ecclesia Dei, ut puto, agere licebit: Sanctitatem enim illorum tantum probat ac veneratur Ecclesia in non Martyribus, quos in carnis castigatione & sensuum mortificatione studuisse comperit. Quapropter nullas legimus in Ecclesia Sanctorum historias, aut bullas summorum Pontificum latas pro Sanctorum Confessione, aut Virginum Canonizatione, in quibus carnis & sensuum macerandi studium in eisdem plurimum, ut par est, non commendetur.*

2 De jejunio habetur Tob. 12. 8. *Bona est oratio cum jejunio, & elemosyna.* Jejunio usi sunt Ninivitæ, prædicante Jona, ut habetur Jon. cap. 3. v. 7. Factum enim fuit hoc præceptum a Rege: *Homines, & jumenta, & boves, & pecora non gustent quidquam, nec pascantur, & aquam non bibant.* Notat Tirinus cap. cit., Regem illum fuisse Sardanapalum, & subjicit: *Qui etsi perditissimus esset moribus, totusque luxu diffunderet, auditis tamen Jona Prophetæ minis compunctus & conversus est, egitque poenitentiam cum omnibus suis Ninivitis, ac proinde paritum illis a Deo.*

3 Prima mentio cilicii habetur Genes. 37. v. 34. ubi narratur, Patriarcham Jacob cilicio se induisse, cum filium suum Joseph, quem fratres Ismaelitis vendiderant, credidit a feris devoratum: *Scissisque vestibus, induitus est cilicio lugens filium suum multo tempore.* Frequens fuit usus cilicii Regi David. Quippe Psalm. 34. v. 13. legitur: *Cum mihi molesti essent, induerbar cilicio; & Psalm. 68. v. 12. Et posui vestimentum meum cilicium; & cum grassaretur pectus in populum 1. Paralip. cap. 21. v. 16. Ceciderunt tam ipse (videlicet David) quam majores natu vestiti cilicii proni in terram.* Cum Rex Joram audivit, urgente fame, matrem comedisse filium, *scidis vestimenta sua & transibat per murum, viditque omnis populus cilicium, quo vestitus erat ad carnem intrinsecus, ut habetur 4. Regum cap. 6. v. 30.* Judith vitam poenitentem in viduitate agens cum puellis suis clausa morabatur cap. enim 8. v. 6., *& habens super lumbos suos cilicium, jejunabat omnibus diebus vite sue præter Sabbata.* Item, Holoferne obfidente Bethuliam, *induerunt se Sacerdotes cilicii, juxta ea, quæ leguntur Judith cap. 4. v. 9.* Quoties Sacerdotes, & Prophetæ prædicabant poenitentiam, populum hortabantur, ut cilicium assumeret. Ita Jeremias cap. 4. v. 3.: *Accingite vos ciliciis, plangite, & ululate.* Machabæi, ut habetur lib. 2. Machab. cap. 10. v. 25. in angustiis bellorum constituti deprecabantur Dominum *caput terra aspergentes, lumbosque ciliciis præcincti.* S. Joannes quoque Baptista Christi Præcursor, dum prædicaret poenitentiam, habebat vestimentum de pilis camelorum, & zonam pel-

pelliceam circa lumbos suos, ut habetur *Matthæi* 3. Sciendum est quippe, duplicem esse formam ciliciorum; unam videlicet esse quoddam indumentum asperum e pilis caprarum, seu camelorum, aut aliorum animalium contextum, quod sancti homines & Pœnitentes super nudam carnem serebant, ad humeros & latera constrictum: alteram esse catellam, duobus circiter abhinc sæculis inventam, instar cinctorii ex filo ferreo, vel aurichalco, vel argento compactam, qua lumbi hominum Deo servientium & Pœnitentium præcinguntur: & de primo quidem ciliciorum genere loquitur Joannes de Janua apud Du Cange in verb. *Cilicium*, ubi hæc habet: *Cilicium velamentum factum de pilis caprarum, vel taxorum, unde tentoria fiunt, & mortui operiuntur.*

4 His generaliter præmissis quoad jejunia & cilicium, ut ad institutum nostrum redeamus, & rectus ordo servetur, primo inquirendum est, quid sit carnis & corporis mortificatio; secundo, in quibus consistat; tertio, an sit necessaria; quarto, quomodo nonnulli Sancti in ea se exercuerint; ultimo, an, & quomodo ea adeo in Canonizandis requiratur, ut sine ipsa ad ulteriora in eorum causis procedi non possit.

5 Initio itaque ducto ab examine primi puncti, facilis & obvia est responsio: nemo quippe non agnoscit, carnis & corporis mortificationem nihil aliud esse, quam curam & studium, adhibitis opportunis cautionibus, ne concupiscentia spiritui obstat, & ei dominetur. Sanctus enim Petrus ait, carnalia desideria militare adversus animam: S. Paulus, legem membrorum legi mentis repugnare, prudentiam carnis inimicam esse Deo, carnem concupiscere adversus spiritum, & spiritum adversus carnem. Hoc intestinum bellum in nobis est. Concupiscentia ex peccato est, & ad peccatum inclinatur, & in renatis ex fonte Baptismatis relicta est ad agonem, ut ait Concilium Tridentinum in decreto de peccato originali. De hac pugna hæc habentur apud S. Prosperum, seu Pomerium lib. 3. de vita contemplativa cap. 2. *Piis conatibus nostris resistit ipsa concupiscentia vitiosa, non naturalis, sed naturæ nostræ indita poenaliter & inserta, quæ peccato facta est, & peccatum, si viceris, facit.* De ejus autem victoria subjicit Joannes Cassianus in lib. 5. de spiritus gastrimargia cap. 21. pag. 115. *Intestinum in nobis quotidie geritur bellum. Devicto eo, omnia, quæ forissecus sumus, redduntur infirma, ac militi Christi universa pacata erunt & subdita. Non habebimus adversarium nobis extrinsecus metuendum, si ea, quæ intra nos sunt, spiritui devicta subdantur.*

6 Hinc transeuntes ad examen secundæ quæstionis, qua in re consistat carnis & corporis mortificatio, respondemus, consistere in abstinencia, jejunio, cilicio, vigilia, chameuniis, spontaneis verberationibus, quæ disciplina dicuntur, & similibus rebus, quibus caro affligitur. Paulus Apostolus in epist. 1. ad Corinth. cap. 9. v. 27. ait: *Castigo corpus meum, & in servitutem redigo, ne forte, cum aliis predicaverim, ipse reprobus efficiar; & in 2. epist. ad Corinth. cap. 6. v. 5. modum significans, quo corpus castigabat,*

Tom. III.

G g g

ait:

ait: *In laboribus, in vigiliis, in jejuniis*. Ideoque S. Hieronymus in *communis. ad cit. 1. epist. ad Corinth.* sic loquitur col. 926. oper. tom. 11. : *Castigo corpus meum, & servituti subicio per abstinentiam, & afflictionem, atque labores*, sicut alibi ait, *in jejuniis multis, in fame, & siti, in frigore, & nuditate, in laboribus, & carceribus*. Concordat Auctor commentarii in epistolas S. Pauli S. Ambrosio adscripti (in 1. ad Corinth. cap. 9. v. 27. col. 143. append. tom. 2. oper.) : *Castigare corpus, est jejuniis illud angere, & illa ei dare, que ad vitam proficiant, non ad luxum*. Demum S. Augustinus in tract. de *cantico novo* cap. 3. col. 592. tom. 6. oper. ait : *Vide illum gubernatorem, eundemque viatorem Apostolum Paulum : vide illum jumentum suum domantem*. In fame (inquit) & siti, in jejuniis sepius castigo corpus meum, & in servitutem redigo. Ita ergo & tu, qui ambulare desideras, doma carnem tuam, & ambula : ambulans enim, si amas ; non enim ad Deum passibus, sed affectibus currimus.

7 Nulla apud citatos Patres mentio fit spontaneæ verberationis, nec ullum ejus in antiquioribus Ecclesiæ monumentis infra referendis superest vestigium. Quapropter dubitatio oritur, an ea inter ceteros modos ab Ecclesiâ approbatos carnem & corpus mortificandi sit adscribenda. Morinus in tract. de *sacram. Pœnit. lib. 7. cap. 14. num. 1.* usum flagrorum admittit aliena manu, non propria corpori admotum. Jacobus Boyleau historiam edidit Flagellantium, sive de *recto, & perverso flagrorum usu apud Christianos*, & in ea totus est, ut ostendat, Beatos Dominicum Loricatum, & Petrum Damianum auctores fuisse disciplinarum sponte, seu propria manu inflictarum ; & ante eos flagra quidem in usu fuisse, sed ita, ut quis ab alio vapularet, non autem, ut se propriis manibus verberaret ; atque ita quodammodo innuere velle videtur, nostrarum disciplinarum consuetudinem non esse omnino approbandam ; præcipue cum flagellorum ictus dorso incussi oculis officiant, methodusque flagellandi lumbos femorales ad venerem incitet, ut ipse prosequitur in *cit. histor. cap. 10.* quod ipsum argumentum late comprobare nituntur Joannes Henricus Meibomus pater, & Henricus ejus filius, & Thomas Bartholinus in tract. de *usu flagrorum in re medica, & venerea, & lumborum & renum efficio*. Cardinalis Baronius in *annal. ad an. 1056. num. 7.* Petrum Damianum non institutorem, sed spontaneæ verberationis propagatorem asserit : Eodem quoque tempore, etsi non eodem auctore Petro, tamen certo propagatore, atque adversus impugnantes propugnatore, introductus est in Ecclesiam ille laudabilis usus, ut poenitentia causa Fideles verberibus se ipsos afficerent, flagellis ad hoc paratis idoneis, exemplo Beati Domini ei Loricati sibi subditi sanctissimi Eremitæ. Cumque Petrus Cerebrofius Monachus ejusdem Beati Petri Damiani quoque discipulus, ac nonnulli Monachi Florentini, & alii Cassinenses, impulsore potissimum Stephano ex Monacho Cassinensi S. R. E. Cardinali, se averfos huic usui flagrorum ostendissent, idem Damianus in suis libris eorum rationes strenue confutavit. Animadverti præterea potest, spontaneas istas verberationes, quas disciplinas vocant, fuisse adhibitæ a Guidone Pomposiano Abbate, & a S. Popone

pone pariter Abbate: quod utique satis est, ne Dominicus, & Petrus pro auctoribus haberi possint; uti bene adnotavit Mabillonius in *prefat.* 1. in *fac. VI. Ord. S. Benedicti* num. 39. i ubi scribit: *Neuter vero* (loquitur de Guidone, & Poppone) *id addiscere potuerat ab exemplo Domini Loricati utroque junioris, multo minus Petri Damiani, qui necdum ea de re scripserat.* Mabillonio autem adhaeret Gravelon in *historia Ecclesiastica tom. 4. part. 1. decimi, & undecimi seculi coll. q. 6. pag. 121. & sequentibus.*

8 At, quidquid de primo institutore dicendum sit, certe antiquiores Regulæ monasticæ pro satisfactione peccatorum Monachum, qui peccavit, verberibus & flagris percutiendum statuerunt; & juxta libros Poenitentiales, Poenitentes se aliquando prosternebant ad pedes Confessarii, ut ab ipso virgis cæderentur: unde in vita S. Ludovici Regis Franciæ auctore Gaufrido *cap. 3. apud Bolland. ad diem 25. Augusti tom. 5. legitur pag. 547.* Nam post Confessionem a Confessore suo disciplinam semper recipiebat, & intra. Hanc autem disciplinam existimo apud quemdam habuit Confessorem, qui erat solitus sibi dare disciplinas nimis immoderatas & duras: super quo caro ejus tenera non modicum gravabatur. Quod gravamen nunquam illi Confessori, quamdiu viveret, voluit revelare: sed post mortem dicti Confessoris quasi jocando, & subridendo hoc alteri Confessori suo humiliter recognovit. Quibus positis, nemo est qui non videat, pium, laudabile, & sanctum esse, spontaneis verberibus suum corpus attingere; uti bene profequitur Mabillonius *loc. cit. num. 41.* In summa omnia satisfactionum & expiationum genera, que Poenitentibus a Sacerdotibus imponi possunt, & a Canonibus sunt præscripta, ea sponte sibi imponere & instigare licere, non dubito.

9 Rursum, si Petrus Damiani, Rodolphus Episcopus Eugubinus, Dominicus Loricatus, Gualbertus Abbas Pontisfariensis sanctimonie fama illustres, spontaneis corpus suum verberationibus afflixerunt, ut ipse Boyleau in *histr. Flagellantium* admittit, si nonnulli inter Sanctos relati hoc ipsum præstiterunt (ut infra videbitur) ecquis erit, qui spontaneo flagrorum usui, ejusque laudabili consuetudini obloqui ulterius audeat? *Hos duces* (verba sunt Mabillonii *loc. cit.*) *sequi non inverecundum, aut suspectum, immo perquam honorificum & tutum esse, nemo jure negaverit.* Addi posset, veterum Avellinatarum, & Eremitarum Camaldulensium consuetudines fuisse omnino concordēs in voluntariis verberationibus tum publice in Capitulo excipiendis, tum privatim in cellula sibi met inserendis, juxta ea quæ referuntur apud Abbatem Guidonem Grandum in *differat. Camaldulens. differ. 4. cap. 4. num. 7.* item, labente seculo XIII. piam quemdam Eremitam Perusinum, nomine Rainerium, Spiritu Divino instinctum, nomine Dei Perusinos monuisse, nisi poenitentiam agerent, fore ut universi misera & scæda morte ceciderent; eosque hoc sermone permotos se, sumptis ad id loris, cedere per urbem instructo agmine incedentes coepisse; tum urbe egressos, & ad vicina loca pergentes ex Thuscia in Marchiam devenisse: hunc porro religiosum modum poenitentiae ex urbe in urbem

420 .II DE SERVORUM DEI BEATIFICATIONE

traductum, ab Imolensibus exceptum, & quasi per manus Bononiensibus traditum, universam civitatem inflammasse, Sodalitate inchoata, quæ a recenti pionum simul coeuntium studio Societas appellata, post ab ipsa eroga pauperes hospitalitate *Hospitalis S. Mariae* vita nomen accepit, pio Eremita Rainerio Perusino supra memorato, qui Bononiam venerat, magna ad rem illam adjumenta subministrante, teste Sigonio *de Episcop. Bononiens. lib. 3.* Sprenndæ autem sunt oppositiones petitiæ a detrimento oculorum, & incitamento ad libidinem. Utcunque enim sit de probationibus; & exemplis relatis in *historia Flagellantium*, & apud Thomam Bartholinum, aliosque allegatos, hoc certum est, ex centum hominibus, qui se flagellant, vix unum inveniri, si modo invenitur, qui ex flagello incitetur ad venerem: cumque reliqui nonaginta novem rebelles carnis motus flagellando cohibeant, nemo est qui non videat, pium hunc usum licite ex prædicta ratione improbari non posse; & multo magis, cum ille, qui carnis rebellionem in ipsa verberatione experitur, non solum possit, sed etiam debeat ab ea se abstinere; quod ipsum fieri debet etiam ab illo, qui ex flagellis adhibitis visus detrimentum capit; nisi forte uterque, verberationis locum mutando, se ab utroque periculo liberare possit.

10 Nec urget, quod a Clemente VI. edita est Constitutio adversus Flagellantes, in qua vetitum est, ne de cetero Christiani fideles verberationibus utantur. Constitutio enim edita est adversus eos, qui ex Hungaria ortum ducentes viri & mulieres, per totam Germaniam superiorem & inferiorem, Poloniam, Galliam, Angliam, & Belgium bis palam de die, sed fere scurriliter, aculeatis funiculis ad sanguinem usque sese flagellabant; uti fuse refertur apud Spondanum in *continuat. anal. Card. Barenii ad an. 1349. num. 2.* & ex eo apud Josephum Binghamum *tom. 3. de antiquit. Ecclesiast. l. 6. 7. cap. 3. §. 12.* ubi etiam ille narrat depravatos eorum mores, & impia & hæretica dogmata, quæ profitebantur. In quo rerum themate unusquisque facili negotio cognoscere poterit, nullum hinc deduci posse argumentum adversus piam Sanctorum consuetudinem se flagris & loris percutiendi, ne caro adversus spiritum concupiscat. Quocirca ad rem subjicit Jacobus Gretserus de *spontanea disciplina (lib. 2. cap. 4. pag. 44. tom. 4. oper.)*: 'Non enim apta, aut valida est (inquit) hac consecutio: Hæretici hoc, vel illud fecere; ergo illicitum est: Alioqui texam & ego has, similesve consequentias: Hæretici olim, præsertim Montaniste, Quadragesimam exacte observabant, & extra hanc quoque Jejuniis impense vacabant; ergo illicitum est Quadragesimam, aut alia statâ jejuniâ observare: Hæretici Deum unum trinumque volunt; male igitur faciunt Orthodoxi, qui unitatem in Trinitate adorant. Uno verbo, quid non ex hoc principio, si semel recipiatur & approbetur, concludemus, etiam adversus istos, qui nobis cantilenam de Flagellantibus occinunt; qui non damnati sunt propter flagella (neque enim ignorarunt illius temporis Orthodoxi Sanctorum consuetudinem, qui flagellis sæpius in se animadvertunt) sed propter modum flagellationis, & circumstantias, crassosque errores, quibus incondita illa

illa multitudo infecta erat . . . (nam, quadraginta quatuor articulis contra Ecclesiam Romanam ab illis traditis, defensorumque fuisse, testatur etiam haereticus Munsterus) reiecti, damnatique fuerunt Flagellantes? Et paulo post: Itaque admodum inepti sunt, qui Catholicos hoc Flagellantium exempla urgent. Quid enim tam sanctum, laudeque dignum, quod in abusum ab improbis verti nequeat? Ne ipsa quidem sacrosancta Sacramenta ab exilio, relegatione iusta erant, si ita quis insinare velit. Si beneficia natura utentium prauitate perpendimus (inquit Seneca in fin. l. 5. quasi. nar.) nihil non nostro malo accipimus: Cui videre expedit? Cui loqui? Cui non vitia tormentum est? Nihil inuenies tam manifeste utilitatis, quod non in contrarium transferas culpa. Sic ventos quique natura bonos futuros inuenerat: ipsi illos contrarios fecimus: omnes in aliquod nos malum ducunt. Et infra: Non est autem silentio prateriendum mendacium Hispani Caluiniſta, qui in libro seſtorum Gentilium, ubi de flagellatione Spartacorum agit, scribere audeat, Clementem V. Pontificem Romanum sub poena excommunicationis lata sententia Flagellantibus, & omnibus Christianis prohibuisse, ne de cetero publicis flagellationibus uterentur, sed Poenitens clam, si vellet, se flagellaret: nihilominus tamen per Italiam, Hispaniamque in primis eiusmodi flagellationes retentas esse. Mentitur Caluiniſta: non enim prohibuit Clemens quasenique publicas flagellationes, sed illas Flagellantium, qui varias per urbes diuagabantur, magnamque manum post se traherant non sine periculo seditionis: inconsultis, quin & inuitis ac reclamantibus Ecclesie Praesulibus, contemptoque Clero, & despectis omnium Religiosorum Ordinum familiis. Qui profecto flagellationis modus ob has & multas alias peristases non potuit esse tolerabilis, praesertim, cum Flagellantes illi potissima ex parte constarent ex rudi, agresti, indocili, & incondita multitudine, sicut jam Anabaptistarum secta & factio. Et hinc solum flagellationis modum prohibuit Clemens V., vel, ut Nauclerus ait, Clemens VI. Neque hinc retinuerunt Itali, aut Hispani, ut isti fabulatur: neque turmatim varias regiones, flagellando, peragrant, ut faciebant Flagellantes, multoque minus peruersis illis de flagellatione persuasionibus imbuti sunt, quibus illi imbuti erant; sed intra eandem ciuitatem in Processionibus publicis, cum varia templa religionis gratia aduenies, disciplinas faciunt, praecipue diebus Quadragesima, illisque, quibus annua memoria Christi pro nobis passi & crucifixi receditur. Hanc flagellationem nullus unquam Pontifex prohibuit; & quoniam hoc disciplinarum obrectatores asserunt, toties a veritate avia deflectunt.

11 Haecenus Gretserus, qui Joannem Gersonem accusat, ex quo sui ipsius verberationem rejecit tanquam inhumanam & truculentam. Sed Theophilus Raynaudus oper. tom. 8. in maniffa ad indiculum Sanctorum Lugdunensium pag. 99. refert, Gersonem timuisse, ne sub umbra Poenitentiam, qui se cadentes S. Vincentium Ferrerium sequebantur, haereticis Flagellantium revivisceret, aut latius diffunderetur; & praeterea non omnia approbasse, quae fiebant a turbis dictum Sanctum comitantibus; at ab eo nunquam fuisse improbatum laudabilem usum verberationum: Itaque pro more sanctorum Patrum, qui ad alicujus erroris extirpationem securiorem videntur

tur inclinare in partem oppositam, visus est Gerso minus aquus in usum flagellationis. Et erant etiam adjuncta quedam in usu, cui Gerso ad versabatur, vel periculosa, vel improbanda. Nam passim fiebat tunc flagellatio publice, unde poterat vanitas & ostentatio obrepere. Turba item sequebatur Sanctum Vincentium per varia loca, qua discursationes non vacabant incommodis reprehensioni patensibus. Absoluit autem ac simpliciter loquendo, flagellationes, etiam a se ipso, & usque ad moderatum sanguinis effluxum, nec a Gersone sugillata sunt, nec potuerunt sugillari. Demum de laudabili spontaneæ verberationis usu hæc habentur in relatione Rotæ Auditorum in causa S. Ludovici Bertrandi (cit. de temperantia): Non immemor præcepti Davidici Psalm. 2. Servite Domino in timore, & exultate ei cum tremore; apprehendite disciplinam, nequando irascatur Dominus, & pereatis de via iusta; Beatus Ludovicus adeo flagellis cadebat corpus suum, ut non solum ejus disciplina, sed etiam parietes conspersi sanguine viderentur. Et hac multa solet commoda parere; nam, teste Sancto Cypriano in libro de disciplina, est custos Spei, retinaculum Fidei, dux itineris salutis, fomes ac nutrimentum bonæ indolis, magistra virtutis, facis in Christo manere. semper ac jugiter Deo vivere, & ad promissa celestia & Divina premia pervenire. Quod non incongrue potest intelligi de hac corporis flagellatione, sicut & supra dictus Propheta locus, ita ut nos hortetur, ut sensus coercemus; ne extra recti metas evagentur; ut corpus, ne lasciviat, comprimamus, & effrenatis ejus motibus domitis, castigemus: quod bene præstat ille, qui se cadit flagellorum aculeis; & aliqui Religiosi ante corporis flagellationem, præmittere solent dictum versiculum Apprehendite disciplinam.

12. Examini primi, & secundi puncti succedit examen tertii, an videlicet carnis & corporis mortificatio necessaria sit. Respondetur, præter jejunia, & cetera ab Ecclesia præcepta, eam non esse necessariam, ut homo salutem æternam consequatur. Non enim necesse omnibus est (verba sunt Cardinalis Bellarmini de septem verbis Domini lib. 2. cap. 10.) humi cubare, flagellis ad sanguinem usque corpus proprium cadere, jejunare quotidie in pane & aqua, cilicium asperum, vel ferream catenam ad nudam carnem quotidie gerere, & alia id genus ad carnem edomandam, & cum vitiis & concupiscentiis cruciendam facere. Est tamen modo infra explicando necessaria, ut quis ad apicem Christianæ perfectionis deveniat. Apostolus (uti supra vidimus) corpus extraordinariis afflictionibus in servitutem redigebat; ne forte, postquam aliis prædicasset, reprobis efficeretur, hoc est abjiceretur tanquam salute indignus, ex quo secundum carnem vixisset, contra quam aliis predicaverat. Itaque, si hæc de se scripsit Apostolus, postquam ad tertium cælum ascenderat, & in paradysum ductus arcana verba audiverat, quæ homini loqui non licebat, unusquisque ab hoc exemplo inferre poterit, non modo utilem, sed & necessariam pro Christiana perfectione esse examinationem corporis mortificationem; quemadmodum argumentatur fundatissimus Doctor Eftius ad cap. 9. cit. epist. ad Corinth. v. 27. Desumitur hoc ipsum ex doctrina S. Prosperi lib. 2. de vocatione Gentium cap. 28. ubi docet, ex-

cepto Christo, in ceteris hominibus, donec caro concupiscit adversus spiritum, & spiritus adversus carnem, immutabilem animi fortitudinem non posse reperiri; quod probat evidenti argumento ex oratione Dominica, qua non solum ab incipientibus, verum etiam a provectissimis Sanctis, inter quos Petrum nominat, uniformiter Domino supplicatur, & dicitur: *Nos inducas in tentationem, sed libera nos a malo*. Alii Patrum testimonia collecta legi possunt in *Ethica sacra* Hieronymi Dandini Societatis Jesu Presbyteri lib. 11. cap. 2. & 3. & Bernardinus Rosignolius ejusdem Societatis Theologus in *tract. de disciplina Christiana perfectionis* lib. 2. cap. 12. consentaneè ad supradicta scribit: *Debes proficiens animo maxime affectus esse erga genus vite severioris, suæque corpori ac sensui, hoc est veteri homini eam vexationem & mortificationem optare, quam vix, ac ne vix quidem possis efficere*. Et paulo post: *Et sane, hanc eandem fuisse vitam, hoc est vivendi rationem Jesu, intelligit, qui legit Evangelium, in qua, quam famem & sitim, quam inedia Dominus toleravit, quas vigilias susceperit, quanto, ut ita dicam, odio carnem suam innocentissimam sanctissimam habuerit propter salutem & institutionem nostram, quam semper animo paratissimus fuerit ad gravissima quaque mala nostri causæ expectanda & sustinenda, luce clarius intuemur*.

13 Simile illud est, quod a Philosophis, & Theologis dicitur de virtute temperantiæ. Quamvis enim non oporteat, ut quis virtute temperantiæ Christianæ præditus dici possit, ut in totum abstinere ab omnibus illis voluptatibus, quæ licitæ sunt, licet non necessariæ pro vita conservanda; necessarium tamen est, ut ab illis etiam abstinere, qui ad apicem Christianæ temperantiæ contendit; uti bene ratiocinatur Cardinalis de Aguirre in *disput. Ethic. disput. 6. de temperantia quest. 2. sect. 3. num. 26. pag. 299*. Non enim Christiana temperantia, aut frugalitas avertatur voluptates illas, quæ licite necessariae sunt vel vite simpliciter tuenda, vel in hoc, aut illo officio & conditione, aut uniuscujusque instituto conservanda, qui potius inclinat ad eas moderate, seu modicè accipiendas esse. Viri enim modicè temperati illas admittunt, quoties nec honestati, nec decori, nec damnum officio, aut recte rationi contradicunt, quamvis necessaria non sint nec ad vitam simpliciter tuendam, nec ad bonam habitudinem retinendam, comparandamve. Viri autem temperati in excellenti, aut eximio gradu ab iis omnibus, aut fere omnibus voluptatibus concessis, & non necessariis abstinere, ut perfectiori vite, & abstractiori studeant.

14 Sequitur, ut videamus, quomodo nonnulli Sancti in sui corporis afflictione se exercuerint. Theodoretus Episcopus Cyri in Concilio Chalcedonensi, & quinta Synodo Generali causa trium Capitulorum celeberrimam historiam scripsit religiosam, in qua refert vitas triginta Solitiorum Orientalium. Ex eo autem intelligimus *oper. tom. 3. part. 2.*, S. Jacobum Nilubenum sibi ipsi toto vite tempore interdixisse usum ignis, prostratum humi discubuisse, nec vestibus ex lana confectis, sed caprinis pellibus usum fuisse; S. Julianum panem ex fursure miliario confectum comedis-
& fere

424 DE SERVORUM DEI BEATIFICATIONE

& sere ab omni specie potus abstinuisse; S. Marcianum, qui famis ac fitis morbus continuo sustinebat, semel tantum, ac leviter qualibet die comedisse; S. Eusebium injectam renibus catenam ferream gessisse, & annis quadraginta duobus sine potu vixisse; SS. Publium seniore, & Simeonem se herbis tantum & fructibus aluisse; S. Theodosium Episcopum, præter renes, cilicio & catena ferrea collum & manus onerasse; S. Macedonium hordeo solo annis quadraginta vitam sustentasse; Abraham Episcopum integro sui Episcopatus tempore nec panem nec legumina gustasse, nec aquam bibisse; & adeo attenuatum continuis jejuniis S. Eusebium evasisse, ut, emaciatis lumbis, zona ad pedes identidem diffunderet. S. Hieronymus Pauli primi Eremitæ abstinentiam admirans, quod palma nimirum victum & vestitum Dei Famulo præstaret, ut dictis fidem faciat, statim addit (num. 6. col. 5. tom. 2. oper.): *Quod ne cui impossibile videatur, Iesum testor & Sanctos Angelos ejus, in ea eremi parte, qua juxta Syriam Saracenis jungitur, & vidisse me Monachos & videre, e quibus unus per triginta annos clausus hordeaceo pane & luvulenta aqua vixit. Alter in cisterna veteri (quam gentili sermone Syri Gubbam vocant) quinque carycis per singulos dies sustentabatur. In vita S. Hilarionis idem S. Hieronymus ait (num. 5. col. 15. eod. tom.): Herbarum ergo succo & paucis carycis post triduum vel quadriduum deficientem animam sustentabat: postquam retulit, eum a Satana fuisse pertentatum libidinum incendiis: Titillabat itaque sensus ejus, & pubescenti corpori solita voluptatum incendia suggererat. Cogebatur tirunculus Christi cogitare quod nesciebat, & ejus rei animo pompam volvere, cujus experimenta non noverat. Iratus itaque sibi, & poctus pugnis verberans (quasi cogitationes eade manus posset excludere): Ego (inquit) aselle, faciam, ut non calcitres, nec te hordeo alam, sed paleis, fame te conficiam ac siti, gravi onerabo pondere; per aestus indagabo & frigora, ut cibum potius, quam lasciviam cogites. De S. Antonio orbis miraculo scribit S. Athanasius in ejus vita (apud Bolland. ad diem 17. Januarii tom. 2. cap. 2. pag. 123.): Inedia autem & vigiliarum in tantum patiens erat, ut incredulitatem viribus vinceret. Pernoctabat in oratione sapissime, edebat semel in die post solis occasum; nonnumquam biduo triduoque sic permanens, quarta demum die reficiebatur. Sumebat vero panem, & sal, potumque aqua perparvum: & infra: *Quieti autem membra concedens, junco contexto atque cilicio utebatur, nonnumquam etiam super nudam humum jacebat. Ad quæ si aliquis alia ab Ecclesiasticis hitoris exempla desumpta præ oculis habere vellet, ea collecta legere posset apud Cardinalem de Lauræa in 3. lib. sent. tom. 2. dispus. 32. art. 16. num. 550. & seqq.**

15 Concordant bullæ Canonizationum. Affert Scæchus loc. cit. eas SS. Bernardi, Edmundi Episcopi Cantuariensis, Thomæ Episcopi Herfordienlis, & SS. Claræ, & Catharinæ Senensis. Addi posset bulla Canonizationis S. Francisci Assisienlis (pag. 61. cod. Canoniz.): *Carnem suam, quasi filiam unigenitam, qua ipsum interdum deceperat, cum Iphise Domino in holocaustum obtulit, igne supposito Charitatis, illam fame, siti, frigore, ac nuditate,*
vigiliis

vigiliis multis, & jejuniis macerandos; quæ cum vitii & concupiscentiis crucifixæ, dicere poterat cum Apostolo: Vivo ego, jam non ego; vivit autem in me Christus. Itemque bulla S. Petri de Alcantara (pag. 382. ibid.): Per quadraginta annorum decursum sequebatur tantum somno concessit. Jejunium amavit adeo, ut ad triduum ordinariæ, & ad octo aliquando dies inediam protraxerit. Asperissimo præterea cilicio armatus, brachia ferrea per viginti annos, præfixis aculeis corpus dilanians, bis in die flagellis in se crudelissime animadvertens, itinera, quamvis longissima atque asperissima, capite semper detecto nudisque pedibus per aestus & frigora suscipiens, ita ut, cum nudum caput imbribus & nivis exponeret, interdum capilli gelu concreti deciderent, & æstate præservida exurentibus aridis radiis capite vehementissime cruciaretur: respondere solitus interrogantibus, cur detecto capite semper incederet, nefas esse, coram Deo detecto capite ambulare. Cum vetustum ac vilem saccum abluebat, madidum corpori aptabat; quin etiam in gelidam aquam, rigente hieme, sese plerumque injiciebat. Præter hæc familiare illi erat, hieme summa, urgente nivis frigore, deposito pallio, fenestram & januam cellæ reserare, ut, frigidissimo excepto aere & gelu, acrius torqueretur caro, mox exstingenda diris cruciatibus, cum fenestram clausisset & januam. Eo devenit hæc sæva maceratione membrorum, ut ex narratione Sanctæ Terefiæ arido & exangui corpore radicum arboris speciem exhibuerit; oculis autem in cavum recedentibus, & sulcatis perpetuo lacrymarum imbre genis, mirabile Pœnitentiæ simulacrum videretur &c. Magna quoque sunt, quæ de carnis maceratione leguntur in bulla Canonizationis S. Rosæ Limanæ pag. 407. cod. Canoniz.; & quæ præterea referuntur a Cardinali de Lauræa, qui uti sacræ Congregationis Consultor in ejus causa suffragium tulit. Narratio, quæ sequitur, desumpta est ex 3. lib. sens. tom. 2. disput. 32. art. 16. num. 569. Hæc præ ceteris cellulam quinque palmorum altitudinis, trium vero latitudinis frequenter inhabitabat. Cilicio totam carnem vestiebat. In lecto extra cellulam ex lignis, saxis, ac textulis constructo, & cervicali ex lignorum quisquiliis referto cubabat. Funiculo ex clavo pendente capillos de nocte ligabat, ut, si quando gravatum præ somno caput deorsum declinaret, præ dolore excitaretur. Catenis ferreis carnem ad virorum penetrantibus succingebatur. Manus, quia alba & decora apparebant, calce virva ulcerabat. Corona aculeis perforantibus, & sæpe sanguinem elicientibus caput redimebat. Disciplinis ad sanguinem ita dire se excarnificabat, ut dorsum laceratum semper & plagatum gestaret. Oculos mordacibus liquoribus cruciabat. Fere perpetuo vigilabat. Pane vilissimo & modico reficiebatur; neque semper, sed interdum ingratis malorum medicorum seminibus in cibo utebatur. Palatum amarissimum solis, & gramatiliæ, ut dicunt, & fellis potu amaricabat, & vice quadam saniei vas ebibat. Ingentibus iliorum, stomachi, & calculorum doloribus afflictabatur. Ad ita corpus rationi subegerat, ut nudum imperturbata, sed lata ac gestiens Deum oraret, ut dolores auget.

16 Si omnia, quæ leguntur in relationibus Rotæ Auditorum, quæ ad præsens caput spectant, essent in hoc caput inferenda, caput profecto cresceret in immensum. Nonnulla tantum afferre animus est, ut digno-

scatur, Sanctos, qui Canonizationis honores consecuti sunt, five Pontifices, five Confessores, five Virgines, carnis & corporis macerationi, voluntariis adhibitis afflictionibus, maximopere studuisse. In relatione causæ S. Pii V. formis impressa in tomo posthumo annalium Abrahami Bzovii *tit. de temperantia*, narratur, eum, licet senem, jejunium servasse sacro Quadragesimæ & Adventus tempore, & ceteris statutis ab Ecclesia diebus; ingruentibus Ecclesiæ necessitatibus, sæpe sibi voluntarium jejunium indixisse; tribus tantum hebdomadæ diebus carnes comedisse, & carnem sibi a Ministris oblatam, instante mortis tempore; sed die, quo a carne sibi temperare consueverat, licet contritis cum amygdalis confusam, ne gustu perciperet, agnovisse, & rejecisse, & astantibus dixisse, se per unum aut alterum vitæ diem nolle custoditam per sexaginta annos vivendi legem revocare. In relatione causæ S. Caroli Borromæi 2. *part. argument.* 18. Rotæ Auditores hæc ex processibus hausserunt, illum coepisse primum semel in hebdomada jejunare; deinde secisse jejunium quotidianum; postea cibum serotinum omisisse; tum paulatim abstinuisse a vino, carnibus, ovis, & piscibus; & sibi ter vel quater in hebdomada jejunium præscripsisse ex pane & aqua; eodemque modo totam Quadragesimam perçisse, exceptis Dominicis diebus; præterea macerationi macerationem addendo, tempore Quadragesimæ etiam panem omisisse, & solas ficus aridas, & in hebdomada majori solos lupinos in aqua madefactos comedisse; quam vivendi rationem usque ad obitum protraxit. Addunt, eum aliquando a cibo & potu abstinuisse spatio horarum quadraginta, quo tempore jejunus in oratione perseveravit, & singulis horis prædicavit; insuper cilicium gessisse, usum esse *disciplina*, & ultimis annis vitæ dormiisse super paleis, & aliquando super nudis tabulis.

17 In causâ S. Francisci Salesii non fuit a Rotæ Auditoribus exarata relatio, cum ex alibi dictis tunc mos prædictarum relationum cessasset; sed de ejus abstinentia & afflictionibus corporis illustre testimonium perhibetur a Carolo Augusto Salesio ejus nepote in illius vita sæpe citata *lib. 5. pag. 239. Sed nec ob eminentem Episcopalem dignitatem indulgebat sibi, ut plerique solent: quoniam jejunium observabat rigidissime, scuticæque carnem macerabat suam usque ad sanguinem; sanguinolentiam enim scuticam suam sæpius Confessorio suo viro integerrimo resciendam dedit. At, ad relationes ut redeamus, in relatione causæ S. Francisci Xaverii *tit. de studio mortificationis, & operibus poenitentia*, desumptis ex processu probationibus, narratur, vinum & carnem in quotidiano victu eum non adhibuisse; panis triticeï ulum ab se abdicavisse in privata vita, & quoties apud alios non vinceretur; itinera, pedibus nudis inter vepres & sentes ambulando, & stipem colligendo, confecisse; corpus suum flagellis æneo filo contextis usque ad magnam sanguinis copiam percussisse; ad quatuor horarum spatium somnum contraxisse, & reliquum noctis tempus orando, & contemplando, aut ægros visitando consumpsisse. In relatione S. Ludovici Bertrandi *tit. de temperantia**

ranzia, refertur, partem obsonii in mensa cum comedisse, quæ vix ad hominis sustentationem sufficiebat, quem morem servavit etiam, dum munere predicationisungeretur; jejunium ita frequentasse, ut, contracta stomachi debilitate, aliquando in morbum inciderit; fal in cibis non adhibuisse, sed sere semper immiscuisse aloem fruticem amarissimum; ante ingressum in Religionem vel sedendo dormiisse, vel in parva arca cubavisse, & Religionem ingressum super scamno dormiisse, & loco pulvinaris duobus libris usum esse, præter spontaneas verberationes, & disciplinas, de quibus in eadem relatione, uti supra visum est. In relatione demum S. Mariæ Magdalensæ de Pazzis, tit. pariter de temperantia, exponitur, eam per quinquennium solo pane & aqua vixisse, exceptis tantum diebus Dominicis, quibus comedit cibos Quadragesimales; aliis duobus sequentibus annis non dissimili modo se gessisse, adhibito vini potu duobus tantum diebus hebdomadæ; in prima ætate sacco usam fuisse pro culcitra; per tres annos nudis pedibus incessisse, nulla habita cujuscumque frigoris ratione; integras noctes orando transegisse; ferroque cingulo & cilicio carnes contrivisse. Atque hæc, & multa similia passim habentur in relationibus, quas Rotæ Auditores exararunt in causis SS. Cajetani, Francisci Xaverii, Joannis de Deo, Jacobi de Marchia, Francisci Borgiæ, Paschalis de Baylon, Andreæ Avellini, Felicis de Cantalicio, Aloysii Gonzagæ, Franciscæ Romanæ, & Catharinæ de Ricciis.

18 Superest, ut videamus, an & quomodo in Canonizando necessaria sit carnis & corporis mortificatio, ita ut, ea deficiente, ad ulteriora in causa procedendum non sit. Porro, si questio sit de his, qui adeo a carnis & corporis afflictione abstinerunt, ut illud nimis dilexerint, & cibo potuque, & aliis sensibilibus delectationibus ultra necessitatem aluerint; nemo est qui non videat, ex his insuperabile derivari impedimentum, ne ad ulteriora in eorum causa procedi possit, licet ea aliis operibus meritorii & eximii esset plenissime instructa. Sufficit enim corpori (verba sunt S. Gregorii Nazianzeni orat. 44. oper. tom. 1. pag. 705.) malitia sua. Quid flamma ampliore materia opus est, aut bellua copiosiori alimento, ut effrenatior reddatur? Optime S. Basilii oper. tom. 2. pag. 181. Nec corporis habenda est major cura, quam quantum anima proficiat &c. Nam omne studium huc conferre, ut corpus quam optime se habeat, non hominis est semet cognoscentis &c. Quid autem quis dixerit de non perquirendis tactus gustusque voluptatibus, nisi quod cogant eos, qui his captandis vacant, ad ventrem, & ad ea quæ sub ventre sunt, pecorum more pronos ac propensos vivere? Uno verbo, totum corpus contemnendum est ei, qui in ipsius voluptatibus quasi in cœno nolis volutari: aut tantum ei indulgendum est, in quantum, inquit Plato, philespbia inservit: non longe alter locutus, atque Paulus, qui monet, nullam corporis habendam curam ad cupiditatem materiam &c. Quapropter ratione plane contraria corpus castigandum est & cobibendum, haud secus ac impetus cujusdam belluæ; atque ii tumultus qui ab ipso in anima excitantur, ratione, veluti flagro, compescendi sunt, non

*autem, habentis volucribus omnino laxatis, negligenda mens est, adeo ut quasi auriga, qui ab equis effrenis violenterque agitato abreptus sit, ducatur. Idem quoque iudicium crederem esse ferendum de iis Dei Servis, qui, licet similia non præstiterint, & a nimio corporis amore abstinuerint, corporis & carnis nihilominus macerationi, dum viverent, nullatenus vacarunt. Licet enim ex supra dictis mortificatio per longa & non præcepta jejunia, per extraordinarias vigiliis, per chameunias, & verberationes sponte susceptas, absolute & simpliciter non requiratur, ut quis salvam facere possit animam suam; cum tamen requiratur, ut quis ad apicem Christianæ perfectionis perveniat, & in Ecclesia militante non omnes, qui pie in Domino moriuntur, sed illi soli, quos claris probationibus ostenditur ad apicem Christianæ perfectionis pervenisse, in album Sanctorum referantur; dubitari non poterit de veritate asserti a Scacchio, qui *loc. supra cit.* docuit, causæ Servi Dei Confessoris silentium esse imponendum, si in ea desint probationes adhibitæ, dum viveret, debitæ & congruæ corporis mortificationis.*

19 In superioribus visum est, quantum sanctitati profit oratio, quantum contemplatio. Porro si delit carnis & corporis mortificatio, difficile admodum est, ut contemplationi via aperiatur, teste Gersonio (*oper. tom. 2. in tract. de non esu carniarum apud Carthusienses col. 726.*); Tribulationes itaque corporis dilatant animam ad superiora, & ad inferiora ne dilabatur, stringunt. Sic non inveniunt anima, ubi sua affectionis pes dilatetur aut quiescat; quantam inundaverunt aqua tribulationis super terram sensualitatis, regredi compellitur cum columba ad interioris arcem quietis. Qui vero jejunii talis, atque tribulationum ceterarum asperitatem a se jugiter repulerit, mirabor, si non expertus eris elevatae contemplationis, & si non assidue per ima serpet ejus animus, contentus communi modo cognitionis aliorum, sicut a communi ritu vivendi, vel ad tempus, non semet abducit. Videtis ergo quantum serviti contemplationis virtuti, in qua felicitatem Philosophi posuerunt, ipsa victus asperitas. Porro quid aget fortitudinis virtus, quid zelus animarum, quid Spes, quid Fides, & Caritas, vel ut ipsa in hominibus generentur, vel genita conserventur, augeantur, roborentur? Æstimo non magni pendens corporis jacturam, dummodo per eam finis suus habeatur. Ceterum attende tibi quid debeas animæ sanitati, & curationi a vitiis, quando.

Ut corpus redimas, ferrum patieris & ignem, inquit Naso de remed. amor. v. 229.



CAPUT XXIX.

De modo adhibendo in carnis & corporis mortificatione.

Iuxta illa quæ supra dicta sunt de carnis & corporis mortificatione, ea pertinet ad virtutem temperantiæ. Mediocritas autem temperantiæ, sicut & aliarum quarumlibet virtutum, inventu difficilis est, cum uno duntaxat modo attingatur, & sere innumeris ab ea recedi possit; unde in proverbium abiit illud Poetæ: *Medium tenere beati*. Ut autem modus mortificationis carnis & corporis adhibendæ in re, de qua nunc agitur, explicetur, prænoscere opus est, corporis afflictiones non esse virtutes, sed instrumenta virtutum; ideoque esse debita cum moderatione exercendas; non oportere, omnes in omnibus esse æquales; locum nonnullis ex eis omnino non esse, cum ex usu proprii ministerii aliarum virtutum impedimentum derivari potest, aut singularitatis vitium ex aliquarum afflictionum exercitio oriri; laudandas demum eas esse, quæ prudenti Magistri spiritualis consilio adhibentur.

2 Dictum est autem, corporis afflictiones & mortificationes non esse virtutes, sed instrumenta virtutum; & sic esse debita cum moderatione exercendas. Postquam Apostolus ad Romanos cap. 12. v. 1. dixerat, *Obsecro itaque vos... ut exhibeatis corpora vestra hostiam viventem, sanctam, Deo placentem*, subiicit: *rationabile obsequium vestrum*. Ad quem locum Glossa interlinearis habet: *Cum discretionē, ne quid nimis*. Concordant Lyranus, & Theodoretus. Lyranus enim *rationabile* explicat ita ut sic maceretur corpus, ut servetur, & vitia excludantur; quia non debet corpus reddi ineptum ad debita opera & officia exequenda. Theodoretus autem: *Adhæretur*, ut (nostra corpora) *fiant hostia, & appellat hostiam viventem*; non enim jubet, ut maculentur corpora, sed ut sint peccato mortua. Communis quoque hæc est Asceticorum sententia. Rosignolius de disciplina Christianæ perfectionis lib. 2. cap. 12. ita scribit: *Ieiunia, vigilia, & alia huiusmodi corporis afflictiones non tam perfectio sunt, quam instrumenta perfectionis, ut docet Cassianus, & confirmat Sanctus Thomas: non enim corpus deprimimus, quia ejus demolitionem ac interitum appetamus, sed ut ejus dejectione ac mortificatione nobis gradum ad virtutem perfectionemque faciamus. Eatenus igitur corpus affligendum, quatenus id ad perfectionem consequendam confert. Adhæret Ludovicus Bloisius Abbas Lethienlis in institutione spirituali cap. 2. §. 2. pag. 301. Corpus ergo suum Asceta nimia abstinentia, nimisque vigiliis, atque asperitatibus ex propria voluntate susceptis non opprimat, neque rursum illud nimis blande curet, sed sancta discretionis moderamen in omnibus servet, & aliorum sanis consiliis acquiescat. Sequitur Dandinus in Ethica sacra lib. 12. cap. 5. Quoniam carnem suam nemo odio habet, sed nutrit & fovet eam, ultro concedam, eam moderate castigandam esse, non occidendam ac perdendam, sed prudenter ac discrete subju-*
gan-

gandam. Quibus consentit doctrina D. Thomæ infra memoranda. Nec omitti potest doctrina S. Catharinæ Senensis epist. 360. tom. 3. pag. 757. num. 4. Alcune volte sono molti che ricevano inganno nella penitenza. Questo è quando la creatura si pone per principale affetto la penitenza, ed attende più ad uccidere el corpo, che la propria volontà, colà dove ella debba uccidere la volontà, e mortificare el corpo, e tanto amore vi pone, che non li pare potere avere Dio senza questa penitenza. Questo fondamento non è sufficiente da ponervi su grandi edifizii, anco è molto pericoloso e nocivo all' anima, e però non si debba ponare per fondamento ec. La penitenza si debba pigliare per strumento, & usare per augumentare la virtù, e non per mortificare el corpo, ma non per principale affetto. Chi fa altrimenti, inganna molto se medesimo. Et in dialog. cap. 104. tom. 4. pag. 165. E però non debbono esser ignorantì, ma debbono vedere, che la perfezione non sta solamente in macerare, nè in uccidere il corpo, ma in uccidere la propria e perversa volontà.

3. Dictum est, non oportere, ut omnes in omnibus Dei Servis sine æquales. Equis enim est qui asserere audeat, non esse Canonizationis honore decorandos Dei Servos, qui sine cibo & potu jejuniū ad quadraginta dies non protraxerint, qui a Domino dimidium panis pro victu quotidiano cælitus mittendum non expectarint, qui solo pabulo sanctissimæ Eucharistiæ non vixerint, qui toto vitæ tempore pedibus innixi in columna non permanserint; quia videlicet Moyses, Elias, & Christus Dominus sine cibo & potu jejuniū ad quadraginta dies protraxerunt; quia, teste S. Hieronymo, S. Paulus primus Eremita dimidium panem a Deo quotidie miraculo recepit, ut viveret; quia nonnulli non alium panem pro victu sumpserunt, quam Eucharisticum; quia aliqui in columnis pedibus innixi per multos annos permanserunt, aut habitaverunt in sepulcris, in carceribus, in ergastulis? Fuerunt hæc quidem a nonnullis Sanctis feliciter patrata, verum a speciali Divino instinctu ea certe manarunt: scriptis quoque mandata sunt, non ut imitationi exponerentur, sed ut in iis prædica-remus infinitam Dei potestatem & sapientiam, qui in Sanctis suis mirabilis est, & qui aliquando nonnulla præcipit, quæ fieri quidem vult ab ali- quibus, sed, quo consilio ea fieri velit, homines interim vult latere, donec intremus in sanctuarium ejus, & intelligamus in novissimis illius, quemadmodum bene advertit Rosignolius cit. cap. 12. §. Tertium caput. Nonnulli item Sancti a vino bibendo prorsus toto vitæ tempore, vel plurium annorum spatio abstinerunt: equis autem erit, qui iccirco a Dei Servo, qui debilitate stomachi, aut mala corporis totius, vel aliquorum mem- brorum affectione laboret, tamquam necessariam pro ejus Canonizatione omnino exigat a vino abstinentiam? Apostolus in epist. 1. ad Timotheum cap. 5. v. 22. ait: *Te ipsam castum custodi, noli adhuc aquam bibere, sed modico vi- no utere propter stomachum tuum, & frequentes tuas infirmitates. Quæ Aposto- li verba sic explicat Etlus: Timotheus, ut castum semetipsum servares, car- nis lasciviam aquæ potu reprimebas, & ita quidem, ut a vino prorsus absteret*

non

non sine dispendio sanitatis sui corporis. Dicit ergo ei Apostolus: *Quamvis castitatis te admoneram, nolo tamen, ut in alteram partem pecces, & aqua potu valetudinem ledas.* Nonnulli Sancti ab esu carnum toto vitæ tempore abstinerunt: ecquis autem erit, qui Dei Servum carnes moderate comedentem reprehendere possit? De Sancto quippe Antonino Archiepiscopo Florentino habetur apud Bollandianos *tom. 1. ad diem 2. Maji pag. 328.* carnibus usum fuisse ob languores stomachi, perdoes autem sibi appositas non agnovisse. Monachi Carthusiani a carnibus abstinent, sed ova comedunt. Religiosi Ordinis Minorum nec carnes, nec ova comedunt, cibisque tantum Quadragesimalibus utuntur: ecquis autem erit, qui Dei Servum non Carthusianum, nec Minimum arguere rationabiliter possit, si aliquando pro victu carnibus & ovibus usus sit? Denique multi Sancti (uti vidimus) corpus continuis & magnis verberationibus afflixerunt: ecquis autem rationabiliter hujusmodi verberationum usum exposceret in causa Servi Dei, qui similis esset S. Gregorio de se ita scribenti ad Eulogium Patriarcham Alexandrinum (*epist. 35. lib. 10. col. 1064. tom. 2. oper.*): *Eccce enim jam biennium pane expletur, quod leitulo teneo.* Et in epistola ad Marinianum (*32. lib. 11. col. 1115. loc. cit.*): *Multum enim jam tempus est, quod surgere de leitulo non valeo; nam modo podagra dolor cruciat, modo nescio quis in toto corpore cum dolore se ignis expandit, & si plerumque, ut uno in me tempore ardor cum dolore confligat, & corpus in me animusque deficiat.* Quis requireret in Dei Servo jam sene omnium corporalium afflictionum usum, quem in juvenili, aut virili ætate adhibuit? S. Hieronymus in epistola 52. ad Nepotianum *num. 3. col. 254. oper. tom. 1.* hæc scribit: *Omnes pene viriutes corporis mutantur in senibus, & crescente sola sapientia, decrescunt cetera, jejunia, vigilia & elemosyna, chamœnia, (id est super pavementum dormitiones) huc illucque discursus, peregrinorum susceptio, defensio pauperum, instauratio orationum perseverantia, visitatio languentium, labor manuum, unde praebeamur elemosyna. Et, ne sermonem longius traham, cuncta, quæ per corpus exercentur, fracto corpore, minora fiunt.*

4. Dictum est, locum esse non posse illis abstinentiis, jejuniis, verberationibus, & ceteris corporis afflictionibus, ex quarum usu proprii ministerii, aut aliarum virtutum impedimentum derivari potest. Sententia S. Basilii est *cap. 4. Constit. monast. pag. 544. tom. 2. oper.*, ita amplectendam nobis esse continentiam, ut eam cum viribus corporis commetiamur. Sententiam hanc pluribus illustrat Rosignolius *cit. cap. 12.* ubi post plura concludit: *Est igitur sententia sancti Patris hæc, sustentandum esse corpus, ut par sit oneribus Christianæ vocationis, quacumque ea sit, ferendis; eaque in voluntariis jejuniis, vigiliis, & aliis corporis vexationibus regula servanda, quæ nihil impediunt munera recta, & ex Deo instituta cujusque vitæ.* Concordant ceteri Ecclesiæ Patres; S. Hieronymus videlicet *epist. 125. ad Rusticum n. 7. col. 930. loc. cit.* ubi ait: *Jejunia moderata sint, ne nimia debilitent stomachum, & majorem refectiorem potestatem erumpant in crudelitatem, quæ patens libidinem* est.

est. Medicus ac temperatus cibus & carni & anima utilis est; S. Gregorius M. (lib. 30. moral. cap. 18. num. 63. col. 984. tom. 1. oper.) Sic enim necesse est, ut arcem quisque continentia teneas, quatenus non carnem, sed vitia carnis occidas; nam plerumque, dum plus justo caro restringitur, etiam ab exercitatione boni operis enervatur, ut ad orationem quoque, vel predicationem non sufficiat, dum incentiva viriorum in se funditus suffocare festinat. Adjutorem quippe habemus intentionis interna hunc hominem, quem exterius gestamus, & ipsi insunt motus lascivia, ipsi affectus suppetunt operationis bona. Sepe vero, dum in illo hostem insequimur, etiam civem, quem diligimus, trucidamus; & optime demum S. Thomas Theologorum princeps rem acutissime de more explicat: cum enim Quodlibet. 5. art. 18. quaestionem instituat, utrum homo possit peccare nimis jejunando, vel vigilando, ait: Respondeo dicendum, quod secundum Philosophum in 1. Politic. aliter est judicandum de fine, aliter de his, quae sunt ad finem. Illud enim, quod queritur tamquam finis, absque mensura querendum est; in his autem, quae sunt ad finem, est adhibenda mensura secundum proportionem ad finem: sicut Medicus sanitatem, quae est finis ejus, facit, quantumcumque potest, majorem; sed adhibet medicinam, secundum quod convenit ad sanitatem faciendam. Est ergo considerandum, quod in spiritali vita dilectio Dei est sicut finis; jejunia autem, & vigiliae, & alia exercitia corporalia non quaruntur tamquam finis, quia, sicut dicitur ad Romanos 14. Non est regnum Dei esca, & potus; sed adhibentur tamquam necessaria ad finem, id est ad domandas concupiscentias carnis, secundum illud Apostoli 1. ad Corinthios 9. Castigo corpus meum, & in servitutem redigo. Et ideo hujusmodi sunt adhibenda cum quadam mensura rationis, ut scilicet concupiscentia devinetur, & natura non extinguatur, secundum illud ad Romanos 12. Exhibeatis corpora vestra hostiam viventem; & postea subdit: rationabile obsequium vestrum. Si vero aliquis in tantum virtutem naturae debilitet per jejunia, & vigiliis, & alia hujusmodi, quod non sufficiat debita opera exequi, puta, Predicator predicare, Doctor docere, Cantor cantare, & sic de aliis, absque dubio peccat; sicut etiam peccaret vir, qui nimia abstinentia se impotentem redderet ad debitum uxoris reddendum. Unde Hieronymus dicit: De rapina holocaustum offert, qui vel ciborum nimia egestate, vel somni penuria immoderate corpus affligit &c. Et S. Bernardus (ut est ibidem in argumento Sed contra) confitebatur, se peccasse de hoc, quod nimis corpus suum jejunando & vigilando debilitavit. Similia tradit S. Doctor 2. 2. in quaest. 83. art. 2. ad tertium: Maceratio proprii corporis, pnia, per vigiliis & jejunia, non est Deo accepta, nisi in quantum est opus virtutis; quod quidem est, in quantum cum debita discretionem sit, ut scilicet concupiscentia refringeretur, & natura non nimis gravetur: itemque in quaest. 146. art. 1. corp. ubi docens, abstinentiam non esse actum virtutis, nisi ratione regatur, asserit, id voluisse significare Divum Petrum illis verbis 2. epist. cap. 1. v. 6. In scientia autem abstinentiam ministrare: Ut scilicet (ita interpretatur S. Thomas) homo a cibis abstineat, prout oportet pro congruentia hominum, cum quibus vivit, & persona sua, & pro valetudinis sua necessitate: praeterea in quaest. 147.

art. 1. ad secundum, & quest. 184. art. 9. in corpore, & alibi sæpius. Præclare demum Giuio Abbas in tract. de vita solitaria ad Fratres de Monte Dei edito inter opera Sancti Bernardi cap. 11. col. 219. num. 32. oper. tom. 2. scribit: Sunt & alia corporis exercitia, in quibus necesse est corpus laborare, sicut sunt vigilie, jejunia, & alia hujusmodi, quæ spiritualia non impediunt, sed adiuvant, si cum ratione & discretionem fiant &c. Affligendum aliquando corpus est, sed non contemnendum: nam etiam corporalis exercitatio ad modicam quidem valet, sed tamen utilis est. Nec aliter S. Franciscus Salesius in introduct. ad vitam devotam part. 3. cap. 23. scribit: Il difetto di questa moderazione ne' digiuni, discipline, cilicii, ed asprezze rende inuisi al servizio della Carità i migliori anni di più persone, come fece all' istesso S. Bernardo, che si doleva d'aver usata troppa austerità: Et infra: Se la fatica che voi farete, vi è necessaria, è molto utile alla gloria di Dio, io amo meglio, che sopportate la pena della fatica, che quella del digiuno. Questo è il sentimento della Chiesa, la quale per le fatiche utili al servizio di Dio, e del Prossimo, disobbliga quelli, che le fanno, dal digiuno eziandio comandato.

§ Quid autem dicendum erit de iis, qui carnem & corpus ita torquent extraordinariis afflictionibus, ut ab exercitio operum bonorum, quæ ex instituto facere tenentur, non impediuntur quidem, sed tamen mortem sibi accelerent, & vitæ tempus brevius efficiant? De quodam Abbate Myrogene in prato spirituali Sophronii cap. 8. pag. 858. apud Rosweydam hæc leguntur: Senex quidam erat in eodem monasterio Turrium Myrogenes nomine, qui ob nimiam austeritatem vitæ hydropicus effectus fuerat. Dicebat autem jugiter his senibus, qui ad eum conveniebant visitandi gratia: Orate pro me, Patres, ne interior homo hydropicus fiat. Ego enim, ut in hac infirmitate diutius durem, Deum oro. Auctor vitæ S. Bernardi lib. 1. cap. 8. num. 41. col. 1094. oper. vol. 2. narrat, eum se excusasse, quod immodicis jejuniis & macerationibus adeo corpus afflixisset, ut sibi mortem acceleraverit: Esti nimietate forsitan excessisti, piis certe mentibus non de nimietate, sed de fervore exemplum reliquit. Quid autem eum nitimur excusare, in quo ipse, qui veretur omnia opera sua, non confunditur usque hodie se accusare, sacrilegi arguens semetipsum, quod servitio Dei & Fratrum abstulerit semetipsum, dum indiscreta fervore imbecille illud reddideris, ac pene inutile? Cardinalis Cajetanus in 2. 2. D. Thoma quest. 147. art. 1. rem theologice perpendit, & docet, eum peccare, qui ex proposito abstinet, ut moriatur, vel infirmetur; eum quoque peccare, sed leviter, qui advertit, se excedere, sed putat bene facere; eum denique non peccare, qui non advertit, se excedere. At, utcumque sit de hac Cajetani doctrina, varii sunt termini nostræ vitæ: alii videlicet supernaturales, qui nobis a summo Deo providentia admirabili sua constituti sunt, quique nullo consilio & nulla arte produci possunt, juxta illud Job cap. 14. v. 5.: Constituisti terminos ejus, qui præteriri non poterunt. Alii sunt naturales, qui naturæ beneficio pro cujusque vario temperamento, corporis structura, & vitæ firmis infirmisve principiis, uni-

434 DE SERVORUM DEI BEATIFICATIONE

cuique attributi sunt. Non enim omnibus idem vite finis est, sed alii alius pro temperamenti bonitate, victus ratione, salubritate cæli, & loci: & hi naturales termini arte produci possunt ad quemdam temporis articulum. Denique alii sunt termini, qui ob inopinatos casus nullis certis temporum spatiis inclusi, evenire in singula momenta homini possunt per eas, quæ inopinato eventu accedunt, causas vitam præripientes, vulnera putæ lethalia, lapsus, incendia, venena; qui termini ab Avicenna abbreviari vocantur, quique interitum subito afferentes, ut nullum habent certum tempus, quo eveniant, sic nullis prædiis produci possunt; quemadmodum docet Baptista Codronchius *de Christiana & sua medendi ratione lib. 2. cap. 1.*

6 His præmissis, tria pro clara quæstionis resolutione perpendenda esse videntur. Primum, an quis licite immodicas abstinencias, jejunia, vigiliæ, labores, verberationes, atque similia exercere possit, ut moriatur, vel ut terminos vite naturales breviores sibi constituat: & quoad hoc communis est sententia Theologorum, quos infra memorabimus Cajetano assentientes, id illicitum esse, & fieri non posse sine gravi peccato. Secundum est, an ex supradictis jejuniis, vigiliis, non modicis verberationibus mors sequatur, aut abbreviatio terminorum naturalium nostræ vite: & quoad hoc responderi posse videtur, id esse probabile, sed non certum, vel quia juxta Hippocratem, *quæ ex longo tempore consueverunt, etiam deteriora fiunt, assuetis minus molesta esse solent*, quod longa exemplorum serie confirmat Gaspar a Reyes in suis quæstionibus quæst. 93; vel quia novum non est, speciali Dei providentia contingere, ut rigidissimi Poenitentes vitam ultra consuetos ceterorum hominum terminos produxerint, quemadmodum patet exemplo SS. Pauli prim. Eremitæ, Antonii, Arsenii, Euthymii, Theodosii, Joannis taciturni, Quiriaci, Zosimi, & aliorum, qui vite maximis incommodis attriti eam ultra centum annos produxerunt; uti ad rem argumentatur Auctor Theologiæ Clausstralis firmiter Romanis impressa anno 1731. tom. 2. cap. 22. quæst. 6. pag. 335. Tertium est, an, seclusa intentione sibi mortem inferendi, aut vitam abbreviandi, possit quis licite asperum vite genus amplecti ob finem supernaturalem, ut Deo videlicet inserviat, ut concupiscentiam frenet, etsi prævideat, illud sibi esse mortem acceleraturum: & in hoc vera est Theologorum sententia, ea licite & cum merito fieri posse. Ita Azorius *instit. moral. tom. 3. lib. 2. cap. 3. quæst. 13.* Cardinalis de Lugo *de justit. & jur. tom. 1. dispus. 10. sect. 1. num. 32. & seqq.*, Filliuc. *oper. moral. tom. 2. tract. 29. cap. 4. num. 78. quæst. 8.* Theophil. Raynaud. *oper. tom. 14. pag. 275. num. 13. & seqq.*, & Auctor Theologiæ Clausstralis *loc. cit.* ubi exempla profert Sanctorum, & cœtuum Regularium a Sede Apostolica approbatorum; quibus addi possunt, quæ habentur apud Surium *ad diem 5. Maji* de S. Hilario Episcopo Arelatenſi num. 11. pag. 81.: *Abstinendo victu, operi insistendo, itinera pedibus conficiendo ita se tenuerit, fatigavit, exhaust, ut vix quadragesimi octavi anni curriculum adimpleret.*

7 Dictum

7 Dictum denique est, singularitatis vitium in corporis afflictionibus & mortificationibus esse evitandum; quod potissimum sibi vindicat locum in his, quæ palam fiunt, & quoad eos Dei Servos, qui vitam suam in aliqua Religiosa familia ducunt. S. Bernardus *serm.* 1. *Dominica sexta post Pentecosten* num. 3. *col.* 945. *oper.* vol. 1. sic suos Monachos alloquitur: *Fugite obstinationem, & nequissimum vitium singularitatis.* Idem in *tract. de gradibus humilitatis* cap. 14. num. 42. describens Monachum singularitatis vicio infectum subjicit *col.* 582. *vol.* cit.: *Turpe est ei, qui se supra ceteros jactat, si non plus ceteris aliquid agat, per quod ultra ceteros appareat. Proinde non sufficit ei, quod communis monasterii Regula, vel Majorum cohortantur exempla. Nec tamen melior esse studet, sed videri: non melius vivere, sed videri vivere, gessit; quatenus dicere possit, Non sum, sicut ceteri hominum. Plus sibi blanditur de jejunio, quod, ceteris præstantibus, facit, quam si cum ceteris septem dies jejunaverit.* De S. Joanne Climaco scripsit Daniel Monachus in vita ejusdem, (quæ est in *Bibliot. veter. Patr. tom.* 10. *pag.* 386.): *In mensa nihil rejiciebat, quod a vite Religiosæ instituto, legibusque non abhorrebat, sed cibum ita modice sobrieque sumpsit, uti gustare potius, quam edere videretur. Atque ita, existimo, fracto cornu superbia per sobrietatem quidem, sed brevitate prandii & cœne, dominam voluptatem multis exitiosam elisit.* S. Basilius in *Reg. brev.* cap. 138. *pag.* 461. *oper.* tom. 2. interrogationi, an in familia Fratrum permitti alicui debeat, ut plus, quam ceteri, jejunet vigiletque ex proprio voluntatis arbitrio, respondet: *Cum Dominus dixerit, Descendi de cælo, non ut faciam voluntatem meam, sed voluntatem ejus, qui misit me, Patris; quidquid quis fecerit ex propria voluntate, id, cum facientis sit proprium, alienum est a pietate:* Et sequitur Cassianus *lib.* 5. *cap.* 23.: *Quidquid autem extra consuetudinem præsumitur, usumque communem, ut vanitatis, & gloriæ, atque ostentationis morbo pollutum antiquissima Patrum traditio notavit. Quocirca in abinentiis & jejniis quasdam Religiosas personas, quæ in aliorum Sanctorum relatæ sunt, legimus ita se gessisse, ut ab omni singularitate abstinerent, ne forte ostentationis vicio inquinarentur.* De S. Thoma Aquinæ in *bullâ Canonizationis* *pag.* 136. *cod. Canoniz.* legitur: *Præterea vir Dei cibus Religiosorum, vestimentisque communibus contentus, conversatione mitis &c.; & in processibus causæ ipsius apud Bollandianos tom.* 1. *ad diem* 7. *Martii* *cap.* 5. *num.* 42. *pag.* 699. testis sic asserit: Et erat magna honestatis, & pudicitie, & magna sobrietatis, numquam petens speciales cibos, sed tantum contentus erat his, quæ apponebantur sibi, & illis temperate & sobrie utebatur: & alius testis *num.* 47. *In cibo & potu fuit tanta sobrietas, quod singularitates ciborum non petebat, nec etiam curabat de cultu vestimentorum. Mastesjes in vita S. Ignatii Loyolæ lib.* 3. *cap.* 12. hæc scribit: Nullum edulii, vel condimenti genus cuiquam indixit; nihil umquam inter edendum est questus, licet per adjutorum inscitiam incuriamve cibaria male cocta conditaque, vinum etiam fugiens, aut acidum præberetur; nihil denique sibi proprie apponi voluit umquam, & graviter administrum aliquando puniit, quod una racemum uni sibi

præter ceteros attulisset : quæ sane peritus rerum æstimator haud ita leviter duxerit , si hominis vel ætatem ipsam , cui multa dantur , vel infirmitatem valetudinis plura imperantem , vel denique summam inter suos potestatem , & licentiam , ut ita dicam , suo arbitratu utrendi consideret . De S. Thoma à Villanova hæc habentur apud Michaelém Salonem in ejus vita lib. 2. cap. 2. : Non excessit in cibo id , quod Religiosus comedere solebat juxta usum suæ provincie , lautiorémque mensam parari jubebat , dum cum aliis simul comederet . In vita S. Philippi Nerii lib. 2. cap. 14. num. 6. hæc habentur : Diceva , che a tavola , dove si convivè , si deve mangiare d'ogni cosa . Et ejusdem libri cap. 17. num. 26. È però esortava , che si suggisse ogni singolarità , origine per lo più e fomento di superbia , massimamente spirituale . Demum S. Thomas loquens de vita Christi , & S. Joannis Baptiste dicit 3. part. quest. 40. art. 2. ad primum : 'Otraque autem vita est licita & laudabilis , ut scilicet aliquis a consortio hominum segregatus abstinentiam servet , & ut in societate aliorum postius communi vita utatur ; & ideo Dominus voluit utriusque vitæ exemplum dare hominibus .

8 Itaque concludendum est , in Canonizandis docendum esse de corporis afflictione ; exceptis iis , qui alicui coenobitico Instituto nomen dederunt , quos probandum est , eas non omisisse asperitates , quæ in Regula præscriptæ sunt : quoad alios Dei Servos non unum afflictionis , sed varium esse modum , ut varis corporum humanorum constitutiones , varia valetudinis ratio , varia item ingenia , non eadem omnibus ad virtutes occasiones & incitamenta , cum plura aliquibus impedimenta opponantur , aliis pauciora . Qui cupit non errare , non arbitratu suo , sed aliorum consilio in assumendis afflictionibus uti debet , quemadmodum ait S. Basilii his verbis loc. cit. : *Quod si quispiam existimat opus sibi esse asperitate majore , sive in jejuniis , sive in vigiliis , sive in quacumque alia re , patefaciat rei communi præfectis hanc ipsam rationem , ob quam asperitate majori indigere se arbitratior : quod autem ipsis probatum fuerit , observet . Sape enim alio potius modo necessitati ipsius consulere oportebit .* Cohærenter ad hæc Ascetici his in rebus consilium Magistri spiritalis exposcunt . Illa (loquitur Cardinalis Bellarminus loc. cit. hoc est capite antecedenti num. 12.) enim laudabilia & utilia sunt , cum fiunt ab iis , qui possunt , & non sine consilio Magistri spiritalis . Prudenter porro in Constitutionibus Societatis Jesu part. 3. cap. 2. pag. 131. ita sancitur : *Corporis castigatio immoderata esse non debet , nec indiscreta in vigiliis & abstinentiis , & aliis poenitentiis externis ac laboribus , quæ & nocuumtum asferre , & majora bona impedire solent . Ideo Confessario detegi ab unoquoque convenit , quidquid in hac parte faciat : quod ipsum antea præscriptum iuerat in cap. 49. Regula S. Benedicti , ubi , postquam Fratres suos hortatus est , ut tempore Quadragesimali aliquid austeritatis adjiciant , Et unusquisque super mensuram sibi indictam , aliquid propria voluntate cum gaudio Sancti Spiritus offerat Deo , id est subtrahat corpori suo de cibo , de potu , de somno , de loquacitate , de scurrilitate , subjicit : Hoc ipsum tamen , quod unusquisque offert , Abbati suo suggerat , & cum ejus fiat oratione & voluntate ; quia , quod sine*

sine permissione Patris spiritualis sit, presumptioni deputabitur, & vana gloria, non mercedi: & id ipsum fuit etiam scite adnotatum a Tillemont. tom. 7. in vita S. Antonii art. 4. Sancta Tereſia cap. 39. tractatus, cui est titulus Cammino di perfezione, sermonem faciens de immoderatis corporis castigationibus, eas reprobat, quæ Magistro spiritali non aperiuntur, aut quæ ad ejus imperium non obmittuntur: L'istesso avviene nelle penitente indiscrete & sconcerate, per darci ad intendere, che siamo più penitenti, che le altre, e che facciamo qualche cosa. Se v'andate nascondendo dal Confessore, o dalla Superiora, o se, dicendo vi, che le lasciate, non lo fate, è chiaramente tentazione. Modo frenum, modo calcaria necesse est ut prudens Magister spiritalis adhibeat. Adeo servens fuit S. Aloysii Gonzagæ spiritus, ut in ultimo vitæ termino constitutus, & vehementi morbo attritus facultatem postulaverit se flagellandi, vel saltem ut alius ipsum flagellis percuteret: quod prudenter denegatum est, uti habetur in relatione Rotali (tit. de felici ejus obitu): Tota die orationi & contemplationi vacavit. Tandem, cum litanias Beatissima Virginis cum Patre Joanne Baptista Lambertino sub vesperam recitasset, a Patre Rectore petiit, ut sibi Viaticum daret. Interim dum hac ageretur, cum Pater Joannes Baptista Carminata Provincialis Aloysium inviseret, rogavit illum praelatus Adolescentem, ut flores supra lectum positos amoveri juberet, veniaque sibi daret, ut posset se verberibus afficere, aut saltem ut aliquis se a vertice ad pedes flagellis caderet, permitteretque, se humi suo spiritum reddere Creatori. Quæ omnia blando sermone Provincialis denegavit. Ad officium quoque prudentis Confessarii animadvertere pertinet, an re vera impedimenta substant, ne quis hoc, vel alio asperitatis & poenitentiae modo uti possit, ut ne necessitati corporea obtentu inserviamus voluptatibus, uti loquitur S. Basilii cap. 4. Constit. monast. num. 4. pag. 546. tom. 2. oper. In vita S. Simeonis junioris Stylitæ cap. 2. num. 17. apud Bollandianos ad diem 24. Maji tom. 5. pag. 113. Joannes Monachus mortificationes corporis voluntarias, quæ ab illo assumebantur, perspicuus sic cum allocutus est: Sufficiat tibi, Fili, quod ab ipsis incunabulis te Christo crucifixeris. Quid tibi cum hæc poenitentia exercitiis humanas vires excedentibus? Oportet & corporis curam gerere, eique mediocrem somnum, alimentumque indulgere, ut sufficere laboribus ascetica vita possit: neque enim cibus, & potus coinquinant hominem. Respondit autem Simeon: Tamen illa non coinquinant hominem, nihilominus coinquinantes cogitationes excitant &c. Mihi ipse leges has fero, non alii: mihi enim necessitas incumbit ob juvenilem ætatem tam asperè corpus meum tractandi. Sedulo itaque hæc omnia perpendenda sunt ab iis, qui Congregationi sacrorum rituum sunt adscripsi, ut, cum de carnis & corporis mortificatione Dei Servorum tractatur, prudens suffragium ferre possint; nec obliviscantur eorum, quæ in superioribus dicta sunt, non esse videlicet in causis Servorum Dei Confessorum ad ulteriora progrediendum, nisi constet de studio mortificationis carnis & corporis. De viris sanctis, qui corpus & carnem macerationibus afflixerunt, hæc habentur apud S. Laurentium Justinianum (de discipl.

discipl. monast. conversat. cap. 20. pag. 183.) : Ipsi certe, tanquam milites strenui, & zelatores Dei, jejuniis corpora macerabant, & carnem prolixa inedia subjugabant, ita ut quasi vita deficerent pro lassitudine; leguminibus namque, oleis, pane, & aqua parce utebantur, & in contenti, quibus natura sustentabatur, spiritualibus potius, quam corporalibus nutriebantur alimoniis. Sed (heu!) temporibus nostris, refrigerante Charitate, & deficiente calore spiritus, non est, qui saltem delectabilibus privari velis. Voluntarias quoque hasce mortificationes late commendat S. Joannes Chrysostomus homil. 11. in epistolam ad Hebraeos num. 3. pag. 115. oper. tom. 12., ubi sic loquitur : Sunt autem alia quoque hostia vere holocausta, nempe sanctorum Martyrum corpora : illic sancta, & anima, & corpus. Illa magnum habens odorem suavitentia. Potes tu quocumque si velis, tale offerre sacrificium. Quid enim si igne corpus non combusseris? Sed potes alio igne; ut puta igne paupertatis voluntaria, igne afflictionis : licere enim delicate, lauteque, & splendide vitam agere : laboriosam autem & acerbam vitam eligere, & corpus morte afficere, annon est oblatio holocausti? Corpus tuum morte affice, & crucifige, & ipse quoque accipies coronam hujus martyrii. Nam quod illis operatur esis, hoc hic faciat promissa animi alacritas.

9. Iidemque sacrorum rituum Congregationi adscripti, cum agitur de carnis & corporis mortificatione Servorum Dei, regulis utique inhaerent supra indicatis, sed non ita faciles sunt vel ad iudicium ferendum de excessu & nimietate; vel quatenus aliquis excessus, aut aliqua nimietas ipsis appareat, non ita faciles sunt, ut putent, virtutum fulgorem ab eo excessu penitus offuscari. S. Hieronymus in epistaphio Paula oper. tom. 1. postquam cruciatus & afflictiones ab ea susceptas narravit, dixitque, mensuram propemodum excessisse, subjicit num. 20. col. 708. : *Hec refero, non quod inconsideranter & ultra vires summa onera probem &c. sed quod mentis ejus ardorem & desiderium fidelis anima ex hac quoque probare velim perseverantia, decantantis Sicivit anima mea in te quam multipliciter tibi caro mea. Difficile est modum tenere in omnibus.* Augustinus Valerius, dictus Cardinalis Veronæ, in vita S. Caroli Borromæi, cum quo longam habuerat consuetudinem, hæc habet de ejus macerationibus ad poenitentiam susceptis : *Corpus castigabat, verba illa Sancti Pauli Apostoli ponderans, Ne, cum aliis prædicaverim, ipse reprobis efficiar. Quamvis, si quis recte consideret, multis rationibus, probabilibus illis quidem, adduci posuisset, ut quem socium multorum laborum, & præclarissimarum rerum, quas gerebat, nobilissima ejus anima habuerat, & nunquam, aut perraro rebellem expertus fuerat, minus dure tractaret; Medicorum etiam monita audiens, & valetudini consulens. Sancta Dei Ecclesia mira varietate virtutum ornata, hoc indulgentissimo saculo, tali sobrietatis, & castigationis corporis exemplo fortasse indigebat, hujusmodi stimulo plerique nostrum, ut tanta mollitiei, tantarum deliciarum, quibus dissuimus, & inertes ad res caelestes contemplandas efficiamur, indigebamus.* Et Jacobus Alvarez de Paz de perfecta contemplatione tom. 3. fol. 1247. in fin. cap. 11. hæc habet :

bet: Aliquos etiam inveniet ad extraordinarium visa modum, & ad magnas corporis afflictiones vocatos, qui per gratiam multum supra naturam, & supra communes homines possunt, quos oportet suscipere, & regulis communibus non alligare; sed potius, ac Deum vocantem sequantur, illis habenas laxare, & in sua vocatione relinquere.

10 Anno 1243. ex hac vita non sine magna sanctitatis fama decessit quidam Dei Servus nomine Laurentius, Conversus & Eremita, cujus mentio habetur apud Gabrielem Bucelinum in Menologio Benedictino ad diem 18. Decembris. Jussu summi Pontificis Innocentii IV. exeructus fuit auctoritate Apostolica processus super ejus vita & miraculis. Insignes corporis afflictiones una cum multis aliis ad rem facientibus in processu continentur. Delituit usque adhuc in archivo Castri Sancti Angeli autographum, ex quo exemplar duci curavimus, in appendices inferendum, Et quamvis multa in eo sint quæ miracula respiciunt, de quibus hic non agimus, optimum tamen existimavimus totum processum lectori exhibere; ut dignoscatur, desumpto a miraculis argumento, quam fuerint Deo acceptæ poenitentiae ab ejus Servo, dum viveret, peractæ, & ut integrum ejus meritum appareat, cujus nomen hodie fere ab omnibus ignoratur.

CAPUT XXX.

De inquisitione super ærumnis & tribulationibus Servorum Dei, de quorum Beatificatione & Canonizatione tractatur.

1 CUM in superioribus ageretur de virtute fortitudinis, aliqua dicta sunt de tolerantia & patientia Servorum Dei in ærumnis ferendis. Alibi quoque a Nobis fuit adnotatum, lib. videlicet 2. cap. 41. & 42. querendum esse in Beatificando, an, dum viveret, persecutiones passus sit, & quomodo eas toleraverit, & hoc argumentum fuit nonnullis exemplis illustratum. Alia nunc addenda sunt; & ut eo quo decet ordine id absolvatur, primo inquirendum erit, quid sint ærumnæ & tribulationes, de quibus hic agitur; secundo, an Sancti, dum viverent, fuerint eis affecti; tertio, quomodo eas toleraverint; & ultimo, quid in his animadvertendum sit, quando Acta Servorum Dei pro Beatificatione aut Canonizatione examinantur.

2 Ærumnæ porro & tribulationes, de quibus in præsentī, nonnullæ ad partem sentientem, nonnullæ ad partem rationalem spectant. Ad partem sentientem pertinent morbi corporis, jactura Bonorum, famæ, amicorum, cognatorum, tentationes carnis, Dæmonum vexationes, persecutiones hominum malorum, & aliquando etiam bonorum, ut infra explicabitur; ad partem rationalem spectant privatio illuminationum, & Divinarum inspirationum, & consuetæ devotionis, tentationes contra Fidem, tentationes reprobationis & desperationis, timor Divinæ derelictionis, animæ

440 DE SERVORUM DEI BEATIFICATIONE 1

animæ ariditas; & ingens scrupulorum multitudo: quemadmodum docet Cardinalis Bona in *tract. de discretione spirituum* cap. 13. num. 7. ubi hæc habet: *Perficiuntur hæc purgatio miris & acerbissimis modis: Nam in parte inferiori privatur homo omni sensibili dulcedine, lacryma devotionis arcescunt, fontes gratiarum exsiccantur, vertitur æstas in hiemem, & qui potabatur fonte voluptatis, repletur amaritudine dicens cum Tobia: Quale gaudium mihi erit, qui in tenebris sedeo. & lumen cæli non video? Et cum Isaia: Aruit herba, defecit germien, vitor omnis interiit. Quandoque etiam terrenis facultatibus spoliatur, deseritur ab amicis, traditur per ora omnium tanquam illusus, despicitur tanquam infans, vitæ moresque ejus ubique infamantur, gravibus morbis carripitur, a Demonibus vexatur, & quocumque se vertit, nihil ei occurrit, nisi afflictiones, tristitones, persecutiones. Et plurima mortis imago. In parte vero superioris densissima caligine mens obscuratur; languet voluntas nusquam inveniētiā consolationem, nec in Deo, nec in creaturis, omnis æstus amoris refrigescit; & quid gravissimum est, tot tentationibus premitur, ut sibi sapius videatur dissidentia, blasphemias, ac desperationi consensum præbuisse.*

3 Ad hæc capita fere reduci possunt ærumnæ omnes, & tribulationes Justorum: cumque juxta expositum ordinem nunc videndum sit, an Sancti, dum viverent, fuerint illis affecti, paucis exponenda est historia patientissimi Job desumpta ex sacra Scriptura. Cum ille ab omni non modo operum, sed etiam mentis nequitia longe abesset, convenerat enim cum oculis suis, ne vel Virginem intuerentur; constituto Satana inter filios Dei, seu Angelos coram Domino, eodemque Satana interrogato, an Jobi virtutes animadvertisset, ipsoque respondente, Jobum ita idcirco se gerere, quia Dominus in eum maximā Bona contulerat, sed a justitia recessurum, si quid calamitatis passus esset; permissum Satanae fuit a Deo, ut de optimo viro experimentum sumeret, dummodo tamen ejus incolumitati non officeret. Post hæc Sabæi agros Jobi ingressi, agricolis cæcis, boves diripiunt; ignis e nubibus demissus est, qui oves consumpsit; tres Chaldaeorum turmæ camelos asportarunt; & ejus filios & filias primogeniti fratris convivio accumbentes domus vento concussa oppressit. Cumque Job se nudum ab utero matris egressum, nudum illuc reversurum ingenuisset, & Deo benedixisset, qui omnia sibi tradiderat, & omnia etiam abstulerat; constituto iterum Satana coram Domino, & interrogato, an Jobi patientiam tot tantisque calamitatibus confecti admiratus esset, ipsoque respondente, hominem omnia ultro dimittere, modo valerudinem servet, indicando, si Job ea destitueretur, a Domino esse defecturum, Deus indulget, ut eum hoc quoque modo affligeret; dummodo vitæ parceret. Post hæc itaque ulceribus affectus est, & tali morbo laboravit, ut eum Pineda ex duobus vel tribus supra triginta morbis coaluisse dixerit, & Bartholinus de morbis Biblicis duodecim morborum species enumeraverit. Additæ fuerunt uxoris increpationes, amicorum admonitiones, qui eum nequitie insinulabant, suadebantque, ut poenitentia ad Deum reversus Divinam justitiam humilis agnosceret.

ret. Post quæ tandem cohibito Dæmone, ne ei amplius offerret, ingem-
natis facultatibus, & plurima prole adauctum, & felicissimo obitu e vivis
demigrantem Deus excepit. Ita, quidquid Judæi, & Sectarii impie asse-
rere ausi sint autumantes, narrationem gestorum Beati Job parabolicam ef-
se atque confictam; inconcussa nihilominus ejus veritas satis ostenditur ex
verbis Ezechielis, & epistola S. Jacobi; uti invictè demonstrat D. Thomas
in prolog. comment. super lib. Job (tom. 13. oper.): Videtur prædicta opinio an-
tiquitatis sacra Scriptura obviare. Dicitur enim Ezechiel. 14. ex persona Domini:
Si fuerint tres viri in medio ejus, Noe, Daniel, & Job, ipsi justitia sua li-
berabunt animas suas. Manifestum est autem, Noe, & Daniel homines in re-
rum natura fuisse; unde nec de tertio eis connumerato, scilicet de Job, in dubium
debet venire. Dicitur etiam Jacob. 5. Ecce beatificamus eos, qui sustinuerunt.
Sufferentiam Job &c. Quo argumento pariter utitur Titelman. (in solut. dub.
ante elucidation. paraphrastic. in lib. Job pag. 3. in principio): Apud Ezechielem
quoque Dominus ait: Si fuerint in medio ejus tres viri, Noe, Daniel, & Job,
ipsi liberabunt animas suas. Manifestum est, Job connumerari ipsis Noe, atque
Daniel: de quibus cum nullum sit dubium, quin in rerum natura fuerint, & qua
de eis narrantur, vere gesta fuerint, neque de Job dubitari merito potest. Qua
enim esset illa non entis cum entibus connumeratio? Beatus insuper Jacobus Aposto-
lus ipsum Job tamquam reale exemplum proponit dicens: Ecce beatificamus eos,
qui sustinuerunt. Sufferentiam Job audistis, & finem Domini vidistis, quoniam
miserior est Dominus & miserator. Pariter Eltius in comment. in cap. 5. epist.
B. Jacobi vers. 11. ex eadem sacræ Scripturæ auctoritate contra eosdem Se-
ctarios insurgit his verbis: Hinc duo discimus adversus Sectarios quosdam na-
tanda. Primum, ea, qua de Sancto Job scribuntur, historiam esse rei gesta, non
argumentum confictum exhortationis, aut doctrina causa, veluti sit in comeditis
ac tragædiis, ut Anabaptista volunt, & veteres quidam Hebræi. Nam ficta exem-
pla serio non moneant, nec, si ficta narratio esset, conjungeret hunc virum Dominus
Ezechiel. 14. cum aliis duobus, quorum justitiam sibi vehementer acceptam fuisse
declarat his verbis: Si fuerint tres viri isti in medio ejus, Noe, Daniel, & Job,
ipsi justitia sua liberabunt animas suas. Idemque argumentum inter cetera ad-
ducta pro confirmanda veritate historiæ tamquam potissimum considerat
Gravina de Catholic. præscription. lib. 4. controuv. 3. de verb. Dei script. art. 5.
ubi latissime assumptum comprobatur, prout etiam pluribus aliis rationibus
adductis facit Titelman. loc. cit. & quamplurimis relatis Jodoc. Cocc. in
ibefaur. Catholic. lib. 6. de sacr. Script. Ecclesiast. art. 6. Inter quos contrarium
sentientes mirifice confutat Olympiodor. ad cap. 1. Job, ubi: Valeant igitur,
qui Scripturam hanc tamquam confictam, atque ab humana cogitatione profectam,
nec inspiratam diviniter, criminantur.

4. Historiæ Jobi ex veteri Testamento desumptæ succedit historia La-
zari ex novo Testamento desumpta. Ulceribus plenus, quæ canes linge-
bant, ad januam Divitis jacebat: ejus autem anima post obitum ab Ange-
lis delata est in sinum Abraham, & Dives in Inferno sepultus, cum flammis
→ Tom. III. K k k crucia-

442 DE SERVORUM DEI BEATIFICATIONE

cruciretur, oculos elevans vidit longe Abraham, & Lazarum in sinu ejus; rogavitque, ut sui miseretur, & Lazarum mitteret, qui intingeret extremum digiti in aquam, ut linguam suam refrigeraret. Scimus Interpretes in varias sententias ire, cum nonnulli existiment, eam narrationem esse parabolam, alii autem velint esse historiam; quæ sententia probabilior esse videtur, tum quia in parabolis personarum nomina exprimi non solent, & Lazarus proprio nomine designatur; tum quia Christus nullam sumpsit parabolam ex rebus, quæ in altera vita fiunt, sed ex rebus, quæ sensibus sunt obviæ; tandem quia in honorem hujus Lazari, quasi Sancti, & leproforum patroni, plura variis in locis vetusta extant templa: absque eo quod validum adversus hæc desumi possit argumentum ex eo, quod Christus nomen Divitis non expressit; cum id Divino consilio fecerit, ne illi videlicet infamiam, & sibi invidiam conflaret. Tum Jobi, tum Lazari ærumnas & tribulationes perpendit S. Joannes Chrysostomus: *Homilia quippe 1. in 2. ad Corinth. num. 5. (tom. 10. oper. pag. 424.)* Job comparat Martyribus, scribens: *Ecquem igitur Martyrem hic non aques? immo vero sexcentos? Nam per omnia rerum genera tum luctabatur, tum palmam obtinebat, nimirum per opes, per liberos, per corpus, per uxorem, per amicos, per hostes, per servos; nam hi quoque in os ejus inspuabant; per famem, per somnia, per dolores, per foetorem: ob eamque causam dixi, eum non uni, aut duobus, aut tribus sed sexcentis Martyribus aequandum esse.* *Homilia autem 1. de Lazaro (tom. 1. oper. pag. 720.)* atroces ejus cruciatus & afflictiones enumerans, primam ait fuisse extremam ejus paupertatem, ut ne micæ quidem Divitis obtinere posset; secundam, quod esset totus ulcerosus & tabidus; tertiam, quod ab omnibus esset desertus; quartam, quod jaceret ante fores Divitis quotidie splendide epulantis; quintam, quod Dives abundans rerum copia eum nec aspectu, nec colloquio dignaretur; sextam, quod nullum haberet ærumnæ focium; septimam, quod illo ævo obscura esset fides, & spes resurrectionis, quæ jam post Christum clara mire Fideles in doloribus sustentat & roborat; octavam, quod hæc non semel, nec uno die, sed per plures dies eoque continuos passus sit; nonam, quod jacturam famæ tolerarit, cum multi conferrent, illum tanta pati ob ingentia scelera sua; quæ omnia, velut alter Job, forti & invicto animo quasi adamas sustinebat.

5 Tum Jobi, tum Lazari sacra hystoria satis esse posset, ut tribulationum & ærumnarum, quibus aliquando Justī affliguntur, & patientiæ ac tolerantie in eis perferendis cognitio haberi possit. Addi etiam posset, Abrahamo Dei amico bis ereptam fuisse uxorem, a Pharaone videlicet, & Abimelech; Isaac Deo carum cæcitate percusum per multos annos sic vixisse, & sic interiisse; Jacob orbatum filio Joseph per viginti tres annos eum flevisse. At, ut nonnulla etiam ex Actis Sanctorum habeantur exempla, ad alia transire faciemus, servata methodo in superioribus exposita.

6 Morbi corporis aliquando ex naturalibus causis proveniunt, aliquando Deus eos immittit, ut homo mutet mores, & peccatum deferat, & ad

& ad suum Creatorem convertatur, juxta illud *Psalmi 15. v. 4. Multiplicata sunt infirmitates eorum, postea acceleraverunt; & aliud Psalmi 77. v. 34. Cum occideres eos, querebant eum, & revertebantur, & diluculo veniebant ad eum, & rememorati sunt, quia Deus adjutor est eorum, & Deus excelsus redemptor eorum est: vel ut Justi in eis perferendis mereantur. Quinque enim modis (inquit S. Augustinus apud Magistrum sententiarum lib. 4. dist. 15. art. 1.) flagella contingunt, vel ut Justis per patientiam merita augeantur, ut Job; vel ad custodiam virtutum, ne superbia tententur, ut Paulo; vel ad corrigenda peccata, ut Maria lepra; vel ad gloriam Dei, ut de Ceco nato; vel ad judicium pœnae, ut Herodi. Aliquando etiam ipsi Justii supplices Deo preces exhibent, ut morbis corporis vexentur, & aliquando etiam Deus permittit, ut a Dæmone inferantur. Nec enim Dæmon detrimentum aliquod nostris corporibus afferre potest, nisi Deo permittente. Quocirca S. Joannes Chrysostomus homil. 28. al. 29. in Mattheum num. 3. tom. 7. oper. pag. 337. animadvertens id, quod legitur in Evangelio Matthæi cap. 8. v. 30. &c. Dæmones videlicet fuisse a Christo immisos in porcos (Erat autem non longe ab illis grex multorum porcorum pascens. Dæmones autem rogabant eum dicentes: Si ejicias nos hinc, mitte nos in gregem porcorum; & ait illis: Ite. At illi exeuntes abierunt in porcos; & ecce impetu abiit totus grex per præceps in mare, & mortui sunt in aquis) hæc habet: Si quis vero dixerit: Cur id quod pœsebant Dæmones Christus fecit, cum in porcorum gregem ipsos intrare permisit? Responderim ego, ipsum non id fecisse in gratiam illorum; sed ut multa sic dispensaret; primo ut doceret eos qui a malignis hujusmodi tyrannis liberati essent, quantam perniciem afferrent insidiatores hujusmodi; secundo ut discerent omnes, dæmonas ne quidem porcos invadere posse, nisi ipse permisisset; tertio, ipsos graviora in homines quam in porcos perpetravisse, nisi in calamitate per magnam illam Dei providentiam servati fuissent. Quam ad rem prosequitur S. Petrus Chrysologus sermon. 17. Quid possunt præsumere Dæmones, qui ne porcos quidem contingere prævalent, nisi eis potestas Divina permisisset? Cumque obvia sint eorum exempla, qui, contracto ex naturalibus causis morbo, a peccato resipuerunt, & ad Deum conversi sunt: Plerumque enim (ait Gregorius M. part. 3. Regul. Pastoral. cap. 12. tom. 2. oper. col. 50.) accepta salus carnis, per vitia expenditur; sed, cum repente subtrahitur, cum mœlestis caro atteritur, cum jam egredi anima urgetur, diu male habitæ quasi ad bene vivendum salus amissa requiritur: aliorum exempla afferemus, quos Deus morbis afflixit, ut patienter ferendo non exiguam meriti messem colligerent; tum illorum, qui Deo preces exhibuerunt, ut morbis affligerentur; deinde reliquorum, quos Deus permisit, ut a Dæmone morbis cruciarentur.*

7 Henricus Suso Ordinis Prædicatorum, qui mortuus est an. 1365. quem Surius in epistola dedicatoria ejus operum ad Blosum virum sanctissimum, & plane Apostolicum, & Molanus in addit. ad Usuardum ad d. 25. Jan. eximia sanctitatis, & Bzovius in annalibus Ecclesiasticis ad an. 1365. n. 14. Beatum appellat, & cujus vitam, etiam si vera Beatificationis honorem a Sede Apo-

444 DE SERVORUM DEI BEATIFICATIONE

ſolita adhuc confeſcitus non ſit, a Laurentio Surio poſt eiſdem opera editam, Bollandus retulit in *Actis Sanctorum tom. 2. Januarii ad diem 25. cap. 37.* narrat, ſe ad Deum preces fuſiſſe, ut Eliſabeth Staglin Religioſa Ordinis S. Dominici, quam tamquam Filiam ſpiritualem colebat, morbo, quo opprimebatur, levaretur; ſibiſque fuiſſe a Deo per Angelum reſponſum, ſe illi morbum immiſiſſe pro ſumma ejus utilitate, ut videlicet in præſenti vita maximam gratiam, & in futura multiplex præmium ſibi compararet. Beatam Juſtinam phthiſi per annos triginta eadem ex cauſa vexatam narrat Theophilus Raynaudus in *traſſ. de Martyrio per peſtem part. 1. cap. 2. num. 6. in fine*; ceteriſque prætermiſſis, in bulla Canonizationis S. Ludovici Bertrandi narratur, eum horribili ulcere in crure per multos annos, & vertigine capitis, & viſcerum pravis affectionibus, & aliis occultis infirmitatibus, maxime per biennium ante obitum, velut aurum in fornace, a Domino probatum; & ut in bulla Canonizationis S. Roſæ Limanæ reſertur, eam ſæpe acutiſſima angina, aſthma, permoleſta iſchias, pleuritis, ſtomachi, pericardii, inteſtinorum dolores, innu-meræ convulſiones, & chiraſtæ, podagræ, & arthritidis morbi frequenter occuparunt. Succedunt morbi, quibus Dei Servi ut afficerentur, Deum exorant. Liduviges, ſive Liduina, quam nonnulli Beatam appellant, Virgo Schidami in Hollandia mortua eſt anno 1433. Duodennis a plerifque ad nuptias expetita, ſed ſervandæ virginittis cupida Deum ardentem exoravit, ut, ſi alia via avertendi conjugii non ſuppeteret, totum ſuum corpus morbis afficeretur. Magnus autem morborum exercitus corpus ejus invaſit, & eo vexata fuit ſpatio triginta & octo annorum. Apud Surium, & Bollandianos *tom. 2. Aprilis* cuncta exacte deſcribuntur, ita ut admiratione re vera dignum ſit, quomodo, cum omnia ejus membra inauditis doloribus eſſent obnoxia, invictæ patientiæ ſigna prætulit. Hujus inclitæ Virginis meminerunt etiam Theophilus Raynaudus *loc. cit. n. 6.* & Cornelius a Lapide in *cap. 16. v. 21. in Lucam*, ubi hæc habet: *Lazaro ſimilis in doloribus & ulceribus aque, ac in patientia fuit Sancta Lyduvina Sebedamensis in Hollandia, qua anno ætatis decimo quarto in glaciem lapſa coſtam fre- git, indeque agra triginta & amplius annos decubuit, variis & continuis doloribus a Deo immiſſis afflicta uſque ad mortem, ne ei integram patientia coronam pertexeret. Lege vitam ejus apud Surium. Nimirum voluit Deus Lazarum, Job, Tobiam, Lyduvinam omnibus ſaculis ſtatueret ægrotis & afflictiſ in ſpeculum & exemplar patientiæ. Apud eoſdem Bollandianos tom. 4. Maji ad d. 19. pro- ſtat vita Beatæ Humiliænæ de Cerchiis, & in ejus cap. 4. legitur, iplam a Deo impetraſſe, ut morbus, quo juvenis impatiens opprimebatur, in ſuum corpus transferretur. In bulla Canonizationis S. Roſæ Limanæ cod. Canoniz. pag. 414. hæc leguntur: Eodem zelo precibus tranſtulit in ſe Confeſſarii ſui febrim, ut Cancionatoris officio in percelebri ſolemnitate ſungeretur; quo convaleſcente, torquebat Roſam, febris non ſua. Item in relatione cauſæ S. Catharinæ de Ricciis tit. de forſitudine, hæc habentur: Hanc offendit Ca-
tharina*

tharina in admirabili quadam patientia, quæ maxima est fortitudinis laus, cum per eam præstantior quæ evadat, quam expugnator urbem, ut habetur in Proverbiis cap. 16., & ait Divus Gregorius homil. 35., & quæ acutissimos morbos, & ignotam etiam ipsis Medicis eorum vim, ac dolorum acrimoniam adeo toleravit, ut ne quidem conquesta unquam fueris, sed læta fronte suscipiens gratias potius Deo redderet, quasi ea ipsa pro donis ac beneficiis impetrasset inter angustias & pressuras suas, benedictionem Dei victrice patientia predicando, ad instar sanctissimi Job fortissimi Athleta, ut per Divum Cyprianum de patientia serm. 3. Divum Augustinum de tempore serm. 222. Et de hac patientia deponunt testes remissoriales decimus, undecimus, decimus tertius super 20. & trigessimus super 15. Ferebatur enim, quamdā præcipue crurum incensionem cum vesicis non fuisse naturalem, sed voluntariam, & a Deo concessam pro sublevatione poenarum, quas in Purgatorio aliqua anima patiebantur, donec lustrarentur: ideoque Medici professi sunt, ultra naturæ potestatem videri sibi, & prædicta contestes Moniales affirmant, persequisse se flammam, atque ardorem quemdam prope ipsam, & in ejus cubiculo aestuantem. Nempe Deus aurum patientiæ in Catharina igne probare & examinare voluit, ut scriptum est in Ecclesiasti. cap. 2. & per eam omnes alias virtutes custodire, & signare opera bona, prout hoc signaculo patientiæ vitæ suæ actiones omnes munivit Christus, ut luculenter docet Divus Cyprianus in serm. 3. de bono patientiæ. Nec novum est, aut inauditum, pro alieni criminis expiatione subire quempiam adhuc viventem infernarum supplicia poenarum; cum eadem passum sexaginta horarum spatio Beatum Petrum Petronum Senensem Carthusiani Ordinis referant pii atque fideles testes Beatus Joannes Columbinus Jesuatorum Institutor, & Beatus Nicolaus Alberghatus Bononiensis Carthusianus, & postea sancta Romana Ecclesia Cardinalis, & major Poenitentiarius, quod habemus in vita Beati Petri prædicti auctore Bartholæo Senensi Carthusiæ Florentina Monacho, typis edita anno 1619. Nec absimile votum fortasse, atque studium erat Divi Pauli, quando cupiebat, anathema esse pro fratribus suis; & imitatus charitatem Christi primus post Christum, impiorum causa, etiam tamquam impius, aliquid perperis optabat, dummodo ipsi salutem consequerentur, ut inquit Divus Gregorius Nazianzenus in apologetico orat. 1. & facit etiam dictum illud Moysi, cum Deo proponeret: Aut dele me de libro vitæ, aut parce populo huic.

8 De corporis denique cruciatibus a Dæmone, Deo permittente, immixtis celebre extat testimonium in vita B. Angela de Fulgino cap. 19. ubi eos sic ipsa describit: Corporis sunt tormenta innumera a multis Dæmonibus multipliciter excitata. Vix enim credo, quod scribi possent infirmitates & passionēs mei corporis; nam non remanet in me aliquid membrum, quod non horribiliter patitur. Numquam enim sum sine dolore, sine languore continuo, sum debilis & fragilis, plena dolore, ita quod oporteat, me continuo jacere. Non est in me membrum, quod non sit percussum, tortum, & poenatum a Dæmonibus, & semper sum infirma, & semper tumefacta, & plena doloribus in omnibus membris meis, ita quod cum magna poena possum me movere, & sum fatigata jacere, nec etiam ad sufficientiam possum comedere. De consimili morbo, Deo permittente, a

Dæmo-

Dæmone immisso mentio habetur apud Joannem Tanner in *vindictis Patris Ludovici a Ponte*, qui examinavit & approbavit revelationes Ven. Virginis Marinæ de Escobar: tract. enim 3. pars. de vita & sanctitate prædictæ Virginis num. 9. & seqq. omnia fufe exponuntur: & Franciscus Valeſius de *sacra Philosophia* cap. 28. & Martinus del Rio *disquisit. magic. lib. 3. part. 1. quest. 4. sect. 5.* fufe explicant, quomodo Dæmon, Deo permittente, sit causa externa morborum.

9 Si jacturæ Bonorum, samæ, amicorum, & cognatorum, nec non ludibriorum mentio habenda esset, huic capiti finis vix imponi posset: satis ergo erit hic retulisse, quod in secunda relatione Rotæ Auditorum de virtutibus S. Tereſiæ cap. 18. legitur, eam aliquando ita ab omnibus derelictam fuisse, ut nemo ejus Confeſſiones audire vellet; in relatione causæ S. Joannis de Deo tit. de quatuor virtutibus Cardinalibus, cum initio suæ conversionis, cum se mortificationis gratia in cœno voluſſet, apud plerisque dementem habitum, pueris præſertim luto, saxis, ac omni injuriarum genere insectantibus, summas passum fuisse angustias; in relatione causæ Beati Hieronymi Æmiliani tit. de fortitudine, eum, licet nobili genere natus esset, & pro patria pugnans sibi gloriam comparasset, cum ad meliorem frugem conversus ad colligendam stipem pro orphanis crassa tunica tectus prodiret squalore & macie deformis, ludibriis, probris, sibilis, & conviciis exceptum fuisse, inſequente a tergo velut amentem lasciviente puerorum turba; denique in vita S. Ludovici Francorum Regis apud Surium ad diem 25. Aug. num. 20. Nuntium Comitissæ Gheltriæ ad Ludovicum pro negotio expediendo misum, cum reversus esset, & interrogatus, an Regem vidisset, subſtannando respondisse: *Vidi illum miserum Papillarum Regem grisea veste indutum ad scapulas capuchini gestantem*. Sed jam ad carnis tentationes, & Dæmonum persecutiones sermone converſo, & deinde ad persecutiones hominum malorum, & aliquando etiam bonorum, cap. 14. præti spiritualis refertur, quemdam Monachum a spiritu fornicationis tentatum e Monasterio egressum, ut suæ libidini satisfaceret, meretricis cellam ingressum leprosum factum esse, qui videns lepram, continuo ad monasterium rediit, Deo gratias referens, & dicens: *Idcirco Deus hac me castigatione percussit, ut anima mea salva sit*. Item cap. 19. ejusdem præti spiritualis Abbas Elias testatur, se Diaboli tentatione superatum e suo, in quo habitabat, loco discessisse, ut turpem concupiscentiam cum semina, quæ ab ipſo aquam petierat, expleret; sed, urente graviter æstu libidinis, ecstaticum factum terram vidisse apertam, & se hiatu terræ absorptum conspexisse cadavera putrida jacentia & resoluta, adeoque foetida, ut præ nimio icetore in terram corruens, & gratias Deo agens ad locum suum redierit. Sanctus quoque Gregorius M. in vita S. Benedicti cap. 1. num. 2. apud Bollandianos tom. 3. Martii pag. 278. testatur, eum graviter fuisse tentatum carnis stimulo: cum enim feminam aliquando vidisset, & malignus spiritus eam ante ipsius oculos reduxiſſet, tam urenti libidinis igne

igne accensus est, ut voluptate victus sere deliberarit eremum deserere; at superna Gratia adjutum, indumento repente abjecto, nudum se inter aculeos spinarum & urticarum iniecisse, ibique tamdiu volutatum, donec per cutis vulnera vulnus mentis sanaret, voluptatemque traheret in dolorem. De eadem femina S. Vincentius Ferrerius in *sermone de S. Benedicto* ait, fuisse gibbosam: *Cœpit cogitare de quadam muliere gibbosa; quam viderat in civitate; & in tantum tentatio augmentabatur, quod volebat dimittere eremum, & redire ad mundum ad inquirendam dictam gibbosam. Quid fecisset, si fuisset pulchra? Unde autem Ferrerius id haulerit, incertum est: quare plerique accipiunt narrationem tanquam lepide a sancto viro excogitatam.*

10 Tentationibus itaque carnis Dei Servi urgentur, & quidem five sint incipientes, five proficientes, five perfecti, veluti late ostendunt Cardinalis de Lauræa de *oratione opuse. 6. cap. 8.* & Rosignolius in *tract. de disciplina Christiana perfectionis lib. 5. cap. 27.* De hac eadem re tractatum est etiam in capite de carnis & corporis mortificatione. Interea autem adnotare fas sit, S. Paulum Apollolum non modo 1. ad Corinth. cap. 9. v. 27. dixisse, *Castigo corpus meum, & in servitutem redigo;* sed & ad Roman. cap. 7. v. 23. subjecisse: *Video aliam legem in membris meis repugnantem legi mentis meæ; & in 2. ad Corinth. cap. 12. v. 7. Et, ne magnitudo revelationum extollat me, datus est mihi stimulus carnis meæ Angelus Satanae, qui me colaphizat; propter quod ter Dominum rogavi, ut discederes a me, & dixit mihi: Sufficit tibi gratia mea; nam virtus in infirmitate perficitur.* De hoc Angelo Satanae quæstio est inter Interpretes, quis fuerit. Nonnulli putarunt, D. Paulum voluisse indicare gravem capitis dolorem, quo torquebatur: sed hæc opinio communiter rejicitur. Nonnulli id explicarunt de Adversariis Apostoli a Satana concitatis, ut ejus prædicationi, & piis conatibus obliterent: at hæc opinio uti minus probabilis habetur. Quocirca verior est sententia, quæ id refert ad veneris incitamenta, quibus urgebatur. Ita docuerunt Theophylactus, D. Thomas, Lyranus: & quamvis eam rejiciant Faber, & Erasmus tanquam indignam Paulo jam senæ, fundatissimus nihilominus Doctor Eitius in *comment. ad cap. 12. epist. 2. v. 7. ad Corinth.* ita eosdem redarguit: *Rejiciunt quidem longissime memoratam expositionem stimuli carnis Faber, & Erasmus, tanquam indigna sit Paulo tali viro, eoque jam senæ: sed qui miratur in Paulo senæ carnis incentivum, miratur & in Gregorio Nazianzeno, qui jam senex de eo carnis suæ malo sæpe graviterque in scriptis suis conqueritur. Loca sunt in carmine adversus carnem, & altero de calamitate naturæ suæ, & tertio de rebus suis, & in epist. 96. Vide & Beatum Augustinum serm. 43. de verbis Domini cap. 9. Quamquam Paulus, quando hanc epistolam scripsit, annos habebat duntaxat quinquaginta septem, ut Baronius declarat tom. 1. docens eum interfectum, cum annos haberet sexaginta octo, epistolam autem hanc scriptam undecim annos antea. S. Augustinus lib. 6. contra Julianum cap. 23. n. 70. (tom. 10. oper. col. 702.) narrat olim se arbitratum fuisse, summæ dementiae esse,*

cre-

credere Apostolum stimulis carnis, & pravis concupiscentiæ motibus suis se obnoxium, sed postea veritati se cessisse.

11 S. Joannes Chrysostomus homil. 3. in illud *Vidi Dominum*, tom. 6. oper. pag. 114. egregie explicat, cur Dæmon suis tentationibus vehementius angat viros perfectos: *Quemadmodum (inquit) pirata, qui mare navigiis infestans, non tunc, ubi conspexerint navem de portu exeuntem, invadunt (quid enim hinc fructus caperent, si scapham inanem demergerent?) sed ubi redierit onusta, plenaque sarcinis, tunc demum omnes experiuntur artes: ita sceleratus ille Dæmon, simul atque videt, aliquos multa collegisse, videlicet jejunia, preces, elemosynam, castitatem, reliquasque virtutes omnes, ubi videt navigium nostrum plenum pretiosis pietatis lapidibus, tunc irrumpit, undique thesaurum perfodiens, ut in ipsi portus ostiis scapham demergat, jamque nudos nos ad eum portum ejiciat.* Et S. Gregorius moral. 19. cap. 6. (tom. 1. oper. col. 609.) super verbis Job, *Aquas appendit mensura*, ponderans exemplum S. Pauli egregie docet, cur Deus tentationibus carnis permittat aliquando agitari viros sanctitate conspicuos: *Hinc est enim, quod ad consolationem nostram idem Predicator egregius de se quadam talia prodere dignatur dicens, Video aliam legem in membris meis repugnantem legi mentis meæ, & captivum me ducentem in lege peccati, quæ est in membris meis. Ad ima quippe pertrahit caro, ne extollat spiritus; Et ad summa trahit spiritus, ne prosterneat caro. Spiritus levat, ne jaceamus in infimis; caro aggravat, ne extollamur ex summis. Si, non sublevente spiritu, nos caro tentaret, perfectione procul dubio tentationis suæ in ima decideret. Rursum vero, si non tentante carne, ad summa nos spiritus sublevarret, in superbia casu ipsa nos pejus sublevatione prosterneret. Sed fit certo moderamine, ut, dum unusquisque Sanctorum jam quidem interius ad summa rapitur, sed adhuc tentatur exterior, nec desperationis lapsam, nec elationis incurrat; quoniam nec tentatio exterior culpam perficit, quia interior intentio siorsum trahit, nec rursus intentio interior in superbiam deviat, quia tentatio exterior humiliat, dum gravat. Sicque magno ordine cognoscimus in interiori profectu, quid occipimus, in exteriori defectu, quid sumus: Et miro modo agitur, ut nec de virtute quisquam extolli debeat, nec de tentatione desperare; quia, dum spiritus trahit, Et caro retrahit, subtilissimo judicii interni moderamine infra summa, Et supra infima in quodam medio anima libratur. Bene ergo dicitur: Et aquas appendit mensura. Memoratu dignum est colloquium habitum inter Palladium, & Abbatem Pachonem, cujus vitam prædictus Palladius scripsit in *historia Lausiacâ*, quam ex Græco in Latinum sermonem convertit Gentianus Hervetus Aurelius, ediditque Parisiis anno 1555. & habetur in vitis PP. ex recensione Rosweidi lib. 8. Palladius ergo dicit, se fuisse vocatum ab affectione cupiditatis erga feminas, & cogitationibus, & visis nocturnis; parumque abfuisse, quin propter tentationem & solitudine demigraret: sed tandem latenter venisse in solitudinem, & in ea quindecim diebus versatum fuisse cum Patribus, & inter eos incidisse in sanctum virum Pachonem, cui statum suum aperuit. En verba interrogationis, ca*

verba

verba responſionis cap. 29. Cum ergo inveniffem eum ſinceriorem, & magis verſatum in exercitatione, auſus ſum ei meum animum aperire. Dixit autem mihi ille Sanctus: Ne tibi videatur res aliena. Hoc enim non tibi accidit ob delicias, ociumque, & negligentiam. Nam & mores tibi ſerunt teſtimonium, & penuria eorum qua ſunt neceſſaria, & quod nulla ſit hic tibi conſuetudo cum feminis. Sed potius hoc tibi accidit ab Adverſario ob ſtudium virtutis. Eſt enim triplex hoſtis, qui impellit ad fornicationem. Aliquando enim nos caro invadit luxurians, & qua nimis laute & delicate eſt curata. Aliquando autem in nos inſurgunt motus animi propter cogitationes. Aliquando autem ipſe quoque Daemon in nos exercet tyrannidem propter invidiam. Nam ego quoque multa obſervans, hoc invenī. Ecce me, ut vides, hominem ſenem. Cum jam quadageſimum annem degam in hac cella, curam gerens mee ſalutis, & ad hanc aetatem pervenerim, tentor uſque in hodiernum diem. Et juraviſſis dicens: Jam duodecim annis poſtquam tranſegi annum quinquageſimum, nullam diem, nec noctem intermiſi, qua me non invaſeris. Cum itaque ſuſpicatus eſſem, Deum a me reſceſſiſſe, quandoquidem tanta in me Daemon uteretur poteſtate, potius delegi mori abſque ratione, quam viſio aſſeſſioneque corporis me turpiter gerere. Egreſſusque a cella mea, & obiens ſolitudinem, inveni ſpeluncam hyena. In quam ſpeluncam me nudum inmiſi toto die, ut fera egreſſa me devoraret. Poſtquam autem fuit veſpera, prout ſcriptum eſt, Sol cognovit occalum ſuum; poſuiſti tenebras, & facta eſt nox; in ipſa tranſibunt omnes beſtiæ ſilvæ; catuli leonum rugientes, ut rapiant, & querant a Deo eſcam ſibi: egreſſa ergo fera in illa hora, & maſculus & femina me a pedibus ad caput uſque odorata ſunt circumlingentes. Cumque expectarem fore ut devorarer, a me reſceſſerunt. Cum ergo illic tota nocte jacuiſſem, non fui devoratus. Exiſtimans ergo Deum omnino mihi peperciſſe, ſurrexi. Rurſus vero in cellam redii. Cum autem ſe paucis diebus continuiſſes Daemon, me eſt adortus vehementius, quam antea, ut parum abſueris, quin blaſphemarem. Transformatus enim cum eſſet in puellam Æthiopiffam, quam in mea juventute videram aſtate ſpicas legentem, ea mihi viſa eſt meis inſidere genibus: inque uſque adeo commovit, ut putarem me cum ea coiviſſe. Furore ergo percitus, impegi ei colaphum: eaque ſic evanuit. Hoc autem mihi crede dicenti. Biennio non poteram ferre manus mee fuerorem. Cum ergo hac de cauſa puſilli & abjecti animi evaſiſſem, & de me omnem ſpem abieciſſem, egreſſus ſum pererrans vaſtam ſolitudinem, & inveni parvam aſpidem. Quam cum accipiſſem, eam admoveo meis genitalibus, ut vel ſic morſus morerer. Et cum ejus caput virilibus applicaſſem, ut qua mihi fuiſſent cauſa tentationis, me ſic quidem morſus ſum Gratia providentia, ſed recurreres ad Dei auxilium. Sic autem admonitus & confirmatus, ad cellam ſum reverſus; & deinceps ſedens cum fiducia, & nullam belli curam gerens, reliquos dies egi in pace. Daemon autem cum cognoviſſet meam ejus deſpicien-

spicientiam, pudore deinceps affectus, ad me non accessit amplius. His verbis cum ad lucam adversus Satanam me confirmasset, & ad bellum instruxisset, & adversus damonem fornicationis me parasset ac docuisset, dimisit, iubens, ut forti animo me gererem in omnibus.

12. Dum munereungebar Fidei Promotoris, & agebatur de virtutibus nonnullorum Dei Servorum, dixi, inverisimilia & hyperbolica esse nonnullorum testium dicta, qui asseverabant, hunc, illumve Servum Dei nullis carnis illecebris fuisse tentatum, & ad eum castitatis apicem pervenisse, ut nec mentis, nec corporis rebellionem unquam passus esset. At hæc benigne explicari possunt, videlicet intelligendo, non ita ut excludatur a corporis membris lex repugnans legi mentis, sed ut excludatur delectatio & assensus, uti docet S. Augustinus lib. 1. *retractat. cap. 19. num. 1. (tom. 1. oper. col. 29.)*: *Per idem tempus de sermone Domini in monte secundum Mattheum duo volumina scripsi. In quorum primo propter id, quod scriptum est, Beati pacifici, quoniam ipsi filii Dei vocabuntur, Sapientia (inquam) congruit pacificis, in quibus jam ordinata sunt omnia, nulliusque motus adversus rationem rebellis est, sed cuncta obtemperant spiritui hominis, cum & ipse obtemperet Deo. Quod merito movet, quomodo dixerim. Non enim cuiquam provenire in hac vita potest, ut lex repugnans legi mentis omnino non sit in membris: quandoquidem, etiamsi ei sic resisteret spiritus hominis, ut in nullum ejus laberetur assensus, non ideo tamen illa non repugnaret. Hoc ergo, quod dictum est nullum esse motum adversus rationem rebellem, recte accipi potest, id nunc agentibus pacificis, domando concupiscentias carnis, ut ad istam pacem plenissimam quandoque veniatur. Proinde, quod alio loco, cum eandem sententiam Evangelicam repetens dixissem, Beati pacifici, quoniam ipsi filii Dei vocabuntur, adjunxi dicens: Et ista quidem in hac vita compleri possunt, sicut, completa esse in Apostolis, credimus, sic accipiendum est, non ut in Apostolis hic viventibus nullum carnis motum arbitremur spiritui repugnasse, sed hactenus hic ista posse compleri, quatenus in Apostolis credimus esse completa, ea mensura scilicet perfectionis humana, quanta in hac vita potest esse perfectio. Non enim dictum est, Ista in hac vita compleri possunt, nam, completa esse in Apostolis, credimus; sed dictum est, Sicut completa esse in Apostolis, credimus: ut ita compleantur, sicut in illis completa sunt; id est quadam perfectione, cujus capax est ista vita, non sicut complenda sunt in illa, quam speramus, pace plenissima, quando dicitur: Ubi est mors contentio tua? Quod si forte huic explicationi verba testium adversentur, eorum vero præsertim, qui sint omni exceptione majores, puta, Sacerdotes Confessarii, sciendum est, nonnullos Dei Servos ex speciali gratia ad hoc castitatis fastigium etiam in hac vita devenisse, ut motibus carnis, & tentationibus non fuerint ad aliquod tempus, vel etiam toto vitæ suæ tempore obnoxii: ideoque Ektius post verba supra relata subiicit: Neque sane putandum est hujusmodi sanctos viros a motibus carnis prorsus liberos esse, licet id forte paucis quibusdam singulari privilegio fuerit a Deo concessum. Cassianus collat. 7. cap. 1. testatur, hoc celestis privilegio fuisse insignitum*

Abba-

Abbatem Serenum : Cui (inquit) *supra omnes virtutes quæ non solum in ejus actu vel moribus , sed etiam in ipso vultu per Dei gratiam ita est peculiari beneficio donum castitatis infusum , ut etiam se , ne ipsis quidem naturalibus incensus inquietari vel in sopore sentiret : & cap. 2. Cum vidisset orationum suarum obtinuisse se vota , cunctisque astus in corde suo concupiscentia carnalis extinctos .* Et apud Palladium in *Lausiaca historia* lib. 8. vis. PP. cap. 35. exponitur , quomodo Abbas Elias fuerit divinitus eo privilegio donatus ; itemque apud S. Gregorium in *dialog.* lib. 1. cap. 4. pag. 1275. narratur , quomodo S. Equitius multorum monasteriorum Pater per orationis studium a Domino impetraverit , ut a stimulis carnis liberaretur ; & quomodo subinde , sicuti viris antea præerat , ita coeperit postmodum seminis præesse . In secunda relatione S. Tereziæ super virtutibus art. 12. de purissima virginitate & castitate hæc habentur : *Numquam Beata Terezia tentationes carnis experta fuit , illasque omnino ignoravit particulari gratia & privilegio Dei , ut idem Reverendissimus Tirajonensis ipsius Confessarius testatur . Ex quo non semel evenit , quod , cum aliqua Moniales carnis stimulis vexata illam pro remedio consequendo consulerent , illis respondere soles , aliam personam consulerens , se enim in hac materia consilium dare non posse , cum hujusmodi motus Dei misericordia numquam passa fuisset , ac proinde , cujusmodi essent , ignoraret .* Item Ven. Dei Servus Cardinalis Bellarminus de S. Aloylio Gonzaga in processu Romano anni 1608. fol. 76. hæc narrat : *Tota vita sua nullum umquam non modo in corpore sensum , sed ne in animo quidem suggestionem , aut representationem ab hac virtute (scilicet castitate) alienam sensit ; quod plane apparet omnem humanam facultatem excedere : & paulo post : Nam & corpus ipsum omnis penitus motus expertum fuit , & anima ita pura , ut ne ullam quidem vel primam impressionem , aut imaginis alicujus indecentioris tenue objectum pateretur &c. Siquidem penitus ignoraret , quid essent , & cujusmodi essent omnes ejus generis tentationes .* Hoc perpenso testimonio , prosequuntur Rote Auditores in relatione causæ dicti Sancti : *Et hoc confirmat Reverendus Pater Mutius Visselleus , dum inquit , quod ita nuncupata vota virginitatis servavit , ut toto tempore vitæ suæ numquam carnis stimulum , aut pravam mentis cogitationem passus fuerit ; idemque comprobatur ex his , quæ scripta reliquit Pater Hieronymus Platus , ut referunt Pater Tamburellus , & Pater Alperius , videlicet , quod numquam carnis stimulos , aut impudicas cogitationes expertus fuerit .* Excellentissima ergo & insignissima hæc prærogativa nonnullis Sanctis , dum viverent , indulta est ; sed in examine causarum Canonizationis , cum de ea agitur , magna cum cautela procedendum est , ut videlicet non ita facile admittatur , nec ita absolute rejiciatur ; præcipue si aliarum virtutum in gradu heroico probationes non desint , & magnum illud privilegium juratis Confessariorum assercionibus confirmetur : licet enim rem ab ipsis Dei Servis ut plurimum audiverint , piaculi tamen genus esset (juxta alibi dicta) aut referentibus , aut asserentibus fidem non præstare ; idque eo magis , cum etiam exclusa carnis tentatione , potuerint illi Dei Servi aliis tentationibus , dum vi-

452 DE SERVORUM DEI BEATIFICATIONE

verent, tentari, ut in simili bene advertit D. Thomas 1. 2. *quæst.* 74. *art.* 3. *ad secundum*, ubi hæc habet: *Talis corruptio fornicis non impedit, quin homo rationali voluntate possit reprimere singulos motus inordinatos sensualitatis, si præsentias, puta divertendo cogitationem ad alia.* Sed, dum homo cogitationem ad alia divercit, potest etiam circa illud aliquis inordinatus motus insurgere; sicut, cum aliquis transfert cogitationem suam a delectationibus carnis, volens concupiscentia motus vitare, ad speculationem scientiæ, insurgit quandoque aliquis motus inanis gloria impræmeditatus.

13 At, ad institutum ut redeamus, non solum Dei Servi, dum viverent, ut plurimum senserunt in membris suis legem repugnantem menti, sed, Deo permittente, multas a Dæmone passi sunt vexationes. In vita S. Hilarionis scripta a S. Hieronymo (*tom.* 2. *oper.* col. 16.) num. 8. post relatas tentationes, quibus Dæmon eum vexavit, dum puer esset, subiicitur: *Quadam nocte infantum cepit audire vagitus, balatus pecorum, mugitus bovis, planctum quasi muliercularum, leonem rugitus, murmur exercitus, & rursus variarum portentosa vocum, ut ante sonitu, quam aspectu territus cederet. Intellexit Dæmonum ludibria, & provolutus genibus Christi Crucem signavit in fronte; talique armatus casside, & lorica Fidei circumdatus, jacens fortius præliabatur, quodammodo videre desiderans, quos horrebat audire, & sollicitis oculis huc illucque circumspiciens: cum in erim ex improvviso, splendente luna, cernit rubeam ferventibus equis super se irruere: cumque inclamasset Jesum, ante oculos ejus repente terra biatu pompa omnis absorpta est. Tunc ille ait: Equum, & ascendentem projecit in mare; &, Hi in curribus, & hi in equis; nos autem in nomine Dei nostri magnificabimur. Multa sunt tentationes ejus, & die, nocteque varia Dæmonum insidia: quas si omnes narrare velim, modum excedam voluminis. Quoties illi nuda mulieres eubant, quoties esurienti largissima apparuere dapes? Interdum orantem lupus ululans, & vulpecula ganniens transilivis, psallentique gladiatorum pugna spectaculum præbuit, & unus quasi interfectus, & ante pedes ejus corruens sepulturam rogavit. In vita S. Antonii M. scripta a S. Athanasio apud Bollandum ad diem 17. Januarii cap. 9. num. 53. *tom.* 2. pag. 129. hæc leguntur ab eodem S. Antonio relata: Vidi aliquando Diabolicum excelsum corpore, qui se Dei virtutem & providentiam ausus est dicere, & ait ad me: Quid vis, ut a me tibi donetur, Antoni? At ego sputaculum maximum in os ejus ingeminans, totum me in eum Christi nomine armatus ingessi, & statim ille procerus aspectu inter medias manus exolevis &c. Sape quoque me a Dæmonibus non denego verberatum. Canebam autem sic: Nullus me separabit a charitate Christi. Ad cujus vocis auditum in se invicem desuperantes, non meos, sed Domini fugabantur imperio, qui ait: Vidi Satanam quasi fulgur cadentem de calo. Plura alia eodem capite, & cap. 12. legi possunt: quatenus autem ad Acta Canonizationum manus admovenda sit, in bulla Canonizationis S. Catharinæ Senensis dicitur: *Lutabatur frequentissime cum Dæmonibus, multisque illorum molestiis vexabatur.* In bulla Canonizationis S. Philippi Neri: *Et, licet sepius antiquus nostri generis hostis horribili se forma videntem**

dum offerens deterrere ipsum conaretur, semper tamen fortis & invictus de eodem gloriose triumphans, pacem veramque tranquillitatem, qua fruebatur interior, retinuit. Alia consimilia passim habentur in relationibus Rotæ Auditorum in causis S. Francisci Xaverii *tir. de fortitudine*, S. Mariæ Magdalene de Pazzis, & S. Franciscæ Romanæ *part. 2. art. 6. & 7.* Quod si a Spiritu Sancto ductus est Christus in desertum, si voluntarie se subdidit tentationi, non ad consensum, sed ad luctam & victoriam, si passus est, ut a Diabolo assumeretur vel super pinnaculum Templi, vel in montem excelsum, uti legitur *Matthæi cap. 4.* si hæc ab eo gesta sunt, tum ut nullus, quantumcumque sanctus, se putet immunem & securum a tentationibus, tum ut nos instruat, quomodo Diaboli tentationes vincamus, uti post SS. Hilarium, & Augustinum docet D. Thomas *part. 3. quæst. 41. art. 1.* nemo profecto mirari debet, quod sæpe in sacris historiis, & Actis Sanctorum ipsos legamus a Dæmone variis formis & apparitionibus fuisse tentatos.

14 Scriptum est *Luc. cap. 21.* *In patientia vestra possidebitis animas vestras;* & de patientia S. Cyprianus in *lib. de bono patientie col. 499.* ait: *Patientia est, qua nos Deus & commendat & servat &c. Facis humiles in prosperis, in adversis fortes, contra injurias & contumelias, mites.* Patientiæ autem & mansuetudinis exempla passim in Actis Sanctorum leguntur, sive quando Gentiles, aut Hæretici, sive quando improbi Catholici, & quando etiam viri probi bonique Catholici, sed decepti, eos persecutionibus affecerunt. Ad primam persecutionis classem referri debent, quæ S. Franciscus Xaverius passus est, cum Indis Evangelium prædicaret, de quibus in relatione causæ *tir. de insigni fortitudine*; quæ S. Jacobus de Marchia deputatus a Nicolao V. Inquisitor adversus hæreticos Fraticellos ab eis passus est, cum falsa eorum dogmata Catholicæ veritatis gladio confoderet, de quibus in *compendio vice, virtutum, & miraculorum, necnon Actorum in causa Canonizationis ipsius*; quæ S. Palchalis Baylon passus est tunc, cum Britanniam venit, & hominum impie de Fide sententiarum retudit audaciam, de quibus in relatione causæ ipsius *tir. de Fide*; quæ denique S. Didacus a Canariensibus passus est tunc, cum eos mortiferis superstitionibus implicatos ad veram pietatis lucem traduxit, de quibus in ejus vita a Penia composita *lib. 1. cap. 12.* & in bulla Canonizationis ipsius.

15 Ad secundam persecutionum classem spectant ea, quæ habentur in vita S. Benedicti scripta a S. Gregorio Magno, cum una vice Florentius Presbyter, & alia vice nonnulli Monachi venenum ei propinare tentarunt, de quibus *cap. 3. & cap. 8. prædicta vita.* Ad hanc secundam classem pertinent jurgia Fratris Eliæ Vicarii Generalis Ordinis Franciscani adversus S. Franciscum Ordinis auctorem adhuc viventem, quem coram multis Fratribus ausus est traducere tanquam Ordinis excidium, & adversus S. Antonium Patavinum, quem carceribus mancipari jussit, a quibus cum aufugisset, & ad Sedis Apostolicæ judicium confugisset, judicio instructo coram summo Pontifice, res tandem definita est, remoto Fratre Elia a Magi-

454 DE SERVORUM DEI BEATIFICATIONE

Magister Ordinis, quod ei post obitum S. Francisci collatum fuerat, factaque novi Successoris electione coram eodem summo Pontifice; uti late habetur apud Wadingum in *annalib. Minor. ad an. 1230*. Sub eadem quoque classe comprehenduntur calumniæ & obrectationes adversus S. Vincen- tium Ferrerium, de quibus apud Bollandianos in ejus vita *tom. 1. Aprilis*. Item ea, de quibus in secunda relatione causæ Sanctæ Terefiæ super virtu- tibus *art. 18. Multa in civitate Abula, & in ipso monasterio, in quo tunc morabatur, de illa maledice & ignominiose sparsa sunt, quin etiam coram suo Pro- vinciali in judicium fuit vocata, ubi plura ei objecta fuerunt; & quod gravius est, in concionibus Predicatores aliqui in eam invehebantur adeo aperte, ut tan- tum ex nomine Terefiam non appellarent. Quod fuit continuatum in predicta nova Reformationis institutione, quam dum inchoare tentares, graves, & indignati testes adversus illam insurrexerunt, qui multa falsa crimina contra eam spars- runt, & contumeliosa verba jactarunt, & multa & graves contumelie de illa scripta fuerunt, quæ in multorum etiam gravissimorum manus devenerunt. Item, quæ gesta sunt adversus S. Joannem de Cruce, in cujus vita edita Brixie anno 1638., & in chronicis Ordinis *tom. 1. & tom. 2.* refertur, fuisse carceribus clausum in civitate Toleti anno 1576. jussu Fratris Hieronymi Tostati Commissarii electi a Generali Ordinis Carmelitani. Cum enim hæc inno- tuissent sacrorum rituum Congregationi, & opposita fuissent a Petro Fran- cisco de Rubéis tunc Fidei Promotore, dum de ejus virtutibus ageretur, opus fuit temporarium causæ silentium imponere, donec poneretur in aperto, quæ ex causa in carcerem conjectus fuisset, & an vera essent ce- tera, quæ nonnulli testes de moribus S. Joannis retulerant: nec resumì causa potuit, nisi postquam ex authenticis documentis a Nuntio Aposto- lico Hispaniæ ad sacram Congregationem missis constitit, illum carceri- bus fuisse inclusum eorum opera, qui Ordinis Reformationi adversaban- tur; nec ullum, nisi ab inimicis & falsis testibus, ceterarum oppositio- num extare momentum, ut in suo suffragio summo Pontifici Alexan- dro VII. exhibito, re mature discussa, & visis videndis, retulerunt Car- dinales Brancatius, Franciotus, & Azzolinus; post quæ summus ille Pontifex censuit, ad ulteriora in causa esse procedendum. Denique sub eadem secunda classe cetera comprehenduntur, quæ adversus S. Carolum Borromæum tum Romæ, tum Mediolani, tum in Hispaniis opposita sunt, de quibus in relatione causæ *part. 2. argum. 20.* & in relatione causæ S. Ignatii *sic. de fortitudine*.*

16 Ad tertiam spectant classem non tantum nonnulla, quæ in *lib. 2. cap. 41. & 42.* relata sunt, sed etiam ea, quæ ex recentioribus Actis Ca- nonizationum modo dantur. In relatione causæ S. Philippi Nerii *sic. de pa- tientia & mansuetudine*, plura narrantur, quæ passus est a nonnullis Urbis primariis viris tempore summi Pontificis Pauli IV., & tempore summi Pontificis Pii V., cum aliqui eum accusarent, quod gloriam vanam affe- ret, quia tempore Bacchanalium septem Urbis ecclesias invasebat po- puli

puli frequentia comitatus; alii quod inepte loqueretur, cum in ecclesiæ sermones habebat. In relatione causæ S. Cajetani tit. de fortitudine, indicantur obstacula ei opposita tum a summo Pontifice Clemente VII. tum a Cardinalibus, cum sui Ordinis fundamenta jaceret. De nonnullis Sanctis legimus, fuisse eos tamquam de Fide suspectos in tribunali sanctissimæ Inquisitionis accusatos, & etiam ejus carceribus addictos. De S. Teresa in secunda relatione causæ art. 28. hæc habentur: *Cum Hispali muraretur, ipsa, & ejus sociæ, sanctæ Inquisitionis officio, multa eis imponendo falsa, denunciata sunt.* Alibi narrabitur, quid S. Bernardino Senensi contigerit, qui a summo Pontifice Martino V. uti reus superstitionis ad Urbem vocatus est. Historici Societatis Jesu plene testantur, S. Ignatium bis in Hispania carceribus sanctissimæ Inquisitionis fuisse inclusum, præcipue sub obtentu, quod ignarus Theologiæ recte non explicaret mysteria Theologica, & potissimum differentiam inter peccata mortalia, & venialia: Orlandin. in *histro. Societ. Jesu lib. 1. n. 8.* Ribadeneira enim in *vita S. Ignatii cap. 14. & 15.* Bartolus in *eadem vita lib. 1. a pag. 119. usque ad 131. prima edit. 1650.* Nonnullorum Dei Servorum, quos Deus permisit a Superioribus Ecclesiasticis deceptis injuste aliquando puniri, meminit claræ memoriæ Cardinalis de Lauræa *opusc. 6. de oratione cap. 5.* Aliqui *Iusti a Superioribus etiam Ecclesiasticis & supremis male informati (Deo permittente) purgantur & mortificantur, de quibus maxime inter Regulares longam possem texere historiam.* Idem advertit Theophilus Raynaudus *oper. tom. 17. pag. 619.* ubi querit, an persecutio coenobitica sit omnium dirissima. Legi potest vita Ven. Abbatis Barrerii in *sanctuario sacri Ordinis Cisterciensis pag. 607. Taurini edito anno 1708.* ex qua colligitur, quomodo odio nonnullorum suorum Monachorum a quodam Apostolico Delegato per sententiam fuerit condemnatus, & dignitate privatus; quomodo hæc patientissime septem annorum spatio tulerit, & demum, commisso negotio Ven. Dei Servo Cardinali Bellarmino, cognita testium fraude, annuente summo Pontifice, innocens declaratus ad honores & dignitates sit restitutus.

17 Verum profecto majora sunt, quæ habentur in Actis causæ Ven. Dei Servi Patris Joseph a Matre Dei Fundatoris Religionis Clericorum Pauperum Matris Dei Scholarum Piarum, in qua causa ipse Advocati Confistorialis munere fungens, pro ejus innocentia & sanctitate multa scribendo deduxi; nonnulla adversus ejus virtutes opposui, ad munus Promotoris postmodum evectus; & pro ipsæ virtutibus deinde suffragium tuli in generali sacrorum rituum Congregatione coram Benedicto XIII. cui uti Cardinalis interfui, & in qua ejus heroicæ virtutes approbatæ fuerunt, responso edito, quod idem summus Pontifex subinde approbavit. Venerabilis ille Dei Servus traductus fuit ad tribunal sanctissimæ Inquisitionis una cum Patribus Assistentibus, Procuratore Generali, & Secretario Religionis; deinde inhibitum illi Prædis Generalis officium, & ex aliena Religione Visitatores dati. Religio ab eo rite fundata fuerat cum emissionem trium

trium votorum solemnium tempore Gregorii XV. ; at, hoc minime obstantem, concessum fuit omnibus, qui in eadem debebant, ut ad aliam Religionem ; etiam laxiorem, transire possent ; Religio autem Scholarum Piarum redacta fuit ad instar Congregationis Oratorii institutæ a S. Philippo Nerio absque ulla votorum emissionem, eamque professis facultas concessa est assumendi habitum Presbyteri Sæcularis, dummodo id fieret intra spatium quatuor mensium ; uti colligitur *ex Constit. 17. & ex Constit. 20.* Innocentii X. *Bullar. tom. 5.* & solum post obitum Dei Servi Alexander Papa VII. decrevit, ut Patres Congregationis Scholarum Piarum tria vota simplicia castitatis, paupertatis, & obedientiæ emitterent una cum juramento in eadem Congregatione perpetuo manendi, & anno tandem 1669. summus Pontifex Clemens Papa IX. restituit predictam Congregationem ad statum Regularem & titulum Religionis, cum emissionem trium votorum solemnium, uti habetur *Constit. 2.* ejusdem Pontificis in *append. Bullar. tom. 6.*

18 Nemo est, qui facile sibi suadere non possit, quam multiplices & graves fuerint animadversiones, quas ex gestis adeo solemnibus media in Urbe, & intercedente summorum Pontificum auctoritate quodammodo approbatis, adversus innocentiam Dei Servi tum Fidei Promotor, tum Consultores sacre Congregationis proposuerunt. Postulatores sæpe cogitarunt de causa deferenda: sed cum non sine speciali Divino præsidio, multorum annorum spatio pervolutis archivis, perspicue cognitum fuerit, non alia ex causa fuisse Dei Servum solemniter traductum ad aulam sancti Officii, a qua statim dimissus est, quam quia falso, sed verisimili, nonnullorum ex sua Religione testimonio fuerat accusatus, quod scripturas quasdam ad tribunal spectantes subduxisset; & cetera supra narrata contigisse, non ex ejus culpa, sed ex falsis, licet probabilibus, similium testimonium accusationibus; quibus tandem bene examinatis, decretum est, Dei Servum ad munus Præsidis Generalis Religionis suæ esse iterum assumendum; quæ in dedecus fuerant relata, in veram tandem laudem conversa sunt; nec tamen ullum ex his injustitiæ crimen iis, qui decreta fecerunt, rationabiliter opposi potest. Romanæ urbis tribunalia, summorum Pontificum Consiliarii, ipsi summi Pontifices magnam utique adhibent diligentiam, ut ex veritate & justitia procedant: neque ut plurimum, Deo dante, ex voto recte cedit; sed, Deo ipso permittente, contingere potest (& sane aliquando contigit) ut prævalente hominum malicia, justitia coram ipsis obruatur. Card. Baronius ad an. 1049. num. 12. narrare instituens, quomodo S. Leo IX. summus Pontifex opera calumniatorum insensus factus sit B. Petro Damiani, exclamat: *Sed o instabilis interdum etiam in Ecclesiæ Antistitibus ipsam sanctissimam stabilitas mentis, dum, contrariis ventis impellentibus, animum erga viros virtute præditos bene propensum, in partem distorquent adversam, ut, quem antea plurimi faciebant, jam contemnunt, & fastidio respiciunt, quem celebrant! Ecce enim Petrus ille, hujus temporis magnum fidus Ecclesiæ, Leoni Pontifici adeo carus, meritoque dilectus ac culeus, quorum-*
dam

dam calumniis apud ipsum exagitatus cepis ab estimatione paria cadere atque videri. Ac prolata apologetica epistola ejusdem Petri, subdit: *Sint ista ad consolationem (quod saepe contingere solet) talia patientium, ad cautelam vero ejusmodi perpetrantium, ne faciles calumniantibus aures adhibeant, adversus eos praesertim, quos longior vita ante bene acta commendat.* Item S. Gregorius lib. 1. dialog. cap. 4. tom. 2. oper. col. 168. loquens de excelsis operibus S. Equitii, narrat, cum fuisse apud Sedem Apostolicam accusatum, quod sine sufficienti doctrina & legitima auctoritate munus Apostolicæ prædicationis suscepisset, & delatori calumpniolo Pontificem fidem habuisse; tum miranti de hac re Petro sic inquit col. 172. : *Quid miraris, Petre? Quid fallimur qui homines sumus? An mensi excidis, quod David, qui prophetia spiritum habere consueverat, contra innocentem Jonatham filium sententiam dedit, cum verba pueri mentientis audivisset? ... Quid ergo mirum, si ore mentientium aliquando in aliud ducimur, qui Propheta non sumus? Multum vero est, quod uniuscujusque Presulis mentem curarum densitas devorasset; cumque animus dividitur ad multa, fit minor ad singula, tanteque ei in unaqualibet re subripitur, quanto latius in multis occupatur.* Hæc ea non sunt, in quibus summorum Pontificum judicium Divino privilegio fultum falli nequit. Sunt minoris ordinis, & in quibus impossibile non est, ut aliquando putantes se juste procedere, proindeque sine culpa, injuste nihilominus procedant. Præterquamquod, quemadmodum, positis circumstantiis, hæc duo inter se coherere possunt, ut aliquis sine sua culpa reprehendatur, & alius juste reprehendat; ita etiam, positis circumstantiis, hæc alia duo poterunt coherere, ut includatur quis sine sua culpa carceribus, & condemnetur, & hoc Judex sine injustitia decernat. Comprobatur hoc ex *epist. ad Galatas cap. 2.* ubi Paulus testatur, se in faciem Petro restitisse, quia reprehensione dignus erat, quod videlicet timeans eos, qui ex circumcisione erant, Legalia observaret. Notissime sunt quæstiones super hoc facto excitatæ, sed nonnulli sic rem componunt, ut doceant, S. Petrum ab omni culpa fuisse immunem, eo quod Apostoli juxta loci & temporis circumstantias potuerint omni jure Legalibus uti; Apostolum vero Paulum, his minime refragantibus, eum potuisse reprehendere, quandoquidem, cum præter S. Petri mentem, supremi Pastoris exemplo, Judæi, & Gentiles, & etiam Barnabas eorum Initiator, judaizarent, nulla alia ratione Apostolus Paulus gliscentem errorem se posse cohibere existimavit, quam Petro, cujus exemplum ceteri secuti erant, resistendo, & eum, quo ceteri cohiberentur, coram omnibus acriter redarguendo. Legi potest Cardinalis Baronius in *annal. ad an. 51. n. 33. &c.*

19. Arumnis & tribulationibus ad sensum spectantibus succedunt ærumnæ, afflictiones, & purgationes, quæ partem rationalem afficiunt, privatio videlicet illuminationum, Divinarum inspirationum, consuetæ devotionis, tentationes contra Fidem, tentationes reprobationis & desperationis, timor Divinæ derelictionis, animæ ariditas, & ingens scrupulorum multitudo, de quibus egregie Rosignolius de *discipl. Christian. per-*
Tom. III. M m m scit.

fact. lib. 2. cap. 21. Alii etiam sunt superioribus similes affectionis hujus *hoc est*, pusillanimitatis effectus, & præsertim varia scrupulorum genera, quæ sine longum esset enumerare, nec necesse est. Attingamus tamen pauca; hinc enim magna ex parte ortum habent tentationes contra Fidem, quæ aliquando molestissima sunt, curiositates, & dubitationes de prædestinatione propria, de Divina præscientia, diffidentia & metus salutis consequenda, vel ob occulta peccata, vel ob magnas difficultates, quibus obstructa cernitur via, impotentia passionum animi & carnis, ob quas etiam Apostolus infelicem se nominat, turba & importunitas pravorum cogitationum, motuum animi affectionumque, quibus sæpenumero an voluntate consentiamus, graviter ambigimus, vana gloria stimuli, suspensiones, odia, temeraria iudicia, formido dati scandali aut verbo aut facto, fama ablata, & aliorum similium. De ceteris supra memoratis ærumnis & purgationibus plura habentur apud Mysticos, qui gravissimorum Patrum sententia docent, Deum incipientibus & imperfectis aliquando supernaturalia dona & suavitates liberaliter communicare, & deinde spirituale cognitionem, & sensibilem amorem, & devotionem subtrahere; ita ut homo perinde se pauperem inveniat & tepidum, derelictum a Deo desolatumque, ac si nullam unquam noticiam ejus habuisset, licet paulo ante dives & opulentus esset, multaque per omnes animæ facultates suavitate fruens; iis permittis, quas paulo ante commemoravimus, tentationibus. Res hæc mirifice explicatur a Patre Thoma a Jesu Carmelita *Discalceato oper. tom. 2. lib. 2. cap. 12. & seqq.* S. Bonaventura *de profectu Religios. lib. 2. cap. 2. (tom. 7. oper. pag. 614.)* hæc species tentationum enumerat; primam videlicet, subtractionem & inopiam devotionis; secundam, difficultatem ad bene operandum; tertiam, fastidium, quod quis experitur in omni bono exercitio; quartam, tentationem impatientiæ contra Deum; quintam, quam dicit magis periculosam, quando subtracta ex longo tempore Gratia, inter anxia desideria ejus recuperandæ, homo quasi lassus remittit animum ab intentione querendi, & obtentu patientiæ desinit ulterius querere auxilia, cum indignante quadam humilitate cogitans, se fore indignum tali Gratia, quod Deus illum ordinaverit ad alia opera exteriora, quo fit ut deficiat ab interioribus; sextam denique, quæ plures includit, & est hæsitatio in Fide Catholica, vel desperatio de Dei misericordia, spiritus blasphemix in Deum & Sanctos, injiciendi sibi manus, seque perimendi, & dubitatio querulæ conscientix, medicinale consilium contra hæc mala non admittentis. Capite autem 76. pag. 650. animæ explicat ariditatem per hæc verba: *Contingit etiam plerumque studiosis devotionis, ut, dum magis conantur habere devotionis gratiam, minus habeant, & cum vehementius inflant, aridiores & duriores corde fiant.* De causis, propter quas animæ iustorum ærumnis & afflictionibus ad partem rationalem pertinentibus adeo misere affliguntur, tractat supra memoratus Pater Thomas a Jesu *tom. 2. lib. 2. cap. 12. in fine.* Sanctus autem Bernardus *serm. 54. in Cantica num. 8. volum. 1. col. 1457.* præcipuam subtractionis dulcedinis Gratiæ causam rejicit in superbiam; Non

finit

fine causa sane ab heri & nudius tertius invasit me languor iste animi, & mentis hebetudo, insolita quadam inertia spiritus. Carrebam bene: sed ecce lapis offensionis in via; impegit, & corruis: superbia inventa est in me, & Dominus declinavit in ira a servo suo. Hinc ista sterilitas anima mea, & deviationis inopia, quam patior. Quomodo ita exaruit cor meum, coagulatum est sicut lac, factum est sicut terra sine aquis? Nec compungi ad lacrymas queo, tanta est duritia cordis. Non sapit Psalmus, non legere libet, non orare delectat, meditationes solitas non invenio. Ubi illa inebriatio spiritus? Ubi mentis serenitas, & pax, & gaudium in Spiritu Sancto? Ideo ad opus manuum piger, ad vigiliis somnolentus, ad iram preceps, ad odium pertinax, lingue & gula indulgentior, segnior obtusiorque ad predicationem. Heu! Omnes montes in circuitu meo offitias Dominus, ad me autem non appropinquat. Et post pauca, licet alias causas non excludat, potissimam tamen causam esse superbiam, sic concludit num. 10.: Nec dubites, in causa esse superbiam, etiamsi non appareant, etiamsi nihil tibi conficiis sis: quod enim tu nescis, scit Deus, & qui te iudicas, ipse est.... Numquid qui humilibus dat gratiam, humili auferet datam? Ergo argumentum superbia privatio est gratia. Quamquam tamen interdum subtrahitur gratia, sive retrahitur, non pro superbia, qua jam est, sed qua futura est, nisi subtrahatur. S. Bonaventura loco supra citato, postquam plura retulit de fructu harum afflictionum, sic tandem rem absolvit: Purgat Deus aliquando corda devotiorum per subtractionem illius consolationis, cujus carentia maxima est eis afflictio; ut sic purgati aptiores fiant abundantiori gratia percipienda in presenti & gloria in futuro, etiamsi hanc afflictionem specialis culpe merito non contraxerint. Cardinalis autem de Lauræa opusc. 6. de oratione cap. 8. ait, fructum passivæ purificationis Iustorum esse gratiæ augmentum, fortitudinem ad patiendum, unionem cum Deo, & æternæ gloriæ consecutionem; deinde, postquam probavit, non solum incipientes, sed etiam proficientes, & perfectos hinc tribulationibus obnoxios esse, spirituales & contemplativos sic consolatur: Non ergo spirituales, & contemplativi horreant ejusmodi passivas purificationes, ac tentationes extrinsecas, Deo valente, aut permittente, sive in corpore, sive in anima immixtas, neque ex hoc putent, se a Deo derelictos, aut minime amari, vel odio haberi; sed cogitent, Sanctos omnes veteris & novi Testamenti fuisse a Deo purgatos ad gratia & gloria ipsorum augmentum. In vita B. Coletæ apud Bollandianos ad diem 6. Martii cap. 15. num. 137. mentio fit spiritualis desolationis cujusdam Religiosæ, quam Beata suavis verbis allocuta induxit ad fortitudinem & constantiam adversus tentationem. B. Angela de Fulgino, uti legitur in ejus vita, tormentum, quod ex his tentationibus tulit, adeo extollit, ut dixerit, se maluisse omne genus martyrii subire, quam talem pati desolationem. Quid obtigerit S. Tereciæ, legitur in relatione secunda causæ ipsius art. 21. Per orationem affecta fuit perseverantiam & continuationem in illa, ita ut per quinquaginta annos, ut diximus, ab illa non destiterit; nec ariditates & desolationes anima, quas per primos viginti annos circiter, Deo sic disponente ad ipsius probationem, passa fuit, ab oratione illam remo-

vere valuerunt. Vincentius Puccinus Confessarius S. Mariæ Magdalene de Pazzis ejus vitam conscripsit ex Italico in Latinum sermonem a Bollandianis conversam ad diem 25. *Maji*, in cujus potissimum cap. 6. multa ad rem, de qua nunc agitur, referuntur, & signanter, quod per ariditatem spiritus heret, ut ei tædio essent omnia Religionis exercitia; quod Dæmon ei conaretur persuadere, nullum esse Deum; nec sacram Eucharistiam adorandam; quod accedens ad communicandum videretur sibi videre Dæmonem quasi ipsam interfectorum; quod eam denique Dæmon sæpe impelleret, ut Deum blasphemaret & Sanctos. Tentationibus demum, de quibus agimus, duobus annis B. Franciscum, decem Henricum Sufonem, & septemdecim B. Mariam Ægyptiacam fuisse vexatos, ex S. Joanne de Cruce refert Thomas a Jesu loc. cit. cap. 14. in fine. Cardinalis Federicus Borromæus in oper. de vera & occulta sanctitate lib. 3. cap. 3. 4. & 5. multa habet de causis ariditatis, de perfectissimo ariditatis genere, & de remediis.

20 Porro, ut aliquid de scrupulis dicamus, nemo est qui ignoret, conscientie divisionem ex parte objecti duplicem esse, bonam videlicet, aut malam, seu, quod idem est, veram, aut falsam, rectam, aut erroneam; sed ex parte operantis communiter dividi in rectam, erroneam; dubiam, probabilem, & scrupulosam: dubiam porro, ad quam reducitur scrupulosa, eam esse, cum quis anceps & suspensus, neutri contradictionis parti adhærens, judicium retinet; ita tamen, ut, si ex levibus & frivolis rationibus judicium retineatur, non proprie dubia, sed scrupulosa conscientia dicenda sit. Scrupulositas, ut eam vocant, quandoque oritur a corporis habitudine ad timorem prona, uti est humorum temperatio frigida, quandoque ab ægitudine melancholica, quandoque a tentatione Diabolica, quandoque a negligentia corporalis regiminis, puta a nimia abstinentia, jejuniis, & vigiliis, & aliquando ex societate aliorum scrupulis laborantium, uti late docet & acutissime explicat S. Antoninus in Summa Theologia tit. 3. cap. 10. de conscientia §. 9. Sed, ne conscientia, ut dicitur, vere timorata, de qua in Proverb. 28. *Beatus homo, qui semper est pavidus*, confundatur cum conscientia inaniter scrupulosa: qui habent conscientiam vere timoratam, aliquando culpas agnoscunt, ubi culpa non est, inquit S. Gregorius lib. 11. epist. 64. (tom. 2. col. 1159.) se perpetuo accusant. *Humilitatis enim filia est sui ipsius perpetua accusatio &c.* inquit S. Dorotheus doct. 1. (tom. 5. Bibl. PP. pag. 905.) parva licet, errata lacrymis abluunt: *Sic anima, si ardorem ex cupiditate mundi collectum studiose restrinxerit, etiam valde parva errata pro gravissimis ducens, lacrymas multas continenter Deo offert*, ait S. Diadochus cap. 27. (lib. 1. tom. 5. Bibl. PP. pag. 887.). Et de B. Maria Ognacensis scribit Cardinalis de Vitriaco in ejus vita lib. 1. cap. 6. apud Surium ad diem 25. Junii: *Tanta cum verecundia & rubore, cum tanta contritione se ostendebat Sacerdoti, ut plerumque nimio cordis angore instar parvulæ clamare cogeretur, tametsi etiam ab exiguis & venialibus culpis &c. sibi cavisset &c. Sacerdosum pedibus advoluta sese acensans, quadam hujusmodi etiam*

cum

eum lacrymis confitebatur, ad qua nos vix potuimus a risu abstinere, puta quadam verba puerilia, qua in pueritia se dixisse recolens dolebat. Sed firmitatem cordis, vigilantiam, & sollicitudinem habent sine anxietate, & imperturbati, stabiles, & constantes incedunt per viam mandatorum Dei. Inaniter autem scrupulosi timent, comitem habent mentis inconstantiam, pusillanimitatem, tepiditatem, & omnis boni tedium, uti bene explicat Marcant. de tribunali tom. 1. tract. 5. cap. 6. quæst. 2. unde Joannes Trichemius lib. 1. ad Monachos hom. 24. ait: Periculosa est scrupulositas, qua conscientiam in errorem præcipitat; & Joannes Gersonius lib. 4. de consol. Theolog. prop. 2. in fine part. 3. (tom. 1. oper. col. 173.) describens scrupulos hujus generis, ait, quod inquietudinem mentis causant, eamque fluctuare faciunt, a qua, sicut musca morientes, perdunt suavitatem odoris, id est devotionis & amoris sentimentum. Optime Frassen in Philosophia Academica tom. 4. disput. 3. concl. 5. ubi, postquam dixit, scrupulosam conscientiam dividi in rectam, & perversam, & rectam ex timore Dei provenire, perversam autem ex uno ex capitibus supra recensitis, ait, conscientie recte & timoræ effectus esse puritatem & firmitatem cordis, vigilantiam & sollicitudinem sine anxietate; at contra conscientie scrupulosæ & perversæ effectus esse mali apprehensionem cum perturbatione, inconstantiam cogitationis, instabilitatem operationis, & dissidentiam de Dei bonitate. Permittit autem Deus aliquando hasce tentationes scrupulorum, ut occupemur in exercitatione virtutum humilitatis, patientiæ, mansuetudinis, charitatis; uti censuit S. Terefia in epist. 31. ad suum Fratrem Laurentium de Cespede; & sequuntur Alvarez de Paz de victoria tentationum part. 3. cap. 12. Gilottus in libro, cui titulus De directione conscientia scrupulosa cap. 7. & 8. Rosignolius cit. cap. 21. §. Causa efficientes. Legimus autem, nonnullos Sanctos scrupulorum tentatione fuisse, dum viverent, vexatos; inter quos præcipue recensentur SS. Dominicus, Bonaventura, & Ignatius, Maria Magdalena de Pazzis, & Catharina Januensis, de quibus Joannes Pontas in dictionar. casuum conscientie in verb. Scrupulus, cas. 1. vers. Secunda causa. Quocirca Cardinalis Federicus Borromæus de vera & occulta sanctitate lib. 3. cap. 6. hæc de scrupulis habet: Et, quamvis hic animi habitus non sit usquequaque perfectiorum proprius, sed maxime incipientium; fieri tamen potest, ita permittente Deo, ut ipsi etiam perfectissimi ita affecti reperiantur. Quamobrem non semper vere dicitur, timores insolitos, & anxietates illas scrupulorum, communi verbo sic notatas, ingruere in eos, qui sunt adhuc incipientes, & minus perfecti, etiam si plerumque tamen ita sese res habeat.

21 Post hæc superest, ut videamus, quomodo supra recensitas omnes ærumnas & tribulationes Sancti toleraverint; & quid quoad eas animadvertendum sit, quando Acta Servorum Dei pro Beatificatione aut Canonizatione examinantur. Porro de Sanctis omnibus prædicari potest illud Salomonis Sap. 3. v. 5. 6. 7. 8. In paucis vexati, in multis bene disponuntur; quoniam Deus tentavit eos, & invenit illos dignos se. Tamquam aurum in fornace

nace probavit illos, & quasi holocausti hostiam accepit illos, & in tempore erit respectus eorum. Fulgebunt iusti, & tamquam scintilla in arundinetis discurrunt; iudicabunt nationes, & dominabuntur populis Fides eos docuit, Deum servos suos tentare, juxta illud Genes. 22. v. 1. *Tentavit Deus Abraham;* & juxta illud Psalmi 25. v. 2. *Proba me, Domine, & tenta me;* necnon iustum aliquando a peccatore mortificari, juxta illud Psalmi 36. *Considerat peccator iustum, & querit mortificare eum;* & iustos demum afflictionibus probari, sicut aurum in fornace, sed Deum esse cum illis, juxta illud Psalmi 90. v. 15. 16. *Cum ipso sum in tribulatione, eripiam eum, & glorificabo eum, & ostendam illi salutare meum.* Durum quidem aliquando eis visum est, quod boni eos persequerentur, juxta illud Psalmi 54. v. 13. & seq. *Si inimicus meus maledixisset mihi, sustinuissem utique, & si is, qui oderat me, super me magna locutus fuisset, abscondissem me forsitan ab eo. Tu vero homo unanims, dux meus & notus meus, qui simul mecum dulces capiebas cibos &c.* Sed & haec, & cetera omnia patientissime tulerunt, quod tribulatio patientiam perficit, patientia probationem, probatio spem; spes autem non confundit, ut ex Actis eorum Sanctorum, quorum in superioribus mentio habita est, plene desumitur; cum quibus concordant Acta ceterorum, qui in catalogum Sanctorum adscripti sunt: ut interea silentio praetereamus exempla Patriarcharum, Prophetarum, & Apostolorum, de quibus egregie S. Hilarius Pictavorum Episcopus in Psalm. 138. pag. 506. *Domine, probasti me, & cognovisti me.* Apostolus, cum nos patientia, & spei doctrina erudiret, ait: *Tribulatio patientiam perficit, patientia autem probationem, probatio vero spem, spes vero non confundit.* *Es haec quidem in Sanctorum quorumque vita, atque operibus fuisse cognoscimus, ut multis passionibus tribulationibusque jactati, probabiles Deo facti sint.* Si quis enim, exulem Abraham, & in metu parricidii, & calibatus, & in ceterarum passionum injuriis mansisse fidelem semper, memineris; si quis fugam Jacob, & praeter astivorum dierum laborem hibernarum noctium vigilias in custodiis ovium recorderetur; si quis Moysi quadraginta annorum servitutem, & in eo acerba plebis opprobria, & Magorum adversus eum amulas potestates recenseat; intelligit, eos patientia, & constantia, spei probatos non immerito id esse pramii consecutos, ut in Abraha semine gentes benedicerentur, ex Jacob Israel esset, Moyses Pharaoni in Deum fieret. Longum est passiones ceterorum Patriarcharum, Prophetarum, Apostolorum, & beata atque invicta illa Pauli in mari, in fluminibus, in terra, in solitudinibus, in uribus, in propriis, in exteris, in plagis, in vinculis, in carceribus, in theatris Fidei documenta memorare. Certe his omnes patientia probabiles reddidit, per quam non erubescenda spei suae fiduciam probaverunt.

22 Ex Actis pariter Sanctorum plene desumitur, non solum eos adversa sibi ab hominibus illata fortiter & aequanimiter tulisse, sed ipsa quoque Domini flagella patienter tolerasse, cum eis praesentiae suae consolationem subtraxit, & adeo recessit, ut si inter ipsum, & eos murus latissimus esset interpositus. Tunc ceciderunt, se graviora commeritos esse, se in Deo abdi-

abdidderunt, in ipsa defolatione immoti perstiterunt, in nulla mortali creatura, vel negotio solatium perperam quaesiverunt, sed in eo duntaxat, verbo se consolati sunt, quod ipse Christus dicebat: *Fias voluntas tua*. Divinae Gratiae auxilio tentationibus Daemonis obtulerunt; suorum Magistrorum spiritualium consilio causas defolationis investigarunt; si ex culpa & negligentia processerant, eas per poenitentiam deleri & emendari curarunt; si ex Daemonis oppugnatione, fortiter obstituerunt; si ex Divina dispositione, patienter expectarunt, & non deseruerunt, nec minuerunt studium orationis, sed auxerunt, exemplo Christi, qui factus in agonia prolixius orabat. Petierunt a Deo, ut fieret voluntas ejus, & cogitarunt, ab eo immitti defolationes ad mentis illustrationem, ad ampliorem rerum Divinarum cognitionem, ad humilitatem, ad fortitudinem, & ad ardentissimam charitatem consequendam. Apte Cardinalis Federicus Borromaeus lib. 3. de Christianae mentis jucunditate cap. 3. scribit: *Adversores etiam, atque sollicitudines ipsa, in quibus versantur, propriam quandam jucunditatem habent; manifesto scilicet, & certissimo semper utilitatis fructu, quem tentamenta illa secum ferunt; atque de eo fructu Divinum testimonium exiat inter monumenta rerum Beatae Gertrudis: namque Dominus aliquando sic eam affatus fuorat: Vide, filia, permitti errores, & angustias, ut serant humilitatis emolumenta secum. Habet insuper ea disciplina emolumentum hoc, ut, dum fortuito aliqua culpa emendatur, pleraque alia tollantur simul: ad eum plane modum, quo mortales plerique moventur ad eam manifestam labem tollendam, quae manus inquinasset. Lavant eas totas, amoventque perfectae ab iis sordes omnes, quae alioqui passim mansissent, nisi praecipua illa macula flectasset manus. Cumque tantummodo superstit, ut aliqua indicentur de animadvertendis in examine causarum Beatificationis & Canonizationis relata ad ærumnas & tribulationes, nonnulla idcirco damus, ut finem capiti imponamus.*

23 Tum alibi, tum in hujus capitis principio adnotavimus, eos, qui scribunt de Canonizatione, asserere, examinandum esse in causis Canonizationis, an Canonizandus, dum viveret, persecutiones passus sit, & an eas patienter toleraverit. Nonnulli assertionem hanc dependentes ita explicarunt, ut sibi locum vindicet, si qualitas personarum, temporis, loci, & modi vivendi potuerit esse persecutionibus obnoxia. Ita Pavinus in relatione Canonizationis S. Bonaventurae part. 1. art. 1. *De Eremitis, qui nullam molestiam malorum hominum passi sunt, & sic probari non possunt in persecutionibus patientiam propter Deum habuisse, sique in actibus patientia probati non fuerunt, nec in actibus iustitia, cum nec materiam ad hoc suppositam habuerint, & tamen Sancti dicuntur. Quod latius explicarunt Rotæ Auditores in relatione causæ S. Franciscæ Romanæ part. 2. art. 6. Et licet ex processibus non appareat, quod hac Beata mulier persecutiones passa fuerit, prout necessarium videtur in Sancto canonizando, quodque eas humiliter & cum charitate pertulerit, juxta notata in cap. 1. de Reliquiis, & veneratione Sanctorum, Jacob. Casfel. de Canonizatione Sanctorum quest. 5. principali vers. Quasi necessarium i*

tamen

tamen in hoc consideranda est qualitas personarum, temperis, loci, & modi vivendi: nam in Eremitis, & quibusdam, qui ab hominum commerciis remoti vivunt, minores contingunt persecutiones, quam in aliis. Unde, cum Beata mulier non fuerit in statu patiendi persecutiones, potest sine tali requisito canonizari. Explicatio hæc rationi innixa esse videtur, dummodo tamen coercentur ad persecutiones, quæ ab hominibus infliguntur; quæ quidem sub appellatione ærumnarum & tribulationum (uti diximus) comprehenduntur: sed, cum aliæ ærumnarum & tribulationum species inveniantur, quarum nonnullæ sensum, nonnullæ rationem respiciunt (ut in superioribus dictum est) nulla fortasse fuit, vel esse poterit Canonizationis causa, in qua de aliqua ex ærumnis & tribulationibus supra expositis sermo haberi non debeat. Qui vult venire post me (inquit Salvator) abneget semetipsum, tollat crucem suam, & sequatur me; & alibi legitur: Oportuit pati Christum, & ita intrare in gloriam suam. Quocirca S. Bernardus *serm.* 16. in *Psalm.* Qui habitat super illud Cum ipso sum in tribulatione (*num.* 3. *vol.* 1. *col.* 830.) ait: Omne gaudium existimemus, cum in tentationes varias inciderimus, Fratres mei, non modo, quia per multas tribulationes oportet nos intrare in regnum Dei, sed quoniam juxta est Dominus his, qui tribulati sunt corde. Itaque in citata causa S. Franciscæ Romanæ si defuerunt hominum persecutiones, non defuerunt maximæ tribulationes, quas invicta tulit patientia. Maritus ejus in exilium pulsus est, & multa temporalia bona tunc fuerunt amissa; cum interim inclita matrona patientia invicta diceret: Dominus providebit: Dominus dedit, Dominus abstulit: sit nomen Domini benedictum. Nec dissimili modo se gessit in perferendis tormentis & infestationibus sibi a Dæmone illatis, quas iidem Rotæ Auditores *art.* 7. *partis secunda sua relationis* fusc retulerunt; quæque latius descriptæ fuerunt a Joanne Matthiotto ejus Confessario in ejus vita *lib.* 3. apud Bollandianos *tom.* 2. *Martii*. In celebri opere de imitatione Christi, sive illud sit Joannis Gersonii Cancellarii Parisiensis, sive Thomæ Kempis, sive Joannis Gersenii Abbatis Ordinis S. Benedicti, uti erudite ostendit Pater Virginius Valsechius Monachus Cassinensis in *dissertat.* Florentia impressa anno 1724. hæc habentur *lib.* 2. *cap.* 12. *Jesus habet nunc multos amatores glorie celestis, sed paucos bajulatores Crucis; habet multos desideratores consolationis, sed paucos tribulationis; plures invenis socios mensæ, sed paucos abstinentiæ: omnes cupiunt cum eo gaudere, pauci volunt cum eo, aut pro eo aliquid sustinere: multi Jesum sequuntur usque ad fractionem panis, pauci usque ad bibendum calicem passionis. Inter paucos Beatificandi, & Canonizandi debent numerari: quocirca in eorum causis sedulo investigandum erit, an, & quas ærumnas, dum viverent, passi sint; qua patientia, qua charitate pertulerint, probatione desumpta ex testimoniis, qui ærumnas & tribulationes perfectas habuerint, & invictam eorum patientiam benemererint. Quod si res sit de tribulationibus & tentationibus partem rationalem respicientibus, earum profecto tolerantia, & de eis victoria Confessoriorum & Magistrorum spiritualium testimonio probanda est.*

aut

aut ipsorum Dei Servorum scriptis, si suorum Superiorum jussu vitam suam internam descripserint: ceteræ autem probationes per testes externos, ex quibus virtutum in gradu heroico argumentum deducitur, Confessariorum dictis, & ceteris, quæ Dei Servi de se scripserunt, validiorem conciliabunt auctoritatem. Quod ipsum dicendum erit, si pariter ex testibus demonstrabitur, Dei Servos feliciter superasse tentationes eas sensus, quæ testibus comprobari possunt: quippe magis est verisimile, eum ærumnas & tribulationes ad rationem spectantes strenue superasse, qui probatur superasse tentationes sensuum respicientes, quam illum, quem non constat, sensus ærumnas recte tolerasse, quæ testibus oculatis probari possunt: nisi forte dicere velimus, inverisimile esse, eum internas superasse, qui in externis tribulationibus succubuerit.

24. Finis huic capiti imponitur aureis verbis Cardinalis Bonæ de principis *vita Christianæ* cap. 21. part. 2. ubi ita scriptum reliquit: *Insidia, calumnie, persecutiones, & alia mala hujus vitæ maximum bonum sunt, & maxime diligendum; quia in illis nihil est boni, nihil amabile præter Divinum beneplacitum, ad quod, tamquam ad primum principium, cuncta revocari debent, quæ carni & sanguini molesta sunt.* Et paulo ante: *Nos gaudere oportet, quod variis tribulationibus, quasi quodam scalpello, nos Deus expolire dignetur, ut sublimiori loco in domo ejus collocemur. Castigat ille, quos amat, ne mundi prosperitate corrupti, a viâ salutis aberrent.* Ideo mali homines bonis sunt necessarij, ut per illos, tamquam Dei ministros, exerceantur, & ad virtutem assiduis afflictionibus obdurentur. Legi potest Silvius tom. 1. pag. 367. ubi late ostendit, causam proximam tribulationum, quæ Justis eveniunt, non esse constitutendam in ipsorum peccatis, sed in gloriæ Divinæ manifestatione. Opera omnia Ven. Servi Dei Bartholomæi de Martyribus Archiepiscopi Bracarenensis Romæ edita sunt anno 1734. & in eorum tom. 1. par. 2. de moribus Prelatorum pag. 308. multa ex sanctis Patribus collecta sunt ad ostendendam utilitatem tribulationum in hac vitâ.

CAPUT XXXI.

*De nonnullis particulariter advertendis quoad dignitatem
Ecclesiasticarum adeptionem in causis Servorum Dei, qui
eas, dum viverent, obtinuerunt.*

1. **E** T si jam actum est de virtutibus Theologalibus & Cardinalibus, quas diximus requiri debere in gradu heroico, cum de earum approbatione quæstio instituitur in sacrorum rituum Congregatione pro adscribendis Dei Servis in album Beatorum atque Sanctorum; & quamquam multa præterea superaddita sunt, quorum in prædictis causis ratio habenda est: necessarium nihilominus videtur de aliis quoque habere sermonem, quæ in causis Beatificationis & Canonizationis præteriri non

Tom. III. N n n pos-

possunt, atque adeo sedulo ponderari debent, pro statu, in quo Dei Servi, dum viverent, fuerunt constituti.

2 Initioque ducto ab Ecclesiasticis dignitatibus, & signanter ab earum adeptione, hæc habentur apud Scacchum *de not. & sign. sanctit. sect. 6. cap. 1.* Quoties igitur Acta Episcoporum, aut similium Servorum Dei consideranda erient per respectum ad Beatificationem vel Canonizationem, attendendum primò occurreret, an appetentia Presulatus captus is, de quo agitur, ne dicam negotiatione, qua omnino illicita est. Presulatum autem, vel dignitatem non appetivisse, colligitur ex eo, quod invitatus, nolens, aut ad eam minime aspirans, munus reludando suscepit fidelis Dei famulus. Et qui hac ratione ad Episcopatum, aut similem dignitatem Ecclesiasticam promoveretur, vocatur a Deo tanquam Aaron, atque speciali auxilio a Deo dona certo certius consequetur, quibus illam dignitatem recte administret, utpote qui in ea administrandam non quesivit, qua sua sunt, sed qua Jesu Christi; quia, non ut sibi consuleret, sed ut Deo inserviret, dignitates acceptavit.

3 Juxta ergo Scacchi sententiam in Dei Servo, de cujus virtutibus agitur, non perfunctorie, sed exacte inquiri debet, num optaverit, num curaverit, num libens & volens se in Ecclesiasticam dignitatem ingesserit, an infcius, nihilque cogitans ad eam vocatus sit, & invitatus acceptaverit. De S. Cornelio Papa & Martyre ita scribit S. Cyprianus *epist. 52. ad Antonianum col. 150.*: Non, ut quidam, vim secti, ut Episcopus fieret, sed ipse vim passus est, ut Episcopatum coactus exciperet. Joannes Diaconus in vita S. Gregorii num. 44. (tom. 4. oper. S. Gregor. col. 38.) refert, eum fugam arripuisse, ne summus Pontifex fieret: Quia palam egredi portas civitatis non poterat, a negotiatoribus exponendum se, dissimulato, ut fertur, habitu, callidus impetravit, silvarum saltus expetiit, cavernarum latibula requisivit, in quibus, dum ab omnibus summa sollicitudine quæreretur, indicio columna fulgida super se jugiter e celo dependens agnoscitur, capitur, trahitur, & apud Beati Petri Apostolorum Principis templum summus Pontifex consecratur. S. Gregorius VII. in *epist. 3. lib. 1. ad Guibertum Archiepiscopum Ravennatem* (tom. 6. collect. Hard. part. 1. col. 1197.) hæc narrat de sua ad Pontificatum electione: Cum prædictus Dominus noster Papa in ecclesia Salvatoris sepultura traderetur, ortus est magnus tumultus populi & fremitus, & in me quasi vesani insurrexerunt, nil dicendi, nil consulendi facultatis aut spatii relinquentes, violentis manibus me in locum Apostolici regiminis, cui longe impar sum, rapuerunt. Nonnulla alibi dicta sunt de sanctitate Victoris III. Gelasii II. & Gregorii X. lib. videlicet 1. cap. 41. num. 24. & num. 30. & lib. 2. cap. 24. §. 36. Porro testis oculatus Leo Oltiensis lib. 3. cap. 65. testatur, Victorem invitum electum fuisse summum Pontificem anno millesimo octogesimo sexto, sed non consecratum ante millesimum octogesium septimum, cum post quatuor dies ab electione Roma egressus insignia Pontificatus Tarracine dimisisset, & Cassinum se recepisset; nec nisi coacto apud Capuam Concilio Episcoporum, victus tandem precibus & rationibus Præfulum & Principum, qui adfuerant, præte-

præteritam electionem, Crucis & Purpuræ resurrectione, firmaverit. Pandolphus quoque Pisanus familiaris Gelasii II. summi Pontificis in historia vitæ ipsius *ex recens. Constantini Cajetani pag. 4.* hæc fatur de ejus assumptione ad Pontificatum: *Sicque invitus ac renitens Dominus Joannes Cajetanus in Papam Gelasium, Spiritus Sancti gratia mediante, hodie est & electus & ab omnibus in summa Sede locatus, cunctis Dei magnalia collaudantibus.* Notissimus est electionis modus, qui contigit in assumptione B. Gregorii Papæ X. ad summum Pontificatum. Erat enim extra Cardinalium Collegium, aberat a loco electionis, erat Archidiaconus Leodiensis, & cum Pontifex electus est, erat in obsequio Christi trans mare in Syria apud Ptolemaidem cum Eduardo primogenito Regis Anglorum, tempus opportunum expectans, ut Hierosolimam cum ceteris peregrinis proficisceretur. Alia plura consimilia facile cumulari possent: sed silentio præteriri non possunt alia duo exempla, Sanctorum videlicet Cælestini V. & Pii V.: Archiepiscopus Lugdunensis, Episcopi duo, & duo Sedis Apostolicæ Notarii Petrum de Morono, qui Cælestini V. deinde nomen assumpsit, in eremo degentem Oratores adire, expositaque adventus causa, & Cardinalium suffragiis, qui eum in summum Pontificem elegerant, e scripto prolatis, ejus constantiam in respuenda summa dignitate infringere non potuerunt. Franciscus Petrarca lib. 2. *de vita solitaria sect. 3. cap. 18.* scribit, illum fuga se subducere meditatum, sed accurrentium populorum pietate ex ea retractum esse; nec vero assensum unquam præstiturum fuisse, nisi accessissent preces Caroli Siciliæ Regis, & Caroli Martelli ejus filii pariter Hungariæ Regis, qui eo accederent, & Cardinalis Latini, aliorumque, qui hoc unico remedio testabantur subveniri posse diuturnis & maximis Christiani orbis incommodis, quorum rationem agebant ipsum esse Deo redditurum, nisi a Deo decretum & missum Pontificatum acceptaret. De Sancto demum Pio V. tum in *compendio virtutum* exhibito occasione Canonizationis ipsius, in Appendicibus iterum imprimendo, tum in bulla Canonizationis fuscè narratur, nunquam ab eo quæsitum fuisse, nec optatum supremæ dignitatis fastigium, sed Pontificali oneri mira sibi sacri Collegii consensione delato non nisi post fusas Deo ferventissimas preces humillime collum submisisse: quod factum una cum omnibus suis circumstantiis legi potest in historia ejus vitæ composita a Paulo Alexandro Maffeo lib. 1. cap. 12. Item ad hanc classem spectare videtur factum S. Philippi Benitii: cum etenim, mortuo Clemente IV. summo Pontifice, Cardinales inter se dissiderent de summo Pontifice eligendo, a quibusdam pro Pontifice propositus fuit Philippus tunc Præses Generalis Ordinis Servorum B. Mariæ, ob insignem miraculorum famam; sed ipse, re cognita, discessit, & apud Montem Tuniatum delituit, donec alius electus esset, Beatus videlicet Gregorius X., uti referunt Archangelus Gianius, qui ea excerptit *ex historia S. Philippi*, Ferrarius in *catalogo Sanctorum Italia ad diem 23. Augusti*, Spondanus *ad an. 1271. num. 5.* Bzovius *ad an. 1285. num. 18.* Raynaldus *ad eund. an.*

468 DE SERVORUM DEI BEATIFICATIONE

num. 82. Pagi in *breviar. Rom. Pontif. tom. 3. in vita Gregorii X. num. 5.* Baillet in *vita S. Philippi Beniti ad diem 23. Augusti.* Concordant lectiones propriæ, quæ in Ecclesia universali, die ejus festo in ipsius honorem recitantur. In bulla autem Canonizationis cod. Canoniz. num. 103. pag. 543. hæc habentur: *Philippus veterum Anachoretarum mores emulari studens, in cryptam Montis Senarii Deo liberius vacaturus quadriennium secessit. Ceteris ejus virtutibus par fuit cordis humilitas, qua Patrie Ecclesie Episcopatum respuit. Viterbium inde properans post piam dormitionem decessoris nostri Clementis Papa IV. ubi per Ottobonum sanctæ Romanæ Ecclesie Diaconum Cardinalem Sancti Hadriani, suiq; Ordinis Patronum sibi oblata Pontificia dignitate palam se indignum professus, in solitudinem remeavit, ipsum Ottobonum ad tantum fastigium aliquando evehendum, sed brevi eo positurum, vaticinatus. Archiepiscopus An-cyranus in notis ad hanc bullam Canonizationis pag. 547. hæc habet: Modus, quo vir Dei sermonem de Pontificatu inveniundo sibi factum ab Ottobono Cardinali de Flisco modestissime declinavit, in Constitutione explicatur ex veteribus commentariis, sive processibus fide integra de Philippi sanctitate congestis, ac Romæ in examen adductis, quos nondum typis vulgatos nos ipsi versavimus: & Rotæ Auditores in relatione causæ S. Philippi tit. de profundissima humilitate ita scripserunt: *Sed hujus Beati viri animi firmitas magis eluxit, cum vacaret Sedes Episcopi Florentini, & populus Philippum postulavit Episcopum; ipse autem illico ab urbe recessit: & Viterbii, prima Sede vacante per obitum Clemenis IV. cum Cardinales de Successore eligendo non concordarent, de Philippo tractarunt, & id præcipue postularunt Cardinalis Ubaldinus, & alter Cardinalis Fliscus Ordinis Protector; sed clam aufugiens in vastam altissimi montis solitudinem sese abdidit, ibique una cum socio diu delituit. Quæ omnia deponunt testes, & probant vitæ manuscripta.**

4 Quæ contigerunt in electione ad summum Pontificatum, contigerunt etiam in electione ad dignitatem Cardinalatus, & ad Episcopatum. De S. Francisco Borgia ita legitur in bulla Canonizationis cit. cod. pag. 537. *Sed Julius Pontifex, & Carolus V. tantam virtutem in Cantabris delitescere indignum rati, consilium de illo inter sanctæ Romanæ Ecclesie Cardinales cooptando certatim, incassum tamen, quod postea sæpenumero quoque factum, inierunt. Ignatius, qui Sociis aditum ad honores legibus latis obstruxerat, Julii pedibus obvolutus, ne invito atque inscio honorem deferat, neve oblatum capere cogat, nascenti Sodalitati hoc saltem benignus tribuat, libello supplice, & lacrymis coram exorat; & permagna Francisci laetitia impetrat, qui & grati animi testes litteras ad Pontificem dedit: & in vita Cardinalis Joannis Poggii mei concivis in continuatione ad librum Onuphrii Panvinii de summis Pontificibus, & S. R. E. Cardinalibus, exarata a Joanne Antonio Petramellario meo pariter concevise fufe exponitur, quomodo Apostolici Nuntii munere fungens apud Carolum V. Imperatorem, mandante summo Pontifice Paulo III. Franciscum Borgiam Gandensium Ducem, postea Societatis Jesu Præpositum, hortatus sit, ut Cardinalitiam dignitatem, quam ei tum ob singulares*

gulares animi dotes ac merita, tum quia Pontifex ab Alexandro VI. illius gentili in Senatum adscitus fuerat, tum etiam ob Imperatoris preces offerebat, acceptaret: at Franciscus respondit, se immortales summo Pontifici & Imperatori gratias agere & habere, semperque apud Deum tanti beneficii oblato memorem fore; sed se jampridem sæculo renuntiassè, & agnoscere suos humeros impares esse tanto oneri ferendo. De S. Philippo Nerio ita legitur in relatione Rotæ Auditorum exarata in ejus causa (*tit. de mundi contemptu*): *Beatus Philippus dignitatem Cardinalatus a fel. record. Clemente VIII. sibi delatam recusavit, ut plene deponunt testes, & patet ex rescripto manu ejusdem Clementis scripto in memoriali quodam Beati Philippi per ipsum testem ad eundem Clementem allato &c. Recusavit etiam eandem Cardinalatus dignitatem prius sibi sponte oblatam a Gregorio XIV. ut plane deponunt testes*. Item obvia sunt exempla Sanctorum, qui non ita facile induci potuerunt, ut Episcopatum, licet non appetitum, multoque minus petitum, sed sponte oblatum acceptarent. Apud Socratem Ammonius Monachus dexteram sibi auriculam præcidit sperans, se ea irregularitate eos deterriturum, qui ipsum ad Episcopatum rapere meditabantur. Et apud Palladium in *hisor. Lausiaca* in vita ejusdem Ammonii adjicitur, quod, delata noticia auris amputatæ ad Timotheum Episcopum, qui precibus plebis impulsus eum Episcopum ordinare volebat, cum a proposito non desisteret, alioque idcirco ad Ammonium misisset, qui eum per vim ad se adducerent ordinandum, licet aure carentem; hi re infecta recesserunt, audito juramento per eum emisso de lingua sibi excidenda, si cogere vellet. Rursus apud citatum Socratem Nilamnon, habita noticia adventus Theophili Episcopi Alexandrini, qui venerat, ut ipsum Episcopatibus insignibus exornaret, in preces effusus efflavit animam, enixius fugiens Episcopatum, quam mortem. Synesius, ut ex ejus epistolis desumitur, ne Episcopus fieret, se continentia, & Fidei inimicum simulavit; raro quidem exemplo propter circumstantias, de quibus modo agendum non est, excusando, quodque idcirco, uti periculis obnoxium, non est ad imitationem proponendum. S. Paulinus Nolanus Episcopus *epist. 2. num. 2. pag. 8.* loquens de sui electione ad Episcopatum dicit, se ad Sedem Episcopalem fuisse multitudine strangulante compulsum. S. Malachias, cum pari violentia Primatum Hiberniæ suscipere cogeretur, ut est in ejus vita apud Surium: *Ad mortem* (inquit) *me ducitis, sed obedio spe Martyrii*. Paulinus in vita S. Ambrosii narrat, eum tentasse sibi aliquam incontinentiæ speciem opponere; sed, cognita pia fraude, vicisse priorem castitatis incorruptam famam, & Episcopum, licet invitum, electum esse. 8. Possidius in vita S. Augustini cap. 8. hæc habet de ejus assumptione ad Episcopatum: *Compulsus atque coactus succubuit, & Episcopatus curam, & majoris loci Ordinationem suscepit*. De S. Fulgentio sic loquitur Auctor vitæ ejus: *Tunc Beatus Fulgentius eligentium vota velociori præveniens fuga latebris incertis absconditur, nec quaesitus ullatenus invenitur; & infra: Tunc aggrega-*

ta vio-

ra *violenta multitudinis manu repente* Beatus Fulgentius in propria cellula reperi-
tus invaditur, tenetur, ducitur, & Pontifex esse, non rogatur, sed cogitur.
De S. Anselmo sic scribit Edinerus in ejus vita lib. 2. (post opera S. Anselmi
pag. 13.): *Audit hac ille* (Anselmus videlicet electionem suam) *& fere*
usque ad exanitationem sui contradicit, reluctatur, & obstitit. Pravalet tamen
Ecclesia Dei conventus. Rapiunt ergo, & violenter in vicinam ecclesiam cum
hymnis & laudibus portatur magis, quam ducitur. Faciunt quoque exem-
pla eorum, qui oblatos Episcopatus nunquam acceptare voluerunt, vel
qui non acceptarunt, nisi serio accedente Superiorum precepto. Sancti
Bernardus, Thomas de Aquino, Bernardinus Senensis, Vincentius Fer-
rerius oblatos sibi Episcopatus recusarunt, nec unquam acceptare volue-
runt, uti congelitis monumentis ostendit Platus de bono statu Religiosorum
lib. 1. cap. 38. Bernardinus Justinianus in vita S. Laurentii Justiniani cap. 4.
testatur, ter ei a summo Pontifice imperatum, ut suae ad Patriarchatum
electioni assensum praeberet: *Non parere igitur non potuit Pontifici ter jubenti.*
Jacobus Zenus Episcopus Feltrensis in vita B. Nicolai Albergati cap. 3.
scribit, cum non statim morem gessisse voluntati Cleri Bononiensis, qui
ipsum in Episcopum elegerat; sed quanto ille ardentius insistebat, tanto
ipsum constantius reculasse: *Per hunc modum cum integrum semestre Bono-*
nienfis Ecclesia Pastore desolata jaceret, illis neminem, nisi Nicolaum, volen-
tibus, eo autem constantissime detestante, novas tandem artes ciues excogita-
runt, ut desiderio potirentur: operam enim adhibuerunt, ut qui in ea Religione
maxima auctoritate praestabant, quibus imperandi potestas erat, illi ex auctori-
tate precipientes, Nicolaum obedire, compellerent; quibus cum non parere non
posset, curam Bononiensis plebis assumere, & Episcopus esse coactus est. De S. An-
drea Corsino communi Cleri & populi suffragio in Episcopum Fesulanum
electo habetur in bulla Canonizationis eod. Canoniz. pag. 528. cum, nun-
tio electionis audito, clam in Carthusiae Florentinae secessum aufugisse, Dei
Matre exorata, ut se ab ea dignitate liberaret: *Illo diu quaesito, nec reper-*
to, de Praefuli electione mutanda Clerus & populus Fesulanus consilium ineunt,
Sed puer trimus coetum electorum ingressus, Andream Episcopum probe renun-
ciatum nequaquam mutandum, exclamat, inter Carthusianos orantem delitescere;
unde ad Fesulanam Ecclesiam de honore Pontificali subeundo ipse quoque visu
monitus perducitur. A beata memoria Urbano Papa V. decessore nostro in Pasto-
rali munere confirmatus, oves suas omni pietatis officio pascere satagit. S. Petrus
Damiani in epist. ad Nicolaum II. qua extat in principio opusculi 19. tom. 3. oper.
ait, se a Stephano Pontifice vim passum, ut Episcopus fieret: *Post san-*
cta memoria Domini Stephani vestri quidem decessoris, mei autem Persecutoris
obitum ego a me protinus Episcopatum non canonice traditum, sed violenter in-
jectum funditus abscondissem.

5 De Pontificae dignitatis & potestatis excellentia differit S. Bernar-
dus de considerat. lib. 2. cap. 8. col. 428. oper. vol. 1. *Quis es?* (alloquitur Pa-
pam Eugenium) *Sacerdos magnus, summus Pontifex. Tu Princeps Episcopo-*
rum,

rum, tu heres Apostolorum, tu primatu Abel, gubernatu Noë, patriarchatu Abraham, Ordine Melchisedech, dignitate Aaron, auctoritate Moyses, iudicatu Samuel, potestate Petrus, unctione Christus. Tu es, cui Claves tradite, cui voces credite sunt. Sunt quidem & alii cali Janitores, & gregum Pastores; sed tu tanto gloriosius, quanto & differentius utrumque præ ceteris nomen hereditasti. Habent illi sibi assignatos greges singuli singulos; tibi universi crediti, uni unus. Nec modo ovium, sed & Pastorum tu unus omnium Pastor. De S. R. E. Cardinalium dignitate plura habentur in Constit. 19. Eugenii IV. Bullarii Romani tom. 3. part. 3. ubi post plura legitur §. 6. p. 22. Ipsos præterea Cardinales pro honoris ac dignitatis eminentia partem sui corporis, summi Pontifices appellant. Ex quo sine ulla dubitatione ostenditur, post caput Ecclesia, quod est Papa, contigua sui corporis membra, qui sunt Fratres ejus Cardinales, præ ceteris Ecclesia membris, ac partibus honorari debere: & in concione Pii II. in commentar. a Joanne Gobellino compositis relata lib. 4. pag. 99. qua novos a se creatos Cardinales allocutus est: Maxima, Filii, & excellentissima dignitate donati estis: ad Collegium Apostolicum vocati, Consilarii nostri, & Coniudices orbis terrarum eritis: inter causam & causam, inter sanguinem & sanguinem, inter lepram & lepram discernere vos oportebit: Successores Apostolorum circa thronum nostrum sedebitis; vos Senatores Urbis, & Regum similes eritis, veri mundi cardines, super quibus militantis optum Ecclesia voluendum ac regendum est. Demum ceteris prætermisiss, hæc de Episcopis habentur in sacrosancto Concilio Tridentino (sess. 23. cap. 4. de sacramento Ordinis): Synodus declarat, præter ceteros Ecclesiasticos gradus, Episcopos, qui in Apostolorum locum successerunt, ad hunc hierarchicum ordinem præcipue pertinere, & positos, sicut idem Apostolus ait, a Spiritu Sancto regere Ecclesiam Dei. De se, aliisque Apostolis loquens inquit D. Paulus 2. ad Corinth. 5. v. 20. Pro Christo ergo legatione fungimur; & S. Leo serm. 3. de annivers. Assumpt. Episcopos Ecclesia principes nuncupat, & Apostolorum successores, ac potestatis illorum participes; & præclare Auctor libri de dignitate Sacerdotali cap. 2. (in append. ad oper. S. Ambrosii col. 359.) subjicit: Honor igitur, Fratres, & sublimitas Episcopalis nullis poteris comparationibus adequari. Si Regum fulgori compares, & Principum diademati, longe eris inferius, tamquam si plumbi metallum ad auri fulgorem compares; quippe cum videas, Regum colla & Principum submitti genibus Sacerdotum, & exosculata eorum dextra, orationibus eorum credant se communiri.

6 Atque ex his inferitur, non modo illicitum esse, quod absit, malis artibus predictas adipisci dignitates, sed etiam earum simplex desiderium culpa non vacare, juxta illud Sancti Augustini lib. 19. cap. 19. de civit. Dei relatum in can. Qui Episcopatum 8. quest. 1. Locus vero superior, sine quo regi populus non potest, etsi ita teneatur, atque administretur, ut decet, tamen non decenter appetitur. Huc facit illud Apostoli ad Hebræos 5. v. 4. Nec quisquam sinit sibi honorem, sed qui vocatur a Deo tamquam Aaron. Theologice res examinatur a D. Thoma 2. 2. quest. 185. art. 1. ubi ait, tria posse confi-

considerari in Episcopatu, & sic in ceteris supra recensitis dignitatibus, operationem videlicet, per quam providetur utilitati Proximorum, gradus altitudinem, & honorem, qui gradus altitudinem comitatur; subijcitque, *presumptum* esse appetere gradus celsitudinem; & , quamvis secundum se laudabile sit appetere Proximis prodesse, hoc ipsum tamen etiam esse *presumptum*, cum annexam habeat gradus celsitudinem. Traditur hoc ipsum ab eodem S. Doctore *quodlibet. 2. quest. 6. art. 1.* & licet citatis locis doceat, hæc non habere locum, si urgeat necessitas, addit nihilominus Ven. Dei Servus Cardinalis Bellarminus in *admonit. ad Episcopum Theanensem nepotem suum* hæc, quæ sequuntur: *At Sanctus Thomas in loco supra notato scribit, imminente manifesta necessitate, posse Episcopatum appeti. Respondeo, admonendos esse ambitiones, ut manifestam illam necessitatem expectent; quæ si tempore suo non advenerit, ut temporibus nostris, & temporibus Patrum nostrorum non advenit, quiescant, nec solum petere non audeant, sed nec ullo modo appetere.* Celebris est homilia tertia S. Joannis Chrysostomi in Acta Apostolorum, ubi ad rem ait (n. 4. pag. 28. tom. 9. oper.): *Si scires enim Episcopum omnium esse, omnium onera ferre oportere; quod aliis irascantibus venia detur, illi vero minime; quod aliis peccantibus excusatio multa, ipsi vero nulla sit; ad hanc dignitatem non accurrisses; & in libro 3. de Sacerdotio, postquam consideravit, Apostolum Paulum in prima epistola ad Corinthios, inter quos per diuturnum tempus Apostolatus sui munere functus fuerat, dixisse, in timore & tremore multo fuisse apud illos, subijcit n. 7. (pag. 385. tom. 1. oper.): Si igitur ille, qui majora, quam præcepta Dei ferrent, præstares, & nusquam qua sua erant quæreret, sed quæ subditorum; ita formidolosus erat, cum ad principatus magnitudinem respiceret, quid faciemus nos, qui sæpe nostra quarimus, qui Christi mandata non solum non superamus, sed majori ex parte transgredimur? Quocirca, ratione periculi, etiam a ceteris præscindendo, nemo est qui non videat, prædictas Ecclesiasticas dignitates tuta conscientia desiderari non posse, quemadmodum prosequitur Cardinalis Pallavicinus in *vindicationibus Societ. Jesu cap. 41.* Ideo hac munera aversari laudabile est, non tamquam mala, sed tamquam suscipientibus periculosa. Ita generatim opes, dominatio, claritas nominis suapte ingenio quæ dem bona sunt, alioqui Dæmone non haberent auctorem, nec inter Dei beneficia numerarentur; sed bona sunt perquam lubrica, pedibusque non præcautis lapsum parantia. Idcirco tutius, adeoque laudabilius repudiantur, uti Lex Christiana nos docet, & nonnulli etiam ex Ethnicis cognoverunt.*

¶ Apostolus Paulus in *epist. 1. ad Timotheum cap. 3.* qualitates exprimit, quæ in Episcopo necessariae sunt, quæque multo magis necessariae esse videntur in Romano Pontifice, qui est Episcopus Episcoporum, & ex eadem ratione extendendæ etiam videntur ad Cardinales sanctæ Romanæ Ecclesiæ, juxta Concilium Tridentinum *sess. 24. cap. 1. & sess. 25. cap. 1. de reformatione*, ubi statuitur, ea omnia & singula, quæ de Episcoporum præficiendorum vita, ætate, & doctrina, & ceteris qualitatibus conituta sunt, exigi

exigi etiam debere in creatione Cardinalium sanctæ Romanæ Ecclesiæ, quamvis Diaconi sint. Ex qualitatibus ab Apostolo indicatis aliquæ sunt negativæ, aliæ positivæ, ut *loc. cit. v. 2.* : Oportet ergo Episcopum irreprehensibilem esse, unius uxoris virum, sobrium, prudentem, ornatum, pudicum, hospitalem, doctorem, non vinolentum, non percussorem, sed modestum, non litigiosum, non cupidum, sed sue domui bene præpositum, filios habentem subditos cum omni castitate. Si quis autem domui sue præesse nescit, quomodo Ecclesiæ Dei diligentiam habebit? Non neophytum, ne in superbiam elatus in iudicium incida: Diaboli. Oportet autem, illum & testimonium habere bonum ab iis, qui foris sunt, ut non in opprobrium incadat, & in laqueum Diaboli. Repetit hæc eadem Apostolus in *epist. ad Titum cap. 1.*; cumque vix contingat, aliquem dictis qualitatibus omnibus esse præditum, vel saltem reputare posso, se præditum esse, hinc fit, ut a nemine sine culpa memoratæ modo dignitates appeti possint, juxta illud Ildori Pelusiotæ *lib. 1. epist. 4.* Non est quorumlibet, vir præclare, Episcopatum appetere, verum eorum, quorum vita ex Pauli legibus dirigitur. Apostolus ante verba supra recensita dixerat: Si quis Episcopatum desiderat, bonum opus desiderat. In Episcopatu quippe cum procuratio contineatur Proximorum salutis, Episcopatus desiderium spiritalem hominum profectum respiciens, laudabile utique est & meritum; ut superius ex D. Thoma dictum est, & confirmat S. Joannes Chrysostomus in *epist. 1. ad Timoth. hamil. 10. (pag. 598. oper. tom. 11.)*: Si quis Episcopatum desiderat. Non improbo illum, inquit; opus quippe regiminis est. Si quis hæc desiderio tenetur, ita ut non imperium, & auctoritatem cupiat tantum, sed Præpositi officium, non improbo. Bonum enim opus desiderat Si quis ita desiderat, utique desideret. Sed, ne ex prædictis verbis occasio & ansa arriperetur Episcopatum desiderandi, Apostolus statim subjecit, oportere, Episcopum esse irreprehensibilem, uti observat S. Gregorius M. in *Pastorali libro part. 1. cap. 8.* Laudans desiderium, in pavorem protinus vertit, quod laudavit, cum repente subiungit: Oportet autem, Episcopum irreprehensibilem esse. Idemque S. Gregorius scite animadvertit, in hisce desideriis periculum esse, ne labor & opus, quod desiderans animo versat, ludibrium sit, quo se animus in summo sui cortice pascat, & furtiva honorum libido in animi penetralibus regnet: Sed plerumque hi, qui subire magistrum Pastorale cupiunt, nonnulla quoque opera bona animo proponunt; &, quamvis hoc intentione elationis appetunt, operaturos tamen se magna pertractant, sique, ut aliud in imis intentio supprimat, aliud tractantis animo superficies cogitationis ostendat. Quod etiam consonat doctrinæ D. Thomæ supra memoratæ, qui docuit, præsumptiosum esse Episcopatum appetere propter gradus celsitudinem, quæ in Episcopatus desiderio comes est spiritualis utilitatis Proximorum, cui desiderans se inhære profitetur. Aurea sunt verba Cardinalis Bonæ in *principiis vite Christianæ part. 1. cap. 43.* Magna temeritas Ecclesiasticorum est, qui, cum viribus careant ad onus Pastorale ferendum, illud tamen anxie querunt, & se illi sponte subiciunt, non vocati a Deo, sed spiritu elationis impuls, Tom. III.

non ut gregem pascant, sed ut ipsi pascantur, non ut regant, sed ut dominantur. *Ecce.* Ut autem sine superbia velamen obtendans, libenter arripimus, quod ait Apostolus, Qui Episcopatum desiderat, bonum opus desiderat; nec tamen advertunt, quod, laudato desiderio, id, quod laudaverat, in terrorem protinus vertit subdens: Oportet autem, Episcopum irreprehensibilem esse, sobrium, prudentem, ornatum, pudicum, hospitalem, doctorem, modestum. Et quis est tanta præditus sanctitate, ut possit se in omnibus irreprehensibilem exhibere *Ecce.*? At proinde animarum cura sine manifesta Dei vocatione accipianda non est, tum diu considerandum, quid valeant humeri, quid ferre re-
essent. Non debet præesse, qui non potest prodesse. Celebre est opus Ven. Dei Servi Bartholomæi a Martyribus Archiepiscopi Bracarensis, cui titulus est, *Stimulus Pastorum.* Illud meritis laudibus prosequuntur Antonius Posslevinus & Societate Jesu, Ambrosius Altamura Ordinis Prædicatorum, & ex eodem Ordine Dominicus Gravina, Fernandez, Plodius, Fontana, Marchesius, Echard. Bartholomæus autem in eo opere ita scribit: Nemo certe se imaginibus cogitationum magna facturum proponentibus illudere debet, sed ex anteacta via judicare, quid in Episcopatu acturus sit. Quomodo enim viri gratia in culmine positi discere, immo docere poterit humilitatem, qui in imis non desinit superbi-
re? Quomodo se pro animarum sibi creditarum salute procurando impendere ac superimpendere vult, qui anima propria curam vix ullam habuit, totumque se terrenis cogitationibus & desideriis immergit? Qua ratione onus illud Angelicis humeris formidandum sustinere poterit, qui se ipsum in via virtutis crebro titubantem vix sustentare valuit? O stultum, qui, cum ad casum urgeatur ex oneribus propriis, humeros inconsiderate submittit opprimendus alienis! Legi potest vita prædicti Servi Dei Bartholomæi a Martyribus scripta a Malachia de Ingulmbert Episcopo Carpentoractensi, ubi *part. 1. cap. 4.* late exponit, quomodo Ludovicus Granatenfis, vir magni nominis, & tunc Præfex provincie Lusitanæ Fratrum Prædicatorum, se subtraxerit oneri Archiepiscopatus Bracarenfis, quem Regina Catharina Lusitanæ ei obtulerat, & quanta animi demissione, quanta humilitate, quanta hæsitacione Bartholomæus eum acceptaverit, inductus nedum precibus & suasionibus, sed etiam præcepto obedientie sub poena excommunicationis, nisi acceptaret, denunciatae ab eodem Patre Ludovico de Granata, qui dono discretionis spirituum erat illustratus, & Bartholomæi sanctitatem bene noverat.

8 Hucusque adducta suadent, nec supremam Sedem, nec dignitatem Cardinalatus, nec Episcopale fastigium ultro esse appetenda, nec omnino acceptanda animo libenti, sed debitis tantum intercedentibus circumstantiis; de quibus idcirco quæstio erit instituenda, cum de Servorum Dei, qui eas obtinuerunt, Beatificatione & Canonizatione pertractabitur. Notum est omnibus, quæ animi constantia Clemens Papa XI. oblatum concordie Cardinalium suffragio Pontificatum per tres dies a se rejecerit, de quo etiam infra. Ita res ab ipso narratur *tom. 1. suarum epistolarum, & Bra-*

Brevium, quæ a Nobis hoc in loco referuntur, cum inde aliquid hauriri possit, quod conferat ad rem, de qua nunc agitur, ad debitas videlicet circumstantias, quarum ope summus Pontificatus absque labe, & omnino licite, dummodo sponte oblatus sit, acceptari potest. In epistola ergo ad Josephum tunc Hungaria Regem, & in Romanorum Regem electum ita scribit: Ha volute Dio Signor nostro promoverci all' alto grado di suo Vicario in terra, e l' ha voluto in guisa, che per quanto i sacri Elettori conoscessero molto prima la nostra insufficienza, e Noi medesimi l'abbiamo in quel punto protestata con vive lagrime pte fuori dal più profondo dell'animo, per difenderci dalle violenze di tutto il sacro Collegio, ciò non è bastato per sottrarci da un peso, che sempre più ci riesce formidabile. Et in epistola ad Ludovicum XIV. Francorum Regem Christianissimum: Quindi, conoscendo Noi le proprie gravissime imperfezioni, ed incerti ancora della volontà Divina, abbiamo con forza di copiose lagrime palesata lungamente la nostra ripugnanza, ritardando il consenso fino a quel punto, che contrastato dalla costanza degli Elettori cominciava a passare per colpa d'ostinazione nel resistere allo Spirito Santo: ed allora fu, che convinti, voler Dio medesimo nelle grandi opere non solo essere, ma comparire ancora l'autore, ci lasciammo condurre al Soglio Pontificio. Porro hæc ostendunt, in summi Pontificatus acceptatione debitas non deficere circumstantias, si quis eum non appetiverit, si oblatum recusaverit, si suas imperfectiones Electoribus patefecerit, si, eis minime obstantibus, a suo proposito Electores non recesserint: post hæc quippe, si recusans in suo sensu peristeret, oblationis notæ esset obnoxius, & voluntati Divinæ congruis signis sibi manifestate obistere velle videretur.

9 Quoad ceteras vero dignitates, Cardinalatus videlicet, & Episcopatus, summi Pontificis præceptum sufficere debere videtur, ut eadem nullatenus concupitæ, aut questitæ acceptentur; & præcipue, si, quæ acceptationi obistere posse exultimabantur, fuerint ipsi patefacta. Beatus Albertus cognomento Magnus ad Insulas Tarviunas electus est, cui Humbertus Ordinis Prædicatorum Magister, vir sane gravissimus, epistolam scripsit relata apud Theophilum Raynaudum *oper. tom. 15. pag. 121.* in qua consilia & preces fecernit a præceptis; ac de præcepto loquens moram etiam post illud admittit, sed ad tempus, indicans, si serium sit & perseverans, ei præstandam esse obedientiam: *Non moveant vos, obsecro, consilia & preces Dominorum vestrorum de Curia quidem emanantia, in qua cito & facile in sibi sunt a:que derisum talia verti solent. Non flectant vos præcepta Papalia, quæ neminem efficacius resistere volentem cogere consueverunt; nec sarcina huiusmodi ad tempus inobedientia hominis famam ledere, sed potius angere solet. Quam ad rem ea quoque faciunt, quæ supra dicta sunt de electione Sancti Laurentii Justiniani ad Venetum Patriarchatum, & Beati Nicolai Albergati ad regimen Bononiensis Ecclesiæ.*

10 Apud S. Bernardum *lib. 4. de considerat. cap. 4. num. 12. col. 446. loc. cit.* Ingenius Pontifex admonetur, ut invitos & reluctantes assumat ad

Cardinalatus dignitatem, ambientes autem rejiciat; cum longo sermone prosequitur idem S. Bernardus dotes, quibus Cardinales fulgere debent, de quibus aliqua indicabuntur in capite sequenti: *Itaque non volentes, neque currentes assumito, sed cunctantes, sed remuentes, etiam coge illos & compelle intrare: in talibus, ut opinor, requiescet spiritus tuus, qui non sint astricta frontis, sed verecundi, sed timorati, qui preter Deum tantum timeant nihil; nihil sperent, nisi a Deo. Summus Pontifex Pius II. lib. 4. commentar. pag. 98. acriter conquectus est, de insolenti sui temporis plurimorum ambitione; qui pro obtinenda Cardinalatus dignitate impudenter instabant: Nam quis est Clericali charactere insignitus, qui non se dignum Cardinalatus honore dijudicet? qui non petat? qui non instet? & inter Candidatos, ut ita dicamus, videri, & esse velit? Nunium viluit hac dignitas, quando vel pueri, eam sibi debent, existimant. Sed incidimus in mores istos: non possumus prohibere petentes, non administrare facile possumus. Perpenſis supra recitatis verbis, totoque tenore sententiae S. Bernardi, Ven. Cæsar Cardinalis Baronius de Cardinalatus desiderio egregie locutus est in epistola nunciatoria tom. 7. suorum annalium ad summum Pontificem Clementem VIII. edit. Romae an. 1596. Quandoquidem autem sermo incidit de Cardinali Baronio, scire opus est, eum fuisse virum sanctis moribus præditum, quique ante Cardinalatum, & in Cardinalatu pro Dei Ecclesia in concinnandis annalibus immensos propemodum exantlavit labores, teste Montacutio homine ab Ecclesia Catholica seposito, qui in apparatu ad origines Ecclesiasticas licet in Baronium scribere ausus sit, sed infelici profus conatu, quemadmodum pluribus demonstravit Henricus Cardinalis Norſius in cenotaphiis Pisani, hoc tamen de moribus & laboribus ejus ingenuum & illustre edidit testimonium in præfatione num. 62. Nec ulla ætas (talem virum) erit emissura, siue molem & magnitudinem operis spectemus, seu rerum narratarum varietatem, siue methodum, & dispositionem facilem &c. Quod si qui deinceps ad parem laudem aspirent, in secundis omnino, tertiusque confidebunt, eo quod vestigia illius consecuturi, qui temporis prerogativa prior exemplo illis prævit consecutus. Et post plura n. 75. Dissentire mihi necesse est sapius a Baronio: & quidni liceat dissentire? Castrio, Tornello de la Pnente, aliis licuit, & novissime, ac in primis doctissimo Petavio. Non tamen ita dissentiendum duxi, ut contumeliis incessem & opprobriis, quod nostri vellent, & non factum accusantur zelatores. Virum enim optime de Ecclesiastica antiquitate meritum, quid negari nec potest, nec debet, illustri adeo nominis celebritate, eminentissima dignitate constitutum, honestum, probum præterea, quid commemorans & fatentur etiam ipsi ejus Adversarii, in privata vita, ac rigide severum, ac tantum non astrictum, nusquam nisi honorifice compellavi.*

11 Verba vero Cardinalis Baronii in modo memorata epistola nunciatoria sunt hæc: Ea quidem tam multa, dum quis prudenter perlegit (loquitur de supra citato textu) & aliis qui in eodem libro S. Bernardi continentur) atque adeo magna, miraque, & difficilia, arduaque considerat, eademque

que plurima numero, & diversa recenset, ac mente scrutatur eminentem, sublimemque, omnibus absolutam numeris sanctitudinem vita, quam exigis durus exactor ab eo, qui eligendus est Cardinalis, necesse est, ut timore perterritus, propria conscius imbecillitatis, despondens animum (quod non nisi cum summo salutis aeterna discrimine adeo celsa petantur) omnino resiliat, penitusque refugiat, atque etiam precibus periculum redimat, illaque Lat verba proferat: Non possum in monte salvari, ne forte apprehendat me malum, & moriar. Est civitas hæc juxta, ad quam possum confugere, parva, & salvabor in ea: quam jure dixerim privata vita confugium. In eadem quoque epistola idem Cardinalis suam repugnantiam excusat, impositumque sibi a summo Pontifice præceptum de acceptanda oblata dignitate his verbis exponit: Non est, quod queri possis, Pater Sanctissime, quod Sanctitati tua ipse adeo videar reluctatus; sed, si liceret, esses mihi jure exoptulandum, quod, cum a Prædecessoribus tuis, qui me a privata vita potu abstrahere non semel voluerunt, tamen, quam deprecatus essem, obtinuerim honorum immunitatem, a te vero, a quo magis amari scirem, nequaquam potuerim impetrare, sed quo mei amantiorem (venia petita, dixerim) eo violentiorem experius sim, cum per tuos seorsum abreptus, cubicula clausus, vixque tandem, ut audirem, multum rogans, admissus ante conspectum tuum Angelis reverendum, post meam defensionem, abs te responsum illud unum tantum acceperim, quo robusta voce diram anathematis protulisti sententiam, si amplius resisterem, & nisi penitus acquiescerem. Quem non terruisset, ac non penitus dejecisset, atque prostrasset talis erumpens e celo repente tanto fragore tonitrus fulmen aeterna damnationis explodens?

12 Similia contigerunt ante aliquot annos, cum Clemens Papa XI. Cardinalium numero adscripsit Venerabilem virum Joseph Thomasiū Clericum Regularem, natalibus, virtutibus, & doctrina undequaque illustrem. Repetere oportet quæ in electione ipsius Clementis Papæ XI. ad summum Pontificatum contigerunt. Nuntio liquidem delato, alto dolore pressus, quem molesta febris secuta est, nil intentatum reliquit, ut Eligentium voluntati resisteret; nec cessit, nisi postquam quatuor insignes Theologi, inter quos memoratus Thomasius, concordi judicio validissimis ex causis judicarunt, non sine gravissimi criminis labe oblatum ipsi summum Catholicæ Ecclesiæ Pontificatum posse dimitti; quemadmodum late refertur in ejus vita lib. i. pag. 47. Ex quo proinde factum est, ut, recusante postea Thomasio delatam Cardinalatus dignitatem, suerit ei ab eodem Pontifice præceptum, ne recusaret; cum eadem prorsus rationes, quas in suo suffragio exposuerat, suadentes, ut ipse votis Eligentium assensum præberet, & sic Pontifex fieret, æque adversus illum militarent, ne a Cardinalatu resiliret; uti fuse refertur in vita memorati Cardinalis Thomasiū fideliter conscripta a Dominico Bernino cap. 17. Quapropter, sicuti Ecclesiasticæ dignitates appeti non possunt nec debent, & qui appeteret, a peccato immunis non esset; ita ne ille quidem a peccato immunis esset, qui a summo Pontifice jussus eas acceptare, recusaret; nisi forte

478 DE SERVORUM DEI BEATIFICATIONE

forte certo sciret sese indignum, & minus habilem, tunc enim nullius imperio cedere deberet, nec tuta conscientia suæ electioni assensum præstare deberet; quemadmodum, congesta undique eruditione, prosequitur Thomassinus *de vet. & nov. Eccles. discipl. part. 2. lib. 2. cap. 66.* ubi duo hæc statuit: *Primo, qui infucata modestia & humilitate imbuti sunt, eos, abjecta tandem pugnacitate, obedientia & charitatis jugo, Ordinumque sarcina cervicibus inflectere debere. Secundo, nulli cedendum esse vi & imperio, si quis sibi notoria conscius sit indignitatis, & habilitatis prorsus nullius ad tantum onus gestandum. Septimum tamen & munitum quemque esse debere adversus scrupulosa conscientia ludibria & morositates. At, his prætermisiss, licet omnino invitis, & in sua recusatione persistentibus dignitates Ecclesiasticæ conferendæ non sint (quemadmodum scite animadvertit sæpe memoratus Clemens XI. in sua Confessoriali oratione, quam habuit die 7. Junii 1706. cum admisit Cardinalatus recusationem factam ab insigni Præfule Gabriele Philippuccio: *His omnibus assentis, Beati Gregorii prædecessoris nostri exemplum sequentes, qui invitum neminem Episcopale onus subire Apostolica jussione coegisse unquam reperitur*) præceptum tamen de nolentibus efficere debet volentes, uti legitur in can. Consuluit, *dist. 74.* Quapropter, quia invitos fieri Ecclesiasticæ, moderatio gravitasque non patitur, ut ex nolentibus fiant volentes, ordinatio illa potest perficere: & multo magis, cum non nisi urgentibus rationabilibus & gravibus causis, ad præcepta deveniatur. Quocirca, electo memorato pio & docto Præfule Philippuccio ad Cardinalitiam dignitatem in Confessorio habito die 17. Maji 1706., ipsoque constanter repugnante, ita ut omnia irritò conatu cesserint, quæ jussu Clementis XI. adhibita opera præstantium virorum, ut acceptaret, præstita sunt; re subinde discussa in Congregatione nonnullorum S. R. E. Cardinalium, decretum est, eum non esse cogendum: cum nulla coactionis causa inveniretur, sicuti fuisse legitur in ejus vita scripta a Joanne Mario Crescimbeni, & Romæ edita anno 1724. Uno verbo, non nisi Deo vocante, ad Ecclesiasticas dignitates accedendum est. Qua autem ratione vox illa & vocatio Divina dignosci possit, hoc opus, hic labor est. Felices profecto fuerunt Præfules illi Ravennates, qui ad ejus Ecclesiæ regimen ab Aderito ad Severum indicio columbæ electi sunt, de cujus historiæ veritate omnia congesta legi possunt apud Fabrum *de Ravennatis Ecclesiæ monumentis pag. 346.* a quo nullatenus esse recedendum, recte monet vir sane eruditus Benedictus Bacchini Abbas Ordinis Congregationis Cassinensis in *observat. ad Mbr. Pontifical. Agnelli erutum ex bibliotheca Estensi pag. 175. & 176.* Felix Ravenna, quæ Archiepiscopos habere meruit visibili cælestique vocatione electos; unde jamdudum vulgatum est proverbium per universum orbem: *Beata civitas illa, ubi in electione Pontificis Spiritus Sanctus descendit in columba similitudinem, & ordinatur ille, super cujus caput resedit*; uti legitur in vita S. Severi conscripta a Monacho circa Beati Petri Damiani ætatem, & edita in *append. cit. lib. Pontifical. pag. 14.* At, si consimilia desint Divinæ voluntatis indi-*

cia,

Et, succedunt Apostoli verba *epist. ad Rom. cap. 11. v. 34.* : *Quis enim* (inquit) *cognovit sensum Domini. aut quis consiliarius ejus fuit?* Quare non minus pie, quam sapienter, S. Bernardus super hac re a Brunone Archiepiscopo Colonienfi designato consultus respondit (*epist. B.col. 26. oper. vol. 1.*) : *Queris a me consilium, vir illustris Bruno, an volentibus te promovere ad Episcopatum acquiescere debeas? Quis hoc mortalium definire presumat? Deus forsitan vocat: quis audeat dissuadere? Forte non vocat: quis appropinquare consulat? Utrum vero vocatio Dei sit, an non sit, quis scire possit, excepto Spiritu, qui scrutatur etiam alia Dei, vel si cui forte revelaveris ipse? Quod si ex Sanctis illis, quos ad eas dignitates divinitus vocatos fuisse, eventus ipse comprobavit, vix ullus reperietur, qui oneri humeros subicere non valde formidaverit, quique, quantum potuit, non restiterit, omnemque industriad & conatum, ut declinaret, non adhibuerit; hoc Divine vocationis, quantum conicere fas est, indicium esse poterit. Quare S. Carolus lib. 1. *epist. 25.* ad Episcopum Mantuanum scripsit: *In hac tua ad Ecclesiam Mantuanam promotione eo major mihi spes est, operam tuam quam fructuosissimam maximeque salutarem fore. quo res tota simplicius sinceriusque transacta est sine ulla studio tuo &c. Te porro hoc tantum munus atque honoris, quem non tibi assumpsisti, sed Dei vocatu atque invitatu obtinisti, magno animo gesturum; & istam vineam sane magnam atque insignem quam accuratissime culturum atque ornaturum esse, non dubito. Aderis laboranti Deus, & pulcre satis, atque irrigatis a te stirpibus incrementum dabit.* Querit S. Thomas 2. 2. *quæst. 185. art. 2.* utrum liceat Episcopatum injectum omnino recusare; & respondet, sicuti ad inordinationem voluntatis pertinet, ut aliquis sua sponte velit aliorum gubernationi præfici, ita etiam ad inordinationem voluntatis pertinere, ut aliquis contra Superiores præceptum prædictum gubernationis officium omnino recuset: tum in responsione ad secundum docet, Subditum non excusari, ne oblatum Episcopatum acceptet propter impedimentum, quod per ipsum potest, vel per Superiorem removeri; secus autem, si impedimentum nec ab ipso, nec a Superiore tolli possit. Item *quodlibet. 5. art. 22.* proposita quæstione, utrum melius faciat, qui consentit electioni canonicæ de se factæ, an qui repugnat; respondet, peccare illum, qui consentit electioni intendens animo aliquid temporale; posse recusando mereri, si ex humilitate proprios considerans defectus, recuset; posse demum laudabiliter acceptare, si id faciat ex charitate fraterna, ut salutem Proximorum procuret; sed, quia difficile est, ut purgatum se aliquis possit agnoscere, Prælationis officium totius declinari, non tamen pertinaciter, cum aliquo modo superna voluntas agnoscitur.*

¹⁷⁰⁰ 13 Finis huic capiti imponitur, asserendo, prædictarum rerum examen in sacrorum rituum Congregatione nunquam omisum fuisse, quoties actum est de virtutibus eorum Dei Servorum, qui Ecclesiasticas dignitates, dum viverent, obtinuerunt: & ita factum est in causis SS. Pii V., Francisci Salesii, Altonsi Mogrobesii, quæ jam absolutæ sunt, necnon in aliis, quarum

quarum examen adhuc pendet, Innocentii videlicet XI., Cardinalium Bellarmini, de Aretio, Thomasi, Gregorii Barbadici, necnon Juvenalis Ancinæ Episcopi. Dum ageretur de introducenda causa Ven. Dei Servi Innocentii Papæ XI. ipse tunc fungens munere Fidei Promotoris ea opposuit, quæ leguntur in *dictionary historico & critico* Petri Bayle tom. 2. *tertiæ editionis* pag. 1546. ex quibus desumitur, eum aulicis malisque artibus, oblatiis videlicet collatisque personæ potenti muneribus, officium quoddam Prælatitium; per quod ad Cardinalitiam dignitatem facile perveniri poterat, obtinuisse. Causa autem Beatificationis & Canonizationis ipsius nunquam sane introducta fuisset, nisi providi Postulatores conjecturis, præsumptionibus, & validissimis argumentis oppositionis levitatem demonstrassent. Nemo est qui ignoret, nonnulla interdum de aliquo dici, quæ per ora hominum volitant tanquam vera, & tamen falsa deprehenduntur, cum eorum examen instituitur: quo in numero reponenda est ea res; de qua nunc agitur. Extat in bibliotheca Vallicellana Urbis vita Innocentii XI. accurate conscripta ductu & consilio viri sane gravis Patris Carafini, qui Instituto S. Philippi Nerii nomen dederat, & clare semperque colendæ memoriæ Cardinalis Colloredi ex eodem Instituto, qui in Urbe degentes & ante ipsius Pontificatum, & tempore Pontificatus, & etiam longe post ejus mortem cuncta scire potuerunt, quæ ad ejus gesta pertinebant. Vita hæc conscripta fuit, antequam in mentem alicui venisset agere de ejus Beatificatione & Canonizatione; & libro quidem 1. cap. 2. agitur de supradicta fama, quod aulicis & malis artibus officium Prælatitium obtinisset, tum subjiciuntur hæc verba: *Adeffo però meglio informati e' induciamo a non tenerla in grado alcuno di probabilità, costandoci del vero per relazione ancora di quella che l' hanno inteso dalla bocca del medesimo Odescalchi: il quale fatto Pontefice, negando una dignità Ecclesiastica a certa persona ambiziosa, fu arditamente interrogato da un' Ambasciatore, che raccomandava il pretendente, se egli per l' addietro aveva mai procurato grado alcuno dalla S. Sede per li propri' avanzamenti. Ed il Papa, dopo essere stato alquanto ambiguo, se doveva averli rispondere, mansuetamente gli disse: Signor Ambasciatore, con tutta coscienza vi confessiamo di non aver in vita nostra desiderata mai dignità alcuna, eccettuato un Chericato di Camera, quale non ottennimo in tempo d' Urbano VIII. nostro predecessore. Lo stesso confermò, essendo pur Pontefice, ad altri personaggi, forse per togliere il cattivo esempio della favola, fogginnando ancora specialmente, com' egli nè con regali, nè con industrie aveva procurato d' essere Cardinale, e che a . . . non aveva mai fatto altro donativo, se non di due mule, quali glielie mandò dieci anni dopo aver avuto il Cappello in occasione, che ritornò dal Vescovado di Novara. Additur, Bayle heterodoxum Scriptorem narrationem prædictam desumpsisse ex fabellis, quæ a male feriatis non modo ore proferuntur, sed scriptis mandantur ab Urbe ad exterarum nationes, quæque calumniis repletæ sunt adversus viros in Ecclesiastica dignitate constitutos: & idem Bayle alibi errat in vita prædicti summi Pontificis In-*

eiſ Innocentii XI. Refert enim eum militiæ ſeculari nomen diſſiſſe apud Polonos, vel apud Flandros, quæ abſque dubio falſa ſunt.

C A P U T XXXII.

De nonnullis in cauſis Serrorum Dei, qui ſummi Pontifices fuerunt, ſpecialiter advertendis poſt adeptum ſummum Pontificatum, & regimen univerſalis Eccleſiæ aſſumptum.

Poſtquam in capite antecedenti egimus de advertendis in ingreſſu ad Eccleſiaſticas dignitates, in hoc & in ſequentibus capitibus agendum erit de advertendis & conſiderandis, poſtquam Dei Servi dignitates adepti ſunt: non quia ea, quæ in hoc & ſequentibus capitibus dicenda ſunt, ſi ſola ſint, ſufficiant, ut tutum ferri valeat iudicium de virtutibus prædictorum Dei Serrorum, quod attinet ad Beatificationem & Canonizationem; ſed ut, ſi in eiſ Dei Serrus heroice ſe geſerit, & aliarum virtutum frequentes actus ediderit, juxta ea quæ alibi dicta ſunt, tuto pede ad virtutum approbationem deveniatur; & e contrario earundem approbatio non decernatur, ſi illa deſint, vel etiamſi adſint, non tamen ad gradum heroicum pervenerint. Si enim, ut quis ſit heros, ex alibi dictis præcipue necesse eſt, ut heroice ſe geſerit in earum virtutum exercitio, quarum exercendarum habuit occaſionem; a fortiori idem dicendum erit de virtutibus, quas non modo ex oblata occaſione, ſed ex aſſumpto munere debuit exercere.

2 Initioque ducto a Dei Servo, qui dum viveret, ſummus Pontifex fuit, prænoſcere opus eſt, ſummum Pontificem Paſtorem eſſe & Moderatorem univerſæ Eccleſiæ, præterea eſſe Episcopum urbis Romæ, Metropolitanum provinciæ Romanæ, Primatem Italiæ, & Occidentis Patriarcham, quemadmodum copioſe explicant Cardinalis Bellarminus *controv. tom. 1. tit. de Romano Pontifice lib. 2. cap. 18. circa medium*, Morinus *exercit. Eccleſ. lib. 1. exercit. 6. & exercit. 13. Hallier de ſacris Ordinat. pag. 723. art. 3. Sirmond. de ſuburbicar. region. & Eccleſ. lib. 2. cap. 10. pag. 299. idem Sirmond. in cenſura conjectura Anonymi de Eccleſ. ſuburbic. diſſert. 2. cap. 5. pag. 75. & ſeqq. & cap. 8. pag. 106. Marcus Antonius Cappellus diſput. 2. de ſucceſſ. Episcoporum Romani in Pontificatum B. Petri cap. 3. pag. 186. Hieronymus Aleander de region. ſuburbic. diſſert. 2. cap. 4. pag. 142. Cardin. Perronius in replicatione ad Regem Angliæ lib. 1. cap. 30. pag. 174. & 176. Natal. Alexander hiſtor. Eccleſ. ad ſac. xv. part. 2. diſſert. 19. conſcluſ. 2. Suarez in deſenſ. Fidei Catholicae adverſus Anglicanam ſectam lib. 1. cap. 5. num. 4. & cap. 12. num. 9. Fagnan. in cap. Licet 20. num. 28. de ſiro competenti. Quo proinde poſito, inferitur, in cauſis Serrorum Dei, qui, dum viverent, ſummum Pontificatum adepti ſunt, præter alia inquiri debere, an & quomodo prædicta munera impleverint; & quia ſummus Pontifex eſt etiam Princeps ditionis ſecularis,*

Tom. III.

P p p

& in

& in terris sibi pleno jure subjectis habet utrumque gladium; omitti certe non debet inquisitio de iis, quæ ad dignitatem Principis sæcularis pertinent, & sine quibus recte Principatus sæcularis administrari non potest.

3 De pertinentibus ad Episcopi & Principis officium & dignitatem sermo in capitulis sequentibus instituitur; & quæ ibi explicabuntur, summo quoque Pontifici applicabuntur uti Episcopo, & Principi ditionis sæcularis: quocirca, cum hic tantum animus sit ea referre, quæ ad summum Pontificem uti universalis Ecclesiæ Rectorem spectant, aurea sunt monita S. Bernardi ad summum Pontificem Eugenium in *libris de consideratione* quos ei dicavit. Monet enim primò summum Pontificem, ne se totum det sæcularibus occupationibus, sed sciat, suum principale munus esse ædificare Ecclesiam, docere populos, & meditari in Lege Domini: ut lib. 1. cap. 4. col. 416. vol. 1. oper.: *Quid servilius, indigniusque præferim summo Pontifici, quam non dico omni die, sed pene omni hora insudare talibus rebus, & pro talibus? Denique quando oramus? quando docemus populos? quando edificamus Ecclesiam? quando meditamur in lege? Et quidem quotidie persstrepunt in palatio leges, sed Iustiniani, non Domini. Iuste ne etiam istud? Tu videris. Nam certe Lex Domini immaculata convertens animas. Ha autem non tam leges, quam lites sunt, & cavillationes. . . .* Monet secundò, ut præ ceteris virtutibus studeat humilitati: lib. enim 2. cap. 6. col. 426. num. 13. *Si filius es Apostolorum & Prophetarum, & tu fac similiter. . . . Bonus fundus humilitas, in quo omne adificium spirituale constructum. . . . Nulla splendorior gemma, in omni præcipue ornatus summi Pontificis; Quo enim celsior ceteris, eo humilitate apparet illustrior. Monet tertio, ne zelus totus sit pro tuenda dignitate, & nihil, aut parum pro sanctitate lib. 4. cap. 2. col. 443.: *Vides, omnem Ecclesiasticum zelum fervere sola pro dignitate tuenda: honori totum datur, sanctitati nihil, aut parum. Si, causa requirente, paulo submissius agere, ac socialius te habere tenueris; absit (inquunt) non decet, tempori non congruit, majestati non convenit, quam geras personam ascendito. Et col. 442. Fuerunt ante te, qui se totos ovibus pascendis exponerent, Pastoris opere & nomine gloriantes, nihil sibi reputantes indignum, nisi quod saluti ovium obviare puerent, non quærentes qua sua sunt, sed impendentes. Impendere curam, impendere substantiam, impendere & seipsos. Unde unus illorum: Et ego, ait, superimpendar pro animabus vestris. Monet quarto, ut Familiæ habeat, qui sint bonitate conspicui; sic lib. 4. cap. 4. col. 444.: *Ne te dixeris bonum malis innitentem; aut, si bonus sis, bonitas tui solius quem fructum afferre potest? Quinto instituit, quomodo se gerere debeat circa distributionem dignitatum loc. cit. num. 11. & seq. Et ideo si fieri potest, viros probatos oportere deligi, non probandos. . . . Curia bonas facilius recipere; quam facere consuevit. . . . Itaque non volentes, neque currentes assumit, sed cunctantes sed rennentes; etiam coge illos & compelle intrare. . . . qui præter Deum tantum timeant nihil, nihil sperent, nisi a Deo. Monet sexto, quomodo se gerere debeat cum Potentibus iniquis col. 450. *Ubi malitia juncta potentia est, aliquid tibi supra hominem præsumendum: Vultus tuus super facientes mala. Timeat spiritus****

rum ira tua, qui hominem non veretur, gladium non formidat. Timeat orationem, qui admonitionem contempsit. Cui irasceris tu, Deum sibi iratum non hominem putes. Totum egregium opus S. Bernardi transcribendum esset, cum pulcherrimis scateat & sanctissimis considerationibus, quibus uti possunt tum Fidei Promotor in examine causarum, de quibus agitur, tum quotquot suffragium in eis præstare debent. Sacrum Tridentinum Concilium sess. 24. in decreto reform. cap. 1. sic reverenter summos Pontifices alloquitur: *Postremo eadem sancta Synodus tot gravissimis Ecclesie incommodis commota non potest non commemorare, nihil magis Ecclesia Dei esse necessarium, quam, ut Beatissimus Romanus Pontifex, quam sollicitudinem univ[er]sa Ecclesia ex munere sui officio debet, eam hic possimum impendat, ut lectissimos tantum sibi Cardinales adscribat, & bonos maxime atque idoneos Pastores singulis Ecclesiis præficiat; idque eo magis, quod ovium Christi sanguinem, que ex malo negligentium, & sui officii immemorum Pastorum regimine peribunt, Dominus noster Iesus Christus de manibus ejus sit requisiturus.* Ven. Dei Servus Cardinalis Bellarminus nonnulla exposuit summo Pontifici Clementi VIII. de officio primario summi Pontificis edita post volumen suarum familiarium epistolarum. Postquam autem retulit, inter omnia ejus officia sollicitudinem omnium Ecclesiarum primum locum tenere debere, ait, eum curare debere, ut singulis Ecclesiis bonos Episcopos præficiat, curetque eos suo muneri satisfacere, & si opus sit, cogat. Post hæc monet, ne Ecclesiarum vacatio ad diuturnum tempus protrahatur; ne personæ bona Ecclesia, sed Ecclesia bonæ personæ trahatur; ne sinatur, Pastores ab Ecclesiis abesse; ne polygamia spiritualis admittatur, hoc est plures Ecclesiæ uni committantur; ne facile transferantur Episcopi de una ad aliam Ecclesiam; & ne Episcopatum resignationes sine legitima causa admittantur. Extant responsiones Pontificis Clementis VIII. monitis Cardinalis Bellarmini, quibus ostendit, se omnem lapidem movisse, ut quæ in monitis continebantur, sua non carerent executione. In libro *Diurno Romanorum Pontificum* ex recensione P. Garnier extat formula professionis Fidei, quæ ab electo in summum Pontificem fiebat; in qua non modo hæretici anathemate condemnabantur, sed electus pollicebatur, se toto mentis studio conservaturum esse, quæ Apostolici Prædecessores per Synodos & Decreta statuerant, & se pro Fide Christi mori paratum pag. 50.: *Profitemur etiam, Nos secundum illa, quæ a Prædecessoribus meis statuta sunt, nunquam aliquid novi contra Catholicam atque Orthodoxam Fidem suscepturos; nec talia temerarie præsumpturos, si opportunum fuerit etiam mori, Dei gratia Nos corroborante, quoquo modo consensum præbituros.* Ex qua juramenti formula nemo est qui non videat, præcipuum indaginis momentum esse constituendum in zelo conservandæ & dilatandæ Fidei Catholicæ, Ecclesiasticæ disciplinæ instituendæ & instaurandæ, & jurium Sedis Apostolicæ vindicandorum.

4 Confirmari id posset exemplis Romanorum Pontificum inter Sanctos relatorum, qui cultum habent in Ecclesia universali: nemo enim ex

484 DE SERVORUM DEI BEATIFICATIONE :

illis est, qui zelo Catholicæ Fidei, & Ecclesiasticæ disciplinæ non excelsuerit. Sed, cum obvia ea sint, alia subjiciemus exempla eorum Romanorum Pontificum, quorum nomen est descriptum in Martyrologio Romano, quique ex alibi dicendis Officio Ecclesiastico coluntur in basilicis Urbis.

5 *Die 28. Januarii* colitur in basilica S. Petri Urbis S. Dionysius Papa & Confessor, qui Dionysii Alexandrini Episcopi apud se accusati, quod Filium Dei factum, & non consubstantialem Patri diceret, causam in Romana Synodo discussit, & parochias Presbyteris in Urbe distribuit, atque divisit.

6 *Die 29. ejusdem mensis* colitur S. Zosimus Papa & Confessor, qui Africanorum Conciliorum decretis adversus Pelagianam hæresim sententiæ suæ robur adnexuit, & ad impiorum excidium gladio Petri dexteræ omnium armavit Antistitem, & alia edidit decreta pro servanda, sive restituenda aliquibus in locis Ecclesiastica disciplina.

7 *Die 30. ejusdem mensis* colitur S. Felix Pontifex IV. hujus nominis, qui Catholicam doctrinam in Galliis errore Semipelagianorum labefactam, petente Cæsario Arelatensi Episcopo, factam tectamque servavit, nefariamque damnavit licentiam eorum, qui, Sacerdotali Ordinatione suscepta, ad secularis vitæ mores demigrabant.

8 *Die 10. Februarii* celebratur festum S. Agathonis Papæ & Confessoris, qui, provinciales Synodos in Occidente haberi curavit, in quibus Monothelitarum causa discussa est, & errores damnati; coactaque Synodo universali in civitate Constantinopolitana, eosdem Hæreticos profligavit, & a Constantino Pogonato impetravit, ut Romana Ecclesia a pensione liberaretur, quam Gothorum Reges Ariani persolvendam Romanis Pontificibus indixerant, antequam ordinaerentur.

9 *Die 13. ejusdem mensis Februarii* colitur S. Gregorius II. Papa & Confessor, qui S. Bonifacium ad prædicandum Euangelium in Germaniam misit, duasque dogmaticas epistolas pro sacrarum Imaginum cultu ad Leonem Isaurum scripsit, Synodumque Romæ celebravit, in qua Iconoclastarum hæresim condemnavit, prætereaque anathemate perculit Anastasium Pseudopatriarcham Constantinopolitanum.

10 *Die 14. ejusdem mensis Februarii* celebratur festum S. Vitaliani Papæ & Confessoris, qui nulli labori, nullique pepercit industriæ, ut Orientalem Ecclesiam a Romana separatam, & Constantem Imperatorem Monothelitarum fautorem, & impii auctorem Typi ad meliorem frugem reduceret, religionemque in Anglia collabentem restituit.

11 *Die 25. ejusdem mensis Februarii* celebratur festum S. Felicis III. qui Petrum Fullonem e Patriarchatu Antiocheno dejecit; Acacium Constantinopolitanum Episcopum Romam venire coegit, ut sibi objectis in Apostolicæ Sedis judicio responderet; & henoticum, sive unitivum edictum ab Imperatore Zenone editum rejecit; uti late recenset Pagi junior in ejus vita.

12 *Die*

12 *Die 2. Martii* colitur festum S. Simplicii Papæ & Confessoris, qui Leoni Imperatori satagenti ut rata haberentur decreta Synodi Chalcedonenſis, quæ pertinebant ad privilegia Ecclesiæ Constantinopolitanæ, quod a prædecessoribus Pontificibus obtinere non potuerat, obstitit, misſo ad eum Probo Episcopo Canulino Legato; Romæ Synodum celebravit, in qua Timotheus Erulus, Petrus Fullo, Joannes Apamenus, Paulus Ephesiorum Episcopus damnati sunt; & Zenoni Hispalenſi Episcopo vices suas in Hispaniarum Ecclesiis delegavit ad curandam Canonum executionem, & Ecclesiasticæ disciplinæ observantiam.

13 *Die 16. Martii* S. Zachariæ Papæ & Confessoris festum colitur, qui Romæ Synodum celebravit pro reformanda Ecclesiastica disciplina; & fecundam in eadem civitate Synodum coegit, in qua Albertus, & Clemens hæretici damnati sunt.

14 Xystus hujus nominis III., qui Papa & Confessor colitur *die 28. Martii*, dum adhuc Presbyter esset Pelagianis in populo frequentissimo anathema pronuntiavit, suisque scriptis adversus eorum errorem vehementer pugnavit; ad Pontificatum evectus Julianum Pelagianum, qui plures libros contra S. Augustinum scripserat, moliebaturque in Ecclesiæ communionem irreperere, sortiter rejecit; nihilque prætermisit, ut Nestorium ad suæ hæreseos damnationem perduceret.

15 S. Cælestinus Papa & Confessor colitur *die 7. Aprilis*. Porro hic Cælestinus primarium Pelagii discipulum totius Italiæ finibus jussit extrudi; quosdam Divinæ Gratiæ inimicos, qui ad Britannas oras secesserant, ab illo secreto exclusit oceani; & per suos Legatos Ephesiinæ Synodo præsedidit, in qua Nestorius prædicans Christum ex Maria hominem tantum, non etiam Deum natum, eique Divinitatem collatam esse pro meritis, damnatus est.

16 Julius I. Papa & Confessor colitur *die 12. Aprilis*. Eo sedente, universus Oriens tumultuabatur ob hæresim Arianam, & Arianorum odium. in S. Athanasium Episcopum Alexandrinum. Julius autem in Synodo Romana, causa ad examen vocata, eum innocentem pronuntiavit; & immunem quoque a crimine declaravit Marcellum Ancyranum Episcopum, qui in Antiocheno Concilio Episcopatu privatus hæreseos fuerat condemnatus. In alia quoque Synodo Romana proſcripſit hæresim Photini; & sub eo Pontifice in Sardicenſi Concilio jus appellationum Episcopatum ad Romanam Sedem, quod est Pontificii primatus appendix, non institutum, ut nonnulli male sentiunt, sed confirmatum, & solemniter sub eo Pontifice executioni mandatum est; uti late videri potest apud Cardinalem Perro-nium in replicat. ad respons. Magna Britannia Regis cap. 3.

17 S. Leo IX. colitur *die 19. Aprilis*. Innumera porro ea sunt, quæ ab hoc S. Pontifice gesta fuerunt; in Synodo enim Romana Berengarium hæresiarcham condemnavit, quod iterum præstitit in Synodo Vercellenſi; in alia Synodo Romana Fermentaceorum hæresim proſcripſit; Germaniam,

486 DE SERVORUM DEI BEATIFICATIONE

niam, Italiam sæpius, Galliam semel visitavit, & Christianorum mores, Conciliis habitis, instauravit.

18 S. Anastasius colitur *die 27. Aprilis*. Origenis erroribus hæreseos notam inussit, & Periarchon libros latinitate donatos a Rufino Aquilejensi acerrimo Origenis defensore proscripsit. Joannem Hierosolymitanum Episcopum Rufini atque Origenis fautorem arguit, ut ex ejus epistola ad prædictum defumitur: & celebre est elogium, quo S. Hieronymus eum profequitur *in epist. 16. ad Principiam Virginem*.

19 *Die 7. Maji* colitur festum S. Benedicti II. summi Pontificis & Confessoris. Ab Anastasio in libro sæpe memorato *de Romanis Pontificibus* laudatur tanquam paupertatis amator, humilis, mansuetus, patiens, atque largissimus. Ad Hispanos Episcopos scripsit pro receptione Actorum Synodi sextæ: cumque in apologia adversus Hæreticos a Juliano Toletano Episcopo composita nonnullos errores deprehendisset, eos strenue redarguere non omisit. Macarium Antiochenum Patriarcham auctoritate sextæ Synodi a Patriarchatu deturbatum ob hæresim, ab errore revocare tentavit; & a Constantino Imperatore obtinuit, ne abusiva potestate confirmandi electos Pontifices Romanos, quam ab Exarchis Ravennatibus abstulerat, & ad se retraxerat, uteretur.

20 S. Paschalis I. colitur *die 14. Maji*. Ad eum S. Theodorus Studita magnus Fidei Catholicæ defensor litteras scripsit, & per Dionysium discipulum misit non suo tantum nomine, sed & quinque aliorum Præsidum monasteriorum, qui ob sacrarum Imaginum cultum a Leone Armeno in exilium pulsi fuerant, quibus eum excitavit ad opem ferendam Fidei periclitanti; neque Pontifex destitit, quibus potuit studiis, eis opem ferre. Danorum quoque conversioni operam dedit, transmissio ad eos Ebone Remensi Archiepiscopo, ut eis Evangelium prædicaret.

21 *Die 25. Maji* colitur S. Papa & Confessor Bonifacius hujus nominis IV., qui non modo a Phoca Imperatore petiit, obeinuitque, sibi concedi Pantheon nobile Romæ delubrum Jovi Vindici a Marco Agrippa consecratum, ut illud expurgatum a sordibus antiquæ idololatriæ Beatissimæ Mariæ Virgini, & omnibus sanctis Martyribus dicaret, ut solemniter dicavit; sed etiam in Romana Synodo repressit eos, qui in Anglia Monachis adversabantur, confirmavitque foundationem celeberrimi monasterii Cantuariensis.

22 *Die 2. Junii* colitur festum S. Eugenii I. summi Pontificis & Confessoris, qui Petrum Patriarcham Constantinopolitanum in communionem recipi volentem, & perplexas ejus litteras, quibus hæresim Monothelitarum involvere conabatur, strenue explisit; & Apocryphicos, qui errori Petri consenserant, tanquam prævaricatores condemnavit.

23 *Die 12. Junii* colitur festum S. Leonis III. Romani adversus hunc sanctum Pontificem execrandum facinus commiserunt: ipsum siquidem solemni ritu litanias majores cum universo Clero & populo celebrantem multis

multis plagis afflixerunt, oculos ei eruerunt, linguam præciderunt, & in custodiam detruserunt: sed Divino miraculo per intercessionem SS. Apostolorum visum recepit, & ei lingua restituta est. In Synodo Romæ celebrata in basilica S. Petri libellum condemnavit Felicis Urgellitani Episcopi, quem Alcuino direxerat, & illi, nisi resipisceret, anathema dixit; item pro dogmate processionis Spiritus Sancti a Patre, & Filio plura peregit.

24 S. Paulus I. summus Pontifex atque Confessor colitur die 4. Julii. Æterna sunt digna memoria, quæ ab ipso præstita sunt ad vindicanda jura locorum, atque patrimoniorum ad Sedem Apostolicam pertinentium; nec ullo modo omitti debet, quantum laboraverit tum litteris scriptis, tum missis Legatis, ut Constantinum Copronymum Imperatorem a sua in sacras Imagines impietate revocaret.

25 Die 17. Julii colitur festum S. Leonis IV. summi Pontificis & Confessoris. Basilica Principis Apostolorum incurfibus Saracenorum patebat. Novam ille construxit civitatem, quæ Leonina appellatur, ut basilicam moenibus ambiret. Ostiam profectus est, ut pugnantibus adversus Saracenos animos adderet, navalique certamine inito, classis Saracenorum dispersa est. Synodum præterea Romæ celebravit, in qua canones quadraginta duos ad disciplinam Ecclesiasticam spectantes promulgavit; & ut jus appellationum ad sanctam Sedem intactum remaneret, confirmare novit Concilium Sueffionense.

26 Die 28. Julii colitur S. Innocentius I. summus Pontifex & Confessor. Superest adhuc *Decretalis* hujus *epistola ad Vitricium*, qua plura Ecclesiasticæ disciplinæ decreta firmanantur. Aliæ supersunt ejusdem Pontificis *Decretales*, altera ad Felicem Nucernianum Episcopum, tertia ad Episcopos Macedonia, quibus addenda est quarta data ad Synodum Toleranam, ut collapsæ disciplinæ remedium præberetur. Rescissa ab ipso sunt, quæ fuerant intentata adversus Sanctum Joannem Chrysostomum; & respondens litteris Synodici Conciliorum Carthaginienfis, & Milevitani, & epistolæ familiaris quinque Episcoporum, Pelagii dogma condemnavit ut regulæ Fidei contrarium, & cum, atque Cælestium a comunione separavit, donec resipiscerent.

27. Die 9. Augusti colitur S. Hormisda Papa & Confessor. Sub hoc Pontifice Synodus Thessalonica habitata est, ut sacra Chalcedonenfis Synodus confirmaretur. *Decretalem ad Episcopos Hispania* scripsit, ut collapsam disciplinam restitueret; Legatos suos Constantinopolim misit, eisque indiculum rerum agendarum dedit, post quorum adventum Joannes Constantinopolitanus Episcopus Fidei libello sibi oblato subscripsit, & anathema dixit in Acacium, & ceteros Episcopos, qui in ejus communionem peristerant; & Faulti Regienfis libros omni prorsus exuit auctoritate; & postrema volumina S. Augustini legenda ingessit tanquam purissimos fontes, ex quibus doctrina Catholica de Gratia, & libero arbitrio hauriretur.

28 *Die 10. Septembris* colitur S. Hilarus Papa & Confessor. Fuerunt ab hoc Pontifice confirmatæ Synodi Generales, Nicæna, Ephesina, & Chalcedonenſis; & Concilium Romæ celebratum eſt, in eoque actum de Eccleſiaſtica diſciplina, & Hiſpaniarum Eccleſiis, præter alia multa quæ ob eandem cauſam ab hoc ſancto Pontifice facta ſunt, & in Eccleſiaſticis annalibus legi poſſunt.

29 *Die 11. Septembris* colitur S. Sergius I. Papa & Confessor. Inviſtus fuit hujus Pontificis animus, cum Juſtiniani Imperatoris precibus haudquaquam fractus canones rejecit Synodi quinifextæ: tali ſiquidem impetu Imperator pro confirmatione urgebat, ut Romam miſerit Zachariam ſuum Protolpatarium, qui Pontificem renuentem Conſtantinopolim deportaret; verum iſe timore perculſus (noluerunt enim milites nefanda juſſa Principis exequi) ad pedes Pontificis provolutus veniam exoravit: & hoc ipſo ſummo Pontifice Romæ ſedente, finis impoſitus eſt ſchiſmati Eccleſiæ Aquilejenſis de tribus capitulis.

30 *Die 20. Septembris* colitur S. Agapitus Papa & Confessor. Africanæ Patres litteras dederant ad Joannem II. ſummum Pontificem de Arianis ad Eccleſiam redeuntibus, utrum ſuis honoribus eſſent reſtituendi. Præmortuo Joanne, litteræ redditæ ſunt Agapito, quibus reſpondit plura ſtatuens de Eccleſiaſtica diſciplina, cujus ſuit obſervantiſſimus, ſæpe laxamenta petentibus aſſenſu negato. Barbarico imperio coactus Theodati Gothorum in Italia Regis legationem ad Imperatorem Juſtinianum ſuſcepit. Conſtantinopoli idcirco degens, Anthimum Conſtantinopolitanum Episcopum Eurychianis addictum, fruſtra obnitente Imperatore, Chriſtiana communione privavit, & Mennam Presbyterum in ejus locum conſtituit. In eadem urbe cum mortuus eſſet, Apoſtolici Legati, quos reliquerat, communicato cum Menna conſilio, Concilium coegerunt, in quo conſtitutum eſt, ut quæ ab Agapito contra Anthimum, & hæreticos Acephalos decreta fuerant, ſarta tecta permanerent.

31 *Die 26. Septembris* colitur S. Eusebius Papa & Confessor. Breve fuit tempus, quo S. Eusebius univerſalem Eccleſiam gubernavit: vixit enim in Pontificatu menſes quatuor, & dies ſexdecim. Utcunque ſit de nonnullis ejus epistolis, quæ ſuppoſititiæ apud Eruditos habentur, ſuper eſt ejus decretum apud Ivonem Carnotensem *part. 15. Decreti cap. 35.* quo nonnulla aſtruuntur de extrema Unctione adminiſtranda.

32 *Die 7. Octobris* colitur S. Marcus Papa & Confessor. Vixit in Pontificatu menſes octo, & ſepultus eſt in cœmeterio Balbinæ. In libro de *vitis Romanorum Pontificum* ejus Pontificatus protrahitur ad annos duos, menſes octo, & dies viginti. Cardinalis Baronius *ad an. 336. autumnat.* eum in Pontificatu vixiſſe menſes novem minus diebus novem. Pietas hujus Pontificis plene colligitur ex munificentiffimis donis ab eo in eccleſias collatis, & ex inſigni epitaphio a Damaſo Papa conſcripto, ubi ejus virtutes indicantur: quod epitaphium relatum eſt apud citatum Cardinalem Baronium *ad etiam, annum num. 65.*

33. *Die 25. Octobris* colitur S. Bonifacius I. Papa & Confessor. Ab Eu-
lialio contra ipsum schisma excitatum est, quo extincto, Bonifacius in
Sedem suam restitutus egit apud Imperatorem Honorium, ut in futurum
Ecclesie paci prospiceret, ne schismate novo post suum obitum scinde-
retur. Pugnavit adversus hæresim Pelagianorum; & S. Augustinus libros
contra duas epistolas Pelagianorum ad eum misit, ut ejus probarentur au-
thoritate. Alia plura, quæ pro Ecclesiastica tuenda disciplina ab eo facta
sunt, collecta legi possunt in *lectionibus Breviarii*, quæ in Urbis basilicis
recitantur.

34. *Die 10. Novembris* colitur festum S. Deusdedit Papæ & Confesso-
ris. Cardinalis Baronius recte scribit, plane dolendum esse, tanti Pon-
tificis facta Scriptorum inopia, aut certe temporis injuria, obscura man-
sisse; quæ quidem insignia fuisse oportet, cum eum antiquitus Ecclesia
inter Sanctos receperit, & annua commemoratione ut Sanctum fuerit ve-
nerata. Singulare miraculum ejus intercessione a Deo patratum est, cum
ægros invisens, unum ex eis benigne amplexus & osculatus a lepra mun-
davit. Cleri maximam curam gessit, quem, cum imminutum & valde
distractum invenisset, plurimum auxit, in pristinas sedes restituit, &
multis beneficiis cumulavit.

35. *Die 13. Novembris* colitur S. Nicolaus I. Papa & Confessor. Pho-
tius, ejecto S. Ignatio, Sedem Constantinopolitanam invaserat: cum-
que Nicolaus Legatos Constantinopolim misisset, qui minis concussi, &
muneribus illecti, Ignatii depositioni subscripserunt, in ipsos Legatos
tanquam prævaricationis reos severe animadvertit. Michaeli Imperatori,
qui Photio patrocinabatur, fortiter obstitit, donec, Deo permittente,
delato post Michaelis cædem Imperio ad Basilium, Photius e Sede ejectus
est, & S. Ignatius restitutus, ex sententia a Pontifice prolata, ut idem
S. Ignatius testatur in epistola ad ipsum: *Nam divinitus evehitus Imperator nos-
ter* (inquit) *ut fidelissimus Filius vester, tua Sanctitatis sententiam, & de-
cretum executus utrumque, me, inquam, & Photium, pro aequitate causa tra-*
stavit. Lotharium quoque Regem Lotharii quondam Imperatoris filium,
Caroli Calvi nepotem, Lotharingæ, adjunctionemque regionum Regem,
qui rejecta legitima uxore Theutberga, Waldradam concubinam duxe-
rat, intentato anathemate ad sanio rem mentem reduxit. Celeberrima
est causa Rothaldi Sueffionensis Episcopi cum Hincmaro Remensi Metro-
politita. Ventum est in Synodo Sueffionensi ad depositionem Rothaldi:
cumque hæc in contemptum appellationis ab eo ad Sedem Apostolicam
interpositæ facta fuisset; Nicolaus sententiam Synodi rescidit, & vindex
jurium Romanæ Sedis in Romana Synodo decrevit, ut Rothaldus Episco-
palibus vestimentis ornaretur, qui & pollicitus est, se ad respondendum
suis accusatoribus præsto semper futurum.

36. *Die 26. Novembris* colitur S. Gelasius Papa & Confessor. Sanctus,
hic Pontifex Pelagianam hæresim in Dalmatia, & Piceno reviviscentem.

damnavit tribus conscriptis epistolis, quæ adhuc extant. Decretum pariter edidit contra Manichæos, sub specie vini non communicantes ea de causa, quod vinum esse dicerent vel Principis tenebrarum; & a Diabolo creatum. Ut collapsam disciplinam restauraret, *Decretalem epistolam* scripsit ad Episcopos per *Lucaniam*, *Brutios*, & *Stilianum* constitutos. Ad communionem admittere recusavit Euphemium Constantinopolitanum Episcopum, quia e diptychis nomen Acacii prædecessoris non expunxerat: decretumque edidit sinceros libros a supposititiis discernens, de quo sæpe in hoc Opere sermo habitus est.

37 *Die 28. Novembris* colitur S. Gregorius III. Papa & Confessor, qui Leonem Isaurum Imperatorem Iconoclastam ad sanio rem mentem reducere conatus, cum nihil profecisset, convocato Romæ Concilio sacrarum Imaginum cultum Apostolico decreto firmavit, & anathemate feriit Iconomachos. S. Bonifacio Germanorum Apostolo de nonnullis quæstionibus interroganti responsum misit novem capitibus constantem. Eum quoque, cum Romam venit, gratanter recepit; & redeuntem muneribus comitatus est, & epistolis datis ad Prælatos & Presbyteros omnium provinciarum, ad Optimates & populum Germaniæ, ad Episcopos in Alemannia & Bojaria constitutos, ut sanctis ejus laboribus, quam poterant, opem ferrent. Utque Romam ab obsidione Liutprandi Langobardorum Regis liberaret, duplicem legationem ad Carolum Martellum misit, & duplicem ad eum scripsit epistolam.

38 Quinque sunt causæ Dei Servorum, qui summum Pontificatum obtinuerunt, quarum examen assumptum fuit servato recentiori juris ordine; prima videlicet S. Petri Cælestini, qui se a Pontificatu abdicavit, & in album Sanctorum solemniter relatus est; secunda, B. Gregorii X. in qua ex alibi dictis virtutes jam fuerunt approbatæ, & approbatus fuit cultus immemorabilis una cum concessione Officii & Missæ in quibusdam determinatis locis, pendetque judicium super miraculis; tertia, S. Pii Papæ V. quæ jam per solemnem Canonizationem completa est; quarta, S. Servi Dei Innocentii Papæ XI. in qua signata fuit commissio introductionis, & nonnulla alia peracta sunt, nec adhuc propositum est dubium super virtutibus; quinta denique, Benedicti XI., de cujus cultu immemorabili absolute est judicium in sacrorum rituum Congregatione.

39 Ederur in Appendicibus relatio Roræ Auditorum in causa B. Gregorii X., ex qua plene desumi potest ejus zelus pro Fide Catholica. Palæologum enim Græcum Imperatorem, ut Fidem Catholicam profiteretur, suis laboribus induxit. Hoc ipsum præstitit erga Abagham Tartarorum Regem. Nullum non movit lapidem, ut Terra sancta vindicaretur e manibus Infidelium. In sacro generali Concilio Lugdunensi multa statuit, & opere complevit de morum reformatione, de cultu Divino augendo, de Græcorum reconciliatione, de Tartaris ad Fidem reducendis, de sacra expeditione obeunda pro vindicatione Terræ sanctæ, de Romano Imperio

rio

rio firmando. Sollicitudo omnium Ecclesiarum in eo præcipue enituit, statuta concordia inter Archiepiscopum Toletanum, & Archiepiscopum & provinciam Narbonensem, Toletanum pariter, & Tarraconensem, Archiepiscopum Lugdunensem, & Capitulum, Methensem Episcopum, & Ducem Lotharingæ, Eduardum, & Edmundum filios Henrici Regis Angliæ, Reges Bohemiæ, & Hungariæ, Venetos, Januenses, factiones Guelforum, & Ghibellinorum, qui omnes inter se dissidebant. De ejus liberalitate erga pauperes in Urbe degentes, de ejus fortitudine, cum præcepit Jacobo Aragoniæ Regi, ut pellicem dimitteret, cum Alfonso Lusitanæ Regem, qui nonnullarum Ecclesiarum possessiones & redditus invaserat, severe increpavit, multa in eadem relatione legi possunt; quemadmodum & plura habentur de invicto ipsius robore in vindicandis juribus Ecclesiæ Romanæ, cum præter alia Carolum Siciliæ Regem ad debitum fidelitatis juramentum pro Regno Siciliæ adegerit.

40 Multa de zelo salutis animarum, Fideique Catholicæ, Ecclesiasticæ disciplinæ restaurandæ, & jurium Sedis Apostolicæ asserendorum monumenta a Postulatoribus inserta sunt in processus, qui extracti sunt, & extruuntur in causa Servi Dei Innocentii Papæ XI. a quorum narratione abstinemus, cum adhuc (uti diximus) de ejus virtutibus judicium prolatum non sit. De Sancto autem Pio V. in Actis Canonizationis comprobatum est, Italiam in veræ Fidei integritate ab ipso servatam, Galliam contra Hæreticorum conatus adjutam, Hispaniam opportunis sanctionibus in officio retentam, Pannoniam contra Turcarum irruptiones munitam, rem Catholicam in Germania, Belgio, Scotia, Anglia, ac Polonia plurimum restitutam, & in Indiis etiam propagatam; ita ut Clemens Papa XI. in decreto, quod die 4. Augusti 1710. pro ejus Canonizatione protulit, sic de ejus virtutibus & gestis locutus sit: *His porro impletis, Sanctitas sua &c. præfens Canonizationis ejusdem Beati Pii V. quandocunque faciende decretum expediri & publicari mandavit, non tam ad novum & præclarum decus præfati Ordinis Fratrum Prædicatorum de Catholica Ecclesia optime meriti, quam ad majorem ipsius Apostolica Sedis honorem & gloriam, ut ei his potissimum calamitosos temporibus prædicti Beati Pii, in quo eluxit religionis propagande perpetuum studium, in Ecclesiastica disciplina restituenda indefessus labor, in extirpandis erroribus assidua vigilantia, in dictæ demum Sedis Apostolicæ juribus vindicandis robur invictum, speciale, & maxime opportunum & necessarium patrociniū accedat.*

41 Dabitur in Appendicibus *Compendium virtutum, & miraculorum* ipsius exhibitum, dum de ejus Canonizatione agebatur, in quo multa legi possunt, & multo plura habentur in relatione Rotæ Auditorum, in qua ne illa quidem omittuntur, quæ pertinent ad Principis secularis dignitatem. Ecclesiasticam enim ditionem ab exulibus & latronibus liberam servavit; in gravi annonæ caritate Urbis laboranti subsidium præstitit centum millium aureorum, delato opportune tritico ex Sicilia & Gallia;

493 DE SERVORUM DEI BEATIFICATIONE

populorum commodis sedulo prospexit, & eorum querimoniis benignam aurem præbuit; viros probitate & doctrina præstantes elegit, qui Judices essent, eosque officio spoliavit, qui muneri deerant: ut interea silentio prætereantur, quæ gessit ut Urbis Episcopus, cum Seminarium in Urbe instituerit, sacrarum ædium Visitatores elegerit, omnia ad censuram Concilii Tridentini revocaverit, impudentiæ meretricum, & Hebræorum frenum injecerit: quæ omnia una cum multis aliis legi possunt in citata relatione. Paulo II. ad sui nominis memoriam nonnulla meditant, quæ ad Imperatoriam potius majestatem, quam ad ministerium Ecclesiasticum pertinere videbantur, Cardinalis Papsenſis sæpe memoratus intrepide hæc scripsit *epist.* 281. *Opera autem æternitatis in Pontifice sunt vitam immaculatam præstare, lapsam Ecclesiæ disciplinam erigere, restituenda libertati Clericorum intendere, sic justitia cultorem esse, ut tamen misericordia sit recordatio, in bonis causis intrepidum se præstare, non vultus, non minas Potentum timere, potiorum vita conscientiam ducere, in specula credita excubare, ad publicam gregis salutem oculos semper intendere, nihil suum credere, quod Christi non sit, meditari jugiter de miseris Christianis, qui proximi Infidelibus sunt, præsidia his mittere, incitare Principes ad capeſſenda pro Fide arma, ducatum, si opus sit, illis præstare, thesaurus in piam hanc causam effundere, parcitate non impediri; missione Legatorum, professione etiam propria, si expedit, pacare Regna, nullibi ob causam privatam dissensiones optare; conari, ut ministerium Sedis ubique sit salutare, domi quoque bene compositum esse, non iracundum, non impatientem, non male de Ministris, qui jam probati sunt, æstimare; pariter noctem & diem ad opus vicissim, & quietem &c. Si quando a curis vacet, lectionem sacram assumere, identidem scribere, colligere quæ memoratu sunt digna, laborare ad præsentem pariter, & futuram utilitatem.*

C A P U T XXXIII.

De nonnullis in causis Servorum Dei, qui fuerunt Cardinales S. R. E., advertendis post adeptam Cardinalatus dignitatem.

Nonnulli ex S. R. E. Cardinalibus inter Sanctos relati sunt aut juxta antiquum Canonizationis ritum, aut juxta recentiorum, per Canonizationem videlicet formalem, aut equipollentem, alii inter Beatos recensentur, alii demum cum fama sanctitatis obierunt. Causæ Beatificationis & Canonizationis aliquorum jam sunt introductæ, & hæcenus non resolutæ. Editæ demum sunt vitæ aliorum, de quorum Beatificatione & Canonizatione cogitatum non est, nec cogitabitur: & licet ex eis Nos aliqua sumus desumpturi egregia & plane heroica, id tamen eo animo a Nobis factum esse censei debet, ut quæ a Nobis proponuntur, exemplis firmentur, non autem ut citra Sedis Apostolicæ approbationem ullus cultus in eorum honorem inducatur. Nec enim novum est,

est, aliqua etiam heroica virtutum monumenta a gestis eorum desumi, qui pietate floruerunt, licet inter Beatos aut Sanctos adhuc relati non sint; cum, omissa etiam necessitate iudicii sanctæ Sedis, pro sanctitate comprobanda in Ecclesia militante, non unus, aut alter, aut aliqua series actuum heroicorum sufficiat, sed ex alibi dictis constare necesse sit de heroicitate virtutum Theologicalium, & de heroicitate aliarum virtutum, in quibus Servi Dei occasionem habuerunt se exercendi; nihilque deprehendi debeat, quod virtutum fulgorem minuat, aut deturpet.

2 Maximum quidem decus esset Cardinalium Collegii, si de Cardinalatu S. Hieronymi quæstio esset resoluta. In *serm.* 24. S. Augustini ad *Frates in eremo, rejecto in append. tom. 6. oper. col. 328.* leguntur hæc verba: *Legimus enim, Fratres carissimi, Sanctum Patrem Hieronymum Cardinalem fuisse in ecclesia Sancti Laurentii Martyris.* At, licet Joannes Marquez in *libro de origine Fratrum Eremitarum S. Augustini cap. 8. §. 2.* probare conetur, prædictos sermones esse S. Augustini, concors tamen est Eruditorum sententia, eos esse apocryphos, & S. Augustino falsò adscriptos. Cardinalis Baronius ad *an. 382. num. 25. &c.* eum excludit a Cardinalitia dignitate validis profecto argumentis. Concordat Cardinalis Bellarminus, Ciacconius opusculum edidit de *Cardinalatu S. Hieronymi*, in quo plura pro eo refert testimonia. Andreas Victorellus in *notis ad vitam S. Damasi relata in tomo primo Ciacconii*, & Augustinus Oldoinus *eodem pariter loco* referunt, quæ hinc atque inde deducuntur; quare ad eos, lectores remittimus. Die 18. Martii in Martyrologio Romano mentio fit S. Anselmi his verbis: *Mantua, Sancti Anselmi Episcopi & Confessoris.* Lucensis populus eum enumerat inter sanctos suos Episcopos, quem a Schismaticis expulsum excepit, sovique populus Mantuanus, & pie mortuum, Sanctique adscriptum in urbis suæ Patronum elegit. Sacrum ejus corpus, quod in majori altari Cathedralis ecclesiæ summa cum veneratione integrum usque ad hunc diem servatur, publice ostenditur, & magna accurrentium religione colitur; quemadmodum testantur Bollandiani in ejus vita, *ad diem 18. Martii.* Fertur; jussu Cardinalis Herculis Gonzage die ejus festo sacrum corpus indui consuevisse purpura Cardinalitia. Doneshmundus in *historia Mantuana lib. 4.* testatur, eum fuisse inter Cardinales cooptatum ab Alexandro Papa II., nec desunt alii hoc ipsum narrantes: sed, cum Historici non desint contemporanei, qui ejus gesta, dignitates, & titulos, puta legationem Apostolicam per universam Langobardiam, & cetera eidem ab Alexandro collata describunt, nullo facto verbo Cardinalitæ dignitatis, dubitatur a nonnullis, an vere dici possit, eum fuisse creatum Cardinalem ab Alexandro II., iidemque addunt, famam adepti Cardinalatus ex eo originem habuisse, quod in suis legationibus & itineribus comitem habuit Cardinalem, vel quia ipse, aut ejus saltem patruus Canonici fuerunt ecclesiæ Mediolanensis, qui Cardinalium titulo honestabantur, juxta ea quæ plene habentur apud Patrem Andream Rota Societatis Jesu in *notitiis*

titis historicis hujus S. Anselmi cap. 8. Verona editis anno 1733. Quod de Cardinalatu B. Andreæ de Comitibus Ordinis Minorum S. Francisci dicendum esset, quem nonnulli creatum Cardinalem ab Alexandro IV., alii a Bonifacio VIII. testantur, jam a Nobis dictum est lib. 2. cap. 24. num. 159. & seqq.

3 Sed, ut ab incertis ad certa transeamus, certum est, B. Petrum Damiani fuisse inter Cardinales adscriptum a Stephano IX., quemadmodum ex S. Joanne Laudensi, & Leone Ostiensi ostendit Pagi in *breviar. Ramon. Pontif. in vita Stephani IX. num. 6.* Hanc B. Petri Damiani electionem anno 1058. factam observavit Henschenius *ad diem 23. Februarii, in commentario prævio ad ejus vitam num. 24.* De hac sui promotione loquitur idem S. Petrus *lib. 2. epist. 1.* quam scripsit venerabilibus in Christo sanctis Episcopis Lateranensis ecclesiæ Cardinalibus: tunc enim septem Cardinales Episcopi, Ostiensis videlicet, Portuensis, Sanctæ Rufinæ, sive Silvæ Candidæ, Albanensis, Sabinensis, Tusculanus, & Prænestinus Patriarchali ecclesiæ Lateranensi inserviebant, & singulis hebdomadis per vices explebant munus Pontificis, & septem Episcopi-Cardinales hoc ipsum præstabant in Patriarchali ecclesia S. Petri, & in Patriarchali ecclesia S. Mariæ Majoris; quemadmodum desumitur ex antiquo monumento apud Cardinalem Baronium *ad an. 1057.* Beati Petri cognomento Ignei Ordinis Vallis umbrosæ mentio habetur in *catalogo generali Sanctorum, quorum nomina in Martyrologio Romano descripta non sunt, collecto a Ferrario ad diem 8. Januarii, & ad diem 8. Februarii.* Dubitabatur, an Petrus Pavensis Florentinus Episcopus Episcopatum per simoniam obtinisset, & ad id dirimendum juxta morem tunc temporis receptum B. Petrus Monachus Vallis umbrosæ ignem ingressurus sic Deum precatus est, uti narrat Abbas Desiderius, qui ad summum Pontificatum evehctus Victoris III. nomen assumpsit, 3. lib. *dialog. : Oro, Deus omnipotens, si Petrus, qui Episcopus dicitur, simoniaca est peste sedatus, ne Ecclesia tua amplius polluat, judicio Sancti Spiritus ostende viritatem, & illasum me per hunc ignem transire concede. Quod si nos fallacia pleni, causa invidia ducti hanc contra eum tulimus questionem, ardor istius ignis me tua gratia derelictum consumat.* Cumque Beatus hic Petrus per ignem illæsus omnino transisset, Alexander Papa II. Episcopum deposuit, juxta ea quæ plene referuntur apud Cardinalem Baronium *ad an. 1063.* Putat Cardinalis Baronius, B. Petrum Ignem originem duxisse a gente Alodbrandina. At, eum fuisse deceptum ab juniore quodam Scriptore, qui ejus vitam edidit temporibus Clementis VIII., scribunt Ughellius *tom. 1. Italia sacra*, ubi loquitur de Episcopis Albanensibus, & Pagi senior *ad an. 1063. num. 1.* quod ipsum late resumitur in responsione edita nomine Patris Vitalis Martii ad quæstiones Vallumbrosanas *cap. 2. pag. 36.* Utcunque tamen sit de hoc, certum est, B. Petrum Igneum, qui per ignem mirifice transierat, hortante Comite Bulgaro, a S. Joanne Gualberto, cujus erat discipulus, factum fuisse Abbatem, & subinde a S. Gregorio VII. crea-

creatum fuisse Cardinalem & Episcopum Albanensem, pluribusque legationibus functum pie in Domino mortuum fuisse, uti fufe habetur apud Cardinalem Baronium *loc. cit.*

4 In Martyrologio Romano *ad diem 4. Decembris* fit commemoratio S. Bernardi Cardinalis & Episcopi Parmensis: *Parma Sancti Bernardi Cardinalis, & ejusdem civitatis Episcopi*. Ex Breviario Monachorum Vallis umbrosæ habetur, eum Florentia oriundum, alumnum monasterii S. Salvii Vallis umbrosæ, ab Urbano Papa II. factum Presbyterum Cardinalem Tituli S. Chrysogoni, postulatam subinde fuisse Ecclesiæ Parmensis Episcopum, dum fungens Apostolica legatione ad eam venerat civitatem, & mortuum fuisse anno 1133. quæ omnia ex prædicto Breviario desumpta referuntur a Cardinali Baronio *in notis ad Martyrologium Romanum, ad prædictam diem 4. Decembris*. Panvinius de Romanis Pontificibus in Urbano II. hæc habet de Bernardo: *Dominus Bernardus Hubertus Florentinus, Thufus, Monachus, & maximus Abbas Vallis umbrosæ diocesis Florentina, Presbyter Cardinalis Tituli S. postea Episcopus Parmensis a Paschali II. Papa consecratus*. Ex quo nonnulli ansam dubitandi desumunt, an Titulum obtinuerit S. Chrysogoni, quemadmodum videri potest apud Ciacconium in ejus vita. De publico solemnî cultu, qui erga hunc S. Bernardum exhibetur, & utrum idem dici possit relatus inter Sanctos, an vero tantum inter Beatos, licet Sanctus appelletur in Martyrologio Romano, alibi habebitur sermo.

5 In Martyrologio Benedictino ita legitur de B. Matthæo Cardinali: *Pisæ depositio Beati Matthæi sanctæ Romanæ Ecclesiæ Cardinalis, Albanensis Episcopi, Ordinis Cluniacensis*. Andreas Sauffajus in Martyrologio Gallicano octavo calendis Januarii sic de illo loquitur: *Obitus sanctæ memoria Matthæi Albanensis Episcopi, Cardinalis & Legati, Apostolici plane viri, qui natione Gallus, patria Remensis, ex Clerico Laudunensi, subindeque Canonico Remorum Metropolis Monachus Cluniacensis, Sancti Petri Discipulus, a quo in ipso conversionis exordio Lutetiam Parisiorum missus in Sancti Martini campestris ascensio Religionis habitum suscepit &c. Afflicta reipublica Christiana eximiam præstitit operam &c. Postremo, Deo & Calitibus impense carus, bonis operibus dives, miraculis illustis, feliciter apud Pisas in Domino obdormivit, Sanctorumque, quorum præconia, dum viveret in terris, merueras, consortia post mortem in caelesti beatitudine adeptus est*. Matthæi vita scripta fuit a Petro Cluniacensi Abbate. Inter Cardinales fuit adscriptus ab Honorio Papa II. & ejus egregia gesta fufe referuntur a Cardinali Baronio in annalibus tom. 12.

6 In Martyrologio Romano *ad diem 6. Februarii* ita legitur: *Benonia Sancti Guarini Episcopi Cardinalis Prænestini vita sanctitate conspicui*. Vitam ejus scripsit Augustinus Ticinensis, quæ extat apud Surium tom. 7. ubi legitur, eum creatum fuisse Episcopum Prænestinum a Lucio II. Romano Pontifice, necnon apud Bollandianos *ad diem 6. Februarii*. Virtutum ipsius & sanctitatis fufe meminerunt Ferrarius in catalogo SS. Italia, *ad diem*

diem 6. Februarii, Molanus in addit. ad Martyrol. Usuardi, Pennottus in hystor. tripartit. Canonico. Regular., Ciacconius, & Oldoinus, & ex Scriptoribus Bononiensibus Sigonius, Phaleonius, Bombacius, Aurelius de Anzis, Ghirardaccius, Leander Albertus, Masinius. Colitur Officio in familia Canonico. Regularium Lateranensium, & in familia Canonico. Regularium S. Salvatoris. In eodem quoque Martyrologio Romano ad diem 18. Aprilis sic legitur: *Mediolani Sancti Galdini Episcopi, qui, concione adversus Hæreticos expleta, spiritum Deo reddidit.* Porro, hunc fuisse inter Presbyteros Cardinales ab Alexandro III. adscriptum, habetur apud Ferrarium in catalogo SS. Italia ad prædict. diem 18. Aprilis; eumque fuisse non modo S. R. E. Cardinalem, sed etiam Sedis Apostolicæ Legatum, testatur vita non multo post ejus obitum scripta, & a Bollandianis edita ad dictam diem. De S. Raymundo Nonnato inter Cardinales adscripto a Gregorio IX. egimus lib. 1. hujus Operis cap. 41. §. 5.

7 Cardinalis Bellarminus Sanctorum, vel Beatorum, aut saltem Venerabilium elenchum sibi contexuerat, quorum virtutes imitari cupiebat, & inter eos recensetur Hannibaldus Hannibaldensis Ordinis Prædicatorum in Presbyterum Cardinalem basilicæ XII. Apostolorum ab Urbano IV. summo Pontifice assumptus anno Domini 1261. De eo hæc habentur apud Ptolemæum Lucensem hystor. Eccles. lib. 22. cap. 23. (tom. 11. Scriptor. rer. Italic. Muratorii vol. 1153.) ubi de Urbano: *Hic fecit duas Ordinationes, in quibus fuerunt creati duo Cardinales, quorum unus fuit nepos suus vocatus D. Anicherius, alter fuit nepos D. Richardi de Hannibaldo, qui vocatus est Frater Hannibaldus de Ordine Fratrum Prædicatorum, qui fuit Magister in Theologia, & fuit vir magna humilitatis & veritatis, & sanctus homo, quem Frater Thomas multum dilexit, fecitque scripta super sententias, quæ irritantur Domino Hannibaldo, quæ nihil aliud sunt, quam abbreviatio dictorum Fratris Thome.* De eodem plura habentur apud Ciacconium, Fontanam in theatra Dominicano part. 1. cap. 2. num. 2. Echardum tom. 1. Scriptor. Ord. Dominicani pag. 261. Bremond in Bullar. ejusd. Ordinis tom. 1. pag. 447. De S. Bonaventura Balneoregienti Episcopo Cardinali Albanensi non est quod verba faciamus. Fufe de eo agunt Bollandiani tom. 3. Julii pag. 830. Ex hac vita decessit anno 1274. Cardinalis creatus est a B. Gregorio Papa X., & inter Sanctos solemniter relatus est a Sixto Papa IV. ut ex ejus Constitutione desumitur. Ad diem 2. Julii apud Ferrarium in catalogo generali Sanctorum, quorum nomina non sunt descripta in Martyrologio Romano, descriptum est nomen B. Petri Diaconi Cardinalis. Hic est ille Petrus, qui dicitur de Lucemburgo, qui a Clemente VII. Antipapa creatus est Cardinalis Diaconus Tituli S. Georgii ad Velum aureum. Cultum habet in civitate Avenionensi, teste Molano in Natali SS. Belgii, ad diem 2. Julii, permittente auctoritate Sedis Apostolicæ, juxta ea quæ alibi dicuntur. Item B. Nicolaus Albergatus ex Monacho Carthusiano Bononiæ Episcopus, & postea amplissimus S. R. E. Cardinalis a Nobis commemoratus est lib. 2. cap. 18. num. 16. & seqq.

8 In allegato catalogo sanctorum Cardinalium extracto a Cardinali Bellarmino descripta sunt nomina Cardinalium Fischerii Angli ex Episcopo Roffensi Cardinalis Presbyteri S. Vitalis a Paulo Papa III. creati anno 1535., & Roberti Politiani de Nobilibus, qui, cum esset annorum decem & trium, a Julio III. inter Cardinales Diaconos adscriptus est, uti pluribus exponitur in *histr. Societ. Jesu lib. 3. in principio*. De hoc infra loquemur. De illo vero jam omnibus notum est, editis libris Catholicæ Fidei pietatem illustrasse, pravas opiniones Hæreticorum, & maxime Martini Lutheri egregio volumine confutasse, carceribus tandem inclusum una cum Thoma Moro, jussu Henrici VIII. Angliæ Regis, ex præstanti viro & Rege in seram ac monstrum mutati, caput securi impavide obrulisse, abnuentem assentiri legi, qua Rex se dixit supremum Ecclesiæ caput appellandum esse & habendum. Summus Pontifex Paulus III., ut Regi verecundiam injiceret, & constantiam & virtutem Fischerii Episcopi Roffensis carceribus detenti, imbecilla valetudine gravique ætate & vinculo- rum incommodis sessi remuneraretur, amplissimis ipsum laudibus cumulatam in Cardinalium Collegium cooptavit. At id, quod homines crediderant sedaturum aut remoraturum acerbiter impetumque Regis, truncem & effrenatum animum irritavit. Se perstrictum quippe contumelia eo honore reputans, Cardinalem securi percuti jussit, qui coram hominibus ante suum obitum Deum precatus est, ut Regi cum prospero & secundo vitæ cursu sanam & bonam redderet mentem. Ejusque caput, cui tributa paulo ante purpurei Galeri ornamenta debebantur, quo majori ludibrio atrox spectaculum populo præberet, prælongæ hæc infixum in eodem foro jussu Henrici ostentatum est, in quo truncum cadaver jacebat.

9 Superfluum est aliquid adnotare de S. Carolo Borromæo a Pio IV. summo Pontifice avunculo inter Cardinales cooptato, deinde Archiepiscopo Mediolanensi electo, præmissisque præmittendis, & prævio omnium rerum diligentissimo examine, solemniter inter Sanctos relato a summo Pontifice Paulo V., ut ex ejus Constitutione desumitur. Post hunc extracti fuerunt auctoritate ordinaria & Apostolica processus super Beatificatione & Canonizatione Ven. Servi Dei Francisci Cardinalis Ximenes, & Ven. Dei Servi Cardinalis Roberti Bellarmini, in quorum causis adhuc resolutum non est dubium de virtutibus. Signata quoque sunt commissio introductionis causarum Venerabilium Dei Servorum Cardinalium Gregorii Barbadii, & Josephi Mariæ Thomasi, dum munere fungebamur Fidei Promotoris; & typis editæ sunt vitæ nonnullorum aliorum S. R. E. Cardinalium pietate illustrium, Francisci videlicet Taurusi, Cæsaris Baronii, ceterisque prætermisiss, Gabrielis Palæoti, & Marcelli de Aste, qui Nos præcesserunt in Episcopatu Anconitano, & Archiepiscopatu Bononiensi.

10 Jam supra aliquid dictum est de qualitatibus, quas S. Bernardus requirit in Cardinalibus, quæ fufius legi possunt in *lib. 4. de considerat. cap. 4.*

498 DE SERVORUM DEI BEATIFICATIONE

col. 446. vol. 1. oper. Dicit enim eligendos, qui sint compositi ad mores, probati ad sanctimoniam, parati ad obedientiam, mansueti ad patientiam, subiecti ad disciplinam, rigidi ad censuram, Catholici ad Fidem, fideles ad dispensationem, concordantes ad pacem, conformes ad unitatem. Qui sint in iudicio recti, in consilio providi, in subendo discreti &c. in convivio non effusi, in cura rei familiaris non anxii, aliena non cupidi, sua non prodigi, ubique & in omnibus circumspetti &c. Qui Regibus Joannem exhibeant, Egyptiis Moysen, fornicantibus Phinees, Eliam idololatris, Eliseum avaris, Petrum mentientibus, Paulum blasphemantibus, negotiantibus Christum &c. Qui grandi studium gerant & usum habeant, ac de omni re orationi plus fident, quam sua industria vel labori. Beatus quoque Petrus Damiani lib. 2. epist. 1. ad Episcopos Lateranensis ecclesie Cardinales post plura concludit: Quia igitur, dilectissimi, non modo Sacerdotes, sed Sacerdotum vos decet esse Magistros; necesse est, ut vita vestra quaedam sit linea, & velut adamantis signaculum, quod vivendi ceteris adhibeat formam. Adamantium quippe sigillum suam ceteris imprimit, a nullis vero metallis imaginem sumit &c. Sic sic videlicet cum Petro claves Ecclesie merito facti participes obtinemus, diu nosmetipsos certam vivendi formam, atque signaculum ceteris Fidelibus exhibemus. Summus Pontifex Pius II. in concione, quam habuit ad novos Cardinales a se creatos, ut in ejus commentariis pag. 99. legitur, sic locutus est: Sine libri sacri semper in manibus vestris; dies noctesque aut discite aliquid, aut alius docete; opera effcite, per qua lux vestra coram hominibus luceat; & denique tales estote, quales esse debere Cardinales dogudicastis, antequam ipsi hoc culmen ascenderetis. Item Jacobus Piccolomineus, Papiensis appellatus, inter Cardinales ab eodem Pio II. coopatus ad se ipsum de suo Cardinalatu epist. 1. locutus est: Instituenta est vita severior, & vite adjungenda major religio. Quod in aliis est mediocre, id in te esse cumulatum oportet, continuum & constans. Opus bonum proprium tuae professionis appareat... Actiones tuae dignum in domo Dei simulatum ostendant. Et in epist. 32. ad Jacobum Volaterranum, qui erat ei a secretis: Precorque toto desiderio, ut hac tanta dignitas non sit tibi ad interitum anime, non sit Ecclesie sue ad damnum. Adjuvo me ipsum ad virtutem, quantum se adjuvare humanitas potest, & animum firmo ad diligendam Sedem Apostolicam, ad diligendam salutem gregis Dominici, ad tuendam, quantum per exilem hunc spiritum licet, Romani Pontificis maiestatem &c. Tristante Ecclesia, tristior & ego. Eadem secum suis larante, laetor & ego. Nullus illi affectus est, quem ego statim non sentiam. Si inutilis minister sum, fidelis sum tamen. Si deest doctrina, non deest voluntas: si deest ingenium, desiderium praeest omnibus locis. Plura de vita a Cardinalibus instituenda, de modestia & frugalitate, de fastu ablegando, de cura suae Ecclesiae Titularis, de residentia in Romana Curia ita tuta sunt a Leone X. in Concilio Lateranensi, quae legi possunt apud Raynaldum in annal. ad an. 1514. num. 22. & seqq. Nonnulla ex his repetita fuerunt in Concilio Tridentino sess. 25. cap. 1. de reform.: quibus perpensis, recte ait Cardinalis Gabriel Paleotus de consultationibus sacri Consistorii in conclus.

conclus. membr. 4. Quonam modo simplicitas, modestia, & frugalitas tantopere a Lateranensi & Tridentino Concilio in Ecclesiasticis Praefulibus commendata, ab eo potuerit Consularis persuaderi, cuius tunc ades exquisito nimio splendore fulgerent, mensaeque lauto quotidie apparatu redundares? Communior est scribentium opinio, ab Innocentio IV. indultum fuisse Cardinalibus usum galeri rubri. Legi possunt Thomassinus de vet. & nov. Eccles. discipl. part. 1. lib. 2. cap. 113. num. 7., & Pagi junior in vita Innocentii IV. num. 31. Nicolaus de Curbio Auctor contemporalis Innocentio IV. cum ab ejus successore Alexandro IV. ad Assisensem Episcopatum fuerit promotus anno 1258. hæc habet in vita prædicti Innocentii cap. 21. Pontifex post Concilium anno secundo (loquitur de Concilio Lugdunensi habito 1245.) Cluniacum ivit cum Rege Francia, & ipsius fratribus locuturus, ubi Domini Cardinales primo capellos rubeos receperunt, sicut in ipso Concilio fuerat ordinatum. Paulus II. eos donavit pileis rubeis, ut a ceteris Prælatiis fecerni possent in cæremoniis sacris, ubi non est usus galeri. Ita tradit Cardinalis Papiensis, qui particeps & ipse fuit hujus sacri ornamenti, in commentar. lib. 2. pag. 370. Cardinalibus, qui sacris indui vestibus a Prælatiis inferiorum ordinum, præterquam loco, non morebantur, usum Mitre sericeæ Damasceni operis, rubraque capitis indulsis, quibus soli Antistites Romani antea utebantur. Porro Gregorius XIV. anno 1591. rubro bireto decoravit Cardinales Ordinum monasticorum, qui usque ad id tempus usi fuerant biretis ejusdem coloris cum veste sua, ut habetur ex decreto Consistoriali edito post Constit. 8. memorati Gregorii XIV. Bullar. Rom. tom. 2. Auctor est Nangius, Innocentium IV. Cardinales purpureo galero donasse, ut indicaret, in persecutione Fidei & justitiae Romanam Ecclesiam, qua caput est omnium Ecclesiarum, præ ceteris debere caput apponere, si necesse fuerit, cruentandum. Subscribit Robertus Gagrinus lib. 7. histor. Franc. pag. 109. ubi loquens de Innocentio, ait: Cardinalibus insigne dæ, quod capite perpetuo deferant, hoc est, rubrum galerum; idque diligenter servatur. Quo Pontifex eos admonitos esse voluit, paratos omni tempore esse debere sanguinem fundere pro Christiani populi libertate tuenda. Concor-dat formula concessionis galeri, qua utitur Pontifex, & de qua lib. 1. sacrar. cæremoniar. cap. 7. Ad laudem omnipotentis Dei, & sanctæ Sedis Apostolicæ ornamentum accipe galerum rubrum, insigne singulare dignitatis Cardinalatus, per quod designatur, quod usque ad marsem & sanguinis effusionem inclusæ pro exaltatione sanctæ Fidei, pace & quiete populi Christiani, augmento & statu sacrosanctæ Romanæ Ecclesiæ te intrepidum exhibere debeas. Giuffanus autem in commentar. de vita S. Caroli Borromei testatur, cum non alio animo purpuram suam spectasse, quam ut excitamentum quoddam ad martyrium. Quod ipsum præstitum fuisse a Cardinalibus Baronio, Bellarmino, Berulio, & aliis pluribus, testatur Thomassinus loc. cit. num. 8. Antonius Maria Gratianus in suo opere de casibus virorum illustrium, in vita Joannis Fischerii, quem in carcere detentum paulo ante obitum fuisse inter Cardinales cooptatum a Paulo III. supra retulimus, hæc habet: Ferunt, non

multos ante mortem dies perlatam ad eum Cardinalatus sui famam, acceptamque lato animo fuisse, dixisseque, id purpurei coloris insigne datum Cardinalibus esse, ut meminerint, vitam atque sanguinem pro fide erga Catholicam Ecclesiam non dubitanter profunderi, idque unum se honoris ejus munus brevi impleturum. Et Cardinalis Gabriel Palæotus de sacri Consistorii consulti, in conclus. membr. 3. pag. 344. scribit: Cardinalitius habitus sanguineum referens colorem, omniaque ejus insignia nil aliud, quam, veluti symbola quedam, debitam ab eo fidem, religionem, justitiam, publicæ rei zelum usque ad ipsam sanguinis effusionem commemorant.

11 Ex his, quæ hucusque relata sunt, facile colligi poterit, quid præcipue sit advertendum in causis Servorum Dei, qui Cardinalatus dignitatem obtinuerunt. Sed, ut nonnulla practica adnotentur, noscere opus est, nonnullos ex Cardinalibus extra Urbem degere, & regimini Ecclesiarum sibi creditarum præfici; nonnullos, immo majorem Cardinalium partem Romæ residere, nisi forte ad tempus absint officio alicujus legationis fungentes. Cumque ea, quæ in sequenti capite de Episcopis dicentur, applicari possint & debeant etiam Cardinalibus, qui Episcopatus administrant, in hoc capite nonnulla indicabuntur, quæ spectant ad Cardinales in Urbe residentes, nec omittentur, quæ summi Pontificis electionem respiciunt, quæ Cardinalibus omnibus communis est. A tempore quippe Nicolai Papæ II. jus Romanum Pontificem eligendi delatum est ad Cardinales S. R. E. juxta Constitutionem relatum in can. *In nomine Domini*, dist. 23. cum qua concordant alie canonicæ Constitutiones in cap. *Licet*, de elect. ; in cap. *Ubi majus periculum*, eod. tit. in sexto, & in cap. *Ne Romani*, eod. tit. in Clementinis: & utcunque sit, an valida futura esset electio in summum Pontificem ejus, qui Cardinalis non esset, qua in re affirmando respondent Cardinalis Turrecremata in cit. can. In nomine Domini, num. 9. & seqq. dist. 23. Silvester in verb. *Electio tertiò*, num. 3. Summa Armilla in verb. *Electio*, num. 38. Formosin. ad rubricam de electione quest. 8. num. 13. & seqq., Fagnan. in cap. *Licet*, num. 14. & seqq. de elect., Minnano in basi Pontif. jurisdict. tract. 2. fundam. 2. quest. 8. §. 1. sect. 6. §. 2. Bonacina in tract. de electione summi Pontificis pag. 53. num. 19. cum tamen in coetu S. R. E. Cardinalium non desint, qui summi Pontificatus dignitatem & officium recte administrare possint, congruum idcirco omnino est, ut ex eis summus Pontifex desumatur juxta citatum textum in can. *In nomine Domini*, ubi sic legitur: *Eligatur autem de ipsius Ecclesia* (hoc est Romanæ) *gremio, si reperitur idoneus; vel, si de ipsa non invenitur, ex alia assumatur*: pluribusque prosequitur S. Antoninus in Summa Theolog. part. 3. tit. 21 cap. 2. §. 7. Et in Constit. 76. Sixti Papæ V. §. 2. Bullar. nov. tom. 4. part. 4. pag. 280. habetur: *Ex eorum corpore, numero, & Collegio ille ipse, qui cunctis Pastoribus est præficiendus, ac totius Domini gregis curam habiturus, summus Pontifex delegatur*.

12 Aeneas Silvius tunc Cardinalis, deinde ad summum Pontificatum erectus

effectus nomine Pii II. apologiam scripsit (quæ extat post commentaria Gobellini editionis Romanæ an. 1584.) ad Martinum Mayer, qui in nonnullis obtrecebat Curie Romanæ, & inter cetera in saltu Cardinalium. Verba hæc sunt hæc pag. 736. : *Hos viros Apostolorum loca tenentes, & Senatorum Urbis vicem implentes, & qui causas majores audiunt, familia sequitur ex Episcopis, Abbatibus, & viris nobilibus, ac Doctoribus. Neque enim decet, eos, qui tanta dignitate præfulgent, veluti mendicos incedere: habent enim Auditores, Magistros aula, Magistros domus, Antecessores, quos vocant Scutiferos, Dispensatores, & qui minoribus officiis præfunt. Nec facile Cardinalis infra quadraginta famulas habere potest, & totidem ferme equos, qui cum reipublica serviant dies noctesque, non est alienum, si ex republica vivant. Videmus in civitate Lubicensi, qui Consulatum gerunt, omnes aureo splendore longum famulorum ordinem post se ducere. Idem faciunt reliquarum urbium Consules, quamvis aurum non serant. Apud Italia civitates quantus sit Magistratum fastus vix dici potest. Compara igitur Cardinalatum, & Consulatum, & illis orbis, hos alicujus urbis vicem gerere scito, & tunc intelliges, an superbus sit Cardinalium status. Iniquus sis, si parvæ urbis Rectores superbe incedere velis, orbis vero Magistratus humiliter: nisi illud usurpare velis, quia, quanto quis altius ascendit, tanto humiliter se gerere debet: quod ad animam referendum est, non ad ornatum exteriorem, qui secundum dignitatem gestandus est.*

13 Cardinalis Papiensis in epist. 541. scripta paulo post obitum Cardinalis Theanensis, ejus modestiam Sacerdotalem his verbis extollit: *Taceo vitam ejus privitam, modestia Sacerdotalis, ac continentia certissimum specimen. Non quaesierat sibi Sacerdotiorum acervos, quos in plerisque dælemus: non thesauros, qui nulli inventi sunt. Censu erat sustinenda dignitati vix suppetenti. Malebat non abundare, quam administrationum multitudine animam deprimi. Habitavit modicis adibus, ut scis, iisque conductitiis. Familia perseveravit, ut mediocri semper, ita & frugi, & diligentia sua bene instituta domus tota nil pretiosius unquam apparatus proposuit. Eam nos sæpe inspeximus. Aula cari peregrinique operis, abacique argentei in gradus extructi, castigata suppellectili exulabant. Domini virtute, non externis artibus ades honestabantur. Ipse vero cultura corporis sui, atque omnis lenocinii negligens, quam in alios requirebat, de se primus vitæ severitatem præstabat. Mensa nihil exquisitum habuit unquam, aut nimium. Cubiculum quoque nihil deliciosum ac molle. Vestis erat, quam videbamus quotidie, communis & modica. Denique disciplinam omnem domus, & suam eo vir justus redegerat, ut satisfacere castis animis, non delectare ambitiosos oculos posset. Innumera sunt, quæ recensenda de suis meritis essent, tanto quidem magna, quam multa. Sed consulto ea prætereo, quod magnitudine sua librum requirerent: & propositum mihi est epistolam scribere levaticem doloris, non vitæ antea facta commentarium texere. Idemque Cardinalis Papiensis epist. 548. scripta Cardinali Mantuano excessivum luxum cujusdam alius Cardinalis paulo ante defuncti late exponit & improbat; & post multa enarrata apud eum legenda, sic concludit: *Biennio toto hic tantus fortune successus fuit,**

tam ut apparet festinatus, quam brevi eras casurus. Quid ergo ex tanta gloria reliquum nunc, illo mortuo, inspicimus? Quid ex tanto rerum fastigio conspicuum extat? Vidimus illum, iuxta verbum Scripturae, exaltatum supra cedros Libani: Transimus nunc, & ecce non est: Quærimus eum, & non invenitur locus ejus. Defuit jam Cardinalatus tam properatus. Evanescere comitatus ingentes. Convictorium gloria perit. Apparatum divitiarum cessare. Ludi in lacrymas versi sunt. Vestium nullus illi est usus. Legationis ampla strepitus non exauditur. Domus infinita pendens opera interrupta, minaque murorum ingentes, aquasque machina celo. Quem capere paulo ante orbis totus non poterat, premit nunc breve sepulchrum; & cui de mensis cura erat tam solers, ex se escam vermicibus præbet. Cui denique etiam ad luxum, vitæque delicias convestita domus erat argento, auro, & serico, hunc nunc vestiunt camenta & calx. Quis tanto exitu non admonetur sua infirmitatis? Quis tanto exemplo manendum non censeat in lege Sacerdotii? Nil nimis conandum, natura vim non afferendam. Mediocritas semper quærenda. Percurramus brevi, qua animos nostros in hac dignitate fatigant. Et in alia antecedenti epistola, quæ est 192., cum inopino infortunio jacturam passus esset permagnæ partis suorum proventuum Ecclesiasticorum, ita scripsit Cardinali Bessarioni: Sum quoque admonitus, dispensanda jussus esse, qua nobis proveniunt ex altari. Carni & sanguini non ita profuse indulgendum. In comitatu quoque alendo, comparandoque ornatu domestico tam multa non insumenda. Bona hac nostra aliaribus attributa, pretia peccatorum esse, quibus redimi animas tantum pia cura oporteat, & instaurari domum orationis, & egenos vagosque in domos nostras induci. Qua cum non fiant, trahi graviter Deum, & sæpe hunc exitum negligentibus dare, quem in me ipso sum proxime expertus, ut videlicet administrata male etiam suo permissu dilabuntur deterius.

14 Sacris legibus supra indicatis plura statuta sunt quoad Cardinales. In Concilio quippe Lateranensi sub Leone X. loc. supra cit. primò decretum est, ut ipsi juxta doctrinam Apostoli sobrie, caste, & pie vivant, & non tantum a malo, sed etiam ab omni specie mali abstineant, ut coram hominibus luceant; secundo, ut eorum domus, familia, mensa, suppellex modestiæ sit & frugalitatis exemplum, contentique sint illis, quæ Sacerdotalem præferant modestiam; tertio, ut, si præsentibus in Curia fuerint, per se ipsi, si vero absentes, per Vicarium idoneum semel saltem in anno suorum Titulorum loca visitent; quarto, ut se ostendant domus & familie suæ optimos Rectores non modo circa ea quæ extrinseca omnibus apparent, sed etiam quoad alia quæ intus latent abscondita; quinto, ut vigiles sint pro Fide, & pro Ecclesiastica disciplina; sexto, ut, si sint Legati de latere, provincias & legationes committas omni vigilantia & cura per se ipsos, & non per Locumtenentes, aut Officiales administrant. Sub Julio Papa III. actum est de dirigenda in meliorem formam Ecclesiastica disciplina, & in Actis Consistorialibus hæc ad rem nostram scripta leguntur manu Marcelli II. tunc Cardinalis: Cardinales nostri

cogitant

cogitent ad qualem dignitatem & munus vocati sint, & quod tamquam lucerna in Ecclesia omnibus bono exemplo esse debent, hospitales, pauperum amatores, & defensores. Summo Pontifici sint subiecti. Ut libera consilia sine aliqua respectu dent. Titulos, & alias ecclesias sibi commissas frequenter visitent, & si qua reparatione indigent, resarciant ac restaurent. Familiam modestam habere studeant domi. Beneficia benemeritis conferant, & præsertim Curata. Nec ob id, quod Cardinales sint, putent, eis magis transferendi leges licere: Sic habetur tom. 21. part. 2. *annal. Ecclesiast.* Raynaldi ad an. 1554. num. 23.

15. Ferdinandus Imperator arcanas litteras scripsit Pio IV. Summo Pontifici de provehendo feliciori Tridentini Concilii progressu. Ex regestis Vaticanis eadem desumptæ, nunc sunt editæ in cit. *tom.* Raynaldi ad an. 1563. num. 37. En earum verba: Deinde necessarium est, quod eligentes, id est, Reverendissimi Cardinales tales sint, ut velint ac possint eligere Pontificem, cui Ecclesia Christi recte tuto possit committi: nam (quod pace Sanctitatis vestre, & Reverendiss. Cardinalium dictum sit) hoc tempore gravissime audiuntur querelæ, quod nunquam creantur Cardinales partim per ætatem, omni adhuc iudicio destituti, partim vero illiterati & indocti, qui, ut nihil possint in iis quæ ad regendam Ecclesiam spectant, consulere, sic in eligendo Pontifice privatas passionem sequuntur, ac bonorum & doctorum pia suffragia impediunt; unde postea necesse est, multa in Ecclesia sequi incommoda. Summus Pontifex Pius IV. huic epistolæ huiusmodi responsum dedit editum apud eundem Raynaldum loc. cit. sub num. 38. Quod vero ad Cardinales attinet, Nos, si quos in eum Ordinem cooperaturi essemus, ejusmodi personas eligere studeremus, quales Majestas tua cuperet semper eligi, nempe quæ & vitæ, ac morum honestate commendarentur, & cum doctrina, tum usu rerum, atque prudentia ad participandas Sedis Apostolicæ curas essent idoneæ: sed de creandis novis Cardinalibus nihil cogitamus. Assumptaque deinde provincia reformationis Cardinalium in sacro Tridentino Concilio juxta fuscè relata in *hystor. ejusd. Concilii* scripta a Cardinali Pallavicino, & præcipue lib. 23. cap. 7. Concilium *sess.* 24. cap. 1. de reformatione decrevit, ut ea omnia, & singula, quæ de Episcoporum præficiendorum vitæ, ætate, doctrina, & ceteris qualitatibus alias in eadem Synodo constituta sunt, eadem exigenter in creatione Cardinalium, etiam si Diaconi sint, uti supra dictum est; & postquam *sess.* 25. cap. 1. de reformat. decrevit, ut Episcopi modesta suppellectili, & mensa, ac frugali victu contenti essent, quo factis & vitæ actionibus se muneri suo conformes ostenderent, modestiæ, continentiæ, & humilitatis exempla præberent, subjecit, hæc etiam pertinere debere ad S. R. E. Cardinales: Quorum consilio apud sanctissimum Romanum Pontificem cum universalis Ecclesiæ administratio nitatur, nefas videri potest, non iis etiam virtutum insignibus, ac vivendi disciplina eos fulgere, qua merito omnium in se oculos convertant. Quam ad rem subjicit Cardinalis Palæotus de sacr. Consistor. consultat. part. 4. *quest.* 1. pag. 148. Nam, cum hi Christianæ reipublicæ cardines, & clarissima Ecclesiæ lumina sint habendi, oportuit, eos omni-

bus vir-

bus virtutum meritis ita fulgere, ut nihil prorsus ad cumulatum tanta dignitatis perfectionem in iis possit desiderari: sicut enim in gemma, quo pretiosior est, & elegantiore anulo inserta, eo diligentius minima quæque signa aut macule investigantur; sic Cardinales, quo excelso in gradu sunt positi, insignioreque tum munere, tum habitu ac titulo decorati, eo longius ab omnibus prorsus vitiorum decnis suspicionibus abesse, ita ut virtutum suarum splendore universorum in se oculos atque admirationem convertant: & Sixtus Papa V. in memorata Constit. 76. §. I. ait: Siquidem eorum vita ac mores ceteris exemplo esse debent, verba pro oraculis, monita ac præcepta ab universis Christianis regula & norma recte vivendi, recteque sentiendi existimantur, ab iis, quasi sapientissimis Magistris, Ecclesiastica disciplina forma suscipitur, quæ ad mores vitamque omnium Fidelium componendos longe lateque diffusa propagetur. Quod si hæc ad amissum serventur ac fiant, inutile profecto erit celebre dictum Bartholomæi de Martyribus, de quo in ejus vita typis Romanis edita pag. 32. Cum enim in Concilio Tridentino consuleretur, an Cardinales reformatione egerent, Apostolica libertate respondit: Illustrissimi ac Reverendissimi Cardinales indigent illustrissima ac reverendissima reformatione.

16 Virtutum, quibus hæctenus Cardinales fulgere debere diximus, & de quibus idcirco in causis Beatificationis & Canonizationis ipsorum querendum est, satis apta occurrunt exempla in vitis aliquorum ex ipsis, qui pietate fuerunt insignes, & aliorum, in quorum causis processus jam confecti sunt. Abstinemus a vita illorum recensenda, quos nostris ipsi oculis conspeximus, dum spatio quadraginta fere annorum in Romana Curia versati sumus. Abstinemus a recensendis ceteris exemplis, quæ ex gestis aliorum Cardinalium, qui in suis Episcopatibus vixerunt, sumi possent. Reductoque sermone ad Cardinales, qui Romæ vixerunt, agmen ducat Ven. Cardinalis Baronius, qui Ven. Juvenali Ancinæ ipsum ad paupertatem hortanti sic respondit: *Quod paupertatem suades, optime quidem facis; sed scito, me esse pauperrimum: quod si forte quidem brevi sum mortuus, nullam habeo, quam meis relinquam, hereditatem, nisi ipsam paupertatem, ac proinde neminem puto fore mihi heredem, cum detestentur hanc omnes. Tu, cum veneris, videbis, ridebisque, sub purpureis indumentis latere pannosum.* Hieronymus Barnabeus Congregationis Oratorii Presbyter testis oculatus ejus vitam typis edidit, & lib. 2. cap. 5. narrat, eum in victu eandem rationem tenuisse, quam in Congregatione Oratorii servaverat. cibi & somni parcissimum; tum, licet ei summus Pontifex Clemens VIII. ædes in Vaticano parandas curasset, atque ea quidem suppellectili instructas, quæ Cardinalem decebat, a pristina tamen paupertate & humilitate nunquam recessisse; cum ligneam sibi cellulam in eisdem ædibus componi jussisset, quæ nihil aliud continebat, quam lectulum suum brevem ac simplicem, lectri potius, quam lecti speciem habentem; ligneaque sella, æreo catillo ad manus abluendas, lucerna, & atramentario rudi ex argilla usque ad extremum vitæ usus sit. Cum, ut idem eod. capite narrat, ad Patres Oratorii diverteret, quod sæpe faciebat, dimissis

missis famulis, solus in antiquam cellulam suam sese recipiebat; nec quidquam præ aliis in mensa habere volebat, præter loci dignitatem; quinimmo ipse interdu linteo præcinctus, ceteris discumbentibus mensam ponebat, & cibos ministrabat; & ad ecclesiam eorumdem Patrum veniens, Missæ sacrificio persæcto, Eucharistiam frequenti populo ministrabat; Vespertinis horis celebrandis in Choro cum Presbyteris intererat, & post Vesperas e suggestu sermonem ad populum habebat. Quantam suorum, & maxime domesticorum curam haberet, idem Auctor cap. 5. pluribus exponit, affertque testimonium Justæ Calvinæ, qui annalium ab eo scriptorum beneficio ex Hæretico Catholicus factus hanc ei inter ceteras laudem adscribit: *Ambulat inter suos non quasi dominus, sed parens. Eminet, excellit tum virtute & gravitate elatior aliis & excelssior; cetera par omnibus: & hoc saltem major, quo melior. Iuxta eum maxima quies, tantum ubique silentium, & tam altus pudor, ut ad parvos penates & lares angustum ex domo Principis modesta & tranquillitatis exempla referantur.* Hæc ille, qui, ut Cardinalis domum diligenter inspexerat, ita in ejus laudes effusus domum ejus appellavit omnium virtutum, pietatisque sacrarium. Inter pia opera ab eo publice instituta citatus Auctor lib. 3. cap. 13. narrat, eum non dubitasse iusto fœnore accipere pecuniam usque ad summam septem millium aureorum, & intra anni spatium eam expendere pro instauranda & rescindenda sacra sui Tituli æde SS. Nerei & Achillei, quæ ruinam minabatur. Similia quædam legi possunt in vita Ven. Dei Servi Cardinalis Bellarmini scripta a Patre Fulgatto, & signanter cap. 19., & in alia ejusdem vitæ scripta a Patre Bartolo lib. 2. cap. 12. Cum quibus concordant allata in processibus ordinariis, & Apostolicis, necnon attestations Cardinalium post ultimam prædictam vitam impressæ, qui ejus virtutes, dum Romæ moram fecit, dimisso videlicet Archiepiscopatu Capuano, præsentibus mirati sunt, inter quos Cardinalis Sanctæ Susannæ Scipio Cobellutius ita ait: *La dignità del Cardinalato non mi siò in lui altro, che quello, che non era comparabile colla decenza dello stato; Cardinalis Franciscus Dietrichstain: Modum vivendi notavi semper modestum & religiosum, cui mensæ apparatus respondebat &c. Cardinalis Cremonæ Desiderius Scaglia: Effetto della sua umiltà ancora fu, che costituisse in tanto grado menò sempre in tutto quello, che non ripugnava allo stato, la vita che averia tenuto privato Religioso dentro al Chiosstro; Cardinalis Alexander Ursinus: Tralascio la povertà, colla quale vestiva di fatto, il riguardo, che in ogn' altra cosa aveva, se vi erano spese a recidere, acciò potesse maggiormente spendere in elemosine. Et si quis alim. consimilia de Ven. Dei Servo Cardinali Josepho Maria Thomasi noscere vellet, qui post adeptam Cardinalatus dignitatem semper in Urbe, licet modico tempore, vixit; quam modesta videlicet, & humilis fuerit ejus supellex; quam sancte suam familiam gubernaverit; quam egregia monumenta reliquerit tum pietatis, tum Ecclesiasticæ liberalitatis in sua ecclesia titulari SS. Martini & Silvestri ad Montes; legere poterit ejus vitam fideliter conscriptam a Dominico Bernino, & signanter cap. 18. & 19.*

quæ omnia Nos ipsi, & Nobiscum alii omnes, qui tempore eximii hujus Cardinalis Romæ morabantur, & adhuc superstites sunt, admirabundi conspeximus.

17 Legitur in *Deuteronomio* cap. 17. v. 8. : *Si difficile & ambiguum apud te judicium esse perspexeris inter sanguinem & sanguinem, causam & causam, lepram & lepram, & Judicium intra portas tuas videris verba variari . . . veniensque ad Sacerdotes Levitici generis, & ad Judicem, qui fuerit illo tempore: quæresque ab eis qui indicabunt tibi judicii veritatem, & facies quodcumque dixerint, qui præsumt loco, quem elegerit Dominus . . . sequerisque sententiam eorum . . . Qui autem superbieris nolens obedire Sacerdotis imperio, qui eo tempore ministrat Domino Deo tuo, & decreto Judicis, morietur.*

18 Textu hoc *Deuteronomii* summus Pontifex Innocentius III. utitur in cap. *Per venerabilem, Qui filii sint legitimi*, ut explicet Cardinalium officium. Postquam enim ait, locum a Domino electum Sedem esse Apostolicam, Judicem constitutum supra Sacerdotes Levitici generis Cardinales esse summum Pontificem, subjicit, Sacerdotes Levitici generis Cardinales esse sanctæ Romanæ Ecclesiæ: *Sunt autem Sacerdotes Levitici generis Fratres nostri, qui Nobis jure Levitico in executione Sacerdotalis officii coadjutores existunt. Ad horum proinde officium præcipue pertinet, consilium præstare summo Pontifici.* Cardinalis Jacobat. de *Conciliis* lib. 4. art. 2. num. 29. scriptum reliquit: *Est officium Dominorum Cardinalium semper suadere Domino Papa, ut ponat pacem & quietem inter Principes Christianos. Item pro reformatione Ecclesiæ, & ad extirpandas hæreses, errores, schismata.* Gondif. Villad. de *Card.* quæst. 5. num. 15. & seq.: *Cardinalis, acceptando officium, quod principaliter in consulendo versatur, tacite videtur facere se sufficientem ad illud; & quando Ecclesiæ utilitas postulat, non debet prætermisere, quod muneris sui est.* Cardinalis Palæotus in allato tractatu part. 1. quæst. 6. pag. 50. late probat, Cardinales esse consiliarios natos summi Pontificis, cum munus hoc eorum dignitati annexum sit; & proinde teneri etiam non requisitos ex natura officii, ubi res postulat, summo Pontifici consilia præbere. In citata Constitut. 76. Sixti Papæ V. *Eidem Pontifici in executione Sacerdotalis officii, & in dirigenda ipsa Ecclesiæ Catholica, cui præest, consilarii & coadjutores assistunt, quasi oculi & aures &c. Quorum opera & necessaria, & plurimum fructuosa universa republi- ca Christiana, in secundis rebus ornamento & commodo, in dubijs præsidio & adjuvamento esse possent.* Demum bon. mem. Fr. Aloysius Lucinus olim Commissarius Generalis sancti Officii in Urbe, postea S. R. E. Cardinalis, vir sane doctus, in sua dissertatione, in qua vindicat privilegia Romani Pontificis, typis Venetis impressa anno 1735. pag. 167. *Nullus ex Romanis Pontificibus, cum oportuit, & cum oportet, aut neglexit, aut negligit Peritorum consilium in rebus arduis, olim ex Clero assumendo Consiliarios, vel cogendo Concilium ex finitimis Italæ Episcopis, ac tandem ex sacro sanctæ Romanæ Ecclesiæ Cardinalium Collegio.* Atque, si novis & recentioribus vetera addenda sint, eadem profecto non deficiunt. In libello inscripto, *Diurnum bibliotheca Varicana, &*
in re-

in recompilatione canonum Cardinalis Deusdedit sic Papa protestatur : Si qua vero emerferint contra canonicam disciplinam , Ego cum Filiorum meorum sanctæ Romanæ Ecclesiæ Cardinalium consilio , directione , & rememoratione ministerium meum geram , & emendari curabo . Et S. Leo IX. in epistola ad Michaelem Episcopum scribit , Clericos Romanæ Ecclesiæ Cardinales appellari , quod Romano Pontifici proxime sociati confortio , illi omni sua ope , industria , studio , labore , obsequio famulantur & inserviunt . Quæ omnia aperte demonstrant , S. R. E. Cardinales esse summi Pontificis consiliarios , quemadmodum late ostendit Mauclerus de monarchia Ecclesiastica 2. par. lib. 4. cap. 12.

19 Hæc respiciunt ut plurimum Cardinales in Urbe existentes , qui Consistoriis & Congregationibus interfunt , in quibus negotia ad Sedem Apostolicam & summum Pontificem delata ad examen vocantur . De consilio ergo summis Pontificibus præstito inquirendum est in causis eorum Servorum Dei , qui , dum viverent , Cardinalitia dignitate fulserunt , & in Urbe moram traxerunt . Cardinalis Papiensis in epist. 48. qualitates exponit necessarias , ut quis rectus Consultor dici possit : *Quarendum est , quale veri sit & quale huius Cardinalis consilium . Nempe qui recte consulere vult , induere ante omnia debet veram erga illum charitatem , cui accedit consultor , ut , quid deceat & expediat , sine malignitate rimetur & doceat . Proxime huic liberam gerere & mentem & linguam . Ut nulli alieno affectui , nulli suæ cupiditati inserviens , simpliciter loquatur , quod sentit . Hac vera est , ni fallor , recte consulentium vita , quam mox ut egredimur , non tam ad salutem , quam ad pestem adiungimur . Et in epist. 280. De Cardinalium officio pauca nunc audi . Consulere nemo bene potest , qui idem non sapiat . Sapit nemo , nisi qui a Deo sapientiam habet . Loquitur Scriptura : Dominus dat sapientiam , & ex ore ejus prudentia , & scientia . Ex Deo igitur erunt sua consilia , nec proferet lingua , quod timor Domini ante non probet . Desideria quoque , si qua eum privarim tenent , posthabeat publicis , nihil suum credens , quod commune non sit . Et de Cardinali Bessarione in epist. 127. sic ait : Sed illud quantum est , quod semper meditatur aliquid , & proponit Pontifici , quod ad communem rem vel Christianorum , vel Ecclesiæ faciat . Nullis capitur aliis studiis . Non vagatur , non otatur , nec abire tempus per inertiam finit . Salutaria sunt omni tempore , quæ operatur . Vides de nostris esse , qui frequenter in agris sint , consulentur crebro prata & fontes , & indulgeant venatui , & , cum domi sunt , convivitiis & confabulationibus dies ducant inutiles . Hinc Patri nihil est horum ; sed , si quid publicum aliquando accidit fideli alicujus curandum diligentia , adhibetur hic semper ad providendum primus . Quanto studio id peragat , testes nos sumus , & testis frequens salium demandatio . Nisi enim injuncta perliceret , non tam crebro injungeret Pontifex . Neque enim negligenti opus unum , libenter demandamus secundum . Acce judicium ejus , & mens prompta , & voluntas ad bonum festinans absque mature quaque difficultate . Cardinalis Papiensis in sua declamatione habita adversus Joannem Cardinalem Atrebatensem , dimisso Consistorio , uti habetur in ejus epist. 48. se excusat , quod aliquando venationi indulgeret , eam condemnans in Episcopo , & admit-*

tens in Cardinali, si potissimum eam exerceat valetudinis causa: *Plebem Cardinalis non curat. Præcepta quotidiana Parochianis non dat. Ad nullum ministerium Sacrorum se populo exhibet. Solo consilio Apostolica Sedi adscriptus, insar quoddam secularis Principis habet.* At, cum idem Papiensis Cardinalem Bessarionem laudibus efferat, quod abstinens a venatione domi se contineret, publicisque negotiis assidue vacaret, satis hoc esse debet, ut que ab eo dicta sunt de Cardinalibus, ad eos extendi non possint, aut debeant, de quorum virtutibus agitur quoad Beatificationem & Canonizationem. Quocirca, perpenſa Papiensis epistola, recte ait Thomassinus de vet. & nov. Eccles. discipl. part. 3. lib. 3. cap. 46. sub num. 10. *Non is ego sum, qui obnitar censoribus inflexis, qui venationem ne his quidem causis, valetudinis videlicet, aut recreationis, satis purgari & emaculari posse existant. Sunt navi certe aliqui, quos obruit quidam virtutum niior eximius, quibuscum coaluere, & quarum tuitioni ipsines famulari videntur. Sed navi tamen sunt, & quidem tanto magis conspicui, quanto dignitas eorum eminentior est, qui illis insciuntur.* Ceterum, ad rem redeundo, sæpe citatus Cardinalis Palæoxus part. 5. quæst. 1. pag. 221. nonnullos laudat S. R. E. Cardinales, qui ad Pontificatum subinde evecti sunt; quique in Domino libertate usi fuerant, cum ad præstandum consilium essent adhibiti: Nam Callixtum III., qui Patrum nostrorum, aut superiori ætate vixit, legimus, cum Cardinalis esset, eam in dicendis sententiis libertatem cum gravitate conjunctam semper retinuisse, ut sine assentatione, seu timiditate, sed magna modestia & libertate, quod conducere putabat, liqueretur. Marcellum item Cervinum, quem plerique nostrum agnovimus, & ad summum Pontificatum evectum Marcellum II. appellatum scimus, certum est, tum aliis in rebus, tum præcipue quo tempore de alienandis Ecclesia Romana Bonis aliquando ageretur, non solum vehementer illi consilio obstuisse, verum etiam aliis Cardinalibus, ne assentirent, nulla prorsus maximorum Principum, sive aliorum, qui repugnabant, ratione habita, persuasisse. Paulum vero IV., qui paucis abhinc annis e vita decessit, notum est, tunc, cum Cardinalis esset, ad eam, qua pollebat, facundiam, insignem etiam in dicenda publicæ sententiæ, & omni sermone libertatem addidisse.

20 Consimilia exempla collecta legi possunt in tract. de officio & dignitate Cardinalis composito a Hieronymo Plato Societatis Jesu cap. 12. In relatione causæ S. Pii V. tit. de fortitudine habetur, eum, privatis rationibus posthabitis, apud summum Pontificem Pium IV. consiliorum semper libertate usum fuisse, ut propterea ab ædibus Palatinis, Aulicorum fraude ejectus, multa difficilia & maxima incommoda toleraverit: & in tit. de temperantia exponitur, illum ad summum Pontificatum evectum non modo non ægre tulisse, quod sibi in Consistorio Cardinalis Sanctæ Severinæ sese oppoſuerit, sed eidem, omnibus audientibus, gratias egisse, atque ex obedientiæ virtute præcepisse, ut libere in rebus omnibus sensum suum explicaret. Qua animi fortitudine in rebus arduis se gesserint Cardinales Baronius, & Bellarminus in monitis & consiliis summo Pontifici Clementi VIII.

ei VIII. propositis, licet ei non omnia placitura esse, prænoscere legi potest in vita Cardinalis Bellarmini scripta a Patre Fulgatto cap. 31. & in altera ejusdem Cardinalis vita scripta a Patre Bartolo lib. 2. cap. 13. & in vita Cardinalis Baronii scripta a Patre Barnabeo lib. 2. cap. 1. In citato tractatu Cardinalis Palæoti de sacr. Consistor. consultat. part. 2. quest. 3. pag. 63. late probatur, religionem & debitum Papæ obsequium in nullo a Cardinali lædi, qui rebus a summo Pontifice propositis consulendo dissentit. Post Alvarum Pelagium de planctu Ecclesiæ Platus in citato tractatu de officio & dignitate Cardinalis cap. 27. hoc aureum præfert documentum: Sunt interdum, qui, cum Pontificis animum in aliquam partem inclinatum vident, ob metum offensionis non audent loqui, qua sentiunt, potiusque prætextus aliquos inducunt ad ejus judicium approbandum: qua dissimulatione nihil potest esse decerius. Nam etiam in quovis homine vitiosa esset; multo vero turpior & injustior in iis, quos pro suo officio ac munere veritatem profuturi oportet. Item in cap. Fundamenta, de elect. in 6. legitur: Decet namque ipsi Romano Pontifici, per Fratres suos sacrosanctæ Romanæ Ecclesiæ Cardinales, (qui sibi in executione officii Sacerdotalis coadjutores assistunt) libera provenire consilia. Decet, ipse nullo modo vacillare iudicia, ut Fratres ipsos nullus secularis Potestatis metus extorqueat, nullus temporalis favor absorbeat, nullus eis terror imminet, nihil eos a veri consilii soliditate removeat; quin, cum per ipsum Romanum Pontificem in quibuscumque negotiis contingeret eorum peti consilia, in consulendo per omnia liberi, eidem Romano Pontifici in omnibus, qua pro tempore imminet, libere consulant & assistant: que profecto demonstrant, nullatenus repugnare religioni & debitæ erga summum Pontificem venerationi, si aliquis ex Cardinalibus in consilio præstando ejus sensui advesetur; dummodo id fiat cum debita humilitate, absque temeritate & superbia, & non ex imperitia, sed cum solida ratione. Hieronymus Manfredus in tract. de Cardinalibus cap. 10. ait: Debeat quam conjunctissimi esse cum summo Pontifice, eique in omnibus subiecti esse & parere, ut membra capiti suo, nec proterve ei contradicere, temeritate, aut superbia, aut studio contradicendi; majori enim nexu cum illo conjuncti sunt, quam quilibet alius cujuscumque generis. Et Gondissalvus in tract. de Cardinalibus cap. 7. addit: Debent cavere, ne, male consulendo, Papam errare faciant, quia ita delinquit consulens, ut faciens, idque non solum, si scienter, sed etiam, si per incertam male consuleret; quia, admittendo hoc officium, quod principaliter versatur in consilio dando, videntur profiteri, se esse paritos & sufficientes ad illud. Unde fit, ut merito eis imputetur, si aliquid postea per imperitiam faciant.

21 Doctrina autem non modo necessaria est, cum Cardinalis in sensum abit diversum a sensu summi Pontificis, sed quoties opinatur, & suam præfert sententiam: Ipsi denique (verba sunt Sixti summi Pontificis in sæpe memorata Constit. 76.) Ipsi denique vere sunt sal terra, ac lucerna posita super candelabrum, ut inter sanguinem & sanguinem, causam & causam, lepram & lepram discernant, ac doctrina opportunitate & veritate infirma confirmet, disrupta

510 DE SERVORUM DEI BEATIFICATIONE

rupta consolident, depravata convertant, luceant omnibus, qui in domo Domini habitant, ac prima huic Sedi assistentes cunctos Pastores, dum in gravioribus negotiis eandem Sedem consulunt, ejusque opem implorant, suo judicio, consilio, & auctoritate instruere, dirigere, ac docere non cessent. Cardinalis autem Palæotus in tract. de sacr. Consistor. in conclus. membr. 4. pag. 349. ostendit, tria Cardinali ad recta recteque consulendum esse necessaria, rerum peritiam, benevolentiam, & loquendi libertatem: & postquam attulit illud Ciceronis, *Si quis Grammaticum se professus barbare loquatur, aut si absurde canat is qui se haberi velit Musicum, eo turpior sit, quod in eo ipso peccet, cujus scientiam profectus;* concludit, Cardinalem in dandi consilii ratione peccantem hoc turpiorem esse, quod in officio, cujus magister esse debet, labitur, atremque consilarii professus in consulendo delinquit. Modestia quoque cum gravitate in proferendis sententiis requiritur; sed tunc magis modestia & humilitas necessariae sunt, cum Cardinalis loquitur coram summo Pontifice, & ab ejus sensu alienus est, cui tamen intellectum subijcere tenetur, postquam ab ipso Decretum prolatum est: aliud enim est tempus loquendi, aliud tacendi; aliud tempus antecedens, quo res proponuntur tractandæ, aliud subsequens, quo res jam satis tractatæ & excusæ sunt; nec de iis agit summus Pontifex amplius tamquam deliberandis, sed Decreto suo illas firmat & concludit. Ad primum tempus spectat libertas loquendi, a modestia & humilitate non sejuncta; ad secundum pertinet obedientia, ut pluribus in locis sui tractatus de Consistorio ostendit Cardinalis Palæotus. Cardinalium exempla, qui suis consiliis a Romani Pontificis opinione intrepide recesserunt, & nonnulla facta, quæ minus laudabilia ipsis videbantur, libere improbarunt, nec ob id a summis Pontificibus tanquam ipsis insensu habiti sunt, sed muneribus decorati, collecta legi possunt in tractatu Plati de officio & dignitate Cardinalis cap. 28. Nonnulla supra dicta sunt de summo Pontifice S. Pio V.; intereque addere fas sit, quæ de Ven. Dei Servo Cardinali Bellarmino refert Pater Bartolus in ejus vita lib. 2. cap. 6. *Diceva il suo voto alla presenza del Papa con umiltà e modestia, ancorchè quello, che doveva dire, non fosse interamente conforme alla mente del Papa: così ne parlano i processi.* Additque Pater Fuligattus in ejusdem vita cap. 31. *Bene spesso non si sapeva che cosa fosse più ammirabile in lui, la modestia, o la dottrina. Il che fu avvertito anche maggiormente, quando avanzò il Papa doveva spiegare il suo parere con acquietarsi senza repliche, eziandio dove la ragione era per la sua sentenza, riserbando il farlo capace privamente, ogni volta che lo stimava necessario, e che la cosa l'avesse richiesto &c. Con questi termini di riverente osservanza verso i Pontefici in particolare è da stupire, come seppe congiungere la libertà di dar loro consiglio intrepidamente, dove lo costringeva la coscienza, ed altri non ardiva di farlo, per non guastare i propri interessi.* An autem modestiæ, humilitatis, debitæque subjectionis fines exsuperet Ven. Dei Servus Franciscus Ximenes de Cisneros Archiepiscopus Toletanus, & S. R. E. Cardinalis, qui, teste Gomesio, ait, esse summum Pontificem.

tificem, si opus foret, interdum *perserrefaciendum*, quemadmodum a se nuper factum fuerat: cum liberiori epistola eum admonuisset, ut se erga Reges Hispaniæ indulgentius gereret, iudicium sit illorum, qui sententiam suam proferre debebunt super ejus virtutibus, quæ adhuc a sacra Congregatione approbatæ non fuerunt. Facta est enim oppositio a Prospero Bottinio Archiepiscopo Myrensi Fidei olim Promotore in suis animadversionibus, quam evadere Postulatores conati sunt, perpetuam ostendendo summam Ximenii reverentiam erga Sedem Apostolicam, testimonio Romanorum Pontificum comprobata, & durum verbum interpretando, quasi nihil aliud dicere voluerit, quam summum Pontificem Leonem X. debuissè admoneri, qui Gallis adhærere potius videbatur, quam Hispanis.

22 Sixtus V. in allegata Confit. 76. de Cardinalibus ait, eos legationibus in provinciis gubernandis, & in gravioribus rebus sæpe ad Reges & Imperatores perungi. Qua integritate Martinus Presbyter Cardinalis tempore Eugenii III. Daniæ legatione functus sit, quam constanter munera recusaverit, ita ut pauperior redierit, quam iverit, S. Bernardus *lib. 4. de considerat. cap. 5. col. 447. vol. 1. oper.* admirabundus testatur: *Quid dicis mi Eugeni? Nonne alterius sæculi res est, redisse Legatum de terra auri sine auro? Transisse per terram argenti, & argentum nescisse? Donum insuper, quod poterat esse suspectum, illius rejecisse? ... O si talium daretur virorum copia quales perstrinximus nunc, quid te felicius? Quid illo jucundius sæculo? ... O si viderem in vita mea Ecclesiam Dei talibus innixam columnis! O si Domini mei Sponsam cernerem tanta commissam fidei, tanta creditam puritari!* B. Nicolaus Albergatus Bononiæ Episcopus, & S. R. E. Cardinalis in suis legationibus ad Venetos & Florentinos conciliandos, ad Venetos & Ligures pacificandos, ad Gallos, & Anglos, ad Basileense Concilium, ad Germanos, quam pie, quam sancte, & quanto cum profectu Christianæ reipublicæ se gesserit, testis est Jacobus Zenus Episcopus Feltrensis Auctor contemporaneus in ejus vita. *Platus in cit. tract. de dignit. & offic. Cardinalis cap. 32.* loquitur de Cardinalibus Legatis, qui provinciæ alicui tempore pacis gubernandæ præficiuntur, & profitetur, se nihil dicere velle de integritate, iustitia, & continentia tum in pecunia, tum in aliis rebus, cum hæc communia sint etiam secularibus Magistratibus; additque, speciale in eis esse debere pietatem & lenitatem, ita tamen ut segnes & remissi non sint in tuenda iustitia, in puniendis fontibus, in comprimendis maleficiis. De legatione Bononiensi administrata a Cardinali Bessarione sermonem habet Cardinalis Papiensis *epist. 127. Missus deinde Bononiam Legatus, difficilem Præfaturam secunda fama administravit. Nulla in eo sordes, nulla rapina, nulla cogitationes privata rei magis, quam publica inveniuntur. Civitas ad tumultum prona est, ut nixi, passa ante ejus accessum crebras cum emissiones, tum etiam cades civium. Hoc regente, nil tale auditum. Continuis in officio omnes, indulgens cuoque, quod indulgendum per honestatem fuit. Prensatio personarum, at-*
que

que horum cura, illorum neglectus, quæ induxerunt olim in multas civitates nostræ ditionis seditiones graves atque odia, procul ab eo fuerunt. Una in omnes aequitate occasionem mali huius sustulit. Magno, ut parvo, patere ad se aditum voluit; & quemque, qui vellet lamentari, per se & parere; & privatam rem agere. In benefactis intrepidum semper se præstitit. Xanto Bentivolo potentia factionis suæ, quæ una Bononia poterat, aliquando insulescenti sic resistit in oculis populi, ut & ceteris exemplo esset, & nascerent alii, non desse animum Præsidi ad tuendam dignitatem officii.

23 Electio summi Pontificis commune negotium est omnibus S. R. E. Cardinalibus, siue moram trahant in Urbe, siue resideant in Episcopatibus, quorum gerunt administrationem, dummodo hi, mortuo Pontifice, ad Conclave accedant, prout accedere tenentur, cessante legitimo impedimento. S. Antoninus in 3. part. Summ. Theolog. tit. 21. cap. 2. §. 8. quærit, an Cardinales teneantur omnium optimum eligere in summum Pontificem; & affirmando respondet, asserens, peccare, qui idoneum eligit, meliori posthabito: quod confirmant Manfredus in libello de Cardinalibus cap. 7. & cap. 26. & Albanus in eod. tract. quæst. 11. Platus in allato sæpe tractu de dignit. & offic. Cardinalis cap. 31. ex doctrina ejusdem S. Antonini notat, id esse intelligendum, si spes sit, eum, qui melior, aut optimus judicatur, ad Pontificatum pervenire posse; nam, si desperetur, quia major pars alio inclinet, & in hunc pauci, vel nullus, tunc ait, licet alteri suffragari, etiam si minus bono, dummodo simpliciter bono: addique, meliorem non intelligi eum, qui sanctior sit, & magis pietatis ac religioni deditus, sed qui magis idoneus est Ecclesiæ gubernandæ, dummodo in eo non desit ea virtus, probitas, atque integritas, quæ in gregis Domini Pastore desideratur. Confirmantur hæc omnia ex formula juramenti, quod singulis vicibus a quolibet Cardinali suffragaturo præstatur, dum astat altari, & schedulam deponit in calicem magnum ad recipienda suffragia paratum. Verba juramenti sunt hæc: *Testor Christum Dominum, qui me judicaturus est, me eligere, quem secundum Deum iudico eligi debere, & quod idem in accessu præstabo; uti habetur in Constitut. 19. Gregorii XV. Bullar. tom. 3.* Nec omitti possunt gravissima verba Clementis Papæ XII. in Constitutione, quam edidit anno 1732. pro bono Conclavis regimine: *Ceterum, tametsi opus non esse in Domino confidimus, urgente Nos tamen Pastoralis officii debito, ac præcipuo, quo tenemur, boni publici desiderio, Cardinales nunc & pro tempore existentes per viscera misericordiæ ejusdem Domini nostri Jesu Christi, & per effusionem sui pretiosi sanguinis enixe rogamus, hortamur, obsecramus, & monemus, ut tunc potissime, dum scilicet de creando Romano Pontifice agitur, serio perpendant rei, quam gerunt, gravitatem, ministerii, quod per eos tractatur, magnitudinem, ac personam, quam in Ecclesia Dei sustinent, dignitatem; seduloque cogitens, se in renuntiando siipremo ipsius Ecclesiæ Rectore Divina mentis interpretes constitutos, nudaque omnia & aperta esse in oculis ejus, cui solemniter & arctissimi iurizjurandi religione fidem suam promissuri*

fieri & obligari sunt; neque aliud esse forsitan posse in omni eorum vita factum, de quo tam arduum atque difficile eis futurum sit rationem reddere aeterno iustoque Iudici sempiterna vel premia, vel supplicia decreturo. Itaque etiam sub Divini interminatione iudicii eisdem Cardinalibus precipimus itidem & mandamus, ut in suffragiis ferendis, ac aliis omnibus & singulis electionem quomolibet concernentibus, solum Deum pra oculis habentes, & non sua, sed qua Christi sunt, quarentes religiose, sincere, & libere, humanis quibusque artibus, factionibus, partium studiis, omnique demum carnis affectu, ac privatis commodis, & desideriis remotis, atque Principum secularium intercessionibus, ceterisque mundanis respectibus, ac etiam grati animi, & cuiusvis alterius necessitudinis titulo minime attentis, & postpositis, sese gerant ad eligendum eum, quem universali Ecclesiae fructuose utiliterque gubernanda idoneum secundum Deum judicaverint; ac memores supradictarum Constitutionum, poenarumque in eis contentarum ne quidquam facere, admittere, aut attendere, quod ab hoc proposito alienum sit, vel per quod electio retardetur, aut libertati suffragandi quoquo modo officietur, per se, vel alium, directe, aut indirecte, quovis colore, pretextu, vel ingenio audeant, seu presumant. Memorandum porro est exemplum nunquam satis laudati Ven. Cardinalis Baronii, de quo in epistola Cardinalis de Joyeuse Regi Galliarum scripta inter epistolas Cardinalis du Perron pag. 353. *tertia edit.* Paris. an. 1629. Actum fuerat in Conclavi, & concludum de eligendo in summum Pontificem illo, quem Cardinalis Baronius reputabat indignum, Solus contra omnes Baronius pugnavit & obstitit, cunctosque ab eo eligendo retraxit. En verba citare epistolae ex Gallico in Latinum translata: In hoc rerum statu (ceteris videlicet jam paratis ad eligendum) magnus advenit Baronius, qui hac in re magnus appellari potest, quique cum jam protestatus esset, se nunquam esse adoraturum hominem praedictum, nisi ultimum, alta voce exclamavit, alloquendo multitudinem Cardinalium congregatorum, se velle, ut sua verba, qua erat prolaturus, nota essent posteritati; ususque verbis Psalmi, Scribantur haec in generatione altera, ait, dignitate summi Pontificatus eum esse indignum, quoniam ceteri eligere volebant; magnus vulnus Ecclesiae in ea electione infligi; se nolle schisma facere, sed se ultimum futurum esse in ejus adoratione. Tunc vidimus ferventem zelum pro Dei honore, & exemplum satis rarum, quod unus Cardinalis in ipso actu adorationis, ceteros aspiciens pro electione deliberatos, loqui ausus sit tanta libertate.

24 Superfluum est aliquid addere de summi Pontificatus desiderio, quod sine peccato a Cardinali haberi non potest, cum superius de hoc argumento actum sit. At reticere duo insignium Cardinalium facta non possunt, alterum Cardinalis Baronii, qui, cum summi Pontificis mandato non timide, & (uti dicitur) intra dentes suam sententiam in scriptis exposuisset de Sicula Monarchia, litteris datis ad Antonium Talpam de opere sibi demando & composito, haec habet: Ego vero id libentissime facio, eo maxime nomine, quod hanc rem haud modicam utilitatem mihi allaturam esse confidam, nimirum ad humilitatem servandam; quandoquidem Hispanis ea praeberetur occasio

ne in solemnibus Comitibus (siquidem eo perventum fuerit) adversos atque insensos mihi sese ostendant: quæ res non parum momenti habet apud me. Cumque jam tempus advenisset novi Pontificis eligendi, & a Principibus, iisdemque amicissimis viris etiam atque etiam rogaretur, ut ex iis, quæ scripserat de Sicula Monarchia, nonnihil immutaret, quod ea nimirum ratione, quæcumque illi ad Pontificatum obtinendum obstabant, tolli omnino videbantur, constanter negavit, se quidquam unquam admissurum; quod viam sibi ad Pontificatum sternere posset: idemque eximius Cardinalis electo Leone XI. in aliis litteris scriptis ad eundem Antonium Talpam scribit: *Quod spectat ad novum sanctum Pastorem, de hoc libere gloriabor in Domino Bonorum omnium auctore, quod, cum ante Comitibus de me provehendo frequenter ageretur, ego quasi per cuniculos agere cupi pro Cardinali Florentia, ut a me omnium animos averterem, ea via negotium dirigens, per quam deinde ad finem perventum est; placuitque Domino, ut ego ipse, qui coeperam, ipse pericerem. Cumque nondum elapso mense Leo XI. e vivis excessisset, & Cardinalibus iterum in Conclave ingressis, multorum suffragio se Pontificem designari vidisset, quid ab eo præstitum sit, ne Pontifex fieret, fule legi potest in ejus vita cap. 8. In fine autem tomi XII. annalium, quem dicavit Paulo V., qui in eo Conclavi summus Pontifex electus est, ait pag. 900. edit. Rom. 1607. : *Fractum sententia interclusus, cunctisque evadendi remediis destitutus, tadio vita gravatus supra modum, ultra vires, in illa arumosa cum Jeremia erupi sæpe lamenta, Væ mihi, mater mea, quare me genuisti virum rixæ, virum discordiæ in universa terra? Cum vero his tenerer vallatus angustis, & a Deo tantum, qui est solum omnipotens, præstolaretur auxilium, ecce statim ex insperata catastrophe facta est rerum repentina, sicut & admiranda mutatio. Excitatus namque: atquam dormiens Dominus clamore suorum, qui laborantes erant in remigando, festinus exurgens imperavit vento & mari, & facta est tranquillitas magna, atque dicto citius miro consensu omnium ecce provehitur Paulus tamquam e maris ereptus tempestate salvus in Cathedram Petri, cui una cum universa Ecclesia Catholica feliciter acclamamus: Paulo Papa V. a Deo electo salus & vita. Ut alibi dictum est, introducta est causa Beatificationis & Canonizationis Ven. Dei Servi Gregorii Cardinalis Barbadii Episcopi Patavini. Dum de signanda commissione agebatur, & de fama virtutum & miraculorum res erat, ego ipse tunc fungens munere Fidei Promotoris, & quotquot aderant, non sine lacrymis audivimus Cardinalem de Polignach mirabili & suavissima, qua pollebat, eloquentia narrantem in Congregatione ordinaria sacrorum rituum, quæ contigerant in Conclavi, in quo electus est Pontifex Innocentius XII. quæ ipse bene noverat, utpote Conclavista, ac proinde omnium, quæ gerebantur, optime conscius. Narravit ergo, sufficientem Suffragantium numerum in electionem Cardinalis Barbadii consensisse; sed hoc defuisse unum, quod nonnulli ex Electoribus scire ab eo vellent, utrum electus in summum Pontificem, magnum quoddam negotium magnarum discordiarum causam inter Sedem Apostolicam, & potentissimum**

tentissimum Regem, esset ad leges summi juris, an potius æquitatis pertractaturus. Hac super re tentatus & excussus, nihil voluit respondere. Interrogatus, quodnam consilium esset novo Pontifici daturus, si consuleretur, respondit se ei dicturum, ut preces toto corde ad Deum funderet, qui eum dirigere dignaretur in eam viam, quæ gloriæ suæ, & Sedis Apostolicæ incolumitati esset profutura. Conversisque Suffragantium animis in Cardinalem Pignatellum, qui ad summum Pontificatum evectus Innocentii XII. nomen assumpsit, pius & vere Venerabilis Gregorius Cardinalis Barbadius, statim ac ad primum ejus amplexum accessit, serio monuit, ut in eo negotio lento gradu procederet, non stricti juris, sed epichejæ leges servaret, quas aptiores ipse autumabat, & magis accommodatas felici ejus expeditioni, gloriæ Dei, & Sedis Apostolicæ prosperitati.

25 Et hæc sunt, quæ cursim potuerunt adnotari, ne caput hoc in volumen excreceret. In supradictis ergo, & aliis pluribus facile obviis, & in laboribus quoque pro Ecclesia & pro Sede Apostolica exantlatis momentum constitui poterit, cum agitur de causis Servorum Dei, qui, dum viverent, Cardinalatus dignitate potiti sunt: non quia (ut diximus) ea sola sufficiant pro virtutibus approbandis, sed ut, si cetera non deficiant, & in supra narratis Dei Servus heroice se gesserit, tutum de heroicitate virtutum judicium ferri possit: a quo profecto abstinendum esse videretur, si cetera adessent, & in his, quæ statum personæ respiciant, Dei Servus defecisset, aut heros non fuisset. Aliquid dicendum esset de erogatione redium Ecclesiasticorum; sed de his infra commodius ageatur.

CAPUT XXXIV.

De iis, quæ in causis Servorum Dei, qui Episcopi fuerunt, advertenda sunt post adeptam Episcopatus dignitatem.

1 **P**lerique absolutissimi Episcopi in album Sanctorum post reservationem harum causarum Sedi Apostolicæ solemniter Canonizatione relati sunt, Udalricus Augustanus, Benno Misnensis, Bernwardus & Godehardus Hildesheimenses, Gerardus Tullensis, Hugones duo, Gratiopolitanus & Lincolnienfis, Malachias Hibernensis, Osmundus Saresberienfis, Otho Bambergensis, Petrus Anagninus, Richardus Cicestrienfis, Thomas Herfordienfis, Virgilius Salisburgensis, Ubalduus Eugubinus, Willhelmus Briocensis, Vulstranus Wigornienfis, Andreas Fesulanus, & cum his Ludovicus Tolosæ, & Franciscus Gebennensis, unus Patriarcha, Laurentius videlicet Justinianus, & complures variarum gentium Archiepiscopi & Prælati, Edmundus scilicet Cantuariensis, duo Willhelmi, Bituricensis & Eboracensis, Laurentius Dublinensis, Thomas Valentinus, Antoninus Florentinus, Carolus Mediolanensis, Thuribius

Limanus; omissis ex coetu Episcoporum Stanislao Cracoviensi, & ex coetu Archiepiscoporum Thoma Cantuariensi, quod nunc sermo sit de Confessoribus, Stanislaus autem munus Pastoris in impii Regis facinoribus exercandis exercens Martyr occubuerit, & Thomas martyrium subierit pro juribus suæ Ecclesiæ tuendis.

2 Si exempla requirantur virtutum antiquiorum Episcoporum, qui aut juxta antiquum Ecclesiæ morem in album Sanctorum relati sunt, aut Canonizationis honorem a summis Pontificibus obtinuerunt, ne talia quidem deesse compendiosa narratione de eorum virtutibus ostendi potest. De vita exemplari S. Eusebii Episcopi Vercellensis & Martyris hæc habentur apud S. Maximum (*inter anecdota Ludovici Antonii Muratorii tom. 4. serm. 6. pag. 78.*): *Erat utique vita illi Christus, quia per spiritualium virtutum tramitem gradens, absque Christo vivere nesciebat. Erat ei & mori lucrum, quia, si damno præsentis vite transiret e saculo ad Christum pergens, cali se noverat divitias lucrarum. . . . Quævis vivens Christum, cum salutaris ejus præcepta custodiens, indivisam Verbi cum Patre asseruit unitatem. Acquisivit enim moriens, cum ad societatem regni ejus corporis morte transiit: & quia unam Patris, Filique, sicut est, substantiam non negavit, exilia, carcerem, verbera, famem, suamque sustinuit, qua omnia fideliter superans, vitam quam dilexit, invenit, & mortem quam non timuit, triumphavit. Nam quid est aliud calcare mortem, quam vivendo fideliter, vitam possidere post mortem, & obeundo, cum Fide perpetui, sancti nominis tenere memoriam &c.* Sermone 9. de eodem S. Eusebio pag. 88. hæc habet: *Cum in hac urbe (scilicet Vercellarum) dispensante Deo, summi gradum Pontificii suscepisset, ut universo Clero suo spiritualium institutionum speculum se caeleste præberet, omnes illos secum intra unius septum habitaculi congregavit; ut, quorum erat unum atque indivisum in religione propositum, fieret vita vicusque communis; quatenus in illa sanctissima societate vivendi invicem sibi essent conversationis sua & judices & custodes; & diem alter alterius humilitatem præfert, continentiam stupet, suspicit castitatem, patientiam laudat, miserantis animi prædicat bonitatem, jejunia vigilasque miratur, omnes ab omnibus discedens, quod in se singuli non habebant. Quæ cum ita essent, in universorum tamén pectora bonorum omnium plenitudo magni ejus Eusebii de fonte manabat, atque ita fiebat, ut, dum in Divina præcepta exemplis se mutui excitant, in diversorio illo non tam hominum esset congregatio, quam virtutum. S. Bernardus quoque in vita S. Malachiæ Episcopi Hibernensis cap. 19. ita de ejus sancti moribus loquitur (ed. 682. oper. vol. 1.): *Ut enim cæcæ interiori hominem ejus, cujus pulchritudinem, fortitudinem, puritatem satis indicabant mores ipsius & vita, ipsam exteriorem ita uno semper modo, ipsoque modestissimo & decentissimo, gessit, ut nil præfusus appareret in eo, quod posset offendere inveniæ. Et quidem Qui non offendit in verbo, ille perfectus est vir. At vero in Malachia quis unquam, etiam si curiosus observaret, deprehendens otiosum, non dico verbum, sed nutum? Quis manum? Quis pedemque morantem frustra? Inmo quid non edificans in ejus incessu, aspectu, habitu, vultu? Denique vultus hilaritatem nec su-**

nec fuscavit moror, nec levigavit risus. Totum in eo disciplinatum, totum insigne virtutis, perfectionis formatum. Per omnia fortis, sed non austerus; remissus interdum, dissolutus nunquam. Negligens nihil, etsi pro tempore multa dissimulans. Quietus sapi, sed minime aliquando otiosus &c. Demum S. Gregorius Nissenus Magni Meletii Episcopi Antiochiæ egregias virtutes his verbis commemorat (pag. 1023. tom. 2. oper.): Cum primum bene morata, ac modesta illa Ecclesia (scilicet Antiochena) virum vidit, faciem vidit ad imaginem Dei vere formaram, vidit dilectionem fontis modo scaturientem, vidit gratiam labiis circumfusam, animi demissionis summum gradum, post quem amplius quicquam cogitari non potest, vidit mansuetudinem atque clementiam; qualis in Davide fuit; qualis in Salomone, intelligentiam atque prudentiam; qualis in Moyse, bonitatem; qualis in Samuele, perfectionem; qualis in Iosepho, continentiam pudicitiamque; qualis in Daniele, sapientiam; quemadmodum magnus Elias; zelo Fidei pradtum; sicut sublimis Joannes, integritate corporis ornatum; sicut Paulus, inextinguibili pradtum dilectione. Vidit tot Bonorum circa unam animam concursum. Amore beato vulnerata est, casto bonoque Sponsum suum amore atque benevolentia pròsequuta dilexit.

3 Non est hic locus exponendi invictum robur, quo nonnulli sancti Episcopi, effuso sanguine, pro Fidei Catholicæ defensione & propagatione mortem libentissime oppetierunt. De Confessoribus loquimur. Omitti vero non potest insigne certamen inter Modestum Præfectum Valentis Imperatoris Ariani, & S. Basilium M. in asserenda Fide Catholica adversus Heterodoxos, & in resistendo voluntati Præfecti, qui ipsum ad partes Ariatorum adducere conabatur. En verba S. Gregorii Nazianzeni in orat. 20. pag. 349. num. 74. oper. tom. 1. ubi memoratum refert certamen: Hac oratione commotus Præfectus, ac majori ira succensus de subsepio surrexit, atque asperioribus verbis cum eo agere perrexit. Quid? Potestatem hanc non pertimescis? Cur vero pertimescerem? inquit Basilium. Quid fiet? Quid parat? Quid patieris? intulit ille: unum e tam multis, qua mea sunt potestatis. Quanam hæc? subjuxit Basilium: fac enim intelligamus. Bonorum, inquit ille, proscriptiorem, exilium, cruciatum, mortem? Tum Basilium: Si quid aliud habes, id nobis mittere. Horum enim, qua adhuc commemorasti, nihil nos attingit. Quanam modo? inquit ille. Quoniam, inquit Basilium, Bonorum proscriptiorem obnoxius non est, qui nihil habes nisi forte laceris & detritis hisce pannis indiges, ac paucis libellis, in quibus omnes nobis facultates & copia sunt. Exilium autem haud cognosco, qui nullo loco circumscriptus sum, ac neque terram hanc, quam nunc incolo, meam habeo, & eam omnem, in quam profectus fuero, pro mea duco: immo, ut rectius loquar, uni versam terram Dei esse, scio, cujus advena ego sum & peregrinus. Jam tormenta quid accipero queant, cum corpus desit? nisi forte primam plagam dixeris; hujus enim solus penes te arbitrium & potestas est. Mors porro beneficii mihi loco erit; citius enim me ad Deum transmittet, cui vivo, & munere meo fungor, maximaque ex parte mortem obii, & ad quem jampridem propero. Quo sermone obstupescit Præfectus, Nemo, inquit, me (nomenque suum adjunxit)

§ 18 DE SERVORUM DEI BEATIFICATIONE

junctis) ad hunc usque diem ita est allocutus, nec pari verborum libertate. Neque enim, ait Bassilius, fortasse in Episcopum incidisti. Alioquin hoc prorsus modo disseruisset pro hujusmodi rebus in certamen veniens &c. Et S. Bernardus *serm. 2. de S. Malachia Episcopo Hibernensi* ejus propagandæ Fidei zelum sic extollit (col. 1052. vol. 1. oper.): *Posuit sine semper Evangelium, replevit Evangelio pauperiam, suorum maxime fœderalem edomuit barbaricam Hibernorum, levi jugo Christi in gladio spiritus exteræ subdidit nationes, usque ad extrema terra restituens hereditatem suam illi. O ministerium fructuosum! O ministerium fidelem! Numquid non per ipsum Filio est paternæ adimpleta promissio? Numquid non hunc olim intuebatur Pater, cum ad Filium loqueretur: Dabo tibi gentes hereditatem tuam, & possessionem tuam terminos terræ? Quam libens Salvator recipiebat, quod emerat, & emerat pretio sanguinis sui, ignominia crucis, horrore Passionis! Quam libens de manibus Malachia, pro eo, quod gratis ministraret! Ergo in ministro quidem gratum erat munus gratuitum, in ministerio autem placita conversio Peccatorum. Grata, inquam & placita, in ministro simplicitas oculi; in ministerio autem salus populi.*

4 Egregium porro sollicitudinis Pastoralis erga oves sibi commissas S. Paulini Episcopi exemplum legitur apud S. Gregorium Papam *dialog. lib. 3. cap. 1.* licet de ejus veritate nonnulli quæstionem moveant, quod vel Vandali tempore S. Paulini nunquam Italiam ingressi sint, vel si juxta Cardinalem Baronium ingressi sunt anno 429. quo tempore S. Paulinus erat in humanis, inverisimile videatur, ipsum annorum 76. & infirmitatibus laborantem in Africam trajecisse, ut filium viduæ liberaret. At, utcumque sit de hoc, narrat idem S. Gregorius. Paulinum, ut filium viduæ a Vandalorum captivitate redimeret, in Africam trajecisse, seque pro illo in servitutem tradidisse. Verum ex Divina revelatione cognitus, quisnam vir esset, dataque ei optione petendi quod vellet, ut in patriam suam cum magno munere reverteretur, ipse ita respondit (*loc. cit. col. 281. oper. tom. 2.*): *Unum est, quod mihi impendere beneficium potes, ut omnes civitatis meæ captivos relaxes. Qui cuncti protinus in Africana regione requisiti cum onustis frumento navibus pro venerandi viri Paulini satisfactione in ejus comitatu laxati sunt. . . . sicque factum est, ut omnipotentis Dei famulus Paulinus vera prædiceret, & qui se in servitutem solum tradiderat, cum multis a servitio ad libertatem redires; illum videlicet imitatus, qui formam servi assumpsit, ne nos essemus servi peccati, cujus sequens vestigia Paulinus ad tempus voluntarie servus factus est solus, ut esset postmodum liber cum multis. De supra memorato S. Malachia Episcopo S. Bernardus *serm. 2. loc. cit.* sic ad rem loquitur: *Qui quasi unus omnium parens vivebat omnibus. Quasi gallina pullos suos, sic fovebat omnes, & in velamento alarum suarum protegebat. Non sexus, non ætas, non conditio discernebatur, aut persona. Deerat nemini, expanso omnibus gremio pietatis. De quacunque tribulatione clamaretur ad eum, propriam reputabat; nisi quod in sua patiens, in aliena compatiens erat, plerumque & impatiens. Nonnumquam siquidem repletus zelo pro aliis, in aliis movebatur, ut eripiens inopes, & reprimens fortes consuleret proinde**

proinde omnibus in salutem. Et latius in ejus vita (cap. 8. col. 672. loc. cit.): Monere communiter; secreto arguere, flere per singulos, nunc asperere nunc leniter conuenire, prout cuique expedire videbat. In quibus per hac minus proficisset, cor contritum & humilitatem offerebat pro eis. Quoties noctes totas per uigiles duxit extendens manus in oratione? & cum venire ad ecclesiam nollens; per vicus & plateas occurrebat inuitis; & circumiens civitatem perquirebat anbelus, quem Christo acquireret. Sed & foris rura & oppida nihilominus sapienter percurrerebat cum sancto illo comitatu discipulorum suorum; qui nunquam deerant lateri ejus. Ibat, & erogabas vel ingratis celestis tritici mensuram; nec uolebatur equo, sed pedes ibat, & in hoc uirum se Apostolicum probans. Jesu bone; quanta passus est pro nomine tuo bellator tuus a filiis sceleratis; quanta sustinuit ab iis ipsis, quibus & pro quibus loquebatur bona tibi! Quis digne exprimas, in quantum vexatus, quibus affectus sit contumeliis, quibus injuriis laceffitus, quies laxatus inedia, quoties afflictus in frigore & nuditate? Sanctus autem Augustinus in natali S. Cypriani Martyris (serm. 309. al. 12. inter additos a Parisiens. num. 4. tom. 5. oper. col. 1248.) narrat, quid ille sollicitus de ouibus tibi commissis egerit pridie ante martyrium: Cum in alium diem dilatus (scilicet ad martyrium) apud Castrum desisset, atque illuc se multitudo Fratrum, ac Sororum congregans pro foribus pernoctares, custodiri puellas precepit. Quanta intentione considerandum! Quanta laude predicandum! Quanto praconio commendandum est! Vicina corporis morte, non moriebatur in animo Pastoris uigilantia Pastoralis, & cura tuendi Domini gregis usque ad extremum uita hujus diem mente sobria tenebatur; nec excutebas ab animo diligentiam fidelissimi dispensatoris manus jam proxima cruenti carnificis. Ita se Martyrem cogitabat futurum, ut esse non obliuisceretur Episcopum, magis curans, quam rationem Pastorum Principi de commissis sibi ouibus redderet, quam quid Infideli Proconsuli de Fide propria responderet.

5 Si omnia virtutum elogia, quibus Episcopi inter Sanctos relati fulserunt, quaeque leguntur in bullis Canonizationum; postquam mos inductus est in eis referendi, quae ex Actis desumuntur, essent in hoc caput inferenda, caput hoc contineret magnam partem codicis Canonizationum editi studio & opera Archiepiscopi Ancyran: quocirca nonnulla tantum, quae per compendium virtutes attingunt, opportunitatem transcribere existimamus. In bulla itaque Canonizationis Sancti Richardi Ciceriensiensis in Anglia Episcopi pag. 99. cod. Canoniz. edita ab Urbano IV. ita legitur: Ipse namque uocatus ad regimen Ciceriensi Ecclesiae factus est solito magis uigil ad curam, non segnis ad opus, suauis ad mores. Ex tunc fuit ei pauperum cura major, habitus abjectior, gestus & affatus humilior. Ex tunc ille in persecutionum perpeffione fortior, in libertatis Ecclesiastica defensione constanter, in iustitie censura inflexibilior, in oratione feruentior, in elemosynarum largitione profusus, in proprii corporis castigatione rigidior, districtior in obseruantia disciplina, in carnis & spiritus lucta prudentior. Et in bulla Canonizationis S. Francisci Salesii pag. 373. loc. cit. edita ab Alexandro VII. Integras Episcopi partes suscepit, curare ne grex, aut dioecesis, improborum. Haren-

Hæreticorumque more luporum insidiantium incurfibus pateret, ordinare Clerum, statueret familiam religioſe moribus compoſitam, ſanctorum Patrum veterumque Episcoporum exempla ſibi proponere, cuncta Episcopalis vita momenta ſuis virtutibus functionibusque animare, Synodum cogere, Eccleſiaſtica diſciplina leges vel reſtituere vel ſancire, ac potiſſimum Catholica religionis ſinceritati conſulere, qua mores Catholicorum informando, qua Sectariorum dogmata evertendo, qua deceptas oves ad ovile reducendo.

6 At, ut ad particulares actus deſcendamus, de quibus ſedula inquiſitio facienda eſt. cum ad examen vocantur cauſe Servorum Dei, qui, dum viverent, Episcopi fuerunt; in ſolemni examine, quod conſecrationi Episcopali præmittitur, multa ſane indicantur, quorum potiſſimum habenda eſt ratio, dum agitur de virtutibus. Conſecrandus enim interrogatur: *Vis ea, qua Scripturis intelligis, plebem, cui ordinandus es, & verbis docere, & exemplis?* Rurſum: *Vis eſſe ſemper in negotiis Divinis manſipſus, & a terrenis negotiis, vel lucris turpibus alienus, quantum te humana fragilitas conſeſſerit poſſe?* Atque his aliisque interrogationibus Conſecrandus reſpondet per verbum *Volo*.

7 Episcopus Rhutenenſis Ludovicus Abelly in *enchiridio Episcopalis ſollicitudinis* hæc habet in commentariis ad prædictam primam interrogationem: *Episcopus in Eccleſia inſtar benigni cuiuſdam ſideris, non modo in ſe Solis juſtitia ac veritatis radius excipere, ſed & eos in populum Chriſtianum reſendere, animasque ſibi creditas luce illa calius accepta illuſtrare tenetur.* Si etenim doceret, & non faceret, adverſus ipſum urgeret monitum S. Hieronymi in *epiſt. ad Nepotianum* (num. 7. col. 260. tom. 1. oper.): *Non confundant opera tua ſermonem tuum, ne, cum in eccleſia loqueris, tacitus quilibet reſpondeat: Cur ergo hæc, qua dicis ipſe non facis?* Et quod quidem attinet ad verba (dictum eſt enim, Episcopum debere verbis docere) ſacrum Tridentinum Concilium cap. 5. *ſeſſ. 2. & ſeſſ. 24. cap. 4.* ait, ſacram prædicationem præcipuum munus eſſe Episcoporum, & eam ab ipsis omnino exercendam eſſe, niſi fuerint legitime impediti. Concordat Concilium Lateranenſe in cap. *Inter cætera, de offic. Judicis ordinarii.* Dei Servus undequaque ſpectabilis Aloyſius de Granata ſevere Episcopos redarguit, qui, omiſſa verbi Dei prædicatione, totos ſe convertunt ad forenſia judicia, uti videri poteſt in ejus eoactione ad Paſtores: *Quid hoc? monſtruofus, ne noſtrorum Prelatorum omnis pane cura & ſollicitudo in hoc uno cauſarum ſtudio conſumatur, nobiliſſima prædicandi ſarcina (ac ſi nihil ad eos pertineret) alitis commiſſa? Quia fronte, qui ſummum in Eccleſia gradum obtinens, qui ipſius Dei vices gerunt, qui ad ſpiritualia & Divina tractanda (ut ſpirituales ac pane Divines omnes reddant) potiſſimum deſtinati ſunt, ad abjectiſſima hæc, relicto Divini verbo miniſterio, ſe dimittant?* Ven. Dei Servus Bartholomæus a Martyribus in citato opere, cui titulus, *Stimulus Paſtorum*, 2. part. cap. 7. poſtquam attulit illud Pſalmi, *Ego (ait Chriſtus) conſtitutus ſum Rex ab eo ſuper Sion montem ſanctum ejus prædicans præceptum ejus*, ait: *Quid hic dicitis,*

etis, oisio Pastores, qui cathedras predicandi ambitis, & officium ac munus predicandi negligitis? Christus se dicit constitutum Regem ad predicandum; vos autem dicitis, non posse vos simul regere & predicare? Poterant quidem utrumque Patres nostri Gregorius, Ambrosius, Augustinus &c. regebant Ecclesias suas, predicabant, scribebant &c. Quod si per impedimenta utrumque praeſtare non potestis, alia per alios exercete, vobis vero docendi officium reſervate. SS. Gregorii, Ambrosii, Augustini exemplis alia ſuperaddi poſſent omnium aliorum Epiſcoporum, qui canoni Sanctorum adſcripti ſunt, aut de quorum Beatificatione aut Canonizatione tractatur. Unum autem aut alterum afferemus, illud videlicet, quod habetur in bulla Canonizationis S. Caroli Borromæi pag. 293. loc. cit.: In predicatione verbi Dei tam frequens erat beatus Pontifex, ut plane in omni patientia & doctrina impletet miniſterium ſuum, vigilando, laborando labore pane incredibili, ita ut quadraginta horarum ſolem nibus precibus continus perſiſtens in jejuniis & vigiliis, ſingulis horis ad populum admirabili patientia ſermonem haberet. Ven. Dei ſervus Cardinalis Bellarminus in admonit. ad nepotem contro. 3. plura diſſeruit de obligatione, quam habent Epiſcopi Euangelium annuntiandi, & quod ſcriptis expoſuit, opere implevit. Cum enim eſſet Archiepiſcopus Capuanus, qualibet Dominica & quovis die feſto, exceptis duobus menſibus anni, menſe videlicet Septembri & menſe Octobri, quod tunc pauci ad eccleſiam accederent, ſermonem habuit ad populum magno cum fructu audientium, ut ſuſe reſertur in ejus vita a Patre Bartolo lib. 2. cap. 8. Ad hoc ipſum quoque reſertur, pueros & rudes Chriſtiana doctrina, & neceſſariis ad ſalutem imbuere. Roſignolius in tract. de actionibus virtutis lib. 1. cap. 14. hæc habet: Concionari Epiſcoporum eſt, & quidem proprium & præcipuum munus, ac ſimul catechizare, teſte Sancto Auguſtino & Sancto Cyrillo Alexandrino, quorum etiam aliter librum diſciplina huius a ſe diligentiſſime conſcriptum inſcribit de catechizandis rudibus, aliter inſtitutionem parvulorum edidit. Catecheſes extemporaneas appellat ſuos libros Sanctus Cyrillus Hieroſolymitanus, in quibus explicandis ſedulo verſabatur; & extant multorum Patrum Græcorum & Latinorum explicationes aperta, ſimplices, nullo ornatu, magna facilitate, nimirum ut agnoſcas, eſſe rudium & idiotarum catecheſes. Porro, quanto cum labore & patientia SS. Carolus Borromæus & Franciſcus Saleſius pium opus docendæ Chriſtianæ doctrinæ promoverint, & pueris & rudibus Fidei myſteria, & cetera ad ſalutem neceſſaria in univerſa ipſorum dioceſi ipſi explanaverint, reſertur in opere de vita & officio Epiſcopi Romæ a pio ſacerdote edito, anno 1719. part. 1. ſ. 28. De vigilantia quoque S. Caroli Borromæi, ne ullus error Fidei Catholice adverſus in animas ſibi creditas irreperet, teſtimonium perhibet Epiſcopus Rhutenenſis ſupra citatus in enchirid. Epiſcop. ſolicitud. cap. 7. Qua quidem & plurima alia æque ad Fidei Orthodoxæ conſervationem utilia inculcentiſſime præſtitit ipſe Dñus Carolus; qui, cum Hæreticorum provincia Mediolanenſi adiacentium viciniam, tamquam gregi ſuo valde periculoſam, reformidaret, dici

vix potest, quantas curas impenderit, ut hoc contagiosum malum a suis vitiis averteret, quot prae cautiones adhibuerit, quae antidota & alexiaca prae paraverit adversus pestiferos illius afflatus. Id plane testantur saluberrima decreta super hac re ab ipso edita, quae in ejus Actis videri possunt. Et de S. Francisco Salesio legitur in bulla Canonizationis ipsius: Sic cetera virtutum genera exercuit Charitatis aestu succensus, ut, septuaginta Haereticorum millia Ecclesia Catholica subiecisset, sit fama vulgatum.

8 Supra recensitus S. Carolus Borromaeus, ut Divinis negotiis semper esset intentus, & potissimum gregis commissi curae, cum ad regendam Mediolanensem Ecclesiam accessit, Majoris Poenitentiarum officium, Archipresbyteratum basilicae S. Mariae Majoris Urbis, Ordinum Regularium complurium, Regnorum, & nationum honorificentissimas clientelas, quas vocant Protectiones, reliquit; uti legitur in bulla, & in Actis Canonizationis ipsius. Petrus Blesensis de institutis Episcopi cap. 4. Episcopum admonet, ut, saecularibus relictis, se totum ad Divina convertat: Vacuum a saecularibus negotiis oportet esse animum Divinae servitutis obsequio mancipatum. Magnis addictus es? Noli minimis occupari. Minima vero & vilia easunt, quae ad saeculi questus, & non ad lucra pertinent animarum. Synesius Episcopus Ptolemaide in Africa sanctitate conspicuus in epistola 57. adversus Andronicum pag. 199. sic loquitur de Episcopis, qui aliquando se rebus saecularibus involvunt: Nec Episcopus damno, qui negotiis destituitur; sed cum noverim vix me horum alterutrum assequi posse, qui utrumque praestare possint, eos admirari soleo. Non est id meorum virium duobus ut Dominis serviam. Sin aliqui reperiantur, quibus ne mentis quidem ad inferiora descensus detrimentum afferat, meritis illi possunt Sacerdotes fieri, & praesse civitatibus. Solaris radius, quamvis cinerum contingat, purus, nec inquinatus manet. Ego si idem fecero, fontibus, ac mari opus habebam. Synesius hic pericula recenset, quibus Episcopi expositi sunt, dum munera quaedam saecularia assumunt, quorum causa opus est, ut se curis saecularibus involvant, & sic a Divinis abstrahantur. An autem omnia praedicta optime praestita sint a Ven. Dei Servo Cardinali Ximeno Archiepiscopo Toletano, judicium sit eorum, qui in examine virtutum ipsius suffragium praestabant; nobisque interea satis esse poterit favorabile judicium de eo prolatum a Gomezio in ejus vita lib. 2. cap. 40. his verbis: Neque enim tam ingentis ditionis Princeps, qualis Archiepiscopus Toletanus est, solum concionibus ad populum habendis, puerisque sacro Oleo ex Christiano ritu confirmandis, & elemosynis distribuendis, aut vicis sua discessos peragrandis, templisque invisendis, & id genus aliis, quae certe magni momenti, ejusque muneris sunt, contentus esse debet, sed excelsissima quaque concipere, expeditiones in Mauros adornare, litioribus nostris ab hostium incursumus tranquillitatem parare, totius Regni molem sustinere, tumultuantibus populos sedare, Reges, ut praeclara contentur, adhortari, doctos homines & ingenia provehere, disciplina nitorem restituere, rem litterariam pro viribus juvare, mores denique praeceps corrigere, bellum vitiis omnibus indicere, eorum-

eorumque prorsus radices extirpare. Quæ omnia adeo cumulate Ximenius præstitit, ut ad summum fastigium ea dignitas tunc perducta inclinationem, quam videmus, minata videatur. Quæ tamen dicta ita intelligenda sunt, ut nullum sibi vindicent locum quoad eas curas, quas nonnulli Episcopi assumere tenentur ob temporale dominium, quod in nonnullis locis obtinent suo Episcopatu annexum ex Imperatorum, vel Regum donationibus, aut alio quocumque titulo. In eo quippe rerum statu, ut jus sui Episcopatus tueantur, quædam facere debent, quæ ad sæculum potius, quam ad spiritalem gubernationem pertinere posse videntur; nec id sanctitati officere poterit, si omnia rite componantur, nec Principis majestas Episcopali humilitati detrimentum afferat. Petrus Venerabilis Cluniacensis Abbas lib. 2. epist. 43. ita alloquitur Gosfridum Catalaunensem Episcopum: Quid & illud, quod, cum tanta urbi non solum Episcopum, sed & Principem necessario vos esse oporteat, nihil de Monacho vindicet Pontifex (Gosfridus enim Monachus erat), nihil de religione Princeps usurpet, nihil de præfco Ordine mundus furetur?

9 Administratio justitiæ, defensio jurium Ecclesiæ, robor in plebendis criminibus, prudentia in componendis dissidiis partes sunt muneris Episcopalis. Cumulate & heroice hæc omnia præstita sunt a S. Antonino, in cujus bulla Canonizationis pag. 227. cod. Canoniz. ita legitur: In administranda justitia nullus Judicum eo tempore illi comparari potuerat, ita ut præfatus Nicolaus prædecessor appellationes, quas a suis sententiis ad Sedem Apostolicam deferri contingeret, nulli alteri committi, sed ad eum ipsium examinandas remitti mandabat, ratus, hominem ab omni odio, amicitia, prece, pretio, aliisque omnibus, quæ judicantium animos in sententiis dictandis perturbare ac pervertere solent, penitus alienum esse. Causas omnes ad eum delatas concordia componere, aut celeri sententia definire studebat. Cujus judicio fere omnes propterea acquiescebant, quia id ab ore sanctissimi viri, Deo sic inspirante, procedere existimarent. In corrigendis vitiis emendandisque delictis ingenti urebatur severitate, ita tamen ut in eo misericordia cum justitia conjuncta esse videretur. Fidei, & Ecclesiasticæ libertatis defensorem se præbebat acerrimum, nec ullius minas formidabat. Clerum reformaverat, ac populum correxerat, pravosque civitatis mores emendaverat, ludos omnes prohibitos atque damnatos sustulerat, superfluos mulierum ornatus restrinxerat, ac fere omnium cordibus devotionem spirituales infixerat, quandoque freno, quandoque vero calcaribus pro animarum & temporum qualitate utens, ut, semotis seditionibus, sub Dei timore, & charitatis zelo viverent, & in sancta religione peristerent. In bulla Canonizationis S. Caroli Borromei legitur, paratum se illum ostendisse animam suam ponere pro tuendis Ecclesiæ juribus, & Ecclesiastica restituenda & conservanda auctoritate; licet alioquin mitissimus & clementissimus esset vir, ita ut calumnias, contumelias, & graves patientissime tulerit persecutiones, & oblata aliquando indicia proditoris vitæ suæ neglexerit, litterasque nec resignatas Hammis tradiderit. Additur, quod tribunalia sua omni studio, & præsertim

sercim visitandi assiduitate non solum a quavis labe iniquitatis, sed etiam suspitione immunita præstitit: & in relatione Rotæ Auditorum edita in ejus causa, sanctitatis argumentum desumitur ex auctoritate Ecclesiastica ab eo constanter magnis in periculis defensa, & ex cultu justitiæ in tribunalibus Ecclesiasticis ab eo strenue promotum; quemadmodum videri potest in *secunda parte argum. 11. & argum. 21.* Notum est quinque omnibus, quomodo, assumpta a S. Carolo provincia ei a Sede Apostolica demandata reformandi Ordinem Fratrum Humiliatorum, Hieronymus Lignana Præpositus S. Christophori Vercellensis, & alii scelerati ejusdem Ordinis in necem sancti Cardinalis conspiraverint, & Hieronymus Donatus Farina ejusdem Ordinis Apostata, nactus loci & temporis opportunitatem, in eum, vespere de more in sacello cum familia precantem, sclopus igneus exoneravit, telorum parte ad vestes ejus obruta, parte utrumque in proximo defixa, Carolo interim orationem inceptam prosequente; quemadmodum legitur in bulla Canonizationis, in citata relatione Rotæ Auditorum *part. 2. argum. 14. & in bulla 119. S. Pii V. Bullarii tom. 2. in qua sustulit & extinxit Ordinem prædictorum Fratrum Humiliatorum. Joannes XXII. in bulla Canonizationis S. Thomæ Herfordienfis pag. 132. cod. Canoniz. eum his laudibus extollit: Jura vero sua Ecclesia defensabat indutus justitia ut lorica. Paratus namque pro sibi commisso grege animam ponere, non timuit in hoc Principem, nec Magnatem. Alexander Papa VII. in bulla Canonizationis S. Thomæ de Villanova pag. 359. cod. Canoniz.: Nam & invictum animum in tuendis Ecclesiæ juribus, & Ecclesiastica restituenda & conservanda auctoritate ostendit, illis verbis usus, se gloriosam magis mortem, quam edibilem vitam amplecti, nec supplicia pro Ecclesiastica immunitate ex debito Pastoralis officii in libertatem vindicanda timere, aut fugere: quod ex animo dictum ostendit, cum Regio Ministro nuntiavit verum temporalium exspoliationem importerritis respondit: Tunc magis locuples ero, cum temporali subsidio liber ad ealum letus remigrabo. Commendatur denique S. Laurentii Justiniani justitia in bulla Canonizationis ipsius pag. 550. loc. cit.: Viri justitia inde parvi, quod nihil unquam ab illo judicatum rescissum est, ejusdemque sententia inappellabiles habitæ sunt. Item de prudentia in componendis populorum dissidiis mentio habetur in bulla Canonizationis S. Andreæ Corsini pag. 528. cod. cod.: Beata memoria Urbanus Papa V. cognito Divina Gratia dono, quo Fesulanus Episcopus in componendis populorum discordiis pollebat, Legatum Bononiam mittit, ut dissidentia postora mitigaret, ferocesque circum animos flecteret. Andreas Pontificis jussu obtemperans illuc proficiscitur, ubi tumultuantes venerandi Præsulis auctoritate, & verborum dulcedine capti, mox depositis armis, in concordiam reducuntur, paucis, qui ad versabantur, atroci morbo correptis, qui tandem meritis Beati Andreæ liberati ab omni odio quieverunt. Huc facit illud Concilii Lateranensis III. in cap. Irrefragabili, de offic. Judic. ordinar. sub Innocentio III.: Irrefragabili Constitutione sancimus, ut Ecclesiarum Prælati ad corrigendum subditorum excessus, maxime Clericorum, & reformandos mores prudenter ac di-*

ac diligenter intendant, ne sanguis eorum de suis manibus requiratur: quod ita tamen intelligendum est, ut modis debitis expleatur, quos explicat S. Laurentius Justinianus in opere de regimine Prælatorum: Non pariformitur Pastores animarum, & Reges gentium, ac saculares Principes Subditos gubernare oportet. Sane Principibus cum terrore licet gerere, Ecclesiasticis vero Præfulibus cum charitate & lenitate; illis tamquam Dominis, istis autem ut Patribus; illis cum severitate puniri, istis vero cum moderamine. & mentis compassionem corrigere; illis jugulare & perimere, istis autem, omni crudelitate scissa, delinquentes revocare ad vitam, ut emendantur. Additque S. Thomas in quaest. disputat. quest. unic. de correctione fraterna art. 1. Præpositi Ecclesiarum in Ecclesiis constituti sunt, ut non parcant, oburgando peccata, quia ad eos pertinet charitativa correctio, sed continua.

10 Cohæret his, quæ modo dicta sunt, electio Ministrorum, atque Consiliariorum, necnon Familiarium. Quod olim Moyſi populum Israeliticum inter deserti dirigenti, & gubernanti fœder Jethro consilium dedit, uti legitur Exod. 18. v. 18. hoc unicuique Episcopo suggeri summa ratione potest: *Ultra vires tuas est negotium. Solus illud non poteris sustinere. Provide autem de omni plebe viros potentes, & timentes Deum, in quibus sit veritas, & qui oderint avaritiam, & constitue ex eis ... qui judicent populum.* Inter præcipuos Pastoralis sollicitudinis Administros primus est Vicarius Generalis. Quanta fuerit S. Caroli Borromæi diligentia in eo eligendo, legi potest in ejus vita scripta ab Episcopo Novariensi lib. 1. cap. 6. Magna quippe sedulitate omnes pene Italiæ provincias perse, vel per alios lustravit, ut eum reperiret, tandemque, audito nomine Nicolai Ormaneti Sacerdotis, qui antea Matthæi Giberti Veronensis Episcopi virtutibus omnibus Pastoralibus ornatissimi consiliorum particeps fuerat, & postmodum Reginaldo Polo Cardinali in Angliam proficilienti rebus illius Ecclesiæ componendis operam dederat, & tunc ab humanis cupiditatibus alienus parochiam quamdam ruralem in dioecesi Veronensi regebat, nihil non fecit, ut eum sibi adjungeret, cum quo vastissimæ dioecesis Mediolanensis, immo totius provinciæ curas partiretur. Testatur idem Scriptor vitæ S. Caroli lib. 5. cap. 3. & 7. eum in primordiis Episcopatus viros alios pietate, disciplina Ecclesiastica, doctrinaque præstantes selegisse, & sibi adjunxisse, quorum consilio in dioecesis administratione uteretur. Scriptor vitæ S. Hugonis Lincolniensis Episcopi apud Surium die 17. Novembris testatur, eum, suscepto Præfulatu, primam curam & sollicitudinem adhibuisse, ut viros sapientia & scientia instructos, atque in timore Dei probatissimos suo lateri adjungeret: *Ut viros sapientia & scientia instructos, atque in timore Dei probatissimos suo lateri adhiberet, quorum consilio & auxilio fretus Pastorale munus perquam strenne adorsus est:* & S. Bernardus epist. 42. seu tract. ad Henricum Senonensem Archiepiscopum de moribus & officio Episcoporum cap. 1. (col. 468. oper. vol. 1.) scribit: *Prudenter itaque cogitasti, Sacerdotale munus, Episcopale opus, curamque Pastoralem dignè non posse administrari sine consilio.*

Porro

Porro memoratis duobus Consiliariis ab Henrico electis, concludit: *Horum acquiescendo consiliis, nec preceps eris in sententia, nec vehemens in vindicta, non in corrigendis remissior, non severior in parcendis, non pusillanimitis in expectandis, nec superfluus in victu, nec notabilis in vestitu, non citus ad promittendum, non ad reddendum tardus, nec prodigus dator.*

II Inter Domesticos & Familiares oportet ut Episcopus non nisi eos adsciscat, qui sint probatæ vitæ, & omnis turpitudinis non modo labe, sed & suspicione vacent. Inter cetera, quæ Apostolus tanquam necessaria in Episcopo requirit, illud est, ut sit *sua domui bene præpositus*: quod utique constare non potest, si ejus Familiares & Domestici insolescant, si bonis moribus præditi non sint, & si errantes ab ipso non corrigantur & puniantur. Apud Cassiodorum *variar. lib. 10. epist. 5. (tom. 1. oper. pag. 160.)* Theobaldus Rex hæc innuit Theodosio suo Familiari: *Ut quicumque ad domum nostram noscitur pertinere, & cura tua probatur esse commissus, nullis presumptionibus insolescat, quia solus dicendus est ille meus, qui legibus potnerit esse tranquillus. Augete formam nostram per patientiam vestram. Si quis habuerit cum altero forte negotium, ad communia iura descendite. Fora vos tueantur, non iniqua presumptio. A domesticis inchoare volumus disciplinam, ut reliquis pudeat errare, quando nostris cognoscimur excedendi licentiam non præbere.* Beatus Nicolaus Albergatus Bononiensis Episcopus, & S. R. E. Cardinalis summis effertur laudibus a Carolo Sigonio in historia, quam de vita & gestis ejus conscripsit, quoniam etiam ante Cardinalatum viros probatissimos inter suos Familiares adscripsit, uti videri potest cap. 5. *Eruditis hominibus, aut laudem aliquam ingenii cultioris habentibus mirifice studuit, atque eis non solum in angustiis rei familiaris præsto fuit, sed etiam, quos idoneos esse judicavit, ad Ecclesiasticos honores dignitatesque provexit &c. quorum duo ex ipsius domo, quasi ex quadam doctrina ac sanctitatis officina progressi, deinde Pontificatum maximum sunt adepti; unus Thomas Sergiensesis, quem ex domestico puerorum magistro sibi ad scribendas epistolas ministrum assumpsit, ac post dignitate canonica decoravit; alter vero Aeneas Silvius Piccolomini Senensis, quem in legationibus non tam peregrinationum atque itinerum comitem, quam actionum & consiliorum adiutorem participemque habuit.* Nicolaus V. ille, hic Pius II. in Pontificatu vocatus. Porro in relatione Rotæ Auditorum edita in causa S. Pii V. tit. de prudentia subjicitur: *Pontifex vero factus Domesticos omnes convocatos ad pietatem religionemque complectendam, ad invidiam atque odia deponenda hortatus est. Nolle enim se quemquam inter Familiares, nisi spectata virtutis probitatisque, retinere; in quibus imitatus est claros illos viros Augustinum, Gregorium, Basilium, & alios, ad quorum prudentiam & sanctitatem commendandam, rectam familie institutionem referunt Scriptores.*

12 Ad Ministros, non autem ad Familiares, pertinet manum apponere ad regimen & gubernationem Ecclesiæ & diocesis; quod ipsum dicendum est de propinquis, & sanguine junctis Episcopo. S. Ambrosius in ipso ad Episcopatum ingressu sic vitam instituit, ut curam rerum domesticarum

Satyro

Satyro fratri reliquerit, & sese totum spiritalibus Ecclesiæ cutis penitus mancipaverit. At, cum Satyrus frater esset spectatissimæ virtutis, & peritissimus in rebus agendis ac moderandis, unde & ipsum S. Ambrosius consultorem atque arbitrum habere consuevit, quemadmodum testatur in oratione, quam habuit in ejus funere, non idcirco id normam & regulam constituere debet, ut fratrum, & propinquorum opera ceteri Episcopi utantur tum in redituum administratione, tum in Ecclesiæ gubernatione, quin immo tutum & forte necessarium est, ut a prædictis propinqui arceantur: *Non consenta a' parenti di mescolarsi nel governo della Chiesa &c.* E ciò deve eseguire il Prelato. Ordini egli colli suoi ministri, e dia buon ricapito a tutte le cose del Vescovado, che sono cose di Dio, nè i parenti vi s'impaccino &c. I parenti, benchè siano congiunti per sangue al Vescovo, nelle appartenenze del governo dello spirituale si hanno da tenere per estranei; verba sunt piissimi citati Auctoris in opere *de officio & vita Episcopi Romæ* edito anno 1719. §. 24. Ven. Dei Servus Cardinalis Ximenius ad Archiepiscopatum Toletanum evectus, fratres secum habitare permisit. Alter eorum nomine Bernardinus in Religione S. Francisci, cui nomen dederat, haud mediocriter pius, non modo consiliorum particeps, sed & totius familiæ primus constitutus est. Inter eos subinde similitates exortæ sunt, ita ut Bernardinus non modo ausus fuerit libellum scribere quadraginta & amplius rerum capita continentem, quibus Archiepiscopi mores, familiæ luxum & intemperantiam falso & immerito fugillabat, sed & ad alia incredibilia pæne scelera prolapsus, fratris ægrotantis cubiculum ingressus, arrepto pulvinari, quo ejus caput fulciebatur, os obturarit, & tanta vi guttur utraque manu furibundus compresserit, ut omni facultate ministros inclamandi adempta, qui in proximo cubiculo excubabant, vix non animam Archiepiscopus efflaverit. Adactus idcirco fuit eum compedibus vinctum Turigios oppidum juxta Tole-tum amandare, ut in coenobio vitam sordidam, ut meruerat, traderet; & ab eo tempore, amicorum frustra precibus adhibitis, hominem amplius videre noluit, nedum alloqui, aut in familiam recipere. Alvarus Gome-sius in *historia de rebus gestis Cardinalis Ximenii* universam rei seriem exponit, & ex ea tum Petrus Franciscus de Rubeis, tum Prosper Bottinius Fidei Promotores non contemnendas desumpserunt animadversiones, cum in fa-crorum rituum Congregatione ageretur de virtutibus dicti Cardinalis, de quarum approbatione adhuc (uti jam diximus) nihil decretum est. Nec vero ab admisionibus, & negotiorum expeditione potest Episcopus se libe-rum existimare, quod ministrorum, & ceterorum adjutorum, etiam ido-neorum, ope & auxilio fretus sit. Plinius de Trajano ait: *Nulla in audien-do difficultas, nulla in respondendo mora: audiuntur statim, dimittuntur statim.* S. Bernardus lib. 4. de *consideras. cap. 6. col. 449. vol. 1. oper.* queritur de quo-tidiana audientia, quæ præstatur administratoribus rerum temporalium; quæ tamen non ita facile datur ceteris, qui ob suas spirituales indigentias instant audiri: *Quotidianas expensas quotidiano recipimus scrutinio, & con-*

tinua

tinua Dominici gregis detrimenta nescimus. S. Gregorius Petrum quemdam ab Episcopatu rejecit, quod, ut ferebatur, postulationes audire nesciret, & negotiis, quæ proponebantur, providere. *Petrus Diaconus, quem a vobis electum offeritis, omnino, (ut dicitur) simplex est; & nostis, quia talis hoc tempore in regiminis debet arce constitui, qui non solum de salute animarum, verum etiam de extrinseca subjectorum utilitate & cautela sciat esse sollicitus.* Ita legitur in *can. Petrus, dist. 39.* De S. Ambrosio S. Augustinus lib. 6. *Confessionum* cap. 3. (*tom. 1. oper. col. 121.*) hæc habet: Non enim querere ab eo poteram, quod volebam, sicut volebam, secludentibus me ab ejus aure atque ore ceteris negotiorum hominum, quorum infirmitatibus serviebat, cum quibus quando non erat, quod per exiguum temporis erat, aut corpus reficiebat necessariis sustentaculis, aut lectione animum. Item in *annal. Cardinalis Baronii ad an. 375. num. 24.* de eodem S. Ambrosio subjicitur: Episcopum requirentibus omnibus, in omnibus se paratum exhibuit, ut nemini ad eum aditus esset aliquando interclusus, nullius ejus velum esset oppansum, nec, qui ad eum duceret, esset alicujus & Cubicularii officium requirendum. In compendio virtutum & miraculorum S. Pii V. edito, cum ageretur de Canonizatione ipsius, ita legitur: Totus in eo fuit, ut Subditerum commenda provideret, quorum querelas supplicesque re-cursus quantovis sanitatis sue dispendio, data cuilibet sandi copia, prolataque audiendi patientia a mane usque ad vesperras pene quotidie excipiebat.

13 Tenetur Episcopus suam dioecesim visitare. Visitationis autem scopus est sanam Orthodoxamque doctrinam, quando opus sit, expulsis hæresibus, inducere, bonos mores tueri, pravos corrigere, populum cohortationibus & admonitionibus ad religionem, pacem, innocentiamque accendere, & cetera, prout locus & occasio feret, ex Visitantium prudentia ad Fidelium fructum constituere; uti colligitur ex *can. Decernimus, ex can. Episcopum 10. qu. 2.* & latissime ex Concilio Tridentino *sess. 24. cap. 3. de reformatione.* Apud peritos antiquitatis Ecclesiasticæ constat, viduante Ecclesiæ Visitatorem Episcopum dari consuevisse: nec enim tunc Ecclesiæ vacantes Canonicorum curæ demandabantur. Hoc jure utebatur summus Pontifex uti Metropolitæ in sua dioecesi Urbicaria; delegabat enim Episcopis vicinis visitationem Ecclesiarum vacantium: & antiqua hæc canonica disciplina de Visitatore Episcopo a Metropolitæ deligendo, cum a liquid Suffraganeus Episcopatus vacaret, in toto fere Occidente viguit; veluti late ostendit Franciscus Nicolai Episcopus Caputaquensis in *dissertat. historico-canon. de Episcopo Visitatore, Roma impressa anno 1710.* Ad Episcopum autem Visitatorem inter cetera pertinebat omnem curam adhibere, ut facta secta Ecclesiastica permaneret disciplina, quemadmodum desumitur ex S. Gregorio lib. 2. *epist. 43. indist. 10.* (*oper. tom. 2. col. 605.*) ad Felicem Episcopum Acropolitæ. En ejus verba: Quoniam Velina, Buxentina, & Blandana Ecclesiæ, quæ tibi in vicinis sunt constituta, Sacerdotis noscuntur vacare regimine, propterea Fraternitati tuæ earum solemniter operam visitationis injungimus, illud præ omnibus commonentes, ut, ubi prefatarum Ecclesiarum, sive dioceses

celes earum vel Diaconi, siue religioſe perſona inventa fuerint, diſtrictè canoniceque ut vivant, modis omnibus ſtudebis. Sed, utcumque ſit de hac viſitatione, quæ ab Aula reſſit, redactoque ſermone ad viſitationem, quam Epilcopi ipſi, Sede plena, ſtatis temporibus ad normam ſacrorum Canonum, & ſacri Concilii Tridentini locis ſupra allatis explere debent, in bulla Canonizationis S. Caroli Borromæi pag. 293. cod. Canoniz. ſic de viſitationibus ab eo ſuſceptis Paulus V. ſummus Pontifex loquitur: *A frequenſi viſitatione eccleſiarum & populorum ſuæ dioceſis, ac provincia, vel aliarum etiam dioceſium, cum ab Apoſtolica Sede demandabatur, nullis incommodis aut periculis deterri vel retardari poſuit, non eſtu, non algore, aut nocturnis tenebris, non præceptis & aſperis Rhetorum, & Helveticorum montium nivis & glacie rigentium, neque aliis denique multis & gravibus difficultatibus. Sed vir Dei charitate, quæ ſoras pellit timorem, & omnia ſuſtinet, omnibus ſuperatis, etiam cum ſua vita diſcrimine, increpando, obſecrando, prædicando, & exemplo atque auctoritate perſone, hereses, multaque alia graviffima vitia, & abuſus, præſertim a Clero, per Chriſti Gratiâ ſuſtulit. Et Benedictus XIII. in bulla Canonizationis S. Turribii pag. 579. loc. cit. ait: *Limanam gentem moribus ſede corruptam, variisque ſuperſtitionibus turpiter inquinatam, ad Chriſtianam pietatem alacriter excolendam ſummo ſtudio traducere contendit, robuſque Eccleſiæ Limanæ diſpoſitis, dioceſim, & ſacram provinciam nudis pedibus totam inſtravit: unde factum, ut incredibilis Turribii charitas vitia, & vicia odia, quæ paſſim dominabantur, ex animis ſua plebis præſus exelleret. Alia illuſtria exempla Epilcoporum, qui ſummo cum labore & fructu ſuarum dioceſium viſitationes expleverunt, collecta legi poſſunt in cit. encheiridio Epilcopalis ſolicitudinis Auctore Ludovico Abelly Epilcopo Rhutenenſi cap. 8. ſect. 1.**

14 Synodum cogere munus eſt Epilcoporum. Id enim præſcriptum eſt in can. Quoniam; in can. Abbates 18. quaſt. 1. & in Concilio Tridentino ſeſſ. 24. cap. 2. de reformatione. Maximum quippe bonum ex Synodorum coactione deſcendit, quemadmodum explicant Patres Concilii provincialis Colonienſis anni 1549. : *Synodorum convocatio omnibus medetur, quacumque vel officiorum neglectus, vel pravitas morum in parochias invexit, & Parochos ad majorem ſidulitatem excitat, a vitiis & defectibus deterret, quacumque in Eccleſiis corrigenda ſunt, aperit, & reſormat in maiorem ſtatum & ordinem. Quapropter in citata bulla Canonizationis S. Caroli Borromæi cit. loc. ita legitur: *Quantum in Eccleſiæ ſuæ recta adminiſtratione præſtiterit, ſatis declarant Synodi multa provinciales, ac dioceſana, ejuſque Eccleſiæ Aſſorum edita volumina, quæ Sacerdotum manibus teruntur, & regendi Eccleſiæ doctrinam abunde ſuppeditant. Et in bulla Canonizationis S. Thomæ de Villanova pag. 359. cod. cit. : Eccleſiaſticam enim diſciplinam, & Laiorum mores, coacta Synodo provinciali, multis affectus injuriis, inſtauravit. Et in bulla Canonizationis S. Turribii pag. 579. cod. cit. : Tum vir Dei probe gnarus, nihil aptius ad diſciplinam, & Evangelii ſemina, quæ bonum fructum redderent, in agro Dominiſco ſeminanda, quam ſacra Synodorum Statuta reperiri, mox ad Presbyterorum,**

& Confratrum Episcoporum diocesana, & provincialia Concilia identidem celebranda omnem suam sollicitudinem vertit, qua hujus etiam Sedis Apostolica munimine roborata, multa & probatissima habuit.

15 Succedit residentia, de qua in Concilio Tridentino sess.6. cap.1. de reformat. & sess.23. cap.1. Ad rem Cajetanus in 2. 2. D. Thoma quest.185. art.5. hæc habet: *Pastor nec nomen Pastoris meretur, si non personaliter assendet suo gregi. Non enim quilibet ovium dominus, sed ille tantum, qui pascit suas, vocatur Pastor. Alioquin Principes habentes multos ovium greges, quos per alios pascunt, Pastores ovium essent, quod est falsum. Episcopus autem est vere Pastor, juxta verbum Domini ad Petrum, Pascere oves meas. Cumque residentia præcepta sit, ut Episcopus operetur, hinc est, quod Episcopus ille suo munere recte non tangitur, qui residet otiosus, juxta monitum Patrum Concilii provincialis Remensis anni 1564. cap.1. Ne quis deuscentium se munere suo putet, si otiosus in Ecclesia resideat; quoniam præcepto Divino mandatum est omnibus, quibus animarum cura commissæ est, oves suas agnoscere, Sacrificium pro his offerre, verbi Divini & Sacramentorum administratione, & bonorum operum exemplo pascere. Et in bulla sæpe citata Canonizationis S. Caroli Borromæi ita subjicitur: Itaque, Urbano splendore & amplitudine relicto, bonus operarius in messem, quam susceperat, Mediolanum discedit, ubi partes suas in dies magis implendo, agrum illum malitia temporum vepribus turpiter deformem ac silvescentem in eum restituit nitorem, ut Ecclesiam Mediolanensem præclarum exemplar redderet Ecclesiæ disciplinæ. Hoc autem cum a se præsentem præstandum cerneret, numquam a residentia discessit, nisi coactus, aut concedente Sede Apostolica, vel seniore Episcopo sua provincia approbante.*

16 Episcopus est ordinarius minister sacramenti Confirmationis. Quamvis enim Sacramentum hoc, absolute loquendo, necessarium non censetur ad æternam salutem obtinendam; cum tamen tot periculose occasiones, & mundi carnisque illecebræ undique ad peccatum sollicitent, quemadmodum sibi maximum damnum inferunt ii, qui gratiam hujus Sacramenti sibi oblatam vel per ignorantiam parvi faciunt, vel per socordiam negligunt, vel indigne illud suscipientes sacrilegii reatum incurrunt, uti late docent S. Thomas 3. part. quest.72. art.11. ad tertium, S. Bonaventura in 4. sent. dist.8. art.3. quest.2. Hugo de Sancto Victore de Sacramentis lib.2. part.7. cap.3. ita Episcopio gravi peccato immunes profecto non sunt, qui sacramenti Confirmationis debitam administrationem, & ejus dignam susceptionem tanquam instrumentum maxime idoneum ad avertenda mala gravissima a grege sibi credito omittunt. Postquam ad Apostolos delatus est nuntius, provinciam Samaritæ verbum Dei recepisse, ejusque populos fuisse baptizatos in nomine Jesu, ad eos miserunt Petrum & Joannem, qui eis sacramentum Confirmationis conferrent, quemadmodum legitur Act. cap.8. v.14. Cum autem audissent Apostoli, qui erant Hierosolymis, quod recepisset Samaria verbum Dei, miserunt ad eos Petrum & Joannem, qui, cum venissent, oraverunt pro ipsis, ut acciperent Spiritum Sanctum; nondum enim

in

in quemquam illorum venerat, sed baptizati tantum erant in nomine Domini Jesu. Tunc imponebant manus super illos, & accipiebant Spiritum Sanctum. S. Hieronymus in dialog. advers. Luciferian. antiquam memorat consuetudinem Episcoporum excurrendi ad loca, in quibus erant, qui sacramentum Confirmationis recipere: Ecclesiarum esse consuetudinem, ut ad eos, qui longe in minoribus urbibus per Presbyteros & Diaconos baptizati sunt, Episcopus ad invocationem Sancti Spiritus manus impositurus excurrat. Pariter in vita S. Turribii Romæ edita anno 1726. occasione Canonizationis ipsius lib. 1. cap. 14. narratur, nulli pepercisse labori, nulli periculo, nulli incommodo, ut omnibus degentibus in vastissima dioecesi Archiepiscopatus Limani facram Confirmationem conferret; ita ut multorum opinio sit, decies centena circiter hominum millia ipsius manibus fuisse sacramento Chriftmatis confirmata: & concordat bulla Canonizationis pag. 579. cod. Canoniz.: Unde Chriftianitas illarum partium, Deo favente, mirifice aucta est, ita ut ad nongentos & eo amplius mille Fideles salvari fuisse renatos ipse unus per manus impositionem Chriftmatis sacramento confirmaverit.

17 Transeamus ad Ordinum collationem. Manus cito nemini imposuerit, inquit Apostolus in epist. 1. ad Timotheum cap. 5. Joannes Moscus Scriptor vii. sæculi in opere, cui titulus, Pratum spirituale, refert, S. Leoni M. ante sepulcrum SS. Apostolorum Petri & Pauli deprecanti pro suorum peccatorum remissione Petrum Apostolum apparuisse, eique dixisse: Deprecatus sum pro te Dominum, a quo tibi condonata sunt peccata, sic tamen, ut obnoxius adhuc sis reddenda apud Deum rationis temeraria manuum impositionis. De sacra Ordinatione peragenda sic loquitur S. Gregorius epist. 49. ad Adeodatum Primatem Numidia lib. 3. indict. 11. (col. 660. oper. tom. 2.): Estote ergo precipue in Ordinatione felicit; eorum enim, qui in sacro sunt Ordine collocandi, prius vitam moresque discentite; & ut dignos huic officio adhibere possitis, non vobis potentia, aut supplicatio quarumlibet surripiat personarum. Ante omnia autem certos vos esse oportet ut etc. nulla præveniat in Ordinatione venalitas. Ven. Dei Servus Cardinalis Bellarminus in admonit. ad nepotem controu. 5. scribit, Episcopos imitari debere sanctos Pontifices Romanos, qui in primordiis Ecclesiæ paucissimi erant in ordinandis Episcopis, licet Ecclesia Romana etiam inter Persecutores amplissima esset & copiosissima. Et in opere de genuis columba lib. 2. cap. 5. ait, ex facilitate manus imponendi factum esse, ut hoc tempore sit prope infinita turba Clericorum, quorum plurimi non aspirant ad sacros Ordines, ut sit Dominus pars eorum, sed vel ut subtrahant se a Foro seculari, vel ut subsidium quarant vita temporalis, vel ut ad honores Ecclesiasticos ascendant; atque hinc fit, ut multi circumueant cum magna iactura Ecclesiastica dignitatis sordidi, ac ostiatim mendicantes, alii vero, quod multo gravius est, culpa sua etiam Sacerdotes inveniuntur in publicis carceribus, vel catenis alligati in trinemibus cum ultima fece hominum ad remos trahendos assidua siffigatione cogantur. Huc fuit illud Patrum Concilii Lateranensis sub Innocentio III. paucos idoneos & probatos habere satius est,

quam multos inuitiles, atque adeo ipso vita genere perniciosus. Concordat aliud in can. Tales, dist. 23. Melius est enim Domini Sacerdoti paucos habere Ministros, qui possint digne opus Dei exercere, quam multos inuitiles, qui onus grave Ordinatori adducant. In sacrosancto Tridentino Concilio Decreta extant præcipua super collatione & susceptione Ordinum, digna plane, quæ quam exactissime seruentur. Quocirca in primo Concilio Mediolanensi sit, de sacramento Ordinis habetur: Cum Tridentina Synodus accurate complexa sit omnem diligentia rationem, quam in conferendis Ordinibus adhibere debent Episcopi, ut Ecclesiæ idoneos Sacerdotes, aliosque Ministros habeant. Quam porro exacte Ven. Dei Servus Cardinalis Bellarminus, dum erat Archiepiscopus Capuanus, opere impleverit, quod scriptis de sacra Ordinatione docuerat, legi potest in ejus vita scripta a Patre Fuligatto cap. 23. pag. 192. Præter administrationem sacramenti Confirmationis, & collationem Ordinum aliæ quoque Ecclesiasticæ functiones ab Episcopis peragendæ sunt, quæ si omittantur, ecquis est, qui Episcopum a culpa excusare possit? Anno 1561. cum Lovanienfibus typis Ivonis Carnotensis Decretum vulgaretur, doctus Auctor nonnullos Episcopos severe arguit propter earum omissionem: Quotusquisque unquam vel portunculam aliquam officii attingit sui? Ecquis altaria unxit, ecclesias dedicavit, Virgines sacravit, Pœnitentibus, illustratisque manum imposuit? Ecclesiarum consecratio nescio quid sanctum, ac religione Christiana dignum spirat; quemadmodum bene observat Martene de antiq. Ecclesi. ritib. tom. 3. lib. 2. cap. 13. De S. Carolo Borromæo Giussanus in ejus vita lib. 8. cap. 10. scribit, eum viginti quatuor annorum spatio, quibus Mediolanensem Cathedram tenuit, trecenta, & eo amplius tum altaria, tum templa consecravisse, & intra octodecim dies quatuordecies sacram hujusmodi functionem obivisse.

18 Sequitur collatio Beneficiorum. Personis autem magis idoneis Ecclesiastica Beneficia conferenda sunt. Quare Innocentius III. in cap. 1. ut Ecclesiastica Beneficia sine diminutione conferantur, ait: Non ex affectu carnali, sed discreto judicio debuisti Ecclesiasticum officium, & Beneficium in persona magis idonea dispensare. Sacrum Tridentinum Concilium sess. 24. cap. 1. de reform. ait, eosque alienis peccatis communicantes mortaliter peccare, nisi quos digniores, & Ecclesiæ magis utiles ipsi judicaverint, . . . præfici diligenter curaverim. Cardinalis de Lugo de justit. & jur. disp. 35. num. 12. recte animadvertit, Tridentinum non imposuisse novam in hac re obligationem, sed antiquam explicasse, quæ oritur ex lege naturali: & inter propositiones damnatas ab Innocentio XI. die 2. Martii 1679. quadragesima septima hæc est: Cum dicit Concilium Tridentinum, eos alienis peccatis communicantes mortaliter peccare, qui, nisi quos digniores, & Ecclesiæ magis utiles ipsi judicaverint, ad Ecclesias promovent, Concilium vel primo videtur per hoc digniores non aliud significare velle, nisi dignitatem eligendorum, siempro comparativo propositivo; vel secundo locutione minus propria ponit digniores, ut excludat indignos, non vero dignos; vel tandem loquitur tertio, quando fit concursus.

ensus. Nova methodus quoque ab eodem sacro Tridentino Concilio *sess.* 24. *cap.* 18. *de reform.* statuta est in collatione Ecclesiarum parochialium: *Peracto deinde examine, renuntientur quocumque ab his (sermo est de Examinatoribus) idonei iudicati fuerint atate, moribus, doctrina, prudentia, & aliis rebus ad vacantem Ecclesiam gubernandam opportunis; ex hisque Episcopus eum eligat, quem ceteris magis idoneum iudicaverit, atque illi, & non alteri, collatio Ecclesia ab eo fiat, ad quem spectabit eam conferre.* De S. Carolo Borromæo hæc habentur in bulla Canonizationis ipsius: *Severus tamen arbiter erat in expendendis meritis personarum, cum de Ecclesiasticis Beneficiis, & officiis conferendus ageretur; Beneficia enim, nisi magis idoneis, non dabat, neque in illis dispensandis ullatenus a sacrorum Canonum dispositione recedebat.* Et in amplissimo Cardinali Federico Borromæo apud Ciacconium in *Sixto V.* proponitur exemplum, quod ceteri imitentur Episcopi in collatione Beneficiorum: *In conferendis Sacerdotiis liberator diligentissimus Candidatorum merita magis pensabat, quam vota; humeris aprabat onera inspecto virtutis, non gratia.*

19 De Confessoriorum electione, & Monialium regimine nonnulla dicenda sunt. In Concilio Tridentino *sess.* 23. *cap.* 15. *de reform.* cautum est, ne ullus Regularis possit Confessiones Sæcularium, etiam Sacerdotum, audire, nec ad id idoneus reputari, nisi aut parochiale Beneficium obtineat, aut ab Episcopo per examen, si illi videbitur esse necessarium, aut alias idoneus iudicetur. In primo autem Concilio provinciali Mediolanensi *part.* 2. peragendi examinis ratio insinuat: *In iis probandis hanc rationem habeant Episcopi, ut pii, bene morati, docti, prudentes, patientes, de animarum salute solliciti & fideles custodes sint eorum, quæ in Confessione dicuntur, protracta etiam atate, præsertim illi, quibus Confessiones mulierum erunt audienda.* Et Cardinalis de Lauræa in *tract. de sacramento Pœnitentia* *disput.* 20. *num.* 40. postquam hæc, quæ sequuntur, præmisit: *Pœnitens sepe ignarus est, nescitque peccatorum circumstantias, & sepe luxuriam confitetur non distinguens species, sepe numerum non exprimit, vel dolorem debitum non habet, aut propositum, quorum defectu facit nullam Confessionem: si autem Minister caret scientia, non potest succurrere tali Pœnitenti, neque curare, ut debito modo fiat Confessio; subjicit num.* 53. *Unde infero, gravissime etiam peccare Episcopos, & alios Prælatos, qui tales Sacerdotes ignorantes suis ovibus præficiunt.* Ven. Dei Servus Cardinalis Bellarminus *conc.* 8. *§.* 2. & 3. mala enumerat, quæ a malis Confessoribus causam habent: *Isti sua imperitia & superbia corrumpunt populos, & eis vera pœnitentia viam præcludunt. Nec enim esset hodie tanta facilitas peccandi, si non esset tanta facilitas absolvendi.* Porro ut digni assumantur ad Ordines, ad Beneficia, & officia, ea profunt, quæ statuta sunt a sacro Concilio Tridentino *sess.* 23. *cap.* 18. *de Seminariis erigendis.* Quocirca in bulla Canonizationis S. Caroli legitur, eum pueris, & adolescentibus civitatis & diocesis, tum Clericis, tum laicis, necnon Helvetiis, & Rhæcis moribus & litteris informandis, itemque Presby-

Presbyteris Sæcularibus in regimine animarum erudiendis Seminaria & Collegia instituisse. Et in bulla Canonizationis S. Thomæ de Villanova, tria erexisse dicitur Collegia, quæ pinguibus dotavit proventibus, primum Valentis, alterum Compluti, tertium Oriolæ, a quibus viri tum probitate, tum doctrina præstantes plurimi prodierunt. Et in processibus causæ Ven. Dei Servi Cardinalis Francisci Ximenes Archiepiscopi Toletani ex testibus, Historicis, summorumque Pontificum Apostolicis litteris comprobatur, eum, licet tantis negotiis esset distentus, studium nunquam prætermisisse Complutensis Academiæ erigendæ & augendæ; ecclesiæ Collegiatam SS. Justi & Pastoris, intercedente auctoritate summi Pontificis, adjunxisse eidem Academiæ, ut ejus ecclesiæ Beneficia Magistris & Professoribus ad Rectoris arbitrium censerentur; præter decem & septem Canonicatus Sacerdotales, & duodecim portionarios inter Professores Academiæ distribuendos, quos ipse ære proprio dotavit ad summam usque aureorum centum & quinquaginta millium, quæ ad hunc finem collegerat, & in arce Uxedana deposuerat.

20 Quoad regimen Monialium, Tridentinum Concilium *sess. 25. de Regularibus, & Monialibus cap. 10.* jubet Episcopos diligenter attendere, ut Sanctimonialia semel saltem mensibus Confessionem peccatorum expleant, & sacrosancam sumant Eucharistiam; & *cap. 5.* eisdem mandat Episcopis, ut Clausuram Sanctimonialium, ubi violata fuerit, diligenter restituant, & ubi inviolata est, conservari maxime curent. Quod autem attinet ad earum regimen, sapientissimum est monitum Ven. Dei Servi Juvenalis Ancinæ Salutiarum Episcopi, cujus Beatificationis causa pendet in sacrorum rituum Congregatione. In ejus enim vita *lib. 2. cap. 8.* hæc habentur: *Avvertite (eos Dei Servus alloquebatur, qui Monialibus præerant) Avvertite, seno Vergini, spese di Cristo: conviene conservarle. Fate opera, che regni Cristo tra loro, e non entri il lupo; e se alcuna di esse a caso diviene infetta, procurate d'ajutarla quanto prima, acciocchè non danneggi le altre. Fate, che osservino puntualmente le Regole, spendano bene il tempo, e leggano libri fruttuosi, che le ajutino alla perfezione Religiosa, che professano.* Exacta ergo observantia in Monialium regimine Episcopo iungitur; ita tamen, ut frequens & solitaria cum eis conversatio nullatenus admittatur. De S. Augustino refert S. Possidius in ejus vita *cap. 26.* *Egli forse ab aliquibus feminis, ut videretur, vel salutaretur, rogabatur, nunquam sine Clericis testibus ad eum intrabant, vel solus cum solis unquam esset locutus, nisi secretorum aliquid interasset.* Hanc ad rem observat Erasmus in epistola dedicatoria ad Archiepiscopum Toletanum: *Collegia mulierum, quæ institueras, raro admodum invisites, nec omnino eam ulla femina misceret colloquium, nisi presens Clericis, aut aliis matronis, nisi forte quid esset arcani, quod unius auribus esset committendum.*

21 De veneratione & obsequio erga summum Pontificem & Sedem Apostolicam habenda est ratio in examine causarum Servorum Dei, qui dum

dum viverent, Episcopali dignitate fulserunt. In solemnī examine, quod consecrationi Episcopali præmittitur, Consecrandus interrogatur: *Vis traditiones Orthodoxorum Patrum, ac decretales sanctæ & Apostolicæ Sedis Constitutiones veneranter suscipere, docere, ac servare?* Cui interrogationi respondet: *Volo.* Consonat alia interrogatio: *Vis Beato Petro Apostolo, cui a Deo data est potestas ligandi atque solvendi, ejusque Vicario Domino nostro Papa N. suisque Successoribus Romanis Pontificibus fidem, subjectionem, & obedientiam secundum canonicam auctoritatem per omnia exhibere?* Et huic interrogationi Consecrandus pariter respondet: *Volo.* Supra memoratus Ludovicus Abelly Episcopus Rhutenensis in opere citato de *veneratione, & obsequio præstandis ab Episcopo erga summum Pontificem* sic ait: Porro hac subiectio & obedientia, quidquid Heretici, vel Politici obloquantur, non ullius humani respectus, aut preventus intuitu, non servili metu, non adulatorio, aut superstitioso cultu, sed libero, religioso, ac pio affectu, sicut ab omnibus Catholicis, sic maxime ab ipsis sacris Antistitibus Romano Pontifici, tamquam supremo Ecclesiæ capiti, deferitur; idque, ut Ecclesiastica hierarchia ab ipso Deo præscriptus ordo servetur, utque summi & æterni Pastorem Principis supereminens magnitudo in eo, cui vices suas demandavit, clarius innotescat, & ipse Christus Dominus in persona Vicarii sui agnoscat tamquam a Deo Patre constitutus supra omnem Principatum, & Potestatem, Virtutem, & Dominationem, & omne nomen, quod nominatur non solum in hoc sæculo, sed etiam in futuro, omniaque sub pedibus ejus subiecta videat. Joannes XXII. in Extravag. *Ut Prælatorum, de majoris, & obediens. debite venerationis defectum erga summum Pontificem* ait esse virtuti religionis oppositum: Et ipsorum (hoc est Prælatorum) ad Christi Vicarium indevotio, religiositati quippe contraria, non immerito arguenda. Sinceram venerationem erga summum Pontificem & Sedem Apostolicam a S. Carolo Borromæo semper exhibitam testatur Giuffanus in ejus vita. De virtutibus & miraculis S. Bennonis Episcopi Misnensis in Saxonia agunt Bollandiani tom. 3. Junii pag. 446. & Matthæus Raderus in Bavaria sancta tom. 3. pag. 185. secunda editionis; & in bulla Canonizationis ipsius edita ab Hadriano VI. narratur, quomodo, vigentibus magnis inimicitiis inter S. Pontificem Gregorium VII. & Henricum IV. Imperatorem, & Imperatori parentibus non solum Principibus, sed etiam universis Germaniæ & Galliarum Episcopis, solus Beatus Benno Decreti Imperatoris auditor non fuit, immo Imperatorem, & Marchionem Misnensem hostes religionis judicatos censuris affectis, conjectusque iccirco in vincula, non multo post in pristinum statum est restitutus.

22. Omitti non potest, cum agitur de Servis Dei Episcopis beatificandis aut canonizandis, examen, quomodo se gesserint erga sæculi Principes, cum quibus (ut sæpe accidit) quæstiones intercedunt. Aureum est monitum Cardinalis Bellarmini ad nepotem *contro. 7. Hac res videtur hoc tempore esse lapidis offensivæ & petra scandali, & valde difficile est sic libertatem Ecclesiasticam defendere, ut indignationem eorum non incurramus, vel sic eam negligere*

negligere, ut non incurramus in offensionem Dei, & ejus Vicarii. Duo in re tam ardua mihi occurrunt. Primum, ut nihil temere, & sine maturo consilio agamus, & si nobis non adsint in presentia viri periti, quorum consilio fidere possimus, scribamus, si tempus patitur, ad absentes. Alterum, ut sic vivamus, ut intelligant Principes, vel Principum Administri, nos non quarere occasiones eum illis rixandi, sed solo Dei timore & amore duci, ut libertatem Ecclesiasticam defendamus, & alloqui eorum amicitiam optare & magnificare; & re vera conemur officiis & beneficiis amicitiam illorum diligenter conservare & nutrire: multa enim Principes saculi amicis Episcopis concedunt, quae non concederent iis, quos adversarios sibi esse sciunt, aut credunt. Porro, ut a reliquis ablineamus exemplis, cum S. Ambrosius eo modo se gesserit in concertationibus, quas habuit cum Imperatoribus Valentiniano & Theodosio, quae volebat, assecutus est, & Ecclesiastica jura absque eorum indignatione propugnavit. De concertatione ab ipso habita cum Imperatore Valentiniano hæc leguntur apud Theodoretum lib. 4. cap. 7. *Paucis post diebus elapsis, cum divinus Ambrosius multa cum libertate Imperatorem alloquens, nonnulla reprehendisset, quæ a Magistratibus haud recte facta esse videbantur, respondit Imperator: Hanc tuam libertatem jam pridem cognitam habebam. Sed licet eam probe nossem, non solum non contradixi, immo assensum præbui ordinationi suæ. De prohibitione autem ab eo facta Imperatori Theodosio, ne ecclesiam ingrederetur, nisi peracta poenitentia criminis admissi in miseranda Thessalonicensium cæde, sic scribit idem S. Ambrosius in oratione, quam habuit in ejus funere (num. 34. col. 1207. oper. tom. 2.): Dilexi Virum, qui magis arguentem, quam adulantem probaret. Stravit omne, quo utebatur, Insigne Regium. Deslevit in ecclesia publice peccatum suum, quod ei aliorum fraude obrepserat; gemitu & lacrymis oravit veniam. Quod privati erubescunt, non erubuit Imperator, publice agere poenitentiam; neque ullus postea dies fuit, quo non illum doleret errorem. Item apud Surium ad diem 17. Novembris narratur, S. Hugonem Episcopum Lincolnensem Richardo Regi restituisse, qui Episcopos & Prælatos Angliæ in unum convocari jusserrat a Cantuariensi Archiepiscopo, ut illis indicaret, Regem pecuniis indigere, & cupere ab iis adjuvari, Restitit autem sanctus Præsul animadvertens, pauperculam plebem ea ratione gravari; & ad Regem properans adeo eum sua magnanimitate percussit, ut & micissimum animo ejus objurgationes acceperit, & eo abeunte, Rex ad suos conversus dixerit: Si omnes Episcopi tales essent, nihil adversus eos possent sive Reges, sive Principes.*

23 De reddituum tandem erogatione, proindeque de eleemosynarum largitione querendum est, cum agitur de Dei Servis, qui Episcopi fuerunt. Cumque redditus in duplici sint differentia, alii videlicet, qui proveniunt ex Bonis patrimonialibus, vel quasi patrimonialibus, alii, qui proveniunt ex Bonis Ecclesiasticis, & Bonorum quidem primi, & secundi generis Ecclesiastici dominium habeant, possunt eorum redditus sibi retinere, vel etiam aliis pro libito largiri; ita tamen, ut non sint immunes a pecca-

peccato, si eos minus recto distribuunt affectu. Deducitur hæc regula ex can. 39. & 46. inter eos, qui *Apostolici* dicuntur: *Ut Episcopi, quæ propria ipsorum sunt, valeant in quoscunque placuerint heredes transferre, ut tamen ad alios res Ecclesia minime transiant.* Deducitur quoque ex can. *Episcopi*, ex can. *Manifesta*, ex can. *Si manifesta*, 12. qu. 1., & est doctrina D. Thomæ 2.2. qu. 185. art. 7. ubi querit, utrum Episcopi mortaliter peccent, si Bona Ecclesiastica, quæ administrant, pauperibus non largiuntur: respondet enim modo, qui sequitur, quoad Bona patrimonialia, vel quasi patrimonialia: *Proprium Bonorum verum dominium habent, unde ex ipsa rerum conditione non obligantur, ut eas aliis conferant, sed possunt eas vel sibi retinere, vel etiam aliis pro libito elargiri: possunt tamen in earum dispensatione peccare propter inordinationem affectus, per quam contingit, vel quod sibi plura conferant, quam oporteat, vel aliis etiam non subveniant, secundum quod requirit debitum charitatis.* Non tamen tenentur ad restitutionem, quia huiusmodi res sunt eorum dominio deputatæ.

24 Porro non defunt exempla SS. Episcoporum, qui Bona etiam patrimonialia in pios & sanctos usus erogarunt. De S. Olmundo Episcopo Saresberienſi in Anglia Callistus III. in bulla Canonizationis pag. 169. cod. Canonizat. ita loquitur: *De Bonis a Deo sibi collatis in Regno Anglia tunc in suis primordiis tenuem & exilem (sermo est de Episcopatu Saresberienſi) nova quadam fundatione, ac ampla sui patrimonii dote, & largitione ditavit prævia, scilicet terras & possessiones sui Comitatus Dorsetis, & quæ ad ipsum alias legitime pertinebant.* Et Paulus Papa V. in bulla Canonizationis S. Caroli Borromei pag. 294. cod. cit. sic prosequitur: *Eoque processit pauperibus subveniendi studium, ut Vritanum Principatum reliquum patrimonii sui, nec census redditus, distraberet, & quadraginta millium scutorum pretio, quamvis vili, inde percepto, diversis piis locis Mediolani tantum pecunie paucissimis horis attribueret.*

25 Egregia sunt hæc SS. Antistitum facta; quæ, licet maximopere commendanda sint, eo tamen laus progredi non debet, ut, si quis Episcopus iustis ex causis de rebus suis patrimonialibus testari voluerit favore consanguineorum, id sit habendum insuperabilis obstaculi loco, quoties de ipsius virtutibus approbandis questio inſtituatur pro Beatificatione aut Canonizatione. Si etenim Bona ex Majorum testamento debeant in familia remanere, abſonum eſſet, Dei Servum ea distrabere. Quapropter Carolus a Basilicapetræ penes Surium ad diem 4. Novembris hæc refert de S. Carolo Borromeo: *A Majoribus accepta Bona, quæ fideicommissi jure manere in familia necesse erat, Francisco Borromeo Comiti patruo reliquit, eique patruos suos Comites substituit Renatum, & Federicum, qui quidem, Francisco ante Carolum mortuo, ei successerunt.* Cumque S. Franciscus Salesius in testamento una cum fratre adiutore in Episcopatu Gebennensi inſimul condito Anicii die 6. Novembris 1622. fratri Equiti Hierosolymitano legasset annuos florenos ducentos & sex, filiis alterius fratris premortui Dynastæ Boefiaci, & Villarogeti aurea solarea bis mille, & patrimonialium heredem instituisse Ludovicum fratrem superſtitem Dynastam & Baronem Sa-

Tom. III. Y y Iesum,

lesium, Torrentinum, & Tullianum cum successiva vocatione majoris natu ex filiis masculis illius; deficiente autem linea masculina, vocasset in infinitum majorem natu ex masculis descendentibus a fratre præmortuo; & Anonymus quidam sanctitatem Francisci Salesii ob idipsum acriter impugnasset, dum de ejus virtutibus quærebatur in sacrorum rituum Congregatione, Petrus Franciscus de Rubeis tunc Fidei Promotor jussus pro veritate sensum suum aperire, postquam demonstravit, Bona, de quibus testatus Franciscus fuerat, non fuisse ex relictibus Ecclesiasticis quæsitæ, conclusit, ex prædicta testamentaria ordinatione nihil inferri posse adversus heroicas ejus virtutes.

26 At, si de Bonis Ecclesiasticis, vel de relictibus ex Bonis hujusmodi perceptis loquamur, quumvis certum sit, Episcopos, qui habent redditus Ecclesiasticos ampliores his, qui pro congrua eorum sustentatione necessarii sunt, teneri in pauperes, & alios pios usus erogare, juxta Textum in *cap. Fratrem nostrum*, *dist. 86. Dic ergo* (nempe Episcopo Mariano) *ut non sibi credat, solum lectionem & orationem sufficere, ut remotus nihil studeat de manu sacrificare, sed largam manum habeat, necessitates patientibus succurrat, alienam inopiam suam credat, quia, si hoc non habet, vacuum nomen Episcopi teneat*, cum quo concordat alter Textus in *can. Florentino*, *dist. 85. ubi Archidiaconus Florentinus in sacra scientia versatissimus ab Episcopatu rejicitur, quod ab elemosynis elargiendis alienus esset; quæstio tamen adhuc sub Judice remanet, an obligatio superflua distribuendi in pauperes, & alios pios usus a charitate oriatur, an a justitia, ita ut qui non distribuit, teneatur ad restitutionem*. Fagnanus in *cap. Si quis, de peculis Clericorum* stat pro obligatione ex charitate: Cardinalis Capisucchius *contro. 30. itat* pro obligatione ex justitia: & hæc esse videtur sententia D. Thomæ, qui *loc. cit.* hæc habet: *Sed Ecclesiasticorum Bonorum sunt dispensatores, (loquitur de Episcopis) ad dispensationem autem requiritur bona fides secundum illud 1. ad Corinthios 4. Hic jam quæritur inter dispensatores, ut fidelis quis inveniat. Sunt autem Bona Ecclesiastica non solum in usus pauperum, sed etiam ad cultum Divinum, & necessitates Ministrorum expendenda &c. Si ergo distincta sint Bona, quæ debent in usus Episcopi cedere, ab his, quæ sunt pauperibus, & Ministris, & cultui ecclesie eroganda, & aliquid sibi retinuerit Episcopus de his, quæ sunt pauperibus eroganda, vel etiam in usum Ministrorum, aut in cultum Divinum expendenda, non est dubium, quin contra fidem dispensationis agat, & mortaliter peccat, & ad restitutionem teneatur. De his autem, quæ sunt specialiter suo usui deputata, videtur esse eadem ratio, quæ est de propriis Bonis, ut scilicet propter immoderatum affectum & usum peccet quidem, si immoderata sibi retineat, & aliis non subveniat, sicut requiritur debitum charitatis. Si vero non sunt prædicta Bona distincta, eorum distributio fidei ejus committitur; & si quidem in modico deficiat, vel superabundet, potest hoc fieri absque bona fidei detrimento Si vero sit multus excessus, non potest latere: unde videtur bona fidei repugnare, & ideo non est absque peccato mortali. S. Doctor distinguere videtur casum a casu,*

casu, casum videlicet, in quo distincta sint Bona, quæ debent in usum Episcopi cedere, ab his, quæ sunt pauperibus, & Ministris, & cultui ecclesiæ applicanda, ab alio casu, in quo redditus Episcopales ita inveniuntur dispositi, ut Bona, quæ debent in usum Episcopi cedere, non sint distincta ab his, quæ sunt pauperibus, & Ministris, & cultui ecclesiæ eroganda; idemque S. Doctor concludere videtur, in primo casu idem iudicium ferendum esse, quod prolatum est, dum agebatur de Bonis patrimonialibus, quorum erogatio, si sit inordinata, peccato non caret, sed non obligat ad restituendum; in secundo autem casu, si Episcopus multum excedit, applicando sibi, quæ essent pauperibus, aut ecclesiæ applicanda, ad instar mali administratoris & dispensatoris peccat contra iustitiam, & sic ad restitutionem tenetur: quod dilucidius explicat in *epist. 2. ad Corinth. cap. 12. lect. 5.* ubi, cum sibi id opposuisset, *Videtur, quod male fecerint Principes, & alii, dando divitias Prælati;* respondet: *Dicendum est, quod non dederunt Prælati propter se, sed propter pauperes; & ideo non dederunt eis, sed pauperibus. . . . Prælati autem dantur, tamquam pauperum dispensatoribus.*

27 Hæc autem innuisse satis sit: quandoquidem, si obligatio erogandi superflua in pauperes & usus pios causam habeat a charitate, siue a iustitia, certum est, eum, qui hac in re modum exceßerit vel superflua non erogando, vel sibi plus impendendo, quam rei necessitas, aut dignitatis gradus exposcerent, eum, inquam, dici non posse virtutibus excelluisse; immo adversus aliarum virtutum heroicam ex prædicto abusu reddituum Ecclesiasticorum insuperabile constitui obstaculum. S. Bernardus *epist. 2. num. 11. col. 12. vol. 1. oper.* Ecclesiasticos omnes in unius Fulconis persona sic interpellat: *Conceditur ergo tibi, ut, si bene deservis, de altario vivas; non autem, ut de altario luxurieris, ut de altario superbias, ut inde compares tibi frena aurea, sellas depictas &c. Denique quidquid præter necessarium victum ac simplicem vestitum de altario retines, tuum non est, rapina est, sacrilegium est.* Et *serm. 23. in Cantica (col. 1348. num. 12.):* Timeant Clerici, timeant Ministri Ecclesia, qui in terris Sanctorum, quas possident, tam iniqua gerunt, ut stipendiis, quæ sufficere debeant, minime contenti, superflua, quibus egeni sustentandi forent, impie sacrilegueque sibi retineant, & in usus sua superbia atque luxuria victum pauperum consumere non vereantur. Duplici profecto iniquitate peccantes, quod & aliena diripiunt, & Sacris in suis vanitatibus & turpitudinibus abutuntur. Et declamat. in illud Evangelii, *Ecce nos reliquimus omnia, hæc habet: Res pauperum non pauperibus dare, par sacrilegii crimen esse dignoscitur. Sane patrimonia pauperum facultates Ecclesiarum, & sacrilega eis crudelitate surripitur, quidquid sibi Ministri & Dispensatores, non utique domini, vel possessores, ultra victum accipiunt, & vestitum. Nec enim ordinavit Deus his, qui Evangelio serviunt, de Evangelio quarere, aut habere delicias, vel ornatum; sed vivere, ait Paulus, ex eo, ut videlicet sint contenti alimenta corporis, non irritamenta gula, aut incentiva libidinis, & quibus tegantur, non quibus ornentur, accipere. Et *epist. 42. (col. 470. cap. 2. num. 6.):* Dicite Pontifices, non quid-*

dem in Sancto, sed in freno quid facis aurum? . . . Hoc, me etiam tacente, osti non Cieria Regum, tamen penuria pauperum clamas &c. Nobis frigore & fame miserabiliter laborantibus, quid conferunt tot mutatoria vel extensa in periculis, vel plicata in manticis? Nostrium est, quod effunditis; nobis crudeliter subtrahitur, quod inaniter expenditis. Et nos enim Dei plasmatio, & nos sanguine Christi redempti sumus. Nos ergo fratres vestri. Videte, quale sit de fraterna portione pascere oculos vestros. Vita nostra cedit vobis in superfluas copias. Nostri necessitatibus detrahatur, quidquid accedit vanitatibus vestris. Duo denique mala de una prodeunt radice cupiditatis, dum & vos vanitando peritis, & nos spoliando permititis. De temperantia in mensa, suppellectili, & veste sanctorum Episcoporum exempla desumi possunt ab his, quæ leguntur de SS. Ambrosio, Augustino, Martino, Paulino, Epiphanio, Germano, Hilario, Athanasio, Basilio, Gregorio Thaumaturgo, Gregorio Nisseno, Joanne Chrysostomo, quæ summa diligentia collecta fuerunt a Thomassino de vet. & nov. Eccles. discipl. part. 3. lib. 3. cap. 34. & seqq.

28 *Quæ dicta sunt quoad erogationem eorum, quæ ex redditibus Episcopopalibus supersunt, ultra modestam Episcopi sustentationem, evitari profecto non possunt, si impendantur pro nepotibus, & consanguineis ditandis; immo, si non validius, saltem æquale hinc derivatur obstatulum adversus virtutes Dei Servi, qui fuit Episcopus. Sacrum Tridentinum Concilium sess. 25. de reform. cap. 1. ita loquitur: Omnino vero eis (id est Episcopis) interdicit, ne ex redditibus Ecclesie consanguineos familiaresque suos augere studeant, cum & Apostolorum canones prohibeant, ne res Ecclesiasticas, quæ Dei sunt, consanguineis donent, sed, si pauperes sint, iis, ut pauperibus, distribuant, eas autem non distrabant nec dissipent illorum causa; immo, quam maxime potest, eos sancta Synodus monet, ut omnem humanum hunc erga fratres, nepotes, propinquosque carnis affectum, unde multorum malorum in Ecclesia seminarium extat, penitus deponant. Concilium loco supra citato id extendit ad omnes habentes Beneficia tam Sæcularia, quam Regularia, necnon ad S. R. E. Cardinales: quod ipsum quoad Cardinales jam fuerat decretum a Leone X. Constit. 8. §. 20. (tom. 3. part. 3. Bullar. nov. pag. 397.): Et cum minime deceat, affines & consanguineos, præsertim benemeritos & opè indigentes, negligere, sed illis providere justum & laudabile sit, non propterea tamen vel Beneficiorum multitudine, vel Ecclesiasticis redditibus ita eos impleri, convenire arbitramur, ut ceteri damnum ex hujusmodi largitionis intemperantia patientur, & inde scandalum nascatur. Statuimus itaque, ut Ecclesiarum Bona temere non effundant, sed ea in piis & sanctis operibus exponant; quorum causa magni & optimi redditus per sanctos Patres statuti & ordinati fuerunt. Et Innocentius Papa XII. Constitutionem edidit ad moderandas donationes & distributiones reddituum Ecclesiasticorum in consanguineos, vel affines Romani Pontificis, seu eorum loco adlectos: Quod si fratres, nepotes, consanguinei, vel affines, seu eorum loco adlecti sive adsciti præfata inopia laboraverint, poterit Romanus Pontifex pro tempore existens pro simorata sua conscientia illorum pauperiorem eodem*

dem omnino modo sublevare, quo pauperum extraneorum inopia subvenire fas est &c. Eam in reddituum & proventuum Ecclesiasticorum distributione eis facienda servari volumus moderationem, ut non nisi iuxta eorum merita, & non ultra congruam pro gradus vel dignitatis, quem vel quam in Ecclesia obtinuerint, nullo ad consanguinitatem, affinitatem, seu adlectionem erga Romanum Pontificem habito respectu, sustentationem, ejusmodi redditus & proventus Ecclesiastici eis distribuuntur: & si, exigentibus meritis, aliquem ex eis assumi contigerit ad sublimem Cardinalatus dignitatem, idem Pontifex in citata Constitutione decrevit, ut ex Beneficiis & officiis quibuscumque, & Pensionibus ei summa annua assignetur non excedens verum valorem annum duodecim milium scutorum monete Romanæ. Nec enim fas erat Propinquos Romani Pontificis a dignitate Cardinalatus arcere, cum multi ex eis fuerint, & sint, & esse possint moribus & doctrina illustres. Nemo est qui merita ignoret Ven. Dei Servi Cardinalis Bellarmini. Hic autem fuit filius sororis Marcelli II., & inter Cardinales cooptratus fuit a Clemente VIII. Nemo qui non sciat sanctitatem S. Caroli Borromæi, qui Cardinalium Collegio adscriptus fuit ab avunculo Pio IV. Nemo qui perfectos non habeat pios & spectabiles mores Roberti Nobilis, qui a Julio III. propatruo creatus est Cardinalis, quique consummatus in brevi explevit tempora multa, ut ex ejus vita colligi potest, formis Urbini iterum impressa an. 1728. opera potissimum & studio Bernardini Narii meritis Præfatus, & olim a Secretis sacre Congregationis Boni Regiminis.

29 Statuta in sacro Concilio Tridentino, & in allegatis Constitutionibus suum habent fundamentum in recta, antiqua, & constanti Ecclesiæ disciplina: ex quo proinde fit, ut non desint exempla illustri moderationis a sanctis Episcopis, & optimis summis Pontificibus adhibitæ erga Propinquos & affines. In vita S. Laurentii Justiniani scripta a Bernardo Justiniano ejus nepote ita legitur cap. 5. *Primum illi de pecunia institutum fuit, ut nullum penitus sibi cum fratribus esset commercium &c. Illud in amoris fraterni signum retinuit, ut in Paschate, & Nativitate Domini, & festo Apostolorum Petri & Pauli eos donaret duobus panibus ex farina flore confectis. Post mortem autem fratrum idem tributum mihi semper pendit. Quin potius & a fratribus adjutus ipse est pecunia grandi in bullis Apostolicis Episcopatus, & a me deinceps non minori, præsertim cum ad Patriarchatum erectus est. Summorum Pontificum Clementis IV., Martini IV., Clementis VI., Urbani V., Hadriani VI., Marcelli II. egregiæ moderationis erga carnem & sanguinem exempla late referuntur a Thomassino loc. cit. part. 3. lib. 2. cap. 46. num. 8. & seqq. & a Theophilo Raynaudo operum tom. 1. 2., in opere, cui titulus, Mala e Bonis Ecclesiæ, pag. 217. & seqq. ubi addit exemplum Benedicti XII. relatum in historia Pontificum Gallorum, qui Avenione federunt, per Boschetum edita: & quomodo erga eosdem se gesserit S. Pius V. plene habetur in relatione Rotæ Auditorum edita in causa Canonizationis ipsius, sic de temperantia; & in vita Cardinalis Bellarmini scripta a Patre Bartolo lib. 3. cap. 7.*

Votum

542 DE SERVORUM DEI BEATIFICATIONE

Votum affertur ab illo nuncupatum Deo die 26. Septembris 1614. *Votum Deo omnipotenti in conspectu Beata Virginis Mariae, & totius celestis Curiae, quod, si forte (quod non cupio, & precor Deum, ut non accidat) ad Pontificatum assumptus fuero, neminem ex consanguineis vel affinibus meis exaltabo ad Cardinalatum, vel temporalem Principatum, vel Ducatum, vel Comitatum, vel alium quencumque titulum, neque eos ditabo, sed solum eos adjuvabo, ut in statu suo civili commode vivere possint. Amen, amen. Hoc votum feci, non quod damnem eos Pontifices, qui consanguineos vel affines idoneos & dignos ad Cardinalatum eleverunt, sed quia existimavi, hac tempora ita requirere ad maiorem Dei gloriam, & Ecclesiae faciliorem reformationem, & sanctae Fidei propagationem.*

30 Item, cum praescriptae a Tridentino, & aliis Constitutionibus moderationes in re de qua nunc agitur, nihil aliud sint, quam antiqui juris declarationes, de eis quaerendum erit non modo in causis Servorum Dei, qui post eas vixerunt, sed aliorum etiam, qui ante eas pie in Domino mortui sunt. In causa Ven. Servi Dei Francisci Cardinalis Ximenis Archiepiscopi Toletani Petrus Franciscus de Rubeis & Prosper Bottinius Archiepiscopus Myrensis Fidei Promotores opposuerunt illi nimium erga carnem & sanguinem affectum, cum Joanni fratri Eleonoram filiam Joannis Zapatae Domini Barajarum praedivitem studuerit matrimonio locare, & Benedicto fratris filio uxorem dare Petronillam Mendoziam neptem ex sorore Ducis Infantadi, cui ipse Ximenius magnam attribuit dotem ex amplis redditibus & possessionibus acquisitis, dum Oranum expugnavit, & gubernationi Regnorum praesuit; ut refert Gomezius lib. 1. pag. 954. & 955. qui etiam lib. 5. pag. 1062. narrat, neptem Mendozio nupsisse, quamvis veritus esset, ne dos praegrandis ab ipso exposceretur. Cui animadversioni Postulatores satisfacere conati sunt, ostendendo, nuptias praedictas non fuisse ab ipso quaesitas, sed exceptas, cum essent oblatae, eo tamen animo, ut Academiam Complutensem, coenobia, & cetera pia opera ab ipso fundata contractis illustribus affinitatibus juvaret; rursus, dotes non ex Bonis Ecclesiasticis, sed aliunde quaesitis fuisse constitutas; & in constitutione dotis, cum neptem nuptui tradidit Mendozio, serio ponderasse, an excederet, & pium Antistitem dedeceret; uti prosequitur Gomezius loc. cit. *Religiose timebar, ne propter nobilitatem generis, & bene fundatas divitias majorem dotem Bernardinus posceret, quam par esset a Christiano & pio Antistite numerari.* In causa Ven. Servi Dei Roberti Cardinalis Bellarmini ipse fungens munere Fidei Promotoris opposui, eum favore suorum consanguineorum Pensiones transulisse Ecclesiasticas, alteram videlicet scutorum quatuorcentum super Ecclesia Capuana, alteram scutorum ducentorum super Abbatia Nonantulana. Cui animadversioni Postulatores satisfacere conati sunt, demonstrando, praedictos consanguineos paupertate laborasse, nec sanctitati repugnare, si de Ecclesiasticis redditibus consanguineis pauperibus subveniatur, dummodo id fiat moderate, id est ut non indigeant, non ut divitiores fiant; juxta doctrinam D. Thomae 2. 2. *quest. 31. art. 3. ad primum, & quest. 185.*

quasi. 185. art. 7. ad secundum. Horum Venerabilium Dei Servorum causa adhuc pendet in sacrorum ritu Congregatione, nec ulla super eorum virtutibus prodiit usque adhuc resolutio. Et in causa Ven. Servi Dei Innocentii Papæ XI. cum de ea introducenda ageretur, allati sunt a Postulatoribus testes referentes, quod & notorium in Urbe erat, ipsum nedum suo unico ex fratre nepoti aliquid de Bonis Ecclesiæ, aut Cameræ Apostolicæ non contulisse, sed etiam severe mandasse, ne ad habenda quædam licita & consueta admitteretur emolumenta, quibus precedentium Romanorum Pontificum nepotes potiti fuerant.

31 Si a Dei Servo, de cuius agitur Beatificatione, ad amissim ea omnia fuerint observata, quæ modo dicta sunt de reddituum Ecclesiasticorum erogatione, nihil erit, quod in examine causæ ipsius (si de defectu loquamur) opponi possit. At, si sermo de heroicitate inituatur, necessarium esse videtur, ut aliquid adsit extraordinarium, aliquid arduum, & non commune ceteris probis Episcopis, qui bene redditibus Ecclesiasticis utuntur. De S. Exuperio Tolosæ Episcopo S. Hieronymus ad Rusticum ita loquitur: Sanctus Exuperius Tolosa Episcopus, vidua Sareptensis imitator, esuriens pascit alios, & ore pallente jejuniis fame torquetur aliena, omnemque substantiam Christi visceribus erogavit. De B. Elphego Archiepiscopo Cantuariensi legitur, quomodo captus a piratis Danis maluit carceres, cruciatus, & mortem experiri, quam ut res Ecclesiæ, quas pauperum esse dicebat, in suam liberationem expenderentur. In vita B. Petri Damiani apud Bollandum die 23. Februarii pag. 424. cap. VII. num. 38. tom. 3. hæc habentur: Quis in vestiendis nudis, in reficiendis egenis, in visitandis agris promptior illo potuit esse unquam, turba pauperum Episcopalia limina quotidie frequentante? Fortunatus Pictaviensis Episcopus scripsit vitam B. Germani Parisiensis Episcopi, Extat apud Surium ad diem 28. Maji pag. 320. num. 75. tom. 3. En verba: Ceterum, quantum elemosynis fueris prodigus, explicari non poterit, nec si totius populi vox in unum se congluinet, qui frequenter post iugile cilicium contentus una tantum casula, vel tunica, quidquid erat residui, nudo pauperi tribuebat, ut inops calefieret, largitore algente. Apud eundem Surium ad diem 26. Martii de B. Ludgero Monasteriensis Episcopo pag. 259. num. 32. tom. 2. hæc habentur: Omnem censum, qui in hereditate ejus propria, vel in Episcopio colligebatur, mox distribuere studuit. Guigo quintus Prior Majoris Carthusiæ scriptis mandavit vitam Hugonis Episcopi Gratianopolitani inter Sanctos solemniter relati ab Innocentio II. Extat etiam hæc vita apud Surium ad diem 1. Aprilis pag. 7. num. 17. loc. cit. En ejus verba: Elemosyna sane suis & per se diligens executor, & in aliis etiam fervidus exhortator. Exceptis enim domus sue duntaxat necessitatibus, cuncta pane, quæ consequi poterat, non in thesauros congeriebat; posterorum vel dissipanda litibus, vel consumenda luxibus distribuit laus egentibus. In bulla Canonizationis S. Ludovici Tolosatis Episcopi edita a Joanne XXII. pag. 124. cod. Canonizar. ita legitur: Ipse enim viginti quinque pauperibus, quos in sua domo reficiebat, quotidie

tidie aquam infundebat manibus, manumque sua ipsi fercula apponebat, ac panes scindebat, eisdem etiam genu flexo, in ipsi Christo servire, ac ipsum recipere se delectans. In bulla Canonizationis S. Antonini edita a Clemente VII. pag. 227. cod. cit. subjicitur: Semper aliquid de necessariis usibus suis detrahens, ut largior erga pauperes ac liberalior esse posset &c. Cumque omnes mensa sua Archiepiscopalis fructus, redditus, atque proventus in pauperum alimoniam, Virginum doctes, atque hospitalium sustentationem, aliisque pios usus erogasset, ac pro temporum angustiis esset pauperum copia, & nihil aliud superesset, unde pauperibus ipsis & indigentibus subveniri posset, a prefato Eugenio, & recolenda memoria Nicolao V., ac Callisto III., & Pio II. Romanis Pontificibus similiter predecessoris nostris, quibus ob vitam sanctitatem carus erat, non parvas pecuniarum summas in huiusmodi pios usus convertendas recipiebat, easque pauperibus ipsis distribuere. In bulla Canonizationis S. Caroli Borromæi edita a Paulo V. pag. 294. cod. cit. dicitur: In elemosynis dandis ita se gessit, ut, in hoc opere precipue abundasse, merito dici possit, ac dispersisse & dedisse pauperibus &c. Cum vero pestilentiam in civitatem & diocesim Dominus immisisset, & gregem sibi commissum bonus Pastor miserabiliter affligi cerneret, ut egenorum calamitati temporalibus etiam auxiliis prospiceret, vel argentea vasa, stragulam, aliamque vestem, ostiorum vela, propriisque denum lectuli solatium dedit. In bulla Canonizationis S. Thomæ de Villanova edita ab Alexandro VII. pag. 360. loc. cit. legitur: Adeo enim fuit in pauperes liberalis, & parcus erga se ipsum, ut, quo egenis, quorum se parantem gerebat, largius subveniret, laceras indueret vestes, quas propriis manibus sarcebat, unicum pileum proprio usui domi asseruaret, cubiculum stercis vestitus incolebat, super sarmentis in terra quiesceret, sepe pauperes convivas ex eadem patina cibum sumere permitteret; ipse vero adeo parce comederet, ut senio & infirmitate confectus, unico, eoque modico ferculo mensam instrui permiserit, & Oeconomus focus cum precibus suadenti sapiens responderit, iniquum esse, ut servus pinguiori cibo, quam Domini sui pauperes vesceretur. Linthea e proprio cubili desumens, & indussis se ipsum exuens, ea pauperibus largiebatur &c. Tandem his multisque aliis meritis plenus in febrem incidit, ac, cum peculium domesticum jamdiu in pios usus consumpsisset, qua pauperrima suppellectili supererans, inter pauperes Familiars partitus est. Obitus vero cuiusdam Commentariensis patrisfamilias egenti, cubile, in quo egrotans jacebat, cum nil aliud ipsi superesset, ei donavit, & tunc, quod suum erat, auferret, hortabatur: at, renuentibus Familiaribus ipsam super stercora ponere, ut fieri postulabat, mira humilitate per viscera Jesu Christi a Commentariensi ejusdem cubilis usum ad mortem usque precatus est, ut, qui aliis pauperibus totus vixerat, in alieno decedens pauperrimus moreretur. Et in bulla Canonizationis S. Francisci Salefii pag. 374. loc. cit. idem Pontifex prosequitur: Abstinentiam vero, ac frugalitatem tam in victu quam in vestitu severe retinuit, ut & sibi modum statueret, ac largius aliorum inopia subveniret. Namque hoc vera charitatis ingenium est, sibi detrahere, aliis addere. Sic mensa imposita fercula ad pauperes oblegabat, subligacula, interulas, simileque pannos sibi demptos ad aliorum operimentum traducebat. Im-

mo supellestem argenteam, candelabra, urceolos, anulum ipsum Pastoralem oppignoravit, ne pauperes dolerent. Dotem puellis, quam poterat, amplam erogabat, ne ipsarum pudicitia periclitaretur. Peregrinos, ac Religiosos viros, tanquam fratres, domi excipiebat. Omnes demum egestate pressos non contracta manu solabatur, & tam copiose, ut, cum regionem late fames ac alimentorum inopia invasisset, neminem stipe frustratum pratermiserit, singulis egenis familiis certa tristici copia attributa.

32 Beatus Petrus Damiani in epistola ad Desiderium Abbatem pag. 640. cap. vii. episc. 33. oper. omn. narrat, Regulari Constitutione præcipiente, ut Abbatis mensa semper sit cum hospitibus, consuetudine receptum fuisse, ut Abbas semper tres pauperes juxta se in mensa haberet. Petrus Blesensis in litteris ad Hugonem Radigenis monasterii Abbatem nimis sumptuosam & splendidam redarguit nonnullorum Abbatum hospitalitatem: Quid de hospitalitate dicam? Quæ merito hostilitas potius, quam hospitalitas conferretur. Christus enim causam ei non præstat, sed inanis gloria obtentus. Demum post plura concludit: Sumptus tam detestabiles & enormes non de labore aut patrimonio nostro sunt, sed de elemosynis Fidelium, de oblationibus atque Decimis, de tributis egentium animarum, de exactionibus & oppressionibus pauperum, de obventionibus etiam Placitorum. Qui in sudore vultus pane nostro vesci debuimus, labores miserorum nobis usurpamus ad delicias, atque in crapula & ebrietate sudorem bibimus alienum. Integra fere epistola refertur a Christiano Lupo tom. 5. ad V. Concilium Romanum pag. 193. ubi subjicit, eam esse legendam Episcopis, Abbatibus, & Canonicis, aliisque Decimas possidentibus.

C A P U T XXXV.

De nonnullis advertendis in causis Seroorum Dei Ecclesiasticorum in inferiori gradu constitutorum, & signanter Regularium; dum de eorum Beatificatione & Canonizatione tractatur.

1 S Olemni ritu, & juxta recentiore Ecclesiæ disciplinam duo Presbyteri Sæculares nulli Religiosæ Congregationi addicti in album Sanctorum relati sunt, Ivo videlicet Trecorenensis, & Joannes Nepomucenus; sed, cum postremus hic inter Martyres recensetur, solus in hac classe remanet Ivo. Ex familiis deinde Regularium Propagatores & Conditores primarii eodem ritu Sanctis adscripti sunt Bernardus Claravallensis, Joannes Gualbertus, Stephanus Grandimontensis, Dominicus Prædicatorum, Petrus a Morono Cælestinorum (cujus sub nomine Cælestini V. in superioribus mentio facta est) Francisci duo, Minorum, & Minimorum, Ignatius Societatis Jesu Presbyterorum, Philippus Nerius Oratorii, Joannes de Deo Fratrum Hospitalitatis pauperum infirmorum, eximii Parentes, quibus ex alibi dicendis addendus est Cajetanus Clerico-

rum Regularium Theatinorum Fundator. Abbates Benedictini succedunt Sanctorum factis inscripti ritu, quo supra, Robertus videlicet Casadei, Sturmus Fuldenſis, & Gerardus Silvæ majoris; & ex familia Fratrum Prædicatorum Thomas de Aquino, Raymundus, Vincentius Ferrerius, Hyacinthus, & Ludovicus Bertrandus, omisso Petro a Verona, utpote inter Martyres recensito; ex familia Fratrum Minorum Jacobus Picennus, Joannes a Capistrano, Bernardinus Senensis, Didacus a S. Nicolao, Petrus Alcantarenſis, Paschalis a Baylon, Franciscus Solanus; ex familia Instituti Eremitarum S. Augustini Nicolaus Tolentinus, Joannes a S. Facundo; ex familia Capuccinorum Felix a Cantalicio; ex familia Servorum Beatæ Mariæ Virginis Philippus Benitius, Peregrinus Latiosus; ex familia Clericorum Regularium Andreas Avellinus; ex familia Patrum Societatis Jesu uterque Franciscus, Xaverius, & Borgia, Aloysius Gonzaga, & Stanislaus Kostka: quibus addendæ sunt Sanctimonialiales, sumendo hoc nomen strictæ, & large, Clara videlicet Assisiensis, Catharinæ dux, Senensis, & Bononiensis, Rosa a S. Maria, Tereſia a Jesu, Maria Magdalena de Pazziis, Agnes Politiana, Francisca Romana, & Margarita a Cortona; nec omittendi videntur Eremitæ, qui, superna affante Gratia, uni Deo copulati caelestem in terris vitam duxerunt, Guillelmus, Theobaldus, & Simeon unus, & alter, Padolironensis, & Trevirensis, quatenus ille tamen non sit inter Beatos tantum recensendus, juxta ea quæ a Nobis relatæ sunt lib. 1. cap. 44. num. 10. & seqq.; quod ipsum etiam de Guillelmo dicendum esse videtur, juxta pariter a Nobis animadversa lib. 1. cap. 9. n. 11.

2 In Clericis autem & Presbyteris Sæcularibus nulli Religioſæ Congregationi addictis indagandum præcipue esse videtur, quomodo ad Clericatum vocati sint, quomodo in eo vixerint, an muneri ab ipsis suscepto probe satisfecerint, præter ea quæ alibi diximus esse neceſſaria, ut quis inter Sanctos recenseatur, hoc est nunquam intermiſſum exercitium actuum heroicorum, cujus fulgori nullum præjudicium allatum sit. Dictum est autem, perpendendum esse modum, quo ad Clericatum vocati sunt, an videlicet per ostium intraverint, quemadmodum bene explicant Patres Catechismi Romani compositores tit. de sacram. Ord. pag. 197.; *Ille autem ostio in Ecclesiam introire merito dicitur, qui a Deo legitime vocati, Ecclesiastica munera ejus unius rei causa suscipiunt, ut Dei boni inſerviant. Neque tamen hoc ita accipiendum est, quasi eadem lex æque omnibus non sit imposita. Homines enim ob eam rem conditi sunt, ut Deum colant, quod præcipue Fideles, qui Baptismi gratiam consecuti sunt, ex toto corde, ex tota anima, & ex totis viribus præstare debent. Verum qui Ordinis sacramento initiari volunt, hoc sibi proponant, opus est, ut non solum Dei gloriam in omnibus rebus quaerant, quod quidem cum omnibus, tum maxime Fidelibus commune esse constet, sed etiam ut alicui certo Ecclesiæ ministerio addicti, in sanctitate & iustitia illi ſerviant. Nam, ut in exercitu omnes quidem milites Imperatoris legibus parent, sed inter eos tamen alius Centurio, alius Præfectus est, alii alia munera obent;*

ita,

ita, quamvis omnes Fideles pietatem & innocentiam sectari omni studio debeant, quibus rebus maxime Deus colitur, eos tamen, qui Ordinis sacramenta sunt initiati, præcipua quedam munera & functiones in Ecclesia exequi oportet; nam & Sacra pro se ipsis & pro omni populo faciunt, & Divina Legis vim tradunt, ad eamque prompto & alacri animo servandam Fideles hortantur & instituunt, & Christi Domini Sacramenta, quibus omnis gratia imperitur & augetur, administrent, & ut uno verbo complectamur, a reliquo populo segregati, in omnium longe maximo & præstantissimo ministerio se exercent. Concordant Patres Concilii Colonienſis primi part. 1. cap. 91. Quo affectu, ac proposito accedant Ordinandi, videndum, accurateque investigandum, num videlicet Dei causa tantum, an potius sua commoditatis gratia, quærentes qua sua sunt, non qua Iesu Christi. Quid enim est sua quarere, non qua Christi sunt? nisi cum tales non gratis Deum diligunt, non Deum propter Deum quarunt, temporalia sequentes, lucris inbiantes, & honores expetentes. Quisquis ergo talis est, non ovili Christi idoneus Pastor futurus, sed mercenarius est. Quibus addi potest S. Hieronymus ad Nepotianum de vita Clericorum una cum aliis plene cumulat in Catholic. institut. Amati Pouget tom. 2. cap. 7. de sacram. Ord. §. 3. Dicitur est etiam, quærendum esse, quomodo muneri assumpto satisfecerint: quod non solum sibi vindicat locum quoad Ordinum receptorum executionem, juxta ea quæ superius ex Catechismo Romano exposita sunt, & quoad exemplum vitæ illibatæ, juxta monitum Concilii Tridentini sess. 22. cap. 1. de reformat. Sic decet, omnino Clericos in sortem Domini vocatos vitam moresque suos omnes componere, ut habitu, gestu, incessu, sermone, aliisque omnibus rebus nil, nisi grave, moderatum, ac religione plenum, præferant. Levita etiam delicta, qua in ipsis maxima essent, effugiant, ut eorum actiones cunctis afferant venerationem; sed etiam quoad officia assumpta, puta, si Dei Servus fuerit Canonicus, si Parochus, si Vicarius; quippe in his etiam indagandum est, quomodo se gesserit, quomodo Choro inservierit, quomodo Constitutionibus Capitularibus obtemperaverit, quomodo Ecclesiasticis proventibus usus sit; & loquendo de Parochis, an strenue & heroice suo officio functi sint, cum Parochis quadantenus applicari possint, quæ superius dicta sunt de Episcopis.

3 Confirmantur hucusque deducta ex Actis causæ S. Ivonis relatis apud Bollandianos ad diem 19. Maji, ubi nedum exponitur, quam fuerit assiduus in Confessionibus excipiendis, in Missis recitandis, in concionibus ad populum habendis, in eleemosynis distribuendis, in jeuniis & poenitentis, in tolerantia adversorum, sed etiam quomodo munus Vicarii Generalis assumptum expleverit: Fuit in vita sapiens & literatus Officialis primo Archidiaconi Rhedonensis, & postea Dominorum Alani, & Gansfridi Episcoporum Trecorensium. In quibus officiis sancte & iuste se habuit, unicuique justitiam celerem faciendo sine delectu & differentia personarum, & litigantes, & alios disensionem habentes ad pacem & concordiam pro viribus reducebat. Pro pauperibus, viduis, orphanis, ceterisque miserabilibus personis gratis postulabat,

bat, & ipsorum causas fovebat, & ad eorum defensionem se offerebat etiam non rogatus: unde pauperum & miserabilium personarum Advocatus communiter vocatur.

4 In causis Fundatorum, atque Reformatorum Ordinum Regularium querendum esse videtur, qua auctoritate, quo spiritu ducti, qua prudentia provinciam eam aggressi sint, quem finem iis in rebus habuerint; an regimen concupiverint; & quatenus non concupitum obtinuerint, quibus modis illud exercuerint, & an aliquid humanæ gloriæ eam in rem irrepperit; an Religio ab eis fundata, aut reformata utilis sit, & gloriæ Dei conducatur; an Regulas, quas statuerunt, ipsi observaverint. Zelus ab omnibus prætexi potest, sed zelus sine prudentia & scientia nihil proficit, immo nocet, juxta illud S. Bernardi *serm. 49. super Cantica* (col. 1440. oper. vol. 1.): *Importabilis absque scientia est zelus &c.* Quo igitur zelus fervidior, ac vehementior spiritus, profususque charitas. eo vigilantiori opus scientia est, qua zelum supprimat, spiritum semper, ordinet charitatem: Ponderari ad rem possunt, quæ de regimine a Patribus tradita sunt. Sanctus enim Gregorius *Pastor. part. 2. cap. 6. col. 20. tom. 2. oper. scribit*: Cuncti, qui præsumunt, non in se potestatem debent Ordinis, sed aequalitatem pensare conditionis; nec præesse se hominibus gaudent, sed prodesse: subjicitque S. Isidorus Hispalensis *lib. 3. sentent. cap. 42.*: *Qui præficitur ad regimen, taliter erga disciplinam Subsectorum præstare se debet, ut non solum auctoritate, verum etiam humilitate clarescat.* Ut a ceteris abstineamus, quæ facile cumulari possent, in vita S. Benedicti scripta a S. Gregorio *cap. 36.* hæc habentur: *Scriptis Monachorum Regulam discretione præcipuam, sermone luculentam, cujus si quis velit subtilius mores vitamque cognoscere, potest in eadem institutione Regula omnes magistræ illius actus invenire, quia sanctus vir nullo modo potuit aliter docere, quam vixit.* Quæ porro de hac Regula, & ejus præstantia & auctoritate dici possunt, Iuse profecutus est Hæstius in *disquisitionibus*. In bulla Canonizationis S. Dominici *pag. 71. cod. Canoniz. legitur*: *Novum Predicatorum Ordinem instituit meritis, ordinavit exemplis.* In bulla Canonizationis S. Francisci de Paula *pag. 202.*: *Ejusdem etiam Ordinis Institutor, & Generalis Corrector existens omnium se infimum (quoad potestatem) exhibebat; & ad omnia etiam servilia opera, ut & ceteris humilitatis præberet exemplum, descendere non dedignabatur:* Et in bulla Canonizationis S. Ignatii *pag. 334.*: *Denique non solum vanam mundi gloriam, sed se etiam ipsum egregia magnanimitate contempsit. Renuntiavit enim Prepositus Generalis Societatis, tandem id muneris subire recusavit, quoad ejus Confessorius ei, ut demandatum reciperet officium, imperavit. Et post receptum munus, ut eos, quos in Constitutionibus ad humilitatem hortabatur verbo, firmaret exemplo, primum quidem in coquina ministris aliquot versatus est dies, tum docere aggressus est pueros, & rudes doctrinam Christianam. Ceterum, loquendo de auctoritate, qua Religio fundata est, & de ejus utilitate, cessare hodie videtur quælibet controversia, cum sine auctori-*

tate

tate Romani Pontificis novæ Religionem institui non possint. Antonius, Basilii, Augustinus Auctores Religionum fuerunt, nec ullam leguntur a Pontifice approbationem quævisse, cum nondum extaret jus Ecclesiasticum id præcipiens. Cum autem circa annum 1170. Pauperes de Lugduno Ordinem quemdam Religiosum instituisent, sed multis admixtis superstitionibus & hæresibus, eorum secta ab Alexandro III. reprobata est, ut scribit Abbas Urspergensis in *chronico ad an. 1212*. Hoc exemplo excitati SS. Franciscus & Dominicus volentes similiter novos Ordines instituire, suo iudicio confidere noluerunt, sed a Romano Pontifice confirmationem petiverunt & obtinuerunt; quemadmodum refert Cardinalis Bellarminus tom. 2. *controv. lib. 2. cap. 4*. Paulo post hæc summus Pontifex Innocentius III. in Concilio Generali Lateranensi prohibuit, ne quis de cetero novam Religionem inveniat, sed, quicumque ad Religionem converteri voluerit, unam de approbatis assumat, quemadmodum legitur in *cap. Ne nimia, de Religiosis domibus*, Matthæus Parisius ad *an. 1246*. ita scribit de hoc statuto Concilii Lateranensis: *Post Ordines Prædicatorum, & Minorum institutos & autorizatos, irrefragabiliter sancitum & statutum fuit, assensum Fratribus Cardinalibus cum tota sacri Concilii universitate præbentibus, ne ex tunc amplius novi Ordines advenirentur, vel advenienti admitterentur, ne scilicet authenticis ac jam recepti Ordines vilescerent spretis, & similiter damnificati*. Cumque, non obstante prædicto Conciliari decreto, variz nihilominus ac novæ quotidie Religiones instituerentur, uti prosequitur idem Parisius, B. Gregorius Papa X. in Generali Concilio Lateranensi, relato in *cap. unic. de Religiosis domibus in sexto*, inhibuit, ne aliquis de cetero novum Ordinem aut Religionem adveniret, vel habitum novæ Religionis assumeret, prohibitis & revocatis Religionibus & Ordinibus Mendicantibus post Concilium Lateranense advenientis, qui nullam Sedis Apostolicæ confirmationem obtinuisent. Requiritur ergo Sedis Apostolicæ approbatio in fundatione novæ Religionis. Melchior Canus de *loc. Theolog. lib. 5. cap. 5*. docet, hac in re iudicium summi Pontificis falli posse, cum non solum a scientia, sed etiam a prudentia dependeat. Ejus opinio communiter ab aliis rejicitur, cum summus Pontifex aliquam approbans Religionem, eam toti Ecclesiæ proponat uti veram viam ad comparandam Christianam perfectionem; qua in re ejus iudicium debet esse certum: nec vero obstat, quod nonnullæ Religionem jam approbatæ, fuerint deinde suppressæ; cum per suppressionem non reprobetur status Religionis, sed declaretur, Religiosos illius Ordinis consilia Evangelica, & vota recte non observasse, vel illis pravas consuetudines admisicuisse; uti late ostendunt *Lexana tract. 1. de Fide disput. 8. quest. 5*. Tannerus in 2. 2. *D. Thoma disp. 1. quest. 4. dub. 7*. Andreas Lao in *tract. de summo Pontifice, dub. 4. §. Colligitur tertio, cum seqq.* Marchesius de *Capite visibili Ecclesiæ, dub. 5. §. 5. per tot.*, Dominicus a Sanctissima Trinitate de *summo Pontifice, cap. 19. §. Quinta conclusio*, Gregorius de Valencia de *Romano Pontifice, quest. 6. §. 41*.

5 Succedunt Monachi, ceterique Regulares. Atque in examine causarum horum Dei Servorum, qui Religiosam in Clauistro vitam duxerunt, nonnulla videntur specialiter adnotanda. Horum primum est, an sanctæ vocationis ad statum Religiosum indicia præcefferint: nec enim hodie viget antiqua illa disciplina, juxta quam infantes, qui monasterio a parentibus offerebantur, monasticam vitam necessario amplecti debebant, de qua Textus in *can. Monachum*; in *can. Quicumque*; in *can. Quem progenitores* 20. *quest. 1.*; & in *cap. Cum virum, de Regularibus*: nam ex disciplina hodierna si quem parentes infantem monasterio offerrent, cum decimum quintum ætatis annum attingeret, monendus esset, an egredi vellet e monasterio; & si egredi vellet, ei esset concedenda egrediendi licentia, juxta Textum in *can. Illud* 20. *quest. 1.*; & in *cap. Significatum, de Regularibus*. Secundum, de quo inquiri debet, est, quomodo Regularis & Constitutiones Religionis observaverint. Tertium, an ita vixerint, ut vere a mundo segregati dici potuerint. Quartum, an, si forte a Religione egressi sint, utpote ad Ecclesiasticas dignitates vocati, humilitatem Religiosam conservaverint, & vota Religiosa, quæ cum statu assumpto coalescere poterant, observaverint.

6 De indiciiis sanctæ vocationis ad Religionem loquitur Leo X. in bulla Canonizationis S. Francisci de Paula pag. 201. *cod. Canoniz.*: *Insigne specimen sanctitatis futura præferens, solitudinem & Religionem diligere, ac orationibus & jejuniis assidue vacare cepit: qua cum ejus parentes animadvertissent, ipsum annum circiter decimum tertium agentem, juxta votum per eos emissum, Domui Sancti Francisci civitatis Sancti Marci obtulerunt. Sixtus V. in bulla Canonizationis S. Didaci pag. 234. *cod. cit.*: *Adolescens ex medio Babylonis fugiens, hoc est ex laqueis & periculis sæculi, poenitentis habitu indutus, in propinquam solitariam ecclesiam una cum pio quodam Sacerdote spiritualis viæ duce & socio secessit &c. Post aliquos vero annos, ut se arctioribus vinculis Christo asringeret, & a mundi tempestatibus quam longissime discederet, & sub sinu obedientia jugo Deo securus & fructuosius serviret, in portum Seraphica Sancti Francisci Religionis confugit. Clemens VIII. in bulla Canonizationis S. Raymundi, pag. 263. postquam retulit, solemnem ab eo emissam fuisse professionem in Ordine Fratrum Prædicatorum, dum ageret annum circiter quintum supra quadagesimum, subjicit: *Quod ut omnibus admirationi fuit, hominem genere nobilem, doctrina præstantem, affluenter bonis, dignitate & fama celebrem; suscepto Religiosa vitæ Instituto, spontaneam paupertatem opibus, suique contemptum honoribus & commodis prætulisse. Ita ejus exemplo complures litterati, ac studiis doctrinisque dediti nobiles viri eundem Ordinem sunt amplexi, ac propterea magnum ea Religio in dicta civitate suscepit incrementum. Urbanus VIII. in bulla Canonizationis S. Francisci Xaverii pag. 342.: Cumque Lutetia commoraretur, in familiaritatem Sancti Ignatii assumptus, ac postmodum in Socium ipsius, qui id ardentibus precibus a Deo ad ingentem Ecclesiæ utilitatem præstandam postulaverat, adscriptus, eoque duce, ingressus***

gressus erat arctam viam, quæ ad vitam ducebat. Ut enim spiritu vivificaretur, carnem suam ad antiquorum sanctorum Patrum exemplum severissime mortificaverat. Innocentius XII. in bulla Canonizationis S. Paschalis Baylonii pag. 471. : *A teneris annis insigne futura sanctitatis specimen dedit &c. Simplex, rectus, & timens Deum, ætate simul & virtutibus crescebat Paschalis &c. Ardore itaque Religiosi Instituti, quod paupertate & observantia præsaret, ab ineunte ætate succensus, circa annum salutis millesimum quingentesimum sexagesimum quartum voti compos efficitur. Benedictus XIII. in bulla Canonizationis S. Peregrini Latiofi: Quem, licet christiane educatum, atque a teneris annis Deipara Virgini speciali studio addictum, tamen corrupti sæculi mores eo abduxerunt &c. ut Philippum Benitum &c. alapa in faciem percuteret. Philippo tamen pro hostibus suis Deum exorante, Peregrinus admissi criminis dolore tactus flevit amare, ac Philippum extra civitatem propere adiens veniam suppliciter deprecatus est; inque viam salutis a pio viro ductus, Regule Fratrum Servorum nomen daturus monitu Deipara Virginis atque Angelo comite Senas, quæ est civitas Virginis, statim profectus est, ubi novum plane hominem induens omni genere poenitentia se totum Deo dicavit, ut præteritum facinus indequaque expiaret. S. Thomas 2. 2. quæst. 189. art. 1. docet, Religionem ingredi non solum expedire iis qui sunt exercitati in præceptis, ut ad majorem perfectionem veniant, sed etiam iis qui non sunt exercitati, ut facilius peccata vitent, & perfectionem assequantur; & in volumine primo operum S. Bernardi extant plures epistolæ, quibus nonnullos hortatur ad claustralem & Religiosam vitam amplectendam. Hujusmodi est epistola 104. & aliz, quæ sequuntur.*

7 De observantia Constitutionum Religionis, cui Dei Servi nomen dederunt, fusissime agit Scacchus de not. & sign. sanctit. sect. 6. cap. 4. & quæ ibi afferit, late confirmat allatis amplissimis testimoniis bullarum Canonizationis prædictorum Dei Servorum. Asserta Scacchi summatim exponemus, at prædictas summorum Pontificum bullas, ne actum agere videamur, qui legere cupiet, eas vel in codice Canonizationum legere poterit, vel ipsarum verba, quæ ad rem faciunt, apud eundem Scacchum. Afferit itaque Scacchus, sanctitatis notam peculiarem in aliquo Dei Servo Regulari ex tribus capitibus esse desumendam, ex progressu videlicet illius de virtute in virtutem ratione status Religiosi, ab exacta observantia & custodia votorum, quæ nuncupavit, quando Professionem emisit, & denique ex vigilantissima observantia & custodia illorum omnium, quæ tam in Regula, quam in Constitutionibus sui Ordinis continentur, sive præcepta sint, sive non. Duplex ab eodem Scaccho ratio affertur: altera est, quod illi, qui ab Ecclesia canonizantur, proponuntur ut norma morum; quapropter, si aliquis contemptor aut violator sui Instituti, etiam in minimis, a summo Pontifice beatificaretur aut canonizaretur, videretur Ecclesia saltem non reprobare hujusmodi transgressiones, nec in Canonizandis requirere omnimodam perfectionem, qualem in Discipulis requirit Christus dicens :

cens: *Estote perfecti, sicut & Pater vester celestis perfectus est*. Altera desumitur ex hoc, quod actus virtutum illorum Regularium, de quorum Beatificatione sive Canonizatione agitur, gradum heroicum attingere debent, quem gradum non attingerent acta Servorum Dei, nisi in eis splenderet exacta Regulæ, Constitutionum, & Institutorum omnium observantia. Prosequitur Scacchus, asserendo, Religiosum in obediendo adeo cæcum esse debere, ut, nulla habita nisi liciti & honesti ratione, nulloque discrimine eorum quæ sibi a Superiore injunguntur, eidem omnino prompte & libenter debeat obedire; magnamque obedientiæ perfectionem esse, si aliquis voluntati Superioris obediat, licet non denunciatur, atque adeo etiam si id quod proponitur, non sit præcepti, sed consilii. Ven. Dei Servus Alfonso de Oroasco, de cujus heroicis virtutibus favorabile iudicium latum est a sacra Congregatione, & a summo Pontifice nuper confirmatum, & in cujus causa, dum essem Fidei Promotor, consuetas exaravi animadversiones, ita scribit de obedientia in libro certam. boni ad finem par. 4. cap. 31. pag. 189. *Si corpus tuum spiritui, Deo opitulante, subegisti; si conscientiam tuam, in qua gaudium & gloria sita est, expurgare studuisti; si denique pro virili clausuram monasterii servasti, obedientia tibi opus est, sine qua cuncta Religiosi opera vacua sunt, teste Sancto Augustino. Quid multa? Melior est obedientia, quam victima, veluti Samuel Sauli Regi locutus est. Felix Monachus, qui toto pectore obedientiam diligit, eamque in omnibus, etsi minimis, rebus servat. Hic sane cum Christo Jesu Patri obediente usque ad mortem oraculum hoc fixum habet in corde, semper & ubique dicens: Sicut mandatum dedit mihi Pater, sic facio. Non domum quam volo, habito. Non vestem quam cupio, induo; sed pannosa, quam Prelatus mihi præstitit, utor. Non ministerio, quod cogitavi, honorifico fungor; sed, obedientia omnia moderante, Fratribus meis inservio. Hactenus Oroasco. Scacchus autem prosequitur, asserendo, Religiosum adeo castum esse debere, ut nec nutu oculorum, nec verbis aliquid in moribus illius suspicari liceat, quod cordis munditiam non redoleat, omnemque idcirco mulierum familiaritatem, etiam consanguinearum, ab eo esse declinandam. Denique, paupertatis voti observantiam adeo strictè Religioso esse conservandam, ut sanctam paupertatem non solum teneat & observet, sed etiam amet, amplectatur, & ita complectatur, ut neque in vestitu, neque in suppellectilibus cellæ aliquid appareat, quod paupertatem non redoleat: nihil sibi proprium vindicat, ne in libris quidem aliquid velut proprium retineat; immo ardentissime concupiscat, inter pauperes pauperissimus fieri. Concludit denique Scacchus, horum omnium indaginem severam adhibendam esse, cum agitur de Servis Dei Regularibus Beatificationis & Canonizationis causa; additque, plurimum ad Religiosi perfectionem conducere, si colligat se ipsum intra septa non tam monasterii, quam etiam cellæ, iis dando operam studiis, quæ Instituti, quod profiterur, propria censeantur, & præsertim orationi, ac lectioni sacrorum librorum, quibus homo perfecte instruitur ad regnum Dei.*

8 Uti dictum est, Scacchus assertiones suas plene confirmat auctoritatibus summorum Pontificum in bullis Canonizationum. Nos alibi nonnulla addemus quoad paupertatem, & obedientiam. Quæ ab eodem Scaccho dicuntur de castitate, & sobria frequentatione alterius sexus, illustrari facile possunt argumentis undique collectis a Gonzal. in cap. *Inhibendum*. num. 8. & *seqq. de cohabit. Cleric. & mulier.* & a Theophilo Raynaudo tom. 12. in tract. de sobria alterius sexus frequentatione per sacros, & Religiosos homines, ubi ostendit, omnes sacros homines tali necessitati esse obnoxios, etiam si sint Confessarii, etiam si sint senes & annosi, etiam si sint perfecti, & quamvis mulieres sint ævo detritæ, & deformes; uti legi potest pag. 266. & *seqq.* & pag. 274. & *seqq.* S. Hieronymus ita Nepotianum, & unumquemque sacrum hominem alloquitur (epist. 52. num. 5. col. 257. tom. 1. oper.): *Hospitium tuum aut raro, aut nunquam mulierum pedes terant. Omnes puellas & Virgines Christi aut aequaliter ignora, aut aequaliter dilige. Ne sub eodem testamento maneres, nec in præterita castitate confidas. Nec David sanctior, nec Salomone potes esse sapientior. Memento semper, quod paradisi columnam de possessione sua mulier eiecerit.* Illustris est quoque ejusdem S. Hieronymi locus ad Eustochium, num. 7. col. 91. cit. tom. de se ipso sic loquentis, licet a consortio feminarum esset remotus, & poenitentis attritus: *O quoties ego ipse in eremo constitutus & in illa vasta solitudine, qua exusta Solis ardoribus horridum Monachis præstat habitaculum, putabam, me Romanis interesse deliciis!... Horrebant sacro membra deformia, & squalida cutis fixum Æthiopica carnis obduerat. Quotidie lacryma, quotidie gemitus; & si quando repugnantem somnus imminens oppressisset, nuda humo ossa vix hærentia collidebam. De cibis vero & potu taceo, cum etiam languentes Monachi aqua frigida utantur, & coctum aliquid accepisse, luxuria sit.... Scorpionum tantum socius, & ferarum, sæpe choris intereram puellarum.... & mens desiderii aestuabat in frigido corpore, & ante hominem sua jam in carne præmortuum sola libidinum incendia bulliebant.* Idem Theophilus oper. tom. 17. pag. 250. & *seqq.* congesta de more undique eruditione, ostendit, indecens esse Religiosis aulas frequentare; quod ad solitudinem a Scaccho insinuatam referri potest. Cardinalis Pallavicinus in *Judiciis Societatis Jesu* cap. 51. accusationi intentatæ contra suum Ordinem de supposita nonnullorum aulæ frequentatione ita respondet: *At, quatenus accusatio eadem Societatis Institutum, aut Moderatores perstringit, innocentissimos perstringit. Institutum enim nulla major cura, quam Sodales a rebus profanis abstrahere. Huc spectant interdictiones illæ, ne quis nestrion tutor sit, vel negotiorum rerumque civilium utcumque procurator; ne ullius rei gerenda, quantumvis pia, curam assumeret, aut ad eam sumendam se propensum ostenderet, Præsede inconsulto; ne Proceres ac Magnates adeat sine summi, qui in ea Urbe sit, Præpositi venia.* S. Thomas opusc. 19. contra impugnantes Religionem cap. 19. causas recenset, propter quas aliquando possunt Religiosi cellam deferere, & aulas adire: & Postulatores, doctrinæ S. Thomæ innixi, aliquando diherunt oppositionem a me propositam, dum officio Fidei Promotorisungebar adversus

Dei Servos Religiosos, de quorum virtutibus in sacrorum rituum Congregatione agebatur, quod aulam frequentassent. Verba autem S. Doctoris sunt hæc: *Ut ergo appareat, quid in ista controversia sit tenendum, sciendum, quod sancti viri aliquid propter se querunt, aliquid propter alios: propter se quidem querunt, Christo per contemplationem inharere, vel in hoc mundo, quantum presentis vite infirmitas patitur, vel in futura vita, ubi enim plenissime contemplantur: sed propter alios interdum coguntur a desiderata contemplatione discedere, & se actionum tumultibus implicare. Sic ergo & in desiderio habent quietem contemplationis, & tamen propter salutem Proximorum patienter sustinent laborem actionis. Unde Paulus Philipp. 1. Coarctur e duobus, desiderium habens dissolvi, & esse cum Christo, permanere autem in carne necessarium propter vos. Gregorius etiam in homil. 42. part. sup. Ezech. ait: Menti Sponsum suum fortiter amanti una solet esse consilatio, si per hoc, quod ipsa a visione differtur, aliorum anima per ejus verba proficiant, & ad caelestem Sponsum amoris facibus inardescant. Et hac necessitate contingit, quod Sancti quadaque multitudinibus se ingerant, & Magnus gratiam & consortia querant, non favore humano vel potentia delectati, sed ut plures ad viam salutis trahere possint, quia, ut dicit Augustinus 8. Confessionum, Multis noti, multis sunt auctoritari ad salutem, & multis praeiungi securis: quia, ut ipse infra dicit, Plus hostis vincitur in eo, quem plus tenet, & de quo plures tenet. Plus autem superbos tenet nomen nobilitatis, & de his plures nomine auctoritatis. Ideo, urgente Charitate, nobilium, & auctoritatem habentium Sancti consortia querunt, ut per eos pluribus possint proficere ad salutem; & nisi hoc facerent, essent merito arguendi. Concordant ea, quæ ab eodem S. Doctore traduntur 2. 2. quest. 137. art. 2. De S. Bernardo hæc habentur in ejus vita scripta a Gaufrido Monacho (cap. 2. num. 5. col. 1134. oper. vol. 2.): Desideraverat tamen ab initio, omni modo subtrahere se negotiis, & nusquam egredi, sed in monasterio residere. Quod & postmodum, ex defectu corporis occasionem invenisse se reputans opportunam, aliquando statuit, & aliquandiu tenuit, donec illum exire coegit necessitas gravis Ecclesie Dei, & summi Pontificis, atque omnium Abbatum sui Ordinis iussu, quibus per omnia tanquam Patribus deferrebat ipse omnium Pater: & legi potest ejusdem S. Bernardi epistola 21. ad Matthæum Legatum col. 38. oper. vol. 1.*

9 Illustrantur præterea memoratæ Scacchi assertiones doctrina prædicti D. Thomæ 2. 2. quest. 186., ubi art. 1. probat, Religionem significare statum perfectionis, cum faciat, ut homo prorsus inhereat Deo: art. 2. probat, eum qui itatum Religionis assumit, teneri operam dare, ut habeat Charitatem perfectam, & sic omnia illa, quæ in Regula statuta sunt, quam professus est, & quibus ad perfectionem pervenitur, præstet & exhibeat: art. 3. probat, ad acquirendam perfectionem Charitatis Paupertatem voluntariam esse primum fundamentum, juxta illud Matth. 19. v. 21. *Si vis perfectus esse, vende, vende quæ habes & da pauperibus, & habebis thesaurum in celo; & veni, sequere me:* Art. 4. probat Continentiam perpetuam requiri ad perfectionem Religionis, cum ad statum Religionis necessaria sit remo-

tio

tio eorum , per quæ homo impeditur , ne feratur omnino in Dei servitium : *art. 5.* probat , etiam Obedientiam requiri ad Religionis perfectionem , cum status Religionis sit quædam disciplina , vel exercitium ad eam tendendi , & , quicumque instruuntur , ut perveniant ad aliquem finem , oporteat , ut , quasi discipuli sub magistro , alicujus ductum sequantur : *art. 6.* probat , ad Religionis perfectionem Paupertatem , Continentiam , & Obedientiam debere voto firmari , cum ad statum perfectionis necessaria sit obligatio ad ea quæ sunt perfectionis , quæ Deo sit per votum : *art. demum 7. & 8.* probat , in dictis tribus votis consistere perfectionem Religionis , & inter tria vota potissimum esse Obedientiæ votum , cum per illud homo Deo offerat aliquid majus , videlicet voluntatem , quæ potior est corpore , quod homo offert Deo per Continentiam , & rebus exterioribus , quas homo offert Deo per votum Paupertatis .

10 Vera a sæculo segregatio , quæ ab observantia voti Paupertatis , & Obedientiæ causam habet , secum fert voluntatem omnino adversam muneribus & dignitatibus assumendis in Religione , & eo fortius extra Religionem , nisi debitæ adsint circumstantiæ . Huc referri possunt , quæ alibi dicta sunt de fuga Sanctorum , cum ad Episcopatum vocarentur , quorum nonnulli erant Religiosi , & Monachi . Huc itidem referri possunt , quæ habentur in bulla Canonizationis S. Raymundi de Pennafort , ubi non modo legitur , eum recusasse dignitatem Archiepiscopatus Tarraconensis sibi a Gregorio IX. delatam , sed etiam dimisisse officium Confessarii ejusdem Pontificis , necnon Pœnitentiarii , & demum Magistri Generalis sui Ordinis , postquam illud per biennium administraverat . Huc denique referri possunt , quæ narrantur de Ven. Cæsare Cardinali Baronio non Monacho , non Regulari , sed tantum Presbytero Congregationis Oratorii , cum summus Pontifex Clemens VIII. eum adscripsit inter Protonotarios Apostolicos supra numerum . In *epistola nuncupatoria tom. VII. annalium ad eundem Pontificem (edit. Romana an. 1596.)* sic Cardinalis de honore sibi delato conqueritur : *Vicisti tandem animum refractarium , atque flexisti cervicem ferream , sed , fateor , non domuisti , ut impositum honoris jugum aquo animo ferrem , quod ad singula ferme momenta (scis Deus) a me excussissem , si licuisset : & latius in epistola ad Antonium Talpam , quam Hieronymus Barnabeus inseruit in vitam prædicti Cardinalis lib. 2. cap. 3.* Ab ea quippe colligitur , quam sortiter Pontifici resistit tum per se , tum per magni nominis intercessores . Ceterum post dignitatem assumptam (ut est in eadem epistola) a Vallicellanis ædibus non exivit , nec pristinum vitæ institutum mutavit , sacrasque Confessiones , uti prius , excepit , & in Oratorio , ut prius , sermones habuit : *Venerunt ad me per hos dies Cardinales aliquot , alii per nuntios me visitarunt . Ego vero domi habitu meo utor , meoque cubiculo : etsi enim Patres aliud cubiculum adjungere voluerant , tamen acquiescere nolui . Famulum unum accepi , quemdam nimirum ex meis in spiritu filius , qui extra ades nostras degit : præter hunc retineo Amanuensem meum : quotidie mane in ecclesia Confessiones audio , ut sole-*

ut solebam : uno verbo idem sum , qui fueram ; domesticus , ut ne alio , quam *Patris nomine me appellent , serio admonui .*

II Univerſa Eccleſia tam Orientalis in Synodo vltima OEcumenica contra Photium *can. 14.* , quam Occidentalis in Concilio generali Lateranenſi ſub Innocentio III. *can. 16.* Monachos ad Episcopatum promotos obligat ad deferendum habitum Regularem : quæ ſanctio legitur in *cap. Clerici officia , de vit. & honeſt. Clericorum .* Docet D. Thomas 2. 2. *quaſt. 88. art. 11. ad quartum , & quaſt. 185. art. 8.* Religioſos aſſumptos ad Episcopatum teneri ad Regulares obſervantias , quæ non impediunt officium Pontificale ; quod ipſum ad eodem Regulares ad Cardinalatum evectos extenditur , juxta ea quæ habentur apud Dominicum de Sancto Thoma de Eccleſia Chriſti , & Papa ſect. 18. *quaſt. 9. tom. 10. Max. Biblioth. Pontificia .* Ac de hujus ſententiæ veritate abſolum eſſet dubitare poſt editam a Benedicto XIII. Conſtitutionem anno 1725. quæ incipit , *Cæſt. des .* Poſtquam etenim ipſe Regulam Ordinis Fratrum Prædicatorum , quam fuerat profeſſus , ad amuſſum obſervaverat per totos quinquaginta tres annos , quibus onus Episcopale ſuſtinuit , quod ipſum præſtitit toto tempore , quo in ſummo vixit Pontificatu , hæc ſubjecit in prædicta Conſtitutione : *Statuimus atque ſancimus , ut ex Monafterio , Regulari , & Mendicantium Inſtituto ad Episcopalem , ſeu quacumque aliam dignitatem , etiam S. R. E. Cardinalatum , jam evecti , & in poſterum evehendi univerſi & ſinguli ſua Regula officiis & obligationibus , qua Pontificale , ſive cujuſcumque alterius dignitatis , aut Cardinalatus officium minime impediunt , perpetuo ſubſint .* In Conſtitutionibus Societatis Jeſu cautum eſt , ut ſi Socius aſſumatur ad dignitates extra Societatem , promittat , ſe auditurum conſilia Præpoſiti Generalis , eademque excutaturum , ſi ſibi meliora videantur , veluti late docent Vaſquez 1. 2. *diſput. 165. cap. 8. num. 89. in fin. , Sanchez lib. 6. in Decalog. cap. 6. num. 15. Suarez tom. 4. de Religione tract. 8. lib. 3. de Religioſis mutantibus ſtatum cap. 17. num. 8. Cardinalis Pallavicinus in vindicationibus Societatis Jeſu cap. 36. & pluribus ſeqq.* Cohærenter ad hæc prohibitum eſſe legimus Monachis & Regularibus ad Episcopatum aſſumptis teſtamentum ſacere ſive de rebus acquiſitis ex proprio latore & induſtria , ſive de rebus acquiſitis jure hereditario , uti legitur in *can. Statutum 18. qu. 1. niſi ſummi Pontificis accedat diſpenſatio , quemadmodum proſequuntur S. Thomas 2. 2. quaſt. 185. art. 8. ad tertium , & S. Antoninus in Summa 3. part. tit. 20. cap. 2. §. 7. verſ. Si tamen ex conceſſione .* Memini , in cauſa B. Alexandri Saulii ex Congregatione Clericorum Regularium S. Pauli Barnabitarum , ad Alerienſem , deinde ad Episcopatum Papienſem aſſumpti , dum Promotoris officio fungerer , duplicem , & quidem non modicam , excitatam fuiſſe difficultatem , alteram , quod , licet Regularis , teſtamentum condidiſſet , & hæc fuit de medio ſublata per exhibitionem facultatis teſtandi ipſi conceſſæ a ſummo Pontifice Gregorio XIII. ; alteram , quod non ſervaiſſet modum in facultate præſcriptum , & hæc quoque de medio ſublata fuit a Poſtulatoribus , qui oſtenderunt , condi-

conditum ab eo fuisse testamentum ad causas pias, servatis ad amissum quoad substantiam & modum præscriptis in Indulto Gregoriano.

12 Summus Pontifex Innocentius III. anno 1200. Episcopum Penensem severe objurgavit, quod ex Abbate Cisterciensi factus Episcopus, Cisterciensis Ordinis observantias non custodiret, quemadmodum colligitur ex ejus epist. rom. 1. lib. 5. pag. 666. *Tu si nimis dolore cordis intrinsecus & gravi morore turbati, quod tu, sicut accepimus, in injuriam Ordinis tui, & infamiam Ordinationis nostræ agis in pluribus ut apostata, qui teste Scriptura, Vir inutilis appellatur. Si enim diligenter attenderes, quod te de Monacho non simplici, sed Abbate duximus in Episcopum assumendum... eam deberes servare tam in vita, quam moribus honestatem, quæ ad salutem tibi proficeret, & subditis ad exemplum. Verum, de quo miramur non modicum & movemur, propria conditionis oblitus, quod post acceptum Episcopatum quadam illicita liceas & expedias, quæ Fratrum Cisterciensium observantia reputatur inhonestæ, picturata sella, & chirothecis uteris fericatis, amplo te galero coronas, & carnibus publice usque ad saturitatem te repleas, ei forsitan per insignia hujusmodi comparandus, de quo data ei tunica pellicea, scriptum esse legitur: Ecce Adam factus est, sicut unus ex nobis, sciens bonum & malum... Meminimus quidem, & tu debueras meminisse, qualiter in recessu tuo coram Fratribus nostris districtè tibi duximus injungendum, ut Cisterciensis Ordinis observantias custodires, cum Pontificalis susceptionis dignitatis non absolveres te a voto, ex qua, licet cum honore sis, sic onus sibi magis auxerit, ut Religioni nihil penitus deperiret, per quod ejus habenas taliter relaxaret. Ideoque Fraternitati tuæ per Apostolica scripta mandamus atque precipimus, quatenus... ipsa corrigas vitam tuam, & te sic observantia Regulari conformes, ut non rediisse ad seculum, sed in seculo potius ipsum & pompas ejus contemnere videaris. Alioquin, cum admonitio præcesserit, de cetero vindicta sequetur.*

13 De Petro Eremita seu Monacho de Murrone, sumpto cognomine a monte Murrone, sub nomine Cælestini V. in summum Pontificem electo, & deinde inter Sanctos adscripto narratur, eum induci non potuisse, ut equo veheretur. Itaque humili asello sedens Aquilam perrexit, ut ornamenta Pontificalia suscipere, a Carolis patre, & filio Regibus Siciliæ, & Hungariæ, aliisque Magnatibus deductus, predictis Regibus affini frenâ tenentibus. Quocirca Jacobus Cardinalis Diaconus S. Georgii ad Velum aureum in præfatione ad poema de S. Cælestino apud Bollandianos ad diem 19. Maji ita de eo cecinit:

*Invenimus vitem Murro conscendit asellum,
Regum frena manu dextra lævaque regente
Pontificis.*

Quod ab eo factum fuisse explicat Petrus Cardinalis de Alliaco in ejusdem Pontificis vita lib. 1. cap. 11. ne a monasticæ humilitatis proposito recederet: Hoc autem ab eo factum est, non quidem superba singularitate, quasi alios, qui aliter fecerant, reprobare volueris; sed singulari humilitate, quæ a sanctæ rusticitatis monasticæ consuetudine nec facile nec cito avelli potuit. In bulla Canonizationis

nizationis Sancti Pii V. ex Ordine Prædicatorum ad summum Pontificatum evecti san. mem. Clemens Papa XI. ita locutus est: *Nihil enim de pristina Religiosa vita severitate remiseras, demptisque Principatus insigniis, & externo dignitatis splendore, in mentis recessu privatum agebat: quod ipsum late persecuti sunt Rotæ Auditores in relatione causæ ipsius tit. de temperantia.* Alia non desunt exempla sanctorum Episcoporum ex Monachis aut Regularibus assumptorum, qui eodem modo in Episcopatu vitam traduxerunt. Auctor vitæ S. Fulgentii Episcopi Ruspenfis cap. 18. & 19. (sub initio operum ejusdem pag. 18.) hoc de ejus vita in Episcopatu profert testimonium: *Suscepit interim Beatus Fulgentius Episcopatum sine aliqua ambitione cum maxima devotione Nec ita factus est Episcopus, ut esse desisteret Monachus; sed, accepta Pontificis dignitate, professionis præterita servavit integritatem. Servata vero professionis integritas plus ornavit Pontificis dignitatem. Numquam denique pretiosa vestimenta quævisit, aut quotidiana jejunia prætermisit, aut conditus sua viter cibos vel inter hospites manducavit, aut discumbendo saltem requiescere, & resolvere rigidum propositum voluit; sed una tantum vilissima tunica, sive per æstatem, sive per hiemem, patienter indutus. Orario quidem, sicut omnes Episcopi, nunquam utebatur; pelliceo cingulo, tamquam Monachus, utebatur. Sic studio humilitatis ambitionem vestium fugiebat, ut nec ipsa calcementa suscipiens Clericorum aut ultimis caligis in tempore hiemis, aut caligulis in tempore æstatis uteretur. Intra monasterium sane interdum soleas accipiebat; frequenter nudis pedibus ambulabat. Casulam pretiosam, vel superbi coloris, nec opse habuit, nec Monachos suos habere permisit. Subtus casulam nigello, vel lactinio pallio circumdatus incescit. Quando temperies aeris invitabat, solo pallio intra monasterium est coopertus. Scapulis vero nudis nunquam a nobis visus est: nec deposita saltem cingulo somnum petivit. Suae autem continentie, Deo teste, fiduciam gerens, in qua tunica dormiebat, in ipsa sacrificabat; & tempore Sacrificii mutanda esse corda potius, quam vestimenta, dicebat. Huic beatissimo Sacerdoti nullus aliquando extorsit, cujuslibet generis carnes accipere, sed sola simpliciter olera, psittacas, & ova, quamdiu fuit juvenis, sine oleo: postquam vero senuit, superfuso oleo manducavit; ideo oleum persuasus accipere, ne caligo prævalens oculorum, lectionis impediret officium. A vino autem sanus semper abstinuit. Si quando vero, compellente infirmitatis necessitate, vino modico uti cupisulus est, calicibus plenis aqua superfundens quidpiam meri, nec saporis ejus nec odoris jucunditate fruebatur. Antequam vigiliæ nuntiarentur a Fratribus, ipse semper corde & corpore vigilans aut orabat, aut legebat, aut distabat, aut cuicumque spiritale meditationi solus vacabat, quia se per diem filiorum Ecclesiæ necessitatibus occupari jugiter sciebat. Ad agendas cum servis Dei vigilias inserdum descende-
bat, sed privatas apud se vigilias studiis, quibus dixi, multo laudabilius exercebat. In nullo autem loco visus est sine Monachis habitare: propter quod a civibus Ruspenfis hoc primum beneficium ordinatus Episcopus postulavit, ut fabricando monasterio locum congruum darent &c..... Si quando ad se videndos, jubentibus duntaxat Prioribus, venirent, non ut hospites, sed quasi unitus Congregationis*

tionis homines suscipiuntur. Beati vero Fulgentii Episcopi provisionibus communiter gubernati. Patrem spiritalem simplici venerantur affectu, sic Beato Fulgentio singula disponente, ne, suscepta regendorum sarcina Clericorum, consolationem perderet Monachorum. Petrus Venerabilis Cluniacensis Abbas lib. 2. de miraculis cap. 14. encomium facit præstantissimum Matthæi ex Monacho Cluniacensi ab Honorio II. evecti ad sublimem dignitatem Cardinalis Episcopi Albanensis. En verba Petri: Profectus ad sublimem Pontificalis Ordinis gradum nihil de Monachis quorundam more dimisit; sed, sicut de Beato Martino legitur, eadem in corde ejus humilitas, eadem in vestitu ejus vilitas mansit; nihil de officiis, nihil de cantu, nihil de prolixiori Cluniacensi psalmodia quarumlibet curarum prætextu reliquit. Servabat in palatio instituta Clausura. De Ven. Dei Servo Cardinali Francisco Ximenes de Cisneros Toletano Archiepiscopo, Hispaniarum Primati, magno Regni Cancellario, supremo Fidei Inquisitore, S. R. E. Cardinali, & universæ ditionis Hispanicæ Gubernatore certa monumenta supersunt, eum, licet annum septuagesimum ætatis suæ excessisset, & in varias corporis infirmitates incidisset, nedum jejunia & abstinencias per Ecclesiam indictas, sed etiam per Regulas Fratrum Ordinis Minorum S. Francisci de Observantia, cujus professor erat, demandatas observare consuevisse, habituque & cingulo per dictos Fratres gestari solito nocte indutum in lectum se recipere: quarum rerum notitia delata ad summum Pontificem Leonem X., ipse animadvertens, Cardinalis vitam & salutem magno adjumento Ecclesiæ Catholicæ futuram esse, virtute sanctæ obedientiæ per litteras Apostolicas ei præcepit, ut a prædictis abstineret. *Præcipimus & mandamus, ut de cetero, quamdiu in humanis vixeris, diebus juniorum prædictorum, sextis feriis & majoris hebdomade sanctæ duntaxat diebus exceptis, carnibus & aliis sementinam originem ab eis trahentibus vesci & uti debeas, quibus diebus tres Christi pauperes reficiendo omne jejuniorum meritum consequaris, perinde ac si ad litteram jejunia ipsa servares & adimpleres, & ipsis quoque diebus superius exceptis, dum Medicorum consilio tui corporis saluti expedire decernatur, carnibus & ab eis originem ducentibus tibi similiter vesci ac uti liceat, necnon, habitu sive tunica lanea & cingulo prædictis per te dimissis, linea duntaxat tunica in lecto sindonibus sive linteis lineis strato cubare atque dormire, ac alias in præmissis, & eorum aliquo, Medicorum, qui tui corporis valetudinem curabunt, libero consilio & suasioni parere atque obedire possis ac debeas.* Alia plura erudite collecta legi possunt apud Thomassinum de vet. & nov. Eccles. discipl. part. 3. lib. 2. cap. 50. per tot.

14. Neque in examine Servorum Dei Monachorum & Regularium omitti potest indago, an ad monasterium redierint, dimisso aliqua de causa Episcopatu: id enim palam faciet, eos non irrepsisse ad Episcopatum, ut hac vita Regularem observantiam deferentes, extra sua Clausura vitam ducerent. Ad monasterium redierunt S. Cælestinus V. dimisso Papatu, S. Gregorius Nazianzenus, & B. Petrus Damiani, dimisso Episcopatu; celebrequè est exemplum Ardicini junioris a Porta, Alerienfis Episcopi & S. R. E.

S. R. E. Presbyteri Cardinalis renuntiati ab Innocentio VIII. qui, annuente Pontifice, dimissis dignitatibus, vetus propositum confugiendi in sacram Camaldulensium eremum executioni mandavit. Quibus, aliisque permotus san. mem. Benedictus Papa XIII. in citata Constitutione, quæ incipit, *Custodes*, præcepit, ut Monachi & Religiosi, qui Episcopatu sibi collato quascumque de causa se in posterum abdicaverint, Claustra suæ Religionis repetere omnino teneantur & debeant. Summi Pontificis auctoritate Henricus de Joyosa a Religione Fratrum Capuccinorum translatus fuit ad Fratres Ordinis Hierosolymitani inter Sacerdotes hospitalis, eique indultum est, ut, bello durante, defendendi causa Catholicam religionem & provinciam Occitanam, curta veste indui, & arma gestare, & exercitui præesse, & provinciarum administrationes, regimina & præfecturas, & alias quascumque dignitates seculares tam militares, quam civiles accipere & obire posset: *Cum tuo nomine Nobis fuerit expositum* (verba sunt Brevis Pontificii) pluribusque testimoniis gravissimis aliunde confirmationem, præsentiam & operam tuam in ea administratione adesse necessariam, quod, si ab ea removereris, religio ibi Caëtholica, his præsertim turbulentis temporibus, maxime periclitaretur &c. *Not hanc præcipuam religionis causam attendentes &c.* Compositis rebus, admonitus Henricus, sui egressus e Capuccinorum Religione causam cessasse, ad Religionem reversus est, & mira facundia conciones habuit ad populum juxta morem suorum Religiosorum. Cardinalis de Oisat *epistolar. tom. 1. epist. 23. pag. 433.* meminit dispensationis concessæ pro exitu a Religione Capuccinorum, & *tom. 3. epist. 180. pag. 338.* mentionem facit regressus ad Ordinem. Dominicus de Thou *lib. 122.* factum sic narrat: *Calharina uxore Esperonii sorore defuncta, monasticam vitam in Capuccinorum exortio ante duodecim annos professus fueras, & post Antonii Scipionis fratris ad Villamurium extincti mortem summum armorum imperium a Septimania Ordinibus honorifice delatum susceperas, ac post pacificationem, resumpto Sancti Spiritus torque, etiam Tribuni Equitum dignitate a Rege fuerat ornatus. Rursus mundi curarum pertasus cilicium Lutetia 8. Id. Mart. sumpsit, & concionibus publice habitis, magnam sui admirationem concitavit, stupentibus plerisque, hominem in aula longe a libris educatum tam cito felicitate ingenii & doctum & eloquentem Ecclesiastem evasisse. Alii regressum ad Ordinem Capuccinorum adscribunt lacrymis piæ matris, Regis exprobrationibus, Pontificiis admonitionibus, & ipsius etiam synderesi. Legi possunt Moret. in *dictionar. histor. litera. I. in verb. Joyosa sexto*, Mezzaray in *compendio chronologico histor. Franc. tom. 6. pag. 199.* Ejus vita composita fuit a Domino Calliere, ubi etiam plura narrantur de felici ejus obitu.*

15 Quæ dicta sunt de Regularibus quoad profectum de virtute, & quoad observantiam suarum Constitutionum, locum etiam habere dicenda sunt quoad Moniales, de quarum agitur Beatificatione & Canonizatione; uti prosequitur Scacchus *de not. & sign. sanctit. sect. 7. cap. 2. Eadem denique, servatis servandis, consideranda erunt in examine alicujus Monialis.*

mialis, qua cum sanctitatis opinione decessisset, qua in aliquo Servo Dei Regulari consideranda diximus: non omissa observantia Clausuræ, utpote præcepta a Bonifacio VIII. in cap. Periculoso, de statu Regularium, in 6., & a sacro Concilio Tridentino sess. 25. de Regularibus cap. 5. Adversus quam licet impie Erasimus in vita D. Hieronymi referens ejus sororis conversionem hæc impudenti calamo effuderit: Sub idem ferme temporis Hieronymi soror Virginis Institutum arripuit, instigante Juliano quodam. Sed multum & hoc dissimile ab harum conditione, quas hodie ferreis cancellis, ceu feras indomitas, inclusas tenent. Non quod damnam publicam consuetudinem, sed quæ doleam huc denique delapsam Christianorum pietatem, ut Virginis integritas clausuris ferreis, & repagulis murorum sit extorquenda, cum ea demum religio sit accepta Christo, non qua vi extunditur, sed qua ultro a volentibus offertur; nemo tamen est qui ignoret, sanctarum Monialium clausuram ex institutis Ecclesiæ Catholicæ esse voluntariam. Quocirca nihil aliud superest pro capitis complemento, quam ut aliqua innuantur de Eremitis. Quatuor autem sunt species Eremitarum. Prima est eorum, qui emittunt tria vota substantialia in aliqua ex Religionibus approbatis, quales sunt Eremitæ Camaldulenses, Montis Coronæ, & Montis Senarii: & cum hi sint veri Religiosi, nihil de illis occurrit speciali nota dignum. Secunda species est eorum Eremitarum, qui vivunt in Congregatione quadam, & motum tenent vivendi approbatum ab Episcopo. Hi vere & proprie non possunt dici Religiosi, sed tantum large & minus proprie. Doctrina est Divi Thomæ, eos teneri continentiam fervare, & esse Episcopo subiectos, uti videri potest in 2. 2. quæstion. 186. art. 1. ad tertium, & in 4. sent. dist. 27. in expositione litteræ, ubi sic ait: Eremitæ etiam, quamvis obedientiam non promittant, tamen votum continentiam habent annexum, & ex mora secundum determinatum tempus eorum votum solemnizatur. Quoad hos specialiter querendum erit, an promissam continentiam servaverint, & regulas sibi ab Episcopo præfixas exacte adimpleverint. Tertia species est eorum, qui, quamvis nullam Religionem professi sint, nec vivant in communione aliqua, auctoritate tamen Episcopi sunt addicti servitio alicujus ecclesiæ, & de ejus manibus habitum Eremiticum suscipiunt, & sub illius obedientia vivunt: & quoad hos nihil occurrit animadvertendum, quod in examine Actorum Dei Servorum peculiariter considerari debeat. Ultima demum species est eorum Eremitarum, qui non sunt addicti ecclesiæ servitio auctoritate alicujus Prælati, sed in eremum secedentes in eo degunt, habitu Eremitico ad libitum suscepto. S. Thomas 2. 2. quæst. 188. art. 8. agit de vita solitaria, & docet, eam, si rite recteque assumatur, præminere vitæ sociali; sed esse periculosissimam, si absque prævio exercitio assumatur, nisi per Divinam Gratiâ suppleatur, quod in aliis per exercitium acquiritur. Quocirca, si ad examen deducatur causa alicujus Eremitæ quartæ, aut etiam tertię speciei, sedulo querendum erit, quam ob causam ab hominibus secesserit, & solitudinem petierit: qualis fuerit locus, in quo vitam traduxit, an asper, an ita remotus ab

Tom. III.

B b b b

homi-

hominum consortio, ut commoditate caruerit recipiendi Sacramenta; qualem habuerit suæ conscientię Rectorem; quales peregerit poenitentias ad sensus retundendos, & se ipsum, quantum fieri potest, humiliandum; uti pluribus prosequitur Scacchus *de nos. & sign. sanctis. sect. 6. cap. 5.* pro quo argumento faciunt etiam ea, quæ a Nobis superius dicta sunt de carnis & corporis mortificatione a Dei Servis assumenda, & quæ referuntur in *vita B. Nicolai de Rupe Anachoreta Subsistens in Helvetia* edita a Petro Hugone Presbytero Societatis Jesu, de quo a Nobis tractatum est *lib. 2. cap. 24. num. 8. & seqq.* Causam secessus Alexandræ feminæ solitariae in eremum exponit Palladius in *vitis Parrum lib. 8. cap. 5.* Interrogata quippe Dei Famula a Melania Romana, cur se clausisset, respondit: *Quidam infans mei amore tenebatur, & ne eum viderem, vel molestia afficerem, vel in invidiam vocarem, malui, me vivam in hoc monumento inferre, quam offendere animam, qua facta est ad Dei imaginem.* Loci asperitatem memoravit S. Onuphrius apud S. Paphnutium ejus vice Scriptorem. Maximum laborem in desertis locis esse, non dubitatur, ubi necessaria deficiunt. Tam causam secessus, quam locum, vitam contemplativam, & poenitentias in re, de qua nunc agitur, late exponit Bonifacius IX. in bulla lata pro Canonizatione S. Birgittæ *pag. 152. ced. Canoniz.*, ubi post alios relatos Ecclesiæ status transitum facit ad Anachoretas, sive Eremitas, & ait: *Etiā Anachoreta, & solitudinis acerimi ac eremi Sestatores blandimenta, & captiosi sed venenosi mundi vana spectacula fugientes, ut securi ad patriam pervenirent, latibula petierunt; & antris abditi, parvo & rudi victu, scaturientis aque & levi potu carnem propriam macerantes, & Satana stimulos reprimentes, palliastro, vel tegmine hirsuto amicti, ut plurimum nudis pedibus, & squalida humo, aut stramineo cubili sessa membra somno refoverentes, in sacra contemplatione, & superna majestatis laude vacantes Deo (supple) inserviant.*

16 Docet D. Thomas 2. 2. *quest. 188. art. 3.* posse aliquam Religionem institui ad militandum, non quidem propter aliquid mundanum; sed propter defensionem Divini cultus, & publicæ salutis, vel etiam pauperum & oppressorum. Anno 1118. quidam nobiles ex Equestri ordine, servata castitate, & obedientia, & sine proprio arbitrio se victuros professi sunt sub auctoritate Patriarchæ Hierosolymitani, qui eis imperavit ut vias & itinera ad peregrinorum securitatem, qui templum visitaturi accedebant, contra latronum insidias pro vicibus conservarent. Templarii idcirco dicti sunt, uti refert Archiepiscopus Tyrensis Guillelmus *lib. 12. cap. 7.* Primus hujus Ordinis Magister fuit Hugo de Paganis. Circa idem tempus Raymundus de Podio Equitibus, qui hodie Melitenses dicuntur, Regulam statuit, nonnullosque addixit servicio hospitalis in urbe Hierosolymitana, alios autem tuendæ Fidei, & incolumentati peregrinorum ad loca sancta venientium pugna & armis vindicandæ. S. Bernardus librum composuit *de laude nove militie ad Milites Templi*, ex cujus *cap. 4.* desumi potest, quid inquirendum esset, si ageretur de causa alicujus Servi Dei, qui Ordini Militari nomen

dedi-

dedisset. Gallica quoque lingua est liber, qui in Italicam conversus Romæ prodiiit anno 1713. *De præcipuis obligationibus Equitum Melitensium*. Hic, ubi occasio ferret, consuli posset.

C A P U T XXXVI.

De advertendis in causis Laicorum, & præcipue eorum, qui Imperatores, Reges, aut supremi Principes fuerunt, dum de eorum virtutibus agitur in sacrorum rituum Congregatione, Beatificationis & Canonizationis gratia.

Actum est hætenus de Ecclesiasticis: nunc est agendum de Laicis, inter quos Reges quoque referuntur. Quamvis enim Reges sacra inungantur unctione, nullo tamen modo referri possunt in classem Clericorum, seu personarum Ecclesiasticarum. Dictum est Reges inungi; non inunguntur autem Chrismate, quo Episcopi, sed simplici oleo benedicto, hoc est oleo Catechumenorum. Rursus Episcopi in capite inunguntur; Rex autem inungitur in brachio dextero inter juncturam manus, & juncturam cubiti, arque inter scapulas, ut habetur in *cap. unic. de sacra unctione*, in quo etiam mysteria explanantur: quod ipsum late prosequuntur Alvarus Pelagius *de planctu Ecclesie* lib. 1. *cap. 56*. Catmilus Borellus *de Regis Catholici præstantia* cap. 49. num. 27. & de eadem unctione loquitur Pontificale Romanum *de benedictione & coronatione Regis*. Quinam sunt Reges, qui sacro oleo inunguntur, videri potest apud Azorium *instit. moral. part. 2. lib. 11. cap. 5. quest. 3*. Apud Aimonium *de gestis Francorum*, & alios legitur, sacri ampullam Chrismatis ore columbæ cælitus advenientis allatam esse, cum S. Remigius Remorum Episcopus Clodoveum Francorum Regem (quem nonnulli inter Beatos recensent, quos sequitur Theophilus Raynaudus *tom. 15. in opere, cui titulus, Heteroclitia spiritusalia*, pag. 248.) sacro fonte Baptismatis, & Fidei Sacramentis initiaret; quo sacro Chrismate Rex prædictus sacratus est, ejusque exemplo Successores Francorum Reges ejusdem cælestis ampullæ perenni, nec umquam deficiente sacro oleo hætenus consueverunt inungi, ut apud Cardinalem Baronium *ad an. 499*. unctionis Clodovei Regis mentio fit in *testamento*, quod adhuc extat, Sancti Remigii.

2 At, cum bina extent dicti testamenti exemplaria, alterum prolixius, alterum brevius; prolixius autem, quo unctio refertur, supposititium apud Scriptores Gallicanos habetur; & brevius, in quo nullum de ea re sit verbum, existimetur genuinum: editumque fuerit *tom. 1. Bibliotheca Labbeana*, & in *annalibus Coingtii ad an. 533. num. 1. & seqq.* veluti animadvertunt Pagi senior *ad an. 541. num. 11.* & Graveson *in hist. Eccles. tom. 2. pag. 308.* hinc fit, ut de veritate prodigii tam illi, quam alii Gallicani Auctores dubitare non desinant; idque multo magis, cum Avitus Viennensis, Papa

Anastasius, S. Nicetius Trevirensis, Gregorius Turonensis, Fortunatus in *vi-
ta S. Remigii de Baptismo Clodovei* loquentes, nullum de mirifica ampul-
la, & sacra unctione verbum faciant. Natalis Alexander in *hist. Eccles.
sæc. vi. cap. 4. art. 3.* inter cetera, quibus utitur, argumenta, ut suadeat,
prolixius S. Remigii testamentum apocryphum esse & supposititium, anim-
advertit, in eo dici, Regem Clodoveum unctum fuisse. Ait enim, un-
ctum non fuisse, ut Rex fieret, cum decimum quintum regni annum age-
ret, sed ut fieret Christianus. Quod si unctus in Regem esset, non fuisset
ille ritus omissus ab ejus posteris, cum tamen nemo ex Regibus primæ stir-
pis unctus legatur. Jacobus Longueval Societatis Jesu *tom. 2. hist. Gallica-
na pag. 231.* ut se ab his omnibus expediat, & traditionem Ecclesiæ Re-
menfis, eximiamque suorum Regum prærogativam defendat, animadver-
sit, apud Hincmarum, & in antiqua Missa S. Remigii narrari, quomodo,
cum vellet ipse ægroto conferre sacramentum extreme Unctionis, ampul-
læ vacuæ oleo mirabiliter repletæ sint; quo oleo cum unctus fuisset Clo-
doveus, recte asseritur, unctum fuisse oleo e cælo delapso.

3. Dictum est etiam, Reges, licet oleo sacro unctos, non esse inter
personas Ecclesiasticas recensendos; quod optime explicatur ab Hallier *de
sacris electionibus part. 2. cap. 10. art. 5. §. 4. num. 18. pag. 1033.* Nihilominus
quocumque unctione non ita Reges sacri efficiuntur, aut sancti, ut Ecclesiastici
Ordinis exinde censentur, aut Ecclesiasticam aliquam exinde habeant potestatem;
tum quod potestas nulla Ecclesiastica per unctionem tradatur; sed per manus impo-
sitionem et sine usurpata, vel instrumentorum singulorum Ordinum traditionem;
unctio vero ad solam personæ sanctitatem ac venerationem designandam & efficien-
dam, seu ad disponendum hominem ad Sacramenti condignam receptionem confere-
tur; tum quod Imperatorum unctio nec eo fine fiat (prout supra vidimus) quate-
nus Ecclesiastica ministeria Imperatoribus, vel Regibus tractare liceat, sed potius,
ut ad Ecclesiæ defensionem ac protectionem se tamquam inunctos pugiles ardentius
exurgere & præliari bella Domini debere noverint &c. Unde a sexta Synodo Trid-
lana Imperatores Laici accensentur, licet ceteris majori prærogativa donentur.
Iidem quoque a Nicolao I. inter Laicos numerandi docentur, nec Divinis, sed pro-
prie negotiis intendere momentur &c. Quare non crude intelligendus est Petrus
Damiani, dum quintum Sacramentum inunctionem esse Regis asserit, sumpto sci-
licet latissime nomine Sacramenti. Hanc autem mirifice commendat. . . deinde
ista subjungit: Ex tunc exiit Rex vestimentis suis, & oleo sanctificationis asper-
gitur, ut typico rore perfusus celestis inguenti plenitudine gloriatur. Sacramenti
ergo hanc unctionem adnumerat, qua duodecim numero statuit, eas omnes Sacra-
menti nomine donans Ecclesiasticas caeremonias, qua quocumque modo Ecclesia mem-
bra distinguere, coordinare inter se, & in aliquo gradu constituerent, vel in su-
blimi quodam statu collocarent: quo sensu unctio Regum Sacramentum dici potest,
licet non in Ecclesiastica, sed laica dignitatis apice suscipientem constituat.

4. Post hæc autem ut veniamus ad Reges & Principes, qui in album San-
ctorum relati sunt, Ven. Dei Servus Cardinalis Bellarminus in opere de of-
ficio

scio Principis Christiani lib. 1. cap. 22. hæc habet: Ex tanto numero Imperatorum, Regum, Principum absolutorum, qui vixerunt his mille & sexcentis annis in Ecclesia Christi, in numerum Sanctorum relati paucissimi sunt, cum Principum spiritualium, id est Episcoporum, fere infinitus sit numerus. Sane in Martyrologio Romano inveniuntur Episcopi Sancti circiter nongenti, Principes vero saculi Sancti solum viginti. De eodem argumento ita loquitur Scacchus de nat. & sign. sanctis. scilicet. 6. cap. 2. pag. 399. De Regibus ac Principibus, qui per martyrium sanctam Ecclesiam sanguine purpurarunt, non loquimur in presenti, sed de his, qui carnis maceratione & sanctis operibus violenter, ut ita dicam, calum rapuerunt. Inter hos penes antiquos Sanctus Isaphat filius Regis Armenia adest. As inter recentiores Sanctus Henricus I. Imperator, Sanctus Ludovicus Francie Rcx, Sanctus Stephanus Rex Hungarie, Sanctus Casimirus filius Regis Polonie, Sanctus Edmundus Rex Anglia, Sanctus Leopoldus Dux Austria, & alii plures recensentur, quorum nomina passim in historiis Ecclesiasticis & Martyrologiis referuntur. Theophilus Raynaudus oper. tom. 8. & signanter in eo, ubi agit de titulis speciali cultus Sanctorum pag. 570. & seq. longum refert elenchum Sanctorum, qui dum essent in humanis, Imperiali aut Regali claritate fulserunt, aut supremi alicujus Principatus dominatione potiti sunt. Inter eos pag. 583. & seq. recenset Constantinum Magnum, & Carolum Magnum, Quid de Carolo M. sentiendum sit, jam a Nobis dictum est lib. 1. cap. 9. n. 4. loquendo autem de Constantino M. inter Sanctos recensetur a Grecis in Menologio die 21. Maji, Ecclesia vero Latina eum Sanctorum fastis adnumerare recusavit, quod sub finem vitæ ab Eusebio Nicomediensi, ejusque Asseclæ circumventus, Athanasium Alexandria pulsum in exilium deportandum jussit. Legi potest Cardinalis Norisius in append. ad histor. Donatistarum pag. 674. tom. 4. oper.

5 Verum, si eorum, qui juxta præsentem Ecclesiæ ritum Imperatores & Reges Sanctorum canonici adscripti sunt, mentio haberi debeat, Henricus I. Imperator, & Germaniæ Rex II. hujus nominis ab Eugenio III., Eduardus Angliæ Rex ab Alexandro III., Chunegundes Imperatrix ab Innocentio III., Ludovicus IX. Galliæ Rex a Bonifacio VIII., Leopoldus Austriæ Marchio ab Innocentio VIII., ut ex eorum bullis colligitur, inter Sanctos solemniter canonizatos formali Canonizatione relati sunt. De duobus Regibus Canuti nomine appellatis, utpote martyrio sublati, hic non agimus. De eis habita est mentio lib. 1. cap. 9. num. 3. Deest (ut alibi diximus) bulla Canonizationis S. Elisabeth Regine Lusitanie, quæ ab Urbano Papa VIII. servatis servandis, & formali Canonizatione addita est Sanctorum fastis juxta documenta a Nobis allata lib. 1. cap. 9. num. 11. & in Appendicibus edenda tom. VII. oper. De S. Margarita Scotorum Regina, & de S. Stephano Hungariæ Rege, & de pertinentibus ad eorum æquipolentem Canonizationem legi possunt, quæ a Nobis allata fuerunt cit. lib. 1. cap. 42. §. 7. & 8. De Servis Dei, sive Beatis Regibus atque Principibus, in quorum causis sacrorum rituum Congregatio cultum approbavit, & in quorum

quorum honorem facta est concessio recitationis Officii & celebrationis Missæ, videri possunt, quæ a Nobis allata fuerunt *lib. 2. cap. 24. §. 5.* ubi actum est de B. Ferdinando III. Rege Castellæ & Legionis, cui cognomen tum Sancti, & §. 14. de B. Amedeo Duce Sabaudia III. Amplior esset catalogus hic, si Summates, & excelsi Proceres essent addendi, necnon illi, qui, Principatu relicto, in Claustra se receperunt. Ab Alexandro quippe III. Sanctorum fastis adscriptus est B. Theobaldus Eremita, ut ex ejus Constitutione desumitur, qui Theobaldus ex Campaniæ Comitibus in dicecesi Senonensi ortus erat: ab Urbano V. Sanctis adscriptus est B. Elzearius de Sabrano in Gallia Narbonensi Ausoyfii Dynasta, & Ariani in Apulia Comes; cumque Urbanus ab hac vita, non expedita bulla Canonizationis, decessisset, Gregorius XI. eam expediri jussit, ut ex ejus diplomate colligitur. Birgitta Nericie in Suecia Princeps a Bonifacio IX. fuit inter Sanctas relata. A Clemente IV. sanctarum Viduarum canoni adscripta est B. Hedwigis Bertholdi III. Comitis Andecensis, Moraviæ Ducis, atque Histriæ Marchionis filia, Henrici Barbatæ Poloniæ & Silesiæ Ducis uxor, ac postea Sanctimonialis Cisterciensis: se recepit enim inter Moniales dicti Ordinis, & earum Constitutiones ad amissim observavit, licet Religiosam professionem non emiseric, ut videlicet largiori manu suas divitias in pauperes erogare posset, ut ex bulla expedita desumitur. Margarita de Sabaudia Tertiæ Ord. S. Dominici, Salomea Regina Aliciæ Monialis Ord. S. Clare, Chune Gundes Regina Poloniæ Ord. quoque S. Clare, Joanna filia Alfonsi V. Regis Lusitanæ Religiosa Ord. S. Dominici, Terefia, & Sancia Moniales Ord. Cisterciensis filiæ Sancio I. Regis Portugalliæ cultum habent in ecclesiis & locis particularibus, approbato in earum causis casu excepto a decretis Urbani VIII. uti ostensum fuit *lib. 2. cap. 24.* & alibi quoque ostenditur, indultum in earum honorem a Sede Apostolica fuisse cultum Officii & Missæ. Sed cum in capite præsentis animus sit ea tantum exponere, quæ specialiter animadvertenda videntur in causis Regum & supremorum Principum, qui Principatum retinuerunt usque ad obitum, relictis ceteris, qui Principatum dimiserunt, ut se in Claustra reciperent, & quorum sanctitas ex iis potissimum, quæ in Claustris gesserunt, desumitur; hinc fit, ut non ab his, sed ab illis argumenta sumamus, necnon & ab aliis, qui apud Historicorum egregiarum virtutum laude floruerunt; non ut assertionibus nostris sanctitatis prærogativam eis asserere velimus, qui in album Sanctorum Ecclesiæ judicio relati non sunt, sed quia (ut alibi quoque dictum est) non inopportunitum Nobis esse videtur, exempla aliqua sublimiorum virtutum colligere etiam ab iis, qui aliquos earum actus ediderunt, quamvis eorum nomina in Beatorum aut Sanctorum catalogum relata non sint.

6 Nonnulla quoque a veteris Testamenti Regibus; quorum sanctitas in sacra Scriptura commendatur, haurientur, puta, ex S. Joseph Patriarcha, cujus innocentia vitæ & morum summis laudibus commendatur in *lib. Genesios*, cuique Pharaon suam potestatem regiam, quam habebat in Regno Ægypti,

Ægypti, plene communicavit, uti habetur *Genes. 41.* & quem Philo Hebræorum doctissimus in *lib. de ejus vita* scribit, creatum fuisse a Pharaone Proregem, vel potius Regem totius Ægypti, necnon ex gestis Moyſis primi Ducis Hebræorum, Josue secundi Ducis Hebræorum, ex David, Ezechia, Josia, & Josaphat Hebræorum Regibus, & Juda Machabæo summo Sacerdote & Principe Hebræorum. Ut enim animadvertit citatus Cardinalis Bellarminus in *prefat. lib. 2.* supervacaneum non est cognoscere, quid in republica Hebraica Testamenti veteris egerint Principes sive Reges, licet hic & nunc quæstio sit de Regibus & Principibus ad rempublicam Christianam novi Testamenti pertinentibus; cum in veteri Testamento promitterentur Bona temporalia & præsentia, quibus futura & spiritualia significarentur; novum autem Testamentum Bona spiritualia promittat in præsentem tempore, Gratia donet virtutes, atque in primis patientiam in tribulatione, sed in futuro gloriam & gaudia sempiterna: & juxta S. Augustinum in *epist. 140. ad Honoratum, de Gratia novi Testamenti* (tom. 2. col. 430.) & alibi frequenter, viri Hebræi, qui viventes in Testamento veteri contempserunt temporalia, & spiritualibus adhæserunt, floruerint quidem tempore veteris Testamenti, sed ad Testamentum novum quodammodo pertinuerint. Quæcirca in Pontificali Romano, cum agitur de *benedictione & coronatione Regis*, Metropolitanus, aut alius Episcopus, qui eum coronat, orat Deum, ut Rex coronatus, Moyſis mansuetudine fretus, Josue fortitudine munitus, David humilitate exaltatus, Salomonis sapientia decoratus, Deo in omnibus complacere, & per tramitem justitiæ inoffenso gradu semper incedat.

7 Porro multa heroicarum virtutum exempla passim occurrunt in gestis eorum Regum & Principum, quorum sanctitas ex sacra Scriptura desumitur. Et re vera quodam illustrius charitatis erga Proximum, vel dilectionis inimicorum exemplum haberi potest eo, quod in sacra Genesi legitur de S. Joseph Patriarcha? Cap. enim 45. v. 5. sic fratres, qui eum venderant, ingenti pavore concussos alloquitur: *Nolite pavere, neque vobis durum esse videatur, quod vendidistis me in his regionibus; pro salute enim vestra misit me Deus ante vos in Ægyptum.* Et v. 8. *Non vestro consilio, sed Dei voluntate hic missus sum, qui fecit me quasi patrem Pharamis, & dominum universa domus ejus, ac principem in omni terra Ægypti.* Cumque post obitum Jacob parentis, fratres iterum metuentes ad eum accessissent, dixerunt, uti legitur *Genes. 50. v. 16. Pater tuus præcepit nobis, atque moreretur, ut hac tibi verbis illius diceremus: Obsecro, ut obliviscaris scelera fratrum tuorum, & peccati atque malitia, quam exercuerunt in te. Nos quoque oramus, ut servis Dei patris tui dimittas iniquitatem hanc: . . . & promi adorantes in terram dixerunt: Servi tui sumus.* At Joseph ad hæc reposuit, uti Scriptura prosequitur *v. 19. Nolite timere. Num Dei possumus resistere voluntati? Vos cogitastis de me malum, sed Deus vertit illud in bonum, ut exaltaret me, sicut in præsentiarum cernitis, & salvus faceret multos populos. Nolite timere; ego pascam vos, & par-*

*& parvulus vestros. Consolatusque est eos, & blande ac leniter est locutus. Addi potest ejusdem Joseph exemplum temperantiae, & castitatis heroicæ. Cum enim esset pulchra facie, & decorus aspectu, uti loquitur Scriptura Genes. 39. & uxor Putipharis eum per singulos dies sollicitaret ad adulterium, castissimus juvenis eam a scelere multis rationibus avertere curavit, sed tandem aliquando, cum ab illa se cogi videret, relicto in manu ejus pallio fugit & egressus est foras. De mansuetudine Moyfis, & virginitate Josue Hebræorum Ducum præclara habentur ex Divina Scriptura: de Moyse quippe legitur Num. 12. v. 3. Erat enim Moyse vir mirissimus supra omnes homines, qui morabantur in terra. Cumque in Divinis Scripturis nulla fiat mentio filiorum Josue, S. Hieronymus asserere non dubitavit, eum virginitatis palma fuisse decoratum. Etenim lib. 1. adversus Jovinianum n. 22. tom. 2. oper. col. 273. postquam multis probavit Josue virginem fuisse, concludit dicens: *Moyse moriens plangitur a populo Israel, Jesus autem quasi victurus non plangitur; nuptia enim finiuntur in morte, virginitas post mortem incipit coronari*: Nec omitti possunt, quæ in eadem sacra Scriptura leguntur de mansuetudine, sanctitate vitæ, & poenitentia David post admissa peccata. De mansuetudine quidem celebre est illud Psalmi 131. *Memento, Domine, David, & omnis mansuetudinis ejus*. Pro ejus sanctitate facit illud Psal. 100. *Non proponebam ante oculos meos rem injustam: facientes prævaricationes adivi. Non adhæsi mihi cor prævium: declinantem a me malignum non cognoscebam. Detrahentem secretis proximo suo, hunc persequabar. Superbo oculo, & insatiabili corde, cum hoc non edebam. Oculi mei ad fideles terra, ut sedeant mecum: ambulans in via immaculata, hic mihi ministrabat*. Commissoque gravi peccato adulterii simulque homicidii, multa in sacris Litteris de eximia ejus contritione, confessione, & satisfactione per opera pietatis habentur. Ad contritionem pertinet illud Psalm. 6. *Laboravi in gemitu meo, lavabo per singulas noctes lectum meum, lacrymis meis stratum meum rigabo*. Ad confessionem oris non solum pertinet, quod libera voce dixit Propheta Nathan: *Peccavi Domino*; sed palam in oratione exclamavit Psal. 50. *Miserere mei, Deus, secundum magnam misericordiam tuam; & secundum multitudinem miserationum tuarum dele iniquitatem meam. Amplius lava me ab iniquitate mea, & a peccato meo munda me. Quoniam iniquitatem meam ego cognosco, & peccatum meum contra me est semper*. Denique ad satisfactionem per opera poenitentiae refertur illud Psal. 34. *Induebam me cilicio, & humiliabam in jejuniis animam meam*. Cui superaddi possunt flagella a Deo immissa, quæ ipse æquo animo tulit, & summa cum patientia. Ut enim habetur lib. 2. Regum c. 13. Amnon ejus filius ab Absalom fratre occisus est. Absalom contra eum conspiravit, ejecitque ex urbe regia, & publice expanso tentorio, ipsius uxores incestavit. Post hæc Absalom magno cum patris dolore occisus est in prælio. Semei ipsi Regi David maledixit maledictione pessima quasi usurpatori alieni regni. Demum ipse David ab urbe regia fugere coactus est, & fuga adeo repentina, ut nudis pedibus, aperto capite, & flens per montem olivarum iter fecerit.*

8 Succedunt exempla ceterorum Principum & Regum, vel qui post Christi adventum pietate floruerunt, licet catalogo Sanctorum non sint adscripti, vel qui virtutibus adeo excelluerunt & miraculis, ut ab Ecclesia fuerint in album Sanctorum relati. Theodosii Imperatoris pietatem S. Ambrosius extollit in oratione funebri de ejus laudibus habita ad populum (*num. 30. col. i 206. oper. tom. 2.*): *Convertere, inquit, anima mea in requiem tuam, in quam festinavis intrare Theodosius. Et num. 32. Absolutus igitur dubio certamine, fruitur nunc angusta memoria Theodosius luce perpetua.* Et *num. 39. Manet ergo in lumine Theodosius, & Sanctorum coetibus gloriatur.* S. Paulinus Nolæ Episcopus in *epist. 28. ad Severum col. 175.* loquens de laudatione sua in Theodosium, ait: *Non tam Imperatorem, quam Christi servum, non dominandi superbia, sed humilitate famulandi potentem, nec regno, sed fide Principem predicarem.* Et S. Augustinus *lib. 5. de civit. Dei* miris laudibus ejus effert fidem & pietatem, quem dicit in bello magis orando, quam feriendo pugnavisse. De ejus insigni poenitentia ob crimen commissum in cæde Thessalonicensium nonnulla in superioribus dicta sunt. Tiberius Imperator cum Justino regnavit ut Cæsar annis tribus: solus autem ut Augustus annis quatuor. Teste Gregorio Turonensi *lib. 5. cap. 19.* cum Justinus Imperator, amisso sensu, amens effectus esset, & per solam Sophiam Augustam Imperium regeretur, populi Tiberium Cæsarem elegerunt. Quam autem fuerit ille in eleemosynis distribuendis liberalis & misericors, narrat idem Gregorius: refert enim, eum statim multa de thesauris, quos Justinus congregaverat, pauperibus erogasse; & Augustæ increpanti, quod Rempublicam in paupertatem redigeret, & intra breve tempus dispergeret, quæ ipsa multis annis collegerat, respondisse, opes Fisco non esse defuturas, prout re vera non defuerunt, si ejus pecuniæ in pauperum eleemosynas, & redimendos captivos erogarentur. Joannes Dubravius Olomucensis Episcopus in *historia Bohemica lib. 4. & 5.* virtutes exponit S. Wencellai Bohemix Regis, & præ ceteris ejus religionem. Cum etenim ab Othone Imperatore, quem liberali hospitio exceperat, facta fuisset ipsi potestas petendi quicquid sibi petendum a Cæsare putaret, non gloriosa, non ambiciosa postulavit, prout Cæsar sibi suaserat, sed sibi tantum concedi precatus est brachium S. Viti ex Gallia in Saxoniam translato, in cujus honorem ecclesiam ædificavit: tantum autem fuit ejus obsequium in Sacerdotes, ut ipse suis manibus vinum inter Sacra, libaque, & thura illis subministraret; unumquemque eorum domi suæ inviseret, nequid ex necessariis rebus deficeret; & noctu plerumque, vel in ipsa hieme, nudis pedibus accederet ad templa, in quibus vigilæ ab ipsis celebrabantur. Vita S. Henrici Imperatoris extat *sexto tomo antiqu. lectien.* Henrici Canisii; & de eo quoque plura habentur apud Bollandianos *tom. 4. Julii.* De S. Chunegunde Imperatrice ejus uxore plura referuntur in *anal. Benedict. tom. 4. pag. 421. §. 98.* & apud Bollandianos *tom. 1. Martii pag. 281.* Extant bullæ Canonizationis utriusque (uti supra dictum est) & in ejus testimonium perhibetur conservatæ

Tom. III.

C c c c

intre-

integerrimæ castimonie usque ad finem vite. Cumque, instigante humani generis inimico, suspicio quædam contra Chunegundem exorta fuisset, ipsa, ut suam innocentiam demonstraret, super ignitos vomeres nuda pedibus incessit, & processit illæsa. Episcopus Chartuicius vitam S. Stephani I. Regis Hungarorum edidit, quam Laurentius Surius elegantiori stylo exornavit. Rex, ut est in ea, dabat operam elemosynis, vacabat precibus, crebro adhærens ecclesiæ pavimento cum lacrymis Dominum orabat, ut animi sui propositum ipse ad effectum perduceret, ut, qui sine illo nihil posset efficere, ejus opitulante providentia, bonâ; quæ facere decrevisset, cum virtutum incremento etiam re exequi valeret. Postea sequuntur morum reformationes, quæ ejus exemplo factæ sunt: nec omititur, cum tanta fuisset misericordia & pietate erga pauperes Christi, ut nullum unquam hospitem & peregrinum absque aliquo solatio a se discedere passus sit; & ad recreandos egenos quotidianas expensas absque intermissione fieri jussit. Alredus Rhievallus Anglus Monachus & Abbas Cisterciensis Ordinis circa annum 1164. vitam concipit S. Eduardi Regis Anglorum ab Alexandro III. inter Sanctos solemniter relati. Dicitur fuisse pater orphanorum, & supra humanum modum pecunie contemptor. Nullus unquam eum vidit aut inflatum superbia, aut ira efferatum, aut gula dehonestatum: instantibus autem Regni Proceribus de successione sollicitis, ut uxorem duceret, cum ea convenit de servanda castitate, prout re vera fervavit. Ab Innocentio VIII. inter Sanctos (uti vidimus) relatus est Leopoldus Austriæ Princeps; & in bulla Canonizationis pag. 197. *cod. Canoniz.* Pontifex sic effatus est: *Præstant nunc hujus sæculi amatores ad peccata excusanda conjugales, familiares, civiles, aut regali filii molestias, sæculi illecebras, & tentationes &c. Leopoldi nobilis Principis conjugati, ac multorum filiorum ac subditorum cura irritati clarissimo exemplo admonemur, ut, omni excusatione semota, per hæc temporalia ita caute ambulemus, ita sancte nos exerceamus, ut æterna non amittamus, allecti spe momentanea hujus prosperitatis, perperitate gloria celestis non fraudemur, sed, mundi molestias, illecebras, aut dignitates contemnendo, ad celestem patriam totis viribus contendamus.*

9 Nimis profecto longum facerem, si in hoc caput ea infererem, quæ de virtutibus S. Ludovici Regis Francorum habentur in ejus vita conscripta a Gaufrido de Belloloco ejus Confessario, aut in bulla Canonizationis ipsius: quanta videlicet cura filiorum educationi vacaverit, quanta humilitate pauperibus inserviverit, quanta pietate suis ipse manibus mortuorum cadavera sepeliverit, infirmis ministraverit, pauperibus larga subsidia præstiterit, poenitentium corpus affligerit, & imitator Religiosi ad Missiones profecti ad felicem Turcarum conversionem incubuerit. Similia occurrunt in historiis, quæ gesta referunt B. Amedei III. Ducis Sabaudie, & S. Casimiri Regis Poloniæ filii, cujus vita conscripta fuit a Gregorio Suæviciski Cathedralis ecclesiæ Vilnensis Canonico. Amedeus quippe charitatem & mansuetudinem Patriarchæ Josephi æmulatus, statim ac mortuo

Indovico patri in Ducatum successit; Philippum fratrem, quem pater auxilio Regis Gallie carceribus includi curaverat, in vindictam odii, quo Amedeum prosequeretur, & insidiarum, quas adversus ipsum paraverat, non modo e carcere eduxit, sed in Gallias profectus cum Rege egit, ut Margarita filia Ducis Borbonii ei in matrimonium conjungeretur; ipse autem partem imperii sui eidem donavit. Ejus patientia maximopere enituit in ferendo epileptico morbo, quo laborabat; ejus misericordia in pauperibus alendis, & liberalissime vestiendis, & in ministerio ad eorum mentem, quod suis manibus exercebat; ejus pietas in peregrinatione assumpta una cum uxore Jolanda, ut sacro linteo, in quo sculpta est Imago Christi (& de quo alibi) venerationem præsens adhiberet, in qua peregrinatione vitam cum morte feliciter commutavit. Addit Auctor vitæ S. Calimiri, eum declinasse luxum vestium, & lecti molliem tanquam peccati fomitem; nuda usum humo pro cubili, & ex horridis equorum secis comparato cilicio, & aliis verberum asperitatibus teneram carnem affligere consuevisse; summa diligentia quovis inopes sublevasse, jacentes erexisse, afflictos recreasse, oppressos liberasse; virginem tandem mortuum esse, cum monitus, ut vitæ tutandæ causa, tori virginis consortium admitteret, oblatum consilium exequi recusavit. Admiranda denique gesta S. Elzearii de Sabrono fide exponuntur in bulla Canonizationis edita (uti supra dictum est) a Gregorio XI. Apparet inde ejus potissimum in pauperes misericordia, corporis afflictiones, jejunia, & jugis oratio; sed illud maxime mirum, quod cum uxorem haberet ætate juvenem, & nobilitate præclaram, ab hac vita tamen, illa intacta, migravit; ut ipsa retulit, & Elzearii Confessarius comprobavit.

10 Hæc, & alia plura nullo negotio colligi possent ex authenticis, quæ supersunt, monumentis virtutum heroicarum, quibus Principes in Sanctorum album relati fulserunt; inter quæ non ultimum profecto sibi vindicant locum ea, quæ ad virginitatem, seu illibatam pertinent castitatem, aut quæ spectant ad humilitatem. Multa quippe superbiz incitamenta, multæ voluptatum illecebræ Reges & Principes obsident; unde *Genes. cap. 12.* legitur: *Cum itaque ingressus esset Abraham Ægyptum, viderunt Ægyptii mulierem (Saram) quod esset pulchra nimis, & nuntiaverunt Principes Pharaoni, & laudaverunt eam apud illum, & sublata est mulier in domum Pharaonis.* Verum, prætermisiss illis, quæ Sanctis omnibus communia sunt, & quæ necessaria omnibus existimantur, qui in album Sanctorum ab Ecclesia referri debent, veniamus ad ea, quæ peculiariter inquirenda sunt, dum agitur de virtutibus Regum & Principum, Beatificationis & Canonizationis gratia. Scacchus de mor. & sign. sanctis. sect. 6. cap. 2. monet, specialiter inquirendum esse de zelo Fidei Christianæ conservandæ, &, quatenus occasio suppetat, propagandæ, de cultu erga Deum, de obedientia Romano Pontifici debita, de bellorum ab eis assumptorum justitia, de recta gubernandi ratione, de exemplo denique bonorum operum, quo populos sibi subje-

subjectos ad pietatem & religionem excitarunt. Præclare Plinius in Trajani paneg. cap. 45. *Vita Principis censura est, eaque perpetua, populoꝝ. Ad hanc diriguntur, ad hanc convertuntur; nec tam imperio illis opus est, quam exemplo.* Et, ne a sacris discedamus, S. Gregorius VII. lib. 7. epist. 5. Canuto Daniæ Regi obedientiam sibi & obsequium sicuti Vicario Christi per Legatos præstanti hæc insinuavit: *Animadvertere siquidem Excellentia tua debet, quod, quanto pluribus supereminet & dominatur, tanto magis sibi subditos potest exemplo suo aut ad deterius, quod absit, inflectere, aut ad sanum consilium ignavos etiam provocare.* Quod optime prosequitur Lactantius lib. 5. *Divin. instit. cap. 6. de just.* Et, quoniam mores ac vitia Regis imitari, genus obsequii judicatur, abjecerunt omnes pietatem, ne exprobrare scelus Regi viderentur, si pie viverent. Sic assidua imitatione corrupti Divinum fas reliquerunt, & paulatim male vivendi consuetudo mas factus est; nec jam quidquam ex antecedentis sæculi pio & optimo statu remansit. Sed, explosa iustitia, & veritatem secum trahens, reliquit hominibus errorem, ignorantiam, cecitatem.

11 De zelo Moyſis primi Ducis Hebræorum habetur, quod offensam Deo illatam ulturus (populus enim, eo absente, fecerat sibi idolum Vituli aurei) Levitis armatis iusserit, ut obvios quosque Israelitas occiderent, facta subinde cæde viginti trium millium Israelitarum: ita legitur 32. Exod. & in lib. Num. cap. 25. v. 5. cum filii Israel iterum peccassent adorantes idolum Beelphegor, clamavit Moyſes: *Occidas unusquisque proximos suos, qui initiati sunt Beelphegor &c.* & occisi sunt viginti quatuor millia hominum; & cuncti Principes populi suspensi sunt in patibulis. Josue secundus Dux Hebræorum, qui iusserat, ut, capta Jericho, omne aurum & argentum, quod in ea repertum fuisset, conservaretur in Dei thesauros, & reliqua omnia destruerentur in Dei honorem; quique lapidari iusserat virum nomine Charmi, qui clam abstulerat aliquid auri & argenti, & nescio quæ alia Deo dicata, & omnia Bona ejus, id est tabernaculum, oves, boves, & asinos, & omnem substantiam ejus flammis cremandam tradiderat; in fine vitæ incredibili ardore hortatus populum ad persistendum in religione unius veri Dei, ita infixit in cordibus audientium zelum religionis, ut Scriptura dicat: *Servivitque Israel Domino cunctis diebus Josue & Seniorum, qui longo vixerunt tempore post Josue.* Hæc habentur Jos. 6. 7. 23. & 24. v. 31. De se David Rex & Propheta scribit Psalm. 100. v. 8. *In matutino interficiebam omnes peccatores terra, ut disperderem de civitate Domini omnes operantes iniquitatem.* Nec præteriri possunt, quæ de zelo veræ religionis sanctorum veterum Regum Ezechiae, Josue, & Josaphat in sacro Textu leguntur. Ezechias siquidem purgavit Jerusalem ab omni sceditate idololatriæ, uti habetur 4. Regum 16. neque solum civitatem purgavit ab omni cultu falſorum Deorum, sed incredibili labore & sumptu restituit altare Domini, & sacrificia secundum Legem Domini, & omnes sacros ritus & cæremonias, ac totam denique faciem veræ religionis renovavit, non parcens labori aut sumptibus: quæ omnia legi possunt lib. 2. Paralip. 29. & 30. Josias imitatus est Ezechiam;

Ezechiam ; Regnum enim ab omni idololatria purgavit , altaria combussit , idola abstulit , quemadmodum legi potest *cit. lib. 2. Paralip. 34. & 4. Regum 23.* ubi Divina Scriptura testatur , similem illi non fuisse ante eum Regem , qui reverteretur ad Dominum in omni corde suo , & in tota anima sua , & in universa virtute sua , juxta omnem legem Moysis . In eodem denique *lib. 2. Paralip. cap. 17. v. 3. & seqq.* de Rege Josaphat sic habetur : *Ambulavit in viis David patris sui primis , & non speravit in Baalim , sed in Deo patris sui , & perrexerit in præceptis illius , & non juxta peccata Israel .* Curavit præterea , ut multi viri docti mitterentur in partes Regni , qui peragrantes per cunctas urbes Juda , populos erudirent circa legem & præcepta Dei ; quodque præcipuum est , ipse Rex abiit in Bersabee , & usque ad montem Ephraim , & ad Dei veri cultum populos revocavit .

12 Concordant cetera , quæ ab Historicis narrantur de Theodosio & Tiberio Imperatoribus , quorum paulo superius habita est mentio . Vetuit Constantinus Magnus Dæmonibus hostias immolari . Julianus impietatem renovavit . Jovianus , cum Imperio potitus est , simulacrorum cultum prohibuit . Valentinianus eisdem legibus Europam præclare gubernavit . Valens adversus doctrinæ Apostolicæ propugnatores bellum perpetuum gessit ; & toto tempore , quo regnavit , Gentiles non destiterunt ignem in aris accendere , libamenta & hostias simulacris immolare : quæ omnia Theodosius extirpavit radicibus , & sempiterna oblivione obruenda curavit . Eutychius erat Episcopus regiæ civitatis Constantinopolitanæ , vir doctrina & libris editis illustris , sed , quod majus est , opinione sanctitatis atque miraculis clarissimus , & Tiberio Imperatori gratissimus , quod ei Imperium prædixerat , ut Eustathius in ejus vita testatur . Inter Eutychium , & S. Gregorium solemnis disputatio inita est de carnis resurrectione , eam Gregorio asserente , & Eutychio impugnante . Gregorius homo externus , non ultra Diaconatum initiatus , nulla scriptione celebris , nullo miraculo edito illustris , nullo beneficio Imperatori astrictus ; & tamen , statim ac Tiberius cognovit , opinionem Eutychii hæresis labe infectam esse , non solum eam censuit rejiciendam , sed librum ab eo conscriptum cremandum existimavit . Res fuse exponitur ab ipso S. Gregorio *lib. 14. moral. cap. 19.* ubi , postquam narravit disputationem a se initam cum Eutychio , sic concludit *num. 74. (tom. 1. oper. col. 466.) : Cum pie memorie Tiberius Constantinus Imperator secreto me , & illum (Eutychium) suscipiens , quid inter nos discordia vericaretur , agnovit , & utriusque partis allegationes pensans , eundem librum , quem de Resurrectione scripserat , suis quoque allegationibus destruens , deliberavit ut flammis cremari debuisset .*

13 Cetera pro hoc eodem argumento exempla , quæ ex Actis Canonizationum desumi possent , collecta legi possunt apud Scacchum *loc. cit. sect. 6. cap. 2.* ubi verba inferuntur desumpta ex ipsis Canonizationum bullis . Intereaque pro re , de qua nunc agitur , scitu digna sunt , quæ narrantur in vita S. Ludovici Regis Galliarum *cap. 6. apud Surium ad diem 25. Ang. Fidei*

Fidei propagationem summopere faciebat. Itaque, si quid ab Inquisitoribus, quod ad Fidem pertineret, esset ad eum relatum, id, aliis negotiis omnino posthabitis, audiebat, & instar Phinees magno zelo in Christiana Fidei violatores animadvertēbat. Addique possunt getta B. Ferdinandi III. Castellæ & Legionis Regis, cognomento Sancti, qui adeo exarsit Catholicæ Fidei zelo, studioque ejus religiosi cultus tuendi ac propagandi, ut Hæreticos infectatus, quos in nullo Regnorum suorum loco consistere passus est, suis ipse manibus lingua comburendis damnatis ad rogam admovent; præstiteritque, ut in Cordubensi, Giennenſi, Hispalensi aliisque urbibus, Maurorum jugo ereptis Catholica Religio revivisceret.

14 Amor erga Deum in Rege David quantus esset, inde apparet ubi ait Psal. 22. ver. 8.: *Tibi dixit cor meum: Exquisivit te facies mea; faciem tuam, Domine, requiram.* Item Psalm. 30. v. 20.: *Quam magna multitudo dulcedinis tua, Domine, quam abscondisti timentibus te!* Item Psalm. 33. v. 9.: *Gustate, & videte, quoniam suavis est Dominus.* Item Psalm. 41. v. 3.: *Sititit anima mea ad Deum fontem vitæ: quando veniam, & apparebo ante faciem Dei?* Item Psalm. 76. v. 3.: *Renuis consolari anima mea; memor fui Dei, & delectatus sum.* Item Psalm. 72. v. 25.: *Quid enim mihi est in calo, & a te quid volui super terram &c. Deus cordis mei, & pars mea Deus in æternum.* Item Psalm. 85. v. 4.: *Lætifica animam servi tui, quoniam ad te, Domine, anima mea levavi; quoniam tu, Domine, suavis, & mitis, & multa misericordia omnibus invocantibus te.* Item Psalm. 103. v. 34.: *Ego vero delectabor in Domino.* Addidit David amor erga Deum pietatem & religionem erga ea, quæ Dei sunt: præparavit enim thesauros immensos, ut magnificentissimum Templum ædificaretur; uti habetur lib. 1. Paralip. cap. 22. v. 14.: *Ecce ego paupertate mea præparavi impensas Domus Domini; auri talenta centum millia, & argenti mille millia talentorum; aris vero & ferri non est pondus, vincitur enim numerus magnitudine; ligna & lapides præparavi ad universa impendia.* Hujus vestigiis, quantum potuit, inhærens S. Henricus Imperator Bambergensem ecclesiam fundavit, & alias Episcopales Sedes reparavit, quemadmodum habetur in bulla Canonizationis, cum qua consonant, quæ ex ejus Actis apud Surium leguntur eruta ex manuscriptis codicibus, & edita per Jacobum Gretserum: *Cumque Christianissimus Rex Poloniam, Bohemiam, & Moraviam tributarias fecisset; ob reverentiam Sancti Laurentii Martyris, conculcationem & destructionem Merseburgensis ecclesiæ cœpit pio intuitu misericordia & pietatis respicere, & ad nihil um redactam in adificiis, & ministerialibus, in secularibus possessionibus, in Ecclesiasticis ornamentis, in pristinum gradum Pontificalis dignitatis, sicut Deo & Sancto Laurentio vocerat, studuit restaurare; nec prius ab operibus misericordia destitit, quoadusque ad antiquum statum dignitatis, & pristinum honorem religionis ex integro perduceretur.* Sanctus Stephanus I. Rex Hungarorum, ut est in ejus vita apud eundem Surium, primus Hungariam ad Christi Fidem convertit, & primus ecclesias ibidem erexit, provincia distributa in decem

eum Episcopatus, erectaque Ecclesia Strigoniensi in Metropolim, petita a summo Pontifice facultate; in civitate, quæ Alba dicitur, insignem condidit basilicam Beatissimæ Virginis; in urbe Hierosolyma Monachorum coenobium extruxit, ditavitque vineis & prædiis, unde eis quotidiani victus copia suppeteret; in urbe regia Constantinopolitana mirifici operis ecclesiam fabricavit; & Romæ sub Protomartyris Stephani titulo duodecim Canonicorum collegium condidit, rebusque necessariis instruxit, addito hospicio Hungarorum, qui orationis causa Romam ad Beati Petri Apostolorum Principis limina venirent. S. Eduardus Rex Anglorum vorum emisit peregrinationis suscipiendæ ad limina Apostolorum. Urgente ex ejus absentia periculo seditionum, summus Pontifex eum a voto absolvit; ita tamen, ut expensas, quas ad iter paraverat, pauperibus erogaret, & coenobium Monachorum in honorem Sancti Petri Apostolorum Principis aut novum constitueret, aut vetustum repararet & augetet, constituta de suis redditibus Monachis alendis annona. Monasterium ædificis ac possessionibus regali liberalitate ab eo auctum est, impetrata a Nicolao Pontifice confirmatione earum, quas fecerat, donationum, obtentaque novorum insignium privilegiorum concessione pro Abbate, & Monachis. Gaufridus in vita S. Ludovici Regis Francorum testatur, ab eo extructas domos & hospitalia, monasteria Religiosorum, multa Dominicanorum & Franciscanorum condita a fundamentis coenobia, in qualibet civitate & castello Regni sui domos congruas & opportunas paratas, ut in eis pauperes cæcitate laborantes vivere possent, certis assignatis proventibus; Abbatiam denique Regii Montis Cisterciensis Ordinis ab eo conditam, & ditatam. Beatus Ferdinandus III. Castellæ & Legionis Rex, capta Hispali, templum Maurorum expiatum, & Christianorum dedicatum sacris insigni Archiepiscopatu, honestissimo Canonicorum & Dignitatum collegio regia & religiosa liberalitate exornavit, & alia deinde in urbe templa & coenobia crexit. Beatus denique Amedeus III. Dux Sabaudie magnificentiam suam & pietatem demonstravit in publicis ædificandis hospitalibus & monasteriis, in ornandis & pretiosa suppellectile ditandis ecclesiis, auro, argento, & gemmis ad colendam memoriam Principis Apostolorum erogatis.

15 Succedit obedientia erga Romanum Pontificem. Theophilus Raynaudus tom. 1. §. in opere, cui titulus, Heteroclitia spiritualia, pag. 248. agens de sanctitate Glodovei (quem ipse Ludovicum appellandum esse contendit) Regis Francorum a S. Remigio Episcopo Remensi baptizati, hæc habet: *Observantiam voto in Sedem Sancti Petri, quæ observantia est germanus character Catholicismi, prædixit Glodoveus, transmissa ad Hornisdam Papam corona magni pretii. Caroli M., Ludovici Pii Imperatoris & Regis Francorum, & multorum in Regno Gallie Successorum venerationem, obedientiam, & merita erga Sedem Apostolicam ex Ecclesiæ annalibus longa prosequitur oratione Mauclerus de monarchia tom. 2. quarta parte, lib. 7. cap. 5. & plurib. segg.* In vita S. Henrici Imperatoris memorantur, quæ ab ipso præstita

præstita sunt, ut debitam exhiberet Benedicto VIII. summo Pontifici venerationem; & cum ipse Romam accessit, & cum Benedictus Alemanniam ingressus est, ut Bambergensem Ecclesiam visitaret. Innocentius II. S. Leopoldum Austriæ Principem venerationis erga Romanum Pontificem causa peculiarem Sancti Petri Filium appellavit, ut in bulla Canonizationis legitur. Inter alia denique monita, quæ S. Ludovicus Gallie Rex quasi hereditariam successionem testamento filio suo reliquit, præcipuum est illud: *Sis devotus & obediens matri nostræ Romanæ Ecclesiæ, & summi Pontifici tamquam Patri spirituali*; ita ut apocrypha omnino habenda sit *Pragmatica sanctio*, quæ ejus nomine circumfertur, aut saltem tali nota inurendus sit *articulus*, in quo nonnulla sanciantur parum honorifica sanctæ Sedi, utcumque scripserit Natalis Alexander in *histor. Eccles. sac. XII. 1. & XIV. tom. 7. pag. 289.* ubi, rejecta reliqua parte Pragmaticæ, ultimum tantum caput admittit tanquam verum. Contra universæ Pragmaticæ veritatem facit, quod ea tantum lucem aspexit anno 1461., duobus videlicet sæculis post obitum S. Ludovici, tunc cum Senatus Parisiensis confugit ad Ludovicum XI., & quod de ea nunquam habita est mentio, cum memorabiles illæ dissensiones vigerent inter Bonifacium VIII. summum Pontificem, & Philippum Pulcrum Gallie Regem, licet utrinque plura, quam oportebat, scripta sint, & milles se obtulerit occasio Pragmaticam allegandi, quemadmodum bene animadvertit Thomassinus Auctor Gallus *de ver. & nov. Eccl. discipl. part. 2. lib. 2. cap. 33. num. 4. & part. 3. lib. 1. cap. 43. sub num. 17. §. Adde & viris.* Contra veritatem vero ultimi articuli facit, quod Pragmatica pluries sine eo typis impressa est; quod tempore suppositæ editionis S. Ludovicus ex summi Pontificis consilio se parabat ad secundam expeditionem in Terram sanctam; & quod tunc temporis Ecclesiæ Romanæ præerat Clemens IV. natione Gallus, ab omni avaritia, & carnali incognatos affectu alienissimus, quorum occasione Bona Ecclesiastica sepe cumulantur & dilapidantur; ita ut inverisimile omnino sit, suo Edicto sanctum Regem sistere voluisse assertam Romanæ Curie rapacitatem, Beneficiorumque & Bonorum Ecclesiasticorum usum, cum posset ad ipsum summum Pontificem confugere, eique sui Regni damna, si quæ essent, exponere; cum, si quid tunc temporis exigebatur ab Ecclesiâ Gallicana, non ob alium finem exigeretur, quam ad parandum ipsi Regi subsidium in bellica expeditione. Præterquamquod ecquis est, qui sibi suadere possit, Regem, qui anno subsequenti monitum modo relatum filio dedit, quique, adducto avi sui Philippi Augusti exemplo, qui ab Ecclesiasticis injuriam sibi fieri malebat, quam cum eis contendendo Ecclesiam scandalizare, hæc addidit: *Sis diligens, quod omnes Subditi tui justitia & pace fruantur, maxime autem persona Ecclesiastica & Religiosa*; & paulo post: *Ama igitur, o fili, personas Ecclesiasticas, & serva pacem eorum, quantum poteris*, Regem, inquam, potuisset anno proxime antecedenti articulum eum edere Romano Pontifici, sanctæ Sedi, & Ecclesiastico cœtui injuriosum? Legi potest Auctor Gallus in *tract. de libertatibus Ecclesiæ Gallicanæ lib. 1. cap. 15.*

16 Ad bella quod attinet, legi possunt fufe deducta apud Hugonem Grotium *de jure pacis, & belli lib. 1. cap. 2.* ut ostendatur, bellum Divino juri non repugnare, hoc est nec veteri, nec novo Testamento. *Auferam (minatus est Deus populo suo ingrato, & suorum beneficiorum oblito) auferam sortem, & virum bellatorem, Judicem, & Prophetam, quorum loco effeminati dominabuntur eis, & corrues populus:* uti habetur apud Isaiam cap. 3. Quapropter Reges etiam sancti bellarunt pro Fide & ejus propagatione, pro tutamine dignitatis, pro defensione suæ ditionis, & suorum populorum tutela; uti animadvertit Scæchus *loc. cit. sect. 6. cap. 2.* Immo Theologi passim docent, teneri Principes aliquando sub poena culpæ mortalis gerere bellum non solum ad defensionem, sed etiam ad offensionem, urgente videlicet periculo temporali, aut spiritali suorum populorum; uti videri potest apud Sehiaram in *Theologia bellica lib. 1. difficult. 7.* Josaphat Rex pugnavit cum Moabitibus, & Ammonitis, qui sibi Syros adjunxerant. Rex Ezechias bellum gessit cum Sennacherib Rege Assyriorum. Judas Machabæus, de cujus in Deum pietate hæc habentur 2. *Machabæor. cap. 15. v. 18.* *Erat enim pro uxoribus, & filiis, itemque pro fratribus, & cognatis minor sollicitudo; maximus vero & primus pro sanctitate timor erat Templi, strenue adversus hostes pugnavit.* Plenæ sunt sacræ Litteræ virtute bellica fortium & illustrium Ducum, qui prælia præliantes pro Deo, pro ejus Lege, & cultu, justissimi atque religiosissimi judicati sunt. Philo Judæus in fine *libri primi de vita Moysis* illorum bella, justissima nominando, prædicavit. Similia habentur apud Origenem *hemil. 26. in Josue, cap. 31.* & S. Ambrosius *lib. 1. officiorum, cap. 19.* bona certamina Moysis, Josue, Gedeonis, & aliorum probatæ fidei Ducum victoriis nobilitata commemoravit. Theodosius Imperator, cognita morte Valentiniani Imperatoris, & Eugenii tyrannide, in Europam exercitum traduxit. Tiberius Imperator, cujus superius mentio habita est, ingentem coegit exercitum centum quinquaginta turmarum equitum lectissimorum, quorum armis Chosroam penitus profligavit. Celebre est evitandi prælii causa duellum oblatum a S. Wenceslao Rege Bohemiæ Ladislao Curimenfi Principi, in quo Angelorum ministerio Ladislai contumaciam in obsequium convertit. Henrius I. Romanorum Imperator adversus Poloniam, Bohemiam, & ceteras adjacentes regiones Sclavorum, qui fines Regni sui vastabant, militem paravit. S. Stephanus I. Hungarorum Rex castra movit adversus Conradum Imperatorem, qui, tranquillitate perturbata, Pannoniæ infesta tulerat signa. Expeditiones S. Ludovici Galliarum Regis in Terram sanctam, bella, captivitas ejus omnibus notissima sunt. Notissima quoque sunt bella adversus Mauros a B. Ferdinando III. Rege Castellæ & Legionis suscepta, & feliciter expedita: & apud Historicos habetur, Amedeum III. Ducem Sabaudiæ misisse in Peloponnesum exercitum satis copiosum, ut ea regio a Turcarum furore defenderetur; promptum quoque & paratum se exhibuisse ad opes & vitam fundendam, cum summus Pontifex Pius II. Concilio Mantuano præsidens

Tom. III.

D d d

Princi-

Principes Christianos ad bellum sacrum contra Mahumetanōs invitavit ; & exercitum demum coegisse , ut Regnum Cypri , si posset , recuperaret ; quod , expulso Ludovico a Sabaudia Rege legitimo , Soldanus Ægypti invaserat auxilio potissimum Jacobi nothi Nicosiæ Episcopi , qui , dimissa dignitate Episcopali , ei adhæserat . B. Petrus Damiani non probasse visus est , quod S. Leo Papa IX. adversus Normannos bellum gesserit , ut in *epist. 9. ad Oldericum Episcopum Firmanum lib. 4.* legitur , ubi etiam negare videtur , Romano Pontifici jus esse gladii temporalis . De hac Beati sententia iudicium profertur a Cardinali Baronio *ad an. 1053. num. 10.* ubi de Bannone schismatico loquens , ait : *Sicut iste non est audiendus , ita qua Petrus Damiani in his , adversus eundem Leonem militaribus copiis se miscentem scripsit , in his qua asserit examinanda sunt an in omnibus veritate subsistant . Cum enim ipse esset nocens animo , ac lugens eremi incolae , quod frequenter audiret , Episcopos aliquos in Galliis atque Germaniis galeatos ac loricatorum ad bella procedere , facinus execratus scripsit epistolam ad Firminum Episcopum , qua deplorans mundi huius mala , præcipue vero discordias oboriri solitas inter Imperatores atque Pontifices , sic vult munera eorum esse distincta , ut nec Imperatores attingant , que sunt Sacerdotum , nec Sacerdotes , qua sunt Imperatorum , ut bella tractant , & alia id genus , qua ipsi omnino reservat . Tum recitatis epistolæ verbis , addit num. 14. Hucusque de his Petrus Damiani , cui Catholica dogmata penitus adversantur , quibus hæresis errore notantur omnes , qui ab Ecclesia Romana Cathedra Petri & duobus alterum gladium auferunt , nec , nisi spiritualem , concedunt . Cardinali Baronio adhæret Cardinalis Bellarminus in opere de *Scriptoribus Ecclesiasticis* , dum loquitur de B. Petro Damiani . De utroque gladio ita loquitur S. Bernardus *lib. 4. de consideratione cap. 3. col. 444. vol. 1. oper.* , alloquens Eugenium III. *Aggredere eas* (sermo est de perversis Christianis , qui suis seditionibus Ecclesiæ pacem turbabant) *sed verbo , non ferro . Quid tu denuo usurpare gladium tentes , quem semel iussus es reponere in vaginam ? Quem tamen qui tuum negas , non satis mihi videtur attendere verbum Domini dicentis sic : Convertite gladium tuum in vaginam . Tuus ergo & ipse , tuo forsitan nutu , etsi non tua manu , evaginandus . Alioquin , si nullo modo ad te pertineret & is , dicentibus Apostolis , Ecce gladii duo hic , non respondisset Dominus : Satis est , sed , nimis est . Uterque ergo Ecclesia , & spiritalis scilicet gladius , & materialis ; sed is quidem pro Ecclesia , ille vero & ab Ecclesia exercendus est ; ille Sacerdotis , is Militis manu , sed sane ad nutum Sacerdotis , & iussum Imperatoris . De utroque prædicto gladio eodem modo sentiunt summi Pontifices Gregorius IX. in *epistula ad Germanum Patriarcham Constantinopolitanum* , & Bonifacius VIII. in *cap. Unam sanctam , de majoris . & obed.* Ceterum B. Petrum Damiani materiale gladium summo Pontifici non abstulisse , sed tantum S. Leonis IX. factum reprobasse , qui in Apuliam perrexerat , & expeditioni militari adversus Normannos interfuerat (a qua nec victor evasit , sed , fugato partim , & partim occiso exercitu , in quodam castello ab eis obsessus est) pluribus ostendere conantur Cajetanus in *scholiis ad cit.***

ad cit. epistolam; Advocatus Thomas Montecatinus in responsionibus ad meas animadversiones, dum ego Promotoris Fidei officio fungens resisterem petitioni Ordinis Camaldulensis, qui Officium & Missam B. Petri Damiani sub ritu Doctoris petebat, de quo infra; & Pater Vitalis Martius in responsione ad questiones Vallumbrolanas Fidelis Soldani cap. 10. num. 19. & seqq. Autumavit igitur B. Petrus competere quidem Romano Pontifici etiam materiale gladium, sed eum vel propria manu, vel aliorum se presente & tanquam belli Duce mandante; non esse adversus hostes exerendum. In citata epistola idem Damianus objicit S. Leoni IX. factum S. Gregorii: Numquid hoc legitur vel egisse, vel litteris docuisse Gregorius, qui tot rapinas ac violentias a Longobardorum est feritate perpeffus? Ille enim in epistola ad Sabinianum, de qua in can. Si in morte 23., quæst. 8. sic loquitur: Si in morte Longobardorum me miscere voluiffem, hodie Longobardorum gens nec Regem, nec Duces, nec Comites haberet, atque in summa confusione esset divisa; sed, quia Deum timeo, in mortem cujuslibet hominis me miscere formido. Quæ S. Gregorii verba, si una cum ceteris ejus factis sedulo ponderentur, supra indicate explanationi non obstant, quemadmodum Gratianus post can. Ut pridem, & can. Suppliciter 23. quæst. 8. bene prosequitur: In regesto etiam legitur, quod Beatus Gregorius civibus Thufcia, ut contra Longobardos arma pararent, mandavit, & militibus stipendia decrevit. Hoc ergo exemplo, & præmissis auctoritatibus clares, quod Sacerdotes, etsi propria manu arma arripere non debeant, tamen vel his, quibus hujusmodi officia commissa sunt, persuadere, vel quibuslibet, ut ea arripiant, sua auctoritate valeant imperare. Pater Christianus Lupus ad Concilia generalia & provincialia tom. 3. pag. 365. querit, quisnam Romanorum Pontificum primus assumpserit jus gladii, nec alienum ad sui defensionem vocaverit, sed proprium conscripserit exercitum. Famigeratam profert epistolam Leodientium adversus Paschalem II. in qua dixerunt, fuisse S. Gregorium VII. Porro, S. Gregorium VII. militiam habuisse, pluribus ostendit idem Lupus; at, S. Leonem IX. militasse, & sic ante tempora S. Gregorii VII. Romanos Pontifices probat habuisse militiam, concluditque, Gregorium VI. auctorem fuisse militiæ Papalis, cum Italia latronibus plena esset, Laici omnes S. Petri possessiones invassissent, Papalis excommunicatio sperneretur, & Henricus III. Imperator Germanicis bellis occupatus auxilium negaret, & tandem ait, nullum Romanum Pontificem armatum unquam exercitum duxisse, nisi S. Leonem IX. & Joannem XI. qui, teste Luitprando Ticiensis, cum juvenis esset, se spectandum populis exhibuit clypeo & lorica indutum, sed sine militia, quæ tunc nulla erat in Ecclesia Romana.

17 Verum, utcumque sit de his, nostri non est instituti ea recensere, quæ necessaria sunt, ut bellum justum dici possit, & quæ in bello etiam iusto cavenda sunt: paucis enim omnia indicantur a D. Thoma 2. 2. quæst. 40. art. 1. ubi docet, tria ad justum bellum requiri, auctoritatem videlicet Principis, cujus mandato bellum geritur; causam justam, ut scilicet illi,

contra quos bellum moveretur, oppugnationem mereantur; & rectam bellantium intentionem, scilicet ut bonum promoveatur, vel ut malum vitetur. Tantum monitum asseremus S. Ludovici filio datum, quod Joinvilius cap. 89. ex Actis Collegii Rationalium in urbe Parisiensi in ejus vitam inseruit: *Cave; bellum geras adversus Christianum quemquam, nisi ex multarum consilio, & ita, si bellum evitare non possis. Quod si bellum habeas, abstine ab Ecclesiasticis, & iis, qui tibi nihil nocuerunt.* Sanctus hic loquitur de bello adversus Christianos, quod suscipi ex sola necessitate vult: at res aliter se habet, cum agitur de expeditione adversus Infideles; ipse enim S. Ludovicus vivificæ Crucis signaculum in Terræ sanctæ subsidium assumpsit, & fere cum toto exercitu in Soldani & Saracenorum manus incidit. Cumque in conventionibus subinde propositis additum fuisset, ut ipse Dei negaret Filium, & extra Fidem ejus esset, si conventiones a se factæ non servarentur, id asserere forti animo recusavit, frustra obnitentibus Pictaviæ & Andaviæ Comitibus eo potissimum obtentu, quod ei & ceteris Christianis mortis periculum immineret. Oblatum quoque ipsi fuit, ut e carcere exiret, ceteris Christianis remanentibus in vinculis donec pecunia pro eorum liberatione soluta esset; at sanctus Rex prompte respondit, se in carcere, donec solutio facta esset, manere velle, Christianis aliis libertati pristinæ restitutus. Cum ipso tandem liberatus exercitus fuit, & ad suum Regnum remeavit; ubi post aliquot annos ad incrementum Catholicæ Fidei, & liberationem Terræ sanctæ votis ardentibus adspirans, in ipsius Terræ subsidium iterum signum Crucis assumpsit. Ad regiones Infidelium feliciter pervenit; adversus Saracenos pugnavit; & ob labores multos, quos tulit, morbo oppressus ad Dominum migravit. Apud Orthonem Frisingensem lib. 1. de Frid. cap. 34. & seq. habetur, Ludovicum juniorem Francorum Regem Principibus Regni aperuisse consilium ad Loca sacra pergendi. Regni Principes S. Bernardum consulendum decreverunt, ipsique accersitus cum respondisset, tanti momenti negotium ad Romani Pontificis examen esse referendum, & Eugénius Pontifex annuisset, excitatis ad transmarinam expeditionem multorum animis, Deo permittente, expeditio non ex voto successit. *Pax* (inquit) *& non est pax. Promissum bona, & ecce turbatio;* verba sunt S. Doctoris lib. 2. de considerat. ad Eugénium cap. 1. col. 421. Quanta autem fuerit ejus tristitia super hoc, patet tum ex ep. 288. quam in lecto forsan ex animi ægitudine decumbens hac de re scripsit, tum ex epistola Joannis Abbatis Casemarii ad Bernardum ipsum, quæ est inter Bernardinas 386. vol. 1. oper. in qua virum sanctum, quem ob finitrum expeditionis eventum audierat afflictum, consolatur. S. Augustinus in epist. 189. num. 4. (tom. 2. col. 698.) ad Bonifacium Comitem Africa ait, errorem maximum esse, asserere, nullum hominem castris & armis assuetum, gratum esse Deo: *Noli existimare, neminem Deo placere posse, qui in armis bellicis militat. In his erat Sanctus David, cui Dominus tam magnum perhibuit testimonium: in his etiam plurimi illius temporis Iusti: in his erat & ille Centurio,* qui

qui Domino dicit: *Non sum dignus, ut intres sub tectum meum*. Porro qui plura vellet de causis justis bellorum, & de his, quæ caveri debent in bellis a Principibus Christianis, legere posset Mauclerum de monarchia seculari Christiana 3. part. lib. 5. cap. 8. & seqq. usque ad finem.

18 Omnia, quæ hucusque dicta sunt, & quæ pro capitis complemento dici possent, de justitia servanda, & bono exemplo Subjectis exhibendo, tum etiam quæ de uxoribus Regum addenda forent, collecta sunt in Pontificali Romano de benedictione & coronatione Regis. Antistes enim Regem coronandum admonet, dicens: *Primum pietatem servabis. Dominum Deum tuum tota mente, ac puro corde coles. Christianam religionem ac Fidem Catholicam, quam ab incunabulis professus es, ad finem usque inviolatas retinebis, eamque contra omnes adversantes pro viribus defendes. Ecclesiarum Prælati, ac reliquis Sacerdotibus condignam reverentiam exhibebis. Ecclesiasticam libertatem non conculcabis. Justitiam, sine qua nulla societas diu consistere potest, erga omnes inconcusse administrabis, bonis præmia, noxiis debitas poenas retribuendo. Viduas, pupillos, pauperes, ac debiles ab omni oppressione defendes. Omnibus te adeuntibus benignum, mansuetum, atque affabilem pro regia tua dignitate te præbebis. Et ita te geres, ut non ad tuam, sed ad totius populi utilitatem regnare, præmiumque benefactorum tuorum non in terris, sed in calo expectare videaris. In traditione gladii evaginati Antistes prosequitur: Accipe gladium de altari sumptum per nostras manus, licet indignas, vice tamen & auctoritate sanctorum Apostolorum consecratas, tibi regaliter concessum, nostraque benedictionis officio in defensionem sanctæ Dei Ecclesiæ divinitus ordinatum; & memor esto ejus, de quo Psalmista prophetavit dicens: Accingere gladio tuo super femur tuum potentissime: ut in hoc per eundem vim aequitatis exerceas, molem iniquitatis potenter destruas, & sanctam Dei Ecclesiam, ejusque Fideles propugnes ac protegas, nec minus sub fide salvos, quam Christiani nominis hostes execreris ac dispergas, viduas & pupillos clementer adjuves ac defendas, desolata restaures, restaurata conserves, ulciscaris injusta, confirmes bene disposita; quatenus hac agendo, virtutum triumphi gloriosus, justitiæque cultor egregius cum mundi Salvatore sine fine regnare merearis. Verba Antistitis, quibus coronandum Regem admonet, repetuntur in benedictione & coronatione Regina. Cum ei dat coronam, hæc habet: Accipe coronam gloria, ut scias, te esse consortem Regni, populoque Dei semper prosperè consulas, & quanto plus exaltaris, tanto amplius humilitatem diligas & custodias in Christo Jesu Domino nostro: & cum dat ei sceptrum, ait: Accipe virgam virtutis ac veritatis, & esto pauperibus misericors & affabilis, viduis, pupillis, & orphanis diligentissimam curam exhibeas. Et hæc sunt præcipua, quæ præter cetera omnibus in Sanctorum album referendis communia, ponderanda esse videntur in causis Servorum Dei, qui, dum viverent, regali dignitate fulserunt: & qui plura ad rem, de qua nunc agitur, cum lata, salutaris undique exemplis & auctoritatibus, legere vellet, ma-
num admoveat ad tom. I. Maucleri de monarchia part. 3. lib. I. usque ad 7.*

19 Bina extant Concilia, Parisiense videlicet sextum, & Aquigranense secundum.

se secundum, in quibus plura statuuntur ad nostrum institutum pertinentia. In cap. quippe 1. & 2. Concilii sexti Parisiensis ex S. Isidoro dicitur, Regum ministerium maxime positum esse in Ecclesie tuitione; cap. 3. Judices ministrosque probos a Regibus eligendos docet, alioquin ipsos coram supremo Judice reos fore; cap. 4. docet, pietatem, justitiam, & misericordiam esse Regni fundamentum; & cap. 5. monet Reges, ut Regnum sibi a Deo traditum credant, illudque secundum ejus voluntatem gubernare satagant: demum in cap. 3. secundi Concilii Aquisgranensis viginti quinque canones continentur, quorum plerique gemini sunt iis, qui in supradicto sexto Concilio Parisiensi conditi leguntur.

CAPUT XXXVII.

De advertendis in causis Virginum, Conjugatorum, Viduarum, atque Peregriorum.

PLura in superioribus dicta sunt de castitate Virginum, Conjugatorum, atque Viduarum, quæ iccirco absonum esset hic repetere. Theophilus Raynaudus tom. 8. in opere de titulis cultus specialis Sanctorum pag. 559. longum recenset catalogum Sanctorum Conjugatorum, Conjugum in conjugio virginum, Virginum extra conjugium, & Sanctorum atque Sanctarum, qui, mortuis marito, aut uxore, in viduitate perstitierunt. Idem Auctor punct. 14. pag. 574. inter Virgines in conjugio recenset juxta aliquorum sensum (quem tamen ipse non amplectitur) S. Joannem Evangelistam, quem volunt fuisse sponsum, sed absque conjugii usu, e nuptiis in Cana Galilee a Christo abductum. S. Augustinus in prefat. in Joannem Evangelistam hæc habet: *Iste siquidem est Joannes, quem Dominus de fluctu vaga nuptiarum tempestate vocavit, & cui Matrem virginem virgini commendavit.* Ex quorum contextu verborum manavit opinio, S. Joannem Evangelistam fuisse maritum, & virginitatem in matrimonio servasse. Subscribere videtur D. Thomas 2. 2. quæst. 186. art. 4. ubi, proposita questione, an perpetua continentia requiratur ad perfectionem Religionis, postquam firmavit, perfectionem non solum paupertatis, sed etiam continentie introductam esse a Christo Domino, subjicit ad primum: *Et ne alicui spes perveniendi ad perfectionem tolleretur, assumpsit ad perfectionis statum etiam illos, quos invenit matrimonio junctos.* Non autem poterat absque injuria fieri, quod viri uxores desererent, sicut absque injuria fiebat, quod omnes divitias dereliquerent. Et ideo Petrum, quem invenit matrimonio junctum, non separavit ab uxore. Joannem tamen volentem nubere, a nuptiis revocavit. At, cum S. Augustinus in fine citati operis satis aperte indicet, S. Joannem a nuptiis vocatum, non quod reliquerit uxorem quam duxerat, sed quia eam prorsus non acceperat, plus amatum, quod neque uxorem duxerit, & ab ineunte pueritia castissimus vixerit; adhærendum esse videtur communi Veterum sententiae,

rentiæ, quæ eum calibem fuisse affirmat. Legi potest Cardinalis Baronius *ad an. 31. num. 30. & seqq.* Memoratam sententiam amplectuntur ex Patri-
bus Epiphanius *heres. 58. §. 4.* Chrysostomus *de virginitate cap. 82.* Cassianus
collat. 16. cap. 14. Ambrosius *de instit. Virg. cap. 7.* Paulinus *epist. 50.* Exem-
plis autem relatis *superiori cap. 24. num. 57.* eorum qui virginitatem in ma-
trimonio servarunt, addi potest illud S. Amonis, qui, uxore consentiente,
cum ea vixit decem & octo annis, nec matrimonium unquam consumma-
vit; ut in ejus vita legitur apud Palladium in *historia Lausiacâ.*

2 De Mulieribus conjugatis Guyet *de festis propriis SS. lib. 2. cap. 8.*
quest. 23. ita loquitur: *Non ad exprobandum dixerim, nullas hujusmodi repe-
riri in tabulis Ecclesiasticis, sed, nescio quo id fato accidit, ut omnes vel maritis
superstitibus fuerint, adeoque ad Viduarum statum pertineant, vel maritis ipsis ad-
juncta una simul cum iis, eademque die recolantur.*

3 Theophilus Raynaudus loco supra citato, *puncto videlicet 14. num. 4.*
inter sanctas Viduas recenset S. Mariam Magdalenam. Ex nonnullis enim
monumentis autumat, mortuo marito, viduam juvenem, & sui dominam
licentius aliquanto vixisse, quam deceret piam mulierem, non vero qui-
busvis, aut etiam pluribus sui copiam secisse, ob Marthæ sororis & Laza-
ri fratris convictum, ac testatam Magdalene nobilitatem. At, licet in
Ecclesia Occidentali a sæculo VII. invaluerit opinio, unam eandemque
feminam fuisse eam, quæ Jesu Christi pedes in ædibus Simonis Leprosi un-
guento sovit, quæque pretioso unguento perfudit caput ejusdem in Betha-
nia, dum apud Lazarum diversaretur; cum tamen non desint, qui Mariam
Magdalenam, Mariam sororem Marthæ, & Feminam criminofam doceant
tres fuisse inter se distinctas mulieres; aliique velint, Mariam Magdalenam,
& Feminam criminofam unam eandemque feminam esse, sed a Maria sore-
re Marthæ distinctam, eo potissimum obtento, quod Peccatricis nomen,
quo in Evangelio compellatur, prostitutam mulierem designans, alienum
omnino sit ab ea mulieris indole, & ab iis gestis, quæ forori Marthæ tri-
buuntur, quemadmodum late explicat Augustinus Calmet *dissert. in tres Ma-
rias*, hinc est, quod supra dictum S. Mariæ Magdalene exemplum Viduis
tuto non suffragatur. Ceterum alia multa, & quidem notissima suffragan-
tur, inter quæ illud B. Mariæ de Capite, vulgo nuncupatæ *de la Cabeza*, ux-
oris S. Isidori Agricolæ, de qua *superiori lib. 2. cap. 24. §. 27.* Hæc enim super-
stes fuisse videtur marito, quemadmodum colligitur ex vita S. Isidori Agri-
colæ Auctore Joanne Diacono edita a Bollandianis *ad diem 15. Maji cap. 2.*

4 Ad institutum ergo ut redeamus, multe sunt S. Hieronymi episto-
læ, quæ rei, de qua nunc agitur, prodesse possunt. In epistolis siquidem
ad Eustochium, & ad Demetriadem docet, quomodo virginitatem de-
beant custodire; in epistola ad Furiam, eam hortatur, ut in viduitate per-
stet, & ad secundas nuptias non transeat; & in epistola ad Celantiam ma-
trona, eam instruit, quomodo inter honores, divicias, & onera matrimo-
nii vitam sancte & religiose ducat. In epistola itaque ad Eustochium

22. num. 8. col. 92. oper. tom. 1. ait, ad custodiam virginitatis primum quidem abstinendum esse a vino: *Si quid itaque in me potest esse consilii, si experiri creditur, hoc primum moneo, hoc obtestor, ut Sponsa Christi vinum fugiat pro veneno. Hec adversus adolescentiam prima arma sunt Daemonum.* Deinde a consortio Matronarum num. 16.: *Nolo, habeas consortia Matronarum; nolo, ad nobilium domos accedas;* & num. 17. *Sint tibi socia, quas jejunia tenuant, quibus pallor in facie est, quas & atas probavit & vita.* Tum præcipit subjectionem parentibus, rarum egresum in publicum; & poenitentiam eis. num., col. 99. *Esto subiecta parentibus, imitare Sponsam tuam. Raro sis egressus in publicum &c. Accepto cibo, cum te in lectulo compositam dulcis libidinum pompa concussisset, arripe scutum Fidei, in quo ignita Diaboli extinguuntur sagittæ. . . . Carnis amor spiritus amore superatur, desiderium desiderio restringitur;* & num. 18. *Læva per singulas noctes lectum tuum, lacrymis tuis stratum tuum riga. Vigila, & sis sicut passer in solitudine.* Multa demum inlinuat de oratione num. 37.: *Post hæc, quamquam Apostolus, orare nos semper jubeat, & Sanctis etiam ipse sit summus oratio, sic tamen divisas orandi horas debemus habere, ut, si forte aliquo fuerimus opere detenti, ipsum nos ad officium tempus admoneat. Horam tertiam, sextam, nonam, dulciculum quoque, & vesperviam, nemo est qui nesciat. Nec cibi sumantur, nisi oratione præmissa; nec recedatur a mensa, nisi referatur Creatori gratia. Noctibus bis terque surgendum &c. Egrescentes de hospitio armet oratio; regredientibus de platea oratio occurrat, antequam sessio; nec prius corpusculum requiescat, quam anima pascatur.*

5 In epistola ad Demetriadem 130. num. 4. col. 971. loc. cit. laudat rudem amictum, & victus continentiam, eoque magis, quod illa esset nobilitate & divitiis pollens; *Incredibilis animi fortitudo, inter geminas & sericum, inter eunuchorum & puellarum catervas, & adulationem ac ministeria familie perspirentis, & exquisitas epulas, quas ampla domus præbebat abundantia, appetisse eam jejuniarum laborem, asperitatem vestium, victus continentiam.* Admirandus refert, eam pro servanda virginitate oblatas respuisse nuptias, avæ & matris indignationem nihil metuentem, quæ etiam sanctæ neptis & filix voluntati libentes postea præstiterunt assensum; sic num. 5.: *Cum jam nuptiarum appropinquaret dies, & futuro matrimonio ibalampus pararetur, secreto & absque arbitris, noctemque habens pro solatio, talibus se fertur armasse consiliis: Quid agis, Demetrias? Cur pudicitiam tanto pavore defendis? Libertate opus est & audacia, quæ sic in pace metuis, quid faceres in martyrio perpetuando? Quæ tuorum vultum ferre non potes, quomodo sustineres tribunalia Persecutorum? Præcepta postea subjicit, quibus ad sanctitatem Virgo instruat; initiumque ducit a poenitentia, & a corporis mortificatione, quæ tamen moderata sit, ut num. 10.: *Post cogitationum diligentissimam cautionem, jejuniarum tibi arma sumenda sunt, & canendum cum David: Humiliavi in jejuniis animam meam, & cinerem tamquam panem manducavi.* Et num. 11: *Neque vero immoderata tibi imperamus jejunia, & enormem ciborum abstinentiam, quibus statim corpora delicata franguntur, & ante egrotare incipiunt, quam sancta converter-**

conversacionis jaceret fundamenta . Modum insinuat , quo divitias suas debeat erogare , num. 14 : *Alii adificantes ecclesias , vestiant parietes marmorum crustis , columnarum moles advehant &c. non reprehendo , non abnuo . Unusquisque in sensu suo abundet . Meliusque est hoc facere , quam repositis opibus incubare . Sed tibi aliud propositum est , Christum vestire in pauperibus , visitare in languentibus , pascere in esurientibus , suscipere in his qui tecto indigent , & maxime in domesticis Fidei , Virginum alere monasteria , servorum Dei , & pauperum spiritu habere curam , qui diebus & noctibus serviunt Domino tuo . Hortatur , ut , licet nulla re indigeat , lanam habeat in manibus , & pollice staminis fila deducat ; ut non modo otium fugiat , sed etiam aliquid habeat , quod Christo offerat , n. 15 : *Hac observans , & te ipsam servabis & alias , & eris magistra sancta conversationis , multarumque castitatem lucrum tuum facies , Scriptura dicente : In desiderii est omnis anima otiosi . Nec ideo tibi ab opere cessandum est , quia , Deo propitio , nulla re indiges ; sed ideo cum omnibus laborandum est , ut per occasionem operis nihil aliud cogites , nisi quod ad Domini pertinet servitutem . Simpliciter loquar . Quamvis omnem censum tuum in pauperes distribuas , nihil apud Christum eris pretiosius , nisi quod manibus tuis ipsa confeceris vel in usus proprios , vel in exemplum Virginum ceterarum , vel quod avia , matrique offeras , majora ab eis in refactionem pauperum pretia receptura .**

6 Alia plura in circ. epistola ad Demetriadem legi possunt . In epistola vero ad Furiam 54. bona refert viduitatis , & ad eam servandam hortatur his verbis , num. 15. col. 290. loc. cit. : *Si habes liberos , nuptias quid requiris ? Si non habes , quare expertam non metuis sterilitatem , & rem incertam certo praferas pudori &c. Aut , si e veneris , ut ex secundo marito habeas filios , domestica oritur pugna , intestinum praelium . Non licebit tibi amare liberos , nec aquis aspicere oculos quos genuisti . Clam porriges cibos : invidetis mortuo ; & , nisi oderis filios , adhuc eorum amare videberis patrem . Quod si de priore uxore sobolem habens domum te introduxeris , etiam si clementissima fueris , omnes comedi , & mimographi , & communes Rhetorum loci in novercam severissimam declamabunt . Si privignus languearis , & condolueris caput , infamaberis , ut venefica ; si non dederis cibos , crudeliter ; si dederis , malefica diceris . Oro te , quid habent tantum boni secunda nuptia , ut hac mala valeant compensare ? Exemplum proponit Annæ Prophetissæ filiae Phanuelis de tribu Aser , quæ a sua adolescentia usque ad octoginta quatuor annos viduitatis onus sustinens a Templo non recessit , diebus ac noctibus insistens jejuniis & obsecrationibus : monet , ut jejuniis se dedat & vigiliis , num. 7. *Ardenes Diaboli sagitta , juniorum & vigiliarum rigore resingenda sinit . Ut pauperibus subveniat , num. 12. : Illis tribue divitias tuas , qui non phasides aves , sed cibarium panem comedant , qui famem expellat , non qui augeat luxuriam . Intellige super egenum & pauperem . Omni petenti te da , sed maxime domesticis Fidei . Nudum vesti , esurientem ciba , agrotantem visita . Ut abstineat a consortio juvenum sive domi , sive extra domum , & ab omni luxu , num. 13. : Juvenum fuge consortia . Comatulas , comptos , atque lascivos domus suæ tecta non videant . Cantor pellatur ut noxius . Fidicinas , & psalterias , &**

386 DE SERVORUM DEI BEATIFICATIONE

iffiusmodi eborem Diaboli, quasi mortifera Sirenarum carmina, proturba ex aedibus tuis. Noli ad publicum subinde procedere, & spadonum exercitu praenunte, Viduarum circumferri libertate. Pessima consuetudinis est, cum fragilis sexus, & imbecilla aetas suo arbitrio abutitur, & putas licere quod libet.

7 Demum in epistola ad Celantiam matronam 168., quae ab ipso petierat, quomodo vitae lux cursum dirigere deberet in conjugio constituta, sic respondet, num. 2. col. 1089. tom. cit. *Petis namque, & sollicitae ac violenter petis, ut tibi certam ex Scripturis sanctis praefiniamus regulam, ad quam ordines cursum vitae tuae, ut, cognita Domini voluntate, inter honores saeculi, & divitiarum illecebras, morum magis diligas suppellectilem, atque ut possis in conjugio constituta non solum conjugii placere, sed etiam ei, qui ipsum indulsit conjugium. Postquam autem multa protulit de observantia mandatorum Dei, docet moderationem in sermone esse adhibendam, num. 18. : Sic igitur intentus ac vigilans, & adversus peccata semper armatus animus tuus. Sermo in omnibus moderatus & parcus, & qui necessitatem magis loquendi indicet, quam voluntatem. Ornet prudentiam verecundia; quodque praecipuum in feminis semper fuit, cunctas in te virtutes pudor superet. Unum ante considera, quid loquendum sis; & adhuc tacens provide, ne quid dixisse peniteat. Verba tua ponderes cogitatio, & lingua officium animi libra dispensat. Humilitatem esse colendam, num. 20. : Nihil habes humilitate praestantius, nihilque amabilius. Haec est enim praecipua conservatrix, & quasi custos quaedam virtutum omnium; nihilque est, quod non ita & hominibus grates, & Deo faciat, quam si vita merito magni, humilitate infimi finis. Illucita non esse patrandi, quod licita quaedam omittantur num. 22. : Cave, ne si jejulare, aut abstinere coeperis, te putes iam esse sanctam; hac enim virtus adjuvamentum est, non perfectio sanctitatis. Magisque id providendum est, ne tibi hoc, cum licita contemnas, securitatem quamdam illicitorum faciat. Quidquid supra iustitiam offertur Deo, non debes impedire iustitiam sed adjuvare. Quid autem merebimur de pallore jejunii, si invidia lividi sumus? Quid virtutis habet, vinum non bibere, & ira atque odio inebriari? Addit, rationem habendam esse non conscientiae tantum, sed famae, & nihil esse committendum, quod alia occasione suppeditet detrahendi, num. 23. : Beatus est, qui tam sancte tamque graviter disposuit vitam suam, ut de eo finistri aliquid ne fingi quidem possit, dum adversus oblectatorum libidinem pugnat meriti magnitudo, nec fingere quisquam ausus est, quod a nullo putat esse credendum. Quod si id assequi difficile atque nimis arduum est, saltem hanc adhibeamus vitam nostram diligentiam, ne male mentis occasionem inveniamus detrahendi, ne ex nobis scintilla procedat, per quam adversus nos sinistra fama flammia consuetur; aliqui frustra irascimur oblectamentis nostris, si eis ipsi oblectandi materiam ministramus. Hortatur tandem ut vacet orationi, num. 24. : Eligatur tibi opportunus, & aliquantum a familia strepitu remotus locus, in quem tu, veluti in portum, quasi ex multa tempestate curam te recipias, & excitatus foris cogitationum fluctus secreti tranquillitate componas. Tantum ibi sit Divinae lectionis studium, tam crebra orationum vices, tam*
firma

forma & pressa de futuris cogitatio, ut omnes reliqui temporis occupationes facile hac vacatione compenses.

8 Transcribendæ essent integræ S. Hieronymi epistolæ, si, quæcumque notatu digna sunt, quæque ad Virgines, Conjugatas, aut Viduas pertinent, essent hic lectoribus exhibenda. Qui cetera scire cupit, citatæ epistolas legere poterit. Nos transeamus ad ea, quæ ex Actis Canonizationum desumuntur. Sæpe citatus Scacchus *de nos. & sign. sanctis. sect. 7. cap. 1.* præter cetera, quæ in omnibus Canonizandis requiruntur, monet, specialiter esse inquirendum in Virgine seculari, de cujus agitur Beatificatione & Canonizatione, qua promptitudine, facilitate, gaudio, & voluptate perpetuam virginitatem servare proposuerit, qua animi fortitudine oblatas nuptias respuerit, quanto studio solitudinem amaverit, quomodo corpori castigando studuerit, sacræ lectioni se dederit, ab hominum commercio abstinerit, vestium vanitatem oderit, & erga pauperes misericors fuerit.

9 Omnia hæc singula elucent in Actis earum Virginum, quæ in Beatarum & Sanctarum album relatæ sunt. De S. Catharina Senensi apud Surium die 29. Aprilis hæc habentur: *Quadam die secretum petiit locum, & statim utrisque humiliter genibus, sic precata est Beatissimam Matrem Christi: O Virgo sacratissima, qua prima inter feminas perpetuam Domino virginitatem vovisti, qui te voluit esse matrem unici filii sui, obsecro benignitatem tuam, ut, non attentis meritis meis, digneris mihi sponsum dare filium tuum, quem totis animi visceribus concupisco; & ego promitto & illi & tibi, quod nullum unquam alium admittam sponsum, sed virginem me illi perpetuam conservabo. Ita septem annos nata, Christo sponso immortalis suam dedicavit virginitatem, idque voto coram Deo solenni.* S. Ambrosius Sanctam Agnetem sic exhibet alloquentem filium Præfecti Urbis, qui eam opibus, cultu pretioso, & aliis muliebribus irritamentis ad nuptias sollicitabat (*vita num. 3. ap. Bollandianos ad diem 21. Jan. tom. 2. pag. 351.*): *Discede a me, fomes peccati (virginitatem enim voverat) nutrimentum facinoris, pabulum mortis, quia ab alio amatore præventum sum &c. Ipsi me tota devotione commisso, quem cum amavero, casta sum, cum tetigero, munda sum, cum accepero, virgo sum.* In bullis Canonizationum SS. Catharinæ Senensis, & Claræ de Assisio illustra extant exempla fecerunt a mundi strepitu, dum adhuc essent in puerili ætate, & antequam Religionis nomen darent. Cetera prosequitur Scacchus, allatis exemplis præteritarum Canonizationum, quæ apud eum legi possunt. Non videtur autem omittendum id, quod Beatus Raimundus de Capua scripsit de S. Catharina Senensi, de abstinentia videlicet a corporis cultu, & a mundo muliebri, dum adhuc esset inter Sæculares: *Ceperunt & parentes, & germani ejus ignari propositi illius de ejus tractare conjugio. Mater quoque ad studium excolendi corporis eam hortari, ut posset Procerem oculis esse gravior & amabilior. Sed illa memor voti sui, licet id parentibus pro illorum reverentia celaret, nihil tale facere voluit; non enim hominibus, sed Deo modis omnibus placere contendebat.*

bat. Ferebat id mater ejus moleste, & cum per se illam movere non posset, filium Bonaventuram, quam Catharina impense amabat, ut ei persuaderet, hortata est: & illa quidem multis viis ejus tentans animum, tandem eo adduxit, ut daret operam aliquando corpori ornando, nihil tamen interim remittens de proposito servanda integritatis. Hanc autem culpam postea non semel tantis cum singultibus & lacrymis confessa est, ut videri posset gravissimo se scelere obstrinxisse; & ornatum corpori adhibere adeo enorme peccatum visum est oculis Catharina, ut saepe dixerit: Ego quidem nec Tartarum puto sufficere huic peccato puniendo.

10 Succedunt Conjugati: & prætermissa quidem virginitate in matrimonio servata, de qua alibi actum est, sæpe citatus Scacchus *sect. 6. cap. 6.* sapienter monet, in Dei Servis conjugatis, de quorum agitur Canonizatione, specialiter esse inquirendum, quo studio familiam in Dei timore educaverint, uxorem videlicet, liberos, & reliquos domesticos; siquos habuerint; quomodo singulos in officio continuerint; num prudenter & moderate cum eis se gesserint; quomodo rem familiarem administraverint, & sic in operibus misericordiæ, elemosynas pauperibus largiendo, se exercuerint. In eo autem, quod attinet ad mulieres conjugatas, subjicit idem Scacchus, specialia sanctitatis argumenta desumenda esse ex virtute mansuetudinis erga maritum, socrum, & totam familiam, ex modestia, & contemptu mundi muliebris, ex solitudine in regenda & gubernanda domo, liberos nimirum, servos & ancillas in Dei servitium & timorem dirigendo, ex cultu religionis, atque piis exercitationibus in his, quæ viro quantum ad jura matrimonii non officiant: nec omittendum, si forte vir Infidelis sanctificatus est per mulierem Fidelem, hoc est vel ad veram religionem per eam, vel ad bonam frugem & sanctos mores traductus est.

11 Quæ dicta sunt, Scacchus confirmat sacri Textus auctoritate, cum *Genes. 3.* Heva appelletur socia ab Adamo: *Mulier, quam dedisti mihi sociam;* & Apostolus Paulus *1. ad Timotheum cap. 3.* agens de electione alicujus Conjugati ad Episcopatum hæc habeat: *Sua domui bene præpositus, filios habens subditos cum omni castitate;* & Petrus Apostolus in *prima Canonica cap. 3.* dicat: *Mulieres subditæ sint viris suis, ut, si qui non credunt verbo, per mulierum conversationem sine verbo lucrifiant, considerantes in timore sanctam conversationem;* Idem exponens morum honestatem & modestiam, quæ Conjugatas decet, sic prosequatur: *Quarum non sit extrinsecus capillatura, aut circumdatis auri, aut indumenti vestimentorum cultus; sed, qui absconditus est cordis homo, in incorruptibilitate quieti & modesti spiritus, qui est in conspectu Dei locuples: sic enim aliquando & sanctæ mulieres ornabant se subiectæ propriis viris.* Hæc, & alia complexus est Clemens IV. in bulla Canonizationis S. Hedviggis uxoris Henrici Barbatæ Poloniæ & Silesiæ Ducis pag. 103. *cod. Canoniz.:* Cum clara memoria Henrico Duce Polonia matrimonium duxit legitime contrahendum, in quo, tripartitum bonum conjugii salubriter conservando, sic prudenter se gessit, quod tori fidem inviolatam custodiens, & prolem in Dei timore susceptam erudiens, ab ipsa Duce, cui non præcipiti voluptatis affectu, sed discreto

discreto semper inhabuisse iudicio creditur rationis, quousque est assumptus de medio, per separationis injuriam non diversis, licet, ut orationi & contemplationi vacarent decorius, totum ex pari voto & consensu unanimi per multa annorum curricula habuerint sequestratum, cum Creatori suo minus obsequii valeat ad plura distractus animus, & viro placere cupiens mulier in his, quæ Dei sunt, interdum segenior habeatur. Apud Surium ad diem 23. Julii de S. Birgitta hæc enarrantur: Filios suos Birgitta cum multa sollicitudine & diligentia educavit, eosque, cum aquila provocans ad volandum pullos suos & super eos volitans, unguibus castigationis, & sane doctrine radiis Solis justitiæ objecit, adhibens illis præceptores, qui eos in Fide & moribus instituerent. In bulla Canonizationis S. Franciscæ Romanæ pag. 282. cod. cit. summus Pontifex Paulus V. ejus vitam in statu conjugali ita describit: Caris familiaribus a spiritualibus minime distrabebatur, sed, rebus domesticis dispositis, non egrediebatur foras cum Dina, ut videret filias alienigenas, sed ipsas horas in secreto cubiculi sui, devote orando & meditando, quotidie transigebat. Abstinebat spectaculis, nuptiarum celebratibus, non ingrediebatur domum convivii, neque etiam cognatorum; ejusque oblectamenta & delicia erant, ecclesiæ & hospitalia frequentare, verbi Dei predicationibus & Divinis Officiis cum devotione intendere. Et paulo post: Non illi etiam, dum in conjugio vixit, quamquam nobili & opulento viro collocata, serica, non auro contexta, sed vilis & lanea vestis. Et rursus pag. 281. Et quemadmodum Sara obediebat Abrahæ, sic illa viro semper obediens fuit. De S. Monica matre sua hæc testatur S. Augustinus lib. 9. Confessionum cap. 9. num. 19. (nm. 1. oper. col. 164.): Tradita viro servivit veluti Domino, & sategit eum lucrari tibi, loquens te illi moribus suis, quibus eam pulcræ faciebas, & reverenter amabilem atque mirabilem viro. Ita autem toleravit cubilis injurias, ut nullam de hac re cum marito haberet umquam similitatem. Expectabas enim misericordiam tuam super eum, ut in te credens castificaretur. Erat vero ille præterea sicut benevolentia præcipuus, ita ira fervidus. Sed noverat hæc non resistere irato viro, non tantum facto, sed ne verbo quidem. Jam vero refracto, & quieto, cum opportunum videret, rationem facti sui reddebat, si forte ille inconsideratus commotus fuerat. Et paulo post num. 20.: Socrum etiam suam primo susurris malarum ancillarum adversus se irritatam sic vicit obsequiis, perseverans tolerantia & mansuetudine, ut illa ulro filio suo medias linguas famularum proderet, quibus inter se, & novam pax domestica turbabatur, expectaretque vindictam. Et infra num. 22.: Denique etiam virum suum jam in extrema vita temporali ejus lucrata est tibi, nec in eo jam fidei planxit, quod in nondum fidei toleraverat. Demum in relatione causæ S. Elisabethæ Regina Portugalliæ Auditores Rotæ referunt, Dionysium Regem & ejus maritum sanctissimæ conjugis exemplo permotum & victum benevolentia, qua filios illegitimos, quos ipse fidei conjugalis oblitus genuerat, prosequeretur, ad meliora consilia animum adjecisse: Quibus actibus tam Regem vicit, confusumque reddidit, ut bonitate & patientia, & charitate beatæ Reginae motus, ab omnibus suis impudiciis & illicitis conversationibus se retraxerit, & Reginam uxorem magno amore prosecutus fuerit,

rit, & matrimonii leges observaveris. Et juxta dictum Apostoli Pauli, sanctificatus est vir Infidelis per mulierem Fidelem.

12 Prosequitur Scacchus, quæ pertinent ad Viduas, uti videri potest *fest. 7. cap. 3.* ubi adnotavit, in causis earum inquirendum esse de diligenti filiorum educatione, si quos genuerint; de secessu a sæculi turbis, aut saltem de studio erga illum & voluntate; de carnis & corporis mortificatione; de religione & pietate erga res sacras, & Sacrorum Ministros; & de charitate erga pauperes: quæ omnia confirmat allatis exemplis præteritarum Canonizationum. Ne actum agere videamur, lectorem ad Scacchum *loc. cit.* remittimus, & pro dictorum confirmatione textum afferimus S. Pauli in *epist. 1. ad Timotheum cap. 5.* ubi Timotheum instruit, quem delectum habere debeat in Viduis honorandis, id est alendis & sustentandis publico sumptu Ecclesiæ, quæ sustentatio nomine honoris idcirco significatur, quia fiebat cum testimonio virtutis earum, quæ sic alebantur, quemadmodum indicat Estius ad locum citatum num. 3. Verba autem Apostoli sunt hæc *loc. cit. v. 3. & seq.*: *Viduas honora, quæ vere Vidua sunt. Signa autem Vidua filios, aut nepotes habet, discat primum domum suam regere, & mutuum vicem reddere parentibus; hoc enim acceptum est coram Deo. Quæ autem vere Vidua est, & desolata, speret in Deum, & insiet obsecrationibus & orationibus nocte ac die. Nam quæ in deliciis est, vivens mortua est. Et hæc præcipe, ut irreprehensibiles sint. Si quis autem suorum, & maxime domesticorum, curam non habet, Fidem negavit, & est Infideli deterior. Vidua eligatur non minus sexaginta annorum, quæ fuerit unius viri uxor, in operibus bonis testimonium habens, si filios educavit, si hospitio recepit, si Sanctorum pedes lavit, si tribulationem patientibus ministravit, si omne opus bonum subsecuta est. De tracta ætate sexaginta annorum, quæ juxta sensum Cardinalis Cajetani certa & statuta dicitur, non ut admittenda eligatur in numerum Viduarum, sed ut ceteris præficiatur, contra sentientibus aliis Interpretibus, eam ætatem statui pro Vidua, non uti ceteris præficienda, sed uti sumptibus Ecclesiæ alenda; reliqua concordant cum his, quæ supra ex Scaccho retulimus, quemadmodum consideranti patebit. De pedum lotione difficultas moveri posset. Apostolus autem respicit morem Judæorum, & locorum vicinorum, qui sordidos pedes ex itinere adventantium hospitem lavabant; quod obsequium leguntur etiam Abraham & Lot Angelis hospitio receptis exhibuisse *Genes. 18. & 19.* Christus quoque dixit Phariseo *Luc. 7. Aquam pedibus meis non dedisti; & ipse suorum Discipulorum pedes lavare non est dedignatus. Cumque nomine Sanctorum Fideles comprehendantur, & præsertim Ecclesiæ Ministri, & Evangelii Predicatores, in quibus sanctitas magis elucet, & per synecdochen sub lotionem pedum omne genus humilioris obsequii, quod Sanctis præstari solet, comprehendatur, nemo est qui non videat, relata a Scaccho optime concordare cum Apostolica doctrina. Inculcat Apostolus educationem liberorum, de qua profecto sedulo inquirendum est in omnibus parentibus, uti, præter supra deducta,**

ex sa-

ex sacra Pagina exempla suppetunt. De Job quippe legitur, cum vigilasse super cogitationibus filiorum suorum; & eandem vigilantiam habuisse dicitur Tobias de filio suo, & Helcia de Susanna: & in *libris Regum* Heli Sacerdoti ira Dei denuntiatur ob vitam filiorum, qui Sacerdotium patris in quæstum verterant, quamquam plerumque eos pater increpasse referatur; sed levior oburgatio non satisfecit disciplinæ, ita ut inter sacros Interpretes adhuc hodie queratur, an Heli damnatus sit, super qua controversia legi possunt utrinque deducta a Cornelio a Lapide ad lib. 1. *Regum* cap. 4. Post quæ, ad nostrorum Sanctorum exempla quod attinet, & signanter sanctarum Viduarum, S. Augustinus hæc refert de Monica matre sua lib. 9. *Confessionum* cap. 9. num. 22. Nutrieras filios sotes eos parturiens, quoties abs te deviare cernebas. Item, quantum studuerit curandis filiis S. Amelberga Vidua, sat superque declarat sanctitas eorum apud Surium ad d. 10. Jul. *Ex ea natus est Beatus Adelbertus Cameracensis Ecclesie Præsul sanctissimus, cujus gesta plena miraculis & virtutibus usque in præsens in eadem florent Ecclesia. Itemque quatuor Deo dicata sorores, Reinildis, Pharaïldis, Airmelendis, & Gudila. Et infra: Cum autem filia ejus ab infantia vitam castissimam ducere constitissent, licet multi Regni Proceres propter nobilitatem & opes illas sibi matrimonio jungere perciperent, maluerit virginis tenere propositum, & Sponsi immortalis Christo Jesu adherere potius, quam mortalium hominum conjugii copulari. De Sancta quoque Hedvige prosequitur Surius ad d. 15. Octobr. n. 1.: Ex ea igitur sancta radice sancti quoque rami prodire, & bona arbor bonos fructus protulit: qui enim ex eis (id est ex Hedvige, & ejus viro Henrico) nati sunt, Divino cultui dediti fuere, eumque pro viribus augmentarunt. Et alibi adnotatum est, claruisse miraculis Catharinam filiam S. Birgittæ, & matris Canonizationem promovisse.*

13 De Servis Dei Peregrinis agit citatus Scæcehus de not. & sign. sanctit. sect. 6. cap. 7. monetque, inquirendum esse de peregrinationis causa, de licentia obtenta peregrinandi, de gestis in peregrinatione, de frequentia Sacramentorum, de corporis afflictionibus & laboribus in peregrinatione exantlatis; & affert tanquam tritum illud, *Peregrinus aut nunquam, aut tarde sanctificatur*; de quo in celebri libro de imitatione Christi lib. 1. cap. 23. *Qui multum peregrinantur, raro sanctificantur.* Calvinus, & Magdeburgenses, & Claudius Taurinensis sacras peregrinationes execrati sunt; at eorum pietatem & religiositatem latissime propugnarunt Thomas Waldensis tom. 3. tit. 15. Cardinalis Bellarminus de cultu Sanctorum lib. 3. cap. 8. Gretserus in quatuor libris de peregrinationibus, ubi multa scitu utilia reperiuntur. Theophilus Raynaudus tom. 15. in opere, cui titulus, *Heteroclitica Spiritualia*, pag. 213. & seqq. Et quidem a primis Ecclesiam sæculis in more positum fuit, ut Fideles proficiscerentur ad sepulcra Martyrum, & ad loca precipuorum mysteriorum operatione consecrata. Apud Eusebium *hystor. Eccles. lib. 6. cap. 11.* hæc habentur: *Hæc igitur visione, tanquam Divino admonitus oraculo Alexander cum ex Cappadocia, in qua primum Episcopus fuerat ordinatus, Hieroso-*

rosilymam profectus fuisset, tum orandi, tum locorum visendorum gratia: & in lib. 3. de vita Constantini cap. 42. hæc refert de S. Helena: *Nam cum illa debitum pia affectionis munus Deo omnium Regi persolvere decrevisset, & pro filio suo, tanto scilicet Imperatore, ac pro filiis ejus Cesaribus Deo carissimis nepotibus suis gratias cum supplicationibus agendas sibi esse statuisset, quamvis affecta jam aetate, tamen juvenili animo properavit mulier singulari prudentia, ut Terram veneratione dignam perhistraret, & Orientis provincias, urbesque, ac populos cum regali quadam sollicitudine, ac providentia inviseret. Postquam vero Servatoris nostri vestigia debito cultu venerata est, prout olim Propheticus sermo prädixerat: Adoremus (inquit) in loco, ubi steterunt pedes ejus; continuo pietatis sua fructum pueris etiam dereliquit: & S. Joannes Chrysostomus in epist. ad Corinth. 2. cap. 12. homil. 26. (tom. 10. oper. pag. 625.) hæc ait de peregrinatione ad sepulcra Martyrum: Hæc quippe sepulcra aliis Imperatorum sepulcris multo splendidiora & venerabiliora facta sunt. In illis enim mira solitudo, in his ingens hominum frequentia &c. Atque hic quidem Imperator subditos suos Profecto ita effa non miseram hanc abjectamque potestatem habent, verum illa multo majorem. Damones enim sstunt, & excruciant, acerbissimisque illis vinculis eos, qui astricti sunt, solvunt &c. ideo nemo est qui peregrinationem unquam intra justineas, ut Imperatorum aulas videat: contra multi plerumque Imperatores peregre profecti sunt, ut hoc spectaculo fruerentur. Alia ex sacro Textu pro sacris peregrinationibus argumenta colligi possunt. Absalom enim lib. 2. Regum cap. 15. v. 7. ait David patri suo: *Vadam, & reddam vota mea, qua vovi Domino in Hebron.* Et in Evangelio Lucæ cap. 2. legimus, Beatissimam Virginem, & Sanctum Joseph juxta consuetudinem, & Legem Mosaicam singulis annis ad Templum Hierosolymitanum accessisse, ad quod etiam accedebant Gentiles, ut in eo Hebræorum Deum colerent; quemadmodum colligitur ex Evangelio S. Joannis cap. 12., inter quos fuit ille Eunuchus Candacis, de quo in Actis Apostolorum cap. 8. Inter Acta Ecclesiæ Mediolanensis, & signanter in Concilio quarto part. 1. de religiosis peregrinationibus, multa indicantur de modo, quo sacræ peregrinationes expleri debent. Suspectæ porro sunt mulierum peregrinationes, nisi vel illustri loco natæ, vel ob copiosum comitatum æque foris securæ sint, ac si domi hærent, vel nisi ex speciali Dei impulsu prudenter probato peregrinationes suscipiant; quemadmodum pluribus prosequitur Theophilus loco citato pag. 217. Amatus Pouget in institut. Catholic. tom. 2. pag. 955. plura exponit de peregrinationum utilitate, si sanctæ expleantur, & de earum periculis, si quis eas incaute aggrediatur: & si fas est sacris miscere profana, celebris est epistola 28. Senecæ ad Lucilium, ubi offendit, animum, non cælum mutandum esse, & quamvis terræ & urbes recedant, vitia tamen sequi peregrinum & errantem, ad quemcumque locum ipse pervenerit. In eo vero, quod attinet ad Beatificationes & Canonizationes, vel agitur de Dei Servis, qui aliquam peregrinationem pietatis gratia peregrunt; & quoad*

hos

hos omnia a Scaccho indicata, erunt sedulo perpendenda, una cum aliis a Servo Dei peregrino gestis ante & post peregrinationem; peregrinatio siquidem non omnem ejus vitæ cursum, sed partem tantum complectitur: vel agitur de Dei Servis, qui aut integrum vitæ suæ cursum, aut majorem ejus partem peregrinando expleverunt; & hi quidem, si virtutibus eminuerint, poterunt esse sancti coram Deo, sed Canonizationis honorem in Ecclesia militante vix obtinere poterunt, cum fere impossibile sit testes reperire, qui de eorum gestis testimonium reddere possint; nisi forte secum peregrinando testes duxissent, qui post eorum obitum interrogati de necessariis testari possent. S. Gaudentius Episcopus Brixienfis *hæmil. die dedicat. basilica Concilii SS. (in collect. veterum PP. Eccl. Brix. pag. 340.)* hæc habet de suis itineribus: *Quid ... de quadraginta Martyribus dignum loquar, qui se itineri meo, cum per urbes Cappadocie Jerusalem pergerem, fideles comites præbere dignati sunt.* Beatum Contardum ex illustri Estensium familia nonnulli peregrinantem comitati sunt. Ingravescente morbo, comites coeptum iter, ipso auctore & hortatore, profecti sunt, & ipse sancte Bronæ obiit, ut ex ejus vita apud Bollandianos *ad diem 16. Aprilis* plene desumitur. Si de S. Gaudentii Canonizatione, aut de Canonizatione B. Contardi juxta præsentem Ecclesiæ disciplinam post eorum obitum agi debuisset, examini subjici potuissent testes itineris comites, & qui morti præsentibus fuerunt: sed, cum casus consimiles raro contigerint, & credi possit, rariores futuros esse nostris temporibus; repetimus, peregrinos, qui aut totum vitæ cursum, aut majorem ejus partem peregrinando perfecerunt, sanctos esse posse coram Deo, sed ex probationum defectu vix de eorum Beatificatione aut Canonizatione judicium institui posse coram Ecclesia. Experientia constat, quibus implicentur difficultatibus, qui post vitam in peregrinationibus traductam, matrimonium contrahere cupientes, probare debent, se aliud antea matrimonium non contraxisse; & in aliquibus rebus circumstantiis videmus, eos admitti ad juramentum, quod vocant *suppletorium*, ut sui status libertatem ostendant, indicta poena contra polygamos, si, aliud præcedens matrimonium fuisse ab eis contractum, constiterit. Si pro uno actu vitæ probando tot in peregrino occurrunt difficultates, quot quantæque occurrerent, si de singulis ipsius gestis ageretur, eorumque esset instituenda probatio?



CAPUT XXXVIII.

*De obitu Servorum Dei, de quorum agitur Beatificatione
& Canonizatione.*

1. **P**ostquam de virtutibus, earumque heroicitate, quibus Canonizandi, dum viverent præditi esse debuerunt, necnon de specialiter advertendis, pro statu uniuscujusque Dei Servi, de cuius agitur Beatificatione & Canonizatione, multa jam dicta sunt, remanet, ut videamus de eorum obitu. Inter præcipua, quæ sedulo sunt advertenda in causis Beatificationis & Canonizationis Servorum Dei, est ipsorum obitus: favorabili quippe de virtutibus heroicis deliberationi parum profuisset, continuatum earum exercitium, dum viverent, ostendisse, nisi manifesta earum indicia, ex iis, quæ in obitu contigerunt, apparerent. Fuit hoc sapienter adnotatum a Ven. Dei Servo Cardinali Bellarmino in suffragio, quod edidit in causa Canonizationis S. Franciscæ Romanæ, & formis imprimetur in Appendicibus tom. VII.: *Quamvis enim Sanctorum, qui cum Christo regnant in calis, tam ingens sit numerus, ut Sanctus Joannes in Apocalypsi dixerit, Vidi turbam magnam, quam dinumerare nemo poterat; tamen pauci sunt, quos Deus singulari providentia elegit, ut eis per Vicarium suum in terris publici decernantur honores. Neque enim ad hanc excellentiam satis est, ut ceram Deo sancti sint; sed oportet, ut certissimis documentis probetur, eos, dum viverent, vera sanctitatis gloria aliis praluxisse, & in eadem sanctitate diem extremum clausisse, & demum post mortem carnis animas eorum ad æternam beatitudinem pervenisse.*

2. Fufius hoc argumentum prosequitur Fortunatus Scacchus de not. & sign. sanctis. sect. 5. cap. 6. ubi signanter hæc habet: *In extremo autem agone & luctu in Dei Servis ac Famulabus habitus virtutum, æternorum desiderium, & temporalium contemptus aperte cognoscitur; ac proinde omnia diligenter consideranda veniunt, quæ in illa rerum omnium ultima linea contigerunt, in Actis nimirum piorum virorum, de quorum cultu & Beatificatione aut Canonizatione in Ecclesia agendum erit. Cum enim virtus sit habitus, ut jam dictum probatumque extitit, & in habitu, non in actu virtutis ratio sit constituenda, ut omnes Philosophi ac Theologi docuerunt, propterea in extremo agone in primis micant ac splendens virtutum habitus in vita acquisiti, quando nimirum naturales sensus, & naturales potentia tam interiores quam exteriores, morbi violentia præpediunt, impediuntur, quo minus suas exerant operationes. Tunc enim quosdam actus quasi involuntarios ab habitibus longo virtutum exercitio acquisitis provenire non dubitamus; ac propterea ab illius extremi agonis actibus virtutum habitus jam acquisiti cognoscantur necesse est. Hac de causa Servorum Dei in agone posteriorum acta omnia attendenda diximus; verba videlicet, corporis motus, motus oculorum, suspiria, si qua ediderint, & reliqua sigillatim, tam quæ contra*
bystem

hystem proferunt, verba, quam etiam hortatoria ad astantes, ac denique illa ipsa, quibus se Deo morituri commendant, ut illorum exemplo non solum Fideles formam abeundi ex hoc mundo ad calum hauriant, sed ut ex his signis habitus virtutum Evangelicarum, Evangelicaque perfectionis ac sanctitatis notas habere possimus.

3 Denique concordant decreta generalia Urbani VIII.: In processibus faciendis illud maxime & precipue observandum est, ut videatur exitus vite illius, qui petitur canonizari; quoniam, cum, ut dici soles, exitus acta probet, si finis vite illustris sit, & sanctimonia plenus, & publica præsertim testificatione notatus, argumentum erit, quod actiones antea factæ poterunt esse sanctæ: & ideo in formandis articulis videndum est, qualis fuerit vita exitus, & quolibet circumstantiis sanctitatis sit munitus; nam in hoc articulo magnum cause pondus consistit.

4 Illustrantur hæc omnia argumentis ab Ecclesiastica historia petitis. S. Possidius Calamensis Episcopus vitam scripsit S. Augustini Hipponensis Episcopi, & cap. 31. exactissime descripsit, quanta pietate & sanctitate, & peccatorum poenitentia se ad mortem præparaverit: Sane ille Sanctus in vita sua proluxa pro utilitate ac felicitate sanctæ Ecclesiæ Catholica divinitus condonata vixit annis 76., in Clericatu autem, vel Episcopatu annis ferme 40. Dicere autem nobis inter familiaria colloquia consueverat, post perceptum Baptismum etiam laudatos Christianos, & Sacerdotes absque digna & competenti poenitentia exire de corpore non debere. Quod & ipse fecit ultima, qua defunctus est, agitudine: nam sibi iusserat Psalmos Davidicos, qui sunt paucissimi, de poenitentia scribi, ipsosque quaterniones jacens in lecto contra parietem positos diebus suis infirmitatis intuebatur, & legebat, & jugiter ac uberim flegebat: & ne intentio ejus a quoquam impediretur, ante dies ferme decem, quam exires de corpore, a nobis postulavit presentibus, ne quis ad eum ingrederetur, nisi iis tantum horis, quibus Medici ad inspiciendum intrarent, vel cum ei refectio inferretur. Et ita observatum ac factum est: & omni illo tempore orationi vacabat. Verbum Dei usque ad ipsam suam extremam agitudinem impratermisit, alacriter, & sortiter, sana mente sanoque consilio in ecclesia predicavit. Membris omnibus sui corporis incolumis, integro adpectu atque auditu, & us scriptum est, nobis astantibus & videntibus, & cum eo pariter orantibus, obdormivit cum Patribus suis, enutritus in bona senectute; & nobis coram pro ejus commendanda corporis depositione Sacrificium Deo oblatum est, & sepultus est.

5 S. Hieronymus vitam edidit S. Pauli Eremitæ, ubi refert mirabilem adventum S. Antonii ad ipsum, & mortis, quam Paulus divinitus habuit, præscientiam: Olim te, Frater, in istis regionibus habitare sciebam (sic Paulus Antonium allocutus est) num. 11. (tom. 2. oper. col. 9.) olim te confervum meum mihi promiserat Deus. Sed, quia jam dormitionis mee tempus advenit, & quod semper cupiebam, dissolvi & esse cum Christo, peracto cursu, superest mihi corona justitiæ, tu missus es a Domino, qui humo corpusculum meum tegas, immo terra terram reddas. Tum visionem narrat, quam ha-

buit Antonius, animæ Pauli in cælum receptæ, & alia denique prodigia, quæ in obitu contigerunt: *Cumque jam dies alia illuxisset, & trium horarum spatio riam remeavisset* (sermo est de Antonio, qui ad suam eremum perrexerat, ut pallium sumeret sibi a S. Athanasio Episcopo olim dono datum, quo corpus S. Pauli involveret) *vidit inter Angelorum caervas, inter Prophetarum & Apostolorum choros, niveo Paulum candore fulgentem in sublime ascendere. Et statim in faciem suam procidens, sabulum capiti superfaciebat, ploransque & ejulans agebat: Cur me, Paule, dimittis? Cur insalutatus abis? Tam tarde notus, tam cito recedis? Referebat postea Beatus Antonius, tanta se velocitate, quod reliquum erat via, cucurrisse, ut instar avis pervolasset. Nec immerito. Nam introgressus speluncam, vidit, genibus complicatis, erecta cervice, extensisque in altum manibus, corpus exanime: ac primum & ipse, vivere eum credens, pariter orabat. Postquam vero nulla, ne suspiria precantis audivit, in flebile osculum ruens, intellexit, quod etiam cada-ver Sancti Deum, cui omnia vivunt, officioso gestu precabatur. Hucusque S. Hieronymus, qui etiam subinde refert, duos leones ex interioris eremi parte currentes ad cadaver S. Pauli substitisse, haud procul coepisse humum pedibus scalpere, & arenam certatim egerentes, unius hominis capacem locum soddisse, & S. Antonium in eo corpus S. Pauli depoluisse, & tumulum ex more composuisse.*

6 Ab eodem S. Hieronymo scripta est etiam vita S. Hilarionis Monachi, in qua nec paupertatem, in qua mortuus est, nec humilitatem, nec ultima, quæ protulit, verba omisit. Habetur enim num. 44. (tom. 2. oper. col. 39.): *Igitur octogesimo atatis sue anno, cum absens esset Hefychius, quasi testamenti vice brevem manu propria scripsit epistolam, omnes divitias suas ei derelinquens, Evangelium scilicet, & tunicam sacceam, cucullam, & palliolum. Nam Minister ejus ante paucos dies obierat. Venerunt itaque ad egrotantem de Papbo multi religiosi viri, & maxime, quod eum diuisset audierant, jam se ad Dominum migraturum, & de corporis vinculis liberandum. Sed & Constantia quedam sancta femina, cujus generum et filiam de morte liberaverat unctione olei. Quos omnes adjuravit, ut ne puncto quidem hora post mortem refoveretur, sed statim eum in eodem hortulo terra operirent sicut vestitus erat, in tunica cilicina, et cuculla, et sago rustico. Jamque medicus calor tepetebat in pectore, nec, præter sensum, quidquam vivi hominis supererat; et tamen, aperti oculi, loquebatur: Egredere, quid times? Egredere, anima mea, quid dubitas? Septuaginta prope annis servisti Christo, & mortem times? In hac verba exhalavit spiritum.*

7 Extat apud Bollandianos vita S. Patris Benedicti scripta a S. Gregorio Magno, in cujus cap. 37. nedum sui exitus præscientia ab ipso Fratribus demumtiata exponitur, sed alia quoque referuntur; quomodo scilicet jussit, sibi sepulturam aperiri, quam eximia pietate se muniverit perceptione Corporis & Sanguinis Domini, Viatico videlicet, aut sub utraque specie, qua ratione infirmis aliquando traditum est ex veteri disciplina.

plina, aut sub unica tantum specie, cum juxta Antiquorum loquendi morem unica tantum species panis fuerit designata nomine Corporis & Sanguinis Dominici, teste Mabillonio in *annal.* tom. 1. pag. 114. At, utcumque sit de his, idem S. Gregorius refert, quomodo S. Benedictus orans, & erectis ad cælum manibus, animam efflaverit; simulque prodigia narrat, quibus a Deo ostensum est, ejus animam ad cælestem vigilem admissam fuisse. En verba S. Gregorii num. 37. (apud Bollandianos ad diem 21. Mart. tom. 3. pag. 587.): Eodem vero anno, quo de hac vita erat exiturus, quibusdam discipulis secum conversantibus, quibusdam longe manentibus sanctissimi sui obitus denuntiavit diem; presentibus indicens, ut audita per silentium tegerent, absentibus indicans, quod, vel quale eis signum fieret, quando ejus anima de corpore exires. Ante sextum vero sui exitus diem, aperiri sibi sepulcrum jubet. Qui mox correptus febribus, acri cepit ardore fatigari. Cæmque per dies singulos languor ingravesceret, sexta die portari se in Oratorium a discipulis fecit, ibique exitum suum Dominici Corporis & Sanguinis perceptione munivit; atque inter discipulorum manus imbecillia membra sustentans, erectus in cælum manibus stetit, & ultimum spiritum inter verba orationis efflavit. Qua scilicet die duobus de eo Fratribus, nmi in cella commemoranti, alteri autem longius posito, revelatio unius atque indissimilis visionis apparuit. Viderunt namque, quia strata palliis, atque innumeris cornuæ lampadibus via recte Orientis tramite ab ejus cella in cælum usque sendebatur. Cui venerando habitu vir desuper clarus assistens, cujus esset via, quam cererent, inquisivit: illi autem, se nescire, professi sunt. Quibus ipse ait: Hac est via, qua dilectus Domino cælum Benedictus ascendit. Tunc itaque sancti viri obitum, sicut presentes discipuli viderunt, ita absentes ex signo, quod eis prædictum fuerat, agnoverunt. Sepulchrum vero est in Oratorio Beati Joannis Baptista, quod, destructa ara Apollinis, ipse construxit. Qui & in eo specu, in quo prius habitavit, nunc usque, si potentium fides exigat, miraculis coruscet.

8 S. Gregorius Nazianzenus orat. 20. in laudem S. Basilii (tom. 1. oper. pag. 370.) sic de ejus morte effatur: Cum ferme mortuus & exanimis esset, maximeque ex parte vita perfunctus, circa extremos sermones robustior se, ut cum pietatis verbis abscederes, ac fidelissimis suis cultoribus ad Ecclesiasticos gradus provehendis manum & spiritum præberes, ut ne Sacrario fraudarentur, quos discipulos, atque tu Sacerdotio adjutores habueras. Postquam autem retulit, postrema ejus verba fuisse, In manus tuas, Domine, commendo spiritum meum, & subinde animam lætum exhalasse, addit: Non ante tamen, quam sacrosancta doctrina eos, qui aderant, nonnihil instruxisset, extremisque allocutis meliores effecisset.

9 Vitam denique S. Malachie Episcopi Hibernie S. Bernardus Abbas fideliter conscripsit. Cum devenisset ad exponendam ejus mortem, ait cap. 31. num. 70. col. 695. oper. vol. 1., Monachis medicamenta adhibentibus & fomenta, eum dixisse, cum sciret tempus instare sue dissolutionis: Sine causa hac, sed charientis vestri facio quidquid injungitis. Fratribus autem asse-

rentibus,

rentibus, non oportere de vita diffidere, cum nulla mortis signa apparerent, respondisse, num. 71. : *Oportet, hoc anno Malachiam exire de corpore : ecce appropinquat dies, quem, ut optime nostis, optavi semper ipsum fore diem resolutionis meae* : tum iussisse, se sacro Oleo ungi, sumptoque Viatico, se Fratrum orationibus, & Fratres Deo commendasse; neminem tamen de ejus vicina morte suspicionem tunc habuisse, cum mortis indicia nulla essent, num. cit. : *Alto de solario descendebar pedibus suis, & rursus nihilominus suis pedibus ascendebar, & dicebas mortem esse in januis. Quis hunc hominem crederet moriturum? Solus ipse, & Deus id scire poterant. Non vultus pallidior, non macilentior videbatur, non rugata frons, non reconditi oculi, non nares extenuatae, non contracta labia, non adusti dentes, non collum exesum & gracile, non curvi humeri, non caro extanata in corpore reliquo. Febrim deinde invaluisse, & unumquemque suum iudicium reprehendisse, nec ulli amplius dubium superfuisse de obitu Malachiae; eumque oculos levantem in circumstantes haec protulisse verba, num. 73. : Desiderio desideravi, inquit, hoc Pascha manducare apud vos. Gratias ago supernae pietati, non sum fraudatus a desiderio meo &c. Habete, inquit, curam mei; ego vestri, si licuerit, non obliviscar. Licebit autem. Credidi in Deum, & omnia possibilia credenti. Amavi Deum. Amavi vos, & charitas numquam excidit. Et suspiciens in caelum, Deus, inquit, serva eos in nomine tuo; non solum autem eos, sed & omnes, qui per verbum ac ministerium meum tunc se mancipavere servitio. Deinde imponens manus singulis, & benedicens omnibus, passatim ire jubet, quia nondum venerat hora ejus. Demum circa mediam noctem, congregatione tota Monachorum astante, & Psalmos & hymnos canente, feliciter ex hac vita migrasse anno aetatis suae quinquagesimo quarto, loco & tempore, quo praelegit & praedixit, num. 74. : Malachias Episcopus, & Legatus sanctae Apostolicae Sedis, velut e manibus nostris assumptus ab Angelis, feliciter obdormivit in Domino, & vere obdormivit. Vultus placidus placidi exitus indicium fuit, & quidem omnium oculi fixi in eum : nemo tamen, qui, quando exivit, advertere potuisset. Mortuus vivere, & vivens mortuus putabatur : adeo nil intercidit, quod alterutrum determinaret. Eadem vivacitas vultus, serenitas eadem, qualis apparere solet in dormiente.*

10 Suffragantur exempla ex ipsis Canonizationum Actis petita, quorum nonnulla operæ pretium esse censemus hic inferere. In bulla Canonizationis S. Thomae de Villanova in cod. Canoniz. pag. 361. refertur, quae hilaritate vicinæ mortis nuntium receperit; quomodo omnia, quae superfuissent, mandaverit pauperibus distribui; quid post recepta Ecclesiae Sacramenta Clero commendaverit; quam pio mentis affectu in osculo Domini mortuus sit; & quae postrema demum fuerint ipsius verba : Cumque orans & vigilans expectaret adventum Domini sui, Episcopus Segobritensis, ultimum adventuræ vitæ terminum, nuntiavit : cui exhilaratus gratias egit, & addidit : Letatus sum in his, quae dicta sunt mihi : In domum Domini ibimus : usurpans etiam illud Sancti Martini, Si adhuc populo tuo sum necessarius, non recuso laborem. Sin minus, cupio dissolvi, & esse tecum. Tum vero, cum per Oeconomum quinquaginta

que millium aureorum summam superesse significaretur, eam pauperibus distribuit mandavit; cumque intellexisset, omnibus civitatis pauperibus abunde esse subventum, & adhuc mille & quingentos aureos reliquos esse, ad immortalitatis bravium terrenis omnibus affectibus expoliatus anhelans, sic conquestus est: Cur me hic desinetis adhuc, ne ad fruendum bonum, quod mihi paravit Dominus, evolem? Properate, opus absoluite, ne ipse diuinus hic in labore anxius desineat, sed tandem in pace Christi requiescam. Et certior factus, jam omnia consummata, ipse suum jam consummaturus cursum, Deo gratias agens, addidit: Nunc latus ad agnem propero, nudus cum nudo, nil habens unde teneat, strenue luctaturus: iustique, se sacro Oleo muniri, & Clerum vocari, cui sumpto sanctissima Eucharistia sacramento, sanctitatem visa, & perpetuam erga sanctam Sedem Apostolicam obedientiam ex testamento legavit. Denique semel adhuc sub speciebus sacramentalibus venerari cupiens Deum Salvatorem, quem mox facie ad faciem sese intuiturum sperabat, in suo cubiculo sanctum Sacrificium confici, & interim sibi Dominica Passionis Evangelium secundum Joannem legi voluit; eoque cum alta contemplatione audito, ac mira pietate & humilitate augustissimo Sacramento, erga quod semper devotissimus exstitit, ad elevationem adorato, præ gaudio vim lacrymarum profundius inchoavit Canticum, Nunc dimittis servum tuum, Domine, secundum verbum tuum in pace; eoque absoluto, subdidit: In manus tuas, Domine, commendo spiritum meum. Qua cum diceret, expiravit die octava Septembris vespere Nativitatis Beatissima Virginis, cujus, dum viveret, amore languebat, anno salutis millesimo quingentesimo quinquagesimo quinto, etatis sue sexagesimo octavo. Eadem omnino referuntur in relatione Rotæ Auditorum, quam in ejus causa exararunt, & quam Contelorius integram edidit post suum tractatum de Canonizatione. Hicque obiter fas sit aliqua adnotare de pio usu legendi morientibus Passionem Domini, quem maximo opere commendat Durandus in *rationali* lib. 7. cap. 34. Ejus memoria habetur in antiquo Breviario Montis Cassini manuscripto tempore Abbatis Oderisii *tit. Officium, sive obsequium circa morientem*. Ibi enim post administrationem sacramentorum Poenitentiae & Eucharistiae subjicitur: Deinde legantur ante eum *Passiones Domini*. Concordat antiquum Breviarium apud Martene lib. 5. cap. 9. num. 19. de antiquis *Monachorum ritibus*. Plura alia collecta legi possunt in eruditis notis ad sermonem 4. de *Purgatorio* san. mem. Benedicti XIII. Et in vita S. Frodoberti Abbatis Cellensis in 11. *sec. Benedicti*. par. 2. pag. 634. num. 22. ita legitur: *Univerfus denno jubet adeste discipulos, dumque ante eum Textus Passionis legeretur Dominica, sub oculis omnium sancta anima carnis exuta velamine felici decessu caelestia penetravit.*

II In relatione Rotæ Auditorum in causa Canonizationis S. Caroli Borromæi 2. *part. art. 22.* narratur, eum, quasi præcium propinque mortis, ad Montem Varallum se contulisse, ubi piis meditationibus, jejuniis, vigiliis, & peccatorum Confessione generali se ad mortem præparavit, & incredibili humilitate subinde Ecclesiæ Sacramenta recepit: Paulo antequam a Domino vocaretur Carolus veram post tot labores quietem recepturus, ad Montem Varallum

600 DE SERVORUM DEI BEATIFICATIONE

rallum dieceſis Novarienſis, ſicut diu optaverat, ſacella ejus ſacra, quæ Paſſionem & ſepul:uram Domini repræſentant, viſitaturus ſe contulit: quindecim dierum ſpatio ibi moratus, orationi, piis meditationibus, Divinis contemplationibus, & aliis ſpiritualibus exercitiis deditus, jejunii, vigiliis, dormitatione in terra, & nudis tabulis carnem jamdiu multis aſperſatibus caſtigatam amplius maceravit; & quaſi propinqua mortis præſcius, Confessionem generalem humiliter fecit, & quotidie de more Miſſam celebravit; & quamvis febris tertiana ſuperveნიſſet, conſueſta exercitia non omiſit. Quibus abſolutis, verſus Aronam itinere ſuſcepſo, paroxyſmi invadentibus, Canobium pervenit, inde Aſtonam, ut inchoatum Collegium ſtabilires, ſicut fecit. Inde reverſus Canobium, poſtea Aronam, & mox Mediolanum petiit; ubi, ingraveſcente febrī, poſtquam incredibili & quadam inexplicabili devotione & profunda humilitate Eccleſia Sacramenta recepiſſet, die tertia Novembris circiter tertiam horam noctis anno Domini 1584., ætatis vero anno 47. inchoato, tamquam alter Martinus, quem in munere Paſtorali multum fuerat imitatus, placido ſine quieſcit in Domino.

12 In relatione cauſæ S. Petri de Alcantara ſic. de feliciffimo obitu, plura referuntur: primò quidem (ut ibi dicitur) licet ultima infirmitate laborans, nunquam Divinum Officium prætermiſit; ſecundò, ea nocte, quæ præceſſit adminiſtrationem ſanctiſſimi Sacramenti, jugiter oravit; tertio, enixis precibus ſuorum peccatorum veniam a Deo poſtulavit; quarto, incredibili ſpiritus fervore ſacrum Viaticum recepit; quinto, lætatus eſt, nuntium audiens vicinæ mortis; ſextò, magna reverentia extremæ Unctionis ſacramentum excepit; ultimo, ante obitum mirabili viſione Sanctiſſimam vidit Trinitatem, Beatiſſimam Virginem, & Sanctum Joannem Evangeliſtam. En verba relationis Rotalis: Evenit itaque, quod ultra infirmitates, quibus ſemper Dei Famulus affectus vitam ducebat, ſuperveნიſſi illi quadam febris, ex qua credidit ſe moriturum; & per dies, quibus duravit, etiamſi eſſet in extremo debilis, nunquam tamen Divinum Officium dicere prætermiſit. Et, cum vidiffet Religioſos afflictos, coepit illos conſolari dicens: Nolite, filii mei, flere: jam erat tempus, in quo Deus miſericors miſericordiam mei haberet: petiitque in illo veſpere ſacramentum Euchariffiæ ſibi miniſtrari; & cum hoc differretur uſque ad ſequentem diem de mane, totam illam noctem in dulciſſima oratione & contemplatione conſumpſit, &, copioſis lacrymis & dolore & contritione peccatorum effuſis, ſapius verba Pſalmiſtæ repetebat dicens: Amplius lava me ab iniquitate mea, & a peccato meo munda me. Et quaſi maximis culpis involutus, & tamquam ille, qui poenitentiam per tot annos continuos & valde auſteram & rigidam non egiffet, ita deprecabatur Deum, ut magis & magis illum lavaret, & a peccatis munderet: quibus verbis ex illo Divino affectu prolatis, Fratres præſentes adificationem maximam ſenſerunt, quin & illis fuisse occaſio confuſionis, videndo Patrem ſuum, qui totum curſum ſuæ vitæ in inſerviando Deo, & in oratione, & Divina contemplatione, & poenitentia conſumpſerat, in fine ita culpas lacrymis lavare, a Deoque petere, amplius & amplius ab illis mundari; quibus vir ſanctus addebat: Caſtiga me, Domine, non ſecundum peccata mea, ſed ſecundum magnam

magnam misericordiam tuam. Ego enim spero, per merita tue sanctissima Passionis a te salvari. Venis igitur dies, & illud sanctissimum Viaticum cum venire agnovit, quamvis debilis, & quasi paralyticus non valens moveri, statim absquo alicujus adjutorio genuflexus, vinctisque manibus, incredibilique spiritus fervore illud Divinum Sacramentum adoravit, & summa cum veneratione, lacrymis, & reverentia suscepit, petiitque, sibi suo tempore sacrosanctum extrema Unctionis sacramentum ministrari; & oculis fixis in Christo crucifixo, quem ibi habebas, vultuque sereno & quasi igneo ex spiritus fervore, & in maxima quiete, & quasi in ecstasi, & absortus in Deum remansit per longum temporis spatium; posteaque, accedente Medico, ab illo vir Dei quasivit: Quando veniet tempus optatum, & hora, qua ex hoc exitio eripiar, & viam vita ingrediar? Cui Medicus respondit: Pater mi, cito ista hora adveniet; jam enim appropinquat. Quo audito a viro sancto, inenarrabili letitia fuit affectus, qua, & maximo júbilo conversus in Deum, hilarique vultu dixit cum Regio Propheta: Lætatus sum in his, quæ dicta sunt mihi: in domum Domini ibimus. Sequenti die, summo mane fuit illi ministratum sacramentum extrema Unctionis, quod extrema devotione & reverentia suscepit, maximeque cum compositione sua persone, & quasi nullam infirmitatem haberet, ipsemet cum Ministro & aliis alternatim Psalmos recitabat, & ad imitationem sui Patris Seraphici Francisci voluit spiritum paupertatis etiam in morte demonstrare, ita ut moreretur cum eadem paupertate, qua fuit natus. Siquidem neque illum unicum habitum, quo utebatur, in morte voluit habere; illo namque exutus petiit a Guardiano in charitate, ut aliquo veteri habitu illum sepultura manderet: fecitque, suos Filios & Fratres vocari, illisque observantiam Regula, & obedientiam debitam Superioribus commendavit; vidensque, quia ventret hora transeundi ex hoc mundo ad æterna gaudia, illos brachiis plenus charitate amplexus fuit, impartivitque suam benedictionem. Quibus peractis, Servus Dei quievit, & in hac quiete intra se ipsum nec manum nec pedem movens stetit per longum temporis spatium; & quando ab hac quiete venit, dixit Fratribus: Filii mei, non videtis Sanctissimam Trinitatem, & Dominam meam gloriosissimam Virginem Mariam, & Deum Joannem Evangelistam? Et illius vultus fuit plenus quadam celesti lætitia; & hac Divina visione, genibus flexis, & predicando, & monendo suos Fratres (ut notat Beata Mater Terefia cap. 27.) & proferendo aliquos Psalmorum versus, spiritum Deo reddidit, remanentibus oculis corporeis ita claris & lucidis, ut omnibus admirationem causares, sicque perseveravit, usque dum corpus sepultura fuit traditum.

13 Spiritualium quoque visionum, præscientiæ obitus, immunitatis a vexationibus malignorum spirituum, verborum ad Sorores astantes habitum mentio habetur in relatione causæ S. Franciscæ Romanæ 3. part. art. 4. ut ex sequentibus desumitur: *Ægrotabat initio mensis Martii an. 1440, Baptista de Pontianis filius Servæ Dei Franciscæ in domo Transiberina sita prope ecclesiam Sanctæ Martyris Cecilie. Franciscæ de domo Congregationis Confortorum, quam paulo ante instituerat, eo anxia properaverat, ut filium infirmantem consolaretur, & ad humilem peccatorum Confessionem faciendam exhortaretur.*

Tom. III.

G g g g

Postquam

Postquam autem pio & materno officio perfuncta, de sero ad eandem domum in Christo Filium redire vellet, Presbyter Joannes Pater ipsius spiritualis, cui assidue confitebatur, & actiones omnes suas atque cogitationes explicabat, considerata illius corporis debilitate, eidem praecepit, ne recederet, sed apud filium pernoctaret. Francisca, tametsi id egre tulisset, obedientia tamen virtute coacta, sicut sibi injunctum fuerat, in domo filii sui remansit. Eadem nocte, gravissima suis febri correpta; lucente autem die, eundem Patrem spirituales advocari jussit, qui de rebus gerendis, Ecclesiaeque Sacramentis venerabiliter sibi ministrandis curam gereret: & ita totus ille dies dilapsus est. Nocte vero mox sequenti, sanctissimas habuit visiones: vidit enim Salvatorem humanatum, incredibili claritate fulgentem, & innumera sanctorum Angelorum multitudine comitatum sibi dicentem, tempus esse, ut ad patriam desideratam venires cum sociis suis epulari ad convivium jamdudum sibi preparatum. Huic singulari revelationis beneficio aliud atque aliud dilectissimum addidit Altissimus; quoniam hoc toto sua aegritudinis tempore usque ad felicem transitum, Gratia sibi Divina favente, nullas malignorum spirituum visiones habuit, & diem obitus sui antea praescivit: id quod Patri suo spirituali non occulta vit, cui sui corporis tabernaculum infra septem dies proxime futuros deponendum denuntiavit, sicut sibi a suo Sponso Christo fuerat demonstratum. Hora igitur sui obitus jam instante, & Patri spirituali, & Filiabus suis quas in Christo genuerat, sermonem hortatorium & ardentem fecit, easdem exhortando, & verbis consolatoriis propter suum obitum materno affectu demulcendo: nam ad Divinum amorem eas inflammavit, & ad Dei omnipotentis timorem concipiendum incitavit, ad maternam sanctissimam & mutuam charitatem, & inter se unionem perpetuo conservandam incendit, ad fortiter perferendas tribulationes, & humani Inimici generis tentationes vincendas, & ad omnia mundi pericula superanda (Divina Gratia praeviente) roboravit, & quod est maximum & praeipuum, ad Jesu Christi vigilanter sectanda vestigia magno conatu, & sermonis efficacia animavit. Hac ita gesta fuisse, attestantur in processu signato C. super art. 58. repetitivo fil. 110. quinque testes, in quibus est Mabilla uxor Baptista de Pontianis filii ejusdem Franciscae, qui praesentes omnia consideraverunt. Sed neque sefellit eam Divinum oraculum: nam eodem die, quo sibi revelatum fuerat se morituram, pacifice sine in Domino requievit. Fuerunt hac omnia sanctorum Patrum institutis, qui piis Religionibus constituerunt, valde conformia; illi enim, paulo antequam de hac infelici vita ad felicem & beatam a Domino vocarentur, similibus prorsus sermonibus alios suos hortabantur, ut in omni virtutum genere sese exercentes, & vestigia Christi Divini sectantes, Altissimo semper famularentur, & in Romana Ecclesiae obedientia Catholicisque dogmatibus firmiter retinendis perseverarent. Circumstantibus igitur, & amare flentibus praedictis Servae Dei Filiabus, illa, oculis in caelum intentis, & animo erante simul & ore, in Domino obdormivit.

14. Demum praeter cetera, quae in obitu S. Mariae Magdalene de Pazis contigerunt, mirabile existat heroicæ, qua vivens fuerat insignita, obedientiae iudicium, de qua in relatione ejus causae cit. de felicissimo obitu: Beatissima certe Virgo, qua nullo pondere gravata, ad caelestes illas, nec ullo tem-

porè

pore interituras felicitates exopta, suam gloriam contemplatur & Deum. Quinque mensium spatio jam aegrataverat, cum sanctissime illo Viatico munita, sacra Unctio-
ni corpus exposuit, & Panem manducavit Angelorum; tantaque animi demissione
a cunctis aque Monialibus veniam poposcit, ut ad pias lacrymas aque traheret uni-
versas. Per id tempus, quo mortem prestolabatur, ut viveret, sacras preces dun-
taxat, Psalmos & hymnos concini, magnopere exoptabat; de Deo loqui, futuram
vitam meditari voluerat; omnique mortis timore discusso, in sola Dei miseratione
fiduciam applicuerat, singulas Moniales usque ad extremum spiritus anhelitum
consolata, & religioso amoris incremento profecuta. Nocte illa, qua diem beati
interitus antecessit, Confessario assistenti circa horam septimam dixit, ut reliquam
noctem quiesceret; adhuc enim futuro mane illa viveret. Altera die lucente,
post aliquam moram penes patientissimam Monialem factam, Divinum Sacrificium
celebraturus jam oblamydem induebat & stulam, quando a Monialibus interpella-
tus, ut morituram denuo repeteret, his fere verbis respondit: Dicite Sorori Magda-
lena, ut, quam vivens obedientiam prestitit, eam sedulo præstet moritura, illum-
que opperiat, donec, expleto sacro altaris ministerio, Moniales sacro Pane reficiat.
Que exequio præcepto, qua usque ad horam illam obmutuerat, quasi tunc
expergisceret ab interitu, subridens ait: Benedictus Deus: sibi que potum postula-
vit, & quousque Sacrificium compleret, & Moniales a sacro convivio recederent,
animam morata non recessit a vivis, sed usque ad finem fortiter decertans, pro do-
loribus tantis æterna solatia receptura, ad celestia regna transiit die 25. Maji
anno 1607.

15 Plura, & pæne infinita alia facile cumulari possent desumenda ex
sacris historiis, Sanctorum vitis, Canonizationum bullis, & ex opere Joan-
nis Severani Presbyteri Congregationis Oratorii, qui congesta undique
eruditione, tractatum composuit de pretiosa morte Justarum: sed ea, quæ
supra relata sunt, indicasse satis sit, ut omnibus pateat, in causis Beatifi-
cationis & Canonizationis magnum constituendum esse momentum in obi-
tu Servorum Dei, & omnia esse diligenter ponderanda, quæ in eo rerum
eventu contingunt. Fortunatus Scacchus loc. supra cit. docuit, motus ocu-
lorum, & suspiria esse consideranda. Fuit hoc sedulo animadversum in
causa S. Andreæ Avellini. Cum enim prædixisset, se in extremo agone ha-
biturum esse validissimum certamen cum humani generis hoste, qui præ-
sentes erant, Andreæ vultum, quasi inducta pavoris ac mœroris nube,
infuscatum viderunt; cumque, pugnae tempus ab eo dictum adesse rati,
frequentissimas pro eo preces ad Deum sudissent, conversis ad Imaginem
devotissimam e cubiculi pariete pendentem oculis, consuetæ hilaritati
redditis, placida ferenaque facie ex hujus vitæ pelago ad æternum tran-
quillitatis portum feliciter evolavit; uti legitur in compendio causæ ipsius
in Appendicibus tom. vii. edendum. Similia sunt ea, quæ leguntur in vita
S. Comitis Elzearii Confessoris apud Surium die 27. Septemb. cap. 33. pag. 389.
Ad extremum jam in agone positus vultum præteritis valde terribilem, unde col-
ligi liceret, eum in magno versari labore ob quadam illi objecta. Atque sub ejus-
modi

modi conflictu exclamavit: *Magna est Demonum vis; sed eam penitus emoverunt virtus & merita sacrosanctæ Incarnationis & Passionis Jesu Christi*. Et post paululum rursus exclamans, *Plane*, inquit, *vici*. Post aliquantum temporis spatium cum ingenti clamore dixit: *Totum me Divino judicio committo*. Atque, his dictis, reparatus est vultus ejus, & quodam rubore atque splendore multaque elegantia perfusus; atque ita reddidit spiritum. Cardinalis Federicus Bortomæus de vera & occulta sanctitate lib. 3. cap. 16. sapienter monet, inter inania vulgi adscribendum esse nonnullorum sermonem, qui asserunt, aliquem bene mortuum esse, cum ex hac vita discessit instar pulli, vel trimuli infantis; male autem mortuum, si sese moriens foetissime contorsit. Porro admittit ipse, terribilissima multa obijci, qui flagitiose vixerunt, & solatia aliis offerri, quorum vita innocens fuit; sed constanter negat, ex quiete corporis, sive agitatione firmum deduci posse argumentum ad judicandum de animæ salute, vel exitio. Sæpe, ait, agitationes & furores morientium a sola naturali corporis conditione & temperatura proficisci; & in viris probis aliquando Dei voluntate perturbationes contingere, ut anima pugeatur, & ut astantes ad veram poenitentiam traducantur; quod multis exemplis confirmat. Facit huc sententia S. Athanasii, sive alterius antiqui Auctoris, quæst. 105. ad Antischum tom. 2. pag. 292. ubi proposita quæstione: *Undenam videmus, Justos aliquos diutius in extremo vita halitu anima pugnare, & judicari; contra autem peccatores interdum quiete & cito mori?* Respondetur: *Omnia quidem Dei judicia cognosci non possunt; ideoque nec nos hæc curiose inquirere decet. Si quid tamen conjectare valemus, respondemus, pios viros vel ante mortem vel in morte cruciari, ut nos, qui ea videmus, timeamus & emendemur*. Fortassis autem Sancti, ut homines, levi aliquo defectu inquinati, hujusmodi cruciatu, quo in morte afficiuntur, perfecte purgati, puri demum decedunt. Facit & illud S. Gregorii Papæ lib. 24. moralium in cap. 34. Job num. 33. (tom. 1. oper. cel. 776.): *Quid ergo facient tabula, si tremunt columna? Aut quomodo virgula immobilis stabunt, si hujus patris turbine etiam cedri quatuntur?* Solutioni ergo carnis appropinquans, nunquam terrore vindictæ etiam Justo anima turbatur. Cui & si quid tranquillum in hac vita sapere potuit, mortis articulo interveniente concutitur, ut jure dici debeat: *Abominabilis fit ei panis in vita sua, & animæ ejus cibus ante desiderabilis. Vel certe propter patris penam hoc, quod illic subditur: Appropinquavit corruptioni anima ejus, & vita illius mortiferis*.

16 Addit idem Scacchus verbis supra recensitis, examinanda esse verba Servorum Dei, quibus se Deo morituri commendant. Dum munereungebar Fidei Promotoris, in examine causæ cujusdam Servi Dei opposui, eum in extremo agone se Deo commendasse, spem suam in ejus misericordia tantummodo constituendo, exclusis operibus, quæ in vita peregerat. Dixi enim, certum esse ex Fide, Justos per opera pietatis vere ac proprie mereri, juxta illud Matthæi 5. vers. 12.: *Mercēs vestra copiosa est in celis; & a sancto Concilio Tridentino session. 6. can. 26. anathemato*
damua-

damnatos esse, qui asserabant, Justos non debere pro bonis operibus, quæ in Deo facta sint, expectare & sperare æternam retributionem a Deo per ejus misericordiam, & Jesu Christi meritum, etiam si bene agendo, & Divina mandata custodiendo usque in finem perseverassent; & can. 32. simili poena damnatos esse, qui asserabant, hominis justificati bona opera ita esse Dei dona, ut non sint etiam ipsius justificati merita; vel ipsum justificatum bonis operibus, quæ ab eo per Dei Gratiam fiunt, non vere mereri augmentum Gratiæ, vitam æternam, & ipsius æternæ vitæ consecutionem, & gloriæ augmentum, si in Gratia decesserit. Sed strenue a Postulatoribus responsum est, ab eodem sacro Concilio *sess. 6. cap. 9.* doceri, sicuti nemo pius de Dei misericordia dubitare debet, sic quemlibet, dum se ipsum & suam infirmitatem respicit, de sua Gratia formidare & timere posse; & cap. 16. quia in multis offendimus omnes, unumquemque, sicut misericordiam & bonitatem, ita severitatem & judicium ante oculos habere debere: ideoque, propter ambiguitatem propriæ justitiæ, & periculum inanis gloriæ, Dei Servum fiduciam totam in sola Dei misericordia & benignitate reposuisse. Quapropter dicitur Danielis cap. 9. vers. 18.: *Neque enim in justificationibus nostris prosterminimus preces ante faciem tuam, sed in miserationibus tuis multis; & Lucæ 17. vers. 10. Cum feceritis omnia, quæ præcepta sunt vobis, dicitis, Servi inutilles sumus; & in Collecta Dominicæ, quæ Sexagesima dicitur, sic orat Ecclesia: Deus, qui conspicis, quia ex nulla nostra actione confidimus; & in Collecta secreta Dominicæ secundæ Adventus: Ubi nulla suppetunt suffragia meritum, tuis nobis succurre præsidiis; & in Canone post Consecrationem: Intra quorum nos consortium, non asstimator meriti, sed venia, quasumus, largitor, admitte. Quod late explicant Thomas Stapletonus de meritis oper. cap. 14. lib. 10. pag. 370., Cardinalis Bellarminus lib. 5. cap. 7. de justificatione, & passim alii.*

17 Adeo exacte in examine obitus Servorum Dei, & omnium quæ in illo accidunt, proceditur, ut Prosper Bottinins Archiepiscopus Myrensis olim Fidei Promotor in animadversionibus factis in causa Ven. Servi Dei Pauli Buralis S. R. E. Cardinalis opposuerit, ipsum Romæ graviter ægrotantem Viaticum ad se delatum manibus receperisse, & sacram Particulam propriis manibus ori admovisse. Licet enim exempla Sanctorum non desint, qui hoc ipsum fecerint, uti de S. Marciano Episcopo & Martyre habetur apud Bollandianos tom. 3. Martii in Actis Martyrii S. Secundi cap. 2. num. 6., de Cedmone Angliæ Monacho, ut apud Lipomanum in vitis Sanctorum tom. 1. in vita Illa Abbatissæ, de S. Valentino Episcopo Passaviensi apud Bollandum tom. 1. Januarii pag. 371., de S. Edmundo Cantuariæ Episcopo apud Vincentium Bellovacensem in specul. histor. lib. 32. cap. 85. & ex Ecclesiasticis documentis certum sit, sacras Particulas a Sacerdotibus fuisse etiam Laicis traditas, qui communicaturi eas ori admovebant; juxta ea quæ late habentur apud Cardinalem Bonam rerum liturg. lib. 2. cap. 17. num. 3. & num. 7., Martene de antiq. Eccles. ritib. lib. 1. cap. 4. art. 10.

NUM. 8.

num. 8. Morinum *de sacr. Ordination. part. 3. exercit. 12. cap. 3.* id tamen posterioribus Ecclesiæ Constitutionibus, & multo magis contraria consuetudine abrogatum est. Sed, excitata a Postulatoribus quæstione, an recentior illa prohibitio de non sumenda propriis manibus Eucharistia Sacerdotes comprehenderet eam extra Missam fuscipientes, tandem animadversioni plene responsum est ex facti circumstantia. Cum enim sacrum Viaticum ad Dei Servum Sacerdotali charactere insignitum, utpote Episcopum, delatum fuerit ab eo, ad quem deferre spectabat, & æger, eo consentiente, manibus exceperit, & hoc modo Communionem receperit, supradictus consensus tanti roboris est, ut ab actu quamcumque, etiam levissimam, culpam excludat; uti late ostendit Cardinalis de Lugo *de sacram. Eucharist. disput. 18. sect. 1. num. 32.*

18 Nonnulli Dei Servis, & Sanctis a Deo mortis dies revelatus est; at aliis revelatus non est. Nonnulli fuerunt immunes a Dæmonis tentationibus, uti supra visum est de S. Francisca Romana: alii vero tentationibus fuerunt obnoxii. Ut ceteros prætereamus, insidias & Dæmonis tentationes, quibus Satanas obruere conatus est S. Martinum, narrat Sulpicius Severus in ejus vita; &, quatenus antiquis recentiora addenda essent exempla, refert Thomas a Kempis in *lib. de disciplina D. Fulgentii cap. 4.* Dei Servum Rupertum de Silva Ordinis Canonicorum Regularium fuisse in agone tentatum a Dæmone, qui ei apparuit sub forma cuiusdam sui Religiosi paulo ante defuncti, quique laudabilia a prædicto Ruperto gesta fideliter exposuit, ut eum peccati inanis gloriæ reum constitueret; & consimile est illud, quod de S. Ignatio narratur a Massee in ejus vita *lib. 1. cap. 10.* Item (uti supra vidimus) nonnulli Dei Servi, aut Sancti hilari corde vultuque sereno mortem expectarunt; alii, ea adventante, magno terrore percussi sunt. Apud Surium *tom. 4.* & apud Lipomanum *tom. 6.* legitur, Arsenium Eremitam, cujus habetur commemoratio in Martyrologio Romano *die 19. Julii.* flere cœpisse, dum sensit se mori; & Fratribus requirentibus, numquid timeret, respondisse, se vere timere, & hunc timorem semper habuisse ab eo tempore, quo in solitudinem secesserat. Simile est inter recentiores Sanctos exemplum S. Francisci Saleii: cum enim Menardus quidam ipsi ægritudine laboranti ultima pietatis officia præstaret, & ostendere cōnaretur, illustriores Sanctos mortem expavisse, Franciscus respondit: *Non immerito formidabant.* Et ad verba Scripturæ, *O mors, quam amara est memoria tua,* prosecutus est: *Homini habenti pacem in substantiis suis.* Testis est Carolus Augustus Salesius in ejus vita *lib. 10. pag. 462.* Præclare Cardinalis Federicus Borromæus *de vera & occulta sanctitate lib. 2. cap. 12.* scribit, nonnullos Dei Servos, dum repentino mortis metu & horrore occupantur, maxime tristari & timere, quæ tristitia & timor per totum antea vitæ cursum illorum animos nunquam invaserant; sed in ipso mortis articulo omnia evanescere, & tranquille mori: *Atque ideo dispositionem eorum* (verba sunt Cardinalis) *ego tunc maxime*

nimpe *cenſo eſſe laudandam*; quippe cum eodem tempore duo magna munera a Deo impetrarint, humilitatis nimirum unum, alterum fortitudinis in tanta neceſſitatis tempore. Timorem vero ipſum crediderim poſſe proficiſci vel ab Dammum arte, vel etiam immediate ab Divina voluntate, vel denique ab conditione naturali, qua, quam maxime poteſt, abhorret ab ultima illa diſſolutione mortalibus hujus fabrica & elementaris. Rurſus nonnulli ſe promptos exhibuerunt ad vitam protrahendam, ſi ſuorum ſpirituali ſaluti eſſent neceſſarii: Domine, ſi adhuc populo tuo ſum neceſſarius, non reſuſo laborem: ſus voluntas tua; verba ſunt S. Martini morientis relata a Sulpicio Severo in *epiſt.* 3. Fuerunt, uti vidimus, eadem adhibita a Sancto Thoma de Villanova; quod proſecto mirum eſſe non debet, cum ea in concione prima de eodem Sancto Thomas ipſe hoc laudaverit encomio: O praeclaram vocem! o admirabilem charitatem! Quid minus iſte Moſe, vel Paulo perſonuit? Moſes, pro populo delati de libro vita, Paulus, pro Fratribus anathema eſſe a Chriſto, Martinus, pro commiſſis ſibi oculis differri a gloria, non ſolum ſuſtinet, ſed, ſi opus eſt, petis & obſecrat. Jam jam in paradifum pedem poſueras glorioſus Antilles, & libenter extrahit ipſum, ut Fratribus ſuis ſerviat. Litus optatum diu jam ſecurus tenebat, & amore Filiorum redit ad pelagus, atque pro dilectis oculis, velut bonus Paſtor, iterum exponitur naufragio. Contra, S. Franciſcus Saleſius ſupra memoratus nunquam adduci potuit, ut ea proferret, licet ei fuiſſent inſinuata a Patre Joanne Forerio Societatis Jeſu Provinciali Lugdunenſi, teſte ſupra relato Carolo Auguſtino Saleſio in *cit. vita lib.* 10. pag. 463. Sed adhortatus eſt amplius Forerius, ut eam Divi Martini orationem recitaret: Domine, ſi adhuc populo tuo ſum neceſſarius, non reſuſo laborem. Nunquam autem induci potuit ad recitandam; immo vero inquebat: Servus ſum inutilis, inutilis, inutilis. Et in bulla Canonizationis S. Philippi Neri haec habentur: Cumque agrotaret aliquando, atque ipſum obſecrarent aſtantes, ut, ſuorum ſaltem beneficio, illam Sancti Martini dirigeret ad Deum orationem, Domine, ſi adhuc populo tuo ſum neceſſarius, non reſuſo laborem; ſumma animi demiffione reſpondit: Non ſum ego Sanctus Martinus, nec me talem umquam exiſtimavi. Quod ſi me vobis neceſſarium reputarem, perditum crederem. Denum nonnulli, quae a ſe in Domino facta fuerant, aſtantiſ reſtulerunt. Sanctus quippe Bernardus moriens ait: Tria vobis imitanda commendo, qua in ſtadio quo cucurri, me pro poſſibilitate mea memini obſervaviſſe. Minus ſenſui meo, quam alterius, credidi. Laſus de ladente vindictam non expetivi. Nemini ſcandalum facere volui; & ſi quando incidit, ſedavi ut potui; uti legitur in vita ſecunda S. Bernardi auctore Alano cap. 30. (inter opera ejuſd. Sancti vol. 2.). Et S. Dominicus moriens ſuis Fratribus aperuit, ſe virginem mori, uti habetur apud Thomam Malvendam in *annal. Ord. Prædicator. cent. 1. part. 3. pag.* 368. Contra, S. Joannes de Cruce ſibi memorari a circumſtantiſ, dum moreretur, paſſus non eſt ea plura, quae paſſus fuerat in ſui Ordinis reformatione; dixitque, ſibi memoranda tantum eſſe ſua peccata, & Paſſionis Chriſti merita, in quibus confidebat; uti

uti testatur Pater Philippus a Sancto Paulo in ejus vita *lib. 1. cap. 39.* Dicta hæc & facta Servorum Dei, & Sanctorum inter se discrepant: sed in examine causarum Canonizationis non videtur ab eis argumentum desumi posse, ut statuatur, mortem alicujus Servi Dei non fuisse sanctimonia plenam, quod nonnulla cælestia signa defuerint, quæ in obitu aliorum Sanctorum apparuerunt; vel quod ab eo aliquid dictum vel factum sit, quod alii facere aut dicere noluerunt. Potest enim esse pretiosa in conspectu Domini mors ejus, in qua signa non apparuerunt, sicut alia in eodem conspectu pretiosa fuit, in qua signa contigerant, cum ea a voluntate Divina pendeant. Rursus aliqui Dei Servi morti proximi, non in semetipsis gloriantes, sed in Domino, aliqua dicere & facere voluerunt, quæ alii dicere & facere noluerunt præ timore se exponendi periculo inanis gloriæ. Ideoque ex ceteris rebus desumendum erit judicium de pretiosa Servorum Dei morte; quæ si non desint, neque dicta, neque non dicta, neque facta, neque non facta modo exposita, nec alia his consimilia validam oppositionem constituere poterunt; quinimmo utraque Servorum Dei meritis poterunt superaddi.

19 In decretis quoque generalibus Urbani VIII. supra relatis adverterendum decernitur, an obitus Servorum Dei publica præsertim testificatione fuerit notatus: quæ verba intelligenda sunt & explicanda de fama sanctitatis in obitu, & de pio populorum concursu ad funus, & multo magis de prodigiis aut miraculis, siqua funeris occasione contigerunt. Horum quippe non modica habetur ratio in causis Beatificationis & Canonizationis, uti desumitur ex bulla Canonizationis S. Birgittæ §. 24., Canonizationis S. Catharinæ Senensis §. 13., S. Antonini §. 28., S. Didaci §. 16., S. Hyacinthi §. pariter 16., S. Raymundi §. 42., S. Thomæ de Villanova §. 23., S. Francisci Salesii §. 16., S. Petri de Alcantara §. 14., S. Rosæ Limanæ §. 45., & passim ex relationibus Rotæ Auditorum, qui, in enarrando obitu Servorum Dei, non omiserunt publicam sanctitatis famam, pium populorum concursum, & siqua contigerunt prodigia & miracula, quibus Deus eorum mortem illustrare dignatus fuerit.

20 Pro capitis complemento superest, ut sermo transferatur ad genera mortis, de quibus propter aliquos eventus, qui in illis contigerunt, disputari potest, an talia fuerint, qualia esse debent, ut ita mortui in Beatorum & Sanctorum album referri possint.

21 Primò itaque nonnulli Dei Servi aliquando mori cupiunt, & moriuntur, nullo astante: & quidem, si alia signa felicitis obitus non desint, & eo magis, si aliqua prodigia obitum comitentur, nullum ex ea solitaria morte desumi poterit argumentum, quod eorum Beatificationi obstat aut Canonizationi. De obitu S. Romualdi Abbatis hæc leguntur in ejus vita scripta a Beato Petro Damiani *cap. 69.* *Quadam igitur die cepit paulatim corporis virtute destitui, & ingruente molestia, gravius fatigari. Sole itaque jam ad occasum vergente, præcepit duobus Fratribus, qui astant, ut*

foras

foras exirent, cellula post se januam clauderent, celebraturi vero sibi matutinos hymnos ad eum diluculo remearent: cumque illi de ejus fine solliciti, velut invitati exirent, non statim ad quiescendum properant, sed, ne Magistrum obire contingeret, anxii pretiosi thesauri talentum prope cellulam latentes observant. Aliquando igitur commorantes, cum deinceps curiosis auribus attentius auscultarent, & neque motum corporis, neque sonum vocis audirent, jam, quod evenerat, veraciter opinantes, impulsæ janua, velociter irruunt, lumen accendunt, & beata anima in calum rapta, supinum facere sanctum cadaver inveniunt. Jacobas itaque velut neglecta tunc caelestis margarita, in summi postmodum Regis ararium honorifice reponenda. Nimirum qui sic obiit, ut prædixit; illuc transiit, quo speravit. De obitu S. Joannis de Deo Institutoris Ordinis Fratrum Hospitalitatis pauperum infirmorum similia habentur in relatione Rotæ Auditorum tit. de fama & communi opinione sanctitatis §. Hac porro, & in bulla Canonizationis ejusdem: Jam vero humana vitæ spatium feliciter emensum, & tempus resolutionis sua instans, non minus pius & felix obitus die octavo Martii anno salutis millesimo quingentesimo quinquagesimo terminavit. Lecto enim infirmatus decumbens, omnibus Ecclesiæ Sacramentis ab ipsomet Gratianensi Præsule rite sancteque refectus, assistentes omnes dimisit; viribusque in extrema vitæ periodo licet destitutus, propriis indutus vestibus incrimis & lectulo prostratus, ac prostratus in genua, manu & corde Imaginem Salvatoris crucifixi, quem fervide vivens dilexerat, perstringens, inclinato ad ejus pedes capite, obiit in osculo Domini, quem etiam mortuus tenuit, nec dimisit; ac in eadem corporis constitutione ab iisdem assistentibus ad eum paulo post redeuntibus repertus, sex circiter horis, quousque inde dimotus fuisset, mirabiliter permansit, odorem mire fragrantem diffundens. Item quodammodo similia ea sunt, quæ in obitu S. Cassii Narniensis contigerunt, teste S. Gregorio homil. 37. in Evangel. ubi, postquam retulit, divinitus fuisse monitum de suo obitu in festivitate SS. Petri & Pauli, eumque ad septennium expectasse; ac tunc demum morbo tentatum, cum Missas fecisset, ac Sacerdotes suos ac ministros de servando vinculo charitatis admonuisset; Subito, (inquit tom. 1. oper. col. 1633.) inter ipsa sancta exhortationis verba, voceterribili clamavit dicens: Hora est: moxque assistentibus ipse suis manibus lineum dedit, quod ex more morientium sibi contra faciem tenderetur; quo tenso, spiritum emisit.

22. Secundò, nonnulli aliquando Dei Servi moriuntur, non recepto Eucharistiæ sacramento per modum Viatici. Porro, si aliquis potuisset Sacramenta recipere in ultimo vitæ exitu, & non recepisset, nemo est qui non videat, absonum esse de ejus Beatificatione & Canonizatione agere, etiam si de heroicarum virtutum exercitio usque ad obitum sufficienter constaret; quemadmodum docet Fortunatus Scacchus de not. & sign. sanctit. sect. 5. cap. 6. Sacramentorum etenim usus Christianis omnibus, & Dei Servis est adeo necessarius in fine vitæ, ut his in extremis caruisse, non dico suspicandum esse de illorum salute quæ in Dei manu est posita, sed saltem nulla ratione agendum esse putarem de illorum cultu Beatificationis aut Canonizationis, nisi certo constaret,

Tom. III.

H h h

Dei

Dei Servum, aut *Famulam* omnia in extremis saltem petiisse, suscepisseque pro loco & tempore *Sacramenta*. At, si *Dei Servus* Viaticum non recepit, vel quia existimatum fuit, illud ei propter vomitum quo vexabatur, non esse administrandum, aut quia ea ipsa die qua mortuus est, sacramentum Eucharistiæ, licet non per modum Viatici, receperat; si de aliarum circumstantiarum concursu non dubitetur, obitus talis haberi poterit, qualis requiritur in Beatificandis & Canonizandis. Primo modo mortuus est S. Franciscus Salesius, teste Carolo Augusto Salesio ejus nepote in vita sepe citata lib. 10. pag. 460. Apoplectico stupore correptus immobilis decubuit, ita tamen, ut expergeri interdum posset, quo tempore præclara ab eo sententia extorquebantur. Et pag. 462. Media nocte multa sui finis indicia exhibuit: quare ad parochialem Sacerdotem ecclesia Dni Michaelis, qui sanctum Oleum afferret, festinatum est. Is fuit minister Sacramenti Deagius Claudii Villani Curionis Vicarius, qui cum hora diei Sanctorum Innocentium prima unxit; & dum ritus peragit, sanctus Presul ad omnia verba respondebat: Exactis Sacramentalibus ceremoniis, circumdari sibi brachium dextrum voluit suo Rosario, e quo multa pendebant benedicta nimismata, que jampridem Roma, & Laureto detulerat. Viaticum exhibere visum non est ad rem, eo quod vomitibus obnoxius esset. Dum munereungebar Fidei Promotoris, in discussione dubii super virtutibus in causa B. Vincentii a Paulo, in album Sanctorum post primam hujus Operis editionem a Clemente XII. solemniter adscripti, opposui, ei non fuisse Viaticum administratum. Postulatores pluribus demonstrarunt, verisimile admodum fuisse, Viaticum ab eo fuisse receptum; & ad ulteriora progredientes comprobarunt, Beatum illa ipsa die, qua mortuus est, Eucharistiæ sacramentum recepisse, & sic iterum Eucharistiam ea ipsa die per modum Viatici recipere non debuisse: licet enim aliquando una eademque die bis Missa celebrari possit, si postulet necessitas, juxta Textum in can. Sufficit, de consecrat. dist. 1.; & in cap. Consulisti, de celebrat. Missarum; puta, si aliquis Sacerdos duabus parochiis præfectus esset ita inter se distitis, ut grex unius parochiæ commode adire nequiret ecclesiam alterius, & ibi sacrificio Missæ interesse; tunc enim Parochus, ceteris deficientibus Sacerdotibus, posset eadem die in utraque ecclesia, Episcopo id permittente & approbante, sacrificare, Gonzal. in dicto cap. Consulisti num. 2. Pirhing. in lib. 3. Decretal. tit. 41. §. 1. num. 2. Engel. cod. tit. 41. num. 3. Pasqualig. de Sacrificio novæ Legis tom. 1. quæst. 386. Barbosa ad Concil. Trident. sess. 22. cap. 8. num. 27. de sacrificio Missæ, Fragol. de regim. Christiana reip. lib. 10. disp. 21. §. 7. num. 6. verf. Dixi, circa medium, tom. 2. Bellet. disquis. Cleric. part. 2. §. 29. num. 3. Nicol. lucubr. juris tom. 2. lib. 3. tit. 41. sub num. 2. Pax Jordan. tom. 1. elucidat. lib. 4. tit. 1. num. 79. tamen extra sacrificium Missæ, juxta Ecclesiæ consuetudinem, & communem Doctorum opinionem non est permittum bis eadem die communicare, urgente etiam periculo mortis; ita ut juxta supradicta, qui mane recepit Eucharistiam ex devotione, eam iterum recipere non possit ea ipsa die per modum Viatici,

tici, si incidat in periculum mortis; uti late prosequuntur Suarez *tom. 3. in 3. part. D. Thoma quæst. 80. art. 11. disput. 69. sect. 3.* Cardinalis de Lugo *de Sacramentis disput. 16. sect. 3. num. 50. & seqq.* Merat. *tom. 3. disput. 35. sect. 2. num. 4.* Layman *oper. moral. lib. 5. tract. 4. cap. 5. num. 10.* Tamburin. *in epusculis, in methodo expedita Communionis cap. 5. §. 6. num. 10.*

23 Tertiò, aliquis quandoque Dei Servus moritur, ictu apoplectico percussus: & quidem, si vis cognoscendi integra in eo persistat, etiam si usum loquendi amiserit, dummodo cetera signa non deficient, mortuus dici poterit eo genere mortis, quod ejus Beatificationi & Canonizationi non obstat. De morte S. Andreæ Avellini hæc referuntur in bulla Canonizationis ipsius pag. 513. cod. Canoniz.: *Verum, octavum jam supra octagesimum sue ætatis annum, qui erat nostræ reparationis millesimus sexcentissimus octavus, attingens Beatus Andreas, primo mane strato surgens, ac sacellum ingressus, & Sacerdotalibus de more ornamentis indutus, ad aram Missæ sacrificium celebraturus accessit. Ubi vero rem Divinam agere cepit, ad illa verba, Introibo ad altare Dei, ita repente apoplexia percussus fuit, ut, nisi Minister Sacrificio interveniens jam jam labantem supposita manu sustentasset, in terram corruisset, si cornuere utique poterat fortis ille senex, quem senectus Christo occupaverat servientem, & quem extrema dies Salvatori invenerat militantem. Adfluere protinus astantes. Tum Patres hac de re moniti supervenientes, illum in adem templo proximam adduxerunt, & sacris exuerunt vestibus. Plura subinde, sed frustra, adhibita fuerunt medicamina. Nam violenta morbi rabies omnem ei loquendi usum abstulerat, illasa tamen in totum discernendi facultate; quod per data ab eo signa plane compertum fuit: motibus nempe quibusdam ac nutibus, ut ad aram majorem perduceretur, ardens ostendit desiderium, ut stans coram illa, & in ea consumpta Deo universa mortificati sui corporis hostia, extremus, qui supererat, & morituro tunc in pectore vitæ ignis tepebat, quemadmodum vivens exarserat, Divino quoque moriens exstingeretur amor. Cum vero Superior, an suscipiende Eucharistiæ gratia id expeteret, interrogasset, annuit ille iterato capitis flexu; nec a nutibus desistere & quiescere visus, nisi cum hoc de negotio se idem Superior illi satisfacturum spondisset, postquam scilicet, quod erat tunc opportunum, in cubiculum ægrotans asportatus fuisset. Eo perductus, ac lectulo stratus, Medicis, qui jam adveniant, nullam salutis spem dantibus, sed intra paucas horas ægrum moriturum pronuntiantibus, sanctissimo Viatico, extremeque deinde Unctione munitus fuit. In tanta vero spirituum persurbatione singulari Dei beneficio ita mente semper libera permansit, ut, viso a longe in Sacerdotis manibus Divino Sacramento, editis haud vulgaribus pietatis & devotionis indicitiis, e lecto surgere, quantum per vires licuerat, conatus fuerit, non, nisi humi stratus, Dominum gloria in sui corporis hospitium suscepturus: quibus & morbi adversarius impetus, & Superioris obstitere præceptum. Itaque, susceptis Ecclesiæ Sacramentis, per aliquot horas aliquatenus conquiescens, tum ex Religiosi viris, tum ex Sacularibus in ejus cubiculum introeuntibus, atque ab eo benedictionem postulantibus, singulos ille se penitus agnovisse indicans, singularium vota paternæ bene-*

612 DE SERVORUM DEI BEATIFICATIONE

actionis munere dignatus est. Et quatenus etiam vis cognoscendi deficiat, qui cognitionis defectus superveniat post recepta Ecclesie Sacramenta, & alia cuncta præmissa, quæ præmitri debebant, nullum ex hoc validum argumentum contra pretiosam mortem defumi posse videtur. Apud Surium etenim tom. 2. Toffinianum in *historia Seraphica*, Severanum de pretiosis mortibus *hystorum* legitur, Beatam Coletam Monialem S. Claræ, quæ in Belgica, Celtica, & Narbonensi Gallia multa construxit monasteria, post recepta Ecclesie Sacramenta, octo & quadraginta horis in lecto permanisse nihil loquentem, neque videntem, neque ulla corporis parte gestum vel signum edentem, nihilque mutato colore, felicissime in Domino obdormivisse.

24. Quartò, aliquando contingere potest, ut aliqui Dei Servi moriantur morte subitanea, & sic nedum Viatico non recepto, sed nullis editis signis, ex quibus de eorum obitu tutum ab externis indiciis ferri possit iudicium. In sacra Scriptura legimus Abraham, Aaron, Isaac, Jacob, Joseph, Josue, Samuelem; Moylen, Mathathiam, Tobiam, & alios Iustos in suis lectulis mortuos fuisse, & filiis & populis salutaria reliquisse documenta; contra vero subitanea morte occubuisse Pharaonem cum suo exercitu; item eos, qui gulæ vitio irretiti carnes Egypti concupiverant, & alios, qui Terram promissam blasphemaverant: in Psalmo autem 72. v. 19. legitur: *Subito defecerunt, perierunt propter iniquitatem suam*; & in Proverbiis cap. 29. v. 1. *Viro, qui corripientem dura cervice contemnit, repentinus ei supervenit interitus.* Sed hæc quamvis ut plurimum ita contingant, absonum tamen esset, in quocumque casu repentinæ mortis asserere, sic morientem mori damnatum. Exempla repentinæ mortis, sed sanctæ, collecta legi possunt apud Cornelium a Lapide ad cap. 4. *Sapientia* vers. 6. Joannes Moicus, sive Sophronius in *Prato spirituali*, cujus honorifica mentio habetur in *Actione quarta* Synodi Nicænæ, quæ pro cultu venerabilium Imaginum contra Iconoclastas celebrata est, hæc narrat (lib. 10. cap. 57. apud Roswey-dum.): *Quadraginta fere milliaribus ab Aegis civitate Cilicia Stylites erat nomine Simeon. Hic fulgure percussus interiit. Abbas ergo Julianus Stylites Presbyter præter consuetudinem suam insolito tempore dixit discipulis suis: Mittite thymiama in thuribulum. Qui dixerunt ei: Dic nobis causam, Pater; et orabamque, ut diceret eis. Senex autem dixit: Quia modo Frater meus Simeon a fulgure dejectus interiit, & ecce transit anima ejus cum tripudio & exultatione. Distabant autem ab invicem milliaribus fere viginti quatuor. Petrus Sutor de vita Carthusiana lib. 2. tract. 3. cap. 5. narrat, sex probatæ vitæ Monachos Carthusianos ex hac vita decessisse nivibus obrutos, & unum tantum ex iis post duodecim dies vivum inventum, & integro sensu pollentem ad Claustra fuisse deportatum, ibique, post nonnulla prolata verba miram dulcedinem redolentia, & recepta Ecclesie Sacramenta, suavissimo Domini Corporis sapore satiatum placidissimo fine quievisse. Theophilus Raynaudus oper. tom. 12. in *Hopliteca contra ictum calumniam*, serie 3. cap. 29 pag. 674 admit-*

admittit, mortem subitanam & inopinam, & Sacramentis destitutam excitare posse in aliis metum pro iis, qui sic mortui sunt, necnon in iis, qui vivunt, iustum desiderium declinandi talem e vita exitum; sed contendit, nec iudicium, nec vehementem suspicionem æternæ mortis de sic morientibus formari posse: *Contendo tamen, calumniam esse ultra sanctum pro se ipso desiderium, & nonnullum pro sic excedentibus metum (presertim cum vita non adeo composita præcessit) progredi ad iudicium, vel vehementiorem suspicionem male fortis sic obuentium; alioqui pacerent calumnie perferique Sanctorum eo fine conclusi.* Res profunde explicatur a Patre Didaco de Corduba in suo libro, cui titulus, *Ajuto de' moribondi*, ubi part. 1. cap. 9. his verbis materiam concludit: *Piene finalmente sono l' istorie di simili esempj ne' tempi passati e scorsi; e l'esperienza ben l'insegna ancora ne' presenti: nè deve cagionar maraviglia, che Dio Signor nostro alle volte ne' Santi, e Servi suoi queste morti repentine permetta; imperocchè oltre le ragioni sopra accennate, ve ne sono ancora dell' altre, una delle quali è, che è costume della Divina provvidenza non dispensare, se non rare volte, nell' ordinarie leggi della natura; poichè non parrebbe ragione di buon governo, se spesso, e senza molte e gravissime cause rompesse la legge delle cause naturali, e non facesse buoni i loro privilegj. Quindi è, che se alle volte è connaturale alla complessione ed agli umori di alcune persone sante e giuste il morire di morte subitanea, non altera perciò Iddio il corso ordinario della natura, ma lascia, che questa naturalmente operi: perciò, quando nelle sante litanie domandiamo a sua Divina Maestà, che ci liberi da morte subitanea ed improvvisa, A subitanea & improvvisa morte libera nos, Domine, con tal domanda non chiediamo, che ci liberi da morte repentina, che naturalmente ci può avvenire, ma da quella, che venendo all'improvviso coglie alle volte l'uomo in disgrazia ed inimicizia di Dio. Poichè, quando l'uomo si trova in grazia, non è cattiva tal sorte di morte, anzi ne' Giusti è gran beneficio, ed un pegno dell'eterna salute per i pericoli della morte, che spesso si sperimentano, da' nostri nemici cagionati: la qual verità c'insegnò lo Spirito Santo, quando disse, che il Giusto la passerà bene in qualsivoglia sorta di morte, che gli avverrà. Dal che s'hanno a cavare tre necessarissimi avvertimenti: il primo è, che la più importante diligenza ed il miglior apparecchio per ben morire è procurare di star sempre l'uomo in grazia ed amicizia di Dio; imperocchè, stando in questo modo, qualunque sorta di morte non solo non deve stimarsi cattiva per le persone giuste, ma più tosto felice ed avventurata: il secondo, che la Divina provvidenza, acciò stiano sempre vigilanti ed accorti, ed ancorchè a noi abbia con la vita concesso il libero arbitrio, ci pone continno avanti gli occhi il pericolo, che v'è, di morire all'improvviso; dal qual pericolo non vuole che siano esenti nè i Giusti, nè i peccatori, anzi che tutti siano a tal sorta di morte soggetti; e questa vigilanza assai chiaramente c' insegnò Cristo, quando ci disse, che in qualsivoglia ora vegliassimo, poichè niun' ora è per la morte sicura; il terzo è, che non ha di che lamentarsi il peccatore, quando tal maniera di morte gli avviene; poichè, se Iddio non impedisce ne' Giusti il corso delle cause naturali, quando richiedono, che questi muojano di morte repentina, molto meno deve impedirlo,*

dirlo, o alterarlo in chi per tanti titoli merita con tal modo di morte anche l'Inferno. Hæc ipsa per se vera sunt, cum sanctus coram Deo esse possit etiam ille, qui subitanea morte correptus occumbit, nullo propter impotentiam exhibitio signo poenitentiae, aut desiderii sacrae Eucharistiae recipiendae. Cum autem, ut quis sanctus in Ecclesia declaretur, externa signa deesse non debeant, quod ea de externis tantum iudicium ferat; difficile admodum esset, ut sic moriens Ecclesiastico iudicio inter Beatos aut Sanctos recenseretur. Difficile diximus, non impossibile: si enim de virtutibus heroicis constaret usque ad obitum continuatis; si quæ in obitu defuerunt, non voluntate sed necessitate defuisse constaret; si supernaturalibus signis & prodigiis Deus dignaretur prædictam mortem illustrem reddere; mors prædicta, licet subitanea & inopina, Beatificationi & Canonizationi obstare non deberet. Beatus Jordanus proximus a S. Dominico Ordinis Prædicatorum Generalis, cum navigans Hierosolymam, tempestate navi fracta, fluctibus haustus repentina morte mortuus esset; multique mirarentur, & dolerent tam subitum & tristem tanti viri casum; apparuit ipse magna luce æque ac Cruce insignitus, dixitque: *Exivi ex hoc seculo ad gloriam Beatorum, & inter Apostolorum choros & Prophetarum evectus sum: & rursum: Hoc firmiter teneas, nec dubites, quia salvus eris omnis, qui usque in finem Domini nostri Jesu Christo servieris; uti habetur apud Leandrum in ejus vita, quæ extat apud Surium die 13. Februarii.* Et Simeon Stylites, non ille celebris, de quo Theodoretus, sed alius, de quo supra, fulgure percussus interiit; at ejus animam Julianus Stylites vidit exultantem in cælum ascendere, uti etiam supra dictum est.

25 Concludimus præfens caput exemplis pretiosæ mortis tum Beatæ Julianæ de Falconeriis, cujus virtutes & miracula fuerunt discussa & approbata tempore, quo egoungebar munere Fidei Promotoris, Canonizatio autem post primam hujus Operis editionem peracta est a Clemente XII., cum a Benedicto XIII. jam prolatum fuisset Decretum de tuto ad Canonizationem processu; tum etiam Servæ Dei, sive Beatæ Imeldæ ex mea Lambertinorum familia. In causa Canonizationis B. Julianæ exhibitum fuit authenticum monumentum exaratum decem & octo diebus post ejus felicissimam in Domino dormitionem. En verba monumenti: *Memo-ria sit, quomodo Soror nostra Juliana decem octo retro diebus mortuam cum Sponso suo Jesu evolavit ad cælum, & fuit sic: Septuagenario major, diris macerata in stomacho voluntariis poenitentis, jejuniis, castenis, ferreo cingulo, flagellis, vigiliis, inedia, nec recipere, nec retinere cibum amplius poterat; quando sacratissimo Corporis Viatico, ut se orbatam agnovit, quantum doluit, quantum lacrymata est! Itaque Patrem Jacobum de Campo Regio humillime precata est, ut saltem sanctissimum Sacramentum coram se in pyxide deferret, ut factum est. Cum autem apparuit Sacerdos portans Corpus Domini, statim illa in terram stravit se in modum Crucis, & adoravit Dominum. Vultus autem ejus factus est tanquam vultus Angeli. Cupiebat illa, quod non licebat, se conjungere cum Jesu suo, &*

ostendit

seculari illum; at renuit Sacerdos. Ergo supplex rogavit, ut super pectus suum fornaceum extenderetur velum, & super illud Hostia supra poneretur. Voti compos effecta est. At (ob stupendum miraculum!) vix Hostia attigit amantissimum illud cor, quod disparuit, nec amplius inventa est. Juliana autem, simul ac Hostia disparuit, blando ac ridenti vultu, tamquam si in ecstasim raperetur, in osculo Domini moritur, cunctis mirantibus, qui ibi aderant, scilicet Sorore Joanna, Sorore Maria, Sorore Elisabeth, Patre Jacobo, & aliis ex domo. De hoc eodem prodigio loquuntur Nicolaus de Pistorio, Paulus de Attavantibus, ceterique Historici Ordinis Servorum Beatæ Mariæ Virginis, & Raphael Massejus, Michael Pocciantius, Silvanus Razzius, Thomas de Verona, Philippus Ferrarius, Archangelus Gianus, Abraham Bzovius, aliique a Postulatoribus cumulati, qui in Scripturis pro Canonizatione Beatæ Julianæ de Falconeriis exaratis addunt, super carnem circa cor inventam fuisse post ejus obitum Imaginem Christi crucifixi. Ex Castora de Galutis, & Egano Lambertino nata est Imelda, cujus nomen a Cardinali Gabriele Palæoto recensetur in catalogo Beatarum civitatis Bononia edito ad calcem Archiepiscopalis Bononiensis. Ossa ipsius ab ecclesiâ S. Joseph extra urbem translata sunt ad ecclesiâ S. Mariæ Magdalenzæ in urbe, & apud Moniales in coenobio prope templum religiose custodiuntur: ea enim secum Moniales ipsæ detulerunt, cum a coenobio S. Joseph transferunt ad coenobium S. Mariæ Magdalenzæ. Imelda vix annum undecimum egerat; cumque ad sacratissimam Eucharistiæ mensam accedere vereretur, in pias & lacrymosas preces effusa, Divina prorsus ope recreari meruit, Hostia cælius demissa, post cujus sumptionem feliciter expiravit anno Domini 1333. Scriptores & Annalistæ patrii unanimiter rem exponunt, quæ latius etiam refertur a Bollandianis ad diem 12. Maji.

C A P U T XXXIX.

De ponderandis a Fidei Promotore, & a Consultoribus sacra Congregationis, cum dubium proponitur, & disputatur de virtutum heroicitate, & signanter de peccatis, quæ aliquando occurrunt in perscrutanda serie vitæ Servorum Dei.

DUM superius ageretur de virtutum heroicitate, diximus, heroas esse illos, qui in virtutibus Theologicis, & in ceteris virtutibus ipsorum statui consentaneis, non semel, non bis, sed frequentissime se exercuerunt, ut supra ceteros probos, & in via justitiæ ambulantes homines, ab humero & sursum, uti dicitur, fuerint evecti, nihilque in ipsorum vitæ cursu inventum fuerit, quod virtutum fulgorem obscuraret. Plura quoque a Nobis allata sunt de virtutibus consentaneis statui uniuscujusque. Ex quo proinde fit, ut in dubio virtutum duo præcipue sint advertenda a Fidei Promotore & a Consultoribus sacrae Congregatio-

gationis; alterum, an virtutes ad gradum heroicis ascenderint; alterum, an earum fulgor eclipsim passus sit ob alia quædam ab eis, dum viverent, gesta.

2 *Sensus & cogitatio humani cordis in malum prona sunt ab adolescentia sua, uti legitur Genes. 8. v. 21. Quocirca in sacro Eloquio Tobias laudatur, cap. 1. v. 4. Tob. quod cum esset junior nihil tamen puerile gessit in opere: & de ipso legitur v. 10. quod pater eum ab infantia timere Deum docuit, & abstinere ab omni peccato.* Ecclesia autem nonnullos Sanctos laudibus extollit, quod morum innocentia & gravitate a teneris annis futuræ sanctitatis indicium præbuerunt. Ita legitur in lectionibus propriis, quæ ab universali Ecclesia recitantur in Officiis SS. Antonii Ulyssiponenfis, Bernardini Senensis, Vincentii Ferrerii, Petri de Alcantara, Norberti, Raymundi Nonnati, Brunonis, Francisci Salefi. Ac futuræ quidem sanctitatis indicia in ea tenera ætate colliguntur ex neglectu puerilium ludorum, sæculi illecebrarum, misericordia in pauperes, abstinencia; quemadmodum desumi potest ex lectionibus quæ recitantur ab Ecclesia universali in Officiis SS. Nicolai Tolentini, & Felicii de Valois; & concordant bullæ Canonizationum S. Rosæ Limanæ, S. Thomæ de Villanova, S. Thomæ Episcopi Herfordienfis: *Misericordia ab infantia secum crevit erga pauperes, juxta illud Job 31. v. 18. Ab infantia crevit mecum miseria.*

3 Hæc Sanctos ab infantia respiciunt: sed, cum nonnulli, qui propter poenitentiam canonizantur, in puerili, & adulta, & plus quam adulta ætate peccata commiserint, & alii quoque peccata mortalia, aut venialia admiserint, etiam postquam sanctitatis viam ingressi sunt, sive ingressi ab infantia sint, sive ab adulta, & plus quam adulta ætate; hinc fit, ut pro integra materiæ explicatione opus sit in præsentem habere sermonem de peccatis ante conversionem, & de ceteris post conversionem commissis, sive mortalibus, sive venialibus.

4 Plerosque ab Infidelitatis tenebris, & a peccatorum cœno, Divina Gratia adjutos, ad veritatis lucem, & ad apicem sanctitatis devenisse, res est adeo nota, ut probatione non indigeat. De peccatis, quæ a Dei Servis commissa sunt, antequam ad Deum convertentur, queritur, an, & cur habenda sit ratio, cum de eorum virtutibus assumitur disputatio. Eorum notionem habendam esse, pluribus ostendit Theophilus Raynaudus in *bagalog. exotic. tom. 9. pag. 306. de S. Maria Aegyptiaca dissert. 5. : Nulla igitur Sanctorum injuria, magna autem Dei gloria, anteriores Sanctorum lapsus referri & verbo & scripto posse, evincitur & auctoritate & ratione: incredulitate quidem, cum in novo Testamento referantur negatio Petri, incredulitas Thomæ, probra Pauli, peccata Matthæi, & scelera Sancti Latronis; ratione deinde, ne si eorum peccata ignoraremus, in eam credulitatem adduceremur, eos superioris naturæ, ac Divinæ fuisse; quæ opinio ab eorum imitatione tamquam impossibili peccatores revocaret. Ad rem facit auctoritas S. Augustini de *Natura & Gratia cap. 35. (tom. 10. col. 144.) ubi Pelagii verba**

verba recitans ait: *Quorundam sane exempla, quos peccasse legimus, non ideo scripta dicit qui sanum sapit, ut ad desperationem non peccandi valeant, & securitatem peccandi nobis quodammodo præbere videantur, sed (dicere pergit Augustinus) ut disceremus vel poenitendi humilitatem, vel etiam in talibus lapsibus non desperandam salutem. Quidam enim in peccata prolapsi desperatione plus pereunt, nec solum poenitendi negligunt medicinam, sed ad explenda inhonesta & nefaria desideria servi libidinum & sceleratarum cupiditatum fiunt, quasi perdant, si non fecerint, quod instigas libido, cum eos jam maneat certa damnatio. Adversus hunc morbum nimium periculosum & exitiabilem valet commemoratio peccatorum, etiam in qua iusti, sanctique prolapsi sunt. Palladius Sancti Evagrii discipulus in sua sæpe memorata Lausiaca historia apud Rosweydam lib. 8. cap. 22. describens vitam Abbatis Moysi hæc habet: Fuit quidam Moyses nomine, Atriops genere, niger, servus cuiusdam qui gerebat rempublicam, quem, propter morum improbitatem, & latrocinii crimen, projecit ejus dominus; dicebatur enim etiam usque ad eades progredi: cogor enim dicere facta ejus improbitatis, ut postea ostendam virtutem ejus poenitentia. Melchior Canus de loc. Theolog. lib. 11. cap. 6. confirmat hæc omnia exemplo Evangelistarum: Qui autem res humanas a Divis, quorum historias scribendas sumunt, alienas fore censent, ii, Divos ipsos ne homines quidem fuisse, videntur credere. Quanto sapientius Evangelista faciunt, qui vel in ipsis Apostolis, quos eramus vita totius exemplum habituri, nec affectus natura imbecilliores, nec casus etiam graviores dissimulant. Concordat S. Franciscus Salesius (serm. 15. Dominica Palmarum): Quindi è, che non si faccia punto d'ingiuria a' Santi, quando si narrano i loro peccati e colpe, scrivendoli ancora le loro virtù. Ben fanno quelli, che scrivono le vite loro, un gran torto agli uomini, celando i peccati e le imperfezioni de' Santi sotto pretesto di onorarli, commettendoli per dubbio, che ciò non diminuisca, e pregiudichi la stima, che si ha della loro santità. E' infallibile, che ciò non è ben fatto, anzi a rovescio fanno torto a' Santi stessi, ed a tutta la posterità. Celebre est dictum S. Hieronymi epist. 77. ad Oceanum, ubi laudando Fabiolam ad poenitentiam conversam ait (num. 3. col. 454. tom. 1.): Non laudabo conversam, nisi prius ream absolvero. Cardinalis Bellarminus de officio Principis, in vita S. Joseph Patriarchæ optime colligit, ab eo non fuisse ullum peccatum commissum, quandoquidem sacra Scriptura nullum ejus peccatum commemorat: Neque responderi recte potest, non ideo Josephum expertem omnis criminis vixisse, quia Scriptura sancta nullum ejus crimen detexit; Spiritus enim Sanctus in Scripturis suis neque adulatur improbis, neque iustis peccantibus parcis, & ubique tam bona, quam mala opera detegit, ut S. Gregorius in principio libri secundi moralium docet. Hinc non solum David Propheta sancti adulterium & homicidium aperte describit, sed etiam Saulis reprobæ virtutes, quibus initio regni sui floruit, non minus dilucide enarravit. Et quemadmodum Sancti Petri Fidem, & charitatem in Christum extimiam predicavit, sic etiam negationem trinam cum juramento minime tacuit. Igitur, cum veridica & liberrima Spiritus Sancti vox peccata filiorum Jacob in medium protulerit, ut incestum Ruben, crudelitatem Simeonis & Levi, fornicatio-*

nem Iuda, & odium filium Jacob in ipsum innocentem fratrem eorum Ioseph, certe, si Ioseph ipse in aliquo deliquisset, Spiritus Sanctus in Scriptura sua id minima tacuisset. In ea questione, quæ est inter Theologos, utrum in Iudicio universalis una cum meritis revelanda sint etiam peccata Iustorum, & in qua negando respondent Magister sententiarum, & Viguerius, & probabilius affirmando respondent SS. Thomas & Bonaventura, animadvertit Suarez in 3. part. D. Thome tom. 2. quasi. 59. sect. 7. memoriam peccatorum nullum effecturam esse dolorem, aut tristitiam in Beatis, nec ex eorum manifestatione ipsos pudore aut tristitia esse afficiendos, cum harum passionum non sint capaces; utiturque exemplo S. Petri, & S. Magdalene, qui sciunt, quotidie in Ecclesia sua peccata publice prædicari, de quibus tamen gaudent, cum id cedat in maiorem Dei gloriam.

5 Faciendos esse fructus dignos poenitentiae, legitur Matthæi cap. 3., & ab eo dignos poenitentiae fructus fieri, qui in dolore cordis tantum affligitur per poenam, quantum deliquit per culpam, adnotavit Cardinalis Hugo super Matthæum loc. cit. Ex his autem palam fit, non modo opportunum, sed necessarium esse in examinandis gestis Servorum Dei, qui ante suam ad Deum conversionem fuerunt peccatorum sordibus inquinati, eorum notitiam habere, ut dignosci possit, an, & quos fructus lecerint poenitentiae, an dignos, an heroicos, & quanto tempore in eo felici statu poenitentiae permanerint. Quapropter summi Pontificis Urbani VIII. prudentia summopere commendanda est: cum etenim cuiusdam Dei Servi mora tempore Pontificatus ipsius confisisset, qui peccatis irretitus olim ab Instituto Regulari, cui nomen dederat, per apostasiam recesserat, & subinde ad cor rediens, plurium annorum spatio laudabilem & arctissimam duxerat poenitentiam, & sanctitatis fama conspicuus ab hac vita migraverat, mandavit, ut iudicis processus confectus super ejus criminibus & apostasia in archivo cujtri S. Angeli clausus & sigillis signatus asservaretur, nunquam aperiendus, nisi iussu Pontificis pro tempore viventis, & cum causa Beatificationis ipsius promoveretur, quæ tamen nunquam promotæ est. Res tota acute explicatur a S. Gregorio homil. 20. in Evangelia col. 1519. n. 8. tom. 1. his verbis: *Ut enim secundum dignos poenitentiae fructus loquamur, sciendum est, quia quisquis illicita multa commisit, huic jure conceditur, ut licitis utatur, sicque pietatis opera faciat, ut tamen, si noluerit, ea, quæ mundi sunt, non relinquat. At, si quis in fornicationis culpam, vel fortasse, quod est gravius, in adulterium lapsus est, tanto a se licita debet abscondere, quanto se meminit & illicita perpetrasse; neque enim par fructus boni operis esse debet ejus qui minus, & ejus qui amplius deliquit, aut ejus qui in multis, & ejus qui in quibusdam facinoribus cecidit, & ejus qui in multis est lapsus. Per hoc ergo, quod dicitur, Facite dignos fructus poenitentiae, semisecusque consentientia continentur, ut tanto majora querat bonorum operum lucra per poenitentiam, quanto graviora sibi intulit damna per culpam. An autem pro constituendo digno fructu poenitentiae, non quoad sanctitatem eorum Deo, sed quoad sanctitatem coram Ecclesia, aliqua tem-*

temporis ratio, quo conversus ad Deum in heroica poenitentia permansit, habenda sit, non ita facile definiri potest. Sanctus Latro per totam ante vitam scelestus, sancte nihilominus mortuus est, & eum Ecclesia colit tanquam Sanctum. Juxta alibi dicta, Martyrum catalogo multi reperiuntur adscripti, qui ulque ad mortem fuerant sceleribus inquinati. Hæc autem probare videntur, pro constituendo fructu digno poenitentiae quoad sanctitatem, etiam in Ecclesia militante, non temporis rationem, sed actuum qualitatem esse perpendendam. At, seculis Martyribus, in quorum obitu tanta colligitur heroicitas, quanta in omnem vel anteaactam, vel postagendam vitam poterat extendi, omissoque Sancti Latronis exemplo, licet Confessoris & non Martyris (ut alibi explicabitur) qui per proximam paradisi promissionem fuit a Christo in cruce canonizatus; Ecclesia, quæ in Confessore canonizando non solum mortem, sed & vitam imitationi Fidelium proponit, non brevem, & actu uno collectam, sed intensam, longam, & multiplicem, extensamque per multos actus & habitus heroicitatem requirit. Sed in eo, quod attinet ad tempus, res nec est definita, nec facile definiri potest, cum fieri quandoque possit, ut quis consummatus in brevi expleat tempora multa, & multam gloriam Dominus in illo faciat, ut condemnet Iustus mortuus vivos impios, & juventus celerius consummata longam vitam iniusti. Dum munereungebar Fidei Promotoris & intereram Congregationi sacrorum rituum, nonnullos Consultores audivi asserentes pro virtutum approbatione opus esse, ut Dei Servus per spatium saltem ultimorum decem annorum suæ vitæ heroice vixerit, sive res sit de Dei Servo, qui ante conversionem multis fuerit criminibus obnoxius, sive de Dei Servo, qui citra gravia crimina, sed non heroice antea vixerit. Quocirca Thomas Montecatinius celebris suo tempore in patrocinio præstando causis Servorum Dei in Romana Curia Advocatus, in satis ampla informatione ab eo exarata super virtutibus B. Alexandri Saulii ait: *Sane cursus viginti duorum annorum in Episcopalibus officiis productus, non est adeo brevis, ut si, toto hoc tempore virtutibus heroicis refulsisse constet, opus quoque sit anteaacta vita opera inquirere. In causa Venerabilis Joannis Francisci Regis, anni decem in Missionibus Apostolicis summo labore, ac charitatis zelo peracti existimati fuerunt sufficientes ad discernendum de ejus virtutibus. Cum autem assertionis rationem explorassem, nec ulla unquam mihi allata sit, a propolita sententia non recedo, quæ diuturnam exposcit quidem heroicitatem, absque ulla tamen temporis definitione: ideoque, ubi casus contingat, unusquisque in causa suffragaturus, perpenso antecedentis vitæ Servi Dei cursu, videre debebit, an vel diuturni ratione temporis, quo heroice vixit, vel ratione qualitatis actuum, quos breviori tempore exercuit, ille inter Heroes possit adscribi, & inter Sanctos in Ecclesia colendos recenferi, juxta illud S. Joannis Chrysostomi lib. de reparatione hominis: Non temporis longitudine, sed affectus sinceritate poenitendo censetur.* Sanctus Hieronymus in comment. ad cap. 20. in Matthæum (tom. 7. oper. col. 152.) loquens de vineæ operariis hæc habet: *Mibi*

videntur prima hora esse operarii Samuel, & Jeremias, & Baptista Joannes, qui possunt cum Psalmista dicere, Ex utero matris meæ Deus meus es tu. Tertia vero hora operarii sunt, qui a puertate servire Deo coeperunt. Sexta hora, qui matura aetate susceperunt jugum Christi. Nona, qui jam declinante ad senium. Porro undecima, qui ultima senectute. Et tamen omnes pariter accipiunt præmium, licet diversus labor sit. Ex his quippe verbis desumitur, omnes laborasse, & multis actibus operam suam præstantes habitibus virtutum præditos fuisse; item, laboris tempus in omnibus æqualem non fuisse, sed omnes unum idemque præmium fuisse consecutos.

6 Peccatis ante conversionem commissis peccata succedunt, quæ aliquando a Dei Servis commissæ sunt, postquam vel ad Deum per poenitentiam conversi, vel ad heroicam vitam a communi proborum hominum vivendi modo progressi sunt. Baillet in discursu generali ad historiam Sanctorum §.86. nonnulla audacter refert Sanctorum peccata, & in annotationibus sub num. 20. animadvertit, memoriam existere peccatorum, & quidem gravium, commissorum a S. Aligio, seu Arigio Episcopo Lugdunensi, quem nonnulli terunt consensisse insidiis adversus S. Desiderium Episcopum Viennensem, & ejus cœdi; & præterea inensum fuisse S. Romarico instanti coram Regina Brunichilda pro Bonorum recuperatione, quibus injuste fuerat spoliatus, nec poenitentiae ullum existere monumentum. In Martyrologio Ecclesiæ Lugdunensis ad diem 4. Augusti hæc leguntur: Lugduni, Sancti Arigii Episcopi & Confessoris, qui rexit præfatam Ecclesiam annos octo, menses sex; obiit enim quinquagesimo aetatis sue anno. In opere Sammarthanorum, cui titulus, Gallia Christiana, tom. 4. pag. 40. hæc habentur: Aridius, qui & Aradius, & Arigius, vir fuit, si vera sunt quæ de eo proferunt Scriptores Ecclesiastici illi aut cœvi aut suppare, scelestus plurimumque criminum reus; si vero Ecclesiæ Lugdunensis cultui, traditioni, & monumentis cum recentioribus Auctoribus Sanctus & in Beatorum ordine collocatus. Fredegarius & Aimoinus enim memoratorum criminum participem asserunt. Cointius eum plene purgat a crimine, & falsitatis arguit Scriptores, qui in eum styllum acuerunt. Severus narrat, eum e vestigio ad exitum usque vitæ acerbissimum poenitentiae genus in se suscepisse. Vindicatur quoque S. Arigius a Theophilo Raynau-do in indiculo SS. Lugdunensium tom. 8. Sed, utcumque sit de hac historica controversia, hoc certum esse videtur, in examine causarum Servorum Dei serio esse advertendum, num post conversionem, si post peccata commissæ ad Deum conversi sint, an post heroicis mores ab iis susceptos, postquam communem ceterorum proborum hominum vitam duxerant, aliqua peccata commiserint, & an novos dignos poenitentiae fructus dedepint. In causa S. Bernardini Senensis excitatum est dubium, an peccasset, quod Amadei cujusdam (de quo alibi sermo habitus est) Mediolani scholas Computi Regentis sententias in concione reprehendisset: reque serio & mature discussa, Nicolaus V. summus Pontifex per speciale diploma 18. Calen. Maji 1447. declaravit, nullum propterea mortale seu veniale peccatum ab eo fuisse

fuisse commissum, sed eum potius exinde gratiam & animæ suæ merita acquisivisse, uti habetur apud Bollandianos tom. 5. *Maji pag. 315.*

7 Alia, & sane multa, cumulari possent exempla, ex quibus memorati examinis necessitas aperte desumitur: sed, ut examinis, quo subsequuta poenitentia probetur, necessitas magis appareat, ponderanda sunt verba, de quibus in *Ezechiele 18. v. 21. Si autem impius egerit poenitentiam.... omnium iniquitatum ejus, quas operatus est, non recordabor*; & ibidem 33. v. 12. *Impietas impii non nocebit ei, in quacumque die conversus fuerit ab impietate sua.* Colligitur ex his, Deum peccatorum, de quibus iustus contreritur, ita non recordari, ut ea puniat; & præterea merita per peccatum subsequens mortificata, revera per Contritionem reviviscere: recordaretur enim Deus peccatorum, si merita non reviviscerent. Sed adhuc questio est inter Theologos, ad quem Gratiae & gloriæ gradum merita iusti per peccatum mortificata reviviscant. Nominales enim docent, hominem in sua resurrectione spiritali Gratiae gradum recipere, qui Contritioni respondeat; & præterea donari tota sanctitate, qua prædictus erat ante suum peccatum. Dominicus Sotus asserit, poenitentem ut unum, unum gradum Gratiae præteritæ, & unum novum ratione præsentis Contritionis recipere, & tandem omnes antiquos, si eum summe poeniteat. Silvius, alique sultinent, hominem per poenitentiam ad eum solum Gratiae sanctificantis gradum resurgere, qui præsentis suæ Contritionis intensiori conveniat. Dissidium autem hoc, licet respiciat sanctitatem coram Deo, simul indicat, quid agendum sit in declaranda sanctitate coram Ecclesia, in qua, si heroicitas attendatur, prout attendi debet, satis non erit, ut vel conversus ad Deum post crimina patrata, vel Heroes, qui subinde alia peccata commiserunt, poenitentiae signa dederint; sed esse necessarium videretur, ut totæ & tales exteriores actus Christianarum virtutum & poenitentiae ediderint, ut, quantum fas est, cognosci possit, utrum ad eum sanctitatis gradum redierint, in quo coram Ecclesia erant constituti, an ad majorem ascenderint, aut in inferiori gradu persistierint; juxta ea quæ habentur apud S. Thomam 3. part. quæst. 89. art. 2. ubi agit de reviviscencia meritorum apud Deum, quæ fuerant per peccatum mortificata: *Secundum quod motus liberi arbitrii in poenitentia est intensior, vel remissior, secundum hoc Poenitens consequitur majorem, vel minorem Gratiam.* Contingit autem, intensiorem motus Poenitentis quandoque proportionatam esse majori Gratiae, quam illa, a qua ceciderat per peccatum, quandoque autem aequali, quandoque vero minori; Et ideo Poenitens quandoque resurgit in majori Gratia, quam prius habuerat, quandoque autem in aequali, quandoque etiam in minori. Quapropter, si ab externis subsequutis virtutum actibus desumitur, illos in eo sanctitatis itatu, in quo erant, persistisse, nec uberiores fructus edidisse, præteritæ quidem ante peccatum laudabilis vitæ ratio haberi poterit; juxta eandem S. Thomæ doctrinam cit. 3. part. quæst. 89. art. 5. *Ad tertium descendum, quod ille, qui per poenitentiam resurgit in minori chari-*

tate,

tate, consequitur quidam primum essentialiale secundum quantitatem charitatis in qua invenitur; habebis tamen gaudium majus de operibus in prima charitate factis, quam de operibus, quae in secunda factis, quod pertinet ad primum accidentale. Sed maxime dubitari poterit, an sic agendo heroes fuerint, Sanctis, seu Canonizatis in Ecclesia militante adscribendi; cum hi possint lapsum acriores ad currendum resurrexisse dicantur, uti loquitur S. Ambrosius *apolog.* 1. David *cap.* 2. *num.* 6. (tom. 1. col. 677.): *Sancti autem Domini, qui consummare primum certamen gestant, & currere cursum salutis, sicuti forte ut homines corruerint natura magis fragilitate, quam peccandi libidine, acriores ad currendum resurgunt, pudoris stimulo majora reparantes certamina, ut non solum nullum attulisse estimetur lapsus impedimentum, sed etiam velocitatis incentiva cumulasse.* Huc facit sententia eorum Theologorum, qui docent, permissionem peccati in praedestinatiis esse praedestinationis effectum, cum eis proficit ad consequendam gloriam, quandoquidem est occasio humilitatis atque majoris diligentiae.

8. Juxta S. Thomam *cit.* 3. *part. quest.* 90. *art.* 4. poenitentia dividitur in poenitentiam ante Baptismum, poenitentiam mortalium, & poenitentiam venialium; & coherentur ad haec in re, de qua nunc agitur, poenitentia a Nobis dividitur in poenitentiam peccatorum ante conversionem, in poenitentiam mortalium commissorum post conversionem, & in poenitentiam venialium. Porro, Justos aliquando peccata venialia committere, colligitur ex Scriptura *Proverb.* 24. v. 16. *Septies enim cadet Justus, & resurgit;* *Ecclef.* 7. v. 21. *Non est enim homo justus in terra, qui faciat bonum, & non peccet;* Jacobi 3. v. 2. *In multis enim offendimus omnes;* in prima Joannis *cap.* 1. v. 8. *Si dixerimus, quoniam peccatum non habemus, ipsi nos seducimus, & veritas in nobis non est.* Si itaque etiam Justi in peccata venialia labuntur, modo videndum est, an in causis Canonizationis de iis inquirendum sit. Inquiri debere, certum esse videtur, non quia, quatenus aliqua inveniantur, obstaculum praebere possint declarationi & approbationi virtutum in gradu heroico, juxta ea quae a Nobis deducta sunt *lib.* 1. *cap.* 14. *num.* 10. sed ut dignoscatur, num fuerint peccata venialia ex surreptione, an ex proposito; num aliqua, an multa; & utrum Dei Servi, dum viverent, curaverint ab eis abstinere, quantum fas erat, & pro illis satisfacere. Si enim aliqua peccata venialia ex surreptione, & aliqua forte consulto fuerint commissa, nec posterior defuerit pro eis vitandis cautela, & piis operibus pro eis satisfactum sit, durum & absonum absque dubio videretur, Dei Servum heroicis gestis illustrem, ob eam solam causam a Beatificationis & Canonizationis honore removere. De Moyse, quem inter sanctos Reges veteris Testamenti superius adscripsimus, quaeritur, an ullum peccatum admiserit. Duo leguntur in Scripturis, quae peccata videri potuerunt, homicidium patratum, de quo *Exod.* 2., & titubatio quaedam, cum aquam de petra educere a Domino jussus esset, de qua *Numer.* 20. Sed homicidium Scriptura non reprehendit, fortasse quia factum

factum fuit ad defensionem Hebræi innocentis ab Ægyptio violenter oppressi. Quapropter S. Augustinus, qui lib. 22. *contra Faustum* cap. 70. existimavit, homicidium illud fuisse culpabile, tamen postea scribens *questiones in Exodum* retractavit sententiam illam suam priorem, & Moysen a criminis culpa defendit. Titubatio vero peccatum fuit: propter eam quippe iratus Dominus iussit, ut Aaron inieret, & Moyses ascenderet montem Abarim, videret Terram promissionis, ibique moreretur, neq. Terram Chanaan ingredi posset, ut ex cit. lib. *Numer. cap. 20. & 27. & in lib. Deuter. Sec.* cum uterque non violenter, sed naturaliter mortuus sit, & sola peccati poena fuerit, ut non ingrederetur in Terram promissionis, quemadmodum colligitur ex cap. 1. v. 37. *Deuteronom. ubi* Moyses ait: *Nec miranda indignatio in populum, cum mihi quasque iratus Dominus propter vos dixarit: Nec tu ingrederis illuc, sed Josue filius Nûn minister tuus ipse intrabis pro te; ex his plerique sacræ Scripturæ Interpretes desumunt, peccatum Moysis non fuisse lethale, sed veniale. Quod si in examine causæ, dum res est de virtutibus in gradu heroico, multa occurrerent peccata, licet venialia, frequenter & consulto commissa, & resipiscentiæ ac satisfactionis probatio deesset, rationabiliter a virtutum approbatione videretur esse abstinendum. Facit huc doctrina D. Thomæ 1. 2. *quest. 89. art. 2. ad tertium: Dicendum, quod illi qui sunt abstracti a cura temporalium rerum, etsi aliquando venialiter peccent, tamen levia peccata venialia committunt. & frequentissime per fervorem charitatis purgantur; unde tales non suspiciantur si venialia, quia in eis modicum manent. Sed peccata venialia ipsorum, qui circa terrena occupantur, diutius manent, quia non ita frequenter recurrere possunt ad huiusmodi peccata venialia delenda per charitatis fervorem.* S. Cæsarius Arelatenlis Episcopus in *sermone de verbis Apostoli*, qui olim S. Augustino adscribebatur, & nunc est 104. in *append. ad tom. 5. oper. ejusdem Augustini*, peccatorum mortalium & venialium mentionem facit, & post enumeratas nonnullas species peccatorum venialium subjicit: *Hæc enim, & his similia ad minuta peccata pertinere, non dubium est, quæ, sicut jam dixi, enumerari vix possunt, & a quibus non solum populus Christianus, sed etiam nullus Sanctorum immunis esse potest aliquando, aut poterit. Quibus peccatis licet occidi animam non credamus, ita tamen eam velut quibusdam pustulis, & quasi horrenda scabie replentia deformem faciunt, ut eam ad amplexus illius Sponsi celestis, aut vix, aut cum grandi confusione venire permittant, de quo scriptum est: Aptavit sibi Ecclesiam non habentem maculam, aut rugam. Et ideo continuis orationibus, & frequentibus jejuniis, & largioribus elemosynis, & præcipue per indulgentiam eorum, qui in nos peccant, assidue redimantur, ne forte simul collecta cumulum faciant, & demergant animam: non quia per peccata venialia Sancti & Iusti coram Deo desinant esse iusti, quemadmodum explicat Concilium Tridentinum sess. 6. de iustificat. cap. 11. Licet enim in hac mortali vita, quantumvis Sancti & Iusti, in levia scilicet & quotidiana, quæ etiam venialia dicuntur, peccata quandoque cadant,**

non

non propterea desinunt esse iusti; nec quia ex multis peccatis venialibus omnino constitui possit unum mortale peccatum, veluti probat S. Thomas 1. 2. *quest.* 88. *ars.* 4. sed quia ad mortale disponunt, ut idem docet *art.* 3. & late prosequitur Roderic. in *exercitio perfectionis & virtutum religiosarum part.* 3. *tract.* 6. *cap.* 5. Legitur enim *Eccles.* 19. v. 1.: *Qui spernit modica, paulatim decedit*; subicitque S. Gregorius *lib.* 10. *moral.* *cap.* 11. (*col.* 349. *oper.* *tom.* 1.): *Ex vanitate... ad iniquitatem ducimur, cum prius per levia delicta desuimus, ut, usu cuncta levigante, nequaquam possit committere etiam graviora timeamus.* Nam, dum moderari lingua otiosa verba negligit, more inolita remissionis capta, audax ad noxia prorumpit &c. Si enim curare parva negligimus, insensibiliter seducti audenter etiam maiora perpetramus. Joannes Thaul. *insit.* *cap.* 2. detrimenta enumerat ex peccatis venialibus in animam redundantia; & S. Hieronymus in epitaphio S. Paulæ n. 15. *col.* 699. *tom.* 1. *oper.* recte indicat, quomodo Sancti se gesserint in expiatione leviorum peccatorum: *Mollia, etiam in gravissima febre, lectuli strata non habuit, sed super durissimam humum, stratis ciliciolis, quiescebat; si tamen illa quies dicenda est, quæ jugibus pane orationibus dies noctesque iungebat, illud implens de Psalterio, Lavabo per singulas noctes lectum meum, lacrymis meis stratum meum rigabo. In qua fontes crederes lacrymarum. Ita levia peccata plangebant, ut illam gravissimorum criminum crederes ream: & Rosignolius de action. virtut. lib. 2. *cap.* 5. *pag.* 241. *Quare prudentissimi censi & appellandi sunt viri illi sancti, qui eas de se ipsis poenas sumebant, cum in re parva peccassent, quas nos, nec etiam cum gravissime labimur, subire solemus. Tales fuere Sanctus Franciscus, Sancta Catharina Senensis, & multi alii, quos reserunt Ecclesiastici Historici, vel propter verbum, quod imprudenter exciderat, vel propter oculum inaniter coniectum, similemque aliam levissimam culpam in omne ætatis tempus ita se ipsos acerbè castigasse, ut ad magnam admirationem in-fuentes traducerent.**

9 Dum essem Fidei Promotor, & perpenderem nonnullorum testium dicta, præcipue Confessariorum, qui asserabant, hunc aut illum Dei Servum vel toto vitæ tempore, vel longo tempore post conversionem elapso, a quocumque peccato veniali fuisse immunem, opposui communem Theologorum doctrinam, qui docent, neminem per totam vitam, aut per diuturnum tempus ex solis auxiliis, Gratiæ habituali annexis, posse omnia peccata venialia collective, ut ajunt, sumpta vitare; uti apparet ex Scripturæ textibus supra allatis, itemque ex Concilio Milevitano II., *can.* 6. (*tom.* 1. *collect.* Harduini *col.* 1218.) *Placuit, quod ait Sanctus Joannes Apostolus, Si dixerimus, quia peccatum non habemus, nos ipsos seducimus; & veritas in nobis non est, quisquis sic accipiendum putaverit, ut dicat, propter humilitatem oportere dici, nos habere peccatum, non quia vere ita est, anathema sit.* Optime S. Augustinus de *Natura & Gratiæ* *cap.* 36. n. 42. *col.* 145. *oper.* *tom.* 10. scribit: *Si omnes illos Sanctos & Sanctas, cum hic viderent, congregare possemus, & interrogare, utrum essent sine peccato, quid*

fuisse

fuisse *responſuros* putamus? *Utrum hoc, quod iſte dicit?* (Pelagius videlicet) *An quod Ioannes Apoſtolus?* Rogo vos, quantalibet fuerint in hoc corpore excellen-
tia ſanctitatis, ſi hoc interrogari poſuiſſent, nonne una voce clamaſſent: Si di-
xerimus, quia peccatum non habemus, nos ipſos decipimus, & veritas in nobis
non eſt. Caſſianus collat. 22. cap. 13. pag. 770. utitur textu *Proverb. Septies*
in die cadit iuſtus: quamvis verbum in die nec in Hebræo, nec apud Septua-
ginta, nec in Latinis vulgatis emendationibus legatur, ſed ad rem ait:
Maniſeſte Scriptura pronuntiat, Septies in die cadit iuſtus, & reſurgit.
Quid enim aliud eſt cadere, quam peccare? Et tamen, cum dicatur *ſepties ca-*
dere, nihilominus pronuntietur *iuſtus*. Nec *iuſtitia* ejus præjudicat lapſus fragi-
litate humana, quia multum intereſt inter *iuſti*, & peccatoris hominis lapſum.
Aliud eſt enim admittere mortale peccatum, & aliud eſt cogitatione, que peccato
non careat, præveniri, vel ignorantia, aut oblivitionis errore, aut facilitate otioſi
ſermonis offendere, aut ad punctum in Fidei theoria aliquid haſitare, aut ſubi-
titi quadam cenodoxia titillatione pulſari, aut neceſſitate nature aliquanſiſper a
ſummæ perfectione recedere. Hac enim ſunt ſeptem lapſuum genera, in quibus
Sanctus licet nunquam cadat, tamen *iuſtus* eſſe non deſinit; qua, quamvis
levia videantur ac parva, tamen faciunt, eum ſine peccato eſſe non poſſe. De-
nique S. Thomas 3. part. quaſt. 79. art. 4. cum ſibi oppoſuiſſet illud Ioan-
nis, Si dixerimus, quia peccatum non habemus, ipſi nos ſeducimus, reſpon-
det: Dicendum, quod illud verbum non eſt intelligendum, quin aliqua hora poſ-
ſit homo eſſe abſque omni reatu peccati venialis, ſed quia vitam iſtam Sancti non
ducunt ſine peccatis venialibus: atque in eo, quod attinet ad longum tem-
pus, idem S. Doctor 1. 2. quaſt. 109. art. 8. ait: Non autem poteſt homo abſ-
tinere ab omni peccato veniali propter corruptionem inferioris appetitus ſenſualita-
tis, cujus motus ſingulos quidem ratio reprimere poteſt, & ex hoc habent rationem
peccati, & voluntarii, non autem omnes; quia, dum uni reſiſtere nititur, for-
taſſis alius inſurgit, & etiam quia ratio non ſemper poteſt eſſe perſeſcit ad huius-
modi motus vitandos.

10 Addidi, hominem *iuſtum* ex ſpeciali privilegio, & auxiliis Gra-
tiæ extraordinariis poſſe omnia peccata venialia vitare, juxta illud S. Au-
guſtini lib. 2. de peccator. merit. & remiſſ. cap. 6. num. 7. (col. 43. oper. tom. 10.)
Si a me queratur, utrum homo ſine peccato poſſit eſſe in hac vita, conſuebor, poſ-
ſe per Dei Gratiam, & liberum ejus arbitrium. Concordat Concilium Tri-
dentinum ſeſſ. 6. de *iuſtificatione*. can. 23.: Si quis hominem ſemel *iuſtificationem* dixe-
rit amplius peccare non poſſe, neque Gratiam amittere, atque ideo eum, qui la-
bitur & peccat, nunquam vere fuiſſe *iuſtificationem*; aut contra poſſe in tota vita
peccata omnia, etiam venialia, vitare, niſi ex ſpeciali Dei privilegio, quæ-
nam admodum de Beata Virgine tenet Eccleſia, anathema ſit. Hoc ipſum, quod
de Beatiffima Virgine dictum eſt a Concilio Tridentino, fuerat antea di-
ctum a S. Auguſtino de Natura & Gratia cit. cap. 36. Cum enim Pelagius,
ut ſuum dogma probaret, quo poſſe homines, ſi vellent, aſſerebat, ſine
omni eſſe peccato, multorum utriuſque ſexus exempla protuliſſet, quæ
Tom. III. K k k k in

in Scripturis non modo non peccasse, sed etiam iuste vixisse referuntur, quales fuerunt Abel, Henoch, Melchisedech, Abraham &c. & adiunxisset etiam seminas Deborah, Annam matrem Samuelis &c. & ipsam etiam Domini ac Salvatoris nostri Matrem; cum hæc, inquam, de Beatissimæ Virginis de omni peccato immunitate Pelagius affirmasset, Augustinus ita respondit num. 42. (col. 144. loc. cit.): *Excepta itaque Sancta Virgine Maria, de qua propter honorem Domini nullam prorsus, cum de peccatis agitur, haberi volo questionem; unde enim scimus, quid ei plus Gratia collatum fuerit ad vincendum omni ex parte peccatum, qua concipere, ac parere meruit quem constat nullum habuisse peccatum?* Ceteras puras creaturas a labe peccati immunes non fuisse pronuntiavit, ut ex ejus verbis supra relatis apparet, & late prosequitur Petavius *Theologic. dogmat. lib. 14. de Incarnat. cap. 1. num. 14.* De Noe, Daniele, & Job. Ezechiel cap. 14. ait ab imminente quadam iracundia Dei solos posse liberari. Cum itaque Scriptura Dei tam magnum de eis perhibuisset testimonium, citatus S. Augustinus in libro de peccatorum meritis cap. 10. col. 47. oper. tom. 10. querit, an fuerint sine peccato, & respondet: *Nam Noe, sicut legimus, fuit aliquando ebrius, quamvis absit ut fuerit ebriosus; Daniel vero post orationem, quam fudit Deus, de se ipse dicit cap. 9. Cum orarem, & confiterer peccata mea, & peccata populi mei Domino Deo meo: ubi sua simul, & populi peccata commemorat; & Job pluribus in locis (quos ibidem refert, & expendit Sanctus Augustinus) se peccatorem pronuntiat. De Zacharia, & Elisabeth Luc. 1. v. 6. legitur: Erant autem iusti ambo ante Deum, incedentes in omnibus mandatis & justificationibus Domini sine querela: quod citatus S. Augustinus in lib. de Gratia Christi cap. 48. col. 251. oper. tom. 10. ait: Dictum enim est quantum mihi videtur secundum quamdam inter homines conversationem probabilem atque laudabilem, quam nullus hominum iuste posset in accusationis & criminationis querelam vocare, quam propterea in Dei conspectu Zacharias, & ejus uxor habuisse referuntur, quia in ea homines nulla dissimulatione fullebant, sed, ut apparebant hominibus, ita noti erant oculis Dei. Non autem dictum est hoc secundum illam perfectionem iustitiæ, in qua vere atque omnimodo immaculati perfectique vivemus: Nam & Apostolus Paulus dixit, secundum iustitiam, qua ex Lege est, se fuisse sine querela, in qua Lege etiam Zacharias sine querela conversabatur; sed hanc Apostolus iustitiam in stercorebus & detrimentis deputavit in comparatione iustitiæ, quam speramus, & quam nunc esurire ac satiare debemus, ut ea quandoque saturamur in specie, qua nunc est in Fide, quamdiu Iustus ex Fide vivit. Cumque speciale privilegium immunitatis a quolibet peccato etiam veniali S. Augustinus in sola Beatissima Virgine admiserit, licet non condemnaverit eum, qui alios præter eam dixisset omni peccato caruisse, uti colligitur ex libro de perfectione iustitiæ cap. 21. (col. 189. tom. cit.): *Postremo, si, excepto illo capite nostro &c. asseruntur vel fuisse, vel esse in hac vita aliqui homines iusti sine aliquo peccato &c. non nimis existimo reluctandum. Scio enim, quibusdam esse visum, quorum de hac re sententiam non audeo reprehendere, quam**

quam nec defendere valeam; idcirco dubitandum esse dixi, an fides testibus præstari possit asserentibus, hunc aut illum Dei Servum aut post conversionem, aut, quod gravius est, toto vitæ suæ tempore talibus victiciis Gratiae extraordinariis auxiliis fuisse præventum, ut a quolibet peccato veniali fuerit immunis.

11 Ut alibi visum est, Gersonius in tract. de examinatione doctrinarum part. 2. considerat. 3. col. 16. oper. tom. 1. huiusmodi Confessariorum attestations reprobat, & dubitare visum est, an essent in materia Canonizationis admittendæ: Sunt Confessores, qui de nonnullis, quos vel quas audiunt, verba faciunt in bonum: O quam pura mens! quam integra! quam sine mortali delicto! Essem talis utinam cum meis similibus! Non advertentes qui taliter agunt, se per indirectum culpæ reliquos consentientes eis, quos non ita predicant, simul & occasionem dare suis laudibus, non qualitercumque, sed in Confessione mentienti. Eset hic habendus sermo latior, præsertim in materia Canonizationis, & testificationis sumpta per Confessores. At, retenta sanctæ Sedis, & sacrorum rituum Congregationis praxi, quæ alibi a Nobis propugnata est, admittendi videlicet, & fidem præstandi attestacionibus Confessariorum, cum agitur potissimum de virtutibus Servorum Dei, necessarium esse existimo, nonnulla quoad eas subicere, in quibus de immunitate Servorum Dei a peccatis testimonium profertur. Nonnullæ siquidem de immunitate a mortalibus peccatis loquuntur, quod nihil habet commune cum re præfenti. Ad hanc classem pertinent attestaciones Confessariorum, Fratris videlicet Archangeli Bianchi ex Dominicana familia Theaniprimum Episcopi, deinde Cardinalis, & Humberti Locati ex eadem familia Episcopi Balneoregenis, qui S. Pii V. Confessiones exceperunt, testatque sunt, se nullam in eis lethalem culpam deprehendisse, uti legitur in relatione causæ prædicti S. Pii V. a Rotæ Auditoribus exarata sit. de temperantia. Eodem modo locutus est Cardinalis Bellarminus in sermone, quem habuit anno 1608. Romæ in Anniversario S. Aloysii Gonzagæ, quem citarunt, & laudarunt Rotæ Auditores in relatione causæ dicti Sancti: *Beatus Aloysius mandatis Dei & Ecclesiæ toto vitæ tempore ita exacte paruit, ut iudicio Confessariorum, qui ejus generales Confessiones audierunt, quorum unus ego sum, numquam lethale crimen admiseris, a quo per hoc nullum præceptum violaveris.* Et cohærenter ad hæc in Congregatione habita die 10. Novembris 1612. super eadem causâ conclusit, omnes Sanctos vel propter innocentiam, vel propter poenitentiam sanctos haberi, at B. Aloysium propter utrumque simul posse beatificari ad similitudinem S. Joannis Baptistæ: quinimmo, cum memoratus Cardinalis in prædicta attestacione castigare locutus asseruerit, se quidem in generali Confessione nullum peccatum mortale invenisse, sed in eo, quod attinet ad primos septem annos vitæ Beati addiderit, *Ma quanto poi alli primi sette anni, ne' quali non vixi con quella cognizione di Dio, colla quale vixi poi, lo tengo per conghiettura; perchè non è probabile, che nell' infanzia peccasse mortalmente, massime essendo*

K k k k 2

præor-

*preordinato da Dio a tanta purità; excitata controversia, cur dixerit, se ex conjectura autumare, non fuisse ante septennium a Beato commissum peccatum mortale, opus fuit, ut Pater Ceparius alibi cum laude memoratus causa Postulator scripturam exararet, in qua ostendit, Cardinalem sic testari debuisse, aut quia primum vitæ septennium non cadit sub legem Confessionis, juxta late deducta per Azorium *instit. moral. tom. 1. lib. 7. cap. 40. quest. 6.*; aut quia pueri ejus ætatis, licet rationatione non careant, carere dicuntur usu rationis, & sic a peccato immunes censentur, juxta late deducta per Vasquez *part. 2. tom. 1. dist. 41. num. 15. & quest. 89. dist. 149. cap. 1. num. 1.* Nonnullæ attestaciones referunt, nullam in Confessione fuisse absolutionis materiam: sed, si sunt attestaciones Confessoriorum, qui vel generalem Confessionem non exceperint, vel aliqua tantum vice, aut vicibus interpolatis conscientiam Servorum Dei in sacramento Pœnitentiæ scrutati sint, nemo est qui non videat, ex eis ad probandam immunitatem a quocumque peccato veniali per longum tempus non posse argumentum defumi. Nec enim novum est (uti supra indicavimus) aliquem per modicum tempus a peccatis venialibus abstinere posse. Nonnullæ attestaciones narrant, vix in generali Confessione fuisse absolutionis materiam, cujusmodi attestatio fuit B. Raymundi in vita S. Catharinæ Senensis *cap. 6. pag. 48.*: *Io certamente rendo a lei questa testimonianza avanti l'idio ed alla sua Chiesa, che avendo udito più volte le sue Confessioni, e qualche volta anche la Confessione generale, non ho mai trovato, ch'ella abbia commessa alcuna cosa contro i Divini comandamenti. E di più io dico, che la trovai così munda dalle colpe veniali, che a gran pena d'alcun picciolo inciampo mi poterò accorgere nelle sue Confessioni quotidiane. Imperocchè è manifesto non solamente a' suoi Confessori, che erano di sua usanza, ch'ella non mai, o rarissimo ne' suoi parlari cadeva in fallo.* Prætermisso autem, quod particula illa *vix* sufficientem materiam arguit, & sic aliqua peccata venialia; ponderandum est, eas attestaciones immunitati a peccatis venialibus ex alia ratione prodesse non posse, quod non teneamur peccata venialia in Confessione aperire, licet laudabiliter fiat, uti factum fuit a S. Catharina Senensis, & passim ab aliis Sanctis. Aliquando in attestacionibus legitur, Dei Servos in certa aliqua materia nec venialiter peccasse aut toto vitæ suæ tempore, aut post conversionem. S. Bernardus in *vita S. Malachia cap. 19. (col. 692. vol. 1. oper.)*: *At vero in Malachia quis unquam, etiam si curiosius observaris, deprehendis otiosum, non dico turbum, sed natum, quis maxum pedemque moventem frustra? Immo quid non adificans in ejus incessu, aspectu, habitu, voluntate? Cuiusque privilegium hoc, licet insignis, nulla tenus comparari possit privilegio Beatissimæ Virginis non ad unam materiam restricto, sed ad omnem peccatorum venialium materiam extenso, si omnia adhist, quæ adesse jure debent, ut attestacionibus fides adhibeatur, fides eis non erit deneganda, uti bene ponderat Cardinalis Gottus *Theolog. tom. 3. in primam secundæ partis dub. 10. quest. 1. §. 2. num. 17. & seqq.*; & huc faciunt etiam**

quæ a Nobis dictæ sunt in eo capite, in quo egimus de illis Dei Servis, & Sanctis, qui carnis illecebras experti non sunt. Generales demum & immodicæ nonnullorum Confessariorum attestaciones commodè explicari possunt de immunitate a peccatis venialibus non ex subreptione & inconsiderantia, sed de peccatis ex objecto venialibus, & plena deliberatione patratæ, uti prosequitur citatus Cardinalis Gottus loc. cit. §. 2. num. 13. : Est autem tenendum sit, hominem nec posse vitare omnia peccata, quæ ex genere sunt venialia, per totam vitam, aut diu, quia homo iustus non semper operari potest ex fervore charitatis, secluso speciali privilegio, non adeo tamen certum est, quin ab aliquibus in dubium revocetur; immo non desunt qui asserant, fuisse aliquando homines tantæ perfectionis, ut nunquam, vel fere nunquam in peccata ex objecto venialia ex plena deliberatione lapsi sint; sed in ea tantum, quæ per ignorantiam, aut subreptionem contingunt. Anima namque purissima, quales Apostoli, Sanctus Joseph, Sanctus Ioannes Baptista, summa diligentia & summa cautione declinantes ea omnia, quibus Deum offensum iri certo noverunt. Fusius hoc argumentum prosequitur Jacobus Alvarez de Paz de exterminat. mali, tom. 2. lib. 1. part. 1. cap. 9. pag. 61. ubi subiicit: Conjice oculos, quæso, in Franciscum, in Dominicum, in Bernardum, in Ignatium nostrum, & in alios similes Sanctos, & videbis, te manifestam injuriam illis facere, si de ipsis, quod scienter & de industria peccata venialia fecerint, cogitares. Et paulo post: Interrogemus itaque viros sanctos, & obtestemur illos per nomen Domini, cui se totos commiserunt, ut dicant nobis sine ullo ladenda humilitatis timore, an aliquod peccatum veniale non ex infirmitate, sed ex industria & ex malitia per aliquos annos commiserint; & si dixerint, quia longo tempore, aut nunquam, aut vix ex malitia peccaverunt, credamus eis; sunt enim testes omni exceptione majores, & eos in hoc sequi & imitari conemur. Hanc ad rem recte scribit S. Gregorius moral. lib. 18. cap. 5. col. 561. oper. tom. 1. ad illa verba Job: Neque enim reprehendis me cor meum in omni vita mea: Ac si aperte dicas, nequaquam se fecisse reminiscitur, unde in suis precibus confundatur. Sed quæri potest, quo pacto a corde suo reprehendi se denegat, qui se peccasse superius acutus dicens: Peccavi, quid faciam tibi, o custos hominum? vel, Certe, si iustificare me voluero, os meum condemnabit me. Sed sciendum est, quod sunt peccata, quæ a iustis vitari possunt; & sunt nonnulla, quæ etiam a iustis vitari non possunt. Cujus enim cor in hac corruptibili carne consistens in sinistra cogitatione non labitur, vel si usque ad consensum fideam non mergatur? Et tamen, hac ipso prava cogitare, peccare est: sed, dum cogitationi resistitur, a confusione sua animus liberatur &c. Recte ergo is, qui peccatorem se confessus est, nequaquam se a suo corde reprehendi constituit; quia, eise, quæ illicita fortasse cogitando, defuit umquam rectitudini, fori tamen mentis certamine resistit cogitationi. Cautè tamen prædictæ & consimiles Confessariorum attestaciones sunt excepiendæ; & valde timendum est, ne etiam coarctentur ad immunitatem a peccatis venialibus ex proposito commissis, & non ex subreptione propter humanam infirmitatem, non undequaque tutæ habendæ sint. Legitur in Psalmo 98. v. 8. Domine Deus noster, tu

exaudiebas eos; Deus, tu propitius fuisti eis, & ulciscens in omnes adiuvantes eorum; & S. Augustinus ibi ponderans, ea refert ad viros perfectos supra a Domino laudatos, Moylen, Aaron, & Samuelem, quærit, quomodo ulciscatur in adinventiones eorum (num. 12. col. 1067. oper. tom. 4.) : Noverat ibi forte Deus aliquid, quod purgares, quia & quod perfectum jam videretur hominibus, illi perfectioni adhuc imperfectum est. Pleraque faciunt Artifices, & ostendunt imperitiis; & cum jam iudicaverint imperiti esse perfecti, expoliant illa Artifices, qui noverunt adhuc quid illis defuit, ut mirentur homines tantam expolitionem rebus accidisse, quas jam perfectas pronuntiaverunt. Fit hoc & in aedificiis, & in picturis, & in vestibus, & prope in omni genere artium &c. Sic & illi Sancti versabantur ante oculos Dei tamquam sine culpa, tamquam perfecti, tamquam Angeli. Noverat autem, quid illis desisset, qui vindicabat in omnes afflictiones eorum. Optime Suarez tom. 3. de Gratia lib. 9. cap. 8. quæstionem hanc illustrat: postquam enim num. 10. statuit, regulam Fidei esse, neminem in tota vita mortali posse omnia etiam venialia peccata vitare, nisi ex speciali Dei privilegio; & num. 18. iustos & sanctos homines, quantumvis perfectos, in hac vita non omnia peccata venialia vitasse; & num. 24. nemini præter Virginem deberi aut posse tribui privilegium carenti per totam vitam peccato veniali; num. 25. docet, non solum per totam vitam, sed ne per notabilem quidem ejus partem posse de aliquo Sancto cum fundamento affirmari, eum caruisse omni peccato veniali, etiam per subreptionem; quod num. 27. extendit etiam ad peccata venialia deliberata: ita ut brevi tantum tempore possit iustus per communia auxilia vitare omnia peccata venialia, uti subjicit num. 28., addens num. 29. breve hoc tempus ad diem unum restringi.

CAPUT XL.

De nota jactantiae & vana gloria, de qua sepe disputandum occurrit in examine virtutum Servorum Dei.

UT alibi visum est, aliquando Dei Servi, Superiorum jussu, vitam suam descripserunt, in qua laudabiliter a se gesta narrarunt, & præterea retulerunt charismata & dona sibi a Deo collata: alii, si scriptis hæc non ediderunt, ore tamen retulerunt aut Confessariis, aut sodalibus, aut aliis hominibus: in quo rerum themate dubium excitatur, an jactantiæ seu vanæ gloriæ peccatum commiserint. Porro Sanctorum exempla, qui hæc & similia fecerunt, non desunt. Apostolus Paulus in epist. 2. ad Corinth. cap. 11. & 12. a se gesta, & visiones, & revelationes Domini fufe profecutus est. Job cap. 29. v. 14. de se ait: *Iustitia induus sum, & vestivi me, sicut vestimento & diademate, iudicio meo. Oculus fui cæcus, & pes claudus. Pater eram pauperum, & causam, quam nesciebam, diligentissime investigabam.* Ezechias ab Isaia admonitus de vicina morte, sic Deum allocu-

tuit

tus est, uti habetur *Isaia* cap. 38. v. 3.: *Obsecro, Domine, memento, quæso, quomodo ambulaverim coram te in veritate & in corde perfecto, & quod bonum est, in oculis tuis fecerim*. Sara Tobie uxor, uti legitur *Tobie* cap. 3. v. 16. sic de se coram Deo locuta est: *Tu scis, Domine, quia nunquam concupivi varum, & mundam servavi animam meam ab omni concupiscentia. Nunquam cum ludentibus miscui me, neque cum his, qui in levitate ambulant, participem me præbui*. Item Nehemias, ut in 2. *Esdra* cap. 5. v. 19. ait: *Memento mei, Deus meus, in bonum, secundum omnia, quæ feci populo huic*.

2. Succedunt ceterorum exempla Sanctorum. Abbas Joannes apud Cassianum collat. 19. cap. 3. pag. 702. ait: *Idcirco, si quid elatius, immo liberius fortasse protulero, quæso, ut non jactantia vitio, sed edificationis vestre depromptum studio censeatis; quis vobis tam studiose querentibus, nihil de veritate existimo subtrahendum. Arbitror enim instructionis vobis aliquid posse conferri, si paulisper, humilitate seposita, simpliciter omnem propositi mei patefecero veritatem. Confido enim, quia nec apud vos de libertate dictorum cenodoxie notam, neque apud conscientiam meam de suppressione veritatis quoddam mendacii crimen incurram*. Apud Palladium in *historia Lausiaca* (cap. 58. lib. 8. edit. Rosweydi) Abbas Anuph ita socios alloquens inducitur: *Benedictus Deus, qui mihi hæc quoque signavit, & vestrum vitæ institutum, & adventum. . . . Ex quo Servatoris nomen professus sum in terra, ex ore meo non est egressum mendacium. Huiusmodi cibi nihil sumpsi, me caelesti alimento alente quotidie Angelo. . . . Hæc, & multa alia narrans, tertio die tradit animam; eamque statim suscipientes Angeli, & chori Martyrum in celos sustulerunt, ipsi videntibus, & hymnos audientibus. Et in eadem historia cap. 10. Pambo Abbas eximie sanctitatis, morti proximus sic ait: *Nec memini, me ab aliquo panem gratis datum comedis, nec me in hac horam poenitet alicujus sermonis, quem dixerim*. Abbas Guillelmus in vita S. Bernardi lib. 1. c. 4. n. 23. col. 1086. oper. vol. 2. de eo sic scribit: *Quidquid in Scripturis valet, quidquid in eis spiritualiter sensit, maxime in silvis & in agris, meditando & orando se confutetur accepisse; & in hoc nullas aliquando se magistros habuisse, nisi quercus & fagos, joco illo suo gratiose inter amicos dicere solet*: Continuator autem vitæ subjicit lib. 3. cap. 3. (num. 7. col. 1135. vol. cit.): *Nam & confessus est, aliquando sibi meditati vel oranti sacram omnem velut sub se positam & expositam apparuisse Scripturam*. S. Antonius, ut refert S. Athanasius in ejus vita cap. 68. pag. 846. cum a discipulis rogaretur, non dubitabat eis communicare dona caelestia, quæ a Deo receperat: *Nec spiritualibus filiis pura in Christo anima seculari quidquam volebat*. S. Onophrius Paphnutio expolcenti sua gesta omnia candidissime aperuit, ut idem testatur in ejus vita cap. 2., quam scriptis consignavit, apud Rosweydam lib. 1. pag. 99. Severus Sulpicius cap. 26. vitæ Sancti Martini testatur, se eam scripsisse ex iis, quæ sibi & aliis interrogantibus ipse patefecerat; ejusque vitæ partem scriptam fuisse etiam vivente S. Martino, testatur Baronius. De S. Ignatio Societatis Jesu Fundatore in lectionibus Officii habetur, claris adeo illustrationibus cum fuisse recreatum, ut postea solitus esset dicere: *Si sacra Litteræ**

NON

non exstarent, se tamen pro Fide mori paratum ex his solum, quæ sibi Manresa patre fecerat Dominus. Item in sexta lectione secundi Nocturni diei octavæ S. Dominici in Breviario Ordinis Prædicatorum factum hoc exponitur, quod etiam post alios refertur a Malvenda in annal. Ord. Prædicat. centur. 1. part. 3. pag. 368. En verba lectionis: *Dein, adscitis duodecim ex senioribus & præstantioribus Fratribus, Priori Conventus Bononiensis generaliter omnia peccata confessus est; Exomologesque sacroritu peracta, illis astantibus dixit: En, Fratres carissimi, in hanc usque diem illibata mihi virginitas singulari Dei munere constitit; quam si vos etiam per sancte colueritis, & visa munditia, & odore clara fama mirum in modum promovebimini.* In relatione Rotæ Auditorum in causa S. Philippi Neri tit. de virginali castitate dicitur: *Virginalem castitatem Philippus perpetuo conservavit, ut ipsemet manifestavit Francisco Bucca ejus in Christi filio, ut eundem ad castitatem induceret.* Denique in vita S. Terefiæ cap. 27. pag. 97. fuse exponuntur, quæ ei dicta fuerant de se ipso a S. Petro de Alcantara: ei enim narraverat poenitentias a se jugiter peractas. Ipsa etiam S. Terefiæ in *Fundationibus* cap. 32. testatur, Servam Dei Catharinam de Corduba (quam utpote sanctissimis moribus præditam, & Christiani virtutibus illustrem, maximopere commendant Philippus a Sanctissima Trinitate part. 3. *Mystica tractat.* 2. artic. 2. in principio, Gaipar a S. Michaelæ tom. 1. lib. 4. cap. 14. in fine) non dubitasse referre gratias sibi a Deo collatas: *Divò quello che da lei udirono alcuno persone, e le nostre Monache di S. Giuseppe di Toledo, dove ella entrò a vedere, e come con molte Sorelle parlava con semplicità, così faceva con altre persone, perchè era grande la sua semplicità, schiettezza, e sincerità.* Et Sancta demum Catharina Adurna Flisca, vulgo dicta a Janua, Religioso petenti mirabilia aperuit quæ Deus in se efficere dignatus fuerat, teste Matthia Tanner Carthusiano in ejus vita cap. 38.

3 Si quis ex modo relatis, & aliis similibus exemplis crederet, absque jactantiæ & vanæ gloriæ vitio posse unumquemque suæ laudabilia gesta palam exponere, deciperetur. Sapiens præcipit Proverb. 27. v. 2. *Laudet te alienus, & non os tuum; extraneus, & non labia tua.* Auctor. apolog. moral. sub nomine S. Cyrilli editus a P. Balthasare Corderio lib. 2. cap. 28. post plura alia deducta ait: *Sed ad quid te laudas? Certe, si notus es, agis superfluum; si non notus, memento, quod latere desiderat vera virtus. Verum nec tempus laudandi quicquam est, donec virtus; nam commendatio vera non præteris, quam possessa virtutis æternitas stabilivit. Laudet ergo te os alienum, accuset te os tuum; humilitatis te approbet virtus, dies te commendet ultimus, & æternus.* & Paulus Apostolus in cit. epist. 2. ad Corinth. cap. 11. v. 1. antequam de laudibus suis loqui incipiat, usus est his verbis: *Utinam sustineretis modicum quid insipientiæ meæ; quæ sic Eftius in commentar. declarat: Loquitur autem ad hunc modum, non quod vera esset insipientiæ sic gloriari, quomodo ipse gloriari intendit, ut propterea sustinendus esset tamquam rem stultam faciens, sed quia gloriari & laudare se ipsum vulgo judicatur esse opus hominis insipientis ac vani, estque se vera tale, nisi iusta aliqua necessitas excuset.* Unde Sapiens præcipit Proverb. 27.

Laudet

Laudet te alienus, & non os tuum. Sed, etsi iusta ratio cogat aliquem, ut se ipsum laudet, sicut hoc loco Paulum, non tamen evadet, quin apud eos, qui causam facti vel ignorant, vel non considerant, habeatur insipiens: & propter hoc Apostolus in consequentibus, ubi laudes suas explicat, modo insipientem, modo quasi insipientem se vocat. Quapropter nemo non videt, opus esse aliqua noscere, ut tutum ferri possit iudicium, quoties causæ examinantur Servorum Dei, qui res suas egregias aut scriptis manderunt, aut aliis retulerunt; iudicium, inquam, de actu hoc, utrum vitio, an virtuti sit adscribendus, vitio videlicet inanis gloriæ, quod ab Apostolo reprobatur ad Galat. 5. v. 26. *Nos efficiamini inanis gloria cupidi*; & ad Philip. 2. v. 3. *Nilil per contentionem, neque per inanem gloriam*; consonatque illud Joann. 8. v. 54.: *Si ergo glorifico me ipsum, gloria mea nihil est*.

4. Ante Estium fuisse hoc quoque receptum a S. Joanne Chrysostomo, deducitur ex his quæ scripsit in *Psal.* 130. Cum enim David dixisset 1. Reg. cap. 17. v. 36. *Et leonem & ursum interfeci ego servus tuus*; & plura alia egregia facta celebrasset; & *Psal.* 130. v. 1. cecinisset, *Domino non est exaltatum cor meum, neque elati sunt oculi mei*; memoratus Chrysostomus post allatam propriæ laudis prohibitionem ait pag. 571. oper. tom. 5.: *Quomodo hoc ergo ignoravit Propheta, & nunc gloriatur, non apud deos, aut tres, aut decem, sed apud universum orbem terræ? Gloriatur autem dicens, Sum humilis, & moderatus, & mirandum in modum humilis, ac simplex: hoc enim sibi vult aliud ablatum super matrem suam. Quare ergo hoc facit? Quoniam res quidem non est omnino prohibita, immo vero nonnumquam est necessaria, atque adeo nonnumquam incidis, ut non, si gloriemur, sed, si non gloriemur, simus insipientes*.

5. Modo laudatus Estius in comment. ad dictum cap. 11. advertit, Deum neque præcipere, neque consiliari homini, ut laudet se ipsum, sedalicubi prohibere, sicuti prohibet jurare. Quocirca ante omnia necesse est, ut videatur, quid sit id, quod refertur a Dei Servo, de quo gloriari videtur, juxta doctrinam D. Thomæ 2. 2. quæst. 132. art. 1. Si enim gloriaretur de re caduca & fragili, de peccato vanæ gloriæ non esset dubitandum: *Potest autem gloria dici vana... ex parte rei, de qua quis gloriam quarit, puta, cum quis querit gloriam de eo, quod non est gloria dignum, sicut de aliqua re fragili & caduca*. Eadem quæstione art. 3. docet, inanem gloriam esse peccatum mortale ratione materiæ, de qua quis gloriatur, puta, si gloriatur de aliquo facto, quod Divinæ reverentiæ sit adversum. Si autem res non sit fragilis & caduca, sed vere sit gloria digna, scrutanda est intentio loquentis, aut scribentis de se ipso: *Sicut enim (inquit S. Gregorius moral. 12. cap. 31. col. 405. tom. 1.) gravis culpa est sibi hoc hominem arrogare quod non est, sic plerumque culpa nulla est, si humiliter bonum dicas quod est; unde sepe contingit, ut iusti, & Injusti habeant verba similia, sed tamen semper cor longe dissimile: & allato exemplo superbi Pharisei, qui dicebat, Jejuno bis in Sabbato; & Regis Ezechiae ita Deum orantis, uti supra dictum est, Obsecro, Domine, memento, quæso, quomodo ambulaverim coram te in veritate, & in corde perfecto*.
Tom. III. L III sic

hic concludit *Ioc. cit.*: *Ecce Phariseus se justificavit in opere, & Ezechias iustum se esse asseruit etiam in cogitatione; atque unde ille offendit; inde iste Dominum placavit. Cur itaque hoc, nisi quia omnipotens Deus singulorum verba a cogitationibus pensat, & in ejus auribus superba non sicut, quae humili corde proferuntur? Quia vero intentio hominis non patet hominibus, sed soli Deo, animadvertenda sunt nonnulla, quorum ope, quantum homini fas est, loquentis aut scribentis intentio patere possit. Si itaque necessitas egregia sua facinora, & gratias sibi a Deo collatas narrandi aut scribendi non deerit, credi poterit, rectam fuisse intentionem scribentis aut narrantis. Ildorus Pelusiota lib. 3. *epist.* 278. pag. 610. rationem reddens, cur Phariseus ob verborum arrogantiam apud Deum offenderit, Job vero, qui plura & sublimiora de se protulit, gloriam assecutus sit, concludit in hunc modum: *Frigidum enim atque insulsum, ut est, ita etiam videtur laudes suas predicare, cum nulla urget necessitas. At, si quis, quae minime convenit, audiens, in hisjmodi sermones invitus incidat, in eos, qui hanc necessitatem attulerint, culpa quoque conferri debet. Ac propterea Divina sententia eum, qui nullius contumeliis incitatus iustum sese pronunciarat, aliosque omnes condemnarat, ac ne praesentem quidem Publicanum veritus fuerat, repudiavit. Eum autem, quem necessitas ad hoc impulerat (quid enim, quod ad stimulandum ipsius animum facere posset, Amici pratermisserant?) amplissimis laudibus coornavit. Plutarchus opusculum descripsit, Quomodo quis sine noxa commendare se ipsum queat; ubi accurate recenset varias occasiones, quibus quis sine labe evulgare apud alios Bona sua possit; puta, si ageretur de calumnia depellenda: *Se ipsum autem absque culpa reprehensionis laudare aliquis potest, primum, si calumnia aut accusationis depellenda gratia id faciat; item, si id fieret ad protectum aliorum: Quoniam autem non modo citra dolorem aliorum & invidiam, sed etiam cum eorum utilitate usurpanda nobis sunt nostra laudes, ne hoc agere, ut nos laudemus, sed ex ipso aliud aliquid moliri videamur, primum hoc considera, an excitandi studii, emulationisque virtutum gratia apud auditores aliquis se ipsum laudare possit. Concordat Dantes in Convivio: Veramente al principale intendimento tornando, dico, come è toccato di sopra, per necessarie cagioni lo parlare di se è conceduto, ed intra l'altre necessarie cagioni due sono più manifeste. L'una è, quando, senza ragionar di se, grande infamia e pericolo non si può cessare. E allora si concede per la ragione, che delli due sentieri prender lo meno reo è quasi prendere un buono. E questa necessità mosse Boetio di se medesimo a parlare, acciocchè sotto pretesto di consolazione scusasse la perpetuale infamia del suo figlio, mostrando, quello essere ingiusto, poichè altro censuratore non si levava. L'altra è, quando, per ragionare di se, grandissima utilità ne segue altrui per via di dottrina. E queste ragioni mossero Agostino nelle Confessioni a parlare di se: & congelata undique eruditione prosequuntur Mazzonius in apologia Dantis tom. 2. lib. 4. cap. 45. & 46. & Mendoza in Viridario lib. 3. problem. 9.***

6 At, ad sacra ut redeamus, lib. 1. Reg. cap. 12. v. 1. Samuel pro calumnia depellenda, (*Ecce audivi vocem vestram, juxta omnia, quae locuti estis ad me*)

ad me) & v.2. innocentiam totius vitæ suæ exposuit loquens ad universum Israel: Itaque conversatus coram vobis ab adolescentia mea usque ad hanc diem, ecce præsto sum. Loquimini de me coram Domino, & coram christo ejus, utrum bovem cujusquam tulerim aut asinum, si quempiam calumniatus sum, si oppressi aliquem, si de manu cujusquam munus accepi, & contemniam illud hodie, restituiamque vobis. Item *Actor.* 15. v.4. Paulus & Barnabas ad profectum audientium publice annuntiaverunt conversionem Gentium, & miracula quæ Deus per eos lecerat: Cum autem venissent Hierosolimam, suscepti sunt ab Ecclesia, & ab Apostolis, & Senioribus, annuuntiantes, quanta Deus fecisset cum illis: & v.12. Tacuit autem omnis multitudo, & audiebant Barnabam & Paulum narrantes, quanta Deus fecisset signa & prodigia in Gentibus per eos. Et S. Gregorius lib. 19. *moral.* cap. 23. num. 36. col. 623. tom. 1. explicans illud *Matth.* cap. 9. Videte, ne quis sciat, de manifestatione gratiarum a Deo receptarum, & bonorum suorum operum concludit: Occultentur ergo studio, necessitate publicentur, & eorum occultatio sit custodia propria, eorumque publicatio sit utilitas aliena. Qui autem ex Theologis de hoc argumento scripserunt, tanquam honestas & laudabiles causas admiserunt pro sui commendatione tum infamiae depulsiorem, & reparationem estimationis, tum profectum spirituales aliorum. Ita Marcant. in tribus. *Sacram.* tom. 2. tract. 2. tit. 4. sect. 1. quest. 3. §. 4. regul. 1. in primo & secundo casu pag. 337. Theophil. Raynaud. *oper.* tom. 4. lib. 6. sect. 2. cap. 18. de Humilitate circa materias ipso ejus nomine notatas n. 259. & seqq.: & favet doctrina sæpe citati S. Gregorii, qui lib. 18. *moral.* cap. 7. num. 14. col. 562. hæc habet: Sancti viri, quoties de se aliquid sequentibus innotescunt, morem Creatoris sui imitantur: nam Deus, qui nos prohibet, ne proprio ore laudemur . . . proficere laudibus nescit; sed, dum suam nobis magnitudinem narrat, nostram ad se imperitiam sublevari, & bona sua loquendo nos edoces, quæ omnino homo non cognosceret, si de se tacere voluisset &c. Morem ergo sui Creatoris imitantes sancti viri, nonnumquam quadam de se, ut audientes instruant, non ut ipsi proficiant, manifestant; & tamen in his alia se consideratione custodiunt, ne, dum alios a terrena intentione erigunt, ipsi in terrena laudis appetitione mergantur.

7 Verba quoque eorum, qui de se loquuntur, diligenter sunt examinanda, an sobrietatem & modestiam redolant, an ex eorum contextu conjici possit, loquentem quasi invitum de se & rebus suis loqui, & demum an omnia referat ad ultimum finem, hoc est ad Dei gloriam. S. Paulus se ipsum laudare incipiens in *cit. epist. ad Corinth.* semel atque iterum recidit, & ter se excusat: primo enim cap. 11. v. 1. ait, Utinam sustineretis; secundo se vocat insipientem, uti vidimus; & tertio subjicit, Sed & supportate me, & v. 2. anulus enim vos; & rursus, cap. 12. v. 6. Parco autem, ne quis me existimet supra id quod vides in me, aut aliquid audit ex me. Quocirca S. Joannes Chrysostomus *serm.* 26. (tom. 5. *opuscul.* pag. 336. edit. *Front. Ducai*) Apostolum commendaturus ostendit, quam gravate ad suas laudes descenderit, & eum comparat equo, qui præruptum clivum invitus & timens cogitur

transilire: Quemadmodum equus precipitium aliquod praeiuratumque circumtransiturus se colligit, quasi hunc uno saltu exsuperaturus foret: verum profundum despicies hiarum subiacere, obstupefcit metui, contrahiturque, deinde quinnē sentit equitem vehementius urgere, rursus aggreditur, idemque quod antea perfert, necessitatem & vim indicans, subsistit aliquandiu, hinnitum missitans super oram foreae; resumpto tandem animo, se ultro fidenter adigit: Sic & Beatus Paulus, veluti se daturus in praecipitium, in laudem suarum recitationem, semel atque iterum, ac tertio, & subinde sepius retrocedit. Sanctus autem Gregorius moral. loc. cit. num. 13. de eodem S. Paulo haec habet: Ille Prædicator egregius veritatis contra Pseudopiscalos loquens, dum virtutes extremas operationis suae pro discipulorum eruditione narraret, dum, tot se pericula tolerasse coarctata persecutione, describeret, & post haec, usque ad tertium calum, rursusque in paradisum raptum se esse, memoraret, ubi tanta cognoscere potuisset, quanta loqui omnino non posset, erat de se adhuc fortasse admirabiliora locuturus, sed ab humana laude alia se consideratione temperans subdit: Parco autem, ne quis me existimet supra id quod videt in me, aut audit aliquid ex me. Habebat ergo adhuc dicendum de se aliquid, qui parcat dicere; sed egit utrumque Doctor egregius, ut & loquendo quae egerat, discipulos instrueret, & tacendo, sese intra humilitatis limitem custodiret. Nimis namque esset ingratus, si de se discipulis tota reticeret; & fortasse nimis incautus, si de se tota vel discipulis praeferret. Sed mirabiliter, ut dictum est, egit utrumque, ut loquendo, erudiret vitam audientium, & tacendo, custodiret suam. Eftius ad cap. 12. cit. epist. ad Corinth. ponderans verba supra allata, Parco autem, ne quis me existimet supra id quod videt in me, aut aliquid audit ex me, sic ea explicat: Ab huiusmodi magnis & gloriofis recensendis (revelationibus videlicet) abstineo vestri causa, ne quis propter illa plus mihi tribuat, ac maiorem existimet, quam mea facta quae videt, & meus sermo quem audit, me esse declarant. Nam, ut annotant Graeci, si victimas ei mactare, tamquam Deo, voluerunt Lystrenses propter claudum sanatum Actor. 14. & si Melitenfes Deum appellabant, quod viperam de manu illesus excussisset Actor. ultimo, quid non tandem honoris ei impendissent homines, si praeterea magnificas illas revelationes eis manifestassent? Denique relatio ad ultimum finem, hoc est ad Dei gloriam, ex eodem Apostolo cap. 11. v. 30. epist. 2. ad Corinth. plane colligitur: Si gloriari oportet, quae infirmitatis meae sunt, gloriabor. Sensus enim horum verborum, iuxta Eftium saepe citatum, est, illum gloriari noluisse in signis & miraculis, quae plurima ediderat, quaeque hominem mundo spectabilem & gloriosum reddere solent, sed in infirmitatibus, hoc est in iis quae passus fuerat, utpote talia, propter quae apud homines minus pios quisque contemptibilis haberi solet, & in quibus maxime declaratur virtus Christi. S. Gregorius cit. lib. 19. moral. cap. 23. num. 36. col. 623. ait: Aliquando sancti viri & coram hominibus compelluntur bona facere, aut eadem hominibus sua facta narrare, sed ad eum finem omnia referentes, ut non ipsi eisdem operibus, sed Pater eorum, qui in caelis est, debeat glorificari: & S. Thomas 2. 2. quæst. 132. art. 1. postquam docuit, vanam gloriam dici uno modo ex parte rei,

rei,

rei, de qua quis gloriam quærit, sicuti de aliqua re fragili & caduca (uti supra visum est) addit, dici quoque vanam aliis modis: *Alio modo ex parte ejus, a quo quis gloriam quærit, puta hominis, cujus iudicium non est certum; tertio, ex parte ipsius, qui gloriam appetit, qui videlicet appetitum gloria sua non refert in debitum finem, puta ad honorem Dei, vel Proximi salutem.* Multa, quæ supra dicta sunt paucis fideliter exposuit Pater Petrus Ribadeneira in *vita S. Ignatii*: postquam enim plura, quæ ab eo audivit, retulit, sic subjicit lib. 5. cap. 3. pag. 476. *Di rado, e non senza gran cagione delle cose proprie ragionava, se non era per curare alcun' anima afflitta, e col suo consiglio consolarla, ovvero per inanimare col suo esempio i suoi Compagni, e rincorarli contro le difficoltà, che l'oro si offerivano.* Ut omnia prædicta apto confirmantur exemplo, in Appendicibus tom. VII. operæ pretium esse censemus edere epistolam B. Joannis Tausignani Ordinis Jesuatorum Episcopi Ferrariz, quæ manu propria Beati conscripta conservatur in archivo Patrum Carmelitarum Excalceatorum prædictæ civitatis, in qua, occasione calumnie sibi impatæ apud Ducem Estensem, sua laudabilia gesta commemorat humilibus verbis, omnia bona facta ad Deum tanquam auctorem referendo. Inter opera S. Basilii tom. 2. pag. 156. extat homilia vigesima de *Humilitate*. Sanctus hic Doctor num. 3. ponderat illud Jeremix 9. *Ne gloriatur sapiens in sapientia sua, & ne gloriatur fortis in fortitudine sua, & ne gloriatur dives in divitiis suis...* in hoc gloriatur, qui gloriatur, si cognoscit ac intelligit, quod ego sum Dominus. Et postea subjicit: *Hæc est sublimitas hominis, hæc est gloria atque majestas, vere cognoscere quod magnum est, eique adherere, & gloriam a Domino gloria conquirere.* Ponderat etiam illud Apostoli 1. ad Corinth. 1. *Christus factus est nobis sapientia a Deo, & justitia, & sanctificatio, & redemptio; ut, quemadmodum scriptum est, Qui gloriatur, in Domino gloriatur.* Et post hæc addit: *Hæc est enim perfecta ac integra in Deo gloriatio, cum quis non ob suam justitiam extollitur, sed novit destitui se quidem vera justitia, verum sola in Christum Fide justificatum esse.* Totus est Basilii in hac homilia, ut id ostendat. Per quæ confirmantur quæ modo dicta sunt de bonis omnibus, quæ ab hominibus fiunt, ad debitum finem referendis, idest ad honorem Dei, & Proximi salutem. Et quia Sanctus ait, hominem sola in Christum Fide justificari, ne id simplices inducat in errorem, notabilia sunt verba Juliani Garnier ad dictum locum lit. E: *Notandum igitur, Basilium id sibi in hac oratione proponere, ut ostendat, nos in nostris operibus gloriari non posse. Quare hoc dicit, etsi jejunas, etsi stipem erogas, etsi alia id genus recte facis, non propterea justificaberis; sed accedat, oportet, Fides; non quod Fides sola sine operibus justificet; sed quod ad justificationem necessario requiratur.*

8 Hucusque adducta confirmantur exemplis supra relatis; siquidem in iis neque opportuna occasio, neque cause defuerunt, & signanter spiritalis utilitas audientium, & pudor & modestia fuerunt comites narrationis. Sufficere ergo deberent. Quia vero, cum res est de causis Canonizationis, nihil est prætermittendum, quod eruendæ veritati prodesset possit;

possit, præter ea quæ hucusque dicta sunt, opus erit sedulo inquirere, an Dei Servus, qui sua mirabilia enarravit, alia non exigua veræ humilitatis signa prætulerit, & in aliis virtutibus excelluerit: si enim ex aliis documentis de ejus humilitate ceterisque virtutibus constet, facile, ut infra dicetur, aliis supra expositis non deficientibus circumstantiis, quæ ipse de se dixit, existimari poterunt immunia a labe superbix, & vanæ gloriæ; uti bene explicat Nicolaus Lancic. tom. 1. opusc. 8. cap. 10. pag. 269. Ego sane existimo, Dei peculiari consilio & instinctu, in humilitate, & contemptu sui amore fiduciatos, & cognitione vilitatis suæ clara imbutos, ac proinde a vanæ gloriæ & jactantia spiritu alienissimos interno Divino impulsu excitari ad manifestanda arcana & singularia Dei dona sibi concessa: videt enim amatrix animarum Divina Sapientia multum inde & Divina gloria, & auxilii animarum accedere; ideo facit, ut sepe, nil minus, quam talia, cogitantibus Dei Servis, dicantur ab eis ea, quæ ipsi studio deprimenti si recte occultabant, & nulli nota esse cupiebant; sed is, in cujus manibus sunt nostra corda, ob fines sibi notes, & nobis etiam aliqua ex parte manifestos ea propalari vult per Servos suos, quæ propalata esse ab omnibus fere extimis Sanctis, legimus in eorum gessis in beneficium Ecclesiæ annotatis. Optime in rem hanc Pater Bartolus in vita Cardinalis Bellarmini lib. 3. cap. 10. Conciossiacofachè, come avvisai poc' anzi, alla provvidenza di Dio s' appartenga di far sì, che per edificazione della sua Chiesa, per gloria del suo nome, per contezza de' meriti de' suoi Servi se ne risappiano certi più vari effetti della sua Grazia in essi, i quali altrimenti se ne anderebbon sotterra con essi, nè convenendosi di metter sempre in ciò mano a' miracoli, il modo più somigliante al naturale è muovere e indurre internamente essi stessi a manifestarsi. Così oltre a tanti altri, che ne sappiamo, il santissimo Patriarca Domenico, e più da presso a noi S. Filippo Neri rivelaron la loro verginità, quegli a' suoi Religiosi, questi a' suoi figli spirituali: e dove lo Spirito di Dio induce e trae i Santi a palesare di se eziandio cose grandissime, non è possibile, che vi entri e si tramischi lo spirito della vanità; e allora tanto è, che parlino ad un popolo intero, quanto ad una, o due persone. Questi dunque, e quanti altri uomini di notoria santità han com' essi, manifestato di se, ch' eran vergini, sarebbe temerità il pensarne altro, che averli a ciò indotti un particolare instinto dello Spirito Santo, essendo la presunzione per essi. Idem confirmat Roderic. in exercitio perfectionis, & virtutum religiosarum part. 2. tract. 3. cap. 29.: La riputazione deve essere da noi desiderata, e dobbiamo rallegrarcene solamente, in quanto è necessaria per l' edificazione de' Prossimi, e per far frutto in essi, e per la maggior gloria ed onore di Dio Signor nostro &c. In questo dunque si conoscerà, se tu ti rallegri dell' autorità e della riputazione per il bene dell' anime, e per la gloria di Dio, o pure per te stesso, e per il tuo proprio onore ed autorità. Se, quando ti si porge l' occasione d' umiltà e dispregio, l' abbracci molto da vero e di buon cuore, e ti rallegri in essa, è buon segno &c. Ma se, quando ti si porge l' occasione d' umiltà, e d' essere poco stimato, la ricusi, e non la sopporti bene; e se, quando non è necessaria per l' utilità de' Prossimi, ad ogni modo ti rallegri della riputazione e della lode degli

degli uomini, e la procuri, questo è segno, che anche nel rimanente ti rallegri per quel che tocca a te, per il tuo onore e riputazione, e non puramente per la gloria di Dio, e per l' utilità de' Prossimi &c. Ed anche il lodare uno se stesso può essere cosa buona e santa, se si fa, come si deve; come vediamo, che S. Paolo; scrivendo a quei di Corinto, comincia a lodarsi, e a raccontare grandezze di se, riferendo grazie grandi, che il Signore gli aveva fatte, e dicendo, che aveva travagliato e faticato più degli altri Apostoli, e comincia a narrare le rivelazioni e i ratti, che aveva avuti fino al terzo cielo. Ma egli faceva questo, perchè allora così conveniva, ed era di bisogno per l' onore di Dio, e per l' utilità de' Prossimi, a' quali scriveva, acciocchè così lo tenessero e stimassero per Apostolo di Cristo, riceveressero la sua dottrina, e cavassero frutto da essa. E diceva queste cose di se con un cuore non solo dispregiatore dell' onore, ma anche amatore del dispregio e del disonore per Gesù Cristo; perchè quando non era necessario pel beneficio de' Prossimi, si sapeva egli molto bene impiccolire ed abbassare, dicendo di se, che non era degno d' essere chiamato Apostolo, perchè aveva perseguitata la Chiesa di Dio, e chiamand si bestemmiatore, ed il maggiore de' peccatori; quando gli venivano occasioni di disonori e dispregi, questo era il suo gusto e la sua allegrezza.

9 Quæ dicta sunt de narrantibus, sibi vindicant locum etiam in scribentibus; & quoad scribentes præterea videndum erit, num scripserint consilio aut jussu suorum Superiorum; qui enim scriptis mandaret absque consilio aut jussu suorum Superiorum, quæ sibi in virtutum exercitio, vel gratiarum Divinarum receptione insignia obtigerunt, inanis gloriæ, aut imprudentiæ notam evitare sortasse non posset. Quocirca de hujusmodi consilio ac jussu quæsitum est in causis Servorum Dei Alfonso Rodriguez, Cardinalis Bellarmini, & Oroscio, qui res suas scriptis commiserunt.

10 Habendus esset hic fermo de nonnullis Dei Servis, qui viventes asseruerunt, se post obitum per solemnem Canonizationem in Sanctorum album esse referendos. De S. Francisco de Paula legitur, dixisse Joanni Mediceo ad se advenienti cum Laurentio patre, qui eum jusserat Sancti manus deosculari: *Ego Sanctus ero, cum tu eris Pontifex*: uti habetur in *chronicis Ord. Minimorum*, & in vita dicti Sancti scripta a Fratre Isidoro Toscano lib. 3. cap. 4. pag. 339. S. Vincentius Ferrerius Alfonso Borgiæ sibi accedenti dixit, ut vitam castam & pudicam, quam inceperat, prosequeretur, ex quo potissimum amplissimam inter mortales dignitatem adepturus esset, sibi que post obitum maximum honorem esset allaturus; & e suggestu concionem habens, cum inter astantes comperisset S. Bernardinum de Senis adhuc juvenem & ignotum, dixit, inter auditores suos esse hominem ex Ordine Fratrum Minorum, qui doctrina & exemplo futurus erat vir singularis, & qui, licet juvenis esset, sibi seni in honore Ecclesiæ esset præferendus; uti habetur in vita S. Vincentii apud Bollandianos ad diem 5. Aprilis, & apud Gabrielem Fiammam in eadem vita lib. 4. de vitis Sanctorum. De sua futura Canonizatione sæpe locutum esse S. Philippum Nerium, refert Jacobus Riccius in ejus vita lib. 4. cap. 10.; & S. Andreas

Avel-

Avellinus accedens ad domum Aloysii Carafæ Principis Stilianii in urbe Neapolitana, cum ejus adventum tubicines tubarum sonitu excipere vel-
lent, eo honore recusato, inquit, similes honores se post obitum expo-
scare; & cum aliquando esset in templo Cathedrali ejusdem urbis, tem-
pore quo celebrabatur festum in honorem S. Thomæ de Aquino, uti Patroni
& Protectoris civitatis, cujus statua in uno ex loculamentis ejus templi
fixa erat, videns loculamentum, quod erat e conspectu, esse sine statua,
prædixit fore, ut sua statua post obitum in eo reponeretur, quod inter San-
ctos civitatis Protectores esset adscribendus; uti habetur apud Joannem
Baptistam Castaldum in ejus vita, & apud Franciscum de Longobardis in
annotat. ad epist. 69. S. Francisci de Paula num. 9. Sed, cum Joannes ille Mo-
diceus ad Pontificatum evectus nomine Leonis X. Franciscum de Paula so-
lemni ritu inter Sanctos retulerit, & Alfonso ille Borgia, assumpto nomi-
ne Callisti III. Pontifex factus Vincentium Ferrerium tertio sui Pontificatus
mense canonizaverit, quæ Canonizatio facta est sex annis post eam S. Ber-
nardini Senensis, licet Vincentius triginta annis ante S. Bernardinum deces-
sisset, & S. Andreas Avellinus inter Sanctos Protectores civitatis Neapolita-
næ fuerit repositus, unusquisque facili negotio comprehendere poterit,
prædictis in rebus fuisse digitum Dei, & ea non ad vitium jactantiæ, sed ad
spiritum propheticum esse referenda.

11 Accidit aliquando, ut quædam egregia opera a Dei Servis piam &
coram populo facta fuerint: & hinc statim quæstio excitatur desumpta ex il-
lo Matth. cap. 6. v. 3. *Te autem faciente elemosynam, nescias sinistra tua quid fa-*
cias dextera tua, ut sit elemosyna tua in abscondito; & *Pater tuus, qui videt in*
abscondito, reddet tibi; & v. 6. *Tu autem cum oraveris, intra in cubiculum tuum,*
& clauso ostio, ora Patrem tuum in abscondito; & *Pater tuus, qui videt in abscon-*
dito, reddet tibi. Opponitur enim jactantiæ aut vanæ gloriæ vitium, ne di-
cam hypocrisis, quam execratur Jeremias cap. 9. & cap. 11. & Christus Domi-
nus damnat Matth. 23. v. 13. *Vae autem vobis, Scriba, & Pharisei hypocritæ.*

12 Verum, ut in judicio ferendo æqua lance procedatur, operæ pre-
tium est adnotare, Christum Dominum Matth. 5. v. 14. ita dixisse: *Vos estis*
lux mundi. Non potest civitas abscondi supra montem posita. Neque accendunt
lucernam, & ponunt eam sub modio, sed super candelabrum, ut luceat omnibus,
qui in domo sunt. Sic luceat lux vestra coram hominibus, ut videant opera vestra
bona, & glorificent Patrem vestrum, qui in calis est. Monentur hic a Christo
Apostoli, & omnes eorum alseclæ, ut satagant tam verbo, quam exemplo
virtutis aliis præluere: quocirca, ut hoc caput quintum conciliemus cum
capite sexto, dicendum est, bona opera coram hominibus fieri debere, ut ex
eis homines Deum glorificent, non autem ut operantes ab hominibus glori-
ficentur, & sic capient vanam hominum laudem, quo caput sextum v. 1.
spectare videtur: *Attendite, ne justitiam vestram faciatis coram hominibus, ut*
videamini ab eis; alioquin mercedem non habebitis apud Patrem vestrum, qui in
calis est. Cum ergo facis elemosynam, noli tuba canere ante te, sicut hypocritæ
faciunt

faciunt in synagoga & in vicis, ut honorificentur ab hominibus. Id recte explicatur a S. Gregorio 3. pars. Pastor. (cap. 35. col. 96. tom. 2.): Quid est ergo, quod opus nostrum & ita faciendum est, ne videatur, & tamen, ut debeat videri, precipitur, nisi quod ea qua agimus, & occultanda sunt, ne ipsi laudemur, & tamen ostendenda sunt, ut laudem celestis Patris augeamus? Nam, cum nos iustitiam nostram coram hominibus facere, Dominus probaberet, illico adiunxit: Ut videamini ab eis. Et, cum rursus videnda ab hominibus bona opera nostra preciperet, proxime subdit: Ut glorificent Patrem vestrum, qui in cælis est. Qualiter igitur videnda essent, vel qualiter non videnda, ex sententiarum fine monstravit, quatenus operantis mens opus suum & propter se videri non quæret, & tamen hoc propter celestis Patris gloriam non celaret. Quod confirmat S. Antonius in Summa part. 2. tit. 4. de inani gloria cap. 1. §. 4.: Non prohibet simpliciter Dominus, opera bona fieri in manifesto coram hominibus, sed ne fiant illa intentione, ut laudentur, id est propter vanam gloriam.

13 Ideoque non statim ac ex Actis causæ habebitur, aut aliqua, aut multa opera bona & egregia a Dei Servis palam & coram hominibus facta fuisse, iudicium ferri, aut legitima suspicio ingeri poterit de ostentatione seu vana gloria; sed quantum fas est homini, investigari debebit agentis intentio, quæ si ad propriam laudem fuerit directæ, de vitio non erit dubitandum; secus autem, si fuerit ad Dei glorificationem relata; tunc quippe certum erit, opus fuisse Deo acceptum. Cumque cor hominum Deo pateat, sed hominibus absconditum sit, in nostro rerum themate non poterit intentio desumi, nisi ex reliquo vitæ cursu ejus, qui opera bona palam exhibuit & coram hominibus; ita ut, si ex reliquo vitæ cursu constet de ejus sanctitate, præsumendum jure sit, nihil aliud ipsum quævisisse sic agendo, quam Dei gloriam, quæ præsumptio haberi non poterit, si ex reliquo vitæ cursu veræ sanctitatis indicia colligi non possunt. Optime res explicatur a S. Gregorio lib. 8. moralium (cap. 48. num. 83. col. 283. tom. 1.): Occultanda sunt ergo qua agimus, ne hac in hujus vitæ itinere incaute portantes, latrocinantium spirituum incurfione perdamus. Et tamen Veritas dicit: Videant opera vestra bona, & glorificent Patrem vestrum, qui in cælis est. Sed aliud est profecto, cum in ostensione operis gloria quaritur largitoris, aliud, cum laus privata concupiscitur de dono largientis. Unde & rursus in Evangelio hac eadem Veritas dicit: Attendite, ne iustitiam vestram faciat coram hominibus, ut videamini ab eis. Opus ergo nostrum cum hominibus ostenditur, in cordis prius examinatione pensandum est, per ejusdem ostensionis studium quid quaratur. Si enim dantis gloriam querimus, etiam publicata nostra opera in conspectu illius occulta servamus. Si vero per hac nostram laudem concupiscimus, foras ab ejus conspectu jam fusa sunt, etiam si multis ignorentur. Sed valde perfectum est, sic, ostenso opere, auctoris gloriam querere, ut de illata laude privata nescians exultatione gaudere. Tunc solum namque innoxie hominibus laudabile opus ostenditur, cum per despectum mentis veraciter laus impensa calcatur. Quam quia infirmi quique perfecti contemnendo non superant,

restes necesse est, ut bonum, quod operantur, abscondant. Sape enim ab ipso ostensionis exordio propriam laudem quarunt, saepe vero in ostensione operis auctoris patet facere gloriam cupiunt, sed excepti favoribus in laudis propria cupiditatem rapiuntur; cumque semetipsos dijudicare interius negligunt, sparsi exterius ignorant quod agunt, eorumque opus sua elationi militat, atque hoc se impendere obsequio largitoris putant. Sequitur S. Antoninus loc. cit. Et, quia illi, qui sunt imperfecti, sunt satis inclinati ad laudem hominum procurandam, ideo, ut docet Gregorius in moralibus, tales, si qua bona faciunt singularia extra communia & necessaria ad salutem, occulte facere debent, ne inanis gloria inficiat intentionem; sicut fecit Beatus Nicolaus, cum providit necessitati convicini sribus vicibus occulte proficiens per fenestram in domum illius non modicum auri, ut nupti traderet tres filias nobiles, quas prae paupertate intendebat prostituere, ut inde cum ipsis viveret. Sed viri perfecti, & qui sunt positi in exemplum aliorum, debent in publico bona facere etiam singularia, ut inde populi edificentur, & ad similia provocentur; sicut fecit Beatus Pater Dominicus, qui in domo quarundam matronarum hospitatus, quia Heretici adhaerant, qui sub pelle ovina austeritatis, ut lupi, animas earum devorabant, dormivit per totam Quadragesimam super tabulam, manifeste portavit cilicium, jejunavit in pane & aqua, & vel sic exemplo sua penitentia vera, non simulata illas de errore reduceres, quod & factum est.

14. A controversiis & disputationibus propositis non longe abest alia controversia, quae aliquando etiam excitata est in examine virtutum Servorum Dei, de suae familiae stemmatibus, aut de suis nominibus appositis in templis, Capellis, hospitalibus, publicis aedificiis, aut etiam sacris suppellectilibus, ipsorum auctoritate, aut aere constructis & elaboratis; an haec videlicet iactantiae, aut vanae gloriae indicia sint. Si haec contingant, insciis ipsis Dei Servis (nec enim novum est, id accidere posse) nulla superest occasio dubitandi de vana gloria. Carolus a Basilicapetri Episcopus Novariensis in historia S. Caroli Borromaei lib. 7. pag. 472. haec refert: Cum in summis porticibus aedium Canonicalium insculpta inspexisset Insignia Borromaeae, facta jussu excidi, & in posterum facienda prohibuit; quae tamen, curante nemine, Caroloque amplius non advertente, in ipso operis principio remanserunt. Fieri ergo potest, ut insciis Dei Servis, ipsorum stemmata apponantur, vel ut, ipsis etiam reluctantibus, persistant; & ex modo relatis desumi potest, sic rem se habuisse in candelabris quoque argenteis ab eodem S. Carolo Borromaeo dono datis basilicae Liberianae, cujus erat Archipresbyter, in quibus etiam hodie apparent Insignia familiae Borromaeae, ac in publicis aedificiis, & signanter in scholis publicis Bononiae constructis, dum Legati de latere munereungebatur; idque eo magis, cum toto fere tempore, quo dictum munus exercuit, Romae apud summum Pontificem Pium IV. moratus sit, & civitatis Comitatusque gubernatio esset apud ejus Prolegatum Caesum Episcopum Narniensem. At, si stemmata & nomen, scientibus & volentibus Dei Servis, apposita sint, Thaulerus *serm. 1. in Dominica octava post Trinitatem* sine ulla dubitatione damnat eos, qui sua Insignia vel vestibus sacris,

cris. vel aliis rebus ad templorum usum destinatis appingunt. Mitius judicium fertur a Nicolao Alemannio de *Lateranensibus parietinis* cap. 3. pag. 13. & cap. 7. pag. 39. ubi, allata antiquitate usus nomen & stemmata apponendi, subjicit: Scio, hanc nonnullorum censoriam esse severitatem, qui omni titulorum, imaginum, & inscriptionum usui interdictum modestia legibus volumus, & de Majorum sanctitate gravitateque probe ac digne sentire se putant, cum suas illos imagines vel pictas vel fictas poni minime passos fuisse contendunt; memoria vero clarorum virorum ad posterum derivanda unum satis esse arbitrantur recte factorum testimonium. Verum enim vero Majores nostri probitate & modestia insignes, eam consuetudinem, ut parce, ita citra vituperationem usurpasse istis etiam censoribus videri possunt. Exstant ad hanc diem imagines ad vivum expressæ, quas sibi posuerunt Innocentius II. in basilica Callistiana sub Janiculo; Paschalis I. trans Tiberim ad Sancta Cecilia, & ad Sancta Praxedis in Exquilis. Idem Nicolaus Alemannius alia subdit exempla; quibus addi posset exemplum S. Pii V. Familix quippe Ghillerix insculpta Insignia apparent una cum inscriptionibus in angulis ædium ab eo in Urbe assignatarum tribunali sanctissimæ Inquisitionis. Apud Cardinalem Baronium in *annal.* ad an. 324. num. 117. eximius laudibus exornatur modestia Constantini Imperatoris, qui, licet ecclesias innumeris beneficiis cumulasset, noluit tamen in eis inscriptiones apponi, quibus beneficiorum a se collatorum memoria ad posterum transmitteretur: Illud memoria dignum est, quod, cum tam celebres & insignes memorias in honorem Dei a que Sanctorum tum Romæ, tum in aliis plurimis orbis Romani locis Constantinus erexerit, in nulla ipsarum modestissimus Imperator reperitur sui nominis memoria titulum insculpsisse, contempsisseque Christianissimum Principem, quod alii ante eum Imperatores magno studio affectassent, quorum, qui omnium optimus a Gentilibus habebatur, Trajanus, quod in operibus singulis a se erectis affixisset titulum sui nominis, idem noster Constantinus (ut auctor est Aurelius Victor) illum eo dictorio lepide quidem & urbane derisit dicens, Trajanum esse herbam parietinam, nimirum quod, sicut illa, passim reperiretur muris inhaerens. Concludendum est itaque, laudabilius esse, & magis perfectum ab hujusmodi appositione stemmatum & Insignium abstinere, quemadmodum post longam disputationem concludit Gabriel Cardinalis Paleotus de *Imaginibus sacris & profanis* lib. 2. cap. 50. §. Existimamus; & late prosequuntur Marefcallus in lib. de *juribus honorificis* pag. 157. sub tit. de *zonis funereis*, Merbes. in *Summa Christiana* part. 1. quest. 22. pag. 283. §. Decentius, Theophilus Raynaudus tom. 15. in *heteroclit. spiritual.* pag. 134. lib. 1. sect. 2. punct. 3. num. 17. ubi ait: Non est igitur semper & ubique anomalum, & ad pietatem heteroclitam referendum, quod quis sacro donario affigat sua Insignia; quamvis, per se loquendo, sit minus perfectum, quam si absque positione nominis sui in terris suis uni gloria Dei formaliter & explicitè serviretur. Minus laudabile est, sed honestum & commendatione etiam dignum esse potest, propria stemmata & Insignia, & inscriptiones ponere, si id fiat absque ulla superbiæ aut ostentationis intentione; si sobrie fiat; si ut ceteri excitentur ad opera si-

M m m a

milia

644 DE SERVORUM DEI BEATIFICATIONE

millia facienda, si ut perenne existeret monumentum patrocinii, quod quis implorat, Sanctorum, in quorum honorem ædificium construxit. Itaque, si quis est (prosequitur Cardinalis Palæorius loc. cit. pag. 370.) qui hac signa ponere in ecclesiis, & rebus sacris adjungere cogitet, illud in primis est illi curandum, ut se ipsum colligat, & diligenter finem excutiat; utrum alios exemplo suo in exornandis ecclesiis incitari velit, utrum se Sancto illi commendet, illumque sibi Patronum adscribat; an vero se & alios vocet ad imitandum sancti Martyris fortitudinem, patientiam, & alia præclara facta; an ut Auctoris desiderium appareat, cupientis ceterorum animos ad Dei observantiam his picturis & ornamentis excitare; an ab hominibus petat, ut Deum pro salute ipsius, qui opus illud curavit faciendum, precentur, an vero communem mundi errorem sequatur, & popularem ac levem vanitatis auram capiet. Cui adheret Theophilus Raynaudus tom. 4. de virtutibus & vitiis lib. 6. sect. 2. cap. 16. & tom. 8. in Sancto Joanne Benedicto punct. 11. Demum vanum est & vitiosum prædicta facere ad hominum gloriam captandam, ut recte ait S. Antoninus in Summa part. 2. tit. 4. cap. 1. sub §. 4. Ad hoc vitium (scilicet inanis gloriæ) pertinet, quod aliqui faciunt ecclesias, hospitalia, Capellas, Calices, Paramenta cum Armis suis, quando hoc faciunt, ut laudentur. Psalm. 5. Gloriabuntur in te, Domine, omnes qui diligunt nomen tuum. In te, inquit, non in se.

C A P U T X L I.

De nonnullis aliis rebus, de quibus in examine causarum Servorum Dei frequens se offert occasio disputandi; de nonnullis regulis adhibendis, ut tutum de gestis a Dei Servis feratur judicium; & de quibusdam extraordinariis actionibus, quæ a speciali Dei impulsu factæ asseruntur.

1 **Q**uando Episcopus sacrum Presbyteratus Ordinem confert, annuntiat Clero & populo, se Diaconibus velle prædictum sacrum Ordinem conferre, & utitur his verbis: *Sed, ne unum formasse, vel paucos aut decipias assensio, vel fallas affectio, sententia est expetenda multorum.* Itaque, quid de eorum actibus aut moribus noveritis, quid de merito sentiat, libera voce pandatis, & his testimonium Sacerdotii magis pro merito, quam affectione aliqua tribuat. Si quis igitur habet aliquid contra illos, pro Deo, & propter Deum, cum fiducia exeat, & dicat: *Verumtamen memor sit conditionis sue.*

2 Dum agitur de virtutibus Servorum Dei, Beatificationis & Canonizationis gratia, requiritur sententia multorum, hoc est illorum, qui sunt adscripti Congregationi sacrorum rituum, qui invitantur, ut libera voce pandant, quid de eorum actibus & moribus ex Actis & processibus noverint. Non admonentur, ut memores sint conditionis suæ, hoc est abstinere a levibus, & gravioribus tantum insistant; quinimmo ad ipsorum officium pertinet omnia exponere; ut in re adeo sublimi tutum feratur judi-

judicium, & ut perspicue constare possit, an Beatificandus fuerit Heros. Hinc fit, ut in eodem iudicio plura proponantur, quæ Nobis animus non est in præfenti singillatim prosequi; nonnulla tantum attingemus, quorum frequentior occasio in causarum examine se offert.

3 In Actis Servorum Dei testes sæpe referunt, peccatores fuisse ab illis reprehensos. Si suaviter id factum sit, dubitatur de inertia Servi Dei, & videtur opus Dei fecisse negligenter; si fortiter actum sit, dubitatur, ne modum reprehensioni præfixum excesserit, de quo in can. *Tam Sacerdotes 24. quest. 3. & in can. Non putes 22. quest. 5.* Vulgata est distinctio inter peccatorem occultum, & peccatorem publicum: si enim peccator occultus est, secreta debet præcedere admonitio, antequam annuntietur Ecclesie, juxta præceptum Christi *Matth. 18. v. 15. Si autem peccaverit in te frater tuus, vade, & corripe eum inter te, & ipsum solum. Si te audierit, lucratus eris fratrem tuum. Si autem te non audierit, adhibe tecum adhuc unum vel duos, ut in ore duorum vel trium stet omne verbum. Quod si non audierit eos, dic Ecclesie. Quod si peccator publicus sit, nulla tunc privata admonitio est denuntiatio præmittenda, juxta illud Pauli Apostoli ad Timotheum 1. cap. 5. v. 20. Peccantes coram omnibus argue, ut & ceteri timorem habeant; & ad Titum cap. 1. v. 13. Increpa illos dure, ut sani sint. Itaque peccata publica, ait Divus Thomas 2. 2. quest. 33. art. 7. in corpore, publice esse redarguenda. De aliquibus Sanctis legitur, eos occulta peccata publica admonitione aliquando reprehendisse: sed, cum occulta peccata non humano modo, sed ope revelationis Divinæ cognoverint, legi præcedentis private admonitionis in eo rerum eventu non erant adstricti. Passim in vitis Sanctorum similia gesta leguntur; & ut a recentioribus abstineamus, Palladius in *hyst. Lausiaca* publicam narrat reprehensionem factam a S. Ammone, a Macario Alexandrino, ab Eulogio Presbytero ob occulta peccata, quæ ipsi supernaturali modo noverunt. Sive autem reprehensio privata sit, sive publica, nova instituitur quaestio de verbis adhibitis, utrum nimis lenia, an nimis severa fuerint; cujus quaestionis resolutio a qualitate personarum, quæ reprehenduntur, pendere videtur. S. Augustinus *serm. 83. de verbis Domini num. 8. col. 451. tom. 5.* postquam dixit, *Si peccatum in secreto est, in secreto corripe; si peccatum publicum est & apertum, publice corripe, ut ille emendetur, & ceteri timeant;* & in expositione *epist. ad Galatas cap. 6.* comitatem & benignitatem in reprehendendo commendavit; tractatu tandem 10. in *Joannem num. 9. col. 372. tom. 3.* ait: *Unumquemque Christianum zelus domus Dei comodat. . . Vides fratrem currere ad theatrum? Prohibe, mone, contristare, si zelus domus Dei comedit te. Vides alios currere, & inebriari velle? . . . Prohibe quos potes, tene quos potes, terre quos potes, quibus potes, blandire: noli tamen quiescere. Amicus est, admonetur leniter; uxor est, severissime refranetur; ancilla est, etiam verberibus compeſcitur. Quoad personas in dignitate constitutas S. Franciscus Xaverius *epistolarum lib. 4. epist. 4.* prudenter monet, ne privatas quidem admonitiones esse adhibendas, nisi aliquis usus & aliqua præ-**

646 DE SERVORUM DEI BEATIFICATIONE

prævia familiaritas aditum ad eas munierint; & cum adhibentur, ait eas semper frontis serenitate ac risu oris, & multo magis humanitate verborum, amorisque declaratione mitigari debere. At hæc moderatio locum habet apud eos, qui neque cum pertinacia, neque cum scandalo peccant: si enim pertinaces essent, licet occulti, & multo magis si publici peccatores essent, & ex asperitate verborum fructus sperari posset, absolum profecto esset, Dei Servum redarguere, qui ea in reprehendendo usus esset. Ideoque idem ipse Sanctus Franciscus Xaverius hoc modo se gessit, cum res postularet, teste Turfellino in ejus vita lib. 4. cap. 2. *Sentiebas, turbulentos, arrogantes, immodicosque sui astimatores acriter de suis arguendos erroribus, & severitate, ac, si opus foret, animadversione coercendos, ut virga discipline ingeniorum perveraciam domes.* Huc respiciunt, quæ in sacris Litteris habentur: Christus enim Dominus Phariseos publicis, continuis, & acerbis objurgationibus exagitavit; S. Joannes Baptista superbo Regi incestum publice exprobravit, Judeosque coercuit his verbis *Matth. cap. 3. v. 7. Progenies viperarum, quis demonstravit vobis fugere a ventura ira?* S. Paulus dixit Galatis ad Galat. cap. 3. v. 1. *Insuperati Galata, quis vos fascinavit non obedire veritati?* & Elymæ publico seductori *Act. 13. v. 10. Opele omni dolo & omni fallacia, fili Diaboli, inimice omnis justitiae, non desinis subvertere vias Domini rectas;* & S. Stephanus fortiter in Judeos insurrexit *Act. 7. v. 51. Dura cervice, & incircumcisi cordibus & auribus vos semper Spiritui Sancto resistitis, Quocirca apte S. Gregorius in 2. part. Pastor. cap. 10. col. 30. tom. 2. scribit: Nonnulla autem sunt vehementer increpanda, ut, cum culpa ab auctore non cognoscitur quanti sit ponderis, ab increpantis ore sentiat. Et cum sibi quis malum, quod perpetravit, levigat, hoc contra se graviter ex corripientis asperitate pertinet. Quæ tamen omnia sibi locum vindicare dici debent, donec peccatores remanent in sua pertinacia. Quod si resipuerint, & suam culpam agnoverint, paterno tunc affectu sunt recipiendi. Decanus Bracarensis nescio quid commiserat, propter quod gravem indignationem sui Archiepiscopi Bartholomæi de Martyribus offenderat. S. Carolus Borromeus nomine etiam summi Pontificis Pii IV. enixe Archiepiscopo Decanum commendavit in sua epistola eidem scripta die 3. Aprilis anni 1565. & impressa tom. 1. oper. prædicti Bartholomæi edit. Rom. pag. 108. En verba: Facere non possum, quin Reverendissima Dominationi tuæ Decanum suum separatim commendem, quem ego, quantum ex ipsius sermone posui perspicere, cognovi ipsius percupidum. Non enim Reverendissima Dominationi tuæ resistere, sed in illius veterem gratiam per Sanctissimum Dominum reduci voluit; & quamvis apud eam subfunderis, ut humana natura est imbecillitas quadam, interdum vitia utilis est corrigere, quam acius emendare, vel ne peccantibus acerbitas supplicii reditum ad virtutem intercludat, vel ne propensiores ad iracundiam, quam ad levitatem esse videamus, vel ut sit apud nos non justitia solum, sed aliquis etiam misericordiae locus. Nunc habet Reverendissima Dominatio tua, in quo ejus sit humanitas, & virtus exerceat. Huic igitur si se placabilem præbuerit, & quem olim*

olim filii loco dilexerat, ad eam reuersum paterna item charitate fuerit complexa, edet præclarum exemplum sapientia sue; quemque a recto officio culpa deflexerat, grauissimis & monitis & præceptis in cursum harum laudum reuocabit, quod erit Sanctissimo Domino gratum, ac mihi gratissimum.

4. Consimilis est huic quæstioni alia quæstio, quæ aliquando excitatur, cum agitur de Dei Seruis, qui Hæreticorum conversioni operam dederunt: Si enim in spiritu lenitatis eos exceperint, de fortitudinis defectu; si increpando, de imprudentia redarguuntur. Monet Apostolus, hæreticum hominem esse corripiendum, & post unam & alteram correctionem devitandum; uti habetur in epistola ad Titum cap. 3. v. 10. *Hæreticum hominem post unam, & secundam correctionem devita*: quod S. Joannes Chrysostomus homil. 6. in dictum cap. 3. pag. 765. tom. 11. intelligit de eis Hæreticis, de quibus nulla respicientiæ spes est: *Contentiones autem contra Hæreticos dici esse vitandas, ut ne frustra laboremus cum nihil hinc lucri proveniat. Finis enim in nihilum vertitur. Cum enim quis ita perversus est, ut quidquid euenierit, sententiam non mutare decreverit, cur frustra laboras in petra semen facies?* Idem Sanctus Joannes Chrysostomus homil. 3. in cap. 1. *Genesis* pag. 18. oper. tom. 4. diligentiam omnem pro conversione Hæreticorum esse adhibendam, statuit: *Ne omittamus proponere eis doctrinam Scripturarum, sed omne impendamus studium, ut ab errore liberati, ad veritatem reducantur. Nam licet adhuc præoccupati erroribus sint, ejusdem tamen ejus nos generis sunt, & par est ut magnam eorum curam habeamus, nunquam torpescentes, sed diligentissimam facientes ea, quæ in nobis sunt, utilem illis medicinam adhibeamus, ut saltem tandem aliquando ad veram sanitatem redeant*: Alanus Episcopus Antiodorensis in vita, quam scripsit, S. Bernardi cap. 26. col. 1284. vol. 2. narrat, quomodo S. Bernardus Abaelardum, cujus scripta non erant Fidei consona, exceperit: *Solita bonitate desiderans, errorem corrigi, hominem non confundi, secreta illum admonitione convenis. Cum quo etiam tam modeste, tamque rationabiliter egit, ut ille quoque compunctus ad ipsius arbitrium correcturum se promitteret universa*. Summus Pontifex Leo X. suæ mansuetudinis erga Martinum Lutherum meminit in bulla 44. §. 6. pag. 491. Bullar. nov. tom. 3. part. 3. in qua ipsum & ejus errores condemnavit: *Quod vero ad ipsum Martinum attinet, (bone Deus!) quid prætermisimus, quid non fecimus, quid paterna charitatis omisimus, ut cum ab hujusmodi erroribus revocaremus? Postquam enim ipsum citavimus, mirius cum eo procedere volentes, illum invitavimus &c.* Et Carolus Augustus Salefius in vita S. Francisci Salefii sui patris lib. 3. pag. 107. & pag. 124. magna refert humanitatis signa, quibus ille Theodorum Bezam allocutus est: & pag. 136. hæc subjicit de eodem S. Francisco: *Non deerant quidem & hi Religiosi viri, qui eum minus reputarent ad Hæreticorum conversionem idoneum, eo quod non satis acriter, inquietabant, in eos invokeret, sed velut aliquid ab iis metueret, lento procederes gressu. Verum his de judicii ipse certior per amicos suos factus, ajebat se experientia iamdidum compro-
rem*

rem facilioremque esse. Hæreticus, ut sunt superbissimi, non facile verbis atrocibus cogi. Nonnulli pro lenitate, nonnulli pro severitate in redarguendis Hæreticis S. Augustini textus collecti legi possunt apud Cardinalem Baronium in annal. ad an. 420., ubi observat Sancti Doctoris modum agendi in spiritu lenitatis, mansuetudine, & animi demissione cum Hæretico recens prodeunte, & adhuc non obdurato, severitate interim non omissa cum inveteratis, obstinatis, & penitus refractariis Hæreticis. Et juxta has regulas videtur judicium esse ferendum de lenitate, aut severitate, quæ Dei Servi usi sunt in corrigendis Hæreticis; hoc addito, ut videatur, an eos tribunalibus Ecclesiasticis denunciaverint, si res sit de Hæreticis, qui versantur in regionibus, in quibus hæreses impune non grassantur, & in quibus potissimum sanctissimæ Inquisitionis Edicta suum obtinent robur, juxta quæ Hæretici sunt denunciandi. Hæresis enim gravissimum malum est, & contagione gliscens veluti cancer: idcirco medelam specialissimam exposcit, quæ ut plurimum a solo Judice Ecclesiastico haberi potest, ad quem confugiendum est, etiam si fraterna correctio non præcesserit, ut in criminibus occultis, quæ vergunt in damnum gravissimum Communitatis. Ita docet D. Thomas 2. 2. quæst. 33. art. 7. & quolibet. 11. quæst. 10. art. 12.

5 Sancti Patres, qui scripserunt adversus Hæreticos, aliquando id præstiterunt severo & acri modo, aliquando in quodam spiritu lenitatis errores ipsorum detegendo, & reprobando, non dissimulatis iis rebus, quas in ipsorum operibus approbatione dignas invenerunt. Sanctus Epiphanius in epist. ad Acacium, & Paulum n. 1. oper. tom. 1. quam Sanctus adhibet pro præfat. ad Panarium, rationes affert, ob quas acriter adversus Hæreticos scripsit: *Ad hac vehementer a vobis postulo, ut si quid forte reperiat (quanquam non illud adeo moris est nobis velle esse quempiam, aut in eum dicta jacere) verum si pro ardenssimo nostro adversus hæreses studio, & ut lectores ab iis deterreamus, concitatus aliquid dixerimus: ut puta si impossitores, circulatores, aut miseros appellemus, id velleis ignorare. Nam & ipsa certaminis, ac disputationis necessitas ejusmodi laborem nobis imposuit, quo ab illis lectores advocarentur; utique illorum functiones, mysteria, ac dogmata ab instituto nostro aliena esse, atque interdicta constaret. Et in hinc Panarii in compend. Fid. expos. n. 19. pag. 1102. Necessè habuimus istiusmodi illas appellare verbis, ut ab ea suspitione quorundam revocaremus animas, quod in illorum dictis factisque divulgandis, apertam nullam animi nostri significationem dedissemus, nos ab impia cujusque hæresis opinione non abhorreere. S. Basilii oper. tom. 2. pag. 189. & seqq. hom. 24. scribens contra Sabellianos, & Arium, & Anomæos, pag. 195. num. 7. adversus eos exclamat his verbis: Sed ne sinamus, stultitiam eorum, qui se omnia mente sua comprehendisse putant, confutatione carere. Nobis igitur respondeant &c. & in fine homilie: Adeo insipiens es, ut ne ab ipsa quidem voce ad dignas spiritum notiones deducare. S. Bernardus epist. 90. ad Innocentium II. scribens de Petro Abaciarlo, ait, eum ab ineunte ætate in arte dialectica hufisse, & subinde insanire coepisse in explicatione sanctarum Scripturarum. Alia familia pro-*
stant

stant eorumdem Patrum exempla. Contra vero S. Hieronymus de Origene, & Tertulliano mitius loquitur: Etenim in apolog. 3. contra Rufinum (n. 27. col. 556. tom. 2.) ait: In Tertulliano laudamus ingenium, sed damnamus hæresim; in Origene miramur scientiam Scripturarum, & tamen dogmatum non recipimus falsitatem: & in epist. ad Tranquillinum nedum Origenis & Tertulliani, sed etiam Novati, Arnobii, & Apollinaris consimili modo meminit (num. 2. col. 350. tom. 1.): Ego Origenem propter eruditionem sic interdum legendum arbitror, quemodo Tertullianum, Novatum, Arnobium, Apollinarium &c. ut bona eorum eligamus, vitemusque contraria &c. Nec enim propter doctrinam ejus prava suscipienda sunt dogmata; nec propter dogmatum pravitatem, si quos commentarios in Scripturas sanctas utiles edidit, ponitis respuendi sunt: & in epist. 84. n. 2. col. 519: pronuntiat se in variis libris jam editis sæpius impugnasse Origenem: Legant in Ecclesiasten commentarios, replicent in epistolam ad Ephesios tria volumina, & intelligant, me semper ejus dogmatibus contraxisse; & num. 3. In lectione Isaia, in qua duo Seraphimi clamantia describuntur, illo interpretante Filium, & Spiritum Sanctum, nome ego detestandam expositionem in duo Testamenta mutavi? Habetur liber in manibus ante viginti annos editus; & num. 7. Apollinarius contra Porphyrium egregia scripsit volumina: probo laborem viri, licet fatuum in plerisque dogma contemnam. Consi emini & vos, in quibusdam errare Origenem, & vim ultra non faciam &c. Cum hæc rejeceritis, & quasi censoria virgula separaveritis a Fide Ecclesia, tuto legam cetera, nec venena jam timebo, cum arido-tum preberio. Extat apud Baronium ad 878. n. 62. epistola Nicolai Papæ ad Carolum Regem Franciæ, in qua mandat, ad se deferri quoddam opus Joannis Scoti, quem nonnulli Gallorum, & præsertim Florus quorundam errorum reum accusaverat; cujus epistolæ hæc sunt verba: Cum idem Joannes licet multa scientia esse prædicetur, olim non sane sapere a quibusdam frequentis rumore diceatur. Porro hæc a Nobis dicta sunt, non animo asserendi, fas nunc esse Hæreticos laudare, etiam si quid boni in eorum operibus reperiat; obstat enim oraculum Clementis VIII in instructione addita ad regulas Indicis tit. de correctione librorum §. 2. ubi sic legitur: Epitheta honorifica, & omnia in laudem Hæreticorum dicta deleantur: quocirca Basilii Pontius lib. 7. de matrimonio cap. 1. num. 6. nonnullos reprobat Catholicos Erasmi argutias laudibus prosequentes: Pudet me, dum Catholicos ita Erasmi amore affectos video: nos enim illius argutas ineptias admirantes, reddidimus illustrem dignum qui lateret, & Cimmeriis oblivionis tenebris cum omni sua prole sepeliretur. Dicta sunt igitur dumtaxat, ut confirmetur, quod in præcedenti paragrapho constituimus, a rerum circumstantiis potissimum pendere, utrum Hæretici reprehendendi sint severitate, an lenitate: cum ab eadem causa manasse dicendum sit, ut Patres nunc uno, nunc altero modo, reprobato tamen semper errore, scripserint adversus illos.

6 Aliquando etiam accidit, ut a malevolis & peccatoribus calumniæ Dei Servis, dum viverent, oppositæ sint. Itaque, si calumnias repellere, & famam suam tueri curarunt, exempla opponuntur Sanctorum, qui ca-

lumnii impetiti tacuerunt, & calumniantibus non esse respondendum, docuerunt; si vero curam sui nominis & bonæ famæ negligentes, tacuerunt, traducuntur uti proditores propriæ famæ, pro qua pugnare debebant. *Eccles. cap. 41. v. 15.* legitur: *Curam habe de bono nomine; hoc enim magis permanebis tibi, quam mille thesauri pretiosi & magni; & in can. Nolo, 12. quest. 1. Qui fideus conscientia sue, negligit famam suam, crudelis est. Quam ad rem subiicitur in can. Non sunt 56. 11. quest. 3. Non sunt audiendi, siue viri sancti, siue femine, quando, reprehensa in aliquo negligentia sua, per quam fiat in malam veniant suspicionem, unde suam vitam longe abesse sciunt, dicunt, sibi coram Deo sufficere conscientiam &c. Proinde quisquis a criminibus flagitiorum atque facinorum vitam suam custodit, sibi bene facit, quisquis autem etiam famam, & in alios misericors est; nobis enim necessaria est vita nostra, aliis fama nostra. Contra S. Ambrosius *serm. 17. in Psalm. 118. (col. 1190. oper. tom. 1.)* ad illud, *Libera me a calumnia hominum*, post calumnie gravitatem amplificatam, ait, Christum Dominum tacendo gloriose de calumnia triumphasse; & de eo Christi silentio *lib. 10. in Lucam 11. 97. col. 1525. tom. cit.* sic prosequitur: *Sequitur admirabilis locus, quo subeunda equanimiter injuria, moralis infunditur patientia pectoribus humanis. Accusatur Dominus, & tacet; & bene, tacet, qui defensione non indiget. Ambient defendi, qui timent vinci. Non ergo accusationem, timendo, confirmat; sed despiciit, non refellendo &c. Sed quid de Deo loquar? Susanna tacuit, & vicit; melior enim causa, qua non defenditur, & probatur. Hujus autem questionis resolutio, collatis utrinque Patrum auctoritatibus, habetur apud Theophilum Raynaudum *tom. 12. in hypotheca contra istum calumnia sect. 3. cap. 1. in fine pag. 688.* Ibi enim late ostendit, fas esse unicuique calumniam sibi irrogatam depellere, nec ea in re ullum esse peccatum; eximiam autem perfectionem, & majorem cum Christo Domino, & insignioribus Sanctis congruentiam esse in eo, qui a repulso abstinet, & calumniis gravatus silet: quod tamen sic explicat, ut sibi vindicet locum in eo rerum eventu, in quo quis ratione muneris, aut alieni boni, calumniam repellere non teneatur; si enim tunc taceret, & calumniam repellere non curaret, officio deesset: quod ipsum late prosequitur Rosignolius de *act. virtut. lib. 2. cap. 14. §. Quod multo magis. S. Thomas quodlibet. 5. art. 26.* querit, utrum Religiosi debeant tolerare suos oppugnatores; & respondet, decere, perfectos viros æquo animo ferre suas injurias, sed pati non debere, ut ipsorum status impugnetur, cum impugnatio hæc vergat in Dei injuriam.**

7 Inter gesta Servorum Dei aliquando legitur, eos pro delinquentibus, & ad exilium vel ad mortem damnatis preces suas libenter exhibuisse, ut ab impactis poenis liberarentur; & statim dubium excitatur, an a via perfectionis declinaverint, quandoquidem dicuntur voluisse impedire cursum justitiæ. Celebris est super hoc argumento *epistola S. Augustini 153. alias 54. ad Macedonium cap. 1. n. 3. col. 525. oper. tom. 2.* Querenti enim, quomodo ad officium Sacerdotale pertineret intervenire pro reis, & quomodo culpæ

socius

socius non sit habendus, qui eum velit impunitum, quem scit esse obnoxium culpæ. sic respondet: Nullo modo ergo culpas, quas corrigi volumus, approbamus, nec, quod perperam committitur, ideo volumus impunitum esse, quia placet; sed hominem miserantes, facinus autem seu flagitium detestantes, quanto magis nobis displicet vitium, tanto minus volumus, inemendatum interire vitiosum &c. Non est igitur iniquitatis, sed potius humanitatis societate devinctus, qui propterea est criminis persecutor, ut sit hominis liberator. Morum porro corrigendorum nullus alius, quam in hac vita, locus est; nam post hanc quisque id habebit, quod in hac sibi inveniit. Ideo compellimur humani generis charitate, intervenire pro reis, ne istam vitam sic finiant per supplicium, ut, ea finita, non possint finire supplicium. Eodem pertinent ea, quæ habentur in ejus vita a Pofsidio scripta cap. 20. & notis illustrata a Joanne Salinas Canonico Regulari Lateranensi, ut ex ejus cap. 20. desumitur. Exempla quoque SS. Ambrosii, Flaviani, Gregorii Nazianzeni, Martini, Hieronymi, qui supplicibus precibus pro reis sub Præsidum gladio periclitantibus apud Imperatores egerunt, memorantur a Cardinali Baronio in *annal.* ad an. 398. n. 92. & seq. S. Bernardus famosum latronem ab imminente morte liberavit, ipsum in suum monasterium recipiendo, & Comiti Theobaldo acriter de hac re conquerenti respondit: Tu illum decreveras brevi supplicio, & momentaneo interitu consummari: sed ego eum faciam diuturno cruciati, & morte longissima mari. Tu furem appensum per unum, aut per plurimos dies mortuum in patibulo manere permitteres: ego crucifixum per annos plurimos faciam in pœnis jugiter vivere & pendere. Ipsum quippe induit habitu monastico, & spatio multorum annorum detinuit, & gravibus afflixit poenitiis in monasterio Claravalensi, uti legitur lib. 7. *vite S. Bernardi cap. 15. inter opera ejusdem Sancti vol. 2. col. 1219.*

8 De Dei Servis, qui alicui Instituto Regulari nomen dederunt, dubitari solet, an aliquo defectu notari possint, si ab una Religione ad aliam transitum fecerunt, si aliquando promptam Superiorum mandatis obedientiam non præstiterunt, demum si Institutum, quod professi sunt, adeo laudibus extulerunt, ut ceteris dixerint præferendum. In eo autem, quod attinet ad transitum ab una Religione ad aliam, S. Bernardus in *apolog. ad Guillelmum Ab.* eum improbat, etiam si a laxiori transitus fiat ad strictiorem & perfectiorem; & lib. de *precep. & dispensat. col. 524. vol. 1.* hoc ipsum confirmat: Forte vult aliquis de Cluniacensibus Institutis ad Cisterciensium sese stringere paupertatem, eligens præ illis nimirum consuetudinibus magis regulæ puritatem. Si me consulit, non consulo: & has offert rationes. Primò propter scandalum ipsorum, quos deserit: deinde quia, certa pro dubiis relinquere, tutum non est; forsitan enim hæc tenere potest, illud non poterit: tertio suspectam habeo levitatem, qua id sæpe quod facile volumus, antequam probemus, experti sum nolumus, uno prope momento id ipsum & cupientes, & respuentes tam leviter, quam & irrationabiliter, quales utique non paucos frequenter experimur, semper, quod non habemus, cupientes, & quod habemus fastidientes. Si magna utilitas, aut necessitas cogat,

transitus ab una ad aliam Religionem laudabilis esse poterit, teste D. Thomas 2. 2. *quest.* 189. *art.* 8.; at transitus ille a S. Bernardo reprobat, qui ab animi levitate procedit. S. Nicolaus de Tolentino fuerat Canonicus Regularis, antequam Ordini Bremiarum S. Augustini nomen daret, uti referunt S. Antoninus in *chronicis* 3. *part.* tit. 24. *cap.* 10. in *princip.*, Pennott. in *hystor. tripart.* lib. 2. *cap.* 73. *nom.* 4. S. Hugo Lincolnienſis Episcopus Institutum Canonicorum Regularium deseruit, & Carthusianam subivit asperitatem. Obvia sunt aliorum Sanctorum confamilia exempla, quæ plene congerit Thomas de Herrer. in *respons. pacific. ad apolog. de pretens. Monachatu Augustiniano S. Francisci respons.* 3. a *num.* 63. ad 70. & *num.* 83. *pag.* 44. & *segg.* & *pag.* 51. S. Thomas de Aquino, ut nuper a nonnullis dictum est, antequam Religionem Fratrum Prædicatorum ingressus esset, Monachus fuerat sub Regula S. Benedicti in monasterio Cassinensi; sed id fundamento caret, cum Cassinum quinquennis ductus fuerit educandus in aliorum nobilium puerorum consortio, juxta morem jam receptum pueros educandi in scholis Monachorum, quemadmodum scire animadvertit Justus Fontanius Archiepiscopus Ancyranus in *cod. Canonizat.*, in notis ad bullam Canonizationis S. Thomæ Aquinatis. S. Joannes Gualbertus, ut narrat Cardinalis Baronius ad *an.* 1051. *num.* 1., monasticum Institutum antecederet susceptum dereliquit, ut esset Auctor & Institutor novi Ordinis Monachorum Vallisumbrosæ. Similiter SS. Dominicus, & Franciscus de Paula, alter ab Ordine Canonicorum Regularium, alter ab Ordine Minorum, in quos se receperant, exierunt, ut novo Ordini initium darent. Et Petrus Sutor de *vita Carthusiana* lib. 1. *cap.* 6. strenue vindicat eos Canonicos Regulares, qui a suo Instituto recedentes, fuerunt comites S. Brunonis in fundatione novi Ordinis Carthusiani: Non transitus generaliter prohibetur, sed transeundi temeritas. Transit autem temere non tantum qui levitatis causa, seu primario subitoque impetu, sed etiam qui indignatione, vanitate, aut alia quavis passione superatus alio se transfert. At vero, si quis discreto fervore, maiorisque sanctitatis zelo vere concitatus suam velit carnem diutius affligere, vivere devotius, contemplationi magis incumbere, Deo firmitus adherere, & demum majora Religionis exercitia sectari, potest ille æstius propositum arripere. Nec ab una ad aliam Religionem transire dicendi sunt, qui ab una familia ad aliam strictiorem ejusdem Ordinis transeunt; uti bene consideratum fuit in causa Ven. Servi Dei Fr. Michaelis a Sanctis, qui a familia Calceatorum Sanctissimæ Trinitatis Redemptionis Captivorum transitum fecit ad Ordinem Discalceatorum ejusdem Religionis: cujus Servi Dei virtutes in gradu heroico anno 1742. a Nobis fuerunt approbatæ.

9 In eo, quod spectat ad promptam Superiorum mandatis obedientiam, multa sunt Patrum dicta de cæca obedientia Superiorum mandatis exhibenda: In *contractu enim obedientie* (verba sunt Petri Blesensis *epist.* 131. *pag.* 1043. *rom.* 24. *Bibl. PP.*) non habet disputatio, aut disceptatio locum; nam, si in discussionem seu suspensionem ea qua tibi sunt mandata, deduxeris, ad lignum

scientia boni & mali manum pravariationis extendis. Nimis delicata est hac obedientia transiens in deliberativum genus causæ: non est hoc in auditu auris obedire, non est hac Regularis obedientia sine mora, sed astutia tergiversatrix, & aperta superbia; & apud Cassianum lib. 4. cap. 41. habetur: *Stridit te secundum Avostoli sententiam facias in hoc mundo, ut sis sapiens, nihil scilicet discernens, nihil dijudicans ex his, quæ tibi fuerint imperata; sed cum omni simplicitate ac fide obedientiam semper exhibeas, illud tantummodo sanctum, illud utile, illud sapiens esse iudicans, quidquid tibi vel Lex Dei, vel Senioris examen indixerit: tali enim institutione fundatus sub hac disciplina poteris durare perpetuo, & de cenobio nullis tentationibus Inimici, nullis factionibus devolveris.* Exempla supponunt, quæ suadere videntur, etiam in rebus aperte illicitis esse Superioribus obediendum. Simeon Metaphrastes apud Surium ad diem 11. Septembris tom. 5. narrat, S. Theodoram, quæ sub specie viri inter Monachos vitam agebat, a Prælato missam fuisse ad hauriendam aquam ex lacu cum evidenti vitæ periculo propter Crocodilum in eo lacu degentem, & omnes eo accedentes dilanantem: apud eundem Surium ad diem 1. Augusti tom. 4. legitur, Elitanum Monachum, iussu ab Abbate, manum injecisse in bullientem aquam, ut ex imo cacabi nescio quid extraheret: & in vita S. Benedicti scripta a S. Gregorio M. cap. 7. refertur, lapsò Placido Monacho in lacum, S. Maurum iussu S. Benedicti ad ei præstandum auxilium super aquas cucurrisse, & Placidum liberasse; exortaquæ subinde contentione inter Benedictum, & Maurum, asserente videlicet illo id esse obedientiæ adscribendum, hoc autem asserente id esse meritis S. Benedicti attributendum, in hac humilitatis amica contentione Placidum liberatum dixisse, cum ex aqua traheretur, super caput suum se vidisse Abbatis melotem (monasticam videlicet cucullam, uti interpretatur Hællstenus in *disquisitionibus*; aut pallium, uti interpretatur Mabillonius) & Abbatem se ex aquis reducere, existimasse. Ceterum Superiori aliquid mandanti contra Legem Divinam non est obediendum, quemadmodum sancitur in *can. Si is qui præst, 11. qu. 3. Si is qui præst fecerit, aut cuiquam, quod a Domino prohibitum est, facere iusserit.... Sancti Pauli Apostoli sententia ei ingerenda est dicentis: Etiam si nos, aut Angelus de celo evangelizaveris vobis, præterquamquod vobis evangelizavimus, anathema sit: nec Abbati Monachus obedientiam præstare debet, si aliquid contra Regulam præcipiat, iuxta celebrem epistolam S. Bernardi ad Adam Monachum; cæca autem obedientia excludit prudentiam carnis, non prudentiam spiritus, quemadmodum late prosequitur Suarez de relig. tom. 4. lib. 4. cap. 15. num. 27. Juxta D. Thomam 2. 2. quæst. 104. art. 5. ad tertium, obedientia trifariam distinguitur, ut una sit sufficiens ad salutem, qua quis scilicet obedit in iis, ad quæ obligatur; alia perfecta, qua obedit in omnibus licitis; alia indiscreta, qua obedit etiam in illicitis; & juxta eundem S. Doctorem quodlibet. 10. art. 10. Superiori obediendum est in his, quæ sunt juxta Regulam Religionis, & in iis, quæ ad Regulam reducuntur; at quoad alia, quæ ad Regulam nullatenus reducuntur, obedire non est de*

neces-

necessitate obedientiæ, sed de perfectione. Nemo est proinde qui non videat, non esse statim judicandum, Dei Servum, qui Superioris præcepto non obtemperavit, in virtute obedientiæ, aut in obedientiæ perfectione defecisse; sed præceptum Superioris ponderandum esse atque discutendum, antequam aut favore, aut contrarium de actione Servi Dei judicium proferatur.

10 Optime Pater Rodericus in *exercit. perfection. & virtut. religiosar. part. 2. tract. 5. cap. 6.* ubi agit de obedientia, quam Regulares suis debent exhibere Superioribus, ait: Non si chiama cieca, perchè abbiamo da obbedire in qualsivisa cosa, che ci venga comandata, sia, o non sia peccato, che questo sarebbe errore, e lo dichiara il nostro Padre (loquitur de S. Ignatio) nelle Costituzioni; ma si chiama cieca, perchè in tutte le cose, nelle quali non si vede peccato, abbiamo da obbedire semplicemente e sberatamente senza investigare, nè cercare cagioni di quello che ci è comandato, presupponendo, che quello, che ci si comanda, è santo e conforme alla Divina volontà, e contentandosi di questa sola ragione, che è obbedienza, e che ce lo comanda il Superiore. Et cap. 7. S. Gregorio e S. Bernardo dicono molto bene, Non ti ha da comandare mai cosa cattiva; ed in cosa, che sia peccato, è chiaro che il Suddito non ha da obbedire: ma il lasciare di fare qualche cosa buona, perchè l'obbedienza te lo proibisce, si deve fare &c. I Superiori vietano alle volte certe cose, le quali di natura loro sono buone, o perchè non convengono al Suddito per allora, o per provare la sua virtù ed obbedienza. Nec vero urgent exempla supra recensita: proposita enim sunt, ut per ea intelligamus, quantum Deo placeat obedientiæ virtus & simplicitas; & ut nobis imitanda non quoad singulas circumstantias, sed solum quoad perfectionem & simplicitatem juxta communes & ordinarias leges obedientiæ. Constat enim, aliquando Spiritum Sanctum movere homines justos, ut supra communem & ordinarium cursum virtutum mirabiliter operentur; qui modus operandi in exemplum etiam nobis proponitur, non ut illum eundem modum operandi imitemur, sed ut illius admiratione moti saltem perfectionem virtutis assequi contendamus; quemadmodum late explicat Suarez *loc. cit. num. 33.*

11 Demum aliquando Dei Servorum simplicitati ignoscendum est, si laudibus suam Religionem extulerunt supra alias Religiones; aut eorum verba benignam aliquam interpretationem recipere debent; aut adscribi possunt flagrantissime charitati, qua Ordinem suum prosequerentur. De sua Religione Fratrum Minorum sic locutus est S. Bonaventura in *opuscul. de mystica Theologia c. 1. part. 2. (pag. 702. oper. tom. 7.)*: Terriò illud, ad quod vocatur, recitat; quia cum non ad Regulam Beati Augustini, vel Benedicti, Redemptoris gratia revocavit, sed ad illam sacratissimam, quam ipsemet elegit, quando ductus est in deserto, ubi quadraginta diebus & noctibus continuis jejunavit, & in maxima paupertate per mundum predicavit, & salutem omnium ardentissime intendit, & Fracursor suus proprie instituit, & ipsam in se ipso servans, & nobis servandam monstravit. In tantum aliis regiminibus hac Regula est sublimior, in quantum doctrinam humanam

nam Divinum eloquium præcellit. De unoquoque sancto Confessore canit Ecclesia: Non est inventus similis illi, qui conservaret legem Excelſi. Et ad rem bene ſubjicit Cardinalis Pallavicinus in vindic. Societ. Jeſu, cap. 48. Superbum erit tuam aliquam interiorem, tibiſque cum paucis communem dotem conditionemve ſuſcipere, veluti cognationem ac ſanguinem. Laus enim illa in paucis diſiſa magnam partem pertingit ad te. At, ſi Ordinem tuum aliquot hominum millia complexum magni eſtimaveris, quota pars tua erit?

12 Gravior proſecto eſt difficultas, quæ aliquando adverſus votum paupertatis proponitur, & a me propoſita ſæpe fuit in cauſis Servorum Dei Regularium, ob non obſervatam vitam communem, & poſſeſſionem peculii aut iſtis a conſanguineis assignati, aut ſuis laboribus quaſiti adverſus Conſtitutiones ſacrorum Canonum, & ſacri poſiſſimum Concilii Tridentini ſeſſ. 25. de Regular. & Monial. cap. 2. Editum fuit Romæ anno 1695. opuſculum, cui titulus *Trattato della vita comune*, quod a celebrioribus Theologis fuit approbatum. In ejus cap. 20. circumſtantiæ & conditiones enarrantur, in quibus uſus peculii, non obſtante Concilio Tridentino, poteſt eſſe Religioſis permiſſus. Prima eſt, ne illud habeant titulo domini, ſed ſimplicis uſus. Secunda, ut accedat tacita, aut expreſſa Superiorum licentia. Tertia, ut ſit moderatum, & non ſuperfluum. Quarta, ut ſit immixtum ceteris Bonis monaſterii. Quinta, ut peculii conſeſſio ſit revocabilis ad Superioris mandatum. Sexta, ut Regularis eo non utatur, niſi pro rebus licitis & neceſſariis. Septima, ut peculium non habeat penes ſe, ſed ſit in manibus publici Officialis a Superioribus deputati. Octava, ut ſi Religioſus aliquid petat a dicto Officiali, rem exprimat, quam ſibi dicit neceſſariam. Nona, ut hic vivendi modus ſine ſcandalo non poſſit immutari. Decima, ut conſeſſio tacita, aut expreſſa facta ſit ob juſtam & rationabilem cauſam. Paucioribus verbis res abſolvi poſſet, aſſerendo, licitum eſſe poſſe uſum peculii, ſi ab Ordinis Conſtitutionibus a ſummo Pontifice approbatis permiſſus ſit, ſi Regularis eo utatur in cauſas licitas, aut neceſſarias a Superiore approbatas; ſi ejus uſum ita habeat, ut paratus ſit illud reſignare apud Superiorem, ſtatim ac ei id fuerit præceptum. B. Petrus Damiani, qui S. Leonem IX. ſummum Pontificem inſtimulavit ob bellum geſtum adverſus Normannos, his verbis uſus eſt (lib. 4. epiſt. 9. circa fin.): *Ad hæc ſi quis objiciat, bellicis uſibus Leonem ſe frequenter implicuiſſe Pontificem, veruntamen ſanctum eſſe: Dico, quod ſentio, quoniam nec Petrus ob hoc Apoſtolicum obtinet principatum, quia negavit; nec David idcirco prophetiæ meretur oraculum, quia torum alieni viri inſeſſit; cum mala, vel bona non pro meritis conſiderentur habentium, ſed ex propriis debeant qualitatibus judicari.* In re, de qua nunc agitur, ſi meus ſenſus exquireretur, non in omnibus, ſed in aliquibus uterer memorata ſententia B. Petri Damiani: dicerem enim, ſanctitatis argumentum in Dei Servo Regulari non eſſe deſumendum a peculio, & ejus uſu; non quia ejus uſum cenſeam improbandum, quoties debitiæ adſunt circumſtantiæ, ſed quia ſanctitatis argu-

argumenta ab actibus heroicis sunt desumenda. Uno verbo, censuit Damiani, Leonem non fuisse sanctum, quod bellum gesserit; & ipse censuerim, Dei Servum Regularem non esse Sanctis adscribendum ratione peculii. Censuit idem Damiani, licet fortasse minus recte, Leonem bellando peccasse, & hoc minime obstante, esse sanctum propter alia egregia quæ præstitit opera; censerem & ipse, Dei Servum Regularem virtutibus heroicis præditum posse canonizari, etiamsi peculio usus sit, non quia peccatum usus peculii ceterarum fulgore virtutum obrutum fuerit, sed quia excellentia & major perfectio, quæ ex peculio desumi non potest, a serie aliarum actionum derivatur.

13 Transitum facientes ad regulas, quarum ope tutum ferri potest iudicium de gestis Servorum Dei, præmittimus doctrinam Theologorum, qui docent primò, actus humanos bonitatem ab objecto, a circumstantiis, & a fine operantis desumere: secundò, actum ex objecto bonum, sed ex fine, aut ex circumstantiis malum, totum esse malum: tertio, missa questione, an dari possit actus humanus indifferens in individuo, communior tamen esse intentionem, dari actus humanos ex objecto & specie sua indifferentes, hoc est nec definite bonos, nec definite malos, quique consequenter bonitatem habent, aut malitiam ex bono, aut ex malo fine: quartò, bonam intentionem, boni videlicet finis, ex prava medii electione vitari; si quis enim ex intentione efficaci dandi eleemosynam statueret furari, ut eleemosynam daret, intentio illa ex electione talis medii, nempe furti, fieret mala, & vitaretur: quintò, boni finis intentionem non auferre a prava electione malitiam; ex quo fit, ut ea quæ sunt intrinsecus & per se mala, ex nullo bono fine cohonestari possint, teste S. Augustino in libro contra mendacium cap. 7. num. 18. col. 456. tom. 6. ubi ait: *Interest quidem plurimum, qua causa, quo fine, qua intentione quid fiat; sed ea quæ constat esse peccata, nullo bona causa obtentu, nullo quasi bono fine, nulla velut bona intentione facienda sunt &c.* Cum vero jam opera ipsa peccata sunt, sicut furta, stupra, blasphemia, vel cetera talia, quis est qui dicat, causas bonis esse faciendas, ut vel peccata non sint, vel, quod est absurdius, iusta peccata sint? Quis est qui dicat, ut habeamus quod demus pauperibus, faciamus furta drutibus, aut testimonia falsa vendamus, maxime, si non inde innocentes leduntur, sed nocentes potius damnantur Judicibus eruantur? Quod ipsium late prosequitur D. Thomas 2. 2. quæst. 110. art. 3. Ultimo docent Theologi, intentionem boni finis minuerem malitiam pravæ electionis, ut idem docet S. Augustinus *loc. cit.* cap. 8. his verbis: *Dicit aliquis, ergo equandus est fur quilibet ei furi, qui misericordia voluntate furatur? Quis hoc dixerit? Sed horum duorum non ideo est quisquam bonus, quia peior est unus. Peior enim, qui concupiscendo, quam qui miserando furatur. Sed, si furtum omne peccatum est, ab omni furto est abstinendum. Concordat D. Thomas 2. 2. quæst. supra cit. art. 2. ubi de mendacio ait: Quanto bonum intentum est melius, tanto magis minuitur culpa mendacii.*

14 Hæ sunt regulæ a Theologis præscriptæ de bonitate & malitia actuum

actuum humanorum, eademque per consequens regulæ erunt adhibendæ, cum de gelis Servorum Dei quæstio instituitur in sacrorum rituum Congregatione: objectum quippe gestorum, circumstantiæ, finis, & cetera supra exposta sedulo ponderanda sunt, cum dubium oritur de bonitate, aut malitia. Præclare id explicat S. Joannes Chrysostomus *hymil.* 16. in *epist. ad Romanos* *num.* 1. *pag.* 604. *tom.* 9. Quemadmodum ergo dum vides illum (scilicet S. Paulum) circumcidentem, & sacrificantem, non ideo ipsum damnas ut judaizantem; sed ideo illum magis coronas ut alienum a judaismo; sic & cum vides illum optantem anathema esse, ne ideo turberis; sed ideo maxime illum celebrato cum causam optandi didiceris. Nisi enim causas examinemus, Heliam homicidam dicemus, Abrahamum autem non homicidam modo sed etiam filii interfecitorem. Itemque Phineas & Petrum cadis rursus accusabimus, nec de ipsis solum Sanctis, sed de Deo etiam, qui hanc non servat regulam, absurda multa suspicabimur. Ne igitur hoc accidas in similibus omnibus, & causam, & mentem, & tempus, & omnia ad rem defendendam apta colligentes, si res examinemus. Maximus Imperator S. Martinum sæpius evocavit, receptumque in palatium valde honoravit. Regina ab ejus pedibus avelli non poterat, a quo post multas reluctationes, consentiente etiam & rogante ejusdem viro, obtinuit, ut, remotis omnibus ministris, sola præberet convivium. In secundo dialogo Severi Sulpicii de virtutibus B. Martini *cap.* 7. Potthumianus sic interrogat Gallum: Illud ubi est, quod nulla unquam femina ferebatur propius adfuisse Martino? Ecce ista Regina non solum adfuit, sed etiam ministravit. Et vereor, ne isto aliquantulum se tueantur exemplo, qui libenter feminis inferuntur. Ad hæc Gallus respondet, locum, tempus, & personam consideranda esse; item, Martinum Imperatoris & Reginæ precibus invitum obsecundasse, & debuisse id facere, ut clausos carcere liberaret, & exiliis damnatos restitueret; post quæ ita subjicit: Videant enim, quia Martino semel tantum in vita jam septuagenario, non Vidua libera, non Virgo lasciviosa, sed sub viro vivens, ipso viro pariter supplicante, Regina servavit & ministravit. Hac edenti adfuit, non cum epulante discubuit, nec ausa est participare convivium, sed deferere obsequio. Disce igitur disciplinam: servias tibi matrona, non imperet; & servia, non recumbat; sicut Martha illa ministravit Domino, nec tamen est adscita convivio, immo prælata est ministranti, quæ verbum potius audiebat. Sed in Martino ista Regina utrumque complevit, & ministravit ut Martha, & audiuit ut Maria. Quod si quis hoc uti voluerit exemplo, per omnia teneat exemplum: talis causa sit, talisque persona, tale obsequium, tale convivium, & in omni vita semel tantum.

15 Pro eorum, quæ hactenus diximus, confirmatione resumí possunt, quæ superius scripta sunt de relatione & manifestatione suorum bonorum operum, & Divinorum charismatum sibi a Deo collatorum, quæ a Dei Servis facta aliquando est. Rursus resumí possunt, quæ dicta sunt de suavi, aut acri Peccatorum, aut Hæreticorum reprehensione a Dei Servis facta; & de impavido, aut pavido mortis occurso, de quo præter alibi rela-

ta legi potest Rodericus in *exercit. perfection.*, & *virtut. religiosar. part. 3. tract. 8. cap. 19.* Addi potest, nonnullos Sanctos sua corpora afflixisse, citra tamen ullam immunditiam, nonnullos alios immunditiam ipsam quævisisse. De S. Ignatio scribit Maffejus *lib. 3. vita cap. 12.* *Mundities in victu cultuque dilexit; sed faciles, & nequaquam exquisitas; ejusmodi & viatorem, & Christi famulum decent.* S. Hieronymus *epist. 22. ad Eustochium (lib. 2. num. 27. col. 109. tom. 1.)*: *Vestis nec satis munda, nec sordida; & num. 29. Nec affectata sordes, nec exquisita munditia conveniunt Christiano.* Gaufredus Monachus in *vita S. Bernardi cap. 2. (num. 5. col. 1134. vol. 2.)*: *In vestibus ei paupertas semper placuit, sordes numquam.* Nimirum, animi fore indices, agebat, aut negligentis, aut inaniter apud se gloriantis, aut gloriolam foris affectantis humanam. Cui exemplo adhæsit etiam S. Philippus Neri, quemadmodum colligitur ex Petro Jacobo Baccio in *ejus vita lib. 2. cap. 14. num. 8.* *Amava la povertà, e gli dispiaceva sommamente la sordidezza, ed in particolare ne' vestimenti; onde spesso diceva quel detto di S. Bernardo: Paupertas mihi semper placuit, sordes vero nunquam.* Contra Sancto Job Tertullianus de *Patientia cap. 14. pag. 203.* scribit: *Dissecabatur malus, cum Job immundam ulceris sui redundantiam magna aquanimitate distingueret, cum erumpentes bestias inde in eisdem specus, & passus firaminosa carnis ludendo revocaret.* Rem similem de S. Francisco Assisinate narrat Jacobus Pamelius Tertullianus de *Patientia num. 75.* De S. Hilariō scriptum est, eum nec saccum, quo semel amictus est, unquam lavisse, nec mutasse, cum supervacaneum esse diceret, mundities in cilicio querere. Odeardus denique in *vita S. Thoma Cantuariensis cap. 25.* hæc habet: *Cilicium post mortem martyrio obitam sciatere tot pediculis est deprehensum, ut martyrium illo tolerabilius videretur.* Omnia enim hæc, licet inter se diversa, bona & meritoria esse possunt, si a bono fine procefferint, & congruè accesserint circumstantiæ, quemadmodum bene observat Cardinalis Bona de *discret. spirituum cap. 7. num. 5.* *Actiones item & verba non in se ipsis consideranda sunt, nec referenda ad Sanctorum exempla, sed ad principium sive motivum, propter quod sic operatur & loquitur.* Nam Sanctus Martinus morti proximus dixit: Domine, si adhuc populo tuo sum necessarius, non recuso laborem. At hæc eadem verba proferre noluerunt Sancti viri Philippus Neri, & Franciscus Salesius, ille motus charitate, iste humilitate. Sanctus Franciscus stultum aliquando se finxit, ut sperneretur; aliquando vestem osculandam porrexit, ut honoraretur, non ipse quidem, sed Deus in ipso. Sanctus Hilariō munditiam in cilicio non requirebat, quam Sanctus Bernardus optavit & commendavit. Ut rectum igitur iudicium feratur, disquirere oportet, quo spiritu quisque ducatur, quo principio imitatur, quodnam verborum, & actionum proximum ac proprium motivum sit. Sordes, si ad carnis mortificationem adhibeantur, laudanda censet Cardinalis de Lauræa in *3. lib. sens. tom. 2. disput. 31. art. 10. num. 506.*

16 Cum his concordant cetera, quæ passim occurrunt in gestis Sanctorum. S. Ambrosius Optimates aliquando ad prandium invitavit. Comes

mes enim Arbogastes jactavit, sepius se mensie ab eo adhibitum fuisse: *Nesse se virum, & diligere ab eo, atque frequenter cum illo convivari solitum*. Ita Paulinus in *vita S. Ambrosii* num. 30. col. 8. append. ad tom. 2. operum ejusdem Sancti. Contra, S. Martinus exemplo S. Ambrosii interpellatus a Vincentio Galliarum Praefecto, ut in monasterio prandio ab eo adhiberetur, recusavit id facere, teste Severo Sulpicio *dialog. 1. cap. 25. : Memini ; Vincentium Praefectum, virum egregium, & quo nullus sit intra Gallias omni virtutum genere praestantior, dum Turonos praesideres, a Martino sepius poposcisse, ut ei convivium in suo monasterio daret ; in quo quidem exemplum Beati Ambrosii Episcopi praeserebat, qui eo tempore Consules, & Praefectos subinde pascere ferebatur : sed virum altioris ingenti, nequa ex hoc vanitas, atque inflatio obreperet, noluisse*. Ab una Charitatis radice mores hi specie diversissimi efflorescunt ; & quod Ambrosius bono fine ductus praestitit, Martinus alio bono fine ductus agere noluit, concurrentibus potissimum diversis omnino circumstantiis ; sicut bene explicat Thomassinus de *vet. & nov. Eccl. discipl. par. 3. lib. 3. cap. 34. num. 8. : Si vero non acquievit Martinus, cum ultro obvium praediret Ambrosius Optimatibus secum pransurus ; nihilo magis id stupendum est, quam quod Johannes nec manducans nec bibens, & Christus mense cum Publicanis accubens, eodem tamen utrobique collimabant, ut omnibus omnia fierent, quo omnes Deo lucrarentur*. Ambrosius civilem & humaniorem vivendi rationem, monasticam Martinus proferebatur. Mores in speciem diversissimi, ab una Charitatis caelesti radice efflorescunt. Praefici & Esaias fratres, facultates diviserunt sibi a patre divite mercatore relictas. Alter ex eis omnia dispergens dedit monasteriis & ecclesiis, & cum artem didicisset, ex qua sibi panem pararet, exercitationi operam dabat & orationi. Alter nihil dispersit ; sed facto sibi monasterio, & paucis assumptis Fratribus, quemlibet excipiebat hospitem, quemlibet curabat aegrotum, cuius pauperi dabat. Ambobus mortuis, propter diversum vitae institutum inter Fratres incidit contentio, quoniam ex praedictis fuisset melior ratio vitae : reque delata ad Pambonem, ut super ea responsum daret, respondit ille, utroque esse perfectos apud Deum, cum alter sanctus esset munere Abraham, qui omnes excipiebat, alter suscepisset firmissimum zelum Eliae Prophetae, ut Deo placeret. Responsum Fratribus non satisfacit. Cumque Pambo, ut eos sedaret, expectare iussisset, ut de eis haberet revelationem, quam ipsis postmodum aperiret, post nonnullorum dierum lapsum tandem dixit, se utrumque simul vidisse in paradiso, licet diversum vitae genus, dum viverent, exercuissent, cum ab una radice utrumque vitae genus manasset. Ita legitur in *vita Praefici & Esaias a Palladio scripta in historia Lausiana*.

17 De S. Martino ad Episcopatum Turonicæ Ecclesiae evocato & expetito refert Sulpicius Severus in *ejus vita cap. 9.*, nonnullos Episcopos, aliosque, licet paucos, ejus ad Episcopatum assumptioni repugnasse, quod fordida veste indutus esset, & crine deformis : *Pauci tamen, & nonnulli ex Episcopis, qui ad constituendum Antistitem fuerant evocati, impie repugnabant di-*

centes scilicet contemptibilem esse personam, indignum esse Episcopatu hominem vul-
 su despicabilem, veste sordidum, crine deformem. Non sine Divino prodigio
 tandem ejus electio suum habuit effectum; & de ipso post adeptum Episco-
 patum ita profecquitur Sulpicius cap. 10. : *Jam vero, sumpto Episcopatu; qua-*
lem se quantumque præsiterit, non est nostra facultatis evolvere. Idem enim con-
 stantissime perseverabat, qui prius fuerat. Eadem in corde humilitas; eadem in
 vestitu ejus vilis erat; atque ita plenus auctoritatis & gratia implebas Episcopi
 dignitatem, ut non tamen propositum Monachi virtutemque defereret. De S. Ma-
 lachia Archiepiscopo Armacano in Hibernia S. Bernardus in ejus vita cap.
 19. num. 44. col. 682. vol. 1. hoc illustre profert testimonium: *Cum exires ad*
predicandum, cum pedibus pedes & ipse ibat; Episcopus & Legatus; & mox
de Episcopis sui ævi subjicit: Equos ascendens cum turba hominum gratis man-
ducantium panem, & non suum. Malachias septus sanctorum Fratrum collegio
pedes circum portans panes Angelorum, quibus satiet animas esurientes. . . . Quid-
am Apostolicum! Beatus Petrus Damiani in vita S. Romualdi cap. 27. oper.
tom. 2. testatur, S. Bonifacium Martyrem, qui Othoni III. Imperatori lan-
guine conjunctus erat, iter Romanum nudis pedibus confecisse, Domestici
comitantes, quibus semper præibat, Psalmisque decantandis vaca-
bat, licet Romam peteret, ut Episcopus ordinaretur: Toto illo itinere vir
venerabilis cum omnibus quidem, qui eum sequebantur, pedes ibat; sed ipse ju-
giter psallens, & ceteros longe præcedens nudis semper pedibus incedebat. Decere
 nonnulli existimant, ut qui publicam sustinet personam, exteriori quodam
 cultu niteat, qui a vanitate quidem remotus sit, sed tamen consensat ad
 vindicandam a contemptu dignitatem. De hac re plura collecta legi pos-
 sunt apud Sperellum in *tract. de Episcopo part. 2. cap. 33. sub §. 3.* Fere omnes
 posterioris ævi Episcopi, qui sanctitatis fama illustres fuerunt, decenti,
 non sordida veste usi sunt, & aliqua, sed modesta suppellectili. Et quam-
 vis a sanctis prioris ævi Episcopis hac in re recesserint, non ob id aut hi,
 aut illi sunt improbandi, sed & hi & illi maxima commendatione digni
 sunt, cum omnes pro suarum actionum fine, & primario, uti dicunt, ob-
 jecto felix habuerint regimen populi sibi commissi; & nonnulli quidem præ-
 nix dixerim sordidam elegerint in vestibus & reliquo apparatu humilita-
 tem, utpote populi ædificationi tunc magis accommodatam; alii vero mo-
 destum quemdam cultum extrinsecus assumpserint, tanquam, mutatis re-
 rum circumstantiis, magis aptum ad vindicandam a contemptu dignita-
 tem. Alii e thesauro suo proferentes nova & vetera, decentem in vestibus
 ornatum, modestamque suppellectilem hominum oculis obtulerunt, at ab
 eorum conspectu remoti, interiori lacera veste usi sunt, & a quacumque,
 licet modesta, suppellectili abhorruerunt. Ex Actis SS. Thomæ de Villano-
 va, & Caroli Borromæi exempla facile desumi possent. Assumpto ad Ar-
 chiepiscopatum Toleranum Ximenio, narrat Gomchus, eum a seculo, quo
 solebat, vehi voluisse, aut pedibus ivisse medium inter sui Ordinis Reli-
 giosos, nullis auleis parietes ornasse, uno verbo, quemcumque exteriorum
 cultum

cultum abhorruisse, ita ut summus Pontifex Alexander VI. per suas litteras Apostolicas in forma Brevis eum sic admonendum esse censuerit: *Flortamur te, ut, postquam te sancta Sedes Apostolica de inferiori statu ad Archiepiscopalem dignitatem evertis, quemadmodum te interiori conscientia secundum Deum vivere intelligimus, de qua plurimum gaudemus, ita extrinsecus iuxta condecensiam status tui, habitu scilicet, familia, & ceteris ad dignitatis decorem convenientibus, te habere & conservare coneris.* Post hæc mutata est facies rerum, & quaestio adhuc resolvenda superest, an in hanc mutationem damnabilis excessus irrepperit. Fidei Promotores in examine causæ prædicti Servi Dei excessum opposuerunt, cum vestes assumpserit pretiosis pellibus, quas *Zebellinas* vocant, suffultas, ita ut Concinator e publico suggestu verba faciens ei exprobraverit, quod tunicam ferret tanti pretii, ut alendæ dimidiæ egenorum parti totius Toletanæ Ecclesiæ sufficeret. Responderunt Postulatores, hinc moderationis & humilitatis Ximenii argumenta esse desumenda, cum Concinatorem humanissime ad mensam invitaverit, inter epulas illius orationem laudaverit, & de animadversione in se facta gratias egerit; ostensoque cilicio, quod cuti appositum pro interiori tunica gestabat, satis apte patefecerit, se quidem hominum oculis Pontificium splendorem & ornatum ostendere, at intus Franciscanam paupertatem & humilitatem custodire. Tota rei series fuse narratur a Donio *hystor. Cardinal. rom.* 3. pag. 29. num. 78. Additque Gomesius, eam pretiosam vestem Ximenio dono datam a Beltrano Metinensi Regio apud novum orbem Senatore, tribusque ducatorum aureorum millibus æstimatam, fuisse per aliquot dies ab eo retentam, ne videretur offerentem contemnere, sed paulo post ad eum remissam morbi prætextu, quo laborabat, quasi sibi parum commodus eo tempore ejusmodi cultus esset.

18 In superioribus dictum est, malitiam actus, & sic pravæ electionis a bono fine minui. Hæc eadem regula retinenda esse videtur in examine causarum Servorum Dei, si aliquis actus occurrat a canonicis regulis dissitus, modo tamen bono fine fuerit cohonestatus. Pontifices & Concilia aliquando probarunt, ab Episcopis & Abbatibus milites subministrari ad regni defensionem. Sancti præterea nonnulli Episcopi in castris permanserunt, ut Sacramenta administrarent. Nonnulli Episcopi hos limites prætergressi sunt, cum ipsi agmina duxerint, armis tamen non præcincti, nec acie pugnantes. Id factum fuisse a S. Uldarico Augustano Episcopo, refert Surius in ejus vita; nec alia similia defunt sanctorum Episcoporum exempla. De hisce factis loquitur Thomassinus de *vet. & nov. Eccles. discipl. part. 3. lib. 1. cap. 40. num. 14.*: *Sed nec illud abhorret a vero, sanctissimos nonnumquam viros potuisse tantisper ab orbita rectæ descedere, & a canonicarum regularum observantia accurata, sive per incogitantiam, sive torrente abreptos consuetudinis, sive ut, nescio quo charitatis blandimento, accommodarent se Principis voluntati, ex quo uberiores postea fructus sperarent ad Ecclesiæ dignitatem & salutem rediensuros.* Et si non ad hanc eandem, saltem ad similem classẽ relecti

referri possunt nonnulli excessus, de quibus Guillelmus in vita S. Bernardi (lib. 1. cap. 8. num. 41. col. 1094. oper. vol. 2.): Porro, si nimietas in eo reprehenditur sancti fervoris, habet certe apud pias mentes excessus iste reverentiam suam; quia quicumque spiritu Dei agitur, multum verentur in Servo Dei reprehendere nimium istam nimietatem. Habet & facilem apud homines excusationem, cum vix audeat quisquam eum condemnare, quem Deus iustificat, tam multa, tam sublimia cum eo & per eum operando. Felix, cui solum reputatur ad culpam, quod ceteri presumere sibi solent ad gloriam &c. In quo Servus Dei, etsi nimietate forsitan excessit, piis certe mentibus non de nimietate, sed de fervore exemplum reliquit.

19 Quid autem dicendum erit, cum, pensatis omnibus pensandis, & animadversis omnibus animadvertendis, adhuc dubium superest de bonitate, aut malitia actus? Eritne in iudicio Canonizationis sumenda interpretatio, quæ faveat, an quæ adversetur bonitati actus? S. Bernardus ser. 40. super Cantica num. 5. col. 1415. vol. 1. ait: Etiam si perperam actum quid deprehendas, nec sic iudices Proximum, magis autem excusa. Excusa intentionem, si operari non potes; puta ignorantiam, puta subreptionem, puta casum. Porro auctoritas hæc S. Bernardi, si rei, de qua nunc agitur, accommodaretur, quodlibet de virtutibus Dei Servorum examen, quod assumitur Canonizationis gratia, infringeret atque subverteret. Ea prodesse potest Beatificandis & Canonizandis, si; dum viverent, eo modo se gesserunt in iudicio ferendo de gestis aliorum: Non sic autem res se habere potest, cum agitur de gestis ab ipsis, & dum eorum examen assumitur. Si enim constiterit mala fuisse, de eorum malitia ferendum erit iudicium, seduloque investigandum, an ceterarum virtutum fulgorem obtenebraverint. Additur, S. Bernardum loqui de iis, quæ perperam acta deprehenduntur; præsens autem quaestio est de iis, de quibus dubitatur, utrum bona, an mala fuerint: de quibus S. Thomas 2. 2. quest. 60. art. 4. scribit: Ideo, ubi non apparent manifesta indicia de malitia alicujus, debemus eum ut bonum habere, in meliorem partem interpretando quod dubium est. Nonnullos aliquando audiavi sacrorum rituum Congregationis Consultores asserentes, id sibi vindicare locum, cum in examen vocantur opera Servorum Dei jam canonizatorum, secus autem, quando res est de scrutinio gestorum a Dei Servis canonizandis. Hæc autem distinctio inter Canonizatos, & Canonizandos mihi nunquam probata fuit: actiones siquidem & opera Canonizatorum, non post, sed ante Canonizationem edita sunt, & eorum examen Canonizationi præcessit; ex quo fas est arguere, latum fuisse ante Canonizationem iudicium de eorum bonitate, & sic dubium in meliorem partem fuisse explicatum. Quocirca, in praxi si aliquod dubium occurrat, resolutio petenda videtur a reliquo cursu vitæ, & ab aliis a Dei Servo gestis. Utque res fiat clarior exemplo; ponamus, ab aliquo Dei Servo verba fuisse prolata, de quibus dubitari possit, an ad jactantiam debeant referri. In hoc rerum eventu (uti etiam supra dictum est) videndum erit, an ex reliquis actibus desumatur,

matur, cum habuisse virtutem humilitatis in gradu heroico. Quod si ex aliis actibus id constat, dubii interpretatio stabit pro actus bonitate. In quodam suffragio jam typis edito, & prolato in causa cuiusdam Dei Servici argumentatus est Pater Miroballus Clericus Regularis Theatinorum sacre Congregationis Consultor: *Huiusmodi actiones ex se indifferentes sunt, solique corrumpi ac infici possunt ex fine, quatenus non sint facta ad Dei gloriam, sed ad propriam. Hinc, cum duos fines potueris Servus Dei habere in his actionibus, unum bonum, scilicet ut manifestentur opera Dei in ipso; & alterum malum, scilicet propriam excellentiam supra omne id quod dicitur Deus; considerandum erit, qualem intentionem qualemque ex his finem habueris. Certe, Servum Dei habuisse pravam intentionem pravamque finem, nec presumitur nec probatur. Immo presumitur & probatur aperte, ipsum intendisse tamquam finem, maiorem Dei gloriam. Nam, cum in reliquis actionibus per totum vite cursum huiusmodi finem habueris, presumitur etiam, illum eundem finem in his actionibus habuisse. Simili modo in eadem causa suum protulit suffragium Pater Ildefonsus Mier Benedictinus ejusdem sacre Congregationis Consultor: *Laus propria secundum Theologos est actio indifferens, cujus malitia, seu honestas ex fine pensatur. Unde, cum Servus Dei sit in possessione profundissima humilitatis concludenter in summatio probata, rogarem oculatissimum Promotorem, quare eam casu, quo adfit, adscribat vanitati? Hec, & similia in Servo Dei ad maiorem Dei gloriam, & utile animarum debemus referre, aliter temerarie judicabimus. Cohærenter ad hæc multum proderit animadvertere, utrum in Dei Servo, de quo dubitatur, an aliquo vitio fuerit irretitus, adfuerint ea, quæ vitium illud solent comitari. Exempli gratia, filie inanis gloriæ sunt inobedientia, jactantia, hypocrisis, contentio, pertinacia, discordia, & novitatum præsumptio, juxta D. Thomam 2. 2. quæst. 132. art. 5. Si enim hæc in Dei Servo defuerint, & opposita in eo inventa sint, valebit interpretatio, quæ excludat vitium inanis gloriæ. Facit ad rem id, quod legitur de S. Francisco de Assisio apud Pisenum in lib. Confermitatum & apud Waddingum in annal. Minor. ad an. 1212. num. 7. ubi hæc habentur: *Turmatim omnes ad eum (scilicet ad S. Franciscum) confluebant, quidam vestimenta tangebant, alii etiam pedum vestigia venerabantur; & qui ipsum astrectare, vel manus aut pedes ejus osculari poterant, felicissimos se reputabant, omnemque sibi possibilem honorem exhibebant. Unde factum est, ut Socius admiraretur valde, sed inde validius, quod vir sanctus honorificantes non repellebat. Simplici proinde audacia admonere voluit, fugiendos hominum honores, dicens: Pater, non animadvertis quæ circa te sunt? Non attendis ad istos applausus humanos? Tantum adest, ut hos pro Christiana humilitate repellas, ut potius ex affectu humano videaris in eisdem complacere. Quenam hæc, Pater, complacencia tam aliena a Dei Servis? Cui vir sanctus majorem admirationem incussit hac sua responsione: Licet plurimus tibi videatur mihi honor impensus; attamen scias me reputare hos parum, aut nihil mihi exhibere illius honoris, quem deberent impendere. Ad hos sermones infirmi Socii patre moxi sunt pedes &c.; Cujus ut subveniret infirmitati humilis Pater subjunxit: *Vide,****

Vide, Frater, & intellige: omnem hanc reverentiam ad Deum remitto, nihil illius mihi tribuo, nec approprio; sed me ipsum conservo, & confirmo magis in facie mea humilitatis & vilitatis. Veluti lapidea statua, aut lignea effigies quibus debitus offertur cultus, nec tamen hinc extolluntur, aut tument, sed sub eadem permanentes materia, omnem honorem transmittunt ad suos prototypos, propter quos adorantur. Nemo quippe est qui non videat, rationabile dubium de bonitate, vel malitia actus in hominum mentes irrepere potuisse, sed pro bonitate latum fuisse, & ferri debuisse iudicium, considerato reliquo vitæ cursu S. Francisci, habitaque ratione tot illustrium exemplorum ab eo editorum heroicæ humilitatis, necnon exclusionis ceterorum vitiorum, quæ superbiam comitari solent.

20 Major itaque difficultas reduci potest ad quasdam res singulares & insolitas, quæ aliquando occurrunt in examine causarum Servorum Dei. Suspectus est ille impulsus, quo quis movetur ad actiones insolitas & inusitatas. Divina quippe providentia, quæ viam communem instituit pro omnium salute, quos servare decrevit, ducit omnes ut plurimum per iter planum, rectum, & usitatum. Sed, cum ex sacris Litteris constet, Spiritum Dei movere nonnunquam ad huiusmodi res mirabiles, quæ communem operandi modum excedunt, non statim talis instinctus damnandus est. Cardinalis Bona *de discr. spirit. cap. 7. num. 6.* id confirmat exemplo Abrahamæ, cui Deus præcepit, ut filium immolaret; exemplo Isaiæ, cui mandavit, ut nudus per vicus & plateas civitatis ambularet; exemplo Eliæ, cui inspiravit, ut ignem ex celo peteret, quo quinquaginta viri consumpti sunt; exemplo Danielis & Simeonis, quos incitavit ad vitam in columna degendam. Addi possunt exempla sanctarum seminarum, quas sexum occultasse legimus, Athanasiam, Apollinariam, Marinam, Fochinam, Euphrosinam, Theodoram, Margaritam, de quibus apud Cardinalem Federicum Borromæum *lib. 3. de vera & occulta sanctitate cap. 12.* Cum de martyrio ageremus, diximus, nonnullos Martyres instinctu Divino pro Fide tuenda se in rogam ardentem injecisse; & in eodem capite res periculo plenas narravimus demandatas nonnullis Monachis a suis Abbatibus & Superioribus a Divino Spiritu sic incitatis. Alia plura facile cumulari possent, de quibus sermonem habet S. Franciscus de Sales *in tract. de amore Dei part. 2. tom. 3. cap. 12.* Sed hic satis erit indicasse, cognosci posse, talem impulsum ad opera mirabilia & non consueta esse a Deo ex iis, quæ sequuntur, & quæ ex eodem Cardinali Bona *loc. cit.* sumuntur. Primum est, si ex reliquo vitæ cursu conitet, Dei Servum excellenti prorsus sanctitate fuisse illustrem; item, si ex eodem vitæ cursu habeatur, omnia adversa, quæ sibi contigerunt, patientissime tolerasse; item, si ex conjecturis & externis circumstantiis hauriri possit, impulsus fuisse adeo vehementem & efficacem, ut cor & mentem valide traxerit & rapuerit; cuius rei luculentum extat exemplum in conversione Apostoli Pauli: denique, si pacem & tranquillitatem post actionem insolitam, & inusitam Dei Servus

vus habuerit. Proderit præterea, si aliquid supra naturæ vires contigerit, & insolitæ actioni fuerit superadditum: unde Suarez *loci allato* argumentatus est, præceptum S. Benedicti injunctum S. Mauro, ut accederet ad præstandam opem S. Placido, qui in flumen lapsus submersioni periculo erat expositus, ab impulsu Divino profectum fuisse; quandoquidem S. Maurus non modo Placidum a morte liberavit, sed miro prorps modo per aquas, tanquam per terram, ambulavit. In *chronicis Ordinis Seraphici* collectis ex S. Bonaventura, & aliis Auctoribus probatissimis per Patrem Damianum Cornejum *part. 1. vita S. Francisci lib. 5. cap. 20.* narratur, Sanctum Patriarcham Franciscum in civitate Assisensi ultima infirmitate detentum dictasse epistolam, quam transmitti volebat ad nobilem matronam Jacobam Settesoli tunc temporis Romæ degentem, in qua eam rogabat, ut ante ultimam hebdomadæ diem Assisium peteret, si ipsum adhuc vivum videre cupiebat, & nonnulla pro sua sepultura necessaria secum deferret; Sanctum deinde a dictanda epistola repente cessasse, & asseruisse, matronam non longe a Conventu suo distare, & secum, quæ requirebantur, deferre: cumque rem probasset eventus (matrona enim statim advenit, & necessaria secum detulit) ipsam, nulla habita ratione Clausuræ, in Conventum admissam, suisque pedibus provolutam, editis grati animi & lætitiæ signis, Franciscum consolatum esse. Porro, si quis totam rei gestæ seriem perpendat, nonnulla insolita absque dubio reprehendet, sed, cum & vicinum matronæ adventum Sanctus superno lumine cognoverit, & matrona simili modo vicinæ mortis S. Francisci admonita sit, quidquid insolitum & inusitatum excogitari potest, non uti suspectum habendum erit, sed ad Spiritum & impulsu Dei tuto poterit referri. Nonnulla hic addenda essent de iis, quæ a Deo præcipi possunt, etiamsi præceptis Decalogi, & legi naturæ adversentur. Mandavit Deus Prophætæ Osee *cap. 1. v. 2. : Vade, sume tibi uxorem fornicationum, & fac tibi filios fornicationum, quia fornicans fornicabitur terra a Domino.* S. Thomas *1. 2. quest. 100. art. 8. ad tertium* docet, Osee accedentem ad uxorem fornicariam, vel mulierem adulteram, non esse moechatum, aut fornicatum, cum accesserit ad eam, quæ sua erat, juxta mandatum Dei, qui est auctor institutionis matrimonii; & *2. 2. quest. 154. art. 2. ad secundum* ait, sicut Abraham non peccavit, cum veller filium occidere, quia obedivit Deo, ita nec Osee peccavisse, fornicando ex præcepto Divino; neque talem concubitum fornicationem proprie dici debere, licet fornicationis nomen sumpserit. Alii Interpretes sacræ Scripturæ mandatum Dei ita explicant, ut Osee fuerit imperatum, ut in uxorem acciperet mulierem, quæ ante nuptias corpus vulgasset, ita ut matrimonio copulata a turpibus deinde abstinere, cujus propterea filii essent legitimi, quamvis propter pristinam matris prostitutionem prostitutionis filii deinde fuerint nuncupati. In scholis nonnulli ex Theologis docent, Deum posse cujuslibet præcepti gratiam facere, & (ut ipsi loquuntur) Deum in omni præcepto Decalogi, & legis naturæ posse dispensare: alii docent, posse dis-

pensare in præceptis secundæ tabulæ, non vero primæ, in his videlicet, quæ tangunt Proximum; non vero in iis, quæ tangunt Deum: alii demum docent, Deum posse dispensare in præceptis affirmativis secundæ tabulæ, non vero in negativis. Sed, utcumque sit de his, quæ ad Scholasticas disputationes libenter amandamus, in eo quod attinet ad rem nostram, quæstio reduci potest ad res insolitas, & a communi usu remotas, quæ aliquando occurrunt in examine virtutum Servorum Dei; & quoad eas sufficere posse videntur regulæ supra allatæ, quæ etiam aliorum auctoritate confirmari possunt. Reliquum etenim vitæ cursum sanctitate illustrem, & præsertim virtute humilitatis præclarum, pro re de qua nunc agitur, ponderat Castellinus *de inquisit. mirac. in Canonizat. Martyrum* pag. 34. & prosequitur S. Franciscus de Sales *loc. cit. cap. 13.* Vehementiam & efficaciam impulsus acute explicat Ven. Dei Servus Ludovicus a Ponte in suo opere, cui titulus, *Guida spirituale*, part. 1. tract. 1. cap. 23. §. 5. De pace denique & tranquillitate, quæ post actionem insolitam & inusitatam in Servo Dei remaneat, loquitur S. Gertrudes *Insinuat. Divin. pietat. lib. 4. cap. 13. pag. 509.* ad medium, remque eandem bene exornat S. Franciscus de Sales *allat. cap. 12.* *‘Uno de’ migliori contrassegni della bontà di tutte le ispirazioni, e particolarmente delle straordinarie, è la pace e tranquillità del cuore, che le riceve, perchè lo Spirito Divino è veramente violento, ma di una violenza dolce, soave, e piacevole.* Quibus addi potest ipsa operis insoliti felicitas, uti prosequitur Cardinalis Borromæus *cit. cap. 12.* ubi post relata exempla Sanctarum, quæ sexum occultaverunt, & periculum, cui aliæ feminæ essent expositæ, si prædictarum exemplum imitari vellent, subjicit: *Cum autem talia fieri Divina Majestas voluit, sicut eadem ita disponere omnia, & preparare absque ullo damno & impedimento, ut facile appareat, opus illud Divinum esse, non humanum.*

CAPUT XLII.

De Gratia gratis data.

C Elebris est apud Theologos Gratiæ divisio, ut alia sit gratum faciens, alia gratis data. Gratia gratum faciens est donum supra naturam gratis a Deo concessum, ad propriam & spirituales uniuscujusque salutem primario & per se relatum, quo quis Deo gratus & acceptus redditur, sive formaliter, ut Scholæ loquuntur, si sit Gratia habitualis sanctificans; sive dispositive ac preparatorie, si sit Gratia actualis. Gratia vero gratis data est ipsa quoque donum supra naturam gratis a Deo concessum, quod non facit per se gratum habentem illud, sed quod principaliter refertur ad aliorum utilitatem. Primus inter Theologos, qui de hac Gratiæ divisione locutus sit, fuit Alexander de Ales in 2. part. *quest. 73.* quem secutus est D. Thomas 1. 2. *quest. 111. art. 1.* *Duplex est Gratia: una quidem, per quam ipse homo Deo conjungitur, quæ vocatur Gratia gratum faciens.*

faciens . Alia vero per quam unus homo cooperatur alteri ad hoc , quod ad Deum reducat . Huiusmodi autem donum vocatur Gratia gratis data , quia supra facultatem naturæ , & supra meritum persone homini conceditur . Sed , quia non datur ad hoc , ut homo ipse per eam iustificetur , sed potius , ut ad iustificationem alterius cooperetur , ideo non vocatur gratum faciens . Idem recte profequitur Viguer in instit. Theolog. tit. de Gratia Divina cap. 9. §. 1.

2 S. Doctor art. 5. quærit , an Gratia gratis data sit dignior , quam Gratia gratum faciens , & quæstioni sic respondet : *Respondeo , dicendum , quod unaquaque virtus tanto excellentior est . quanto ad altius bonum ordinatur . Semper autem finis prior est his , quæ sunt ad finem . Gratia enim gratum faciens ordinat hominem immediate ad conjunctionem ultimi finis . Gratia autem gratis data ordinat hominem ad quadam preparatoria finis ultimi , sicut per prophetiam & miracula , & alia huiusmodi homines inducuntur ad hoc , quod ultimo fini conjungantur : & ideo Gratia gratum faciens est multo excellentior , quam Gratia gratis data .*

3 Gratia gratis datæ enumerantur ab Apostolo in 1. ad Corinth. cap. 12. v. 4. *Divisiones vero Gratiarum sunt idem autem Spiritus ; & divisiones ministrarionum sunt , idem autem Dominus ; & divisiones operationum sunt , idem vero Deus , qui operatur omnia in omnibus .* Unicuique autem datur manifestatio Spiritus ad utilitatem . Alii quidem per Spiritum datur sermo sapientia ; alii autem sermo scientia secundum eundem Spiritum ; alteri Fides in eodem Spiritu ; alii gratia sanctorum in uno Spiritu ; alii operatio virtutum , alii prophetia , alii discernit spirituum , alii quædam linguarum , alii interpretatio sermonum . Et vers. 27. subjicit : *Vos autem estis corpus Christi , & membra de membro .* Deinde numerans ministeria & operationes membrorum Ecclesiæ ait v. 28. : *Et quosdam quidem posuit Deus in Ecclesia ; primum Apostolos , secundo Prophetas , tertio Doctores , deinde viros , exinde gratias curationum , opitulationes , gubernationes , genera linguarum , interpretationes sermonum .*

4 Postrema hæc concordant cum primis , excepto Apostolatu . Ideo quærendum hic esse videtur , cur Apostolatus inter Gratias gratis datas non enumeretur , quod ipsum quæri potest de Sacerdotio , & aliis sacris Ordinibus ; sunt enim hæc omnia a Deo , & dantur in aliorum utilitatem . At respondetur , omnia prædicta esse dona Dei , & conferri ad aliorum utilitatem , sed Gratias gratis datas dici non posse , cum ad essentiam Gratia gratis datæ pertineat , ut sit sensibilis & evidens in suis effectibus . Quocirca Theodoretus ad ea verba Pauli loc. supra cit. v. 7. , *Unicuique datur manifestatio Spiritus ad utilitatem* , ait : *Non dixit gratia , sed manifestatio . Gratia enim datur etiam nunc iis , qui sanctissimo Baptismo digni habentur , sed non evidentur . Tunc autem protinus & variis linguis loquebantur , & miracula faciebant , ac per ista confirmabantur , & doctrina veritatem edocebantur .* Concordat S. Ioannes Chrysostomus hom. 29. in epist. 1. ad Corinth. (pag. 258. tom. 10. oper.) : *Charismata seu dona vocant manifestationem Spiritus . Quia enim Apostoli hoc primum signum acceperunt , Fideles quoque acceperunt linguarum donum ; neque hoc solum , sed & alia plurima . Nam & mortuos multi suscitabant , & Demones pellebant . Materia*

hæc fufe explicatur a Cardinali de Lauræa in 3. lib. sent. tom. 4. diffus. 19. art. 1. & 2. ubi Gratiam gratis datam sic definit: *Est donum Dei supernaturale sine meritis homini datum, non faciens per se gratum habentem illud, principaliter ordinatum ad Ecclesiæ utilitatem, externo aliquo signo manifestativum, quod Spiritus Sanctus operetur per illud.*

5 Gratia gratis datæ communes sunt peccatoribus, & Justis, juxta illud Apostoli 1. ad Corinth. 13. v. 1. : *Si linguis hominum loquar, & Angelorum &c. si habuero prophetiam... si habuero omnem Fidem, ita ut montes transferam, Charitatem autem non habuero, nihil sum: quod ipsum habetur in Evang. Matth. cap. 7. v. 22. Multi dicent mihi in illa die: Domine, Domine, nonne in nomine tuo prophetavimus, & Dæmonia ejecimus, & in nomine tuo virtutes multas fecimus? Et tunc confitebor illis: Quia numquam novi vos; discedite a me, qui operamini iniquitatem.* Quorum omnium ratio est, quia opera spectantia ad Gratias gratis datæ non pertinent per se ad voluntatem, nec illius rectitudinem postulant: cumque idcirco nec ex se pendeant a Gratia gratum faciente, possunt ab illa separari, & a peccatoribus fieri, si Deus velit. Neque enim hoc aut in re ipsa repugnat, aut ullo modo dedecet, quemadmodum recte ratiocinatur Suarez tom. 1. de Gratia, prolegom. 3. cap. 4. num. 10. & prosequitur Viguer loc. supra cit. *Gratia gratis data differt a Gratia gratum faciente, primò quia hæc potest stare cum peccato mortali, & sine Charitate &c. Gratia autem gratum faciens non potest stare cum peccato mortali, aut originali, neque sine Charitate; quia implicat contradictionem, quod aliquis gratus sit, & habeatur odio, quod fit per peccatum mortale.* Ex quibus via aperitur duplici controversiæ, quarum prima est, an in judicio Beatificationis, & Canonizationis habenda sit ratio harum Gratiarum gratis datarum, si inveniatur, aliquem Dei Servum eas a Deo recepisse; altera est, an si deficient, ad ulteriora progrediendum sit in causa Servi Dei, in qua deficient.

6 Initioque ducto a prima controversia, prima facie respondendum esse videretur, Gratiæ gratis datæ nullam habendam esse rationem in causis Servorum Dei, de quorum agitur Beatificatione & Canonizatione; licet ea Servi Dei, dum viverent, præditi fuerint. Judicium quippe Beatificationis & Canonizationis est judicium sanctitatis, innocentie morum, & virtutum heroicarum, cum quibus ex dictis Gratia gratis data nihil habet commune. Quare ad textum Matthæi supra allatum SS. Gregorius & Hieronymus ita prosequuntur; ille quidem moral. 20. cap. 7. *Quis nimirum sententia quid datur intelligi, nisi ut in hominibus charitatis humilitas, non autem debeant virtutum signa venerari? Unde nunc sancta Ecclesia, etiam si qua sunt, Hæreticorum miracula despicit, quia hæc sanctitatis specimen non esse cognoscit. Probatio quippe sanctitatis non est signa facere, sed unumquemque, ut se, diligere, de Deo autem vera, de Proximo vero meliora, quam de semetipso, sentire; nam quia vera virtus in amore est, non autem in ostensione miraculi.* Hieronymus vero ad. 41. tom. 7. *Prophetare, & virtutes facere, & Dæmonia ejicere, interdum non*

ejus

ejus meriti est, qui operatur; sed vel invocatio nominis Christi hac agit. . . ut licet homines despiciant signa facientes, tamen Deum honorent, ad cuius invocationem fiunt tanta miracula.

7 At, hisce minime refragantibus, dicendum est, Gratiarum, quæ gratis dantur, habendam esse rationem in iudicio Beatificationis & Canonizationis, si in eo præter illas constet de virtutibus in gradu heroico, &c. de innocentia vitæ Servi Dei. Comitatus quippe virtutum patet facit, eas non fuisse tantum collatas in utilitatem aliorum, sed in testimonium etiam sanctitatis prædicti Servi Dei, qui illis præditus fuit; & eo magis, cum, licet Gratiæ gratis datæ per se non faciant gratum, per accedens tamen &c. dispositivæ, (ut loqui solemus) id efficere possint, juxta illud ad Romanos 8. v. 28. *Scimus autem, quoniam diligentibus Deum omnia cooperantur in bonum*; & juxta aliud Proverb. 16. v. 4. *Universa propter semetipsum operatus est Dominus*. Communis hæc est Scribentium opinio. Salmanticenses tom. 3. curs. Theolog. in arbore prædicamentali §. 17. num. 164. *Quia negari non potest, virtutes valde disponere & juvare ad collationem prædictarum Gratiarum; & ideo ut plurimum non peccatoribus, sed iustis conferuntur, & in Sanctorum Canonizatione habens secundum locum post virtutes*. Matta de Canoniz. SS. part. 3. cap. 24. num. 5. docet, illarum habendam esse rationem in iudicio Canonizationis: *Quotiescumque plene constat de operibus pietatis, & de virtutibus in gradu heroico, atque innocentia vitæ illius Servi Dei, de quæ talia prædicantur*. Mattheucc. in præf. Theologo-Canon. ad caus. Beatificat. & Canonizat. tit. 6. cap. 6. num. 9. postquam docuit, nullum Gratiarum gratis datarum donum esse aptum ad præbendum testimonium de sanctitate vitæ, & meritis alicujus Dei Servi, ita concludit: *Sed tunc verum signum erit singularis favoris, & Divina dilectionis, datumque intuitu illius vitæ, & adejus sanctitatem evulgandam, si de eo probentur virtutes morales, & Theologica in gradu heroico*. Scacchus de not. & sign. sanctit. sect. 8. cap. 3. pag. 609. de Gratiis gratis datis ait: *Licet non directe, indirecte tamen aliquod sanctitatis argumentum educi possit, si virtutes in gradu heroico adfuerint*. Optime Lezana in Summ. Theolog. sacr. tom. 3. sive tractatu de Fide, Spe, Charitate, Prudentia, Fortitudine, & Gratiis gratis datis, tract. 4. disput. 4. quæst. 1. vers. *Quo tamen pag. 356. docet, de eis disquiri in sacrorum rituum Congregatione, cum agitur de Beatificatione, & Canonizatione Servorum Dei, & sequenti quæst. 2. dub. 3. vers. Nihilominus dico pag. 360. quod conferant ad probandam sanctitatem, & sic ad Canonizationem, si eis præditi fuerint Dei Servi virtutibus heroicis illustres*. Meminit quoque Lezana praxis Apostolicæ Sedis desumptæ ex bullis Canonizationum, & relationibus Rotæ Auditorum; quod ipsum etiam a Nobis infra demonstrabitur, cum singillatim de unaquaque Gratia gratis data sermo instituetur; & id ipsum pariter infra comprobabitur, cum agatur de Prophetia, de Ecclasiis, & Raptibus.

8 De his, quæ hæcenus locuti sumus, non est magna controversia inter Fidei Promotorem, & Postulatores causarum. Licet enim Fidei Promo-

Promotores sæpe in suis animadversionibus (quod etiam a Nobis factum est, dum prædicto munere fungebamur) opposuerint, quærendum esse de virtutibus heroicis, nec ullum statuendum esse momentum in Gratiis gratis datis, respondentibus nihilominus Postulatoribus, prædictas Grantias non solas & sejunctas, sed conjunctas cum virtutibus in gradu heroico illustrandæ profuisse sanctitati, Fidei Promotores non inviti assumpserunt examen Gratarum gratis datarum, & in sacra Congregatione de eis latum judicium est, non quidem per dubium separatim a dubio virtutum, sed sub eodem dubio, nulla quidem vel in dubio, vel in responsione facta mentione Gratarum gratis datarum, sed habita in discussione causæ earum consideratione tanquam signorum manifestantium præsumptionem virtutum in gradu heroico, virtutum, inquam, Theologicalium, & Cardinalium, de quibus in causis Confessorum ex alibi dictis pressum & exactum assumitur examen.

9 Controversia ergo, quæ remanet inter Fidei Promotores, & Postulatores causarum, ad secundum ex propolitis capitibus pertinet, quando videlicet in aliqua causa alicujus Servi Dei deficiunt Gratiæ gratis datæ, an in ea ad ulteriora progrediendum sit. Utque res fiat clarior exemplo, ponamus, Dei Servum fuisse præditum virtutibus heroicis, & aptas non deficere earum probationes: ponamus præterea, nullum in processibus extare vestigium alicujus Gratiæ gratis datæ; nec enim prophetavit, non habuit donum linguarum, non interpretationem sermonum, caruit ecclasiis, & raptibus, uno verbo, nullam habuit Gratiam gratis datam: in hoc rerum statu quæritur, an tutum de ejus virtutibus heroicis terri possit judicium, ita ut, eo absoluto, transitus fieri possit ad discussionem miraculorum post ejus obitum secutorum, quorum approbatione secuta, ad Beatificationem, & subinde ad Canonizationem deveniendum sit; an potius suspendenda sit resolutio dubii virtutum, imposito silentio causæ, nullaque data facultate proponendi sublequens dubium de miraculis post obitum ejus intercessione a Deo patrat; nec enim ex alibi dictis tas est suspendere resolutionem dubii super virtutibus, ut interim de miraculis videatur; sed dubium de virtutibus est resolvendum, antequam miraculorum examen assumatur, quemadmodum videri potest lib. 1. hujus Operis cap. 27.

10 Salmanticenses loc. supra cit. postquam docuerunt, habendam esse post virtutes rationem Gratarum gratis datarum, subjecerunt: *Sed, quia ad beatitudinem consequendam necessarie non sunt, idcirco neque illarum defectus defectum sanctitatis ostendit.* Matthæuccius in opere pariter citato num. 20. ait, Fidei Promotores, præter virtutum heroicitatem, majoris cautelæ causa aliquam Gratiam gratis datam consuevisse requirere. Fateor, me, dum prædictum officium exercerem, memoratam non omisisse animadversionem. Id a me præstitum fuit in causa S. Vincentii de Paulis, providique Postulatores responderunt, Grantias gratis datas non esse necessarias ad statuendum

dum tutum de virtutibus iudicium, nonnullas tamen ex eis in dicto Dei Servo non defuisse. En verba ipsorum: *Quamvis Gratia gratis data non sint necessaria ad probationem heroicitaris virtutum, ideoque non sit necesse, iis datum fuisse Vincentium a Paulo, ut intelligatur, eum heroicitaris gradum attigisse, attamen plura referemus momenta, ex quibus colligere erit, Servum Dei decoratum donis, de quibus hic agitur.* Eodem modo res se habuit in causa B. Alexandri Saulii, in qua Postulatores provinciam assumpserunt demonstrandi, eum fuisse præditum nonnullis Gratiis gratis datis, sed addiderunt, se non admittere earum necessitatem, postquam constitit de virtutibus heroicis: *Verum non acquiescimus (ajebant) quod, si non extarent, deficerent necessaria ad decernendum de virtutibus Servi Dei.* Item in causa S. Camilli de Lellis, cum a me tunc Fidei Promotore dictum fuisset, deficere Gratiis gratis datas, quæ in dubio virtutum secundario requiruntur a sacrorum rituum Congregatione, ab ejus causæ Postulatoribus ita responsum fuit: *Omittimus certare, an in Canonizandis existentia prefatorum donorum, saltem secundario, sit necessaria. De hoc videant illi, in quorum causis promovendis hac forte dona desiderantur. Nos libenter accipimus conditionem, & in sententiam R. P. D. Promotoris descendimus; quia in facto nihil magis certum habemus, quam Venerabilem Camillum non in uno tantum gratiarum genere, ut vult Apostolus, sed in pluribus refulsisse.*

II Ex his autem, quæ hucusque adducta sunt, nemo est qui non videat, propositam quæstionem non posse dici definitam. Si in ea vero meus qualicumque sensus exquireretur, dicerem, tuto pede ad ulteriora procedi posse in causa Servi Dei, hoc est ad discussionem miraculorum post obitum, si in ea adessent legitimæ probationes heroicitaris virtutum, quamvis nullæ adessent probationes alicujus Gratiæ gratis datæ; cum ex alibi dictis virtutes & miracula post obitum sine duo tantum requisita substantialia in iudicio Beatificationis & Canonizationis, quemadmodum colligitur ex cap. *Venerabili*, 52. de testib. & attestat., ubi Honorius III. ita loquitur: *Discretioni vestra mandamus, quatenus testes, quos Abbas, & Monachi Sancti Martini Cisterciensis Ordinis super vita & miraculis pia memoria M. Abbatis monasterii supradicti duxerint producendos, examinare singillatim curetis.* Idem Honorius in bulla Canonizationis S. Wilhelmi Bituricensis Archiepiscopi sic inquit (pag. 50. cod. Canonizat.): *Dedimus in mandatis, ut, cum opera pietatis in vita, & miraculorum signa post mortem ad hoc, ut quis reputetur sanctus in militanti Ecclesia, requirantur, licet ad sanctitatem animæ opera sola sufficiant in Ecclesia triumphanti; diligentissime inquirerent de utroque, & qua invenirent, fideliter redigentes in scripta, ea Nobis transmitterent sub suorum minime sigillorum, quatenus per eorum relationem instructi in negotio ipso securus, Domino inspirante, procedere valeremus.* Per eadem veltigia processit summus Pontifex Gregorius IX. in bulla Canonizationis S. Antonii Patavini pag. 65. cod. Canoniz. in qua sic locutus est: *Licet, ad hoc ut aliquis sanctus sit apud Deum in Ecclesia triumphanti, sola sufficiat finalis perseverantia,*

juxta

juxta illud , Etto fidelis usque ad mortem , & dabo tibi coronam vitæ ; ad hoc tamen ut sanctus habeatur apud homines in Ecclesia militante , duo sunt necessaria , virtus morum , & veritas signorum , merita videlicet & miracula , ut hoc & illa sibi ad invicem contestentur , cum nec merita sine miraculis , nec miracula sine meritis plene sufficiant ad perhibendum inter homines testimonium sanctitatis . Sed cum merita sana procedunt , & clara succedunt miracula , certum præbent indicium sanctitatis , ut nos ad ipsius venerationem inducant , quem Deus ex meritis præcedentibus , & signis subsequentibus exhibet venerandum . Quocirca Auctor Tractatus de Canonizatione Sanctorum ad Cardinalem Montis Regalis cap. 3. in quo agit de examine faciendo per Judices delegatos , post allegatos antiquiores juris Canonici Professores in comment. ad cis. cap. Venerabili , de testib. & attestat. Ancaranum videlicet , Felinum , Bellameram , Imolam , Zabarellam , Butrium , ita concludit : Examen ad duo capita revocari debet , ad vitam , & miracula .

12. Addit Suarez, Gratias gratis datas etiam Justis conferri , licet non omnibus , cum ad communem Ecclesiæ utilitatem necesse non sit , ut Justii omnes minitrent aliis , vel ut per specialem gratiam ad operandam aliorum utilitatem subleventur , quemadmodum videri potest loc. supra cit. num. 8. ubi etiam præclaram affert S. Augustini auctoritatem lib. 8. quæst. 79 sic dicentis : Immo non omnibus Sanctis ista tribuuntur , ne perniciosissimo errore decipiantur infirmi existimantes , in talibus factis majora dona esse . quam in operibus justitia , quibus æterna vita comparatur . Ex quibus proinde bene inferri posse videtur , non esse causæ Servi Dei silentium imponeandum , si in ea desint Gratæ gratis datæ , dummodo non desit probatio virtutum in gradu heroico . Quapropter S. Joannes Chrysostomus homil. 24. in cap. 7. Matthei , postquam dixit , earum largitionem in prædicationis Evangelicæ exordio fuisse necessariam , subjicit pag. 301. tom. 7. : Timeamus itaque , dilecti , & multam instituenda vitæ curam impendamus , neque pusemus minus nos habere , quia signa nunc non facimus . Nihil enim umquam amplius ex signis nobis reddetur , sicut nihil minus , eo quod signa non edamus , si virtutibus omnibus demus operam . Signorum quippe debitores non sumus ; pro bona autem vitæ & operibus Deum habemus debitorem . Idque multo magis , cum in nulla Canonizationis bulla , aut relatione Rotæ Auditorum omittatur narratio virtutum & miraculorum post obitum , in plerasque insertæ sint Gratæ gratis datæ , sed in aliis magnum sit earum silentium : ex quo argui potest , nonnullas fuisse peractas Canonizationes , licet Dei Servi , atque Beati , dum viverent , Gratias gratis datas a Deo non habuerint .



CAPUT XLIII.

De Sermone Sapientia, & de Sermone Scientia, Gratiis gratis datis.

Sermo sapientia differt a sermone scientia, quemadmodum colligitur ex verbis supra recitatis Apolloli 1. ad Corinth. cap. 12. v. 8. : *Alii quidem per Spiritum datur sermo sapientia, alii autem sermo scientia secundum eundem Spiritum.* Quocirca S. Augustinus lib. 12. de Trinit. cap. 14. num. 22. c. l. 923. tom. 8. scribit: *Tamen ubi (Paulus) dicit, Alii quidem per Spiritum datur sermo sapientia, alii sermo scientia secundum eundem Spiritum, hæc utique duo sine dubitatione distinguunt, licet non ibi explicet, quid intersit, & unde possit utrumque dignosci: quod ipsum repetit lib. 13. cap. 19. & lib. 14. cap. 1.*

2 S. Thomas 1. 2. quæst. 111. art. 4. in respons. ad quartum docet, sapientiam & scientiam non censi inter Gratiis gratis datas, qua ratione enumerantur inter dona Spiritus Sancti. prout scilicet mens hominis bene movetur per Spiritum Sanctum ad ea, quæ sunt sapientia & scientia, sed censi inter Gratiis gratis datas, qua ratione significant quamdam abundantiam sapientia & scientia, ut homo possit non solum in se ipso recte sapere de Divinis, sed etiam alios instruere, & contradicentes convincere. Et 2. 2. quæst. 177. art. 1. postquam repetit quod alibi docuerat, Gratiis videlicet gratis datas dari ad utilitatem aliorum, subiicit: *Cognitis autem, quam aliquis a Deo accipit in utilitatem alterius converti non possit, nisi mediante locutione: & quia Spiritus Sanctus non deficit in aliquo, quod pertineat ad Ecclesia utilitatem, etiam providet membris Ecclesia in locutione &c. quod efficaciter loquatur, quod pertinet ad Gratiam sermonis.* Idem prosequitur Viguer loc. supra cit. vers. 1. ubi bene animadvertit, Apostolum supra citatis verbis non comprehendere sapientiam & scientiam, quæ sunt dona Spiritus Sancti: *Non dixit Apostolus, Alii datur sapientia, alii scientia, alii Fides; sed sermo sapientia, sermo scientia & sermo Fidei.* Debet ergo sic Apostolus intelligi: *Alii datur sermo sapientia, hoc est, specialiter movetur, & datur ei facultas utendi dono sapientia, si sit in Gratiis; & si non sit, datur facultas, ut abundet sermone, & persuadere possit per causas altissimas ea qua pertinent ad manifestationem Divinorum.* Alii datur sermo scientia, hoc est movetur, & datur ei facultas manifestandi ea, quæ sunt Dei, per creaturas.

3 Sermo ergo sapientia est externus sermo Divinorum, quo quis sine humano studio & labore ita de mysteriis Divinis disserit, ut appareat, Spiritum Sanctum in eo loqui, & nemo valeat illi contradicere, & per quem increduli convertuntur ad Fidem, credentes in Fide firmantur. Et sermo scientia nihil aliud est, nisi sermo seu locutio de rebus moralibus relatis ad salutem æternam prompte sine humano studio & labore prodiens scripto, aut verbo; ex quo audientes conjiciunt, eum non esse ex humana virtute, sed Divina. Thomas Bozius de signis Ecclesia lib. 6. sign. 20. cap. 3. scribit: *An*

Tom. III.

Q999

vero

vero sermo scientia sit a Spiritu Divino, an ab industria humana, dignoscitur ex efficacia & virtute, qua sit, ut auditores accendantur ad officia maximarum virtutum & Christianarum, non ex elegantia & arte orationis.

4. Desumitur id ex doctrina S. Augustini lib. 14. de Trinit. cap. 1. num. 3. col. 948. tom. cit. ubi, postquam recitavit definitionem sapientiae a Cicerone traditam, ut sit videlicet humanarum & Divinarum rerum scientia, considerans postea, Apostolum distinguere sapientiam a scientia, ait: *Vnum secundum hanc distinctionem, qua dixit Apostolus, Alii datur sermo sapientiae, alii sermo scientiae, ista definitio dividenda est, ut rerum Divinarum scientia propria sapientia nuncupetur, humanarum autem propria scientia nomen obtineat; de qua volum. 13. disputavi.* Et porro progrediens, ut explicet videlicet, quarum rerum humanarum sit scientia, ait: *Non utique quidquid sciri ab homine potest in rebus humanis, ubi plurimum supervacanea vanitatis, & noxia curiositatis est, huic scientia tribuens, sed illud tantummodo, quo Fides saluberrima, qua ad veram beatitudinem ducit, gignitur, nutritur, defenditur, roboratur, qua scientia non pollet Fideles plurimi, quamvis polleant ipsa Fide plurimum. Aliud est enim scire tantummodo, quid homo credere debeat propter adipiscendam vitam beatam qua non nisi aeterna est; aliud autem scire, quemadmodum hoc ipsum & piis opinetur, & contra impios defendatur, quoniam proprio appellare vocabulo Scientiam videtur Apostolus.* Quocirca Scacchus de not. & sign. sanctit. sect. 8. cap. 5. pag. 632. haec habet: *Per sermonem sapientiae in verbis allatis ex Apostolo Cornelius a Lapide intelligit facultatem explicandi mysteria Fidei, Trinitatis videlicet, Incarnationis, Praedestinationis, & alia &c. Per sermonem autem scientiae intelligit facultatem explicandi ea, qua ad mores, & ad agenda pertinent, nimirum ad Phil: sapientiam moralem, & sacram Theologiam practicam. Hac enim ratione scientiam a sapientia distinxit Sanctus Augustinus.*

5. Cetera, quae superius dicta sunt quoad facilitatem loquendi de mysteriis Divinis, & ceteris rebus moralibus, quae ad actionem pertinent, ita ut appareat, Spiritum Sanctum in eo, qui disserit, loqui; cui nemo valet contradicere, per quem increduli convertuntur, & credentes in Fide firman- tur, & peccatores ad bonam frugem reducuntur; desumuntur ex verbis Christi Domini Matth. cap. 10. v. 17.: *Tradent enim vos in Conciliis ... & ad Praefides & ad Reges ducemini propter me Cum autem tradent vos, nolite cogitare, quomodo, aut quid loquamini ... Non enim vos estis, qui loquimini, sed Spiritus: patris vestri, qui loquitur in vobis; & alibi Luc. cap. 21. v. 14.: Ponite ergo in cordibus vestris non praemeditari, quemadmodum responderitis. Ego enim dabo vobis os & sapientiam, cui non poterunt resistere & contradicere omnes adversarii vestri.* Hinc Auctor commentar. in epist. S. Pauli, inter opera S. Hieronymi tom. 11., ad illa verba Apostoli saepe memorata, *Alii per Spiritum datur sermo sapientiae, haec habet col. 930.: Sapientia sermo est, sapienter & apte ac rationabiliter loqui: & posse differere, vel docere quod norit sane. Qui ex dono habet sapientiae, sine suo conatu loquitur & labore: & nemo illi, sicut Beato Stephano, praevalere contraire; ad utilitatem & incredulorum, ut credant; & credentium, ut firmentur.*

6 Sermonem sapientiæ sibi a Domino datum describit Apostolus in 1. ad Corinth. cap. 2. v. 1. & seq. : Ego, cum venissem ad vos, Fratres, veni non in sublimitate sermonis, aut sapientia, annuntians vobis testimonium Christi; non enim iudicavi, me scire aliquid inter vos, nisi Jesum Christum, & hunc crucifixum. Et ego in infirmitate, & timore & tremore multo fui apud vos. Et sermo meus, & prædicatio mea non in persuasibilibus humane sapientiæ verbis, sed in ostensione Spiritus & virtutis, ut Fides vestra non sit in sapientia hominum, sed in virtute Dei. Item in Actis Apostolorum cap. 6. v. 10. legimus, Stephanum electum in Diaconum coepisse tali spiritus vehementia de Christo concionari, ut Rab- bini Cyrenenses, Libertini, Alexandrini, & Asiatici disputantes cum eo non possent resistere sapientiæ, et Spiritui, qui loquebatur. Huc etiam referri potest sublimis illa concio in die Pentecostes habita ex tempore a S. Petro pi- scatore illitterato, de veritate missionis & Divinitatis Christi, desumptis ar- gumentis ex Psalmis & Joële, quos nunquam viderat, tanta verborum afflu- entia & vehementia, ut ad veram Fidem tria hominum millia perduxerit. Theodoretus ad citatum locum Apostoli, *Alii quidem per Spiritum datur ser- mo sapientiæ*, sic loquitur : *Sermonem sapientiæ vocat non eloquentiam, sed veram doctrinam, cujus ipse etiam Divinus Apostolus gratiam acceperat, et Divinus Joan- nes Evangelista, et Divinissimus Petrus Apostolorum summus, et Martyrum pri- mus Beatus Stephanus. Neque enim posuissent homines piscatores, et manu sibi vi- ctum parantes, et litterarum plane ignari et conciones habere, et scribere, et qua dicebant, et scriptis mandabant, vi maxima implere, nisi a Divino Spiritu veram sapientiam accepissent.*

7 Addi possunt pro confirmatione hucusque dictorum, differentię vi- delicet inter sermonem sapientiæ & scientiæ, & eorum qualitates, ea quæ fuisse habentur apud Suarez tom. 1. de Gratia, prolegom. 3. cap. 5. num. 1. & seqq. & apud Cardinalem de Lauræa in 3. lib. sent. tom. 4. disput. 19. art. 4. & 5. ubi etiam animadvertunt, has Gratias gratis datas sermonis sapien- tiæ, & sermonis scientiæ non conferri per habitus, sed per actualem Spi- ritus Sancti motionem. Verum, ut nonnulla pro re, de qua nunc agitur, ex Actis Canonizationis exempla promantur, de S. Vincentio Ferrerio in bulla Canonizationis pag. 177. cod. Canoniz. hæc scripta sunt : *Tantus in eo Gratia fulgor apparuit, tanta Spiritus Sancti abundantia in eo fuit, tot de ore præ- dicantis speciosissima veritatis pondera procedebant, ut ingentis multitudinis Ju- daeos, in Lege etiam peritissimos, qui Christum pertinaciter venisse negabant, ad Fidem Catholicam converteres; & efficacissimos multos ex eis Prædicatores adven- sus Christi, Passionis, ac Resurrectionis, & pro Christi nomine mori paratos fecit. Tanta in ipso viro Divino fuit auctoritas dicendi, tantaque gravitas, ut terrenis rebus luxurique deditos homines adeo Iudicii futuri timore concuteres, ut terrena despicerent, & amarent caelestia, ac levitates & luxus omnium in Dei provocaret affectum. In bulla Canonizationis S. Ludovici Bertrandi (pag. 435. cod. Co- noniz.) : *Rapiebat audientium mentes; neque enim hominis, sed Angeli spiritum verba ejus reddebant &c. Sub Monte Sancta Martha Indorum acclorum circiter**

quin-

quindecim millia suis predicationibus ad Fidem conversa baptizavit &c. In Insula Sancti Thoma, dum furentes Pagani, arreptis lapidibus, viro sancto necem intentant, montus ut fugeres, constantissime rennis, solaque Divini verbi efficacit ducentos ex aggressoribus iugo Christi subiecit. Gaufridus Monachus in vita S. Bernardi Ab. lib. 3. cap. 3. n. 7. col. 1135. vol. 2. hæc de ejus sermone profert: *Quam vero placabilem, & persuasibilem, quamque eruditam linguam dederit ei Deus, ut scires quem, & quando deberet proferre sermonem, quibus videlicet consolatio, vel obsecratio, quibus exhortatio congrueret, vel increpatio, nosse poterunt aliquatenus, qui ipsius legerint scripta, etsi longe minus ab eis, qui verba ejus sapienter audierunt. Siquidem diffusa erat Gratia in labiis ejus, & igitum eloquium ejus vehementer, ut non posset ne ipsius quidem stylus, licet eximius, totam illam dulcedinem, totum retinere fervorem. Mel & lac sub lingua ejus, nihilominus in ore ejus ignea lex, juxta illud Cantici Canticorum, Sicut vitæ cocci-nea labia tua, & eloquium tuum dulce: De his Gratiis gratis datis Rotæ Auditores in relatione causæ Ven. Servi Dei Nicolai Factor tis. de donis & gratiis, ita locuti sunt: Sermo sapientia illi concessus dignoscitur in eo, quod sine humano studio, Divina operante Gratia, vi orationis res Divinas & sempiternas, quæ sunt supra omnem captionem, ad aliorum utilitatem doctissime & eruditissime explicabat. Sermo scientia ex eo deprehenditur, quod omnes ad se venientes optimis instruebat consiliis, ignorantes illuminabat, & plura documenta serviendi Deo præbebat, ac suis verbis & concionibus mores hominum componebat. Hoc ipsum argumentum latius prosecuti sunt in alia relatione causæ B. Juliani a S. Augustino cap. 12. Querit S. Thomas 2. 2. quæst. 177. art. 2. an Gratia sermonis sapientiæ & scientiæ pertineat etiam ad mulieres; & respondet, pertinere ad unum privatim, vel paucos familiariter alloquendos, non autem ad totam Ecclesiam alloquendam; ita ut, si mulieres Gratiam sapientiæ, aut scientiæ habeant, eam administrare valeant secundum privatam doctrinam, non autem secundum publicam. Juxta Dei ordinationem conditio sexus feminei est, ut sit subditus viro, atque mulieres in ecclesiis taceant, uti habetur Genes. 3., & 1. ad Corinth. 14. Quare 1. ad Timotheum 2. v. 11. legitur: *Mulier in silentio discat cum omni subjectione: docere autem mulieri non permitto.* Ex quibus bene inferitur, Gratiam sermonis sapientiæ & scientiæ non convenire mulieribus ad utendum ea publice, totamque Fidelium multitudinem de rebus Fidei & salutis alloquendam. Mater Salomonis, ut est Proverb. 4. & ult. Salomonem puerum docuit. Similia habentur de Anna matre Samuelis 1. Regum 2., de Abigail 1. Regum 25., de muliere Thecuitide 2. Regum 14., Judith & Esther, atque aliæ quedam mulieres non vulgarem habuerunt Gratiam sermonis. Tribus sermonem compositum in ore meo in conspectu Leonis, oratio est Esther cap. 14. v. 13. Ex quibus omnibus deducitur, Gratiam sermonis sapientiæ & scientiæ pertinere ad mulieres, ut familiariter alloquendo, unum vel plures erudiant: atque ita Gratiis gratis datis sermonis sapientiæ & scientiæ S. Tereciam a Deo fuisse illustratam, late demonstrant iidem Rotæ Auditores in relatione causæ ipsius*

ipſius ſuper virtutibus art. 22. §. 2. De ſermone ſapientię & ſcientię multa ordine collecta legi poſſunt apud Thomam Bozium de ſignis Eccleſię c. 6. lib. 6. ſign. 20. & ſign. 21. ubi innumera aſſert harum Gratiarum gratis datarum exempla ; & num. 12. ſic ſcribit : *Sed , ut aliquid aliud ſpectatim dicamus hic , e quo ſit illuſtriſſimum , ſcientia ſermonem fuiſſe efficaciſſimum , producamus in medium exempla aliquorum , ac facti ſunt tres ex diverſis provinciis , & quorum fuere Inſtituta diverſa . Franciſcus Aſſiſias Italus , Franciſcus Xaverius Hiſpanus , Bonifacius Archiepiſcopus Moguntinus Anglus ; primus Diaconus , ſecundus Sacerdos , tertius Epicoſopus . Cujuſlibet iſtorum , quaſo , legantur Acta , & videbimus ab eo innumera hominum millia a ſediſſimis vitiis , a luxu , & vita perdiſſima revocatos ad vitam ſanctiſſimam , ad Chriſtiana Legis puritatem , innocentiamque admirandam , non in perſuaſibilibus humana ſapientia verbis , ſed in efficaci , quamvis non eleganti , ſermone ſcientia celeſtis .*

8 Salmanticenſes tom. 3. curſ. Theolog. in arbore predicamentali §. 17. ad Gratiam gratis datam ſermonis ſapientię , & ſermonis ſcientię referunt , & quidem merito , ſcientiam inſuſam , ut ex eorum verbis num. 166. plane colligitur : *Ad hanc etiam Gratiam ſpectare videtur , cum Deus aliquibus ſcientiam ſive naturalem , ſive ſupernaturalem , diſtinctam tamen a donis Spiritus Sancti , ad erudiendos alios infundit ; quia talis ſcientia non eſt per ſe connexa cum Gratia gratum faciente , & ſic referenda eſt ad Gratiā gratis datā .* In libro 2. hujus Operis cap. 25. num. 8. & ſeqq. multa dicta ſunt de ſcientia inſuſa , & de Sanctis , qui eam habuerunt . Ceterum ex illa efficax argumentum pro ſanctitate probanda ſumi non poteſt , ſed tamen ejus habetur ratio in judicio Beatificationis & Canonizationis , ſi probatio non deſit virtutum in gradu heroico . Abſtinendo autem ab inutili repetitione eorum , quę loc. cit. dicta ſunt , nonnulla hic ſuperadduntur . Theologi , ſcientiam inſuſam duplicem eſſe , dicunt , aliam per ſe inſuſam , aliam inſuſam ſolum per acciſens . Per ſe inſuſa ea eſt , quę virtute naturali acquiri non poteſt a creatura , ſed a ſolo Deo in creatura imprimi & cauſari debet ; & hæc abſolute & ſimpliciter dicitur ordinis Divini , & naturam excedit . Scientia vero inſuſa per acciſens illa eſt , quę viribus humani ingenii acquiri poteſt , ſed re ipſa non acquiritur ; & hæc aliquo modo ſupra naturam eſſe dicitur ex parte principii , & modi , quo cauſatur . Thomas a Jeſu oper. tom. 2. lib. 6. cap. 3. ait ; ſcientiam per ſe inſuſam poſſe a Deo hominibus in hac vita communicari ; & communicatam fuiſſe Beatiffimę Virgini probabiliter exiſtimat , licet non per modum habitus ; & probabile quoque putat , fuiſſe aliquando ſanctiſſimis viris conceſſam per modum actus . Scientia itaque inſuſa ea eſt , quę non per proprium laborem ac ingenium acquiritur , ſed ſola imploratione Divini auxilii infunditur in hominem , qui antea nihil ſciebat ; quemadmodum docet S. Thomas 1. 2. queſt. 113. art. 10. ad tertium , ubi addit , inſuſionem hanc ſcientię eſſe miraculo adſcribendam ; Dicendum , quod ſapientiam & ſcientiam homo natus eſt acquirere a Deo per proprium ingenium & ſtudium ; & ideo , quando , præter hunc modum homo ſapiens

piens vel sciens efficitur, est miraculosum. Hoc explicat S. Antoninus in Summa Theolog. tom. 3. tit. 5. cap. 1. §. 1. exemplo sumpto a sanitate corporum ægotantium, & animarum, quæ in peccata lapsæ sunt. En ejus verba: Sicut enim Deus secundum communionem legem corpora sanat, mediantibus naturalibus medicinis, & consiliis Medicorum, & animas peccatis languidas curat, mediantibus medicinis spiritualibus Sacramentorum, & Sacerdotibus ea conferentibus; ideo ista debes procurari sibi, qui vult sanari, quamvis aliquando præter communem legem Deus sanat aliquos in corpore sine medicinis miraculose, & in anima sine Sacramentis: Ita secundum cursum solitum, docet hominem scientiam Deus, mediantibus Magistris, & laboribus, & exercitiis discipulorum his vacantium, quamvis Apostolos docuerit omnem veritatem seu omnem scientiam sine humana industria; unde Hieronymus dicit: Quod illis, scilicet Apostolis, suggerebat Spiritus Sanctus, hoc aliis confert quotidiana in Lege Domini meditatio. Quemadmodum enim potest homo ministerio sensuum, phantasie, & intellectus agentis producere in se species objectorum omnium, quæ cognoscere voluerit, multo melius id poterit Deus facere sine operatione phantasie & sensuum. Quocirca lib. 3. Regum cap. 3. v. 11. ita Deus Salomonem allocutus est: Postulasti tibi sapientiam ad discernendum judicium; ecce feci tibi secundum sermones tuos, & dedi tibi cor sapiens & intelligens, in tantum, ut nullus ante te similis tui fuerit, nec post te surrecturus sit.

9 Porro, licet Dæmon infundere non possit in humanam mentem novas rerum species, vel habitus scientiarum, intellectum tamen humanum reddere valet subtiliorem & meliorem quoad functiones ingenii & judicii per commodiores organi dispositiones, ita ut extet scientiæ, seu artis nullo præcedenti studio acquisitæ, sed tempore brevissimo receptæ opera Dæmonis exemplum. Itaque in *vita Sancti Norberti*, apud Surium cap. 20. atque in *magna Chronico Belgico Francosurti* edito inter Scriptores Germanicos Pistorii tom. 3. pag. 149. ita scribitur: *Apud Nivigellam puella per annum venata adducitur coram Norberto, & ipse super eam Evangelia multiplicat. Dæmon vero Cantica Canticorum a principio usque ad finem per os puellæ recitat, & post a verbo ad verbum interpretatur Romana lingua, & deinde in Teutonica totum exprimit. Alia cumulantur apud Majolum in diebus canicularibus tom. 1. ubi agit de Sagis pag. 596., & apud Scacchum de not. & sign. sanctis. scilicet. 8. cap. 5. ubi narrat, Venetiis quemdam Scotum fuisse, qui, Dæmone adjuvante, publice conclusiones ex omnibus scientiis summo cum audientium omnium stupore defendebat, & similia Barcinone contigisse in puella quindecim annos nata: quibus de rebus Martinus del Rio lib. 2. disquisit. magic. quasi. 24. pag. 108. ita scribit: *Potes forte, an ergo queat Dæmon artes, atque scientias aliquas docere? Nihil dubitandum, posse, si velit, & finatur a Deo, per locutionem nempe & manifestationem sui conceptus, non tantum si in forma visibili appareat & homini loquatur, quod non negat Dicitur Thomas, sed etiam interna locutione & suggestionem intellectu illustrato; non enim video, cur hæc illuminatio, quæ in malum finem tendit, Dæmoni sit adimenda, cum hæc cognitio non referatur in Deum,**

Deum, nec cum ulla mentis vera fiat purgatione: quare, utrum dicenda sit illuminatio, an illusio, an quo alio indigitanda nomine, ut, verbi gratia, nuda veritatis manifestatio, sane questio de nomine futura est. Hinc fit, ut, nedum opportunum, sed quodammodo necessarium sit, notas explicare, quibus dignosci potest, utrum qui scientiam aliquam sine labore & humana industria acquisivit, acquirerit auxilio Dei, an ope Dæmonis.

10 Ex moribus itaque & vitæ instituto ejus, qui scientia potitur, primò dignosci potest, a quo spiritu illa peritia & cognitio profecta sit: secundò ex qualitate ipsius habitus; si enim scientiæ ad Dei cultum, Fidei Christianæ amplificationem, aut Proximorum utilitatem directe non sint, suspicari licebit, earum habitus a Dæmone generatos: tertio ex earum usu; si enim dirigantur ad Dei contumeliam, Proximorum damnum, temporale lucrum, auram populorum, gratiam Principum, omnia ad Diabolum, tamquam auctorem, erunt referenda: ultimò demum, si qui scientiam profiteretur, non tam prorsus in sua habeat potestatem, sed statim solum diebus, vel horis, præmissisque certis caeremoniis & ritibus superstitiosis; & etiam, si extra tempus, quo loquitur de aliqua scientia, ut alios doceat, nequaquam recordatur eorum, quæ dixerat, aut docuerat. Hæc nequitia signa sunt: *Atque hæc nota sunt præcipue* (verba sunt Scacchi loc. cit. pag. 639.) *ex quibus colligi queat, an aliquis habitus scientiarum infusus a Deo sit, an a Dæmone provenierint.* Nec mirum, cum teste Tertulliano in *apolog. cap. 22.* operatio Dæmonum sit hominis eversio, & teste S. Petro Chrysologo *serm. 11.* Diabolus sit mali auctor, nequitia origo, rerum hostis, *secundi hominis semper inimicus.*

11 Diximus in superioribus, opportunum esse, & quodammodo necessarium modo indicatas subijcere notas; id enim materiæ integritas postulare videbatur. Non autem diximus absolute necessarium, cum moraliter impossibilis sit casus, quo in sacrorum rituum Congregatione de prædictis notis agendum sit. De Gratiis siquidem gratis datis tractatur, cum dubium proponitur de virtutibus heroicis, nec earum disputationi locus esse potest, nisi fama sanctitatis legitime probata præcesserit, cum qua stare nequit, ut scientia Servi Dei fuerit ope Dæmonis acquisita. In eadem sacrorum rituum Congregatione controversia de scientia infusa ad sequentia capita reducitur, an videlicet de eximia constet scientia; an ars humana pro ea edificanda præcesserit; demum, an ejus habenda sit ratio in iudicio Beatificationis & Canonizationis, uti supra dictum est.

12 In citato libro 2. hujus Operis *cap. 25. n. 9.* mentio facta est nonnullorum Sanctorum, Bernardi videlicet, Ludovici Tolosani, Thomæ Aquinatis, Bonaventuræ, Thomæ de Villanova, & Sanctarum Catharinæ Senensis, Teresæ, & Rosæ de Lima, qui omnes scientia infusa a Deo donati sunt. Nunc alia ex Actis præteritarum Canonizationum superaddenda sunt. In bulla Canonizationis S. Didaci *pag. 235. cod. Canoniz.* hæc habentur: *In ea igitur Schola* (videlicet Spiritus Sancti) *divinitus eruditus vir, alioqui plane rudis,*

rudis, & litterarum minime sciens, admirandum in modum de rebus Divinis loquebatur, sensusque mirificos proferebat, ita ut viri eruditissimi, qui in sacra Theologia studiis aetatem contriverant, summopere obstupescerent: illudque memoria traditum est, & gravi testimonio comprobatur, doctos & pios viros, cum abstrusas & perdifficiles quaestiones ad res Divinas, animarumque salutem pertinentes cum eo familiariter communicarent, id ab homine litterarum experie cunctate didicisse, quod in celeberrimis Academiis a magnis Doct.ribus addiscere nequiv-
rant. In causa Canonizationis S. Ignatii de scientia infusa actum est, quem-
admodum colligitur ex relatione Rotæ Auditorum tit. de temperantia, ubi
ita scripserunt: Magna rerum spiritualium cognitio, quam habuit in faciendis
suis Exercitiis spiritualibus &c. ex lectione dictorum Exercitiorum satis apparet.
Et, cum dicta Exercitia sint pietate & sanctitate plena, & ad spirituales profec-
tum utilia & salubria, ut ex sententia Inquisitoris Vicarii Urbis, & sacri pala-
tii Magistri attestatur Julius III. in suis litteris Apostolicis confirmationis dictorum
Exercitiorum, factaque fuerint eo tempore, quo dictus Beatus Pater erat idiota
& litterarum expertus, utique cogimur sateri, dictam cognitionem & lumen si per-
naturaliter infusa potius, quam acquisita fuisse: posthabitis nimium severis
animadversionibus, quibus nonnulli suadere conati sunt, S. Ignatium libri
Exercitiorum auctorem non fuisse; quæ de re Bollandiani tom. 7. Julii die 31.
§. 6. pag. 419. num. 55. sapienter scripserunt: In parvo illo quidem, sed ner-
oso Exercitiorum spiritualium elogio, quod in h.ris sanctis canonicis, postquam esset
dictum de iis, quæ Sancto Manresa patefecerat Dominus, mox ita recitat Eccle-
sia: Quo tempore homo litterarum plane rudis admirabilem illum composuit Exer-
citiorum librum, Sed: Apostolica iudicio, & omnium utilitate comprobatum: ex
illo, inquam, elogio constitue, quid ex communi Ecclesia sensu sit sendum circa
tria ista quæstia, nimirum a Sancto Ignatio Manresa degente anno 1522. librum
istum fuisse compositum. De prædicto libro Exercitiorum spiritualium S. I-
gnatii fule agit Suarez tom. 4. de religione lib. 9. cap. 5. ubi narrat, S. Franci-
scum Borgiam, singularem S. Ignatii discipulum, & illustre sanctitatis ex-
emplum, non Julio III. uti forte per errorem Amanuensis dictum est in ci-
tata relatione Auditorum Rotæ, sed Paulo III. supplicasse, ut eum exa-
minari curaret; postea, commissio examine Cardinali Burgenfi, & Episco-
po Salutii suo Vicario Generali, & Ægidio Foscarario sacri palatii Magi-
stro, iisdemque referentibus, librum esse pietate ac sanctitate plenum, &
valde utilem ad ædificationem & spirituales profectum Fidelium, litteris
Apostolicis fuisse approbatum & confirmatum, & Apostolici scripti patro-
cinio communitum. Pendet adhuc in sacrorum rituum Congregatione
causa Canonizationis Beati Juliani a S. Augustino. Exarata fuit a Rotæ Au-
ditoribus ejus relatio, & in cap. 12. narratur, eum fuisse in Religionem re-
ceptum tamquam Fratrem Laicum, & latinum sermonem numquam didi-
cisse, sed idiotam prorsus & litterarum expertem fuisse; tum explicatur,
quomodo factus obviam cuidam peregrino loqui coepit de rebus Divinis,
& hæreses improbare adeo docte & subtiliter, ut Litterati Doctoresque val-
de gra-

de graves melius loqui non possent; & quomodo Theologus disputantibus de quæstionibus Gratiæ, & peccati originalis, ita eas expediverit, ut nullus insignis Cathedriticus respondere aptius posset: atque hinc scite concluditur, de scientia illi infusa non esse dubitandum.

13 Si quis plura quærit, de aliis videlicet Sanctis, qui scientia infusa præditi fuerint, manum admoveere posset ad opus Bagattæ de *admirandis orbis Christiani tom. 1. pag. 170. & 172.*, ubi congesta sunt multa exempla Sanctorum tum virorum, tum mulierum. De S. Catharina Virgine Alexandrina legitur, Maximini jussu accersitos undique fuisse doctissimos homines, & magna eis proposita præmia, si convictam a Christi Fide ad idolorum cultum perduxissent: quod contra accidit; nam plures Philosophi, qui ad eam coarguendam convenerant, vi ac subtilitate ejus disputationis tanto Jesu Christi amore sunt incensi, ut pro illo mori non dubitaverint: cumque Maximinus blanditiis ac promissis eam de sententia deducere frustra conatus fuisset, post varia tormentorum genera securi percussu imperavit. Cardinalis Baronius in *annal. ad an. 307. num. 32.* id refert non modo ad scientiam acquisitam, sed etiam ad scientiam infusam: *Dignum plane est existimare, eam, quam disertissimam sciret, per Gentiles Philosophos, quibus urbs Alexandrina abundare solebat, Maximinum conatum esse a Christiana religione dicellere, ipsamque eos omnes tum scientia, qua egregie imbuta erat, tum etiam divinitus inspirata sibi sapientia superasse.* Scimus, magnam esse controversiam de Actis hujus S. Catharinæ: dicebatur enim martyrium passa sub Maxentio, uti perpendit Galestinus in *Martyrologio, in notat. pag. 186.* & loco Maxentii Maximinum substitutum fuisse, quemadmodum profequitur Cardinalis Baronius in *not. ad Martyrol. Rom., ad diem 25. Novembris.* Scimus, eundem Cardinalem Baronium certamen S. Catharinæ Virginis & Martyris desumpsisse ab Eusebio lib. 8. cap. 27. juxta versionem Christophorionii; at id non placere Papebrochio in *ephemeridibus Græco-Moschis*, quas priori *tomo Maji* præfixit, *ad diem 25. Novembris*, nec Pagi seniori *ad an. 307. num. 16.* Scimus præterea, universam controversiam resumptam fuisse ab eodem Papebrochio in *respons. ad exhibitionem errorum sibi oppositorum a P. Sebastiano a S. Paulo*, in *respons. ad art. 11.* Sed, cum propositum Nobis non sit de hac quæstione judicium ferre, rem exposuimus, prout est exposita in Breviario Romano; ut ex ea videlicet colligatur, posse in Dei Servo scientiam infusam reperiri una cum scientia acquisita, & tunc quidem scientiæ infusæ probationem ex eo desumi posse, quod scientia fines exerceat scientiæ acquisitæ; uno verbo, quod ea præstiterit, quæ per scientiam acquisitam præstari non potuissent.

14 Ars quædam reperitur, quæ *Notoria* dicitur, in qua, præmissis nonnullis orationibus, aliisque, quæ ad pietatem spectare videntur, jactatur, omnes disciplinas liberales illico disci. De hac agit S. Thomas 2. 2. *quest. 96. art. 1.* ubi ostendit, artem prædictam esse illicitam & inefficacem. Inter colloquia Erasmi unum est, cui titulus, *Ars notoria*. De ea autem sic
Tom. III. R r r r loqui-

loquatur (col. 849. oper. tom. 1.) : *Audis, artem esse quamdam notoriam, qua hoc præstet, ut homo minimo negotio perdiscat omnes disciplinas liberales. Quid audis, vidisti codicem? Vidi, sed vidi tantum, quod non esset Doctoris copia. Quid continebat liber? Varias animantium formas, draconum, leonum, leopardorum, varioque circulos, & in his descriptas voces partim græcas, partim latinas, partim hebraicas, aliasque barbaricarum linguarum. Intra quot dies pollicebatur titulus disciplinarum cognitionem? Intra quatuordecim... Nosti ne, quemquam per istam artem notoriam evasisse doctum? Nequaquam; neque quisquam alius vidit unquam, aut visurus est, nisi posteaquam viderimus, aliquem per Alchimisicam evasisse divitem; & in fine: Ego aliam artem notoriam non novi, quam curam, amorem, & assiduitatem: quo Erasmi testimonio recitato, concludit Thiers in tract. de superstitione tom. 1. part. 1. lib. 4. cap. 2. actum esse de arte notoria ex sola experientia, præter ea, quæ ex sacra Theologia adversus eam desumi possunt.*

CAPUT XLIV.

De Gratiis gratis datis, Fidei, sanitatum, & operationis virtutum.

Ides numerata inter Grantias gratis datas ab Apostolo, juxta nonnullos, est certissimus assensus principiis Catholicæ Fidei, qui in Evangelico Doctore est præsumendus. Sententia hæc esse videtur D. Thomæ 1. 2. quæst. 111. art. 4. ubi de Fide, prout est Gratia gratis data, ait: *Oportet enim, quod ille, qui debet alium instruere in aliqua scientia, primo quidem ut principia illius scientia suæ ei certissima; & quantum ad hoc ponitur Fides, qua est certitudo de rebus invisibilibus, qua supponuntur ut principia in Catholica doctrina.* Tum sibi secundo loco opponit, Fidem numerari non posse inter Grantias gratis datas, quandoquidem est Gratia gratum faciens: *Gratia gratis dara distinguitur contra Gratiā gratum facientem; sed Fides pertinet ad Gratiā gratum facientem, quia per ipsam justificamur, secundum illud Rom. 5. Justificati igitur ex Fide; ergo inconvenienter ponitur Fides inter Grantias gratis datas, præsertim cum alia virtutes ibi non ponantur, ut Spes, & Charitas.* Sic autem respondet oppositioni: *Fides non numeratur inter Grantias gratis datas, secundum quod est quædam virtus justificans hominem in se ipso; sed secundum hoc, quod importat quamdam supervenientem certitudinem Fidei, ex qua homo fit idoneus ad instruendum alios de his, qua ad Fidem pertinent. Spes autem & Charitas pertinent ad vim appetitivam, secundum quod per eam homo in Deum ordinatur.*

2 Alii putant, Fidem, prout est Gratia gratis data, esse Fidem miraculorum, de qua idem Apostolus 1. ad Corinth. cap. 13. v. 2. *Si habueris omnem Fidem, ita ut montes transferam: cum enim hæc Fides miraculorum esse non possit Gratia gratum faciens, dicenda erit per consequens Gratia gratis data.* Sententia hæc quoque innititur doctrinæ D. Thomæ 2. 2. quæst. 178.

art. 1.

art. 1. ubi, propofita quæftione, *Utrum fit aliqua Gratia gratis data ad miracula faciendâ; iplaque affirmando refoluta*, hoc fibi quinto loco proponit argumentum: *Operatio miraculorum confequitur Fidem vel facientis, fecundum illud 1. ad Corinth. 13. Si habuero omnem Fidem, ita ut montes transferam, five etiam aliorum, propter quos miracula fiunt; unde dicitur Marthæ 13. Et non fecit ibi virtutes multas propter incredulitatem eorum. Si ergo Fides ponitur Gratia gratis data, fuperfluum eft, præter hoc ponere aliam Gratiam gratis datam, operationem fignorum. Sic autem oppofitioni refpondet: Ad quintum dicendum, quod operatio miraculorum attribuitur Fidei propter duo; primo quidem, quia ordinatur ad Fidei confirmationem; fecundo, quia procedit ex Dei omnipotentia, cui Fides iunxitur: Et tamen, ficut præter Gratiam Fidei neceffaria eft Gratia færmonis ad Fidei inftructionem, ita etiam neceffaria eft operatio miraculorum ad Fidei confirmationem.*

3 Alii per Fidem intelligunt constantiam in Fide. Alii per hanc Fidei Gratiam intelligunt, non fimplicem Fidei affenfum, vel aliquam internam, & (ut loquuntur) intenſivam certitudinem ejus, fed quali extenſivam perfectionem cognitionis Fidei quoad modum concipiendi, perfuadendi, & defendendi doctrinam Fidei non ſolum coram Tyranno Fidem impugnante, fed quoties fe offerat alia quælibet occasio confitendi, vel proponendi Fidem altiori modo ad aliorum potiffimum utilitatem. Alii denique volunt, Fidem, prout eft Gratia gratis data, eſſe explicandam de Fide particularium revelationum, quæ aliquibus ſæpe fiunt ob aliquam communem Eccleſiæ utilitatem: pertinent quippe tales revelationes ad aliquam Fidem, faltem privatam, quæ non poteſt eſſe, niſi Gratia gratis data.

4 Fuſe hæc legi poſſunt apud Suarez tom. 1. de Gratia, prolegom. 3. cap. 5. num. 9. & ſeqq. Cardinalis autem de Lauræa in 3. lib. ſenſ. tom. 4. diſput. 19. art. 6. docet primò, Fidem, prout eft Gratia gratis data, non eſſe habitum ſcientificum, ſeu peritiã, per quam quis poteſt alios Fidem docere; quia vel hæc acquiritur labore & ſtudio, & Gratia gratis data eſſe non poteſt; vel ſine labore & ſtudio acquiritur, & tunc erit quidem Gratia gratis data, non tamen Fidei, ſed ſermonis ſcientiæ, vel ſapientiæ, juxta ea quæ ſuperius dicta ſunt. Docet ſecundò, Fidem, prout eft Gratia gratis data, non eſſe firmum affenſum, qui habetur circa res Fidei; hic enim non reſpicit bonum aliorum, ſed bonum habentis. Docet tertio, Fidem, quæ inter Gratiã gratis datas ab Apoſtolo reponitur, non conſiſtere in peculiariſſimis revelationibus, quas Deus alicui communicat; revelationes ſiquidem iſtæ non ſunt manifeſtatio Spiritus pro aliorum bono, quemadmodum requiritur in Gratia gratis data. Docet quarto, valde probabile eſſe, ut Fides, prout eft Gratia gratis data, ſit fervor & conſtantia illa Fidei, quam Martyres exhibent coram Tyranno, juxta illud Act. 5. v. 41: *Ibant gaudentes a conſpectu Concilii, quoniam digni habiti ſunt pro nomine Jeſu conſummati pæni.* Ex hac etenim conſtantia provenit utilitas Eccleſiæ, cum innumeri, Apoſtolorum & aliorum Martyrum viſa conſtantia, ad Fidem converſi ſint.

ipſique Milites, carcerum Cuſtodes, & Judices exemplo commoti mar-
tyrum pari confeſſionis conſtantia ſubierint. Docet denique quintò, pro-
babilius eſſe, ut Fides Gratia gratis data ſit ea, cujus virtute patrantur
quædam miracula, fiducia videlicet in Deum ad impetrandum, quæ-
que idcirco dicitur patrativa miraculorum. Probat autem Eminentiffi-
mus Auctor aſſertionem auctoritate S. Joannis Chryſoſtomi *homil. 29. in*
cap. 12. epift. 1. ad Corinth. (pag. 263. oper. tom. 10.) ubi ſcribit explicans il-
lud Pauli ſupra citatum : *Fidem non hanc dicens, qua dogmata ſpectat; ſed Fi-*
dem ſignorum, de qua Chriſtus dicit: Si habueritis Fidem; ut granum ſinapis,
dicetis huic monti, tranſi hinc, & tranſibit. Et hanc petebant Apoſtoli dicen-
tes: Adde nobis Fidem. Hæc enim mater ſignorum eſt. Probat etiam auctori-
tate Theodoret in *enimdem locum* ita loquentis : *Fidem hic non hanc dicit com-*
mune, ſed illam, de qua paulo poſt dicit: Erſi habuero omnem Fidem, ita ut
montes transferam. Propter eam enim qua tunc erat Inſidelitatem, mul- a ejus-
modi miracula faciebant ad admirationem, per hæc illos deducentes ad veritatem.
Explicat deinde, quomodo Fides hæc ſit Gratia gratis data, cum ſit mani-
feſtatio Spiritus, & Eccleſiæ afferat utilitatem; multi ſiquidem ad Fidem
ejuſ intuitu converſunt, alique in Fide confirmantur: concluditque,
Gratiam hanc eſſe actuaſem quandam Dei motionem, cum per actuaſe
Dei auxilium, etiam ſecluſo habitu, omnia prædicta poſſint haberi.

5 Juxta hanc explicationem, Gratia Fidei ſere unum & idem eſt cum
Gratia ſanctatum, & operationis virtutum. Suarez *loc. cit. num. 16. ait,*
Gratiam ſanctatum ſolum ſignificare, quod verbi proprietas præſeſt, hoc
eſt curationes mirificas morbis corporis, & operationem virtutum omnia
alia opera mirifica comprehendere, quæ ſupra naturam ſunt, & ſunt vel
circa homines, vel circa alias res ſenſibiles. Eodem ſere modo rem expli-
cant Salmanticenſes in *arbore prædicamentali virtutum* ſ. 17. ſub num. 166.
tom. 3. ubi, loquentes de Gratia miraculorum, hæc habent: Dividitur au-
tem in gratiam ſanctatum, ut cum miracula ſunt ad remedium noſtra corporalis
ſalutis & vitæ: & in operationem virtutum, ut cum ſolum manifeſtant Divinam
omnipotentiam, eaque manifeſtatione Fidem confirmant. Doctrina hæc eſt etiam
D. Thomæ 2. 2. *quaſt. 178. art. 1. ubi, propoſita jam ſupra indicata quæ-*
ſtione, Utrum ſit aliqua Gratia gratis data ad miracula faciendâ, eaque (uti
diximus) affirmando reſoluta, hoc ſibi quarto loco proponit argumentum
Miraculoſa reparatio ſanctatis per Divinam virtutem ſit; ergo non debet diſtingui
Gratia ſanctatum ab operatione virtutum. Oppoſitioni autem ita reſpondet:
Ad quartum dicendum, quod Gratia ſanctatum commemoratur ſecurum, quia per
eam conſertur homini aliquod beneficium, ſcilicet corporalis ſanctatis, præter benefi-
cium commune, quod exhibetur in omnibus miraculis, ut ſcilicet homines adducan-
tur in Dei noſitiam. Fuſe & optime Cardinalis de Lauræa in 3. lib. ſent. tom. 4.
diſpnt. 19. art. 7. & 8. ubi ait, licet aliquando in ſacra Scriptura promiſcue
ſumatur Gratia ſanctatum cum operatione virtutum, juxta illud Aſtor. 19.
v. 11. Virtuteſque non quaſlibet faciebat Deus per manum Pauli; ita ut etiam ſu-
per

per languides deferrentur a corpore ejus sudaria, & semicinctia, & recedebant ab eis languores, & spiritus nequam egrediebantur; Gratiam nihilominus sanitarum proprie esse facultatem, qua quis ante oculos Dei virtute curat morbos corporum; & operationem virtutum esse facultatem, per quam quæ potest evidenter & sensibilibiter operari magna miracula, quæ ad sanationes corporum non pertinent.

6 Atque ex his ad alia transeuntes dicimus, dari in Ecclesia Gratiam miraculorum: Spiritus enim Sanctus Ecclesie suæ providit in his, quæ sunt utilia ad salutem: quocirca, sicuti notitia, quam quis divinitus accepit, in notitiam aliorum perducit per donum linguarum, & per Gratiam sermonis; ita per operationem miraculorum sermonem prolarum confirmat, ut fiat credibilis, juxta illud Marci cap. ult. v. 20.: *Et sermonem confirmante sequentibus signis*. Ita D. Thomas loc. cit.; quod ipsum bene prosequitur Silvius in 2. 2. D. Thoma quæst. 178. art. 1.: *Deus sufficienter providet Ecclesia in iis quæ sunt utilia ad salutem suorum: atqui ad Elektorum salutem non illud solum pertinet, quod salutaris doctrina eis proponatur sive per donum linguarum, sive per Gratiam sermonis, sed etiam quod illa sic confirmetur, ut fiat credibilis. Confirmatur autem convenienter per miracula: cum enim illi, coram quibus fiunt, vident ea fieri a solo Deo supra omnem naturam creata facultatem, Divino munere adjuti, inducuntur ad supernaturalem veritatem, pro cujus confirmatione patratur, amplectendam, & solidantur ad eam, quam sunt amplexi, firmiter retinendam. Igitur sicut ad Fidem infidelibus proponendam opus est Gratia sermonis, ita ad Fidei recens annuntiata confirmationem opus est miraculorum exhibitione.*

7 Gratia hæc miraculorum non est quippiam manens in anima per modum habitus: principium liquidem operandi miracula extendit se ad omnia quæ supra naturam fieri possunt; ideoque non aliud est, quam Divina omnipotentia, quæ nulli creature, nullive puro homini communicari potest. Si enim virtus faciendi miracula semper adesset habentibus Gratiam miraculorum, ipsi semper facere possent miracula, quando vellent, quod utique falsum est. *Matthæi 17. v. 18.* Apostoli interrogant: *Quare nos non potuimus ejicere illum?* Christus autem respondet v. 20.: *Hoc autem genus Demoniorum non ejicitur, nisi per orationem & jejunium*. Rursus Eliseus non potuit suscitare filium Viduæ per sui baculi applicationem, uti habetur 4. Regum 4. Legi potest D. Thomas quæst. 6. de potentia art. 4. *Quare Gratia miraculorum in hoc consistit, quod cum Deus alicui ipsam tribuit, interdum movet ejus mentem ad faciendum aliquid, quod consequitur opus mirificum; interdum vero contactu alicujus rei ad ipsum pertinentis, interdum oratione, pia nominis ejus invocatione, locutione, aut aliquo ipsius externo actu utitur tanquam instrumento. Ita conceptis verbis Silvius loc. cit. dictum est, miraculorum Gratiam per modum habitus nulli puro homini communicari: Christo quippe ut homini, seu humanitati ejus data est perpetua & constans operatio virtutum & miraculorum, quia libera sua voluntate poterat miracula operari, quoties opportunum judicabat; & ad hoc*

hoc semper paratum habebat necessarium Divinitatis concursum, etiam si humanitati nulla esset qualitas permanens indita, quæ physicum principium esset miraculorum; uti optime adnotavit Suarez tom. 1. de *Gratia*, prolegom. 3. cap. 5. num. 17. & seqq.

8 Addit Suarez, permanentem Gratiâ, & frequentiam miraculorum in principio Ecclesiæ fuisse necessariam; juxta illud *Astor.* 5. v. 12. & 14. *Per manus autem Apostolorum fiebant signa & prodigia multa in plebe.* . . . *Magis autem augebatur credentium in Domino multitudo virorum ac mulierum &c.*, & *Marci* cap. 16. v. 20. *Prædicaverunt ubique (Apostoli) Domino cooperante, & sermonem confirmante sequentibus signis.* Itaque ait S. Gregorius homil. 29. in *Evangelia* (col. 1571. tom. 1.): *Sed hæc necessaria in exordio Ecclesiæ fuerunt; ut enim Fides cresceret, miraculis fuerat nutrienda; item, eandem Gratiâ etiam hodie permanere in corpore Ecclesiæ, non quidem in certis ac definitis personis, sed in iis, quibus talis actualis Gratiâ conceditur, quando & quomodo vult Spiritus Sanctus.* D. Augustinus de *civitate Dei* lib. 22. cap. 8. postquam meminit miraculorum a Christo factorum, subjicit (col. 663. tom. 7): *Nam etiam nunc sunt miracula in ejus nomine fore per Sacramenta ejus, fore per orationes vel memorias Sanctorum ejus.* Et Thomas Bozius de *signis Ecclesiæ* lib. 5. cap. 1. & seqq., sign. 11. magna & infinita propemodum recenset miracula nostris huic temporibus edita in propaganda sancta religione; ut interim silentio prætereantur cetera antiquiora, de quibus sancti Patres testes oculati fidem tecerunt, Irenæus videlicet lib. 2. de *heresi*. cap. 66. Chrysostomus *serm.* 67. Hilarius lib. in *Constantium Imperatorem*, Gregorius Nazianzenus *orat.* 18. Theodoretus *orat.* 8. *adversus Græcos*, Hieronymus in *libro contra Vigilantium*.

9 Vulgatum est apud Theologos, Gratiâ miraculorum esse Gratiâ gratis datam, eamque idcirco nedum Justis, sed etiam peccatoribus aliquando conferri: Duvallius de *suprema Romani Pontificis potestate in Biblioth. Max. Pontif.* tom. 3. pag. 421. Gonzal. in cap. *Audivimus*, num. 9. de *Reliq. & venerat. Sanctorum*, Majolus in *diebus canicularibus ad tit. Vasicinia* pag. 534. Theophilus Raymaudus *oper.* tom. 15. in *heteroclit. spirital.* num. 12. & seqq. pag. 265. Contelorus de *Canonizat. SS.* cap. 20. num. 5. & seqq., Rocca *cod. tract.* cap. 9. aliique passim. In superiori cap. 42. num. 5. relata sunt verba Christi Domini cap. 7. *Matth.*, dicentis, se non nosse eos, qui iniquitates operati sunt, licet in nomine suo prophetassent, & Dæmonia ejecissent, & virtutes multas fecissent; necnon Apostoli 1. ad *Corinth.* 13. dicentis, se nihil esse sine Charitate, etiam si Fidem habuisset, per quam montes transferret. Additur modo explicatio Eitii in *comment. ad dictum locum* v. 2. ita loquentis: *Nam sane sicut Apostolo nulla repugnantia est, aliquem linguarum, aut prophetia dono, aut notitia mysteriorum, atque scientia excellere, quæ superius nominata sunt, aut in egenos esse profusum, aut corpus suum flammis tradere pro Christi nomine, quæ postea nominantur, & Charitatem non habere; ita nihil repugnat, ex ejusdem Apostoli mente, ut quis habeat Fidem, quæ montes transfe- rat, & Charitatem non habeat.*

10 Dices : Si etiam a peccatoribus fieri possunt miracula , miracula non erunt necessaria in iudicio Beatificationis Servorum Dei , & in iudicio Canonizationis Beatorum . At facilis est responsio : tum quia licet Gratia miraculorum aliquando peccatoribus collata sit , & possit conferri ; plerumque tamen iustis tantum , & Sanctis communicatur , uti animadvertit Suarez *de Gratia tom. 1. prolegom. 3. cap. 4. num. 11.* tum quia in iudicio tum Beatificationis , tum Canonizationis non assumitur examen miraculorum , nisi prius de virtutibus in gradu heroico constiterit , aut de martyrio ; quemadmodum adnotavit Scacchus *de not. & sign. sanctit. sect. 8. cap. 1. pag. 569.* & bene explicat Arauxo *in decis. moral. tract. 3. quest. 23. n. 24.* ubi hæc habet : *Ignitur præcipue ex virtutibus heroicis , concomitanter vero & secundario ex privatis visionibus & miraculis ad nominis invocationem paratis , sumitur efficax testimonium sanctitatis illius , qui albo Canonizandorum est adscribendus , ut hic verum habeat tritum axioma : Singula quæ non profunt , simul collecta juvant.*

11 In prima hujus nostri Operis editione in hoc cap. 44. lib. 3. multa alia exposuimus de miraculis , quæ fieri possunt etiam a peccatoribus . In secunda autem , & in hac tertia ejusdem nostri Operis editione opportunius esse existimavimus ea ad quartum tomum transferre , ubi agetur de miraculis , quæ facta esse dicuntur ab Infidelibus , & Hæreticis ; cum materię series & ordo id exposcere videantur .

C A P U T XLV.

De Gratia gratis data Prophetia .

1 **P**rophetia est futurorum præcognitio : at aliquando extenditur ad præterita , quorum nec memoria , nec certa signa extabant , & ad præsentia loco distantia & occulta , & ad internas cordium cogitationes , ita ut Propheta sit , qui divinitus cognoscit ea , quæ longe distant a sensu & naturali cognitione hominum , & ea potest manifestare . Quocirca Matthæuccius in *tract. Theologo-Canon. ad causas Beatificat. & Canonizat. tract. 3. cap. 3. art. 2. §. 4. num. 45.* ita Gratiam gratis datam prophetiæ describit : *Prophetia est Gratia , qua mediante quis potest certo cognoscere & manifestare ea , qua cognoscere aliàs non posset absque actuali revelatione particulari Dei in illis circumstantiis , in quibus illa cognoscit , sive sint futura , sive præterita , sive absentia , & occulta præsentia , aut secreta cordium , & interna cogitationes .* Quod recte prosequitur Scacchus *de not. & sign. sanctit. sect. 8. cap. 2.* & adherent Martinus del Rio *disquisit. magicar. lib. 4. cap. 1. quest. 1. per tot. , & signanter in §. Dixi tertio , Philomarinus in tract. de revelationibus tract. 1. cap. 1. sect. 5. Torreblanca de magia lib. 1. cap. 1. de prophetia num. 34. usque ad num. 52. Cardinalis Bona de discretione spirituum cap. 17. num. 2. & Cardinalis Gottus tertio libro de veritate religionis Christianæ cap. 11. §. 1. Prophetiam autem esse futurorum præcognitionem , desumitur ex 1. epist.*

epist. Petri cap. 1. v. 10. De qua salute exquisierunt atque scrutari sunt Propheta, qui de futura in vobis Gratia prophetaverunt, servantibus, in quod vel quale tempus significaret in eis Spiritus Christi, prænuntians eas, quæ in Christo sunt, passionēs, & posteriores glorias, quibus revelatum est. Item, prophetiam aliquando extendi ad præterita, quorum nec memoria, nec certa signa extabant, comprobatur ex illo Ihan. 4. v. 18. ubi Salvator dicit Samaritanæ: Quinque enim viros habuisti, & nunc, quem habes, non est quis vir. Respondit quippe mulier v. 19.: Domine, vides, quia Propheta es tu. Et pergens ad civitatem clamat v. 29.: Venite, & videte hominem, qui dixit mihi omnia quaecumque feci. Denique, prophetiam extendi ad præsentia loco distantia & occulta, & ad internas cordium cogitationes, demonstratur ex illo Pharisei Luc. 7. v. 39. Cum enim Mulier peccatrix ad Jesum accessisset comedentem in domo Pharisei, & stans retro lacrymis coepisset rigare ejus pedes, Phariseus intra se dixit: Hic, si esset Propheta, sciret utique, quæ & qualis est mulier, quæ tangit eum, quia peccatrix est. Dictum est etiam, Prophetam divinitus cognoscere; Isaïæ quippe 41. vers. 23. legitur: Annuntiate quæ ventura sunt in futurum, & sciemus, quia Dii estis vos. Et epist. 2. S. Petri cap. 1. v. 21. Non enim voluntate humana, allata est aliquando prophetia, sed, Spiritui Sancto inspirari, locuti sunt sancti Dei homines. Quo pertinet illud Cassiodori in præfat. ad Psalm. cap. 1. (oper. tom. 2. pag. 3.) ubi sic describit prophetiam: Prophetia est aspiratio Divina, quæ eventus rerum aut per facta, aut per dicta quorundam, immobili veritate pronuntiat.

2. Propheta ergo est, qui aut futura prænuntiat, aut præterita, vel præsentia patefacit ceteris abscondita, quamvis communiter, & ut plurimum prophetia ad futurorum prænuntiationem reltringatur. S. Thomas 2. 2. *question. 171. art. 3.* docet, prophetiam cognitionem ea omnia comprehendere, quæ in superioribus dicta sunt, triplicemque eorum esse gradum: unum eorum, quæ sunt procul a cognitione unius hominis, sed non a cognitione omnium hominum; aliquis enim homo sensu cognoscit quæ sunt sibi præsentia secundum locum, quæ tamen alius humano sensu, utpote sibi absentia, non cognoscit: secundum gradum esse eorum, quæ excedunt universæ cognitionem omnium hominum, non quia natura sua cognosci non possint, sed propter defectum cognitionis humanæ, sicut est ex. gr. mysterium Sanctissimæ Trinitatis: ultimum demum gradum esse eorum, quæ sunt procul ab omnium hominum cognitione, quia in se ipsis non possunt cognosci, ut contingentia futura, quorum veritas non est determinata: concluditurque, quia quod est universæ & per se, potius est eo, quod est peculiariter & per accidens, ad prophetiam maxime proprie pertinere revelationem eventuum futurorum, & assert illud S. Gregorii *super Ezechielem* (lib. 1. hom. 1. tom. 1. col. 1173.): *Quia cum ideo prophetia dicta sit, quod futura prædicas; quando de præterito, vel præsentis loquitor, rationem sui nominis amittit. Quod late profequitur Dominicus Gravina D. Thomæ discipulus in opere, cui titulus, Lapis Lydius, lib. 2. de visione prophetica cap. 25. Pater Nicolaus*

Nicolaus Baldellus Cortonenſis Societatis Jeſu Theologus, qui in Bibliotheca ſcriptorum Societatis Jeſu appellatur *Vir egregie doctus*, duosque edidit Theologiæ moraliſ libros, editurus tertium quoque jam paratum; niſi ſato præreptus fuiſſet; dum erat in humanis, fuit magiſter ſpiritualiſ cujuſdam *Arſilia Altiffimi viduæ Tiburtina*, quæ anno 1643. mortua eſt non ſine ſama ſanctitatis. Poſt ejus obitum Baldellus notiſſimam virtutum ipſius; & Gratiarum gratis ei a Deo datarum narrationem ſcripto expoſuit Patri Mutio Vitelleſco tunc Societatis Jeſu Præpoſito Generali. Narratio prædicta Romæ inter manuſcripta Patrum Societatis Jeſu ſervatur: cumque ejus exemplar ab ipſis Patribus magna cum humanitate Nobis dono datum ſit, dum Romæ morabamur, pleraque ex eo in re præſenti deſumemus; allatis ipſis Auctoriſ verbis: *Deveſſi dunque ſapere, che ſebbene la profezia ſi ſtende a tutto quello che può manifeftrarſi col lume Divino, in che ſ' appoggia, o queſto ſia qualche miſterio ſopranaturale, o coſa già paſſata, o preſente, o da avvenire, ma occulta a chi profeta, come inſegna S. Tommaſo nella 2. 2. queſtion. 171. art. 3. i ſebbene il vocabolo di profetare, che vien derivato dal veder di lontano, ſi può accomodare a tutto quello, che ſi vede; e per ſe ſteſſo dovrebbe non eſſer veduto, come lontano da chi lo vede, come inſegna il medefimo al luogo citato art. 1. i conſuetudine particolarmente ſi dice eſſer Profeta, chi intende e predice le coſe future, e che ſon lontane inquanto al tempo. E la profezia, come ſoggiugne il medefimo, e San Gregorio nell' omel. 1. in Ezech., quando parla di coſe paſſate, o preſenti, benchè occulte, perchè non ſon lontane di tempo, perde il nome di profezia.*

3 Prophetia conſiſtit in cognitione, & in cognitiorum manifefſtatione: Et cognitio quidem ſuapte natura præmittitur; nemo enim poteſt de aliqua re loqui, niſi eam agnoſcat: ſed, cum Gratiæ gratis datæ ſint manifefſtationes Spiritus in aliorum utilitatem, hinc fit, ut in prophetia cognitioni ſuperaddatur manifefſtatio, juxta Divum Thomam 2. 2. cit. queſt. 171. art. 1. quinimmo in ratione Gratiæ gratis datæ manifefſtatio præcellere dicenda eſt cognitioni, veluti late oſtendit Cardinalis de Lauræa in 3. lib. ſent. tom. 4. diſput. 19. art. 9. §. 1. Juxta eundem S. Thomam loc. cit. art. 2. cum prophetia pertineat ad cognitionem, quæ ſupra naturalem rationem eſt, conſequens eſt, ut ad prophetiam requiratur quoddam lumen intellectuale excedens lumen naturale rationis, juxta illud Michææ 7. v. 8. *Cum ſedens in tenebris, Dominus mea lux eſt.* Quapropter Prophetarum cognitio, ſi conſideretur ex parte Dei, continet quodammodo Divinam & increatam actionem, quæ *revelatio*, ſeu *locutio Dei* appellatur: ſi vero eadem prophetia conſideretur ex parte Prophetæ, hoc eſt quatenus ab ejus intellectu, medio prædicto lumine, vitaliter elicitur, ibique manet, dicitur *viſio*, & *auditi*, juxta varios reſpectus ad Deum ut revelantem, & ut loquentem; quod recte explicant Salmanticenſes tom. 3. curſ. Theolog. in arbore predicamentali §. 17. ſub num. 170.

4 Porro, ut Prophetæ cognoscat, opus eſt, ut ejus intellectui ea præſententur, quæ debet cognoscere, & aliis manifefſtare: hæc autem re-

præsentatione triplici modo fieri potest. Primo secundum exteriorē sensus perceptionem, ut si oculis corporeis aliqua spectacula appareant, vel auribus voces percipiantur, & inde species transeant ad imaginationem & intellectum. Exemplum est in Daniele, qui vidit scripturam parietis, uti legitur *Daniel. 5.* Secundo modo per sensum Internum; quando etſi foris nihil apparuerit, aliqua imaginationi repræsentantur, & inde transeunt ad intellectum, siue hoc contingat, infundente Deo imaginationi novas omnino species, quarum objecta neque oculus vidit, neque auris audivit; siue novo modo ordiando, quæ in ea per habitum existunt a sensibus acceptæ. Exemplum est in Jeremia, qui vidit ollam succensam a facie Aquilonis, uti habetur *1. Jeremia.* Tercio modo secundum repræsentationem omnino intellectualem, cum Deus sine motu & ope sensuum internorum vel externorum novas species intelligibiles in intellectu producit, vel antiquas a sensibus acceptas ita modificatur atque disponit, ut sine opera phantasmatum veritatem intelligibilem repræsentent; uti late ostendit D. Thomas 2. 2. *quest. 173. art. 2.* Cumque cognitio eo sit perfectior, quo magis a sensibus abstrahitur, hinc fit, ut perfectissimus gradus prophetiæ sit tertius, in quo cum sensu nulla est communicatio; medius sit, de quo secundo loco habita est mentio; & infimus de quo primo loco locuti sumus; ut idem S. Doctor prosequitur 2. 2. *quest. 174. art. 2. & 3.* Addunt Salmanticenses *loc. cit. num. 171.* non esse hujusmodi gradus ita distinguendos, quasi secundum aliquem eorum ipsa Prophetæ cognitio consistat in sola sensatione externa, vel interna; semper enim pertingere debet usque ad judicium intellectus; sed distinguendos eatenus, quatenus in supremo cognitio intellectualis non ducit originem a sensibus, neque ab illis dependet, sed magis ab intellectu ad sensus redundat; quando in aliis duobus cognitio & repræsentatio originem trahunt a sensibus vel simul internis, vel simul externis, a quibus proinde dependent & denominantur. Concordat Cardinalis de Lauræa in 3. *lib. sent. tom. 4. dispnt. 19. art. 9. §. 2.* ubi ait, frequentius Deum revelare Prophetis per Angelos, quæ manifestare debent, non forma sensibili sensui externo, sed per speciem sensibilem sensui interno, seu phantasiæ ac imaginationi, vel per speciem intelligibilem intellectui tantum, & non sensui; additque, si locutio sit pure intellectualis, ita ut phantasia nihil operetur, objecta debere fieri præsentia per species intelligibiles, alioquin nec intelligi, nec cognosci possent; seque ignorare, an id umquam acciderit, ut scilicet per solas species intelligibiles, & per solam locutionem intellectualem Deus per se immediate, vel per Angelos Prophetis locutus sit, ea revelando quæ manifestare debebant; subjicitque Cardinalis Bona in *cit. tract. de discret. spirit. cap. 17. num. 3.* adhuc disceptari inter Scholasticos & Mysticos, an detur, vel dari possit in hac vita mortali pura visio intellectualis absque interventu phantasmatum.

5 Prophetica revelatio fit per Angelos, cum; juxta illud ad Romanos 13. v. 1. *Quæ autem sunt, a Deo ordinatæ sunt, Divinitatis ordo habet,*

ut in-

ut infima per media disponat, Angeli autem medii sint inter Deum, & homines. Quapropter illuminationes & revelationes Divinæ, & sic prophetica cognitio, quæ sit per illuminationem & Divinam revelationem, ad homines deferuntur per Angelos, quibus agentibus ut Dei ministris, prophetica revelatio, licet eorum ministerio fiat. Divina dicenda est, juxta eundem S. Doctorem 2. 2. *quæst.* 172. *art.* 2. Hinc *Genes.* 16. Angelus loquitur ad Agar; *Genes.* 19. Angeli Lot alloquuntur; & *Genes.* 22. *vers.* 16. Angelus loquitur ad Abraham: *Quia fecisti hanc rem, & non peperisti filio tuo unigenito propter me, benedicam tibi, & multiplicabo semen tuum;* & *Luc.* 1. v. 19. Angelus apparuit Zachariæ inquit: *Ego sum Gabriel, qui asto ante Deum, & missus sum loqui ad te, & hac tibi evangelizare;* idemque Gabriel ad Beatissimam Virginem missus, ei altissima Incarnationis & Redemptionis mysteria revelavit. Multa alia similia exempla collecta legi possunt a Petro Joanne Olivario in suo tractatu de prophetia, & spiritu prophetico sit. de Angelica prophetia; ubi post plura ait: *Nemo est igitur qui neget prophetiam esse Angelicam, & illam quidem verissimam. Immo sunt qui existimant, universam prophetiam, medio Angelo, esse inspiratam.* Alibi facta est mentio Hieronymi Savonarolæ Ordinis Prædicatorum. Afferas ejus virtutes, & sanctitatis opinionem, nullo a Nobis prolato judicio, reliquimus in eo statum, in quo fuit; & justitiam sententiæ, qua morte multatus est, admittimus. Longe post ejus obitum controversia excitata est de operibus ab eo conscriptis. Damnatu s fuit ejus liber de veritate prophetica; sed perit adhuc aliud opus ipsius minime condemnatum, videlicet *Compendium revelationum*; ut in præfatione vite ipsius auctore Jo. Francisco Pico, Parisiis edita anno 1674. legitur. In citato autem compendio revelationum tom. 1. pag. 224. ita scripsit: *Notandum est autem, quod has exteriores apparitiones necnon imaginarias, Deus Angelico ministerio efficit, ut inquit Sanctus Dionysius in libro de celestii hierarchia, quia quicquid a Deo est, ordinate procedit, juxta illud Apostoli: Quæ a Deo sunt, ordinata sunt. Ordo autem Divina sapientia est, disponere infima per media, & media per suprema. Cum igitur inter Deum & hominem Angeli medii sint, ab ipso Deo illuminationes prophetica per Angelicos Spiritus subministrantur, qui non tantum ad diversas apparitiones interiorum phantasiam illustrent & commovent, sed etiam intrinsecus Prophetas alloquuntur. Quibus etiam sæpenumero exterius se in humana figura exhibent, futura prænuntiantes, & de multis peragendis eos instruentes.* Cardinalis de Lauræa loc. cit. §. 2. ait, non repugnare, ut Deus ipse per se loquatur Prophetæ, docens eum illa quæ debet manifestare, Prophetam scilicet alloquendo, sicut alius homo cum Propheta loqueretur, vel ei apparendo sub forma hominis, juxta illud Isaie cap. 6. v. 1. : *Vidi Dominum sedentem supra solium excelsum & elevatum . . . Seraphim stabant super illud, sex ala uni, & sex ala alteri &c. Regem Dominum exercituum vidi oculis meis. Et volavit ad me unus de Seraphim, & in manu ejus calculus quem forcipe tulerat de altari, & tetigit os meum, & dixit: Ecce tetigit hoc labia tua &c. Et audiui vocem Domini dicentis: Vade, &*

dices populo huic. Idemque Eminentissimus Auctor admittit, Deum regulariter Prophetas allocutum, & nunc etiam alios alloqui per Angelos, ea revelando quæ debent prædicere, seu manifestare: quod recte exornat Martinus del Rio *disquisit. magicar. cit. lib. 4. cap. 1. quest. 1. §. Solet ut plurimum*; idemque, allegato S. Gregorio in lib. 28. *moral. cap. 2.*, docet Cardinalis de Turrecremata in prologo ad revelationes S. Birgitta cap. 4.: *Sciendum, inquit, quod duobus modis loquuntur Divina dicitur. Aut per semetipsum, namque Dominus loquitur; aut per creaturam Angelicam, ejus ad nos verba formantur &c. Nisi enim Angeli quedam interna nunciantes ad tempus ex aere, corpora sumerent, exterioribus profecto nostris obtutibus non apparerent; & sequitur Torreblanca de magia lib. 1. cap. 1. de prophetia num. 40.: Solet Deus hanc virtutem, mediatore Angelo, hominibus inspirare, in assumpto scilicet corpore, vel apparitione tantum spirituali &c. Sed ex eo negandum non est, posse Deum, si velit, ipsum immediate hominis mentes illustrare.*

6 Dividitur prophetia multipliciter; vel ex parte luminis; vel ex parte objecti, sive rei cognite; vel ex parte medii, scilicet specierum, quibus fit representatio; vel ex parte modi cognitionis. Ex parte luminis dividitur in perfectam, & in imperfectam. Prima est, per quam certo cognoscitur non modo res revelata, sed ipsa revelatio; & cognoscitur, Deum esse qui revelat; & hæc sola dicitur absolute & simpliciter *Prophetia*: per secundam vero, quamvis aliqua veritas nota fiat, non tamen ita certo, neque satis percipitur, a quo fiat revelatio, & utrum spiritus propheticus, an proprius loquatur; & hæc vocatur *Instinctus propheticus*, cui ex modo, quo fit, non repugnat, falsum subesse. Ex parte objecti cogniti dividitur in prophetiam comminationis, præscientiæ, & prædestinationis. Prima est, per quam Deus revelat aliqua futura, quæ cognoscit non in se ipsis, vel in aliquo decreto absoluto, sed in ordine suarum causarum, & in decretis conditionalibus, quæ possunt per alia decreta absoluta impediri: quare sensus revelationis non est, talia absolute futura esse, sed solum fore ex vi causarum ad eam determinatarum, in quo clauditur hæc conditionalis, *Nisi desuper impendantur*; quamvis Prophetæ sepe prædictam conditionalem non explicant, sed videantur loqui absolute. Secunda est, per quam Deus revelat futura dependentia a libero arbitrio creato, quæ videt præsentia in æternitate. Tertia est, cum revelat, quæ ipse duntaxat facturus est, cernitque præsentia in æternitate, & in decretis absolutis. Ex parte medii, seu specierum, quibus revelata representantur, dividitur prophetia in intellectualem, imaginariam, & corporalem, juxta ea quæ supra dicta sunt. Ex parte denique modi cognitionis, dividitur in eam, quæ fit absque alienatione a sensibus, quæ retinet commune nomen prophetiæ, & in eam, quæ fit cum tali alienatione a sensibus, quæ vocatur *Raptus*, de quo infra.

7 Adducta in paragrapho præcedenti conceptis verbis legi possunt apud Salmanticenses *loc. supra cit. num. 173. & seqq.*, quorum assertiones in

in omnibus & per omnia sunt uniformes doctrinæ D. Thomæ in 2.2. *Quæst.* enim 173. *artic.* 4. quærit, utrum Prophetæ semper cognoscant ea, quæ prophetant; & respondet, veros Prophetas, quorum mens divinitus illustratur, non solum cognoscere, quæ sibi revelantur, sed etiam cognoscere, ea a Deo sibi revelari, juxta illud 2. *Regum* 23. *vers.* 2. *Spiritus Domini locutus est per me &c.* Idem S. Doctor *quæst.* 174. *art.* 1. explicat divisionem prophetiæ in prophetiam prædestinationis Dei, præscientiæ, & comminationis: & cit. *quæstion.* 173. *art.* 3. proposita quæstione, utrum visio prophetica semper fiat cum abstractione a sensibus, docet non fieri abstractionem a sensibus, quando aliquid representatur menti Prophetæ per species sensibiles; nec opus esse, ut fiat alienatio a sensibus exterioribus, cum mens Prophetæ illustratur intelligibili lumine, aut formatur intelligibilibus speciebus, sed abstractionem a sensibus necessariam esse, quando fit revelatio prophetica secundum formas imaginarias. Suarez in *tractatu de Fide disput.* 8. *sect.* 4. late ostendit, actum prophetiæ debere esse certam cognitionem non tantum rerum revelatarum, sed etiam ipsius revelantis, ita ut eam recipiens possit certum judicium ferre, Deum esse qui sibi revelat, & per consequens possit discernere, quid spiritu Divino, quid vero humano ipse loquatur, cum non possit esse judicium certum & firmum rei revelatæ, nisi eadem firmitate & evidentia judicaretur, Deum esse revelantem. Quare, cum Prophetæ affirmabant res sibi revelatas, affirmabant etiam, Deum sibi revelare, juxta illud, *Hac dicit Dominus*; aut, *Sermo Domini factus est*; aut, *In veritate misit me Dominus ad vos*: additque, hæc procedere in cognitione vere prophetica, non autem in illa, quæ dicitur esse ex instinctu prophetico, cum possit Spiritus Sanctus movere hominem interdum ad aliquid judicandum, ita tamen ut certo nequeat cognoscere, an instinctus ille sit a Spiritu Sancto; & tunc, cum judicium certum non sit, neque vera erit prophetia. Item de cognitione vere prophetica scribit Savonarola (in *cit. compend. revelation. pag.* 223.): Deus quoddam lumen supernaturale Prophetæ infundit, quod est quadam participatio sue æternitatis. Ex quo in revelationibus idem Prophetæ duo discernit, id est & quod ipsa revelata vera sunt, & quod a Deo proveniunt. Tanta vero efficacia est hoc lumen, quod de duobus prædictis ita certum facit Prophetam, sicut lumen naturale certos reddit Philosophus de veritate primarum principiorum, & quemlibet hominem, quod bis dicto sunt quatuor. Cui adhæret Torreblanca *cit. oper. de magia lib.* 1. *cap.* 1. de prophetia num. 54.

8 Subjectum prophetiæ sunt Angeli boni, dæmones, viri, mulieres, pueri, Ethnici, seu Gentiles; nec in homine, ut sit subiectum prophetiæ, aliqua naturalis dispositio requiritur, dummodo intellectu & sensu polleat aptis ad manifestandum ea, quæ Deus sibi revelavit; bonitas autem morum quamvis multum conferat ipsi prophetæ, tamen non est ei obsoleta necessaria, ut habeat donum prophetiæ. De Angelo res est manifesta: Angeli enim sua naturali perspicacitate, futura libera & contingentia prænocere non

non possunt, nec cognoscere valent præterita, quorum non perceperunt præsentiam, quæque nullum sui reliquere vestigium, uti contra Durandum communiter docent Theologi, neque secreta cordis alterius sive hominis, sive Angeli. Quando ergo Deus Angelo revelat futura, præterita, aut præsentia, ut homini ex. gr. manifestet, juxta ea quæ supra dicta sunt, Angelus Propheta fit. Plura ex Divino Textu collecta sunt testimonia a Petro Joanne Olivario in *tract. de prophetia, & spiritu prophetico*, ubi de hujusmodi prophetia ait: *Quare hoc genus prophetia sublimius est, atque excelsius omnibus aliis; nobilior enim prophetia est nobilioris creature.* Ad Dæmonem quod attinet, licet ille certo non possit futura prædicere, nihil tamen obstat, quin Deus eo uti possit, ut manifestet futura, præterita, & præsentia, licet occultata. Idcirco Luc. 8. v. 28. Dæmon ille, ut vidit Jesum, procidit ante illum, & exclamans voce magna dixit: *Quid mihi, & tibi est, Jesu Fili Dei altissimi?* Obsecro te, ne me torqueas. Præcipiebat enim spiritui immundo, ut exiret ab homine. De mulieribus, & pueris exempla extant in sacro Textu: Maria quippe soror Moyfi appellatur Prophetissa, Anna Samuelis mater prophetiæ dono prædita fuit. Elisabetha Joannis Baptistæ mater ex Dei revelatione Mariam Dei genitricem agnovit & confessâ est, & quatuor Virgines Philippi Diaconi filiæ prophetabant. Et quod attinet ad pueros, Samuel puer a Domino vocatus audit ab eo, quæ erat prædicturus in perniciem Heli Sacerdotis, & filiorum, & totius domus ejus; proindeque dicitur 1. Reg. 3. v. 20. *Et cognovit universus Israel a Dan usque Bersabee, quod fidelis Samuel Propheeta esset Domini;* & Daniel, qui erat unus de tribus pueris, quos pro suo famulatu Nabuch delegerat, intelligentiam visionum & somniorum a Deo recepit, & Regi declaravit somnium & visionem, uti habetur in ejus libro cap. 1., cap. 3., & cap. 4. Demum Balaam, qui erat Gentilis, rogatus a Balac Rege, ut malediceret populo Israelitico, noluit id facere, sed ei benedixit; Rege autem conqurente, cur benedixisset, dixit (Numer. 24. v. 13.): *Si dederis mihi Balac plenam domum suam argenti & auri, non potero præterire sermonem Domini Dei mei.* Et post hæc prædixit adventum Messiae v. 17. *Orie:ur Stella ex Jacob, & consurget Virga de Israel, & percutiet Duces Moab, vastabitque omnes filios Seth;* & v. 19. *De Jacob eris, qui dominetur, & perdat reliquias civitatis;* & tandem prædixit vastationem Assyriæ, & Palestinæ per Romanos futuram, quemadmodum legitur in lib. Numer. 24. Ex D. Thoma hæc fere omnia desumpta sunt 2. 2. *quest. 172. art. 6., & late prosequuntur Suarez in cit. tract. de Fide disp. 8. sect. 7. Cardinalis de Laueræa in cit. disp. 19. art. 9. §. 3. & Cardinalis Gottus de vera religione tom. 3. cap. 11. §. 2. num. 6. S. Thomas loc. cit. ut suadeat, Gentiles esse prophetiæ capaces, Sibyllarum utitur exemplo, quæ diserte mysteria Trinitatis, Incarnationis Verbi, Vitæ, Passionis, & Resurrectionis Christi, & ejus miracula memorarunt; quibusque, licet Gentilibus, & feminis, prophetiæ donum a Deo datum fuisse in præmium virginittatis, autumat S. Hieronymus lib. 1. adversus Jovinianum num. 41. col. 306. tom. 2. ubi ait: *Quid**

refe.

refram Sibyllas, Erythraam, atque Cicianam, & octo reliquis? Nam Varro decem fuisse autumat, quarum insigne virginitas est, & virginitatis premium deditio. Eodem utitur exemplo Cardinalis de Lauræa loc. cit. num. 248. Suarez autem illud rejicere videtur, cum satis sibi non constare dicat, quales fuerint Sibyllæ. At, cum Sibyllarum oracula ab antiquis Patribus, & Auctoribus Ecclesiasticis laudentur, licet non omnia, quæ octo libris Sibyllinis, qui extant tom. 8. *Biblioth. Patrum*, continentur, tanquam genuina habenda sint, absolum esset ea quæ a sanctis Patribus & Auctoribus Ecclesiasticis priorum seculorum laudantur, & in quibus ponunt firmissimum præsidium Christianæ religionis adversus Ethnicos, inter apocrypha amandare, uti late ostendunt Natalis Alexander in *hystor. Ecclesi. seculi 1. cap. 12. art. 17. & in dissert. 1. ejusdem seculi*, & Cardinalis de Aguirre in *Theologia S. Anselmi tom. 2. dissertation. 53. sect. 1. & seqq.* Casaubonus veritati horum oraculorum Sibyllinorum refragatus est. Blondellus hoc ipsum latissime præstare conatus est. At Eudemon Joannes lib. 1. pro Baronio cap. 5. opposita strenue confutavit; & contra Blondellum Joannes Caserius laudatus a Daniele Hueto in *demonstrat. Evang. 9. §. 10.* feliciter pugnavit, & ex ipsis Sectariis Isaac Vossius lib. de *Sibyllinis oraculis* in hac parte recessit a parente suo Gerardo Vossio, qui in opere de *Poetis Græcis cap. 2.* prædicta oracula contendit esse supposititia: quod quidem ex parte tanquam verum admittitur, prout carmina Sibyllarum extant a multis jam seculis interpolata: sed id tamen non impedit, ne plurima illorum, & præsertim a primis Patribus laudata, germana sint, & nullatenus apocrypha.

9 Jam vero, ut reliqua persequamur, de quibus supra sermo habitus est, S. Thomas 2. 2. *quest. 172. art. 3.* quærit, utrum ad prophetiam requiratur dispositio naturalis; item *art. 4.* utrum bonitas morum requiratur ad prophetiam. Porro quod attinet ad primam quæstionem, docet, sicuti prophetia est ex inspiratione Divina, & Deus, qui est causa universalis in agendo, non præsumit materiam, nec aliquam materiæ dispositionem, sed potest simul & materiam & dispositionem & formam inducere, ita eum posse simul animam creare, & in ipsa creatione eam disponere ad prophetiam, & dare ei gratiam prophetandi: Quocirca Gravina in opere, cui titulus *Lapis Lydius, (lib. 2. de visione prophetica pag. 236.)*: Loquendo vero de supernaturali prophetia, non requiritur ulla dispositio, nisi quantum ad usum. Quod non requiratur dispositio in introductione prophetia, probatur, quia auctor & causa efficiens prophetia est Deus. Deus autem in productione cujuscumque forma non exigit materiam dispositam, nec ind dispositam impedit, cum possit simul & simul dispositionem causare, & forma introductionem, ut patet in suscitatione mortui. Pro quo etiam facit illud S. Gregorii M. *homil. 30. in Evangelia mem. 8. col. 1580. tom. 1.*, ubi scribit: Implet namque (Spiritus Sanctus) citharædam puerum, & Psalmistam facit. Implet pastorem armentarium, sycemoras vellitantem, & Prophetam facit. Quod si superaddatur, Deum dignatum esse communicare donum prophetiæ hominibus omnis ætatis & sexus, ducto argumento

mento a posteriori, unusquisque facile cognoscere poterit, nullam requiri dispositionem naturalem, ut quis sit capax prophetiæ; quemadmodum insert Cardinalis de Lauræa loc. cit. §. 3. num. 260. Gravina loc. supra cit. prophetiam ab usu prophetiæ distinxit, & merito: pro usu quippe prophetiæ requiruntur intellectus, & sensus interni, vel aliquis externus; cum prophetiæ donum sit manifestatio Spiritus in utilitatem aliorum. Quocirca licet semel Deus usus sit animali irrationali, asina videlicet, ut corripere Balaam Num. 22. & 28.; nunquam tamen est usus irrationali, vel mortuæ creatura, ad manifestandum futura, vel præsentia occulta. S. Hieronymus super Matthæum indicat, aliquid interdum forte superveniens impedire speculationem prophetiæ: *Tempore illo, quo conjugales actus geruntur, præsentia Spiritus Sancti non dabitur, etiam si Propheta esse videatur, qui officio generationis obsequitur.* Perpenia autem hac Divi Hieronymi auctoritate, S. Thomas cit. art. 3. ad tertium ait, prophetiam revelationem, & sic usum prophetiæ impediri posse per naturalem indispositionem, sed eam a virtute Divina removeri, quæ est prophetiæ causa. Suarez illud quoque animadvertit de Fide disp. 8. cit. sect. 7. num. 2. Deum prophetiæ auctorem quaecumque indispositionem naturalem vincere, aut removere posse, quatenus in homine reperiretur. In eo vero, quod spectat ad bonitatem morum, sæpe memoratus S. Doctor art. 4. ait, prophetiæ donum non requirere per se conjunctionem cum Deo per Charitatem, & sic aliquando non modo non sanctis, sed etiam peccatoribus communicari. Addit, prophetiam pertinere ad intellectum, & (uti sæpe dictum est) dari ad utilitatem Ecclesiæ, sicuti dantur aliæ Gratiae gratis datæ; & aliquem per morum malitiam impediri posse, ne prophetet, secundum passionem animæ, & actiones exteriores: cum enim ad prophetiam requiratur maxima mentis elevatio ad spiritalium contemplationem, hæc impediri potest per vehementiam passionum, & per inordinatam in rebus exterioribus occupationem. Quæ a D. Thoma dicta sunt, malos videlicet homines habere posse Gratiam gratis datam prophetiæ, confirmantur ex jure Canonico in can. Multa autem, ubi: *Propheta, qui in malis hominibus etiam fieri solet: & in can. Propheavit 1. quæst. 1. Propheavit & Saul malus Rex, & tunc prophetauit; cum David sanctum persequeretur. Non ergo se jactent, qui forte sine Charitate habuerint hoc munus Dei sanctum, sed videant, qualem rationem habent cum Deo, qui sanctis non sancte utuntur.* Quapropter in oratione, quam coram Cardinalibus sanctissimæ Inquisitionis Pater Bernardinus Paulini Lucensis Ordinis Prædicatorum habuit anno 1558. tempore Pontificatus san. mem. Pauli Papæ IV. quæ oratio Typis Parisiensibus edita est in 2. tomo vitæ Patris Hieronymi Savonarolæ pag. 572. dum ageretur de præscribendis ejusdem Savonarolæ libris, ita subdit: *Ora adunque, se Fra Girolamo fu santo, o tristo, io non ne parlo; basta, che non è impossibile, ch'egli fusse Profeta, essendo, come si sa, dato e concesso le profezie ancora ai tristi.* Scite Calmet in prolegomenis ad Prophetas art. 3. narrat Rabbinos in ea fuisse sententia, ut spi-

spiritus prophetiæ nunquam refederit nisi super homines sapientia, divitiis, & potentia præstantes; eosdemque gratiam prophetiæ retulisse ad indolem, studium, & varias exteriores rerum causas: quos idcirco strenue redarguit, cum maxima Prophetarum pars fuerit tenuissimi census: cum exemplis constet, aliquando Deum locutum fuisse per scelestissimos homines; cum prophetiæ donum gratis omnino a Deo concedatur citra humanæ industriæ meritum; quamquam alioquin nec studium, nec indefessam mentis intentionem excludat, vehementesque animæ agitationes aliquando prohibuerint Sancti Spiritus impressionem. Celebre est in historia sæculi xv. factum Joannæ Darcæ, puellæ Aurelianensis vulgo dictæ ob liberatam obsidione Aureliam. Quid ea porro gesserit, ut rebus afflictis Caroli VII. Francorum Regis subsidium ferret adversus Anglos, notum est: ejus quippe ductu Aureliæ soluta est obsidio; ejus armis tota regio subacta est inter Bituriges, ac Parisios; ejus consilio Remenses in potestatem recepti sunt, & Carolus Rex apud eos coronatus est; ejus impetu Talbores fugatus, & ejus cæsus est exercitus; ejus audacia Parisiensium porta cremata; ejus solertia atque industria res Francorum in tuto positæ sunt; uti pluribus refertur in *commentar. Pii II. lib. 6.* Quomodo autem factum sit, ut Virgini rusticæ, & quæ greges patris sui ducebat, ducendi exercitus cura commissa sit, non aliter explicari potest, quam si ad spiritum propheticum referatur; quo fuisse prælitam, deprehensum est judicio Theologorum, & Doctorum Parisiensium. Viderunt enim, occultas cordium cogitationes illam introspexisse, eique Gallorum cladem illo ipso die, eaque hora quas contigit, non obstante locorum distantia, fuisse revelatam. De Catholica puellæ religione, ejus inter castra virginitate, & bonis ejusdem moribus nulla est dubitatio; cum sententia Petri Chauconii B. Illovarum Episcopi, qui eam magiæ, hæresis, & prodiæ virginitatis infirmulaverat, tanquam injusta rescissa fuerit auctoritate Callisti III. summi Pontificis; uti plene refertur apud Spondanum in *continuat. annal. Card. Baronii ad an. 1430. num. 3. & seqq.*, apud Bzovium ad *enumd. annum tom. 15. annal.* & apud Martinum del Rio *disquisit. magic. lib. 4. cap. 1. quest. 3. sect. 6. §. Septima regula.* Cum tamen de puellæ sanctitate, & heroicis virtutibus nunquam factus sit sermo, neque judicium de eis prolatum, hinc inferre licet, prophetiæ donum posse a sanctitate esse sejunctum.

10 Dictis addendum est, nullum purum hominem habuisse cognitionem propheticam in habitu, vel potestate sua, priusquam actualem revelationem, aut motionem a Spiritu Sancto acciperet per inspirationem ac locutionem Divinam. Dictum est, nullum purum hominem cognitionem propheticam modo prædicto habuisse, ut Christus Dominus exciperetur, qui ex vi unionis hypostaticæ habuit etiam in via scientiam beatam & inditam, per quam cognovit omnes veritates, quæ revelari possunt hominibus per prophetiam; & ita potuit ex propria & habituali, seu permanente scientia prophetare, nulla expectata revelatione vel locutione Divina. Rursus cer-

tum est, nullum Prophetam, excepto semper Christo, licet insignem, & qui plures acceperit propheticas revelationes, ita recepisse ex habitu donum prophetiæ, ut quaecumque rem occultam cognoscere, aut de illa pro suo arbitrio prophetare posset. Eliseus 4. Reg. 4. v. 27. dixit: *Dominus celavit a me, & non indicavit mihi*. Cum autem prius ignoraret, quid Regibus responderet, iussit adduci Psalterem; cumque caneret Psalteres, facta est super eum manus Domini, & ait: *Hæc dicit Dominus*. Antea ergo Eliseus ignorabat, quod Dominus ei locutus non esset. Sunamitis afflictæ ob mortem filii, ut 4. Reg. 4., confugit ad Eliseum, at ille casum nesciebat: *Dominus celavit a me, & non indicavit mihi*. (1. Reg. 16.) cum Samuel missus esset a Deo ad ungendum aliquem ex filiis Isai, non indicavit, quis esset ex septem; quare, introducto Eliab, Samuel conjectans ex vultu & statura, eum esse electum, ait Domino v. 6.: *Num coram Domino est Christus ejus? & dixit Dominus ad Samuelem: Ne respicias vultum ejus, neque altitudinem stature ejus; cumque subinde ceteros intellexisset non fuisse a Deo electos, quod nihil de illis a Deo audisset, adducto tandem Davide parvulo, hæc verba habuit v. 12.: Ait Dominus: Surge, unge eum; ipse est enim*. Item Daniel. 2. cum Nabuch sententiam protulisset de nece omnium Sapientum Babylonis, nisi somnium suum interpretarentur, Daniel omnia declaravit, quæ per somnium Regis prænuntiabantur. Cumque alterius somnii interpretationem Nabuch a Daniele quæsierisset, hic coepit intra semetipsum tacitus quasi hora integra cogitare, & cogitationes ejus conturbabant eum, & deinde a Deo illuminatus illud explicavit, uti habetur cap. 4. Hisce exemplis utuntur passim Theologi, ut allatam firment ac statuunt assertiorem, quam etiam per sua principia roborat D. Thomas 2. 2. quæst. 171. art. 2. ubi ait, lumen propheticum inesse animæ Prophetæ per modum cujusdam passionis, vel impressionis transeuntis, & sic mentem Prophetæ semper indigere nova revelatione ad instar discipuli, qui nondum adeptus principia artis, indiget ut de singulis instruat. Legi etiam potest Scæchus de not. & sign. sanctit. sect. 8. cap. 2. num. 585. Ad rem subjicit Calmet (cit. art. 3. pag. 509. tom. 1.): *Tandem, si Dei Spiritus præsto semper Prophetis fuisset, ut quid phrasæ illæ in eorum scriptis familiarissima Spiritus Domini, sive, Manus super me? Hæc sane argumento sunt apertissimo, ait S. Hieronymus in Ezech. 11. ob humanam fragilitatem, & vitæ hujus necessitates interdum (Spiritum Sanctum) recessisse ab eis*.

11 Ex his, quæ hucusque dicta sunt, colligitur, ad essentiam veræ prophetiæ pertinere, ut Prophetæ non solum cognoscat quæ sibi revelantur, sed etiam, Deum esse, qui revelat; nullam in Divina prophetia naturalem dispositionem requiri; prophetiæ donum non requirere per se conjunctionem cum Deo per Charitatem, & sic aliquando fuisse etiam peccatoribus communicatum; prophetiam demum nulli puro homini fuisse per modum habitus datam: quæ omnia doctè explicat citatus Pater Baldellus in cit. MS. sequentibus verbis: *Idcirco, come causa onnipotense, non richiede alli suoi*

suoi effetti particular disposizione nella materia , che li riceve ; ma con ugual facilità insieme coll' effetto produce ancor , quando vuole , la disposizione e materia ; Quindi è , che per il lume di profezia non si richiede disposizione particolare , o impressione determinata nel soggetto , a cui si concede , ma può profetare , come a Dio piace , chiunque si sia , conforme soggiunge S. Tommaso nella 2. 2. quest. 172. art. 3. purchè abbia per altro natura capace d' intendimento , e siano da lui lontane quelle passioni dell' animo , che assorbiscono intorno ad altro oggetto tutte le forze apprensive , come sono particolarmente i diletti dell' atto carnale , de' quali si dice ne' sacri Canonì da S. Girolamo nel cap. Connubia 32. quest. 2. che non si dà in quel tempo lo Spirito Santo nè anche ai Profeti . Nè questo solamente s' intende di qualche disposizione quasi abituale e permanente , che debba supporre nel Profeta : ma anche dell' attuale , e transiente , qual forse potrebbe parere l' essere alienato ed astratto da' sensi : poichè nè anche questa è necessaria o per ricevere l' influsso del lume profetico , o per l' intendimento formale della cosa , che per quel lume si manifesta , come ben nota S. Tommaso nella 2. 2. quest. 173. art. 3. e perchè il lume profetico secondo il medesimo nella quest. 171. art. 2. non si concede come abito e forma permanente nell' anima , come è la luce nel corpo solare , ma come passione transiente , come è il lume nell' aria . Quindi è , che non sempre i Profeti hanno lo Spirito di profezia a suo talento ; & aliquando , come dice S. Gregorio nell' omel. 1. in Ezechiel. prophetia spiritus deest Prophetis , nec semper eorum mentibus praeiit est . Nel qual modo ancor Eliso nel 4. lib. dei Regi cap. 4. di quella donna Sumaritis : Anima ejus in amaritudine est , & Dominus celavit a me , & non indicavit mihi . E lo stesso nel cit. 4. lib. dei Regi cap. 3. essendo da Giosafate Re di Giudea interrogato , non altrimenti ottenne lo spirito per profetare dal Signore , se non con farsi condurre un Cantore , e Sonatore di salterio , cioè con cantare e sentire le lodi di Dio , e per mezzo di quelle impetrarlo , come S. Gregorio avverte nel luogo citato . E questo stesso assai si dichiara ancor col modo comune di parlare , che usa la Scrittura , parlando de' Profeti : Locutus est Dominus ad Prophetam &c. Factum est verbum Domini ad Prophetam &c. che solo esprime manifestazione e lume attuale , ed impressione transiente , e non abituale e permanente . In oltre di qua nasce , che non per questo , che uno è Profeta , conosce tutto il futuro , nè può di tutto profetare , ma solo di quello , che attualmente gli manifesta il lume profetico , come nota S. Gregorio nel luogo citato , * e S. Tommaso nel luogo parimente citato . Anzi tal volta per l' uso grande , che ha qualcuno di profetare , dico qualche cosa , e pensa dirla col lume profetico : e solamente la dice con il proprio spirito , e s' inganna : Aliquando Prophetæ , dum consulunt , dice S. Gregorio , ex magno usu prophetandi quædam ex suo spiritu proferunt , & se ex prophetia spiritu dicere suspiciuntur . Sed , ne error possit accidere , per Spiritum Sanctam citius docti , ab eo , quæ vera sunt , audiant , & semetipsos , qui falsa dixerunt , reprehendant . E come insegna S. Tommaso al luogo citato art. 9. se bene il lume profetico , quando è perfetto , tira seco certezza grandissima , che è da Dio , e senza pericolo d' errore , o d' inganno ; contrastato , se è imperfetto , e solamente un certo istinto , che il Profeta si sente a profetare , può facilmente

mentre mancare di tal certezza. E in tal caso può occorrere, che il Profeta non parli per istinto di Dio, e parli di proprio istinto, e dall' evento riprenda se stessa di falsità, come abbiamo detto. E forse in questo modo può esser' occorso tal volta, che da diverse persone siano state pubblicate rivelazioni di cose contrarie, come per esempio, che la Beatissima Vergine sia stata, e non sia stata concepita senza peccato originale, e pure una sola di loro abbia avuta vera rivelazione, e l'altra abbia creduto d' averla, e veramente abbia parlato di proprio sentimento, e non per istinto di Dio. Nel medesimo modo, quando il lume di profezia è imperfetto, può il Profeta esser mosso ad apprendere internamente, o a parlare, o a far qualche cosa, che Iddio voglia sia simbolo e segno di cosa futura, senza che egli intenda il vero significato della cosa, che apprende, pronunzia, o fa, come apparisce in Caifa, del quale si dice in S. Giovanni al cap. 11. che per esser Pontefice di quell' anno, prophetavit, quod Jesus moriturus erat pro gente, & non tantum pro gente, sed ut filios Dei, qui erant dispersi, congregaret in unum. E questo lume profetico non fu in lui, se non un istinto a dir materialmente quelle parole: Expedi, ut unus moriatur homo pro populo, & non tota gens pereat. E queste, come si nota da S. Giovanni nel luogo citato, a semetiplo non dixit. E come insegna S. Tommaso al luogo citato art. 4. nè anche intese quel, che ei disse, nè prese- se in verun modo di profetare, come nota S. Agostino de cur. pro mort. cap. 12. &c. Ma, quando costui, la profezia e rivelazione esser da Dio, non per questo arguisce di certo gran santità nel Profeta, in quanto la santità consiste nell' essere amico di Dio, e nella Grazia, che si chiama santificante. Anzi secondo S. Tommaso al luogo citato, può anche star senza essa, e in anima peccatrice; poichè nè l' atto stesso d' intendere per il lume profetico richiede di sua natura l' esser congiunto con Dio per Carità; e il fine, perchè si concede, cioè l' altrui utilità, conforme a quello di S. Paolo nella prima lettera ai Corinti cap. 12. Unicuique datur manifestatio spiritus ad utilitatem, può conseguirsi senza essere in grazia lo stesso Profeta. Onde sappiamo, che profetò anche Caifa Pontefice iniquo e scellerato. E appressò S. Matteo al cap. 7. a quelli, che sono per dire al Signore, Nonne in nomine tuo prophetavimus? e egli chiaramente per rispondere: Nunquam novi vos. Sopra il qual luogo ancor S. Girolamo nota, che prophetare, & virtutes facere, & Dæmonia ejicere, interdum non est meriti ejus qui operatur, sed vel invocatione nominis Christi hoc agitur, vel ob condemnationem eorum qui invocant: vel ob utilitatem eorum qui vident & audiunt. Contuttociò ancor la profezia, che si ordina all' utile altrui, secondo il medesimo S. Tommaso al luogo citato, può arguire nel Profeta molta moderazione di passioni interne, e di esterne operazioni: poichè richiede l' elevazione della mente alle cose Divine, e questa vien impedita dalla violenza delle passioni, e dalla disordinata attenzione alle cose esterne. E siccome si legge nel 4. lib. dei Regi al cap. 4. che i figliuoli de' Profeti abitavano con Eliseo quasi al deserto, acciò le distrazioni ed occupazioni della città non impedissero il dono della profezia, così è necessario per il medesimo dono, che alquanto si goda l' interna solitudine, e il deserto dell' anima.

- 12 - Concordat Silvius in 2. 2. D. Thoma tom. 3. Quasi enim 171. art. 54 docet,

docet, mentem Prophetæ dupliciter a Deo intrui: uno modo per expressam revelationem; altero per occultum instinctum: & quantum ad ea quæ priori modo Prophetæ cognoscit, semper discernere posse. quid per spiritum propheticum dicat, quid per spiritum proprium; quia certissime illa cognoscit, quæ ipsi expresse revelata sunt, & omnino certus est, se illorum revelationem habere a Deo: quantum vero ad ea quæ Prophetæ non cognoscit nisi per occultum instinctum, non semper discernere posse, quid ex spiritu prophetico loquatur, quid ex proprio; & sic interdum contingere, humani esse tantum cordis suggestionem, quam Prophetæ putabat esse suggestionem a Deo venientem. Et *quæst. 172. art. 3.* statuit, non requiri dispositionem naturalem ad prophetiam, cum prophetiæ donum, facultatem hominis excedens, detur a Deo, non ex virtute alicujus causæ creatæ, sed proprius independenter ab illa: & explicans doctrinam D. Thomæ docet, ab eo non negari, posse aliquam spiritalem dispositionem præcedere luminis prophetici susceptionem, puta elevationem mentis in Deum, orationem, jejunium, & similia, quibus aliquando legitur sanctos viros usos fuisse, Daniellem videlicet, ut in suæ prophetiæ *cap. 2.*, & Eliseum, uti habetur *4. Regum 3.* Item *art. 4.* demonstrat, bonitatem morum non requiri ad prophetiam, & sic eam posse in aliquo esse sine Gratia gratum faciente, ac per consequens sine Charitate; additque, licet prophetia per se recta non referatur ad utilitatem ejus qui illam recipit, si tamen quandoque detur a Deo, ut sit in spiritalem salutem Prophetæ, tunc vel prius, vel simul cum dono prophetiæ Deum illi dare Gratiam gratum facientem. Et *quæst. 171. art. 2.* probat, prophetiam, seu lumen propheticum, per se, & ex sui ratione, non esse habitum; posse tamen ex Divina virtute perpetuo in aliquo conservari, uti factum est in Christo Domino.

CAPUT XLVI.

In quo dicta in capite precedenti confirmantur; & nonnullis, quæ proponi possunt, difficultatibus respondetur.

Nonnulli ex Philosophis divinandi munus animæ adscripserunt, quasi illa ex suis principiis vim quamdam adjunctam haberet præsciendi futura. Alii ex illis docuerunt, animum a sensibus expeditum, ut in somno præsertim, & in fine vitæ, mirabilia sentire, & non raro loqui futura, quæ vera esse eventus subsequens comprobavit. Extendunt id etiam ad melancholicos. Quod si superaddantur oracula Pythii, & Delphici Apollinis, Dodonæi, & Ammonii Jovis, Trophonii Antri, Borysthenis, Herculis Columnarum, & similibus, ex prædictis omnibus inferri posse videtur, tum actuum internorum, tum futurorum contingentium cognitionem & præscientiam non esse soli Deo reservatam, sed naturaliter ab homine haberi posse, & etiam ab Angelo sive bono, sive malo. Adversus hæc autem

autem tum Divina testimonia, tum Theologorum assertiones, tum demum placita Philosophorum sunt Nobis exponenda.

2. Quoad testimonia Divina, repetimus illud *Isaia* 41. v. 23. *Annuntians, quæ ventura sunt in futurum, & sciemus, quia Dii estis vos*. Addimus illud *Isaia* 46. v. 9. *Recordamini (inquit Deus) prioris sæculi, quoniam ego sum Deus, & non est ultra Deus, nec est similis mei, annuntians ab exordio novissimum, & ab initio, quæ necdum facta sunt*; item illud *Danielis* 2. ubi, postquam dixit, nec Magos, nec Aruspices posse indicare quid futurum portenderet somnium à Rege Babylonio visum, subjicit v. 28. : *Sed est Deus in calo revelans mysteria, qui indicavit tibi, Rex Nabuchodonosor, quæ ventura sunt in novissimis temporibus*; rursus aliud 2. *Paralip.* 6. v. 30. ubi Salomon fundens ad Deum preces, ait : *Redde unicuique secundum vias suas, quas nosti eum habere in corde suo ; tu enim solus nosti corda filiorum hominum*. Jeremiz quoque 17. v. 9. dicitur : *Præcunum est cor omnium, & inscrutabile : quis cognoscet illud ? Ego Dominus scrutans cor, & probans renes*. Demum de Christo *Joan.* 2. v. 25. dicitur : *Opus ei non erat, ut quis testimonium perhiberet de homine : ipse enim sciebat, quid esset in homine ; & Matthæi* 9. v. 4. *Cum vidisset Jesus cogitationes eorum*. Quare S. Hieronymus ad dictum cap. 17. *Jerem.* col. 960. oper. tom. 4. subjicit : *Simpliciter accipiamus, quod nullus cogitationum secreta cognoscit, nisi solus Deus*. Et ex cognitione cogitationum hominum arguit, Christum non purum hominem esse, sed Deum : *Si autem de Salvatore dicitur, Videns autem cogitationes eorum Jesus, nullusque potest videre cogitationes eorum, nisi solus Deus ; ergo Christus Deus est, qui scrutatur corda, & probat renes*.

3. Quoad Theologorum assertiones, S. Thomas *quest.* 16. *de malo* art. 8. docet, aliquando cogitationes hominum dignosci ex corporalibus signis ; timentes quippe pallescunt, verecundi erubescunt, & pallio à Medicis deprehenditur per cordis immutationem, quæ ex pulsu percipitur : quo præmisso, ait, multo magis Dæmonem eo modo cognoscere cogitationes hominum, quam cognoscit homo ; tum addit, quia id, quod cadit sub ordine superioris causæ, non potest causa inferior cognoscere, sed solum causa superior movens, & illa quæ movetur ; & voluntas interius non potuit ab alio, quam a Deo moveri, cujus ordini immediate subest ; voluntarias idcirco cogitationes non posse vere cognosci a Dæmone, neque à quovis alio, sed à solo Deo, & ab homine volente atque cogitante. Repetit hæc eundem S. Doctor *quest.* 8. *de veritate* art. 13. ubi postquam iterum dixit, cogitationes cordis ex corporalibus signis dignosci posse, subjicit, hoc ipsum contingere posse, si ex actuali cogitatione, in qua aliquis meretur, vel demeretur, mutatur quodammodo status agentis hanc quippe, ait, mutationem ab Angelis cognosci, absque eo quod tamen cognoscatur cogitatio ipsa particularis, sed tantum in toto genere ; cum ex multis & diversis cogitationibus eodem modo quis mereatur, vel demereatur, gaudeat, vel tristetur : & 1. part. *quest.* 14. art. 13. ostendit, contingenti duplici modo considerari posse, in se ipsius videlicet, qua ratione jam acti sunt, & in suis causis, & sic prout non

non sunt determinata ad unum; neminem autem posse habere nisi conjecturalem cognitionem contingentium effectuum in suis causis, & solum Deum cognoscere omnia contingentia, non solum prout sunt in suis causis, sed etiam prout unumquodque eorum est actu in se ipso; ita ut, licet contingentia fiant in actu successive, a Deo tamen non successive cognoscantur, cum subdantur Divino conspectui secundum suam præsentialitatem, uti loquitur S. Doctor, quamvis futura sint contingentia suis causis comparata: & *quæst. 57. art. 3.* proposita disputatione, utrum Angeli cognoscant futura; respondet, futura, quæ necessario ex suis causis proveniunt, puta, solem oriri cras, certa scientia cognosci; & cognosci ea quoque, quæ ex suis causis plerumque proveniunt, sed per conjecturas; hunc autem modum cognoscendi futura, esse in Angelis multo magis, quam in hominibus, cum rerum causas universalius & perfectius cognoscant; tum subjicit, ignota eis penitus esse, quæ ex causis suis proveniunt raro, sicuti fortuita: futura vero in se ipsis a solo Deo cognosci, sive futura sint, quæ necessario proveniunt, vel ut plurimum, sive sint fortuita; cum Deus omnia videat in sua æternitate, quæ simplex est, & toti tempori adest, & ipsum concludit; quæ cognitio intellectui Angelico convenire non potest, cum intellectus creatus deficiat ab æternitate Divina. Cohærenter ad hæc iidem Theologi docent, non posse Dæmonem certo prædicere ea, quæ sunt omnino libere futura; posse ex his, quæ certo novit, multa probabiliter & per conjecturam prædicere; posse certo prædicere quæcumque dependent a causis necessariis, quæ ab aliis causis naturalibus impediri non possunt; posse Dæmonem præterita omnia memoria retinere, quæ vel aliena relatione accepit, vel coram ipso gesta fuere; posse scire res præsentis obscuras, quæ exteriore actu proditæ sunt, puta secreta furta, & similia, quæ hominum cognitionem fugiunt; spontaneas hominum cogitationes cognoscere non posse, nisi signo aliquo extrinseco manifestatæ sint; & demum posse incredibili celeritate ea, quæ in remotis regionibus geruntur, tam cito denuntiare, ut diu ante prædicta ab ignaris putentur, quemadmodum late prosequitur Anastasius Episcopus Nicænus *quæst. 23. in sacram Scripturam*, & fule explicant Martinus del Rio *disquisit. magicar. lib. 4. cap. 2.* Matta *de Canonizat. SS. part. 3. cap. 1. num. 45. & seqq.* Raphael de la Torre in 2. 2. *D. Thoma quæst. 95. art. 2. disput. 1. pag. 114. edit. Colonien. an. 1630. Arauxo decis. moral. tract. 3. quæst. 23. num. 93. & seqq.* & Thyraeus *de apparitione intellectu lib. 4. cap. 13. num. 14.* S. Augustinus *de civit. Dei lib. 1. cap. 32.* narrat, Dæmonem prævidisse pestis cessationem; & Coquæus in *notis* ait, Dæmonem prædicere posse, quæ facturus est, & forte prævidisse cessationem pestis, quam ipse, Deo permittente, immiserat, & sic facile avertere poterat; & *lib. 12. de Genesi ad litteram cap. 17. col. 308. tom. 3. part. 1.* arguit fore, ut Dæmon hominem non tentaret, si non conjecturalem, sed certam haberet ejus animi cognitionem; *Certissimis tamen indicis apud nos constitit, entiatas a Dæmonibus cogitationes hominum i qui tamen, si virtutum internam speciem præsent in hominibus cernere, non tenta-*

rent.

rent, sicut illam in *Job* nobilem ac mirabilem patientiam procul dubio si posset *Dia-*
bolus cernere, nolle a tentato ungue superari. Et *S. Thomas* 2. 2. *quest.* 172.
art. 5. & 6. admittit, Prophetas *Dæmonum* aliquando loqui posse, & præ-
 dicere ex inspiratione Divina, Deo utente malis ad utilitatem bonorum, &
 fieri posse, ut *Dæmones* ex bonorum Spirituum revelatione, Deo permit-
 tente, aliqua futura revelent. Legatur *Silvius* in 2. 2. *D. Thomæ* tom. 3. ad
 dictam *quest.* 172. *art.* 6. ubi ad *D. Thomæ* doctrinam illustrandam ait, *Ba-*
laam, cujus ampla fit mentio in libro *Numerorum*, fuisse *Dæmonum* Pro-
 phetam, sed prophetias, quas enuntiavit in dicto libro, fuisse a Deo, qui sic-
 uti interdum revelat futura hominibus Fidelibus quidem, sed impiis, ita
 quædam revelare potest Infidelibus, *Dæmonumque* cultoribus, prout ad
 aliorum ædificationem expedire judicaverit. Optime hæc omnia explican-
 tur a *Tertulliano* in *apolog.* cap. 22. pag. 55. Omnis (inquit) Spiritus aler est:
 hoc Angeli, & *Dæmones*. Igitur momento ubique sunt. Totus orbis illis locus unus
 est. Quid ubique geratur, tam facile sciunt, quam enuntiant. Velocitas Divinitas
 creditur, quia substantia ignoratur. Dispositiones etiam Dei & nunc Prophetis
 concionantibus excerpunt, & nunc lectionibus resonantibus carpunt: ita & hinc su-
 mentes quasdam temporum sortes, amulantur Divinitatem, dum furantur divina-
 tionem. Ad id quod supra dictum est, *Dæmonem* videlicet posse, quæ in re-
 motissimis regionibus geruntur, cognoscere, & tam celeriter nuntiare, ut
 diu ante præcognita esse ab ignaris putentur, referri potest illud *Apollonii*,
 qui, teste *Philostrato* in ejus vita, *Ephesi* exclamavit, eo tempore *Domitia-*
num Romæ interfici, unde magnam sibi opinionem Divinitatis apud homi-
 nes comparavit, quatenus futura cognosceret & prædiceret. Simile quid
 refert de quodam *Cornelio Gellio* lib. 15. *noct. Attic.* cap. 18., & de quodam
 alio *Ammonio* lib. 3. *annal.* cap. 22.

4. Demum quod *Philosophos*, ipsi bene docent, hominis animæ nul-
 lam inditam fuisse facultatem futura cognoscendi. Cum enim ho no res co-
 gnoscere non possit, nisi vel per se existant, vel per suas causas; quæ autem
 futura sunt, adhuc nec in se, nec in suis causis existant, sed a voluntate Di-
 vina solum pendeant; cumque nullum objectum cognosci possit, nisi per
 illius species, & non existentis nullæ sint species; inferunt, futura a solo
 Deo, & non ab homine cognosci posse. Quapropter recte *Philostratus* sub-
 dit: Omnis divinandi ars natura metas excedit, & humane menti nullo modo per-
 via, cum ad hujusmodi ascensum impossibile sit: ut feratur, nisi dictante Deo, aut
Dæmone plerumque falsa suggerente, licet aliquando vera, ut *stultos arctius irre-*
riat. Idemque *Philosophi* admittunt, facile dari posse, ut prudens & soler-
 tissimus aliquis, & rerum usu expertus aliquid assequatur, & de iis, quæ
 ventura sunt, judicium proferat, dummodo ea a causis vel aliquo modo ma-
 nifestis, vel non ita occultis deduci possint; & bene explicant, quomodo
 a melancholicis, aut morti proximis aliqua eventura prædicta sint, quæ re
 vera contigerunt, absque eo quod hinc inferatur, ullam animæ insitam esse
 facultatem futura prædicendi, aut quod soli Deo futurorum cognitio
 non

non sit servata. Legi possunt Valletius de sacra Philosophia c. 30. & Gajpar Rejes in jucundarum questionum Elyfio campo quasi. 27. & Zacchias quasi. Medico-legal. lib. 4. quasi. 5. art. 1. Apud S. Gregorium lib. 4. dialog. cap. 26. col. 409. tom. 2. legitur quidem: Ipsa aliquando animarum vis subtilitate sua aliquid praevidet: Et in eod. cap. & cap. seq. quosdam casus proponit, quibus ostendit, morti proximis aliquando futura prænovisse & prædixisse; quod ipsum ante te docuerat Plato in apologia, ubi Socratem ita inducit loquentem: In illud tempus incidi, quo homines solent maxime ventura prædicere, cum jam morituri sunt; & concordat Tullius lib. 1. cap. 30. de divinatione, ubi hæc habet: Divinare autem morientes, etiam illo exemplo confirmat Posidonius, quo affert, Rhodium quemdam morientem sex aequales nominasse, & dixisse, qui primus eorum, qui secutus, qui deinde deinceps moriturus esset; & tam Plato, quam Aristoteles dixerunt, majorem dispositionem divinandi in fatuis, & stupidis, & in melancholicis reperiri, quam in ceteris, qui sunt sanæ mentis. At hæc bene explicantur non de vera prophetia, sed de divinatione connexionem quamdam habente cum suis causis naturalibus. Quocirca Raphael de la Torre loc. supra cit. quasi. 95. art. 1. disput. 2. in respons. ad tertium scribit: Non abnuimus, esse quosdam homines magis dispositos ad divinandum, id est, ad prædicendos eventus quosdam naturales ex agnitione suarum causarum naturalium, cum quibus habent naturalem commisionem. Hujusmodi sunt homines in argumento commemorati. Nam sicut bruta divinatione naturali magis pollent, quam homines, utpote a quibus solent homines signa eventuum naturalium desumere; pisces quidem solent nautis incautis tempestates præmonstrare, aves agricolis, armenta bubulcis, pecora pastoribus; nam datus est brutis instinctus quidam nature pro prudentia: sic inter homines fatuis, & rudibus, ac amentibus data est divinatio naturalis pro prudentia. Causa hujus est, quia sicut bruta majorem habent affinitatem cum causis corporalibus; sic inter homines ii, qui fatui, & stupidi sunt, parum dissident a brutis in suis actionibus. De moribundis dicimus, si divinant que per naturam fieri non possunt, ea præsciunt & prænuntiant, Deo illustrante eorum mentes divinis; & hoc est, quod loc. cit. probat Gregorius adductis tribus, aut quatuor exemplis. Sic legitur Jacob egisse Genes. 41. jam morti appropinquans, sicut & Moyses Deuteronom. 33. At vero, si morituri prædicunt futura, que certas causas naturales habent, id faciunt, quia aliquando ea hora, impeditis sensuum motibus, mens ad intra colligitur, ac melius & exactius contemplatur, quia variis & multiplicibus motibus sensuum neque perturbatur neque distrahitur.

5 Apud Ivonem Carnotensem, in opere, cui titulus, *Decretum*, quod ad exemplar manuscriptum bibliothecæ S. Victoris Parisiensis castigatum Fronto Canonicus Regularis S. Genovesæ Parisiensis edidit, part. 11. tit. de incantationibus Haruspicum cap. 71. & seqq. ex doctrina S. Augustini multa desumpta sunt de prædictionibus Demonis, quibus minime obstantibus, demonstratur, eum nec intimas hominum cogitationes certo cognoscere posse, nec futura contingentia tuto posse prædicere: Aliquando autem non quæ ipsi faciunt, sed que naturalibus signis futura præsciunt, que signa in homi-

num sensus venire non possunt, ante pradicunt. Neque enim, quia prævīdet Me-
dicus, quod prævīdere nescit huius artis ignarus, ideo jam divinus habendus est.
Quid autem mirum, si, quemadmodum ille in corporis humani vel perturbata vel
modificata temperie, seu bonas seu malas futuras prævīdet valetudines, sic Demon
in aeris affectione atque ordinatione sibi nota, nobis ignota, futuras prævīdet tem-
pestates? Aliquando et hominum dispositiones, non solum voce prolatas, verum
etiam cogitatione conceptas, cum signa quadam ex animo exprinuntur in corpore,
tota facilitate perdiscunt, atque hinc etiam multa futura prævīdiant, aliis vide-
licet mira, qui ista disposita non noverunt. Sicut enim apparet concitatio animi
motus in vultu, ut ab hominibus quoque aliquid forinsecus agnoscat quod intrin-
secus agitur; ita non debet esse incredibile, si etiam leniores cogitationes dant ali-
qua signa per corpus, quæ obtuso sensu hominum cognosci non possunt, acuto autem
Dæmonum possunt. Hac, atque huiusmodi facultate multa Dæmones futura prævī-
diant, cum tamen ab eis longe sit altitudo illius prophetiæ, quam Deus per san-
ctos Angelos suos, et Prophetas operatur.

6 Pater quoque Balleslus in cit. manuscripto ea omnia, quæ superius
tradita sunt, clarissime explicat his verbis: *Contuttociò, oltre questa profezia
Divina, che si occupa intorno a tutte le cose, che possono manifestarsi da Dio, e
debbono di sua ragione esser occulte al Profeta, e particolarmente intorno ai futu-
ri contingenti, e liberi, ne riconosce S. Tommaso nella 2. 2. quest. 173. art. 1. an-
cor' un' altra meno perfetta, che è dalla natura, e un' altra peggior, che è dal
Demonio; e a quella possono appartenere tutti i futuri, che hanno determinazione
nelle sue cause, ed a questa tutte le cose, che possono esser sapute dal Demonio. E
solo di questi effetti debbonfi intendere alcuni Filosofi, che ammettono assolutamente
la profezia dalla natura, e principalmente dall' influxo de' cieli; ed aggiungono,
che richiede una certa disposizione e temperamento d' umori, per meglio apprende-
re le impressioni celesti, come dichiara Alberto Magno nel lib. 3. de anima tract. 1.
cap. 1. ed Aristotele in probl. sect. 30. num. 1. da certa temperie d' umore malin-
conico, che per forza si riscalda intorno all' organo della immaginazione, ed alla
sedia della mente, dice avvenire, che molti sono guidati da istinto istintivo, e dal
medesimo essere state mosse le Sibille, e le Bacche, e tutti quelli, che si credono es-
ser mossi da ispirazione Divina; non già perchè l' umor malinconico da per se solo
abbia potenza d' illuminare l' intendimento intorno alle cose future, o nascoste, ma
perchè ha virtù di tener le forze dell' animo ben raccolte dagli altri oggetti, e di
disporre a meglio ricevere le mozioni ed impressioni, che vengono dalle cause di fuo-
ri, come chiarissimamente insegna il medesimo Aristotele nel lib. 2. ad Eudem.
cap. 9. dove dice, che i fanatici per l' apparenza che hanno di varie cose, e quelli
che predicano le cose future, non hanno da per se stessi il fare e il dire quel che fanno
o dicono, ma solo da cause superiori e più potenti. E per queste ragioni medesimo si
può dire, che avvenga, che questa sorta di profezia più si partecipi nel tempo del
sonno, che del vegliare, e più dagli uomini scemi, stupidi, e rozzi, che da quelli
di mente sana ed erudita, e più da quelli, che sono vicini alla morte, dai matti fu-
riosi, e simiglianti, come nota Aristotele de divinat. per som. ad cap. 1. & 2.*
per-

perchè, mentre l'animo si riposa dagli oggetti sensibili, come nel sonno, e mentre son poche le immagini e somiglianze dell'altre cose che distraggono l'animo, come, negli scemi, stupidi, e rozzi, che per questo molto s'accostano alle bestie; e finalmente mentre si gode o per gli umori, o per la cessazione dalle altre cure miglior disposizione alle impressioni di fuori, non può non essere, che queste non si prendano e non si apprendano meglio. Anzi per le stesse ragioni ancor' Iddio, quantunque non abbia bisogno (come abbiamo detto) per il lume profetico, di astrazione ed alienazione da' sensi; contuttociò bene spesso questa cagiona, e massime quando il lume è molto perfetto e intenso. E non è dubbio, che così viene ad operare molto più conformemente alla nostra natura, la quale, quanto più s'occupa in un' affare, tanto è forza che sia disoccupata dagli altri. E forse ancor per questo il Profeta Eliseo nel lib. 4. dei Regi al cap. 3. fececi condurre il cantore, e sonatore delle lodi di Dio, acciò in quel modo più raccoglieste la mente, e meglio si disponesse alle impressioni e manifestazioni profetiche. Drvesi però intorno a questa natural profezia ben avvertire con S. Tommaso al luogo citato, che non si possono a lei riferire, se non quegli effetti, che sono determinati nelle sue cause naturali, e tutti indifferentemente, o siano necessarij, o contingenti; e, o si debbano porre per cause naturali, o solamente per la potenza e volontà di Dio, non si possono riferire in altra profezia, che in quella, che assolutamente chiamasi Profezia, ed è Divina. Questa sola contiene verità certa ed infallibile per il lume di Dio, in cui s'appoggia; e l'altra, che è naturale, nè anche gli effetti naturali che predice, può predicar come veri, se non per lo più e sotto la condizione, che le loro cause non s'impediscano. Se bene appressò S. Agostino nel lib. 12. de Genesi ad litteram cap. 13. tom. 3. non è manca'o chi abbia detto, che si ritrova nell'anima per se stessa una certa virtù d'indovinare e prevedere tutte le cose: e questo, secondo S. Tommaso al luogo citato par che abbia detto Platone in conseguenza de' suoi principj, secondo i quali riceve l'anima la cognizione di tutte le cose, non perchè ella stessa l'acquisti per mezzo de' sensi, ma perchè la partecipa dall'idee; e questa, per la congiunzione col corpo, più a meno s'oscura e s'annuvola, secondo la diversa impurità del corpo. Questo però nè da Sant'Agostino, nè da San Tommaso vien approvato, e dalla stessa esperienza è convinto di falsità; secondo la quale ognun prova, che non solo le cose future, ma nè anche le presenti conosce, se per i sensi non gli vengano proposte: e se fosse nell'anima virtù naturale d'indovinare, sarebbe ancor ella soggetta alla volontà di ciascheduno, come sono le altre potenze d'intendere, e potrebbe ognuno a suo volere indovinare; il che similmente l'esperienza convince per falso. Non è però da negarsi in alcuni una particolar' abilità dalla natura a indovinare per conghietture le cose avvenire, anche libere. E questa da S. Tommaso al luogo citato si dice perfezionarsi ed acquistarsi per la via sperimentale, ed esser grandemente principitata dalla perfetta immaginazione, e chiara intelligenza. E Aristotele nel lib. de memor. & reminisc. chiaramente ammette una certa scienza, che egli chiama sperativa e indovinatoria del futuro, e vuole, che a proporzione risponda a quella facilità, che si scopre in alcuni più, che in altri, di ricordarsi delle cose passate, e di sentir le presenti. Quanto poi all'ultima sorta di profezia, che è dal Demonio, lo

stesso a proporzione devesi intendere, che già si è detto della naturale, cioè, che non si stende, se non a quello che al Demonio può esser noto; e questo stesso non può mostrare senza continua temenza d'inganno, poichè s'appoggia solamente nell'opra e virtù del Demonio. E se bene a questo non è permesso, che egli operi immediatamente nell'intelletto, assai però gli è permesso, ch'ei manifesti, formando visioni immaginarie, o ancor parlando sensibilmente, come nota S. Tommaso al luogo citato. È in questo modo pur troppo grande il numero de' suoi Profeti, come apparisce nel lib. 3. dei Regi cap. 18. dove i Profeti di Baal sono numerati 350. e i Profeti delle selve 400. quando Elia disse ad Acaz: Congrega mihi Prophetas Baal trecentos quinquaginta, Prophetasque lucorum quadringentos &c.

7 Denique Dæmon, Divinæ gloriæ æmulator, eamque studens imitari, petentibus responsa vel ex antris, vel ex statuis dedit; quemadmodum pluribus ostendit Vallalpandus tom. 1. part. 1. in Ezechielem cap. 2. & part. 2. cap. 27. tom. 2. &c. extrema visione Ezechielis lib. 1. cap. 2. & lib. 3. cap. 10. &c. tom. 3. de urbe ac templis lib. 3. cap. 29. Iis porro responsis si aliquando internas hominum cogitationes revelavit, aut futura prædixit quæ evenerunt, id præstitit modis jam supra explicatis, & præcipue per scientiam conjecturalem, juxta ea quæ plene etiam habentur apud Majolum in trakt. de vaticiniis tom. 1. colloquior. pag. 517. & seqq. Et quidem quod ea ad summum ad scientiam conjecturalem sint referenda, ex duobus dignoscitur: alterum est, quod prædictiones falsæ ut plurimum fuerunt; unde S. Joannes Chrysostomus homil. 19. in Joan. pag. 112. tom. 8. ait: Futura vero accuratè prædicere unius immortalis natura est. Quod si id Dæmones aliquando fecerint, insipientes fallendo, fecerunt; unde & vaticinia eorum semper falsa deprehenduntur: alterum est, quod callide & ambigue futurorum vaticinia ab eo prodita sunt. Quare Cicero de divinac. cap. 54. lib. 2. ait: Callide enim qui illa composuit (oracula), perfecit, ut quodcumque accidisset, prædictum videretur, hominum & temporum definitione sublata. Adhibuit etiam latebram obscuritatis &c. Optime Tertullianus post verba supra recitata, subdit: In oraculis autem quo ingenio ambiguitates temperent in eventus (loquitur de Dæmonibus) sciunt Cræsi, sciunt Pyrrhi. Cræsus enim, cum oraculum Apollinis consulisset, num arma adversus Persas moveret, Oraculum respondit, ut reuert Eusebius lib. 5. cap. 10. de preparat. Evang. juxta versionem Trapezuntii:

Intrepidus si Cræsus Halym transmiserit amnem,

Imperium perdet magnum, Regnumque superbum:

qua ambiguitate verbi perdet deceptus Cræsus bellum Persis indixit, arbitratus, Regnum Persarum suis armis devastandum, sed ipsemet suum Lydiæ Regnum infelici belli eventu perdidit. Simile quid contigit Pyrrho Epirotarum Regi, qui, cum idem Oraculum consulisset, utrum adversus Romanos pugnans victor futurus esset, ambiguum hoc audivit responsum, quod apud Tullium loc. cit. legitur:

Ajo, te Æacida Romanos vincere posse:

quo factum est, ut victoriæ spe excitatus, adversus Romanos pugnaverit;

sed

sed ab illis victus ambigui oraculi sensum sua didicit iactura. Hinc proinde factum est, ut apud sanæ mentis homines, etſi Gentiles, oraculorum fides eſſet adeo prolapſa, ut nihil inter eos eſſet contemptius. Porphyrius, qui librum ſcripſerat de philoſophia ex oraculis petita, vanitatem oraculorum conſeſſus eſt, uti videri poteſt apud Eusebium *prep. lib. 6. cap. 4.* ; & huius quoque rei teſtis eſt Origenes *lib. 7. contra Celfum*, ubi ita ſcribit: *Dico igitur de modo enumeratis oraculis poſſe nos ex auctoritate Ariſtote- lis, & Peripateticorum multa proferre, Pythia, ceteriſque fidem abrogantia: poſſe item ex Epicuro, & ſuſque ſectatoribus tranſcribere quid de his ſentiant, oſtendereque, quod ipſi Græci nihili pendant Græcia Oracula, vel celebratiſſima.* Præclarum quoque eſt Lactantii teſtimonium *lib. 2. Drvinar. inſtitut. cap. 17.* In Oraculis autem vel maxime fallunt, quorum præſtigias profani a veritate intelli- gere non poſſunt; idemque ab illis attribui putant & imperia, & victorias, & opes, & eventus proſperos rerum.

8 Ceſſaſſe hæc Dæmonum oracula in adventu Chriſti, & ſignanter ce- lebre Oraculum Delphicum, narrat Suidas *in verb. Auguſtus*, & Cedrenus *in compendio Niceph. lib. 1. cap. 17.* Referunt quippe, ſic a Dæmone, qui apud Delphos oracula reddebat, reſponſum fuiſſe Auguſto Imperatori:

Me Puer Hebraus, Divos Deus ipſe gubernans,

Cedere ſede jubet, triſtemque redire ſub arcum.

Aris ergo dehinc tacitus abſcedito noſtris.

Adduntque, Auguſtum Romam reverſum aram in Capitolio erexiſſe hac inſcriptione: *ARA PRIMOGENITI DEI*. Idem putatur eſſe locus in Cap- itolio, ubi nunc baſilica Beatæ Dei Genitricis Mariæ dicta hac de cauſa *ARA CÆLI*. An autem id ad regulas ſeverioris Criticæ ſit admittendum, non eſt loci huius inquirere. Legi poteſt Antonius Vandale *diſſert. 2. de oraculorum ethnicorum duratione atque interitu. Caſaubonus exercit. 1. ad ap- parat. annal. Card. Baronii ex Plutarcho*, qui duos de ceſſatione oraculo- rum libros edidit, luculenter probare conatur, poſt nativitatem Chriſti oracula Delphis petita fuiſſe, neque deſiſſe eo in loco reddi, ſed tantum deſiſſe verſibus reddi. Silentium quoque Juſtini Martyris, Tertulliani, Lactantii, Minutii Felicis, Origenis, qui pro Fidei Chriſtianæ deſenſione apologias exararunt, horum (inquam) omnium ſilentium de ara in Capi- tolio conſecrata Unigenito Dei prodigii prædicti minuit fidem, quemad- modum animadvertit Pater Gravelon *in tract. de myſteriis & annis Chriſti diſ- ſert. 8.* Denique qui plura ſcire velit de antiquis oraculis, & de interdicta tum Angelo, tum homini ſutarorum contingentium cognitione, manum admovere poteſt ad noviffimas conſultationes Canonicas, & controverſias ad Fidem potiſſimum, & tribunal ſancti Officii pertinentes Jacobi Pignatelli, & ſignanter ad conſult. 81. 83. 84. & 85. tom. 1. *Cosmopolis apud Dominicum Pu- teanum editas anno 1711.*

CAPUT XLVII.

*De Gratia gratis data Prophetia, quod attinet ad causas
Beatificationis & Canonizationis.*

OPus fuit ea præmittere, quæ in præcedentibus capitulis dicta sunt, ut via aperiretur dicendis in capite præsentis ad nostram materiam Beatificationis & Canonizationis pertinentibus. Fuisse semper a temporibus Apostolorum in Ecclesia, ac perseverasse in posterum spiritum prophetiæ, absque controversia apud omnes est: de quo & Justinus Martyr in dialogo cum Tryphone pag. 308. hæc ait: *Apud nos enim hucusque etiam prophetica extant dona, unde & vos intelligere debetis, quæ olim in genere vestro (de Judæis intelligit) fuisse, ea esse in nos translata. Ac, quemadmodum apud vos sanctorum Prophetarum tempore etiam Pseudoprophetae erant: ita & apud nos permulti sunt falsi Doctores, quos cavendos esse nos Dominus noster præmonuit.* Et pag. 315.: *Est (inquit) apud nos videre & feminas, & masculos dona a Spiritu Dei habentes.* Extant plura Sanctorum firma vaticinia Spiritu Dei prolata. Sanctus enim Gregorius lib. 10. epist. 36. indic. 3. postquam deploravit res Italiæ, & mala quæ Italia patiebatur ab amicis & defensoribus, nempe Ministris Imperatoris, & signanter Juliano Scribone, ait (col. 1066. tom. 2.): *Sed nolite de talibus omnino contristari, quia qui post nos vixerint, deteriora tempora videbunt; ita ut in comparatione sui temporis, felices nos aestiment dies habuisse.* Veridicus autem Propheta inventus est S. Gregorius: sub hæreticis enim Imperatoribus infelicius Ecclesia vexata est, additumque est malum omnium maximum, ortus nempe nefandissimæ sectæ Mahumetanæ, ejusque grassatio atque dominium in universum pæne Christianum orbem. In historia quoque Ecclesiastica celebres sunt prædictiones S. Columbani de Regno intra triennium ad Clotharium deferendo; S. Gerardi de vita & Regno intra triennium auferendis Uvoni Tyranno, qui adversus Petrum Hungariæ Regem insurrexerat, quemque Henricus Germaniæ Rex intra tempus prænuntiatum debellavit, & morte affecit, Petro restituto; S. Annonis Archiepiscopi Coloniensis, qui libere Henricum II. Imperatorem arguens, ejus obitum anno sequenti futurum significavit; S. Gregorii VII., quem Hugo Abbas Cluniacensis testatus est suas internas cognovisse cogitationes; S. Arnulphi Abbatis & postea Episcopi Sueffionensis, qui Bertam Reginam seu Bertradam potius pellicem Philippi Regis Francorum serio monens, ne Gerardum Abbatem a monasterio S. Medardi expelleret, & Pontium contra fas in sancti loci administrationem introduceret, prophetico spiritu ei dixit, si prædicta fecisset, ante obitum e Regno esse extrudendam, necnon morituram in contemptu & ærumnis; quod sane factum est, cum fuerit a Regni consortio amota, & in pagum Pontinum translata, ubi post diuturnam calamitatem

tem plebejo more mortuus est atque sepulta. Alia non superaddimus exempla, quæ tamen si quis requirat, manum admoveere poterit ad lib. 6. Thomæ Bozii de signis Ecclesiæ cap. 2. & ad lib. 4. Bagattæ de admirandis orbis Christiani cap. 2. §. 1. Nonnulla dumtaxat ex Actis Canonizationum desumpta indicabimus. In bulla Canonizationis S. Petri de Alcantara cod. Canoniz. pag. 384. ita legitur: *Prophætico lumine remotissima locorum & temporum spatia prædixit.* In bulla Canonizationis S. Francisci Xaverii pag. 347.: *Prophætico etiam spiritu Deus Seruum suum, quem in lucem gentium dederat, illuminaverat.* In bulla Canonizationis S. Paschalis de Baylon pag. 473.: *Prophætico etiam spiritu afflatus, nonnulla futura, & præsertim agrotis integram valetudinem, sanis infirmitatem, sibi quæ & aliis mortem prædixit.* In Bulla Canonizationis S. Franciscæ Romanæ pag. 284.: *Potens etiam fuit celestis Gratiæ dono secreta cordium cognoscere.* In bulla Canonizationis S. Mariæ Magdalenæ de Pazziis pag. 395.: *Pariter spiritu prophætico dotata, ex Divina revelatione futuros rerum eventus prænuñtiavit, & quadam in locis remotis facta & dicta, tamquam præsens, vidit & audiit.* In bulla Canonizationis S. Rosæ Limanæ pag. 419.: *Joannes Villalobos Societatis Jesu jurata fide testatus est, suo se experimento spiritum prophæticum in ea deprehendisse, aperiente illi Virgine arcanum negotium, quod aliter ac calitus innotuisse non poterat &c.* Et post relata alia plurima vaticinia subiicitur: *Plurima alia hujusmodi, ac etiam mirabiliora, commemorantur hujus Sponsæ Christi vaticinia.* In bulla demum Canonizationis S. Margaritæ de Cortona pag. 628.: *Tanto præterea, & tam miro lumine illustrari meruit, ut cordium secreta, quod unius Dei est, rimaretur, & conscientias hominum apertius inspiceret, peccata in remotis etiam partibus Deum offendentium cum dolore & lacrymis retereret.* Omitti non possunt binæ alix prophæticæ prædictiones, de quibus habita est ratio in causis Canonizationis, quæ ad exitum perductæ sunt tempore, quo munereungebar Fidei Promotoris, Sancti videlicet Pii V. & Sanctæ Catharinæ de Bononia. In causa siquidem S. Pii V. rite probatum est, Divinam illi immixtam fuisse cognitionem, per quam clarissime rescivit diem atque horam, qua navalis victoria a Christianis adversus Selimum Turcarum Tyrannum ad Æchinadas insulas fuerat reportata, eamque iis, qui secum aderant, patefecit; qui, cum mensem, diem, horamque notassent, ubi postea certus de victoria nuntius advenit, illam, uti Pius ipsis prædixerat, evenisse, apertissime cognoverunt. In causa autem S. Catharinæ de Bononia eodem modo probatum est, ab ea prædictum fuisse, Hannibalem Bentivolum pugnaturum adversus Philippum Ducem Mediolanensem victorem fore, & quidem eo prorsus modo, quo postea veridicum ejus vaticinium monstravit eventus; & rursus, regiam urbem Constantinopolim casuram esse, prout cecidit, in manus Mahumetis II. post bimestrem obidionem ipso pervigilio Pentecostes anni 1453., ut neminem lateret, ruinam Græcorum propter ipsorum adversus Spiritum Sanctum blasphemias iusto Dei judicio fuisse permissam. Dicitur Matth. II. v. 13. Omnes enim Propheta;

& Lex

& Lex usque ad Joannem prophetaverunt: non quia prophetiæ donum non esset etiam futurum tempore Legis Gratiæ; constat enim, Apocalypsim post Joannem Baptistam fuisse Joanni Evangelistæ revelatam; constat ex *Act. Apostol. cap. 11. & cap. 21.* Agabum, & quatuor filias Philippi prophetasse; & ex *1. ad Corinth. 14. & ad Ephes. 4.* multos fuisse in primitiva Ecclesia Prophetas; sed dicitur, omnes Prophetas & Legem usque ad Joannem prophetasse, quia usque ad Joannem prophetaverunt & promiserunt Christum, ejusque regnum; at Joannes primus clare & diserte coepit prædicare regnum cælorum, & Christum Judæis digito demonstravit: uno verbo, Legis & Prophetarum ordo cessavit in Joanne per adimpletionem, non per destructionem. Ex quo inferitur, fuisse, & esse, & futuros esse in Ecclesia veros Prophetas, etiam modo prædicto Prophetarum ordo in Joanne cessaverit, uti adnotantur in *cit. cap. 11. Matth. Cornelius a Lapide vers. 13. Natalis Alexander num. 10. Thomas a Jesu oper. tom. 2. part. 1. enumerationis Theologia mystica S. Dionysii quest. 24. Torreblanca de magia lib. 1. cap. 1. de prophetia num. 59. & seqq.* Et est doctrina D. Thomæ 2. 2. quest. 174. art. 6. ad tertium, ubi, facta sibi oppositione citati textus Matthæi, Lex & Prophetæ usque ad Joannem prophetaverunt, ita respondet: Dicendum, quod Prophetæ prænuntiantes Christi adventum, non potuerunt durare, nisi usque ad Joannem, qui præsentialiter Christum digito demonstravit: & tamen, ut Hieronymus ibidem dicit, non hoc dicitur, ut post Joannem excludat Prophetas. Quod latissime prosequitur Consalvus Durantus Episcopus Ferefranensis in tract. de visionibus cap. 1. pag. 18. & 19. tom. 1. ante revelationes S. Birgitta.

2. Gratia prophetiæ ex alibi dictis est Gratia gratis data ex genere suo. Nulla ergo in Beatificationis & Canonizationis causis habenda erit ratio prophetiæ, si probatio virtutum heroicarum non præcesserit. Præmissis autem probationibus virtutum heroicarum, prophetia a Deo data censetur homini tum propter utilitatem aliorum, tum propter propriæ mentis illustrationem; & de ea maxima habenda erit ratio pro sanctitate arguenda, juxta doctrinam D. Thomæ 2. 2. quest. 172. art. 4. ad primum, a Silvio illustratam, & a Nobis relatam superiori cap. 45. num. 12. & sic in judicio Beatificationis & Canonizationis; ut & bene adnotarunt Augustinus Triumphus de potestate Ecclesiæ quest. 15. art. 5. Cardinalis Bona loc. cit. Scacch. de not. & sign. sanctit. sect. 8. cap. 2. per tot. Lezana de Fide, Spe, & Charitate tom. 3. tract. 4. disput. 4. de Gratia Dei quest. 7. §. Ex quo etiam, Pignatellus consult. 193. num. 7. & seqq. tom. 10. Cardinalis Gortus de vera religione tom. 3. cap. 11. §. 3. num. 10. Auditores Rotæ in relatione causæ S. Pii V. tit. De aliis iudiciis sanctitatis, in relatione causæ S. Terefiæ super virtutibus art. 22. §. 4. in relatione causæ S. Philippi Neri tit. de prophetia, in relatione causæ S. Mariæ Magdalensæ de Pazzis tit. de dono prophetiæ, in relatione causæ S. Ludovici Bertrandi, & in relatione causæ S. Paschalis de Baylon tit. prædicto. Nec enim absurdum est, prophetiam, quippe Gratiam gratis datam, aliquando dari peccatoribus, & sæpius Justis indulgeri;

dulgeri; quemadmodum perpendit Calmet in prolegom. ad Prophetas art. 4. pag. § 11. *Utro quidem fateamur, visa frugi atque modesta characterem non necessarium esse sincera prophetie argumentum; cum nota sint virorum quorundam scelestissimorum exempla, quibus Deus, in promendis oraculis suis, instrumentis est usus, ut cum Balaam, & Caipha factum scimus: sed hac rara sunt exempla. Quem sequitur Cardinalis Bona de discret. spirit. cap. 17. num. 7. Ideo hoc donum a Deo ut plurimum hominibus sanctis tribuitur.*

3 Si ergo de vitæ pietate, sanctis moribus, & virtutum heroicitate Servi Dei, quantum homini fas est, non dubitetur, & Postulatores provinciam assumant demonstrandi, eum fuisse etiam a Deo illustratum dono prophetiæ, ipsa prophetica dicta erunt ad examen revocanda: & primò quidem perpendendum erit, an ea veritati & pietati Christianæ fuerint conformia; si enim aliquis occultum, seu futurum aliquid prædixisset, eventusque prædictioni respondisset, sed veritas pietasque a prædictione abfuisset, tantum abest, ut ille posset haberi pro vero Propheta, ut potius de ejus probitate dubitandum, & adversus ejus assertam sanctitatem ceteris innixam probationibus judicium ferendum esset. Tradidit hanc regulam Dominus in Deuter. 13. vers. 1. *Si surrexeris in medio tui Prophetes, aut qui somnium vidisse se dicat, & prædixeris signum atque portentum, & evenierit quod locutus est, & dixeris tibi: Eamus, & sequamur Deos alienos quos ignoras, & serviamus eis: non audies verba Prophetæ illius, aut somniatoris, quia tentat vos Dominus Deus vestester, ut palam fiat, utrum diligatis eum, an non, in toto corde & in tota anima vestra. Dominum Deum vestrum sequimini, & ipsum timeite Prophetæ autem ille, aut fester somniorum interficietur.* Et quæ dicta sunt de prædictionibus veritati & pietati Christianæ contrariis, sibi quoque locum vindicare debent, si facta sit vanitatum & inutilium rerum prædictio: quapropter Isaia 48. vers. 17. legitur: *Hæc dicit Dominus Redemptor tuus Sanctus Israel: Ego Dominus Deus tuus, docens te utilia, gubernans te in viâ, quæ ambulas.* Et 1. ad Corinth. 14. vers. 3. Apostolus ait: *Nam qui prophetat, hominibus loquitur ad edificationem, & exhortationem, & consolationem.* Cardinalis Cajetanus 2. 2. quæst. 174. art. 6. quærit, an omnes qui creduntur Prophetæ, audiendi sint in iis, quæ dicunt se ex spiritu Prophetiæ habere. Respondet autem, duplicis generis esse actus humanos, quorum nonnulli spectant ad publica officia, & præsertim Ecclesiastica, ut prædicare, celebrare, sententias ferre in judicio, & similia; & quoad hos ait quæstionem esse resolutam in cap. Cum ex injuncto, de Hæreticis, ubi dicenti, se invisibili missione a Deo missum, publica fides negatur, nisi miraculo, vel speciali Scripturæ testimonio id confirmet. Alii actus humani dicuntur privatarum personarum; & de his loquendo distinguit inter Prophetam qui eos præcipiat aut suadeat juxta universales Ecclesiæ regulas, & Prophetam qui eos dirigat præter Ecclesiasticos mores: & quoad primam hypothesim ait, quemlibet in sensu suo abundare posse, ut actus suos dirigat juxta arbitrium Prophetæ; quoad secundam hypothesim concludit, Prophetam non esse

Tm.III.

X x x

audien-

audiendum; cum bonum, & malum in actibus humanis secundum congruentiam, & incongruentiam ad Divinas, humanasque, & præcipue Ecclesiasticas leges attendatur; quo facit illud Apostoli in *epist. 1. ad Thessalonic. v. 19.*: *Spiritus nolite extinguere; prophetias nolite spernere: omnia autem probate: quod bonum est, tenete.* Doctrinam Cajetani illustrat Arauxo in *decif. moral. tract. 3. quest. 23. num. 63. & seqq.* Adhaeret Hurtado in *resolut. moral. part. 1. tract. 5. cap. 6. §. 6.* Allatoque supra memorato Deuteronomii textu Calmet in *prolegom. ad Prophetas loc. cit.* ita loquitur: *Caustiores etiam contra Pseudopphetarum, & Confictorum miraculorum astus nos reddens Iesus Christus Matth. 7. 15. & 24. iudicium de illis ex eorum operibus inspectis & doctrina capiendum præcipit. Si Angelus de calo aliter ac doctrinam ab Apostolis traditam docuerit, hunc diris devotendum Apostolus ad Galas. 1. 8. mandat. Nihil igitur habenda sunt miracula, nihil impleta oraculorum fides, si recta saneque doctrina tradita a priscis Prophetis conformis non fuerit.*

4. Secundò, si absit quælibet suspicio, & quæ a Propheta prædicta sunt, consentanea sint doctrinæ Christi, Apostolorum, & Ecclesiasticæ disciplinæ, & legibus Ecclesiæ, examinandum erit, an ea, quæ prædicta sunt, humanam latuerint cognitionem, quemadmodum sunt internæ hominum cogitationes, & quemadmodum sunt futura contingentia, juxta ea, quæ superius dicta sunt. Item an prædicens, ex signis, conjecturis, experientia conjecturalem quamdam scientiam habere potuerit eorum, quæ prædicit. Rursus an dubitando, puta adhibitis verbis *forte, forsitan esse poterit*, futura revelaverit; an etiam in revelando & prædicendo, pro dictorum confirmatione humanis ratiociniis usus sit; an, hæc peragendo, aliquid humani passus sit, puta spem aliquam temporalis commodi habuerit, vel habere potuerit, aut mente commota locutus sit; & demum an vere, si non omnia, saltem aliqua cognoverit eorum, quæ prophetavit. Hæc omnia quippe subtili indagine quærenda esse videntur, antequam de vera prophetia iudicium feratur.

5. Constant hæc luculentis Scribentium assertionibus. Calmet etenim in *cit. dissert. art. 4. pag. 509. ait*: *Ad prophetiam spectat res prorsus latentes aperta quadam certaque fide revelare, quamquam alioquin nullam habeant cum causis secundis atque naturalibus conjunctionem. Nihil enim contra naturæ leges audet Astronomus, si futuram solis eclipsem; nihil Philosophus, si pendente a causis sibi exploratis effectum prædixerit. Verum si Vatem prædicentem audiamus fortuitum quendam effectum, ex causis liberis, & in utramque partem dispositis pendentem; id autem pluribus ante sæculis ab illo revelatum constet; si ortum hominis, cuius ipse nomen, victorias, res gerendas, obitumque prænuntiaverit; si prodigium aliquod præsentis temporis circumstantiis prorsus repugnans; nihil ego tunc humani suspicor; sed omnia ad Deum duxerim referenda. Scacchus in tract. de not. & sign. sanctis. sect. 8. cap. 2. pag. 593. & seq. ad rem, de qua nunc agitur, multas ex relatis notat circumstantias: Ac propterea, quoties inter dicta alicujus aliqua talis prædictio consideranda occurrerit, circumstantias attendendas*

das arbitror ; nimirum , si præsumptus Dei Servus aliquid prædixeris comminato-
rie &c. præsertim si prædictioni addita fuerint particula forte , forsitan , fortasse ,
fieri potest , & alia huiusmodi , quæ formidinem de opposito subindicant &c. verba
temere , ac nullo consilio prolata manifeste commonstrant . Quæ vero conjecturaliter
prædicuntur ex antecedentibus , vel similibus &c. vel rationibus formati per ali-
quem discursum ex antecedentibus , & consequentibus &c. cuncta conjecturalem
prædictionem fuisse subindicabunt , non autem spiritum propheticum &c. Hujus
prophetica prædictionis in Actis Servorum Dei ex parte personæ prædicentis nota &
signa sunt pietas , & sanctitatis fama certa , saltem ex moribus . Inter quæ signa
præcipuum locum tenet terrenorum Bonorum & divitiarum contemptus , honorum
& dignitatum fuga . In Hebræorum certe republica nihil augustius , quam
Prophetarum dignitas : ipsi eis erant Philosophi ... ipsi Sapientes , ipsi Theologi ,
ipsi Propheta , ipsi Doctores probitatis atque pietatis , ait S. Augustinus de civit.
Dei lib. 18. cap. 41. n. 3. col. 524. tom. 7. oper. Inest in eorum sententiis gravitas ,
periodorum majestas , vis & efficacia talis emicat , qualem numquam fraus
& impostura assequetur , Procul ab eorum dictis est ambiguitas ac dolus .
Raro argumentis , & aliis ad persuadendum artificiis usi sunt , sed tanquam
legatione Dei fûgentes , imperiosa quadam gravitate ad Principes , & popu-
los locuti sunt . Lucri amor , & sacra auri fames eos absque dubio non
invaluit ; cum a cogendis divitiis animum adeo habuerint alienum , ut amore
muneris sui obeundi quandoque necessariorum pro vitæ sustentatione obli-
ti fuerint . Et , si aliqui secus se gesserunt , non Prophetis , sed Pseudoprophe-
tis adscripti sunt , de quibus Michæas cap. 3. v. 3. Comederunt carnem populi
mei , & pellem eorum desuper excoriarunt ; et vers. 5. Qui mordens dentibus suis ,
& prædicant pacem ; & , si quis non dederis in ore eorum quidpiam , sanctificant
super eum prælium : id est indicant ei prælium . Ceterarum , quas indica-
vimus , qualitatum testimonia non desunt Auctorum . Cardinalis enim Bona de
discret. spirit. cap. 17. num. 5. hæc habet : Falsi Propheta mente commota loquun-
tur , quia Demonis impetum , a quo impelluntur , ferre non possunt . At qui a Deo
aguntur , placide , humiliter , & modeste profertur . Idque confirmat auctoritate
S. Joannis Chrysostomi homil. 29. in 1. ad Corinth. dicentis : Proprium est falsi
Propheta emota esse mentis , vim pati ac necessitatem , pelli , trahi , raptari , tam-
quam furentem . Verus autem Propheta non sic , sed cum mente sobria , & cum mo-
destia ac temperante constitutione , & sciens , quæ loquitur , dicit omnia . Mentis
& sensuum impotes erant Sacerdotes , & semine Sacris Deorum initiatæ , nec
loquendi liberam habebant facultatem , sed tanquam mera automata age-
bantur . Veri autem in Lege Dei Prophetæ quietum & placidum Spiritus
Sancti illapsum recipiebant , sui compotes erant , tranquillitate ac serenita-
te mentis gaudebant , debita in Deum observantia inducti loquebantur ,
& superni Spiritus ductum sequebantur , quemadmodum pluribus exponit
Calmet , in cit. differt. art. 3. Denique loquendo de vera cognitione eorum ,
quæ prædicuntur , querit S. Thomas 2. 2. question. 173. art. 4. utrum Pro-
phetæ semper cognoscant ea quæ prophetant : & respondet , in revelatione
pro-

prophetica mentem moveri a Spiritu Sancto, & moveri ad aliquid apprehendendum, ad aliquid loquendum, & ad aliquid faciendum, & quandoque ad unum, quandoque ad duo, quandoque ad tria prædicta; item aliquando mentem Prophetæ moveri ad aliquid loquendum, aut ad aliquid faciendum, cum, vel sine intelligentia eorum, quæ loquitur, vel facit; concluditurque, quando aliquis se moveri cognoscit a Spiritu Sancto ad aliquid significandum verbo, vel facto, hoc proprie pertinere ad prophetiam; quando autem movetur, & non cognoscit, non esse veram prophetiam, sed instinctum propheticum, de quo aliquid supra dictum est, & aliquid mox dicetur.

6 Tertiò, si omnia adsint, quæ in duobus antecedentibus paragraphis exposita fuerunt, ut tutum de vera prophetia feratur judicium, oportet demum ut videatur, an occultum id quod a Propheta revelatum est, tale sit, quale ab ipso revelatum fuit; & an futurum contingens ab ipso prædictum eo modo evenerit, quo ab ipso prædictum est. Regula hæc desumitur ex *Deuteronomio cap. 18. vers. 21.* ubi Deus ita loquitur: *Si tacita cogitatione responderis, quomodo possim intelligere verbum, quod Dominus non est locutus? hoc habebis signum: Quod in nomine Domini Propheta ille prædixerit, & non evenerit, hoc Dominus non est locutus, sed per tumorem animi sui Propheta confinxit, & ideo non timebis eum.*

7 Nonnullæ hujus regulæ sunt limitationes. Prima est, si prophetia non fuerit absoluta, sed comminativa duntaxat, & conditione temperata, quæ videlicet aliquam conditionem expressam, aut tacitam conjunctam habet. Prophetia quippe hæc proletritur a Prophetis juxta leges Divinæ justitiæ, positæ præsentibus circumstantiis, & hominum demeritis, quibus postea commutatis, Deus avertit quod fuerat prædictum. In quo proinde rerum themate vera est & Divina prophetia, licet non acciderit, quod a Propheta prædictum erat futurum. Res bene explicatur a Valentia in *tract. de rebus Fidei, in analysi Fidei Catholica lib. 8. cap. 5. §. ad quartum, pag. 76.* Dicit enim, *Deum per Prophetas solum esse prænuntiare non modo id quod, omnibus consideratis, futurum est; sed etiam id quod, attendendo ad aliquas inferiores causas, ut ad merita hominum &c. vere judicari potest esse futurum, tamen ex voluntate Divina, & spectatis omnibus causis, secus futurum sit.* Vasquez in 1. 2. D. *Thoma tom. 1. quæst. 19. art. 10. cap. 3. in fine docet, hujusce generis esse revelationes de propria, vel de alterius damnatione, hoc est non semper esse absolutas, nec absolute intelligendas, sed ut plurimum esse comminativas, eoque fine a Deo factas, ut timore sententiæ peccatores convertantur. At si quis exempla prophetiarum querit, quæ non fuerunt absolutæ, exemplum est in Jona Propheta cap. 3. v. 4., qui missus a Deo ad Ninivitas dixit eis: *Adhuc quadraginta dies, & Ninive subvertetur;* & in *Isaia cap. 38. v. 1.,* qui ait *Ezechia Regi Juda lethali morbo in lecto decumbenti: Morieris tu, & non vires.* Neutrum enim horum evenit, nec ob hoc illi Prophetæ falsæ prædixerunt, cum illorum prophetiæ non essent absolutæ, sed conditione aditri-*

adstrictæ, pendentes a gravissimis circumstantiis morbi Regis Ezechie, & a culpis Ninivitarum; quibus circumstantiis, & culpis deinde commutatis, avertit Deus quod ab illis Prophetis fuerat prædictum, prout se facturum Deus aperte testatus est in istis prophetiis comminativis, dicens *Jerem. cap. 18. v. 7. : Repense loquar adversum gentem, & adversum regnum, ut eradicem & destruiam & disperdam illud. Si poenitentiam egerit gens illa a malo suo, quod locutus sum adversum eam, agam & ego poenitentiam super malo, quod cogitavi, ut facerem ei.* De his prophetiis comminativis, & conditione adstrictis agit S. Thomas 2. 2. *quest. 171. art. 6. ad secundum.* Agit quoque de eisdem Cardinalis Cajetanus 2. 2. *quest. 173. art. 4.* ubi docet, Prophetam, cui revelatur aliquid futurum in causis, evidenter cognoscere illud futurum in causis illis, sed non oportere ut sciat, an exire ex causis debeat, & existeret, & ex vi illius propheticæ cognitionis, ambiguum remanere in ejus mente, an illud sit futurum, necne; ad veri autem Prophete nomen sufficere, ut cognoscat evidenter, se prophetare de illo, quod sibi est revelatum, licet cetera non cognoscat. Optime Silvius in 2. 2. *Divi Thomae tom. 3. quest. 171. art. 6. ad secundum.* Addit Savonarola in *cit. compendio revelationum*, nec Jonam, nec Isaiam falsos Prophetas fuisse, cum hic Ezechie Regi (uti dictum est) mortem minatus est, ille Ninivitis eversionem prædixit post dies quadraginta, quamvis nec unum, nec alterum contigerit; quia peccata Ninive meruerant, ut post quadraginta dies destrueretur, & dispositio corporis Ezechie talis erat, ut eum ad mortem duceret, quam via naturali evadere non poterat; Prophetæ autem, qui a Deo instruitur, debet Deo simpliciter obedire, & futura prænuntiare eo modo, quo sibi a Deo præcipitur. Quod late prosequitur Viguer loco *supra citato cap. 9. §. 1. vers. 2. versus finem.*

8 Postquam D. Thomas 2. 2. *quest. 173. art. 4.* docuit, non esse perfectam prophetiam, sed instinctum propheticum, cum quis a Deo movetur, & non cognoscit se esse a Deo motum, subjicit hæc aurea verba: *Sciendum tamen, quid, quia mens Propheta est instrumentum deficiens, ut dictum est, etiam veri Propheta non omnia cognoscunt, quæ in eorum visis, aut verbis, aut etiam factis Spiritus Sanctus intendit.* Non repugnat enim, revelationem esse veram, & a Deo, & falsam ejus explicationem esse ab homine, qui eam aliter, ac Deus intelligit, interpretatur. Ludovicus junior Francorum Rex desiderium suum pergendi ad loca sacra Principibus Regni aperuit; & ipsorum consilium exquisivit, qui rem deferendam ad S. Bernardum Abbatem existimarent. Accersitus Abbas tanti momenti negotium ad Romani Pontificis examen statuit referendum. Id magnopere laudavit & probavit Eugenius Pontifex, qui suam auctoritatem ei impertitus est, ut prædicaret, & animos cunctorum commoveret, cum tanquam Apostolus aut Prophetæ haberetur apud omnes Gallie & Germanie populos. Quocirca non solum ex Romano Imperio, sed etiam ex vicinis Regnis, id est Occidentali Francia, Anglia, Pannonia excitati populi & nationes Crucem asumpse-

sumpserunt, & sacrae expeditioni nomen dederunt, uti plene habetur apud Othonem lib. 1. de Fid. cap. 34. & seqq. Expeditio pluribus signis & miraculis confirmata exitum habuit infelicem: vincentibus siquidem Infidelibus, iusto Dei iudicio Christiani milites interierunt; & S. Bernardum, quem prius magno honore omnes prosequabantur, omnes damnarunt tanquam Pseudopropheta & impostorem. Porro ipse lib. 2. de considerat. cap. 1. (vol. 1. oper.) hæc habet: *Si necesse sit, unum fieri e duobus, malo in nos murmur hominum, quam in Deum esse. Bonum mihi, si dignetur me uti pro clypeo. Libens excipio in me detrabentium linguas maledicas &c. Diximus pax, & non est pax; promissimus bona, & ecce turbatio.* Tum ad sui defensionem subjicit: *Quasi vero temeritate in opere isto, aut levitate usi sumus. Cucurrimus plane in eo, non quasi in incertum, sed jubente te (scilicet Eugenio Pontifice) immo per te Deo; & objectis sibi hominum improprietis, Unde scimus, quod a Domino sermo egressus sit? Quæ signa tu facis, ut credamus tibi?* ita respondet eundem alloquens Eugenium: *Non est, quod ad ista ipse respondeam; parcendum verendumque mea. Responde tu pro me, & pro te ipso, secundum ea quæ audisti & vidisti:* quibus verbis modeste designat miracula a se facta in prædicationis confirmationem. De veritate ergo revelationis, & prophetiæ dubitari non potuit, nec potest; sed summa & incommutabilis Divina veritas non fuit ab homine intellecta, & aliud hominum, aliud Dei consilium fuit; cum homines, qui terrena sapiunt, gloriam, divitias, & Regni Hierosolymitani receptionem sibi proposuissent, & Deus æternam eorum salutem, qui in illa expeditione pro Fide & Ecclesia mortui sunt. Rem hanc S. Bernardo aperuit Joannes Casemarii venerabilis Abbas epist. 386. inter eas S. Bernardi, in qua sic ad eum scribit (num. 1. col. 346. vol. 1.): *Dictum est mihi, Pater carissime, quod de hac re, quæ non ita prospere, ut forsitan volebatis, contigit, (de viâ vero Hierosolymæ loquor) multum tristamini: eo quod Ecclesia Dei, vel gloria non, sicut desiderabatis, accrevit; Et, postquam exposuit, rem prospere evenisse, non secundum hominum desiderium, sed secundum Dei propositum, hæc assert num. 3.: Sed ne in dubium veniat quod dico, quasi Patri meo spirituali in Confessione aperio, quod Patroni loci nostri Beatus Joannes & Paulus sepis nos visitare dignati sunt, quos ego super hac re interrogari feci, & hujusmodi sententiam responderunt, dicebantque, multitudinem Angelorum, qui ceciderant, de illis, qui ibi mortui sunt, esse restauratam: & hoc S. Bernardi exemplo utitur Cardinalis Bona in cit. cap. 17. de discret. spirit. ut rem de qua nunc agimus, confirmet. Sequitur Gravina part. 2. in praxi, quomodo vera & falsæ visionibus & revelationibus discerni possint, lib. 2. cap. 4. pag. 191. ubi etiam prædictionem seu prophetiam vindicat S. Vincentii Ferrerii de fine mundi jam imminente, & Antichristi adventu, de qua eadem prophetia S. Vincentii legi potest S. Antoninus part. 4. histor. tit. 23. cap. 8. §. 3.*

9 Dictum fuit superius, prophetiam non dari per modum habitus: atque ex hoc tertix regulæ limitatio descendit, posse videlicet contingere, ut quæ a vero alioquin Propheta prædicta sunt, non vera reperiantur, quod

quod videlicet ipse reputaverit, se ex revelatione Divina prædicere, licet instinctu dumtaxat prophetaverit. Otho supra citatus non admodum favore solitus S. Bernardo in *lib. de gestis Friderici cap. 60.* ut infelicem exitum memoratæ expeditionis excuset, inter cetera ait, spiritum Prophetarum non semper subesse Prophetis. Aptius res explicatur a S. Gregorio *lib. 2. dialog. cap. 21.* ubi ita scribit (col. 248. tom. 2.): *Prophetia Spiritus, Petre, Prophetarum mentes non semper irradiat, quia, sicut de Sancto Spiritu scriptum est, Ubi vult, spirat; ita sciendum est, quia & quando vult, aspirat. . . . Quod omnipotens Deus ex magne pietatis dispensatione disponit, quia, dum prophetia spiritum aliquando dat, & aliquando subtrahit, prophetantium mentes & elevat in celsitudine, & custodit in humilitate, ut & accipientes spiritum inveniant, quid de Deo sint, & rursus prophetia spiritum non habentes cognoscant, quid sint de semetipsis.* Confirmat hoc ipsum homil. 1. in Ezechielem num. 15. col. 1180. tom. 1. ubi ait: *Aliquando vero prophetia spiritus Prophetis deest, nec semper eorum mentibus præsto est; & num. 16.: Sciendum quoque est, quod aliquando Prophetæ sancti dum consuluntur, ex magno usu prophetandi quadam ex suo spiritu profertur, & se hæc ex prophetia spiritu dicere suspicantur.* Res autem Theologica trutinæ examinatur a D. Thoma 2. 2. quæst. 171. art. 5. ubi docet, mentes Prophetarum dupliciter a Deo instrui, uno modo per expressam revelationem, altero per instinctum occultissimum, quem interdum etiam nescientes humanæ mentes patiuntur; additque, Prophetam maximam evidentiam habere eorum, quæ sibi revelantur, & non aliorum, quæ per instinctum cognoscit; cum discernere non valeat, utrum hæc cogitaverit aliquo Divino instinctu, an per spiritum proprium, nec omnia, quæ cognoscit Divino instinctu, evidentia prophetica eidem manifestentur; talis enim instinctus est quiddam imperfectum in genere prophetiæ, uti etiam supra fusc dictum est.

10 Hæc vera sunt, & clare fuerunt explicata a Patre Baldello *verbis relatis in capite antecedenti.* Sed ne in discussione causarum Beatificationis & Canonizationis aliqua subrepat ambiguitatis occasio, nonnulla addenda esse videntur: & loquendo quidem de prophetiis comminativis atque conditionalibus, sciendum est, ab eis non respici res præteritas, aut præsentis, sed tantum futuras, & quæ ab hominum meritis, vel culpis pendent; uti late explicat Thyræus in *tractatu de apparitionibus lib. 4. cap. 14.* & bene prosequitur Suarez *de Fide disput. 3. sect. 4. num. 9.* Docet Melchior Canus *de loc. Theolog. lib. 2. cap. 4. in respons. ad tertium,* comminativas prophetias, uti tales, bene a Prophetis cognitais fuisse, simulque, mutatis rerum circumstantiis, suo potuisse effectu carere: *Responderi brevius potest, ejusmodi prophetias comminatorias esse; sic enim Scholastici vocant.* Id quoniam Prophetæ intelligebant, (nam intelligentia opus est in prophetia), minime sallebantur. Quin potius fide quidem bona suo ministerio functi, existimabant tamen, comminationes mutatis posse moribus commutari: ob eam enim causam Jonas volebat Ninivæ subversam prænunciare, quod Divinam putabat misericordiam Ninivitis præ-

sis poenitentibus esse flendam. Thyreus *loc. cit.* vult, non omnes Prophetas cognoscere in similibus rebus, quæ ab hominum pendent meritis, absolutam Dei voluntatem, & alios eam cognoscere, vel cognoscere potuisse unica, vel multiplici revelatione. At, utcumque sit de his, cum pendente Beatificationis & Canonizationis causa, incertum sit, num Dei Servus fuerit, an non fuerit verus Propheta, nec ullum prophetici doni eidem collati Divinum extet testimonium, non videtur haberi posse ratio prophetiæ comminativæ, nisi ostendatur, Dei Servum cognovisse indolem prophetiæ, & etiam ejus exitum. Quocirca, si afferatur prædictio everfionis civitatis, demonstrandum erit, prædicentem non modo cognovisse, civitatem posse subverti, aut non subverti, pro populi scilicet aut poenitentia peccatorum, aut obstinatione, sed omnino esse eam re ipsa subvertendam, quod populus poenitentiam minime erat acturus; aut e contrario non esse subvertendam, quod populus poenitentiam utique acturus erat, & eventum prædictioni plane respondisse: alioquin aperta errori via patere posset. Quocirca Gravina in suo opere, cui titulus *Lapis Lydius ad discernendas veras visiones*, lib. 2. cap. 23. egregie ad rem subjicit: *Circa autem has comminationes, nota, quod dupliciter Deus enuntiat per Prophetas prospera, vel adversa; uno modo revelando mutationem eorum, ad quos dirigitur prophetia, pro quibus, vel contra quos prophetatur; altero modo, nihil de hac mutatione revelando. Si fiat revelatio primo modo, erunt certi pariter Prophetæ, quod non mutabitur sententia &c. secundo vero modo, si nihil reveletur de mutatione sententiæ, remanebit incertitudo, an Deus sit mutaturus sententiam &c. Oportet ergo, ut signum prædictum sit efficax & certum, ut innoscat pariter, sententiam non esse mutaturum: alias, si fiat enuntiatio absque ista revelatione, apparebit falsitas, enuntiando id, de quo non est revelatio immutabilitatis, vel mutabilitatis Undè, quando quidam, qui se faciunt Prophetas, annuntiant alicui mortem, & similia, quæ postea non eventunt, debent esse certi pariter, quod illis fuit revelata sententiæ mutatio: & est notabilis advertentia. Concordat Picus lib. 9. cap. 5. ubi ait, falsitatem prophetiæ deprehendi, si quis absoluta sub conditione proferat, aut si, quæ conditionem habent, absolute pronuntiet, nulla habita conditionis intelligentia, quæ ad comminativam prophetiam requiritur.*

¶ Post hæc, ut veniamus ad prophetias, in quibus Propheta rem non intelligit juxta Dei mentem, ex quo sequitur, eventum ab eo prædictum non respondere; crediderim, cum grano (uti dicitur) salis, tutoque pede esse procedendum. Licet enim ex supradictis non repugnet, revelationem esse veram, & a Deo, falsamque ejus explicationem esse ab homine, qui eam aliter, ac Deus intelligit, interpretatur, uti exemplo S. Bernardi demonstratum est; ne aliquid tamen erroris subrepat, crederem, similes prophetias in re & ad effectum, de quo agitur, non esse admittendas, nisi earum veram qualitatem Deus miraculis illustrare dignetur, miraculis (inquam) quæ propheticam prædictionem subsequantur; tunc quippe signa sunt Divini sermonis, uti bene explicat Thyreus de apparitione intellectuali lib. 4.

Lib. 4. cap. 18. num. 13. & plurib. seqq. Et ita quidem rem se habuisse in prophetia S. Bernardi, colligitur ex Gaufrido Monacho in *vita ipsius lib. 3. cap. 4. num. 9. & 10. vol. 2. operum*, ubi non modo antecedentia, sed etiam subsequencia miracula exponit. Postquam enim aperuit consilium Dei in ea expeditione consentanee ad ea, quæ supra retulimus ex epistola venerabilis Abbatis Casemarii (*Quod si placuit Deo tali occasione plurimorum eripere, si non Orientalium corpora a Paganis, Occidentalium animas a peccatis, quis audeat dicere illi, Quid fecisti sic? Aut quis recte sapiens illorum magis non debeat, qui ad priora, vel pejora forte prioribus scelera redierunt, quam eorum mortem, qui in fructibus penitentia purgatas variis tribulationibus Christo animas reddiderunt?*) veritatem & divinitatem revelationis & prophetiæ pluribus miraculis dixit comprobata: Evidenter enim (inquit de S. Bernardo) *verbum hoc predicavit, Domino cooperante & sermonem confirmante sequentibus signis. Sed quantis, & quam multiplicibus signis!* Quanta vel numerare, nedum narrare, difficile foret. Nam & eodem tempore scribi ceperant, sed ipsa demum Scriptorem numerositas scribendorum, & materia superante Auctorem; nimirum, cum aliquando una die viginti, seu etiam plures in incommodis variis sanarentur, nec facile ab hujusmodi dies ulla vacaret. Denique plures eo tempore Christus per Servi sui tactum & orationem ex ipsis etiam matrum uteris cecos videre, claudos ambulare, aridos convalescere, surdos fecit audire, & mutos loqui, mirabilius restituisse Gratia, quod minus præstitum fuerat a natura. Addit Gaufridus loco citato, ea ipsa die, qua nuntius adventi dissipati exercitus Christianorum, Deum intercessione S. Bernardi miraculum edidisse: Accidit autem, ubi primum de ejusdem exercitus dissipatione lamentabilis intra Galliam insonuerat rumor, ut illuminandum Dei Famulo filium cecum offerens pater multis precibus vinceret excusantem. Et imponens Sanctus pueri nomen, orabat ad Dominum, quatenus, si ab eo verbum predicationis illius exierat, si predicanti Spiritus ejus adfuisset, in illius illuminatione ostendere dignaretur. Dum vero post orationem orationis præstaretur effectum, Quid facturus sum? ait puer: video enim. Atollitur illico clamor astantium; plures enim non modo e Fratribus, verum etiam e Secularibus aderant, qui, ut puerum videre videntem, multipliciter consolati, Deo gratias referebant.

12. Superest, ut aliquid indicetur de his, qui instinctu prophetico prophetant, & quorum proinde prophetiæ aliquando non respondent. Ut autem in his prophetiis Dei Servus, de cujus Beatificatione & Canonizatione agitur, non modo excusari possit, sed etiam haberi uti vere Prophetans, necesse est, ut de ejus correctione conitet. S. Gregorius super *Ezechiel.* postquam dixit (uti supra vidimus) sanctos Prophetas ex magno usu prophetandi quædam ex suo spiritu prædicere, & suspicari, hæc a spiritu prophetiæ procedere, subjicit *loc. cit. num. 17.*, inter veros, & falsos Prophetas hanc esse differentiam, quia *Propheta veri, si quid aliquando per suum spiritum dicunt, hoc ab auditorum mentibus per Spiritum Sanctum eruditius citius corrigunt. Propheta autem falsi, & falsa denuntiant, & alieni a Sancto Spiritu in*

sua falsitate perdurant. Exemplum est in Nathan Propheta Domini notissimo, qui regnante Davide floruit in Israele, maxima Davidi junctus necessitudine. David de Templo Domini ædificando cogitabat, & Nathan, uti legitur *lib. 2. Reg. cap. 7. v. 3.* ait illi: *Omne, quod est in corde tuo, vade, fac, quia Dominus tecum est*. Porro eadem nocte Dominus Prophetæ imperavit, ut ad Davidem regressus ei nuntiaret, Templi construendi gloriam non ipsi, sed ejus filio esse constitutam. Assumptionem hanc pluribus prosequitur Cajetanus 2. 2. *quest. 171. art. 5.*, & etiam exornat Fucechius Ordinis Fratrum Minorum in *respons. ad Leonardum Ordinis S. Augustini in causa Heronimi Savonarolæ, in ejus vita tom. 2. pag. 58.*

13 Aliqua hic dicenda essent de alienatione a sensibus, quæ contingit aliquando Prophetis, & quæ fit cum aliqua inordinatione naturæ; quæque idcirco ostendit, ipsorum prophetiam a Deo causam non habere: sed de hoc infra tractabitur, cum agetur de Ecitaci, & Raptu.

CAPUT XLVIII.

*De Gratia gratis datis Discretionis Spirituum, Generum Linguarum,
& Interpretationis Sermonum,*

Discretio spirituum duobus modis exponi potest: primus est, ut sit cognitio cogitationum cordis, veluti exponit D. Thomas 1. 2. *quest. 111. art. 4.* ubi docet, Gratiam prophetiæ, & Gratiam discretionis spirituum referri ad Fidei confirmationem, manifestando ea, quæ solius Dei est scire, qualia sunt contingentia futura, quæ respicit prophetia, & occulta cordium, quæ respicit discretio spirituum. Si discretio spirituum hoc primo modo intelligatur, erit unum & idem cum prophetia, hoc uno discrimine, quod prophetia per antonomasiam dicetur de cognitione futurorum, & discretio spirituum erit cognitio cogitationum cordis, quemadmodum bene animadvertit Suarez *tom. 1. de Gratia, prolegom. 3. cap. 5. num. 36.*

2 Secundus modus est, ut discretio spirituum sit judicium quoddam, per quod homo recte discernit inter varios motus, de quibus dubitari potest, a quo spiritu proveniant, bono, an malo, quando vel ad mores, vel ad doctrinam excitamur sive interius & invisibili modo, sive exterius per homines docentes consulentesve, aut per Angelos sensibilibiter loquentes vel apparentes; sive hæc contingant homini in se ipso, sive in aliis ad communem Ecclesiæ utilitatem: & hoc secundo modo S. Joannes Chrysostomus *homil. 29. in epist. 1. ad Corinth. tom. 10. pag. 264.* explicat donum discretionis spirituum: *Quid sibi vult discretiones spirituum? Scire quis sit spiritualis, quis non spiritualis; quis Propheta, quis deceptor*. Explicationem hanc amplectitur Cardinalis Bona *de discret. spirit. cap. 2. num. 2.* ubi ita loquitur: *Alii rectius docent, discretionem spirituum in peculiari motione Spiritus Sancti consistere ad dis-*

ad discernendum inter varios motus, a quo spiritus proveniant, bono, an malo, sive ad mores spectent, sive ad doctrinam, sive quis interior & invisibiliter moveatur & exciteatur, sive exterius per homines docentes & consulentes, aut per Angelos sensibiliter loquentes vel apparentes: & hæc est Gratiæ discretionis, quam inter gratis datas septimo loco recenset Apostolus, quæ a Spiritu Sancto non omnibus datur, sed quibus, & quando vult, ad discernendos spiritus non solum in se ipsis, sed etiam in aliis ad communem Ecclesiæ utilitatem. Sequitur Suarez loc. cit. num. 38. & sequentibus.

3. Difficultatem discernendi spiritum bonum a spiritu malo exponit Gersonius de probat. spirituum col. 42. oper. tom. 1., ubi sic ait: Est enim Spiritus Deus, Spiritus Angelus bonus, Spiritus Angelus malus, Spiritus humanus tam rationalis, quam animalis. Potest autem similis visio spirari per quemlibet hunc Spiritum suo modo, longeque diverso. Sed, diversitatem facilliter percipi quædam similitudo non finit apud inexpertos talium, qui neque per se ipsos ex acumen ingenii, neque per eruditionem in Theologicis vel Physicis disciplinis, neque per aliorum traditionem sciunt talia distinguere. Certe nec mirandum, cum paucissimas inveniamus, qui plene sciunt discernere cogitationes & affectiones sua rationalis anime, ut rationalis est, ab illis, quæ sunt animales, videlicet in sensu communi, vel organo phantasia. Quem invenies, precor, ex timentibus Deum, peccataque fugientibus, qui semper & in omnibus ad liquidum prospiciat, dum tentationes vident, si sensus eorum sit tantummodo in imaginatione, vel consensu in ratione? Adeo non facile est discernere sensum a consensu. Quanto plus habet difficultatis probatio quadruplicis prænominati Spiritus, dum videlicet instinctus unus vel inspiratio vehemens tangit mentem, si sit a Deo, vel ab Angelo bono, aut malo, vel a proprio spiritu humano. Rursus portio duplex, superior, & inferior, adscripta est. Cujus sentire divisionem perfecte dat illud verbum Dei, quod pertingit usque ad divisionem anime ac spiritus Heb. 4. 12. Qualem in se divisionem passus erat, quæ exclamavit: Magnificat anima mea Dominum Luc. 1. 46.: dehinc discernens spiritum ab anima subjunxit: Et exultavit spiritus meus in Deo salutari meo.

4. Duplex via est, per quam ad spirituum discretionem perveniri potest: aut per regulas videlicet, quæ a Patribus asceticis, & mysticis, seu contemplativis Theologis assignantur, quæ labore & industria humana discuntur; quod, proprie & strictè loquendo, non pertinet ad Gratiæ gratis datam discretionis spirituum; aut per specialem instinctum & motionem Spiritus Sancti, quæ homo absque humana industria spiritum a spiritu discernit, & hoc est, quod ad supradictam Gratiæ refertur; uti bene animadvertit Cardinalis de Lauræa in 3. lib. sent. tom. 4. disput. 19. artic. 10. §. 2. num. 361.: Adverte, quod, præter Gratiæ gratis datam discernendi spiritus a Deo infusam, datur etiam ars & modus cognoscendi eos per humanam prudentiam. Unde Patres ascetici, & mystici, seu contemplativi Theologi multas assignant regulas discernendi spiritus, seu cogitationes tam proprias, quam alienas. Ideo miror, quod aliqui confundunt utrumque modum discernendi spiritus, & putant, esse eandem Gratiæ gratis datam, de qua cum Paulo loquimur, quia hæc non ac-

quiritur labore & industria humana; sed a Deo confertur homini de ea non cogitanti, & hæc infallibilis est, non vero humanus ille modus. Quapropter Gratia discretionis spirituum nihil aliud erit, quam mentis illustratio, qua perfusus homo facile & sine errore dijudicat, a quo principio tum proprii, tum alieni motus & cogitationes ad electionem pertinentes excitentur, quid scilicet a bono, quidve a malo spiritu suggeratur. Gratia hæc autem, sicut & reliquæ gratis datæ, in Christo solo per modum habitus fuit, ut communiter docent Theologi; ceteris autem datur per modum actus, sive motionis transeuntis, aliis rarius, aliis frequentius, aspirante Divina Gratia, quando & quomodo vult, uti late ostendit Cardinalis de Lauræa *loc. cit.* §. r. eademque, utpote ex primario & interno fine, non ad propriam sanctificationem, sed ad aliorum ædificationem tributa: & sic Gratia gratis data etiam in malis reperiri potest; sed, cum infusio luminis supernaturalis ad eam necessaria requirat mentis tranquillitatem & pacem internam, quæ in animo terrenis affectionibus perturbato locum non habet, hinc fit, ut plerumque in solis Iustis inveniat, juxta ea quæ fusc legi possunt apud Cardinalem Bonam *de discret. spirit. cap. 2. num. 4.*

5 Apud eundem Cardinalem Bonam *cit. cap. 2. num. 3.* exempla referuntur Sanctorum, qui Gratia gratis data discretionis spirituum fuerunt a Deo donati. In relationibus Rotæ Auditorum, quas exararunt in causis SS. Petri de Alcantara, & Philippi Nerii mentio ejusdem habita est; & cum munere fungear Fidei Promotoris, in animadversionibus a me factis in causa Servi Dei Alfonso de Orofco ingenue admisi, eum prædicta Gratia gratis data fuisse divinitus exornatum, allata auctoritate sæpe memorati Cardinalis Bonæ in *cit. tract. cap. 5. sub num. 2.* ubi de eo sic loquitur: Eodem spiritu imbutus Ven. Alfonso de Orofco Ordinis S. Augustini numquam induci potuit, ut Magdalenam a Cruce Cordubensem, cujus vita singularis fama totum repleverat orbem, alloqueretur; tandemque innovit, eam spiritu superbia delusam fuisse. Idem ei accidit cum Moniali Lusitana, quæ stigmata in manibus, pedibus, & latere fissa ostentabat. Petrum quoque de Pedrola, quem tamquam Prophetam omnes colebant, ad finem colloquium admittere noluit, cum alioquin benignissimus esset; & hic postea a supremo Fidei tribunali extremo supplicio puni-
tus est. Et, quamvis in iisdem animadversionibus addiderim, non esse prædictæ Gratiæ gratis datæ habendam rationem, ut tutum ferri posset de virtutibus judicium, bene tamen a Postulatoribus responsum est, cui responsioni etiam sacra Congregatio adhæsit, ejus habendam esse rationem, cum aliunde de ipsius heroicis virtutibus constaret.

6 Gratia generum linguarum inferior est Gratia prophetiæ, juxta illud Apostoli 1. ad Corinth. 14. v. 5. *Major est qui prophetat, quam qui loquitur lingua.* Per eam Gratiā non assequitur homo, ut omnino eleganter & ornate loquatur idiomatica peregrina, sed tantum ut juxta communem modum ipse loquens ab aliis intelligi possit, & ipse possit alios intelligere. Datur enim ad utilitatem aliorum, scilicet ad propagandam Fidei doctrinam:

nam : pro qua re necesse non est, ut loquens elegantiam calleat linguarum; sed satis est, ut cuiusque gentis linguam vulgarem noscat. Sanctis Apostolis fuisse collatam Gratiam generum linguarum, colligitur ex *Actis Apostolorum* cap. 2. v. 2. & seqq. ubi S. Lucas sic scribit: *Et factus est repente de caelo sonus tamquam adveniens spiritus vehementis, & replevit totam domum, ubi erant sedentes; & apparuerunt illis dispersa lingua tamquam ignis, sedisque supra singulos eorum; & repleti sunt omnes Spiritu Sancto, & ceperunt loqui variis linguis, prout Spiritus Sanctus dabat eloqui illis. Erant autem in Ierusalem habitantes Iudaei viri religiosi ex omni natione, qua sub celo est. Facta autem hac voce, convenis multitudo, & mente confusa est, quoniam audiebat unusquisque lingua sua illos loquentes. Stupebant autem omnes & mirabantur dicentes: Nonne ecce omnes isti, qui loquuntur, Galilei sunt? Et quomodo nos audivimus unusquisque linguam nostram, in qua nati sumus? Parthi, & Medi, & Aethiopiae, & qui habitant Mesopotamiam, Iudeam, & Cappadociam, Pontum, & Asiam, Phrygiam, & Pamphyliam, Aegyptum, & partes Lybiae, qua est circa Cyrenem, & advena Romani, Iudaei quoque, & Proselyti, Cretes, & Arabes audivimus eos loquentes nostris linguis magnalia Dei. Stupebant autem omnes, & mirabantur ad invicem dicentes: Quidnam vult hoc esse? Cumque Divinae sapientiae placuerit per eos homines orbem terrarum Christi Fide imbueri, quorum cultus & victus, & scriptio & locutio simplex esset, ne in tanto opere sibi aliquid vindicare posset humana facundia, vel auctoritas; hinc inferretur, Gratiam generum linguarum non conferre, ut eam habens eleganter & ornatè loquatur idiomata peregrina. Unde Apostolus 1. ad Corinth. I. v. 21.: *Placuit Deo per stultitiam predicationis salvos facere credentes.* Et postea v. 27.: *Quae stulta sunt mundi, elegit Deus &c. ut non gloriatur omnis caro in conspectu ejus:* Et cap. 2. v. 1.: *Veni, non in sublimitate sermonis, aut sapientiae.* Item v. 4.: *Sermo meus, & predicatio mea non in persuasibilibus humana sapientiae verbis.**

7 Quanam ratione, & quomodo factum sit, ut Apostoli loquentes ab omnibus intelligerentur, disputatur inter Doctores. Duobus etenim modis potuit hæc Gratia illis communicari; uno modo ex parte audientium, altero ex parte loquentium: vel enim prædicantibus Apostolis una tantum verborum prolatione & uno idiomate, simul ab omnibus hominibus diversarum linguarum, qui aderant, intellecti fuerunt; vel Apostolis ipsis infuse sunt species & notitiæ diversarum linguarum, & data eis facultas loquendi omnibus illis, non simul & ejusdem vocis formatione, sed successive & juxta occasiones. Questionem hanc examinat S. Thomas 2. 2. *questio. 176. art. 1.* ubi docet, necessarium fuisse, ut donum linguarum a Deo Apostolis daretur, cum mitterentur ad alios instruendos, & pauperes essent, quibus proinde difficile fuisset invenire, qui sua verba fideliter aliis interpretarentur, vel aliorum verba ipsis exponerent; deinde opposito sibi, Deum potuisse facere, ut una lingua loquentes ab omnibus intelligerentur, & sic eos non habuisse periciam loquendi omnibus linguis, ita respondet: *Ad secundum dicentem*

dicendum, quod, quamvis utrumque fieri potuisset, scilicet, quod per unam linguam loquentes ab omnibus intelligerentur, aut quod omnibus linguis loquerentur; tamen convenientius fuit, quod ipsi omnibus linguis loquerentur, quia hoc pertinebat ad perfectionem scientia ipsorum, per quam non solum loqui, sed intelligere poterant, quæ ab aliis dicebantur. Si autem omnes unam eorum linguam intellexissent, hoc vel fuisset per scientiam illorum, qui eos loquentes intelligerent, vel fuisset quasi quædam illusio, dum aliorum verba aliter ad eorum aures proferrentur, quam ipsi ea proferrent.

8 Facit pro explicatione S. Thomæ illud S. Pauli 1. ad Corinth. 14. v. 18. : *Gratias ago Deo meo, quod omnium vestrum lingua loquor*. Facit etiam ratio ab eodem allata, quod hoc donum non tantum necessarium fuerit, ut auditores intelligerent Apostolos loquentes, sed etiam ut Apostoli intelligerent alios Infideles sibi loquentes, eorum interrogationibus responderent, & propositas solverent difficultates. Huic sancti Doctoris sententiæ iuse adherent Suarez tom. 1. de Gratia, prolegom. 3. cap. 5. a num. 47. usque ad num. 55. Scacchus de not. & sign. sanctit. fest. 8. cap. 6. Viguer loc. supra cit. cap. 9. vers. 8. Salmanticenses in cursu Theol. tom. 3. in arbore prædicationis lib. 2. cap. 14. omnesque latentur, fieri potuisse, & fortasse etiam factum esse, ut juxta varias rerum circumstantias aliquando Apostoli unico idiomate loquentes, ab omnibus, licet variarum linguarum, auditoribus intelligerentur. Quos sequitur Matthæuccius in præf. Theologo-Canon. ad causas Beatificat. & Canonizat. tit. 3. cap. 3. art. 2. §. 5. a num. 55. usque ad 62. Optime Silvius in 2. 2. D. Thomæ quest. 176. art. 1. Non est negandum, quin aliquando acciderit, ut dum unus una lingua loqueretur, intelligeretur ab auditoribus diversæ ac peregrinæ lingue, veluti cum Petrus elata voce concionatus est ad multitudinem miscellaneam.... Sed dicimus, non hoc solum Apostolis, similibusque Sanctis cellatum; quin potius etiam hoc affirmandum existimamus, quod variis ipsismet linguis loquerentur, prout erant homines, ad quos oportebat eos loqui.

9 Habuit Christus Dominus abique dubio perfectissimè scientiam omnium linguarum, sed non oportuit, ut omnibus linguis loqueretur, cum uni tantum genti prædicaturus esset, videlicet Judæis; uti animadvertit D. Thomas loc. cit. ad tertium, & perpendit Thomas Bozius de signis Ecclesiæ lib. 6. sign. 22. cap. 5. num. 1. Silvius loc. cit. explicat D. Thomam, & ait, verisimile admodum esse, Christum Dominum publice & pro concione alia lingua usum non fuisse, quam quæ erat familiaris populo Judæorum, cum ad eos solos ipse per se ad prædicandum venisset; sed eundem privatim, occasione ita requirente, fuisse usum variis linguis, dum in Ægypto Gentiles alloqueretur; ipsumque loquentem ad turbam ex diversis nationibus constatam, uti habetur Joam. 12., vel alloquentem Tribunalum, & cohortem militum Romanorum, junctis Sacerdotum Principibus, & Magistratibus Templi, & Senioribus, ut ibidem 18. & Luc. 22., etsi usus sit una lingua, nimirum Syra, Hebræis tunc familiari, ab omnibus præsentibus fuisse

fuisse intellectum, etsi non omnes linguam Syram callerent. Ac non solum Apostolis, sed etiam aliis plerisque Gratia gratis data generum linguarum a Deo data est ad Fidelium utilitatem & ædificationem. Extant exempla collecta a Bagatta in *oper. de admirandis orbis Christiani tom. 2. pag. 153*. Nos autem hic nonnulla subiciemus, ex quibus dignosci poterit, tam primo, quam secundo modo nonnullis suis Servis a Deo collatam fuisse Gratiam, de qua nunc agitur. In vita S. Sophiæ, sive Cadoci Episcopi Beneventani & Martyris edita a Bollandio die 24. Januarii tom. 2. cap. 1. pag. 604. ita legitur: Cadocus tandem Jerusalem perveniens, loca sancta visitavit, cui & Dominus gentium idioma, per quas transivit, contulit, variisque linguis, qui cepit. In vita S. Teliai Episcopi Landavenis apud eundem Bollandum ad diem 9. Februarii cap. 2. num. 8. pag. 309. tom. 2. hæc habentur: Videns amorem Divini verbi flagrare in cordibus eorum, cum linguæ eorum penitus experti fuisset, miro modo sollicitudo & angustia premebat eum. Ut tamen populo supplicanti, & illorum voto satisfaceret, sacras Scripturas exponere cepit, & unusquisque adstantium illud sua lingua loquentem audivit: idemque donum collatum ejus sociis, Sanctis videlicet David, & Paterno, testatur idem Auctor loc. cit.: Surrexerunt ergo Sanctus David, & Paternus, & predicaverunt populo, omnibusque in sua lingua perfecte intelligentibus eos. In Passione SS. Vincti Martyrum Laure S. Sabæ apud Bollandianos ad diem 20. Martii cap. 7. n. 73. pag. 177. narratur, quomodo unus ex illis cupidus discendi Græcam linguam, ut Scripturarum lectioni vacaret, eam nullo modo discere potuerit: Verum prolapsus in somnum visatus est ab uno sanctorum Patrum Anastasio Protodiacono, cujus supra meminimus, qui Patri huic fuerat familiaris, & mestitia causam interrogavit. Ipse vero suam in discendo tarditatem exposuit, cui subridens Sanctus, Aperi os (inquit) tuamque mihi linguam extende: & quem penes se habebas, pannum novum proferens, circumfricansque, & abstergens eam, expurgata pinqui quadam atque limosa visitate, disparuit; simulque evigilavit, qui dormiebat, Presbyter. Confirmatus autem, quod ex illa die tantam senserit in ea dialecto intelligenda facilitatem, tam expeditam sive in legendo, sive in addiscendo; obsequentis ad nutum lingue facundiam, ut ipse sibi admirationi esset, Deique erga se curam, atque Sanctorum gratiam obstupeceret. In paralipomenis ad vitas SS. Pacomii, & Theodori, ad diem 14. Maji, apud citatos Bollandianos cap. 3. refertur S. Pacomium corrigere volentem quemdam hominem Romanum, quod Latino & Græco sermone uteretur, quem ipse ignorabat, linguæ tantum peritus Egyptiacæ, per tres horas ad Deum fuisse preces, ut Fratri auxilio esse posset, & chartam e caelo conscriptam delatam fuisse, quam ut perlegit, omnium mox nationum linguas perdidicit; cumque subinde ad Fratrem accessisset, addidit ab Auctore, eum absque ullo errore tam Romanam, quam Græcæ lingua usum esse, Fratre obstupecente. De S. Vincentio Ferrerio testimonium hoc profertur a S. Antonino 3. part. Sum. hist. tit. 23. cap. 8. §. 4. Hoc autem stupendum erat, & Apostolica Gratia, quod predicans in idiomate vulgari Catalonico intelligebatur etiam ab aliis nationibus illud ignorantibus. Concor-

dat

728 DE SERVORUM DEI BEATIFICATIONE

dat Henricus Spondanus in *continuat. annal. Card. Baronii ad an. 1403. num. 7.* Hoc denique cunctis Evangelicis Predicatoribus a temporibus Apostolorum praestans, quod patrio ac vulgari sermone Catalonico concionans intelligeretur ab externis nationibus illum ignorantibus, audireturque non solum a loco proximis, verum etiam a remotissimis, a doctis, & indoctis, a nobilibus, & plebeis; & quantum-
enimque prolixè sermocinaretur, nemo tadio afficeretur. Sic in relatione causæ S. Francisci Xaverii ita locuti sunt Rotæ Auditores ad tit. de dono linguarum &c. Clarus linguarum dono Xaverius, nam & linguis diversarum gentium, quas non didicerat; cum eas Evangelii causâ adires, eleganter atque ita expedite loquebatur, ac si ibi natus & educatus esset; & contigit non raro, ut concionantem eum diversarum nationum homines sua quisque lingua loquentem audiverit. De S. Aloysio Bertrando hoc ipsum refert Thomas Bozius loc. cit. num. 3. Inter epistolas S. Francisci Xaverii (editas a P. Horatio Tursellino post vitam ejusdem Sancti) epist. 5. lib. 3. pag. 105. idem sic de se loquitur: *Faxit Deus, ut ad Divinarum explicationem rerum, Japonicam linguam condiscamus quamprimum: tum demum aliquam Christianæ rei navabimus operam.* Nam nunc quidem inter eos, tanquam muta quadam statua, versamur. Multa enim illi de nobis & dicunt & agitant, ad quæ nos scilicet obmutescimus; patrii ipsorum sermonis ignari. In præsentia in lingua hujus percipiendis elementis repuerascimus. Jacobus Piceninus ex his inierit verbis, eum dono linguarum prædium non fuisse. At eum strenue refellit Cardinalis Gotti tom. 1. de vera Ecclesia cap. 2. §. 4. num. 44. cum Sanctus potuerit uao tempore linguas non callere, & tempore subsequenti a Deo dono linguarum insigniri, uti contigit in Apostolis, quibus linguarum donum divinitus collatum est non statim ab initio vocationis ipsorum ad Apostolatam; sed quando super eos Spiritus Sanctus descendit.

10 Non videtur esse dubitandum, posse, Deo permittente, similia a Dæmone fieri: potest enim, dum movet vocis instrumenta, ea sic movere, ut quam linguam voluerit, pronuntient; & potest etiam ex aere formare diversas species representantes auribus audientium verba, quæ loquens non profert: quocirca in *vita S. Hilarionis* refert S. Hieronymus, quemdam melancholicum, qui Syriaca verba loquebatur antea ignorata, curatum ab eo fuisse, Dæmonem fugando; & tritum est, inter signa Dæmonis quempiam obfidentis, nullum certius dari, quam si mulier aliqua, aut rusticus, & indoctus de mysteriis Theologicis disputet, quæ, antequam obsideretur, ignorabat, aut Græce, Hebraice, Latine, Germanice, aut alio linguarum genere exotico loquatur; uti notat Gaspar a Rejes in *Ehyso jucundar. quæstion. campo quæst. 27. art. 4.* Quocirca, si de hac Gratia gratis data generum linguarum disputatio occurrat in sacrorum rituum Congregatione occasione discussionis causæ alicujus Servi Dei, de cujus agatur Beatificatione & Canonizatione, & a Postulatoribus asseratur, eum fuisse prædium dono linguarum, hoc est plures linguas divinitus calluisse, oportebit, ut virorum proborum testimonio ostendant, eum linguis, de quibus
agi-

agitur, nunquam dedisse operam, & ex tempore peritum apparuisse, & expedite eis usum fuisse, cum occasio se obtulit, uti monet Matthæuccius in *praef. Theologo-Canon. ad causas Beatificat. & Canonizat. tit. 3. cap. 3. art. 2. §. 5. num. 68.*, & prosequuntur Rotæ Auditores in citata relatione causæ S. Francisci Xaverii *tit. de dono linguarum*. Si vero a Postulatoribus asseritur, Dei Servum unica lingua loquentem fuisse a pluribus diversarum linguarum, tanquam propria ipsorum lingua loquentem, auditum; necesse est, ut testes asserantur asserentes, se eum audivisse suo idiomate loquentem, puta Latino, aut Italico &c., & alii insuper testes asserantur diversarum nationum, qui referant, se eundem tunc loquentem, & sua lingua utentem audivisse, Germanos videlicet Germanica, Hispanos Hispana, Gallos Gallica, Anglos Anglica lingua, & sic de ceteris; & præterea ut omnes concordent in re, de qua Dei Servus locutus est, juxta ea quæ habentur apud Auditores Rotæ *loc. cit.* Præter hæc animadvertendum erit, an in usum harum linguarum vanitas aliqua irrepsit, puta, si id factum sit ad captandam populorum seu Principum auram, aut ad colligendas pecunias vel honores, an loquens vana locutus sit; hæc enim offenderent, a Deo variarum linguarum usum non processisse. Quod si loquens magnalia Dei locutus est, si linguis usus fuit, ut peccatores vel Infideles converteret, signa hæc erunt certissima, eum fuisse dono linguarum a Deo donatum, & rei hujus habenda erit maxima ratio in causis Beatificationis & Canonizationis, præsumptis potissimum probationibus virtutum in gradu heroico, uti animadvertit Matta *de Canonizat. SS. part. 3. cap. 4. num. 18. & 19.* Matthæuccius *loco citato num. 68.* Scacchus *de not. & sign. sanctit. sect. 8. cap. 6. pag. 649.*

11 Ultima Gratia gratis data, de qua loquitur Apostolus, est interpretatio sermonum, quæ duobus modis explicari potest; unus est, ut interpretatio sermonis ad significationem verborum referatur; alter est, ut de sensibus & mysteriis in verbis inclusis intelligatur. Priori modo interpretari sermonem est verba unius idiomatis per alterius verba exponere, quod fieri potest scripto, vel voce. Secundo modo interpretari sermonem non est verba unius idiomatis per alterius verba exponere, sed mysteria docere, quæ in verbis latent, & sæpe non intelliguntur ab iis, qui significationem verborum non ignorant; quemadmodum bene docet Suarez *tom. 1. de Gratia, prælegem. 3. cap. 5. num. 55. & seqq.* Ad primum modum referri debet versio septuaginta Interpretum sacre Scripturæ, qui sub Ptolemæo Philadelpho juxta communioem opinionem, non ex turbidis rivulorum lacunis, seu ex vulgatis & popularibus libris Chaldaicis, Syriacis, & Samaritanis codicibus, sed ex puris Hebraicis fontibus versionem suam concinnarunt, quemadmodum solidis rationibus evicit Joannes Morinus adversus Rabbini Azarium; sive hanc versionem fecerint seorsim, & totidem in cellulis inclusi, veluti autumarunt Justinus, Irenæus, Cyrillus Hierosolymitanus; sive congregati in publico quodam loco, seu in

magna basilica, ab omni tumultu & strepitu remota, veluti probabilis censet S. Hieronymus. Ad secundum modum spectant, quæ habentur de SS. Apostolorum Interpretibus; Petrus enim Marco Interprete usus est, & Paulus Tito Interprete, de quo in 2. *epist. ad Corinth. cap. 2. v. 12.* inquit: *Cum venissem autem Troadem propter Evangelium Christi, & ostium mihi apertum esset in Domino, non habui requiem spiritui meo, eo quod non inveni Titum.* Interpretes siquidem illi operam suam Apostolis, & sic Titus Paulo, præstabant, vel cum, ipsis alicui genti loquentibus, puta Romanis, in auditorio essent alii qui Latinum sermonem penitus ignorarent; tunc enim officium Interpretum desiderari videbatur; vel cum captu difficiliter iidem Apostoli loquebantur, quia tunc Interpretum erat ea explanare; veluti post longam disputationem concludit Cardinalis Baronius in *annal. ad an. 45. num. 37.*

12 Cardinali Baronio adhæret Suarez *loc. cit. num. 61. & seqq.*: sed Estitius in *comment. ad cap. 2. epist. 2. ad Corinth.* putat, percipi non posse, quomodo munus Interpretis uno vel altero ex dictis modis fuerit a Tito exercitum, & quomodo Paulus potuerit magno affici mœrore, cum Titum Troade non invenit, & sic ejus opera modo explicato uti non potuit. Ait enim, Paulum tunc prædicasse in regionibus Asiæ, Achajæ, & Macedoniæ, in quibus lingua Græca communis erat; item, Paulum linguarum scientiam Divino miraculo affecutum, pari facilitate Græcam linguam, qua Hebræam, pronuntiasse, & propterea improbabile esse, eum propter absentiam Interpretis, quo forte non egebat, adeo animo discruciatum fuisse, ut, Troade relicta, abiret in Macedoniam illic suum Interpretem quaesiturus. Addit, Apostolos apud multitudinem prædicantes, sermonem suum captui multorum accommodasse, & secretiora mysteria in tempus reservasse, quo traderent ea capacioribus, & Fide provectioribus. Quare idem Apostolus in 1. *ad Corinth. cap. 2. v. 6.* ait: *Sapientiam autem loquimur inter perfectos: & cap. 3. v. 1.* Non potui vobis loqui, quasi spiritualibus, sed quasi carnalibus: tamquam parvulis in Christo lac vobis potum dedi, non escam; nondum enim poteratis. Atque ex his insert idem Estitius, Paulum Tito non indiguissse pro explicatione mysteriorum, & rerum obscurarum; concluditque, spiritum Pauli requiem non habuisse, quando Titum non invenit, quod eum Corinthum milerat, ut sibi nuntiaret, ad Corinthii jam se correxissent. Adhæret Cornelius a Lapide *ad cap. 2. epist. 2. ad Corinth.* ubi hæc habet: *Fuit & alia causa, cur Paulus Troade perrexerit in Macedoniam ad occurrendum Tito, quod scilicet a Tito, quem Corinthum submisserat, vivebat cognoscere statum Corinthiorum, antequam Corinthum, uti promiserat, rediret.* Unde *cap. 7. vers. 6.* dicit, *se in Macedonia consolatum fuisse in adventu Titi referentis Corinthiorum statum, & desiderium Pauli.* Videtur autem Titus renuntiassse Paulo, necdum esse maturum tempus redeundi Corinthum. Unde Paulus iter suum ad Corinthios distulit, & hanc ad eos præmissi epistolam, quam sibi ad eos sterneret, discessusque Corinthiorum corrigeret. Hæc autem retulisse

tulisse satis sit : in eo enim , quod attinet ad causas Beatificationis & Canonizationis , difficile admodum mihi esse videtur , ut se offerat occasio differendi de hac Gratia interpretationis sermonum . Licet enim contingere possit , & sæpe contigerit , ut absque humano studio fuerint ab aliquo Dei Servo explicata abdita Scripturarum mytheria , id non ad Gratiæ interpretationis sermonum , sed ad scientiam insulam (de qua supra) pertinebit .

C A P U T XLIX.

De mentis Excessu , Ecstasi , & Raptu .

Post Gratiæ gratis datas agendum est de excessu mentis , ecstasi , & raptu . Ecstasis enim ad aliquam ex Gratiis gratis datis reducitur , tamquam aliquid eis annexum , uti animadvertit Mathæuccius in *pract. Theologo-Canon. ad causas Beatificat. & Canonizat. tit. 6. cap. 6. num. 10.* Agitur autem prius de mentis excessu , ecstasi , & raptu , quam de visionibus , apparitionibus , & revelationibus , vel quia non semper ecstasi , & raptui visiones , apparitiones , Divinæque revelationes debent esse conjunctæ , cum hæ a Deo concedantur , quibus ipse vult , uti bene advertit Cardinalis de Lauræa *opusc. 5. de oratione cap. 8. §. Dico primo* , vel quia , quando visiones & apparitiones a Deo suis Servis indulgentur , ut plurimum eis indulgentur in ecstasi & raptu constitutis , uti sapienter prosequitur Cardinalis Bona *de discret. spirit. cap. 14. num. 1. Quia vero ut plurimum nihil homini revelatur , nisi prius extra sensus raptus fuerit , & visio sive apparitio aliqua præcesserit , ideo prius de ecstasi & raptu , deinde de visionibus , & apparitionibus , demum de revelationibus tractabo .* De ecstasi & raptu susse agunt Theologi in 2. 2. D. Thome , & fusiùs Mystici . Nos autem hic nonnulla de natura & indole ecstasis , nonnulla de ejus speciebus , & de ejusdem signis asseremus : deinde , quæ ad causas Beatificationis & Canonizationis pertinent , breviter exponemus .

2 Sunt , qui ecstasim vocant mentis excessum . Sic S. Isidorus *lib. 7. etymol. cap. 8.* , sic S. Augustinus *de Genesi ad litteram lib. 8. cap. 25. col. 241. tom. 3. part. 1.* quo loco de Dei locutione scribens ait : *Inrus ei quippe loquitur Deus miro & ineffabili modo , neque per scripturam corporalibus instrumentis affixam , neque per voces corporalibus auribus insonantes , neque per corporum similitudines , quales in spiritu imaginaliter sunt , sicut in somnis , vel in aliquo excessu spiritus , quod Græce dicitur Ecstasis , & nos eo verbo jam utimur pro Latino .* De ecstasi quoque loquitur idem S. Augustinus *lib. 2. ad Simplic. quæst. 1. col. 104. n. 1. tom. 6.* ubi describens ecstasim ait : *Ecstasis cum sit mentis alienatio a sensibus corporis .* Et rursus in *Psal. 67. num. 36. col. 683. tom. 4.* subjicit : *Ecstasis namque est mentis excessus : quod aliquando pavore contingit , nonnumquam vero per aliquam revelationem , alienatione mentis a sensibus corpo-*

Z z z z z

ris ,

ris, ut spiritui, quod demonstrandum est, demonstratur. Ecstasim ergo quis pati dicitur, cum extra se ponitur; quod duplici modo contingit, & secundum vim apprehensivam, & secundum vim appetitivam, uti paulo post ex D. Thomæ doctrina demonstrabitur. Ecstasis in facultate, quæ cognitioni deservit, dicitur esse formaliter (ut loquuntur), quia ex interna unius rei meditatione abstrahitur intellectus ab aliis; in potentia appetitiva casualiter, affectus enim vehementia absorbet animam, nec limit sui juris esse. Ita D. Thomas 1. 2. *quest.* 28. *art.* 3. : *Respondes dicendum, quod ecstasim pati aliquis dicitur, cum extra se ponitur: quod quidem contingit & secundum vim apprehensivam, & secundum vim appetitivam. Secundum quidem vim apprehensivam aliquis dicitur extra se poni, quando ponitur extra cognitionem sibi propriam, vel quia ad superiorem sublimatur, sicut homo, dum elevatur ad comprehendenda aliqua quæ sunt supra sensum & rationem, dicitur ecstasim pati, in quantum ponitur extra connaturalem apprehensionem rationis & sensus; vel quia ad inferiora deprimitur, puta, cum aliquis in furiam, vel amentiam cadit, dicitur ecstasim passus. Secundum appetitivam vero partem dicitur aliquis ecstasim pati, quando appetitus alicujus in alterum fertur, exiens quodammodo extra se ipsum. Primam quidem ecstasim facit amor disjunctivus, in quantum scilicet facit meditari de amato; intensa autem meditatio unius abstrahit ab aliis: sed secundam ecstasim facit amor directus. Illustratur doctrina hæc a Jacobo Alvarez de gradibus Contemplationis lib. 5. part. 3. cap. 8. Anima autem in ecstasi, cum sit virtutis finitæ, aliquando omni sensuum usu destituitur, nec presentia cernens, nec voces loquentium percipiens, veluti explicat Henricus Harphius lib. 2. *Theologia mystica* part. 3. cap. 37. & in ea potentia dumtaxat vegetativa ab actibus suis non cessat, cum non sit cognoscitiva: nam, cessantibus ejus operationibus, cessaret nutritio, quæ semper animali est necessaria, uti docet citatus D. Thomas 2. 2. *quest.* 175. *art.* 5. *ad tertium*: *Dicendum, quod vires animæ vegetabilis non operantur ex intentione animæ, sicut vires sensitivæ, sed per modum naturæ; & ideo non requiruntur ad Raptum ab eis abstractio, sicut a potentius sensitivis, per quarum operationes minueretur intentio animæ circa intellectivam cognitionem.* Hoc ipsum ab eodem S. Doctore traditur de veritate *quæst.* 13. *art.* 4. & late exornant Suarez de religione tom. 2. lib. 2. cap. 18. num. 6. & seqq. Raphael de la Torre in 2. 2. D. Thomæ tom. 1. *quæst.* 95. *art.* 6. *disput.* 14. *vers.* Dico quinto, Gravina in *Lydio lapide* lib. 2. de ecstasi & raptu cap. 30. Thyreus de apparitione intellectuali lib. 4. cap. 4. & præsertim num. 6. & seqq. Nec in ecstasi sive naturali, sive dæmoniaca (de quibus infra) anima separatur a corpore, utcunque existimaverit Plato lib. 10. de republica, ubi refert, Herum Armenium pro mortuo habitum, animam redeunte, revixisse, & præmia & poenas alterius vitæ enarrasse; & utcunque asseruerit Plinius lib. 7. *hystor. natural.* cap. 52. ubi testatur, Hermotimi Glazomenii animam, relicto corpore, errare solitam multis annuntiasset, quæ, nisi a presente, nosci non poterant; & alii apud Bodinum lib. 2. *Dæmonum*, cap. 3. Hæ quippe fabulæ sunt, & ludibria Dæmonum, cum so-*

lius

lius Dei sit mortuos suscitare, & sola virtute Divina anima ad corpus, quod reliquit, redire possit, juxta illud Apostoli 2. ad Corinth. cap. 1. v. 9. *Ut non simus fidentes in nobis, sed in Deo, qui suscitavit mortuos*. Galpar a Reyes jucundat. *questio. Elysio campo quæst.* 81. num. 4. docet, nulla naturæ, aut Dæmonis potestate fieri posse, ut anima a corpore separata ad illud redeat; & si aliquando id contigisse visum est, ad virtutem Diabolicæ superstitionis referri debere, per quam, sensibus ligatis, hoc est obstructis semitis, per quas spiritus animalis a cerebro ad partes sensiferas permeat, retractoque eodem spiritu ad sensum communem, ibique retento, ne ad exteriora migrare posset, & sic sensuum externorum actionibus impeditis, corpus cadaveris speciem præfetur; ut de Lappiorum, & Finorum ecstasi scribit Olaus Magnus, qui, dum certo loco manerent modo prædicto soporati, varia tamen loca se peragrassæ, falso arbitrabantur, ac multa a Dæmone Magistro enarrabant, quæ eodem tempore longinquioribus in locis contingebant, stupentibus interea indoctis, & autumantibus, animam a corpore separatam ad corpus rediisse. Anima ne in ecstasi quidem Divina a corpore separatur: licet enim certum sit, in ea posse virtute Divina animam a corpore separari, & iterum ad corpus redire, quod an in se contigerit, cum ecstasim & Raptum passus est, Apostolus se ignorasse fassus est in 2. epist. ad Corinth. cap. 12. v. 2. : *Scio, hominem in Christo ante annos quatuordecim (sive in corpore nescio, sive extra corpus, nescio; Deus scit) raptum hujusmodi usque ad tertium celum, & scio, hujusmodi hominem (sive in corpore, sive extra corpus, nescio; Deus scit) &c.* necesse tamen non est, ut separatio animæ a corpore ecstasi Divinæ conjuncta sit, cum Deus ratione immensitatis sit præsens omni animæ, & sic ipsi revelare possit, quæ vult in ecstasi revelare, absque eo quod eam separet a corpore; & cum de tot Prophetis ecstasim passis, & de tot aliis Dei Servis hac alienatione sæpe donatis nunquam legamus, eorum animas ab ipsorum corporibus fuisse separatas; uti late ostendunt Suarez loc. cit. num. 7. in fine, Cornelius a Lapide ad cap. 12. epist. 2. ad Corinth. Martinus del Rio *disquisit. magicar. lib. 2. quæst.* 29. §. *Censet quarrò, Zacchias quæst. Medico-legal. lib. 4. tit. 1. quæst.* 6. num. 16. & seqq. Cardinalis Bona *de discret. spirit. cap. 14. num. 1.* Gravina loc. cit. lib. 2. num. 30. *assert.* 3. Consalvus Durantus in tract. de visionibus cap. 3. pag. 57. ante revelationes S. Birgitta, Cardinalis de Lauræa in 3. lib. sent. tom. 4. *disput.* 20. art. 23. num. 972. & seqq. Loquendo de ecstasi & rapto S. Pauli Apostoli S. Augustinus de peccato originali cap. 23. ait, imprudentem esse inquisitionem, an in rapto, qui ipsi contigit, anima ejus fuerit a corpore separata; cum ipse Apostolus se nescire testetur. S. Thomas 2. 2. *quæst.* 175. art. 5. docet, non fuisse necessarium, ut in statu Raptus anima Pauli fuerit omnino separata a corpore, sed categorice non responderet, an ita factum sit. At Silvius super eodem art. 5. interpretans tum S. Augustini, tum S. Thomæ auctoritatem, dicit, illam esse intelligendam esse inquisitionem, quæ queritur certa cognitio, non de ea, qua solum probabilis; & hanc potius favere

favere opinantibus animam Pauli non fuisse a corpore separatam, cum S. Doctor tum in hoc, tum in sequenti articulo doceat, probabilius esse, animam in corpore mansisse, quod separatio non esset necessaria.

3 Juxta D. Thomam Raptus aliquid addit supra ecstasim; addit enim violentiam, ut ipse docet 2. 2. *quest.* 175. *art.* 2. ad primum: *Discendum, quod Raptus addit aliquid supra ecstasim: nam ecstasis importat simpliciter excessum a se ipso, secundum quem scilicet aliquis extra suam ordinationem ponitur; sed Raptus super hoc addit violentiam quamdam.* Indolem Raptus, prout differt ab ecstasi, juxta mentem D. Thomæ late explicant Arauxo *decif. moral. tract.* 3. *quest.* 23. num. 60. Scacchus *de not. & sign. sanctit. sect.* 8. *cap.* 3. Confalvus Durantus in *cis. tract. de visionibus cap.* 3. *pag.* 51. Castellinus *de inquisit. miraculor. in additamento universali de ecstasi num.* 8. Antonius ab Annuntiatione in *disserpatione mystica de oratione & contemplatione quest.* 2. *art.* 8. Silvius in 2. 2. D. Thoma *tom.* 3. *quest.* 175. *art.* 1. ubi docet, ad Raptum non requiri violentiam, sed sufficere, ut aliquid reperiatur simile violentiæ. Melius res exponitur a Cardinali Bona *de discret. spirit. cap.* 14. num. 2. in fine his verbis: *Hoc est autem discrimen, quo inter se distinguuntur Raptus, & ecstasis; nam hæc suavius mentem a sensibus abstrahit, ille fortius & cum quadam violentia, ita quod Raptus hoc ecstasi addit, quod vim quodammodo affert animæ, eamque celerissime ac potentissime a sensibilibus avellit, & ad invisibilem intellectualem inspectionem & amorem impellit, ac sursum tollit.* Apud Mysticos violentia explicatur de violento corporis motu, cum alienati videlicet in altum elevantur, & interdum sic a terra elevati per aliquod tempus manent; cui explicationi adhæret Cardinalis de Lauræa *opusc.* 5. *de oratione cap.* 6. in principio. Hæc autem inadcasse satis sit, cum juxta eundem Cardinalem de Lauræa, ecstasis & Raptus passim promiscue sumantur: quod ipsum quoque fuit animadvertum a Confalvo Duranto in *allas. tract. de visionibus cap.* 3. Supponendum hic, tamquam certum, Doctores Theologos ecstasim, mentis excessum, & Raptum in eodem sensu interdum usurpasse, ac etiam in sacris Litteris pro eodem quandoque accipi; & a Patre Baldello in citato opere manuscripto his verbis: *Dall'ecstasi così dichiarata non differisce nelle sacre Scritture l'eccesso di mente, ed il ratto, ma tutte queste cose si prendono per le medesime, come ben nota S. Tommaso. Se bene il nome di ratto pare, che esprima un non so che di forza e violenza, come nota il medesimo. E per tanto più propriamente si attribuisce all'intelletto, che alla volontà. Siccome anche il patire forza e violenza più è di quello, che di questa, secondo lo stesso santo Dottore.*

4 Aliquid superius dictum est de ecstasi & raptu, naturali videlicet, demoniaco, & Divino. Porro divisio hæc desumitur ex doctrina D. Thomæ 2. 2. *quest.* 175. *art.* 1. Hujusmodi autem abstractio, ad quæcumque fiat, potest ex triplici causa contingere. Uno modo ex causa corporali, sicut accidit in his, qui propter aliquam infirmitatem alienationem patiuntur. Secundo modo ex virtute Daemonum, sicut patet in arreptiis. Tertio modo ex virtute Divina, & sic loquimur nunc de raptu, prout scilicet aliquis Spiritu Divino elevatur ad aliqua superna-

pernaturalia cum abstractione a sensibus, secundum illud *Ezechielis* 8. Spiritus elevavit me inter calum, & terram, & adduxit me in Ierusalem in visione Dei. Naturalis autem ecstasis est, quæ a causis naturalibus causam habet, ex gr. ex morbo, quem Medici *Catochen* seu *Catalepsim* vocant; nam eo correpti, omni sensu & motu destituuntur, ac in eo situ, quo deprehenfi fuerint, rigidi & immobiles manent, apertis & immotis oculis, vigilantis figuram retinentes, licet omnis sensuum functio sopita sit. Ex vehementi quoque imaginatione ecstasis naturalis oriri potest; tunc enim confluent spiritus animales in cerebrum, proindeque sensuum exteriorum functiones cessant, & quo intensior imaginatio est, eo major spirituum copia cerebrum obidet, & sic fortior fit & longior abstractio. Hinc Platonem legimus Philosophicis speculationibus ita quandoque fuisse intentum, ut sensuum usu careret; & nota est etiam S. Thomæ Aquinatis abstractio, qui Regiæ mensæ accumbens, conclusum esse adversus Manicheos, exclamavit. In hac naturali ecstasi non fit, ut corpus a terra sublevetur. Quocirca Zacchias *quest. Medico-legal. lib. 4. tit. 1. de miraculis quest. 6. num. 10.* scribit: *Sed alii præterea sunt Ecstasici, qui a terra in ecstasi eleuantur, ut quasi in aere librati permanerent. Hoc autem (quidquid conati fuerint nonnulli affirmare) in naturali ecstasi est ab omni veritate alienum: contra natura enim propensionem omnino est, corpus grave a centro propria virtute sublevari, & in aere sustineri.* Dæmoniaca ecstasis est, cum Dæmon ligat sensus, & vias obstruit, per quas spiritus a cerebro in ipsos sensus exteriores diffunduntur, excitatque in phantasia & in facultate cogitante alicujus objecti, sive negotii vehementem cogitationem. In hac ecstasi contingere potest corporis a terra elevatio; nec enim id ejus efficaciam & potestatem excedit. *Jamblicus de vita Pythag. cap. 28.* interprete Ludolpho Kuster edita *Amstelod. anno 1707. pag. 112.* tamquam factum notorium refert, Pythagoram una eademque die a remotis regionibus in Italiam, & ab Italia in Siciliam ope utique Dæmonis translatus suos discipulos iis in locis existentes allocutum fuisse; quod ipsum habetur apud Origenem *lib. 6. contra Celsum*. Angelus bonus, ut legitur *Daniel. 14.* Prophetam Habacuch capillo capitis apprehensum ex Judea Babylonem usque asportavit. Deo jubente: Deoque permittente, Simon Magus a Dæmone in aera erectus est, ita ut volare videretur: quem tamen, ad Beati Petri Apostoli preces a Dæmonibus destitutum, in terram statim præcipientem corruisse, atque extinctum debitas scimus poenas perfolvisse. Legi potest Cardinalis Baronius in *annal. ad an. 68. n. 13. & seqq.* cum aliis ad rem fide collectis a Rocca de *Canonizar. SS. cap. 14.* Henricus Valelius in *annotar. ad cap. 15 lib. 2. histor. Eccles. Eusebii Cæsariensis* subdubitare videtur de volatu Simonis Magi, & de tota historia certaminis cum Apostolo Petro, quippe qui asserat, Eusebium eo loci de certamine ipso, de volatu, & de interitu nullum verbum fecisse, Irenæum etiam, ac Justinum ea de re filere. At Tillemontius *tom. 1. part. 2. in vita S. Petri art. 34.* ejusdem historię veritatem innumera tum Patrum, tum Historicorum testimoniis docte ac erudi-

erudite confirmat; asseritque, sine solido fundamento nonnullos de ea re dubitantes tum addit, se male cum Arnobio, Cyrillo Hierosolymitano, Legatis Liberii, Ambrosio, Augustino, Isidoro Pelusiota, Theodoretto, ceterisque Patribus decipi, quam eosdem latuæ credulitatis infimulare: idque etiam prosequitur Calmet in *differt. de Simone Mago §. Certamen illud*. Addit Torreblanca, alibi recensitam Magdalenam de la Crux et terra per Demonem, spectantibus omnibus, fuisse elevatam, uti videri potest *lib. 2. de magia cap. 10. num. 37*. Divina demum ecstasis est, cum Deus per se, vel per Angelum bonum aliquando rapit hominem, & a sensibus alienat, ut liberius Divina contempletur: & in hac virtute Divina corporis a terra elevatio dati potest, non quia hæc habeat necessariam connexionem cum ecstasi aut raptu a vehementi Divina contemplatione manante, sed quia, cum hæc ecstastica contemplatio Divinorum assimiletur, & quasi sit inchoatio ejus, quæ futura est in beatitudinem animarum, Deus, ut id doceat, hoc speciale donum aliquando concedit raptis; quod donum est quædam imperfecta participatio dotis agilitatis, quam corpora gloriosa obtinebunt. Hæc eadem Divina ecstasis a Deo immitti potest, nulla præcedente hominis meditatione seu consideratione, qualis fuit illa, de qua *Genes. 2. v. 21. Immisit ergo Dominus Deus soporem in Adam*: & potest etiam a Deo dari, ipso videlicet hominem movente & illuminante ad considerandum ex. gr. aliquod Fidei mysterium, ita ut, auxilio Divino perseverante, & homine attentius & vehementius considerante, idem a sensibus alienetur: nec solum primus modus, sed etiam secundus ad Divinam ecstasim est referendus; cum suspensio & alienatio a sensibus ex efficacia Gratiæ descendat, quamvis naturaliter ex priori Gratiâ proveniat, & una ab alia naturaliter profluat. Theologi, Mystici, Philosophi, & quotquot de materia Canonizationis scripserunt, confirmant ea quæ hæcenus dicta sunt. Inter Theologos Suarez de *religione tom. 2. lib. 2. cap. 15. per tot.* Arauxo dec. *moral. tract. 3. quest. 23. §. 3. n. 60.* Raphael de la Torre 2. 2. *quest. 95. art. 5. disput. 13. & disput. 14. §. Quarto argumento*, Comsalvus Durantus de *visionibus cap. 3. pag. 55. & pag. 59. ante revelationes S. Birgitta*, Gravina in *lapide Lydis lib. 2. cap. 28. pag. 253.* Cardinalis Bona de *discret. spirit. cap. 14. sub num. 4.* Cardinalis de Laurea *opusc. 5. de oratione cap. 6. advert. 3. & seq.* Inter Mysticos S. Franciscus de Sales in *tract. de amore Dei 1. 2. tom. 3. cap. 5. & cap. 6.* Inter Philosophos Zaccarias *quest. Medico-legal. lib. 4. tit. 1. quest. 6. num. 7. & seqq.* Gaspar a Reyes in *jur. secundar. quest. Elyso campo quest. 81. num. 3. & seqq.*: & inter eos, qui de Canonizatione scripserunt, citatus Cardinalis de Laurea in 3. *lib. sent. tom. 4. disput. 20. de miraculis art. 23. num. 942. & plurib. seqq.* Matea de *Canonizat. SS. pars. 3. cap. 4. num. 3. & plurib. seqq.* Matthæucc. in *præf. Theolog. Canon. ad causas Beatificat. & Canonizat. tit. 3. cap. 3. art. 1. num. 2. & seqq.*

5. Addimus, quæ Pater Baldellus scripta reliquit in opere alias citato, & nunquam typis edito, ubi clare triplicem ecstasis speciem, naturalem videlicet, dæmoniacam, & Divinam explicat, Aliqua profert de splendore

re

re vultus, quo aliquando Ecstatici illustrantur, de longa a cibo abstinentia, quam nonnulli Ecstatici servarunt: sed de his a Nobis fiet sermo, cum de miraculis tractabitur. Idem Auctor in loco mox referendo aliqua tangit de historia Septem Dormientium, Maximiani videlicet, Malchi, Martiniani, Dionysii, Joannis, Serapionis, & Constantini, quorum festum commemoratur in Martyrologio Romano ad diem 27. Julii, quos nonnulli dicunt Dormientes fuisse appellatos, quod temporibus Decii usque ad ultima tempora Theodosii junioris intra speluncam clausi, somno capti ad ducentos fere annos re vera dormierint: at alii volunt Dormientes fuisse appellatos, quod temporibus Decii martyrium consummarint intra speluncam clausi, ac demum, specus ostio resecato, inventis eorum corporibus, velut redi-vivi apparuerint; vel ea de causa, quod juxta consuetum Divinae Scripturae loquendi modum Dormientes appellentur, qui pie & religiose vita functi sunt. Utramque sententiam Cardinalis Baronius exponit in not. ad Martyrol., & in posteriorem proclivior est; sed primam, congesta undique eruditione, tuetur & late propugnat vir Nobis singulari amicitia junctus, & fama inter Litteratos clarissimus Joseph Simonius Assemanus in *Biblioth. Orient. tom. I. pag. 335. & seqq.* Post primam hujus nostri Operis editionem, Romae anno 1741. publici juris facta est *Sanctorum Septem Dormientium Historia ex Ectypis Musei Victorii expressa*, quae secundam tuetur opinionem: Hec autem indicasse satis sit. Verba autem Patris Baldelli sunt haec: *Quanto alle cause dell' estasi e ratio, tre ne vengono assegnate da S. Tommaso nella 2. 2. alla quest. 175. art. 1. cioè, Dio, il Demonio, e qualche disposizione corporale. Perchè, se bene una intensa attenzione alle cose Divine con astrazione dai sensi e dalle potenze animali non può essere se non da Dio, siccome solo da lui è ogni altro pensiero di bene, che giovi alla salute; contuttociò l'essere tal volta astratto dai sensi, o ciò sia, perchè l'animo tutto si occupi in altro oggetto, o perchè senza altro intendimento semplicemente si privi dell'uso de' sensi, può venire ancora dal Demonio, e dalle cause corporali. E non è dubbio, che dal Demonio sono le estasi e i ratti de' superbi Contemplativi, come avvertisce il Gaetano nella 2. 2. alla quest. 95. art. 2. e delle streghe, e de' maghi, quando in un luogo rimangono come morti, ed ingannati dalle finite apparenze, che il Demonio ha loro composte e fabbricate nella immaginazione, e si pensano d'essere stati in varj luoghi, e d'aver fatto a suo gusto varie cose. Così deve intendersi quel, che d'un certo si narra nelle istorie Settentrionali di Oloa Magno al lib. 3. cap. 17. che, essendo richiesto da chi bramava saper di lontano, che cosa fosse de' suoi amici, o nemici, messo sopra l'incudine un certo serpe, o una ranocchia di bronzo, che appunto teneva come istrumento, o segno delle sue arti e malefizj, poi percossa col martello a numero certo di colpi, e con certe parole di qua e di là rivoltatala, cadeva egli in terra, e come senz'anima restava in estasi; e ritornato in se narrava, quanto altri gli dimandava, come se di persona a tutto fosse stato presente. E al medesimo modo si hanno da intendere, esser occorsi que' casi, ne quali si dice appresso i Gentili, esser tornato taluno da morte a vita, e come di vista aver palesato varie cose d'orrore e di stupore: come di quello appresso Platone nel lib. 10.*

Tom. III.

A a a a a

de Rep.

de Rep. che, essendo stato ben dieci giorni fra' cadaveri morti nella guerra, e portato a casa da' suoi per essere più degnamente seppellito, mentre stava per esser bruciato e ridotto in cenere, conforme al costume, torno in vita, e raccontò d'aver vedute varie cose; e di quell'altro per nome Ermasimo appresso Plinio al lib. 7. cap. 52. che, lasciando esanime il corpo, dicevasi andar errando con l'anima in varie parti, e poi tornando, manifestava quel che da' altri non potea saperfi, che da chi fosse stato presente in luoghi lontani; ed a suo gusto più volte così vagando, fu alla fine trovato da' nemici il suo corpo, e bruciato, fu tolto all'anima per sempre l'albergo per il ritorno; e di molti altri appresso il medesimo Plinio, ed altri storici. Ed in quei modi, che la natura talvolta impedisce l'uso de' sensi, può impedirlo ancora il Demonio nelle sue estasi, cioè, serrando le vie, per le quali dal cuore e dal celabro passano gli spiriti animali ai sensorj, e da questi le specie al senso comune, come avviene nel tempo del sonno; o pure, raccogliendo e ritirando al di dentro i medesimi spiriti, occupando i sensi e le potenze interne in qualche altra operazione, e lasciando l'esterne abbandonate, come avviene, quando attendiamo intensamente a qualche pensiero, che non vediamo, nè sentiamo chi ci passa davanti, o chi ci parla: e se bene all'estasi e ratto non si richiede al medesimo modo, che s'impediscono e legghino le potenze vegetative e vitali, come si legano le sensitive e animali, conforme avverte S. Tommaso nella 2. 2. alla quest. 175. art. 5. ad tertium, perchè le vitali non richiedono attenzione o dell'anima, o di qualche potenza comune, come la richiedono le animali; e contuttociò per l'accidente di ritirarsi o richiamarsi gli spiriti al di dentro per quella operazione tanto intensa, che si fa nella estasi, vengono impediti non poco ancora le operazioni vitali, cioè, la concezione e nutrizione, come chiaramente apparisce in chi dopo il cibo subito attende allo studio, o ad altro esercizio di mente. E questo tanto è comune alle estasi diaboliche, quanto alle Divine, se Dio in queste con modo particolare non supplisce. Ma che semigliante astrazione ed alienazione dai sensi possa avvenire ancor da cagioni corporali, il che dicevamo potersi assegnare secondo S. Tommaso come terzo principio dell'estasi, chiaramente s'intende da quel che insegna il Filosofo nel libro del sonno e del vegliare al cap. 2. dove dice, non ogni lega-ura o impotenza de' sensi esterni esser sonno, ma sol quella che vien cagionata nel primo sensitivo, cioè nell'organo del senso comune dai vapori del nutrimento. Ed aggiugne, oltre questa ancor molte altre esser le maniere di legare ed impedire le potenze, e renderle impotenti alle sensazioni, cioè il deliquio e mancanza, la pazzia ed il furore, che, come avvertono gl' Interpreti, e particolarmente Temistocle nel lib. de som. & vig. al cap. 8. qualche volta è di tal sorta, che non lascia nè vedere nè udire, anzi nè anche sentire i dolori de' morsi, co' quali lacera le sue carni medesime il furioso. E finalmente lo strignere e comprendere certe vene del collo. Ed è certo, secondo i Medici, che dalla ostruzione e oppilazione dei ventricoli del cervello, e di quelle vie, per dove corrono gli spiriti, che servono al senso e al moto, si cagiona l'apoplessia, secondo la quale si cade in terra senza l'uso de' sensi e di que' moti, che si chiamano volontari. E secondo l'esperienza nelle donne bene spesso avviene per varie indisposizioni dell'utero, che restino come morte e senza spirito, come avverte Plinio nel lib. 7. al cap. 52. e secondo la medesima esperienza

za, se qualche nervo, istrumento del senso, vien legato nel mezzo, solo la parte di sopra e più vicina al cervello è partecipe di sentire, perchè sola è partecipe dell' influxo degli spiriti, e non la parte inferiore e più lontana, per la ragione contraria, d' esser sola la comunicazione degli spiriti. E per tanto ragionevolmente dee crederfi, che ancora in ogni altro modo, che impedisca il concorso degli spiriti, cagionassi naturalmente da cause corporee la privazione del senso e del moto, che vediamo nell' estasi. E forse in questo modo può dichiararsi quel, che di se racconta Cardano nel lib. 8. de variet. al cap. 43. che a suo talento e a sua voglia andava in estasi, e talmente restava fuor de' sensi, che appena udiva leggermente le voci di chi parlava, senza però capire quel che dicesse, nè punto sentire, se veniva tirato da chi si fosse, ancor forte e gagliardamente, nè il dolor della podagra, quantunque intenso. E spiegando egli stesso come ciò gli avvenisse, soggiunse, che sentiva il principio di tale effetto dalla parte di dietro del cerebro, che si chiama cerebello, e diffondevasi per la spina del dorso, e gli pareva vicino al cuore di sentire una separazione, come se l' anima si partisse, e quasi una porticella si aprisse alle forze e alla vita; nè poteva così fermarsi, se non poco tempo, e con gran forza, eh' ei si faceva. E non è dubbio, che siccome in alcuni si trovano salvolta muscoli e nervi particolari, che non si trovano comunemente negli altri, e per tanto a lor si concedono movimenti di certe parti del corpo, che ad altri sono impossibili, come quelli appresso S. Agostino nel lib. 14. de civitate Dei al cap. 23. che muovono le orecchie a sua voglia, o ciascuna, o ambedue, e quelli che stendono e sporgono dinanzi alla fronte i capelli della testa, ed altri simili, così in Cardano potè trovarsi qualche particolar disposizione di nervetti e di membrane; per mezzo delle quali strignesse i meati degli spiriti animali, e impedisse loro il corso, dal che poi seguiva la mancanza de' sensi e quasi della vita. Lo stesso avvenne a quel Prete per nome Restituto, di cui racconta S. Agostino al luogo citato, che a suo piacere, e a richiesta di chi desiderava veder cogli occhi propri un tale stupore, al semplice suono di finte voci, come di chi si dolesse e lamentasse, talmente s' alienava da' sensi, che senza anelito, e come morto, non solo non sentiva chi lo tirasse o pungeffe, ma nè anche chi col fuoco l' abbruciasse, se non dopo per la piaga, che restava, e le voci più chiare di chi parlava, solo diceva d' aver sentito come di lontano. E forse que' finti suoni di lamenti non ad altro servivano, che a svegliar l' umore malinconico, il quale non poco giovava allo strignere le vie e i meati degli spiriti: e siccome l' apoplezia secondo i Medici impedisce ancor l' anelito, e quando è men forte e lascia men' occupati i sensi e i nervi d' alcuni sensi, ancor lascia, che debolmente per quelli si senta; così potè a Restituto impedirfi l' anelito, e non affatto impedirfi l' udito, che non sentisse le voci, se non come lontane. E come tutto questo si sperimenta bene spesso ancor nel sonno da quelli, che a lungo rispondano in proposito, e fanno molte opere, come se fossero desti, solo perchè dai vapori non sono ben impediti e legati tutti i sensi, così può avvenire ancora nell' estasi, che più si legbi un senso, che un' altro. Ma non è dubbio, che questo modo d' andare in estasi, che chiude le strade agli spiriti animali con moto volontario di nervetti e membrane, solo è di pochi, siccome a pochi, e fuori dell' ordine della natura si concedono simili nervi ed istrumenti. Quell' altro può

A a a a a

esser

esser più facile e più comune, che quantunque restino aperti i meatì per il corso degli spiriti, sian però richiamati e raccolti i medesimi spiriti al di dentro, e le potenze comuni interiori tutte si occupino per qualche intensa operazione della mente, ed in tal modo gli organi esteriori restino abbandonati ed impotenti. Ne v'è alcuno, che in se stesso non provi, almeno in parte, ciò esser vero, quando per qualche attenzione che abbia molto intensa e profonda, non vede nè sente chi è presente e gli parla. Dal vedere in tal caso per poco tempo e leggermente impediti i suoi sensi può ciascuno facilmente comprendere, come in altri naturalmente accada il medesimo per maggior tempo, e più fortemente, quando sono più attunati e più posti in qualche pensiero. Così di Socrate racconta Platone nel Simposio appresso Marsilio Ficino nel lib. 13. della Teol. Platon. al cap. 2. che talvolta, dal nascer d'un giorno fino al nascere d'un altro, in piedi ed immobile se ne stava con gli occhi fissi in un medesimo luogo, e senza batter palpebra, sempre pensoso ed astratto. Così d' Archimede racconta Livio nel lib. 25. ab Urb. condit. che essendo intento a non so che figure Matematiche da lui descritte nella polvere, non sentì il tumulto de' soldati, che saccheggiavano la patria, ed a lui stesso vennero addosso e l'ammazzarono. E, per non distendermi in questo cogli esempi de' Gentili, i quali si possono veder appresso Ficino nel luogo citato, e appresso i Conimbricensi nel 3. de anima al cap. 8. qu. 8. art. 3. così leggiamo di S. Tommaso d' Aquino nella sua vita, che ancor' alla mensa di S. Ludovico Re di Francia, dimenticatosi del luogo e della maestà del personaggio, bastendo con la mano sopra la mensa, fiori di se, e fuor di proposito disse, ch' era conchiuso contro de' Manichei. Un' altra volta, dovendo per consiglio de' Medici farsi un canterio in una gamba, la sparse con generosità, e insieme tanto attento in altri pensieri, che niente si avvide del fuoco. In altro tempo, stando in cella scrivendo, talmente fu rapito in quella contemplazione, che non s' avvide, che la candela accesa, la qual teneva, essendo già consumata, gli abbruciava la mano. Parimente alcuni vogliono, che Scoto per un' estasi, stando un giorno e più astratto da' sensi e come morto, diede occasione ai poco pratici di pensare, che veramente ei fosse morto, e di seppellirlo, come si legge nella sua vita ultimamente stampata in Venezia avanti le sue opere nell' anno 1617. Ma quello, che aggiugne il medesimo Marsilio Ficino nel luogo citato, che estasi ancora fu quel sonno lunghissimo di 50. anni, che dormì Epimenide Cretense Filosofo, o pur (come vuole Apulejo, e con esso il Baronio ai 27. di Luglio) d' anni 57. ; per questo principalmente non pare da crederci, perchè l' estasi solo impedisce le potenze animali, e non le vitali, e come non estingue il calor naturale, così non distrugge la nutrizione, nè toglie il bisogno del nutrimento; onde non può tanto tempo in tal' estasi conservarsi la vita. E in questo modo, come cosa soprannaturale, si racconta nell' Efsodo al cap. 34. che Mosè 40. giorni, parlando con Dio, panem non comedit, & aquam non bibit. E di Gesù Cristo dice S. Luca al cap. 4. che, stando nel deserto 40. giorni, nihil manducavit illis diebus. Or se il sonno di Epimenide potesse salvarsi per estasi, ancor per la stessa dovrebbe salvarsi quella di quel puto appresso Plinio nel lib. 7. cap. 52. che stracco dal caldo e dal viaggio dice aver in una sponda dormito 57. anni, e poi destatosi, come se fosse il giorno seguente, essersi meravigliato della muta-

zione

zazion delle cose, che trovava. E pur in questo, per esser puto, e non Filosòfo, non pare ragionevole porre l'estasi e le astrazioni dai sensi per l'attenzione d'ella mente al suo intendere. Dei santi Sette Dormienti, dei quali si celebra la festa ai 27. di Luglio, per aver molto patito sotto Decio per la santa Fede, ed essersi veramente riposati nel Signore, ancora il Baronio nelle annotazioni al Martirologio di quel giorno resta dubbioso, se veramente si debba dire aver dormito in una spelunca da 200. anni, cioè dai tempi di Decio fin' agli ultimi tempi di Teodosio il giovane, come vuole il Metafraste, Niceforo, Cedreno, Gregorio Turonese, e altri; o pur' aver trovato il nome de' Dormienti solo perchè avendo sotto Decio consumato il martirio, con essere chiusi in una spelunca, si trovarono i loro corpi, e come risuscitati di nuovo comparvero, e furono detti Dormienti secondo l'uso della Scrittura, che la morte de' Santi chiama sonno. Ma, se ammettiamo in qualcheuno tal complessione, che dalle flemme che ha nello stomaco, e per le vene in gran copia, si nutrisca, nè abbia per molto tempo bisogno o appetenza d' altro cibo, come avviene agli orsi, ai ghiri, ai nibbi, e a molti altri degli animali appressò Alberto Magno nel lib. 7. de animal. cap. 3. pag. 87. che buona parte del verno si stanno addormentati nelle grotte, e secondo Avicenna appressò Rodigino al lib. 13. cap. 24. può avvenire ancora agli uomini: facilmente in questi tali potrà concedersi, per quanto spetta a questo capo del bisogno del nutrimento, estasi lunga, poichè Alberto al luogo citato, di sè stesso racconta di aver veduto in Polonia una donna, la quale spesso passava li 30. giorni senza alcun cibo, e un' uomo di complessione malinconica, il quale nel medesimo modo passava le sette intere settimane con solo prendere ogni due giorni un poco d' acqua. E aggiunse il Rodigino nel lib. 13. lect. antiq. al cap. 24. dall' istorie moderne sapersi di certo, che uno per due anni continui non mangiò punto, nè bevè; e nella Spagna essere stata una donna, che senza altro mangiare, con solo ber qualche volta dell' acqua, sostenne la vita, ed era già d' anni 22. Ma comunque sia, quanto al tempo e alla lunghezza dell' estasi, se può durare qualche anno, o sol qualche giorno, o qualche ora, assai pare dichiarata dalle cose già dette la dottrina di S. Tommaso, che l' estasi, in quanto dice alienazione ed astrazione da' sensi, può esser cagionata non solo da Dio, ma anche dal Demonio, e da cause corporali, e a queste ben riduce Ficino nel luogo citato, e Fracastorio nel lib. 2. de intell. e il Collegio de' Caninbriensi nel 3. de anima al cap. 8. La complessione malinconica, che, seguendo in gran parte la natura della terra, che non mai si spande, come gli altri elementi, si ritiene quasi stretta in se stessa, e molto dispone al raccoglimento dell' animo, e per mezza di questo ancor all' estasi. Per la qual causa ancor' Aristotele in problem. lect. 30. ebbe a dire, tutti i grand' uomini, e segnalati in qualsivoglia professione essere stati malinconici. E da tutto ciò d' avvantaggio si può raccorre, che anche, quando viene tal' estasi o astrazione agli uomini santi per l' attenzione alle cose Divine, talmente ha da dirsi, esser da Dio, che quanto alla sostanza, non eccede l' ordine della Grazia, che comunemente si dà per tali pensamenti, ma solo l' eccede in quanto al modo; poichè pensiero di Dio tanto intenso, che assorbisca tutte le forze dell' anima, non è d' ordinario concesso a tutti quelli che stanno in Grazia, ma solo a pochi, secondo il beneplacito della Divina bontà, e secon-

e secondo le disposizioni di ciascuno. E non è dubbio, che, se al semplice sentir ragionare di Cristo bambino, del Divin Sacramento, del Sangue sparso, e delle piaghe del suo sacratissimo Corpo, dell' afflizion della Madre, dell' unione con Dio, della gloria de' Beati, e cose simili, si vede in un tratto affiora un' anima e cavata di sè, tiene di tali cose gran lume e gran chiarezza comunicatale dal Padre de' lumi, e in virtù di questa alla prima proposta per il senso dell' udito subito arriva al di dentro, e tanto si mostra arrendevole a Dio, che quasi ad un cenno subito vola nel suo seno. O cominci tale astrazione dalle potenze apprensive, o da quelle discendendo alle appetitive, o pur cominci da queste e saglia a quelle, non può esser segno di gran santità, cioè di grandissima soggezione dell' anima a Dio, e della grandissima forza, che in lei esercitano gli oggetti Divini. Questa è, secondo S. Bernardo nel serm. 52. sopra la Cantica, la morte de' Giusti, che desiderava il Profeta dicendo, *Moriatur anima mea morte iustorum*; cioè di quella, che niente operando colle potenze inferiori de' sensi esterni, rispetto a quelle è come la morte, e solo operando colla mente circa Dio, in Dio solo è pura vita. Se poi all' astrazione e alienazione da' sensi si aggiugne qualche altro accidente straordinario, come l' essere il corpo sollevato da terra, l' essere il volto risplendente, e cose simili, che spesso leggiamo esser accadute a molte classi de' Santi, dovrasì dire, che tal' classi ancora, in quanto alla sostanza di questi accidenti, eccede l'ordine comune della Grazia: se però non diciamo, che ancor negli splendori l' eccesso è solo secondo il modo, e non secondo la sostanza, in quanto gli spiriti animali, che nelle classi più fi accendono e si purificano, per esser sangue più sottile e più caldo, molto si accostano alla natura del fuoco, e per avere in sè stessi qualche luce, hanno ancor forza di rendere vie più lucente e risplendente quella parte, alla quale concorrono in maggior copia, com' è la faccia, e in questa principalmente gli occhi, i quali, essendo di materia trasparente e quasi di cristallo, meglio ricevono e rendono il lume. Anche negli uomini speculativi o contemplativi si vedono gli occhi d' ordinario particolarmente risplendere: e in qualcheduno sono stati di tale splendore, che hanno illuminato ancor l' aria, e dato a vedere anche il mezzo giorno nelle più dense tenebre della notte, come può di Tiberio Cesare vedersi appresso Plinio nel lib. 11. al cap. 3. e di sè stesso racconta Cardano nel lib. 8. de var. al cap. 43. il che suzo non riferisce, se non negli spiriti animali molto sottili, e nella temperie o disposizione degli occhi e del cervello. Ma se lo splendore è eccessivo, come quello di Mosè nell' Esodo al cap. 34. nella di cui faccia non potevano gli Ebrei fissar lo sguardo, e quel di Cristo nella trasfigurazione, quando *resplenduit facies ejus sicut sol, & vestimenta facta sunt alba sicut nix*, non può riferirsi in cagione naturale, ma in ogni modo si ha da concedere, che sia miracoloso, come della chiarezza di Cristo afferma S. Tommaso nella 3. parte alla qu. 45. art. 12.; e se aggiugniamo, che ancor di specie e di natura sia diverso dallo splendore naturale dei corpi, come della medesima, e universalmente della chiarezza dei corpi gloriosi afferma lo stesso nel luogo allegato, e nel 3. delle sentenze alla dist. 16. quest. 2. ad secundum & quartum, come anche appresso il Suarez nel tom. 2. sopra la 3. part. alla dist. 33. sess. 1. non potrà esser dubbio, ch' egli sia sopra ogni forza di cagione naturale, e solo per ridondanza della chiarezza

vazza e lume interno dell' anima, siccome la chiarezza dei corpi beati, secondo S. Agostino nell' *epist.* 56. a Dioscoro, e S. Tommaso al *Innocentio*. Ne a questo ripugna, che tale splendore corporalmente si veda, perchè le cose ancor diverse di natura e di essenza possono muovere e terminare un medesimo senso. Ma l' altro effetto di vederli talvolta nell' *ecstasi* sollevato il corpo da terra a grande altezza, e sostenuto nell' aria per molto tempo, non pare che possa con apparenza ridarsi nella natura; perchè, se bene gli spiriti animali, per esser di qualità e leggerezza di fuoco, hanno qualche forza di rendere leggiero, come apparisce nei morti; i quali, per esser da quelli abbandonati, si sentano più gravi e pesanti, non possono però in modo avanzare la gravetza dell' elemento predominante, che sollevino il corpo e lo sostengano in alto, e determinatamente lo fermino a tanta altezza. Per tanto ancor questa si ha da ridurre nella forza di Dio, che insieme solleva lo spirito ed il corpo. E questo senza alcun dubbio ha da tenersi più vero, che ciò, che secondo i Caldei riferisce Marfilio Ficino nel lib. 3. della Teol. Platon. al cap. 4. esser occorso a Zoroastro, e approvato secondo i Platonici poter occorrere naturalmente, che l' anima in Dio rapita si riempia di luce; e questa diffonda per mezzo del corpo, ed in tal modo lo renda leggiero, e lo porti in alto, come si sviluppa si vede portata dalla fiamma. E se aggiugniamo quel che egli soggiugne secondo la sentenza de' medesimi, che in questo modo si può dire essere stato rapito Elia nel carro di fuoco, e S. Paolo al terzo cielo, e che similmente saranno rapiti dopo il Giudizio universale i corpi gloriosi, non solo dobbiamo ciò rifiutare per men vero, ma ancora per falso del tutto, e degno di peggior nota.

5 Jam ad signa veniamus *ecstasis* tum naturalis, tum *demoniacæ*, tum *Divinæ*. Ac præmittentes nullius *ecstasis* habendam esse rationem, quæ sit levis, sed gravis dumtaxat, quæ videlicet correpti omnino exterioribus sensibus destituuntur, & tamquam mortui apparent, dicimus, signa naturalis *ecstasis* ea esse, quæ sunt signa morbi, ex quo *ecstasis* naturalis oriri potest. Rursus si *ecstasis* determinatum habeat tempus sui impetus, si *Ecstatis* in *paralysim*, vel in *apoplexiam*, vel in alium consimilem morbum progressu temporis lapsus sit, si post *ecstasim* lassitudo quedam, & membrorum pigrizia, mentis & intellectus offuscatio, rerum præteritarum oblivio, pallor & livor faciei, & animi tristitia succedant, signa hæc erunt *ecstasis* naturalis, uti late ostendit Zacchias *quest. Medico-legal. lib. 4. tit. 1. quest. 6.* Circumstantiæ quoque ostendere possunt, an *ecstasis* sit naturalis: si enim quis *ecstatis* fiat, dum actu aliquam rem terrenam concupiscit, dum subito alicujus eventus pavore aut tristitia corripitur, de *ecstasi* naturali non erit dubitandum. Sic Isaac *Genes. 27. vers. 33.* advertens, se pro Elau benedixisse Jacob, & hunc constituisse dominum illius, expavit Isaac *stupore vehementi, & ultra quam credi potest.* Sic Jacob *Genes. 45. vers. 26.* audiens, Josephum, quem per annos viginti tres mortuum crediderat, vivere, & esse Proregem *Ægypti, quasi de gravi somno evigilans . . . ait.* Sic in 2. *Paralip. cap. 9. v. 4.* de Regina Saba vidente magnificentiam Salomonis, & ejus sapientiam experta, dicitur: Non erat præ stupore ultra in ea spiritus.

Sic

Sic demum 1. Regum. 25. de Nabal, qui negaverat Davidi tugienti victualia, & audiverat ab uxore Abigail, Davidem esse contra se iratum, dicitur v. 37. : *Emortuum est cor ejus intrinsecus, & factus est quasi lapis*. Demum ad ecstasim naturalem pertinere dicendum est, si quis alienetur a sensibus, & ecstaticus fiat, dum Musicam audit: de similibus enim Musicæ naturalibus effectibus testantur Cassiodorus *variar. lib. 2. cap. 5.* Seneca *lib. 3. de ira cap. 9.* & fusillime Calmet in *dissertatione de Musica Veterum, & potissimum Hebræorum*.

6 Circumstantiæ præterea patefacere possunt, an ecstasis sit demoniaca, puta, si homo perditæ vitæ, aut in actu peccante, in ecstasim aut Raptum alienaretur. Item si ecstasis fieret cum maxima humanorum membrorum distortionem, & corporis motu incomposito: Optime Cajetanus in 2. 2. D. Thome *quest. 173. art. 3.* : *Nota anreum verbum, Divinam conditionem: scilicet talis alienatio a sensibus non fit in Prophetis cum aliqua inordinatione nature; & multo minus fit cum aliqua inordinatione honestatis, aut moris. Spiritus enim Sanctus, qui auctor est alienationis requisitæ ad prophetiam sicut & prophetie ipsius; non est auctor deordinationis nature, aut moris; quoniam Gratia secundum genus suum, & naturamque morem perficere, non destruere minuire aut violare nata est: & præterea alienatio a sensibus, cum cordis saltu sensibilibus vehementi, cum deordinationis nature continetur non est a Spiritu Sancto; & similiter, si cum denudatione pendendorum partium fiat, ex parte persone alienata, nisi adessent operientes; hoc enim & contra honestatem morum, & contra naturam ordinem est, quoniam motus talis membrorum ad deordinationem nature spectaret, etiam si nudatio pendendorum non esset nata sequi. Unde oportet advertere in hujusmodi alienationibus, si interveniat aliquid indecens secundum motus intrinsecos, vel extrinsecos, sive sit indecentia nature; sive indecentia moris, quoniam tunc non est alienatio prophetica, sed infirmitatis, vel fissionis, vel illusionis diabolice, aut naturaliter animalis, ex nimia meditatione alienijus. Huic adherent Gravia in lapide Lydio *lib. 2. cap. 28. §. Verum in his saltibus*, Confalvus Durantus *de visionibus cap. 3. pag. 58.* Castellin. *de inquisitione miraculorum in additamento universalis de ecstasi num. 19. & 20.* Massa de Canoniz. SS. *par. 3. cap. 4. n. 32.* Thomas a Jesu *oper. tom. 2. cap. 8. diffus. 3. §. Quinta regula; & optime Larrea in decis. de revelationibus part. 1. novar. decis. Granaten. num. 57.* ubi pro argumento diabolicæ ecstasis hæc habet: *Quoties in ecstasim hic homo rapiebatur, quod in illo sæpius usitatum erat, non sereno vultu aut hilari fronte, ut alii, sed aliquibus signis extraordinariis, & per os sanguinem spuendo eveniebat, quæ non sunt quidem vestigia illorum, qui a Deo rapiuntur. & Nimirum afflatu delectantur. Singnum quoque diabolicæ ecstasis erit, si Ecstaticus rapiatur aut alienetur, quoties vult; nemini enim datur ecstasis per modum habitus; sed Divina Gratia ad se animam trahit, quando vult & quomodo vult. Pignatellus consult. 153. num. 76. & seqq., & signanter num. 79. tom. 8. si ab ecstasi pro arbitrio suo cessat, vel ad certam vocem revocatur ad sensus, nisi forte vox esset Superioris ex obedientia vocantis: si ille, qui ecstasim patitur, in ec-**

stasim

Itaſim raptus loquatur mente turbata, quaſi actus ab alio, & quaſi alius loquatur per eum: ſi poſt alienationem non recorderetur eorum, quæ dixit cum eſſet alienatus, & ea quæ dixit, repetere neſciat: ſi demum in locis publicis, & ubi major eſt hominum concurſus, quis frequenter rapiatur; Dæmonis enim eſt in externis quibuſdam, & quæ hominibus patent, gloriam quaerere. De quodam Reſtituto Preſbytero hæc narrat S. Auguſtinus lib. 14. de civit. Dei cap. 24. (col. 375. tom. 7.) : *Preſbyter fuit quidam nomine Reſtitutus in parocchia Calamendiſ Eccleſia, qui, quando ei placebat (rogabatur autem, ut huc faceret, ab eis, qui rem mirabilem coram ſcire cupiebant) ad imitationem quaſi lamentantis cuiuſlibet hominis voces ita ſe auſerebat a ſenſibus, & jacebat ſimiliſimus mortuo, ut non ſolum vellicantes aut pungentes minime ſentiret, ſed aliquando etiam igne ureretur admoto ſine ullo doloris ſenſu, niſi poſtmodum ex vulnere: quod ad Dæmonem eſſe referendum, optime oſtendit Conſalvus Durantus in cit. traſſ. de viſionibus cap. 3. pag. 54. ubi ſuſe impugnat Cardani ſententiam, qui audaſter dixit, poſſe hominem naturali ſua vi, quotieſcumque voluerit, rapi, & in ecſtaſim elevari. In quadam puella Cæſarauguſtana, ut teſtatur Martinus del Rio diſquiſit. magicar. lib. 2. queſt. 25. adeo frequenter erant Raptus, ut ad libitum raperetur: quod ex pacto cum Dæmone inito, dum oves paſceret, Cæſarauguſtanus Episcopos proceſſiſſe detexit. Zacchias lib. 3. queſt. Medico-legal. de morb. ſimulat. queſt. 6. uti teſtis oculatus ait, ſe ſeminam vidiffſe hypocritam tam apte & appoſite ſe in ecſtaſim raptam effingentem, ut admirationem ſpectantibus afferret, cum ſtaret, extenſis brachiis in Crucis modum, palpebris immobilibus, oculis fixis per horæ ſpatium, & interdum veluti ad cælum advolutura corpus attolleret, & mirum in modum extenderet, vultum in mille colores vel icu oculi commutaret, quaſi mortua langueret, citoque rubore perfundere- tur, & veluti animo deficiens ad ſe ipſam redire ſimularet. Similia habentur apud Scacchum de not. & ſign. ſanctis ſect. 8. cap. 3. de quadam Magdalena Crucia Cordubenſi ſaga ſamoſa. Cardinalis de Lauræa in 3. lib. ſent. tom. 4. diſput. 20. de miraculis art. 23. num. 998. ſapienter admonet, cavendum ab Ecitaticis, qui in ecſtaſi poſiti ejulatus non humanos, ſed ſerinos emittunt, qui horrorem inducunt; dæmoniacas enim cenſet hæc ecſtaſes, & ſe id aſſerere experientia edoſtum. Raphael de la Torre in 2. 2. queſt. 91. art. 6. diſput. 16. docet ſuſpectos eſſe Ecſtaticos, qui in ecſtaſi poſiti ad inſufurra- tam auribus certam vocem, vel quid ſimile, expergeſcunt, ac ſi a ſomno excitarentur; cum enim excitatio a cauſa ſuperiori proficiſci debeat, hoc eſt vel a Deo, vel a Dæmone; & a Deo proficiſci non poſſit, cum ad rem nullam valeat, præterquam ad vanam vulgi admirationem, inſert, eam Dæmoni adſcribendam: quod autem attinet ad Ecſtaticos, qui, Prælati jubente, ab ecſtaſi revertuntur, ſubjicit, caute procedendum eſſe, niſi reliquæ concurrant circumſtantiæ oſtendentes, ecſtaſim eſſe Divinam, præcipue cum aliquando Prælati illam vocem proferant oſtentationis gratia, & abſque ulla neceſſitate. Demum ſigna aperta ecſtaſis dæmoniack ſunt,*

Tom. III.

B b b b b

ſi in

si in ea suadeatur aliquod malum; vel si bonum suadeatur, non tamen suadeatur ad bonum finem; vel si Ecstaticus post ecstasim turbatus permaneat: licet enim in ecstasibus, apparitionibus, & Divinis revelationibus (ut infra demonstrabitur) aliqua turbatio dari possit, & data sit, eadem tamen nec vehemens est, nec multum durat, & Ecstatici in delectatione quiescunt. Magna animadversione dignum est exemplum relatum a Patre Ribadeneyra in *vita S. Ignatii de Loyola lib. 5. cap. 10.* ubi narrat Patrem Reginaldum Dominicanæ familie virum gravem convenisse Romæ S. Ignatium, & ei coram eodem Patre Ribadeneyra exposuisse, Bononiæ in coenobio seminarum suæ curæ commissio extare Virginem orationis virtute præstantem, & quæ adeo sæpe alienabatur a sensibus, ut neque admodum ignem sentiret, in manibus stigmata haberet, perossum latus, & caput veluti compunctum spinis atque transfixum, a quo etiam sanguis manabat; & a S. Ignatio quæsisse, quodnam ejus esset de hujusmodi rebus judicium, ipsumque respondisse, ex lignis expositis illius tantum habendam esse rationem, quod Virgo, uti fuerat narratum, promptissimam exhiberet Superiorum mandatis obedientiam; cumque Reginaldus deinde discessisset, & inceptum sermonem S. Ignatius profectus esset, addit Ribadeneyra, ab eo conclusum demum fuisse, ea signa posse esse a Deo, & posse etiam esse a Dæmone, qui simulatis rerum atque adumbratis imaginibus, mortalium mentes vanitatum spectatrices per corpus sæpe deludit. Post Cajetanum bene adnotavit Silvius in 2. d. *Thome tom. 3. quæst. 173. art. 3.* eos, qui ecclasi corripuntur, loquentes sub persona Christi, vel alieujus Sancti, quasi actos ab illo, aut seduci, aut seducere.

7 Signa denique Divinæ ecclasis peti potissimum debent ex moribus ejus, qui in ecstasim rapitur. Ecstasis autem Divina fit cum maxima compositione totius hominis tam interni, quam externi: Ecstaticus in ecclasi Divina non loquitur nisi cælestia, quæ astantes ad Dei amorem excitent; ad se reversus, humilis & quasi pudore confusus apparet; cælesti quadam leticia perfusus, hilaritatem in facie, & securitatem in corde ostendit; de circumstantium præsentia minime gaudet, timens, ne propterea in sanctitatis opinionem veniat; idemque Ecstaticus ut plurimum, dum orationi vacat, vel inter audiendum Sacrum, vel post sumptam Eucharistiam, vel dum sermones audit de Deo, aut paradiso, ecclasi corripitur, aut mente excedit. Martinus de Rio *loc. cit.* refert, quamdam Dei Servam Burgis in Castella superstitem anno 1585. sæpe in Raptum elevatam fuisse, cum Eucharistiam receperat, & ad se reversam verecundiæ plenam & pudoris consuevisse se celerrime domum in conclave recipere. Scaechus quoque *loc. cit.* similia narrat de S. Catharina Senensi. Pater Franciscus Marchesius ex processibus Canonizationis S. Petri de Alcantara, ejus vitam infra allegandam edidit; cumque *cap. 13. lib. 4.* Divinas ecclases & Raptus, quibus Sanctus corripiebatur, dum Missam celebraret, exposuerit, hæc ad rem nostram subjicit: *Spogliatosi poi de' sacri abiti, senza dimora si ritirava nella cella; e*

quan-

quantunque fosse nel camminare grave e moderato, nondimeno in tale occasione accelerava il passo finor di modo; e alle volte andava correndo come vento, con ammirazione di chi lo vedeva, per giungere quanto prima alla stanza, dove quali fossero i favori celesti, la sua umiltà non permise che ad alcuno fossero palesati; ma i Religiosi dagl' infocarsi i spiriti, e dalle acute grida che dava, argomentavano che fosse singolarmente favorito dal Signore. Divini præterea Raptus non sunt prolixi, sed sæpe breves, juxta ea quæ habentur apud Cardinalem Bonam de discret. spirit. cap. 14. num. 6. & apud Thomam a Jesu oper. tom. 2. disput. 3. cap. 8. §. Quarto considerari debent. Antecedentia demum, concomitantia, & ecstasim subsequencia sedulo examinari debent. Si enim de Ecstatici virtutibus non dubitetur, si quæ ecstasim comitata sunt, concordant cum iis quæ modo retulimus, si Ecstaticus post ecstasim in charitate, in humilitate, & ceteris virtutibus magis magisque profecerit, de Divina ecstasi dubitandum non erit: quemadmodum animadvertit Consalvus Durantus in tractat. de vision. cap. 3. pag. 69. Cum sensibus restituuntur, qui in ecstasi, vel raptu ad supernaturalia videnda divinitus elewantur, tunc magis eorum mentes Divino lumine illustratas, ac celesti sapientia imbutas animadvertunt, & tunc illustratione, ac dilectione Divina anima repletur, ac ineffabili liquefacta dulcedine in caelestem quandam flatum emergit, & tanto se humiliorem exhibet, quanto ad altiora mysteria elevatur, ac magis se ad vitæ puritatem, & perfectam sui abnegationem disponit, & ad pretiosiora dona se preparat. Idem prosequuntur Matta de Canonizat. SS. part. 3. cap. 4. sub num. 31. Scacchus de not. & sign. sanctit. sect. 8. cap. 3. in fine, Cardinalis de Lauræ opusc. 5. de oratione cap. 7. §. Deo tertio, Cardinalis Bona de discret. spirit. cap. 14. in fine, cujus hæc sunt verba: Nullum autem certius indicium ecstasis verae ac supernaturalis, quam si mores ejus, qui rapitur, cum hoc Divino munere consentiant, ut supra diximus; si nimirum mundum contemnit, si ejus pompas & vanitates detestatur, si efficax Deo serviendi propositum habet, si se indignum ea Gratia reputat, si majorem in dies progressum facit, si ex intima cum Deo unione crescit in eo humilitas, a negatio, odium sui, & amor Dei. Adde Matthæuccium in pract. Theologo-Canon. ad caus. Beatificat. & Canonizat. tit. 3. cap. 3. art. 1. num. 15. & plurib. seqq., & Thomam a Jesu oper. tom. 2. disput. 3. cap. 8. in fine §. Denum.

8 Juxta Richardum de S. Victore lib. 5. de contemplatione cap. 5. ecstasis Divina ex triplici capite provenire potest; ab admiratione videlicet, magnitudine amoris, & magnitudine exultationis: quod late explicat Henricus Harfius lib. 3. de mystica Theologia cap. 39. Magnitudo admirationis est, cum anima supra se ipsam ducitur, & Divino lumine irradiata, & in summæ pulcritudinis admiratione suspensa, a suo statu excutitur, & in sublimitate elevatur. Magnitudo amoris est, cum mens humana tanto caelestis desiderii igne succenditur, ut amoris intimi flamma ultra humanum modum crescens animam a pristino statu resolvat, & in superna attollat. Magnitudo demum jucunditatis est, cum mens hominis, internæ suavitatis ubertate imbuta, quid sit, quid fuerit, penitus obliviscitur, & in supernum

B b b b b 2

quem-

quemdam affectum translata, a se ipsa alienatur. At his relictis, quæ ad Mysticos pertinent, & quæ, utpote interna, Ecclesiæ judicio non subduntur, nonnulla remanent dicenda de actibus externis, ut clarius explicentur quæ supra dicta sunt. Superius dictum est, in ecstasi naturali quamdam succedere membrorum lassitudinem. Zacchias *quest. Medico-legal. lib. 4. tit. 1. num. 32.* id ecstasi naturali adscribit, & ab ecstasi supernaturali excludit. Concordare videtur Confalvus Durantus *cit. tract. cap. 3.* ubi ait: *Corpus ejus, qui ad Divina contemplanda sic elevatur, non ex tunc, quemadmodum videbatur, imbecillum ac debile, sed robustum, ac viribus sepe numero potens relinquit.* Quod recte notant Rotæ Auditores in relatione causæ Servi Dei Nicolai Factor *tit. de donis, & gratiis num. 31.* Et postquam in ecstasi perseveraverat, ad suos sensus redibat, sed cum integra valetudine & robore ad quoscunque labores perferendus. At hæc ita explicanda sunt, ut fiant in corpore post ecstasim aut Raptum, secus autem, dum ecstasis aut Raptus durat, juxta illud Danielis 10. v. 8.: *Vidi visionem grandem hanc, & non remansit in me fortitudo, sed & species mea immutata est in me, & emareui, nec habui quicquam virium.* Vi etenim mentis in rerum Divinarum contemplatione actiua, calore quoque vitali ad mentis functiones contracto, & vehementia amoris in partem sensitivam redundante, necesse est, obtundi vires corporis, & illud frigescere, pallefcere, & infirmari. Cassianus *collat. 19. cap. 4.* personam Abbatis Joannis ita loquentem inducit: *Itaque pio Domini nostri munere memini me in hujusmodi Raptum frequenter excessum, ut obvisceres, me sarcina corporea fragilita is induitum, mentemque meam isa omnes exteriores sensus subito respuisse, & a cunctis materialibus rebus omnimodis exulasse, ut neque oculi neque aures mee proprio fungerentur officio, & ita Divinis meditationibus ac spiritualibus theoriis animus replebatur, ut sæpe, ad vesperam cibum me percepisse, nescirem, ac sequenti die de hesternæ absolutione jejunii penitus dubitarem.* Et S. Teresa in *castro anime manson. 6.* describens pathemata hominis in ecstasim rapti, ait, calorem deficere, intercipi respirationem, nec minimum halitum sive motum percipi, accedere omnium membrorum rigorem & frigus, pallorem in vultu, & omnia mortui vel morientis symptomata.

9 Item in superioribus dictum est, in ecstasi dæmoniaca corpus a terra elevari posse; & hoc ipsum multo magis contingere posse in ecstasi Divina, Thomas a Jesu *oper. tom. 2. disput. 2. cap. 8.* pluribus sanctorum exemplis in ecstasim raptorum confirmat. Auctor vitæ S. Petri de Alcantara *lib. 4. cap. 10. pag. 197.* hæc habet: *Succedunt Raptus & ecstasies, succedit illa mirabilis per aera transportatio, qua corpus, grave licet, anima ferventis motibus rapitur. Operarius tanti effectus est misericors Dominus, qui hujusmodi Gratiæ non solet nisi viris summe contemplativis concedere. Dedit eam Sanctæ Teresie, & largitus est Sancto Petro de Alcantara, ita ut orans in Choro, & in Dei contemplatione absorptus usque ad laquearia spiritus ardore ferretur. Sæpe ad radices arborum genuflexus, supremos ramos, veluti avis volando, attingere*
vide

videbatur. Aliquando ab horto ad ecclesiam subito impetu ducebatur. Si quis de Deo sermonem coram ipso agebat, dabat novis excessibus mentis occasionem. Sape coram Cruce lignea orans, brachiis in modum Crucis extensis, multum supra terram erectus, omnium transeuntium, & pastorum admirationem movebat. Apud Sutrium in vita Sancti Thomae Aquinatis ad diem 7. Martii num. 9. ita legitur: Admiranda fuit sancti viri inter orandum animi pietas & devotio; & cum se daret rerum Divinarum contemplationi, adeo persape visus est mente in Deum sublimiter excessisse, ut corpus pariter in aere suspensum videretur. Rotæ Auditores in relatione causæ S. Teresæ tis. de Divinis donis & gratiis art. 21. §. 2. elevationis a terra meminerunt: Raptam fuisse constat, & quod aliquando adeo vehementibus spiritus elevationibus rapiebatur, ut etiam in altum & aera toto corpore subtolletur. Similia leguntur in relatione causæ S. Francisci Xaverii (tis. de Charitate in Deum): Sape divinitus elevabatur a terra, & cum semel in hoc modo deambulare per hortum habens manus in pectore, dicebat: Satis, Domine, satis est. Alia plura habentur in relatione causæ S. Philippi Neri. Dum autem munereungebat Fidei Promotoris, in factorum rituum Congregatione discussa fuit causa Ven. Servi Dei Joseph a Cupertino super dubio virtutum, quod post dimissum a me Promotoratus officium feliciter fuit resolutum, in qua testes omni exceptione majores & oculati celeberrimas a terra elevationes, & ingentes volatus retulerunt de eo Servo Dei ecstático & rapto.

10 Rursus in superioribus dictum est, inordinatos corporis motus & minime decentes, ecstasis diabolicæ signum esse. Auctoritatibus id adstruentibus, & relatis superiori num. 6. addimus auctoritatem Silvii in 2. 2. D. Thoma quæst. 173. art. 3. quæ licet pertineat ad Prophetas, vindicat tamen sibi locum etiam in Ecstasis & Raptis. Ibi enim postquam docuit alienationem a sensibus, quæ contingit Prophetis, non fieri cum aliqua inordinatione naturæ, subjicit. *Hæc doctrina valde utilis est ad discernendos spiritus, num ex Deo sint, qui se hominibus venditant tamquam propheticos. Cum enim Spiritus Sanctus honestatem naturalem, & bonos mores non viilet, sed perficiat; alienatio a sensibus, quæ a Spiritu Sancto est, fit absque inordinatione naturæ, ac etiam absque deordinatione honestatis & bonorum morum. Et propterea alienatio a sensibus, cum cordis palpitatione sensibiliter vehementi, cum deordinationem naturæ contineat, non est a Spiritu Sancto, ait hæc Cajetanus. Et similiter si talis alienatio fiat cum indecente corporis mutatione, jactatione, vel denudatione, sive ea indecentia sit contra bonos mores, sive contra naturam, non est prophetica, sed vel diabolica, vel ex humana, aut animali passione, vel ex infirmitate.* Concordat Hurtado part. 1. variorum tractatum tract. 5. cap. 6. resolut. 54. §. 23. num. 1080. Admisimus hæc omnia superiori num. 6. & rursus libenter admittimus; sed addimus, caute esse intelligenda, ita ut non quilibet insolitus motus corporis tanquam inordinatus & indecens habendus sit. Richardus Victorinus de contemplatione lib. 5. cap. 14. comparat Ecstaticum pisci in aquis ludenti, & supra aquas exsiliienti. In vita S. Philippi Neri lib. 2.

lib. 2. cap. 1. refertur, eum, dum Missam celebraret, adeo aliquando corpore fuisse agitatam, ut suppedaneum altaris tremere. Idem, ut est in eadem vita *ibid.*, dum inciperet Offertorium Missæ, tali gaudio exultabat, ut quasi paralyticus videretur, & aquam vino in Calice miscere non posset, nisi brachio altari innixus; in elevatione sacræ Hostiæ brachia elata remanebant extensa, ita ut per aliquod temporis spatium ea ad se retrahere non posset; aliquando demum post consecrationem adeo spiritu exultabat, ut extremæ digitorum pedum parti innixus, choreas ducere videretur. Alia in eadem vita occurrunt, & passim in vita S. Magdalene de Pazzis; itaque in bulla Canonizationis ejusdem ita legitur (pag. 395. cod. Canoniz.): *Interim mira corporis agilitate per Clausura ferebatur, dilacerabat vestes, & procul abjiciebat quicquid illius in manus incurrisset. Cumque in disputatione dubii super virtutibus Ven. Servi Dei Fratris Michaelis a Sanctis a Fidei Promotore, ut evinceret illius ecstasies non fuisse Divinas, oppositum sit, eum ab oratione, in qua eas passus erat, recedere consuevisse clamantem, curstantem, & vim ac impetum facientem in ea quæ sibi tunc occurrebant, illa amplectentem ac stringentem, non potuerunt hæc obstare approbationis virtutum, quibus sane non modicum præsidium allatum est a prædictis ecstasibus inter Divinas recensitis; ex quibus aperte dignoscitur, non omnes motus corporis insolitos, sed tantum vere indecentes, maxime vero inhonestos, ecstasibus diabolicæ signum esse; at pure insolitos, si cetera concurrant, posse ad ecstasim Divinam referri. Jacobus Alvarez de Paz tom. 3. ed. 1431. agens de Ecstatis, ex Philone hæc scribit: *Quicumque anima impleta fuerit gratia, gaudet confestim, & ridet, exultatque; bæchatur enim na, ut vulgo ebria videatur insanire raptæ extra se &c. Est tamen quadam ebrietas etiam sobriorum, qui bona meraca hauriunt, & propinationes a perfecta virtute accipiunt. Ad rem nostram Matthæucci in oper. cit., tit. 3. cap. 3. art. 1. num. 18. recte discrimen ponit inter actus indecentes, & actus inulatos: concluditque, illos ecstasi Divinæ obstare, hos non item.**

11 Demum in superioribus dictum est, ecstasibus diabolicæ signum esse, si quis loquatur mente turbata, & ecstasibus Divinæ signum esse, si Ecstatis verba habeat in Dei laudem redundantia. Thomas a Jesu *cit. disput. 2. cap. 9.* docet, dici non posse alienatum, vel raptum, qui liber est ad loquendum, vel tacendum, & intelligit verba quæ loquitur; & si hæc accidant, alienationem a sensibus non esse perfectam, sed imperfectam. Gravina *cit. lib. 2. cap. 28.* dicit, inter Ecstáticos, nonnullos dici jubilatorios, nonnullos eruptores; jubilatorios esse, qui in ecstasi & raptu saliant; eruptores, qui in verba erumpunt. Cardinalis de Laurea *cit. disput. 20. de miraculis art. 23. num. 998.* narrat, Servum Dei Josephum a Cupertino consuevisse quemdam clamorem emittere, cum in ecstasim aut Raptum elevaretur; & tum Gravina, tum de Laurea verba clamoremque in ecstasi Divina admittunt tanquam ineffabilis gaudii & alacritatis signa, si verba sanctitatem resonent, modo clamores & ejulatus horrorum non inducant. uti

uti supra dictum est. Clamorum sine horrore mentio fit in vita Beatæ Angelæ de Fulgineo cap. 32. & in vita S. Petri de Alcantara, scripta a Patre Francisco Marchesio lib. 4. cap. 2. & cap. 13. Huc facit illud Joannis Cassiani in collat. 9. cap. 27. ubi ait: *Frequenter enim per ineffabile gaudium & alacritatem spiritus, saluberrime compunctionis fructus emergit, ita ut etiam in clamores quosdam intolerabilis gaudii immensitate prorumpat, & cellam vicini jucunditas cordis & exultationis penetret magnitudo.* Demum negari non potest, in ecstasim raptos, loquendo de ecclâ Divina & supernaturali, aliquando loqui. Anno 1600. Pater Virgilius Ceparius, alibi a Nobis cum laude commemoratus, Societatis Jesu Theologus, Confessarius erat S. Mariæ Magdalenæ de Pazzis, & Sororum, extra ordinem quidem, sed cum facultate quotidie, si vocaretur, adeundi. Aloysii Gonzagæ nunc inter Sanctos relati vitam scripserat, quam eis legendam dedit, partemque digiti, quam Reliquiam dono desiderabant, donavit. Cum autem Maria Magdalena Reliquiæ particulas Sororibus divideret, repente animo a sensibus abstracto, & in ecstasim Divinam elevata, mirabilia protulit verba per intervalla, quæ supremum gloriæ gradum Aloysio datum in cælo amplissime patefecerunt. Octodecim testes factum retulerunt ex Monialibus, quæ aderant. Nonnullæ ex eis verba scripserunt, quæ a S. Mariæ Magdalena fuerant prolata: exhibitoque ipsi folio, in quo ejus verba fuerant ab adstantibus scripta, multum illacrymans, quod occulta Dei dona vulgare cogeretur, jussu Archiepiscopi Florentini, qui eam ob rem in cubiculum venerat, in quo ægrota jacebat, interposito juramento falsa est, omnia in folio descripta, esse vera, prout in eo narrabantur, ut ex processibus factis in causa Canonizationis S. Mariæ Magdalenæ de Pazzis latissime comprobatur fuit in causa Canonizationis S. Aloysii Gonzagæ a Patre Andrea Budriolio Societatis Jesu Theologo & predictæ causæ diligenti & docto Postulatore. Denique regula est, ut verba obſerventur, quæ ab Ecstatis referuntur una cum omnibus circumstantiis, veluti, congestis undique exemplis, ostendit Pignatellus *consule. 151. num. 94. tom. 8.*

12. Ex dictis inferitur, Ecstáticos & Raptos supra naturæ vires, memoriam habere eorum, quæ in ecclâ & raptu eis contigerunt; quod concordat cum iis, quæ superius dicta sunt, dum sermo haberetur de ecclâ naturali, & diabolica, in quibus diximus rerum dari oblivionem. Concordat Silvius in 2. 2. *D. Thoma tom. 3. quæst. 173. art. 3.* ubi docet, veros Prophetas, aut Ecstáticos non esse censendos eos, qui a sensibus alienati, durante alienatione loquuntur aliqua tanquam visa, & postmodum nescientes quid viderint, referunt se ad ea quæ dixerunt, dum essent alienati. Sed, ne hinc aliqua ambiguitatis & erroris occasio oriarur, operæ pretium est animadvertere, juxta doctrinam S. Teresie in lib. *de castro interiore cap. 4.* si Deus per visionem imaginariam aliqua in ecstasim Rapto revelat, ea remanere impressa memoriæ, & Ecstaticum ad se redeuntem posse ea narrare; si vero ea revelet per visionem intellectualem, ea quidem rema-

remanere in mente impressa, ut in oblivionem cadere non possint, at Ecstaticum ad se redeuntem ea referre nescire: eademque Sancta in *castris animæ mansion. 6. cap. 4. & vires sua cap. 20. & 21. docet*, animam, cum sibi post Raptum reddita est, nihil eorum quæ vidit, posse aliis referre, neque eorum recordari, nisi confusa & generali quadam cognitione; ut si quis intimum Regis cubiculum, vasis, tabulis, statuis, aliisque pretiosissimis ac mira arte dispositis ornamentis refertum ingressus fuerit, eaque omnia simul in oculos incurrant, fieri non potest, ut de singulis postmodum in tanta rerum copia & varietate recorderetur. In capite sequenti de visione imaginaria & intellectuali agetur. Hæc autem adnotasse fas sit, ne vel ex defectu perfectæ memoriæ, vel ex defectu potestatis ea referendi, quæ Ecstaticus vidit, inferatur, ecstasim non fuisse supra naturæ vires, quemadmodum advertit Pignatellus *cit. consult. 151. num. 81. tom. 8.* cum Deus referendi potestatem non indulgeat Ecstatico, nisi prophetare debeat, & ad utilitatem aliorum ea revelare, quæ in ecstasi vidit. Quocirca in raptu Apostoli Pauli ipse de se ait 2. *ad Corinth. cap. 12. v. 4. Et audivit arcana verba, quæ non licet homini loqui*; qua de re Tertullianus in *lib. de præscription. cap. 24.* scribit: *Fuit conditio eorum, ut nulli hominum proderentur.* Idemque confirmat Cardinalis de Lauræa in 3. *lib. sent. tom. 4. dispus. 20. de miraculis art. 23. num. 981.*

13 Restat, ut dicamus de ecstasi & raptu, quod attinet ad causas Beatificationis & Canonizationis. Illud ergo in primis probandum est, ecstasim non fuisse naturalem; quod præcipue fiet ostendendo, nullam præcessisse infirmitatem, aut aliam causam, a qua ecstasis naturaliter potuerit provenire. De ecstasi dæmoniaca in eo rerum themate vix ratio haberi potest, cum incomprehensibile sit, viros fama sanctitatis illustres, quorum causæ non introducuntur, nisi constans fama virtutum & miraculorum judiciali via & ratione comprobata præcesserit, ecstasim diabolicam passos fuisse; nisi forte id Deus permisisset, ut humiliores redderet, juxta ea quæ habentur apud Cardinalem de Lauræa *opusc. 5. de oratione cap. 6. vers. Dico tertio*, ubi probat, interdum viros contemplationi deditos, per ecstases dæmoniacas decipi posse; vel nisi in ecstasi intercessisset ea quæ complacentia dicitur & luxuria spiritalis, quæ contingit, cum Dei Servus respicit, tanquam finem principalem, consolationem & delectationem, quam in excessu experitur, non autem Dei gloriam, quemadmodum animadvertunt Consalvus Durantus in *cit. tract. de visionibus cap. 3. pag. 52. & Scacchus de not. & sign. sanctit. sect. 8. cap. 3. pag. 608.* Sed hæc cum interna sint, non poterit Ecclesia certo scire, ea non intercessisse, nisi per testes & cetera monumenta certo cognoverit virtutes heroicas ejus, qui ecstasim passus est. Exclusa vero ecstasi tum naturali, tum dæmoniaca, & positis signis ecstasis Divinæ, juxta ea quæ superius dicta sunt, de qualitate Divinitatis in ecstasi non erit dubitandum, uti solide argumentantur Rotæ Auditores in relatione causæ S. Franciscæ Romanæ *part. 2. art. 10. & in relatione causæ S. Catharinæ de Ricciis tit. de ecstasi.*

14 Con-

14. Confecta qualitate eccl'alis, ipsa per se, tametſi Divina, & a ſolo Deo immiſſa, non conſert ad probandam ſanctitatem; cum paſſio hæc nec ſanctificet, nec ſit effectus Gratia ſanctificantis, ſed reducat'ur ad Gratiam gratis datam. Quocirca. ut ejus ratio habeatur in judicio Beatificationis & Canonizationis, oportet, ut in Ecſtaſico probetur fuiſſe heroic'as virtutes; tunc enim erit ſanctitatis ſignum, & amoris hominis eccl'atici in Deum, & e converſo amoris mutui ipſius Dei in eccl'aticum. Queritur inter Theologos, an Ecſtaſicus in actibus intellectus, id eſt videndi, & voluntatis, id eſt amandi, quos habet in eccl'ia, mereatur. Cardinalis de Lauræa *loc. cit. num. 499.* ait, Ecſtaſicum mereri in actibus eccl'aliſum procedentibus, cum liberi ſint, & in objecto verſentur, ſine, & circumſtantiis bonis, ſicuti ſunt ceteri actus religionis, & Fidei; non mereri autem in actibus, qui in eccl'ia contingunt, cum non ſint liberi. Suarez contra *lib. 2. de religione tom. 2. cap. 20. num. 5. & ſeqq.* Rat pro libertate actuum, & ſic pro eorum merito; eumque ſequitur Pater Antonius ab Anuntiatione in diſcept. *myſtica tract. 4. quaſt. 2. art. 9.* & adheret Gravina de *viſione intellectuali lib. 2. cap. 18.* Sed, his omiſſis, de quibus etiam plura habentur apud Patrem Thomam a Jeſu *op. tom. 2. part. 1. enucleationis Theologia myſtica S. Dionyſi quaſt. 27.* cum ut plurimum eccl'asies iſtæ Divinae non cunctiliter Fidei, nec mediocriter ſpiritali, ſed tantum perfectis & in ſpiritali vita confirmatis, & ſic virtutibus & ſignanter Charitate perſpicuis a Deo dentur, uti videri poteſt in Actis S. Franciſci, Dominici, Antonii, Bonaventurae, Catharinae Senenſis, Tereſæ; ab eccl'ia Divina per conſequens, accedentibus heroicis virtutibus, in cauſis Beatificationis & Canonizationis, licet non directe, ut Scholæ loquuntur, indirec'te tamen aliquod ſanctitatis argumentum educi poterit; uti late probant Cardinalis de Lauræa *loc. cit. num. 991.* Scacchius *loc. pariter cit. pag. 609.* Mattheucci in *pract. Theologo-Canon. ad cauſ. Beatificat. & Canonizat. tract. 3. cap. 3. art. 1. num. 16.* Et, quamvis eccl'asies a Deo proxime immiſſæ abſque prævia applicatione & vehementi hominis attentione, ſanctificari dici poſſint, itemque illæ, quæ homini adveniunt ex ſuperno auxilio operanti, & firmiter Divinis apprehenſis adherenti; ab Apoſtolica Sede tamen nunquam pro miraculis ſpecialibus approbantur, uti, allata præxi ſacrae Congregationis, refert Cardinalis de Lauræa *loc. cit. num. 967.* niſi forte aliquo ſupra naturam ſigno comitante contigerint, puta ſplendoris in vultu, & ſimilium; tunc enim ſplendor ipſe, & radii e vultu manantes, tanquam miracula approbari poſſunt, uti proſequitur idem Eminentiſſ. Auctor in *opuſc. de oratione cap. 6. pag. 309.* Et hinc eſt, quod, ut jam per annos fere triginta expertus ſum, cum agitur de Canonizatione alicujus Servi Dei, & fit ſcrutinium de miraculis, inter ea non adnumerantur eccl'asies, niſi evidenti aliquo ſupernaturali ſigno ſint adminiculate. Hæc prædictus Auctor tradit, poſtquam docuit, contemplationi acquiſitæ

754 DE SERVORUM DEI BEATIFICATIONE

non esse conjunctam ecclasiā aut Raptum; cum aliquando adeo vehemens possit esse contemplatio, ut naturalem ecclasiā pariat; & licet ad actum utiliter contemplandi specialis gratia requiratur, quando tamen per eam jam habitam Ecstāticus in actu contemplationis est, valeat etiam suo conatu intensissime eo in actu applicari, ex quo alienatio seu ecclasiā sequi potest.

15 Pater Baldellus in opere suo manuscripto loquens de ecclasiā Arsilie Altissimæ jam supra memoratæ optime demonstrat, quomodo ejus ecclasiæ fuerint Divinæ, & quomodo ipsius sanctitati probandæ conferre possent, licet inter miracula non essent recensendæ, & natura aliquid ad eas contulerit. En ejus verba: *Ma, per considerare le cose già dette, particolarmente in Arsilia, certissimo è, che spesso ella era rapita fuori di sè, non solo quando nella orazione più s' internava, ma ancora al semplice ragionare, e sentir ragionare delle cose di Dio. Talvolta restava fredda e gelata nelle parti del corpo com poco segno di polso ed anelito. Talvolta per lo contrario s' infocava, ed accendevasi tanto, che per tutto il corpo sudava, e sempre per buono spazio di tempo restava immobile, nè sentiva chi la chiamasse; o tirasse. Quando poi a sè tornava, si trovava grandemente indebolita di forze, vergognandosi, se era stata da altri veduta e notata: dimandava loro sanilmente perdono, e si scusava con dire, che fra molte altre indisposizioni ancor questa pativa di addormentarsi, e fra molti altri mancamenti aveva ancor questo di mala creanza di non attendere, con chi trattava. Non era l' ecclasiā in lei delle sole cose apprensive, nè delle sole appetitive, ma dell' une e dell' altre. Ora cominciando dall' une, si terminava nell' altre; e ora cominciando dall' altre, si terminava nell' une. Per tanto sentiva nel cuore corporalmente passioni grandissime, e questo talvolta pareva che l' affogasse; onde era forzata a prorompere in grandi sospiri e ruggiti: talvolta pareva, che s' ingrandisse in modo, che non capisse nel petto; talvolta, che fissse come trinciato da molti rasoi, e comunicasse il dolore per tutta la vita. Non dubito, che fosse da Dio, e dalla Grazia, dalla quale sempre sono i buoni pensamenti e desiderj; ma credo, che quanto alla sostanza, non passasse quest' ordine della Grazia, e oltre il buon' abito, che ella aveva di pensare sopra le cose di Dio, venisse ancor' ajutata dalla natura e complessione sua, secondo la quale le apprensioni e gli affetti furono assai grandi, e molto operarono ancora nel corpo, come di farla ammalare, se avesse avuta qualche tristezza, e di farla anche venir meno, come talvolta è occorso, per la partenza di qualche Padre spirituale. Splendori nel volto, o sollevarmento da terra, per quanto io sappia, non le sono occorsi: ma non da questi soli si deve misurare la verità dell' ecclasiā, e la grandezza della santità.*



CAPUT

C A P U T L.

De Visionibus, & Apparitionibus.

Visiones non semper ecclasi esse conjunctas, bene animadversum fuit a Cardinali de Lauræa in *sepe cit. episc. 1. de oratione cap. 8.* ubi, postquam asseruit, ecclasi & raptui, aut simplici contemplationi non semper esse aut necessario conjunctas visiones, apparitiones, atque revelationes, hoc ipsum comprobatur a priori, (uti dicitur), tum a posteriori : a priori quidem, cum in sacra Scriptura nusquam visiones & apparitiones promissæ alicui personarum generi inveniantur ; a posteriori, cum quamplures Contemplativi, & signanter contemplatione acquisita, quamplures Ecclastici aut Rapti nec visiones, nec apparitiones, nec revelationes habuerint, aut habeant, sed simplices illustrationes & illuminationes, juxta objecta, quæ contemplantur. Idem Auctor in *ead. cap.* ait, visiones dici posse revelationes, & contra, si de rebus occultis, sive futuris, sive præsentibus, sive præteritis sint ; atque ex parte quidem Dei, vel deceptoris Dæmonis prædicta ostendentes dici posse revelationes, & ex parte recipientis visiones. Cardinalis Bona in *tract. de discret. spirit. cap. 15. num. 2.* ait, visionem, & apparitionem pro una & eadem re sumi ; sed eam esse differentiam, quod apparitio dicatur, quando nostris obtutibus sola species apparentis se ingerit, sed, quis appareat, ignoratur ; visio autem, cum externæ apparitioni ejus intelligentia conjungitur : & Bordonus *medit. 13. de miraculosa apparitione Sanctorum num. 20.* rem sic explicat, ut apparitiones dicantur visiones ex parte videntium rem mirabilem.

2 Deum invisibilem sub visibili & spectabili forma aliquando in veteri Testamento apparuisse, certum est. Per undecim vices id contigisse, dicitur. Prima fuit, cum primis Parentibus ; secunda, cum eorum filio Cain ; tertia, cum Noe ; quarta, cum Agar ancillæ ; quinta, cum Abrahamo ; sexta, cum Lot ; septima, cum Jacob ; octava, cum Moyse ; nona, cum Josue ; decima, cum Gedeoni ; undecima, cum parentibus Samsonis apparere dignatus est. Variis quoque antiqui Testamenti exemplis docetur, Deum externa voce locutum esse, & auditum. Ut cetera prætereamus, quemadmodum habetur in *historia Moyse*, Deus per novem vices locutus est Abrahamo : prima, cum, relicta patria, jussit ipsum proficisci in terram Chanaan ; secunda, quando eandem terram semini ejus promisit, postquam mandato Domini parui ; tertia, cum eandem promissionem repetivit, quod factum est, postquam Lot cesserat terram Sodomorum ; quarta, cum eidem Abrahamo promisit posteritatem, quæ sua multitudine esset æquatura stellas cæli ; quinta, cum præceptum dedit Circumcisionis ; sexta, cum tres Angelos humana specie hospitio excepit ; septima, cum jussus est filium cum ancilla ejicere juxta votum uxoris ; octava, cum Isaac filium jussus est immo-

C c c c 2

lare ;

lare; nona, cum eundem immolare prohibitus est. Innumeræ sunt aliæ Dei locutiones per apparitionem factæ in veteri Testamento. An autem, & in quibus vox tantum audita fuerit, & nihil visum, & in quibus Deus loquens non modo auditus, sed visus fuerit, non est in præsentī examinandum. Adnotare autem fas sit, externam Dei vocem auditam fuisse modo per nubem, modo per ardentem rubum, modo per ignem, modo in turbine, modo in sibilo, modo de Propitiatorio, modo de calo, modo per Urim & Thummim. Pars superior Arcæ Propitiatorium dicebatur, Operculum, Operatorium, Oraculum. Operculum hoc duo Cherubim constituebant ex auro noti fusili, sed malleis ductili, se mutuo aspicientes, & alas sibi mutuo tamquam manus præbentes; & ex hoc Propitiatorio Deus promisit Moyse locuturum: & ex eo loco locutum esse, colligitur Num. 7.; & quoad Urim & Thummim, quemadmodum certum est, in Urim & Thummim Deum in rebus gravibus, dubiis, & inopinatis ad Ecclesiæ, vel reipublicæ salutem spectantibus, a Rege, aut Principe, vel a Synedrio interrogatum, quæ facere oporteret, per summum Sacerdotem revelasse, uti colligitur ex lib. 1. Regum cap. 23. & cap. 30. ita incertum admodum est, quid essent Urim, & Thummim, utrum videlicet essent duodecim gemmæ Rationalis cum inscriptis duodecim Patriarcharum nominibus; an littæræ ex nominibus Divinis, vel ex luminibus duodecim Patriarcharum lucentibus; an duo verba Rationali inscripta DOCTRINA, & VERITAS, an instrumentum concavum decore fabricatum; an simulacrum parvulum ad humanam similitudinem formatum, quod intra concavas Rationalis plicaturas summus Sacerdos gereret; de quibus latissime Natalis Alexander in *hisor. Eccles. veteris Testamenti* art. 3. §. 9. num. 8. & seqq. & apud Calmet in *ditionario Biblico* in verb. *Urim & Thummim*, & apud Lamy de *Tabernaculo* lib. 3. sect. 4. ubi rem ita explicat, Deum videlicet eam vim indidisse Pectorali summi Pontificis, ut fuerit instar Oraculi, efficiendo, ut ex splendore gemmarum Pontifex agnosceret, quid esset Deo acceptum, & quid polliceretur.

3 Hæc quoad corporales Dei visiones & apparitiones in veteri Testamento. Nunc autem, ut cetera prosequamur, quæ ad imaginarias & intellectuales ejusdem Dei, Angelorum, & animarum in veteri Testamento pertinent apparitiones, ponimus triplicis generis esse visionem & apparitionem, corporalem, imaginariam, & intellectualem, de quo infra; deinde dicimus, inter imaginarias apparitiones Dei in veteri Testamento recenseri utique debere illud, quod legitur 3. Regum 3. cum Dominus apparuit Salomoni per somnium, ut postulare, quid vellet; necnon illud *Esther* cap. 11. ubi habetur, per somnium apparuisse Mardocheo voces & tumultus & tonitrua & tetramotus. Inter exempla intellectualis visionis recenseri debent visiones omnes & apparitiones, in quibus certum est, Deum locutum fuisse & apparuisse, & incertum, an externa forma visus, & humana voce locutus fuisse dicatur. Talis fuit illa, quæ describitur 4. Regum cap. 3. cum tres Reges, Rex scilicet Israël, Rex Judæ, & Rex Edom, contra

tra Regem Mcabitarum pugnaturi, & penuria aque laborantes in deserto Idumæe de voluntate Dei Elifeum interrogaverunt: facta quippe super eum est manus Domini, & ait v. 16. : *Hec dicit Dominus: Facite advenum tur-
rentis*. Cumque tunc Elifeus somno correptus non esset, aut imaginatione,
nec legatur, Deum spectabili forma apparuisse, aut viva & externa voce
locutum esse, nihil aliud remanet, quam ut asseramus, Deum ejus menti
ineffabiliter esse locutum. Talis fuit ea, per quam Propheta intellexit, quæ
revelare debebat Joas Regi Israel, de qua 4. Regum 13. Tostatus tom. 1. in
Exodum quest. 2. super cap. 11. regulam statuit generalem, ut scilicet Scriptura
loquatur de apparitione, sive locutione Dei intellectuali, quotiescum-
que a Prophetis dicitur: *Hec dicit Dominus*. Et in eo, quod attinet ad ap-
paritiones Angelorum, & animarum in veteri Testamento; apparuerunt
Angeli statim ab orbe condito primis humani generis post Deum Auctori-
bus, cum Dei personam sustinuerunt, & variis rationibus cum Patriarchis
egerunt, uti pluries habetur in lib. Genesios; & Legem Dei non hominum
tantum, sed & Angelorum ministerio ad Judæos delatam esse, legitur Act.
7. Onias Sacerdos & Jeremias Propheta, ut in libris Machabæorum, longe
post mortem se per visum obtulerunt Judæ Machabæo, & eidem ad debel-
landos impios patriæ hostes animum addiderunt. In cap. 28. lib. 1. Regum
legitur, Samuelem, excitatum a mortuis, Sauli apparuisse; & questio est,
num fuerit anima Samuelis, quæ apparuit, an aliquod spectrum Samuelem
repræsentans. S. Augustinus lib. 2. ad Simplicianum quest. 3. rem in utram-
que partem disputat, & videtur asserere, utrumque posse affirmari. In li-
bro Ecclesiastici cap. 46. pro laude Samuelis ponitur, quod, postquam dor-
mivit, notum fecerit Regi, & ostenderit illi finem vitæ suæ: cumque nul-
la esset Samuelis laus, quod Dæmon, assumpta illius specie, & Saulem al-
locutus esset, & eum decipisset, persuadendo se esse illum, qui non erat;
hinc multi inferunt, veram Samuelis animam, assumpto corpore aereo,
Deo jubente, apparuisse, licet incantationes a Pythonissa fuissent peractæ.
Quemadmodum enim, exercente Balaam suas incantationes, Deus illi ap-
paruit, non vi incantationis, sed præveniens & impediens effectum; ita,
exercente Pythonissa incantationes suas, Deus eas præoccupavit, mittendo
animam Samuelis, & impediendo incantationis effectum. Dictum est au-
tem, quatenus Pythonissa suas fecisset incantationes, cum sustineri possit,
eas non fuisse adhibitas, sed Deum Pythonissam incantationes magicas præ-
cibus Saulis adhibere meditantem prævenisse, & Samuelem sua virtute
evocasse: quocirca eit. cap. 28. lib. 1. Regum non legitur, Pythonissam incan-
tationes adhibuisse ad evocandum Samuelem; sed, cum Saul a muliere peti-
tisset, ut eum suscitaret, dicens v. 11. *Samuelem mihi suscita*, Samuel appa-
ruit; additurque: *Cum autem vidisset mulier Samuelem, exclamavit voce ma-
gna, & dixit ad Saul: Quare impossuisti mihi?* quasi mirata, quod Samuel
absque suis incantationibus apparuisset. De proposita questione agit D.
Thomas 1. part. quest. 89. art. 8. ad secundum, & 2. quest. 95. art. 4. ad se-

CUM

cundum, & *quest. 174. art. 5. ad quartum*, ad quos S. Doctoris locos lectori rem remittimus; & inter recentiores erudite rem prosequitur Calmet in *differt. de Samuele per visum Sauli objecto*; & plura erudite collecta habentur apud Natalem Alexandrum in *hisor. Eccles. vet. Testamenti tom. 2. proposit. unica.*

4. Dei apparitiones in veteri Lege juxta communione Theologorum sententiam non fuerunt personales, sed impersonales, uti loquuntur: nec enim Deus ipse apparuit corpore a se assumpto, sed id effecit per Angelos, qui suam personam sustinuerunt, veluti late probat Durantus *de visionibus cap. 4.* ubi ostendit, quomodo dici possit, Deum apparuisse, licet Angelus sub persona, Dei apparuerit corpore sibi formato; & quomodo potuerint Angeli in apparitionibus dicere: *Ego sum Dominus Deus tuus*: quamvis Prophetæ hæc alia verba usurpare consueverint: *Hæc dicit Dominus*. Subscribit Thyreus *de apparitione visibili lib. 1. cap. 23.* ubi de visibili Dei apparitione in veteri Testamento ait, Deum per se nunquam corpus assumpsisse; & quando in veteri Testamento dicitur visus, apparitiones omnes visibiles Angelorum ministerio & opera, qui corpora sibi aptarunt & assumpserunt. Deique personam sustinuerunt, fuisse factas. Corpora cum dico, aerea intelligo: quia corpora, quæ mortalibus sese exhibent visibili specie, oportet, ut facile componantur & solventur, & capacia sint colorum humanorum, & ut, cum deponantur aut dissolvuntur, nihil sui, quod in oculos præsentium incurrat, post se relinquant; ut idem Auctor probat in *cod. tract. cap. 18.* Ab Angelis quoque, qui dicuntur administratorii Dei Spiritus, formatæ sunt voces, quibus Deum aliquando diximus in veteri Testamento fuisse locutum. Ea quippe, quæ Moyses Deum locutum esse dixit *Exod. cap. 20. v. 1.*: *Locutusque est Dominus cunctos sermones hos: Ego sum Dominus Deus tuus, qui eduxi te de terra Ægypti*; Apostolus in *epist. ad Hebræos c. 2. v. 2.* Angelis tribuit: *Si enim qui per Angelos dictus est sermo, factus est firmus. & omnis prævaricatio & inobedientia accepit justam mercedis retributionem. quomodo nos effugiemus, si tantam neglexerimus salutem* Concordat *cap. 7. Act. Apostol. v. 53.* *Accepistis legem in dispositione Angelorum, & non custodistis.* Angeli quoque causæ fuerunt efficientes apparitionum imaginariarum veteris Testamenti, & præcipue earum, quæ in somno contigerunt. Angelus enim in somnis apparuit Jacob *Genes. 31.* & iussit, ut relinqueret domum Laban, & rediret in terram nativitatis suæ. Angelus fuit, qui dormientem Eliam monuit, ut surgeret, & comederet *3. Regum 19.* Et, quamvis *Genes. 22.* dicatur, Deum Abrahamo in somno suggestisse, ut filium immolaret, ex eodem tamen capite *v. 11.* desumitur, hæc ab Angelo præstita fuisse: *Ecce Angelus Domini de caelo clamavit dicens: Abraham, non extendas manum tuam super puerum ... Nunc cognovi, quod times Deum, & non pepercisti unigenito filio tuo propter me.* Fuisse hæc omnia prosequitur Thyreus *de apparitione vocali lib. 2. cap. 15.* & præsertim a num. 6. *de apparitione imaginaria lib. 3. cap. 15.* & signanter a num. 24. Idem *lib. 4. de apparitione intellectuali cap. 10.* & duobus sequentibus latissime examinat, num Deus in revelatione, & locutione intellectuali per se loquatur,

tur, an per alios; &, postquam præmisit, in hisce intellectualibus visionibus, apparitionibus, revelationibus, & locutionibus species inesse, quæ rerum revelatarum sunt imagines; inesse lumen, quo illustratus intellectus res ipsas cognoscit; & rursus species esse duplicis generis, vel enim nove conferuntur, vel prius habentur, sed in Dei locutione novum usum accipiunt; item, lumen novum supra naturam aut accedere ad naturale & congenitum, aut non accedere, sed naturali quadam loquentis industria juvari: concludit, novas species, quæ a Deo revelantur, a solo Deo conferri, non ab Angelis (quod ipsum asserit de lumine, quod nove intellectui communicatur) & per Angelos fieri novum usum specierum jam habitatum, & intellectus illustrationem, quando novum lumen non confertur. Petrus Cunnæus lib. 3. de republica Hebræorum cap. 3. in ea est sententia, ut, quando in sacris Litteris dicitur, Deum apparuisse, id non sit intelligendum de Angelo tanquam Dei Legato, sed potius de Verbo Divino, seu de secunda Sanctissimæ Trinitatis Persona, quæ sub specie humana sese Patriarchis jam tum visibilem ostendebat. Hunc sequitur Bernardus Lamy in apparatu Biblico pag. 26. & novissime Pater Graveson in *hystor. Eccles. vet. Testamenti tom. 2. colloq. 2.* Sed a prima sententia non est discedendum, utpote a Patribus; & Theologis scholasticis late propugnata. Quare, Patrum verbis recitatis, subjicit Cardinalis Bona de *discret. spirit. cap. 19. num. 3. in fin.: Quæcumque leguntur Divina manifestationes, sive Theophania, per Angelos factæ sunt, eorumque ministerio ad Patres nostros dimanarunt. Summa in hoc veterum Patrum concordia; nec discrepans ab eorum sententia principes Scholasticorum.*

5 Succedunt visiones & apparitiones, de quibus in novo Testamento. Inter has celebris est ea Doctoris gentium Pauli, de qua in 2. ad Corinth. 12. ubi ait, se usque ad tertium cælum fuisse raptum, & audivisse arcana verba, quæ non licet homini loqui. Alia in novo Testamento. Apostolorum Principis visio extat Act. 10. v. 10. ubi scribitur: *Cecidit super eum mentis excessus;* & S. Joannis Apostoli Apocalypsis plena & repleta est visionibus & apparitionibus. Quæstio est inter Theologos, an aliquis homo in statu viæ, Dei essentiam viderit; & quæstio procedit de puro homine, nam Christum Dominum Dei essentiam vidisse, dum inter mortales degeret, a primo instanti suæ conceptionis, Fide certum est, cum a primo instanti suæ conceptionis fuerit Beatus. Communis est eorum sententia, hominem purum in statu viæ ad claram Dei visionem naturaliter pervenire non posse; quamdiu enim anima permanet in corpore, naturaliter non cognoscit, nisi habentia formam in materia. Manifestum est, per naturam & similitudines rerum materialium, claram Dei visionem haberi non posse; & Dei cognitionem, quæ per similitudinem habetur, non esse cognitionem Dei per essentiam, sive essentia Dei. Iidem quoque Theologi passim admittunt, posse Deum via extraordinaria, & speciali privilegio hominem in hac mortalitate ad claram Dei visionem extollere: a lege quippe operandi, & cognoscendi opera sensuum, Deus naturæ auctor & dominus potest

est aliquem solvere, aut remorando sensus externos, ne agant; aut dando intellectui lumen gloriæ per modum transcuntis, vel per modum permanentis, uti dedit Christo. An autem res ita se habuerit in supra recensita visione Pauli, quemadmodum & in alia Moyſis, de qua *Numer. 12. & Exod. 33.* adhuc inter eosdem Theologos disputatur. Placet autem sententia S. Augustini, qui in *lib. 12. de Genesi ad litteram* propendit in opinionem affirmantem; quod etiam indicat *epist. 112. nunc 147. cap. 13.* Eandem sequitur S. Thomas 1. *part. quest. 12. art. 11. ad secundum*, & 2. 2. *quest. 175. art. 3. & in 4. dist. 49. quest. 2. art. 7. ad quartum*, & *quintum*, & *question. 10. de veritate artic. 11. ad primum*; non ita tamen, ut Moyſes & Paulus essentiam Dei viderint quoad omnia mysteria, & ut habuerint plenam Dei visionem quoad omnia, ita ut beati facti sint, sed ita ut eorum visio media inter visionem Beatorum, & visionem aliorum Prophetarum fuerit, nec ea permanens, sed transiens. Proindeque mirum est, Silvi-um in 1. *part. art. 11. & Natalem Alexandrum commentar. in 2. ad Corinth.*, alioquin fidos D. Thomæ discipulos, ab ejus in hac re sententia recessisse.

6 In novo quoque Testamento multas habemus Christi Domini apparitiones: se quippe visibilem & spectabilem tribus temporibus exhibuit, primo post nativitatem ante passionem, secundo post resurrectionem, tertio post suam ad cælum ascensionem. Post nativitatem, & ante passionem apparuit pastoribus in præsepio, qui eum adoraverunt; & Magis, qui munera obtulerunt; Judeis, & Principibus Synagogæ, qui illum in Templo disputantem audierunt; claudis, cæcis, & surdis, qui ab eo gressum, lumen, & auditum receperunt; mortuis, quos ad vitam revocavit, ut ceteros omnes scileamus, qui illum ante passionem conspexerunt; corpus quippe habebat verum, non phantasticum, & per virtutem suæ animæ poterat manifestare se, quoties volebat. Post resurrectionem Christum Dominum sæpe pluribus apparuisse, colligitur ex Evangelio S. Matthæi *cap. 26.*, ex Evangelio S. Marci *cap. 16.*, & ex Evangelio S. Joannis *cap. 20.* Rodolphus *de vita Christi part. 2. cap. 81.* quatuordecim fuisse dicit has apparitiones, quarum decem tantum Evangelistas meminisse putat. At Maldonatus in *cap. 28. Matthæi* tredecim in sacris Litteris apparitiones se invenisse dicit. Verum, utcumque sit de numero, quando Christus post resurrectionem, & ante ascensionem apparuit, ejus apparitiones fuerunt personales, licet diebus resurrectioni proximis Discipulis evanibus Emmausentem apparuerit sub forma peregrini, & Magdalenz sub forma hortulani: Christi namque voluntate sola fieri poterat, ut suum corpus absque ullo novo miraculo intuentium sensus immutaret; uti fuit Maldonatum admonet Durantus in *tract. de vision. cap. 4.* Post ascensionem vero ad cælum non omnes Christi apparitiones, de quibus in novo Testamento, fuerunt impersonales: verisimile tamen admodum est, personalem fuisse illam, de qua Apostolus 1. *ad Corinth. 15. v. 3.*: Tradidi enim vobis, in primis quod & accepi, quoniam Christus mortuus est pro peccatis nostris

nostris secundum Scripturas, & quia sepultus est, & quia resurrexit tertia die secundum Scripturas, & quia visus est Cepha, & post hac undecim, deinde visus est plusquam quingentis Fratribus simul. . . deinde visus est Jacobo, deinde Apostolis omnibus, novissime autem omnium tamquam abortivo visus est & mihi. Contigit hæc visio aliquibus annis post ascensionem: cumque Apostolus dicat Christum a se visum, sicut fuerat visus a Cepha, a Jacobo, & a plusquam quingentis Fratribus, & Apostolis omnibus, & in 1. ad Corinth. 9. v. 1. ex hac apparitione & visione Christi probet, se non minus Apostolum esse, quam ceteros: Non sum (inquit) Apostolus? Nonne Christum Jesum Dominum nostrum vidi? suadent hæc omnia, visionem hanc & apparitionem fuisse personalem; quamvis probabiliter ceteras, quæ post Christi ascensionem contigerunt, apparitiones personales non fuisse dici possit; uti late ostendit Thyræus in tract. de Christi apparitione impersonali cap. 8. S. Ambrosius in Auxent. de basilicis &c. n. 13. col. 866. oper. tom. 2. apparitionem Christi narrat factam S. Petro Principi Apostolorum: Idem Petrus postea, victo Simone, cum præcepta Dei populo seminare, doceret castimoniam, excitavit animos Gentilium. Quibus eum querentibus, Christiana anima deprecata sunt, ut paulisper cederet. Et quamvis esset cupidus passionis, tamen contemplatione populi precantis inflexus est. Rogabatur enim, ut ad instituum & confirmandum populum se reservaret. Quid multa? Nocte muros egredi coepit, & videns sibi in porta Christum occurrere, Urbemque ingredi, ait: Domine, quo vadis? Respondit Christus: Venio, iterum crucifigi. Intellexit Petrus ad suam crucem Divinum pertinere responsum. Christus enim non poterat iterum crucifigi, qui carnem, passione suscepta mortis, exuerat &c. Intellexit ergo Petrus, quod iterum Christus crucifigendus esset in servulo, itaque sponte remeavit. Interrogantibus Christianis responsum reddidit, statimque correptus per crucem suam honorificavit Dominum Jesum. Refertur hoc ipsum in Actis SS. Processi, & Martiniani, quæ, licet minus sincera apud nonnullos habeantur, tantum abest, ut id aliquid detrahat fidei S. Ambrosii, ut eam mirifice augeat, cum hinc desumi possit, eum a certis monumentis narrationem suam hausisse, quemadmodum recte advertit Tillemont. not. 39. ad vitam S. Petri. Romæ adhuc existat quedam ædicula sacra, in hujus apparitionis monumentum, quæ dicitur: DOMINE QUO VADIS? Panvinus de Septem Urbis ecclesiis pag. 131. Severanus in cod. tract. part. 1. pag. 462. Hanc autem apparitionem Christi fuisse personalem probabile a nonnullis reputatur, de quibus Pignatellus consult. 99. num. 8. tom. 9. Utcunque sit, si ea fuit personalis quæ S. Paulo obtegit, & quatenus ea quoque fuerit quæ S. Petro, quæritur a Theologis, an Christus e cælo in terram descenderit. S. Thomas 3. part. quest. 57. art. 6. ad tertium non improbabile putat, tunc Christum ad tempus cælum reliquisse, & ad terras descendisse: licet enim in Scripturis legamus, Christum ad cælum ascendisse, & sedere ad dexteram Dei, & descensurum extremo Judicii die, uti habetur Act. 1. & 3. hæc tamen solum probare dicuntur,

Tom. III.

D d d d

locum

locum cælestem esse proprium & permanens domicilium Christi, ubi, tanquam in proprio regno & throno, habitat & residet; sed hanc non insertur, eundem immobilem semper ibidem permanere. Joannes Major in 4. dist. 10. quest. 4. in ea est sententia, Christum, ex quo in cælum ascendit, nunquam cælestem locum delevisse, & tamen interdum in terris visibili forma apparuisse per veram præsentiam sui corporis, existendo nimirum simul in duobus locis modo (ut ajunt) quantitativo & circumscriptivo. Suarez in 3. part. D. Thoma tom. 2. quest. 53. art. 4. in fin. ait, simpliciter & absolute verum esse, Christum post ascensionem aliquando in terra fuisse, incertumque sibi esse, an tunc a cælo abierit, necne.

7 De visionibus & apparitionibus, quæ leguntur in historiis Ecclesiasticis, multa habentur apud Martinum del Rio lib. 2. *disquisition. magicar. quest. 26.* & apud Gravinam in *lapide Lydio* a pag. 29. usque ad pag. 65. Ne actum itaque agere videamur, de nonnullis tantum apparitionibus hic tractabitur, quarum præcipua mentio habetur apud Theologos. Prima est S. Benedicti, de qua S. Gregorius in ejus vita cap. 35. Vidit enim omnem mundum, veluti sub uno solis radio collectum, ante oculos suos adductum; & dum intenta oculorum acie lucis splendorem aspiceret, vidit animam Germani Capuani Episcopi ab Angelis in cælum deierri. Mirante autem Petro (vita enim S. Benedicti scripta est a S. Gregorio per modum dialogi) & quærente, quo ordine fieri posset, ut mundus omnis ab homine uno videretur, S. Gregorius respondet loc. cit. col. 272. tom. 2. oper.: *Fixum tens, Petre, quod loquor; quia anima videnti Creatorem angusta est omnis creatura.* Hæc autem verba, quæ cum aliis in textu Gregoriano legi possunt, ansam Theologis præbent inquirendi, an in hac visione S. Pater Benedictus viderit essentiam Dei. Sandeus, Hæfrenus, Angelus de Nuce affirmanti adhærent sententiæ; & hoc ipsum asseritur, ab Erasmo Gattola Abbate S. Marthei Servorum Dei, & Cassinensis archivi Custode, viro erudito & docto in 1. part. 1. historia Abbatia Cassinensis per sæcula distributa, sæculo primo pag. 5. Sanctus autem Thomas 2. 2. quest. 180. art. 5. ad tertium vult, ex verbis Gregorii non colligi, a Benedicto Deum in illa visione per essentiam fuisse visum, sed per illustrationem Divini luminis facile heri potuisse, ut omnia viderentur. De hac eadem visione loquitur S. Doctor in quodlib. qu. 1. art. 2. ubi postquam præmisit, impossibile esse ut mens humana corpori unita essentiam Dei videat, nisi homo moriatur, vel sic alienetur a sensibus, ut nesciat utrum sit in corpore, an extra corpus, quemadmodum de S. Paulo legitur, ita concludit: *Beatus autem Benedictus, quando illam visionem vidit, nec huic vita suspendis mortuus erat, nec a corporeis sensibus alienatus; quod patet per hoc, quod dum adhuc in eadem visione persisteret, alium ad idem videndum advocavit, ut idem Gregorius refert: unde manifestum est, quod Dei essentiam non vidit.*

8 Alia apparitio, de qua hic dicendum est, est Christi Domini in Sacramento altaris sub speciebus & formis peregrinis & insuætatibus. Multa in histo-

historiis referuntur hujus apparitionis exempla: modo enim in sacra Hostia visus est homo, modo pars hominis, modo infans, modo sanguis. Exempla collecta legi possunt apud Thyræum in *tract. 2. de apparitionibus Sacramentalibus cap. 11. & seqq.* apud Bozium *de signis Ecclesie lib. 14. cap. 7.* apud Theophilum Raynaudum *oper. tom. 6. in opere de apparitionibus in Eucharistia sacramento §. 5.* apud P. Christianum Lupum in *oratione de miraculoso Sacramento tom. 11. oper. nova edit. pag. 366.* apud Peniam in *vita S. Raymundi de Pennafort lib. 1. cap. 26.* & apud Cæsarium Cisterciensem *lib. 9. illustrium miraculorum cap. 2. & 3.* S. Thomas 3. par. *quest. 76. art. 8.* propositam examinat quæstionem, & docet, dupliciter contingere posse talem apparitionem; primo ex parte videntium, facta in eorum oculis tali immutatione, ac si expresse viderent carnem, vel sanguinem, vel puerum, nulla existente ex parte Sacramenti mutatione; secundo, facta mutatione in ipsis speciebus Sacramentalibus. Primum autem modum contingere asserit, quando unus videt apparitionem, & alii non vident; & secundum modum accidere docet, quando sub tali specie puer, caro, sanguis ab omnibus videntur, & non ad horam, sed per longum tempus. Porro tam primo, quam secundo modo vult, Christum in Sacramento remanere: primo quippe modo nulla sit immutatio ex parte Sacramenti; secundo modo, remanentibus dimensionibus, quæ sunt aliorum accidentium fundamenta, corpus ipsum Christi sub Sacramento remanere dicendum est; absque eo quod ulla deceptio vel primo, vel secundo modo ex apparitione oriatur, cum apparitio fiat, ut manifestetur, vere corpus Christi esse in Sacramento. Doctrinam D. Thomæ late illustrant, & sequuntur Theophilus Raynaudus *loc. cit. §. 9.* P. Philippus Maria a S. Paulo Carmelita Discalceus in *tract. de sacris apparitionibus §. 1.* P. Passerinus in 3. *part. D. Thomæ quest. 86 art. 8. cap. unic. & bo. mem.* Cardinalis Cienfuegos in *tract. de Vita abscondita, seu speciebus Eucharisticis velata disp. 2. sect. 6. §. 1. num. 101. & seqq.* Ab Henrico Episcopo Lucionæ, vulgo Lusón, editæ fuerunt quædam *Ecclesiastica conferentia habita a Curatis & Presbyteris ejus diocesis.* In quinta autem parte harum *conferentiarum, conferent. 12. quest. 2.* late ostenditur, hominem nature viribus non posse videre corpus Christi sub speciebus panis & vini in Sacramento altaris, & *quest. 3.* agitur de prædictis mirificis apparitionibus, quæ aliquando contingunt in eodem Sacramento, puta pueri, sanguinis, aut carnis; & ibi late confirmatur & explicatur citata D. Thomæ doctrina. De eis quoque ita loquitur, & testimonium perhibet Jacobus Cardinalis de Vitriaco: *Quoniam hujus Sacramenti profunditas incomprehensibilis & admirabilis omnem excedit intentionem, credere precipimur, discutere probibemur. Propter quod Dominus, ut infirmorum fidem circa hoc Sacramentum hastitantium roboraret, varis miraculorum argumentis ipsum ostendit veritatem. Etenim similitudo carnis cruenta in altaris Sacramento frequenter ostensa est a Domino. Cujusmodi propriis oculis in monasterio Premonstratensis Ordinis apud villam, quæ Brenna nominatur, in Regno Francia inspicimus.*

9 Hactenus de cælestibus visionibus. Nunc autem aliqua de aliis visionibus & apparitionibus, quæ a Dæmone, vel a causis naturalibus procedunt, dicenda sunt. Transfiguratur etenim se Dæmon in Angelum lucis. In veteri Testamento Dæmon in corpus Serpentis intravit, & quasi in organo certa ratione moto, colliso, & modulato vocem humanam, ut potuit, effluxit, veluti exponunt S. Joannes Chrysostomus, Procopius, & S. Augustinus apud Cornelium a Lapide in cap. 3. *Geneseos*. Heyam ergo allocutus est, quæ putavit, Serpentem loquendi officium non per naturam, sed aliqua supernaturali operatione accepisse, ut ait D. Thomas 1. part. quest. 94. art. 4. ad secundum; & interrogavit, cur fructum, qui erat in medio paradisi, non comederet: ipsaque respondente, id sibi a Deo prohibitum fuisse, ne forte moreretur, dixit *Geneseos* cap. 3. v. 4. : *Nequaquam morte moriemini; sed enim Deus, quod in quocumque die comederitis ex eo, aperientur oculi vestri, & eritis sicut Dij, scientes bonum, & malum*. In novo autem Testamento Christus Dominus se tentandum Diabolo præbuit, ut ad superandas etiam tentationes ejus, mediator esset non solum per adjutorium, verum etiam per exemplum, uti loquitur S. Augustinus lib. 4. de *Trinitate* cap. 13. In tentatione itaque, de qua in Evangelio S. Matthæi cap. 4., & in Evangelio S. Lucæ cap. pariter 4. Dæmon Domino apparuit, & ostendit ei regna mundi, promittens, se eadaturum, si sibi adorationis signa exhiberet. Porro apparitionem hanc, assumpto a Dæmone corpore aereo, contigisse, docet Arauxo in *deis. moral. tract.* 3. quest. 23. num. 104. *Apparitiones quoque potest facere in corpore aereo, quod adeo condensatum efficere potest, ut humanum videatur, & illius persone, quam vult representare: de Fideque certum est, has apparitiones fecisse Eze. quando Christum in deserto jejunantem in figura humana tentavit: quod late profertur Durantus de visionibus cap. 2. §. Verum, ut hac corporalis visio, & cap. 5. §. Etenim & Dæmones, & adhæret Rocca de Canonizat. Sanctior. cap. 15. De imaginariis visionibus & apparitionibus, quæ fiunt opera Dæmonum; ait Cardinalis Bona de discret. spirit. cap. 16. num. 2. *Habes quoque Diabolus Prophetas suos & somniores, quorum ipse phantasiam commovet, multaque in eos representat & suggerit*. Et cap. 19. num. 7. *In vivos etiam transfigurantur, spectraque obijciunt seu oculis, seu phantasia, & simulacra atque imagines rerum seu personarum; & sicut de Proteo fabulantur Poetæ, in omnes formas se vertunt, ut miseros mortales seducant & perdant*. Qua de re plura alia legi possunt apud Pignatellum consulti. 55. num. 2, & 3. tom. 4. phantasia quippe potest esse causa multorum effectuum, & multarum tum mutationum, tum perturbationum in corpore tam alieno, quam proprio, excitando scilicet, & dirigendo alias animi facultates movendi & mutandi vim habentes: proinde videmus imaginationibus parentum foetus sepiissime signari; imaginatione cibi lautioris salivam in os ascendere; imaginantes se aliquibus morbis laborare, interdum in eisdem morbos incidere; denique per imaginationem sæpe videri quæ non videntur, audiri quæ non audiuntur, sentiri quæ non sentiuntur; quemadmodum scite animadvertit Thomas Fienus in *tract. de viribus ima-**

ima-

imaginationis quest. 8. De visionibus & apparitionibus ex naturali causa procedentibus multa infra indicabuntur delumpta ex opere m^s. P. Baldelli. In visione vero, siue apparitione pure intellectuall nulla deceptio inveniri potest, uti animadvertit Cardinalis Bona in alleg. tract. cap. 15. sub num. 3. Nulla in hac falsitas, nulla deceptio esse potest. Reliquæ erroribus & illusionibus subiectæ sunt. Et cap. 18. num. 2. Huic autem visioni pure intellectuall nulla potest diabolica illusio intercedere, siue rerum in intellectu repræsentatio per species a Deo infusas consideretur, siue iudicium de rebus iisdem; quod fit per lumen desursum veniens a Patre luminum; nam, cum hæc duo a sensu & imaginatione non pendeant, nulla est creatura, qua possit se illis immiscere. Qui plura scire cupit de Dæmonum, siue malorum Angelorum visionibus & apparitionibus, Thyreum legere poterit in tract. de Spirituum apparitione cap. 9.

10 Ex hæcuscque dictis insertur, multiplicis generis esse visiones & apparitiones; nonnullas naturales, ut pote causam habentes a causis naturalibus, nonnullas præternaturales, ut pote a causis præternaturalibus procedentes; item visionem præternaturalem triplicem esse, corporalem videlicet, imaginariam, & intellectualem. Corporalis nomen tam tribuitur illi, quæ visus, quam quæ aliorum sensuum ministerio fit, iuxta illud S. Augustini lib. 10. Confess. cap. 35. (col. 189. tom. 1. oper.): *Ad oculos enim proprie videre pertinet. Vnum autem hoc verbo etiam in ceteris sensibus; cum eos ad cognoscendum intendimus.... Dicimus autem non solum, vide quid luceat, quod soli oculi sentire possunt, sed etiam vide quid sonet, vide quid deat, vide quid sapiat, vide quam durum sit.* Imaginaria, quam S. Augustinus spiritalem vocat, fit per species, seu figuras & imagines rerum in ipsa phantasia existentes; quæ Dei, vel Angeli operatione ita disponuntur; ut propositum objectum clare repræsentent, infusa luce superna ad intelligendum, quid significant; & fit etiam per novas species nusquam antea receptas, sed a Deo, vel ab Angelo immisissas; & hæc imaginaria visio contingere potest vel in vigilia, vel in somno. Intellectuallis demum visio est clarissima rerum Divinarum manifestatio, quæ in solo intellectu absque figuris & imaginibus perficitur; fitque, vel cum mens humana Spiritus Sancti Gratia illuminatur, ut ea intelligat, quæ corporali siue imaginaria apparitione sensibilibus signis repræsentata sunt, vel quando immediate per species intellectui a Deo infusas Divina mysteria percipiuntur. Rursus visionis corporalis, & imaginariæ præternaturalis duplex alia species est, cum una a Deo, alia a Dæmone procedat. De his visionibus & apparitionis divisionibus plura habentur apud D. Thomam 2. 2. quæst. 174. art. 2. apud Cardinalem de Lauræa in opus. 5. de oratione cap. 8. apud Cardinalem Bonam de discret. spir. a cap. 15. usque ad cap. 20. apud Gravinam in lapide Lydio lib. 2. cap. 1. & plurib. seqq. apud Thyreum de apparitione visibili lib. 1. cap. 2. apud Matæam de Canonizat. Sanctorum part. 3. cap. 2. & apud Dnranum de visionibus cap. 2. per totum.

11 Et quia P. Baldellus de his omnibus latissime, & satis aperte disseruit

ruit in citato manuscripto, operæ pretium esse censemus, hic ejus verba inferere: Non meno pericoloso, ed esposto ad inganni sono le visioni, che talvolta nell' estasi, e fuor dell' estasi occorrono. Per tanto ancor di queste è bene intendere i modi e le cagioni; per poter con certezza e sicurezza formar giudizio della vera virtù e santità. Devesi dunque sapere, come insegna S. Agostino nel lib. 12. de Genesi ad litteram al cap. 6. tom. 3., S. Isidoro nel lib. 7. dell' etimol. al cap. 8. S. Tommaso nella 2. 2. alla quest. 175. art. 3. ad primum, &c tertium, e Dionigi Cartusiano de Judicio animæ all' art. 26. pag. 238. che di tre sorte sono le visioni, cioè, corporali cogli occhi del corpo, immaginarie coll' immaginazione e fantasia, intellettuali col solo intelletto. Del primo genere fu, quando Mosè vide ardere il roveto, e non bruciare; come anche quando il Re Baldassarre, in Daniele al cap. 5. vide la mano, che scriveva nel muro. Del secondo fu quella di S. Pietro, negli Atti degli Apostoli al cap. 10. quando vide il lenzuolo; quelle di S. Giovanni nell' Apocalisse al cap. 1.; quella di Ezechiele al cap. 37. quando vide il campo pieno d' ossa de' morti, e risuscitato in un tratto un grande esercito; quella d' Isia al cap. 6. quando vide Dio nel Trono, ed i Serafini, e l' altare, donde fu preso il carbone per mandargli le labbra; ed altre molte di altri Profeti. E secondo il medesimo Dionigi Cartusiano nel libro, che ei scrive de cura pro mortuis gerenda al cap. 10., dello stesso genere comunemente sono quelle, nelle quali i morti appariscono in sogno, ed avvistane, che altri diano loro sepoltura, e cose simili; ed al cap. 12. quelle altresì, che, ancor vegliando, vedone alcuni, che sogliono esser turbati dei sensi, come i frenetici, e furiosi. E se per sorte in simili visioni occorre vederse qualche cosa futura, o altra, che per natura e natural concorso di fantasmi e di specie non possa vederse, solo vuole che si veda per opera degli Angeli, così volendolo o permettendolo Dio. Del terzo genere finalmente fu quella di S. Paolo, quando vide l' essenza Divina senza verun concorso di fantasmi o similitudini immaginarie. Or, per occorrere talvolta queste tre visioni sopra l' ordine comune del nostro apprendere, e darci a vedere le cose di Dio, meritamente da S. Agostino nel luogo citato al cap. 28., e da S. Tommaso nella 2. 2. alla quest. 175. art. 3. ad tertium sono intese per i tre cieli, sopra de' quali fu rapito S. Paolo, e sopra de' quali si vede Iddio. Nè altro, secondo il parere di questi Santi, devesi intendere per il suo ratto al terzo cielo, se non esser' egli stato innalzato al perfettissimo modo d' intendere Dio, cioè, senza immagini e similitudini. E benchè di queste visioni le ultime due possono e sogliono cagionarsi dalla prima, come nel Re Baldassarre appresso Daniele il veder colla vista del corpo quella mano cagionò il vederla ancora in assenza colla vista immaginaria, ed in oltre il veder cogli occhi della mente, che cosa significasse; contuttavia la prima non siel cagionarsi dalle ultime due. Così la vista di Dio intellettuale, che ebbe S. Paolo, non cagionò vista immaginaria o corporale del medesimo; nè la vista immaginaria, che ebbe S. Pietro del lenzuolo, o gli altri Profeti dell' altre cose, cagionò vista cogli occhi del corpo. Aggiugne S. Agostino nel luogo citato al cap. 24. che queste tre visioni hanno fra di se il suo ordine di perfezione e disceadenza, dicendo, che il primo della vision corporale, come più imperfetto, ha bisogno del secondo della visione immaginaria, poichè non operane i sensi esterni senza il con-

il concorso delle potenze interne . Il secondo ha bisogno del terzo , acciocchè sia certo nel suo giudizio intorno alla cosa immaginata ed apparente . Il terzo finalmente , come perfettissimo , se bene d' ordinario è sempre accompagnato dal secondo , poichè in questa vita senza fantasmi non s' intende , non ha però di quello bisogno , e può di sua natura esserne senza , come fu in San Paolo . E ben' insegna San Tommaso nella quest. 12. de veritate art. 3. che queste apparizioni , o visioni immaginarie , se occorrono mentre si dorme , si chiamano Sogni ; se occorrono mentre si veglia , ma stando l' uomo astratto da' sensi , si chiamano Visioni : e tanto nel sogno , quanto nella visione vien l' anima trattenuta dai soli fantasmi o in tutto , o in parte , e in quelli si ferma , come se fossero non immagini e similitudini delle cose , ma le cose medesime . E in questo il sogno o visione è differente dalla profezia , se per sorte ancor questa viene con simboli e simiglianze di cose , che l' anima del Profeta non si ferma nei simboli e simiglianze , ma passa più oltre col lume profetico , mercecchè , conoscendo quegli esser simboli ed apparenza , arriva ad intendere ancora le cose per quelle significare e adombrate , come si dice in Daniele al cap. 10. : Et verbum revelatum est Danieli , intellexitque sermonem ; intelligentia enim est opus in visione . Le cagioni di queste tre visioni sono quelle stesse , che di sopra si sono assegnate nell' estasi , cioè , l' dadio , il Demonio , e qualche qualità corporale ; perchè se bene il terzo modo è libero dal secondo , ed è puro intendimento senza servizio di fantasmi , e non può essere in questa vita , se non da Dio , che solo può impedire la connessione ed ordine naturale delle potenze , contrattociò quando è congiunto con quello , può esser cagionato dallo stesso principio . Nè occorre più a lungo provare , che tutte queste sorte di visioni possano esser da Dio , essendone chiari esempj di tutte nella Scrittura . Nè è difficile a credere , che non solo le visioni immaginarie , ma ancor le corporali possano esser dal Demonio , potendo egli alterare i fantasmi , e muovere gli spiriti nel nostro corpo , nè mancandogli modo di far travedere ancora cogli occhi e sensi esterni , come in fatti suol fare alle Streghe e Negromanti . E non è dubbio , che siccome per diversi segreti della natura fanno ancora gli uomini burla degli altrui sensi , ed a suo gusto molti dei Saltambanchi fanno parere una cosa per un' altra , così , e molto più può il Demonio , o portando di lontano molti corpi veri e oggetti sensibili , o di nuovo producendoli per le loro cause , o ingannando con agguinta di corpo aereo i sensi esterni , o cagionando da quelli astrazione e alienazione , ed alterando per gl' interni i fantasmi , e facendo quelle apparenze , che occorrono nei sogni , come bene spiega il Gaetano nella 2. 2. alla quest. 95. art. 2. e quelli che trattano delle superstizioni . Ma forse più difficile potrebbe parere ad alcuno , come le visioni si cagionassero da cause corporali , se per l' immaginarie non avessimo in pronto l' esperienza dei sogni , che altro non sono , che apparenze fantastiche per lo più cagionate dal moto ed incontro di varj fantasmi , per i vapori , che cagionano il sonno , e per le corporali l' esperienza dei matti , e frenetici , e febbricitanti , che per diverse indisposizioni dicono vedere e sentire quel che in effetto e realmente nè vedono nè sentono . Di un certo Medico per nome Teofilo racconta Galeno nel lib. 3. de symptomatum differentiis al cap. 3. che avendo in testa una postuma nella parte dinanzi del cervello , saviamente rispondeva a quanto domandavasi , ma gran-
fissi-

fastidio si prendeva, perchè in un canto della sua camera dicea starfi non so quanti trombetti, che con il suono continuo l'affordavano, nè vi era di casa chi li cacciassero; essendo però in effetto, che non vi erano nè trombetti, nè suono. Lo stesso Galea nel lib. 4. de locis male affectis al cap. 1. racconta di sè, che trovandosi in un grandissimo ardor di febbre, gli pareva vedere nelle vesti degli Amici, che lo visitavano, certe festucche di color nero, e certi focchi; e facendo egli forza colle mani di levarli, e non trovando, o prendendo niente, sentì, che gli Amici di questo accortisi dissero tra di loro: Vedete, come quest' uomo va raccogliendo festucche, e levando focchetti: allora subito apprese il suo pericolo di dare in frenesia, e disse: Ajutatemi, o Amici, che io non frenetichi. Aristotele nel libro de sogni nota, che nelle febbri bene spesso per poca simiglianza, che facciano di animali o d' altre cose, poche linee composte nel muro, si rappresentano come veri animali nel medesimo muro; e talvolta, se l'apparenza è maggiore, ancor si stende a quelli la mano: e avvertisce, che spesso ai puniti, quando la notte sono svegliati, e cogli occhi aperti, si danno a vedere varie apparenze, per le quali non solo temono, ma anche si cuoprono per paura e si nascondono sotto i lenzuoli. Di se stesso racconta Cardano nel lib. 8. de var. al cap. 43. che a suo volere vedeva ciò che voleva: Cum volo, video quæ volo. È una persona assai degna di fede più volte e in presenza di molti mi ha raccontato, che, patendo ella di non sò che male ed indifferenza di cuore, mentre al bujo stava svegliata, sentivasi intorno al cuore un non sò che movimento de' vapori, che forse erano la causa del suo male; e poco dopo tanto spiccata e distintamente sentiva le voci, come di un buon concerto, che senz' altro avrebbe affermato, quello esser vero, se non fosse stata certissima, ch' ella era sola e in camera lontana da' Musici. D' un' altro so certo, che essendo in letto, ed alterato per aver preso un non sò che poco di fugo e d' infusione di Solatro furioso, vedeva nel muro uccelli bellissimi e di mille colori; e l'apparenza era tanto gagliarda, che in presenza di molti stendeva la mano per prenderli. Ma di queste visioni ingannevoli, che nella interna immaginazione, o ancor negli occhi corporalmente appariscono, non si possono rendere altre migliori ragioni di quelle, che rende S. Agostino nel cit. lib. 12. de Genesi ad litteram al cap. 25. ed Aristotele nel libro de' sogni al cap. 2. cioè, che nell' organo stesso del senso occorrono varie mutazioni intorno all' oggetto ed accidenti; e per ragione di quelle il giudizio che dà la potenza, è imperfetto e manchevole, e non è altrimenti corretto da altra potenza superiore e più verace. E quanto alla prima cagione, non può dubitarsi, che non solo le mutazioni ed accidenti dell' oggetto, ma ancor quelle della potenza e dell' organo possono bastare a cagionare diversità nel conoscere. Così a chi naviga par che si muovano i lidi e le montagne, perchè si muove la vista; e a chi muove nell' occhio la dirittura, ed il filo della pupilla, ogni oggetto par doppio; e se due dita della medesima mano si sovrappongono, ogni cosa con quelle toccata par due, e come due viene stimata, se la vista in tal caso più verace del tatto non corregge l' errore. Quanto alla seconda, è cosa certa, che per questo nel sogno pajono vere e reali le cose sognate, perchè vengono rappresentate come vere e reali, e non si avverte, a che potenza si rappresentano, e se veramente i sensi esterni, a' quali appartiene il primo giudizio, siano sciolti e li-

berì

beri per l' operare , o pure legati ed impediti dal sonno . Per tanto rappresentandosi alla sola immaginazione o senso comune , come se insieme si rappresentassero ai sensi esterni , così da quella sola sono giudicate e credute , come se insieme si giudicassero dagli altri sensi : nè questo errore viene avvertito e corretto da altra potenza superiore . E forse a questa seconda ragione si può ridurre l' esperienza apportata di Cardano , mentre vedeva a suo volere ciò che voleva ; poichè poteva per l' efficacia della immaginazione vivamente applicarsi ad ogni oggetto , senza avvertire , se insieme allora circa il medesimo operasse col senso , ed in tal modo sognarsi , ancor vegliando . Ed a quella prima può ridursi quell' altra di chi per il solo occhio vedeva uccelletti sì belli nel muro , e di chi per la febbre vede animali ; poichè i vapori , de' quali è piena la pupilla , possono così determinar le specie di quelle linee , o altro segno che nel muro realmente si trovi , siccome se l' occhio avesse colore , a quello stesso determinerebbe le specie degli altri oggetti . E per tanto disse Aristotele nel 3. de anima text. 4. che ancor l' intelletto , per intendere ogni cosa , debet esse immixtus , quia alienum juxta apparens prohibet & obstruit : così , se l' occhio ha mala disposizione de' vapori , e malamente riceve le specie , può facilmente determinarle a modo diverso . Cogli stessi principj dichiara Avicenna nel lib. 3. al tratt. 4. e con lui gli altri Medici , ed Averroes nel lib. 3. al cap. 40. le strane apparenze , che occorrono ai malinconici , quando l' umor freddo e secco di complessione è in tal predominio sopra gli altri , che dà principio a quella infermità , che dal medesimo umore prendendo il nome , da tutti si chiama malinconia . Rendonfi , dice egli , per la malignità di tal' umore gli spiriti animali , ed i ventricoli del cervello , ne quali risiedono le specie immaginarie ed i fantasmi , di sostanza assai opaca e tenebrosa , ed in certo modo perdendo la gentilezza e sottigliezza della sua complessione aerea , che per natura è lor dovuta , diventano quasi salutarici . E d' indi nasce , che ancor le specie ed i fantasmi , che in loro rimangono , prendono vizio , e rappresentano gli oggetti , non come sono , ma formidabili ed orribili , e sempre cagionano timori ed errori . Così per il contrario , se gli spiriti , ed il sangue è chiaro e sottile , ancor le specie ed i fantasmi sono chiari , e rappresentano gli oggetti al naturale , cagionando allegrezza . E quel , che avverrebbe nella pupilla e nell' occhio , se avesse colore , che (come diceva) tutti gli oggetti farebbe apparire dello stesso colore , lo stesso avviene negli spiriti , e ventricoli del cervello , che secondo la lor chiarezza e sottigliezza , o pur secondo le tenebre e grossezza , fanno altresì apparire a' suoi sensi interiori oggetti chiari e allegri , o pure oscuri e da temersi . All' una e all' altra insieme di queste cagioni si possono ridurre l' esperienze di Teofilo Medico , dei frenetici , e matti , dei putti , quando la notte sono desti e semono , di quello , che udiva i concetti , e altri simili . In effetto alla sola turbazione e alterazione de' sensi le riduce S. Agostino de cur. pro mort. al cap. 12. non perchè veramente sì fatte visioni e sensazioni siano corporali , e nell' occhio o nel senso , poichè di fuori non v' è oggetto , che possa muovere l' organo esterno , ma perchè sono immaginarie , e per qualche corporal disposizione , che sia nell' organo dell' immaginazione , viene svegliato più tosto un fantasma , che un' altro ; e questo stesso per la medesima disposizione diversamente si altera e rappresenta , non lasciando , che per le altre potenze possa darfi.

Tom. III.

E c c c c

giudi.

giudizio più verace. A questo medesimo riduce Aristotele nel luogo citato, che, come ciascuno è diversamente disposto per le passioni dell'animo, così è esposto ad esser più facilmente ingannato ne' sensi, e burlato, per così dire, dai loro oggetti. In tal modo (dice egli) chi sia in paura ad ogni ombra che veda, vede il nemico, e chi sia in amore, vede l'amato, perchè vien mosso conforme alla disposizione e passione da qualsivoglia benchè debole simiglianza: siccome nelle febbri è mosso l'occhio per la disposizione de' vapori, ancor da poche linee che siano nel muro, a veder animali; nè altre potenze correggono l'errore, per essere tutta l'anima assorbita nella dimentenza di quell'affetto e passione. Onde non è maraviglia, se ancor' in vigilia si presta credenza alla sua immaginazione, come si presta nel sogno. E da questo conchiude S. Agostino nel luogo citato, che nè la prima sorte di visione corporale, nè la seconda d'immaginaria può esser certa e sicura di errore, se quella non vien confermata dal testimonio degli altri sensi, e questa non viene esaminata dall'intelletto. Il che ancora non tacque Aristotele nel capo e libro allegato, quando disse, che la cagione di simili inganni si è, perchè non si giudica per quella potenza, che è Principe, come superiore e verace, ma solamente per quella, nella quale si fanno i fantasmi e le apparenze. A queste cause corporali si debbono ridurre ancora gli umori del nostro corpo, che hanno determinata connessione con certi fantasmi, e le disposizioni materiali degli elementi cagionate dai corpi celesti, che hanno connessione col nostri umori, come apparisce dai sogni, che buona parte sono cagionati dagli umori, e dal cielo ancora, secondo S. Tommaso nella 2. 2. quest. 95. art. 6. E per tanto lecitamente da quelli si possono conghietturare e predire quegli effetti, che dagli umori medesimi, o dalle disposizioni degli elementi possono venire, come sono le malattie, le piogge, i sereni, e cose simili. Queste stesse mozioni, che i nostri umori, e i corpi celesti in noi cagionano mentre dormiamo, cagionano ancora, secondo Ficino nel lib. 13. della Teol. Plat. al cap. 2. §. De Fatidicis, & Prophetis, continuamente, e mentre vegliamo; ma noi, per essere distratti in altri affari, non gli avvertiamo. In quella guisa appunto, come non vede e non avverte chi passa, quando uno sia con molta attenzione in qualche pensiero. E non si sentono comunemente le mutazioni, che di continuo si cagionano ne' nostri corpi dai corpi celesti, quanto al mancare o crescere di qualche umore. E non per altro si avvertono più facilmente nel sonno, se non perchè in quel tempo si vaca dall'altre cure. Se bene in molti, che di soverchio sono dati al piacere, o troppo si riempiono di cibo, o con soverchia sollecitudine attendono alla repubblica, o agli studj, e contemplazione, non mancano in quel tempo altri fantasmi, che gl'ingombrano l'anima, e non la lasciano attendere alle mozioni del cielo, per le quali è necessario particolarmente il riposo e la quiete degli altri tumulti. Anzi non solo non possono sentirsi le mozioni del cielo, ma nè anche quelle di Dio, se non sia l'animo ben quieto. Onde le visioni, che da lui hanno i Santi, per lo più o le hanno nell'estasi, o nel sonno, o in altro sì fatto modo di quiete e vacanza da ogni altro operare. E non è dubbio, che da tutto il sopradetto intorno alle cause delle visioni chiaramente si vede, quanto difficile sia poter discernere e giudicare determinatamente, se sono da Dio, o dal Demonio, o pure da causa materiale e naturale, che sia in noi, o fuor di noi, e insieme quanto si debbano

con

con diligenza esaminare, per non prendere errore in materia sì grave e importante. Sono alcuni per complessione naturalmente a quelle più disposti, che gli altri; come le donne, secondo Alberto Magno sopra il libro di Aristotile de somn. & vig. tract. 2. cap. 6., che per l'umidità facilmente ricevono ogni impressione; e i malinconici, secondo Marfilto Ficino nel lib. 13. cap. 2., che per la siccità non lasciano scorrere l'anima a molti oggetti, e le mozioni, che ricevono, fortemente risuonano; e tutti quelli, che hanno gli affetti e passioni veementi, secondo Aristotile nel lib. de somn. al cap. 2. E in questi oltre la forza naturale, che ha in tutti l'immaginativa, di comporre ed accoppiare insieme fantasmi diversi, o a caso, come ne' sogni, o per leggiera occasione, come in tempo di turbazione e passione, facilmente può aver luogo ancora il Demonio, che ben si serve delle nostre nature contro di noi, o pure ancora l'Angelo buono, così volendolo o permettendolo Dio. E a questo modo S. Agostino nel luogo citato, solo per opera d'Angioli, vuole che occorran comunemente, quelle, nelle quali qualcun de' morti dichiara dove sia il suo corpo, e dove voglia la sepoltura. Indi aggiugne, ciò utilmente alle volte solersi da Dio volere o permettere, cioè, o per qualche consolazione di quei vivi, ai quali appartiene il morto che apparisce, o per mantenere nell'uman genere il pio uffizio di dar sepoltura. E nel luogo citato al cap. 11. a questo proposito racconta, che, stando egli in Milano, ad un Giovane, che per esser erede testamentario di suo padre già morto, era forzato a pagar di nuovo un certo debito che già un'altra volta era stato pagato dal padre, apparve in sogno lo stesso padre, e gl'insegnò le scritture del pagamento. E circa il medesimo tempo in Cartagine ad Eulogio ivi maestro di Rhetorica, e già scolare di S. Agostino, apparve detto Santo, come di poi riferì lo stesso Eulogio, e l'infirmò sopra l'intelligenza di un luogo assai oscuro di Cicerone, sopra il quale Eulogio era molto ansioso. Di più al cap. 12. del luogo mentovato, che in un luogo vicino ad Ippone un certo uomo rusticano per nome Curma, essendo infermo, stette per molti giorni come morto, non avendo se non questo segno di vita, che si sentiva debolmente respirare, se qualcuno gli avesse tenuta per qualche tempo la mano alla bocca; e finalmente, quasi svegliandosi da un profondo e lungo sonno, Vadasi (disse) alla casa di Curma ferraro, e vedasi quel che ivi si faccia, perchè io in suo cambio sono stato condotto ai luoghi de' morti, e ora, scoperto l'errore, son rimandato, mentre egli è chiamato là. E veramente trovossi, che in quello stesso momento era morto Curma ferraro, quando era tornato in sì quell'altro Curma. Aggiunse di aver veduto in que' medesimi luoghi, ch'egli chiamava de' morti, ancor molti altri, che nominava; che da un certo Prete fu ivi avvisato, si battezzasse in Ippone per mano di S. Agostino; e finalmente, che ancora fu introdotto in paradiso, ma che ivi gli fu detto non poterli fermare, perchè non era per anche battezzato. Ma perchè fra queste cose, che quest'uomo narrò d'aver veduto, altre erano vere, ed altre false, assolutamente afferma S. Agostino nel luogo citato al cap. 13. il tutto esser occorso per turbazione di fantasmi e similitudini cagionata dal male, aggiuntavi per Dio volere qualche opera d'Angiolo o buono, o reo per quelle parti di vero, che non potevano per natura indovinarsi. Finalmente in simil modo par che dichiarare il medesimo S. Agostino, come un certo Giovanni Monaco al tempo di Teo-

desio il maggiore ad una Gentildonna, che grandemente desiderava vederlo, mandò a dire, che l'avrebbe veduto la notte seguente, ma in sogno. E così veramente fu veduto, e diede quei ricordi, che conveniva. E se bene voi non nega S. Agostino, che per Divina virtù realmente in corpo e anima potesse apparire, contuttociò assai accenna, tutta l'apparizione essere stata da fantasmi e similitudini mossa e cagionata nei sensi e nella mente di quella donna per opera d'Angiolo, senza che il Monaco per allora nient'altro sapesse, e solo per il dono di profezia che aveva, avesse predetto quel che in effetto doveva occorrere, non con presenza reale o azione sua, ma solo con presenza immaginaria, e opera d'Angiolo.

CAPUT LI.

De discernendis Visionibus, & Apparitionibus.

DUcimus initium a visionibus & apparitionibus, quæ naturales, utpote a causis naturalibus procedentes, quodammodo dici possunt, uti in superiori capite visum est. Porro, ut dignoscatur, an visio & apparitio, de qua questio incidit, fuerit naturalis, sedulo examinandum est, an aliqua causa naturalis præcesserit, ex qua visio & apparitio procedere potuerint: in ægrotis etenim, & phreneticis, in iis qui nigro humore sive melancholico affecti sunt, in iis qui atra bile abundant, in iis qui vehementibus cogitationibus & affectibus agitantur, facile contingere potest, ut putent, se aliqua videre quæ non sunt, & ut eis aliqua apparere videantur quæ non apparent, quæ tamen a se visa & cælitus demonstrata prædicare consueverunt. Bartholomæus Medina in 3. part. Divi Thoma quasi. 25. art. 3. regulam prædictam affert his verbis: *Æstimanda est quoque corporis temperatura, sanitas, studium; cum & ægroti multi, & ipsi phrenetici, ob intensionem animi nimiam exorbitantes vidisse quandoque se putent & audisse, quæ nunquam aut oculis aut auribus perceperunt. Igitur, & quo animi ejus firmitas impetus, & ardenti ne vel amore vel odio incitatus fuerit, percontandum est &c.* Inspiciendum est diligenter, an qui patitur visiones, sit nigro humore affectus, id est melancholico, vel nimia macie confectus. Nam qui cholera nigra laborant, & qui senio, aut nimia macie sunt confecti, sæpenumero decipiuntur. Et hinc est, quod senes ad extremam decrepitam delirant. Bene Philamarinus de Divinis revelationibus tract. 1. cap. 2. n. 4. pag. 147. Et non solum ex perturbatione mentis, sed etiam ex corporis indispositione tales effectus haberi possunt. Nam si atra bilis multum excedat, si inedia vel vigilia multum corpus extenuaverit, si cerebrum sit lesum, vel phantasia organum turbatum, potest accidere, quod isti etiam vigilantes dicant se videre, audire, gustare &c. quod vere nec vident, nec audiunt, nec gustant. Adhæret Cardinalis Bona de discret. spir. cap. 20. num. 3. Consideranda corporis constitutio, ex qua plerumque animi mores pendunt. Etenim facile decipi possunt, qui parum firma valetudine utuntur, qui turbide ac vehementis imaginationis sunt, qui atra bile abundans, quæ depravare phantasiam solet, varia-

qua

que imagines turbatis sensibus imprimere, adeo ut vigilantes sibi somnia fingant, atque ea se videre & audire existiment, quæ non visu nec auditu percipiunt. Ex longa item inedia, crebrisque jejuniis, ac immoderatis vigiliis, exsiccat cerebro, dissipatisque spiritibus, inania phantasmata representantur, quibus illusa mens tamquam Divinis revelationibus pertinaciter adhaeret. Addit idem Auctor, rationem habendam esse ætatis; cum senes, exhaustis viribus, sæpe delirent; & pueri, qui cerebro humidiori sunt, facile commoveantur, & falsa pro veris apprehendant. Sexus præterea videtur habenda ratio; cum feminæ naturæ sint humidioris, & ex vehementia cogitationum & affectuum putent se videre quod cupiunt; & quod ab animi perturbationibus nascitur, quæ in ipsis vehementissimæ sunt, a veritate credant oriri; uti notant Valgoner in *Theologia mystica quest. 3. disp. 5. art. 6. num. 3.* Medina in *3. part. D. Thoma quest. 25. art. 3. §. Decima regula.* Cardinalis Bona cir. *cap. 20. num. 4.* Martinus del Rio *disquisit. magic. lib. 4. cap. 2. quest. 3. sect. 3. pag. mihi 125.* Arauxo *decif. moral. tract. 3. quest. 23. §. 2. num. 30. & 31.* & late omnia prædicta complectendo, prosequitur P. Antonius ab Annuntiatione in *disceptat. mystica de oratione & contemplatione tract. 4. quest. 2. art. 5.* Que tamen a Nobis dicta censeri debent, non quod putemus, visiones omnes & apparitiones, quas feminæ referunt sibi contigisse, inter naturales recenseri (scimus enim, plures, easque supra naturam contigisse Sanctis Birgitte, Catharinæ Senensi, Terefix, Mariæ Magdalene de Pazzis, Rosæ Peruvianæ, Catharinæ de Ricciis, & Beatæ Angelæ de Fulgino; quocirca Matthæucci in *pract. Theologo-Canon. ad caus. Beatificat. & Canonizat. tit. 3. cap. 3. art. 2. §. 2. num. 32.* recte ait: *Non sunt apparitiones & visiones improbandæ, ex quo mulieribus accidunt.* Cui accedit Tanner in *examine prudentiæ P. Ludovici de Ponte in examinandis revelationibus Marins de Escobar tract. 1. cap. 7. a num. 3. usque ad finem*) sed ut accuratior promoveatur indagatio ob rationes supra indicatas, cum res est de visionibus & apparitionibus, quæ feminis obtigerunt. Celebre est exemplum Sanctæ Monicæ. Piissima hæc mulier optabat e libidinis coeno Augustinum filium educere, & de futuro ejus matrimonio cogitans desiderabat aliquid sibi per visum ostendi. De ea vero S. Augustinus *lib. 6. Confess. cap. 13. col. 130. tom. 1.* ita scribit: *Et videbat quædam vana & phantastica, quo cogebat impetus de hac re satagentis humani spiritus, & narrabat mihi: & quamvis subjiciat, non cum fiducia, qua solebat, cum tu (loquitur de Deo) demonstrares ei, sed contemnens ea; id tamen factum est, quia Gratia discretionis prædita erat, & sciebat, quid interesset inter Deum revelantem, & animam somniantem, quod omnibus utique datum non est.*

2. Antequam a visionibus & apparitionibus, quæ a causis naturalibus manant, recedamus; licet certum sit, a Deo aliquando somnia immitti (Deus enim per somnium Abimelech Regem Geraræ admonuit; ne tangeret uxorem Abrahæ; Jacob in somnis mysticam scalam vidit, & Angelos per eam ascendentes & descendentes; Deus in somnis apparuit Laban præcipiens

cipiens illi, ne quidquam asperere contra Jacob loqueretur, uti habetur in *lib. Genesios*; cum aliis ex veteri & novo Testamento desumptis, & relatis a Duranto in *tract. de visionibus cap. 9.*) multa tamen sunt somnia, quæ a Deo esse videntur, sed re vera a caulis naturalibus procedunt; uti explicat Vallesius de *særa Philosophia cap. 30. pag. 249.*: *Admonemur sæpe per insomnia, quid finis facturi. Nam sæpe de rebus agendis coepa interdum cogitatio per somnum continuatur, invenimurque tunc temporis accommodatissima ad finem media, quæ, cum expergescitis placent, opere exequimur, putantes, nos a Deo admonitos, quid facto opus sit: causa vero talis eventus est naturalis.* Nam utrumque distortum, consultatio scilicet, & sensus minutularum passionum melius multo accidis dormientibus, quam vigilantibus, si modo somnus placidus sit, neque multis crassisque vaporibus conturbetur. Juxta D. Thomam 2. 2. *quest. 95. ars. 6.* duplex est somniorum causa, interna, & externa. Interna rursus duplex est; una animalis, cum hominis phantasiæ ea in somnis occurrunt, circa quæ vigilantis cogitatio & affectio versari consueverunt; altera corporalis, cum ex interna corporis dispositione aliquis motus ipsi conveniens in phantasia efficitur: externa quoque duplex est, corporalis videlicet, & spiritalis; corporalis ex aere continente, vel impressione cælestis corporis; & spiritalis a Deo, vel a Dæmone procedere possunt, a quibus dormientis phantasiam immutari posse, nemini dubium est; quemadmodum late explicat Grævina in *lapide Lydo, lib. 2. de visione imaginaria cap. 6. difficult. 2.* & suse prosequitur Philamarinus in *tract. 1. de Divinis revelationibus cap. 1.* quibus adhæret Hurtado *tom. 1. tractat. varior. tract. 5. cap. 6. resolut. 56. nom. 1155.* & seqq. ubi testatur, doctrinam D. Thomæ desumptam fuisse ex operibus SS. Gregorii, Isidori, & Nysseni. Hinc autem est, quod si questio intituatur de visione & apparitione, seu revelatione, quæ contigisse dicatur in somno, sedulum non sit omittendum examen causarum naturalium, a quibus somnia procedere potuerunt, præter cetera quæ infra indicabuntur, cum de somniis Divinis, & diabolicis tractabitur. Magna cum cautela quoque in hac materia somniorum procedendum, juxta Scholiastem Climaci *ad grad. 15. num. 39.* ubi ait: *Magna prudentia adhibenda est in his, quæ in somno usqueveniunt: quin potius, quia inconsilans est eorum ratio, omnino negligenda est; paucorum enim eorum disjudicatio.* Et, cum maxima illorum pars temere & fortuito fiat ex varia & incompressa spirituum animalium, & specierum sensibilium per cerebri anfractus vagantium agitatione, merito sacræ Litteræ præcipiunt, nullam eorum habendam esse rationem, juxta illud *Levitici 19. v. 26. Non augurabimini, nec observabitis somnia;* juxta aliud *Jeremix cap. 29. v. 8. Ne attendatis ad somnia vestra, quæ vos somniantis;* & juxta illud *Ecclesiæ 5. v. 6. Ubi multa sunt somnia, plurima sunt vanitates.* Rarissima denique sunt somnia Divina, quæ futura portendant, cum non nisi ob aliquam insignem causam, quæ ad publicam spectet utilitatem, immitti soleant, veluti observat Cardinalis Bona de *discret. spirit. cap. 16. num. 4.* Materiam hanc insomniorum latissime pertractat Gaspar a Rojas in *jucundar. quæ-*

question. Elyso campo quest. 37. ubi explicat qualitatem somniorum naturalem, quæ a causa externa procedunt: air enim, aerem ambientem per se nullo modo species subministrare aut movere posse, ut ab ipsis phantasia excitetur ad aliquid percipiendum, sed solum disponendo, quatenus vel poros obstruit, vel humores attenuat, ut in caput ferantur. Et quod attinet ad influxum corporum celestium, non admittit, eum ad somnia concurrere posse, nisi humores mutando & disponendo; impossibile quippe autumat, ut novæ specierum formæ in phantasia virtute influxus celestis imprimantur, si exteriores sensus prius illas non perceperint. Apud Alexandrum ab Alexandro *dier. genial. cap. 11. & lib. 3. cap. 26.* multorum somniorum, quæ vera observata sunt, exempla leguntur, & apud Cardanum *lib. 4. de insomniis*, & apud Quercetanum *in diates. cap. 20.* Ex insomniis humores & morbos cognosci posse, admittunt Hippocrates *1. epid. com. 3. text. 1. com. 2. de humoribus*, & Galenus *in libello de præfatio ex insomniis*. Sed, quod attinet ad somnia, quæ aliquid verum, quod subinde accidit, respiciunt, ea ad casum ut plurimum referenda sunt, quemadmodum notat Fracastorius *lib. 2. de intellectu. Quis est enim* (inquit Cicero *lib. 2. de divinatio. cap. 59.*) *qui totum diem jaculans non aliquando collineet?* Et cetera somnia, quæ Medici observant, solas corporis dispositiones indicare possunt, uti late prosequitur Gaspar a Rejes *loc cit.* & bene adnotavit Zacchias *quest. Medico-legal. lib. 4. tit. 1. num. 34.*

3 Succedunt visiones & apparitiones præternaturales, quarum nonnullæ a Deo, nonnullæ a Dæmone causantur, nonnullæ in somnis, nonnullæ in vigilia contingunt. Terribilis porro diabolicæ visionis casus narratur a S. Antiocho *homil. 84. tom. 12. Biblioth. Patrum pag. 265.* Fuit in Monte Sina Monachus quidam, qui celebre adeo edidit sua continentia specimen, ut in cellula multos vixerit annos inclusus. Postremo multivariis revelationibus Diaboli & insomniis illusus, ad Iudaismum delapsus est & carnis circumcissionem. Cum igitur Diabolus huic identidem vera quadam insomnia demonstrasset, & veluti objecta illecebra inescasset illius obscuratam mentem, novissime oculis istius objicit copiosam turbam Apostolorum, Martyrum, aliorumque omnis generis Christianorum densissimis tenebris & omni dedecore oppletam. Parte opposita Moysen, Prophetas, populum quoque Iudaorum (Deo alioqui invisum) offert splendida admodum luce conspicuos, inque gaudio & hilaritate vitam traduentes. Hac cum spectasset miser, in vestigio surrexis, derelictaque sancto illi Monte, in Palestinam usque pervenit. Restitit contendit in Noara, & Lybiadem asyla Iudeorum. Cum istis denarrasset, que sibi vise fuissent, Diabolicas apparitiones, circumcissus est, ac professus Iudaismum accepit uxorem, inque omnium prospectum adversus Christianos edidit dogmata propugnator factus Judaica superstitionis. Hunc ego vidi, ac plerique Monachorum; neque enim quatuor anni sunt a morte illius, qua misere peritrusus est. Multa a Doctoribus indicantur de signis, quibus Divinæ visiones a dæmoniis secernuntur. Aurea est doctrina Gersonis in *tract. de distinct. ver. vision. a falsis* (*fig. 4. col. 53. tom. 1.*)

Hoc

Hoc est primum & precipuum signum inter signa nostra moneta spiritus sancti discretum. Monitiones omnes itaque intrinsece, omnes instinctus vehementes, omnis revelatio, omne miraculum, omnis amor ecstasticus, omnis contemplatio, omnis Raptus, omnis denique nostra interior, exteriorve operatio, si humilitas precedat, & comitetur, & sequatur, si nihil eam perimens miscetur, (crede mihi) signum habent, quod a Deo sunt, aut bono ejus Angelo, nec falleris. Adhæret Tanner cit. tract. 1. cap. 7. num. 4. ubi, loquendo de visionibus feminarum, hæc habet: *Diu latere factio etiam feminea non potest; siquidem ubicumque profundissima humilitatis non fuerit fundamentum, cui quidquid super illud fuerit adificatum, non absque ignominia ruat; at, ubi sincera erit humilitas maxime in omnibus necessaria, qui Deo soli, puro, nudo, castissimoque (ut ita dicam) affectu inherens, in quocumque sexu etiam inveniatur, neque decipitur, neque decipere valent.* In dialogis S. Catharinæ Senensis cap. 71. ita legitur: *Egli è necessario, che nelle mie visioni l'anima si faccia sempre più umile.* Et infra: *La verità fa sempre l'anima umile, la bugia superba.* Et apud Cardinalem Bonam de discret. spirit. cap. 18. §. 5. *Nullum certius indicium vere visionis, quam humilitas.* Veritati innixum est monitum Domini Alphonsi Episcopi Giennensis, qui in epistola Solitarii ad Reges cap. 6. pag. 272. tom. 2. revelat. S. Birgitta ait: *Signum, in quo discernuntur visiones ministrata a bono spiritu, vel a malo, est fructus ille, & opera quæ procedunt ab illis visionibus seu revelationibus, quia secundum Evangelium non potest arbor mala fructus bonos facere &c.* A fructibus enim eorum cognoscetis eos &c. Ideo quando videmus, quod ex talibus visionibus, seu verbis revelatis mens illuminatur &c. convertuntur homines vitiosi ad virtuosam & religiosam vitam &c. de malo ad bonum, & hoc in multis personis, & diu perseverat, tunc certissimum signum est, quod tales visiones & revelationes, quæ talem fructum germinaverunt & produxerunt, non a Diabolo, sed a Spiritu Sancto potius processere, quæ facere Diabolo impossibile est, immo totum contrarium procedit a visionibus seu potius illusionibus suis. Consueverunt enim deviare hominem a Fide Catholica, a bonis moribus &c. Prædictis ceteri inherere, proptereaque docent, Divinas visiones & apparitiones esse dignoscendas a persona cui contingunt, a modo quo contingunt, & ab effectibus qui ex eis sequuntur. Si enim persona, cui contigerunt, virtutibus prædita sit, si nihil in visione aut apparitione sit, quod a Deo avertat, quinimmo si omnia ad Dei cultum relata sint, si post visiones & apparitiones humilitas, obedientia, ceteræque Christianæ virtutes non modo perseveraverint, sed ad sublimiorem gradum ascenderint in ea persona, cui contigerunt visiones & apparitiones, de earum qualitate supernaturali & Divina non erit ullo modo dubitandum. Quocirca S. Gregorius lib. 1. dialog. cap. 1. col. 156. tom. 2. ita scribit: *Mens autem, quæ Divino Spiritu impletur, habet evidentissimè signa sua, virtutes scilicet & humilitatem, quæ si utraque perfecte in una mente conveniunt, liquet, quod de presentia Sancti Spiritus testimonium ferunt.* Additque S. Macarius Ægyptius homil. 10. (Biblioth. Patrum tom. 4. pag. 115.): *Anima, quæ vere Deum ac Christi-*

sum

suam colit; etiam si infinita iustitia opera edideris &c. Et si varia Spiritus charismata, aut revelationes ac mysteria caelestia consequi meruerit; propter immensam & insatiabilem erga Dominum dilectionem, ita se gerit apud se, ac si nihil adhuc obtineret. Præterea, formis discrepare Angelorum & Dæmonum apparitiones, volunt; Angelis enim solet unica esse, nempe humana; Dæmonibus multiplex, vel hominis, vel bestiarum: a columbæ tamen, vel agni specie abstinere, tum quia mystice Spiritum Sanctum, & Christum designant; tum quia hæc animalia felle carentia, truculentis Satanae moribus non conveniunt: & ad formam humanam quod attinet, si eam Dæmones assumunt, atra ut plurimum est, deformis, mutila, inusitata, & quæ malum sub ea Spiritum latere demonstrat. Forma bruti vel monstri non nisi Diabolo convenit, cum animæ separatæ, etiam si damnatorum sint, quando, Deo permittente, viventibus apparent, eam formam assumant, ex qua cognosci possunt. De Dæmonibus Lactantius lib. 2. cap. 15. ita scribit: *Hi, ut dico, Spiritus contaminati ac perdit per omnem terram vagantur, & solatium perditionis sua perdendis hominibus operantur. Itaque omnia insidit, fraudibus, dolis, erroribus complens; ita ut, permittente Deo, aliquando se transfigurent in Angelos lucis, & Christi Domini, Beatissimæque Virginis, & Sanctorum personam sæpius assumere aui sint, uti late ostendunt Villalpand. in jure spirituali practico lib. 1. cap. 2. num. 34. Raynaud. de apparit. in Eucharist. Sacram. questunc. 9. §. Ad primum questum, Scot. in Physica curiosa lib. 2. cap. 34. §. 1. vers. Nec humanam tantum formam, Cardinalis Bona de discret. spirit. cap. 19. num. 7. Idque tanta calliditate & versutia secere, ut viros etiam probatæ virtutis non semel in errore induxerint: quodque notatu dignum est, aliquando in suis visionibus & apparitionibus bonum persuaferunt, ut majus bonum impedirent, & ad aliquem actum virtutis hortati sunt, ut facilius incautos deciperent, & successu temporis ad horribiles lapsus sensim inducerent; a quibus ut caveatur, tum orationis præsidium, tum virorum prudentum, & in discretione spirituum versatorum consilium est necessarium, ut infra exponetur. Thyreus in tract. de Christi apparit. Sacramental. cap. 22. sermonem habens de apparitione Christi Sacramentali sub peregrinis speciebus, num. 10. ita scribit: *Clarum est apparitionum harum Dæmones auctores esse posse...* Certe Alexander Alensis, & Gabriel Biel illas opera Dæmonis credunt perfectas, in quibus visa caro, aut sanguis temporis diuturnitate corrupta fuerunt. Et num. 11. *Nos profecto factas aliquando non facile negaverimus: si enim Dæmones, Christi speciem atque imaginem, absente Sacramento, aliquando exhibuerunt, quid prohibet, exhibeant, præsentem?* Apud Bollandianos ad diem 23. Junii lib. 1. cap. 3. num. 30. vita S. Mariae Oigniacensis scriptæ a Jacobo de Vitriaco narratur, Dæmonem in Angelum lucis se transformasse, & sub specie pietatis in suis apparitionibus homini cuidam suasisse, ut a quibusdam vitiis abstinere, & quedam bona faceret, ea spe ut cum deinde duceret ad alia mala, quæ machinabatur. Maria dixit, apparitiones illas esse Dæ-*

monis illusiones; & , homine respondente, id esse non posse, cum apparens sibi bona plurima facienda suasisset, Maria ad solita orationis arma confugiens, pedes Domini rigat lacrymis, cælum precibus instanter pulsât, nec facit finem, donec ille impostor cum multo gemitu & pudore ipsi nocte in cellula sua oranti astaret; quem illa commentitio prædictum splendore intuens (pag. 644.): *Tu quis es? inquit, ac quod est nomen tuum? Ille vero, elato ut erat vultu, eam torvis oculis inspicens, Ego sum, inquit, quem tu, maledicta, precibus tuis compulisti venire ad te, meum enim amicum per violentiam auferis.* S. Bonaventura de Prof. Relig. lib. 2. cap. 75. pag. 648. tom. 7. ait: *Non videtur autem præcreandum, quia quidam decepti a seductoriis Spiritibus, vel propriis falsis opinionibus, putant sibi apparere in visione vel ipsum Christum, vel ejus gloriosissimam Genitricem.* Scribit S. Jacobus Apostolus in epistola cap. 3. v. 17. de Divina sapientia: *Qua autem desursum est sapientia, premium quidem pudica est, deinde pacifica, modesta, suavis, bonis consentiens, plena misericordia, & fructibus bonis;* & Doctores materiam explicantes ajunt, licet interdum Divinæ visiones & apparitiones afferant in principio timorem aliquem vel perturbationem, in progressu tamen jucundas esse, lapidas, delectabiles, & tranquillitatem in animam inducere: contra Dæmoniæ, si a principio turbant, eodem modo prosequuntur; vel si ab initio alliciunt, & luaves apparent, in progressu tamen semper turbant, & videntem perturbatum relinquunt. Hinc Genes. 15. v. 12. de Abraham legitur: *Cumque sol occumberet, separavit super eum; & horror magnus, & tenebræ invaserunt eum;* sed cum Deus statim ei fausta prædixisset, in tranquillitatem adductus est. Item Genes. 28. cum Jacob in somno vidisset scalam e terra ad cælum innixam, & Angelos ascendentes & descendentes per eam, & Dominum innixum scalæ, timuit, & exclamans dixit (v. 17.): *Quam terribilis est locus iste!* sed, auditis consolationis Divinæ verbis, erexit lapidem in titulum, & votum Domino vovit. Zacharias Sacerdos, ut Luca cap. 1. v. 12. legitur, cum vidisset juxta aram Templi Angelum, turbatus est videns, & timor irruit super eum; Beata Virgo Maria, cum salutaretur ab Angelo (v. 29.) turbata est in sermone ejus, & cogitabat, qualis esset ista salutatō: & de paucis turre gregis habetur Angelum Domini iterisse supra illos, & claritatem Dei circumfulsisse illos (cap. 2. v. 9.) & timuerunt timore magno. At hi timores statim celsarunt, cum Angelus dixit Zachariæ (cap. 1. v. 13.): *Ne timeas, Zacharia, quoniam exaudita est deprecatio tua, & uxor tua Elisabeth pariet tibi filium;* & Gabriel Mariæ (cap. 1. v. 30.): *Ne timeas Maria; invenisti enim gratiam apud Deum;* & Angelus pastoribus (cap. 2. v. 10.): *Nolite timere: ecce enim euangelizo vobis gaudium magnum & verū.* 13. Facta est cum Angelo multitudo militiæ celestis laudantium Deum, & dicentium: *Gloria in altissimis Deo, & in terra pax.*

4 Hæc confirmantur ex his, quæ leguntur in vita S. Antonii Abbatis scripta a S. Athanaio, ubi de apparitione Angelorum hæc habet (n. 34. pag. 323.

pag. 823. rom. 1.): *Horum tanta benignitas est, ut si quis pro conditione fragilitatis humana miro fuerit eorum fulgore perterritus, omnem continuo ex corde auferat metum.* Ita Gabriel cum Zacharia loqueretur in Templo, & Angeli, cum Divinum Virginis partum pastoribus nuntiarent, & qui Dominici corporis agebant excubias, securis videntium se mentibus ostendentes, ne metuerent, imperabant; metus enim non tantum ex pavore animi, quantum ex magnarum rerum sepe incutitur aspectu. Et num. 36. Si igitur post timorem horrore concepto successerit gaudium, & ad Deum fiducia atque ineffabilis charitas, venisse sciamus auxilium; quia securitas anima, presentis majestatis indicium est. Sequitur D. Thomas 3. part. quasi. 30. art. 3. ad tertium, ubi docet, perturbationem accidere non solum in visione corporali, sed etiam in visione imaginaria; cum enim homo supra se ipsum elevatur, pars ejus inferior debilitatur: & quod attinet ad timorem Beatissimæ Virginis, & subsecutam consolationem ipsi ab Angelo annuntiatam, perpeno exemplo modo relato S. Antonii, subjicit: *Et propter hoc, ut legitur in vita Antonii, non difficilis est beatorum Spirituum, malorumque discretio.* Si enim post timorem successerit gaudium, a Domino venisse sciamus auxilium; quia securitas anima, presentis majestatis indicium est. Si autem incussa formido permanferit, hostis est qui videtur: quod ipsum fuisse admonuit in epist. 2. ad Corinth. cap. 11. & in cap. 4. Job lect. 3. Sequitur Martinus del Rio disquisit. magicar. lib. 2. quasi. 26. sect. 3. pag. 234. & consonant Villalpand. in jure spirituali practico lib. 1. cap. 4. num. 74. & seqq. ubi sic loquitur: *Ideo Divina apparitiones & revelationes, licet principio timorem incutiant, postea suavitate leniuntur; quo vel solo Divinam fuisse revelationem posset credi; nam, cum consolatio ad anima interiora fiat, a Demone non potest praestari.* Ideo post ejus apparitionem, quantocius in speciosa forma videatur, non consolatio, sed horror solet remanere. In dialogis S. Catharinæ Senensis cap. 71. ita legitur: *Se tu mi domandassi, a che si può conoscere, che sia più dal Demonio, che da me? Io ti rispondo, che questo è il segno: che se ella è dal Demonio, che egli sia venuto nella mente a visitare in forma di luce, come detto è, l'anima riceve subito nel suo venire allegrezza, e quanto più sta, più perde l'allegrezza, e rimane sadio e tenebre, e stinolo nella mente, offuscandovisi dentro. Ma se in verità è visitata da me Verità eterna, l'anima riceve timore sano nel primo aspetto, e con esso timore riceve allegrezza e securitas con una dolce prudenza, che dubitando non dubita ec. Ed allora esce dal cammino dell' orazione e visitazione mia con allegrezza e gaudium di mente ec. Or questo è il segno, che l'anima è visitata da me, o dal Demonio, trovando quando è da me, nel primo aspetto il timore, & al mezzo, & al fine l'allegrezza e la fame delle virtù; e quando è dal Demonio, al primo aspetto è l'allegrezza, e poi rimane in confusione e in tenebre di mente.* Optime Gravina in lapide Lydio lib. 3. cap. 7. ubi animadvertit, tristitiam etiam aliquando permanere posse in apparitionibus Divinis, si sermo sit de tristitia, quæ ad poenitentiam inducit, spiritumque efficit contribulatum, sed Deo placentem; & lætitiā quandam permanere posse etiam in visionibus diabolicis, sed sejun-

etiam ab ardenti desiderio virtutum, & præsertim humilitatis. Cetera, quæ in superioribus dicta sunt de considerandis persona, modo, & effectibus, ut dignoscatur, num visio & apparitio sint a Deo, an a Dæmone, traduntur communiter a Doctoribus, Duranto in *tract. de visionibus* cap. 11. Medina in 3. part. D. Thomæ *quest. 25. art. 3.* Rosignolio de *discipl. Christiana perfectione* lib. 3. cap. 20. Cardinali Bona de *diferet. spirit.* cap. 19. num. 7. num. 9. & 10. & cap. 20. num. 1. & seqq. Cardinali de Lauræa *opusc. 5. de oratione* cap. 7. §. Dico tertio, & seqq. & cap. 8. §. Dico tandem, Patre Antonio ab Annuntiatione in *disceptat. mystic. de oratione & contemplatione tract. 4. quest. 2. art. 5. num. 30. & seqq.* fule & optime Tanner in *tract. de prudentia P. Ludovici de Ponte in examinandis & approbandis revelationibus Marina de Escobar* cap. 3. tract. 1. Philamatio in *tract. primo de Divin. revelat.* cap. 2. & 3. Matthæuccio in *pract. Theologo-Canon. ad caus. Beatificat. & Canonizat.* tit. 3. cap. 3. art. 2. §. 2. num. 23. & plurib. seqq. Patre Palserino in 3. part. D. Thomæ *quest. 76 art. 8. cap. unic. num. 5.* ubi paucis verbis subjicit: *Ad videndum, an sint a Deo, considerande sunt persona vident, modus apparitionis, fructus illius, & hujusmodi alia circumstantia; Auditoribus Rotæ in relatione causæ S. Franciscæ Romane part. 2. art. 21.*

5 De aliis ad rem, de qua nunc agitur, facientibus infra habebitur sermo, cum de visionibus & apparitionibus quoad causas Beatificationis & Canonizationis tractabitur, necnon cum de revelationibus agetur. Interim vero fati erit nonnulla in transitu subjicere de visionibus & apparitionibus, quæ contingunt in somnio, quæ somnia a Deo, vel a Dæmone causam habere possunt; de modo dignoscendi in visione, & apparitione, quæ sit supra naturam, quænam sit Divina, & quænam sit pure Angelica; & deinde, an quoties Spiritus aliquis apparet, Christum, vel Beatam Virginem, aut aliquem Sanctorum repræsentans, ipsi liceat adorationis, aut venerationis signa adhibere.

6 In superioribus nonnulla allata sunt exempla Divinorum somniorum. Alia facile addi possunt, cum *Genesius* 37. Joseph filius Jacob in somno duas illas habuerit visiones, quæ fratribus narratæ, fuerunt causa suæ persecutionis, & venditionis; vidit enim se cum fratribus in campo ligare manipulos, & manipulum suum itare, & a manipulis fratrum adorari; & alia vice vidit, solem, lunam, & stellas undecim adorare se: & Joseph Mariæ Sponsus, ut legitur in *Evangelio Matthæi* cap. 2. v. 13., in somnio exiens e Jerusalem revelationem habuit: *Accipe puerum & matrem ejus, & fuge in Ægyptum . . . Futurum est enim, ut Herodes querat puerum ad perdendum eum; & alia vice, dum esset in Ægypto, defuncto Herode, item apparuit ei Angelus in somnis, & dixit, v. 20.: Surge, & accipe puerum & matrem ejus, & vade in terram Israel; defuncti sunt enim, qui querebant animam pueri. Habet quoque Diabolus (uti diximus) Prophetas suos & somniatores, quorum ipse phantasiam commovet, & multa in ea repræsentat & suggerit; atque occulta quoque eo modo, quo potest, quandoque detegit, implens animum*

noxia

noxia superstitione, & perniciosis illusionibus decipiens. *Thyræus in lib. 3. de apparitione imaginaria*, septem notas exponit somniorum, quæ Divina dici non possunt: primam rerum, quæ somniantibus occurrunt, perturbationem; secundam earum falsitatem; tertiam earum levitatem; quartam ipsarum malitiam; quintam rerum prædictarum inutilitatem; sextam rerum superfluitatem; septimam somniantium impietatem, uti videri potest *cap. 13. & post hæc in seq. cap. 14.* docet necesse esse, ut contraria illorum, quæ modo dicta sunt, insint in iis quæ Divina dici debent; neque tamen id sufficere, ut pro Divinis habeantur, sed necesse esse pro re de qua nunc agitur, ut res, quæ in somno revelantur, tales sint, quarum certa cognitio solius Dei munere hominibus contingat, & talis sit mentis humanæ motio, qualem solus Deus efficere possit. Sequitur subtilissime *Durantus in tract. de visionibus cap. 9.* & hanc esse Theologorum sententiam testatur *Gaspar a Rejes cit. cap. 37. num. 42.* sed clarius *Cardinalis Bona in tract. de discret. spirit. cap. 16.* docet a Dæmone somnia esse, quæ inutilia, supersticiosa, & vana suggerunt, quæ ad malum quovis modo provocant, quæ occulta manifestant ad solam curiositatem, vel ad inanem scientiæ ostentationem spectantia, quæ futura prædicunt, quæ postea ex eventu falsa dignoscuntur, quæ incompressa & turbulenta sunt, quæ statim evanescent ac dissipantur; & contra Divinorum somniorum indicia esse res ipsas, quæ per somnium innotescunt, si ejus generis sint, ut nonnisi a Deo possint revelari, qualia sunt arcana cordium, abdita Fidei mytheria, futura contingentia, quæ pendent a libero arbitrio. Addit, Deum, cum somnia immittit, mentem illustrare, & voluntatem sic afficere, ut illis firmiter hæreat, & certo sciat, a Deo esse, nec ullo unquam tempore eorum obliviscatur: concluditque, tutius indicium ex rebus in somnio ostentis desumi, quam ex modo quo somnia contingunt, cum Deus aliquando ea placidissime, aliquando cum corporis commotione efficiat, aliquando det somnium, & non ejus intelligentiam, aliquando intelligentiam, aliquando clare & aperte res in somnio manifestet, aliquando obscure & per ænigmata. Sequitur *Torre in 2. 2. D. Thoma quest. 95. art. 6. disput. 6.*

7 Jam vero, quod examinandum restat, quomodo Divina apparitio ab Angelica secernatur; hoc est quibus signis palam fieri possit, per Angelicam apparitionem Deum representari, vel Angelum ipsum apparere abique Dei representatione, Theologi nonnullas impeditant regulas. Prima desumitur ex re, quæ in visione & apparitione geritur: si enim ea proprie Deo competit, judicandum est, Angelum sub persona Dei apparuisse; si autem proprie competat Angelo, tunc Angelum ipsum apparuisse dicendum est, & eam apparitionem esse pure Angelicam. Exemplum Divinæ apparitionis est in apparitione facta Adamo, cum Deus eum interrogavit, ubi esset, Serpenti maledixit, & Evæ poenam inflixit ob Divini præcepti transgressionem: hæc siquidem apparitio, licet facta ministerio Angelorum, apparitio ipsius Dei dicenda est, cum id dignoscatur ex summa Ju-

dicis

dicis auctoritate & potestate eo actu exhibita. Exemplum apparitionis pure Angelicæ est in Angeli apparitione, cum se socium Tobie exhibuit; & in apparitione Gabrielis Archangeli, cum Beatæ Mariæ Virgini futuram Divini Verbi Incarnationem prædixit: hæc liquidem Angelis compete-
bant. Secunda regula desumitur ex modo & auctoritate verborum. Exemplum desumitur ex lib. *Geneseos* cap. 16. v. 10. ubi, cum Angelus Domini apparuisset Agar, sic ei locutus est: *Multiplicans multiplicabo semen tuum, & non numerabitur præ multitudine.* Cum enim Deus solus hoc polliceri posset, ille profecto erat, qui promittendo apparuit, & per Angelum locutus est; quare Agar dixit: *Tu Deus vidisti me.* Divinam, & non pure Angelicam fuisse apparitionem Abrahamo factam, quando ei imperavit, ut filium immolaret, deducunt Theologi ex modo & auctoritate verborum. Legi possunt Valentinus in *comment.* ad 1. part. S. Thomæ *disput.* 4. *quest.* 2. *punct.* 2. Stephanus Bupalus in *commentar. Angelic.* ad *quest.* 51., 1. part. S. Thomæ *quest.* 1. *difficult.* 2. §. 8. Durantius in *tract. de visionibus* cap. 4. §. Pergimus nunc, & seq. Christo Domino duplici ratione convenire, atque deberi potestatem judicariam, quarum altera ex hypostasi Divina, altera ex ipsius meritis petitur, certum est. Potestas hæc autem judicandi non modo in universali judicio exercenda est, sed etiam exercetur in judicio particulari, cum unusquisque ex hac vita decedit. De Christo Domino quaeritur, quomodo judicium particulare exerceat, an per se ipsum, ita ut ipse sententiam pronuntiet, & hos ad supplicia damnet, illos vocet ad præmium; an Angelus ejus nomine hæc exequatur, ita ut judicandi non proxime a Christo, sed ab Angelo Christi Vicario & Legato sententiam accipiant. Autumant nonnulli, id Christum exequi per Angelos, qui sunt Spiritus administratorii; in quo rerum themate apparitiones illæ Angelorum non pure Angelicæ, sed Divinæ essent dicendæ. Alii vero animadvertentes necesse non esse, ut præsens sit Judex ad sententiam ferendam, item necesse non esse, ut sententia feratur per sensibilem vocem (quandoquidem locutio & auditio spiritalis loci distantia non impediuntur) volunt una cum Abulensi *quest.* 23. in cap. 24. *Marthæ*, Christum venire in morte uniuscujusque, non secundum præsentiam vocalem, sed secundum efficaciam, per quam fit, ut unusquisque suum statum agnoscat, & imperium & sententiam Judicis audiat, & ex vi illius statim tendat in locum suis meritis debitum. Quod late prolequitur Thyraeus in *tract. de apparitione Christi in judicio particulari* cap. 26.

8 At, utcumque sit de hac postrema controversia respiciente Christi apparitionem in judicio particulari, pro capitis complemento nihil aliud superest, quam ut aliquid indicemus de ultima propolita controversia, an liceat Spiritum adorare, aut venerari, qui Christum, vel Beatam Virginem, aut aliquem Sanctorum repræsentat. De hac questione agit Gravina in *lapide Lydis* lib. 2. cap. 3. *difficult.* 3. At non deferenda videtur clara S. Thomæ doctrina in 3. *sent. dist.* 9. *quest.* 1. art. 2. *questiun.* 6. ad tertium, ubi ita loqui-

loquitur : Dicendum , quod non potest Diabolus in specie Christi apprensus sine peccato adorari , nisi sit conditio actu explicita ; non enim sufficit solo habitu , quia ipsa notitas rei insolita considerationem & attentionem requirit , sicut dicitur de Beata Virgine , quod cogitabat . Sequitur S. Bonaventura in 3. sent. dist. 9. ars. 1. quest. 6. ubi , propolita questione , An cultus latria possit exhiberi adversario Christi , sic respondet : Dicendum , quod honor latria potest exhiberi adversario Christi dupliciter ; aut simpliciter , aut sub conditione . Si simpliciter , dico , quod non potest esse sine peccato . . . nec excusatur ratione ignorantia ; habet enim triplex adiutorium , per quod potest errorem evitare . Primum est remedium pramonitionis sacra Scriptura , qua multoies dicit , quod multi in nomine Christi venturi sunt mendaciter . Secundum est remedium orationis interne , qua ad Deum debet homo recurrere , ut cor ejus illuminetur . Tertium est suspensio credulitatis sue ; non enim debet homo omni spiritui credere , sed probare , qui ex Deo sunt . Qui enim cito credit in talibus , levis est corde ; & fortassis etiam inflatus corde , dum ad tales visiones & revelationes idoneum se esse existimat &c. Si autem adoret sub conditione , hoc potest esse dupliciter ; aut quia est illa conditio habitualiter , aut actualiter considerata , sive opposita . Si actualiter , sic non adorat ipsum Luciferum , sed magis Christum ; quia non stat adoratio , nisi stante conditione , & ad eum refertur adoratio , ad quem refertur adorationis implicatio . Si autem illa conditio sit sub consideratione habituali , hoc modo non sufficit ad vitandum peccatum idololatriæ .

C A P U T L I I.

De Visionibus , & Apparitionibus quoad causas Beatificationis & Canonizationis .

Postquam de visionibus & apparitionibus diximus , aperientes , quomodo naturales a præternaturalibus secernantur , & quomodo Divinæ a dæmoniis differant , rectus ordo exposcere videtur , ut de eisdem visionibus & apparitionibus , quod attinet ad causas Beatificationis & Canonizationis , agamus .

Communes sunt bonis & malis visiones & apparitiones , quamvis Divinæ : quocirca Cardinalis Bona in sæpe citato tractatu cap. 19. nom. 1. ait : Omnes autem seu visiones seu apparitiones in hoc conveniunt , quod bonis & malis communes sunt , nec quispiam sanctior aut perfectior altero habendus est , quod illi Spiritus appareant , iste hoc dono destituatur . Gentilibus quoque , & sceleris visiones & apparitiones Divinæ contigerunt . Pharaon vidit boves pingues & extenuatos , spicas plenas & vacuas . Balaam magus , cum iret ad maledicendum populo Dei , locuta asina , & renuente ulterius incedere , vidit Angelum , evaginato gladio , contra se stantem . Baltassar filius Nabuch vidit in convivio manum incognitis characteribus scribentem : & iis aliisque exemplis ponderatis , concludit Cardinalis de Lauræa in opusculo .

de ora-

de oration. cap. 7. his verbis: *Visiones, & revelationes, etiam divinitus concessæ, non semper sunt signa sanctitatis in eo, qui eas accipit. Igitur non fuit necessarium, ut Deus statueret eas concedere contemplantibus, etiam cæsticis, & raptis. Uno verbo, visiones, apparitiones, revelationes inter Gratiis gratis datas recensentur; & hinc fit, ut etiam peccatoribus dari possint, juxta ea quæ plene habentur apud P. Antonium ab Annuntiatione in disceptat. mystic. de oratione & contemplatione tract. 4. quest. 2. art. 6. num. 34. & plurib. seqq. Cum superius ageretur de ceteris Gratiis gratis datis, diximus, eas esse communes probis, & improbis, sed sæpius a Deo iis dari, qui probi sunt, & virtutibus emicant. Dicimus hoc ipsum de visionibus & apparitionibus supra naturam, uti etiam adnotavit Thyreus de apparitione intellectuali lib. 4. cap. 9. num. 13. & seqq. ubi ita scribit: *Integritas probitasque vitæ Deo occasionem præbuisse videatur, ut familiarius cum quibusdam ageret, & se suæque ipsi communicaret, qui jam se totos Deo Divinisque obsequiis mancipassent. Hinc est, quod Sanctorum, & Dei amicorum loco etiam nunc habeantur, quibus Deus revelationibus suis locutionibusque Divinis adest, & quas olim factas scimus, vix aliis, quam Sanctis hominibus factas credamus. Tandem asserimus, prætermisissis visionibus & apparitionibus naturalibus, quarum non videtur ulla habenda esse ratio in causis Beatificationis & Canonizationis; omisissis item dæmoniis, de quibus nulla suspicio esse potest, cum res est de virtutibus Dei Servorum, Beatificationis & Canonizationis gratia; ut enim alias dictum est, non agitur de virtutibus, nisi præcesserit legitima fama virtutum atque miraculorum, cum qua stare nequit suspicio societatis cum Dæmone; asserimus (inquam) ad instar Gratix gratis datæ, habendam esse in causis Beatificationis & Canonizationis rationem visionum & apparitionum, quæ sunt præter naturam; positis tamen qualitatibus jam indicatis, quibus visio Divina secernitur & distinguitur a naturali, & dæmoniaca; & comprobatis virtutibus heroicis, quemadmodum dictum est, cum loqueremur de ceteris Gratiis gratis datis. Quinimmo, si in ceteris Gratiis gratis datis necessaria est probatio, per quam constet, præcessisse virtutes heroicas, quamvis Gratix prædictæ probari possint etiam per alios testes, & per alios testes probentur, multo magis necessaria dicenda erit probatio earundem virtutum in visionibus & apparitionibus, quæ alio modo probari non possunt, quam ex dicto ejus, qui vidit, & cui facta est apparitio; cuique proinde in re propria testanti si fides est adhibenda, nemo est qui non videat, testantem debere esse omni exceptione majorem, & per consequens virtutibus heroicis præditum. Præterquamquod, si ex dictis in visionibus & apparitionibus dignoscendis & discernendis oportet, ut habeatur ratio personæ, cui facta est apparitio, modi, & effectuum subsecutorum, heroicæ perfectio virtutes solæ sunt, quæ personæ qualitatem & effectus subsecutos possunt patetacere & aperte indicare.**

3. Plura causarum Beatificationis & Canonizationis exempla facile afferri possent, in quibus modo supra explicato habita est ratio visionum & ap-

& apparitionum. Præ ceteris autem ponderandum proponimus exemplum causæ S. Tereſiæ. Juxta morem tunc temporis receptum edita fuit à Rotæ Auditoribus relatio de ejus virtutibus; & poſtquam art. 21. §. 4. & 5. facta eſt exacta relatio viſionum, apparitionum, & revelationum, iidem Rotæ Auditores ita ſubjecerunt: *Quod autem hujusmodi viſiones & revelationes, & cetera omnes, quas Beata Tereſia habuit, prout in ſuis libris ſcripta apparent, ſunt vera, & a Spiritu Sancto proceſſerint, nihilque habuerint illuſionis, nec participationis ſpiritus maligni, facile nobis perſuafum ſuit primò ex ſanctitate excellenti, & virtutibus heroicis iſtius Beata Virginis, ut ex omnibus articulis hujus ſecunda partis clare conſtat: item & ab effectibus reſultantibus ex iſdem viſionibus & revelationibus, nempe humilitate profunda, & incremento amoris Divini, & reliquarum virtutum, necnon utilitate & edificatione Proximorum: tum etiam approbatione tantarum graviffimorum virorum tam litteris, quam prudentia, virtute, & pietate conſpicuorum, quos ſuperius non ſemel nominavimus, præſertim art. 2. cum de ſanctitate in genere ageremus, inter quos Praefiles, Magiſtros ſacra Theologia, illiſque publicos Profeſſores, & ſere omnes ejuſdem Beata Virginis Confeſſarii reperimus, quibus eadem Beata favores & gratias, quas in oratione & raptibus Deus illi conſerebat, ſemper conſulere ac maniſeſtare curabat, ut ipſi omnia illa examinarent, ſibiſque conſilium præberent, & dijudicaret, an in dictis favoribus Divinis aliquid illuſionis fugiendum reperi-
rent, quos conſulebat cum determinatione & reſolutione potiùs inſequendi conſilium ipſorum, illiſque fidem majorem adhibendi, quam prædictis revelationibus; dicebat enim, quod in obediendo ſuis Confeſſariis errare non poterat, prout in credendo revelationibus & viſionibus. Unde ex prædicto tam exacto examine iſtius ſpiritus hujus Beata Virginis, ipſiusque viſionem ac revelationum, & illarum approbatione a tot viris inſignibus & eruditis, non videtur dubitandum, prædictas revelationes & viſiones eſſe veras, & procedere a ſpiritu bono & vero, non autem ab illuſorio & falſo. Nec eo minus iſta revelationes & viſiones probari videntur, quod de illis poſſiſſimam atteſtationem deſumamus ab ejuſdem Beata Virginis Tereſiæ ſcriptis in prædictis ſuis libris, & a decem Confeſſariis illius, qui de auditu ab eadem deponunt; nempe Episcopus Calaguritanus Dominus Petrus Manſo, & Episcopus Tiraſonenſis Dominus Didacus de Yepes, & Episcopus Abulenſis Frater Don Joannes de la Cuebas, & Episcopus Segobienſis Dominus Petrus de Caſtro, & Magiſter Frater Bartholomæus de Medina, Magiſter Dominicus Bannes, & Magiſter Didacus de Janguas Ordinis Prædicatorum, & Pater Egidius Gonzalez de Avila, & Pater Henricus Enriquez, & Pater Hieronymus de Ripalda Societatis Jeſu, præter alios inſignes viros ſæpius nominatos: quia, ut jam probavimus in relatione miraculorum art. 3., revelationes & viſiones unico teſte fide digno probantur, & cum ex natura rei alii teſtes dari non poſſint, nec ab alio, quam ab ipſomet, quem Deus ſimilibus favoribus proſequi dignatus eſt, probari poſſint, materia ſubjecta facit, ut iſdem Beatis, quibus contigerunt, & illorum Confeſſariis de auditu ab ipſis ſtandum ſit, ut in terminis fuit firmatum in relatione S. Franciſcæ part. 2. art. 12. de viſionibus & revelationibus; & conducunt plu-
Tom. III. G g g g g rimum*

vinum firmata in relatione Sancti Raymundi part. 2. art. 8. vers. Nos tamen. Et eo maxime, cum ex supradictis clare & evidenter constet de eximia sublimique sanctitate, necnon de miraculis multis & magnis a Deo operatis, meritis & intercessione istius Beata Virginis Tereſia, quæ operantur inter alia, ut illius dictis & scriptis major fides sit adhibenda. Et quod Deus tam familiariter per medium visionum & revelationum cum fidelissimis amicis loquatur, illisque sua secreta manifestet, non est novum neque inusitatum. Divina enim Majestas civitates illas funditus everſura, his verbis amico suo Abraham loquitur Genes. cap. 18. Num celare potero Abraham, quæ gesturus sum? Et in Amos Propheta cap. 3. sic legitur: Non facit Dominus Deus verbum, nisi revelaverit secretum suum ad servos suos Prophetas. Apostolos etiam Dominus, Joannis cap. 15. his verbis est affatus: Jam non dicam vos servos, sed amicos, quia servus nescit, quid faciat Dominus ejus. Vos autem dixi amicos, quia omnia, quæ audivi a Patre meo, nota feci vobis. Et omnes fere Sanctos, maxime Ordinum Fundatores, Divinis visionibus & revelationibus illustratos fuisse legimus, ut in libris historiarum Sanctorum Benedicti, Bernardi, Dominici, & Francisci, & aliorum, qui præ manibus habentur, in quibus innumera visiones ac revelationes, aliique favores Divini tam ipsi sanctis Fundatoribus, quam aliquibus eorum discipulis collati, scripti reperiuntur. Absque dubio itaque Deus cum suis amicis familiariter loquitur, & his maxime favere solet, quos ad opera grandia eligit, qualis fuit Beata Tereſia, quam & Fundatricem unius perfectissima Religionis, & Magistram spiritualis doctrina a Deo optimo maximo datam fuisse constat, ut supra art. 2. de sanctitate in genere probavimus.

4. Cardinalis Bona in sæpe citato tractatu cap. 20. num. 5. qualitates recenset, quæ fuerunt in visionibus, apparitionibus, & revelationibus S. Tereſiæ, dicens, ab eis, tanquam a Lydio lapide, ceterarum valorem esse explorandum. Primo ergo, ut ibi narrat, semper timebat diabolicas illusiones; ita ut nunquam visiones petierit, aut desideraverit, quin potius Deum exoraverit, ut se duceret per viam consuetam, hoc solum optans, ut in se fieret Divina voluntas: secundo, quod licet soleat Dæmon præcipere, ut quæ revelat nemini dicantur; illa semper a Spiritu sibi apparente audiebat, ut communicaret cum viris doctis: tertio, suis Directoribus exactissime obediebat, & post visiones magis proficiebat in charitate & humilitate: quarto, libentius cum illis agebat, qui erant minus creduli, & eos diligebat, qui sibi persecutiones inferebant: quinto, in ejus mente summa erat tranquillitas & jucunditas, & in corde servens desiderium perfectionis: sexto, ab eo, qui intus ei loquebatur, reprehendebatur de imperfectione, si quam habebat: septimo, cum ei dictum esset fore, ut si quæ iusta sunt a Deo peteret, ea indubitanter obtineret, multa petiit, & semper obtinuit: octavo, quicumque cum illa versabantur, nisi prava dispositio obſtaret, ad amorem Dei excitabantur: nono, visiones & apparitiones ut plurimum ei contingebant post longam & ferventem orationem, vel post susceptam Eucharistiam, & in ea accendebant

bant serventissimum desiderium patiendi pro Deo : decimo , carnem flagellis ac ciliciis castigabat , & gaudebat in tribulationibus , murmurationibus , & infirmitatibus : undecimo , solitudinem amabat , abhorrens ab hominum conversatione , & avulsa ab omni humano affectu : duodecimo , tam in prosperis , quam in adversis semper eandem animi tranquillitatem servabat : ultimo , nihil unquam in ejus visionibus & apparitionibus viri docti observarunt , quod a regulis Fidei & Christianæ religionis esset alienum , aut quod in illis posset reprehendi .

5. Quæ dicta sunt de visionibus non petendis , aut desiderandis confirmari possunt auctoritate S. Bonaventuræ in *tract. de Prof. Relig. lib. 2. cap. 76. pag. 649. tom. 7.* cujus hæc sunt verba : *Aliis autem videtur esse securius , talia non quarere , oblati non cito credere . . . Aliquando etiam oblata , velut minus fructuosa , parvi pendere , ut , si vera sint , se habeant indifferenter ad ea ; si falsa , non imitantur eis , ne decipiantur :* item Gersonis auctoritate in *tractat. de probat. spirituum col. 41. tom. 1.* ubi docet , eis esse humiliter renuntiandum , & formam renuntiationis affert his verbis : *Dicatur reverenter cum Petro : Exi a me , Domine , quia peccator sum , Luc. 5. 8. quia vilis sum , quia visionibus tuis indigne sum , quas hic neque quero , nec accepto , sed repello . Sit in celo , non in hoc saculo visio tua , tota merces mea Domine Deus , & sufficit . Quid ad me de visionibus tuis in hac vita ? Et paulo ante : Opponet forsitan aliquis ex Apostolo jubente , Nolite (inquit) spiritum extinguere Thess. 5. 19. Si sit ergo visio a Spiritu Sancto , quæ nihilominus repellitur , quid hoc est , nisi Spiritui Sancto resistere , suamque nascentem Gratiam suffocare ? Sed profecto Spiritus Sanctus , qui se dat humilibus , nequaquam ex humiliatione , quam prædiximus , se subtrahet : intrabit potius , & in beneplacito suo deducet victor super excelsa animam hanc in oculis suis vilem , & absque ulla ruga fictionis .* Co resonant documenta S. Philippi Neri in ejus vita scripta a P. Petro Jacobo Baccio lib. 3. cap. 2. num. 20. , ubi inter cetera hoc de visionibus & apparitionibus legitur : *Consigliatovi , e molte volte comandava a' suoi , che le rigettassero con ogni potere : nè dubitassero per questo far dispiacere alla Divina Maestà , perchè questa è una delle prove da conoscere le vere dalle false visioni .* S. Vincentius Ferrerius *tract. de vita spirituali cap. 12.* apud Gravidam subjicit : *Tale namque desiderium non potest reperiri absque radice & fundamento superbia & presumptionis , immo tentationis curiositatis erga res Divinas , nec sine aliqua vacillatione , & fluctuatione Fidei :* idque , allato testimonio S. Terefix , & aliorum Magistrorum vite spiritualis , prosequitur Gravidam *cir. oper. part. 2. lib. 2. cap. 18.*

6. Idem dici potest de ceteris circumstantiis bene ponderatis a supra citato Cardinali Bona , in visionibus , apparitionibus , & revelationibus S. Terefix : de necessitate quippe eas communicandi cum viris doctis , non credulis , sed potius timidis , aliqua indicantur a S. Bonaventura *loc. cit. Querant super his consilium Sapientum solummodo , & paucorum .* Inter cetera signa , quibus visiones , apparitiones , & revelationes S. Birgittæ inter Divinas relatæ sunt , adscribitur & illud , quod omnia judicio Sapientum

submittebat, teile Cardinali a Turrecremata in prologo ad dictas revelationes cap. 2. ubi hæc scribit; Omnia examini, judicio, & correctioni Patris spiritualis, & aliorum spiritualium Patrum, & sapientum Prælatorum Ecclesiæ offerens humiliter submittebat: & Joannes Gerlon loc. cit. col. 40. salubre hoc monitum pro Confessariis, & Magistris spiritualibus animarum scriptum reliquit: Cave ergo, quisquis eris auditor, aut consultor, ut non applaudas tali personæ, non obinde laudes eam, non mireris quasi sanctum, dignamque revelationibus atque miraculis. Obfiste potius, increpa dure, sperne eam, cujus sic exaltatum est cor, & elati sunt oculi, ut ambulet in magnis & mirabilibus super se, ne digna sibi videatur, quæ non humano aliorum more operetur salutem suam, per doctrinam scilicet Scripturarum, & Sanctorum, cum dictamine rationis naturalis, nisi consilium habere præsumat, & putet nedum ab Angelis, sed a Deo, nedum semel in necessitatibus, sed pæne jugiter, velut in quotidianis colloquutionibus. Talem admone, non sublime sapere, sed sapere ad sobrietatem; quoniam verissime ait, qui dixit: Superbia meretur illudi, &c. Enarrentur exempla Sanctorum Patrum, qui curiositatem hujusmodi visionum, vel miraculorum perniciosissimam fallacissimamque refugerunt. A qua se Augustinus liberatum in suis Confessionibus gloriatur in Domino; Quam præterea Dominus Bonaventura abhorrendam nimis esse determinat, totoque conatu repellendam nunc orationibus, nunc increpationibus, seu flagellationibus propria mentis & corporis. Exemplo illius, qui ut tentatione careret superbia, quæsit, & obtinuit a Domino, ut per tres menses de noniaca vexaretur obsessione. Concordant Philamatinus de Divinis revelat. tract. 1. cap. 3. num. 7. & seqq. cæterisque allegatis, Gravina part. 2. cit. oper. lib. 1 cap. 7.

7 Mentis summam tranquillitatem, amoris Divini incrementum, continuam humilitatem Cardinalis a Turrecremata in prologo ad revelat. S. Birgitta cap. 2. extollit tamquam signa Divinæ visionis & revelationis: Sapore quodam interna dulcedinis afficiebatur, & Divini amoris incendio vehementius inflammabatur &c. Quanto altiori lumine, & copiosiore Divina illustrationis splendore elevabatur, tanto profundioris humilitatis effecta conficiebatur Deum Patrem lumen, a quo est omne datum optimum, & omne donum perfectum descendit, & laudibus glorificabat, & benedicebat continuis. Gerlon de distinct. ver. visionum à falsis col. 46. oper. tom. 1. ait: Est igitur hominibus saluberrimum consilium, contra tales Demonum illusiones pondus humilitatis observare, se reputare intellectu pariter & affectu indignissimum, qui super alios homines revelationem accipiat, qui præ aliis a Deo mirabiliter visietur; & si qua talia præter solitum evenire circa eum contigerit, rejiciat a se cum sancto, humili, verecundoque pudore. Deputet talia vel lesioni propria phantasia; & se habere aliquid simile phreneticis, & maniacis, aut melancholicis reformides; vel caveat, ne propter enormitatem præcedentium peccatorum datus sit in reprobam sensum, ut talibus illusionibus seducatur. Si talia sint Diaboli machinamenta seu tentamenta, ex humilitate hujusmodi evanescent; aut si velit Deus, quod in his tolerandis exerceatur, non nocebunt. Si vero sit Divina revelatio, non facta humilitas pie renitens, magis preparabit locum

ad

ad ipsius susceptionem, & audire merebitur. Amice, ascende superius, Luc. 14. 10. quanto in loco plus infimo recumbere conabitur. Magister Joannes de Avila in tractatu, qui inscribitur, *Audi filia*, cap. 52. sic instruit consilium quærentem de suis visionibus & apparitionibus: Si humilior roadis, & verecundus de culpis & defectibus commissis, & cum majori reverentia & tremore coram infinita magnitudine Dei, nec desideria concepisti vana communicandi aliis, quod a Deo recepisti, sentisque cor tuum quietum, immo magis, quam antea, & in tui cognitione persistis, sicut antequam revelationem haberes, aliquale signum est, quod sit a Deo &c. Quando autem est Diaboli fraus, omnia e contra eveniunt, quia in principio, vel in fine visionis aut revelationis sentit anima, quod vane desiderat de rebus illis loqui cum propriis astinatione judicii, reputans, quod Deus in illo magna operaturus sit, nec habet gustum in consideratione suorum defectuum, nec vult ob aliquo reprehendi. & Beate Angelæ de Fulgino dubitanti de suis visionibus, apparitionibus, & revelationibus, Dominus Deus ita dixit: In hoc cognosce me esse, qui te alligat, quod pro eo tempore nec divertere poteris ad aliquod aliud cogitandum; etiam si velis, nec mani gloria affici ob id, quod accipis; & alia vice: Externa signa, quæ a me petis, quod ego sum qui te alloquor, incerta sunt, & fraudi subiecta. Sed nunc dabo tibi signum adeo certum, ut non possis Demon imitari: & illud est desiderium quoddam adeo accensum, & vehemens mei causa sustinendi labores & contemptus, ut aque libenter videas, te contemni, atque alii vident, se honorari.

8 Carnis castigationem, & mortificationem exposcit Gravina cit. oper. part. 2. lib. 1. cap. 17. sequentibus verbis: Insuper discutiendum est, an hæc asserita dona & charismata, cum mortificatione & cruce sint conjuncta: nam, si nec antecederent, vel concomitantes, vel saltem subsequenter sint hæc ad invicem connexa, valde suspecta sunt tales revelationes & prophetia. Fundamentum, quia hæc dona dantur ad manifestationem Fidei, & utilitatem Ecclesiæ: Fides autem maxime ostenditur super omnia alia signa ex mortificatione & patientia Christiana; his enim crevit maxime Christiana religio, quibus mundus victus est & proculcatus. Oportet multo ergo magis his novissimis temporibus ad has notas respicere, quam ad quævis alia mirabilia, ut sciamus, num hæc dona a Patre luminum descendant. Ipse Fidei nostræ auctor Jesus Christus, Apostoli, DD. Ecclesiæ nihil aut parum de ejusmodi visionibus prædixerunt, scripserunt, inculcarunt, sed totam Christiani ædificii basim in charitate, in humilitate, mortificationibus, & persecutionibus perferendis constituerunt: & aliorum conversionem, tanquam signum Divinæ visionis & apparitionis, Episcopus Giennensis in opere infra citando cap. 6. pag. 272. habet tanquam Divinitatis indicium: Et ideo, quando videmus, quod ex talibus visionibus, seu verbis revelatis mens illuminatur, intellectus & conscientia videntis illustratur, & vita ejus corrigitur & emendatur, convertuntur homines vitiosis ad virtuosam & religiosam vitam, & de guerra & odio ad pacem, de superbia ad humilitatem & obedientiam, & de malo ad bonum, & hoc in multis personis & diu perseveras. Tunc certissimum signum est, quod tales visiones & revelationes, quæ talem fructum germinaverunt & produxerunt, non a Diabolo, sed a Spiritu

Spiritus Sancto potius processere, quā facere Diabolo impossibile est, immo totum contrarium procedit a visionibus, seu potius illusionibus suis.

9. Amor decem solitudinis ab hominum conversatione ad rem, de qua nunc agitur, consideratur a Larrea in nov. decis. *Sematus Granat. part. 1. num. 61. & 62. ex quo etiam infert, merito in suspicionem adduci visiones & apparitiones, quas ille, qui habuit, passim evulgat, & ceteris aperit: Videntur huiusmodi visionum fidem exuere, hunc hominem quasi sincerum, aliquanti elevatione jactare revelationes, & facile quibuscumque referre, quod merito possit in suspicionem adducere &c. Quod pertinet, ut omnibus Divini favoris vestigia & signa facile effusis & communicet, nihil magis alienum a Sanctorum studio & professione: plures quippe veris illustrari visionibus id maxime curant, semper celare, & si ab aliquo perciperentur, secretum injungere.* Notanda sunt verba passim evulgas: communicatio enim cum viro probo, vel ea intentione, ut profit animæ ejus, cui visio aut apparitio exponitur, nullatenus interdicta dici potest. Quocirca S. Teresa in sua vita cap. 7. pag. 27. hæc habet: *Non fo io, perchè si abbia a permettere, che per le conversazioni e affezioni umane, benchè non siano molto buone, si procurino amici con chi sfogare, e per più godere di quelli vani piaceri; e a chi comincia da doverlo ad amare e servire Iddio, non si permetta conferire con alcune persone i suoi gusti e travagli &c. Quando l'amicizia che vuol avere con sua Maestà, è da doverlo, non tema di vanagloria &c. Gioverà a se, e a quelli che l'udiranno, e ne usciranno più ammaestrati.* Huc referri possunt, quæ alibi dicta sunt de jactantia & vana gloria. Ad revelationes proprie pertinet, quod dictum est de consonantia cum regulis Fidei & Christianæ perfectionis: & ideo de ea habebitur sermo, cum de revelationibus tractabitur. Ven. Dei Servus Ludovicus de Ponte cap. 24. in duce spirituali tract. 1. supradictas omnes qualitates, quibus Divina visio a dæmoniacis secernitur, pluribus exponit, quas repetit Tanner. in oper. cit. tract. 1. cap. 9.

10. Quocirca, præfens caput concludendo, dicimus, visionum & apparitionum nullam in causis Beatificationis & Canonizationis habendam esse rationem, nisi virtutum heroicarum probatio præcesserit; & ut optime Gravina 2. part. oper. cit. lib. 1. cap. 5. & cap. 14. nisi præcipue exitus vitæ illius, cui contigerunt visiones, apparitiones, & revelationes, fuerit illustris, & sanctimonia plenus. Quod si hoc necessarium est in causis Beatificationis & Canonizationis (ut alibi probatum fuit) speciali jure sibi vindicat locum in causis eorum, quibus, dum viverent, visiones & apparitiones obtigerunt, teste Episcopo Giennensi in lib. infra citando cap. 6. pag. 272. ubi hæc habet: *Sentum signum est, quod... a Deo sint, & non a maligno Spiritu (visiones), mors, seu finis laudabilis & virtuosus persona videntis visiones.* Nam sciendum est, quod quando aliqua persona a visionibus, seu potius illusionibus sub specie lucis longæva decepta fuerunt, ostendentes eis Diabolo multa verba, ut in fine in uno falso eas deciperet, communiter semper invenimus in scriptura sanctorum Patrum, quæ isti sic delusi, in aliquo errore, vel morte mala aut subitanea, aut sine perceptione in fine ipsorum Sacramentorum a Diabolo extincti sunt.

Et hoc

Et hoc voluit Deus semper aliis patefacere, ut a simulaculis illusionibus coloratis daceret eos capere. Sed per contrarium in Sanctis suis, qui Divinis visionibus seu revelationibus in vita eorum consolabantur & illuminabantur. Deus in eorum morte operari solitus est. Quia in vita eorum semper eos protegendo direxit, ac ipsos multis virtutibus & miraculis adornavit. In morte quoque per aliquam singularem gratiam, quasi quodam approbationis iudicio, eos mirifice clarificavit. Item asserimus, visiones & apparitiones non posse pro caelestibus & Divinis haberi, nisi praeterea eis insint eae qualitates, quae superius commemoratae sunt: & demum, nec silentium esse imponendum, nec causas eas esse contemnendas, in quibus, licet evidenter probatae sint virtutes heroicæ, visiones tamen & apparitiones deficiunt.

11 Alibi dictum est, visiones & apparitiones non posse probari, nisi dicto, vel scripto ejus, cui facta dicitur visio seu apparitio: Confessarii quippe, & spirituales Magistri, quorum depositiones excipiuntur, & quae sunt omnino necessariae, suam trahunt originem semper ab ea persona, cui visio aut apparitio facta est. Virtutes, virtutum incrementa, & multae ex qualitatibus supra recensitis, quarum ope caelestes visiones discernuntur, ab aliis testibus peti possunt: sed, cum nonnullae ex eis solo Magistrorum spiritualium dicto probari possint, non poterit causa Beatificationis & Canonizationis abundans visionibus & apparitionibus felicem exitum habere, nisi spiritualium Magistrorum testimonia de qualitate visionum & apparitionum accedant, & nisi insuper constet de eorum probitate, prudentia, & experientia. Cardinalis a Turrecremata in prologo ad *revelationes S. Birgittae* cap. 1. doctissimos viros recenset, qui eas bene perpenderunt & examinarunt. Alphonsus Episcopus Giennensis, & postea Eremita probatissimus, & comes itinerum S. Birgittae supra citatus in prologo ad lib. 8. *revelationum* cap. 6. pag. 268. hæc refert de approbatione virorum doctorum de Divinis visionibus, apparitionibus, & revelationibus prædictæ Sanctæ; Clara, & notorie manifesta est ista Gratia Divina, præfata Beata Domina divinitus gratis data, quod nulla susceptione fallacis spiritus valeat obscurari, maxime cum jam ipsa de hoc alias fuerit in Regno Suetie diligenter examinata per Prelatos, ac viros spirituales, & Magistros in Theologia, per quos fuit determinatum, quod ista Gratia sit Divina, & a Spiritu Sancto divinitus ei data &c. Iterum in Neapoli in presentia Domini Bernardi Archiepiscopi, & trium Magistrorum in Theologia, & aliorum plurium Militum, & peritorum Virorum, me teste, ista Gratia fuit approbata. S. Terefix spiritum probarunt S. Petrus de Alcantara, S. Franciscus Borgia, Joannes Abulensis, Baltassar Alvarez, Dominicus Bannez, & alii probissimi & doctissimi viri. Tres sunt causæ Beatificationis & Canonizationis, in quibus, dum munereungebar Fidei Promotoris, de visionibus & apparitionibus actum est, videlicet S. Catharinæ de Ricciis, Ven. Dei Servi Josephi de Cupertino, Ven. Dei Servi Alphonsi de Orocco; quibus alia addi potest, post dimissum a me Promotoratus Fidei officium, videlicet S. Catharinæ Januensis: & in omnibus prædictis non defuerunt amplissima

fima testimonia virorum pietate & doctrina præstantium, qui, omnibus perpenſis, iudicium tulerant de qualitate ſupernaturali viſionum & apparitionum, quas probe noverant ex converſatione cum eis, quibus contigerant, & earum communicatione ſibi facta pro directione & conſilio.

12 Addidimus, nec ſilentium eſſe cauſis imponendum, nec eas eſſe contemnendas, in quibus adſunt plenæ probationes virtutum in gradu heroico, ſed deſunt viſiones & apparitiones. Hæ quippe ſe habent ad inſtar ceterarum Gratiarum gratis datarum: quare S. Vincentius Ferrerius (*in tract. de vita ſpirituali cap. 13.* ait: *Non habeas magnam aſtimationem viſionum earum, & ſentimentorum, nec raptuum: immo ſi dicerent tibi aliquid, quod ſit contra Fidem, & contra ſacram Scripturam, aut contra bonos mores, abhorreas earum viſionem & ſentimenta, tanquam ſtultas dementias, & earum raptus ſicut rabimenta.* Ideoque, quemadmodum (ſalva exultatione cauſarum, in quibus Gratiæ gratis datæ deſunt, ſi virtutes heroicæ adſint) diximus Gratiæ gratis datas reddere illuſtriores virtutes in iis cauſis, in quibus Gratiæ iſtæ abundant; hoc ipſum dicendum eſſe cenſemus de viſionibus & apparitionibus, ſi illi, quibus obtigerunt, virtutibus heroicis præditi fuerunt; uti proſequitur memoratus Sanctus Vincentius Ferrerius *loc. cit.* his verbis: *Tamen ſi dicant (loquitur de revelationibus & apparitionibus) ſive iudicent in hoc, quod eſt ſecundum Fidem, & ſanctam Scripturam, & ſecundum ſanctos & bonos mores; noli ſpernere, quoniam ſperneres quod eſt Dei; tamen non conſidas totaliter, quia ſæpe, maxime in tentationibus ſpiritalibus, falſitas inducitur ſeu abſconditur ſub ſimilitudine boni, ut Diabolus poſſit ſæpe & melius mortale venenum ſine ſuſpitione diffundere: & ideo credo, quod plus placeas Deo, quod viſiones, & ſentimenta, & Raptus, qui, ſecundum quod dictum eſt, habent ſimilitudinem veritatis & bonitatis, dimittas ire pro tanto, quantum valent; niſi contingant aliquibus perſonis ratione ſanctitatis, & diſcretionis, ac earum humilis probitatis, de quibus certum eſt, quod prædictæ perſone non poſſunt decipi per illuſiones, nec per ingenium Diaboli.*

13 Dices, viſiones, apparitiones, & revelationes, & earum qualitatem ex aliis capitibus diſcerni poſſe, de quibus mentio a Nobis facta non eſt. Si etenim perſona, cui contigerunt, ſit Inſideliſ, apoſtata a Fide, arreptitia, in exercitiis ſpiritalibus novitia, ſuperba, ambitioſa, carnaliſ, ebrioſa, iracunda, ſimultates exercens, hypocrita, hæc argumento ſunt, omnia a Dæmone proceſſiſſe, quemadmodum pluribus proſequitur Torre *in 2. 2. D. Thome queſt. 95. art. 3. diſput. 3. in 3. claſſ. ſignorum.* At reſpondetur, prædictarum qualitatum examen ſibi vindicare locum, cum agitur de viſionibus, apparitionibus, & revelationibus in tribunali ſanctiſſimæ Inquiſitionis, ut ſtatuatur, an perſonæ, cui contigerunt, tamquam illuſæ, Magiſter ſpiritalis prudentia præditus ſit assignandus; an in aliquo loco claudenda ſit a ceterorum commercio ſegregata propter ſuſpicionem affectatæ ſanctitatis; an, & quæ illi abjuratio ſit indicenda; quatenus videlicet ſuſpicio hæreſis adſueſcit; quemadmodum obſervat Cardinalis Albitius

de in-

de inconstantia in Fide cap. 40. num. 141. & seqq.: cumque nostrum hoc Opus, qualecumque sit, examen causarum respiciat Beatificationis & Canonizationis, quæ pertractantur in sacrorum rituum Congregatione, absonum profecto fuisset, de prædictis vitiis & peccatis sermonem instituere. Cum enim de visionibus, apparitionibus, & revelationibus, deque earum qualitate agatur, postquam satis constat de virtutibus, earumque fama, hinc clarissime apparet, de iis, quæ cum virtutibus, earumque fama coalescere non possunt, agi a Nobis non debuisse.

CAPUT ULTIMUM.

De Revelationibus.

1 **Q**UAMVIS, dum superius ageretur de visionibus & apparitionibus, sæpe etiam sermo habitus sit de revelationibus, quoniam (ut infra dicitur) communia sunt revelationibus multa ex iis, quæ ad visiones & apparitiones pertinent; opere pretium nihilominus visum est, nonnulla exponere ad ipsas revelationes proprie pertinentia. Omnes visiones & apparitiones eo potissimum tendunt, ut aliquid occultum hominibus reveletur sive ad salutem & instructionem, si a Spiritu bono sunt, sive ad perniciem & condemnationem, si a malo, uti notat Cardinalis Bona *de discret. spirit. cap. 20. num. 1.* cui accedit Scacchus *de nor. & sign. sanctis. sect. 8. cap. 4. pag. 617.* ubi ait, revelationem esse, quoties aliquid hominibus manifestatur, quod prius erat incognitum; & quamvis in qualibet visione aliqua semper manifestatio fiat, ea tamen satis non est ad constituendam revelationem; nam qui videt, aliquando rei quam videt, significationem non intelligit; quando intelligit, habuisse dicitur revelationem. In *Act. Apostol. cap. 10.* narratur, S. Petrum in excessu mentis vidisse cælum apertum, & vas quoddam descendens, uti lintheum magnum de cælo quatuor initiis in terram submissum, in quo erant omnia quadrupedia, & serpentina terræ, & volatilia cæli, & audivisse dicentem, ut fureret., & occideret, & manducaret. Hæsitavit Petrus intra se, quidnam esset visio, quam vidisset: cumque eam non intellexisset, venit in Joppen, & cum introisset in domum Cornelii Centurionis, & ibi multos invenisset ex Gentilibus, qui ipsum expectabant, ut verbum Dei audirent, tunc cognovit, quid sibi vellet visio linthei, dixitque illis v. 28.: *Vos scitis, quomodo abominatum sit viro Judæo conjungi, aut accedere ad alienigenam; sed mihi ostendit Deus., neminem communem aut immundum dicere hominem.* Petrus antea viderat, & audiverat; sed visio indolem revelationis non induit, nisi cum Petrus eam intellexit. Demum Arauxo *in decis. moral. tract. 3. quest. 23. §. 2. num. 32.* hæc habet: *Pro eodem accipiuntur visio, & revelatio, cum hoc solo discrimine, quod revelatio supponit visionem, & addit supra illam ejus, quod videtur, intelligentiam, juxta illud Danielis 10. Intelligentia enim opus est in visione.*

... Tom. III. H h h h h 2 Re-

2. Revelatio privata, de qua in presenti tantum agitur, non proponitur Ecclesie, sed solum sit peculiariter alicui persone, sive id quod revelatur, non cedat in bonum commune Ecclesie, sive etiam in bonum Ecclesie cedat, juxta ea quæ habentur apud Scacchum *de not. & sign. sanctus. sect. 8. cap. 4. §. His praconsideratis*, & apud Valentiam *commentar. Theolog. tom. 3. disput. 1. quasi. 1. punct. 1. §. 5. §. Ceterum, & seqq.* Non ergo hic agitur de revelationibus, quæ factæ sunt Apostolis & Prophetis, quibus Fides Catholica innititur, juxta doctrinam D. Thomæ *1. part. quasi. 1. art. 8. ad secundum*, ubi ait: Innititur enim Fides nostra revelationi Apostolorum & Prophetarum factæ, qui Canonicos libros scripserunt, non autem revelationi, siquis fuit aliis Doctoribus facta. Fides quippe nostra non crevit quoad substantiam, licet nunc quædam explicite credantur, quæ antea latebant, veluti profequitur idem S. Doctor *2. 2. quasi. 1. art. 7.* ubi proposita questione, *Utrum articuli Fidei secundum successionem temporum creverint*, ita respondet: *Dicendum est, quod, quantum ad substantiam articulorum Fidei, non est factum eorum augmentum per temporum successionem, quia quacumque posteriores crediderunt, continebantur in Fide præcedentium Patrum, licet implicitis. Sed quantum ad explicationem crevit numerus articulorum, quia quædam explicite cognita sunt a posterioribus, quæ a prioribus non cognoscebantur explicite.* Sermo constantur ad privatas revelationes, de quibus idem S. Doctor *2. 2. quasi. 174. art. 6. ad tertium* ita loquitur: *Joannes etiam librum propheticum conscripsit de fine Ecclesie, & singulis temporibus non defuerunt aliqui prophetia spiritum habentes, non quidem ad novam doctrinam Fidei depromendam, sed ad humanarum actionum directionem.* Item (quemadmodum diximus) visiones & apparitiones esse triplicis generis, naturales videlicet, dæmoniicas, & cælestes seu Divinas, ita hoc ipsum dicimus de privatis revelationibus: Movra de incarnationibus *sect. 2. cap. 3. num. 2.* Cardinalis Albitius de *inconf. in Fide cap. 40. num. 132. & seqq.* Naturales sunt, quæ originem habent a causâ naturali, ab atræ videlicet bilis abundantia, a corporis inedia, a nimis vigiliis, a cerebro læso, a turbida, & plus æquo vehementi imaginatione, veluti late exponit Torre in *2. 2. D. Thomæ quasi. 95. art. 3. disput. 3. in 3. class. signorum*, & sequuntur Martinus del Rio *disquisit. magicar. lib. 4. cap. 1. quasi. 3. sect. 2. n. 4.* & Philamarinus de *revelation. tract. 1. cap. 2. num. 4.* Dæmoniicæ sunt, quæ a Dæmone procedunt, cum Dæmon non modo mala, sed etiam aliquando nonnulla bona revelet, ut incautos subinde decipiat, & vel a majori bono avertat, vel ad malum impellat, uti late exponit S. Gregorius *lib. 32. moral. cap. 17. & lib. 33. moral. cap. 2. col. 1076. tom. 1.* ad illa verba Job, *Omnes bestia agri ludens*, & de prædictis dæmoniicis revelationibus multa collecta legi possunt apud Larream *part. 1. decis. Granatem. in ultima decisione de revelationibus num. 8. & seqq.* apud Martinum del Rio *cit. sect. 2. in principio*, & Philamarinum *tract. 1. cap. 2. num. 10.* inter quas recenseri forte possunt nonnullæ, quæ ab Hæreticis tum antiquis, tum recentioribus tanquam sibi factæ narrantur, nisi potius inter ipsorum mendacia sint adscribendæ,

benè. Celebres illæ sunt, quas protulerunt Cberintus, Montanus, & ejus Prophetissa, necnon Lutherus, Carolostadius, Thomas Munsterus, & Anabaptistæ. Cælestes demum Divinæque privatæ revelationes illæ sunt, quibus Deus aliquando aliquam personam illuminat, & instruit vel ad suam, vel ad aliorum æternam salutem. Cælestis revelationis exemplum defuncti potest ex *epist. 11. S. Cypriani*, ubi revelationem sibi factam a Deo de futura Deciana Persecutione sequentibus verbis exponit pag. 186.: Nam & illud ostensum est, quod *sedes Paterfamilias, sedente sibi ad dexteram juvene, qui juvenis amicus, & cum quadam indignatione subtristis maxillam manu sustinens moesto vultu fidebas. Alius vero in sinistra parte consistens, rete portabas, quod se mittere, ut circumstantem populum caperes, minabatur. Et cum miraretur, quid hoc esset, ille qui vidit, dictum est ei, juvenem, qui ad dexteram sic sederet, contristari & dolere, quod præcepta sua non observarentur; illum vero in sinistra exultare, quod sibi daretur occasio, ut a Patrefamilias potestatem sumeres servandi. Hoc prius longe ostensum est, quam tempestas vastitatis hujus oriretur. Et vidimus impletum, quod fuerat ostensum, ut dum Domini præcepta contemnimus, dum data Legis mandata salutaria non tenemus, facultatem nocendi inimicis acciperet, & minus armatos, & ad repugnandum minus cautos jactu retis aperiret. Oremus instanter, & assiduis precibus ingemiscamus. Nam & hoc nobis non olim per visionem, Fratres carissimi, exprobratum sciat, quod dormitemus in precibus, nec vigilanter oremus. Idemque S. Cyprianus futuram pacem sibi divinitus revelatam in ead. *epist.* Clero suo patefecit pag. 287. Denique ad minimum famulum suum, & in delictis licet plurimis constitutum, & dignatione ejus indignum, tamen ille pro sua circa nos bonitate mandare dignatus est. Dic illi (inquit) securus sis, quia pax ventura est, sed quod interim morula est, supersunt adhuc aliqui, qui probentur &c. Dissimulare hac singula, & apud conscientiam meam solus accusare non debui, quibus unusquisque nostrum & instrui, & regi possit.*

3 Centuriatores Magdeburgenses privatarum revelationum extra Canonicos libros vagantium hostes infensissimi eas penitus eliminare conantur, & Melancthon eas inter fabulas & superstitiones enumerat. Inter Catholicos Henricus de Haffia, & Sibyllanus, licet admittant nonnullas revelationes veras, ac divinitus factas extra Canonem, nonnullas tamen factas nonnullis feminis, quamvis sanctitate conspicuis, docent non esse probandas, aut acceptandas pro veris, vel a Spiritu Sancto dictatas, ut infra videbitur. At Gravina in *cit. lapide Lydio*, evidenter ostendit adversus Centuriatores, primo, admittendas esse varias revelationes particulares & privatas, desumptis ex historia Ecclesiastica validissimis argumentis; secundo, multos alios Hæreticos frustra tentasse has veras revelationes eliminare; tertio, a multis impostoribus nonnullas fuisse confictas; quarto, non cessasse nostris temporibus verarum revelationum particularium donum; ultimo, in eo rem verti ut recte examinetur & perpendatur, quamnam sint particulares revelationes, quæ ad Deum tanquam Auctorem possunt referri.

H h h h h 2

ferri . B. Hildegardis , B. Litgardæ , B. Angelæ filiæ Regis Bohemiæ , SS. Gertrudis , Birgittæ , Terefiæ , ad rem de qua nunc agitur , commemorantur revelationes , de quibus in citata decisione Larrex num. 5. Id late prosequitur Theophilus Raynaudus tom. 15. in opere , cui titulus *Heteroclitia spiritus- lia punit.* 5. pag. 154. eodemque spectant adducta per Hurtado tractat. varior. tom. 1. tract. 5. cap. 6. resolut. 54. §. 1.

4 Cardinalis a Turrecremata in prologo sui defensorii ad revelationes S. Birgittæ signa refert , quibus cælestis revelatio distinguitur a dæmoniacâ . En ejus verba : *Primum signum est quando judicio magnorum virorum & expertorum approbatur . Secundum sumitur ex parte effectus , qui ex revelatione in animo ejus persone , cui fit , relinquitur ; quando scilicet in ea devotionis & humilitatis præcipuus , & gloria Dei ex hujusmodi revelationibus profectus augetur . Tertium est ex parte materie , quando in omnibus ductis ejus reperitur veritas . Quartum ex parte forme est conformitas ad sacram Scripturam . Quintum ex parte persone est approbata sanctitas .* Sapienter monet Suarez in tract. de Fide disput. 3. sect. 10. num. 7. initium in revelationibus desumendum esse ab accurata indagine , an id , quod revelatum dicitur , sit contrarium Fidei Catholice , aut bonis moribus ; ita ut , statuta ejus uniformitate tum sacris Litteris , tum bonis moribus , tunc tantum locus aperiatur aliarum qualitatum examini , quod omnino indecens & superfluum esset , si primum illud fundamentum defecisset : *Hæc igitur esse debet prima probatio ; postea vero quando confiteris , materiam non esse contrariam Catholice Fidei , alia conjectura & signa adhibenda sunt .*

5 Consensus ergo rerum revelatarum cum sacris Litteris , cum Divinis & Apostolicis traditionibus , cum moribus & definitionibus Ecclesiæ , testera est præcipua Divinarum privatarum revelationum , non quia , statim ac aliqua revelatio conformis est sacris Litteris , Apostolicis traditionibus , & moribus , & definitionibus Ecclesiæ , tanquam Divina & cælestis habenda sit ; sed quia , statim ac aliquid in revelatione apparet , quod prædictis adversetur , rejicienda est inter mendacia , & Dæmonis illusiones . Ait enim Apostolus ad Galat. cap. 1. si Angelus de cælo nobis evangelizet præter id , quod accepimus , anathema esse ; & idem Thesalonicensibus epist. 2. cap. 2. v. 14. edixit : *Tenete traditiones , quas didicistis ;* & ad Hebræos cap. 13. v. 9. : *Doctrinis variis & peregrinis nolite adduci .* Idem quoque dicendum est de revelationibus , in quibus aliquid continetur contrarium unanimi sanctorum Patrum , aut Theologorum sententiæ ; omnium enim Patrum unanimiter idem sentientium sententia falli nequit in Fidei discernenda materia . Quapropter in Concilio Tridentino sess. 4. in decreto de editione & sacrorum Librorum usu , specialiter sub pœna anathematis prohibitum est , ne quis Scripturam sacram contra unanimem sanctorum Patrum sensum interpretari audeat ; & quando Theologi summo consensu doceant aliquam doctrinam ex principiis Fidei deduci , in re Fidei aut morum , ita firmum præbent argumentum , ut ei contradicere hæreticum sit , vel saltem hæresi proximum .

Pro-

Proinde in *Clementina unica de summa Trinitate* Patres Concilii Viennensis statuunt, opinionem illam, quæ dicit, tam parvulis quam adultis conferri in Baptismo Gratiam informantem, & virtutes, tanquam probabiliorum, & Doctorum Theologiæ magis consonam & concordem esse Catholicis eligendam. Hic vero advertendum est, unanimem Patrum consensum non esse mathematicè sumendum, ita ut ne unus quidem ex omnibus omnium temporum Patribus desit, sed moraliter, ita ut sit consensus omnium, vel fere omnium. Itaque Cardinalis Perronius in *erudita ad majoris Britannia Regem responsione* sic unanimem Patrum consensum explicat: *Tunc unanimis Patrum consensus cumulate probatus estimari debet, cum singularum nationum eminentissimi in alicujus rei assertionem consentiunt, ita ut inter illos nemo, qui semper Orthodoxus semper Orthodoxis adhaeret, dissentiat.*

6 Porro quæ dicta sunt de revelationibus, quæ adversantur Scripturæ, Apostolicæ traditioni, unanimi Patrum atque Theologorum consensui, debent sibi etiam vindicare locum, si de revelationibus agatur, in quibus aut aliquod malum suadetur, aut, si aliquid bonum suadetur, suadetur tamen, ut sit majoris boni impedimentum, vel si bonis mala mixta sunt; item, si in revelationibus mendacia, aut contradictiones inveniantur; si inutilia & curiosa revelentur; si id quod revelatum est, poterat humana ratione deprehendi; si in revelationibus aliquid reveletur, quod, licet Divinam potentiam non excedat, non est tamen conforme sapientiæ Dei, & aliis ejus attributis, puta si quis diceret sibi revelatum, mundum movendum esse motu recto, Angelum aliquem in nihilum verti debere, iterumque creari; si tandem aliquid futurum reveletur, quod non erit. Videri potest Gerson in *tract. de distinctione verarum revelationum a falsis* signo 4. col. 54. *op. tom. I.* ubi hæc habet: *Animadvertere nequaquam omisimus, quod aliqua sic se habere possunt, ut quamvis non sint palam & directe obstantia sive contraria Divina omnipotentia, quæ per Scripturam sacram extollitur, quin absolute possint fieri; sunt nihilominus refellenda tamquam inania, & fatua, & Divina sapientia incongrua, nec cuneo veritatis legitime firmata, sed aliunde protrahita; quemadmodum si quis diceret, sibi esse revelatum, quod totus mundus moveretur cras motu recto, quod unus Angelus annihilabitur, postmodum recreabitur, non adducendo aliam utilitatem; quod quilibet Prelatorum debet solus & nudus incedere, & bajulare crucem materialem super humeros suos, aliàs tota peribit Ecclesia. Talia, inquam, velut delira, & Divina revelatione indigna, statim abjicienda sunt. Neque enim relucet tantummodo in Divinis operibus potentia; sed bonitas & sapientia, quam effudit super omnia opera ejus. Omnia (inquit Psalmista) in sapientia fecisti. Cum Gerson concordant Martinus del Rio, Gravina, Philamarinus, & ceteri, quotquot de revelationibus scripserunt; quibus adhæret Arauxo in *decis. moral. tract. 3. quæst. 23. §. 2. a num. 28. usque ad 41.* idemque Gersonius in *epist. de susceptione Humanitatis Christi* late ostendit, periculis plenas esse revelationes illas, in quibus aliquid manifestatur, Scripturæ aut Patribus nullatenus consonum, & a quadam decencia tantum*

tantum deductum. En verba Gersonis col. 452. oper. tom. 1. : *Decima nona veritas* : Christus si asseritur aliquid ad extra facere debere, quia decet eum sic facere, fallitur asserens modo tacto; quia presupponit, quod est aequi vel plus ignotum, ut si quis ita paralogizet: Christus potuit communicare Matri suae in utero, quod gloriosa & consummata felicitate nasceretur; & hoc decuit ipsum facere, quia decuit eum Matrem honorare; ergo sic facit. Constat, quod conclusio hereticalis est; & tamen praemissa communiter assumuntur a nonnullis in assertionibus suis confirmandis. *Vicesima veritas* : Christus non communicavit Matri suae, statim dum concepta vel nata est, usum perfectae rationis, quamvis hoc potuisset, & si fecisset, decuisset; & oppositum asserere, scribendo vel predicando, est penitus temerarium, sicut & quod nunquam somniaveris, aut quod in omni somno semper actum Deum contemplata fueris hic in via. Quod autem ex Scripturis sanctis auctoritatem non habet, junge nec ex probabili ratione, eadem facilitate contemnitur, quae probatur. *Vicesima prima veritas* : Christus potuit conferre dilectissime Matri suae cognitionem lucidissimam totius decursus vitae suae, & Filii, confestim dum nata est; & si hoc fecisset, utique decuisset; ergo fecit: temerarium est, & contrarium sanctis Doctoribus hoc inferre. Contrarium insuper videtur Evangelica doctrina, sic asserere factum esse; siquidem perditus fuit Iesus, ignorante Maria, & Joseph *Vicesima tertia veritas* : Christus, si perquiritur a talibus, cur Matrem suam honoravit in gratiis istis, & non in aliis omnibus, quibus poterat? Respondetur: Quis es o homo, ut investiges sensum Domini? Quis es, ut consiliarius ejus sis? Quis es, ut presumas dicere, cur ita facit? Ponat ergo humana loquacitas dignum ori suo, & terminis suis contenta sit.

7 Quid autem dicendum erit de revelationibus, in quibus aliquid continetur adversum, non unanimi, sed communi Patrum, aut Theologorum sententiae, in quibus nova continentur, in quibus aliquid dicitur revelatum, quod adhuc est sub judicio Ecclesiae, in quibus quis asserit aliquid a Deo laxatum in lege aliqua communi sive naturali, sive Ecclesiastica? Hurtadus in tract. de delictis generantibus suspicionem in Fide tract. 5. cap. 6. §. 14. num. 957. dicit, non rejiciendam tanquam diabolicam, sed severe examinandam esse illam revelationem, in qua aliquid continetur contra communem Patrum & Theologorum sententiam. En ejus verba: *Revelatio*, quae est contra communem Patrum, & Theologorum sententiam, non illico est diabolica, sed tamen majori attentione & examine rigidiori indiget. Hunc sequitur Martinus del Rio *disquisit. magic. lib. 4. cap. 1. quest. 3. sect. 4.* ubi, cum sibi opposuisset, in nonnullis revelationibus aliqua reperiri non consentanea dictis Theologorum, in illarum dictis quadam occurrunt minus secundum communem Theologorum sententiam consentanea rationi & veritati; sic respondet: Negamus, in earum revelationibus quidquam reperiri, quod Catholica Fide sinceritati palam repugnet, sed cum ea consistere nequeat. Si quid forte communiori Scholasticorum sententia repugnet, non ideo confestim damnandum ac revocandum, cum pie & prudenter intellectum suis quoque probatis Auctoribus, & rationibus non absurdus stabilizetur. Matthaeucci in pract. Theologo-Canon ad caus.

caus. Beatificat. & Canonizat. tit. 3. cap. 3. art. 3. num. 6. & seqq., pluribus suadere conatur, revelationem privatam, fallam & dolosam aut tamquam ad decipiendum constatam existimari non debere, quod in ea reveletur mysterium aliquod, aut aliqua circumstantia etiam de Christo Domino, vel Beatissima Virgine, aut expresse non declarata per Scripturam, traditiones, vel Sedis Apostolicæ definitiones, aut in scriptis Patrum non contenta. Addit non adversari definitionibus Pontificum, Patrum, aut Theologorum doctrinas illas, quæ aliquid explicant, quod ab eis explicatum non est, & de quo ipsi silent; & concludit, non repugnare, quin alicui particulari personæ aliquid reveletur, quod adhuc est sub judicio Ecclesiæ; & assert exemplum quæstionis Theologicæ inter Thomistas, & Scotistas, *An Adam non peccante, Christus venisset ex vi presentis decreti*; & ait, non esse coercendam Dei potentiam, ut veritatem illius controversiæ alicui revelare non possit. Et quia prævidet, sibi opponi posse doctrinæ novitatem, subjicit, novitatem eam esse cavendam, per quam nova doctrina inducitur, quæ aliam Fidem, aut vivendi regulam præscribit, vel dissolvit Christianam disciplinam, aut nocet salutem animarum, & in ipsarum perniciem tendit. P. Joannes Cortesius Ossorius Societatis Jesu in suo celebri voto ad Inquisitionem Hispaniæ transmissio super revelationibus Servæ Dei Mariæ a Jesu de Agreda mortuo s. totus est in asserendo, non esse rejiciendas privatas revelationes propter ullum ex prædictis capitibus, cum, non obstantibus prædictis, approbatæ fuerint revelationes SS. Birgittæ, & Mariæ Magdalene de Pazziis. Rejiciendas contra alii censent revelationes, in quibus aliqua res dicitur revelata, quæ adhuc est sub opinione; Gravina in *Lydio lapide lib. 2. cap. 5. regul. 1. cui adheret Arauxo cit. quæst. 23. n. 38.* Denique, quod attinet ad revelationes, in quibus Deus laxamenti aliquid a quibuslibet dedisse dicitur ex lege communi, sive naturali, sive Ecclesiastica, quin veræ esse possint, non dubitatur. Concessit enim Deus Abrahamo, ut filium suum occideret, juxta ea quæ alibi ponderata sunt; sed eis publica fides non esset adhibenda, nisi aliquo vero miraculo, aut aperto sacræ Scripturæ testimonio firmarentur, juxta definitionem Innocentii III. in *cap. Cum ex injuncto, de Hæreticis*, quam late exornat Torre in 2. a. D. Thomæ quæst. 95. art. 3. disput. 2. assert. 3. & seqq. Huc referri possunt, quæ habentur in controversiis, quæ fuerunt occasione electionis Urbani VI. Nam, cum Anglici, ut ostenderent, ejus causam esse meliorem, asserrent revelationem cujusdam Eremitæ Angli, qui dicebat, sibi celebranti ostensum fuisse in Hostia sacrosancta, Bartholomæum Barensem esse verum Papam, sic eis responsum est: *Quod non meruit hoc suggeri, quia, ut restantur Canonice sanctiones, talibus super hujusmodi invisibilibus ostensionibus credendum non est, nisi per ostensionem miraculi, vel Scripturæ testimonium speciale hoc probent.* Aliiter etenim ex Hæreticorum similem isti vitam ducentium falsa assertione Fides nostra sapienter titubaret. Sic legitur in monumentis collectis a Baluzio tom. 2. *vitarum Paparum Avenionensium col. 912.* Et, cum quidam ex iis, qui tunc temporis

poris aiebant, se familiariter loqui cum Deo, ad eundem Urbanum accessisset, eique dixisset, sibi jam annis quindecim contemplationi vacanti in eremo Divina revelatione patefactum, ipsum esse Pseudopapam, cum narrationem suam nec signo visibili, nec sacre Scripturæ testimonio confirmasset, tormentis coactus est fateri, se fuisse mendacem, & severam Urbani iustitiam fuisse expertus, nisi victus precibus Prælatorum Gallorum, qui apud ipsum erant, vitam ei donasset, quemadmodum ex Gobellino refert Raynaldus *ad an.* 1386. §.9.

8. Hæc sunt, quæ habentur apud Auctores de materia hac tractantes. Quod vero attinet ad causas Beatificationis & Canonizationis, si afferantur revelationes contrariæ sacris Litteris, Divinis & Apostolicis traditionibus, moribus & definitionibus Ecclesiæ, aut in quibus aliquod malum suadeatur; cum, antequam ad ulteriora in causa procedatur, earum examen sit assumendum, imponendum est silentium causæ Beatificationis & Canonizationis juxta legem decretorum Urbani VIII. in secundo libro late explicatam. Si vero in revelationibus aliqua inutilia & curiosa occurrant, tanquam revelata; si aliquid in illis contineatur adversum communi Patrum aut Theologorum sententiæ; si aliquid novum in eis insit, aut revelatum dicatur, quod adhuc sit sub Ecclesiæ judicio, aut aliquid insolitum suadeatur, existimarem, eas habendas esse tanquam suspectas, & ut plurimum procedentes ab ideis & opinionibus, quæ in Servis Dei ante revelationes erant, ut infra explicabitur: in quo proinde rerum themate causæ Beatificationis & Canonizationis non erit imponendum silentium, sed ad ulteriora procedi poterit; ita tamen, ut in earum approbatione nihil inferatur, ex quo colligi possit Apostolicam Sedem, eas a probando, illis talem voluisse impertiri auctoritatem, ut revelatis absolum omnino sit refragari; juxta ea quæ mox subjiciemus, ubi sapientissimi Cardinalis a Turcremata verba narrabuntur, quibus ipsæ revelationes S. Birgittæ approbavit. Quod si revelationes afferantur, non ita tamen frequentes, cum sola frequentia eas suspectas reddere possit, quemadmodum ex S. Francisco Salesio adnotavit Cardinalis Bona *de discret. spir. cap. 20. num. 5.* quæ piæ, quæ sanctæ, quæ animarum saluti proficiant, & a quibus absint damnosæ & suspectæ qualitates supra expositæ; tunc tuto pede in prævio illo judicio, in quo scripta Servorum Dei examinantur, poterit pronuntiari, nihil in eis esse, quod obstat progressui causæ. Sed in ulteriori judicio, in quo Postulatores contendunt, virtutes ob singulare donum revelationum illustriores esse; ut videatur, an huic assumptioni locus sit, examinandæ sunt ceteræ qualitates; de quibus supra habitus est sermo, cum ageretur de visionibus & apparitionibus.

9. Cum ageremus de visionibus & apparitionibus, diximus, in earum examine, & ut cælestes a naturalibus & dæmoniacis secernantur, habendam esse rationem personæ cui contigerunt, modi quo contigerunt, & effectuum post eas secutorum, Horum item omnium habendam esse ratio-

nem,

nem, ut iustum feratur iudicium de revelationibus, & de earum qualitate, docuerunt Cardinalis de Turrecremata in *prologo revelation. S. Birgita*, Cardinalis Bona *loc. cit. cap. 20.* Alfonsus Episcopus Giennenfis in *prologo ad easd. revelation. S. Birgita*, doctus Episcopus Sueslionensis Ioannes Joseph Languet in *discursu praeliminari ad vitam Matris Margarita Maria in civitate Parisiensis editam anno 1729.* Gravina in 2. part. *sui operis in preludio 2. part. ultima regula*, & in eadem secunda parte per totam.

10. Rursus, dum ageremus de visionibus & apparitionibus, apimad-vertendum diximus, an qui eas habuit, petierit, aut desideraverit, an eas cum viris doctis communicaverit, an ejus mens remanserit tranquilla & jucunda, an ab omni specie jactantiae abhorruerit, an in humilitatis virtute excelluerit, an corpus castigaverit: & hæc eadem esse in examine revelationum ponderanda, docuerunt Doctores supra citati. Scacchus de *not. & sign. sanctis. cit. cap. 4. sect. 8. pag. 626.* prædicta omnia egregie complectitur: Colligitur ex jam dictis, in revelationibus examinandis considerandam esse personam, cui sunt; cujus mores præcipue inspiciendi cum sint, primum Fidei Catholica sinceritas, & Sedis Apostolica obedientia examinanda est; deinde, quæ vita integritas, quæ in verbis ac factis modestia ac sanctitas, an a Deo sese de quibuscunque actionibus erudiri, temerarie ac jactabunde præsumant, an consilia & judicia aliorum spernant, an foris Curios simulent, in us Bacchanalia peragant &c. Suspecta est etiam sanctitas illorum, qui facile ac precipitanter revelationibus sibi factis fidem adhibent, inconsultis Theologis ac Confessorio &c., & illorum, qui revelationes a Deo sibi immitti desiderant; nam viri docti, & valde spirituales omnia hujusmodi desideria & petitiones tam revelationum, quam miraculorum valde improbant. Durantus in *tract. de vision. cap. 11. pag. 12.* sub prædicta omnia exponit. En ejus verba: Unde si cum quispiam revelationum gratia diuque læcupletior sit, eo inveniat humilior, & ad omnem sui despicentiam promptior, quia videt, quod absque suis meritis ista recipiat, signum evidens est, quod non illudatur, & quod a Deo revelationes illa procedunt; & paulo post: Dromi autem Spiritus signa sunt, quod loquatur in nobis sive per se, sive per Angelum, cum salubris cogitatio versatur in mente de castigando corpore, humiliando corde, servanda castitate, & fratribus exhibenda charitate, seu etiam ceteris virtutibus acquirendis, conservandis, amplificandis. Multas ex prædictis circumstantiis exponit Cardinalis Bona de *discret. spirit. cit. cap. 20. num. 2.* Ut constet revelationem a Deo esse, inspiciendum est, an habeat conditiones, quas sapientia a Deo revelata Jacobus Apostolus tribuit dicens: Quæ autem desursum est sapientia, primum quidem pudica est, pura scilicet, & abstracta ab omni carnali & terrena voluptate: deinde pacifica, & semperque tranquilla, & cum nemine contendens, modesta & composita in habitu, gestu, & conversatione: suadibilis, aliorum scilicet iudicio facile cedens: bonis consentiens, eorumque sententia acquiescens: plena misericordia, & fructibus bonis, id est, bonis operibus, atque in omnes indigentes opes suas abundanter effundens: non judicans, sicut plerique faciunt, qui aliorum mores & facta disquirunt, & perperam interpretantur: sive

*simulatione, sine dolo & fraude, simplex & sincera. Ha sunt nova, hi characteres vera sapientia, ha virtutes ad quas excitat Divina revelatio. Quod si ad lites, ad contentiones, ad curas seculi, ad vanitatem, ad superbiam, ad pertnaciam ea quae revelantur, impellunt, procul dubio a carnali & mundana sapientia, quae non percipit quae sunt Spiritus Dei, vel a Spiritu maligno oriuntur. P. Antonius ab Annuntiatione in disceptat. mystic. de oratione & contemplatione quest. 2. art. 4. num. 22. & seqq. ait, parum tutam censeret revelationem, si qui eam habuit, sit propensus ad eam ceteris communicandam, excepto Rectore suo spiritali, quamvis obtentu majoris gloriae Dei; rursus, suspectam esse revelationem, si ipsam praecessit aliqua diligentia orta ex desiderio talem habendi revelationem; & demum, luspicionem magna laborare revelationem, quam viri docti ad examen vocantes, iactam existimaverunt; si qui illam habuit, non obstante praedicto iudicio, ei velit mordicus adherere. Finem esse maxime advertendum, ob quem revelatio aliis indicata est, monuerunt Martinus del Rio *disquisit. magicar. lib. 4. cap. 1. quest. 3. sect. 6. num. 1.* & Philamarinus *de revelation. cap. 1. tract. 3. num. 4.* Omnia paucis verbis complexus est Hurtado *tract. 5. de delictis generantibus suspensionem in Fide cap. 6. §. 15. num. 965.* Ego vero omnia ista comprehendendo hoc uno principio. Bona vita, boni mores, virtutum omnium exercitium, & super omnia humilitas antecedens, comitans, & subsequens. Hac regula recte examinata, omnia consonant; & moraliter est impossibile, quod anima profunde humilis, culpabiliter illudatur. Quod si aliquando illusa leguntur, non est culpa sua, sed Deus sua providentia ordinat ita ad maiorem humilitatem & cognitionem sui ut non extollatur magnitudine & multitudine revelationum. Sic enim dicebat Paulus 2. Cor. 12. num. 7. Ne magnitudo revelationum extollat me, datus est mihi stimulus carnis meae Angelus Sa'anae, qui me colaphizat. Legi potest quidquid ex Gersono desumptum collectum sapienter habetur in *cit. discursu* Episcopi Sueslionensis num. 15. & seqq. cum quo plene concordant scripta a Tanner in *Prudentia P. Ludovici de Ponte in examinandis revelationibus Marina de Escobar tract. 1. de modo examinandi revelationes.**

II Communia sunt revelationibus ea, quae superius dicta sunt de visionibus & apparitionibus, de letitia videlicet mentis in principio, quae deinde in moerorem convertitur, & de horrore, qui deinde in dulcedinem quamdam internam transmutatur; quemadmodum enim ex primo signo desumi diximus, visionem & apparitionem esse daemoniacam, & ex secundo esse Divinam, ita hoc ipsum asserimus de revelationibus, juxta ea quae plene habentur apud Martinum del Rio *disquisit. magicar. lib. 4. cap. 1. quest. 3. sect. 6. §.* Quinto advertendum. Communia quoque sunt revelationibus cetera, quae dicta sunt, dum loqueremur de visionibus & apparitionibus; diligentissime videlicet examinandas esse eas, quas sibi factas feminae asserunt, veluti adnotarunt Martinus del Rio *cit. lib. 4. cap. 2. quest. 3. sect. 3. in principio*, Philamarinus *de Divin. revelation. tract. 1. cap. 2. num. 13.* non quia sexum femineum a revelationibus caelestibus & Divinis excludamus, sed ut

infi.

insinuemus, quemadmodum insinuavimus, cum sermo erat de visionibus & apparitionibus, in mulierum revelationibus esse revelationis qualitates accuratius perpendendas. S. Tereſia in *vita cap. ult.* ita loquitur: *Et plures sunt femina, quam viri, quibus Deus gratias istas impertitur. Hoc etiam audi-vi a sancto Fratre Petro de Alcantara. Atque & ego experimento comperi (dicebat ille) eas majores profectus in hoc spirituali itinere facere, quam viri. Cujus rei graves causas adducebat, quales importunum esset modo referre, omnes quidem femineam conditionem preferentes.* Divus Thomas 2. 2. *quest. 82. art. 3.* cum sibi tertium opposuisset argumentum his verbis, *Si contemplatio esset propria causa devotionis, oporteret, quod illi qui sunt magis apti ad contemplationem, essent etiam magis apti ad devotionem; cujus contrarium videmus, quia devotio frequenter magis invenitur in quibusdam simplicibus viris, & in femineo sexu, in quibus invenitur contemplationis defectus: ergo contemplatio non est propria causa devotionis;* sic argumento respondet: *Ad tertium dicendum, quod scientia, & quidquid aliud ad magnitudinem pertinet, occasio est, quod homo consideret de se ipso, & ideo non totaliter se Deo tradat. Et inde est, quod hujusmodi quandoque occasionaliter devotionem impediunt, & in simplicibus, & mulieribus devotio abundat, elationem comprimendo. Si tamen scientiam, & quamcumque aliam perfectionem homo perfecte Deo subdat, ex hoc ipso devotio augetur. Pro-bant autem hec omnia, posse pias feminas Divinarum revelationum dono insigniri, & plures forte ex eis, quam ex viris illas habuisse, & habere posse; sed ex hoc non evincitur; aut omittendas esse consuetas diligentias in earum examine, aut majores non esse adhibendas, quam in examine revelationum, quæ viris obtigerunt, posita videlicet sexus debilitate, quæ eas facit magis illusionibus obnoxias; veluti late præter supra allatos ostendunt Torre in 2. 2. *D. Thomæ quasi. 95. art. 3. disput. 3. in 3. class. signorum, §. Sexus, Gravina in lib. ad discernendas veras a falsis revelationibus part. 2. lib. 1. cap. 1. Joseph Acoſta in lib. 2. de novissimis temporibus cap. 11. Matthæuccius in præf. Theologo-Canon. ad caus. Beatificat. & Canoniz. pertractandas tit. 3. cap. 3. art. 3. num. 18.* Et hæc quoad signa, quibus secernuntur cælestes a naturalibus, & demoniacis revelationibus, dicta sufficiant.*

12 Quæres autem primo, an illi, quibus fiunt revelationes privatæ, si certo eis contiterit, a Deo esse, teneantur illis firmiter assensum præbere: & affirmando responderetur, juxta adnotata in *super. lib. 2. cap. 32. num. 12.* Sola controversia remanet inter Theologos, de qua *lib. 2. cap. 19. num. 12.* an quæ reteguntur in privata revelatione, sint objectum Fidei Divinæ Theologicæ. Nonnulli siquidem putant, eum, cui facta est revelatio, non posse, nec teneri tali revelationi credere ex Fide Catholica, qua Christiani sumus, cum in ambitu objecti, (ut loquuntur) formalis illius non contineatur, sed ex alio speciali lumine superno vel Fidei particularis, vel prophetiæ, aut discretionis spirituum. Sententiæ huic fule adhæret Arauxo *decif. moral. tract. 3. quasi. 23. num. 35. & seqq.* Alii volunt, revelationem privatam etiam ex parte rei revelatæ credi debere ab eo, cui fit, Fide Divina Theologi-

logica; & consequenter quæcumque revelantur a Deo, esse objectum materiale Fidei Divinæ, cum prima Veritas revelans sit ratio propria & proxima assentiendi omnibus quæcumque revelantur a Deo, sive privato homini, sive toti Ecclesie, & sive revelationes respiciant bonum commune, sive privatum; & huic sententiæ adhæret bon. mem. Cardinalis Gottus *Theolog. Scholastico-Dogm. tom. 10. quest. 1. dub. 3. §. 2.*

13 Quæres secundo, an latus sit probabilitas revelationis, ut qui eam habet, debeat aut possit ei fidem præstare, & ab ea regulam suorum morum desumere: quod est idem, ac quærere, an si quis ex indiciis, conjecturis, aliisve argumentis probabiliter putet, Deum sibi aliquid revelasse, debeat, aut possit fidem huic revelationi adhibere, ita ut possit actus proprios, vel alienos dirigere juxta id quod sibi judicat revelatum. Joannes Salas 1. 2. tom. 1. tract. 8. *disput. unic. sect. 5. num. 51.* opinatus est, sufficere probabilitatem revelationis, ut quis ei possit fidem adhibere, & sic revelatis actiones suas, aut aliorum conformare. Exemplum proferit Sacerdotis, qui probabili fundamento putaret, sibi a Deo revelatum esse, ut matrimonium contraheret, & concludit eum posse matrimonium contrahere, & uti dispensatione illa Divina dubia, & tantum probabiliter. Hurtado *inter tract. var. resolut. moral. tract. 5. de delictis generantibus suspicionem in Fide cap. 6. §. 7. num. 876.* distinguit inter revelationem privatam de aliquo bono faciundo, aut malo vitando, & revelationem laxamentum ac dispensationis (ut loquuntur) in materia præcepti: & quoad primam ait, unumquemque in suo sensu posse abundare, & sic fidem adhibere posse revelationi etiam probabili ratione materiæ, in qua nullum adest periculum; secus autem quoad secundam. Hoc sensu locutus fuisse videtur Hieronymus Savonarola in *compendio revelationum pag. 278.* cum earum delensionem assumens scripsit: *Cum ergo quæ a me prædicta sunt, nec Fidei, nec bonis moribus, nec rationi naturali adversentur, & verisimilia sint, ut multis argumentis diversis temporibus ostendi, quam etiam homines ad pie vivendum inducant, sicut experientia compertum est; sequitur, ut levitatis crimine argui non possit quisquis ea faciliter crediderit.* Torre in 2. 2. *Divi Thomæ quest. 95. art. 3. disput. 2.* acriter impugnât sententiam Joannis de Salas, & dicit eam proximam errori, & statim ac prælo mandata fuit, abrahæ jussu Tribunalis sanctissimæ Inquisitionis propter tristes eventus, qui ex ea potuissent oriri: quod late prosequitur Gravina *part. 2. oper. cit. lib. 2. cap. 2. §. Dubitatio gravissima.* Non sufficit ergo probabilitas, sed requiritur evidentia Divinæ revelationis, ut quis ei fidem adhibere possit; & eo magis, si in materia revelata aliquid contineatur contra præceptum Dei, aut Ecclesiæ. Exemplum est in *lib. 3. Regum cap. 13.* in quo Propheta Dei occisus est a leone, quia fecit contra certam Divinam revelationem, quam habebat de non comedendo in Bethel v. 9. (Non comedes panem, neque biberis aquam, nec revertaris per viam, qua venisti) adherens probabili revelationi, quam alter Dei Propheta, licet malus vir, se habuisse dixerat, Deum videlicet concessisse,

fiffe, ut comederet v. 18. : *Et ego Propheta sum similis tui, & Angelus locutus est mihi in sermone Domini dicens : Raduc enim tecum in domum tuam, ut comedas panem, & bibas aquam. Fecellit enim, & reduxit secum : super quo sacræ Scripturæ textu ita ad rem ratiocinatur Tostatus quest. 15. : Quia Deus locutus fuerat ipsi viro Dei, quod non comederet in Bethel, ideo non debebat credere contrarium, quousque tam clare constaret sibi, quod Deus dixisset istud, sicut constabat sibi, quod Deus dixerat, quod non comederet in Bethel ; sed istud constabat sibi per revelationem manifestam : Ergo, quousque constaret istud per similem revelationem, non tenebatur, id est, non poterat credere. Nec omitti potest, quod si de Fide Divina loquamur, qua plerique docent, eum ad credendum teneri, cui facta est privata revelatio, proscripita omnino dici potest sententia, quæ probabiliter Divinæ revelationis tanquam sufficientem admittit : Sacrum Concilium Tridentinum sess. 6. cap. 9. ita loquitur : Sicut nemo pius de Dei misericordia, de Christi merito, deque Sacramentorum virtute & efficacia dubitare debet ; sic quilibet, dum se ipsum, suamque propriam infirmitatem & indispositionem respicit, de sua Gratia formidare & timere potest, cum nullus scire valeat certitudine Fidei, cui non potest subesse falsum, se Gratiam Dei esse consecutum. Si autem sola probabilitas revelationis sufficeret, possemus per internos & iteratos actus Contritionis Fide Divina credere, nos esse Gratiam Dei consecutos, cum id probabilissime eruatur ex illa propositione revelata universali, contritum Gratiam assequi, & ex altera latius probabilis, nos esse vere contritos. Idcirco inter propositiones die 2. Martii 1679. damnatas ab Innocentio XI. vigesima quinta est hæc : *Assensus Fidei supernaturalis, & utilis ad salutem stat cum notitia solum probabilis revelationis, immo cum formidine, qua quis formidet, ne non sit locus Deus.**

14 Quæres tertio, quid dicendum sit de illis, ad quos revelationes diriguntur, vel de aliis, ad quos non diriguntur, an, & quam fidem eis debeant adhibere. Tertium hoc quæsitum differt a duobus primis, cum prima duo respiciant personam, cui fit revelatio, & hoc tertium ad alias personas pertineat, ad eas videlicet, quibus revelatio dirigitur, & ad alias, quibus non dirigitur. Cardinalis de Lugo de Fide diffut. 1. sect. 11. docet, illum, cui proponitur & denuntiatur revelatio illa privata, debere credere & obedire Dei mandato, sive nuntio, si proponatur cum sufficientibus argumentis ; Deus enim illi loquitur, saltem per alium, ac proinde ab eo exigit fidem : ex quo fit, ut fidem teneatur adhibere Deo illam exigenti. Concordat Arauxo in decis. moral. tract. 3. quest. 23. §. 2. num. 50. dummodo non habeantur pro sufficientibus nisi illa argumenta, de quibus superius sermo habitus est. Quod autem attinet ad ceteros, ad quos revelatio non dirigitur, tam Cardinalis de Lugo, quam Arauxo asserunt, eos non teneri reipsa credere tali revelationi ; nec, si credant, talem assensum posse esse Fidei Catholicæ, aut Divinæ, cum non innitatur Divino testimonio, quod est ratio formalis & propria Fidei Divinæ ; non resolvitur enim proxime in ipsam revelationem factam personæ privatæ ; cum non constet, nisi ex

sola narratione referentis; neque in revelationem, ut vocant, *mediatam*, cum non dirigatur ad illos, neque Deus loquatur cum illis. Resolvitur ergo solum in humanum testimonium ejus, qui refert aliis suam privatam revelationem: quare, cum illis desit objectum formale Fidei Divinæ, assensus non potest esse nisi solius Fidei humanæ.

15 Quæres quarto, quid dicendum sit de revelationibus privatis a Sede Apostolica approbatis, ex. gr. Beate Hildegardis, & Sanctarum Birgittæ, & Catharinæ Senensis. Porro lib. 2. cap. 32. num. 11. diximus, prædictis revelationibus, etsi approbatis, non debere, nec posse a nobis adhiberi assensum Fidei Catholicæ, sed tantum Fidei humanæ, juxta regulas prudentiæ, juxta quas prædictæ revelationes sunt probabiles, & pte credibiles. Nonnullos *loc. cit.* allegavimus Auctores: nunc alios addimus. De assensu Fidei Catholicæ hisce revelationibus non adhibendo, ita loquitur Melchior Canus de locis Theolog. lib. 12. cap. 3. concl. 3. *Quia vero nihil Ecclesia refert ea credere, an non, qua Birgida, Catharinaque Senensi visa sunt, nullo certe modo ad Fidem illa referuntur.* Cardinalis Cajetanus tom. 2. opusculor. tract. 32. cap. 1. *Catholicis revelationibus, quæ facta sunt Apostolis, & Prophetis, ducet esse inhærendum, tamquam Fidei nostræ fundamentis; at revelationibus privatis, quæ factæ sunt Sanctis, licet approbatis, ait tamquam probabilibus esse inhærendum: Revelationibus Catholicis inhæremus, tanquam necessariis, ita quod se hæreticum comprobat, quicumque pertinaciter alicui earum adversatur. Revelationi autem facta Sanctis, quorum doctrinam Ecclesia suscipit, tanquam probabilibus, inhæremus, ut Drex Augustinus, Thomaque scripserunt, & magistra rerum experientia continuis testatur.* Concordat Martinus del Rio *disquis. magicar. lib. 4. cap. 1. quest. 3. sect. 4.* ubi hæc habet: *Henricus de Hussia, & Sibyllanus, ambo Catholici, ambo religiosi, sed, ut verum dicam, nonnihil audaces, volunt, Drex Birgitta, & similitum revelationes non debere haberi pro indubitanter veris, nec acceptari tamquam a Spiritu Sancto editas. Qui si hoc intellexerent de certitudine Fidei Catholica, ejusque veritate, item de editis a Spiritu Sancto dictante... sane verum dicerent. Sed puto, neminem paulo prudentiorem tale quid unquam opinatum. Argumenta quoque illorum, cum longe tendant aliterius, indicant, eis longe aliud voluisse, scilicet, loqui de certitudine humana, seu morali, & de dictamine Spiritus Sancti in Divinis revelationibus ordinario; quod sane nimis multum de auctoritate & opinione sanctarum Christi Sponsarum est decerpere. Huc facit formula approbationis factæ a Cardinali de Turrecremata revelationum S. Birgittæ tom. 1. prædictar. revelat. (cap. 6. art. 1.): *Placeo omnes & singulos (loquitur de libris Revelationum) accurate satis studio juxta vires meas examinari, & nullum eorum pie & modestè intellectum repertiens sacra Scriptura, aut sanctorum Patrum adversum sententis; sed consensum & conformem satis reputo unumquemque, & omnes eos juxta eorum modestiam & piam intelligentiam esse admittendos, & posse legi in Ecclesia sancta Dei et modo, quo multorum aliorum Doctorum libri, & Sanctorum historia, & Legenda licentiam legi Fidelibus.* Quocirca Vasquez 3. part. tom. 2. dispus. 117. num. 77. bene subi-*

subjicit : *Revelationes quæque Sancta Birgitta probata fuerunt &c. quia tamquam pia , & absque ulla superstitione prudenter à populo recipi possint .* Optime Salamanticenses tract. 17. de Fide disput. 1: num. 115. Ex quibus proinde sequitur , posse aliquem ; salva & integra Fide Catholica , assensum revelationibus prædictis non præstare , & ab eis recedere , dummodo id fiat cum debita modestia , non sine ratione ; & citra contemptum . Dum Romæ annis præteritis ageretur de resumenda causa Tirasionen. Beatificationis & Canonizationis Ven. Servæ Dei Sororis Mariæ a Jesu de Agreda , & de ipsius revelationibus examen instituendum esset , Theologorum Seraphicæ Religionis , & causæ Postulatoris opus vulgatum est typis Cameralibus impressum anno 1730. ubi pag. 297. hæc habentur : *Theologi , & Mystici fatentur , quod revelationes privata , quamvis probata & recepta , etsi ab illis , qui tales revelationes patiuntur , credi debeant , apud alios contrarie (sermo est de sententiis , quæ dictis revelationibus adversantur) eandem retinent probabilitatem , quam ante revelationem habebant .* Hurtado in supra cit. tract. 5. cap. 6. §. 5. num. 336. & seqq. post relatas approbationes revelationum S. Birgitæ factas a summis Pontificibus , subjicit : *Non enim volunt isti summi Pontifices , quod hujusmodi revelationibus non possimus dissentire ; siquidem Cardinalis Turrecremata , quæ fuit validus defensor harum revelationum , & refert præfata verba Pontificum . . . dissentire revelationi Sanctæ Birgitæ factæ , quod Virgo Beata fuit concepta sine peccato originali , scribens tractatum integrum , quod fuerit in originali concepta .* Notanda sunt verba supra relatâ Cardinalis a Turrecremata in approbat. revelation. S. Birgitæ , *pia ac modestè intellectum ;* quæ sorte respiciunt ea quæ habentur lib. 4. dictar. revelation. cap. 132. num. 5. ubi inducitur Christus Dominus Sanctam alloquens , & de malis Sacerdotibus conquerens : *Perdiderunt clavem , qua miseris deberent aperire cælum ;* necnon alia , quæ habentur lib. 7. cap. 7. num. 4. ubi sic legitur : *Dico , quod veri Presbyteri sunt , & vere conficiunt corpus Christi filii mei omnes illi Sacerdotes , qui non sunt hæretici , quamvis alias sint pleni multis aliis peccatis .* Benigna quippe & pia interpretatione , quæ modo relatâ sunt , explicari debuerunt , hoc est , malos Sacerdotes perdidisse clavem , qua miseris deberent aperire cælum , non quia , si potestate data utantur , debita intentione , ac materia intercedente una cum forma , valide non absolvant , sed quia Sacerdotibus malis administratio Sacramentorum jure prohibetur ; item , Presbyteros hæreticos non conficere corpus Christi , non quia , si rite & recte initiati sint , & intentionem habeant , & utantur debita materia & forma , valide non consecrent , sed quia illis faciendi & consecrandi exercitium jure pariter prohibetur , quemadmodum explicat Durantus ad cit. capitula revelationum .

16 Quæres quinto , an aliquæ irrepperint apocryphæ Inter revelationes , quæ sunt approbatæ . Dictum est approbatæ ; de ceteris etenim , quæ approbatæ non sunt , nulla esse potest difficultas . Revelatio quippe , quæ appellatur Pauli , apocrypha est ; Revelatio , quæ appellatur Thomæ , apocrypha ; Revelatio , quæ appellatur Stephani , apocrypha ;

uti

uti bene animadvertit Joannes de Ragusio Ordinis Prædicatorum Procurator Generalis in oratione habita in Concilio Basileensi tom. 12. editionis Labbeana pag. 1086. Itaque de approbatis loquentes, affirmando respondemus: quocirca apocrypha censetur Revelatio a nonnullis adscripta Beatæ Coletæ, in qua dicitur S. Anna tres habuisse maritos; uti late ostendunt Canisius lib. 1. de Beata Virgine cap. 4. §. Est autem, & Lorinus ad cap. 1. in Acta Apostolorum: apocrypha declarata fuit Revelatio, quæ facta asseritur S. Birgittæ a S. Michaeli, & Elisabeth, uti videri potest apud Cardinalem Albitium de inconst. in Fide part. 1. cap. 40. num. 130. & 140. Circumfertur quoque Revelatio S. Catharinæ Senensis de Beata Virgine concepta in peccato originali, de qua nonnulla habentur apud S. Antoninum part. 3. histor. tit. 23. cap. 14. Sed, cum inter visiones, & revelationes S. Catharinæ collectas a B. Raymundo Capuano nullum prædictæ revelationis vestigium reperiatur, non levis hinc oritur suspicio, eam fuisse superadditam, atque ideo inter apocryphas esse recensendam; uti late ostendit Cardinalis Gortius in tract. de vera Ecclesia tom. 1. cap. 3. §. 7. num. 15. & rectissime exponit Martinus del Rio disquisit. magicar. lib. 4. cap. 2. quest. 7. sect. 3. §. Joannes Franciscus, Gerson in tract. de examinatione doctrinarum part. 2. considerat. 3. in fine col. 16. oper. tom. 1. narrat, Gregorium XI. morti proximus cum esset, dextera tenentem sacrum Christi Corpus protestatum esse coram omnibus, & monuisse, ut caverent cum a viris, tum a mulieribus sub specie religionis loquentibus visiones sui capitis; quia per tales ipse seductus, dimisso suorum rationabili consilio, se traxerat, & Ecclesiam ad discrimen schismatis imminenti, nisi misericors provideret Sponsus Jesus. Spondanus ad an. 1378. num. 2. putat, iis verbis Gregorium intelligere voluisse suasiones Petri Aragonii, ac SS. Birgittæ, & Catharinæ Senensis. At Natalis Alexander in vita hujus Pontificis istam existimat prædictam narrationem a Gersonio expositam, cum Auctor primæ vitæ Gregorii, qui erat ipsi cœtaneus, de ea non loquatur; & Gregorius spiritum S. Catharinæ probasset, eamque prophetiæ dono auctam fassus esset, quando ipsi votum de petenda Urbe occulte factum, & Pontifici soli ac Deo notum, divinitus se agnovisse monstravit. Legi potest Pagi junior in breviar. gestor. Roman. Pontif. tom. 4. in vita Gregorii XI. in fine. Ac Gersonius quidem SS. Virgines Birgittam, & Catharinam non nominavit. Marcus Antonius de Dominis Gersonium referens, memoratas sanctas mulieres recensuit. En ejus verba indigno Apostata digna de republ. Eccles. lib. 7. cap. 5. num. 62. De Catharina Senensi procul dubio loquebatur Gregorius, & id notum erat Gersonio; sed eam noluit nominare. Est enim in historiis notorium, femellam illam, contra regulam humilitatis, quæ Sanctos decet, & contra præceptum Apostoli se sub illusionibus visionum & revelationum Magistrum in Ecclesia constituisse, & epistolis propemodum dogmaticis scribendis totam dedisse. Quibus, & Apostolatu suo prophetico miserum Gregorium decepit, eumque, ut Romanam residentiam importune resumeret, sub prætextu sanctitatis compulsi. Ex quo secutum est schisma horrendum in Ecclesia, fructus ingens feminilium sanctitatis:

& ni-

& nihilominus canonizata est. Quis talium Canonizationes approbet? At sceletti hujus nebulonis verba ad amussim profigat Arauxo *decif. moral. tract. 3. quæst. 23. §. 1. num. 26.* ubi ostendit, S. Virginem Spiritu Dei, & jubente Romano Pontifice, munus quod exercuit, obivisse; Gregorium in translatione Sedis non fuisse deceptum, cum ad eam teneretur; schisma ab eadem S. Catharina fuisse prædictum; egressum e Gallia, & ingressum Romæ hujus Pontificis feliciter successisse, prout ipsa prænuntiaverat; Gregorii e Gallia recessum causam schismatis non fuisse.

17 Quæres sexto, an contingere possit, ut aliquis Sanctus habeat revelationes non a Spiritu Sancto immixtas, sed ortas a proprio judicio & ratiocinio, quatenus intellectus ejus pia affectione ductus, & imbutus opinionibus de re aliqua, quæ pietatem redolet, judicat, spiritum sibi esse Divinum, cum tamen invincibiliter fallatur. Jam supra, cum ageretur de spiritu prophetico, dictum est, aliquando sanctos Prophetas, dum consuluntur, ex magno usu prophetandi, quedam proferre ex suo spiritu, suspicantes, hoc esse ex spiritu prophetiæ. Pari ergo ratione fieri potest, ut aliquis Sanctus ex anticipatis opinionibus, aut ideis in phantasia fixis aliqua libi a Deo revelata putet, quæ a Deo revelata non sunt. Ita Hurtado *cir. tract. 5. de delictis generantibus suspicionem in Fide cap. 6. §. 5. num. 834. & seqq.* Affert exemplum revelationis S. Birgittæ, quæ sibi revelatum dixit, Christum Dominum, cum flagellaretur & crucifigeretur, verenda sua obtexisse velamine sibi oblato; cujus contrarium docent plures sancti Patres, quos refert & sequitur Suarez *tom. 2. in 3. part. disp. 36. sect. 4. §. Nihilominus.* Non desunt profecto scribentes Christum Dominum tempore flagellationis & crucifixionis verenda habuisse velamine texta; & viri historiæ profanæ periti probant, eos, qui in crucem agebantur, nudos e cruce pendisse, sed verenda velamine texta habuisse; Menoch. *de republica Hebræorum lib. 6. cap. 2. Tostatus paradox. 5. cap. 42. Salmeron tom. 10. tract. 35.* Atque ex præcepta horum opinione Hurtado exiimit, memoratam S. Birgittæ revelationem suam originem habuisse, vel habere potuisse. Nicolaus Lancicius *tom. 2. opusculorum pag. 49.* posita revelatione S. Catharinæ Senensis de Beata Virgine concepta in peccato originali, ita loquitur: Si vere oratio illa fuit facta a Sancta Catharina, id eam dixisse, non Deo revelante, sed ex proprio spiritu & sensu, tamquam qua fuit filia spiritualis Patrum Dominicanorum, a quibus hanc sententiam edicta fuerat. Sciendum autem est, quando persona aliqua pia abstracta a sensibus aliquid loquuntur, sæpe eas loqui ex proprio sensu, & aliquando hallucinari. Hoc nimis certum est, & sciunt talium rerum periti, & constat ex historiis Ecclesiasticis authenticis, & ego postem nominare quasdam ex Sedis Apostolicæ decretis relatas in numerum Sanctorum, quarum dicta & scripta in raptibus & ex raptibus derivata legi magnis hallucinationibus respersa, ideoque non permixta imprimi. Bollandiani in præfatione ad vitam S. Mariae Magdalene de Pazzis, ad diem 25. Maji pag. 246. tom. 6. probant, Raptus posse esse supra naturam, & ipsa substantia Divi-

810 DE SERVORUM DEI BEATIFICATIONE

Divinos, sed in suis circumstantiis conformatos ad species naturaliter præceptas, quæ a Deo relictæ sunt in eo statu, in quo erant, quandoquidem id nihil intererat ad finem sibi propositum. Exemplum afferunt revelationum sanctarum mulierum, in quibus aliquando Christus tribus clavibus cruci affixus apparuit, aliquando quatuor; item aliarum, in quibus S. Hieronymus cum leone assistit, aut S. Jacobus visus est peregrinationis insignibus indutus: autumant quippe, a Deo processisse ferventissimas eas meditationes Passionis Christi, pios eos affectus erga SS. Jacobum, & Hieronymum, sed Spiritum Sanctum novam certamque revelationem dare noluisse de numero clavorum, quibus Christus cruci affixus est. Ceterum neque S. Hieronymus, dum viveret, comitem habuit leonem (salsum enim est, S. Hieronymum obvium habuisse sibi leonem valde rugientem, & qui in pede infixum haberet calami aculeum, saniemque a vulnere genitam absterxisse, & pannum pedi ejus alligasse, leonemque sanatum nunquam ipsum dimittere voluisse; cum id non S. Hieronymo, sed Abbati Geralimo contigerit) sed cum leone pingitur, quia tanquam leo rugit adversus Hæreticos, quemadmodum legi potest apud Cardinalem Baronium *ad an. 420.* & S. Jacobus, dum in humanis erat, peregrinationis insignibus usus non est, sed eo modo pingitur, ut intelligatur esse is, qui Callaico littore peregrinantibus frequenti celeberrima colitur peregrinatione. In corde Beatæ Claræ de Montefalco mirifica apparet informatio instrumentorum Passionis Christi, & trium clavorum, quibus cruci affixus dicitur. Cornelius Curtius Augustinianus in *libello de clavibus Dominici* rationibus, & auctoritatibus, & Imaginibus ostendit, non tres, sed quatuor fuisse prædictos clavos. Testatur, se cor Beatæ Claræ vidisse, & deinde subdit: *An, quia Dea illa talem de Crucifixo meditationem instruit, statim, talem quoque crucifixionem fuisse? Non arbitror, si sensu tantum communi non careat. Hac instrumenta non ad Christi Passionem demonstrandam, sed ad ferventem Clara amorem posteris declarandum calata sunt; hisque perpenlis, addunt Bollandiani loc. cit., Deum non esse dignatum Claræ phantasmata ad normam sibi notæ veritatis aptare & corrigere; cum id nihil faceret ad spiritalem fructum, quem eo miraculo curabat.*

18 Quæres ultimo, an in judicio Beatificationis & Canonizationis habenda sit aliqua ratio revelationum cælestium, & Divinarum. Contellorius de Canoniz. SS. cap. 5. num. 17. & seqq. docet, ex revelationibus non inserri sanctitatem. Scacchus de not. & sign. sanctitatis. sect. 8. cap. 4. pag. 622. ita scribit: *Nullum autem sanctitatis argumentum ex solis revelationibus sumi posse ad effectum Beatificationis & Canonizationis alicujus, certo constituendum est, quia satis dubium est & difficile iudicatu, num revelationes sint a Deo &c. Quinimmo, etiam si probabiliter constaret; revelationes, de quibus agitur, a Deo extitisse, nondum tamen solidum erunt sanctitatis argumentum, cum in iis non constet Christiana perfectio... nec revelationes non faciant Deo gratiores, aut Proximo utiliores. Adhæret Martinus del Rio. *disquisit. magicar. lib. 4.**

RC

cap. 1.

cap. 1. *quest. 3. sect. 2. §. Obijciat forte aliquis*. At quemadmodum cum de ceteris Gratiis gratis datis sermo habebatur, dictum est, earum habendam esse rationem in iudicio Beatificationis & Canonizationis, si de virtutibus constet in gradu heroico, quoniam, licet prædictæ Gratiæ a Deo aliquando conferantur etiam peccatoribus, sæpius tamen Iustis conferuntur; ita hoc ipsum asserendum Nobis esse videtur de revelationibus, quemadmodum bene animadvertit Matthæuccius in præf. *Theologo-Canon. ad caus. Beatificat. & Canonizat. tit. 3. cap. 3. art. 3. num. 25.* Quocirca concludendum dicimus, in iudicio Beatificationis & Canonizationis oportere, ut examen præcedat dictarum revelationum, & ut a sacra Congregatione declaretur, in eis nihil contineri contra Fidem, vel bonos mores, neque aliquam doctrinam novam vel peregrinam, aut a communi sensu Ecclesiæ & consuetudine alienam, ad normam decretorum Urbani VIII., & juxta ea quæ adduximus lib. 2. cap. 32. Peracto examine, approbatisque revelationibus, necesse est, ut in alio iudicio constet de virtutibus heroicis. Expediit, & forte necesse est, ut exploratum sit de iudicio ejus, cum quo Servus, aut Serva Dei revelationes suas communicarunt. Durantius in tract. *de visionibus cap. 11.* meminit iudicii lati a probatissimis viris de revelationibus S. Birgittæ. Eugenius Pontifex, ut probaret, an revelationes S. Hildegardis Virginis essent a Deo, viros idoneos ad eam transmisit, qui ipsius spiritum examinarent, quemadmodum legitur in ejus vita scripta a Theodorico Abbate lib. 1. cap. 4. apud Laurentium Surium ad diem 17. Septembris: *At Papa summa discretionis, auditu tanta novitatis attonitus, cum Deo sciret cuncta esse possibilis, rem diligentius investigare gestiens venerabilem Viriduni Præsulem, & cum eo Adelbertum Primicerium, alisque personas idoneas dirigit ad cenobium, sub quo eadem Virgo tot annis degebat inclusa, ut sine strepitu, vel curiositatis acumine, quid rerum esset, ab ipsa sciscitarentur. Quibus humiliter inquirentibus cum illa simpliciter quæ de se erant, aperuisset, ad Apostolicum redierunt, & magna ipsius, magna cunctorum assantium expectatione, quæ audierant retulerunt. Concordant quæ habentur apud Scacchum de not. & sign. sanctis. sect. 8. cap. 4. ubi ait suspectam esse sanctitatem illorum, qui facile revelationibus sibi factis fidem adhibent, inconsultis Theologis, & Confessario. Præter hæc ex processibus videndum est, an qualitates ad sint, quæ in superioribus narrate sunt, & quarum ope discernitur, num revelationes fuerint a Deo, an non: & quatenus de hucusque deductis plane constet, in iudicio Beatificationis & Canonizationis habenda erit ratio revelationum, utpote quæ illustriorem reddunt sanctitatem; uti notavit Arauxo in decis. moral. tract. 3. *quest. 23. num. 17.* Quando revelationes ac visiones conjunctæ sunt cum miraculorum dono, & vita sanctitate, maxime qua in heroicis splendet virtutibus, valde ad probationem sanctitatis conducunt, ut patet ex vitis Sanctorum, & relationibus, ac processibus Canonizandorum.*

F I N I S.

EX-

EXCUDERANT ROMAE
NICOLAUS ET MARCUS PALMARINI
ACADEMIAE CONIMBRICENSIS
BIBLIOPOLAE ET TYPOGRAPHI ROMANI
AD THEATRUM POMPEII
ANNO MD. LXXVIII. MENSE AUGUSTI
SEDENTE
BENEDICTO XIV. PONT. OPT. MAX.
PONTIFICATUS EJUS
ANNO VIII.





